

E. 22 T.F.

Jan 10
m 74

Ext. 29. Feb. F.

Ex. 22. Vol. 7

DEFENSORIUM

SIUE CORRECTORIUM CORRUPTORIJ OPERUM
DIVI THOMÆ PRÆCEPTORIS ANGELICI,

ET QVÆSTIONES DISPVATÆ DE ESSE ET ESSENTIA :
MENSURA, COGNITIONEQVE ANGELORVM.

A BEATO ÆGIDIO COLUMNA ROMANO,

ORDINIS EREMITARVM DIVI AVGVSTINI
THEOLOGIÆ SACRÆ DOCTORE FVNDATISSIMO,

ARCHIEPISCOPO BITVRICENSI, AQUITANIÆ PRIMATE,

ET SANCTÆ ROMANÆ ECCLESIE CARDINALI,
NUNC DENVO PRÆLIO PRESSA STUDIO, AC INDVSTRIA

R. P. F. R. ANTONIJ DE AGUILAR

EGABRENSIS IN SACRA THEOLOGIA MAGISTRI, SANCTÆ INQVIGATIONIS
Qualificatoris, & in Regali S. Augustini Cordubensi Cœnobio de Gratia
studiorum Præfecti : quàm plurimis castigatis mendis, ac no-
tationibus, resolutionibus, & indicibus additis.



Editio

Tertia.

Cordubæ
Dñi.

Anno

1702.

REGIS LICENTIA:

Ex Typ. August. apud Lazarum de Risquez, & Antonium Rosellon.

DEFENSORIUM

SIVE CORRECTORIUM CORRUPTORI OPERUM
DIVI THOMAE PRÆCEPTORIS ANGELICI

ET QUESTIONES DISPUTATAE DE ESSE ET ESSENTIA
MENSURAE, COGNITIONIS ANGELICAE

A BEATO AGIDIO COLUMNA ROMANO

ORDINIS EREMITARUM DIVI AUGUSTINI

THEOLOGIE SACRAE DOCTORE PAVDATISSIMO

ARCHIEPISCOPO BITURICENSI, AQUITANAE PRIMATI

ET SANCTAE ROMANAE ECCLESIAE CARDINALI
NUNC DEVO PRELIO PRESSI STUDIO, AC INDUSTRIA

R. P. F. ANTONII DE ACULAR

EGABRINIS IN SACRA THEOLOGIA MAGISTRI, SANCTAE INQUISITIONIS
Qualificatoris, & in Regali S. Augustini Cordubensis Cathedralis de Gram
studiorum Praefecti: quibus plurimis castigatis mendis ac no-
tionibus, resolutionibus, & indicibus additis.



Tertia

Abaco
1701

Edicio

Corduba
Dici



ILLMO. AC RMO. PRINCIPI MAGISTRO

D.D.F^R. FRANCISCO

EMMANVELI DE ESTUNIGA ET SOTOMAJORI,
EPISCOPO CIVITATENSI,

REGIJS A CONSILIIJS.

UNIQUE EX PATRIBVS SELECTIS,
ET SAPIENTIORIBVS IN REGALI CONTUBERNIO
PER VIGILI

PRO DEIPARÆ PURISSIMA, IMMACVLATAQVE
CONCEPTIONE;

OLIM IN AUGVSTINIANA RELIGIONE
SEMEL ATQVE ITERVM REGALIVM COLLEGIORVM
RECTORI, DIFFINITORI, VISITATORI CASTELLANÆ
PROVINCIAE,
ATQUE PROVINCIALI DIGNISSIMO, &c.

IL L^{ME}. PRINCEPS



UM Beati, Fundatissimique Doctoris nostri ÆGIDIJ
Cardinalis Columna Romani opera litteris antiquio-
ribus obnubilata, novis characteribus in melio-
rem lucem præla sudant, ut tanti Magistri Sapiencia
clariùs expressa prosit, & fastidio lengentium secluf-
so, currat, evolet, & succurrat veritatis, & Funda-
toris Doctrinæ Amatoribus, labor desiderio nostro non impar, sed
egestati suppar, firmissimo fulcro tuo ad æternitatem venit tantam
commendare Columnam: vectigalia hæc munera cunctatori iustitia
non

non procrastino Illustrissima venerationi tuæ, nam nulli melius, si dona conferenda sunt recepturo; in claritatem etenim ÆGIDIJ opera prorumpentia sympatice magnitudinis, & excellentiæ tuæ gremium ambiunt. Si enim ÆGIDIUS Aravis Nobilissimus, tu Proavis Regibus, Principibus, ac Ducibus Bigerræ, Placentiæ, Mandarum, aliarumque ditionum fulgentissimo sanguine clares. Si ÆGIDIUS Augustiniana Familiae nomen dedit, tu nomen, ac famam. Si ÆGIDIUS omni sapientia nitidus, tu omnigenæ Doctrinæ jubar splendens. Si ÆGIDIUS Prudentissimus Rector, tu Solertissimus Moderator. Si ÆGIDIUS vigilantissimus Præsul, tu verè Centoculus Pastor. Si ÆGIDIUS Placidus, tu humanissimus. Si ÆGIDIUS Pius, tu Pater Pauperum. Si ÆGIDIUS Virtute decorus, tibi quasi familiæ genio regia virtus; tibi enim judico dictum ab Ennodio; *Tu quamvis de splendore natalium jubar hauseris, vincens decorem sanguinis ingenij claritate, dum corruscantem generis tui lampadem ætuum serenitate transcendis, factus es tui stemmatis victor, per quod plerisque mortalium nascendo superasti.* Si ÆGIDIUS itidem Angelici Magistri Defensor, te ejusdem D. Thomæ pro viribus Magnum Magistrum propugnatorem habet.

Defensorium igitur D. Thomæ, Prototypi tui, tibi debetur tamquam imagini, nam si imago Cæsaris, juxta Dominum, reddenda est Cæsari, ubi ÆGIDIJ ROMANI vultus splendet, similitudini veriori suæ debitum exolvit. Accipe igitur, Pientissime Pater, famuli tui affectum, quin Baticæ Provinciæ Alumnum dignoscas, Sol etenim ubique favet, & undique fovet, *Erit ita, ut iterum blaterem cum Ennodio: Dispensationis sacra de famulis stimare, quod exegis, in quibus agnoscis, totum tibi militare, quod prævalent.* Vale ad Divinum cultum, nostræque Religionis culmen, & ornamentum.

Illme. Domine.

Ad sacros obvolutus pedes Illustrissimæ tuæ.

Servus obsequentissimus

Fr. Antonius de Aguilar Augustinianus.

LICENCIA ORDINIS:

Magister Fr. Nicolaus Seranus Prior Generalis (licet indignus) totius Ordinis Eremitarum S. P. N. Augustini Rdo. P. Magistro Fratri Antonio de Aguilar Diffinitori Nostræ Provinciæ Baticæ salutem quã plurimam exoptamus ; & facultatem, ut Typis detur liber *D.N. B. Ægidij Romani* aliqua opera (aliàs nobis relata) continens, hisce nostris , servatis tamen servandis, libenter concedimus : quin potius gratias ex animo exequimur pro nostræ eximio Religionis zelo. Romæ die 5. Decembris 1700.

Fr. Nicolaus Seranus
Generalis.

CENSURA RR. PP. MM. ORDINIS PRÆDicatorum

Fratri Antonij de Alcala, qui regimen hujus Regalis D. Pauli Cordubensis Conventus pergravis dignissimè obtinuit, & Fratri Antonij de Pitillas, qui in alijs suæ Baticæ Provinciæ Cœnobijs Præsul extitit emeritissimum.

DVM nobis super hoc Beati Ægidij Columnæ Romani Ordinis Eremitarum S. P. N. Augustini Magistri Generalis, Sacræ Theologiæ Fundatissimi Doctoris, Archiepiscopi Bituricensis, & S. R. E. Cardinalis sapientiæ potiùs reperto thesauro, quàm aperto volumine, à D.D. Joanne Antonio de Victoria Cathedralis Cordubensis Ecclesiæ Canonico, hujus Diocesis Provisore, atque ab Eminentissimo D. Cardinale Salazar Vicario Generali censoria committitur facultas ; reverà corrigendi tollitur libertas, Neque enim (fatemur cùm Casiodoro) *fās erat, ut quem familia tanta produxit, sententia nostra in eo corrigendum aliquid inveniat.*

Casiodor.
lib. 9. variar.
sent. 22.

Retrò à sæculistam præexcellens Doctor Parisiorum Lutetiæ, ubi Lecturam super sententias splendidissimè gessit, Baccalaureatus gradum adeptus est, & primus in nostra Augustiniana familia Magistratus, seu Doctoratus insignia suscepit, scribit Angelus Rocca Episcopus Tagastensis. Si enim in Aureliano splendidissimo Orbe Magisterij laurea refulsit primus ? Quis dubitat, quòd sicut primus dies orbis unicus in orbe acclamatur, vel unus. Qui tamen unus (verba sunt Joannis Ravisij Textoris in laudem Budæi) invidiosam Athenis reddit, Lutetiam, facitque ; ut omnes propè ceteræ Nationes palmam desperent eloquentiæ. Ibi in medio Magnatorum doctrina Ægidij ut nova lux oriri visa est ; sed ubique in consilio sapientum miris laudibus commendata resplendet. Nullo præter proprii splendoris radiū exteræ approbationis eget subsidio. Sed ne videamur & mûneri deesse, & voluntati ; censuram proferemus, & laudem.

Episcop. Tagast.
in vita Ægidij.

Textor præfatione ad officinam.

Censemus præsens opus Defensorium Divi Thomæ, Tractus de Ente, & Essentia, ac de Mensura, & cognitione Angelorum complectens, suis veteribus exemplaribus evasisse per omnia conforme ; nihil que vitij ei irrepsisse veritatibus Catholicæ fidei repugans, moribus vè Christianis in minimo obstant : immò (cùm Diodoro siculo contestamur) nihil utilius, jucundius que contingere potest, quàm quod in humanæ vitæ theatro Historia (Theologia) partibus omnibus mirè instructum habeat.

Diodorus
siculo in
vit. Philip-
pi, & Alex-
xandri.

Laudibus pro viribus gratanter extollimus hunc præclarum Divi Thomæ discipulum Magistrum Angelicum à Nebulonum calumnijs vindicantem. Cui enim nisi Eliseo Spiritus duplex competebar Eliæ ? Et cui nisi zelanti Ægidio Angelicus debebatur Spiritus Thomæ ? Duplex utique requievit super eum : sapientiæ nimirum, & fortitudinis : ad veritatis firmam defensionem, & veritatis defensæ perpetuam claritatem.

Nimis sibi inter alios discipulo prædilecto Timotheo Magister callicus scribebat

bat Paulus : *Argue, obsecra, increpa (errantes, & resistentes purpuratus Cayetanus ex-*
plicit) in omni patientia, & doctrina. Erit enim tempus, cum sanam doctrinam non sustine-
bunt. Lumen, & robur pro sui defensione doctrinae in spiritu discipuli praevide-
bat Apostolus, dum sui transitus deliberationem praevidebat; ideoque suam illi
doctrinam commendabat. Sed adhuc acutiùs causam meditabatur Ambrosius.
Exemplum (inquit) piae conversationis, & sanae doctrinae in S. Timotheo vult relinquere; ut
per traducem nunquam deessent Doctores idonei. Quid pulchrius? Celsae suae sanctimoniae
Heredem, lucidae quae doctrinae traducem, & Defensorem D. Thomas reliquit
B. AEGIDIUM; ut per eum indefinenter, & Doctores instruantur veritatis, & Falla-
cium dispentur errores. Refulsit Sol in hujus DEFENSORII clypeo aureo, & scien-
tiae montes resplenduerunt ab eo; atque sicut clypeus Mirtelli elevatus in acie,
effugabat hostes solo visu; sic DEFENSORIO Egidij in lucem edito, D. Thomae
impugnatores digitum superposuerunt ori suo, Nos jam certè (de Garrulis alijs
D. Augusti. inquit M. P. N. Augustinus) etate nostra sic obmutuisse conspiciamus: ut vix jam in scholis
nus Epist. 56. Rethorum tantum commemoretur, quae fuerint illorum sententiae.

Tempus etiam hujus DEFENSORII observatu dignum existit. Angelico Do-
 ctore recenter è vivis sublato, nondum quae inter Sanctos adscripto, versuti qui-
 dam Nugatores insurrexerunt, putida sua censura purissimam illius doctrinam ma-
 culare gesticulantes. Tunc B. AEGIDIUS Consideravit in primis (casu non dissimili Textor
 Textor Epist. scribebat) quam stultè agant, qui suis ineptijs illustrium virorum majestatem contaminant, &
 nuncup. ad se se ut Lucifer Solis praepravit ad pugnam. Quare haud violenter D. Thomae in
 officinam. celum migranti, B. quae AEGIDIO ejus doctrinam defendenti illud adaptatur Eccle-
 siastici. Mortuus est pater ejus, & quasi non est mortuus: similem enim reliquit sibi post se. In
 Ecclesiast. c. vita sua vidit, & letatus est in illo: in obitu suo non est contristatus, nec confusus est coram
 30. inimicis. Reliquit enim DEFENSOREM domus contra inimicos, & amicis reddentem gra-
 tiam. Quibus Hugo Cardinalis adjecit: Mortuus est pater ejus (id est) filij sapientis: &
 Hugo hic. quasi non est mortuus; quia vivit in filio doctrina ejus, & conversatio. In doctrina Doctoris
 Angelici sapientia aedificavit sibi domum, & Doctor Fundatissimus veluti fortis
 armatus custodit atrium suum; ut in pace sint omnia, quae possidet. Nisi quis enim
 (ait S. Ceno) hostem, à quo impugnatur, expugnet; nunquam bonis suis poterit uti securus.

Quasi in brachijs Domini pia, & pretiosa morte Aaron defecturus, celsum
 S. Ceno fer. conscendit montem, ibi quae tria praeprata reperit caelitus speculcam, lectulum, lampadem.
 Marcant. Ita ex Hebraeorum monumentis tradit Marcantius. Verum quid quid sit de facti hujus
 Opusc. 5. x. veritate, Angelico Doctore quid simile accidit; siquidem instante vitae suae termi-
 nio. 1. no, in Fossa Nova corpori suo humando fossae invenit Speluncam, in caelis spiritui suo
 Mund. sym. perenniter beando floridum Lectulum, atque doctrinae suae luci servandae, & tuendae
 bolic. t. 2. c. in Aegidio inextinguibilem Lampadem. Et concinnè. Lampadi enim ab Picinelli ins-
 8. criptum fuit lemma mutuatum ab Ambrosio Lumen ab alio. Quod & ipsum Defen-
 B. Aegid. Venerabilis Doctoris B. AEGIDIUS promittit. Rursus repetit: Ut autem falsitatis tortuosa
 prae. gibbositas rectitudine veritatis ad ipsam applicatae cunctis appareat; aliqua dictorum Fr. Thomae veri-
 ad Defenso. tatem secundum datam à Deo sibi sapientiam declarantia, adducantur, per quae istorum sophisma-
 rum. & art. 1. ta dissolvantur. Consequenter quae in totius processu operis Articulis cunctis ab eo hic
 praefixus fuit titulus: Responsio ad haec secundum Thomam, Quid hoc, nisi uti lumine ab
 alio adhibito proprio? En lumen, & lampadem bajulam luminis; quin vel lux sit
 lampade clarior, vel luce lampas lucidior.

De uno, & eodem salvatore nostro sic insonuit Isaiae vaticinium: Egredietur ut splendor
 justus ejus, & Salvator ejus, ut lampas accendatur. Lucet splendor, Patris imagine inquit D. Tho-
 mas; & lampas accenditur in Humanitate assumpta; ut concors est Patrum senten-
 tia. Sed quare dicitur splendor, cum sit lumen? Quia Verbum est lumen de lumine à
 Patre procedens. Et quare lampas? Quia lumen ab alio, à quo procedit, custodit, accen-
 dit, diffundit, atque defendit. Claret lumen Patris splendore Filij, splendet lampas Filij
 lumine Patris, & tamen utriusque indivisum est lumen; immò uterque lumen est
 unum, & idem. Idem pro elogio sit Thomae, & AEGIDIJ, scintillat do-
 ctrina Thomae lampade AEGIDIJ, irradiat lampas AEGIDIJ lumine Thomae, & u-
 nico fulgore coruscant, O Fundatissime Doctor! In lumine tuo solis Aquinatis
 vidimus lumen.

Esto lucerna bonis , esto lucerna malis:

Ardens , & lucens gloria Patris eris.

Nedum in Angelici Doctoris doctrina firmissimè tuenda , verùm & in propria fundatissimè firmanda Columna ÆGIDIJ mirabilis fuit , veluti altera ignis , & nubes ; cui Dominus & præsens erat , & Præses ; ut filijs Israelitis & doctrix esset , & ductrix . Omnes ferè facultates ab præstantissima hujus Doctoris sapienti illustratione nimium provectæ gloriantur . In Physicis , Mentaphysicis , Naturalibus , Ethicis , Politicis , ac Moralibus mira ingenij dexteritate differuit , gyrum Theologici cæli perspicaciter circuevit ; atque sanctarum scripturarum scrutatus est profunda fluviorum . Reliquit in perenne monumentum tot lumina quot volumina re , & numero maxima ; quorum ex Trithemio , alijs que fidedignis Authoribus meminisse Episcopus Tagastensis . O utinam omnia prælo mandata , haberentur præmanibus ; ut non procul essent ab oculis ! *Si nihil unquam recens imprimeretur* (asserit Textor) *periculum esset ; ne tandem litteræ naufragium facerent , & perirent ab radice . Vides enim , vel injuria temporum , vel hominum incuria , opera , & vigilias multorum jam perisse , quorum nomina plurimi à nobis sunt , & pleno ore ad cælum feruntur , atque etiam frequenti omnium voto desiderantur . Jam jam Augustinianæ Familiæ studiosissimo zelo , atque R. A. P. M. Fr. ANTONIJ de AGUILAR indefessa vigilantia desiderium in possessionem transit . Plurimum quidem gratiæ deberi fateor* (inquit Roterodamnus) *ijs , qui bonos Auctores in lucem revocant . Respectu celeberrimi ÆGIDIJ pro communi commodo nostri est optare ; ut enim citius codices conscripti conficiantur , erit opus diligentie tuæ pro coronide cum Casidoro dicimus . Et diximus pro capto in hoc Regio Sancti Pauli Cordubensi Ordinis Prædicatorum Coenobio die 15. Augusti labentis anni 1701.*

Ep. Tagast.
in ejus vita
Textor ubi
supra.

Erasmus. Ro-
dero. in ca-
tum.
Casiodor.
hist. imperf.
lib. 2, c. 16.

Fr. Antonius de Alcalà.

Fr. Antonius de Pitillas.

LICENTIA ORDINARIJ.

NOS Doctor Dominus Joannes Antonius de Victoria Canonicus S. Ecclesiæ Cathedralis hujus Civitatis Cordubensis , Provisor , & Vicarius Generalis ejus , & totius Episcopatus ab Eminentissimo & R^{mo}. D. D. Petro divina misericordia S. R. Ecclesiæ Prefbytero Cardinali Salazar Domino meo , tituli S. Crucis in Jerusalem Episcopo hujus Diocesis , & Regis consiliario . Viso hoc libro B. Ægidij Columnæ Romani , quem nunc in lucem edit admodum R. P. M. Frater Antonius de Aguilar Ordinis P. N. D. Augustini in suo Regali Conventu de Gratia hujus Civitatis , & S. Inquisitionis Officij Qualificator : & inspecta Censura admodum RR. PP. MM. Fratris Antonij de Alcalà , & Fratris Antonij de Pitillas Ordinis Prædicatorum in Regio Divi Pauli hujus Civitatis Conventu , & quòd nihil continet alienum à nostra Sancta Catholica fide , & rectis moribus , licentiam concedimus , ut Typis mandari possit , & mandetur , in quocumque hujus Civitatis prælo . Datum Cordubæ die 22. mensis Augusti anni 1701.

Dr. D. Ioannes Antonius à Victoria.

De mandato D. Provisoris

Andreas Martinez Valcarcel.

RE-

REGII SENATVS LICENTIA, ET TAXATIO.

D. Joseph Franciscus de Aguiriano Dñi N. Regis Notarius, & residentium in suo Regio senatu Secretarius notum facio, quod reviso per Dominos Consiliarios libro typis dato sub titulo *Defensorium, seu Correctorium Corruptorij librorum S. Thomæ Aquinatis Angelici Præceptoris, & quæstiones de Ente & Essentia: de Mensura, cognitioneque Angelorum*, ex his quos elaboravit B. ÆGIDIUS Romanus, Archiepiscopus Bituricensis, Aquitaniæ Primas, & S.R.E. Cardinalis, ad cujus impresionem fuit obtenta licentia à P. M. Fr. Antonio de Aguilar Ordinis Eremitarum Divi Augustini. Ex decreto hac præsentem die expedito sancitum fuit unamquamque hujus Libri philuram venditari posse sex dipondijs, & non amplius, ut latius constat ex dicto decreto: in cujus rei testimonium præsentem exhibeo certificationem. Matriri datam die 6. Septembris, anno 1701.

D. Joseph Franciscus de Aguiriano,
ERRATA SIC CORRIGE.

Pag. 7. col. 1. lin 17. usque. leg. usque.
Pag. 33. col. 1. lin. 5. thonum, leg. thronum.
Pag. 16. col. 2. lin. 14. si per, leg. si pes.
47. 1. ult. & si nunquam peccassent. l. & si nunquam
moti fuissent, nunquam peccassent.
58. 1. 5. cropus, l. corpus.
60. 1. 11. sive ubi, l. sive Verbi.
124. 2. 7. nunquam, l. nunquam.
133. 2. 16. quem dimserunt, l. dimiserunt.
141. 2. 8. unde minor, l. miror.
147. 1. 3. necessavia, l. necessaria.
153. 1. 7. sine supposito, l. sive.
158. 2. 8. indebita, l. in debita.

IN QUÆSTIONIBVS DE ENTE ET ESSENTIA, & de Mensura & Cognitione Angelorum.

3. 1. 42. nobis cessatum, l. celatum.
7. 2. 9. sic quolibet, l. quodlibet.
8. 1. 25. & 26. colori, colorû, l. colori, colorum.
8. 2. 4. ultra per creationem, l. plura per creationem.
9. 1. 12. nihil mediâ, l. immediâ.
32. 2. 17. causam passi, l. causa erit passi.
37. 1. 7. cum sit major, l. minor.
64. 1. 43. in nullo receptum, l. in alio receptum.
80. 1. ult. materiam, l. naturam.
102. 1. 13. non dubitetur, l. non dubitet.
108. 2. 44. quo demundo l. quo dempto.
154. 1. 30. ævum differat l. ævum non differat.
157. 1. 7. munerata, l. numerata.
162. 2. 38. præsonæ, l. personæ.
163. 1. 1. æviternoam, l. æviternorum.
168. 2. 29. si non sit in subjecto, adde, per respectum
ad aliquid.
180. 1. 27. habet à loco, l. habetur.
184. 1. 11. galea etiâ ubi: ergo, l. galea: in ubi ergo.
212. 2. 27. amoto movetur, l. amovetur.
227. 1. 33. principaliter, l. principaliter.

245. 1. 46. super naturalem quæ, l. naturalem quæ.
247. 2. ante penul. scienciarum, l. sententiarum.
250. 1. 40. forma composita, l. opposita.
254. 2. 44. supernaturale, l. naturale.
256. 2. antepenul. succeptionem, l. successionem.
272. 2. 28. instanti verò, l. instantia.
273. 2. 21. reduci potest, l. possunt.
292. 2. 7. Angelus species, l. per species.
299. 1. 10. intelligit nec per se ipsum, l. intelligit
per se ipsum.
301. 1. 27. in potentiam, l. in potentia.
304. 2. 38. sed habent, l. habet.
307. 1. 31. etiam sit, l. scit.
317. 1. 41. natutura, l. natura.
323. 2. 34. sed sed, l. sed.
328. 2. ultim. sed concludebat, l. sed non concludebat.
330. 2. 16. esse ibi, l. esset ibi.
333. 1. 38. calefecit. l. tale sit.
Ibidem. 1. 8. si moveret se ipsum, l. si movere se ipsum.
337. 2. 48. subtractum, l. substratum.
340. 2. 46. amima, l. anima.
341. 1. 6. acquireret, l. acquireret.
345. 2. 45. tamen intelligit, l. tamen non intelligit.
347. 2. 51. ex pate, l. ex parte.
351. 2. 21. substinere, l. sustinere.
354. 2. 5. tamen hic, l. hoc.
363. 2. 8. ste, l. est.
365. 1. 34. hanc determinationem, l. hæc determi-
nationem.
373. 1. 11. convertet, l. converteret.
389. 1. 22. provabitur, l. privabitur.
Ibidem. 2. 37. in abjecto, in adjecto.
390. 1. 20. distinctionem Sortes, l. Sortis.
405. 2. 40. per interpositionem terræ, l. Lunæ.
409. 2. 38. modo mensuratur, l. modo tempore
mensuratur.
427. 2. 46. Magisteter, l. Magister.
437. 2. 25. sed quæ, l. sed si quæ.
448. 2. 4. representant, l. representat.

Vidi hunc librum Eminentissimi Cardinalis ÆGIDII Columnæ Romani, & his mendis suo exemplari responder. Matriri die 5. mensis Septembris anno 1701.

L. D. Joseph Bernardus del Rio y Cordido,
Corrector Generalis.

AD LECTOREM



UM præ librorum inopia, vel eorum prisca exaratione Doctoris Nostri Fundatissimi B. ÆGIDIJ Columnæ Romani disciplina ab ejus ecclis in suo fonte libari nequireret, opus quidam arduum, & humeris nostris dispar, sumus aggressi, ut aliqua tanti Doctoris scripta in novam lucem prodirent, ut oculos typis facilioribus assuetos characterum vetustas non offenderet, quin etiam renovatis coloribus alliceret. Et primo in Sententiarum Magistro edito commentario, secundum ordo poscebat: verum ad quæstiones disputatas de Ente & Essentia, de Mensura, Cognitioneque Angelorum laborem nostrum convertimus, tum quia in eis operam prius Doctor noster impendit, tum quia exemplar magis blattis obtritum, breviationibus & mendis obstrusum, legentibus negotium faceflebat: idè quæ præ alijs recudendum selegimus; sed cum paucis blandiretur folijs, & voluminis egestas aliquibus non arrideat: *Quia sunt qui magis gaudent (ut aiebat Chysoctomus) foliorum amœnitate conspergi, quàm fructuum ubertate nutriri.* Defensorium operum Præceptoris Angelici Divi Thomæ Aquinatis præfiximus, ut ex utriusque Doctoris doctrina uberes sapientiæ fructus capefferent, sapienter veritati obsequentes proclamâti: *Sapientiam omnium Antiquorum exquiret sapiens. Narrationes virorum nominatorum conservabit.* Non corruptorem imitantes, ut livoris caligine tabidi proprijs nebulis lucem offuscare nitantur. *Nam Solis aspectum (verba sunt Calsiodori 7. variar. 37.) nisi clara lumina non requirunt, quia illi tantum possunt rutilantes pati radios, quos constat oculos habere purissimos.*

Adepto igitur, non sine ingenti cura, ad exemplar unico Defensorio secundæ impressionis editæ anno 1644. à Rdo. admodum P. Fratre Angelo à Sanctissimo Sacramento Priore Collegij S. Januarij Neapolis Ordinis Carmelitarum discalceatorum, qui ipsum Ex^{mo}. dicavit Principi, D. Prospero Columna, Hybernix Priori meritissimo ex clarissima Doct. N. profapia, ut hujus memoria illius gloriâ præfagiret sempiternam. Quod etsi haud longo temporis elapsu communi luci sit restitutum, nostrorum tamen lumina illius splendore se orbata deplorabant, meritòque, eum impendio flagrantibus, solatium afferre impressionem nostram arbitramur. In qua Patrum sententias, & præcipuè P. N. Aug. cum originalibus contulimus, & in quæstionibus disputatis ad marginè citationes, & aliqua summariola affiximus, indice ditavimus, & præ omnibus labor fuit errata corrigere & extirpare, sed evieit chalcographorum incuria, quæ avullas à proprio loco litteras & divisiones non devolvebat, sed passim apud aliû collocabat: & si in his & alijs continuus & labor summus censuram potius, quàm expetitam promereatur veniam: *Quia haud facile (expertus pluries aiebat Gentilis) absque apicis nota omnium obtutibus perspicacibus chartulam quamvis minimam apponere:* eam supremo Domino JESU-CHRISTO de commissis erroribus pro me orans flagitato.

INDEX ARTICULORUM

HUJUS CORRECTORIJ ÆGIDIJ ROMANI.

ARTICVLI PRIMÆ PARTIS S. THOMÆ.

- Art. I.* Deus in patria per essentiam videtur, & non per speciem creatam. Pag. 2.
- Art. II.* Intellectus non cognoscit singularia. pag. 7.
- Art. III.* Deus cognoscit futura contingentia, ut actu præsentia. pag. 8.
- Art. IV.* Quædam sunt, quæ in Deo non habent proprias ideas. pag. 11.
- Art. V.* Univerſum non poteſt eſſe melius propter decentiſſimum ordinem. pag. 13.
- Art. VI.* Mundum incepſiſſe, non poteſt demonſtrari. pag. 14.
- Art. VII.* Non ſequitur, ſi Deus eſt cauſa actiua, quòd ſit prior mundo duratione, ſecundùm eos, qui ponunt mundi æternitatem pag. 18.
- Art. VIII.* Non eſt niſi unum individuum uniſus ſpeciei in rebus incorruptibilibus. p. 20.
- Art. IX.* Non eſt poſſibile eſſe aliam terram, quàm iſtam. pag. 21.
- Art. X.* Angelus non eſt compoſitus ex materia, & forma. pag. 22.
- Art. XI.* Impoſſibile eſt duos Angelos eſſe ejuſdem ſpeciei. pag. 26.
- Art. XII.* Genus, & differentia accipiuntur penes determinatũ, & indeterminatũ. p. 28.
- Art. XIII.* Angelus, cùm ſit forma ſubſiſtens, incorruptibilis eſt neceſſariò. pag. 29.
- Art. XIV.* Multitudo ſecundùm materiam, cùm in infinitum protendi poſſit, non intenditur ab agente, ſed multitudo ſecundùm ſpeciem. pag. 31.
- Art. XV.* Chriſtus poſt reſurrectionem habuit tale corpus, in quod poſſet cibus converti. pag. 31.
- Art. XVI.* Angelus poteſt tranſire ab extremo in extremũ nõ tranſeũdo mediũ. pag. 32.
- Art. XVII.* Nõ eſt poſſibile quòd aliquid in toto tempore præcedenti ſit in uno termino, & in ultimo illius temporis ſit in alio termino. pag. 34.
- Art. XVIII.* Omnes ſpecies, per quas intelligunt Angeli, ſunt eis connaturales. pag. 35.
- Art. XIX.* Intellectus non poteſt ducere formas materiales ad eſſe intelligibile, niſi priùs duceret eas ad eſſe formarum imaginatarum. pag. 37.
- Art. XX.* Angelus ſuperior intelligit per ſpecies pauciores, & univerſaliores. pag. 38.
- Art. XXI.* Angelis data eſt gratia, & gloria ſecundũ gradũ ſuorum naturalium. pag. 40.
- Art. XXII.* Angeli boni non merentur præmium accidentale. pag. 42.
- Art. XXIII.* Diabolus ſtatim poſt primum inſtans ſuæ creationis peccavit. pag. 45.
- Art. XXIV.* Viſ appetitiua proportionatur apprehenſioni, à qua movetur, ſicut mobile à motore. pag. 47.
- Art. XXV.* Voluntas Angeli inhæret ſuo volito immobiliter. pag. 47.
- Art. XXVI.* Locus non eſt pœnalis Angelo quaſi afficiens alterando naturam, ſed afficiens contriſtando voluntatem. pag. 48.
- Art. XXVII.* Materia non poteſt tempore præcedere ſuam formam. pag. 50.
- Art. XXVIII.* Anima nõ eſt compoſita ex materia, & forma. pag. 52.
- Art. XXIX.* In ſubſtantijs ſeparatis nõ eſt diverſitas ſecundùm numerũ abſque diverſitate ſecundùm ſpeciem. pag. 54.
- Art. XXX.* Anima rationalis numeratur per numerationẽ corporis. pag. 55.
- Art. XXXI.* In homine nõ eſt niſi una forma ſubſtantialis. pag. 57.
- Art. XXXII.* Nulla diſpoſitio accidentalis præeſiſtit in materia ante inductionem formæ ſubſtantialis. pag. 64.
- Art. XXXIII.* Memoria, prout eſiſtit in parte intellectiva, non reſpicit præteritum, ut præteritum. pag. 71.
- Art. XXXIV.* Intellectus ſimpliciter eſt altior potentia, quàm voluntas. pag. 70.
- Art. XXXV.* Quantò corpus eſt nobilius, tantò meliorẽ ſoritur animã. pag. 75.
- Art. XXXVI.* Anima ſeparata intelligit per ſpecies ex influentia Divini luminis participatas. pag. 76.
- Art. XXXVII.* Anima ſeparata intelligit ſe ipſam per ſe ipſam. pag. 77.
- Art. XXXVIII.* Diſtantiã localiſ non impedit cognitionem animæ ſeparatæ. pag. 78.
- Art. XXXIX.* Præmium eſſentiale reſpondet quantitati charitatis, & nõ quantitati operis. pag. 79.
- Art. XXXX.* Nihil omnino in nihilum reſigitur. pag. 80.
- Art.*

INDEX

- Art. XXXXI.* Angeli superiores quidquid à Deo recipiunt, subjectis impartiuntur. pag. 81.
Art. XLII. Distantia localis nullū facit impedimentum in locutione Angelorū. pag. 82.
Art. XLIII. Omnes Angeli sunt in aequalibus. pag. 84.
Art. XLIII. Angeli, qui sunt in terminis duorum ordinum, magis conveniunt secundū propinquitatem naturæ, quā unus eorū cū alijs aliquibus sui ordinis. pag. 85.
Art. XLV. Ens per accidens non habet causam. pag. 86.
Art. XLVI. Omnes humani intellectus sunt ejusdem gradus. pag. 88.
Art. XLVII. Additio ad formam substantialem mutat speciem. pag. 88.
Art. XLVIII. In homine est tantū una forma substantialis. pag. 89.
Art. XLIX. Quædam additiones rationum quibus potest apparere, quod ponere plures formas substantiales in eodē repugnat fidei. pag. 93.

Articuli S. Thomæ in Prima Secundæ.

- Art. I.* Essentia beatitudinis consistit in actu intellectus, non voluntatis. pag. 95.
Art. II. Intellectus est altior potentia, quā voluntas. pag. 100.
Art. III. Beatitudo consistit in visione Divinæ essentiæ, sed rectitudo voluntatis requiritur antecederet, & cōcomitater. p. 101.
Art. IV. Animæ humanæ remanet esse compositi post corporis destructionē. pag. 101.
Art. V. Beatitudo non crescit corpore resumpto intensivè, sed extensivè. pag. 102.
Art. VI. Homo est sui actus Dominus, quia habet deliberationē de suis actibus. pag. 103.
Art. VII. Homo per rationē determinat se ad volendum, quod est verè bonum, vel apparens. pag. 106.
Art. VIII. Imperare est actus rationis præsupposito actu voluntatis. pag. 106.
Art. XI. Primum movens ad exercitium actus in viribus animæ est voluntas. pag. 107.
Art. X. Radix libertatis est voluntas ut subjectum, sed sicut causa est ratio. pag. 108.
Art. XI. Ratio est proprium principium actus mali. pag. 109.
Art. XII. Matrimonium fuit in veteri lege, prout fuit in officium naturæ, non prout est Sacramentū Christi, & Ecclesiæ. pag. 110.

Articuli S. Thomæ in Secunda Secundæ.

- Art. I.* Charitas non potest augeri per addi-

- tionem charitatis ad charitatem. pag. 112.
Art. II. Augmento charitatis nullus potest terminus præfigi in via. pag. 115.
Art. III. Non est obediendum Prælato contra præceptum Divinū. pag. 118.
Art. IV. In his, quæ pertinet ad interiorem motum voluntatis, homo non tenetur obedire homini, sed Soli Deo. pag. 121.
Art. V. Mendacium officiosum, vel jocosum non est peccatum mortale in viris perfectis, nisi ratione scandali. pag. 122.
Art. VI. Spiritus Sanctus movebat mentes militum ad dividendum vestimenta Christi. pag. 126.
Art. VII. Alienatio à sensibus in Prophetis non fit cum aliqua inordinatione naturæ. pag. 127.
Art. VIII. Possibile est diutius consistere in operatione cōtēplativæ, quā activæ. pag. 128.
Art. VIII. Perfectio christianæ vitæ consistit in consilijs instrumentaliter, & in præceptis essentialiter. pag. 129.
Art. X. Status Prælatorum est perfectior simpliciter, quā status Religiosorū. pag. 132.
Art. XI. Perfectio vitæ Christianæ non consistit essentialiter in voluntaria paupertate. pag. 134.
Art. XII. Quædam verba Christi non sunt dicta præcipiendo secundū S. Augustinum. pag. 135.
Art. XIII. Paupertas, continentia, & abstinencia nō pertinent essentialiter ad perfectionem, sed instrumentaliter. pag. 137.
Art. XIV. Religiosus profitendo non vover servare omnia, quæ sunt in regula. pag. 139.
Art. XV. De quibusdam, quæ dicit S. Thomas circa statum Religiosorum. pag. 142.
Art. XVI. Si Monachi essent laici, liceret transire eis de ordine Monachali ad ordinem Canonicorū regularium. pag. 147.

Articuli S. Thomæ in materias, seu quæstiones de veritate, & de Anima, ac virtutibus.

- Art. I.* Deus potest facere omne illud, cujus rationi esse non repugnat. pag. 149.
Art. II. Æternitas est præsens omni differentię temporis. pag. 150.
Art. III. Materia non habet propriam ideam in Deo. pag. 151.
Art. IV. Accidentia non habent propriam ideam. pag. 151.
Art. V. Una idea respondet generi, speciei, & individuo in eodem. pag. 152.
Art. VI. Defectus in ratione præcedit peccatum in motu voluntatis. pag. 153.
Art.

INDEX

- Art. VII.* Anima separata patitur ab igne corporeo, in quantum impeditur à propria operatione, vel aliquo sibi competentì. pag. 156.
- Art. VIII.* Ignis infernalis non potest agere in spiritum, ut in subiectum Divinæ justitiæ, nisi in quantum in eo exercet aliquam actionem naturalem. pag. 188.
- Art. IX.* Potentiæ activæ non sunt in materia. pag. 189.

De Anima.

- Art. I.* Esse animæ communicatur corpori, si-ve esse animæ est esse conjuncti. pag. 189.
- Art. II.* In separatis à materia non potest esse distinctio nisi secundum speciem. pag. 190.
- Art. III.* Angeli differunt specie. pag. 191.
- Art. IV.* Cœli secundum Philosophos sunt animati. pag. 193.
- Art. V.* Anima unitur materiæ corporali sine medio. pag. 195.
- Art. VI.* Anima non est composita ex materia, & forma. pag. 196.
- Art. VII.* Substantiæ spirituales superiores intelligunt per species pauciores. pag. 197.
- Art. VIII.* Anima in statu viæ non potest intelligere sine phantasmatibus. pag. 198.
- Art. VIII.* Cognitio animæ separatæ, quoad aliquid est confusa, & universalis. pag. 199.
- Art. X.* Quia intellectus noster non cognoscit singularia materialia primò. pag. 199.

De Virtutibus.

- Art. I.* Quòd ista verba Domini: *Nihil tuleritis in via*, non pertinent ad perfectionem. pag. 201.

Articuli S. Thomæ in materijs, & quæstionibus de potentia Dei.

- Art. I.* Materia, propriè loquendo, non habet ideam in Deo. pag. 204.
- Art. II.* Anima vegetabilis, sensitiva, & rationalis sunt una anima. ibidem.
- Art. III.* Deus non alia operatione producit res, & conservat in esse. pag. 205.
- Art. IV.* Substantiæ separatæ non sunt com-


positæ ex materia & forma. pag. 208.


Articuli S. Thomæ in quolibet.

- Art. I.* Angelus per applicationem virtutis est in loco. pag. 207.
- Art. II.* Impossibile est esse plures formas in eodem. pag. 208.
- Art. III.* Religiosus non tenetur in casu secretum sibi commissum ipsi prælato revelare. pag. 209.
- Art. IV.* Subditus non tenetur revelare culpam fratris prælato etiam præcipienti, non præcedente admonitione. pag. 209.
- Art. V.* Perjurium est majus peccatū, quàm homicidium. pag. 211.
- Art. VI.* Intendens vovere omnia, quæ sunt in regula, peccat mortaliter transgrediendo. pag. 212.
- Art. VII.* Christus in triduo non fuit idem, quod prius quoad aliquid. pag. 213.
- Art. VIII.* Deus non potest facere materiam esse sine forma. pag. 214.
- Art. IX.* Demonstrari non potest mundum non esse æternum. pag. 215.

Articuli S. Thomæ in Primo Sententiarum.

- Art. I.* Potentiæ animæ sunt in accidentia. pag. 217.
- Art. II.* Primum mobile est compositum ex motore, & moto. pag. 219.
- Art. III.* Primus motus est causa omnis motus corporalis. pag. 220.
- Art. VI.* Anima non est composita ex materia & forma. pag. 221.
- Art. V.* Per conjunctionem animæ ad corpus non efficitur aliud esse. pag. 223.
- Art. VI.* Anima individuatur per corpus, nec potest prius creari, quàm infundi. ibidem.
- Art. VII.* Nulli simplici debetur locus nisi per relationem ad corpus. pag. 223.
- Art. VIII.* Pater, & Filius virtute unius naturæ spirant Spiritum Sanctum. ibidem.
- Art. IX.* Habens meliora naturalia plus recipit de gratia. pag. 227.





BEATI ÆGIDIJ

COLUMNÆ ROMANI,

ORDINIS EREMITARUM

DIVI AVGVSTINI GENERALIS MAGISTRI, SACRÆ

THEOLOGIÆ DOCTORIS FVNDATISSIMI,

ARCHIEPISCOPI BITVRICENSIS, ETS. R. E. CARDINALIS

DEFENSORIVM,

SIVE CORRECTORIVM

CORRVPTORIJ IN PRIMAM PARTEM SVMMÆ

THEOLOGIÆ S. THOMÆ AQVINATIS ANGELICI

PRÆCEPTORIS ORDINIS PRÆDICATORVM.



QVARE detraxistis sermonibus veritatis, cum ē vobis nullus sit qui possit arguere me? Ad increpandum tantum eloquia concinnatis, & inventum verba profertis. Super pupillum irruitis, & subvertere nitimini amicum vestrum. Respondete obsecro absque contentione: & loquentes id quod justum est, judicate. Et non invenietis in lingua mea iniquitatem: nec in faucibus meis stultitia personabit. Iob. 6. Quæstio proposita optimē in persona Fratris Thomæ Doctoris eximij (cujus doctrina fulget Ecclesia) potest proponi quibusdam, qui ejus doctrinam, immo veritatem, quam docuit, depravare nituntur, ipsius sermonibus veritate plenis, & spiritu veritatis instigante conscriptis detrahentes. Et hæc ex eorum sententia de verbo ad verbum per singulos articulos digesta, & convenienter ex dictis ejusdem Venerabilis Doctoris exterminata, Deo juvante, patebit.

A

ARTI-

ARTICULI IN PRIMAM PARTEM.

ARTICVLVS PRIMVS.

A

CORRVPTORIUM.



DEVS in patria videtur per suam essentiam; & non per speciem creatam. Thomas enim 1. p. q. 12. art. 2. quærens: An Divina essentia videatur ab intellectu creato per aliquam similitudinem mediam? Dicit in responsione principali, quod requiritur aliqua similitudo, id est, lumen gloriæ ex parte videntis, sive ex parte visive potentiæ, qua scilicet intellectus fit efficax ad videndum Deum; sed ex parte rei visæ, quam necesse est aliquo modo uniri videnti, per nullam similitudinem creatam Dei essentia videri potest; & hoc videtur insinuare, & ostendere quatuor rationibus.

Prima ratio, per quam hoc insinuat; licet non expresse; talis est. Similitudo non est necessaria ad aliquam cognitionem sensitivam, vel intellectivam, nisi quia res ipsa non potest esse in sensu, vel intellectu. Oportet autem quod cognoscibile sit in cognoscente: illud autem, quod non est per essentiam suam cognoscibile, oportet, quod sit in cognoscente per suam similitudinem. Sed Deus est intelligibilis per suam essentiam; non ergo oportet, quod per suam similitudinem.

Secunda ratio est: sicut dicit Dionys. 1. de Div. nom. per similitudines rerum inferioris ordinis, nullo modo possunt superiora cognosci, sicut per speciem corporis nullo modo potest cognosci substantia rei incorporeæ: multo ergo minus Essentia Divina per quamcumque speciem creatam poterit cognosci, vel videri.

Tertia ratio: Essentia Dei est ipsum esse ejus, quod nulli formæ create competere potest: non potest ergo aliqua forma creata esse similitudo representans videnti Divinam essentiam.

Quarta ratio est: Divina essentia est aliquid incircumscriptum continens in se supereminenter quicquid potest significari, vel intelligi ab intellectu creato; sed hoc nullo modo potest representari per aliquam speciem creatam. Quia omnis species, sive forma creata est determinata ad aliquam rationem, vel sapientiæ, vel veritatis, vel ipsius esse, vel alicujus hujusmodi. Dicere ergo Deum videri per aliquam similitudinem creatam est dicere Divinam essentiam non videri.

Ista positio non placet nobis, quia videtur falsa, & contra auctoritates sanctorum. Dicit enim Augst. de Trinit. cap. 11. Cum enim Deum novimus, quamvis meliores efficiamur, quam eramus antequam nossemus, maximeque cum eadem notitia, etiam placita digneque amata verbum est, fitque aliqua Dei similitudo illa notitia, tamen inferior est, quia in inferiori natura est. Hic expresse dicit Augustinus in mente noscentis Deum fieri aliquam Dei similitudinem; quia constat, quod Divina essentia non est se ipsa inferior.

Si dicas (sicut dicit Thomas) quod Augustinus loquitur de cognitione Dei, quæ habetur in via. Sufficit nobis ad propositum, quod saltem hoc habemus, quod ubi Divina essentia præsens est per se ipsam, potest fieri similitudo ipsius, & quod per similitudinem cognoscitur.

Præterea: Ansel. Monol. cap. 31. Quamcumque rem mens cupit veraciter cogitare, sive per corporis imaginem, sive per rationem, ejus utique similitudinem, quantum valet, in sui cognitione conatur exprimere; quod quanto verius facit, tanto verius rem ipsam cogitat.

Præterea: positio ista non videtur consentanea sibi ipsi. Videmus enim, quod ad intelligendum quid creatum, ad minus requiruntur duo, scilicet, similitudo rei intellectæ informans intellectum; & lumen intelligibile sub quo, & in quo ipsa res videtur per suam similitudinem. E converso ipse ponit in Deo, & dicit, quod ad videndum Dei essentiam non requiritur aliqua similitudo ex parte rei visæ, cum per nullam similitudinem creatam Divina essentia videri possit; sed ex parte potentiæ visivæ, scilicet lumen gloriæ confortans intellectum ad videndum. Sed videtur, quod qua ratione Divina essentia possit esse forma intellectus per se informans ipsam ad intelligendum; pari ratione potest esse per se lumen illuminans, & confortans ipsum ad videndum. Et si lumen naturale, quod non est Deus, potest ex se gignere, vel facere lumen intelligibile, quasi speciem sui, in quo videatur; quare non eodem modo potest Essentia Divina generare, vel facere similitudinem sui, in qua videatur?

Præ-

Præterea : in colore , & alijs intentionibus visibilibus differunt species, per quas videtur , & lumen in quo, vel sub quo videtur ; sed in luce visibili non differunt species lucis , & lumen , sed ipsum lumen est ipsa species , sive similitudo lucis. A simili videtur , quod ita sit in luce intelligibili , quæ Deus est : ergo lumen intelligibile, quod est lumen gloriæ, est ipsamet species lucis increatæ, quæ Deus est, per quam videtur, & in qua. Ponere ergo quod Divina essentia non videatur mediante specie sua, vel similitudine, & quod mediante lumine, quod sit illius similitudo, videatur, est ponere contraria.

Ad rationes Thomæ respondendum erit.

Ad primam cum dicit , quod re præsentante non est necessaria similitudo rei. Dico, quod falsum est. Nam constat , quod anima est sibi præsentissima, & tamen non intelligit se nisi per similitudinem. Vnde dicit *Anselmus Monol. 31. cap. Habet mens rationalis, cum se cognoscendo intelligit, secum imaginem suam ex se natam, id est, cognitionem sui ad suam similitudinem quasi sua impressione formatam.... quæ imaginis verbum ejus est.*

Et etiam Commentator super tertium de Anima super illam particulam : *Et est intelligibilis sicut intellectus.* Dicitur, scilicet, Aristotel. de intellectu materiali , utrum intellectum ex eo ipse sit intellectus : an aliud aliquo modo sit in intellectu ? Et incipit determinare , quod est intellectum in eo per intentionem , ut aliæ res intellectæ. Vel potest dici, quod licet sit præsens intellectui , non tamen est præsens in ratione cognoscibilis , & moveat intellectum , quod fieri non potest nisi per formam fluentem , non aiescentem : sicut videmus , quod innaturalis calor ethicæ , qui versus est in habitum , & quasi quiescens , parum , aut nil sentitur a patiente. Calor autem tertix , qui longè minor est, valdè sensibilis, quia est in fieri , & transmutatione. Vnde cum Divina essentia nullo modo possit intellectu esse , ut in fieri , & transmutatione ; sed sic se habere potest similitudo Divinæ essentix : hinc est , quod ad intelligendum non sufficit Divina essentia, quamvis præsens sit intellectui , sed requiritur similitudo ejus , & hæc est Doctrina vicene sexto naturalium part. 2. cap. 3. & in part. 4. cap. 2.

Ad secundum de Dionysio , quod superiora non possunt cognosci per similitudines infe-

rioris ordinis. Dicendum , quod illa verba non inveniuntur in nostra translatione. Eto tamen quod inveniuntur in alia. Dicendum , quod *Dionysius* per similitudines inferioris ordinis non intelligit similitudines genitas, vel expressas à re , sed rerum materialium proprietates , in quantum sunt symbolicæ similitudines rerum immaterialium , sicut proprietates ignis , & leonis solum sunt symbolicæ similitudines proprietatum Dei , & de talibus similitudinibus verum dicit ; sed non est ad propositum.

Ad tertium cum dicit , quod Divina essentia est suum esse , quod nulli formæ creatæ potest competere. Dico, quod illa species repræsentat Deum , & quantum ad essentiam , & quantum ad esse ; & hoc possibile est, quamvis ipsa forma non sit suum esse : non enim requiritur omnimoda proportio inter similitudinem , & rem cujus est similitudo. Species enim sive similitudo in anima non est corporalis : sicut dicit *Augustinus de Trin. 13. cap. 16. Species rei vivæ non est res vivæ, & tamen repræsentat eam vivam.* Similiter dico in proposito , quod species sive similitudo Divinæ essentix , quamvis ipsa non sit suum esse , tamen repræsentat Divinam essentiam , & quod ipsa est suum esse.

Ad quartum , quod Divina essentia est incircumscripita. Dicendum , quod ex hoc non sequitur , quod Divina essentia non possit cognosci per speciem terminatam , & finitam ; sed sequitur , quod per talem speciem non possit cognosci perfectè , scilicet , quantum cognoscibilis est : sic enim non est cognoscibilis à creatura , nec per creaturam ; sed à seipsa per seipsam.

Responsio ad hæc secundum Thomam.

Istam veritatem , scilicet , quod Deus à Beatis in patria videtur per essentiam suam , & per nullam speciem creatam mediam , docet *Frater Thomas prima parte quest. 12. art. 2 Et in questionibus disputatis de Veritate, in questione prima de cognitione Angelorum. Et alibi contra Gentiles lib. 3. cap. 49. & 50. & 52.* Cujus doctrina divinitus inspirata , si rectè intelligatur, omnes prædictæ cavillationum tenebræ , quasi infusa luce evanescunt. Ut autem falsitatis tortuosa gibbositas rectitudine veritatis ad ipsam applicatæ cunctis appareat , aliqua dictorum Fratris Thomæ veritatem secundum

4
dum datam à Deo sibi sapientiam declarantia adducantur; per quæ istorum sophismata dissolvantur, & rationes ejus veritatem ostendentes, per eorum cavillationes nequaquam impediri possint, comprobentur: quem modum in singulis articulis sequentibus tenebimus, Deo iuvante.

Ad evidentiam ergo prædictorum sunt duo consideranda, scilicet, qualiter Deus potest esse, & est forma intelligibilis immediate informans intellectum ad intelligendum, sive cognoscendum in Beatis. Et qualiter oportet, quod intellectus sic informatus per habitum luminis gloriæ elevetur.

Primum docet Thom. Con. Gentiles lib. 3. cap. 49. ubi sic dicit: *Substantia, quæ est per se subsistens vel est forma, vel est compositum ex materia, & forma.* Illud autem, quod est compositum ex materia & forma, non potest esse alteri forma, quia in eo forma jam contracta est ad illam materiam, quod forma alterius esse non possit. Illud autem, quod est solum forma subsistens, potest etiam alteri esse forma; dummodo habeat esse tale, quod potest ab alio participari, cujusmodi est anima. Si verò esse ejus non potest ab aliquo alio participari, cujusmodi est Angelus, vel intelligentia, nulli rei potest esse forma, quæ sic determinatur per suum esse, quod non potest esse alterius rei forma: sicut materialia ita determinantur per suam materiam, quod non possunt esse aliarum rerum forme. Hoc autem, sicut in esse naturali, & substantiali invenitur, sic in esse intelligibili considerandum est. Cum enim perfectio intellectus sit verum, illud intelligibile est, ut forma tantum in genere intelligibilium; quod est ipsa veritas; quod convenit soli Deo. Nam cum verum sequitur esse, illud tantum est sua veritas, quod est suum esse, quod est proprium soli Deo. Alia igitur substantia intelligibilia non sunt pura forma in genere intelligibilium; sed ut formam habentia intelligibilem in subiecto. Est enim unumquodque eorum verum non veritas, sicut ens non esse. Sola igitur Essentia Divina potest esse intellectui creato, ut forma, & species intelligibilis, quæ intelligit: nec tamen potest esse forma alicujus alterius rei secundum suum esse naturale; sequeretur enim, quod simul cum alio conjuncta constitueret aliquam unam naturam, quod est impossibile, cum Di-

A
vina essentia in se perfecta sit in sua natura: Species autem intelligibilis unita intellectui non constituit aliquam naturam novam, sed solum perficit ipsum ad intelligendum: quod perfectioni Divinæ essentiae non repugnat, cum sit tantum forma, & para species intelligibilis: ut patet ex dictis.

Secundum, scilicet, quod ad hoc, quod intellectus creatus ista forma, ac specie intelligibili informetur, oportet, quod per lumen gloriæ sublimetur.

Docet Thomas eodem libro cap. 51. ubi sic dicit: *Quod impossibile est, quod id, quod est alicujus rei forma propria, fiat forma alterius, quod non participat aliquo modo similitudinem illius rei, cujus est illa forma propria, sicut lux, quæ est propria forma corporis summe diaphani, nullo modo fieret forma, vel actus alicujus, quod nullo modo participat diaphaneitatem.* Essentia autem Divina est propria forma intelligibilis intellectus Divini: utpote ipsi soli proportionata. Impossibile est ergo, quod Essentia Divina fiat sicut forma intelligibilis, vel species alicujus intellectus creati, qui non est Deus, nisi intellectus ille aliquam similitudinem Dei participet. Cum autem ista forma, scilicet Dei, sit nobilissima, oportet dispositionem ipsam, vel similitudinem à Deo participatam esse nobilissimam; hujusmodi autem est habitus luminis gloriæ in patria: de quo dicitur in psalm. *Et in lumine tuo videbimus lumen*, scilicet Divinæ essentiae.

Et nota, quod illa dispositio, qua intellectus creatus ad intellectualem Dei visionem extollit, congruè lux gloriæ dicitur; non propter hoc quod facit intelligibile in actu, cui lux intellectus agentis, sed propter hoc, quod facit intellectum patientem actu intelligere. Vade ibidem plures alias efficaces rationes ponit hoc idem ostendentes, scilicet, quod ad hoc quod Dei essentia videtur, oportet intellectum per lumen gloriæ elevari. Ex his, quæ docet Thomas, iter possibilitas positionis prædictæ superis impugnatur.

Ad Objectiones Corruptoris.

A
D primum dicitur, quod obijciunt in contrarium de August. de Trinit. lib. 9. cap. 11. dicamus ut dicit Thom. Quod illa auctoritas habet intelligi de noticia Dei in via. Et quando coniungitur, quod hoc sufficit nobis ad propositum manifestum est, quod

quòd non dicunt verum. Licet enim Deus in via per speculū, & in ænigmate cognoscitur per similitudinem aliquam à se creatam imperfectè, non tamen in patria: ubi sicuti est ad videndum eum non sufficit aliqua similitudo creata: immò nec universalitas creaturæ, quoniam impossibile foret, quòd ipsum sufficienter in tali visione repræsentaret. In via autem, ubi per creaturas Deum cognoscimus, conceptum nostrū tali cognitioni expressum in mente nostra, cernimus, quem *Augustinus* in prædicta auctoritate amatam notitiam, & verbum mentis, & similitudinem Deo inferiorem, quæ est in inferiori natura, appellat, ut patet intuenti verba ejus ibidem. In patria verò quoniam videbimus Deum per essentiam propriam, cernemus in mente nostra proprium Dei ipsius Verbum, quod est perfectè similitudo plenè, ac perfectè adæquans paternum intellectum, à quo exprimitur. Et secundum hanc visionem maximè Deo assimilabimur, & maximè ejus beatitudinis participes erimus; nam ipse Deus, intelligendo se per suam essentiam in Verbo ab ejus intellectu expresso, omnia videt; & hæc est ejus felicità, & nos per eandem essentiam Deum videntes idem Verbum videbimus, omnia in ipso cernimus. Similes ergo ei erimus, quando videbimus eum, sicuti est.

Ad secundum de *Anselmo* dicendum, quòd illa similitudo expressa, de qua loquitur *Anselm. ibidem*, est ipsa formata cogitatio, & verbum mentis, quod non est principium cognoscendi rem, sed illud quod intelligendo, vel cognoscendo in ipsa mente exprimitur, sive formatur. Et hoc manifestè patet per verba *Anselm. ibidem* & per *Augustinum* ubique: expressam enim sive formatam rationem rei intellectam, & placentem, vel amatam vocat *Augustinus* verbum mentis, quod *Philosophus* vocat conceptum mentis, quem vox significat primò, & hic se tener à parte objecti cogniti, & non est principium cognoscendi. Istud docet *Thomas* in multis locis evidenter, & ideò quoad hoc ista sufficiant.

Ad tertium, cum dicit, quòd qua ratione potest Divina essentia esse forma intelligibilis informans intellectum ad intelligendum, eadem ratione poterit immediate esse per se lumen confortans ipsum ad videndum: manifestum est ex prædictis, quòd illud non sequitur. Quia, ut dictum est, ad hoc, quòd ista forma nobilis-

simia Divina, scilicet essentia, fiat intellectui creato forma intelligibilis, necesse est ipsum intellectum elevari ad quandam deformitatem quantum possibile est, & ad hoc requiritur lumen gloriæ. Similiter cum quærunt, quare non posset Deus videri per similitudinem, quam gigneret, vel faceret, sicut videtur esse de lumine naturali? Dicendum, quòd Deus ipse perfectissimè videbitur in patria, quoniam illam similitudinem, quam gignit, quæ est Verbum, & Filius, quem solum ex se gignit, videbimus, ideò ipse Filius in *Ioan. cap. 14.* ait: *Qui videt me, videt & Patrem*; sed nulla similitudo creata, quam facit, sufficit ad repræsentandum ipsum sicut est.

Ad quartum dicendum, quòd species lucis creatæ gignentis adæquatur virtuti ejusdem: & ideò sufficit ad perfectam ejus repræsentationem, sed lumen gloriæ, licet sit quædam deformitas, & Dei similitudo, non tamen adæquat virtutem ejus; sed in infinitum deficit, & ideò ad repræsentandum non sufficit. Et sic patet responsio ad objecta.

Infirmatio cavillationum Corruptorij, quoad primum Articulum.

Restat ergo videri qualiter rationes istarum veritatem ostendentes per prædictas illorum cavillationes suprà positas non impediuntur. Impediendo ergo primam rationem duo falsa dicunt. Quorum primum est: quòd mens nostra cognoscit se ipsam per similitudinem à se genitam. Similitudo autem, de qua loquitur *Anselmus* in auctoritate, quam adducunt, est ipsa formata cogitatio, & verbum ipsius, quod se ipsam cognoscendo mens in semetipsa exprimit, quod non est principium intelligendi, ut dictum est, sed effectus, ac terminus intelligibilis operationis: est enim ratio rei intellectæ, quam nomen significat secundum *Philosophum*, quia nunquam posuit, nec Commentator, prout illi fingunt; quòd intellectus noster intelligit se ipsum per speciem à se genitam; sed per hoc, quòd ducitur ad actum intelligendi per species intelligibilium aliorum. Istud docet *Thom. in 1. p. q. 87. art. 1.* prout enim ibi dicit: *Vnumquodque est cognoscibile secundum quod est in actu*; quia ergo intellectus noster, secundum *Philosophum 3. de Anima*, in natura, & essentia sua est in potentia, & quasi tabula rasa: ad hoc quòd se ipsum intelligat, necesse habet reduci per aliam

speciem alicujus intelligibilis ad actum, secundum ipsum, & hoc est verum, quamdiu manet forma corporis corruptibilis, quando vero anima nostra erit à corpore separata, intelliget se per suam essentiam, non per speciem a se genitam. Secundum falsum, & inconueniens maximum, quod ponitur in ita responsione, est, quod Deus præsens intellectui non possit esse eidem præsens in ratione objecti cognoscibilis, nisi ipsum moueret, quod fieri non potest nisi per formam fluentem, non quiescentem: unde cum Divina essentia nullo modo in intellectu, ut forma fluens, esse potest; ideo non sufficit, quamvis præsens sit ad intelligendum, sicut dicunt, quod patet esse falsissimum. Nam species intelligibilis, quæ est ratio intelligendi & principium, non est fluens, sed manens in intellectu, qui est locus specierum secundum Philosophum. Hoc etiam patet per Augustinum de Trinit. lib. 14. cap. 12. ubi ait: Trinitatem commendabimus, sic, ut illud unde formatur cogitationis obtuitus, in memoriam ponemus. Ecce manifestè dicit, quod acies mentis informatur à specie reposita in memoria, quæ non fluit, sed manet. Ipsum verò verbum, quod non est principium cognoscendi; sed per actum cognoscendi in acie mentis formatur, non manet quando mens ad alia convertitur. Non ergo illud, quod est forma intelligibilis, ac principium intelligendi, est fluens, & in fieri; sed quiescens, & permanens; alioquin Divina essentia non sufficeret sibi, ut esset sibi principium intelligendi, cum nec fluat, nec sit in fieri; quod nefas est dicere. Sicut ergo illa incommutabilis essentia est sibi ipsi principium intelligendi, & forma intelligibilis per naturam, sic & menti beatæ erit forma intelligibilis, & principium intelligendi per gratiam, & gloriam.

Illud autem, quod adducunt de Avicenna de calore ethicæ, & tertianæ, non est ad propositum. Licet enim motus, & mutatio faciat ad maiorem perceptionem secundum sensum, non tamen requiritur ad perceptionem secundum intellectum; cuius objectum est ab ejusmodi conditionibus abstractum.

Præterea: illud, quod dicunt ad secundam rationem, nihil facit ad propositum. Sicut enim symbolicæ proprietates rerum materialium, quas ponunt, non sufficiunt repræsentare proprietates immaterialium, sic nec aliqua creatura sufficit repræsentare Deum, sicuti est.

Præterea hoc, quod dicunt ad tertiam rationem, non valet, quia quamvis similitudo, per quam cognoscitur res aliqua, non conveniat in omnibus cum re; hoc tamen est necessarium, quod sit perfecta similitudo ipsius; alioquin nunquam plenè ipsam repræsentabit; sed similitudo creata, quæ non est suum esse, est deficiens à Deo, qui est suum esse infinitum.

Item illud, quod dicunt ad quartam rationem, nihil facit, quamvis enim Divina essentia non videatur quantum cognoscibilis est à creatura; nullo tamen modo videri potest à creatura sicuti est, nisi per aliquid, quod ipsam sic repræsentet; sed ad hoc non sufficit aliquid aliud ab ipsa, ut probatum est. Ipsa ergo per seipsam videtur à Beatis in patria, ad quam nos perducat, qui sine fine vivit, & regnat. Amen.

Nota, quod in quibusdam codicibus inveniuntur replicæ sequentes cum solutionibus.

Primò enim sic Arguitur: Sicut intellectus in cognitione est illud, quod cognoscit: ita species est illud, quo cognoscit; sicut ergo virtute Divina intellectus potest elevari, ut cognoscat, ita & species, ut sit illud quo cognoscat, non obstante substantia infinita Dei.

Respondeo: non est simile de potentia, & specie; quia enim potentia rationalis est, potest elevari, ut intelligat, non sic species: vel sic non est simile; quia in specie requiritur repræsentatio rei, non autem in potentia: repræsentatio enim requirit æqualitatem, quam non est invenire inter similitudinem creatam, & essentiam Divinam.

Item, si species lapidis in oculo esset ipsa lux, non requireretur lumen in medio, ut patet in oculo capti; sed Essentia Divina est lux vera, & est species, quæ videtur, ut dicis; ergo non requiritur lumen gloriæ. Respondeo: quamvis Essentia Divina sit lux, propter distantiam tamen intellectus ab ipsa, oportet intellectum elevari per lumen gloriæ.

Item si quaeritur, quare non videtur per speciem? Si dicas; quia species non potest ipsum perfectè repræsentare? Contra: ergo cum species intelligibilis sit accidens in intellectu possibili non potest perfectè repræsentare quod quid est rei; sic nihil intelligere possumus, ut videtur. Responsio: non repræsentat species, ut est accidens;

cidens; sed ut est similitudo substantiæ. Vel melius dicendum, quod sicut ignis generans ignem agit per accidentia, scilicet, per qualitates activas, quæ agunt, & in virtute substantiæ generant substantiam, ita species in virtute substantiæ habet, ut repræsentet substantiam rei.

Contra: eadem ratione species creata in virtute substantiæ increata poterit repræsentare substantiam increatam. Respondetur: in accidente non requiritur virtus infinita, ut repræsentet substantiam, sicut ibi: ideo non est simile.

ARTICVLVS II.



In prima parte q. 14. art. 11. in responsione primi argumenti, dicit Thomas, quod intellectus non cognoscit singularia; quia intellectus noster abstrahit speciem intelligibilem à principiis individuantiis: unde species intelligibilis intellectus nostri non potest esse similitudo principiorum individuantiis.

CORRVPTORIUM.

Hoc præbet occasionem errandi; quia secundum hoc animæ separata, & Angeli in patria Christum intelligibili cognitione non cognoscerent, quod est contra illud Ioan. 17. *Hæc est vita æterna, &c. ubique ibi, & quem misisti Iesum Christum.*

Idem hoc est contra August. 22. de Civitate Dei cap. 11. & contra ratiocinationem philosophorum dicentium: Ita mentis aspectu intelligentia videri, & sensu corporis corporalia; ut nec intelligibilia per corpus, nec corporalia per se ipsam mens valeat intueri. Et vera ratio, & philosophica irridet auctoritas.

Præterea: ut dicit Seneca in Proverb. Peccatum est actio voluntaria. Sed actiones singularium sunt, ergo peccatum actio singularis est, & hoc nonnunquam est circa objecta, quæ non sensu aliquo, sed intellectu apprehendi possunt. Si igitur intellectus non cognoscit singularia, ut dicitur: & de hoc, quod homo non cognoscit, non poenitet, nec se corrigit, dicente Seneca ad Lucil. Initium salutis est notitia peccati: qui enim peccatum non cognoscit, corrigi non vult, nec huiusmodi peccatum potest corrigere, nec de eo poenitere: quod cum sit erroneum, & il-

lud ex quo sequitur, scilicet, quod intellectus non intelligit singularia.

Præterea: hoc est contra philosophiam; quia si intellectus non cognoscit singularia, tunc non poterit facere propositionem aliquam, in qua esset singularis res, & ita nec syllogizare.

Præterea: tunc non posset ex multis singularibus colligere unum universale; ex incognitis enim non potest cognoscens intentionem cognoscibilem abstrahere.

Præterea: secundum hoc intellectus non posset invenire, & determinare rectam rationem agendorum: cum omnis actio sit singularium, & circa singularia: & ita esset frustra consilium, & deliberatio, quod stultissimum est dicere.

Ad rationem Thomæ dici potest, quod intellectus non solum cognoscit, vel intelligit per species universales, & abstractas à conditionibus individuantiis, & materialibus, sicut supponit, & falsè; sed etiam intelligit per intentiones, & species singulares, & per tales intelligit singularia: quomodo enim intellectus componeret tales propositiones: Petrus non est Ioannes, nisi prius acciperet intentiones simplices Petri, & Ioannis? Reverà nullo modo. Unde argumentum procedit ex suppositione falsa, scilicet, quod intelligit solum per species universales. Hæc sunt verba eorum.

Responsio ad hæc secundum Thomam.

Veritatem circa cognitionem singularium ab intellectu nostro evidenter docet Thomas 1. p. q. 86. art. 1. quem si isti intelligerent, non sic contra ipsum inaniter garrirent. Dicit enim sic, ut patet cuilibet intuenti in responsione principali: Quod singularitatem in rebus materialibus intellectus noster directe, & primò cognoscere non potest. Cujus ratio est: quia principium singularitatis in rebus materialibus est materia individualis: intellectus autem noster intelligit speciem intelligibilem abstrahendo ab huiusmodi materia; quod autem à materia individuali abstrahitur est universale: unde intellectus noster directe non est cognoscitivus, nisi universalium. Indirectè autem & qua si per quamdam reflexionem potest cognoscere singulare, quia per species intelligibiles universales, quas abstrahit, non potest actu intelligere, nisi convertendo se ad phantasmata singularium, in quibus species intelligibiles intelligit, ut in tertio de Anima dicitur text. Comm. 39. Sic igitur

igitur ipsum universale per speciem intelligibilem intelligit directè; indirectè autem singularia, quorum sunt phantasmata, & hoc modo format propositionem hanc: (Sortes est homo) unde patet ex his, quæ dicit hic *Thomas*, quod non intendebat dicere suprâ, q. 14. art. 11. in responsione primi argumenti, quod intellectus noster nullo modo cognoscit singularia; sed solum, quod non cognoscit singularia rerum materialium primò, & directè: unde ipse dicit in ista q. 86. art. 11. in responsione ad tertium argum. quod singulare non repugnat intelligibilitati, in quantum singulare; sed in quantum est materiale, quod nihil intelligitur, nisi immaterialiter, & ideo dicit, quod singulare, quod non est materiale, cuiusmodi est intellectus hominis, non repugnat intelligibilitati intellectus nostri.

Ex his patet responsio ad argumenta, quæ adducuntur.

Ad primum dicendum, quod Angeli, & animæ separatæ vident Deum per essentiam, quæ summè est immaterialis, & sufficiens ratio cognoscendi omnia, sicut sunt per quam Christus in sua Divinitate non solum, sed etiam in sua humanitate cum omnibus alijs intelligibilibus cognoscetur in patria perfectissimè.

Ad secundum dicendum, quod *August.* intendit dicere, quod intellectus noster intelligit illa materialia, & sensibilia: virtus enim cognoscitiva superior potest in omnia illa, in quæ potest virtus inferior; licet cognoscat altiori modo sibi congruo: unde illa, quæ cognoscuntur à sensu sub conditionibus materialibus, & individuantibus, cognoscuntur ab intellectu per abstractionem ab huiusmodi conditionibus.

Ad tertium dicendum, quod actio interior cum sit spiritualis, & immaterialis, cognoscitur directè ab intellectu nostro. Actiones verò exteriores, & corporales cognoscuntur ab intellectu indirectè, sicut singularia ista materialia. Ratio igitur fundatur super falsum, scilicet, quod intellectus noster nullo modo cognoscat singularia materialia. Et per idem patet responsio ad quartum.

Ad quintum dicendum, quod innititur falso, scilicet, quod intellectus primò intelligit singularia, & sic colligat cognitionem unius universalis; hoc enim falsum est, & contra Philosophum manifestè; species enim intelligibilis abstracta est per intellectum agentem ab omnibus con-

ditionibus individuantibus, & materialibus, secundum Philosophum. Vnde repræsentat primò quidditatem rei abstractis huiusmodi conditionibus, & sic est universalis: unde universale cognoscitur ab intellectu directè, & primò.

Ad sextum dicendum, sicut ad tertium, & quartum.

Destitutio responsioni, quam afferunt ad rationem *Thome*, quando dicunt ad rationem *Thome* falsum esse intellectum nostrum solum intelligere per species abstractas, manifestum est, quod negant totam doctrinam Philosophorum in hac parte sine ratione; & hoc sine ratione, & ideo non sunt audiendi.

ARTICVLVS IIJ.

De cognitione Dei quoad contingentia.



IN eadem q. 14. art. 13. ubi queritur: An scientia Dei sit respectu futurorum contingentium? In responsione, qua dicit, quod contingens aliquid potest dupliciter considerari. Vno modo in seipso, secundum quod jam actu est, & sic non consideratur, ut futurum; sed ut præsens, nec ut ad utrumlibet contingens, sed ut determinatum ad unum, & propter hoc sic potest subdi certè cognitioni infallibiliter, utpotè sensui visus, sicut cum video Sortem sedere. Alio modo potest contingens considerari, ut est in sua causa, & sic consideratur, ut est futurum, & ut est contingens, & nondum determinatum ad unum, quia causa contingens se habet ad opposita, & sic contingens non per certitudinem subditur alicui cognitioni: unde quicumque effectum contingentem cognoscit in sua causa tantum, non habet, nisi conjecturalem cognitionem. Deus autem contingentia non solum prout sunt in suis causis, sed etiam prout unumquodque est actu in seipso cognoscit. Et ratio sua est aliquantulum infra; quia cognitio Divina mensuratur aternitate, sicut suum esse; aternitas autem est tota simul, & ambit totum tempus: unde omnia, quæ sunt in tempore, sunt Deo ab aeterno præsentia; sed non solum ea ratione quia habet rationes rerum apud se præsentia, ut quidam dicunt; sed quia eius intuitus fertur super omnia ab aeterno, prout sunt in sua præsentia: unde manifestum est, quod contingentia infallibiliter à Deo cognoscuntur.

CORRUPTORIUM.

Ista positio non habet veritatē; sed continet errorē manifestū: imò multos errores, quia nō intēdit dicere, quōd Deus æquē certitudinaliter cognoscit futura cōtingētia, ac si essent præsētia, & determinata in rerū natura, hoc enim verum est; sed intēdit, quōd, quia æternitas præsens est omni differentiæ temporis, & omnis differentia temporis præsens æternitati, ideō contingētia, quæ non sunt realiter in tempore, jam sunt realiter, & actualiter per naturas suas in æternitate, & sic subijciuntur Divinæ visioni: & hoc maximè exprimunt verba sua cūm dicit: omnia quæ sunt in tempore sunt Deo ab æterno præsētia, nō solum ea ratione, quia habet rationes rerum apud se præsentes, ut quidam dicunt; sed quia ejus intuitus fertur super omnia ab æterno, prout sunt in sua præsentialitate: hoc enim est simpliciter falsum, & erroneum; quia hoc est ponere contingētia, & multo fortius necessaria ab æterno in æternitate esse, licet in tempore sint producta de non esse in esse. Constat enim, quōd res non possunt dici Deo præsentes, nisi dupliciter, scilicet, vel in sua ratione causali, vel in sua existentia actuali. Si ergo omnia, quæ sunt in tempore, sunt ab æterno præsētia Deo; non quia habet apud se rationes præsentes, ut ipse dicit, necesse est, quōd omnia fuerint ab æterno in æternitate sub existentia actuali, sicut unquam postea fuerunt in tempore, & hoc est ponere omnia ab æterno in æternitate, quod est contra fidem nostram.

Hoc est etiam contra rationem. Certum est enim, quōd Sancti, & Philosophi ponunt Deum ab æterno apud se habuisse rationes causales, & ideales etiā omnium fiendorū, & per illas & juxta illas fecisse, & facere quidquid fecit, & facit. Hoc autem est otiosum ponere, si ab æterno, & in æternitate præsētia erant in naturis proprijs, & sic subdita Divinæ visioni, quo ad cognoscendum, & faciendum omnia in tempore sufficiebant ipsæ res actualiter existentes in æternitate, & ita esset superfluum ponere rationes in Deo, quod est contra Sanctos, & Philosophos.

Ratio etiam sua procedit ex falso intellectu, quando dicit: quōd æternitas ambit omne tempus, & quōd omnis differentia temporis est præsens æternitati. Non enim sic intelligitur, quōd æternitas

ambiat tempus, & temporalia in naturis suis, quandiu non sunt; vel quōd tempus, & res temporales, quæ nihil sunt in natura propria, sint præsentes æternitati. Sed hoc pro tanto dicitur, quōd causales rationes, & ideales omnium temporum, & omnium temporalium sunt Deo præsentes ab æterno. Et hunc intellectum videtur explicare *August. 11. confess.* parum post medium dicens: *Cūm videri dicuntur futura, non ipsa quæ nondum sunt, id est, quæ futura sunt, sed eorum causa, vel signa forsitan videntur, quæ jam sunt; ideo non futura, sed præsētia sunt jam videntibus, ex quibus futura prædicantur animo concepta. Quæ rursus conceptiones jam sunt, & eas præsentes apud se intuentur qui illa prædicunt.* Propter eundem sensum dicuntur omnia vita in Deo, scilicet, quia res omnium in Deo vivunt. Vnde *August. 8. Hom. super illud Ioan. 1. Quod factum est in ipso vita erat.* dicit: *Ipsa terra, quæ facta est, non est vita. Est autem in ipsa sapientia spiritualiter ratio quedam, quæ terra facta est, hæc est vita.* Certè si res ipsæ in genere proprio fuissent ab æterno in æternitate, non dixisset Evangelista universaliter; *Quod factum est in ipso vita erat;* vel saltem *August.* non transisset sine distinctione.

C Præterea: hoc, quod dicitur in prædicta positione, quōd quicumque cognoscit effectum contingentem in sua causa tantum, non habet de eo nisi conjecturalem cognitionem: hoc constat esse falsum, & contra rationem Prophetiæ. Credimus enim, quōd Prophetæ certitudinaliter vident, quæ de immobili veritate Dei enuntiaverunt; sicut habetur per distinctionem prophetiæ. Constat autem quōd non vident futura in sua natura: ergo in rationibus suis causalibus: quōd si aliquis hoc negare voluerit de Prophetis, vel omnibus, vel aliquibus, saltem de sanctis Angelis negare non poterit, quin in Verbo, & rationibus causalibus prævideant multa futura, non conjecturaliter, sed certitudinaliter, & illa revelantur Prophetis, & alijs Sanctis secundum beneplacitum, & dispositionem Dei.

Præterea: tertium falsum, & erroneū, quod ponit prædicta positio, est, quōd Deus alio modo contingētia, & temporalia novit quā prout sunt in suis causis, & alio modo, quā per rationes rerum, quās habet apud se præsentes, videlicet, ferendo intuitum super ipsas res sibi actu præsentes ab æterno, hoc expressè habetur ex verbis suis; nam dicit

dicat sic in prædicta responsione: Deus cognoscit omnia contingentia; non solum in suis causis, sed etiam prout est actu unumquodque in seipso. Et parum inferius subdit: Omnia, quæ sunt in tempore, sunt Deo præsentia ab æterno, prout sunt in sua præsentialitate. Hæc sunt verba ejus. Ex his sequitur, quod Deus cognoscit creaturam per receptionem: Si enim cognoscat aliter, quam per rationes rerum quas habet apud se, & aliter, quam prout sunt in suis causis ferendo intuitum super ipsas res; hoc non potest intelligi, vel saltem fingi, nisi per receptionem; Deum autem intelligere, vel cognoscere per receptionem est impossibile, tam secundum Sanctos, quam secundum Philosophos, qui omnes concordant, quod scientia Dei est causa rerum, & non causata à rebus, sicut scientia nostra. Sed sine dubio, si cognosceret per receptionem, scientia sua esset causata à rebus. Item ex hoc sequitur, quod non est purus actus; sed est sciens in potentia, & quod potentia sciendi in ipso perficeretur per creaturas: quæ omnia sunt absurdissima. Hæc sunt verba eorum, quæ procedunt ex falso intellectu, & utinam non ex malo affectu.

Responsio ad hæc secundum Thomam.

UT pateat omnibus, quod deductio ad ista inconvenientia, secundum istos, nulla sit omnino, nec aliquid horum ex dictis Thomæ sequetur: imprimis modus, quo Deus novit alia à se, attendatur. Deus enim (prout Thomas parte 1. q. 14. artic. 13. in responsione docet) non solum cognoscit res in seipso esse; sed per illud idem, quod in se continet species rerum, cognoscit eas in propria natura; quæ licet sint successivè in propria sua actuali existentia, non tamen subduntur successivè Divinæ cognitioni, quæ mensuratur æternitate, in qua non cadit successio; sed est tota simul cum temporis cujuscunque differentia: non quod partes temporis omnes simul existentes æternitati coexistent (ut ipsi putant & falsò Thomam sensisse;) Sed quod ipsa æternitas est tota simul cum singulis partibus temporis non simul existentibus, sed sibi invicem succedentibus. Illud docet Thomas lib. 1. contra Gentiles cap. 66. tali exemplo: Punctus quicumque signatus in circumferentia circuli sic se habet, quod nullo modo potest esse simul cum alio puncto signato in eadē, & est quolibet alio pun-

cto signato in ipsa prior, vel posterior secundum situm. Omnes vero puncti in circumferentia signati ad centrum, quod est extra circumferentiam, directam habent oppositionem, & consimilem habitudinem. Sicut ergo punctis in circumferentia, quibuscunque secundum situm ordine se habentibus & se consequentibus, punctus centralis extra ipsam existens directè, & uniformiter objicitur: sic æternitas simplex, & indivisibilis extra temporis successione existens omnia ejusdem sibi succedentia invicem uniformiter respicit sub præsentialitate, quam in se habent successivè. Actus ergo cognitionis mensuratus æternitate præsentialiter respicit omnia sibi invicem succedentia in tempore, quam ipsam eorum præsentialitatem, quæ habent in se successivè; sed simul æternaliter intuendo, non quod ipse à rebus, quas sic intuetur æternaliter, sibi semper coexistentibus cognitionem accipiat; sed omnium rerum rationes, quas in seipso simul intuetur, per quod ejus intuitus perfectissimè fertur super ipsas, non solum earum quidditates, sed etiam præsentialitates præsentialiter, quam æternaliter intuendo. Ex his patet, quod Thomas (prout isti imponunt sibi, & falsò) non intendebat, quod omnia, quæ sibi invicem succedunt in tempore, in natura propria Deo coexistunt in æternitate; licet ab eo eorum præsentia æternaliter intueatur, & sic omnia sibi dicantur præsentia. Et quando dicunt, quod res non possint esse Deo præsentia, nisi dupliciter, scilicet, in ratione causali, vel in sua existentia actuali. Dicendum: quod res sunt præsentia Deo ab æterno non in sua existentia actuali; sed quod ipse actu intuetur eorum præsentiam æternaliter, per hoc quod omnium rerum rationes exemplares in seipso cognoscit, quas videt in seipso, & omnia per ipsas perfectè cognitæ cognoscit in natura propria, quorum, scilicet, per rationes causales easdem invenitur causa: & sic habet intelligi quod dicit Thomas, quod intuitus Dei fertur æternaliter super omnium in tempore sibi succedentium præsentialitates: non solum, quia habet rationes eorum apud se, ut quidam dicunt, sed intuendo ea æternaliter in sua præsentialitate, quam simul à Deo, ut dictum est, cognitæ, successivè habent in natura sua.

Ad rationem secundam Corruptorij. Ex his patet responsio ad primam, & secundam. Non enim illa positio, si intelligatur, evacuat ideas, vel rationes rerum causales,

les, quas sancti & philosophi ponunt in Deo. Imo ex hoc ipso sequitur necessario idearum positio, quia nisi Deus per rationes ideales, & causales omnium antequam sint aeternaliter conspiceret rerum temporalium, & creaturarum praesentialitates in tempore succedentes, non videret eas ex tali inspectione aeternaliter intuendo.

Ad rationem tertiam cum dicit, omnium rerum temporalium rationes causales aeternaliter Deo esse praesentes: concedendum est, & pro nobis facit, per hoc ipsum enim praesentialitates omnium sunt simul in Dei notitia ab aeterno, antequam essent in natura propria. Et hoc quoque, quod adducunt de *Augustino lib. 9. confess. cap. 19.* quod, scilicet, futurum videtur per aliquod praesens, omnino facit ad istius veritatis declarationem: sicut enim intueor auroram, & ortum solis adhuc futurum per aliquid, quod praesentialiter in animo imaginor, quod patet per verba *Augustini*, ibidem, & est per se manifestum; sic Deus videndo suam essentiam, in qua praesentialiter, & aeternaliter cernit omnium rerum rationes ideales, necesse est eo ipso rerum futurarum sibi representatas praesentialitates intueri. Per hoc idem patet ad illud aliud, quod adducunt de *Augustino super Ioan. 1. homil.* quod enim omnia, quae facta sunt, sunt vita in Verbo in suis rationibus idealibus in ipso; hinc est, quod creaturae aeternaliter fuerunt, cum earum praesentialitatibus (quae sunt utique creatae) in ipso Verbo cognitae.

Ad quartam rationem, cum dicunt effectum contingentem tantum cognosci in sua causa conjecturaliter, est contra rationem prophetiae: Prophetiae enim effectus contingentes certitudinaliter in suis causis cognoverunt. Dicendum, quod effectus contingentes habent causas suas proximas, propter quas sunt contingentes, utpote in ipsis indeterminatè existentes, & in talibus causis non cognoscuntur, nisi conjecturaliter: ut si videam magistrum multum studere, conicio, quod sit disputaturus, & hoc intendebat *Thomas hic*. Causa autem prima omnium contingentium, sicut & omnium entium, est Deus ipse per rationes causales omnium, quas penes se habet, in quo eventus omnium contingentium determinatur, ac certissime eorundem futura praesentialitas à Deo praesentialiter cernitur, suae utique praesens ab aeterno notitiae. Et à sanctis Prophetis, & Angelis in eisdem rationibus aeternis, Deo revelante, non solum conjecturaliter, sed

etiam certitudinaliter cognoscuntur, sicut docet *Thomas* in multis locis.

Ad quintam. Cum dicunt *Thomam* posuisse Deum cognoscere alio modo effectus contingentes, quoniam prout sunt in suis causis, quasi ab ipsis sibi in aeternitate coexistentibus, cognitionem recipiendo; & hoc *Thomam* posuisse: manifestum est; quod falsum dicunt apertissimum, quod patet cuilibet recto oculo respiciendi dicta *Thomae*. Cum enim dicit *Thomas*, quod omnia quae sunt in tempore sunt Deo praesentia, prout sunt in sua praesentialitate: Intendit dicere, & satis clarè, quod divinae notitiae praesens est omnium, quae sunt successivè in tempore praesentialiter, & actualis existentia ab eo aeternaliter cognita, non cum eo aeternaliter existens in natura propria. Nec oportet, si aliquid sit divinae notitiae, vel etiam nostrae praesens, propter hoc sit praesens in se existens: Manifestum est enim, quod intellectus non super praesentiam, & actualem existentiam reifertur, quae non est, sed praeterijt, quia habet speciem ejus in se praesentem: manifestum est ergo, quod multo fortius Deus, qui habet penes se omnium rerum rationes praesentes, ipsas perfectissimè intelligendo, poterit praesentialiter ferre intuitum sui intellectus super omnium praesentialitates antequam essent. Non ergo à non existentibus cognitionem recipit. Adhuc ergo non entia, cognoscendo essentiam suam, novit futura super praesentialitate, quam erant habitura praesentialiter, quia aeternaliter intuitum suum ferendo; omnia enim nuda sunt oculis ejus, qui non cognoscit per receptionem, nec est in potentia sciens, cujus scientia non causatur à creaturis, nec ejus potentia cognitiva ab ipsis creaturis perficitur; hoc enim Deo attribuire est absurdissimum; quae nunquam ex dictis *Thomae* concludi possunt; sed per ejus Doctrinam ubique declaratur haec & his similia nullo modo posse convenire Deo, cui est honor, & gloria.

ARTICVLVS QVARTVS.



De hoc quod *Thomas* dicit, quod quaedam ideas proprias non habent in Deo. In q. 25. art. 3. cum queritur: utrum omnium quae cognoscit Deus sint ideae in eo? Vbi sic arguit: Deus cognoscit materiam primam, quae nullam praestit habere ideam, cum nullam habeat formam.

Præterea: Deus non solum species, sed genera, & individua cognoscit, & etiam accidentia, sed horum non sunt ideæ, secundum Platonem: Et in responsione 3. argumenti de materia dicit, quod nos ponimus materiam creatam à Deo; non tamen sine forma: habet quidem materia ideam à Deo; sed non aliam ab idea compositi: quæ materia secundum se, neque esse habet, neque cognoscibilis est.

CORRVPTORIVM.

Videtur hoc erroneum: quia Deus habet ideas omnium quæ potest facere, cum nihil possit facere nesciens; sed potest facere materiam sine forma, sicut determinatum est à magistris: sicut in Sacramento altaris facit existere accidentia sine subiecto, quæ magis dependent à subiecto, quam materia à forma: ergo materia habet ideam distinctam in Deo, etiam secundum quod idea est principium operationis, & exemplar, quod ipse negat.

Item videtur, quod magis sit ponendum, quod Deus habeat ideam distinctam materiæ, quam compositi, cuius contrariū ipse docet. Dicit enim *Comment. Comm. 3. super principium Phys. super 3. particulam*, quod in rebus artificialibus causæ notiores sunt apud artificem, quam compositum; quia ex causis ex materia, & forma facit compositum: unde si nos faceremus res naturales: tunc causæ essent notiores apud nos. Hæc Cōm. Ergo apud Deū qui est opifex omnium rerū naturalium, notiores sunt materia & forma, quam totum compositum; quia ex causis, sicut ex materia & forma, facit compositum: ergo secundum rationem intelligendi prius, & expressius, sive distinctius habent ideas in ipso.

Præterea: in responsione argumenti quarti de genere, & accidentibus dicit *Thomas*: quod genus non potest habere aliam ideam ab idea specierum, secundum quod idea significat exemplar, quod nunquam fit, nisi in aliquam specierum: similiter est de accidentibus, quæ inseparabiliter consequuntur subiectum; quia hæc simul sunt cum subiecto: Accidentia verò quæ superveniunt, ut picturæ, habent specialem ideam. Quod dicitur de idea generis falsum videtur; quia sicut dicitur 16. de *Animalib.* Embrio prius est animal, quam equus, vel homo. Et constat, quod illud individuum in via generationis, ut sit homo, vel ut sit equus, jam est individuum generis, & est individuum alicujus speciei,

& forma generis actu, & per se existit in ipso ante formam omnis speciei: ergo necesse est, quod per ideam aliam ab idea speciei cognoscatur, & producat à Deo.

Similiter quod dicit, quod accidentia inseparabilia à subiectis non possunt habere ideam aliam ab idea subiecti, falsum est. Omnia enim illa distinctas habent ideas, quæ per se distincte possunt produci, & existere; sed hujusmodi accidentia distincte possunt existere absque subiecto; sicut firmitissime credimus in Sacramento altaris: ergo necesse est, quod distinctas ideas habeant. Hæc sunt verba eorum.

Responsio ad hæc secundum Thomam.

AD sciendum, quæ debent dici habere proprias ideas in Deo. Sciendum, quod sicut in multis locis docet *Thomas*. Idea in Deo dicitur ipsa ejus essentia ab eo intellecta cum habitudine ad res creatas, quæ possunt intelligi, ut sunt ab eo in existentia producibiles, vel prout sunt in propria ratione cognoscibiles, secundum hunc modum dicitur essentia Dei idea rerum, prout ipsa intellecta est ratio innotescendi earundem in ratione proprias secundum verò alium modum dicitur Essentia Divina idea, prout ipsa quasi practice intellecta est exemplar; juxta quod res sunt per se in esse producibiles. Primo modo ergo habent ideas in Deo proprias omnia, quæ aliquo modo possint in ratione propria considerari. Sed secundo modo illa tantum dicuntur proprias ideas in Deo habere, quæ sunt per se in esse producibilia.

Per hæc patet responsio ad primum, de materia, quando enim dicit: erroneum est ponere materiam primam non habere ideam; quia Deus potest eam facere, ut existat per se sine forma.

Dicendum, quod licet aliqui magistri hoc posuerunt; oppositum tamen demonstratur ab alijs majoribus limpidius naturam materiæ considerantibus: unicuique enim potentiæ correspondet proprius actus in tantum, quod dare actum unius alteri remanenti in propria natura includit contradictoria, verò gratia, quod potentiæ auditivæ, in quantum hujusmodi, datur actus potentiæ visivæ proprius. Cum ergo materia sit propria potentia respectu formæ, quæ est proprius actus, dare sibi actum proprium alterius potentiæ actualem, scilicet, existentiam, quæ est pro-

proprius actus formæ, vel quidditatis ex materia, & forma compositæ, includit contradictoria. Nec est simile de accidentibus in Sacramento Altaris, cum sint formæ, quarum naturæ competit esse in actu: hoc autem infra plenius patebit.

Ad secundum dicendum, quod ratio illa non probat, nisi quod tam materia, quam forma habent propriam ideam, prout idea dicitur ratio innotescendi uniufcujusque, prout potest aliquo modo in ratione propria considerari. Isto modo concedit *Thomas*, materiam posse habere propriam ideam, in questionibus de veritate.

Ad tertium de genere, quando dicit, quod forma generis est actu existens in illo individuo embrionis ante formam omnis speciei, dicendum, quod est falsum, & omnino impossibile secundum *Philosophum*; forma enim generis nec esse, nec produci potest, nisi in aliqua specie: sicut enim semen, vel sanguis, qui ordinatur ad generationem hominis, vel equi per formam suam, quæ ante productionem rei generande corrumpitur, in specie constituitur: Ita embrio, qui similiter, licet propinquius ordinatur ad generationem eorundem, in productione eorum corrumpitur, & primus per propriam formam in specie constituebatur. Hoc patebit evidentiùs, ubi de unitate formæ agemus.

Ad quartum dici potest, quod sicut accidentia, quæ superveniunt rei productæ secundum *Thomam*, habent ideas proprias: licet non existant per se, per hoc quod non producantur nisi in subjecto; eodem modo accidentia inseparabilia panis, licet miraculose existant sine subjecto; quia tamen producta erant, in ejus productione non habent aliam ideam ab idea, quam priùs habuerunt. Si dicas: sicut nunc existunt per se virtute divina, ita possent per se produci à principio. Concedatur: sed certè, si tunc aliam habuissent productionem, ita & suæ productionis aliam rationem idealem in Deo haberent: cui est honor, & gloria.

ARTICVLVS V.



ST de hoc, quod *Thomas* dicit parte prima q. 25. art. 6. in responsione 3. argumenti: quod universum suppositis istis rebus non potest esse melius propter decentissimū ordinem istis rebus à Deo tributum, in quo bonum uni-

versi consistit, quorum si unum aliquod melius esset, corrumpetur proportio ordinis. Sicut si una chorda plus debito tenderetur, corrumpetur citharæ melodia.

CORRVPTORIUM.

HOc est contra veritatem fidei, quæ tenet; quod post judicium non tantum universum poterit esse melius, sed erit tunc melius, quando scilicet corpora celestia, & elementa mutabuntur in melius, facta mutatione in qualitatibus eorum, & non in substantijs eorum, sicut dicit *glos.* super illud 1. Corint. 7. preterit figura hujus mundi.

Ad rationem *Thome*. Ad illud autem, quod dicit, proportionem corrumpi, & ordinis decentiam, si unum aliquid melioraretur. Dicimus, quod proportio, & decentia inter partes universi non intelligitur tantum secundum unum tempus determinatum, & partium, quæ sunt in uno tempore signato; sed secundum cursum totius temporis ab exordio mundi usque in finem. Vnde decentia, & proportio ordinis universi non est de permanentibus semper uno modo, & tantum uno tempore; sed de habentibus esse in successione totius temporis. Item: exemplum non valet de chorda plus debito tensa; quia quando universum meliorabitur, nulla pars in bonitate extendetur plus debito; quia sicut una meliorabitur, ita proportionabiliter & alia. Et ita sicut manebit idem universum, & eadem partes melioratæ; ita proportio eadem, sed meliorata. Hæc sunt verba eorum.

Responsio ad hæc secundum Thomam.

Isti si verba *Thome* in solutione questionis bono oculo respexissent, nunquam sic in responsionem hujus 3. argumenti impexissent, nec aliquid omnino contra fidei veritatem invenissent; Ibi enim veritatem declarando, sic dicit: Bonitas rei est duplex &



una quidem, quæ est de essentia rei; sicut rationale habet rationem bonitatis, quæ est de essentia hominis, & quantum ad hanc bonitatem Deus non potest aliquam rem facere meliorem; quia non potest facere quaternarium maiorem: quia si esset maior, iam non esset quaternarius; sed alius numerus. Sic autem se habet additio differentiæ substantialis in diffinitionibus, sicut se habet additio unitatis in numeris, sicut dicitur in 10. *Metaphysic.* Alia est bonitas, quæ est extra essentiam rei, sicut bonum hominis est esse virtuosum, & esse sapientem, & secundum tale bonum potest Deus res à se factas facere meliores. Simpliciter tamen loquendo potest (qualibet re à se facta) aliam facere meliorem. Ex his patet, quod ipse docuit Deum posse facere mundum meliorem, quoad qualitates partium ejus, quæ nō sunt de essentia partium earundem, sicut fiet post iudicium. Quantum vero ad bonitatem, quæ est de essentia partium universi, suppositis istis rebus, non potest universum fieri melius. Ex his patet ad objecta responsio, quæ omnia procedunt ex falso intellectui positionis; sicut manifestum est omni insipienti.

ARTICVLVS VI.

Est de hoc, quod dicitur, mundum incepisse, non posse demonstrari, unde q. 46. art. 3. in responsione principalis questionis dicit; mundum incepisse est de articulis fidei, siue credibile, non scibile; sicut nec Trinitatem in Divinis esse. Quod probat primo sic; quia fides est de non apparentibus, ad Hebræ. 11. Sed non apparentia creduntur, non sciuntur. Mundum autem incepisse per creationem est articulus. Dicimus enim: Credo in Deum Patrem omnipotentem Creatorem cæli, &c.

Item mundum incepisse habetur per revelationem, & prophetiam, secundum Gregor. super Ezech. dicente Moyse: In principio creavit Deus cælum, & terram: ergo non scitur per demonstrationem.

Item non potest hoc demonstrari à parte mundi; quia principium demonstrationis est quodquid est; unumquodque autem secundum rationem suæ speciei abstrahitur ab hic, & nunc: unde non potest demonstrari, quod homo, & lapis non semper fuerunt.

Item nec novitas mundi potest demonstrari ex parte causæ agentis, quæ agit per voluntatem: Voluntas enim Dei ratione investigari non potest circa ea, quæ absolute non est necesse Deum velle: talia

verò sunt, quæ circa creaturas fiunt: potest autem voluntas Dei manifestari per revelationem, cui fides immititur; ideo mundum incepisse est credibile, non scibile, & hoc inquit est utile, si consideretur; ne forte aliquis, quod fidei est demonstrare præsumens, rationes non necessarias inducat, quæ præbeant materiam irridendi infidelibus existimantibus nos credere, quæ fidei sunt, propter huiusmodi rationes.

CORRVPTORIVM.

In ista positione tria falsa continentur in ratione positionis. Vnum est, quod ea, de quibus est fides, creduntur, & non sciuntur: & aliud est, quod mundum incepisse sola fide tenetur, & demonstrativè probari non potest: Tertium est, quod non est præsumendum demonstrare, quæ fidei sunt; & hoc expressius dicit in questionibus disput. de potent. Dei q. 3. artic. 17. ubi querit, utrum mundus semper fuerit: Vbi in responsione questionis monet cavendum esse, ne ad ea, quæ fidei sunt, aliquis demonstrationes adducere præsumat.

Primum, quod dicit, quod ea, de quibus est fides, creduntur, & non sciuntur. Dicimus quod falsum est, & contra sacram scripturam, & contra Doctores, & est in se occasio hæsitandi, & non firmiter credendi. Quod hoc sit falsum patet. Constat enim, quod Deum esse est credibile, dicente Apostolo ad Hebræos 11. Credere oportet accedentem ad Deum, quia est. Et constat, quod Deum esse, est demonstrabile per rationes: Nam Philosophi demonstraverunt primam causam esse: similiter Deum esse unum est demonstrabile, & credibile; similiter Deum esse æternum.

Hoc etiam videtur esse cōtra Sacram Scripturam Isa. 7. Secundum aliam translationem. Nisi credideritis non intelligetis. Et 1. Petri 3. Parati semper ad satisfactionem omni poscenti vos rationem de ea, quæ in vobis est, fide & spe.

Hoc est etiam contra Augustinum, & Richard. de Sancto Victore. Ait enim Augustinus sic in libro de vera Religione: Illa omnia, quæ primo credimus, nihil nisi auctoritatem sequuti partim sic intelliguntur, ut videantur esse certissima; partim ut videantur fieri, atque oportuisse fieri. Et Richardus 1. de Trinitate. c. 4. ait. Erat itaque intentionis nostræ in hoc opere ad ea, quæ credimus, inquantum Dominus dederit, non tantum probabilis, verumetiam necessarias rationes adducere. Credo namque sine dubio ad quorumlibet explanationem non modo probabilia, verum etiam argumenta necessaria non deesse.

Secundum etiam, quod dicit, scilicet, quod inceptio, sive novitas mundi demonstrative probari non potest: Dicimus, quod falsum est; quia quamvis inceptio, vel novitas mundi non possit demonstrari demonstratione potissima dicta propter quid; potest tamen demonstrari, vel probari deducendo ad impossibile de infinitate animarum, si mundus fuerit aternus, & quod infinita sunt pertransita. Ambas istas rationes de transitu infinitorum; & infinitate animarum, ipse ponit obijciendo de novitate mundi, & conatur dissolvere eas; & veritatem infinitam invoco, quæ Deus est, teste conscientia mea, quod nec verè, nec apparenter, nec Philosophicè, nec Theologicè eas dissolvit. Verbi gratia, ad illam de infinitate animarum, respondet multipliciter, secundum ponentes aternitatē mundi, quod quidam non reputant impossibile, esse infinitas animas actu. Alij dicunt, quod anima corrumpitur corrupto corpore. Quidam dicunt, quod ex omnibus remanet una tantum. Alij posuerunt circulationem animarum; ut scilicet, animæ post determinata curricula temporum separentur, & multoties redirent ad corpora. Post istas falsitates absurdissimas ipse ponit suam dicens, quod posset aliquis dicere, quod mundus esset aternus in aliqua ejus parte, ut Angelus, non homo, & sic conatur defendere opinionem ponentium aternitatem mundi, & eam negat: Dicit enim Philosophus (cujus opinionem ipse defendit) *in lib. de vegetabilibus*, quod mundus totalis est perpetuus, nec cessavit unquam generare animalia, & plantas; & omnes species suas. Vnde pater, quod omnibus modis mentita est iniquitas sibi.

Tertiam, quod dicit: Cavendum est valde adducere rationes necessarias ad ea quæ sunt fidei. Dicimus, quod hoc falsum est, & contra fidem, & Sacram Scripturā. Quia scriptum est 1. Pet. 3. *Parati semper ad satisfactionem omni poscenti vos rationem de ea, quæ in vobis est, spe, &c.*

Est etiam contra Sanctos. Vnde Augustinus, de Trinitate. & alijs libris suis, & Richardus in libro suo de Trinitate, nituntur probare non tantum credere, quod fides tenet de Trinitate; & ipsemet Thomas fecit librum contra Gentiles, in quo utitur rationibus contra ipsos pro fide. Si autem fides probari non posset nec deberet, inutiliter laborasset; unde sicut illud fecit in favorem fidei, sic istud est in præjudicium fidei, & Sanctorum, &

etiam contra rationē; nam si ratio reddenda est de fide, ut dicit Beatus Petrus, & ratio demonstrativa reddi potest, ut probatum est per Augustinum, & Richardum, magis expedit reddere rationes necessarias, & demonstrativas, quàm topicas, & sophisticas.

Ad rationes Thomæ. Ad primum ergo dicendum, quod licet fides sit de nō apparentibus, quæ scilicet non habent causam evidentem nobis, & propter quid; habent tamen signa, & effectus, quibus demonstratur. Non enim solum demonstratio propter quid facit scire; sed etiam demonstratio quia: præterea: cum dicimus, fides est de non apparentibus, nō intelligitur, quod omni tempore fuerint non apparentia, sed quandiu de illis est fides, nisi interpretativè, quia videlicet homo esset paratus credere eadem, etiam si nesciret, vel non sciret ea per rationem, & ob hoc non evacuatur meritum fidei.

Ad secundum dicendum, quod licet creatio mundi innotuit primò per revelationem; potest tamen, & potuit per ingeniosos sciri, & probari demonstrative deducendo, scilicet, ad impossibile. Nihil enim prohibet, quin Deus posset revelare veritates innumerabiles, quæ tamen sunt demonstrabiles. Sed fides non innititur hujusmodi demonstrationibus; sed primæ veritati revelanti; gaudet tamen de demonstratione, quando potest haberi.

Ratio etiam tertia non valet; quia non omnis demonstratio, est propter quid, sive per causam; sed aliquæ sunt per signa, & effectus, & deducentes ad impossibile.

Præterea non obstat; quod non est, nisi unus mundus; sicut non obstat, quod non est, nisi una Luna, & unicus Sol, quin possit demonstrari eclipsis de utroque; demonstratione universali, & cōveniret multis, si essent ita de isto mundo. Item nec propter aliud; quia diffinitio subiecti non est medium in demonstratione, sed passionis, idest, majoris extremitatis.

Ad quartum dicendum; quod licet voluntas Dei nō possit investigari per priora; potest tamen quantum se nobis manifestat per posteriora. Vnde dicimus, quod voluntas Dei de mundo creando ante mundi creationem sciri non potuit, nisi per revelationem, si fuisset cui fieri potuisset revelatio; sed post mundi creationem ex ipso mundo creato sciri potuit Dei voluntas. *Invisibilia enim per ea, quæ facta sunt, &c.* Hæc sunt verba eorum.

Responsio ad hæc secundum Thomam.

ISta tria, quæ in istius questionis positione, & ejus rationes sunt, neque falsa sunt, neque absurda; sed verissima, si intelligantur. Donet nobis Deus intellectum in omnibus, ut veritatem agnitam diligamus.

Primum enim, quod dicit *Thomas*, quod ea, de quibus est fides, creduntur, & non sciuntur, loquendo de articulis fidei, quorum unus est, mundum ex tempore incepisse, constat secundum Sacram Scripturam, & omnes catholicos Doctores verissimum esse. Hic enim, secundum *Apostolum*, videmus per speculum, & enigmate: per fidem enim ambulamus; non per speciem. Quædam tamen sunt demonstrabilia per rationem demonstrativam, quæ simpliciores sola fide tenent, cujusmodi sunt, Deum esse incorporeum, æternum, immutabilem, & etiam Deum esse. Pro quo dicit *Apostolus ad Hebr.* 11. *Accedentem ad Deum oportet credere, quia est: quæ non sunt articuli fidei.* Et ideo talia docet *Thomas contra Gent.* de Deo esse probanda; & talia sunt, quæ Philosophi de causa prima probaverunt, & per hoc patet responsio ad primum.

Ad secundum dicendum; quod suppositis articulis fidei, omnibus, vel aliquibus tanquam principiis certissimis à Superiori scientia, scilicet Dei & Beatorum acceptis, poterunt plura demonstrativè probari, ac intelligi etiam in via, ad quæ intellectus sine lumine fidei non poterit devenire, sive non deveniret; & ideo rectè dicitur. *Nisi credideritis non intelligetis*, illa principia præcipuè, quæ faciunt videre, quod ex his, quæ fidei sunt, nullum sequitur inconveniens, aut impossibile, quod infideles non capiunt ea, quæ sunt fidei, omnia impossibilia reputantes, quibus oportet rationabiliter satisfacere, veritatem fidei declarando, & quod nullū sequatur inconveniens ostendendo. Et sic habet intelligi illud 1. Petri 3. *Semper parati ad satisfactionem omni poscenti, & cat.*

Ad tertium dicendum, quod illud *Augustini* facit pro *Thoma*. Docet enim *Thomas lib. 1. contra Gentiles c. 4.* quod quædam veritates de divinis, ad quas per inquisitionem rationis perveniri potest, non frustrà supernaturali inspiratione traduntur nobis credendæ; alioquin paucis hominibus, & post longum tempus, & non sine multis erroribus hujusmodi veritates innotescerent,

Arent, & talia sunt, quæ primò solam auctoritatem secuti credimus, quæ postmodum sic intelliguntur, ut videantur certissima, sed ipsos articulos, qui sunt omnino supra rationis investigationem, nullo modo contingit sic videre, ut ostendantur demonstrativè; nec est aliqua scientia, quæ possit demonstrare sua principia; sed ex ipsis aliis. Cum ergo articuli sint prima principia in Theologia, non poterunt demonstrari. Immo: sicut intellectus per habitum naturalem, qui dicitur intellectus principiorum, assentit primis principiis aliarum scientiarum; sic istis principiis in Theologia, scilicet articulis, qui excedunt rationem naturalem per habitum supernaturalem, scilicet per lumen fidei, assentimus.

Ad illud de *Richardo*, dicendum, quod verum est, quod dicit *Richardus*, ad quorumlibet explanationem argumenta necessaria non deesse. Suppositis enim aliquibus articulis fidei argumenta necessaria possunt haberi ad probandum multa, quæ ad fidem pertinent, etiam aliquos articulos, sicut *Apostolus* supponendo resurrectionem Christi probat resurrectionem nostram futuram 1. ad *Corint.* 15. Simpliciter tamen, & absolute nullo supposito, quod ad fidem pertinet, impossibile est, aliquem articulum fidei probare demonstrativè. Ex his patet, quod primum veritatē habet: nec est contra Sacram Scripturam, nec contra aliquem Sanctorum.

De secundo, quod isti dicunt esse falsum, scilicet, quod *Thomas* dicit; quod inceptio, sive novitas mundi demonstrativè probari non potest, ex dictis potest concludi, nec esse falsum, nec contra Doctrinam Sanctorum. Omnes enim rationes, quæ ad hoc possunt adduci nullo supposito, quod ad fidem aliquo modo pertinet, possunt impediri: sicut docet *Thomas contra Gentil. lib. 2. c. 31. & alibi.*

Ad illud ergo quod dicunt, quod illud potest demonstrari deducendo ad impossibile, concedi potest, & debet; quia bene contingit deducere ad impossibile, facta suppositione aliquorum, quæ fide tenentur; quod tamen impossibile non apparet illis, qui soli rationi naturali innituntur. Quando verò dicunt (ut juvamentum, argumentum omnino infirmum prætereamus) post alias falsitates absurdissimas, ipse dicit suam, & conatur defendere opinionem ponentium æternitatē mundi, & omnibus modis mentita est iniquitas sibi,

Dicendum nobis est ad istas blasphemias, exemplo Christi humiliter, quod non est ita, salva pace eorum. Nullum enim horum habet veritatem. In primis enim *Thomas* nullam dicit falsitatem, dicendo, quod posset fingi, quod mundus esset eternus quoad aliquas sui partes, licet homo non esset ab æternis; sed solum tangit quādam viam, per quam possent aliqui evadere illam rationem de infinitate animarum. Sicut enim Doctores Græci posuerunt Angelicam naturam per multa sæcula conditam, prout recitat *Hieronymus*, & habetur 2. lib. *sentent.* ante istum mundum sensibilē in esse productam; sic fingerent aliqui pro infinitate animarū vitanda, mundū fuisse per tempus infinitum ante productionem primi hominis; & si nihil omnino supponatur, quod ad fidem pertinet, quomodo isti, vel alij probarent hujus oppositum demonstrative? Nec conatur *Thomas* defendere opinionem ponentium æternitatem mundi. Iminò destruit eam, efficacissimè omnes rationes eorum, quas quidam ipsorum demonstrativas reputabat, sophisticas, imminò omnino nullas ostendendo, hic, & alibi præcipue 2. lib. *contra Gentil.* c. 34. & 35. per totum. In hoc ergo non est mentita iniquitas sibi; sed Philothophorum errore reprobato, manifestata est veritas, ac declarata ad laudem Christi, & honorem.

Tertium quoque, quod dicit *Thomas*, quod cavendum est demonstrationes adducere ad ea, quæ fidei sunt, manifestum est ex dictis esse verissimum. Dicere enim rationes demonstrativas posse haberi ad ea, quæ sunt fidei solius, cujusmodi sunt omnes articuli ejus, omnino derogat auctoritati eorundem, ut patet ex præhabitis.

Ad illud 1. *Petri* 3. Dictum est supra, & quando dicit; Sancti nituntur probare, & non tantum credere ea, quæ sunt fidei. Dandum, quod sancti non intendunt ad ea, quæ sunt fidei, maximè quæ sunt articuli fidei, rationes demonstrativas adducere; sed rationibus probabilibus, & exemplis ipsam fidem declarare. Vnde *August.* 15. de *Trinit.* dicit omnia exempla esse defectiva, vel deficientia.

Et quod dicit de *Thoma*, qui lib. 1. *contra Gentil.* fecit rationes contra ipsos pro fide. c. 9. ejusdem libri, solvitur: ubi dicit circa duplicem veritatem Divinorum esse intentionem sapientis. Et circa errores contrarios destruendos, ad quarum unam investigatio rationis pertingere potest, alia verò om-

nem rationis excedit industriam. Dico autem duplicem veritatem divinarum non ex parte Dei, qui est una simplex veritas; sed ex parte nostræ cognitionis, quæ ad Divina cognoscenda diversimodè se habet. Ad primæ ergo veritatis manifestationem, per rationes demonstrativas, quibus adversarius convinci possit, est procedendum. Sed quia tales rationes ad secundam veritatem haberi non possunt, non debet esse ad hoc intentio, ut adversarius rationibus vincatur; sed ut rationes, quas contra veritatem habet, solvantur. Hec erat etiam intentio Omnium Sanctorum, qui de pertinentibus ad fidem tractaverunt. Et cum subdunt quoad secundam rationem, melius est rationes demonstrativas, quàm topicas, vel sophisticas adducere, verum dicunt in his, in quibus possunt haberi; quod non est in proposito.

Contra responsionem eorum ad rationes *Thomæ* Evacuatis igitur hoc modo istorum cavillationibus, restat videre, qualiter rationibus *Thomæ* non respondeant. Quando dicunt ad primam. Fides est de non apparentibus, quæ non habent causam evidentem; propter quid; habent tamen signa, & effectus, quibus demonstrantur. Manifestum est, quod non dicunt verum; nullum enim est signum, vel effectus creatus, mediante quo aliquis articulus fidei possit demonstrari; quia semper articuli fidei sunt de non apparentibus, donec fidei in via succedat visio in patria. Et sic manifestum est, quod illud, quod dicunt esse falsum, scilicet, quod non intelligitur, quod fides est de non apparentibus omni tempore; hoc enim falsum est, si loquuntur de omni tempore pro statu viæ, in quo ambulamus per fidem. Dicere enim, quod homo in statu viæ non habet fidem de articulis fidei, nisi interpretativè, ut ipsi dicunt, sed scientiam, est ponere hominem in statu viæ existentem, in quo per fidem ambulamus, secundum Apostolum, esse extra statum viæ, & sic contradictoria esse simul vera.

Similiter, quod ad secundum, dicunt, quod Deus aliquas veritates demonstrabiles per rationem potest revelare, & revelavit, ut dictum est, debet concedi. Sed istæ veritates si articuli fidei sunt, sunt supra rationem omnino, & non sunt demonstrabiles; sed sola revelatione innotuerunt, & innotescunt infidelibus: unde illa responsio innititur falso.

Quod autem dicunt ad tertium, quod

non omnis demonstratio est propter quid; sed aliqua sunt per effectus, & ducentes ad impossibile; verum dicunt, sed nihil ad propositum; quia articuli fidei neutro modo possunt demonstrari, ut dictum est aliter, quam supradictum est, scilicet, aliquo vel aliquibus suppositis.

Similiter hoc quod dicunt; quod licet unicus sit Sol, & unica Luna: nihil obstat, quin possit eclipsis demonstrari de utroque demonstratione universali, & convenire multis, si essent illa in isto mundo. Manifestum est, quod mirabiliter male aptatur ad propositum. Demonstrationes enim illae infinituntur causae, qua universaliter, & semper posita, de necessitate ponitur effectus. Adducere autem causam, cui cōsimili modo possit inniti demonstratio de novitate mundi, nullo pœnitens supposito, est omnino impossibile; & sic patet, quod exempla illa nihil faciunt ad propositum.

Quod tandem dicunt ad quartam rationem; quod post mundi creationem ex ipso mundo creato, ipsa Dei voluntas sciri potuit; verum dicunt, quoad aliqua; non tamen quoad hoc, quod mundum de novo in esse produxit; quia non est per demonstrationem scibile; sed sola ratione credibile, cum sit articulus fidei.

ARTICVLVS VII.

DE hoc quod dicit Thomas: quod non sequitur, si Deus est causa activa, quod sit prior duratione, secundum eos, qui ponunt mundum æternum. Vnde eadem questione, & eodem articulo in responsione primi argumenti ita dicit: Considerandum est, quod causa efficiens, que agit per motum, de necessitate præcedit tempore suum effectum; quia effectus non est nisi in termino actionis, agens autem oportet esse principium actionis; Sed si actio sit instantanea, non successiva non necessariū est faciens esse prius facto duratione, sicut patet in illuminatione. Vnde non sequitur de necessitate: si Deus est causa activa mundi, quod sit prior mundo duratione: quia creatio, qua produxit Deus mundum, non est mutatio successiva, ut supra dictum est.

CORRVPTORIVM.

Hic videtur nimis expresse dicere aliqua, ex quibus sequitur, quod creatio mundi potuit esse æterna. Ex hoc enim,

quod dicit, si actio sit subitanea, & non successiva, non est necessariū faciens esse prius facto, duratione. Et post subdit, quod creatio, qua Deus mundum produxit, non est mutatio successiva, sequitur quod Deus non est necessariō prior creatione mundi, secundum durationem; & hoc est dicere, mundi creationem Deo esse coæternam esse possibile, quod est simpliciter falsum, & valde propinquum errori ponentium mundum esse æternum. Quod autem hoc non sit possibile, videtur sic. Constat enim, quod inter omnes partes mundi maximè potest dici de Angelo, & Cælo, quod sunt facta ab æterno; sed probatur, quod nec de illis, arguo sic: factum esse in nulla re est absque fieri, vel præcedente secundum durationem, vel saltem concomitante; quia omne, quod factum est, vel est factum successive, & per motum, & tunc fieri præcedit factum esse duratione; vel subito est factum, sine successione, & tunc simul sunt fieri, & factū esse. Sic igitur patet dicta propositio, scilicet, quod de omni re facta verum fuit dicere, quod ipsa sit hoc, vel antequam facta esset, vel simul cum facta esset; ergo de cælo facto verum fuit dicere, quod cælum sit. Vnde, si prius quàm factū esset, verum fuit ipsum fieri: ergo cælum non fuit ab æterno. In illis enim, in quibus fieri præcedit factum esse, quod sit, non est dum sit; sed tunc primò quando factum est. Si autem in cælo sunt hæc simul vera: cælum sit & factū est; aut ergo hæc duo fuerunt semper, & sunt simul vera; aut pro aliquo instanti determinato? Si fuerunt, & sunt semper vera, de cælo sit, & factum est? Ergo etiam, ut videtur, verum esset dicere, nunc cælum sit, quod nullus diceret: cum cælum inter entia sit permanentissimum. Si autem pro aliquo uno instanti signato fuerunt simul vera, cælum sit, & factum est? Ergo ante illud instans non fuit cælum; quia nihil est, antequam sit, vel factum est; ergo non potuit ab æterno verum esse cælum esse factum, & pari ratione nec mundum.

Præterea: ipse ponit mundum factum de nihilo, quo posito, videtur, quod necesse sit mundum incepisse, & habere esse post non esse; quando enim mundus factus est ex nihilo, aut hoc dicitur materialiter, aut solum negativè, idest non ex aliquo, aut originaliter? Non materialiter, aut originaliter; quia nihil nullius est materia, vel origo. Non negativè solum; quia si solum diceretur mundus factus ex nihilo; quia non est

est factus ex aliquo; pari ratione propter eundem sensum deberet concedi, quod Deus pater est ex nihilo; quia est non ex aliquo; hoc autem nullus concedit: ergo nec illud conceditur solum propter predictum sensum. Restat ergo, ut hoc dicatur ordinabiliter, aut ergo ordine naturæ tantum, quod si sic, nullitas, sive non esse mundi præcedit suum esse solum ordine naturæ, & non duratione, simul fuerunt esse mundi, & suum non esse; sed qua ratione ante fuerunt, simul eadem ratione modo, & semper. Non enim magis sunt compossibilia uno tempore, quam alio; ergo modo simul sunt: immo semper non esse mundum, & ejus esse; ergo sicut modo verum est dicere mundum esse: ita verum est dicere mundum non esse; quod constat esse falsum. Si autem ordine actualis durationis non esse mundi præcedit suum esse; ergo mundum esse non est æternum; æternum non à nullo præceditur. Item si aliquid redigeretur in nihilum, desineret esse, nec posset habere infinitam durationem à parte post; ergo à simili, si aliquid producit ex nihilo, incepit esse, nec potest habere infinitam durationem à parte ante.

Uterius sciendum: quod hoc, quod dicit ad dissolvendum argumentum, scilicet, quod si actio sit instantanea, & non successiva, quod non sit necessarium faciens esse prius facto duratione. Sciendum est, quod in aliquibus habet veritatem, & in aliquibus fallit: ubi enim faciens æternum producit effectum suum ex nihilo, necesse est faciens esse prius facto duratione; faciens enim nunquam non fuit; factum autem aliquando non fuit; quia scilicet fuit nihil. Quod autem nunquam non fuit, necessario præcedit duratione illud, quod aliquando non fuit; & idè exemplum de pedis vestigio æternaliter existente in pulvere sophisticum est, quantum ad productionem creaturæ ex nihilo; quia vestigium productum in pulvere, & de pulvere non producit ex nihilo, & eadem ratione exemplum de igne, & splendore sophisticum est, quantum ad creationem; quia splendor ex igne generatur, non producit ex nihilo immediate; sed quantum ad generationem Filij ex Patre, qui non est nihil: est exemplum conveniens,

Responsio ad hæc secundum Thomam.

Vtitud, quod isti per prædicta nituntur improbare, melius intelligamus,

A illam responsionem ad primum argumentum 1. artic. q. 46. ex integro videamus, ubi dicit Thomas. Augustinus de Civit. Dei, dicit; quod Philosophorum ponentium eternitatem mundi duplex fuit opinio. Quidam enim posuerunt, quod substantia mundi non fuerit à Deo, quorum intolerabilis error refellitur ex necessitate. Quidam autem sic posuerunt mundum, quod tamen à Deo factum dixerunt; non tamen initium temporis mundum habere posuerunt: sed sue creationis initium, & ita voluerunt, ut quodam modo vix intelligibili, mundus semper factus sit. Id autem quo modo intelligant invenerunt: ut idem dicit in 10. de Civit. Dei. Sicut enim, inquit, si per ab æterno fuisset in pulvere semper vestigium à calcante factum, nemo dubitaret. Sic & mundus semper fuit semper existente illo qui fecit. Et ad hoc intelligendum, considerandum est, quod causa efficiens, que agit per motum, de necessitate præcedit tempore suum effectum; quia effectus non est, nisi in termino actionis sive motus. Agens autem oportet esse principium actionis. Sed si actio esset instantanea, & non successiva, non est necessarium, faciens esse prius facto duratione, sicut patet in illuminatione. Unde dicunt, quod non sequitur ex necessitate, si Deus est causa mundi activa, quod Deus est prior mundo duratione; quia creatio, qua mundum produxit, non est mutatio successiva, sed instantanea, ut dictum est supra. Hæc ergo sunt verba Thomæ ex integro. Ex quibus patet, quod nihil addit sententiæ August. 10. de Civit. Dei, nisi quod explanat in fine modum illum vix intelligibilem, per quem illi Philosophi ponebant mundi eternitatem. Pro quo nec Augustinus, nec etiam ipse, qui dictum ejus explanat, est arguendus. Hoc tamen sciendum, quod sicut non potest demonstrativè probari mundum incæpisse; Ita nec demonstrativè probari potest mundum ab æterno esse. Et ideo ad rationes istas, quas putant demonstrativas, cum tamen vix sint probabiles, respondendum est.

Ad primum cum dicunt; omne quod factum est sit aliquando: falsum est, si sumatur fieri pro mutari propriè. Manifestum est enim, quod mundus factus est, & creatus, secundum quod fides ponit, & tamen non dicitur in sui creatione fieri, sumpto fieri pro mutari propriè. Creatio enim non est mutatio, licet per modum cujusdam mutationis intelligatur, sicut docet Thomas supra q. 45. art. 3. in respons. 1. argum. & alibi multoties. Si autem accipiatur fieri pro eo, quod est accipere esse à faciente, sic verum est, quod omne, quod factum est sit. Sed hoc potest significari dupliciter. Vno modo,

do, quòd intelligatur ista acceptio esse cum novitate quadam, & sic dicitur mundus creari, sive fieri, secundum fidem. Alio modo, ut intelligatur ista acceptio esse simplex sine aliqua novitate, & sic posuerunt Philosophi isti mundum à Deo ab æterno fieri. Hoc est accipere esse sine inchoatione, seu novitate aliqua, & ita voluerunt, quòd quodam modo vix intelligibili mundus semper sit factus, ut dicit *Augustinus*, ut scilicet intelligatur in æternitate, sive tempore infinito accipere esse à Deo, & hoc non repugnat permanentiæ mundi, seu partium ejus; & sic patet, quòd ratio ista non procedit.

Ad secundum dicendum, quòd Philosophi isti non dicunt mundum ex nihilo ordinaliter, idest post nihil; sed solum, quia Deus ab æterno fecit mundum, ita quòd non ex aliquo; quia ex nullo, tanquam materia. Nec valet instantia de Deo Patre; quia sicut non est ex aliquo, ita nec est factus: unde nullo modo potest dici factus ex nihilo.

Ad tertium dicerent isti philosophi, quòd si aliquod ens intelligatur redigi in nihilum, necesse est, quòd sua duratio terminetur cum suo esse. Sed si aliquid intelligatur produci in esse ex nihilo, idest non ex aliquo secundum prædictum modum, nō oportet, quòd eius duratio à parte ante habeat initium; cum possit intelligi, quòd illud esse accipiat à Deo ab æterno.

Ad quartum; cum dicunt ad resistendum rationi istorum, quòd est factum de nihilo, aliquando non fuit: ipsi secundum modum suum ponendi hoc negant; unde quòd ibi dicitur, nihil valet ad propositum. Ex his patet, quòd illæ rationes, quibus illi innituntur, nec probabiliter quidem concludunt.

ARTICVLVS VIII.



Et de hoc, quòd dicit: quòd in rebus incorruptibilibus non est, nisi unum individuum unius speciei: unde q. 47. art. 2. versus finem solutionis dicit: quòd in corruptibilibus non est, nisi unum individuum unius speciei; quia species sufficienter conservatur in uno. Et simile infra. q. 57. artic. ultimo in responsione principali.

HOc reputamus erroneum; quia cum anima intellectiva sit incorruptibilis, tunc non essent plures animæ intellectivæ numero differentes; sed tantum una, qui fuit error *Averrois* 3. de Anima text. comm. 21. qui error est multipliciter contra fidem.

Item hoc est contra *Philosophum* 2. cali. & mundi, qui dicit, quòd corpora rotunda sunt multa propter generationem.

Er est contra *Comment. Com.* 47. 2. libri. super illud cali. & mundi. Volumus dicere de figuris stellarum, &c. Omnia (inquit Commentator) corpora caelestia sunt ejusdem naturæ speciei; & corpora caelestia sunt multa individua in specie.

Item ratio sua non valet; quia in rebus corruptibilibus in una, & eadem specie non deberent esse plura individua, quàm duo, quia in duobus sufficienter species salvatur; ad sensum autem videmus contrarium in innumerabilibus speciebus animalium. Unde dicimus, quòd corruptibilitas individuum non est sola causa multiplicationis individuum sub una specie, sicut patet per auctoritatem *Philosophi Text. Com.* 21. præallegatam, scilicet, quòd corpora caelestia sunt facta propter generationem. Hæc sunt verba eorum.

Responsio ad hæc secundum Thomam

AD videndum, qualiter in incorruptibilibus per naturam est tantum unum individuum unius speciei sciendum, quòd hujusmodi incorruptibilia, aut sunt forme simplices per se subsistentes, quæ sunt substantiæ separatae; & sic necesse est, quòd differant specie; cum sola differentia formalis possit in talibus inveniri, quæ necessario variat speciem; aut sunt corpora composita ex materia, & forma, tunc licet ratione quantitatis dimensionis, à qua sumitur ratio distinctionis secundum numerum, possint intelligi plura hujusmodi corpora solum numero differentia, ut plures soles; non tamē sunt in plura talia in natura producta; quia facta sunt in perfectione tanta, quòd materia est totaliter actuata à forma in uno individuo; quòd absque hujus forme multiplicatione sufficit ad perfectionem universi; quia unum numero individuum in ipsis sufficit universo; sicut unus Sol, una Luna, & ita de alijs.

Ad

Ad rationes eorum sic dicendum.

Ad primum: quod anima intellectiva est principium formale speciei, scilicet, hominis; & ideo cum forma habeat numerari per materiam; hinc est, quod ad differentiam materiale hominum sequitur necessario numeratio forme specificę ipsius hominis, sive ipsius animę intellectivę. Illum autem errorem Averrois de unitate intellectus possibilis destruit Thomas efficaciter in *Tractatu de intellectu. unit. contra eundem*: unde non fuit curiale errorem sibi imponere in hac parte.

Ad secundum dicendum; quod corpora cęlestia sunt plura secundum Philosophum *tex. com. 21.* propter generationem intentione secunda: quia sunt rebus generabilibus nobiliora secundum *Comm. ibidem.* Et ideo eorum differentia non tantum attendenda est penes hoc; sed potius penes eorum principia essentialia; eo quod forma in talibus totaliter occupat materiam; ita quod non est ibi potentia ad aliam formam; licet ratione quantitatis aimentivę hoc posset intelligi, ut dictum est.

Ad tertium dicendum, quod *Comment. super 2. de cęlo, & mundo* intendit, quod omnes stellę sunt ejusdem naturę, cujus est cęlum: super illud enim volumus perscrutari postquam complevimus sermonem de corpore 1. de stellis ubi *sup. &c.* dicit sic. *Iste sermo continet in se duas propositiones, quarum una est; quod omne, quod est pars corporis naturaliter, est ex natura illius corporis. Secunda est, quod stellę sunt partes cęli naturaliter.* Et concluditur, quod stellę sunt naturę cęli. Hęc *Commentator.* Stellę igitur, ut videtur manifeste, secundum ipsum, in una natura cęli conveniunt; ita quod stellę pertinent ad naturam illorum orbium, quorum sunt partes, & stellę diversorū orbium, sicut & orbes, necessario erunt specie differētes, sicut manifeste patet de Sole, & Luna. Quando vero dicit infrā, sicut isti obijciunt, quod sunt ejusdem naturę specie, & quod sunt plura individua in specie, sic habet intelligi; non quod conveniāt in una specie specialissima, & differant solum materialiter, hoc enim est falsum, & patet quodammodo ad sensum in Sole, & Luna, secundum quod conveniant in natura quintę essentię, quę neque est gravis, neque levis, ratione cujus concluditur, quod sunt figurę consimilis, ut patet per *Commentatorem ibidem.*

Ad quartum dicendum; quod in incorruptibilibus per naturā tota natura spe-

ciei sic salvatur in uno individuo, quod tota potentia materię, sive capacitas respectu talis formę completur in illo, & non patet via multiplicationi materiali in talibus; sed solum formali, ut dictum est. Non sic autem potest salvari natura generabiliū, & corruptibilium in duobus, nec in quovisque individuis, in quibus materia est semper in potentia ad formam, & per consequens non totaliter occupata.

ARTICVLVS IX.



E hoc, quod dicit Thomas, quod non est possibile esse aliam terram, quā istam: in q. 47. ac ultima, in responsione ultimi argum. dicit, quod non est possibile esse aliam terram, quā istam, quia omnis terra fertur naturaliter ad hoc medium ubicunque esset, & eadem ratio est de alijs corporibus, quę sunt partes mundi.

CORRUPTORIUM.

Respondemus, cum ista terra esse vel posse formari aliam. Cum enim hoc non sit de operibus naturę; sed potentię divinę, dicere non posse esse aliam terram, est Deum dicere non posse facere aliam terram, quod derogat fidei dicenti Deum omnipotentem. Quod autem pro ratione addit falsum est; quia motus alterius terrę, si Deus faceret eam, non esset ad centrum hujus terrę, vel hujus mundi; sed tenderet ad centrum proprium mundi, quia illud medium esset illi propinquius; unde illa ratio Philosophi suprā adducta non valet sine dubio.

Responsio ad hęc secundum Thomam.

Dei potest ad instantiam, quę parum ponderat, quod non sequitur, non est possibile esse aliam terram, ergo Deus non potest aliam facere, licet factio terrę solum pertineat ad potentiam Dei: verbi gratia. Illuminatio cęci, ut videat tantum pertinet ad potentiam Dei, & tamen non sequitur, cæcus non potest videre, ergo Deus non potest illuminare eum, ut videat, & per hoc patet responsio ad primū.

Ad secundum dicendum: quod naturaliter loquendo ratio Doctoris, quam addu-

adducit, optimè procedit; cum hoc tamen stat, quòd Deus de potentia sua absoluta possit aliam terram, & aliud uniuersum facere.

ARTICVLVS X.



D hoc, quod Thomas dicit, quòd Angelus non est compositus ex materia, & forma, Thomas q. 50. ar. 2. in solutione principali dicit, quòd Angelus non est compositus ex materia, & forma. Primo; quia si haberet materiam non esset distincta, nisi per quantitatem, qua remota, maneret indistinguishibilis, ut habetur 1. Physic. text. Com. 82. sed in Angelo non est quantitas: Ergo n. c. materia. Secundo; quia operatio rei est secundum modum substantiæ ejus: Intelligere autem, quod est operatio Angeli, est penitus operatio immaterialis, ergo & Angelus est immaterialis. Tertiò; quia dicit Dionys. de Divin. nom. c. 4. quòd primæ creaturæ incorporales, & immateriales intelliguntur. Idem ponit eodem lib. q. 12. artic. 4. & q. 5. in responsione principali,

CORRVPTORIUM.

EX hac positione videtur sequi aliquid, quod est fidei contrarium.

Primo; quia fides ponit Angelos pati. Math. 25. Ite maledicti in ignem æternum, qui paratus est Diabolo, & Angelis ejus; secundum Philoſophum autem, & sanctos, quod est immune à materia, est immune à passione; & ita si Angelus non habet materiam, Angelus non potest pati.

Secundo; quia fides tenet, & Scriptura dicit solum Deum esse immutabilem. Dicit autem Augustinus 2. confessionum. Vbi mutatio ibi materia; ergo à destructione consequentis, ubi non est materia aliqua, nec mutatio aliqua; & ita si Angelus non habet materiam, est immutabilis, & per consequens Deus; quia hoc soli Deo est proprium.

Tertiò; quia fides tenet, quòd Angelus, nec Beatus, nec malus creatus fuit; sed beatitudinis, & miseræ capax, sicut virtutis, & vitij, & aliorum accidentium. Sed dicit Boëtius de Trinit. c. 3. Nec Deus subjectum esse potest: forma enim est; formæ autem subjecta esse non possunt. Nam quamvis certæ formæ accidentibus subjectæ sint, ut humanitas; non tamen ita accidentia suscipit in eo, quod ipsa est; sed

in eo, quòd materia ei subjecta est. Dum enim materia subjecta humanitati suscipit quodlibet accidens, ipsa humanitas suscipere videtur; forma verò sine materia subjectum esse non potest: ergo si Angelus est forma sine materia, nec est subjectum beatitudinis, nec damnationis, nec illuminationis alicujus.

Dicendum est ergo; quòd Angelus est compositus ex materia spiritali, & forma. Vnde Boëtius de Unitate, & Uno. Aliud simpliciter quidem unum, ut Deus. Aliud simpliciter unum conjunctione, ut Angelus, & Anima, quorum unumquodque est unum conjunctione materiæ, & formæ.

Item Comment. super 8. Metaphys. recitat Themistium dixisse: quòd Sol, & Luna, & stelle sunt formæ sine materijs, aut habent materiam per equivocationem, sicut est dispositio in materia intelligentiæ. Quòd autem sit ponere materiam spiritualement, patet per Augustinum lib. 5. super Gen. ad litteram c. 8. Non temporali, inquit, casu, sed ordine prius facta est in forma formabilis materies, & corporalis, & spiritalis: unde fieret, quicquid faciendum esset.

Item Damasc. lib. 2. c. 17. Angelus incorporeus, & immaterialis dicitur quantum ad nos. Omne enim comparatum ad Deum (qui solus incorporealis est) grossum, & materiale invenitur.

Item Damasc. in Logica sua. c. penult. Angeli, Dæmones, Animæ quantum ad corpus immaterialia dicuntur; sed si ad principale immateriale, id est, Deum, materia sunt.

Quòd autem dicunt alij; quòd non est ex materia, & forma; sed ex potentia, & actu, vel forma, hoc non refert; quia secundum Comment. 11. metaphys. com. 49. potentia inseparabiliter concomitatur materiam. Ait enim super illud. Si fuerit substantia movens, &c. in rebus in quibus est potentia est materia. Et infra eodē cap. supra illud. Principium autem est imago. Compositum autem est omne, cui admiscetur potentia.

Idem super 8. physicorum. Nunc autem volumus probare. Hæc propositio convertibilis est, scilicet, quòd simplex est caret potentia, & quòd caret potentia est simplex; potentia enim est causa compositionis alicujus ex duabus substantijs. Et Rabi Moyses lib. de Deo benedicto dicit, quòd omne, quod est in potentia ad aliquid necessario habet materiam; quoniam potentia semper est in materia; ergo si Angelus

gelus habet potentiam; habebit materiam. Dicitur autem aliquando non habere materiam: tum quia ejus materia non est similis materiæ corporali magis usitatæ; tum quia tota penetrata est, vel quietata per suam formam spiritualement sibi in hoc consimile; tum quia in tantum coit in unum cum sua forma, quod Angelus non reputatur nisi pura forma; tum quia operatio Angeli propter hujusmodi materiam sic à forma absorptam non impeditur.

Responsio eorum ad rationes *Thomæ*.

Ad primum ergo dicendum; quod materia Angeli, cum sit spiritualis, distinguitur non dimensione, sed numero; sicut quando unus punctus sit duo: nec dicimus unam materiam corporalium, & spiritualium, sed aliam; quia corporalium est corporalis, & spiritualium spiritualis.

Ad secundum dicendum; quod cum dicit pro regula, quod operatio est secundum modum substantiæ rei: si intelligitur, quod omnes modi operationis sint secundum substantiam operantis, falsum est, tam in operatione sensitivæ, quam intellectivæ. Videmus enim, quod anima sensitiva secundum *Philosophum 2. de Anima text. comm.*

121. & *text. com. 13.* per omnes sensus exteriores, & per imaginationem interius recipit species rerum materialium sine materia; licet recipiat per sensus præsentem materiam, tamen semper sine materia: sensitiva autem anima, & omnes virtutes ejus sunt alligatæ materiæ, & non abstractæ à materia, sicut species, quas recipiunt. Item in operatione intellectiva fallit illa regula. Nam anima intellectiva per intellectum recipit species, quæ sunt universales in comparisonem ad singularia, quæ considerantur in illis; & tamen certum est, quod anima intellectiva nullo modo potest dici res universalis, sed singularis. Vnde regula est falsa, si universaliter intelligatur. Potest tamen vera esse per hunc modum, scilicet, quod nobilior substantia naturaliter nobiliorem habet operationem, & virtuosior virtuosior; sed quantum ad modum materialitatis, vel immaterialitatis, singularitatis, vel universalitatis non est verum. Vnde dicimus, quod sicut potentiæ sensitivæ possunt recipere intentiones rerum materialium sine materia, sic intellectiva, licet sit perfectio materiæ spiritualis, potest recipere formas omnino abstractas à materia, & à conditionibus materiæ. Vel potest dici,

quod operatio Angeli, quæ est intelligere, dicitur immaterialis, quia abstrahit à materia, & à conditionibus materiæ; non quia res corporales, & materiales non intelligantur per similitudines spirituales specierum rerum materialium: & ideo nullum inconveniens est, si res immaterialis in materia spirituali recipiatur, quæ est anima intellectiva.

Ad illud *Dionysij* dicendum; quod Angelos incorporeales, & immateriales dicit per comparisonem ad nos, non simpliciter, ut dicit *Damasc.* & superius est allegatum *lib. 2. cap. 2.* Hæc sunt verba eorum.

Responsio ad hæc secundum *Thomam*.

Quod Angelus non sit compositus ex materia, & forma multipliciter ostendit *Thomas contra Gentiles lib. 2. c. 49.* & alibi, quod cum sit demonstrativè probatum, propriè accepta materia, prout *Philosophi* loquuntur de ipsa; nihil contra fidem ex hoc poterit concludi. Argumenta autem, quæ ipsi inducunt, sunt Sophistica.

Ad primum ergo cum dicunt: quod immune est à materia, immune est à passione. Si ergo Angeli sunt immateriales, non possunt pati ab igne infernali. Dicendum, quod isti in isto argumento fallunt, vel falluntur per æquivocationem passionis. Quod enim est immune à passione propriè accepta, quæ aliquid abjicit de substantia patientis, facta transmutatione philosophica circa eandem: talis autem passio non est in Angelis, cum sint secundum suam substantiam intransmutabiles, sicut & immateriales; nihil tamen prohibet, ipsos summè affligibiles, quod contra conatum suæ voluntatis concluduntur, & quasi incarcerationantur in illo igne infernali, sicut docet *Thomas in 1. p. q. 64. art. 4. in responsione 1. argum.*

Ad secundum dicendum, quod solus Deus est immutabilis totaliter, ac simpliciter, prout mutatio dicit qualemcumque variationem, vel vicissitudinem, apud quem non est transmutatio, nec vicissitudinis obumbratio. *Iacob. 1.*

Quod verò dicit *Augustinus*. Vbi mutatio ibi materia: habet intelligi de mutatione physica, per quam natura rei alteratur, quæ non cadit in incorporealibus, cujuscumque sunt Angeli: sed sola vicissitudo cogitationis.

tionum ; siue cōceptuum , & affectio-
num.

Ad tertium, quando dicunt secundū
Boetium, quod forma sine materia non po-
test esse subiectum accidentium. Dicendū,
quod *Boetius* intelligit de forma omnino
pura, quæ Deus est, sicut patet ibidem.
Quod dicunt de humanitate, quod ipsa
in materia, & non sine materia est acciden-
tibus subiecta, sic habet intelligi secundū
ipsum *Boetium*, quod nec humanitas, nec
aliqua alia forma specifica recipere potest
accidentia, per quæ numeretur in pluribus
individuis, nisi prout est in materia. Vnde
concludit consequenter *ibidem*, quod, quia
Deus est forma omnino sine materia, im-
possibile est ipsum accidentibus subijci, per
quæ plurificentur numeraliter ; & eodem
modo dicendum est de natura specifica in
Angelis ; quia est forma immaterialis, im-
possibile est, quod recipiat huiusmodi ac-
cidentia, quæ ipsam multiplicent in diver-
sis individuis. Huiusmodi enim est quan-
titas, & accidentia ipsam consequentia,
quæ in Angelis non cadunt. Vnde in una
specie non est nisi unum individuum in
ipsis, sicut patebit infra. In formis tamen
immaterialibus, quæ non sunt suum esse,
quibus per consequens maior, vel minor
perfectio in essendo potest adesse, cuiusmo-
di sunt Angeli, nihil prohibet aliquas esse
perfectiones accidentales, quæ aliquibus
insunt, aliquibus defunt, quorum nullum
ad quantitatem pertinet, cuiusmodi sunt
gratia, gloria, & huiusmodi.

Ad quartum, cum dicit *Boetius*, quod
Angelus, & Anima sunt unum conjunctione: non
sic habet intelligi, quod in ipsa quidditate
Angeli, vel Animæ sint duo principia si-
mul iuncta, scilicet, materia & forma ; sed
ista conjunctio est ipsius quidditatis, quæ
est forma simplex in utroque, cum suo esse,
quod participat, respectu cuius ipsa quid-
ditas est in potentia ; propter quod sicut
quidditas Angeli est in potētia ad esse, quod
participat per naturam, sic etiam in suis
naturalibus constitutus ipse Angelus est in
potentia ad perfectiorem essendi modum
per melioris, ac verioris esse participatio-
nem plenioris, quod fit per gratiam, &
gloriam : & propter hanc potentialitatē
vocat *Augustinus* Angelicam naturam ma-
teriam spiritualement, tanquam informem,
quoad perfectionem sapientiæ, donec ad
suum principium converteretur per amo-
rem, sicut patet super *Gen. ad litteram lib. 1.*

A cap. 5. per totum, & est multum notabile : &
per istam sententiam *Augustini* ibidem pos-
sunt solvi quasi omnia argumenta, quæ se-
quuntur.

Ad quintum dicendum, quod nec
Themistius, nec aliquis philosophus appro-
batus ponit dispositionem materiæ in intel-
ligentiis, quas Angelos vocamus, nisi se-
cundum istam æquivocationem materiæ
prædictam, vocando, scilicet, materiam ip-
sam eorum quidditatem propter potētiā,
quam habet respectu esse, quod participat,
eo quod deficit à perfectione primæ formæ
omnino, quæ est suum esse. Et quod addu-
cit de *Augustino*, solvi debet per dicta ejus
præallegata.

B Similiter ad sextum, quando dicit
Damasceus, quod Angelus, Deo compara-
tus, est grossus & materialis, non sic intelli-
gitur quoniam secundum doctrinam *Dionysij*,
cujus auctoritati ubique innititur, sicut
patet librum suum intuenti, ipsi Angeli
sunt in suis naturis incorporei, & immate-
riales ; sed quia deficiunt in infinitum à
perfectione simplicitatis divinæ, quæ non
est, nisi purum esse. Et ad idem solvitur di-
ctum ipsius *Damascei* in sua Logica, quod in sep-
timo argumento adducitur.

C Ad octavum dicendum, quando di-
cunt, quod non differt, rem componi ex
potentia, & actu, vel forma, & ipsam com-
poni ex materia & forma ; si intelligatur
de potentia, quæ in materia invenitur, &
de actu, qui forma dicitur, verum dicunt.
Sed isto modo non debet dici, quod An-
gelus componatur ex potentia & actu,
immo ex quidditate & esse, ut dictum
est.

Quod autem dicit *Commentator* : in re-
bus, in quibus est potentia, est materia : habet in-
telligi de potentia ad non esse ; quia inest
rebus ratione materiæ secundum *Philoso-
phum*. Et similiter, quod dicit idem *Commen-
tator* : quod est simplex caret potentia, & è con-
verso de potentia eodem modo accepta, necessariò
intelligitur secundum ipsum : ipse enim
ponit in corporibus cælestibus potētiā
ad ubi, quæ tamen secundum ipsum sim-
plicia sunt, sicut probare nititur in libro de
substantia orbis, licet in hoc erraverit. Ma-
nifestum est igitur, quod frustrà innituntur
illi *Commentatori*, qui non minorem in mo-
toribus, quàm motis corporibus, scilicet,
cælestibus, quàm intelligentiis poneret sim-
plicitatem.

Eodem modo forsan habet intelligi
illud

illud Rabbi *Moyse*, quod omne, quod est in potentia ^A habet materiam. Vel posset dici, quod omne, quod est in potentia ad aliquid, habet materiam veram, vel quidditatem deficientem ab actualitate primæ formæ, ratione cuius potest dici, quod habet materiam, sed æquivocè, ut dictum est.

Quia autē inferunt, quod Angelus dicitur aliquādo nō habere materiā; quia habet materiā spirituale, quæ intantum coit cum sua forma, quod Angelus reputatur pura forma, quam tamen absortam à forma asserunt: manifestè ostendunt, quod ponere huiusmodi materiam, est ponere nullam materiam realem, & per consequens est fictio ridicula, cum ipsimet omnem excludant verè materiæ conditionem.

Quod responsiones ad argumenta eorum non valeant.

Responsiones etiam, quas afferunt ad argumenta *Thomæ* veritatem ostendentia, frivole sunt & inanes.

Quia enim dicunt ad primum, quod Angeli materia, quæ spiritualis est, distinguitur non dimensione, sed numero, ad modum unius puncti, quando fit duos; nō intelligunt, quæ loquuntur, nec de quibus affirmant. Distinctio enim secundum numerum præsupponit divisionem secundum quantitatem dimensionem, sive magnitudinem, sicut patet per *Philosoph. 3. Physic. text. com. 35*. Impossibile est enim naturam specificam numerari per aliud, quàm per accidentia aliqua, sicut patet per *Boetium libr. de Trin.* Cujus ratio est; quia individua ejusdem speciei conveniunt tam in materia, quàm in forma, quæ ejusdem rationis reperiuntur in ipsis. Et hinc est, quod species, quæ dicit quidditatem compositam ex talibus principiis, dicit totum esse, & totam omnino substantiam talium individuorum, secundum *Boetium*; & per consequens, oportebit ea distingui per aliquid, quod est extra quidditatem ipsorum, quod non potest esse, nisi accidens. Alia verò accidentia à magnitudine dimensionis non habent, unde numerentur ex se, vel distinguantur sub specie specialissima, sicut patet de albedine, & quibuscumque huiusmodi; sed hoc convenit soli quantitati dimensionis, quæ omnibus aliis circumscriptis habet unde numeretur, & distinguatur sub eadem specie. Possumus enim intelligere duas lineas distinctas solum numero differre, omnibus aliis accidentibus circumscriptis. Cujus ratio est: quia ipsa quantitas dimensionis

B. Aegid. defens. Oper. S. Thom.

includit divisibilitatem cum situ infra suam quidditatem. Et inde est, quod ipsa necessario requiritur ad hoc, quod natura specifica numeretur in diversis individuis. Si ergo in Angelis est materia, & tamen nulla quantitas dimensionis, manifestum est, quod non est dare secundum fictionem ipsorum, quo modo distinguantur, cum substantia, circumscripta quantitate, sit indivisibilis, & per consequens indistinguibilis secundum *Philosophum 1. Physic. text. com. 15*.

Præterea: secundum hoc, natura Angelica non haberet aliquid per quod individuaretur. Omnis enim forma recepta in materia in se considerata est communis, sicut patet per *Philosophum 8. Meta. text. com. 9*. materia etiam, quæ cadit in compositione quidditatis specificæ æquè communis est, alioquin non esset vera communitas in specie magis, quàm individuo particulari vago. Si ergo debeat individuari, requiritur aliquid aliud per quod determinetur; sed sicut materia, & forma, & quidditas specifica ex ipsis composita non habent infra rationem suæ naturæ, unde determinentur ad unum numero, sic nec accidentia alia circumscripta quantitate dimensionis, infra cujus quidditatem cadit situs determinatus, ad quem aliæ conditiones individuantes consequuntur, ut prædictum est. Si ergo quidditas Angeli est composita ex materia, & forma, & tamen caret quantitate dimensionis, manifestum est, quod non habet aliquid per quod sit hoc aliquid, & suppositum unum numero *1. Metaph. text. com. 18*. Cum autem actus sint suppositorum, si in Angelis nullum concedatur esse suppositum, nullum poterunt habere actum, & per consequens, nec videre Deum, quod est contra fidem, & Evangelium *Matth. 19. Angeli eorum semper vident faciem Dci*. Sed isto quid absurdius? Ergo absorbeatur materia, quam ponunt in Angelis, ita quod nulla ponatur in eis, ne non solum contra Philosophiam; sed etiam contra fidem huiusmodi positio, sive fictio defendatur.

Quod tamen dictum est, quod forma recepta in materia non individuatur sine quantitate dimensionis, satis consonat verbis *Philosophi*. Verumtamen utrum possit aliunde Deo operante individuari, vel non? Dubium videtur; sed tamen hoc videmus, quod aliam causam præcisam individuationis in huiusmodi rebus jam creatis nō invenimus

C

Quod

Quod autem dicunt de puncto, quod cedit in duo puncta, si intelligant hoc fieri secundum rem, nihil est quod dicunt: quoniam non est intelligibile fieri hoc posse, nec per divisionem, cum sit indivisibile, nec per migrationem, cum accidentia non migrent, nec per aliam mutationem; quia secundum *Boetium* accidentia sunt indignantis naturæ, & corrumpuntur citius, quam transmutentur. Potest tamen idem punctus secundum rem cedere in multa secundum rationem, sicut patet de puncto centrali, qui est unus res, sed differt ratione secundum differentiam linearum in ipso concurrentium, & quidem inter duo puncta contingit invenire diversitatem; sed hoc non est nisi propter diversitatem quantitatis dimensionis. Si enim quantitatem circumscribamus, non est quo punctum à puncto distinguamus: quoniam si ponamus ea simul in eodem situ, manifestum est, quod non est, quo distinguantur, ipsius lineis, quarum sunt termini, circumscriptis. Situs enim diversi, in quibus ponantur, non possunt fingi quantitate dimensionis circumscriptas; & sic liquet, quod impossibile est puncta ab invicem distingui, vel aliquam formam specificam secundum numerum sine quantitate dimensionis.

Quod autem dicunt ad secundum argumentum, quod licet sensus, & imaginatio sint virtutes alligatæ materiæ, tamen recipiunt species sine materia, & eodem modo Angelus habet operationem immaterialem, licet ipse sit materialis, nullo modo potest stare, nec habet aliquam probabilitatem: manifestum est enim, quod operatio sensus, vel imaginationis non se extendit ad aliquod objectum immateriale, eo quod sunt virtutes alligatæ materiæ, ergo si Angelus est materialis, & per consequens habet virtutem alligatam materiæ, cum virtus, & operatio substantiam non excedant, impossibile esset virtutem Angelicam suam operationem ad aliquod immateriale extendere, & per consequens nec Deum videre, quod est contra fidem manifestè. Alia etiam tangunt in illa responsione, quæ frivola sunt: nec faciunt ad propositum. Illa enim spiritualis materia, de qua loquuntur, fictio sola est, ex qua multa fidei contraria concludi possunt: & ideo ponere alium modum receptionis ratione ejus innititur nihilo; quia verò quidditas Angeli est forma simplex, hinc est, quod formæ receptæ in intellectu ipsius sunt re-

presentativæ formarum immaterialium, & per habitum gloriæ aptus est elevari ad visionem formæ primæ, quæ Deus est, quod non esset possibile, si haberet materiam, & virtutem alligatam materiæ, sicut sensum & imaginationem, quæ sunt virtutes huiusmodi.

Quod tandem dicunt ad tertium, quod dictum *Dionysij* habet intelligi, quod Angeli sunt immateriales quoad nos, & non simpliciter in sua natura, eo modo possunt dicere de hoc quod dicit, quod sunt incorporei, quod scilicet non vult dicere, quod sunt simpliciter incorporei in sua natura; sed solum in comparatione ad nos, quod est manifestè falsum. Dictum verò *Damasc.* supra expositum est.

ARTICVLVS XI.



DE hoc, quod dicit *Thomas*, quod impossibile est, duos Angelos esse ejusdem speciei. Item eadem q. art. 4. in respons. principali, & q. 75. art. ult. in responsione principali dicit, quod impossibile est duos Angelos esse ejusdem speciei, sicut impossibile est dicere, quod essent duæ albedines separatæ, cum non sint plures albedines, nisi quia sunt in pluribus subjectis. Et etiam si Angeli haberent materiam, neque sic possent esse plures ejusdem speciei: sic enim oportet, quod principium distinctionis unius ab alio non quidem esset secundum distinctionem quantitatis, cum sint incorporei, sed secundum diversitatem potentiarum, quæ facit diversitatem non solum speciei, sed etiam generis. Item in his, quæ sunt ejusdem speciei, non est invenire prius, & posterius, ut dicitur 3. Meta. t. com. 11. Sed in Angelis unius ordinis sunt primi, medij, & ultimi, ut dicit *Dionysius* 10. c. Angelica hierar. ergo Angeli non sunt unius speciei. Hæc dicit *Thomas*.

CORRVPTORIVM.

HÆC positio videtur contraria fidei Catholicæ; quia derogat omnipotentiae Divinæ. Cum enim multiplicatio Angelorum, vel unitas quæcumque non sit ab opere naturæ, sed potentiae Divinæ, dicere, quod impossibile est duos Angelos esse ejusdem speciei, idem est dicere, quod Deum non posse hoc facere, vel fecisse,

se ; quod est damnatum per Episcopum, & magistros Parisienses.

Item illud , quod adducit de duabus albedinibus separatis, est falsum, & contra Altaris Sacramentum , ubi fide tenemus plures albedines ab omni materia separatas esse ejusdem speciei opere, vel actione Divinæ potentia.

Uterius dicimus, quod habent materiam spiritualementem ; & tunc materiae eorum distinguuntur non per divisionem quantitatis, nec per diversitatem potentiarum, sicut dicit; sed per multiplicationem numerabilitatis: sicut cum unus punctus sit duo puncta. De hoc responsio melius in articulis qq. 9. determinatarum q. 253.

Præterea : *Damasce. in sua Logica c. 26.* de persona ita dicit: Persona est, quæ proprias operationes, & proprietates manifestativa, & circumterminativa ab his, quæ sunt unius naturæ cum ipsa, nobis tribuit expressionem ; verbi gratia, *Gabriel* cum sancta Dei Genitrice disputans unus Angelorum existens, illic præsens disputavit, se paratus ab Angelis consimilibus per eam, quæ in loco est præsentiam, & disputationem.

Idem in eodem lib. *superius c. 11.* de substantia, natura, ac forma individui Dei, & persona, ac hypostasi ita dicit: *Eximiores Philosophi materiam vocant speciem specialissimam, ut Angelum, hominem, equum.* Et eodem c. *infra:* Sancti Patres dimittentes contentiosas garrulationes, commune, & de multis dictum, idest speciem specialissimam, & materiam, & formam vocaverunt, ut Angelum, hominem, & talia: ecce quod Angelus est species specialissima tam secundum *Philosophos*, quam secundum Sanctos Patres.

Ad illud, quod dicit *de Philosopho in 3. Metaph.* quod inter individua unius speciei non est prius, & posterius. Dicendum, sicut *D. exponit Comm. verbum Arist. t. comm. 11.* quod inter individua ejusdem naturæ non est posterius, quod constituatur per prius; sicut videmus in linea prædicamentali, quod prius est de essentia posterioris; non est autem talis ordo in Angelis. Hæc sunt verba eorum.

Responsio ad hæc secundum Thomam.

EX simplicitate Angeli ; art. proximo declarato, manifestum est, quod impossibile est duos Angelos esse ejusdem spe-

ciei. Nec est hoc contra fidem ; nec derogat potentia Divinæ. Cum enim eo ipso, quod sunt formæ simplices sine materia subsistentes, manifestum sit eos differre sola differentia formali, quæ facit diversitatem in specie : dicere eos non esse posse ejusdem speciei, non plus derogat Divinæ potentia, quam dicere, quæcumque differunt specie, non posse esse ejusdem speciei. Dicere verò quod canis, & lupus vel quod accipiter, & aquila, licet in actu sentiendi, ac multis conveniunt actionibus animalis, nullo modo posse in una specie poni, stante eorum natura, non est dicere contra fidem, nec derogat Divinæ potentia, cum includat contradictionem. Similiter omnino in proposito; licet Angeli in multis, ut in actu intelligendi & aliis, sint similes, tamen differunt secundum naturæ gradum ; ut patet ex dictis : dicere, quod possint esse ejusdem speciei, & per consequens sic non differre includat contradictionem, & hoc posse fieri, quod hujusmodi est, repugnat omni intellectui. Quod verò dicunt damnatum per Episcopum, & per Magistros (salva pace eorum) non dicunt verum. Omnes enim Doctores in hoc conveniunt, quod quæ sunt diversarum specierum non possunt poni in una specie, stante natura utriusque; sicut, quod homo, & lapis sint ejusdem speciei, amborum natura remanente. Et per hoc patet responsio ad primum: quia, quod hic dicitur, huic innititur positioni, quod Angeli cum sint formæ simplices, ut videtur secundum Sanctos, & Philosophos, sola differentia formali, & per consequens specifica differre possunt, & hoc posito, non posset Deus facere duos in sua natura, & tali permanentes ejusdem speciei propter contradictionem inclusam.

Ad secundum, cum dicunt, quod plures albedines sine omni materia sunt in Sacramento Altaris in diversis hostiis consecratis. Dicendum, quod quamvis in Sacramento illo benedicto non remaneat materia, quæ est subjecta formæ substantiali ; manet tamen quantitas dimensiva, quæ est proprium subjectum albedinis, per cujus divisionem numeratur ibidem. Sed duas albedines separatas à materia & à quantitate dimensiva impossibile est intelligere : immò includit contradictionem.

Quod tertio dicunt ulterius, quod in Angelis est materia spiritualis, supra articulo proximo est improbatum ; & ideo

benè necesse est, quòd dicant melius, & A
verius.

Quod verò adducunt quartò de *Damasceno* non facit pro eis in aliquo. Licet enim præsentia Gabrielis in loco, & ejus cum beata Virgine disputatio notificent nobis aqualiter ejus distinctionem ab aliis; nullo tamen modo natura incorporea perfitum, vel actionem realiter numerari, vel distingui potest, nec unquam hoc intellexit *Damasc.*

Ex hoc verò, quod quintò adducunt de *Damasceno*, non plus habent, nisi quòd Angelum numeret inter species specialissimas; & hoc utique non idèò facit, quòd ibi intelligi velit realem communicabilitatem unius speciei à pluribus suppositis, sed propter nostrum modum intelligendi, qui non concipimus formas immateriales, nisi per modum materialium formarum, per quas in earum cognitionem consurgimus. Quia ergo in his materialibus realem communicabilitatem videmus, formas immateriales cognitas per ipsas cum quadam communicabilitate concipimus, cum ibi nulla sit in eadem specie secundum rem. Ipsa enim natura Angelica determinata ad gradum quemcumque, in quo concipitur ut specifica, se ipsa realiter est individua; cum non sit nata in aliquo esse, nec sit aliquid dare, per quod individuatur.

Quod verò sextò respondendo dicunt, quòd dictum *Philosophi*, quòd in suppositis ejusdem speciei non est prius, & posterius, sic habet intelligi; quòd posterius non constituitur per prius in individuis ejusdem speciei, manifestè est contra mentem *Philosophi*, & contra veritatem. Videmus enim quòd supposita diversarum specierum sic se habent, quòd unum non est de constitutione alterius; sicut suppositum lapidis non est de constitutione hominis; & tamen secundum *Philosophum*, & secundum veritatem dicuntur differre secundum gradus, & secundum prius, & posterius: quia natura generis, scilicet, corpus sub alio gradu, & alio invenitur in homine, & in lapide, propter quod differunt specie, sicut patet manifestè omnibus, eodem modo ex quo secundum *Dionysium* in Angelis sunt gradus naturæ, licet unus Angelus non sit de constitutione alterius; necessariò tamen

specie differunt: nihiler-

go dicunt isti

homines.



ARTICVLVS XII.



E hoc quod dicit Thomas: quòd genus, & differentia in immaterialibus accipiuntur secundum considerationem penes determinatum, & indeterminatum. Item eadem q. & eod. artic. in responsione primi argumē-

ti dicit, quòd genus, & differentia accipiuntur secundum considerationem; inquantum enim res una accipitur, ut aliquod indeterminatum, est ibi natura generis: inquantum verò, ut determinatum accipitur, est ibi natura differentie; aliter oportet, quòd omnia animalia essent ejusdem speciei; vel quòd in eis esset aliqua alia forma perfectior, quam anima sensibilis. Hæc dicit Thomas.

CORRVPTORIUM.

Hic error oritur ex duobus aliis erroribus: quorum unus est, quòd res spirituales, ut Angelus & Anima, non sunt compositæ ex materia, & forma: Secundus est, quòd in homine sit tantum una forma substantialis, & similiter in quolibet alio animali, ut infra patebit.

Quod autem hic dicit: patet esse falsum; quia si ita esset, nunquam in rebus immaterialibus essent simul genus, & differentia apud eundem intelligentem. Quando enim quis intelligit rem illam, ut indeterminatam, non intelligit eam ut determinatam; & ita quando intelligit sub ratione generis, tunc non potest ei copulare rationem differentie, nec è converso; quod patet esse falsum.

Item propter considerationem nostrā non attribuuntur neque materialibus, vel immaterialibus prædicata accidentaliter: nā si considero Angelum, ut bonum, non propter hoc est bonus; aut ut malum, non propter hoc est malus, vel ut scientem futura ad mille annos, non propter hoc ipse scit. Similiter de rebus materialibus: si considero corvum, vel Æthiopem, ut nitentem intenso colore albedinis, non propter hoc sunt tales. Si ergo consideratio nostra non potest attribuere prædicata accidentaliter, multò magis nec essentialiter; talia autem sunt genus & differentia.

Ad argumentum dici potest, quòd illud quod habet pro inc. nveniente, scilicet,

cet; quòd in brutis sit alia forma nobilior, quàm sensitiva, non est inconueniens; inò hoc solebat poni antiquitus communiter. Hæc sunt verba eorum, quæ parvam videtur habere noticiam eorum, quæ loquuntur.

Responsio ad hæc secundum Thomam.

Qualiter genus, & differentia sint secundæ intentiones fundatæ super diversos conceptus mentis de una, ac eadem re indeterminatè, vel determinatè intellecta, patet per *Thomam de ente & essentia*. Nisi enim natura generis, & natura differentia esset una realiter diversimodè, ut dictum est, concepta, nec de una re essentialiter predicarentur, nec res nature, sed solius rationis dicerentur; nunc autem de una, & eadem re, idest, specie predicantur essentialiter; quia eandem important essentiam, & rationis res, non nature dicuntur; quia dicunt unam naturam non uno modo, sed diversimodè à ratione consideratam. Hæc reuera est sententia omnium Philosophorum de hac materia loquentium. Vnde pater, quòd non est erroneum, nec ex erroribus habet ortum; cum falsitas erroris mater, non veritatis esse potest.

Quod enim dicunt errorem primum, scilicet, Angelum non esse compositum ex materia, & forma, in præcedenti articulo ostensum est esse verissimum. Quod verò asserunt errorem esse secundum, in sequentibus Deo iuvante monstrabitur ab omni errore alienum in *infra art. 31*.

Ad objectum igitur primum; cum dicunt, quòd intellectus, quando intelligit rem indeterminatè non intelligit eam determinatè, potest concedi; verumtamen intellectus sic intelligens intentiones simplices generis, & differentia intelligit, quòd istæ duæ intentiones fundantur quidem, nò super diversas naturas, sed super diversos conceptus de una re & eadem, aliter, & aliter intellecta; & inde est, quòd intellectus componens dicit ista duo, scilicet genus & differentiam, de una re, scilicet specie, predicari essentialiter: quid enim verius dici potest, quàm quòd de eodè predicetur natura aliqua essentialiter, quando intelligitur uno modo, scilicet, indeterminatè per genus, & quando intelligitur determinatè per differentiam? Si verò (ut isti putant) genus, & differentia dicerent duas diversas

naturas realiter, impossibile foret, quòd de una, & eadem natura specifica essentialiter dicerentur, & hoc fortè inferius *In tractatu de unitate formæ substantialis in eodem artic. 31*. ostendetur. Et tamen, qui ponunt plures formas substantiales in eodem, si velint salvare prædicationem essentialem generis, & differentia de eadem specie, necesse habent dicere, quòd nomen generis, quod imponitur à forma priori, significat totam essentiam, vel quidditatem rei indeterminatè, & nomen differentia impositum à forma posteriori significat eandem quidditatem determinatè: quomodò enim aliter prædicarentur de eodem, nisi denominativè, sicut album, & musicum?


Ad secundum, quòd est risu dignum, dici potest; quòd nostra consideratio non tribuit rebus intellectis formas accidentales aliquas, vel substantiales; noster tamen intellectus potest vario modo unam formam, vel naturam intelligere, & vario modo conceptam diversis nominibus ipsos conceptus notificantibus significare, & sic plura prædicata eidem rei uno nomine, scilicet, speciei significatæ attribuire, & hoc deberent, qui alios contemnunt, & ipsi nihil intelligunt, didicisse.

Quod verò dicunt ad argumentum *Thomæ*, ostendendo quòd non est inconueniens aliam formam nobiliorem, quàm animam sensitivam, poni in animali bruto, nimis est brutaliter dictum. Ex hoc enim sequeretur, quòd haberent intellectum, vel animam intellectivam, quæ secundum omnes Philosophos immediatè in ordine formarum substantialium sequitur animam sensitivam: & reuera si bruta animalia haberent animam intellectivam scientia susceptivam, possent tantum edoceri, quòd istos brutaliter loquentes in sapientia excederent.

ARTICVLVS XIIJ.



De hoc, quòd dicit *Thomas*, quòd cum Angelus sit forma subsistens, incorruptibilis est necessario.



Item q. 15. art. 5. in responsione principali dicit: quòd cum Angelus sit forma subsistens impos-

sibile est, quòd eius substantia sit corruptibilis. Quod enim aliæ convenit secundum se, nunquam ab eo

separari potest: ab eo tamen, cui convenit per accidens, potest separari, separato eo secundum quod ei conveniebat. Rotundum enim à circulo separari non potest; quia convenit ei secundum se ipsum; sed æneus circulus potest amittere rotunditatem, per hoc quod circularis figura separatur ab ære; esse autem secundum se convenit formæ, unumquodque enim est ens actu secundum quod habet formam; compositum igitur ex materia, & forma destruit esse actu, per hoc quod forma separatur à materia. Sed si forma subsistat in suo esse, sicut in Angelo est, sicut dictum est, non potest amittere esse, ipsa igitur immaterialitas Angeli est causa, quare est incorruptibilis secundum suam naturam. Hæc dicit Thomas.

CORRVPTORIVM.

Hic dicit aliquid verum, scilicet, quod Angelus est incorruptibilis secundum naturam suam. Item aliquid, quod est erroris figmentum, scilicet, quod Angelus est immaterialis; nam si esset Angelus immaterialis, non esset capax alienius accidentis, & per consequens, nec culpæ, nec gloriæ, ut alibi est ostensum; & ideo cum Angelus habeat materiam, scilicet, spirituale, cui dat esse formaliter, sicut potest intelligi huiusmodi formam non dare esse, ita secundum hoc potest intelligi Angelus non esse, vel corrumpi; & ideo non dat veram causam incorruptibilitatis Angelicæ.

Item, quod dicit, quod Angelo convenit esse secundum se, & ideo non potest separari ab eo, sicut nec rotunditas à circulo; aut ly secundum se dicit conditionem causæ, aut subiecti? Si causæ, hoc est dicere, quod Angelo convenit esse secundum quod est, non per aliam causam, quam per formam suam; quia forma dat esse non alia causa, tunc verum dicit, sed nihil ad propositum. Si autem ly secundum se, dicat conditionem subiecti? Falsum est; quia forma secundum quod forma non est subiectum, nec per consequens alicujus secundum se est subiectum, ut dicit Boetius de Trinitate, cap. 3. Et ideo nec secundum se habet esse subsistens in genere.

Præterea, nec re, nec intellecta rotunditas à circulo separari potest, quia convenit ei secundum se, sed ab Angelo secundum intellectum separari potest esse; quia omnis creatura potest intelligi non esse, ut dicit Anselm. prolog. cap. 3. & cap. 23. & ideo Angelo non convenit esse, sicut rotunditas circulo. Hæc sunt verba eorum.

Responsio ad hæc secundum Thomam.

Secundum veritatem hæc non sunt nisi verba. Quod enim dictum est erroris figmentum, scilicet, quod Angelus est immaterialis, manifestum est ex dictis sup. q. 10. quod dicunt falsum; immò oppositum huius multorum errorum foret inductivum, sive illativum. Si enim Angelus esset compositus ex materia, & forma; non posset poni habere virtutem intellectualem, cuius est formam sine omni materia intueri; & per consequens non posset elevari per aliquem habitum ad videndum Deum per essentiam, qui forma pura est; sicut nec sensus, eo quod est materialis, & istud fidei repugnat. Inconvenientia verò, quæ dicitur sequi ad simplicitatem naturæ Angelicæ, prout patuit ex dictis in prædicta q. 10. non sequuntur ex ipsa, & ex his evacuatur obiectio prima.

Ad secundum, cum dicunt, formam non esse alicujus subiectum secundum Boetium, prout in q. 10. declaratum est, palam est, quod ipsi dicunt falsum.

Quia verò dicunt, quod circulus non potest intelligi sine rotunditate, & omnis creatura, secundum Anselmum potest intelligi habere non esse, quoad illud, quod ponunt de suo, scilicet, quod circulus non potest intelligi sine rotunditate, falsum est. Cum enim rotunditas sit propria passio circuli, sicut habere tres angulos trianguli, & per consequens sit extra essentiam ipsius, manifestum est, quod necessario includitur infra intellectum ipsius; potest enim subiectum intelligi sine sua passione, quamvis non possit sine ea subiectum poni in esse, & eodem modo potest quidditas cuiuslibet creaturæ secundum Anselmum, sine esse suo, quod non est ipsa, ab intellectu considerari, quamvis sine esse non possit intelligi. Isti autem diversi modi intelligendi unum sine altero, scilicet, quod consideretur ab intellectu sine eo, vel quod intelligatur esse, fallit multos, & ideo expedit istam distinctionem notare.



ARTICVLVS XIV.



E hoc, quod Thomas dicit, quod multitudo secundum materiam, cum in infinitum protendi possit, non intenditur ab agente. Item eadem q. eo. art. in responsione ultimi argumenti dicit; quod multitudo secundum mate-

riam, cum in infinitum protendi possit, non intenditur ab agente, sed multitudo secundum speciem. Hæc dicit Thomas,

CORRVPTORIUM.

HOC est erroneum primò; quia cum multitudo hominum, & equorum, & aliorum animalium non possit esse secundum speciem, sed secundum materiam, vel numerum tantum, quia per generationes animalium non multiplicatur species, sed individua, sequeretur, quod Deus per illud *Gen. 1. & 9. cap. Crescite, & multiplicamini*, *re. ter.* præcepisset implere, quod non intendebat ipse; & quod nec homo, nec aliqua natura in animalibus aliis deberet intendere.

Præterea, primum agens, creans homines, multiplicationem electorum, & reparationem Angelorum intendebat, quod patet per effectum, & idem debet intendere homo generans. Hæc autem multitudo electorum, & reparatio ruinæ Angelorum non fuit nisi secundum multiplicationem individuorum secundum materiam; ergo hanc intendebat primum agens, & secundum.

Præterea, ratio sua non valet; quia secundum hoc homo nunquam intenderet dividere lineam, vel aliquod continuum, nec numerare aliquam rem; cum linea possit dividi in infinitum; nemo enim intendit dividere lineam quantum potest dividi, vel augere numerum, quantum potest augeri, sed quantum sufficit ad propositum suum. Hæc sunt verba eorum.

Responsio ad hæc secundum Thomam.

CONSIDERANDUM est, quod Thom. solvendo istud argumentum intendit docere, quod ad perfectionem Angelicæ natu-

Are non pertinet ejus multiplicatio in eadē specie secundum numerum; & hoc, quia videmus, quod cum aliqua natura propter perfectionem suam multiplicatur, multiplicatio secundum numerum non intenditur ut finis ab agente; quia talis multiplicatio secundum numerum non habet certum terminum, prout docet Thomas in 1. p. q. 47. art. ult. in solut. 2, argum. Hoc considerato, patet solutio ad ea, quæ obijciuntur.

Ad primum cum dicit Deus, *Crescite, & multiplicamini*. Dicendum, quod quamvis intendebat Deus, quod species animalium multiplicari deberent secundum numerum materialem, non tamen hoc intendebat ut finem, ad quem alia ordinaret, sed tanquam ordinabile ad finem, ut ad hominum utilitatem, ipsarum specierum conservationem, quæ absque tali multiplicatione conservari non possunt.

Eodem modo dicendum est ad secundum, scilicet, quod primum agens intendebat multiplicationem electorum, & reparationem Angelorum, non intendendo ipsam multiplicationem materialem secundum numerum, sed magis ordinando ipsam ad perfectam suæ bonitatis representationem.

C Quod verò dicunt tertio; quod ratio sua non valet; quia secundum hoc homo non intenderet dividere lineam, planum est, quod non sequitur; quia hoc homo nullo modo intenderet, nisi ut ordinabile ad finem, cum vanum foret hujusmodi divisionem finaliter intendere, quæ in infinitum protendi posset; eodem modo dicendum de divisione cujuslibet continui, & de additione numeri.

ARTICVLVS XV.

D*E hoc, quod Thomas dicit, quod Christus post resurrectionem habebat corpus talis naturæ, in quod posset cibus converti. Item q. 51. artic. 3. in respons. 5. argum. dicit, quod quamvis post resurrectionem cibus non converteretur in corpus Christi, sed resolveretur in præiacentem materiā; tamen Christus habebat corpus talis naturæ, in quod posset cibus converti. Hæc Thomas,*


CORRVPTORIVM.

HOC videtur erroneum; quia cum cibibus non convertatur in corpus comedentis, nisi propter restaurationem deperditi, vel propter augmentationem quantitatis alicujus, dicere, quod in corpus Christi gloriosum potest converti, cibibus, hoc est idem dicere, vel quod in eo esse potuit aliqua deperditio, quod est contra dotem impassibilitatis; vel quod in corpore Christi non fuit perfecta, & fixa quantitas, cujus contrarium tenet fides. Hæc sunt verba eorum.

Responsio ad hæc secundum Thomam.

AD istam instantiam brevem breviter potest dici, quod cibis convertitur in corpus comedentis alimento indigentis, propter deperditi restaurationem, vel propter augmentationem; nec tamen sequitur, quin possit converti in corpus Christi, vel alicujus non indigentis talibus, si placeret Deo; & ideo dicit Thomas ibidem, quod Angelus, quia non habet corpus sibi unitum naturaliter, in quod posset cibis converti, ideo non fuit vera comestio Angelus, sed figurativa, de qua habetur in *Tobia*; sed Christus post resurrectionem habuit verum corpus, ut dicit Thomas ibidem, naturaliter animæ suæ unitum, in quod posset per naturam cibis converti, & converteretur si indigeret, vel oporteret; sicut videmus, quod panis in Sacramento Altaris convertitur in corpus ejus; & ideo post resurrectionem fuit vera comestio ejus.

ARTICVLVS XVI.



D hoc, quod Thomas dicit, quod Angelus potest transire ab extremo in extremum non transeundo medium. Item q. 53. art. 2. in respons. quest. dicit, quod prout motus Angelus non est continuus, impossibile est, quin

transseat de extremo in extremum & non pertranseundo medium. Et addit, quod moveri ab extremo in extremum. & non per medium, potest convenire Angelo, & non corpori: quia corpus commen-

A suratur, & continetur loco; sed substantia Angelus non est subdita loco, nec contenta, sed superior, ut continens. Vnde in potestate ejus est applicare se loco prout vult, vel per medium, vel sine medio. Hæc dicit Thomas.

CORRVPTORIVM.

EX his sequitur error damnatus, scilicet, quod Angelus aliquando est nusquam, quod est contra Evangelium *Matthæi* 18. *Angeli, inquit, eorum, qui in celis sunt.*

B Item hoc est contra *Damasc. lib. 1. cap. 18.* *Circumscribibile, inquit, est quod loco, vel tempore, vel apprehensione comprehenditur. Incircumscribibile verò, quod nullo horum continetur. Igitur incircumscribibile est solus Deus: Angelus enim, & tempore circumscribitur; incipit enim esse, & loco, & si intelligitur, ut prædiximus, & apprehensione essentialiam suam ad invicem sciunt.*

Item est contra *Philosophum 2. Celi & Mundi: Omnes, inquit, homines sunt in loco hujus corporis mobilis primo, qui est locus spirituum.*

Comment. ibi text. comm. 2. Græci, & alij ex gentibus qui consitentur Deum, & ejus potentiam creandi, & non consitentur hoc, nisi inquantum est res, super quam non cadit corpus, nec ingreditur eam remotio, oportet quod sit in loco.

D Item, *Tullius lib. 1. de Tusculanis questionibus, loquens de animabus miserorum separatis, dicit sic: Si apud inferos miseri non sunt, nec sunt apud inferos ulli, ubi ergo sunt illi, quos miseros existimas, aut quem locum incolunt? Si enim nusquam sunt, dum nusquam eos pono, puto ergo non esse; ergo à simili, qui ponunt nusquam eos esse, ponunt eos non esse; qui autem ponit eos transire ab extremo ad extremum, ita quod non sint aliquando in medio, ponit eos aliquando nusquam esse; ergo aliquando non esse. Hoc non dicimus contrarium fidei, vel bonis moribus, sed alias falsum reputamus.*

Quod si verum esset paratione de animabus exutis, quod utique non videtur. Nam dicit *Hieronym. in Epist. ad Paulam & Eustochium de Assumptione Beatæ Virginis: Quod credendum est militiam Angelorum cum suis agminibus obviam venisse Beatæ Virgini in sua Assumptione, & etiam Iesum-Christum Dominum nostrum Filium ejus. Obvatio autem non est, nisi in spatio medio. Nec potest dici hoc dixisse Hieronymum; quia assumpta fuit cum corpore, cum ipse dicat ibidem: Incertum est,*

an sic fuerit, an abierit relicto corpore.

Præterea: non videtur dicendum, quod hoc factum fuerit dispensativè. Si enim subito, & sine transitu medijs potuit pervenire ad thonum gloriæ sibi in æternis mansionibus præparatum, qua utilitate transisset medium tantæ distantia?

Præterea: de anima beati Martini legimus, quod diabolus voluit eam derinere, cum perduceretur; sed hoc non potuit esse, nisi pertransisset spatium medium. Et ulterius, si potuisset pervenire ad locum gloriæ sine transitu medijs: quare transisset medium, ubi passura erat impedimentum?

Præterea: in officio mortuorum dicitur: *Splendidus Angelorum cœtus occurrat. Et ibi parum infra Ministri Sathana iter tuum impedire non audeant.* Et in exequiis mortuorum cantat Ecclesia. *Subvenite sancti Dei, occurrite Angeli Domini.* Occursus autem, & subventio non potest esse nisi illis, qui transseunt medium; ergo animæ separatæ transseunt medium; pari ratione transseunt & Angeli; & certè non credimus auctoritatem officij condemnandam quasi falsam, & erroneam, & vanam.

Item. A. D. duo extrema sint. B. C. medium, & transeat ab A in D. quæro ubi est dum transit? Non in A. quia quando est in A. quiescit in A. Non in D. quia quando est in D. quiescit; ergo dum transit, vel nusquam est, vel est in B. C. sed non est dicere, quod aliquando nusquam sit; quia dicit *Augustinus de immortalitate anime. Quicquid est, nusquam esse non potest.* Restat ergo, quod Angelus dum transit, est in medio; ergo Angelus transeundo ab extremo in extremum transit per medium.

Item, res mobilis magis indiget loco dum movetur, quàm dum quiescit. Hoc patet per *Philosophum*, qui dicit in 4. *Physic.* quod non quæritur locus, nisi motus aliquis esset secundum locum. Vbi dicit *Commentator, text. comm. 31.* quod motus magis significat locum esse, quàm quies. Et ita patet major, & minor, scilicet, quod Angelus indiget loco. Patet per se, & etiam per hoc, quod oppositum est damnatum. Hæc sunt verba eorum.

Responsio ad hæc secundum Thomam.

SI autem attendamus, quod Angeli sunt incorporei per naturam, prout dicit *Thomas*, & omnes Doctores communiter: manifestè patet, quod in nullo à situ corporeo

A poterunt dependere, cum omninò situales non sint, sed supra omnem situm existentes, habentes virtutem exercendi suam operationem ad libitum circa ista corporalia in loco situata, & per hoc dicuntur esse in loco, eò quod virtutem suam applicant corpori locato circa ipsum operando. His visis, facile est videre: qualiter Angelus poterit pertransire ab extremo in extremum non pertranseundo medium, vel sine medio. Si enim modò sit applicans virtutem suam uni extremo, potest statim applicare virtutem suam alteri extremo, absque hoc quod applicet virtutem suam corpori in medio spatio esistenti.

B Ad objecta in contrarium dicendum. Ad primum, quod erroneum foret ponere Angelum esse nusquam sic, quod non posset applicare virtutem suam ad aliquod corpus in loco determinato existens. Ponere autem quod possit liberè applicare virtutem suam nunc uni locato, nunc alteri, & hoc vel applicando virtutem suam continuo toti spatio, & extremis, vel ipsis extremis, ita quod non medio, & hoc mediatur, vel immediatur est manifestè verum, ut patet ex dictis *Thome in multis locis.* Nec hoc est contra Evangelium, ubi dicitur *Angeli eorum semper vident faciem patris*, &c. ut patet cuilibet intelligenti.

C Ad secundum dicendum, quod dictum *Damasc.* nihil plus omninò facit, nisi quod Angeli dicuntur circumscribi loco, & hoc intelligendum est, ut ipse dicit, non sitaliter ad modum corporis, sed virtualiter sicut spiritus creatus, & in sua virtute limitatus, qui circa corpora in suis locis determinatis existentia suam exercet operationem. Deus autem, cujus virtus attingit à fine usque ad finem fortiter, est omninò indiscutibilis, & hoc intendit *Damasc.* ut patet intuenti illud capitulum.

D Ad tertium dicendum, quod ista positio nullo modo negat, quod Angeli sint in cœlo; quia secundum *Philosophum*, & ejus *Commentatorem* est locus spirituum; sed ponit, quod Angelus in cœlo existens potest transire ad terram, & hoc vel non applicando virtutem suam ad aliquod corpus medium, & hoc est ipsum transire non transeundo per medium, vel applicando virtutem suam corporibus medijs: primus transitus est motus non continuus, secundum *Thomam*, secundus verò continuus.

Ad quartum dicendum, quod ista positio non ponit animas miserorum non esse

esse in infernò, & per consequens non ponit eas nusquam; unde nihil est ad propositum. Nec ponit ipsos Angelos sic nusquam; quin semper ad libitum exerceant suam operationem circa aliquod corpus in loco, non tamen ita quòd loco determinato contineantur, & commensurentur ad modum corporum.

Ad quintum, sextum, & septimum, quæ innituntur occursioni, & obuiationi Angelorum in transitu Beatæ Mariæ Virginis benedictæ in sæcula, & Beati Martini, & aliorum Sanctorum, eodem modo est respondendum, scilicet, quòd obuiatio, & occurus est alio modo in motu Angelorū, qui ad libitum eorundem potest continuus, & discontinuus esse, similiter & animarū Sanctarum separatarum, & alio modo istorum corporum, qui semper necessariò est continuus; unde nulla est habitudo in istis tribus rationibus.

Ad octauum dicitur, quòd innititur falso, scilicet, quòd inter iitans, quod ponitur in uno extremo, & instans, quod ponitur in alterum transire, requiratur necessariò tempus medium, hoc enim non ponitur, quando motus non est continuus. Quod verò dicit *Augustinus*: *Quidquid est, nusquam esse non potest*, sic debet intelligi; non quòd locus eodem modo pertineat ad omnia entia, sed quædam loco continentur, quædam circa loca determinata, ad quæ applicant suam virtutem, operantur; quæ forsan, si Deo placeret, possent simpliciter ad tempus nulli corpori suam applicare virtutem operativam, & ut tunc non dicerentur esse in loco, sicut oportuit Græcos ponere, qui ponebant Angelos ante istum mundum sensibilem, & corporeum. Quoddam autem est, quod ad omnia loca, & entia se extendit, ut Deus, qui in sua æternitate, nec dicebatur esse in loco, quando ad locata, & loca, quæ non dum producta erant, suam virtutem non extendebat.

Ad nonum dicendum, quòd locus, & motus modo æquivoco corporibus, & Angelis incorporeis conveniunt; unde Angelus loco non indiget, propriè loquendo, nec quando movetur, nec quando quiescit; sed magis locus indiget eo, ut continente, & circa locata per applicationem suæ virtutis operante, ut patet ex dictis. Vnde quod addunt de *Philosopho* nihil facit ad propositum.

ARTICVLVS XVIIJ.



E hoc, quod dicit *Thomas*: Quantum est possibile aliquid in toto tempore præcedenti sit in uno termino, & in ultimo instanti illius temporis sit in alio termino.

Item, q. 53. artic. 3. in responsione principali dicit, quòd non est possibile, quòd aliquid in toto tempore præcedenti quiescat in uno termino, & postea in ultimo instanti illius temporis sit in alio termino. Hæc dicit *Thomas*.

CORRVPTORIUM.

HOC videtur falsum in Sacramento Altaris. Constat enim quòd est dare primum instans, in quo est corpus Christi, cum forma corporis sit forma quiescens, & constat simul cum hoc, quòd illud instans, quod est principium temporis mensurantis esse corporis, est finis temporis præcedentis, in quo toto est panis. Idem enim instans, quod est principium futuri, est finis præteriti, in quo toto tempore fuit panis; ergo cum in toto tempore, in quo panis fuit panis, non fuit abjectio panis per transmutationem aliam, manifestum est, quòd in toto tempore præcedenti quiescit panis in forma sua, hoc est, sub ratione panis; & tamen in ultimo illius temporis est sub forma corporis Christi. Hæc sunt verba eorum.

Responsio ad hæc secundum Thomam.

ISta instantia faciliter sic solvi potest, si verba ejus factis *Thomæ* intelligantur. Non dicit enim hoc esse impossibile, quòd aliquid sit aliquo tempore toto sub una forma, & in ultimo illius temporis sit sub alia forma. Hoc enim contingit in generatione. Materia enim, quæ in toto tempore præcedenti sub forma ignis, in ultimo illius est sub forma aëris in generatione aëris ex igne. Sed impossibile est, inquit, quòd aliquid quiescat in aliquo tempore toto in uno termino, & in ultimo illius sit in alio termino. De ratione enim quæritur est (ut ibidem docet) quòd aliquid similiter se habeat nunc & prius. Quod ergo in aliquo quiescit, in toto illo tempore se habet nunc ut

ut prius, & per consequens in ejus ultimo, **A** non potest poni in aliquo termino alio, quam in eo, in quo ponitur quiescere.

Ad hoc, quod dicit de pane in Sacramento Altaris, dicendum, quod nec forma substantialis panis, nec alicujus corporis abjicitur ante ultimum instans, in quo transubstantiatio, vel corruptio; immò in toto tempore præcedenti manet materia sub forma sua substantiali, quæ non abjicitur successive, cum consistat in indivisibili secundum *Philosophum*. Nec tamen debet dici, quod materia, vel res illa quiescat sub sua forma, sicut nec quod moveatur ad ipsam, licet materia disponatur per motum ad formæ substantialis susceptionem, quæ fit in instanti, in naturalibus quidem per motum naturalem, in Sacramento verò Altaris per motum Sacramentalem, videlicet per illorum verborum prolationem: & licet Deus possit facere absque omni motu hujusmodi transubstantiationem, vel mutationem; non tamen debet dici, quod materia, vel res transmutanda tempore præcedenti quiescat sub sua forma substantiali, ut dictum est: sed quod per ipsam habet esse actu, quod quidem esse præcedit, tam quietem, quam motum; & sic patet, quod illa horum ratio ex falso procedit intellectu.

lia sunt. Quæro ergo, an Angelus habeat tot species rei, quot modis res ipsa variatur, aut tantum unam? Si primo modo, ergo habet infinitas, & innumerabiles. Si autem habet unam tantum, aut ergo variabilem, & mutabilem secundum variationem rerum, aut invariabilem? Si invariabilem, ergo nunquam perfecte, & verè cognosceret rem illam per illam speciem, nisi quando res ipsa est in illa unica dispositione, quæ repræsentet species illa; & ita necessario plus ignorabit de re illa, quam cognoscet, quod est inconveniens. Si autem habet speciem mutabilem, & variabilem secundum dispositionem rei, & ejus mutationem, eadem ratio erit de specie cujuslibet rei alterius; ergo necesse est fieri continuas mutationes infinitas, quot sunt mutationes, & motus in mundo.

Item, si cognoscerent per species connaturales, tunc non indigeret existentia rerum ad cognoscendum, sed indigent: ergo &c. Major patet per *Philos. 3. de Anima tex. com. 154.* dicentem: *Quod intelligibilia sunt præsentia intellectui, & ideo intelligimus, quando volumus, non autem sentimus cum volumus, quia sensibilia non semper sunt præsentia sensui.* Minor patet per *August. 4. super Gen. ad litteram cap. 35.* Minor, inquit, cognitio vespertina dicta est, quam notitia matutina, quam precedebant, quæ fiebant; quia præcedit cognitionem quicquid cognosci potest.

ARTICVLVS XVIII.

DE hoc, quod Thomas dicit, quod omnes species, per quas Angeli cognoscunt, sunt eis connaturales.

Item, q. 15. artic. 2. in responsione quæst. dicit, quod omnes species, per quas Angeli intelligunt, sunt eis connaturales, non à rebus acceptæ; & in respons. 3. argum. dicit, quod cognitio Angeli indifferenter se habet ad distans, & propinquum secundum locum. Et q. 58. art. 1. dicit iterum in respons. principali, quod Angeli non habent potentiam intellectualem, quæ non sit completa per species intelligibiles connaturales; & ex his sequitur, quod non accipiant cognitionem à rebus. Hæc dicit Thomas.

CORRVPTORIUM.

Primum non credo esse verum, licet multi hoc dixerunt; quia video, quod omnia singularia, & variabilia, & mutabi-

Secundum, scilicet, quod cognitio Angeli indifferenter se habet ad distans, & propinquum, sequitur ex præcedenti. Si enim Angeli intelligunt per species connaturales; cum in speciebus connaturalibus non fiat differentia propter distantiam, & propinquitatem rerum, sequitur, quod non fiat diversa cognitio per eos, siue res sint distantes, siue propinquæ. Sed hoc videtur nobis falsum. Manifestè enim experimur, quod non alio modo cognoscimus distantia, quam omnino non entia: & voco distantia, prout ipse vocat, ut estimo ea, quæ sunt extra prospectum nostrum. Si enim aliquid talium corrumpatur in penitus nihil, non magis scimus ipsum non esse, quàm prius; nec aliam habemus notitiam de ejus esse, vel non esse nunc, quàm prius. Vnde manifestum est, quod distantia, & non existentia eodem modo se habent ad cognitionem siue notitiam. Si ergo Angeli per species connaturales possent cognoscere distantia, sequeretur, quod per easdem possent cognoscere futura, & non entia, quod

quòd est cōtra *Damasce.* qui dicit *lib. 2. cap. 3.* *Futura quidem neque Angeli, neque demones noverunt.*

Præterea, si diabolus scivisset, quòd superandus fuisset à Christo, & à Iob; nunquam expetivisset tentare eos.

Tertium, quòd dicit, scilicet, quòd Angeli non accipiunt à rebus, quòd similiter falsum reputamus, sequitur ex primo. Si enim cognoscerent per species innatas, & non per receptionem à rebus, tunc nihil eis posset abscondi. Nihil enim potest abscondi, nisi quòd cognoscitur per receptionem: sed diabolo possunt multa abscondi, ergo cognoscit per receptionem à rebus. Minor probatur per *Chrysost.* *hom. 6. super Math.* Angelus, inquit, bonus, cum vult se abscondi, invisibilem se reddit ante diabolum, quoniam nisi voluerit, Angelus bonus à diabolo non videtur.

Item *Hom. 4. cap. 1. de desponsata.* & domi habitatus est Christus, ut partus Virginis diabolo celaretur.

Item, si tantum per species innatas, & non per receptionem cognoscerent, non possent falli, ut videtur; possunt autem falli, ut habetur ab *Ambrosio super Lucam 2.* ubi dicit: Quòd una causa desponsationis Beatæ Virginis fuit, ut Virginitas Matris falleret principem mundi, qui cum Desponsatam viro cerneret, partum non potuit habere suspectum. Et subdit: Fallendi principem mundi fuisse concilium, ipsius Domini verba declarant, cum Apostoli iubentur tacere de Christo, sanati prohibentur gloriari de remedio, demones iubentur filere de Verbo Dei. Hæc sunt verba eorum.

Responsio ad hæc secundum Thomam.

Istæ objectiones facillè solvuntur, si positio dicta intelligatur. Cum enim secundum quòd docet *Beatus Augustinus;* Res prius sunt factæ in mente Angelica, quam in natura propria. Manifestum est secundum ipsum, quòd non à rebus in natura propria, sed à rerum omnium causa, scilicet, sapientia Divina species illæ derivantur, per quas res ipsæ ab Angelis intelliguntur. Sicut ergo illa sapientia absque sui mutatione mutabilia repræsentat quantum ad omnia, quæ in ipsis sunt quorum est causa; sic istæ species repræsentant omnia, quæ sunt in istis materialibus, ac mutabilibus sine sui mutatione reali: & hoc, quia à causa omnium rerum (ut dictum est) descendunt. Sicut enim albus existens assimilatur de novo de-

albato sine mutatione suæ albedinis; sic intellectus Angelicus per speciem, quam habet sibi innatam, rei de novo productæ assimilatur absque illius speciei sive formæ mutatione.

Et per hoc patet ad primum argumentum. Vnius enim rei mutabilis una tantum est species in intellectu Angelico. Non tamen sequitur, quòd non potest rem repræsentare, nisi quando est sub una dispositione; quia ista species non solum descendit à causa rei sub una dispositione, sed sub quacumque. Hinc est, quòd potest rem repræsentare non solum sub una dispositione, sed sub quacumque. Nec oportet ipsam mutari per mutari rei, sicut nec forma ipsius albi mutatur, si alij mutantur acquirentes albedinem, in qua sibi assimilentur; quancumque enim dispositionem, vel formam possibile est rem ipsam per sui mutationem acquirere, potest species ipsas repræsentare; & hoc, quia potest esse similitudo omnium illarum, cum descendat à causa rei, in qua omnia illa relucent.

Ad secundum dicendum, quòd intellectus Angelicus non indiget existentia in actu ad hoc, quòd intelligat, sed sufficit, quòd habeat speciem rei intelligibilis. Istud in intellectu humano (qui longè est inferior per naturam) manifestum est. Non enim ad hoc, quòd intelligat rosam in hyeme, vel aliam quancumque rem, requiritur in intellectu existentia ejus in actu, sed per speciem in intellectu existentem perfectè intelligitur. Quòd autem adducunt, quòd secundum *Augustinum* præcedit cognitionem, quidquid cognosci potest, non est contra prædicta. Non enim intendit *Augustinus*, quòd omnis cognitionis actus accipiatur à re existente; sed quòd nihil potest habere rationem cognoscibilis, nisi prius re, vel ratione habeat rationem entis. Et quòd hoc intendat, patet per hoc, quòd sequitur ibidem immediate: *Nisi enim, ait, sit quòd cognoscitur, cognosci non potest.* Cui ergo actus habeat nobilitatem ex objecto, secundum quòd objectum cognitionis Angelicæ habuit esse in Verbo nobilius, ubi videbatur visione matutina, quam in natura propria, ubi videbatur visione vespertina, nobilior erat actus cognitionis maius, quam alterius: & hoc est, quòd ibidem intendit *Augustinus*, prout patet intuenti super *Genes. ad litteram lib. 4. cap. 35. per totum.*

Ad tertium dicendum, quòd nulli habent

benti intellectum sanum vertitur in dubiū, A quod propinquitatis localis ad actum cognitionis intellectiva nullatenus requiritur. Cum ergo dicunt, quod ipsi experiuntur, quod non aliter cognoscuntur distantia, quam omnino non entia, manifestum est omni experto, quod mentiuntur. Quod enim omnino non est, non est cognoscibile ullo modo. Quod verò distans est, & extra prospectum visus nostri, qui in videndo iuvatur propinquitate proportionata sui objecti, & nimia ipsius impeditur distantia, nō minus est intelligibile, quam prius; dummodo ejus species intelligibilis, quæ à situ non dependet, habeatur perfectè ab intellectu; quoniam nec præsentia, nec actualis existentia requiritur ad hoc, quod res ipsa B actu intelligatur; alioquin non intelligeremus, cum vellemus, quod est contra *Philosophum text. com. 154.* & hoc certè si attendissent illam auctoritatem 2. de Anima, non adduxissent pro se, quod est manifestè contra eos, sicut patet omni intelligenti. Si autem ponatur, quod aliquid talium omnino annihilatur, quod non habeat esse in anima, nec extra animam, ut obijciunt, tunc planum est, quod non est amplius intelligibile.

Quod verò subdunt. Si Angeli cognoscunt per species innatas distantias; ergo C eadem ratione possunt cognoscere futura per easdem: manifestum est cuilibet, quod consequentia non valet. Quod enim futurum est, nec est, nec habet similitudinem, & per consequens, cum non habeat aliquam speciem in intellectu, per quam cognoscatur, licet autem aliquid sit distans, nihilominus species ejus in intellectu existens est similitudo quidditatis, sive entitatis ejusdem, sicut patet ex dictis: unde quod adducunt de Damasc. quod Angeli non cognoscunt futura, nisi per revelationem, fud D tura dico contingentia, concedendum est.

Ad quartum cum dicunt, quod si Angelus cognosceret per species innatas, & non per receptionem, tunc nihil posset ei abscondi, non valet consequentia: quia ad hoc, quod aliquid actu intelligatur, non solum requiritur, quod species ejus ab intellectu habeatur; sed oportet, quod intellectus specie habita actu utatur. Potest ergo Angelus bonus se abscondere à diabolo, ut dicit *Chris.* & hoc ipso Deo, vel forsan Angelo bono impediente diabolus, ne utatur specie innata ad cognoscendū ipsum Angelum.

B. Agid. defens. Oper. S. Thom.

Quod verò dicit *Chrisost.* quod de Desponsata, & domi habita natus est Christus, ut partus Virgineus diabolo celaretur, non sic habet intelligi, quod clausio in domo faceret partum Virginis occultari à diabolo: sed quod ejus custodia, ac Desponsatio faciebant diabolus non attendere Beatam Virginem aliunde concepisse, quam à sponso proprio, & sic partus Virgineus celaretur eidem.

Et per hoc patet responsio ad quintum argumentum, Sic enim fallebatur diabolus in partu Virginis, ut dicit, *Ambros.* qui cum Desponsatam Viro cernebat, partum non potuit habere suspectum: attendendo, scilicet, ipsam aliunde concepisse, quam de proprio sponso. Eodem modo posset decipi, cum potentiam visivam in cæco illuminato, attendendo scilicet ad ipsam, non ut productā à Deo miraculose, sed ut productam ab eo per principia naturæ, & hoc utique existimando falleretur.

ARTICVLVS XVIII.



De hoc, quod dicit *Thomas*, quod intellectus non potest ducere ad esse intelligibile istas formas materiales, nisi prius duceret eas ad esse formarum imaginatarum.

Item, q. 55. art. 2. in responsione secundi argumenti dicit: quod quantumcunque sit potens intellectus Angelicus non potest formas materiales

producere ad esse intelligibile, nisi prius reduceret eas ad esse formarum imaginatarum, quod est impossibile, cum careat imaginatione; & sic vult, quod forme materiales non possunt reduci ad esse intelligibile, nisi prius reducuntur ad esse formarum imaginatarum. Hec dicit *Thomas*.

CORRUPTORIUM.

HOC videtur falsum, & contra experientiam, & contra Philosophiam, dicit enim *Commentat. com. 33. super 3. de Anima*, super illam particulam. Quoniam autem privatio passionis. Instructè imaginativa, cogitativa, & memorativa non sunt nisi loco virtutis sensitivæ, & ideo non indiget eis, nisi in absentia sensibilis, & omnes jurant se ad præsentandam imaginem rei sensibilis, ut aspiciat eam virtus

D

tus

ius rationalis abstracta, & abstrahat intentionem universalem.

Item in eodem super illam litteram de quaesito, & fugito dicit: Intentio cogitationis nihil est aliud, quam hoc, scilicet, ut virtus cogitativa faciat rem absentem à sensu, quasi rem sensatam, & parum infra, & ideo, cum comprehensibilia per sensum sunt praesentia apud sensum, tunc cessat cogitatio, & remanebit intellectus in eis. Ex praedictis verbis Commentatoris (quorum veritatem quilibet potest experiri in se ipso) patet quod non est necesse formas materiales reduci ad esse formarum imaginatarum ad hoc, quod fiant intelligibiles. Haec sunt verba eorum.

Responsio ad haec secundum Thomam.

IN ista instantia duo sunt admiranda. Vnū quod dicunt se experiri, quod nunquam homo est expertus. Aliud quod dicunt Commentatorem Comm. 30. sentire, quod nunquam sensit, nec aliquis philosophus. Ait enim in 3. de Anima super illam litteram, & in anima sensibili, parum ante illud, quod pro se adducunt in art. 2. necesse fuit, ut intellectus immaterialis non intelligat aliquod sensibile absque imaginatione, & hoc dixit expresse, quod universalia abstracta colligata sunt cum imaginationibus, & corrupta per corruptionem earum. Haec Commentator. Patet ergo secundum ipsum in hoc loco, & ubicumque loquitur de hac materia, quod formae universales non abstrahuntur, nisi à phantasmatibus, quae sunt in virtute imaginativa. Et ideo dicit Philosophus ibidem. text. comm. 30. quod nihil intelligit anima nostra sine imaginatione, ubi nostra littera habet, sine phantasmate nequaquam intelligit anima, quod est idem. Quae ergo obijciunt de Commentatore ex falso intellectu procedunt, & contra eos sunt potius, si intelligantur.

Quod enim dicunt primò, quod illae tres interiores virtutes sunt loco sensitivae virtutis, & ideo non indigent eis, nisi in absentia sensibilis: sic habet intelligi, quod anima in praesentia sensibilis sufficienter percipit per virtutem sensitivam ipsum sensibile, & in absentia ejusdem utitur necessariò illis tribus virtutibus: quando enim coloratum est praesens, non oporteret ad hoc, quod videatur sensu exteriori, quod anima se convertat ad phantasmata reposita in memoria; verum tamen ad hoc, quod intelligatur, necesse est, quod species intelligibilis abstrahatur à phantasmate, quod

A est in ipsa imaginativa, & hoc manifestum est per verba Commentatoris consequenter, quae ipsi adducunt: & omnes illae virtutes, scilicet, imaginativa, cogitativa, & memorativa jurant se ad praesentandum imaginem rei sensibilis, ut aspiciat eam virtus rationalis, & abstrahat intentionem universalem. Ecce quàm apertè vult, quod virtus rationalis abstrahat intentionem universalem ab imagine representata per virtutem imaginativam cooperantibus aliis duabus; & sic patet, quod illud, quod adducunt, est contra eos.

Ad secundum dicendum, quod etiam nihil facit pro eis: quod enim dicit Comment. sup. comm. tex. 33. quod cum comprehensibilia per sensum praesentia sunt apud sensum, tunc cadit cogitatio, & remanebit actio intellectus in eis. Non sic habet intelligi, quoniam semper à phantasmate existente in virtute, id est imaginativa, fiat abstractio speciei intelligibilis, sed quod res praesens cognoscitur ab intellectu etiam esse praesens in se. Quando verò absens est, cognoscitur esse praesens in sua imagine in virtute imaginative existente. Et quod haec sit mens Commentatoris, & etiam Philosophi satis patet cuilibet intuenti, & intelligenti.

ARTICVLVS XX.



De hoc quod dicit Thomas: quod Angelus superior intelligat per species pauciores.

Item, q. 55. artic. 3. in responsione principali dicit, quod quando Angelus est superior, tanto per species pauciores universitatem rerum intelligibilium capere potest: & ideo oportet, quod huiusmodi formae sint universaliores, quasi ad plura se extendentes. Et infra in solutione tertij argumenti, dicit, quod in ratione universalis, quae est in mente Angeli, propter ejus excellentiam, multa possunt cognosci, sive aspici propria cognitione.

Item, in q. 57. artic. 2. in responsione 3. argum. dicit, quod Angeli cognoscunt singularia per formas universales, quae tamen sunt similitudines rerum, & quantum ad principia universalia, & quantum ad principia individuantia. Simile dicit, q. 89. artic. 1. in responsione principali. Haec dicit Thomas.



CORRUPTORIVM.

HÆC positiō videtur falsa : dicit enim August. 83. qq. q. 46. Omnia ratione cōdita sunt , nec eadem ratione homo , quæ equis. Hoc enim absurdum est existimare , singula ergo propriis sunt causata rationibus.

Item, August. in Epist. (in Paris. 14.) ad Nebridium, quæ sic incipit : Recentissimis litteris tuis , ita dicit alloquens Nebridio : Quæris utrum summa illa veritas & summa illa sapientia, per quam facta sunt omnia, quam filium Dei unicū sacra nostra profitentur, generaliter hominis, an etiam uniuscuiusque nostrum rationem contineat? Et respondet : Sed mihi videtur , quantum ad faciendum hominem attinet, hominis quidem tantum non meam vel tuam ibi esse rationem : quod autem ad orbem temporis , varias hominum rationes in illa sinceritate vivere. Hæc Augustin. Ex auctoritate 83. qq. patet , quod Deus nō ratione generali producit hominem , & equum : ergo per consequens nec cognoscitur eadem ratione homo , & equus , sed omnia propriis rationibus. Similiter ex auctoritate ad Nebridium, patet , quod non una ratione speciei cognoscit, & producit Individua contenta sub specie; ergo si modus cognitionis Angelicæ non est nobilior modo cognitionis Divinæ, oportet, quod Angeli non cognoscant per formas paucas & universales multa , sed singula per formas proprias.

Præterea : ipsemet dicit, q. 89. art. 1. in respons. 3. argum. quod intelligentiæ separatæ cognoscant per species ex influentiā Divini luminis participatas; ergo cum in lumine Divino alia sit ratio generis, alia specierum, alia individuorum, ut præostensum est per Augustinum, necesse est , quod aliæ, & aliæ sint in intellectu Angelico ; quia non est major unitas essentiæ in effectu, quàm in causa.

Præterea , si quantò Angelus superior est, tantò per pauciores species universitatem intelligibilium intelligere poreſt; cum novem sint ordines Angelorum, & in unoquoque primi, medij, & infimi sive ultimi, ut dicit Dionys. de Angel. Hierar. cap. 10. multò plures sunt gradus Angelorum , quàm formarum in prædicamento substantiæ, descendendo à genere generalissimo usque ad speciem specialissimam & individua ; sequeretur, quod aliquis superiorum cognosceret per formam generis generalissimi.

A omnia contenta in prædicamento substantiæ. Et superior illo (si est , vel si non est , constat, quod potest à Deo produci) intelligeret omnia non per formam aliquam, quod est impossibile; vel si per unam, tunc non est universaliter verū , quod Angelus superior semper cognoscit per universaliores formas , & pauciores.

Præterea , forma non est principium cognoscendi, nisi id cui assimilatur, & quod sibi assimilatur, sicut videmus in cognitione sensitiva , imaginativa , & intellectiva. Omnia ergo, quæ cognoscuntur per unam formam simplicem, assimilantur illi formæ simplici. Sed quæcumque assimilantur uni & eidem formæ simplici, assimilantur inter se; sicut quæcumque uni & eidem sunt eadem vel æqualia , inter se sunt eadem vel æqualia; ergo omnia, quæcumque cognoscuntur per unam formam universalem, inter se sunt similia; hoc autem falsum est, ergo & primum. Hæc sunt verba eorum.

Responsio ad hæc secundum Thomam.

AD horum dissolutionem dicendum, quod forma omninò propria , quæ Deus est , propter suæ perfectionis plenitudinem, est illud quo cognoscuntur omnia ab eodem, sicut sunt : & ab ista una forma , quæ est ratio intelligendi omnia, participant Angeli formas sive species, per quas intelligunt ; ita quod istæ formæ, sive species sunt quasi quædam illius unius formæ participationes. Et quia ista participatio plenior invenitur in superioribus Angelis, hinc est, quod species in eis magis accedunt ad unitatem , & sunt per consequens pauciores in repræsentando, & magis universales, utpote illi uni formæ omnia universaliter repræsentanti similiores.

Ad illud, quod adducunt de Augustino; dicendum, quod quamvis multæ sint ideæ, ac diversorum diversæ, non tamen multa sunt, sed omninò unum est, quo Deus omnia novit, & omnia producit. Essentia enim Divina, quæ summè est una, repræsentat semetipsam perfectissimè Deo cum omni habitudine , quam habet ad singulos gradus, quibus est imitabilis à creatura. Et inde est, quod Deus uno intelligit multa, immò omnia tam ideās, quàm ideata. Idea enim non est illud, quo Deus intelligit ideatum, sed est illud, quod intelligendo, ideatum intelligit quia relatio , sive respectus

ad ideatum ; quod est formale in ratione **A** ideæ, nihil facit ad actum intellectionis in Deo, cum non sit in ipso, nisi solum secundum dici; sed à Deo intelligente intelligitur. Essentia igitur Divina, intellecta cum tali respectu imitabilitatis à creatura, dicitur idea ejusdem, & secundum quod sunt diversi gradus imitabilitatis, secundum hoc est diversitas in ideis, quæ omnes sunt una essentia Dei realiter; & per eandem intellectæ perfectissimè. In hoc ergo fuerunt isti cavillatores decepti, qui pluralitatem, quæ invenitur in Deo à parte objecti intellecti, ipsi ponebant (& falsò) à parte principij intelligendis: quod si vellent defendere, nulli dubium, quin essent hæretici pessimi, cum ex hoc sequatur pluralitas essentia in Divinis, quod nephas est suspicari. Cum enim Deus essentia sua omnia intelligit, si pluribus intelligit, plures utique habet essentias, quo nihil absurdius; nihil auribus fidelium intolerabilius.

Ex hoc, scilicet respondeo ad secundum. Ex hoc ipso enim, quod istæ species causantur ex influentia Divini luminis derivatæ ab illa forma una, quæ est ratio intelligendi omnia, ut dictum est, ratio sunt pauciores, & in representando universales, quâto illi unitati, quâ participat, sunt similiores.

Ad tertium dicendum, quod cum dicunt, quod multo plures sunt gradus Angelorum, quam formarum in prædicamento substantiæ, nulli dubium est, quin dicant falsum; quot enim sunt Angeli, tot sunt gradus formarum substantiarum immaterialium; & non materialiter, cum materia careant, differentium, ut dictum est, & præter has (ut patet inspicienti) sunt formæ substantiales materiales specie differentes, quæ quidem sunt innumerabiles, ut lapidum, hervarum, avium, & aliorum hujusmodi. Sed forsitan isti putabant, quod omnes gradus formarum substantialium notificentur in arbore Prophyriana. (Ad verendum eorum loquor) nulla igitur forma una creata, & per consequens limitata, nata est omnia simpliciter representare; sed hoc competit formæ primæ, quæ illimitata est, & infinita.

Ad quartum cum dicunt: quæcumque uni & ejdem assimilantur, inter se assimilantur. Dicendum, quod hoc non est verum, ubi aliqua alicui assimilantur per quâdam participationem perfectionis secundum plus, & minus; sic enim omnes creaturæ essent inter se similes, cum singulæ in suis

gradibus perfectionem primam; quæ est causa omnium, participant. Aliter verò est, ubi aliqua sunt alicui uni & eidem æqualia, ubi non est perfectionis participatio, sed adæquatio magis. Species verò in mente Angelica (prout dicit Thomas) non est adæquata uni intelligibili, sed plurium representativa, unde non oportet ea, quæ in diversis gradibus participant perfectionem, in qua assimilantur, formæ huic inter se esse similia.

ARTICVLVS XXJ.

DE hoc, quod Thomas dicit, part. 1. q. 62. art. 6. in responsione questionis, & argumentorum, & q. 108. artic. 4. in responsione princ. & eadem q. art. 8. in responsione 1. argum. quod Angelis data est gratia & gloria secundum gradum suorum naturalium; ita quod hi, qui habuerunt naturalia meliora, etiam plus habuerunt de gratia & gloria, quod probat primo per Magistrum 2. sent. dist. 3. qui dicit: Qui nam magis subtiles sunt creati, hi etiam majoribus muneribus gratia præditi sunt.

Secundo, quia sicut natura Angelica facta est à Deo ad gratiam & gloriam consequendam, ita & gradus nature Angelicæ ad diversos gradus gratiæ & gloriæ ordinari videntur; ergo quos altiores fecit, ad majorem gratiam & gloriam ordinavit.

Tertio hoc patet ex hoc, quod Angelus non est compositus ex diversis naturis, ut inclinatio unius nature impedit impetum alterius, vel retardet, sicut accidit in homine, in quo actio intellectiva partis impeditur, & retardatur ex inclinatione partis sensitivæ; quando autem non est retardans, nec impediens, tunc natura movetur secundum suam totam virtutem, & ideo rationabile est, quod Angeli, qui habuerunt meliora naturalia, fortius & efficacius conversi sint ad Deum. Et hoc in hominibus contingit, quod secundum intensionem conversionis in Deum datur major gratia & gloria, unde videtur, quod Angeli, qui habuerunt meliora naturalia, habuerunt plus de gratia & gloria. Hæc sunt verba Thomæ.

CORRVPTORIUM.

INTER articulos olim condemnatos à Domino venerabilis memoriæ Parisiensis Episcopo iste fuit nonus, quod Angeli, qui habuerunt meliora naturalia de necessitate habuerunt

huerunt maiorem gratiam & gloriam. Articulus autem, quem præ manibus habemus, parum aut nihil differt à prædictis; & ideo prædicta condemnatio sufficere debet ad reprobationem istius articuli & responsionis ad argumenta. Verumtamen dicimus ex abundanti, quòd videtur dictum in præiudicium gratiæ; quia si secundum meliora naturalia datur major gratia, vel minor secundum minora; ergo simpliciter datur gratia secundum naturalia, quia si magis sequitur magis, & simpliciter sequitur simpliciter, & si gratia datur secundum naturalia, non est gratia. *Rom. 11.*

Præterea: si hi, qui meliora habuerunt naturalia, plus habent de gratia & gloria; nunc Lucifer, qui meliora naturalia habuit præ aliis, plus habuisset de gratia & gloria; quòd est falsum, & erroneum.

Præterea: gratia & gloria dantur secundum motum liberi arbitrij, qui immediatius disponit ad gratiam, & ad gloriam; in habente autem liberum arbitrium motus disponens ad gratiam & gloriam, non fit secundum naturalia, sed secundum libertatem: ergo vel non habuerunt Angeli liberum arbitrium, vel receperunt gratiam & gloriam secundum illius conatum; non ergo secundum gradum naturalium.

Ad rationes *Thome* respondent.

Ad primum ergo dicendum, quòd *Magister* non dicit, quòd secundum naturalia data sit eis gratia & gloria, quòdque natura, & sapientia magis subtiles, & amplius perspicaces fuerunt, majori gratia præditi sunt. Sunt, inquam, præditi, non propter naturalia meliora, sed propter Divinum beneplacitum, & liberi arbitrij motum.

Ad secundum de gradus distinctione, dicendum, quòd si starent, & conarentur, proportionabiliter ad gradus correspondentes gratiæ & gloriæ pervenirent.

Ad tertium dicendum, quòd licet Angelus non habeat impedimentum à parte naturæ suæ, potest tamen habere à parte libertatis suæ, quæ potest se minus movere in Deum, immò etiam non movere, sed in contrarium, ut patet in Lucifero & sequacibus ejus.

Quòd etiam additur; ubi non est impediens, tunc natura movetur secundum totam virtutem, verum est in natura non libera, sed in natura libera falsum est, saltem in via, quales fuerunt Angeli, antequam gloriam habuerunt. Et quòd addit, quòd

habentes meliora naturalia, rationabile est; quòd ad Deum fortius conversi sint, verum est, quòd ita esse decuit, non tamen ita fuit, sicut patet de Lucifero & aliis cadentibus.

Ad quartum cum dicit, quòd in hominibus ita contingit: dicendum, quòd est, ut sic est, ut non. Nam si hic homo plus convertit se in Deum, plus accipit de gratia; non quia conversio sit hujus causæ, sed Deus; non tamen semper homo, qui habet meliora naturalia, plus se convertit in Deum; imò ex illis quandoque plus superbit, & magis se avertit à Deo, ut patet in Lucifero. Hæc sunt verba eorum.

Responsio ad hæc secundum Thomam.

OMnes istæ cavillationes procedunt, ac si *Thome* posuisset, quòd meliora naturalia essent causa principalis, quare necessario major gratia, vel major gloria daretur eidem; hoc tamen non ponit: unde cum improbent suam propriam phantasiam falsam, non esset respondendum eis. Ex abundanti tamen, ne aliquid videantur dixisse, per singula dicta sua refellantur.

Ad primum ergo, cum dicunt, quòd parum, aut nihil differt dicere, quòd Angeli, qui meliora naturalia habuerunt, plus gratiæ & gloriæ receperunt; & dicere, quòd Angeli, qui habuerunt meliora naturalia, necessario vel de necessitate maiorem gratiam receperunt & gloriam, nulli puto dubium, quin dicant falsum. Sic enim non differret dicere, homo sedet, & homo de necessitate sedet: & homo secundum quod plus habet de arte scribendi, melius scribit, & secundum quod plus habet de arte illa, de necessitate melius scribit, cum tamen sit contingens, quòd scribat; & per consequens, quòd benè scribat: & tamen posito, quòd uteretur arte illa secundum totam virtutem, manifestum est, quòd quanto plus haberet de arte, si nullum esset impediens, tanto meliorem litteram scriberet. Sic Angeli, qui benè utebantur suis naturalibus secundum suam totam virtutem, nullo impediens, plus meruerunt, & per consequens maiorem gratiam & gloriam habuerunt, qui melioribus donis præditi sunt.

Ad illud verò, quòd obijciunt, Si magis sequitur ad magis, ergo simpliciter sequitur ad simpliciter. Dicitur potest, quòd secundum *Philosophum*, regula sequitur è cōverso. Si simpliciter ad simpliciter, ergo

magis sequitur ad magis, nec tenet nisi in per se veris; verumtamen concedi debet, quod secundum naturalia datur gratia, non quidem eorum merito, hoc enim esset contra Apostolum *Rom. 11.* Nec ita quod ipsi sint prima causa necessaria maioris gratiae & gloriae, sed sunt dispositio congrua; immo certe necessaria ad utrumque; non enim posset gratia vel gloria communicari, nisi naturae intelligibili.

Ad secundum patet ex dictis; non enim sic secundum meliora naturalia dicimus communicari meliora dona, quod ipsa sint causa necessaria hujus communicationis; sed pro tanto, quod hi qui utebantur secundum totam virtutem suam donis naturae in conversione sui gratia cooperante ab eo, qui disponit omnia suaviter, plus gratiae & gloriae receperunt. Lucifer vero non utebatur bonis collatis, sed abutebatur avertendo se à Deo, & ideo non accepit; sed perdidit illa dona, meliora sibi, si steteret, conferenda.

Ad tertium dicendum, quod illi, qui habuerunt meliora naturalia, nobiliorem motum liberi arbitrij in Deum habere poterant; unde boni, qui actum secundum totam virtutem suam exercuerunt, maiorem gratiam & gloriam acceperunt.

Quod ergo dicunt ad primum argumentum *Thome*, quod Dei beneplacitum fuerit causa, & quod motus liberi arbitrij dispositio utique congrua fuit, quare dabantur illi dona, concedi debet; quia tamen secundum gradum naturalium (ut dictum est) erat gradus illorum motuum, ideo conveniens erat, ut secundum eandem proportionem esset gradus donorum. Vnde quod ipsi dicunt in responsione ad secundum argumentum, scilicet, quod qui steterunt, non conabantur secundum naturae suae proportionem, falsum est, & non concedendum.

Quod verò dicunt ad tertium argumentum, quod à parte libertatis arbitrij potest esse, quod Angelus non moveatur in Deum, sed avertat se ab eo, verum dicunt: sed quod volunt, quod minus moveatur in Deum ille, qui movetur, & convertitur, cum nullum sit impedimentum, irrationabiliter & falsum dicunt. Sicut enim demones toto conatu convertebantur ad amorē sui in sua aversione à Deo, sic boni Angeli toto conatu convertebantur ad amorem Dei in sua conversione ad Deum; quia sicut Angelus non intelligit se per discursum

ad modum nostri, scilicet, successive unum post aliud, sed totum simul uno actu simplici apprehendit; ita ad se apprehensum fertur totaliter, & toto affectu, vel se ipsum in Deum referendo, sicut bonus; vel in se finaliter sistendo, sicut malus.

Quod verò dicunt ad quartum argumentum, quod homo, qui habet meliora naturalia, aliquando superbit, verum est, & hoc contingit Angelo; habentes tamen meliora naturalia, & eis recte utendo secundum totam suam virtutem, gratiam & gloriam recipiunt ampliorem.

ARTICVLVS XXIJ.

EST de hoc, quod dicit *Thomas part. 1. q. 62. artic. 9. in responsione ult. argum.* quod Angeli Beati non merentur prae-mium accidentale.

CORRVPTORIUM.

HÆC positio videtur favere sexto errori *Parisiis* condemnato, qui est, in substantiis separatis non est possibilis transmutatio. Item errori 11. qui est, quod Angelus nihil intelligit de novo. Item errori 13. qui est, quod Angeli Beati habent bonum, quod eis possibile est, cum producantur, nec desiderant bonum, quo carent. Videtur etiam in præjudicium officij Angelici & gratiae. Cum enim secundum *Gregorium 3. moralium*, duplex sit actus in Angelis missis ad ministerium nostrum, scilicet, actus contemplandi, quo à Deo nunquam recedunt, & actus ministrandi, quo exterius ad nos propter nostram salutem exeunt, & actus ministrandi non est actus naturae, aut gloriae, oportet, quod sit actus officij, vel gratiae. Talis autem actus in eo, qui habet officium viatoris, est necessarius meritorius, non prae-mij essentialis, ut patebit; ergo prae-mij accidentalis; alioquin fieret præjudicium gratiae Dei in Angelo, & officio ejus. Vnde *Hugo super illud Angelice Hierarchiae cap. 2. Vnaqueque Hierarchiarum proficit suis Divinis laudationibus.* dicit sic: Proficit, inquam, quia omnis dignitas, & potestas secundum officij, & ministerij gratiam, quia Dei laudem, & honorem predicare, & amplificare potest, in fructum retributionis exercet. Et ibidem loquens de Angelis eisdem dicit: Ergo secundum gratiam sunt dona, secundum dona sunt merita, secundum diversitatem meritorum constat di-

versitas pramiorum.

Præterea: cum Angelus malus, qui datur nobis in exercitium, peccet; quare Angelus bonus, qui datur nobis ad suadendum bonum salutiferum, non merebitur præmium accidentale?

Præterea: in legenda Sancti Joannis Evangelistæ secundum usum Romanæ Ecclesiæ, habetur sic: *Vidi Angelos nostros fletos, Angelos verò Sathane in nostra dejectione gaudentes.* Eo igitur modo, quo illi boni Angeli Custodes eorum flebant de eorum apostasia, è contra congaudebant de eorum poenitentia, secundum illud *Lucæ 3. Gaudium est Angelis Dei super uno peccatore poenitentiam agente.*

Si dicas, quòd de poenitentia peccatoris gaudeant omnes etiam assistentes, patet, quòd hoc gaudium est accidentale, & ut de bono secundum se; sed Angeli Custodes flebant, & ministrantes specialius gaudent ut de bono per eos in eis procurato, quod non potest de Angelis assistentibus dici non missis. Vnde dicit: *Vidi Angelos nostros fletos, non Angelos absolute.*

Si autem aliquis objiciat sic. Si Angeli merentur ministrando nobis, cum per eorum ministerium non diminuatur fructus, ut dicit *Gregorius 3. moralium*, melioris conditionis & nobilioris videntur esse, quàm assistentes, & nobilitatur (ut videtur) eorū conditio per ministerium.

Quia si in ministrando mereantur gaudium accidentale, injustè agitur, nisi majus gaudium retribuaturs eis, quàm eis, qui nō meruerunt: quia si plus gaudij retribuaturs ministrantibus, sequitur, quòd melius sit ministrare, quàm nō ministrare, quod videtur inconveniens, sicut & primū; ergo si merentur in ministrando, videtur ponendū, quòd merentur præmium essentiale, non accidentale, prout Magister dicit 2. libr. *D sentent. dist. 2. cap. ult.*

Ad primum potest dici, quòd ministrantes non sunt melioris conditionis, quàm assistentes, nec nobilioris simpliciter, sed secundū quid, scilicet secundum quod Angelus gaudebit de hoc homine, ut ab ipso benè custodito, & edocto, ipsoque salvato per ministerium ejus; omnes alij gaudebūt de illo, ut salvato solū, non tamen, sicut per ejus ministerium in missione foras exhibitum; loco tamen hujus particularis, & accidentalis gaudij habent assistentes multò majora, ut clariorem cognitionem tam Verbi, quàm hujus sic salvati, & ferventio-

rem amorem, & hujusmodi, propter quæ sunt adhuc melioris conditionis, quàm ministrantes.

Ad secundum dicendum, quòd non injustè agitur cum assistentibus, & non ministrantibus, si ministrantes plus gaudij habeant, quàm assistentes non ministrantes, nisi eorum oculus nequam esset, quia Deus bonus est. *Math. 22.*

Præterea: si quantum meruerunt ministrantes, datur etiam sine merito assistentibus, gratiæ deputatur; & si tantum, vel plus gaudij accidentalis habent assistentes, nulla sit injuria ministrantibus, quia tollunt, quod suum est *Math. 22.* Nec minus habent propter hoc, quòd non ministrantes plus habent, quia non sunt invidi, sed de bono alterius quilibet gaudet, & ideo non sequitur, quòd simpliciter melius sit ministrari, quàm assistere. Sed quòd melius sit ministrare, quoad quid. Quod autem in ministrando nobis non mereantur præmium substantiale, sic patet; quia si merentur, aut habendum, aut jam habitum? Non habendum, quia tunc non haberent modò præmium substantiale, quod falsum est, cum sint comprehendentes, aut haberent imperfectè, & ejus augmentum, vel perfectionem expectarent per ministerium, quod etiam videtur falsum esse; tum quia eorum appetitus non esset quieratus, & per consequens nec perfectè beati essent: cum beatitudo sit status omnium bonorum aggregatione perfectus. Tum quia tunc essent secundum utramque vitam, activā scilicet & contemplativā, viatores, quod nullus diceret. Si autem dicatur, quòd ministrando nobis mereantur præmium essentiale jam habitum, hoc est à sua conversione susceptum; hoc est contra *Augustinum de correctione, & gratia*, qui dicit: *Angeli sancti, qui aliis cadentibus steterunt, illius vitæ mercedem accipere meruerunt.* Et eodem lib. c. 11. *Si diabolus, & Angeli ejus per liberum arbitrium in veritate stetissent, donec istam summæ beatitudinis plenitudinem, tanquam præmium ipsius permanens acciperent.* En ergo stando, non ministrando, præmium essentiale mercedem vitæ appellat. Hujus etiam stationi, vel permanenti attribuit *Beatus Gregorius* præmium essentiale quinto *moralium*, c. 28. *Omnipotens Deus naturam summorum spirituum bonam, sed mutabilem condidit: ut qui permanere nolent, ruerent, & qui in conditione persisterent, tanto in ea jam dignius, quanto ex arbitrio starent, & eò majoris apud Deum meriti fierent, quò mutabilitatis sue*

motum, voluntatis statione fixissent.

Præterea: secundum Gregor. 9. moralium cap. 22. Sicut gratia præcedit meritum, ita meritum præcedit præmium; & hoc, vel natura, & tempore, vel natura tantum, ergo non merentur jam habitum; tunc enim meritum sequeretur præmium.

Præterea: Deus est motor omnis merentis præmium essentiale ad assequendum illud. Proprium est autem omnis motoris, quod cesset movere suum mobile, adepto intento suo. Cum ergo Beatus Angelus jam sit assecutus præmium essentiale, ut finem ultimum, jam Deus non movet illum, ut per ministerium assequatur illud, nec à se ipso sine Deo movetur; quia hic finis est supra posse omnis naturæ creatæ sine adjutorio gratiæ; merentur ergo Angeli Beati, nobis ministrando, præmium accidentale, non essentiale.

Responsio ad hæc secundum Thomam.

SI verba *Thome* rectis oculis intellecta cõpexissent, nunquam istam positionem suam errori favere dixissent; cum ex verbis suis etiam in hoc loco omnium illorum errorum, quos nominant, oppositum concludatur. Vt enim ibidem in illius argumenti ultimi responsione dicit, quod præmium accidentale in Angelis augeri potest usque ad diem iudicii, non quod illud mereantur, cum non sint viatores, sed prædictum gaudium acquirunt ex virtute beatitudinis, ut ipse dicit; ex quo sequitur necessario, quod in substantiis separatis possibilis est transmutatio talis, qualis invenitur in natura intellectuali, & hoc est oppositum contradictoriè errori illi *Parisiis* condemnato, qui ponit, quod in substantiis non est possibilis transmutatio.

Item ex hoc ipso, quod gaudium illud potest augeri, sequitur, quod possunt de aliquo gaudere de novo, ut de nova conversione peccatoris, quod esset omnino impossibile, nisi possent aliud de novo intelligere; cum actus intellectus necessario præcedat actum voluntatis, & hoc est oppositum contradictoriè illi errori undecimo, qui ponit, quod Angelus nihil intelligit de novo. Item ex hoc ipso etiam, quod gaudium illud potest augeri, ut dicit *Thomas*, manifestè sequitur, quod Angeli non omne bonum sibi possibile habent in sui productione. Et quod desiderant consumatio-

A nem gaudij accidentalis, quam in die iudicii de omnium electorum salute consequuntur, acquirunt eandem ex virtute suæ beatitudinis, & hoc est oppositum contradictoriè illi errori 13. qui ponit, quod Angeli beati habent bonum sibi possibile in sui productione, nec aliud desiderant, quo carent; unde non cesso mirari, qua fronte dicere potuit istam doctrinam *Thome* prædictis erroribus favere, cum acquirere gaudium illud ex virtute beatitudinis (prout docet *Thomas*) antecedit ad contradictoriè opposita omnium illorum, ut patet ex dictis. Quia autem non debebat dici propriè, quod Angeli mereantur illud gaudium, cum non sint in statu viæ, patet per *Augustin.* in *Ench.* Et alibi satis. Nullus enim Angelus simul est viator, & comprehensor, ut ad modum ipsius viatoris simul, ut viator mereatur, & ut comprehensor ultimo fine fruatur.

Ad illud ergo, quod obijciunt post, quod foret in præjudicium gratiæ, & officij Angelici, dicendum, quod non est verum. Quamvis enim illud gaudium mereri propriè non debent dici, cum non sint viatores, tamen acquirunt illud ex virtute beatitudinis, utpote, apprehensores. Et potest dici, quod *Hugo* accipit ibi meritum largè pro eo, ad quod sequitur augmentum gaudij in beatitudine; ratione enim hujus incrementi dicit *Dionys.* quod unaquæque *Hierarchia* proficit in Divinis suis laudationibus. Prout patet per eundem *Hugonem* in principio hujus auctoritatis, quam pro se allegant.

D Ad secundum dicendum, quod licet diabolus nos tentando peccet; hoc non est ideò, quia ad bonum nostrum nos excitet, & sic nobis (licet invitus) ministret; sed hoc est ad suam perversam intentionem; non enim intendit exercere, sed precipitare. *Fur enim non venit, nisi ut furetur, & mactet, & perdat.* sicut dicitur in *Ioanne* 10. Et quamvis Angelus nos custodiens habeat intentionem bonam seu rectam, propter quam gaudium accidentale acquirat ex virtute beatitudinis; non tamen dici debet, quod illud mereatur, cum non sit in statu merendi, sive viatoris.

Ad tertium dicendum, quod placet nobis sicut, & ipsis, quod omnes Angeli de conversione peccatorum gaudeant: quia tamen illud gaudium non merentur, sed ex virtute suæ beatitudinis acquirunt; hinc est, quod in illis est istud majus, qui plus habent

bent de beatitudine, ut in superioribus assistentibus, prout isti fatentur solvendo obiectum secundum, quod cerre necesse est ponere; quia quidquid habetur communiter à superiore & inferiore, nobiliori modo est in superiore, quàm in inferiore, sive sit gradus naturæ, sive gratiæ, vel gloriæ. Primum patet. Natura enim intellectualis, quæ cõmuniter habetur ab Angelo superiore & inferiore, nobiliori modo est in superiori, quàm in inferiore. Secundum similiter patet quoad gratiam & gloriam essentialem in eisdem, quia (prout patuit suprà) qui meliora habent naturalia, plus habent de gratia & gloria. Nec potest dici, quòd hoc solum verum est quoad gloriam essentialem, non accidentalem. Aureola enim martyrij, quæ est præmium accidentale, & communiter habetur ab omnibus martyribus, in illis utique est nobiliori modo, qui habent plus de gloria essentiali.

De objectionibus autem illis, quas faciunt sibi, & eorundem solutione apparenti secundum ipsos pertranseo, quia nihil est ibi, de quo est curandum.

Quia verò nituntur probare, quòd Angeli nobis ministrando non mereantur præmium substantiale, pro *Thoma* est. Ipse enim dicit: Quòd cum sint plenè Beati, & comprehensores, non sunt jam in statu merendi suam beatitudinem, nec viatores; unde illi quoad suum propositum laboraverunt in vanū. Et quando concludunt in fine, si non merentur gaudium essentialē, ergo merentur gaudium accidentale: planum est pueris, quòd peccant secundum consequens, ex negativa enim non infertur affirmativa. Ipsi enim nec merentur modò unum gaudium, nec aliud, sed prout dictum est accidentale ex virtute beatitudinis acquirunt; licet illud propriè non dicatur mereri, cum non sint viatores.

ARTICVLVS XXIIJ.

ITEM q. 63. art. 6. ubi queritur, an aliqua fuerit mora inter creationem, & lapsum; in responsione principali dicit *Thomas*; quòd magis est consonum dictis Sanctorum, quòd statim post primum instans sue creationis diabolus peccavit. Et dicit, quòd necesse est hoc dicere, si in primo instanti sue creationis prorupit in actum liberi arbitrij, & fuerit creatus in gratia,

ut diximus; cum enim Angeli per actum unum meritum perveniant ad beatitudinem, ut scilicet dictum est: si diabolus in primo instanti sue creationis in gratia meruit, statim post primum instans beatitudinem accepisset; nisi statim impedimentum præstitisset peccando. Et idem in responsione 4. argum. dicit; quòd inter qualibet duo instantia est medium tempus, veritatem habet, inquantum est continuum. Sed in Angelo, qui non est subditus motui cœlesti, qui primò mensuratur per tempus continuum, tempus accipitur pro ipsa successione operationum intellectus, vel affectus.

CORRUPTORIUM.

HÆC positio videtur continere duo falsa ad minus; prætermisso absque calumnia hoc, quod dicit, quòd Angelus conditus fuit in gratia, & in primo instanti sue creationis meruit; quod, licet tenuerunt aliqui antiqui, licet modò non teneatur à Magistris; unum est, quòd si Angeli mali non peccassent, statim in proximo instanti post primum instans sue creationis beatitudinem accepissent, quam meruerunt in primo instanti sue creationis; aliud continet positio prædicta, quod videtur contrarium doctrinæ Sanctorum, & Philosophorum, scilicet, quòd duplex sit tempus, scilicet, unum continuum, inter cujus quælibet duo instantia cadit tempus medium; aliud discontinuum, inter cujus instantia non cadit tempus medium. Primum scilicet, quòd Angeli mali in primo instanti sue creationis percepissent beatitudinem, quam in primo meruerunt, si non peccassent in secundo, videtur falsum, quia bene ponitur, quòd idem est tempus merendi, & demerendi, & recipiendi; sed statim, incipiente tempore recipiendi, cessat tempus merendi & demerendi; alioquin possent gloria & poena augeri in infinitum: ergo si proximum instans post instans sue creationis fuit instans recipiendi beatitudinem, non potuerunt mereri beatitudinem, nec peccare, & impedire beatitudinem, vel in beatitudinis debitæ receptione.

Præterea: hoc, quod ponit dicta positio de duplici tempore, videtur esse contra Sanctos, & Philosophos; *Anselmus* enim dicit lib. suo de veritate: Quòd unum & idem est tempus omnium eorum, quæ simul sunt in eodē tempore. Et *August.* lib. 5. super *Genes.* ad litteram, dicit de tempore, quòd unum & idem sit, quod sequitur motum corporalem, & spirituum.

ritualem dicens: Si motus esset nullus spiritualis vel corporalis naturæ, nullum esset tempus; potius ergo tempus à creatura, quam creatura coepit à tempore. Et per intentionem Philosophi 4. *Physic. cap. de tempore, text. com. 96.* satis ostenditur, quod non sit nisi unum tempus, & illud est continuum; & illud idem mensuratur motu animæ. Dicit enim sic: Si nos non fuerimus transmutati in nostra mente, aut si fuerimus, & non perceperimus, non reputamus tempus esse factum. Et parum infra text. *comm. 98.* Simul, inquit, sentimus & tempus & motum; quoniam si fuerimus in obscuro, & nihil acciderit nostris corporibus, sed in anima nostra acciderit aliquis motus, statim reputabimus tempus fieri, & similiter etiam, cum sciremus aliquod tempus fieri, statim reputabimus aliquem motum fieri, ex quo sequitur, quod tempus aut est motus, aut aliquid motus. Hæc sunt verba Philosophi de verbo ad verbum. Ex quo satis manifestè patet, quod tempus, de quo ipse tractat, mensurat, & sequitur motum animæ. Quod autem ipsum idem sit continuum, patet per ipsum ibidem, nam in proxima particula *text. com. 99.* subiungit: Et motus est continuus; & quia motus etiam est continuus, tempus etiam erit continuum. Hæc sunt verba Philosophi. Ex quo manifestè patet secundum intentionem suam, quod non est tempus, nisi continuum, & quod illud mensurat, & consequitur motum animæ; sicut & rerum corporalium in nobis. Et in *predicamentis*, ubi agit de quantitate continua & discreta, ostendit, quod tempus est continuum, & de nullo alio tempore fecit mentionem; ex quo signum accipimus, quod non sit aliud tempus. Et ibidem dicit: *Simplicius in commento: videtur tempus continuum propriissimè, aliorum enim continuorum unumquodque diuiditur utique, tempus autem semper continuum, & nunquam de tangentibus est.*

Responsio ad hæc secundum Thomam.

QUOD in primis dicitur, quod antiqui tenuerunt Angelos in gratia fuisse creatos verum dicunt. Quia *Beatus Augustinus ANTIQVORVM OMNIVM EXCELLENTISSIMVS DOCTORVM* hoc ipsum docet in locis multis.

Quod verò dicunt secundò, quod modo hoc non teneretur à Magistris, non dicunt verum: Magistri enim magis approbati, doctrinam *Beati Augustini* sequentes hoc ponunt concorditer. Illa verò duo, quæ dicunt esse falsa, satis patent intelligentibus esse

vera, & per omnia doctrinæ *Sanctorum* consona. Primum patet per *Augustinum* super *Genes. ad litteram, & de Civit. Dei*. Vult enim *Beatus Augustinus* utrobique, quod diabolus statim cecidit post suam creationem, quia videlicet in veritate non stetit; si enim illo instanti in gratia sibi collata, & per consequens in veritate stetisset, una etiam cum aliis in illo instanti beatitudinem accepisset, non enim est personarum acceptor *Deus, Act. 10.*

Quod verò contra istud primum obijciunt, quod, incipiente tempore recipiendi, cessat tempus merendi, vel demerendi, est directè contra ipsos, quoad hoc, quod dixerunt de merito Angelorum proximo articulo. In nullo verò est contra *Thomam*. Dicendum enim secundum ipsum est, quod quamvis in eodem instanti non posset unus & idem mereri, & demereri, & recipere, cum in illo eodem instanti, quo unus, qui impedimentum non præbet, recipit, & alius potest impedimentum præbere demerendo, ne recipiat; sic contingit in proposito. Vnde planum est, quod illud argumentum non procedit.

Quod verò contra secundum obijciunt, volentes probare per *Sanctos, & Philosophos* unum esse omnium tempus continens: manifestum est satis intelligentibus esse frivolum: tempus enim continuum impossibile est esse mensuram actus simplicis indivisibilis, cujusmodi est operatio intellectus, & affectus in Angelis.

Quod verò dicunt secundum *Anselmum*, quod unum est tempus omnium, quæ in eodem tempore simul sunt, visum est tanquam in propria mensura, cujusmodi sunt corruptibilia solum. Operatio autem tam Angelica, quam Divina, quæ idem tempus concomitantur, aliquo tempore non mensurantur; sed Dei operatio mensuratur aternitate, operatio verò Angelica interior mensuratur tempore alio, non continuo, cum nullam habeat continuitatem.

Auctoritas autem *Augustini* in nullo est pro eis. Si enim nullus esset motus spiritualis, nec corporalis creaturæ, nec continuus, nec non continuus; tunc nullum esset tempus continuum, vel non continuum mensurans hunc, vel illum; hoc concedimus, nec plus potest haberi ex verbis *Augustini*. Illud etiam, quod accipiunt de *Philosopho*, nihil facit pro eis: planum est enim, quod ut naturalis *Philosophus* 4. *Physic.* non habuit de alio tempore, quam de tempore continuo

nuo motum consequēte determinare. Nec
tempus non continuum, quod est mensura
actuum simplicium in substantiis separatis,
debebat in prædicamentis explicari pueris.
Signum ergo, quod accipiunt, nullum est.
Quod *Philosoph.* insinuat, quod tempus de
quo determinat 4. *Physic. tex. com.* 96. men-
surat motus animæ nostræ, concedi debet;
& hoc, quia motus animæ nostræ ratione
corporis conveniunt in continuitate cum
motibus corporum per se, vel ad minus per
accidens. Planum enim est, quod poten-
tiæ organicæ ipsius animæ habent in ope-
rando actum sive motum continuum, ut-
pote materialem. Actus verò potentiæ in-
tellectivæ, licet sit in se simplex & imma-
terialis; tamen non est omnino sine illis
inferioribus materialibus, quia non est sine
phantasmate, & per consequens est cum
continuo & tempore secundum *Philosoph.*
3. de Anima. Secus est omnino de actu, &
operatione omnino simplici, & indivisibili
in substantiis separatis. *Comm. text. com.* 39.
verò Simplicius loquitur de tempore conti-
nuo, quod mensurat motum, de quo agi-
tur in prædicamentis, ut patet intuenti.

ARTICVLVS XXIV.

()TEM, q. 64. art. 2. in responsione princi-
I pali dicit: quod vis appetitiva in omni-
I bus proportionatur apprehensioni, à qua
I movetur, sicut mobile à motore.

CORRUPTORIUM.

SI per hoc intelligit, quod vis appetiti-
va nihil appetit, vel refugit, nisi quod
vis apprehensiva sibi correspondens
prius apprehenderit, & sibi ostenderit, ve-
rum est, quod dicit secundum *Sanctos*, &
Philosophos: si autem velit dicere, quod vis
apprehensiva in omnibus determinat appe-
titum ad unum necessitando ipsum, error
est condemnatus *Parisiis* publicè; quia nec
vis apprehensiva sensitiva, nec rationalis
determinat ipsam voluntatem, vel necessi-
tat voluntatem ad unum; ideo prius quàm
ratio ostenderit, & judicaverit de duobus
alterum esse tantum volendum, voluntas
manet libera, ut, illo dimisso, velit opposi-
tum; & ideo positio hæc cavenda est.

Responsio ad hæc secundum Thomam.

QVONIAM *Thomas* intendit, quod vis
apprehensiva movet appetitum pri-
mo modo, & non secundo, & quan-
tum ad appetitum intellectivum; prout pa-
tet ex ejus doctrina ubique, & hoc, ut isti
fatentur, verum est secundum *Sanctos*, &
Philosophos. Planum est, quod iste modus
ponendi non est cavendus, sed reverà *sermo*
verus, & omni acceptione dignus. 1. *Tim.* 1.

ARTICVLVS XXV.



ITEM q. eadem & artic.
eod. in responsione princi-
pali assignans causam ob-
stinationis in demonibus
dicit: quod differt ap-
prehensio hominis ab ap-
prehensione Angeli, in-
quantum Angelus apprehendit per intellectum
immobiler, sicut & nos per intellectum apprehendimus prima principia, quorum est intellectus.
Homo verò per rationem mobiler apprehendit discurrendo ab uno in aliud, habens viam procedendi ad utrumque oppositorum: unde & voluntas hominis adheret alicui mobiler, idest, potens ab eo recedere, & contrario adherere. Voluntas autem Angeli fixè & immobiliter; & ideo si consideretur ante adhesionem, potest liberè abherere huic, & ejus opposito, in his, scilicet, quæ non naturaliter vult; sed postquam adhæsit, immobiliter adheret.

CORRUPTORIUM.

EX his patet, quod ipse ponit Angelos & adhærere, & apprehendere, & immobiliter velle; & hoc esse causam obstinationis malorum & confirmationis bonorum, ut patet in fine responsionis hujus.

Hæc ratio, & positio videtur favere errori sexto de Angelis, qui est, quod in substantiis separatis non est possibilis transmutatio, nec sunt in potentia ad aliud. Si enim voluntas, & apprehensio Angelorum immobilis fuerit cum rectitudine, in qua creati fuerunt, nunquam secundum voluntatem, & rationem moti fuissent ab illa rectitudine, quam habuerunt in primo instanti suæ creationis; & si nunquam pec-

callent, quod constat esse falsum: ergo positio, de qua sequitur.

Præterea, hoc est contra *Gregorium* 5. *moralium* cap. 28. qui dicit: Si Angelorum substantia à mutabilitatis motu fuisset aliena bene ab auctore condita, nunquam in reprobis spiritibus à beatitudinis sue arce cecidisset. Mirè autem omnipotens Deus naturam summorum spirituum bonam, sed mutabilem condidit: ut qui permanere nollent, ruerent, & qui in conditione persisterent, tantò in ea iam dignius, quantò ex arbitrio starent; & eò maioris apud Deum meriti fierent, quò mutabilitatis sue motum, voluntatis statione fixissent. Ex his patet, quod causa obstinationis Angelorum non fuit immutabiliter intelligere, vel velle, neque etiam confirmationis, sed voluntas fruendi, vel standi libera, quæ extra statum libertatis & merendi se liberè posuit.

Responsio ad hæc secundum Thomam.

Quando dicunt per verba *Thome*: ex his patet, quod ipse ponit Angelos & adhærere, & apprehendere, & immobiliter velle; imponentes *Thome*, quod ponat in Angelis omnimodam immutabilitatem, planum est, quod non intellexerunt eum, vel intelligere noluerunt: quia nunquam hic, vel alibi hoc posuit, sed potius ejus oppositum, sicut patet in 1. p. q. 9. art. 2. Ipse enim ponit successionem in actu apprehensionis & affectionis in Angelis, quam vocat tempus non continuum, sicut patuit suprâ, quod non est sine mutabilitate. Dicit enim in ista responsione secundum quod dici solet, quod liberum arbitrium hominis est flexibile ante electionem, & post; liberum verò arbitrium Angeli est flexibile ante electionem, sed non post. Certè si Angelus esset omnino immutabilis, nullo modo ejus voluntas esset flexibilis; & sic patet, quod ista positio non faret illi errori, qui est, quod in Angelis non est transmutatio, prout voluit obiectio prima. Nec est contra *Gregorium*, qui ponit in Angelis mutabilitatem, ut voluit obiectio secunda. Dicitur autem Angelus immobiliter apprehendere, non quia immutabiliter stet semper in unius rei apprehensione; sed quia non apprehendit movendo seu discurrendo ab uno in aliud, sicut dicit *Thomas*. Similiter dicitur immobiliter velle, non quia immutabiliter, ac semper actu velit unum & idem; sed quia sua voluntas est inflexibilis post electionem, nec unquam extunc

potest velle ejus oppositum; potest tamen voluntatem ad alia, & alia convertere una affectione in ipso, alteri succedente, quod non fieret, nisi mutabilis foret.

Ex his patet, quod ex falso intellectu (non dico malo) processit, quod isti Correctiores, vel Corruptores dicunt *Thomam* in ista positione immutabilitatem in Angelis posuisse.

Possent contra *Thomam* in proposito sic argui: Ipse enim dicit in responsione ultimi argumenti immediatè præcedentis articuli. Quod omnes Angeli in gratia creati in primo instanti meruerunt. Sed quidam statim impedimentum suæ beatitudinis præstiterunt, præcedens meritum mortificantes, & idè beatitudine caruerunt. Verba sua sunt. Si in primo instanti meruerunt, videtur, quod in illo primo instanti se & omnia sua in Deum ordinauerunt, eligentes sub Deo esse, & sibi finaliter adhærere. Si ergo eorum voluntas post primam apprehensionem intellectualem, & electionem ipsam consequentem est inflexibilis, ut videtur secundum *Thomam*, sequitur, quod nullus eorum post primum instans potuit ad aliud flecti, vel peccare, cujus oppositum patuit in demonibus.

Ad hoc potest dici, quod postea non sunt flexi ad volendum aliud, quàm illud, quod prius principaliter volebant. Sed quia tunc erant facti impeccabiles per gloriam, flexibiles fuerunt ad volendum id, quod prius, sed alio modo, quàm prius. Qui igitur primum modum non dimiserunt, firmati sunt in bono, non virtute suæ naturæ sed per virtutem gloriæ facti, ut immutabiliter illum modum tenerent, amantes scilicet se ipsos, & omnia alia eo modo, quo prius propter Deum. Sed alij alium modum amandi elegerunt, amando omnia propter se ipsos finaliter, & idè rectum ordinem & verum dimiserunt; & per consequens à veritate, impedimentum suæ beatitudinis præstando, ceciderunt, & hoc statim, ut dictum est suprâ.

ARTICVLVS XXVI.

ITEM q. 64. artic. ult. in responsione principali dicit: quod duplex est locus poenalis demonibus; unus ratione culpæ, & iste est infernus; alius ratione exercitationis humane naturæ, & hic est iste aer caliginosus. Et parum post in responsione primi argumenti dicit: quod locus non est poenalis Angelo, vel animæ quasi afficiens alterando naturam, sed

sed afficiens contristando voluntatem, dum anima, vel Angelus apprehendit se esse in loco non convenienti.

CORRUPTORIUM.

HOC videtur erroneum; quia secundum eandem rationem, si dæmon, vel anima digna punitione esset in Paradiso, & apprehenderet non esse convenientem locum suæ naturæ, quod etiam pati deberet; quia Paradisus non est locus conveniens dispositioni voluntatis dæmonum; ita Paradisus esset locus pœnalis dæmonibus, & animabus separatis malis, sicut infernus.

Præterea: prædicta positio innuit plane, quod dæmones, & animæ non puniuntur in inferno, nisi intelligibiliter, vel imaginariè, vel phantasticè & non verè, quod est contra Augustinum de fide ad Petrum cap. penult. qui dicit sempiterna, & immutabili prolata sententia: *Iniqui omnes ibunt in combustionem eternam, justi autem in vitam eternam: iniqui semper ansuri cum diabolo, justi autem regnaturi sine fine cum Christo.* Et Augustinus II. de Civit. Dei cap. 4. *Cur non dicemus, quamvis miris, veris tamen modis, spiritus incorporeales pœna affligi corporeæ?* Nam si tantum affligerentur imaginaria, vel quacumque apprehensione alia, tunc non diceretur miris modis.

Præterea: si solum affligitur anima, vel Angelus ex hoc, quod locus inferni apprehensus est inconveniens voluntati, cum nihil sit contrarium, vel non inconveniens voluntati, nisi propter incommoditatem, vel injustitiam, sicut dicit Hugo de Sacramentis p. 5. cap. 2.

Et idem vult Anselmus de casu diaboli cap. 5. Et idem dicit de concordia prædestinationis, & præsciencie. Constat, quod anima, vel dæmon non judicat locum inferni non convenientem, vel pœnalem: quia contrarius est suæ voluntati propter injustitiam; tamen quia infernus non apprehenditur ab eo, ut causa, vel occasio injustitiæ, restat tunc quod judicet contrariū suæ voluntati propter incommoditatem, vel nocumentum: aut igitur ignis inferni, vel locus illè est nocivus, & incommodus verè affligens, sicut alia solent affligere, & sic habeo propositū, scilicet, quod positio Thomæ est falsa; aut imaginariè, vel phantasticè, & sic non verè punitur, quod est contra auctoritatem Augustini præhabitam, & contra Evangelium B. Egid. defens. Oper. S. Thom.

Matth. 23. *Ite maledicti, &c. qui ignis non extinguetur, sicut habetur in eodem, & in Isaiâ ult.* Constat autem, quod Deus comminatur punitionem verè, & non phantasticè.

Præterea: non est credibile, quod hi, qui in aliis subtilissimi sunt, & acutissimi, in hoc solum sint decepti, quod putant se affligi ab igne, à quo non possint pati. Unde hæc positio videtur favere errori aliàs condemnato Parisiis à Domino Stephano Parisiensi Episcopo, qui est, quod anima separata post mortem non affligitur, nec patitur ab igne corporeo.

Responsio ad hæc secundum Thomam.

Sciendum, quod prout docet Thomas in isto articulo, quod locus corporalis quicumque, etiam Paradisus, si apprehendatur ab Angelo, vel anima separata, ut non conveniens suæ naturæ, & in quo Divina virtute necesse habet æternaliter alligari, & detineri, licet ad tempus sit alibi, non in phantasticam, sed in verissimam pœnam cedit illi, & quanto locus magis disconveniens est, & deformior, tanto pœna major. Unde quia infernus est locus maximæ deformitatis, & per consequens maximè disconveniens nobilitati intellectualis naturæ, hinc est, quod dæmones, & animæ, scientes se invitos æternaliter alligatos in illo detineri, summè affliguntur, licet ad tempus sint alibi.

Ex his patet responsio ad primum: quod non est inconveniens concedere Paradisum, si non conveniens sit naturæ intellectuali, quod dæmones, vel animæ ibidem invitè detenti possunt affligi, licet minus forsan, quam si essent deputati loco villiori.

Ad secundum dicendum, quod Augustinus non ponit combustionem, vel ardorem talem in spiritibus separatis, quod sit corporeus: hoc enim non est intelligibile, cum sint incorporei; sed vocat combustionem, vel ardorem eorum in corpore ignis, quod est talis naturæ, detentionem, & sensus tactus incorporibus damnatorum ab hujusmodi calore immutationem. Quod autem dicit ibidem Augustinus de Civit. Dei *Quamvis miris, tamen veris modis affligi spiritus incorporeos pœna corporali*, non est contra prædicta. Mirum enim est, & Divinæ virtutis attribuendum, quod spiritus incorporei ad suam pœnam maximam, atque verissimam sic

fic possint in corpore aliquo detineri; unde illud positioni eorum in nullo servit, cum non ponatur ipsa poena eorum phantastica, id est apparens, & non existens, sed ut dictum est, veraciter affligens.

Ad tertium dicendum, quod locus iste contrarius est voluti propter incommoditatem ex predicta detentione, ac incarceratione proveniens. Est enim locus ille afficiens, non quasi alterando naturam, sed, prout dicit *Thomas*, *afficiens contristando voluntatem secundum modum predictum*. Hoc quoque non est contrarium dictis Evangelicis: *Ite maledicti*, &c. nec Prophetis: *Ignis eorum non extinguetur*: sed per omnia, ut ex dictis patet, eisdem consonat. In hoc autem fuerunt illi decepti, quod non putabant spiritus incorporeos posse affligi ab igne veraciter, nisi eorum natura per ignis actionem esset alterata, quod falsum est. Non enim affliguntur ab igne per virtutem naturae ignis, sed prout ille ignis est instrumentum Divinae Iustitiae illos spiritus superbos contra suam voluntatem detinens, qui volebant Deo Creatori se subicere. Unde subiecti sunt vel per hoc, velint nolint, infimae creaturae.

Ad quartum dicendum, quod isti in hoc argumento sic in omnibus aliis supponunt falsum, scilicet, quod *Thomas* posuit istam poenam non esse veram, sed phantasticam. Illud autem non est verum, ut ipsum intuenti patet per predicta; ergo non sunt in hoc decepti, quod putant se affligi, cum non affligantur, verè enim affliguntur.

ARTICVLVS XXVIJ.



ITEM q. 66. artic. 1. in responsione quaest. dicit, quod impossibile, quod informitas materiae tempore praecesserit formationem ejus. Ex quo sequitur, quod a principio non fuit confusio, quam antiqui volebant esse chaos. Secundo dicit sic: si materia informis praecessit duratione, ergo erat in actu; hoc enim importat duratione, creationis enim terminus est ens actu. Ipsum autem, quod est actu, est forma. Dicere ergo materiam praecedere sine forma, est dicere ens actu sine actu, quod importat contradictionem. Item addit ibidem: si essent plures formae substantiales in materia, posterior esset accidentalis, & generatio esset alteratio.

CORRVPTORIVM.

HÆC positio derogat Omnipotentiae Divinae; quia licet accidens dependeat a subiecto plus quam materia a forma, tamen potest facere accidens sine subiecto, & facit in Sacramento Altaris, & ideo potest dare materiae esse actu sine forma, licet hoc a principio non fecerit, quod sciatur; unde omnes Magistri concordaverunt nuper, quod erroneum est dicere, quod Deus non potest dare esse actu materiae sine forma.

Ad primum in contrarium dici potest, quod licet sit impossibile ipsi materiae, vel operationi ejus, vel causis inferioribus, quod praecesserit confusio, vel chaos, vel materia sine forma, non tamen fuit impossibile Omnipotentiae Divinae, vel causis superioribus.

Ad secundum dicendum, quod non est hic contradictio; materia enim comparatur ad formam, ut a quo potest recipere esse tale; & comparatur ad suam artificem, ut a quo accipit suam essentiam aliam ab essentia formae, cujus essentia non dependet a forma, sed a suo Creatore. Dico ergo, quod si Deus daret materiae esse actu idem numero, quod daret hanc formam signata sine ulla forma, tunc esset implicatio contradictionis; sicut si daret parieti esse album sine albedine, hoc enim esse non potest; si tamen essentiae materiae, quae non dependet a sua forma, sed a suo Creatore, daret esse actu sine forma, nulla esset contradictio.

Præterea, aliter potest dici ad illud, quod implicatio contradictionis in aliqua materia potest intelligi dupliciter; vel simpliciter ad omne tempus, sicut Sortem currentem non moveri; alio modo intelligitur implicatio contradictionis, ut nunc secundum statum, & cursum naturae, qui nunc est in rebus. Isto modo enim dicere asinum immortalem implicat contradictionem, & illud quod sic implicat contradictionem potest Deus facere; non quod simul faciat contradictoria, sed mutando naturalem cursum, & dando alium, ut si faceret asinum immortalem, quod nullus auderet dicere Deum non posse facere.

Quod si dicas: non habet ideam distinctam, ergo nec essentiam ab esse formae distinctam, hoc est falsum; immò si non haberet

beret ideam in Deo distinctam, non A propria, cujus actus & perfectio est esse actu; in quantum verò accidentalis, non habet, nec per naturam potest habere esse sine subjecto. Qualiter tamen potest esse sine subjecto per Divinam virtutem in Sacramento Altaris, optimè declarat *Thomas in ultima parte summae q. 77. art. 5.* in responsione principali, quia videlicet quantitas dimensiva includit in se rationem individuationis, probatur, quòd alia accidentia consequentia poterunt mediante ipsa participare esse individuale, & per se subsistere sine substantia supportante, & hoc Divina virtute, ut dictum est, & declaratur ibidem.

Quod autem dicit, quòd forma est actus, verum est; sed non omnis actus; potest enim Deus dare esse actu essentiae materiae sine actu formae, *ly* forma enim, & *ly* actus equivocantur, cum dico, quòd forma est actus, & quòd esse est actus; forma enim est actus, ut habitus; esse verò est actus, ut actus.

Ad tertium dicendum, quòd habet pro inconvenienti posse plures formas substantiales esse in materia. Dicendum, quòd non est inconveniens; quia in veritate plures sunt; unde positio sua, qua negatur gradus formarum, ponens tantum unam formam, est à Magistris ut erronea reprobata, propter plures haereses inde sequentes, ut infra patebit, *artic. 31. & 32.* Nec ratio sua cogit, qua dicit: si essent plures formae, posterior esset accidentalis. Haec enim consequentia non tenet nisi de illis, quae adveniunt formae substantiali constituenti esse completum.

Responsio ad haec secundum Thomam.

Supra q. 4. dictum est, quòd sufficit ad ad praedictorum dissolutiones. Quòd enim actus, qui est unius potentiae proprius, fiat actus potentiae alterius, ut videre, qui est actus potentiae visivae, fiat actus potentiae auditivae, omnino includit contradictionem. Actus autem proprius materiae est forma: esse verò, quòd est actus entis, est actus, vel perfectio formae, vel quidditatis compositae formam habentis tanquam propriae potentiae. Vnde ponere ipsum esse actum solius materiae, est ponere ipsum esse actum alterius potentiae, quae illius cujus est actus, & includit contradictionem.

Et per hoc patet ad primum: accidentia enim, quia sunt formae, & esse (ut dictum est) est actus formae, vel formam habentis; hinc est, quòd esse potest ipsis accidentibus Divina virtute sine subjecto, à quo naturaliter dependent, concreari; hoc tamen non potest concreari materiae, licet dicatur, quòd accidentia plus dependeant à subjecto, quam materia à forma. Et quia materia non est potentia propria, cujus actus immediatus est esse; forma verò accidentalis in quantum forma est potentia

B Quod dicunt, quòd omnes Magistri nuper concordaverunt, quòd erroneum est dicere, quòd Deus non potest dare esse actu materiae sine forma, non recipimus sine testimonio, cum sciamus, quòd majores naturam materiae, & formae secundum *Philosophos* rectius intelligentes oppositum sentiant. Nec hoc derogat potentiae Divinae. Nihil enim, quòd includit contradictionem, potest habere rationem factibilis, sive producibilis à Deo.

Hoc ergo, quòd dicunt, respondendo ad primum argumentum, quòd materiam esse sine forma est possibile causis superioribus, manifestè falsum est, cum hoc includat contradictionem, ut saepe dictum est.


C Et quòd dicunt ad secundum, quòd illud non implicat contradictionem, & hoc, quia materia comparatur ad formam, ut à quo potest accipere esse tale, & ad suum opificem, ut à quo accipit essentiam aliam ab essentia formae, à qua non dependet. Si velint dicere, quòd materiae essentia non dependet à forma tanquam à causa efficiente ipsam producente, verum dicunt, sed nihil ad propositum. Sed si velint dicere, quòd essentia materiae non dependet à forma, quoad actum essendi, cujus principium est ipsa forma secundum *Philosophum*, falsum dicunt. Idem enim est dicere, quòd à Creatore communicetur esse actu quocumque soli materiae, & dicere, quòd actus visus quocumque communicetur potentiae auditivae, videtur, quòd aliquis alius actus sit actus non suae potentiae propriae.

D Item sicut forma accidentalis est illud, quo res est quanta, vel qualis, & hujusmodi: sic forma substantialis est id, quo res est simpliciter. Vnde secundum *Philosophum* 1. de gener. text. com. 18. & alibi, inductio

formę accidentalis est generatio secundum quid : sed inductio formę substantialis dicitur generatio simpliciter, ergo sicut contradictionem implicat, quod aliquid sit quantum, vel quale, & careat quantitate, & qualitate, ita contradictionem implicat necessarium, quod aliquid simpliciter actu sit carens forma substantiali, quę dat esse actu simpliciter. Et quod dicunt tanquam in argumento positi aliter evadere cupientes, scilicet, quod implicatio contradictionis dupliciter contingit: ut nunc, & simpliciter, non iuvat eos, quia in proposito est implicatio contradictionis simpliciter eo modo, quo in eorum exemplo, scilicet, Sortem currentem non moveri; sicut enim non est intelligibile, quod sit cursus sine motu, sic non est intelligibile, immo æquę impossibile, quod sit esse actu sine forma; quia esse actu nihil aliud est, quam completio, & actualitas quidditatis, quę forma est, ut in Angelis, vel formam habens, ut in aliis compositis ex materia, & forma; ponere autem actualitatem alicujus ante ipsum, est ponere ipsum & non ponere ipsum, & non est dubium, quin ista sint contradictoria simpliciter: qualiter autem materia habeat ideam, & qualiter non; dictum est supra q. 4. Quod dicunt tandem, quod forma & esse dicuntur actus diversimodè, quia forma dicit primum actum, esse verò secundum, verum dicunt, sed non iuvat eos: quia qui ponit actum secundum proveniente a primo actu, & non ponit primum actum, ipse ponit actum, & non ponit actum primum; ergo qui ponit esse actu, qui est actus secundus, & non ponit formam actum primum, ac principium ejus, ipse ponendo non formam, ponit formam; & sic ponunt isti, qui sine forma volunt esse actu concreari media.

Et quod dicunt ad tertium, quod plures hæreses consequuntur ex positione sua circa unitatem formę substantialis, propter quas reputatur erronea, ut ostendetur infra. Dicendum, quod, cum ventum fuerit ad illud, infra declarabitur per Dei gratiam, quod positio illa non est erronea, nec hæresis aliqua ex ipsa sequitur consequentia recta.

ARTICVLVS XXVIII.



TEM q. 57. artic. 2. in responsione questionis dicit, quod anima non est composita ex materia, & forma, quod probat primo per Augustinum super Genes. ad litteram, ubi probat, quod anima non est facta ex materia corporali, nec ex materia spirituali.

Secundo sic, de ratione anime est, quod sit forma alicujus corporis, aut ergo secundum se totam, aut secundum suam partem. Si secundum se totam? Impossibile est, quod pars eius sit materia. Si materia dicatur ens in potentia tantum? forma autem in quantum forma est actus; aliquid autem, quod est in potentia tantum, non potest esse pars actus, cum ei repugnet potentia, utpote contra actum divisa. Si autem sit forma secundum aliquam partem sui? Illam dicemus esse animam & illam materiam, cujus ponitur primus actus, dicemus esse primum animatum.

Tertio apparet ex hoc, quod omne, quod recipitur, recipitur in eo per modum recipientis; sic autem cognoscitur unumquodque sicut forma sua est in cognoscente. Anima autem intellectiva cognoscit rem in sua natura absolute, puta lapidem, in quantum est lapis absolute. Est ergo forma lapidis absolute secundum rationem propriam formalem in anima intellectiva. Anima igitur intellectiva est forma absoluta, non aliquid compositum ex materia & forma.

Præterea: si anima esset composita ex materia & forma, formę rerum reciperentur in ea, ut individuales, & sic non cognosceret nisi singulare, sicut accidit in potentiis sensitivis, quę recipiunt formas rerum in organo corporali; materia enim est principium individuationis formarum. Relinquitur ergo, quod anima intellectiva, & omnis substantia intellectualis cognoscens formas, absolute caret compositione materie & forme.

Hanc eandem positionem replicat in questione 76. artic. 1. in responsione questionis in fine, replicans ad confirmandum hoc secundum rationem superius positam.

CORRVPTORIUM.

Contra istam positionem sunt ea, quę dicta sunt supra decimo articulo, quod Angeli non sunt compositi ex materia & forma.

Hęc positio, scilicet, quod Anima non

non habet materiam, est planè contra *Augustinum*, qui ubique super *Genes. ad litteram* supponit eam habere materiam. Sed quærit disputando. An ejus materia præcesserit eâ tempore, vel solum origine? Et hoc ultimum tenet. Vnde *Augustinus super Genes. ad litteram cap. 4.* quærit, an sit ex aliqua re, quæ jam spiritualiter ab illo facta erat? Si nondum erat anima, meritò quæri potest, ita scilicet, quod si quoddam incommutabile esset anima, non modò ejus materiam quæreremus; nunc autem ejus mutabilitas satis indicat eam vitiis atque fallaciis deformem reddi, formari autem virtutibus, veritatisque doctrina. Ecce *Augustinus* ponit animam habere materiam in suo genere spiritualement: huic videtur concordare *Commentator comm. 15. super primum de Anima*, ubi inquit: an intellectus materialis sit aliquid ens, & non aliqua forma, nec materia prima, sic dissolvitur quemadmodum sensibile dividitur in materiam & formam, sic intelligibile omne oportet dividi in consimilia his duobus, idest, in aliquid simile formæ, & in aliquid simile materiæ, & hoc necesse est ponere in intelligentia abstracta, quæ intelligit & sine materia, & sine forma, & si non, non esset multitudo in formis abstractis. Nota, quod *Augustinus* dicit materiam spiritualement, *Commentator* dicit, ut puto, aliquid simile materiæ. *Philosophi* enim non loquuntur communiter, nisi de materia corporali.

Item dicta positio est contra *Philosophiam*, quæ tantum potentiam rei attribuit ratione materiæ, & actionem ratione formæ. Si ergo anima intellectiva esset pura forma, non composita ex materia & forma, omnes ejus potentie essent activæ, & nulla passiva, quod falsum est.

Item videtur esse contra fidem, quæ dicit animam capacem poenæ, & gloriæ. Omnis autem passio, & receptio attribuitur rei tam secundum *Sanctos*, quam secundum *Philosophos* ratione materiæ, quod patet, quia nihil secundum quod est actu, sed secundum quod est in potentia, recipit. Omnis autem potentia passiva reducitur ad materiam, ut habetur 11. *Metaph.* ergo si anima non habet materiam, non sustinet poenam Inferni, nec recipit beatitudinem à Deo passivè, quod esse non potest, nisi in eo, quod habet materiam. Ea etiam, quæ posita sunt superius de compositione *Angeli*, hic possunt adduci.

Ad rationes *Thomæ* solutiones.

Ad primum, quod adducit de *Augustino*, non inveni, licet diligenter quæserim. Si tamen hoc diceret, dicere intendit, quod non est facta de materia alia spirituali, quæ eam præcesserit tempore, sed tantum ordine naturæ. Vnde *Augustinus 7. super Genes. cap. 6.* Credibile est animam solum ibi condidisse rationem, secundum quam fieret, non etiam quamdam de suo genere materiam, de qua fieret, idest, in prima rerum conditione. Vnde vult, quod non habuit materiam præjacentem, sicut corpus; planè tamen vult ibidem, quod anima habeat materiam spiritualement convenientem sibi tantum ordine naturæ, non tempore præjacentem.

Ad secundum dicimus, quod anima est forma secundum se tota; & tamen cum infertur, ergo impossibile est, quod pars ejus sit materia: quia materia est tantum in potentia; forma, in quantum est forma, est actus. Dico, quod sicut in materiis compositis, hoc est in omnibus materiis citra primam, est aliquid, quod est in potentia tantum, sicut materia prima simpliciter, & alia, quæ sunt actus, scilicet superadditæ formæ, quæ disponunt ad formam ultimam, & tunc illud compositum dicitur materia formæ ultimæ, quia formæ disponentes cedunt in partem materiæ. Ita dico in forma composita, cujusmodi est anima intellectiva, quæ est forma corporis, secundum se totam, non obstante, quod aliquid ejus sit materia: licet enim materia animæ rationalis, secundum se considerata, sit aliquid ens in potentia, tamen, ut perfecta est per formam, est actus, & actus corporis.

Ad tertium, cum arguit, quod Anima intellectiva debet esse absoluta omnino à materia: quia cognoscit res absolutas per formas à materia; formæ autem absolutæ à materia non possunt recipi, nisi in substantia omnino absoluta à materia, quia receptum est in recipiente per modum recipientis, & non recepti. Sciendum etiam, quod argumentum illud non plus cogit, nisi quod anima intellectiva sit magis immaterialis, quam sensitiva: constat enim, quod potentie sensitivæ apprehensivæ recipiant species sensibiles sine materia, sicut dicit *Philosophus in 2. de Anima text. com. 138.* Si ergo receptum non potest recipi, nisi per modum recipientis: oportet potencias sensitivas esse sine materia, quod constat esse falsum. Vnde dicendum, quod non oportet in omni receptione, & dispositio-

ne receptum assimilari recipienti. Non enim oportet, si oculus sit materialiter aqueus, quod omne visibile sit materialiter aqueum: vel quod species ejus, quæ visibilis, sit aquea: unde quantum ad puritatem, vel impuritatem, perfectionem, vel imperfectionem, habet prædicta positio veritatem: purius enim, & perfectius recipit organum benè dispositum species sensibilem: impurius autem, & imperfectius organum malè dispositum: ergo similiter intellectus subtilior, & acutior melius apprehendit, & subtilius intelligibilis; hebes verò tardius, & minus perfectè.

Ad quartum dicendum, quod concludit pro inconvenienti: si anima esset composita ex materia & forma, quod formæ individuales reciperentur in ea. Dicendum, quod non est inconveniens, immò hoc est necessarium: necesse est enim actū sive accidens individuari per suum subiectum. Si ergo anima intellectiva est individuum unum numero, vel ad minus hic homo; necesse est, quod omne accidens, quod est in hoc homine, vel in hac anima, sit individuum. Cum ergo omnis forma intentionalis recepta in intellectu hujus hominis sit accidens, necessariò erit singularis aliquo respectu. Vnde dicendum est, quod sicut dicit *Avicena* 2. *Metaph.* cap. 6. hæc autem forma, scilicet, universalis in comparatione individuorum est universalis, in comparatione tamen animæ singularis, in qua imprimitur, est individua.

Responsio ad hæc secundum Thomam.

HÆC omnia, quæ isti dicunt contra Thomam, garrientes in proposito, patent manifestè frivola esse & falsa, per ea, quæ dicta sunt circa compositionem Angelī suprà artic. 10. unde ad præsens ista prætereo.

ARTICVLVS XXIX.



ITEM quest. 75. artic. ult. in responsione principali dicit, quod in substantiis separatis incorporeis non est diversitas secundum numerum absque diversitate secundum speciem, & absque naturali inæqualitate, quia non sunt compositæ ex materia & forma; sed sunt formæ subsistentes. Vnde manifestum est, quod necessariò erit in eis diversitas secundum speciem. Non enim potest intelligi, quod aliqua forma separata sit, nisi una unius speciei, sicut si esset albedo separata, non posset esse nisi una tantum. Et idem sequeretur, si huiusmodi formæ essent compositæ ex materia & forma. Si enim materia huiusmodi separaretur à materia illius; necesse est, vel quod materia sit principium distinctionis materiæ, vel quod materiæ sint diversæ per habitudinem ad diversas formas, & tunc sequeretur adhuc diversitas secundum speciem, & inæqualitas naturæ, vel si materia sit principium distinctionis formarum non poterit dici hæc materia alia ab illa, nisi secundum divisionem quantitativam, quod non habet locum in substantiis incorporeis, cuiusmodi sunt Angeli & Anima.

CORRUPTORIUM.

Positio ista duo continet falsa. Vnum est, quod in substantiis separatis non potest esse diversitas secundum numerum absque diversitate secundum speciem. Aliud falsum de exemplo, quod ponit, quod si albedo separata esset, non posset esse nisi una tantum. Quod primum sit falsum, patet per auctoritatem *Ioann. Damasc.* in *Logica* sua cap. 18. qui ita dicit, *Gabriel cum Sancta Dei Genitrice disputans, unus Angelorum existens illic præsens, separatus à consubstantialibus Angelis, per eam, quæ in loco est, præsentiam, & dispositionem, vel disputationem.* Si ergo sunt consubstantiales, ergo ejusdem speciei. Idem eodem lib. cap. 11. dicit, quod eximiores Philosophi materiam vocarunt speciem specialissimam, ut Angelum, hominem, equum. Et eodem cap. parum infra. *Sancti autem Patres dimittentes multas contentiosas garritates, commune quidem, vel de multis dictum, id est speciem specialissimam, & materiam, & formam vocaverunt, ut Angelum, hominem, equum, & talia.*

Præterea: hoc derogat Divinæ potestati. In his enim, quæ soli potestati Divinæ subiecta sunt, idem est dicere hoc, vel hoc non posse esse, & dicere quod Deus non potest hoc, vel illud facere. Vnde cum solius Dei sit producere substantias incorporeas, & dicere quod non possunt esse plures numero, est dicere, quod Deus non potest hoc facere, quod dicere est temerarium. Exemplum, quod ponit de albedine, dicens: si esset albedo separata, non esset nisi una tantum, falsum est, & nihilominus derogat fidei Christianæ circa Sacramentum Altaris: firmiter enim creditur ibi esse albedo.

do separata, & tamen multæ sint in multis altari-
bus ipsius Sacramenti. Responsio etiã, multiplicetur, vel secundum numerum in-
dividuorum numeretur.

Responsio ad hæc secundum Thomam.

HÆC omnia patent esse frivola, & falsa per ea, quæ dicta sunt supra. q. 11. qualiter plures Angeli, prout docet Thomas, non possunt esse unius speciei, unde etiam nunc ista (utpote prius soluta) prætereo.

ARTICVLVS XXX.

***** TEM** quæst. 76. art. 2. in responsione primi argumenti dicit, quod licet anima non habet materiam, ex qua fiat, sicut nec Angelus; quia tamen est forma alicujus materie, scilicet corporis, quod non est Angelus, idè ad divisionem materie sunt unius speciei multæ animæ; sed non possunt esse multi Angeli unius speciei.

CORRUPTORIUM.

EX hoc videtur sequi duplex error. Primus, quod sit intellectus unus omnium, vel anima intellectiva: nam secundum Philosophum in causis immediatis ita est, si affirmatio est causa affirmationis, negatio erit causa negationis: ergo si informatio diversorum corporum est causa multiplicationis immediata, oportet, quod separatio earum à corporibus sit causa unionis earum, & sic redit error Averrois super 3. de Anima, text. comm. 5. quod saltem post mortem est unitas animarum.

Præterea: Anima secundum quod est corpori unibilis, est ens naturale, unde sic pertinet ad considerationem naturalis, licet non secundum quod est separabilis; ergo proprietates, quæ conveniunt animalibus, secundum quod corporibus unibiles sunt, conveniunt eis secundum quod res naturales sunt; sed unitas & multitudo, vel unum & multum, communitas & individuatio, sive commune & individuum, sive universale & particulare non conveniunt alicui enti, nisi secundum quod est ens simpliciter, & idè pertinet ad considerationem Metaphysici; ergo individuatio, & singularitas non conveniunt animæ secundum quod unibilis, vel unita est corpori.

do separata, & tamen multæ sint in multis altari-
bus ipsius Sacramenti. Responsio etiã, multiplicetur, vel secundum numerum in-
dividuorum numeretur.

Responsio ad hæc secundum Thomam.

HÆC omnia patent esse frivola, & falsa per ea, quæ dicta sunt supra. q. 11. qualiter plures Angeli, prout docet Thomas, non possunt esse unius speciei, unde etiam nunc ista (utpote prius soluta) prætereo.

ARTICVLVS XXX.

***** TEM** quæst. 76. art. 2. in responsione primi argumenti dicit, quod licet anima non habet materiam, ex qua fiat, sicut nec Angelus; quia tamen est forma alicujus materie, scilicet corporis, quod non est Angelus, idè ad divisionem materie sunt unius speciei multæ animæ; sed non possunt esse multi Angeli unius speciei.

CORRUPTORIUM.

EX hoc videtur sequi duplex error. Primus, quod sit intellectus unus omnium, vel anima intellectiva: nam secundum Philosophum in causis immediatis ita est, si affirmatio est causa affirmationis, negatio erit causa negationis: ergo si informatio diversorum corporum est causa multiplicationis immediata, oportet, quod separatio earum à corporibus sit causa unionis earum, & sic redit error Averrois super 3. de Anima, text. comm. 5. quod saltem post mortem est unitas animarum.

Præterea: Anima secundum quod est corpori unibilis, est ens naturale, unde sic pertinet ad considerationem naturalis, licet non secundum quod est separabilis; ergo proprietates, quæ conveniunt animalibus, secundum quod corporibus unibiles sunt, conveniunt eis secundum quod res naturales sunt; sed unitas & multitudo, vel unum & multum, communitas & individuatio, sive commune & individuum, sive universale & particulare non conveniunt alicui enti, nisi secundum quod est ens simpliciter, & idè pertinet ad considerationem Metaphysici; ergo individuatio, & singularitas non conveniunt animæ secundum quod unibilis, vel unita est corpori.

Si dicas, quòd animæ separatae distinguantur, & individuentur unibilitate, vel aptitudine uniendi ad tale corpus.

Contra, esse distinctum, vel individuatum est esse actuale, unitas, & aptitudo uniendi dicit potentiam, vel aliquid ad minus in potentia, quia dicit dispositionem quamdam essentiae animæ, quæ dispositio naturali ordine præcedit potentiam animæ, potentia autem non dat esse actuale, ergo illa uniendi aptitudo non dat animæ separatae esse individuatum, ergo adhuc itat error iste, scilicet, quòd scirem post mortem est unus tantum intellectus, vel anima intellectiva.

Præterea: unibilitas ad corpus est animæ naturale; ergo est eadem apud omnes; ergo unibilitas ad corpus hoc determinatè non est naturalis huic animæ determinatæ: quia si sic, tunc natura non esset eadem apud omnes, siue naturalia non essent eadem. Restat ergo quòd unibilitas ad corpus simpliciter, non quia hoc, vel illud, animæ est naturalis, ergo cum hoc conveniat omni animæ eodem modo, non potest hoc esse causa individuationis.

Secundus error est, quòd Deus non potest facere plures Angelos ejusdem speciei, quia in eis, quorum esse spectat solū ad operationem Divinam, idem est illud non posse esse, & Deum non posse illud facere: productio autem Angelorum ad esse, sicut & multiplicatio in numero, vel in specie, spectat tantum ad Divinam potentiam, ut dictum est.

Responsio ad hæc secundum Thomam.

EX dicta positione nullus sequitur error.

Primum enim errorem ipsius Averrois, quòd unus sit intellectus omnium hominū, destruit Thomas in responsione principali hujus art. & alibi multipliciter, immò nemo melius.

Ad primum ergo argumentum dicendum, sicut Thomas dicit, quòd unumquodque eodem modo habet unitatem, quo habet esse, & per consequens idem est iudicium de multiplicatione rei, & de esse ipsius. Manifestum est autem, quòd anima intellectiva secundum suum esse unitur corpori, sicut forma, & tamen destructo corpore remanet anima intellectiva in suo esse, & eadem ratione multitudo animarum est secundum multitudinem corporum, & tamen destructis corporibus remanet

anima in suo esse multiplicata. Quòd si isti verba Thomæ in responsione ad secundum argumentum hujus art. (quòd ipsi opponendo primo recitant) bono oculo respexissent, utique ori suo digitum imposuissent.

Quod enim dicunt; si affirmatio est causa affirmationis, per hoc patet esse nimis infirmum; procedit enim, ac si animæ intellectivæ haberent esse à corporibus, sic enim sequeretur, quòd destructis illis periret esse earum, quòd falsum est immò esse, quòd à Deo creante in corporibus formatis recipiant, perpetuò retinent, & sicut esse, sic & multiplicationem, prout patet ex verbis Doctoris egregij supra posit.

Ad secundum dicendum, quòd anima intellectiva, cum sit forma corporis, per suam essentiam unitur eidem, & in ipso, utpote in propria materia, recipit esse individuatum in sui creatione à Deo, & in ipso multiplicato recipit esse individuatum multiplicatum; & certè ad Metaphysicum magis quàm ad Philosophum pertinet consideratio de anima intellectiva, inquantum sic per essentiam suam est corpori unibilis, ut ejus forma essentialis, licet ad Physicum pertineat consideratio de anima ratione corporis mobilis, cujus ipsa est actus, & motor. Nec debet dici (sicut ex dictis pater) quòd unibilitas animæ det ei esse actu distinctum, vel actualiter multiplicatum, vel quòd ipsa sit causa individuationis ejus; immò quòd ipsa, quæ per suam essentiam est unibilis, esse actu distinctum, & multiplicatum à Deo accipit in sui creatione in corporibus formatis, & sicut Anima est unibilis corpori naturaliter, ita ista Anima huic corpori. Sicut enim risibilitas est proprietas naturalis hominis, ita ista hujus hominis. Hoc dixi pro illa cavillatione ad suam responsionem propriam, quæ parum valet. Quod autem isti vocant secundum errorem supra quest. 11. demonstratum est esse verum: ponere enim duas formas omninò separatas, non formatas, sed solo numero differre includit contradictionem, scilicet, quòd sint duæ, & quòd non sint duæ. Dicere autem Deum non posse facere ea, quæ sunt hujusmodi, in nullo derogat suæ omnipotentiae, sicut patet cui libet intelligenti.

ARTICVLVS XXXJ.



TEM quest. 76. artic. 3. in responsione principali dicit, quod in homine est tantum una forma substantialis, scilicet, anima intellectiva, qua homo est animal vegetabile corpus. Quod probat primo sic: in libro de Eccles.

dogmatibus legitur: Neque duas animas dicimus esse in homine, sicut Iacobus, & alii heretici scribunt: unam animam, que corpus vivificat, & qua animatur corpus, & immixta sit sanguini; & aliam spirituales, que rationem ministret; sed dicimus unam & eandem esse in homine, qua, & corpus sua societate vivificat, & ipsum sua ratione disponit.

Et arguit sic. Sicut homo est in genere animalis, ita est in genere corporis animati, & corporis, & substantie. Sed per unam & eandem formam, que est anima, est homo, & animal, ut ex supradicta auctoritate patet; ergo ex eadem ratione per unam, & eandem formam collocatur in generibus superioribus, & sic non preexistit ante animam animalis forma in materia.

Secundo sic. Nihil est simpliciter unum, nisi per formam unam, per quam res habet esse: est autem homo simpliciter unum; ergo tantum habet unam formam, scilicet animam.

Tertio apparet hoc impossibile ex modo predicationis: Que enim sumuntur à diversis formis, predicantur de se invicem; vel per accidens, si forme ad invicem non sunt ordinate, ut album, & dulce: vel si forme sint ad invicem ordinate, tunc est predicatio per se, secundo modo dicenti per se. Ergo si alia sit forma, qua dicatur animal; & alia dicatur homo, sequitur unum predicatorum, scilicet, quod vel est predicatio per accidens, si hae due forme non sunt ordinate ad invicem: vel quod sit predicatio per se, secundo modo per se, si una earum sit praeambula ad alteram: utrumque autem istorum manifestè falsum est, quia animal predicatur de homine per se, non per accidens; homo enim non ponitur in diffinitione animalis, sed è converso. Oportet ergo eandem formam esse, per quam aliquid est homo: alioquin homo non esset verè unum, nec animal per se de homine predicaretur. Quarto apparet hoc esse impossibile ex hoc, quod una actio anime cum fuerit intensa, impedit aliam, quod nullo modo contingeret, nisi principium actionis esset, per essentiam unum.

Præterea: 2. de Anima comparat Philosophus rex. com. 31. huiusmodi diversas animas ad di-

A versas species figurarum, quarum una continet aliam, sicut pentagonum continet trigonum, & excedit. Sic igitur anima intellectiva habet in virtute, quidquid habet sensitiva brutorum, & anima vegetativa, sive nutritiva plantarum: sicut igitur superficies, que habet figuram pentagonam, non per aliam figuram est pentagona, & per aliam tetragona; quia superflueret tetragona, ex quo in pentagona continetur; ita nec per aliam formam est animal, & per aliam homo, sed per unam, & eandem.

Præterea: in responsione quarti articuli dicit: quod si alia forma substantialis in homine precederet animam intellectivam, anima non daret esse simpliciter, sed secundum quid. Nec per ejus accessum, & recessum corpus generaretur, & corrumpere-
B retur simpliciter, sed solum secundum quid: que sunt manifestè falsa; ergo oportet, quod sicut anima continet virtute sua vegetativam, & sensitivam, ita etiam virtute sua contineat omnes alias formas superiores; & ita in homine facit quidquid, anime priores faciunt in alijs.

CORRUPTORIUM.

HÆC positio de unitate formæ substantialis reprobat a Magistris. Primo: quia ex ipsa sequuntur plura contraria Fidei Catholicæ. Secundo: quia contradicit philosophiæ. Tertio: quia repugnat Sacrae doctrinæ & scripturæ.

Primum patet: quia fides ponit, quod unum est corpus numero, quod Filius Dei sumpsit de Virgine, quod Virgo peperit, quod in Cruce pendit, unum, & idem fuit mortuum in patibulo, & sepultum in triduo: si autem illius Corporis Christi non fuisset alia forma substantialis, quā anima intellectiva, postquam illa fuit separata, vel remaneret materia prima sola, vel alia forma substantialis fuit introducta.

Ex quibus sequitur, quod non fuit idem numero in patibulo, & sepulchro. Si enim remaneret sola materia prima, non erat corpus, ergo nec idem corpus numero: materia enim prima non est corpus. Præterea: ex hoc sequuntur multa contra fidem de Corpore Christi mortuo, scilicet, quod non fluxisset ex eo sanguis, & aqua, cujus contrarium ostendit Evangelium Ioann. 19. Item quantum non fuisset, quia materia prima non habet situm de se, nec locum. Præterea: materia prima nec est gravis, nec levis: Corpus autem Christi in triduo fuit grave, & multa sequuntur in-

con-

convenientia. Si verò dicatur propter hoc, quòd alia forma substantialis virtute cœli sit introducta, sequitur, quòd vivum, & mortuum non fuit idem numero: ubi enim est alia forma substantialis, ibi est aliud corpus; ergo in triduo non fuisset corpus, quòd assumpsit.

Præterea; fides ponit, quòd in Sacramento Altaris totus panis cōvertitur in totum Corpus Christi, si ergo in vero Corpore Christi non est nisi materia prima & anima, cum panis non convertatur in animam, quia corpus non convertitur in spiritum: sequitur, quòd panis convertitur in materiam primam, quòd est contra fidem, & contra illud verbum Domini. *Hoc est corpus meum*, non dicit, hoc est materia mea.

Præterea: fides ponit, quòd omnes alij à Christo contraxerunt originale peccatum, non ex hoc quòd anima sit peccatrix, vel causa originalis peccati; sed ipsa munda creata à Deo ex unione ad carnem, ex primis parentibus introductam naturali propagatione, & in ipsis originaliter infectam, non ex unione ad materiam primam. Si ergo in homine non esset nisi anima & materia prima, ex parte animæ non potest contingere peccatum originale: quia nec fuit in primo parente, nec Deus creando dat animæ originale peccatum, quia tunc antequam fuisset peccatum actuale Adæ, fuisset in eo peccatum originale, & etiam ubicumque fuisset materia prima ibi fuisset originale peccatum, quòd falsum est; sequitur ergo, quòd in homine nō esset peccatum originale, nec fuit, si una forma sola est in homine, scilicet, anima intellectiva.

Secundò reprobatur; quia contradicit Philosophiæ, si sola anima intellectiva immediate est perfectio materiæ primæ; tunc in homine non esset forma animalis nec mixti, de quibus *Philosophia* multa dicit, & scribit, & sic cessabit studium *Medicinæ*.

Præterea: forma una, & eadem numero dabit esse corporale & spirituale, & per consequens simul erit corporalis & spiritualis. Item quòd materia sit gravis & levis, & quòd habeat corpus ab anima, quòd sit grave & leve, & non ab elemento dominante in corpore.

Item, quia repugnat Sacræ Scripturæ: *Ioan. 2. Solvite templum hoc, & in triduo reedificabo illud*. Et sequitur: *Hoc autem dicebat de templo Corporis sui*. Constat autem, quòd idem corpus numero supponitur, cum di-

cit hoc, & demonstratur cum dicit illud; per ly hoc autem demonstratur Corpus Christi vivum, & per ly illud, mortuum, dum fuit sine anima, & idem numero, quòd non esset verum, si non esset in Corpore Christi alia forma substantialis, præter animam; ergo plures formæ substantiales fuerunt in Corpore Christi, & in alijs, quia unius naturæ fuit Homo nobiscum. Vnde *Anselmus Monolog. 16. cap. cum aliquis homo dicatur corpus, & rationalis, & homo: non uno modo vel consideratione hæc tria dicuntur; secundum aliud enim est corpus, & secundum aliud est rationale*.

Et *August. lib. retractionum. cap. 5. Illud quoque temere dictum est: A summa essentia speciem corpori tribui per animam que est, in quantumcumque est. Per animam ergo corpus subsistit, & eo ipso, quo animatur, sive universaliter, ut mundus, sive particulariter, ut unumquodque anime*. Hoc totum prorsus temere dictum est. His ergo verbis retractat *Augustinus*, quòd dixerat de immortalitate anime. Si ergo dictum est temere, quòd anima dat speciem corporalem; idest forma, quæ est in quocumque esse, & hoc dicit prædicta positio: restat per *Augustinum*, quòd temere dixerit. Sed contra hoc videtur esse, quòd dixit in q. 86. ar. 5. in responsione q. Si anima est composita ex materia & forma, nullo modo posset dici materia corporis cum materia nullius sit forma.

Responsio: dicendum, sicut ponimus virtutem animæ sensitivæ perficere materiā grossiorem mediante corpore subtili, quòd est spiritus, qui est delativus huiusmodi virium, ut vult *August. in lib. de differentia Spiritus & anime*, ita ponimus formam animæ intellectivæ primò perficere materiam suā spiritualem, & mediante hac materiam suam corporalem. Dico ergo: quòd materia animæ non est forma corporis, sed mediante ipsa anima informat corpus.

Ad primum ergo dicendum, quòd in uno corpore est una anima, quæ corpus vivificat, & rationē discernit, verum est; scilicet, quòd est una rationalis, quæ totū complet, & perficit. Sunt autem aliæ duæ, quæ sunt incompletæ, quæ dant esse incompletum corpori humano, quòd perficitur, & completur adveniente anima rationali. Vnde quòd quidam dixerunt, tres animas esse in homine loco distantes, unā in epate, aliam in corde, aliam in cerebro, fortè eos movit, quòd anima actiones, quas non potest exercere sine corpore, facit mediantibus spiritibus, & ideo unam ponebant in epate, quæ per spiritus naturales facit

facit operationes naturales, & aliam in corde, quæ per spiritus vitales facit operationes vitales; aliam in cerebro, quæ per spiritus animales facit operationes animales: Alij autem, qui ponebant duos spiritus tantum, scilicet vitales & animales, tantum duas animas posuerunt, unam in corde, aliam in cerebro, volentes eam, quæ est in corde, facere per spiritus vitales operationes vitales, & etiam illas, quas nos nunc dicimus naturales. Potest ergo dici; quod non debent poni due animæ eo modo, quo isti posuerunt. Vel potest dici, quod vegetativa, sensitiva, & intellectiva sunt tres formæ, quæ cum se habent secundum esse completum & incompletum, secundum potentiam & actum, convenientes quoad essentialiam unitatem: ideo eas plures animas nolunt dicere, sed unam.

Vel potest dici ad illud primum, & fortè melius, quod non concludit, quod in homine sit tantum una forma substantialis, sed tantum una anima, quod plures concederent, de hoc non est modò questio. Adhuc potest dici, quod liber Ecclesiasticorum dogmatum totus est editus contra diversas hæreses, sicut patet inspicienti libri processum: unde capitulum allegatum non intendit negare in homine animam vegetativam, sensitivam, & intellectivam, sive rationalem, sicut philosophi posuerunt, si enim hoc negare intendisset nunquàm dixisset: *Neque tres animas in homine esse dicimus.* Imò potius, neque duas animas esse in homine dicimus: unde dicendū, quod intendebat negare duas animas in homine, sicut heretici posuerunt, fortè sicut *Massabei*, de quibus *Ioan. Damasc. lib. de Hæresibus cap. 48.* dicit: *Quod inter multos errores eorum iste fuit unus, quod oportet hominem possidere duas animas, unam communem omnibus, aliam supercælestem.* Signum autem, quod contra illam hæresim dictum sit, istud videtur esse, quod *cap. 3.* dicit: *Neque duas animas in homine esse dicimus, sicut Iacobus, & alij Syrorum scribunt.* *Damasc.* autem de suprascripta hæresi dicit: *Ita manifestata hac ægrotudine, à Syria eiectione sunt in Pamphiliam, aut recesserunt.*

Ad secundum dicendum, quod quælibet istarum formarum dat aliquod esse; sed sicut prima forma est in potentia ad secundam completivam ipsius, ita esse, quod dat prima forma, est incompletum, & in potentia ad esse completum; pluralitas ergo formarum non est contra unitatem cõpositi essentiali, nisi sint tales, quæ non

se habent secundum esse incompletum, & completum; ita quod non possint convenire ad aliquam unitatem essentiali.

Ad tertium dicendum, quod hæc: *Homo est animal*, est prædicatio per accidens, &c. Dicendum, quod non oportet; formæ enim ordinate, quæ prædicantur ad invicem, sunt duplices: quædam enim sunt accidentia illi supposito, quæ prædicantur de se invicem prædicatione accidentali, sicut cum dicitur, *superficies est coloratum*; quia nec superficies est de essentia subiecti, nec coloratum reponitur in specie completa per colorem, qui accidit ei. Aliæ autem formæ sunt de essentia suppositi, ratione cuius de se invicem prædicantur, etiam in concrectione, ubi nequaquam est prædicatio accidentalis.

Ad quartum dicendum, quod actio unius potentie intensa non impediret aliam, nisi essent fundatæ in eadem essentia; dico, quod hoc non oportet, immò potius, quod illæ essentia naturalem, & essentiali habent colligantiam.

Item, potentie illis correspondentes impedire se possunt in suis actionibus, & passionibus corporis, & corpus compatitur animæ, & sequitur eam in suis actionibus, quas illa habet, non propter foundationem in eadem essentia, sed propter unionem ad invicem, ut perfectio, & perfectibile, & sic est de anima vegetativa, sensitiva, & intellectiva in homine. Exemplum ad hoc, si lignum grave cum levi ponatur, & immergatur, videtur, quod grave, cuius est motus deorsum, impedit actionem levis: multo magis hoc fieret, si unum esset alteri colligatum naturaliter. Vnde *Avicena. 6. naturalium parte 2. cap. 7.* ita dicit: *Quelibet virtus si non haberet in quo conjungeretur alteri, non prohiberet alteram virtutem ab operatione sua, scilicet, si instrumentum non esset commune, nec aliquid aliud, in quo conjungerentur, esset commune.*

Ad quintum argumentum, de similitudine ad figuras dicendum, quod similitudo non debet intelligi in omnibus, sed in aliquo, & in aliquo non: est enim in hoc similitudo, quod sicut pentagonum non habetur, nisi prius habitis quatuor Angulis, sic intellectiva non habetur, nisi præhabita vegetativa, & sensitiva.

Item, sicut pentagonum præsupponit ante se tetragonum, in potentia, & sub esse incompleto, sic intellectivum supponit ante

ante se vegetativū, & sensitivum in potentia, & sub esse incompleto. Sed dissimilitudo est in hoc, quod illi quatuor anguli, quos supponit pentagonum, & tetragonum sub esse incompleto, sunt de essentia pentagoni, quando est completum; vegetativa autem, & sensitiva non sunt de essentia intellectiva.

Ad sextum dicendum, cum dicit, quod aliter intellectiva non daret esse simpliciter: Dicendam, quod si per esse simpliciter intelligat totum esse, quod est in composito, verum est, quod non dat illud esse totum, quod datur per formas præcedentes, sed esse, quod dat est completivum & perfectivum omnium formarum præcedentium, & esse illarum formarum; si autem intelligatur esse simpliciter, secundum quod dividitur ex opposito contra esse, quod dat accidens, secundum quem modum dicit Philosophus 1. de generatione, tex. com. 20. Quod quando generatur substantia, dicitur generatio simpliciter. Dico, quod sic forma intellectiva dat esse simpliciter; quia sicut formæ præcedentes erant in potentia ad illam, tanquam ad essentiale complementum, sic etiā esse formarum præcedentium ad esse ejus: & idē in adventu formæ completivæ est generatio vera, vel generationis essentiale complementum; quamvis non sit generatio vera, in adventu formæ accidentalis.

Responsio ad hæc secundum Thomam.

Multifariè multisque modis Magistri, & multi circa unitatem formæ substantialis ejusdem rei laboraverunt: Quidam istam unitatem impugnantes, alij verò è converso rationibus, & auctoritatibus Philosophorum ipsam declarantes. Nostra autem intentio in proposito erit ostendere, quod nullum inconveniens, vel hæresis sequitur ex ista positione, & quod illi per sua responsa ad argumenta Thomæ, quæ pro ipso faciunt, non evadunt.

Ad 1. arg. respondet Thomas in ultima parte summæ dicens: Quod corpus vivum, & mortuum est idem numero simpliciter, prout simpliciter dicit quod nullo addito dicitur, id est absolute, & hoc est propter unitatem suppositi Divinæ Personæ, sive ubi, quo subsistebat; non tamen fuit idem simpliciter, prout simpliciter dicit idem, quod totaliter; tunc enim non fuisset mutatum, nec per consequens mortuum, quod hæreticum est dicere. Et li-

cet corpus sit sic mutatum per mortem, non sequitur; quod in morte novam naturam assumpserit; tum quia illa forma substantialis in morte inducta non est per se assumptibilis: tum quia natura sic fuit in principio incarnationis assumpta, videlicet mutabilis ac mortalis, tandem per mortem mutanda, & per gloriam resurrectionis reparanda. Ad hoc possunt plura exempla adduci. Ecce dolium plenum vinis pono, quod vinum illud mutetur in acetum, dolium non de novo impletur, sed ratione primæ impletionis continet acetum de novo generatum in quod contentum suum primum est transmutatum: sic Verbum ratione primæ susceptionis humani corporis, illud, in quod corpus prius susceptum in morte est mutatum, in unitate personæ retinuit sibi unitum.

Aliud exemplum familiare ad idem potest esse istud. Pone aliquem indutum laneo indumēto, quod transmutetur divinitus in lineum, & iterum à lineo in laneum: iste propter istas plures transmutationes nō diceretur pluries indutus, sed per unicam induitionem haberet indumentum pluries mutatum; sic Dei Filius, qui secundum Apostolum habitu ut homo inventus est, carnem humanam in sua incarnatione semel induit, quæ postea per mortem fuit mutata, & tandem per resurrectionem reparata. Fuit ergo Corpus Christi vivum & mortuum unum & idem numero propter unitatē suppositi, quo subsistebat. Nec debet dici Christus de novo incarnari, vel corpori de novo tunc uniri, licet Corpus illud benedictū in vita & morte formam substantialem aliam & aliam dicatur habere.

Ad secundum de Sacramento Altaris, respondet ipse Thomas in ultima parte sic dicens: Anima est forma corporis, dans ei totum ordinem esse perfecti, scilicet esse, & esse corporeū, & esse animatum, & sic de alijs: Convertitur ergo forma panis in formam Corporis Christi, secundum quod dat esse corporeum, & non secundum quod dat esse animatum tali animæ. Verba ejus sunt. Quod ergo dicunt, quod Corpus non transit in spiritum, verum est in quantum hujusmodi; tamen forma panis sive corporis bene potest dici Divina virtute transire in formam Corporis Christi, in quantum dat esse corporeum, ut ipse dicit, quæ quidem forma ratione suæ perfectionis habet, quod non solum dat esse corporeum, ratione cujus dicitur forma corporis, sed etiam dat esse animatum anima intellectiva, ratione cujus dicitur spiritus, & hæc plenius patebunt ex sequentibus.

Ad tertium dicendum, quòd peccatū originale à primo parente traducitur in posterios, in quantum moventur ab ipso per generationem: sicut membra moventur ab anima ad peccatum actuale. Non est autem motio ad generationem, nisi per virtutem activam in semine deciso existeret; unde per virtutem activam seminis traducitur peccatum originale in prolem simul cum natura humana; quia enim infectio illa, quæ est in semine disponente ad productionem naturæ humanæ in prole, descendebat à voluntate primi parentis peccantis; sicut inordinatio, quæ est in manu homicidæ, à perversa voluntate ejusdem procedit: hinc est, quòd sicut voluntas hominis homicidæ est causa peccati illius actualis principaliter, & manus instrumentaliter; sic voluntas primi hominis est causa principalis istius peccati originalis, semen autem est instrumentaliter ejusdem: ex his patet; quòd peccatū originale nō causatur (ut isti imaginantur) ex istis principiis naturæ humanæ productæ in prolem, videlicet nec à materia, nec à forma, sed (prout dictum est) à mala voluntate hominis primi peccantis, in quo omnes peccaverunt principaliter, & à semine corrupto propter illud peccatum natura corrumpitur effectivè, disposita ad productionem humanæ naturæ in prole instrumentaliter; procedit ergo illa obiectio ex falso fundamento, quòd in ipsis principiis naturæ humanæ in prole producta sit causa translationis peccati originalis requirenda, quod falsum est. His visis patet, quòd ista tria argumenta nō concludunt, quòd prædicta positio de unitate formæ in aliquo repugnet fidei catholice.

Ad quartum dicendum, quòd nec repugnat *Philosophiæ*, imò totaliter ei innititur; *Philosophia* enim non ponit formas elementorum esse in mixto, vel corpore humano actualiter, sed solum virtualiter: D Qualitates enim activæ & passivæ elementorum, quæ sunt virtutes formarum substantialium, eorundem in mixto inveniuntur: ipsa quoque anima est forma mixti, in quantum est actus corporis talem habentis complexionem ex proportionem primarum qualitatum provenientem: circa autem istam complexionem conservandam, vel reparandam versatur studium medicinæ, nec ratione istius positionis habetur, quare debeat dici cessare.

Ad quintum dicendum, quòd non est inconveniens, quòd anima, in quantum est forma corporis, dicatur forma corporea, sive corporalis; quia tamen minimè est immersa materiæ, & in tantum nobilitate naturæ sublimata est, quòd habet potentias & actus penitus immateriales & spirituales, unde est spiritus, & forma spiritualis.

Ad sextum dicendum, quòd ista positio non ponit, quòd materia prima sit gravis, vel levis: nec quòd ab anima habeat corpus, quòd sit corpus grave vel leve, nisi effectivè: secundum quod est actus primus corporis, in quo virtute ipsius agentis huiusmodi virtutes elementares inducuntur, ita quòd illud elementum dicitur in tali corpore dominari, cuius qualitas animalis in eodem mixto excedit: non oportet autem (prout isti putant in hoc turpiter decepti) ibi esse elementi formam substantialem, ubi invenitur ejus qualitas, cum illa qualitas multum intendatur, sicut patet de qualitate ignis in aëre ignito.

Ad septimum tandem dicendum, quòd non repugnat positio ista sacre scripturæ: in scriptura enim illa, *solvite templum &c. Ioan. 2.* Idem demonstratur per hoc & per illud, scilicet, Corpus Christi, idem numero, prout dictum est, primò morte solutum, & postmodum in resurrectione excitatum; quod tamen in morte non fuisset solutum, nisi per animæ separationem, & alterius formæ inductionem fuisset mutatum; quare enim, scriptura teste, solvi diceretur, si una & eadem forma substantiali, & eadem hypothesis Verbi continuè contineretur? Ecce prædicta positio non solum scripturæ huic non repugnat, sed potius consonat, & concordat eidem.

Quod verò dicunt de *Anselmo*, multum facit pro ista positione, si rectè intelligatur. Ipse homo enim, prout ipse dicit, secundum aliud est corpus, & secundum aliud est rationale: ideò revera, prout promittit, non una consideratione sive uno consignificandi modo dicitur corpus rationale & homo: eadem enim quidditas est, sive natura substantialis, quam consequitur quantitas dimensiva, determinata virtus sensitiva & rationalis; hæc ergo natura tota, prout ipsam consequitur ista quantitas dimensiva, dicitur corpus; & prout ipsam consequitur virtus sensitiva, dicitur animal; & prout ipsam consequitur virtus intellectiva, dicitur homo, vel rationale: modi igitur consignificandi istam quidditatem unam, sunt secundum

cundum *Anselm.* diversi, & hoc propter diversas proprietates, quæ ipsam consequuntur, ut prædictum est.

Hoc quoque, quod adducunt de *August. lib. retract.* non est contra istam positionem, si intelligatur. Dicere enim animam tribuere speciem corpori, per quam est, effectivè, quod videntur verba illa, quæ retractat ibidem de immortalitate animæ, sonare, est temerè dictum; dicere tamen, quod anima speciem tribuit corpori, per quam est, formaliter, cum sit actus, & forma ipsius, ut dicit *Philosophus 2. de Anima Tex. com. 6.* non est temerè dictum: Hoc autè ponit ista positio, & non primum: Patet ergo, quod auctoritas ista rectè intellecta nihil facit ad eorum propositum. Quod autem supra dixerat, q. 28. in responsione ad argument. *Thom.* quod licet materia animæ rationalis, secundum se considerata sit aliquid in potentia, tamen ut perfecta est per formam, est actus, & forma corporis, in proposito indirecta objectione satis impertinente intendebant illud verius dictum corrigere. Quid enim absurdius dicitur, quàm quod aliqua materia, quæ per suam essentiam est in potentia, fiat actus & forma; & cum actus & potentia opponantur, & unum oppositorum impossibile est fieri reliquum, materia quoque & forma nunquam coincidunt secundum *Philosophum*; propter hoc nunc moti sunt aliter fingere, quod sicut virtutes sensitivæ primò perficiunt materiam grossiorem corporis mediante corpore subtili, quod est spiritus; sic forma animæ rationalis primò perficit suam materiam corporalem subtilem & spiritualement, & mediante hac materiam corporalem, quamvis materia animæ nō sit actus & forma corporis, sed mediante ipsa anima informet corpus. Revera, hoc totum temerè dictum est. Si enim anima rationalis habet suam materiam: sensitiva, quæ secundum ipsos, alia substantia est, habebit suam materiam, cum magis sit materialis. Et similiter (immò multò fortius) vegetativa suam, & tandem ipsum corpus suam, & tunc oportebit istos, secundum modum quo loquuntur, fingere, quod forma animæ rationalis primò perficiet suam materiam purè spiritualement, & mediante hac materiam sensitivæ minùs spiritualement, & mediantibus illis, ulteriùs materiam vegetativæ minimè spiritualement, & tandem ultimò materiam corporalem, & erunt quatuor substantiæ compositiæ ex materia &

forma ad minus, quarum prima, corpus scilicet, perficitur consequenter per tres alias sequentes ordine prædicto. Quo modo ergo secundum hoc stabit, quod anima sit actus corporis primus sine aliquo medio; immò qualiter cum hoc stabit, quod nunquam in his terminis locutus est aliquis *Philosophus*, approbatus? Cum ergo ista nimis sint absurda, surda aure trāseamus. Qui æstimant *Augustinum* sensisse, quod anima mediante corpore subtili, materiam corporis perficeret, decepti fuerunt in hoc; quod differt loqui de anima, ut est motor corporis, secundum quem modum loquitur *Augustinus*; & prout est forma, & actus corporis, prout loquitur *Philosophus*, cit. quia in quantum forma est, immediatè unitur materiæ; ita tamen quod cum ipsa in eodem instanti inducuntur in eadem materia diversæ organorum dispositiones, & complexiones diversis potentijs organicis servientes. In quantum verò anima motor est, per unum instrumentum movet alia, quia sicut dicit *Thomas contra Gentiles lib. 2. cap. 76. In motu, quo anima movet corpus, est ordo mobilium, & motorum. Anima enim omnes suas operationes efficit per suas potentias; unde mediante potentia sua movet corpus, & membra mediante spiritu, & ulteriùs organum unū mediante aliquo alio organo.*

Ex his patet, quod argumenta, quæ isti afferunt contra istam positionem, nihil concludunt. Restat ergo videre qualiter argumenta *Thomæ*, quæ pro se faciunt, non evadunt.

Respondendo, ad primum argumentum, concedunt suum intentum in illa responsione, scilicet, quam dicunt meliorem. *Thom.* enim non ad aliud adducit illam auctoritatem *Augustini*, nisi ad ostendendum, quod est tantum una anima in homine: & manifestum est quod æquè facit contra eos, qui dicunt vegetativam, sensitivam, & intellectivam tres substantias, sicut contra illos Syros, qui ponebant tantum duas animas: cum secundum ipsum una, & eadem sit anima, quæ seipsam ratione disponit, & corpus sua societate vivificat, & pari ratione sensificat, quod non esset verum, nisi ipsa una & eadem esset vegetativa, sensitiva, & intellectiva.

Quod verò dicunt ad secundum argumentum, quod prima forma est incompleta dans esse incompletum, & completur, & perficitur per secundam: hoc non potest stare, quia cum illæ formæ ejusdem generis sint, oportet illam formam perfectiorem

etiam includere in se totam perfectionem, quæ est in forma imperfectiori, ratione cuius pertinet ad idem genus, & aliquid perfectionis eidem superaddere; si enim perfectio unius formæ est omnino extra perfectionem alterius, nihil penitus idem participant, ratione cuius ad idem genus pertineant, licet ponatur, quod una per aliam perficiatur, sicut color perficit superficiem, cum qua nihil idem participat, propter quod & alterius generis est. Cum ergo forma perfectior includat in se perfectionem illam, quæ est in forma imperfectiore, cum ulteriore perfectione superaddita, & nihil sui ipsius sit per substantiam, impossibile est dicere, quod forma perfectior sit perfecta forma imperfectioris, cuius nimirum perfectionem totam intra suam includit essentiali.

Præterea: completum & incompletum ejusdem generis non compatiuntur se in eodem susceptivo, sicut color completus & incompletus, vel sapor, vel aliud huiusmodi, sicut manifestum est sensui. Ratio verò iudicat hoc impossibile propter repugnantiam, quæ invenitur inter completum & incompletum ejusdem generis circa idem susceptivum; quamvis autem sensus non participat differentias formarum substantialium, ratio tamen illas differentias formarum substantialium discernens non minus debet istam impossibilitatem concludere. Cum igitur non possint istæ formæ esse simul in eodem, manifestum est, quod una non est alterius perfecta.

Quod verò dicunt ad tertium, quod prædicatio est per se primo modo, quando illæ formæ inter se ordinatæ sunt essentialiter ipsi supposito in quo sunt, & quando forma secunda ponit primam in specie, quod non contingit in superficie & colore, stare non potest. Si enim istæ formæ quantumcunque fingantur substantiales, sic sint ordinatæ, quod secunda sit actus & perfectio formæ primæ, quæ per consequens est potentia respectu ejusdem, cum potentia sint extra rationem ac diffinitionem sui actus, prædicatum, quod sumitur à forma prima, nullo modo cadit in diffinitione subjecti, quod sumitur à forma secunda, verbi gratia cum dicitur: Homo est animal, & per consequens nullo modo erit ibi prædicatio per se primo modo, quæ est quando cadit prædicatum in diffinitione subjecti, secundum *Philosoph. 1. Phys. cap. de per se.*

Præterea: quod dicunt ad quartum, quod potentia animæ se mutuò impediunt propter naturalem colligantiam illarum trium animarum, non stat cum mente *Philosophi*: ipse enim quæreret ab eis, quod à *Platone* quæsit, videlicet quid est, quod ligat istas animas adinvicem? Cum enim sint tres substantiæ, quarum unaquæque secundum ipsos habet propriam operationem, cum nihil operetur, nisi secundum: quod est in actu, necessarium est dicere, quod unaquæque ipsarum habeat actum essendi proprium, quid ligat ergo eas simul? Si autem una in essendo cõpletur, ac perficitur per aliam, cum unumquodque sic se habeat ad agere, sicut se habet ad esse, necesse esset, quod una earum alteram compleat in operando, & perficiat, sicut & in essendo: ergo operatio unius nunquam impediret operationem alterius, quod falsum est: & ideo necesse est dicere, sicut dixit *Avicena*, quod istæ potentia mutuò se impediunt in operatione sua, quia radicatae sunt in essentia una, quæ exercendo actum intensum unius potentia, retrahitur, ac impeditur, ab exercitio actus potentia alterius.

Respondendo ad quintum ipsi negant similitudinem inter formas substantiales & figurarum species in hoc ipso, in quo *Philosophus* assignavit eandem: ipse enim (ut manifestè patet omni intelligenti) *Tex. com. 57.* ponit in hoc istam similitudinem, quod sicut in figuris angularibus posterior semper includit in se priorem cum additione; similiter forma substantialis perfectior in se habet includere, & includit perfectionem imperfectioris formæ, & addit super ipsam.

Quod tandem dicunt ad sextum, quod formæ præcedentes dant esse, quod completur per esse, quod datur à forma ultima, & ideo in adventu formæ ultimæ est generatio vera, stare non potest. Primæ enim formæ cum sint substantiales, dant actu esse substantiale, quod est per se subsistere. Forma igitur ultima, quæ perfectior est, dabit esse non minus perfectum, & per consequens sicut est alia forma substantialis à priore ipsa perfectior, ita dabit aliud esse substantiale, sive alium actum essendi, sive subsistendi perfectiorem. Ex quo sequitur, quod in illa una re, cuius sunt istæ formæ, sunt duæ existentia, vel duo actus essendi, vel subsistendi, quod est impossibile. Esse enim est ipsa actualitas quidditatis,

vel naturæ, cuius est. Vnaquæque autem quidditas natura completa actualitate sibi propria eo ipso distinguitur ab omni alia. Quia ergo sint duæ naturæ, vel quidditates habentes proprias actualitates, & tamen indistinctæ sint unam essentiam compositam constituentes, contradictionem includit. Si verò dicatur, quod forma posterior non dat novum actum subsistendi, sed complet illud esse habitum per formas præcedentes: ex hoc sequitur, quod forma posterior erit imperfectior, & minoris efficacæ, quàm formæ præcedentes. Nulla enim forma dat esse substantiale, sive actum subsistendi, nisi forma substantialis, & hoc certè ratione perfectionis suæ naturæ. Si ergo alia forma substantialis inveniatur, quæ non dat actum huiusmodi, illa forma minimè, vel potius nihil participabit de ratione talis perfectionis. Et sic tandem, cum adveniat habenti actum subsistendi, erit forma non substantialis, sed accidentalis: & cum suum susceptivum sit ens actu, & per consequens mobile, sua inductio erit motus, & non vera generatio, cuius subjectum est ens in potentia; & ideo non mobile, propter quod ipsa non erit motus, sed mutatio subita secundum Philosophum. Multa sunt nimis inconvenientia, quæ ex dictis istorum possunt concludi; unde quidquid sit de veritate, in hac parte impossibile est omninò per modum, quo isti ponunt, pluralitatem formarum substantialium in eodem sustinere; ergo modus alius, siquidem possibile est, inveniatur, quo invento, nihil amplius error aliquis in fide, vel Philosophia ex positione illa, quæ ponit unitatem formæ, concludi poterit, & hoc ex dicendis in articulo proximo sequente, Domino adjuvante, patebit.

ARTICVLVS XXXIJ.



ITEM q. 76. art. 8. in responsione q. dicit, quod impossibile est, quasdam dispositiones accidentales præexistere in materia ante animam, vel inter corpus, & animam, & quamcumque materiam, & formam: quod patet primò: quia accidens est posterius substantia tempore, & ratione, ut dicitur in 7. Metaph. tex. com. 4. Non ergo forma accidentalis aliqua potest præintelligi in materia ante animam,

quæ est forma substantialis. Secundo hoc patet ex hoc, quod, cum materia sit in potentia ad omnes actus ordine quodam, oportet, quod illud, quod est primum in actibus, intelligatur primò in materia. Primum autem inter omnes actus est esse; impossibile est ergo prius intelligere materiam quantam & calidam, quàm esse in actu, quoniam actum habet per formam substantialem, quæ facit esse simpliciter, ut dictum est, & ideo in materia ante formam substantialem nulla dispositio præcedit.

CORRVPTORIVM.

EX hac positione, quæ sequitur ex præcedenti de unitate formæ, sequitur unus alius error, quod scilicet Filius Dei non assumpsit carnem de purissimis sanguinibus Beatæ Virginis, quod tamen Damasc. dicit lib. 3. c. 2. & etiam illud tenet fides, sed potius ex illo sequitur, quod accepit materiam primam, & nudam. Ex quo etiam (ut videtur) sequitur peior error, scilicet quod Christus non fuit Filius Virginis, nec ipsa mater ejus, quia non minitratit carnem, vel corpus, sed tantum materiam primam, quam si assumpsisset de alia re, non diceretur propter hoc illius rei Filius. Præterea: dicta positio est contra Philos. dicentem in tex. com. 37. 2. de Anima; quod propria forma habet fieri in propria materia, non est autem propria tali materiæ, nisi mediante dispositione ad talem formam magis, quàm ad aliam: 2. de Anima Tex. Com. 6. Unde etiam anima est actus non materiæ indispositæ, sed corporis physici organici in potentia vitam habentis, quæ omnia dicunt dispositionem ad animam, quæ est forma: ergo falsa est ista positio, tum quia est contra fidem, tum quia contra Philosophiam.

P Præterea: constat, quod ante infusionem animæ rationalis est in corpore forma mixti, & qualitatum remissarum ab actibus suis, & forma, & figura membrorum organicorum.

Item, post infusionem animæ sunt hæc omnia in corpore similia prioribus, & quod non sint alia, quàm prius, videtur per omnimodam similitudinem; quod enim per omnia simile est, idem utique est, ut dicit Damasc. lib. 3. cap. 16.

Præterea: nunquam corrumpitur unum simillimum ad inducendum alia similia, hoc enim ociosum esset; ergo natura non cor-

corrumpit accidentia præcedentia infusionem ad inducendum alia penitus similia post infusionem. Restat ergo, quod sunt eadem accidentia permanentia; sed præcedentia præcedebant animam rationalem in materia: ergo illa constat ibi esse post infusionem, & ideo media sunt inter animam rationalem, & materiam primam.

Ad argumenta dicendum, quod ambo peccant secundum consequens, vel procedunt ex suppositione falsa; supponendo enim, sicut veritas est, quod in homine, & ceteris animatis sint gradus formarum, manifestum est, quod non sequitur: *Accidens est posterius forma substantiali, ergo est posterius anima*; sed est fallacia consequentis, nisi supposito, quod in homine, & in ceteris animatis non sit alia forma præter animam, sicut ipse opinatur; sed suppositio falsa est, & à Magistris Parisijs condemnata.

Eodem modo peccat secundum argumentum: non enim sequitur, esse quod est per formam substantialem in materia, præcedit omne accidens in materia, ergo esse, quod est per animam; sed est fallacia consequentis, nisi supposito, ut prius, quod in homine, & in ceteris animatis non sit alia forma præter animam, quod reprobatur à Magistris Parisijs, sicut dictum est.

Responsio ad hæc secundum Thomam.

Ista positio nec est contra fidem, nec contra Philosophiam, si pius habeat inspectorem, modum positionis istius intelligentem; quoniam, prout tactum est *sup. argu. proximo præcedente*, dispositiones & omnes formæ accidentales, quæ sunt in aliqua substantia, simul inducuntur ab efficiente in materia cum sua forma substantiali. Contingit ergo accipere ordinem inter formam substantialem, & dispositiones accidentales simul in eodem instanti cum ipsa in materia inductas dupliciter, videlicet quantum ad esse, vel quantum ad fieri; si ergo attendatur ordo in essendo, sic necesse est dicere, quod istæ dispositiones, cum sint accidentia, præsupponant ipsam quidditatem compositam ex materia, & forma in esse constitutam, cui in sunt, cum eorum esse sit inesse. Si verò attendatur quantum ad eorum fieri, sic

secundum modum intelligendi istæ dispositiones accidentales præcedunt in materia formam substantialem, non quidem duratione, sed sub ista consideratione, qua consideramus, quod forma substantialis inducitur ab agente in materia per hoc, quod ista inducuntur, & non è converso: & secundum istum modum nihil prohibet ponere dispositiones istas quasi medias ante animam & aliam formam substantialem in materia, secundum quod docet *Thomas contra Gentiles lib. 2. cap. 70.* Videamus ergo, quæ dicta sunt in exemplo: Ecce ignis agit in aërem ipsum primò alterando, qualitates igneas in ipso inducens, & promovens, & qualitates aëreas minuens, & quoad aliquos gradus corrumpens, & per istum modum disponit materiam aëris ad susceptionem formæ substantialis ignis: tandem in termino istius alterationis qualitates ignis virtute ignis agentis in tantum intenduntur, ut per earum inductionem necessario corrumpatur aëris natura, cui repugnant, & producatür eadem necessitate natura ignis, cui in tali gradu competunt: in illo ergo eodem instanti, quo alteratio terminatur, ipsa forma substantialis inducitur; inductis scilicet simul cum ipsa illis qualitatibus igneis in gradu imperfectiore in ipso existentibus tempore toto, dum durabat præcedens alteratio. Ex his patet, qualiter ignis inducit formam suam substantialem in materia aëris, primò inducendo suas qualitates sub gradu quidem imperfectiore ipso aëre manente, & alterationi subiecto; & tandem in gradu perfecto in ipsius alterationis termino, aëre, cui in gradu tali repugnant, corrupto, & igne, cujus sunt proprietates, in illo gradu eodem generato; quantum ergo ad fieri primò oportet intelligere istas qualitates dicto modo ante formam substantialem in materia inductas; pro tanto, quod forma substantialis inducitur per hoc, quod agens alterando motu alterationis inducit ipsas, & non è converso, sicut patet ex dictis. Istæ autem qualitates sic præcedentes in productione, & fieri, necessario habent intelligi subsequentes in via essendi, quia non possunt habere esse, nisi per suum subiectum in esse constitutum, cujus principium est forma substantialis; sicut ergo dicuntur præcedere, in quantum per earum inductionem inducitur forma substantialis, sic & consequuntur, in quantum forma substantialis est principium essendi subiecto eandem:

rundem : præcedunt ergo, sicut dictum est, quoad fieri, & sequuntur quoad esse; ponendo ergo, quòd in homine non sit nisi una forma substantialis, ipsa scilicet anima intellectiva, sic dicendum est, quòd virtus formativa, quæ est in semine deciso à patre, materiam exhibitam à matre, in qua est, sicut manus figuli in olla secundum *Philosophum 2. Physic. Tex. com. 26.* disponit continuè ad formæ hominis susceptionem, sicut ignis agentis in aërem disponit illam materiam ad suæ formæ susceptionem. Disponit autem virtus illa formativa materiam illam sub forma existentem sanguinis, inducendo primò dispositiones ad susceptionem formæ hominis sub gradu imperfecto, quas consequenter continuò promouet, donec in termino illius alterationis primæ inducantur dispositiones in gradu tali, in quo repugnant naturæ illius formæ imperfectioris, quæ in illo instanti corrumpitur, & forma naturæ perfectioris cum dispositionibus illis in gradu tali in eodem instanti inducitur: licet verò ista forma embrionis sit perfectior, quàm prima, &c. non tamen est tantæ perfectionis, quòd constituat naturam humanam in esse, & ideò virtus formativa existens in semine, siue in spiritibus illis, nondum cessat influere agendo, sic in corpus istud generatum, & inducendo dispositiones respectu formæ hominis inducendæ sub gradu perfectiore, & in fine istius transmutationis secundæ inducuntur dispositiones istæ in gradu, in quo repugnant naturæ formæ præexistentis, quæ in illo instanti corrumpitur: & forma hominis, anima scilicet intellectiva, in eodem instanti creatur, & in materia cum istis dispositionibus Deo efficiente, & virtute formativa disponente inducitur, dispositiones enim inducæ cum forma, anima scilicet rationali à Deo creata, efficiuntur, & inducuntur propter dictam virtutem formativam, propter quod homo semen illud descendens est generans, & pater dicitur. Sed mulier materiam exhibens sic dispositam sua vi generativa, ut possit à virtute formativa moveri, dicto modo dicitur generans, & mater: & sic patet, quòd iste modus ponendi non repugnat consanguinitati, ut quidam putant.

Ad primum argumentum dicendum, quòd Beatissima Virgo verissimè Dei Mater dicitur. Ipsa enim exhibuit materiam optimè dispositam, de qua non per virtutem seminis, sed per virtutem Sancti flaminis

formaretur Christi Corpus de purissimis utique sanguinibus sui corporis, ut dicit *Damasc.* Non tamen debet dici, quòd forma sanguinis præexistens in illa materia in actu remanserit in ipsa formatione Corporis Christi, sicut nec forma terræ, unde formabatur corpus Adæ, actu remanebat post ipsius formationem. Si autem Christus recepisset carnem de alia re, quæ non haberet virtutem generativam, non deberet dici filius ejus; quia non fuisset ab illa re generatus: sicut nec Adam filius terræ dictus est, vel Eva costæ. In Beata autem Virgine erat virtus generativa, per quam exhibuit materiam præparatam, ac dispositam, unde Corpus Christi formabatur. Et sicut aliæ mulieres exhibent materiam dispositam formandam per virtutem seminis viri; sic ipsa per virtutem Spiritus S. Filium suum genuit. Virtus enim generativa in muliere, sicut dicit *Thomas in ultima p. q. 32. art. ultimo.* est imperfecta respectu potètiæ generativæ, quæ est in mare. Et sicut in artibus ars inferior disponit materiam, & ars superior inducit formam, ut ducitur *Physic. Tex. com. 24.* Ita virtus generativa feminæ præparat materiam, virtus verò maris activa format materiam præparatam, in alijs utique à Beata Virgine: in ipsa enim erat virtus formativa superior, scilicet Spiritus S. formans de materia præparata, quam ipsa exhibuit, Corpus Christi eodem instanti. Et prout docet *Thomas* ubi supra *quest. 33. art. 1. 2. & 3.* in eodem instanti, in quo terminabatur motus localis, per quam illa materia, siue illi purissimi sanguines ad locum generationis sunt delati, per virtutem infinitam Spiritus Sancti inducebantur in illa materia dispositiones Corporis Christi in gradu completo, atque perfecto, cum quibus eidem materiæ simul uniebatur anima rationalis creata ab ipsomet Deo, & totum sic ineffabiliter productum à Verbo Dei in unitate personali est assumptum in illo eodem instanti, propter quod Beata Virgo concepit tunc hominem simul, & Deum; in uno enim instanti, à Beata Domina, in te fuit unio Matris, & Virginis: in tuo Filio Dei, & Hominis, ergo doctrina ista hujus *Doctoris egregij* non est fidei contraria, sed ejus potius per omnia luce clariùs expositiva.

Ad secundum, quod dicit *Philosophus*, si intelligatur rectè, totum facit pro ista positione. Forma enim nunquam inducitur, nisi in materia disposita, sed dispositiones primò inducæ in subiecto alterationis in gradu

du imperfecto corrumpitur in termino illius alterationis per corruptionem sui subiecti, quia destructis primis substantijs, impossibile est aliquid aliorum remanere, ut dicit *Philosophus in predicamentis*: præcedens enim alteratio materiam disponens terminatur ad dispositiones completas in gradu perfecto, cum quibus nova forma substantialis, corrupta præcedente, inducitur, ut sæpè dictum est, & iterare non piget, quia istud multum facit ad intelligendum, quod dicitur.

Per idem patet ad tertium: dispositiones enim, quæ præcedunt in embrione ante infusionem animæ, sunt incompletæ, & corrumpuntur cum suo subiecto indubitanter completis simul cum infusione animæ, quibus per mortem corruptis inducuntur aliæ incompletæ, cum quibus, anima recedente, inducitur alia forma substantialis.

Ad quartum dicendum, quod unum simile non inducitur ad corrumpendum aliud simile per se; sed per accidens bene contingit, verbi gratia; in aëre enim similis est qualitas, & similis quantitas, præcipue post alterationem ipsius ab agente, quantitati, & qualitati in igne existente, ita tamen quantitas, & qualitas corrumpitur per corruptionem aëris igne generato. Simili modo contingit in proposito, sicut satis clarum est ex dictis, per quæ multa alia argumenta, quæ fiunt contra positionem de unitate formæ substantialis, possunt dissolvi.

Plures enim sic arguunt: *Materia prima primò recipit formam universalem, & mediante forma universali recipit alias formas usque ad individuales*, ut dicit *Commentator super primo Metaph. Comm. 38*. Ex hoc videtur secundum ipsum, quod forma magis universalis, & forma minus universalis sint diversæ secundum rem, ex quo una recipitur in materia prius, quam alia, & sunt in eodem individuo, simul enim *Petrus* est substantia, vel corpus per formam magis universalem, & homo per formam minus universalem; ergo in uno individuo sunt plures formæ secundum rem diversæ.

Item actio generantis terminatur ad formam substantialem, sed in generatione hominis homo est generans, ergo sua actio terminatur ad aliam formam substantialem, non ad animam rationalem, quia ipsa à Deo creatur immediatè; ergo præter animam rationalem oportet ponere in

homine aliam formam substantialem, ad quam terminetur actio naturæ.

Præterea: impossibile est aliquid accidens remanere sine subiecto, à quo, & in quo creatur, sed recedente anima humana à corpore, videmus ad sensum eadem accidentia manere, putà eandem quantitatem, figuram, gravitatem, situm partium, & multa huiusmodi, circa quæ sensus non decipitur, cum sint per se sensibilia, ergo remanet subiectum eorum idem, scilicet idè corpus, quod prius, & per consequens eadem forma, quæ prius, non ergo est actu corpus in homine per animam, sed per aliam formam.

Præterea: recedente anima, quod remanet, est corpus subsistens, ergo habet formam substantialem, sine qua nihil subsistit; sed non est ibi (ut videtur) forma substantialis de novo inducta: quia forma substantialis est terminus generationis ibi, aut non videtur alia generatio esse, quia generatio est terminus alterationis. Ex vivo autem fit mortuum sine alteratione præcedente, puto ex uno ictu occidentis subito; ergo corpus mortuum est subsistens per formam, quæ præfuit in materia cum anima rationali.

Præterea: materia prolis exhibetur à matre secundum *Philosophum*, & anima rationalis est ab extra, à Deo scilicet creata. Si ergo in hominis substantia nihil sit, nisi materia prima, & anima rationalis: sequitur, quod homo nihil habeat à suo patre, & per consequens non plus attinet sibi, quam cuicumque extraneo, quod est absurdum.

Item in eodem instanti, quo Corpus Christi in utero Beatæ Virginis formabatur per virtutem Sancti Spiritus, anima rationalis à Deo creata eidem uniebatur, aut ergo forma inducta per Spiritum Sanctum mansit post infusionem animæ, & tunc haberet propositum, quia tunc fuerunt in sua natura humana duæ formæ substantiales, & sic pari ratione in quacumque alia; aut forma illa recessit adveniente anima, & tunc in eodem instanti, quo inducebatur, removebatur: & sic per consequens fuit, & non fuit, quod est impossibile: & contradictionem includit.

Ad primum argumentum sic dicendum: cum dicit *Commentator*: *formam universalem recipi in materia, & deinde alias*; non est intelligendum, quod illa prioritas, & posterioritas sit secundum tempus, sed secundum

secundum ordinem naturæ, sic enim dicitur prius, à quo non convertitur consequentia essendi, universale, scilicet respectu sui contenti, & ideo non sequitur, quod inter formam magis universalem, & minus universalem sit diversitas secundum rem, sed solum secundum rationem.

Ad cuius evidentiam considerandum est, quod omnes formæ substantiales tam materiales, quam separatæ à materia in hac proprietate conveniunt, quod quælibet dat esse substantiæ, & constituit ens subsistens; & ideo intellectus noster habet unum communem conceptum de omnibus; & abstrahit unam formam communem, secundum quam quodlibet constitutum dicitur substantia, & ista forma dicitur primo recipi in materia, quia secundum istam rationem forma dat esse, quod est subsistere, quod oportet præintelligi omnibus accidentibus: ulterius omnes formæ materiales, sive corruptibiles sive incorruptibiles in hoc conveniunt, quod ad eas consequuntur tres dimensiones, & ideo de eis omnibus habemus unum conceptum communem abstrahendo de eis unam formam communem, secundum quam quodlibet constitutum per eas dicitur corpus, & secundum istam rationem forma dicitur posterius recipi in materia, quam secundum primam rationem, quia sicut dimensiones in subiecto naturaliter præsupponunt esse substantiæ in subiecto: ita & forma secundum rationem, qua ad ipsam sequuntur dimensiones, præsupponit semetipsam, prout dat esse substantiæ: & sic intelligendum est de generibus, & speciebus sibi invicem subordinatis, quod non prædicatur de aliquo individuo per formas realiter diversas, sicut putavit *Avicibron*, sed per eandem formam differentem solum secundum diversam considerationem rationis, & istud necesse est dicere: cum enim species sit id ipsum, quod genus, puta: homo est illud ipsum, quod animal, prout animal de homine prædicatur, nec animal est pars hominis secundum rem, sed solum secundum rationem, quia ratio hominis includit illud, à quo ratio animalis sumitur, & non è converso. Similiter oportet dicere formam speciei esse formam ipsius generis, sicut enim abstrahitur genus à speciebus, ita forma generis à forma specierum. Vnde *Commentator in primo de Anima comm. 8.* dicit: *Quod intellectus facit universitatem in rebus.* Vna igitur forma secundum rem est plures se-

cundum rationem, scilicet magis universalis, & minus universalis: & sic materiā recipere formam magis universalem ante aliam, non est aliud, quam materiā recipere formam conceptam, sive intellectam secundum rationem unam ante semetipsam conceptam, vel intellectam secundum rationem aliam.

Ad secundum dicendum, quod generatio hominis aliter terminatur ad formam substantialem, quam generatio aliarum rerum; aliae enim generationes sic terminantur ad eam, quod ipsa naturalia agentia non solum inducunt dispositiones accidentales, sed etiam ipsam formam inducunt substantialem, per quam generatum assimilatur generanti in specie: sed homo generans dispositiones accidentales inducit in materiā completas ac perfectas, ut dictum est supra, cum quibus anima rationalis ratione suæ nobilitatis à Deo immediate creata infunditur, & materiæ dicto modo dispositæ, ut forma, unitur, dans ei totum ordinem esse perfecti; & ideo actio naturæ ibi non terminatur ad formam substantialem, quam ultimò inducat; sed ad quam in ipso termino alterationis ultimè disponat, sicut patet ex supradictis.

Ad tertium dicendum, quod, ut prædictum est, in corpore vivo, & mortuo non manent eadem accidentia numero, sed specie sicut eadem sunt accidentia specie in aceto, quæ prius erant in vino. Nec est istud contra sensum, quia sensus non potest distinguere inter accidentia omnino similia, quando subito inducuntur in eadem materia; puta quod dimensio, vel humiditas sit alia in aceto de novo generato vino præexistente, cuius ratio est, quia accidentia numerantur secundum numerationem subiectorum, unde ubi sensus potest distinguere inter subiecta per aliqua accidentia apprehensa distincta in illis, ibi potest distinguere inter alia accidentia similia inter se, & eisdem, verbi gratia, per distinctam quantitatem *Petri*, & *Pauli*, quam consequitur dualitas, cognoscit sensus distinctionem inter *Petrum*, & *Paulum*, & inter albedinem unius, & alterius: ubi autem in generatione unius ex altero inducitur alia forma substantialis cum quantitate, & qualitate consimili, & alijs accidentibus consimilibus consequentibus, non habet sensus distinguere inter illa subiecta, sed sola ratio, cuius est solam formam substantialem apprehendere: sensus verò per acci-

cidentia similia apprehensa, quibus solis im-
 mutatur, non potest ad istam distinctionem
 cognoscendam penetrare. Et quia mirum
 est aliquibus, quomodo talis organizatio
 subito possit induci in materia in separatio-
 ne, qualis per longa tempora inducta fuit
 per virtutem patris in semine; ideo ad ver-
 rendum est, quod quandoque in materia
 aliqua sunt accidentia plura jam inducta,
 quæ habent similitudinem cum accidenti-
 bus rei generandæ, nec per consequens ha-
 bent corrumpi, nisi per corruptionem sui
 subjecti, verbi gratia, caliditas & raritas
 in aëre alterato ab igne agente habet simili-
 tudinem cum accidentibus ignis generan-
 di, nec corrumpuntur, nisi per corrup-
 tionem aëris subjecti, & quando ita est, eo
 quod sunt jam inducta in gradu uno in ma-
 teria existente, adhuc sub forma corrup-
 penda, est ipsum agens potens propter ista
 subjecti suscipientis dispositionem induce-
 re accidentia consimilia in gradu alio cum
 forma substantiali subjecti de novo genera-
 ti (verbi gratia) eo ipso quod caliditas, ra-
 ritas, & siccitas cum quantitate dimensiva
 substracta sunt inducta in gradu multum
 intenso in aëre alterato, potens est ignis a-
 gens subito in alterationis termino consi-
 milia accidentia in gradu alio, secundum
 sensum à præcedentibus indistincta, indu-
 cere cum forma substantialis ignis generati,
 & hoc cerè non contingeret, si aër ille
 contrarias haberet dispositiones, & in nul-
 lo prius similibus accidentibus inductis alte-
 ratus foret, & ideo dicit *Philos. 2. de gen.*
rex. com. 25. quod in habentibus symbolum
 facilius est transmutatio, in quantum scilicet
 nulla transmutatio cadit super symbolum,
 sive accidens, quod est simile in
 corrupto, & generato, nisi per accidens,
 ex eo quod præinductum in subjecto cor-
 rumpendo in gradu uno subito potest simi-
 le induci cum forma substantiali rei gene-
 randæ in gradu alio, inter quos gradus
 propter eorum approximationem sensus
 non potest judicare. Quia igitur in corpore
 animalis mortalis sunt plura accidentia si-
 milia cum accidentibus corporis animalis
 omnino mortui, hinc est, quod quasi su-
 bito possunt soluta armonia, & gradu per-
 fecto, quem habet in corpore animalis vi-
 vi cum forma substantiali animalis mortui,
 natura, vel violentia alterante, induci acci-
 dentia consimilia in gradu alio, ita quod
 sensus non discernit inter gradus istos, &
 hinc est, quod necesse est, quod in sepa-

ratione animæ à corpore ista similia acci-
 dentia subito inducantur sub forma substan-
 tiali corporis mortui inducta in ipso eodem
 instanti: In generatione autem hominis,
 vel animalis non est talis similitudo acci-
 dentium in principio in subjecto alterando
 cum accidentibus corporis animalis, vel
 hominis; sed magna diversitas: & ideo
 longa requiritur, & magna transmutatio,
 donec ultimò inducantur accidentia verè
 similia, & tunc cerè sicut in proposito
 istis propter corruptionem sui subjecti
 corruptis subito inducuntur alia accidentia
 similia.

Ad quartum dicendum, quod in mor-
 te animalis quædam forma imperfecta in-
 ducitur in materia, non tamen propriè di-
 citur ibi esse generatio, nisi secundum quid,
 eo quod illud, à quo est transmutatio, est
 perfectum. Illud autem, in quod transmu-
 tatur, est imperfectum, & quid corrup-
 tum, & præter intentionem nature; un-
 de *Philosophus 8. Metaph. tex. com. 14.* vo-
 cat mortuum corruptionem vivi, sicut
 acetum corruptionem vini, quidquid igitur
 dissolvit armoniam dispositionum ac-
 cidentalium debitam animæ, sive sit ca-
 lor innaturalis, sive aliud agens extrinse-
 cum, illud est causa inductionis illius for-
 mæ imperfectæ, & eadem facilitate, quæ ar-
 monia illa debita animæ solvitur, & forma
 ista cū dispositionibus similibus inducitur.
 Prædicta autē armonia sine alteratione præ-
 cedente non dissolvitur actione alicujus a-
 gentis particularis, licet ipsa alteratio ali-
 quando quidem sit longa propter actionis
 remissionem, aliquando brevis, & quasi mo-
 mentanea propter actionis vehementiam,
 vel violentiam, sicut accidit in subito oc-
 cis, in quibus modum divisionis alicujus
 partis principalis concomitatur motus al-
 terationis circa omnes corporis dispositio-
 nes, & in eodem instanti, quo terminatur
 motus instrumenti dividendi, terminat
 motus istius alterationis concomitantis, in
 quo anima separatur, & forma illa
 imperfecta inducitur cum dispositionibus
 illis, ad quas terminatur illa præcedens al-
 teratio: & illud contingit in amputatione,
 & divisione capitis. Simile est, quando uno
 ictu fulminis vinum convertitur in ace-
 tum, tunc enim motum illius ictus con-
 comitatur vini alteratio, ita quod in eodem
 instanti terminatur ille ictus, seu motus il-
 le localis, & motus ipsius alterationis vini;
 unde sicut unus motus ipse ictus est, & ita
 subitus

subitus, sic & alterationis motus ipsum concomitans: simili modo contingit cum veloci, & quasi subita divisione corporis hominis, & motu alterationis illam divisionem concomitantis in subito occisis.

Ad quintum dicendum, sicut tactum est supra, quod consanguinitas humanæ prolis ad parentes non attenditur penes hoc, quod aliqua forma substantialis, quæ erat in patre, transeat ab ipso in prolem, hoc enim est impossibile, quod forma eadem, quæ actu est in una materia, migret, vel transeat in materiam aliam; sed virtus in semine deciso adjuncta per virtutem cœlestem, & maximè Solis, inducit dispositiones ultimas, sine quibus anima non unitur materiæ, immò in termino ultimo alterationis anima rationalis inducitur à Deo creata, hominis realiter constitutiva; Et ideo dicit Philosophus. 2. de Generatione tex. com. 56. quod *Homo generat hominem, & Sol*: ergo homo, qui generat, eo ipso dicitur pater; & qui generatur, eo ipso dicitur filius, & qui ab eodem geniti, eo ipso dicuntur fratres, & sic de alijs consanguineis secundum gradus.

Ex his patet, quod ratione generationis, siue propagationis carnalis, est nexus cōsanguinitatis in hominibus: ad generationem verò in muliere spectat materiam dispositam, ac præparatam ex hiberna: ad generationem verò in mare per virtutem activam in semine deciso illam materiam sic exhibitam à muliere, quæ primò est sub forma substantiali imperfecta; ut putà sanguinis informati disponendo motu alterationis; donec (prout dictum est) inter termino alterationis ultimæ inducatur, dispositiones tales complet, cum quibus in materia inducatur anima rationalis à Deo creata; hinc est, quod omnes homines dicuntur fuisse in lumbis Adæ secundum rationem seminalem, quia scilicet per virtutem seminis existentem in lumbis ejus primò, & per actionem ejus aliorum ab ipso genitorum usque ad ultimum lege concupiscentiæ in esse productum; omnes alij à Christo sunt ab ipso Adam in esse producti; sed Corpus Christi non dicitur fuisse in lumbis Adæ, vel Abrahæ secundum rationem seminalem, quia non fuit formatum per virtutem seminis, & tamen dicitur ibi fuisse secundum corpulentam substantiam, pro tanto quia Beata Virgo Maria, quæ fuit ibi, sicut alij secundum rationem seminalem exhibuit materiam, un-

de per virtutem Sancti Spiritus formabatur supradicto modo Corpus Christi; igitur Corpus Christi non fuit ibi secundum actionem seminalem, quia Corpus Christi non fuit virtute seminis formatum, corpus tamen Virginis fuit formatum per virtutem seminis existentem in Adam, & Abraham: & quia ipsa sic producta exhibuit materiā, unde formabatur Corpus Christi, fuit in lumbis eorum virtualiter quoad corpulentam substantiam, licet non secundum rationem seminalem, & ideo certè Christus, mediante Beata Virgine & alijs, à quibus ipse secundum rationem seminalem descendit, dicitur semen Abraham, secundum illud Apostoli ad Galath. 3. *In semine tuo, quod est Christus*: ex his patet, quod filij à parentibus nihil aliud debent habere, nisi quod ab ipsis descendant modo prædicto per generationem, & illud non est contra positionem de unitate formarum; immò pulcherrimè salvatur, secundum ipsam ut patet ex dictis.

Ad sextum dicendum, quod sicut dictum est supra, quod Deus ratione suæ potentia infinitæ non indiget motu alterationis medio ad hoc, quod producat suum effectum in esse; & ideo licet in productione humani corporis indigeat natura particularis motu alterationis, immò multis alterationibus ad hoc, quod tandem inducantur dispositiones illæ, quibus anima à Deo creata infunditur; deinde tamen in termino motus localis, quo illi sanguines purissimi ad locum generationis sunt delati sine aliquo alterationis motu successivo medio, potuit inducere, & inducit perfectas dispositiones, cum quibus anima illa beata ab ipsomet Deo eodem instanti creata Corpori Christi infundebatur, donec de totò ordinē esse perfecti, quod scilicet sit ens, & quod sit corpus, & quod sit corpus animatum anima: humanæ nature sic ineffabiliter productæ in ipso instanti eodē uniebatur Filius Dei in unitate personæ, communicans scilicet suam substantiam eidem, ut sic sit una persona Verbi Dei subsistens in duplici natura, humana scilicet & Divina, ipsi soli Deo honor, & gloria, per infinita sæculorum sæcula,
Amen.



ARTICVLVS XXXIIJ.



Item quest. 79. art. 4. response principali dicitur, quod si memoria accipiat pro vi conservativa specierum, oportet dicere memoriam in parte intellectiva esse: si verò de ratione memoria sit, quod

præteritū, sic memoria nō est in parte intellectiva, sed in sensitiva tantum, quæ est apprehensiva particularium; præteritum enim ut præteritum, cum significet sub determinato tempore, ad conditionem particularem pertinet.

CORRVPTORIVM.

EX hac positione necessario sequitur error, scilicet quod Angeli non habeant memoriā præteriti, & per consequens nec certam cognitionem, quod videtur erroneū, & in præjudicium eorum, & nostrum, quorum habent custodiam, & ideo dicendum est: sive memoria accipiat pro potentia intellectiva specierum conservativa, sive pro actu memorandi præteriti ut præteriti, non solum est memoria in sensitiva: tunc enim non esset in Angelis, in quibus non est aliqua vis sensitiva: Quod autem Angelus non tantum habeat memoriā intellectivam, sed etiam præteriti, ut præteritum est, patet *Thob. 3.* ubi dicit Raphael Angelus: *Novi viam, quæ ducit in Rages civitatem Medorum, & omnia itinera ejus frequenter ambulaui, & mansi apud Gabelum. Et in eodem 12. Quando orabas, scilicet cum lachrymis, & sepeliebas mortuos &c. Ego obtuli orationem tuam Domino. Et Dan. 10. dicit Angelus: Princeps regni Persarum restituit mihi viginti & uno diebus.* Ex quo patet, quod memoria, sive accipiat pro vi cōservativa specierū, sive pro actu memorandi præteritum, debet poni non solum in parte sensitiva, sed etiam in parte intellectiva.

Ad illud, quod pro ratione insinuat, scilicet, quod apprehensiva sensitiva est particularium sub hic, & nunc, & tale est præteritum; dicendum, quod non solum sensitiva comprehendit particularia sub hic & nunc, sed etiam intellectus & recordatio: nec differt intellectus à sensu in hoc, quod sensus apprehendit singularia,

intellectus verò universalia abstracta; sed in hoc differunt, quod sensus apprehendi singularia sola, intellectus autem universalia non sola, sed etiam particularia, alias Angelus & anima non apprehenderent Christum, cum sit quoddam singulare, & ipsi non habeant potentiā sensitivam, cujus contrariū, habetur *Ioan. 17. Hæc est enim vita æterna, ut cognoscant te.* Item ex hac positione sequeretur, quod animæ jam beatæ non haberent memoriā passionis Christi, nec essent memores aliorum beneficiorum particularium jam præteritorum, & peccatorum suorum, & ita non essent gratæ Deo in reddendo ei gratias pro remissione peccatorum, & exhibitione beneficiorum, quod est planè erroneum.

Si autem opponatur quod Philosophus non ponit nisi memoriā sensitivam, ut in *lib. de memoria, & reminiscencia* dicit loquens de memoria, quod est per se, & primò sensitiva, intellectus autem per accidens: ratio supponit falsum, quia Philosophus in *magnum moralium cap. 19.* dicit, *memoriam in vi rationem habente.*

Præterea: Augustinus planè ponit memoriā intellectivam. *10 de Trinitate cap. 13. & 15. & lib. 7. cap. 21. & 23.*

Responsio ad hæc secundum Thomam.

EX dictis supra art. 11. qualiter intellectus noster singularia cognoscit, & qualiter non, satis evidenter patet responsio ad omnia hæc, quæ obijciuntur, si simul cū hoc attendamus, quod aliter Angelus, & aliter intellectus noster cognoscit ista singularia materialia: Angelus enim cognoscit ea directè, sicut sunt, per species innatas, quæ repræsentant rem, omnino sicut est in se, intellectus noster intelligit directè universalia à conditionibus materialibus abstracta, sicut patet per Philosophum, & Commentatorem ubique; singularia autem cognoscit indirectè per conversionem, vel reflexionem ad phantasmata: propter quod si in parte intellectiva nobis non sit ponenda memoria, ut respicit præteritū, ut præteritū, sicut Thom. dicit hic, eò quod intellectus noster abstrahit ab hujusmodi conditionibus; nec cognoscit hujusmodi, nisi indirectè modo prædicto: nō ideo sequitur, quod Angelus non possit præteritum cognoscere, ut præteritum, cum ipse illo modo apprehendat per speciem scilicet, quæ rē repræsentat directè

directè sienti est per omnia : unde objectio ista , cui principaliter innituntur , vana est , & risu digna.

Et quod dicunt respondendo ad rationem *Thomæ* , nulli dubium quin sit falsum , & manifestè contra *Philosophum* , *Commentatorem* , & *Boetium* 1. post. qui ait: *Singulare dum sentitur , universale dum intelligitur* : hæc manifesta sunt ex dictis *suprà* art. 2.

Ad illud , quod si in parte intellectiva non esset memoria præteriti , ut præteritum , tunc animæ beatæ non haberent passionis Christi , & aliorum beneficiorum præteritorum memoriam : dicendum , quod animæ separatæ beatæ in Verbo vident res non solum abstractas , sed sub omni conditione , quam habent , & habituræ sunt , vel prius habuerunt in rerum natura : unde objectio illa nulla est. Loquendo tamen de naturali cognitione animæ separatæ , quæ cōmunis est beatīs & nō beatīs : dicendū , quod modus intelligēdi in animabus separatis est per influentiam specierum à Deo , & secundum istum modum habet intellectus ipsa singularia , sicuti sunt , cognoscere : sicut enim Deus ipse per suam essentiam , in quantum est causa universalium & individuantium principiorum cognoscit universalia & singularia : ita substantiæ separatæ per species impressas , quæ sunt quædam participatæ similitudines illius Divinæ essentiae , possunt universalia & singularia cognoscere. Hæc tamen est differentia inter Angelos & animas separatas , quod Angeli huiusmodi species propter efficaciam sui intellectus nō solum naturas in speciali cognoscere possunt , sed etiam conditiones individuales quasque in eisdem animæ verò separatæ , quarum naturalis cognitio est imperfectior , & confusior secundum modum naturæ suæ , non possunt per huiusmodi species cognoscere , nisi illarum rerum conditiones individuales , ad quas cognoscendas quodammodo determinantur vel per præcedentem cognitionē , vel per aliquam affectionem , vel per habitudinem naturalem , vel Divinam ordinationem : quia omne quod recipitur in aliquo , detinetur in eodem per modum recipientis. Ista est doctrina *Thomæ* ubi docet : *Qualiter anima separata cognoscat singularia* part. 1. quæst. 89. art. 4. Ex quibus patet , qualiter solvuntur omnia objecta istorum.

Qui verò tandem dicunt *Augustinum* , & *Philosophum* posuisse memoriam in vi rationem habente , sive intellectum : dicendum ,

quod habet intelligi de memoria , prout sumitur pro vi specierum intelligibilium conservativa , vel in quantum intellectus potest cognoscere huiusmodi præterita , ut præterita , indirectè convertendo se ad phantasmata.

ARTICVLVS XXXIV.



Item q. 82. art. 3. in responsione principali dicit , quod intellectus , & voluntas si considerentur secundum se , sic intellectus est eminentior : secundū quid autem , & in comparatione ad alterum , voluntas invenitur interdum altior , quā intellectus , eō quod objectum voluntatis in altiori invenitur , quā objectum intellectus.

CORRVPTORIUM.

HOC videtur nobis falsum , & antecedit dens ad multa falsa , licet non videatur directè contrarium fidei , vel bonis moribus. Dicit enim *Anselm.* in de conceptu virginali , & originali peccato cap. 4. Si de actionibus voluntariis , quæ injustè sunt , arguantur membra & sensus , quibus fiunt , respondere possunt. Deus nos , & potestatem , quæ in nobis est , subiecit voluntati , ut ad ejus imperium non possimus non moveri , & facere , quod ipsa vult : & ita non possumus , nec debemus non obedire domine , quam nobis dedit Deus. Et infra sequen. cap. Voluntas , cui subditi sunt omnes voluntarij motus totius hominis. Hæc auctoritas attribuit dominium voluntati , & non rationi. Item melioris , & superioris est uti deterioribus , & inferioribus. Hoc videmus ad sensum , in quibus naturalis , & debitus ordo servatur. Et *Comment. 6. Ethic. c. 3.* super illud *Postquam ergo dictum est dicitur esse partes , &c.* Qualiter , inquit , deterius meliori utitur. Sed voluntas utitur ratione , & cæteris potentijs animæ : velle enim est assumere aliquid in facultatem voluntatis secundum *Augustinum* 10. de Trinitate cap. 10. ergo voluntas est superior intellectu , & cæteris potentijs animæ.

Item illud est melius , cujus perfectio est melior , sicut dicit *Comment. in fine prologi 6. Ethicorum* ; Qualiter inquit , non est melior melio-

melioris virtus, & perfectio; sed charitas, quæ est perfectio voluntatis, est optima virtus, & perfectio, sicut dicit *Augustinus*. de Trinit. lib. 2. cap. 17. & cap. 18. Dilectio, inquit, Dei diffusa est in cordibus nostris, &c. Nullum est igitur isto dono excellentius, quod solum dividit inter filios regni, & filios perditionis.

Præterea: Philosophus dicit 1. Topicorum cap. 8. De Magno bono, & magis conferente: Melius est, quod omnes eligunt, quam quod non omnes, & quod plures, quam quod pauciores. Sed bonum omnia appetunt, ut ipse dicit in eodem cap. & 3. Topicorum cap. 1. cap. 8. & 1. Ethic. cap. 1. sed non omnia appetunt verum per se loquendo, sed sola rationalia: ergo bonum melius est, quam verum, ergo est objectum melioris potentia.

Item meliori objecto respondet nobilior potentia, ut videtur, & dicit *Augustinus* in quadam Epistola ad Nebridium, scilicet, quod mens atque intelligentia oculis, atque vulgari aspectu meliores sunt; quod non esset ita, nisi meliora essent illa, quæ intelligimus, quam illa, quæ discernimus: sed si discernimus verum à bono (secundum quod per rationem separata sunt) videtur bonum melius esse, quam verum, & per consequens nobilius: ergo bonum, secundum quod bonum est objectum melioris potentia, quam verum, secundum quod verum: & ita voluntas erit nobilior intellectu: probatio assumptæ; bonum, secundum quod bonum, est bonum per se: verum autem, secundum quod verum, non est bonum, nisi per bonum; sed illud est melius, quod est bonum per se, quam illud, quod est bonum per aliud, ergo bonum est melius vero.

Item quando multi conveniunt, & cooperantur sibi in præparatione alicujus maleficij, ille, cui magis imputatur, reputatur magis principalis, & è converso; unde & principalius trahitur in causam: sed omne peccatum reputatur, vel imputatur maxime voluntati; ergo voluntas est principalior in peccato, quam intellectus: verbi gratia; incredulitas, sive perfidia magis imputatur voluntati, quam intellectui. Ioan. 13. Propterea non poterant credere, qui dicit verum. Et dicit *Augustinus*, & *Chrysostomus*. Non poterant, idest non volebant. *Chrysostomus*. Homil. 68. & *Augustinus*. Homil. 51. Si à me queratur, quare non poterant? Respondeo, quia volebant.

Ratio autem, quam *Thomas*. ponit ad confirmationem suæ opinionis, est talis: Objectum intellectus est simplicius; & magis absolutum, quam objectum voluntatis, quia ratio boni est objectum intellectus, & ipsum bonum appetibile est objectum voluntatis. Dico, quod ita bene, & magis per se est ratio boni objectum voluntatis, quam ipsum appetibile, cujus contrarium ipse supponit, & hoc patet sic: constat enim, quod essentia boni (quam ipse vocat rationem boni) verius, & essentialius est ipsi bono, quam quidquid non est essentia boni, essentia enim uniuscujusque rei est illud, quod per se, & primò signatur per nomen rei: si ergo essentia boni est ipsa ratio boni verissimè, est ipsum bonum verissimè, & illud quod est verissimè bonum, est verissimè objectum voluntatis. Sequitur ergo necessariò, quod essentia boni, hoc est ratio boni verissimè, & primò, & per se sit objectum voluntatis, cujus contrarium ipsum supponit.

Responsio ad hæc secundum Thomam.

Isti si solutionem istius questionis, & proximæ sequentis inspectam bono oculo intellexissent, nunquam istam positionem falsam, & ad multa falsa antecedentem asseruissent: verba ergo *Thome* in supradictis duabus questionibus inspiciantur, & omnia ista, quæ obijciunt, nullius momenti apparebunt.

Ad primum ergo (prout ipse docet ibidem) sic dicendum. Aliquid movere dicitur dupliciter; uno modo ut finis, sicut finis movet efficientem, & hoc modo intellectus movet voluntatem, quia bonum intellectus est objectum voluntatis, & movet ipsam, ut finis: Alio modo dicitur aliquid movere per modum agentis, sicut alterans movet alteratū, & impellens impulsū, & hoc modo movet voluntas intellectum, & alias omnes vires animæ, prout dicit *Anselmus*. ergo sicut voluntas est quoad quid nobilior, quia movet; ita quoad aliquid est minus nobilis, inquantum movetur; sed simpliciter loquendo ratione objecti magis absoluti est intellectus nobilior, prout dicit *Thomas*.

Ad secundum etiam dicendum, prout docet

docet ipse *Thom.* ubi suprà, quòd intellectus potest dupliciter considerari: uno modo secundum quod est apprehensivus entis, & veri universalis: alio modo, secundum quod est quædam particularis potentia habens actum determinatum. Et similiter voluntas dupliciter considerari potest; uno modo, secundum communitatem sui objecti, prout est appetitiva boni communis: alio modo, secundum quod est quædam potentia determinata habens actum determinatum.

Si ergo intellectus, & voluntas comparantur adinvicem secundum rationem communitatis objecti utriusque, sic intellectus simpliciter est altior, & nobilior voluntate, quia simpliciter loquendo ratio boni intellecta, quæ est objectum intellectus, est quid simplicius, & absolutius, atque abstractius, utpotè habens esse in ipso intellectu, bono communi, quod est objectum voluntatis secundum esse, quod habet in re extrà. Verum enim, & falsum, quæ sunt objectum intellectus, sunt in anima; sed bonum, & malum, quæ sunt objectum voluntatis, sunt in re extrà; interdum tamen contingit, quòd bonum secundum esse, quod habet in se, est simplicius, quàm ratio ejusdem boni intellecti, quæ habet esse in intellectu, tale bonum utique est Deus, & respectu hujus objecti, prout docet *Tho.* vel probat, quòd voluntas sit nobilior intellectu: universaliter tamè & simpliciter loquendo, intellectus sub ista cōsideratione debet nobilior dici, ut dictum est. Si autè consideretur intellectus secundum communitatem sui objecti, & voluntas, secundum quod est quædam determinata potentia: sic iterum intellectus est nobilior, & altior, utpotè comprehendens sub communitate sui objecti, scilicet entis, & veri, & universalis ipsam voluntatem, & actum ejus, & objectum, sicut alia intelligibilia specialia, ut lapidem, lignum, & hujusmodi quæ continentur sub ratione entis, & veri. Si autem consideretur voluntas secundum communem rationem sui objecti, quod est bonum in communi, & intellectus, ut est quædam res, & potentia specialis, sic sub isto objecto voluntatis continetur intellectus, & ejus actus, quod est intelligere, & ejus objectum, quod est verum, sicut alia bona specialia: & secundum hoc est ipsa voluntas altior, & nobilior, & secundum hoc utitur ipso intellectu, & actu ejus, & objecto ejus, sicut alijs bonis particularibus, amando scilicet

ipsa propter Deum, qui est fons, & origo omnium bonorum. Sub ista igitur consideratione, qua voluntas dicitur utens, dicitur & nobilior: alia tamen consideratione, & simpliciter loquendo intellectus est superior, ut patet ex dictis.

Iterum dicendum (sicut dicit *Thomas*, & tactum est suprà) quòd in comparatione ad objectum aliquod, quod est nobilius, cujusmodi est Deus, in quem principaliter inclinatur charitas, nihil prohibet, immò necesse est ponere, quòd voluntas sit sublimior propter rationem prædictam, nihilominus, simpliciter loquendo, ut dictum est, intellectus debet dici nobilior.

Ad quartum dicendum, quòd proprie loquendo comparatio non est accipienda nisi inter aliqua duo diversa, quæ sunt ejusdem rationis. Verbi gratia; si hoc debeat dici illo albius, necesse est quòd albedo utriusque conveniat secundum eandem rationem: nunc autem bonum, & verum convertuntur, & sunt idem secundum rem, sed differunt solum secundum rationem; unde ista comparatio nulla est, qua dicitur bonum melius vero, quoniam id ipsum est, cui convenit bonitas sub ratione una, & veritas sub ratione altera.

Notandum est etiam, quòd dicit *Thom.* ubi suprà, quòd sicut intellectus, & voluntas possunt dupliciter considerari, sic verum, & bonum; si enim verum consideretur in sua communitate, bonum continetur sub ipso vero, in quantum ipsum bonum est quoddam speciale verum intellectus: similiter si consideretur bonum in sua communitate, verum continetur sub bono, in quantum verum est quoddam speciale bonum. Ex his apparet, quòd hæ potentie suis actibus se includunt, cum objectum unius sub ratione una includatur infra objectum alterius sub ratione altera, & è converso, ut ex dictis patet, & est satis pulchra doctrina.

Ad quintum dicendum, sicut ad quartum; quòd inter bonum, & verum, cum sint idem re, & differant sola ratione, nulla est comparatio in bonitate, sed inter duo diversa, prout in diverso gradu rationem bonitatis participant, bene cadit comparatio. Et cum dicunt, quòd bonum est bonum per se, & verum est bonum non nisi per bonum, & ita est bonum per aliud.


Dicendum, quòd idem est, quòd est

verum, & quod est bonum, & eadem res realiter habet entitatem, veritatem, & bonitatem: qualis enim est dispositio uniuscujusque in entitate, talis est ejusdem dispositio in veritate secundum *Philosophum*, 6. *Metaph. com.* 8. & alibi, & etiam in bonitate: non igitur per aliud, sed sub alia ratione dicitur aliquid verum, & bonum.

Ad sextum patet responsio ex supra dictis. Voluntas enim ea ratione, qua movet, ut agens, altior est intellectu; & sub hac ratione principaliter ascribitur sibi fructus, vel defectus; meritum vel demeritum motum consequens, & tamen est simpliciter ipse intellectus sublimior.

Quod vero dicunt septimo respondendo ad rationem *Thome*, quod ipse vocat rationem boni, essentiam boni, ex falso intellectu eorum procedit, ratio enim rei in intellectu non est idem penitus cum ipsa re, quamvis sit expressa ejus similitudo: ratio igitur boni, vel alterius cujusque intellecti est ejus diffinitio ab intellectu cognoscente rem ipsam formatam in ipso intellectu esse habens, & differt ab essentia rei sub esse, quod habet in se; nec est dicendum, quod ratio boni in intellectu est ipsa essentia boni simpliciter; nisi sit sermo de illius boni essentia, ac ratione intellecta, cui idem est esse simpliciter, & à se ipso intelligi, cuiusmodi est Deus, propter quod ipsa ratio Dei à Deo intellecta, sive similitudo Dei, quæ est imago, ac Verbum ejus, est verus Deus, cui est honor, & gloria per infinita sæculorum sæcula.

ARTICVLVS XXXV.



ITEM quest. 85. artic. 7. in responsione principali dicit, quod quanto corpus est melius dispositum, tanto meliorem sortitur anima, & loquitur de anima intellectiva, ut patet ibidem. Cujus ratio est, quia forma recipitur in materia secundum capacitatem materiæ: unde cum in hominibus, qui habent corpus nobilius, sit materia capaxior, nobiliorem sortiuntur animam, & majoris virtutis in intelligendo.

CORRUPTORIUM.

CRedimus, quod loquatur de meliori dispositione secundum corpus com-

plexionem, non secundum robur, & velocitatem, pulchritudinem, vel magnitudinem: quasi velit dicere, corpus melius complexionatum meliorem sortiri animam, & aptiorem ad actiones intellectuales, & morales, & putamus, quod hoc & bene, & male possit intelligi, & dicimus, quod in animabus humanis secundum se, & à creatione sua est differentia quantum ad habilitates partis apprehensivæ & motivæ, sive quantum ad mores. Dicit enim *Magister lib. 2. sen. dist. 23. pluribus*, inquit, non irrationabiliter videtur, quod ex ipsa creatione aliquæ animæ alias excellent in naturalibus donis, ut in essentia: alia alijs sit subtilior, & ad intelligendum habilior. Quod non improbabili-ter dicitur, cum etiam in Angelis constet ita fuisse: & hoc, quod dicit *Magister*, est sententia *Hugonis lib. 3. sententiarum cap. 29.* Huic sententiæ attestari videtur *Commentator comm. 53. super illud primi de Ani. Et isti non querunt loqui. Membra enim leonis non differunt à membris cervi, nisi propter diversitatem animæ cervi ab anima leonis.... Hoc etiam manifestum est in individuis ejusdem speciei, & ideo diversi sunt mores.* His verbis insinuat *Commentator*, quod diversitas membrorum in animalibus diversarum specierum, & ejusdem speciei etiam causatur à diversitate animæ.

Item dicimus, quod animæ humanæ diversificantur in moribus, & in alijs habilitatibus penes diversam complexionem corporis: Hinc est, quod *Philosophus* dicit libro secundo de Anima. *Tex. Com. 94. Duros carne ineptos mente, & molles carne aptos mente dicimus.* Hinc etiam dicit libro de problematibus, quod infirmi secundum mores sunt, quicumque in suprabundantijs caloris, & frigoris existunt. Sic igitur patet, quod habilitates, & mores animæ humanæ habent causam, tum ex complexione corporis, tum ex natura ejus. Cum ergo dicit: Quanto corpus est melius, tanto meliorem sortitur animam. si intelligat de melioribus habilitatibus, & moribus animæ: quatenus causam habent ex complexione corporis, credimus, quod verum dicat: si autem intendat dicere quod solum ex meliori complexione sit in animabus humanis melior aptitudo ad mores, & operationes intellectuales; credimus, quod falsum est.

Responsio ad hæc secundum Thomam.

A

ARTICVLVS XXXVI.

DE ista credulitate, quam proponunt, non est multum curandum; certum est enim, si istud dictum Thomæ rectè intelligatur, haberet veritatem. Non videtur enim, quòd duæ formæ ejusdem speciei habent, unde in aliquo gradu differunt, nisi per materiam, & per consequens penes meliores, vel peiores dispositiones. Si enim ex parte formarum in se considerata- rum esset diversitas secundum gradum aliquem, jam non essent ejusdem speciei, sed differrent inter se formaliter, & essent per consequens diversarum specierum.

Quod ergo dicit *Magister sen. & Hugo*, habet intelligi de gradu subtilitatis, quem habent animæ humanæ ex diversâ dispositione materiæ.

Dictum verò *Commentatoris 3. de Anima Tex. Com. 5.* non potest attestari sententiæ istorum ponentium intellectus humanos habere gradum naturæ alium ab illo, quem habent propter diversam materiæ dispositionem: ipse enim ponit, licet falsò, quòd intellectus unus numero est in omnibus hominibus, & per consequens nullam posuit differentiam in gradu naturæ.

Quia verò ponit diversitatem morum in individuis ejusdem speciei, non concludit, quòd ponat istam diversitatem provenire ex hoc, quòd formæ eorum in specie conveniunt ratione sui, & in gradu nature differant. Hoc enim est impossibile, & contra *Philosophum* manifestè; videmus enim (prout docet *Philosophus*) quòd formæ, quæ differunt secundum gradum naturæ, necessariò differunt specie; sicut enim unitas addita numero constituit novam speciem aliam à præcedente; sic gradus naturæ in formis substantialibus, si est diversus, ad diversam speciem pertinet secundum *Philosophum*. Non plus pro ista horum credulitate dicere oportet,

nisi quòd non intelligunt,
quæ loquuntur, neque
de quibus affir-

mant.



TEM quest. 89. artic. 1. in responsione ad tertium dicit; quòd anima separata intelligit non solum per species conservatas, sed per species influentia Divini luminis participatas, quarum anima fit particeps, sicut & aliæ

substantiæ separatae, quamvis inferiori modo. Unde tam citò cessante conversione ad corpus, ad superiora convertitur, nec tamen propter hoc hæc participatio non est naturalis, quia Deus est Auctor non solum influentiæ gratuiti luminis, sed etiam naturalis. Simile habetur eadem q. art. 3. in responsione principali; & questione eadem in responsione principali articulo 4.

CORRÛPTORIUM.

Videtur nobis, quòd istud est falsum, & occasio erroris. Ex hoc enim sequitur, quòd animæ separatae non verè patiantur ab igne infernali, quia per eandem speciem caloris ignis sentitur caliditas ignis, & affligitur sentiens, si sit calor excellens, & universaliter per eandem speciem sensibilis fit cognitio, & læsio sentientis, quando sensibile excellit: ergo si animæ separatae nihil cognoscunt per species receptas; ergo animæ damnatorum nihil patiuntur ab igne infernali, nec etiam dæmones: frustra ergo in illum mittuntur, & in illo detinentur, & frustra præparatus est: de qua præparatione, & missione *Matthæi 25.*

Iterum hujusmodi influentia specierum à Divino lumine nullo modo fieret in animas damnatas, quæ omni gratia sunt indigne, & quæ mittuntur in tenebras exteriores. Si verò est naturalis, ut ipse insinuat, per hoc enim, quòd anima avertitur à corpore, convertitur ad superiora, ut ipse dicit: si propter hoc est naturalis, tunc animabus contemplativis in raptu, quando anima avertitur totaliter à corpore, & convertitur ad superiora, deberent hujusmodi influxus specierum, vel omnium, vel saltem aliquarum fieri, vel distinctè, vel saltem confusè. Constat autem, quòd non fit istis, nec sic, nec sic, ergo nec illis.

Præterea: si animæ separatae cognoscerent

scerent solum per species sibi inditas in separatione : ergo ad cognoscendum ea, quæ aguntur apud vivos procul positos ab eis, non esset necesse aliquam, vel aliquas ipsarum mitti ad ipsos vivos : quorum utramque ponit Augustinus in libro de cura pro mortuis agenda, dicens : Fatendum est nescire quidem mortuos, quid hic agatur, sed dum hic agitur, possunt scire ab his, qui hinc ad eos moriendo pergunt. Non quidem omnia, sed que sinuntur indicare, & que oportet audire. Possunt & ab Angelis (qui rebus que hic aguntur, presentes sunt) audire aliquid mortui, quod unum quemque illorum audire debere iudicat, cui cuncta subiecta sunt. Et paulò infra. Mitti quoque ad vivos aliquos ex mortuis, sicut e contrario, Paulus ex vivis in paradisum raptus est, Divina scriptura testatur.

Responsio ad hæc secundum Thomam.

SI ea quæ dicta sunt supra artic. 33. attendantur, ista objecta facillimè solvuntur.

Primum tamen, quod obijciunt, solvitur per hoc, quod dictum est supra in responsione de loco poenali demonum, ubi declaratur, qualiter animæ separatæ & dæmones puniuntur igne infernali; non per hoc, quod aliquid ipsis immitratur ab eodem, sed per hoc, quod dæmones quidem per speciem illius ignis sibi innatam, & animæ separatæ per speciem ejusdem sibi in sui separatione infusam cognoscunt, sive apprehendunt se esse in loco illo vel fore æternaliter contra suam voluntatem, super quo verissimè affliguntur propter loci illius deformitatem naturæ intellectuali minimè convenientem, sicut patuit supra articulo 26.

Ad secundum dicendum, quod ista influentia, sive participatio specierum est naturalis, sicut dicit Thomas; nec sequitur, quod huiusmodi influxus specierum fiat animabus contemplativorum in raptu, quādiū sunt unitæ, necdum separatæ à corporibus: quia substantiæ immateriales actu separatæ participant huiusmodi specierum influentiam, & non aliæ, sicut docet Thomas: unde ista obiectio non concludit.

Ad tertium, prout tactum est, patet per hoc quod dicitur supra in responsione articuli 33. videlicet, quia cognitio naturalis animæ separatæ est imperfectior, & confusior secundum conditionem suæ naturæ,

quàm cognitio naturalis Angeli, non possunt animæ separatæ cognoscere determinatè, nisi illarum rerum condiciones individuales, ad quas cognoscendas quodammodo determinantur, vel per præcedentem cognitionem, vel per aliquam affectionem, vel per naturalem, vel Divinam ordinationem: potest igitur cognitio animæ separatæ determinari ad cognoscendum determinatè, quæ circa nos sunt, secundum quod placet Deo ordinanti, sive mediantibus illis, qui ad illos moriendo pergunt, sive mediantibus Angelis, sicut dicit Augustinus. Nec tamen sequitur ex hoc, quod animæ separatæ prius recipiant aliquam speciem ab animabus ad se per mortem venientibus, vel etiam ab ipsis Angelis, sed per locutionem intellectualiter secundum Dei ordinationem sibi factam ab eisdem determinatur eorum cognitio, ut species illa infusa, sive participata ab ipso Deo sit in ratione principij perfectè representantis condiciones individuales eorum, quæ hic sunt, sicut contingit, quod unus Angelus ducitur in actualem cognitionem alicujus rei per locutionem alterius. Non enim hoc fit per speciei alicujus impressionem de novo, sed per hoc, quod unus Angelus, mediante conceptu alterius sibi ostenso per locutionem illam intellectualem, ordinatur ad cognoscendum aliquid mediante specie à principio suæ creationis sibi innata, quod prius actu non cognoscebat per eandem, & istud patebit infra, cum erit sermo de Angelorum locutione.

ARTICVLVS XXXVII.

ITEM quest. 89. artic. 2. in responsione principali dicit, quod anima separatæ se ipsam per se ipsam cognoscit.

CORRUPTORIUM.

HOC non videtur reprehendendum tanquam fidei, & bonis moribus contrarium, sed aliàs videtur nobis falsum; dicit enim Anselmus. Monol. cap. 31. Nulla negari ratione potest, cum mens rationalis seipsam cogitando intelligit, imaginem ipsius nasci in sua cognitione.

Præterea: Comment. com. 2. supra illud 3. de Anima: Et etiam intelligit se sicut alia, dubitavit Arist. de intellectu materiali: utrum intellectivum

lectivum est ex eo, quod est ipse intellectus, aut alio modo: Et infra parum incipit determinare, quod est intellectivum per intentionem in eo, sicut alie res intellecte. Hæc sunt verba Commentatoris.

Responsio ad hæc secundum Thomam,

QValiter autem anima intellectiva corpori unita intelligat se per speciem sui objecti secundum sententiam Philosophi, & Commentatoris sui, patet supra in responsione articuli i. Anima verò separata, sicut habet consimilem modum essendi cum alijs separatis, ita habet consimilem modum intelligendi: unde sicut essentia huiusmodi substantiarum, cum sit simplex forma, & penitus immaterialis, & sit sufficiens ratio, ac principium intelligendi se ipsam à proprio intellectu; sic essentia animæ separatæ est sufficiens ratio, ac principium, quo se ipsam per semetipsam intelligat.

Ad primum ergo dictum est supra in responsione articuli primi. Illa enim imago, de qua loquitur *Anselmus*, non est ratio, seu principium intelligendi, sed potius se tenet ex parte objecti intellecti, cum sit, secundum *Anselm*, ipsa cogitatio formata, & ipsa ratio rei intellectæ, & intellectu cognoscente expressa, ut patuit supra.

Ad secundum similiter est responsum supra ibidem. Non enim intendit *Philosophus*, vel *Commentator*, quod intellectus intelligat seipsum per speciem propriam à se genitam, sed per speciem sui objecti, ut patuit ibidem.

ARTICVLVS XXXVIIJ.



TEM quest. 89. art. 7. ubi queritur: An distantia localis impediat cognitionem animæ separatæ, in responsione principali dicit: Quidam posuerunt, quod anima separatæ cognosceret singularia abstrahendo à sensibilibus, sed

abstractio specierum à sensibilibus fit mediantibus sensibus, & alijs sensitivis potentijs, quæ in anima separatæ non manent: Intelligit autem anima separatæ singularia per influxum à Divino lumine, quod quidem lumen æqualiter se habet ad propinquum, & distans: unde distantia localis nullo modo impedit cognitionem animæ separatæ

CORRVPTORIUM.

Ista positio tria falsa continere videtur; videlicet dubia. Primum, est quod anima separata non intelligat per abstractionem, vel perceptionem à sensibus, quia in anima separata manent potentia sensitiva. Secundum est, quod anima separata cognoscit singularia per influxum à Divino lumine. Tertium est, quod Divinum lumen æqualiter se habet ad propinquum, & distans: propter hoc distantia localis nullo modo impedit cognitionem animæ separatæ.

B Primum videtur nobis falsum: sic enim nihil pateretur à sensibilibus per receptionem, quia (ut ostensum est) per eandem speciem habet fieri sensitiva cognitio, cum sensibilia proportionabiliter se habent ad sensum, & sensibilis læsio cum excellit sensum, & sic sequeretur, quod nec animæ mediocriter bonorum aliquam poenā sentirent ab igne purgatorij, cujus contrarium omnes ponunt. Nec animæ valde maiorum ab igne, & aqua in inferno, cujus contrarium ponit fides *Lucæ* 16. ubi dicit *Salvator*, quod dives epulo contra cruciatum flammæ petijt guttam aquæ. Et *Iob* 24. de reprobo dicitur: *Ad calorem nimium transiunt ab aquis nivium*

Contra secundum de cognitione per influxum specierum à Divino lumine, dictum est parum supra, require ibi.

Tertium videtur esse falsum, & contra *August. lib. de cura pro mortuis agenda*. Si enim localis propinquitas, & distantia nihil operarentur ad cognitionem animæ separatæ, nihil prodesset aliquos ex mortuis mitti ad vivos, ad cognoscendum ea, quæ geruntur apud vivos, & ad denunciandum ipsis, qui remanent in sedibus suis, cujus contrarium ponit *August.*

D Præterea: si distantia localis in nullo impediret cognitionem animæ separatæ, & constat, quod impedit cognitionem animæ unitæ, in quocumque statu & naturæ lapsæ & reparatæ post resurrectionem: tunc perfectiorem cognitionem de rebus haberet anima separatæ, quæ est in statu, & dispositione non naturali, scilicet separationis à corpore, quam anima unita, quando, scilicet est in statu, & dispositione naturali unionis cum corpore, hoc autem est impossibile.

Præterea: si propter hoc, quod lumen Divi-

Divinum, à quo influuntur species, æqualiter se habet ad propinquum & distans, distantia localis in nullo impediret cognitionem animæ separatae, tunc anima separata, ita æqualiter cognosceret futura, sicut præsentia, quod falsum est: dicit enim *Iohannes Damasc. lib. 2. cap. 4. Futura quidem nec Angeli, nec demones noverunt, multo minus animæ separatae.*

Responsio ad hæc secundum Thomam.

Supposito, quod anima separata intelligat per species infusas, ut supra dictum est, art. 36. manifestum est, quod distantia localis non poterit animæ separatae cognitionem in aliquo impedire. Habens enim speciem intellectualem alicujus rei eam intelligit localiter præsentem, vel distantem, alioquin non esset verum quod ait *Philosophus 5. de Anima text. comment. 53. Intelligimus cum volumus.* Habentes igitur species rerum sibi infusas poterunt animæ separatae cognoscere omnia, quorum sunt species illæ, sive propinqua sint localiter, sive distantia, ita quod dictæ species determinantur modo supradicto in responsione art. 36. Nullum ergo falsum tenetur ista responsione *Thome.*

Quod enim in primis dicunt esse falsum, scilicet, quod anima separata non cognoscat res per abstractionem à sensibilibus, salva pace eorum, non debet dici falsum, quia abstractio non fit nisi mediantibus potentijs sensitivis, prout docet *Thom.* Et quod objiciunt contra hoc de anima separata, quæ ab igne sentit, ex falso intellectu procedit, ac si natura intellectualis separata immutaretur ab igne ad modum sensitivæ virtutis, quod falsum est: immò per hoc dicitur ignem sentire, & ab eodem pati, quia cognoscat, seu apprehendit se alligari (ut ita loquar) vel deputari tali loco contra suam voluntatem, & æternaliter, quod in veram, & maximam poenam sibi cedit, quia est maximè contra voluntatem, & hæc est poena intellectualis naturæ separatae, sive per ignem, sive per aquam in inferno.

Secundum de influxu specierum à Divino lumine, contra quod dicunt parum supra requirendum, scilicet in responsione art. 36. est declaratum, & ad objecta contra hoc responsum.

Tertium quoque, quod est in propo-

to principale, scilicet, quod propinquitas vel distantia nihil operatur ad cognitionem animæ separatae, non est falsum, sicut patet ex his, quæ dicta sunt in responsionis hujus principio.

Ad primum, quod objiciunt contra hoc de *Augustino*, dicendum, sicut dictum est supra in responsione art. 36. quod hujusmodi missio, de qua loquitur *Augustinus*, fit non ut aliqua species in anima separata recipiatur ab extra; sed ut cognitio animæ separatae, quam per species influxas habet de hujusmodi singularibus imperfectè, & confusè aliqua ordinatione naturali, vel affectione, vel etiam Deo sic ordinante, ut per talem modum fiat, determinetur, sicut dictum est ibidem.

Ad secundum dicendum, quod distantia, vel propinquitas localis nihil facit ad cognitionem intellectivam in anima corpori unita; nisi quatenus mediante sensu accipitur in principio, accepta autem specie, & retenta, potest intellectus etiam corpori unitus æquè in absentia, sicut in præsentia, sicut patet experimentaliter omnibus, & eodem modo anima separata se habet ad speciem influxam sibi, & anima post resurrectionem ad speciem undecunque acceptam.

Ad tertium dicendum est, quod aliud est rem esse absentem loco, & aliud ipsam esse futuram, & per consequens non esse, propter quod cum non entis non sit species influxa in anima separata, nec etiam aliquo modo accepta in Angelo bono, vel malo. Hinc est, quod nullo modo potest cognoscere futura, quæ non sunt, nisi Deus, qui omnia futura novit per suam essentiam, in qua omnia relucent, ipsis revelet. Illa verò quæ sunt, quorum habent species, sive propinqua, sive remota secundum locum, indifferenter cognoscere possunt, ut patet ex dictis.

ARTICVLVS XXXIX.

ITEM quest. 95. art. 4. Et ultimo in responsione principali dicit: Quod præmium essentiale solum respondet quantitati charitatis, non quantitati operis ullo modo, sed præmium accidentale.

CORRUPTORIUM.

AD hoc nec auctoritatem, nec rationem inducit. Hæc fuit opinio, seu error Iovi-

Ioviniani, sicut Hieronymus dicit in libro contra Iovinianum, dicēs sic: Si mihi opponis, quare justus laborat in pace, aut persecuticne, si nullos perfectus, aut maiora prēmia sciat hic eum facere? Non ut plus quidem mereatur, sed ne perdat quod accepit. Hoc Beatus Hieronymus reputat errorē; & probat eodem lib. per parabolam de decem talentis.

Præterea: certum est, quod habitus ordinantur ad actum, ut ad finem, & dantur propter actum, ut patet per primum, & decimum Ethicorum cap. 1. primo mag. mor. c. 1. Finis autem est melior eo, quod est ad finem. Quod autem est melius, Deus plus diligit, & acceptat. Et quod Deus plus diligit & acceptat, plus remunerat, ergo plus remuneraret propter actum charitatis, quàm propter habitum, non autem plus remuneraret, si habitui charitatis responderet prēmium essentiale, actui verò accidentale; ergo habitui charitatis non solum respondet prēmium essentiale, sed & actui ejus, immo magis quàm habitui.

Præterea: Sacra Scriptura, non habitui, sed magis operi attribuit prēmia, quod non faceret, nisi magis prēmium deberetur operi, quàm habitui. Vnde Ps. 61. Tu reddes unicuique secundum opera sua. Et Matthæi 22. Voca operarios, & redde illis mercedem. Hæc sunt verba eorum; quibus quædam verba addunt, quæ non potui intelligere propter corruptionem exemplaris, ideo non plus scripsi.

Responsio ad hæc secundum Thomam.

SI attendissent, quod Thomas loquitur ibidem de opere exteriori, & non de actu interiori, ab impugnatione ista cessassent hac vice. Quod enim Hierony. dicit esse erroneū, ab isto Thomæ est omnino diversum. Non enim ponit Thomas, quod homo non mereretur laborando, quod dicit Hieronymus esse erroneum; sed intendit, quod charitati, & ejus actui interiori debetur prēmium essentiale, unde qui plus habent de charitate, & ejus actu interiori, plus habebunt de prēmio essentiali; quàm illi, plus qui laboraverunt, & plura opera exercuerunt ex minori charitate, aliquod tamen gaudiū accidentale habebunt hi, quod non illi. Ex his patet responsio ad secundum. Proccedit enim ex falso intellectu, ac si Thomas dixisset, quod prēmium essentiale correspondet habitui charitatis, soli circumscri-

pto actu ejus interiori, quod falsum est.

Ad tertium dicendum, quod Scriptura attribuit prēmia operibus, quia sunt signa actus, & habitus charitatis interioris, cui debetur prēmium essentiale. Operibus verò ipsis exterioribus debetur prēmium actuale, ut dictum est.

ARTICVLVS XXXX.

ITEM quest. 104. art. 4. in responsione principali dicit, quod nihil omnino in nihilum redigitur.

CORRVPTORIUM.

HOC videtur error, quia gratia faciens ipsa peccante penitus esse desinit; vel simul est cum peccato mortali, quod est penitus erroneum. Hoc etiam est contra Augustinum in pluribus locis, utpote in undecimo de Trinitate, manifestè enim insinuat, quod species in memoria totaliter deleri potest per oblivionē, hoc idē videtur de lumine in medio. Præterea: Philosophus de somno, & vigilia ponit experimentum. Ex quo videtur, quod signum, vel species alicujus rei splendide, recepta in oculo corrumpitur in nihil. Dicit enim: Si aliquis multo tempore respiciat aliquem colorem album vel alium valde splendidum, & demum claudat oculos, accidit visum videre talem colorem, qualem primò vidit: deinde mutatur in puniceum, deinde in purpureum, deinde in nigrum, donec evanescat. Idem experimentum ponit Augustinus 11. de Trinitate cap. 2. sub his verbis, Plerumque cum diuiculè attenderimus quæque luminaria, & inde oculos clausserimus, quæ versantur in conspectu quidam lucidi colores variè sese commutantes, & minus, minusque fulgentes, donec omnino desistant. Nota quod dicit omnino desistant esse.

Responsio ad hæc secundum Thomam.

AD omnia ista patet solutio ex his quæ Thomas dicit in solutione tertij argumenti articuli istius: Accidentia enim cujusmodi sunt omnia, quæ isti enumerant, non sunt entia completa, cum non subsistant, sed quodlibet eorum est aliquod entis. Sic enim

enim oculus dicitur ens quia eo aliquid est. Unde licet aliqua huiusmodi accidentia penitus evanescant, non tamen debet dici simpliciter, quod aliquod ens in nihilum redigatur, & tamen, prout subdit, consequenter eo modo, quo sunt, non omnino in nihilum rediguntur, non quia aliqua pars eorum remaneat, sed quia remanent in potentia materiae, vel subiecti. Per hoc patet responsio ad objecta, sicut patet intuiti.

ARTICVLVS XXXXI.

ITEM quest. 106. art. ultimo in responsione principali dicit: Quidquid superiores Angeli, qui sunt in plenissima participatione bonitatis Divinae, à Deo recipiunt, subiectis impartiuntur.

CORRUPTORIUM.

HOC est contra Isaiam 63. Quis est iste qui venit de Edom &c. usque Bosra. Gloss. interlinearis. Dicitur hoc in persona Angelorum, tanquam mysterium incarnationis ignorantium, qui secundum aliam Glossam, hoc requirebant ab alijs Angelis, qui hoc etiam ante incarnationem sciebant. Non ergo revelaverant hoc alijs.

Item Eph. 3. Data est mihi gratia illuminare omnes, quæ sit dispensatio Sacramenti absconditi à seculis, ut innotescat in caelestibus per Ecclesiam multiformis sapientia Dei. Gloss. Per hoc attribuit aliquid Angelis, qui multa secreta in his didicerunt. Alia autem Glossa ibi dicit, quod Angeli hæc secreta incarnationis cognoverunt. Et alia Glossa concordat. Ergo (inquit) quæ dicta sunt illis Angelis, qui maioris dignitatis sunt, & per quos nuntiata sunt, cognita fuerunt ex parte, utpote familiaribus, & nuntijs; non illis Angelis, qui minoris dignitatis erant, cognita fuerunt. Ex quo patet, quod superiores non omnia, quæ à Deo percipiunt, inferioribus impartiuntur, quia hæc per experientiam postea didicerunt, & addiscunt.

Item in commento supra septimo cap. caele. Hierarchie dicitur: Salvatore secundum carnem acceptam, ascendente in caelis, quibusdam Angelorum humanitatis eius exaltationem, adhuc ignorantibus, & dicentibus: Quis est iste Rex gloriæ? Ab alijs amplius illuminatis dictum est, Dominus virtutum, ipse est Rex gloriæ.

Item ibidem Hugo dicit super quinto cap. Su-

periores omnem illuminationem, & virtutem inferiorum habent: sed inferiores superiorum ordinum illuminationes, & virtutes non habent. Et sequitur: Omnes illuminationes intelligimus in cognitione veritatis, virtutes autem in amore bonitatis, & perfectione operis.

Ratio verò suæ positionis est, quod de ratione boni est, quod communicet se alijs, & inde est, quod agentia naturalia, siue corporalia similitudinem suam alijs tradunt, quantum possibile est: quanto ergo aliqua agentia in participatione Divinae bonitatis plus constituuntur, tanto magis suas perfectiones in alios transfundere nituntur, & ideo Angeli Superiores &c. Responsio: Non est simile; quia agens corporale agit communicando suam bonitatem, vel suam similitudinem per naturam necessitatem; Angelus autem communicat suam perfectionem per voluntatem, & ideo non communicat necessario totum, sed quantum vult, & decet alterum recipere; & quia decet superiores plura cognoscere, & posse, quam inferiores, ideo superiores non semper, quod à Deo recipiunt, inferioribus impartiuntur.

Responsio ad hæc secundum Thomam.

QVIA Angeli superiores, ea quæ à Deo percipiunt, inferioribus impartiuntur, probat Thomas per auctoritatem Gregorij, & Dionysij. Et ad argumenta ista de Angelis, qui dicuntur ignorasse mysterium incarnationis, respondetur per hoc, quod dicit in responsione secundi argumenti istius articuli, quia non est intelligendum (ut ipse dicit ibidem) quod Angeli inferiores penitus ignoraverunt mysterium incarnationis: sed quia non ita plenè cognoverunt, sicut superiores: & ideo in ejus cognitione postmodum profecerunt, dum illud mysterium impleveretur. Sic ergo habent intelligi istæ Glossæ, & hoc quod adducunt primo de Hugone.

Quod verò adducunt secundò de Hugone, pro Thoma facit: Dicit enim Thomas, quod superiores Angeli habent nobiliori modo in se, quod communicant inferioribus minus perfecte illa eadem participantibus; & ponit exemplum de scientia magistri, quæ nobiliori modo est in ipso, quam in discipulo, cui eandem scientiam communicat.

Quod tandem dicit ad rationem Thomæ non multum valet; quia decet, quod superiores

riores Angeli perfectiones suas inferioribus communicant secundum gradum capacitatis eorundem; unde superiores hoc volunt & faciunt. Et ideo rectè dicit Thomas, *Quod superiores ea, quæ à Deo percipiunt, inferioribus impartiuntur.*

ARTICVLVS XXXXII.



ITEM q. 107. art. 4. disputat: utrum distantia localis aliquid operetur in locutione Angeli? Et in responsione principali ita dicit: Locutio Angeli in intellectuali opere consistit. Intellectualis autem operatio Angeli

omnino abstracta est à loco, & tempore: nam etiam nostra intellectualis operatio est per abstractionem ab his, & nunc, nisi per accidens ex parte phantasmatum, quæ in Angelis nulla sunt. In eo autem, quod omnino abstractum est à loco, & tempore, nihil operatur nec temporis diversitas, nec loci distantia. Vnde in locutione Angeli nullum impedimentum facit distantia loci.

CORRVPTORIUM.

Prinipale, quod hic intendit, scilicet quod in locutione Angeli nullum impedimentum facit distantia loci, credimus esse falsum. Alia duo, quibus hæc confirmat, vel sunt falsa, vel eo modo, quo veritatem habent, non inferunt propositum suum. Vnum illorum est, quod locutio Angeli consistit in intellectuali operatione. Aliud autem, quod intellectualis operatio Angeli omnino abstracta est à loco, & tempore. Quod autem distantia loci impediat locutionem Angeli, pater, prima ad Corinth. 13. Si linguis hominum loquar. Glos. Angeli præpositi significant minoribus, quod de Dei voluntate primum sentiunt, quod sit quibusdam motibus, aut signis. Isti nutus, aut signa non sunt ipsamet conceptio Angeli, propter quam apprehendendam sunt, quia nihil est signum sui ipsius. Isti etiam nutus non sunt desiderium Angeli, quo desiderat, ut alius percipiat cogitatum suum; quia signa, & nutus sunt manifestiora, quàm illud, propter quod perspicendum sunt. Desiderium autem æque, vel magis est occultum, quàm ipsa cogitatio, ergo oportet,

quod nutus, & signa sint operationes exteriorius protensa ad alium; sed omnes tales operationes impedire potest distantia loci; ergo locutionem Angeli impedire potest loci distantia.

Præterea: Augustinus in libro de cura pro mortuis agenda: Possunt, inquit, & ab Angelis, qui rebus, quæ hic aguntur, præsto sunt, audire aliqui mortui, quod unumquemque illorum audire debere iudicat, cui cuncta subiecta sunt. Nisi enim possent Angeli interesse vivorum & mortuorum locis, non dixisset Dominus Iesus. Contigit autem mori inopem illum, & ferri ab Angelis in sinum Abrahe. Luc. 6. igitur & nunc esse poterunt. Ex his verbis Augustini patet, quod localis distantia impedit locutionem Angeli ad mortuos; alioquin frustra transirent de loco istorum ad illos, renuntiaturi quæ vidissent apud istos. Qua ratione autem potest distantia localis impedire locutionem ad homines mortuos, pari ratione ad Angelos, quibus pares sunt.

Illud verò, quod primò dicit ad huius confirmationem, scilicet quod locutio Angeli consistit in intellectuali operatione, dupliciter intelligi potest, cum præcisione, vel sine: si intelligatur cum præcisione, scilicet quod locutio Angeli nihil aliud sit, quàm intellectualis operatio, scilicet cogitatio sola, vel cogitatio cum desiderio, ut alius apprehendat suam cogitationem; dicimus, quod falsum est, sicut supra ostensum est, quod illi nutus, vel signa, quibus mediante sit locutio Angeli, aliud sunt, quàm ipsa cogitatio, vel desiderium. Si autem intelligatur sine præcisione, scilicet quod locutio Angeli consistat in intellectuali operatione, & etiam in alia operatione protensa exteriorius ad aliud per signum, tunc credimus, quod verum dicat, & sic ex tali intellectu non sequitur conclusio, quam intendit, scilicet quod in locutione Angeli non impediat distantia localis. Operatio enim exteriorius protensa per distantiam potest impediri.

Ad secundum, quod dicit, quod intellectualis operatio Angeli omnino abstracta est à loco & tempore, multipliciter potest intelligi; si intelligatur, quod ipsa essentia operationis Angelicæ non sit in loco vel tempore, sed præter utrumque, dicimus, quod falsum est. Ex quo enim substantia Angeli diffinitivè est hic, necesse est, quod ejus operationes secundum id quod sunt, diffiniant locum & tempus; alioquin operatio esset nobilior, quàm substantia, cuius est

est operatio, quod est impossibile. Si verò intelligatur, quod operatio Angeli est respectu objecti abstracti ab hic, & nunc; dicimus, quod est, ut sic, & est ut non. Constat enim, quod Angeli intelligunt singularia, quæ sunt hic, & nunc, verbi gratia, quos custodiunt, & eorum operationes, circumstantias operationum, quæ omnia singularia sunt hic, & nunc: Angeli etiam intelligunt abstracta ab hic, & nunc, sicut Deum, & universalias & ideo non sequitur ex hoc propositum

Ratio, quam ponit ad hoc, est talis; *Lucæ 16.* dicitur, quod dives in inferno positus loquebatur Abraham non impediente loci distantia; ergo multò fortius localis distantia non potest impedire locutionem Angeli unius ad alterum.

Ad hoc potest dici, quod locus quietis Abraham, & Lazari pro tempore illo fuit in inferiori margine inferni, & habebant aliquam claram lucem sine omni pœna materiali, sicut dicit *Magister in historiis*, unde secundum hoc fortè non fuit distantia inter Abraham, & divitem, quia posset unus alteri loqui.

Responsio ad hæc secundum Thomam.

Ista objecta procedunt ex quodam falso, scilicet quod Angeli intelligant per novam specierum receptionem, & sic à rebus illis sensibilibus, quas intelligant, & non per species intelligibiles à Divino lumine sibi impressas, vel in eorum intellectu secundum naturæ suæ capacitatem à principio suæ creationis derivatas per ipsius lucis incommutabilis participationem naturæ singulorum congruentem; cuius oppositum in multis locis *Thomas* declarat, sicut patet suprà in responsione articuli 38.

Ad primum ergo, quod obijciunt, dicendum, quod nutus, vel signa, de quibus illa *Glossa* loquitur, non sunt operationes protensæ in alterum protensione materiali diffusa, vel expansa localiter, quæ per consequens distantia locali posset impediri, prout illi imaginantur, & falsò; sed possunt dici uno modo ipsi conceptus Angeli loquentis ordinati ad alterum, cui loquitur: habet enim quilibet Angelus species sibi inditas à primo lumine, per quas potest cognoscere quoscunque conceptus alterius ordinatos per voluntatem alterius ad ipsum. Et quod dicunt, quod nihil est si-

gnum sui ipsius, sumpto signo pro indicamento, vel manifestativo principio, negandum est tanquam falsum, & contra *Sanctos Augustinum & Anselmum*, quorum sententia est, quod verbum non solum est indicativum eorum, quæ dicuntur per verbum, sed & sui ipsius quodammodo per prius. Similiter patet de verbo vocali, quod indicat alia indicando seipsum: conceptus ergo Angeli, in quantum seipsum indicant, & manifestant, illis, ad quos ordinantur, possunt dici signa, vel nutus semetipsa notificantia. Vel potius dici potest, quod ipsi conceptus Angeli in alterum ordinati sunt signa, vel nutus suorum inmet conceptum, vel permanentium in concipiente, circumscripta huiusmodi ordinatione; & ita non sub eadem ratione dicuntur signa, & signata, & redit in idem, quod prius realiter.

Aliter videtur *Thom.* dicere super 2. *sentent. dist. 11.* quod aliqua naturaliter cognita ab Angelo, cui fit conjuncta locutio ab Angelo loquente cum conceptibus ipsius loquentis, fiant signa vel nutus eorundem, per quæ conceptus illi notificantur Angelo illi, cui fit locutio. Sed primum, quod hic dicit *Thom. in 1. part. q. 107. art. 1.* magis intelligo: nō enim video ad quid requiratur talis cōjunctio conceptuū cū illis naturaliter cognitis, cum conceptus illi fiant actu intelligibiles ab illo Angelo, in quem ordinantur, & hoc ratione illius ordinationis, sicut alia naturaliter entia sunt actu intelligibilia ab eodem eo ipso, quod sint in ordine naturæ actum habentia, præcipuè cum de ratione verbi sit, quod semetipsum notificet, sicut dictum est, & ex voluntate loquentis dependet, quod verbum mentale ordinem habeat sive ad ipsum loquentem, sive ad alterum. Et hinc est, quod Angelus loquitur sibi, & alteri quando vult, & non aliter.

Ad secundum dicendum, quod *August.* intendit dicere, quod ea, quæ hic fiunt, animabus alibi existentibus nuntiantur per Angelos, qui hinc inde transeunt; non quod transitus localis sit necessarius ad hoc, quod creatura intellectuales suos conceptus mutuò manifestent: sed quia congruum est quod illi Angeli, potissimè animabus alibi existentibus, de his, quæ hic aguntur, nuntient, qui mittuntur ad hoc, quod circa ista loca pro ipsis, & nobis operentur aliqua illis & nobis convenientia; verbi gratia; Si Angelus, qui

mittitur huc ad operandum aliquid circa filium, si consequenter mittatur ad operandum aliquid circa animam patris, quæ detinetur, prout congruit, latis conveniens videtur, quod ille Angelus potius, quàm alius suos conceptus manifestet illi animæ nuntiando quæ hic aguntur, cum omnia secundum ordinem fiant in illis.

Quod verò supponunt tertio, à locutione Angelica non posse præscindi opera quædam, localiter præsentia, vel expansa ad circumstantes, procedit ex falso fundamento, & tanquam fallum, ac rationi dissonum, est interimendum, prout patet in responsione ad primum argumentum hujus articuli.

Quod verò dicunt quarto quod essentia Angeli, & similiter ejus operatio sint diffinitivè in loco, & similiter quod Angeli cognoscunt quædam quæ sunt in loco & tempore, veritatem habet, si intelligatur; nec est contra *Thomam*. Essentia enim Angeli non sic est in loco, ut à loco contenta, vel circumscripita dependeat; tunc enim esset in loco circumscripтивè, sed quia circa talem, & non alium aliquid operatur; sed aliquid influit eidem, ratione cujus dicitur esse in loco diffinitivè, quia natura summa regit infima per media secundum doctrinam *Beati Dionysij*. Hinc est, quod Angeli essentia semper alicubi est ponenda, non propter sui indigentiam, qua locum requirat, sed eò quod in loco aliquo semper aliquid operetur, vel aliquid, quodcumque sit illud, illo loco locatis ibidem influat: sic quoque cognoscit Angelus ea, quæ sunt in loco & tempore, ut nihil ab ipsis recipiat; sed per species à Divino lumine sibi impressas in principio suæ creationis omnia ista cognoscit, ut patuit supra; unde nulla conditio loci, nec temporis poterit aliquo modo impedire operationem intellectualem in Angelis.

Quod verò dicunt quinto, quod non fuit tanta distantia inter sinum Abrahamæ, & infernum, quæ posset impedire locutionem mutuam illarum animarum divitis, & Abrahamæ, pro *Thoma* est: quia, ut dictum est, nec illa distantia, nec alia quantacunque potest locutionem Angelorum impedire.



ARTICVLVS XXXIII.

ITEM quest. 108. artic. 3. in responsione primi argumenti dicit, quod omnes Angeli sunt inæquales.

CORRVPTORIUM.

HOC non reprehendimus, ut erroneum; tamen contrarium videtur magis probabile, scilicet quod aliqui Angeli sint adinvicem æquales, & ad hoc movere potest hoc, quod firmiter tenemus, scilicet quod homines possint esse æquales Angelis, alioquin non posset ruina Angelorum per homines reparari.

Præterea: homines possunt æquales sibi invicem fieri, alioquin non posset unus sortiri coronam alterius, sicut habetur *Apocalypsis 2. Tene, quod habes, ne alius accipiat coronam tuam*: Ergo si homines possunt esse æquales Angelis, & sibi invicem, probabile est per simile, quod etiam Angeli possunt esse æquales sibi invicem.

Præterea: *Philosophus 8. Ethicorum*, & *Commentator ibidem* dicunt: Oportet veros amicos æquales esse ad invicem. Non enim vult amicitia esse in abundantia alterius. Hæc *Commentator*; si ergo ibi est verissima amicitia, non est probabile, quod ibi sit omnimoda inæqualitas. Item *Augustinus in lib. de quantitate animæ*, ita dicit, *Æqualitatem inæqualitatis jure præponis, nec quisquam est (ut opinor) humano spiritu præditus, cui hæc non videantur*. Ergo si in illis beatis ordinibus ponendum est quod melius est, est magis ponenda æqualitas, quàm inæqualitas.

Responsio ad hæc secundum *Thomam*.

SVpposito, quod Angeli sunt formæ simplices, & per consequens solum formaliter secundum gradum naturæ differentes, manifestum est, quod duo Angeli non possunt in eodem naturæ gradu inveniri; unde cum uterentur omnes dono naturæ secundum totum conatum simul, manifestum est, quod receperunt donum gratiæ, & gloriæ, secundum differentem gradum naturæ suæ, ex quo consequens est, quod

quòd Angeli omnes in natura, gratia, & gloria sunt inæquales.

A

ARTICVLVS XXXIV.

Ad primum ergo in contrarium dicendum, quòd non est simile de Angelis, & hominibus: omnes enim Angeli secundum totum conatum naturæ per gratiam informatæ actum meritorium unum exercebant, propter quod secundum diversum gradum naturæ diversum gradum gloriæ recipiebant, & per consequens, ut prius inæquales in natura, sic postmodum inæquales in gloria permanebunt. Homines verò non sic simul, & secundum totum conatum exercent actum meritorium; sed partialiter, & successivè, & ita per consequens, illi, qui habent minus de gratia, possunt per frequentem actum, vel unum actum meritorium intensum augmentum gratiæ promereri, & sic tandem non solum hominibus bonis, verum etiam Angelis, quoad hoc poterunt æquari, ut æqualem cum ipsis gloriam consequantur: unde dissimilitudo invenitur inter homines, & Angelos penes hoc, quod ad æqualitatem, vel inæqualitatem facit per se: & ratio illa, quæ innititur similitudini, quantum ad hoc non valet, sicut patet cuilibet intelligenti.

Ad secundum dicendum; quòd æqualitas, quæ requiritur ad amicitiam veram, non est dicenda semper æqualitas quantitatis, sed proportionis, alioquin non posset esse vera amicitia inter aliquos, nisi essent omnino pares, ad minus, quoad magnitudinem virtutis, quæ per se facit ad amicitiam veram, sicut patet per Philosophum, & per consequens Petrus, & Linus non essent verè amici, cum non sint gratia æquales, & gloriæ: quod qui pertinaciter voluerit asserere, non immerito hæreticus, & non solum erroneus poterit appellari.

Per hoc idem patet ad tertium, æqualitas enim quantitatis non est illa æqualitas, quæ universaliter præponitur inæqualitati secundum Augustinum: sed æqualitas proportionis, quæ summa invenitur in Angelis, in quibus secundum proportionem in diverso gradu naturæ, diversus invenitur gradus gratiæ, & gloriæ: ex his patet, quòd ista objecta non procedunt.

(¶)



TEM quest. 108. artic. 3. in responsione tertij argumenti dicit: Quòd Angeli, qui sunt in terminis duorum ordinum, magis secum conveniunt secundum propinquitatem naturæ, quam unus eorum cum aliquibus aliis sui ordinis,

minus autem secundum idoneitatem ad similia officia.

Item eadem questione articulo 5. in responsione principali repetit, quòd iam supra dictum est, quòd Angelis data sunt dona gratuita secundum capacitatem suorum naturalium.

CORRUPTORIUM.

Contra istud dictum est supra art. 11, de primo verò non dicimus, quòd sit error, sed putamus, quòd sit falsum: credimus enim, quòd omnes Angeli sint unius speciei, sicut ostensum est supra per auctoritatem Ioannis Damasceni, quam pro parte repetimus, dicit enim in logica sua cap. 36. Gabriel cum Dei Genitrice disputans, unus Angelorum existens illic præsens, disputavit separatus à consubstantialibus. Hæc Damascenus: Ergo si Angeli sunt consubstantiales, sunt ejusdem speciei: res enim diversarum specierum non dicimus consubstantiales.

Item eodem lib. cap. 11. ita dicit, quòd maiores Philosophi naturam vocaverunt species specialissimas, ut Angelum, hominem, & equum: & supra cap. 4. ita dicit: Sancti autem patres dimittentes multas contentiosas garrulitates, commune quidem & de multis dictum, specialissimam substantiam, & naturam, & formam vocaverunt, ut Angelum, hominem, equum & similia. Ex quibus patet secundum ipsum, tam secundum Philosophum, quam secundum Sanctos, quòd Angelus est nomen speciei specialissimæ.

Præterea: ex dictis duobus, scilicet quòd Angeli vicini in terminis duorum ordinum magis conveniunt secundum propinquitatem naturæ: & aliud quod dixerat, scilicet quòd Angelis data fuit gratia, & dona gratuita secundum capacitatem suorum naturalium, sequitur, quòd Angeli, vici,

vicinantes in terminis duorum ordinum, cum magis conveniunt in naturalibus, magis convenient in gratuitis. Et constat, quod Angeli, qui magis conveniunt in naturalibus, & gratuitis, magis conveniunt in idoneitate similium officiorum; & qui in istis conveniunt, magis conveniunt in ordine: ergo de necessitate sequetur ex prædictis, quod Angeli vicinantes in terminis duorum ordinum, magis conveniunt in idoneitate similium officiorum, & etiam magis conveniunt in ordine, quod constat esse falsum.

Responsio ad hæc secundum Thomam.

QUOD dicunt supra esse reprobatur, scilicet, quod Angeli receperunt dona naturalia secundum capacitatem suorum naturalium, est ibidem rationabiliter in responsione illius articuli declaratum.

Primum verò hic propositum non oportet, quod putent esse falsum: auctoritates autem *Damasc.* supra expositæ sunt in responsione articuli undecimi. Vnde patet ex dictis ibidem, quod omnes Angeli non sunt ejusdem speciei, licet quilibet in una specie specialissima inveniatur, ita tamen quod in illis non est, nisi unum individuum unius speciei: per hoc patet responsio ad primum & secundum, quæ tamen non videntur multum ad propositum. Quamvis enim omnes Angeli essent ejusdem speciei, adhuc rationabiliter dici debet, quod vicinantes sibi in terminis duorum ordinum magis communiceant quoad aliquid, quoniam in quolibet ordine inveniuntur supremi, medij, & infimi; & etiam in supremis, vel inter supremos ejusdem ordinis sunt aliqui supremi, aliqui medij, aliqui infimi, & inter medios, & infimos, secundum *Dionys.* Cum ergo ille Angelus, qui est simpliciter in uno ordine infimus, per multos gradus distet ab eo, qui est supremus simpliciter in eodem ordine secundum multitudinem Angelorum in illo ordine existentium, & ab Angelo summo simpliciter in ordine inferiori sibi vicino non distet, nisi per gradum unum, manifestum est, quod multò fortius distet à supremo Angelo sui ordinis, quàm à supremo Angelo inferioris: ista verò distantia non attendenda est penes situm, cum non sint situales: in aliquo igitur alio, sive naturæ simplicitate, sive officiorum

idoneitate ponenda est ista propinquitas, vel distantia maior, vel minor: & hoc est verum, magis enim convenit infimus Angelus cum supremo sui ordinis, quoad officiorum similium idoneitatem, ratione cuius pertinent ad talem ordinem, licet minus conveniat cum eodem quoad naturæ simplicitatem.

Ad secundum igitur dicendum, quod licet Angeli vicini in terminis duorum ordinum plus conveniant quoad gradum naturæ, gratiæ, & gloriæ; non tamen sequitur, quod sint ejusdem ordinis: idoneitas enim illorum officiorum similium sic participatur ab infimo Angelo illius ordinis, quod non est nata participari ab aliquo inferiori Angelo modo simili: probatur, quod ille ordo in Angelo isto terminatur; natura verò, gratia, & gloria ab omnibus, licet secundum diversos gradus participatur: & per hoc patet responsio ad objecta.

ARTICVLVS XXXV.

ITEM quest. 114. artic. 6. in responsione principali dicit: Quod ens per accidens non habet causam, quia non est verè ens, quia non est unum.

CORRVPTORIUM.

HOC dicimus contra fidem, & contra Philosophiam: contra fidem, quia ex hoc sequitur, quod sit aliquid, imò quod sint plura, quæ nec sunt Deus, nec à Deo: constat enim, quod ens per accidens, non est Deus; constat etiam si ens per accidens non habet causam, non est à Deo, & ita omne ens per accidens, nec est Deus; nec à Deo, quod est impossibile.

Hoc etiam est contra Philosophiam. Dicit enim *Aristo.* 6. *Metaph. Text. comm.* 7. Causæ eorum, quæ sunt, aut erunt per se, aut per accidens. Et *Commentar.* dicit ibidem: Causæ eorum, quæ sunt per accidens, sunt entia per accidens, scilicet quæcumque causæ sunt, imò causæ infinite. Hæc *Commentator*

Præterea: utraque consequentia sui argumenti fallit: non enim sequitur, ens per accidens non est verè ens, ergo non habet causam, sed est fallacia consequentis. Alia etiam consequentia non valet: ens per accidens non est verè unum, ergo non est verè

re ens, quia verè ens dividitur in unum, & multa: & unum, quod convertitur cū ente, non est verè unum, sed est commune ad verè unum & multa.

Præterea: si quid quid non est unum, nō est verè ens, nec habet causam: cū mundus inter omnia entia sit minimè verè unus, & maximæ aggregationis ex multis in actu & potentia; sequeretur quod non esset verè ens, nec haberet causam, quæ sunt falsissima.

Responsio ad hæc secundum Thomam.

AD intelligendum qualiter ens per accidens non habet causam, sicut dicit hic Thomas, & accipitur à Philosopho 6. *Metaph. Tex. comm. 7.* Considerandum est, quod licet album habeat causam, & similiter musicum, tamen albū musicū, quod est ens per accidens, dicitur secundum Philosophum non habere causam; quia non est verè ens, nec verè unum quod habeat unam causam aliquam determinatam. Concursum enim illarum duarum causarum, quarum una est per se causa albi, alia per se causa musici, est accidentalis, & ideo effectus consequens, scilicet album musicum, non habet reduci in aliquam causam unam determinatam, ex qua talis sequatur effectus. Ex his patet ad objecta.

Ad primum ergo dicendum, quod procedit ex falso intellectu: non enim intendit Philosophus, vel Thomas, quod ens per accidens sit aliquid increatum (ut ipsi suspicantur) sed quod non habeat aliquam determinatam causam, sed plures, quarum concursus est accidentalis, vel præter intentionem agentis, sicut patet in casualibus, & fortuitis; secundum Philosophum, secundo *Physicorum Tex. comm. 50.*

Ad secundum dicendum, quod Thomas non habet negare, nec Philosophus, quin ens per accidens habeat causam. Concursum enim earum respectu alicujus effectus, qui est ens per accidens, accidentalis est, & hoc docet Thomas, & Philosophus similiter; unde quod adducunt de Philosopho, & Commentatore pro Thoma facit.

Quod vero dicunt tertio: quod ista consequentia fallit, ens per accidens non est verè ens, ergo non habet causam: procedit ex hoc, quod non attendebant qualiter ens per accidens dicitur nō habere causam, unam videlicet & determinatam.

Similiter quod dicunt, quod ista con-

sequentia fallit, non est verè unum, ergo nō est verè ens, ponentes quod unum, quod convertitur cum ente, non est verè unum, ex falso intellectu procedit. Idem enim est ponere, quod unum, quod convertitur cum ente, non est verè unum; & ponere quod ens non sit verè unum ens, & hoc est contradictoria esse simul, cum dispositio uniuscujusque in ente sit dispositio ejus in unitate secundum Philosophum. Sciendum est etiam, quod prout docet Thomas supra *quest. 11. art. 2. Ens dividitur per unum, & multa: & per unum simpliciter, & multa secundum quid.* Nulla enim privatio tollit totaliter esse, quia privatio est negatio in subjecto secundum Philosophum 4. *Meta. Tex. comm. 27.* sed tamen omnis privatio tollit aliquod esse. Et in ente ratione suæ communitatis accidit quod privatio entis fundetur in ente, quod nō accidit in privatione aliarum formarum specialium: & sicut est de ente, sic & de uno, & bono, quæ cōvertuntur cū ente: nam privatio boni fundatur in aliquo bono, secundum Augustinum in *Ench.* Et similiter remotio unitatis, sive multitudo fundatur in aliquo uno, secundum Dionysium 3. *cap. de Div. nom.* Et inde contingit, quod multitudo est quoddam unum; & malum est bonum quoddam; & non ens est quoddam ens: non tamen prædicatur oppositū de opposito, quia alterum est simpliciter, alterum secundum quid; ut quod est secundum quid, ut in potentia, non est simpliciter, id est actu: similiter quod unum est simpliciter, est multa secundum quid. Ex his patet, quod unum eodem modo se habet ad unum, & multa, sicut & ens: propter quod optimè sequitur, quod si aliquid non sit verè unum, non sit verè ens: eodem modo deficiet ab entitate, quo deficiet ab unitate, loquendo de uno quod convertitur cum ente, de quo loquitur Thomas in proposito.

Ad quartum dicendum: quod multa, immò omnia, quæ sunt in universo sive mundo hoc, habent causas determinatas, inter quas est ordo essentialis, ac dependentia, cū omnes causæ secundæ à causa prima dependeant: unde concursus earum nō est accidentalis, vel non intentus ab ipsis causis, propter quod effectus consequens, scilicet mundus, non est ens per accidens carens causa determinata, cū aliqua ejus partes immediate à causa prima producantur, & alia omnia, quæ sunt in mundo, etiam ab eodem sunt per causas secundas ab ipso

ipso ordinatas, ita tamen quod ipse sit semper plus influens. Concurfus vero causarum, ad quem consequitur effectus, qui dicitur ens per accidens, quamvis non accidat præter intentionem Dei omnia disponentis; accidentalis tamen est in se consideratus vel præter intentionem agentis particularis secundum naturam, vel etiam secundum propositum, propter quod huiusmodi effectus dicitur ens per accidens, vel fortuitus, vel casualis, non habens unam causam determinatam, ut dictum est.

ARTICVLVS XXXXVI.

ITEM quest. 115. art. 1. in responsione principali dicit; quod omnes humani intellectus sunt unius gradus in ordine naturæ.

CORRPTORIVM.

Si nomen naturæ intelligat speciem, vel specificam differentiam, sic verum dicit secundum Damascenum in logica sua cap. 11. & secundum Boetium in lib. de duabus naturis, & una persona Christi, ubi dicit: Quod natura uno modo idem est, quod unamquamque rem informans specifica differentia: sic enim accepta natura non recipit magis, & minus: sed hoc modo non videtur intelligere, sicut patet ibidem intuenti. Alio modo accipitur natura pro naturali proprietate, vel virtute, prout dicit Philosophus 2. Physicorum Tex. comm. 2. Quod naturas cognoscere possibile est, si quis concedat transmutari corpus; & hoc modo videtur ibi loqui, nam præmisit, quod Angeli aliqua virtute activa, quasi superioris naturæ confortant intellectum hominis addiscentis, non sic homo; quia omnes humani intellectus sunt unius gradus in ordine naturæ, & sub hoc sensu falsum est quod dicit. Nam una anima aliam excedit proprietate, dignitate, & virtute naturali: aliàs anima Christi non esset nobilior alijs animabus, nec unus intellectus nobilior, quàm alius, quod tanquam erroneum est nuper damnatum Parisijs sub his verbis: Inconueniens est ponere aliquos intellectus non nobiliores alijs. Et est error 33. cap. 8. de Anima, vel intellectu. Quod patet, quia natura hoc modo sumpta recipit magis, & minus.

Responsio ad hæc secundum Thomam.

AD dissolutionem eorum, quæ hic obijciunt contra Thomam, Sciendum, quod sicut natura specifica non recipit magis & minus, prout isti fatentur; sic nec proprietates naturalis consequens speciem, sicut patet de homine, & risibili. Et isto modo intendit Thomas, quod omnes humani intellectus sunt ejusdem gradus in ordine naturæ, quod patet per hoc, quod intellectus Angelicus, quæ dicit esse superioris naturæ, differt specie ab intellectu humano, & ideo ipsum excedit in natura & virtute activa naturali specie consequenti; ergo licet unus intellectus humanus alterum in multis excedat, sive propter meliorem corporis dispositionem, sive propter meliora dona gratuita, propter quæ virtutes naturales nobilitantur; unde in virtute naturali anima Christi non solum alias animas, sed etiã omnes alias creaturas in nobilitate & perfectione excedit; propter quod erroneum fuit ponere omnes intellectus humanos ejusdem nobilitatis penitus, & nullum alio nobiliorem: quod non immerito damnatum est Parisijs; tamen omnes intellectus humani sunt unius speciei, & per consequens ejusdem gradus in ordine naturæ, quantum ad virtutes, & proprietates speciem consequentes, si considerentur in sua natura sola abstracta, & hoc, ut dictum est, & non aliud, intendit Thomas.

ARTICVLVS XXXXVII.

ITEM quest. 118. art. 3. in responsione secundi argumenti dicit; quod additio ad formam substantialem mutat speciem.

CORRPTORIVM.

Si intelligatur de additione perfectionis substantialis, quæ ab aliquibus vocatur perfectio prima, quæ etiam mutat definitionem, verum est secundum Philosophum 4. Metaphy. Tex. com. 2. Si intelligatur de additione perfectionis accidentalis, vel de additione per intensionem proprietatis virtutum naturalium, quæ vocatur aliquando perfectio secunda, ac posterior, falsum est &

videtur vicinum illi errori, qui ponit omnes intellectus humanos naturaliter æquales esse, nec unum esse alio nobiliorem.

Responsio ad hæc secundum Thomam.

Manifestum est cuilibet intuenti, quod Thomas intelligit primo modo, & non secundo modo, qualiter tamen debet dici, quod intellectus humani sint æquales, & qualiter non patuit supra articulo proximo.

ARTICVLVS XXXVIII.

ITEM ibidem ponit, quod tantum est una forma substantialis in homine, & in quolibet composito.

CORRUPTORIUM.

HOC superius art. 31 improbatum est, ut erroneum.

Responsio ad hæc secundum Thomam.

Superius utrumque declaratum est; quod nullus error in fide, vel Philosophia sequitur ex dicta opinione de unitate formæ substantialis in eodem: hic igitur ponentur aliquæ persuasiones, quibus videtur aliquibus necessario concludi, quod omnino est impossibile oppositum intelligere.

Quod sic probant: Dux formæ ejusdem rationis nullo modo possunt eidem subjecto, vel susceptibili simul inesse; sed omnes formæ substantiales materiales sunt unius rationis; ergo nullo modo hujusmodi dux formæ poterunt eidem simul inesse. Maior patet tam in formis, inter quas est contrarietas, quam in alijs inter quas nulla contrarietas invenitur. Sicut enim albedo & nigredo nullo modo possunt simul eidem inesse, cum sint formæ contrariæ unius rationis, secundum hoc quod utrumque est color: sic nec dux albe-

B. Egid. defens. Oper. D. Thom.

albedines, nec dux figuræ, quæ sunt formæ ejusdem rationis non contrariæ possunt eidem subjecto secundum idem simul inesse. Minor patet sic: Omnes illæ formæ sunt unius generis secundum Philosophum, inter quas cadit transmutatio per se, & non per accidens: sed hujusmodi sunt omnes materiales formæ. Videmus enim quod materia à forma una elementari, vel mixti, transmutatur ad aliam per se, & non per accidens, sicut quando ex aëre fit aqua, & ex vino acetum; ergo (ut videtur) hujusmodi dux formæ nullo modo poterunt simul inesse. Cum enim fit transmutatio aquæ per se, quando ex aqua alterata in stipite vitis fit vinum, sicut quando ex aëre alterato fit aqua; manifestum est, quod forma aquæ, & forma vini æquæ sunt unius generis physici secundum determinationem Philosophi, sicut forma aëris, & forma aquæ: ergo sicut illæ non compatiuntur se simul in eadem materia, sic nec illæ; & similis est ratio de omnibus formis, inter quas cadit transmutatio per se, & non per accidens.

Idem probat sic: Quod est per se terminus à quo alicujus transmutationis, impossibile est, quod compatiatur secum in eodem susceptivo illam formam, quæ est per se terminus ad quem transmutationis ejusdem: sed manifestum est, quod inter formas substantiales est transmutatio per se, & non per accidens, non solum quando ex uno elemento fit aliud; sed etiam quando ex elemento, vel alimento fit mixtum; verbi gratia: Ex aqua fit vinum, vel aliud alimentum, & ex illo alimento semen, & ex semine sanguis, & ex sanguine embrio, & ex embrione equus, vel homo; ergo (ut videtur) impossibile est, quod in hujusmodi idem susceptivum, siue materia, simul maneat sub termino à quo, & sub termino ad quem. Sed in qualibet transmutatione predictarum, cum sint transmutationes per se, & non per accidens, semper terminus ad quem expellit terminum à quo, & per consequens ad unius formæ substantialis inductionem in hujusmodi, necesse est illam, quæ præfuit in eadem materia corrumpi; ita quod semper generatio unius, sit corruptio alterius, sicut docet Philosophus, 1. de generat. text. comm. 17.

Item omnis forma accidentalis tribuit suo susceptivo aliquod esse sui generis; puta, quantitas esse quantum, & qualitas esse quale, & ita de alijs: ergo eadem ratione,

ARTICVLVS XXXXVIII. CORRVPT.

immò multò fortius, omnis forma substantialis, de cuius ratione verius est, quòd sit principium essendi, dabit esse aliquod sui generis suo susceptivo, esse scilicet substantiale, quod est idem, quod per se subsistere. Sicut enim accidentis esse est inesse, ita esse substantiale, sive esse substantiæ est per se subsistere: 7. *Meta. tex. com. 1.* Si igitur due formæ substantiales essent in eadem materia, jam essent in illo composito duo subsistere, & per consequens duo substantia, ex quibus impossibile est fieri aliquod unum nisi per contactum, vel ligamentum, sicut dicit Commentator *comment. 8. super primo de Anima*, & ideò à ponentibus in homine plures animas, rectè quærebat Philosophus, quid contineret eas? Secundum Commentatorem ibidem.

Item, omnis forma adueniens alicui enti est extra ejus quidditatem, & per consequens erit accidentalis eidem; quia quidditas, vel essentia rei necessario præcedit ordine naturæ quodcumque esse ejusdē, sive illud esse dicatur accidentale substantiale cōpletū, vel incompletū: si ergo aliqua forma substantialis adveniat alicui cōposito habenti esse actuale per aliquā aliam formā substantialem præcedentem, illa forma adueniens consequitur esse talis compositi, quod est posterius, necesse est, quòd sequatur ipsius quidditatem, vel essentiam, quæ secundum naturam prior est, utpote participans tale esse, & sic erit extra essentiam talis compositi: cum enim esse sit extra essentiam vel quidditatem rei, & posterius ipsa, manifestum est, quòd illud, quod advenit post esse ejus, est forma adueniens composito præhabenti esse actu, & omnino extra quidditatem & essentiam talis compositi, & per consequens est forma accidentalis ejusdem, si tamen ipsum aliquo modo informet.

Item probat per Commentatorem *comm. 5. 2. de Anima*, qui ponit differentiam inter animam, & formam accidentalem in hoc, Quòd forma accidentalis quæcumque est in subiecto actu ente; anima vero est in subiecto, quod non habet esse, nisi per ipsam. Ex quo patet secundum ipsum, quod anima est forma substantialis. Vult enim ibidem: Quòd subiectum accidentis est compositum ex materia, & forma, quod indiget in suo esse accidente, subiectum autem formæ substantialis non habet esse actu, nisi per formam illam. Et parum post dicit, quòd formæ naturales sint substantiæ, quæ cum fuerint ablata, aufertur nomen; quod de-

Amonstrat eas secundum quòd est individuum substantia, & per consequens (ut videtur) impossibile est aliquod aliorum remanere, cum individuum substantiæ sit substantia prima. De primis enim substantiis dicit Philosophus in prædicamentis: destructis primis, &c. Et hoc est, quod dicit Commentator ipse ibidem: Consequenter, quia aufertur genus, & differentia, & nihil remanet. Hæc omnia dicit Commentator, ad ostendendum qualiter secundum 2. de Anima *Text. comm. 6.* Anima est actus primus corporis, ante quem non habet actum, vel formam priorem: Et ideò dicit Commentator ibidem 8. *Metaphys. Comment. 16.* quòd corpus non existit sine anima, quod esset manifestè falsum, si corpus mortuum, anima recedente, existeret idem quod prius.

Idem probant sic: Forma substantiali recedente, quod remanet non est ejusdem speciei, sicut patet de corpore vivo, & mortuo, sed quæ differunt specie differunt numero secundum Philosophum. Hoc autem non foret, si in corpore vivo essent plures formæ substantiales; tunc enim posset una & eadem numero remanere, alia recedente.

Ex his videtur, quòd in inanimatis, de quibus minus videtur, non potest poni, nisi una forma substantialis in eodem.

Idem probant per sententiam Philosophi, & Commentatoris 8. *Metaphysica*, qui sic ait: Omnis, qui ponit, quòd corpus, & anima sint duo diversa, convenit ei dicere, quid sit causa ligamenti anime cum corpore: Qui autem dicit, quòd anima est perfectio corporis, & corpus non præexistit sine anima, apud ipsum corpus & anima non erunt duo diversa in actu: nec accidit questio hic, quia anima cum corpore est unum, sicut & materia prima cum forma est unum. Ecce hic manifestè habetur, quòd sicut materia prima formæ unita nullam habet actū, nisi per ipsam, nec est aliquid aliud actu ab ipsa, cum sit forma ejus actus primus, & perfectio: similiter, & corpus anime unitum nullum habet actum, nisi ab ipsa, nec est aliquid aliud ab ipsa actus sed ipsa anima est ejus actus primus, & perfectio prima, quod non esset verum, si corpus constitueretur in esse corporeo per aliquam formam præcedentem animam.

Itud etiam probant per sententiam Philosophi, & Commentatoris 1. *Physicorum. Text. comm. 82.* ubi dicit Commentator: Quòd si materia haberet aliquam formam sibi propriam, nullam aliam reciperet ipsa manente. Et parum post

post dicit: Quòd si haberet aliquam formam, formæ essent accidentia: ista non sequerentur, si una forma substantialis manens in materia, posset supra se aliam recipere.

Idem probant per dictum Philosophi primo de Generatione, Text. comm. 24. ubi universaliter loquens de generatione, sicut patet ex hoc quòd reprehendit Platonem, quòd non est locutus, nisi de generatione simplicium, sic dicit: *Subiectum generationis non est quid, aut quantum, vel quale, sed solum hyle ens in potentia.* Et probat 5. Physicorum, Text. comm. 8. quòd generatio non est motus, quia scilicet huiusmodi ens in potentia nullo modo est mobile, prout patet ex verbis Philosophi, & Commentatoris ibidem; sed si anima, vel alia forma induceretur in materia prius informata forma substantiali precedente, & postmodum remanente in eadem materia, post inductionem formæ illius in ipsa materia, cum illa forma, quæ continuè maneret in ea, foret subiectum generationis, & cum ex materia, & ex forma tali necessario oporteat ponere quoddam compositum, quod est hoc aliquid, scilicet corpus, & per consequens quantum, & quale, & per consequens etiam mobile, non solum ens in potentia, sed etiam formam & actum habens, manifestum est, quòd omnia prædicta à Philosopho 5. Physicorum, & 1. de Generatione, Text. comm. 8. text. comm. 24. de subiecto generationis, scilicet quod non est quid, nec quantum, nec quale, nec per consequens mobile, sed solum hyle, & ens in potentia, falsa erunt.

Qualiter verò non oportet ponere plures formas substantiales in eodem, sic declarant, qui retinent opinionem prædictam: Universaliter videmus, quòd unam formam substantialem concomitantur, & sequuntur plures formæ accidentales, sicut patet in uno elemento simplici, ut in igne, vel aëre, in quo frustra fingerentur plures formæ substantiales, ubi multæ inveniuntur accidentales, utpote caliditas, raritas, levitas, & diaphaneitas, quod utique contingit, quia ad hoc, quòd aliqua forma substantialis in materia inducatur, necesse est, quòd per quasdam formas accidentales materia disponatur; verbi gratia, si in materia aëris induci debeat forma ignis, primò inducuntur in materia illæ formæ accidentales, ut raritas, & caliditas, & huiusmodi ad susceptionem formæ substantialis ipsius ignis disponentes, & in eodem instanti,

quo terminatur alteratio ad huiusmodi qualitates in summo, inducitur ipsa forma substantialis ignis, & est corruptio aëris, & quia formæ substantiales elementorum sunt imperfectissimæ: hinc est, quòd sunt totaliter materiæ immerse, & maxime materiales, in tantum quòd ipsas non consequitur aliqua virtus activa, vel proprietas, nisi illæ formæ accidentales, quæ erant dispositiones materiæ respectu earundem; verbi gratia, caliditas, raritas, & huiusmodi, quæ prius disponunt materiā aëris ad susceptionem formæ ignis in gradu incompleto, postea consequuntur ejus inductionem in gradu completo, & non aliæ: sicut verò in elementalī, qua una qualitas prima cōsequitur inductionem formæ elementī unius in corruptione formæ elementi alterius, ita ad inductionem formæ mixti sequitur quædam adæquatio secundum proportionem aliarum qualitatum, in cujus inductione necesse est formas elementorū corrumpi, quæ prius erant in materia illa secundum substantiam. Nec potest intelligi, quòd diversæ formæ elementares manent in eadem parte mixti ipsius, quantum impossibile est perfici simul diversis formis specificis, cuiusmodi sunt istæ formæ substantiales elementorum. Nec potest dici, quòd manent in diversis partibus materiæ ejusdem; tunc enim in mixto manerent elementa actu distincta: Nec esset per consequens mixtio, nisi quoad sensum forsan, & idè oportet dicere secundum Philosophum, quòd formæ substantiales elementorum non manent in mixto actu, sed virtute. Licet enim in inductione formæ substantialis ipsius mixti corrumpantur formæ substantiales elementorum, quia tamen quatuor qualitates eorundem aliquantulum adæquate consequuntur formam substantialem mixti, quæ quidem qualitates sunt virtutes activæ ipsorum, & quasi instrumenta formarum substantialium eorundem: hinc est, quòd elementa dicuntur manere in mixto virtute, & non actu secundum substantiam suam.

Ex his evidenter apparet, quòd in mixto non oportet ponere plures formas substantiales, sicut nec in uno simplici elemento, licet in mixto sint plures formæ accidentales, quàm in uno elemento: quoniam præter quatuor qualitates elementares, per quas disponitur materia ad susceptionem formæ mixti, & quæ ipsam consequuntur in quadam media proportionem,

consequitur ipsam formam mixti aliqua virtus activa propria, quæ dicitur virtus habens speciem: verbi gratia; virtus, quæ adamas trahit ferrum, & Sapphirus occidit anthracem, & huiusmodi, & sic patet qualiter forma mixti, quæ perfectior, & nobilior est, habet in se actualiter ipsas qualitates primas, quæ sunt virtutes propriæ elementorum, cum quadam virtute interiore sibi propria. Sicut enim naturali ordine ex elementis, quorum formæ inter formas substantiales sunt imperfectissimæ, & maximè materiales, ut prædictum est, generatur mixtum, cuius forma est perfectior, & propter hoc etiam virtuosior, continens in se virtualiter ipsas formas elementorum, & addens ulteriorem virtutem, & perfectionem; simili modo ex uno mixto minùs nobili, naturali ordine generatur mixtum nobilius, cuius forma non solum addit virtutem supra virtutes elementares, sed etiã supra virtutem mixti, ex quo generatur: verbi gratia; sicut lapides fiunt ex elementis tanquam ex propria materia, quorum formæ substantiales addunt virtutes speciales speciem consequentes supra virtutes elementorum; sic de lapidibus quibusdam fiunt diversa metalla, quasi ex materia propria, lapis quidem calore solutus in ære convertitur: & istæ formæ substantiales metaliorum non solum addunt supra virtutes elementorum in ipsis magis proportionatas, quàm in lapidibus, ex quibus generantur, sed etiam aliquam specialem virtutem ulteriorem supra virtutem ipsorum lapidum, ex quibus generantur; aurum enim habet virtutem mūdificativam, immò alias virtutes multas, quæ excedunt virtutes non solum elementorum; sed etiã illius mixti, quodcumque sit illud, ex quo aurum generatur; istud est magis evidens in alimento, quod vel fit ex elementis, cuius forma substantialis addit virtutem consequentem speciem supra virtutes elementares, ex quo quidem alimento sumpto ab animali generatur semen, cuius forma est nobilior, & addens ulteriorem virtutem, ex quo semine generatur sanguis, cuius forma est adhuc nobilior, & addens ulteriorem perfectionem, ex quo sanguine generatur embrio, cuius forma est nobilior, addens adhuc plures, & nobiliores virtutes, utpote generativam, & sensitivam: ex hoc tandem generatur homo, vel equus, cuius forma est nobilior, addens virtutem sensitivam perfectiorem, quoad

formam equi, simul cum hoc virtutem intellectivam, quoad formam hominis. Ex his patet, quòd corpora illa, quorum natura est imperfectior & ignobilior, sunt principia materialia, ex quibus fiunt corpora melioris naturæ, quæ habent in se virtutes illorum corporum, ex quibus fiunt, supra quas addunt virtutes & perfectiones ultérieures plures & perfectiores, vel pauciores secundum gradum perfectionis & nobilitatis suæ naturæ; in illis enim, in quibus ratione perfectionis suæ naturæ est nobilior, aut multiformior dispositio materiæ, plures ac nobiliores inveniuntur virtutes formam substantialem, materiam taliter dispositam perficientem, consequentes: verbi gratia; quia in aliquibus perfectis animalibus nobiliter, ac multiformiter disponitur materia ad illius formæ nobilis susceptionem, idcirco substantialem formam huiusmodi animalium perfectiorum multæ nobiles consequuntur virtutes, tam vegetativæ, quàm sensitivæ: & quòd omnes istæ virtutes possint consequi unam formam substantialem; sic declaratur. Manifestum est, quòd anima sensitiva est forma simplex existens in toto animali, & in qualibet ejus parte, & tamen ipsam cōsequuntur valdè multæ virtutes, quarū quædā sunt alijs nobiliores secundum nobiliorem dispositionem materiæ, vel minus nobile in partibus illius animalis: in illis enim partibus materiæ animalis, in quibus minus nobilis dispositio invenitur ad animā, illā partem materiæ perficientem non consequitur, nisi virtus sensitiva, scilicet tactus, minimæ nobilitatis: in alijs verò partibus nobiliori modo dispositis consequitur una cū virtute tactiva alia virtus ulterior, scilicet gustativa, visiva, auditiva, olfactiva, quæ differunt in gradu nobilitatis, secundum differentem dispositionem materiæ nobiliorem, vel minus nobilem; aliqua verò pars materiæ animalis tam nobilem habet dispositionem, quòd animam sensitivam perficientem illam partem materiæ, consequitur virtus sensitiva communis: aliæ etiam partes materiæ ejusdem adhuc nobiliorem habent dispositionem, ita ut ad animam sensitivam perficientem illas partes materiæ cōsequantur quædam virtutes, quæ dicuntur viribus sensitivis nobiliores & superiores, cuiusmodi sunt imaginativa & æstimatoria, quæ quamdam similitudinem habent cum potentia rationalis animæ. Ecce qualiter ad unam animam sensitivam, quæ est una for-

forma simplex, secundum quod perficit eandem materiam diversimodè in diversis partibus suis dispositam, tam diversæ consequuntur sensitivæ virtutes, quarum aliqua parum excedit virtutem vegetativam: verbi gratia tactus; & alia virtus, ut æstimatoria, præcipuè quæ percipit intentiones non sentatas, habet vicinitatem & similitudinem cum natura rationali. Similiter etiam est ponendum secundum sanctos, quod in homine non est nisi una forma simplex, ad quam consequuntur vires vegetativæ, & eatenus dicitur anima vegetativa; & omnes prædictæ virtutes sensitivæ, & eatenus dicitur anima sensitiva; & ulterius virtus intellectiva, & eatenus dicitur anima rationalis: istud tenendum est pro certo, quia huiusmodi oppositum recitatur ab *Augustino* inter errores, & meritò, quia si virtus vegetativa, & sensitiva non radicaretur in ipsa essentia animæ rationalis in homine, nec ipsam perficientem materiam corporis humani consequerentur; manifestum est, quod nulla virtus esset in humano corpore ratione intellectivæ anime sibi unitæ, ex quo posset concludi, quod non unitur corpori, ut forma, sed solum ut motor, quod est hæreticum; videmus enim, quod ad omnem formam perficientem materiam quamcumque consequitur aliqua virtus ex hoc ipso, quod materia à forma illa perficitur, sicut patet in omnibus inductivè. Nec potest fingi instantia nisi in proposito; & huiusmodi instantia, quoniam nulli innititur rationi, frivola est, & omninò vana: sed nulla ratio cogit ponere in homine tres animas; immò nec per consequens plures formas substantiales, & hoc patere potest ex dictis suprà in solutione artic. 31. & 33.

Tamen ne videar magnis hominibus, qui sunt contrariæ opinionis derogare, vel præsumptuosè non deferre, nihil assero, nec eorum opinionem contra fidem, vel Philosophiam esse dico: tamen hoc mihi videtur, quod aliqua errori propinqua videntur sequi ex illa opinione, quæ ponit plures formas substantiales in eodem individuo, præcipuè in Philosophia, cuius principia secundum doctrinam *Philosophi*, & *Commentatoris* falsificantur, si positio illa vera dicatur, quantum scio eam intelligere: & ecce coram Deo, quia non mentior, si scirem argumenta, quæ hoc ostendunt, dissolvere, ut quan-

doque credebam, responsionem per singula posuissem: sed sicut nihil pertinaciter affirmo, ne sim præsumptuosus, sic meâ recognoscens impotentiam, vel ignorantiam, nihil respondeo ad argumenta prædicta, ne ficta, & fatua dicere cogar, forsitan docebit nos respondere vel alius aliquis, cui Dominus istam veritatem lucidiùs voluerit revelare; ipse Dominus Noster Iesus Christus doceat nos, & in alijs articulis præactis veritatem investigatam intelligere, & intellectam docendo declarare ad ejus laudem, & honorem, cui est gloria per infinita sæculorum sæcula.

ABDITIO AD PRÆDICTA.

Benè notanda.

ARTICVLVS XXXXIX.




VI volunt rationes prædictas ad ea, quæ fidei sunt pertractare, invenient positionem de pluralitate formarum substantialium in eodem multò ampliùs, quàm illam de unitate fidei Christianæ repugnare, quod sic potest patere: si enim duæ formæ substantiales non compatiuntur se in eadem materia numero propter implicitam contradictionem, prout probant duæ rationes primæ; manifestum est, quod qui hoc supposito poneret in Corpore Christi aliquam formam substantialem aliam ab ejus anima, eo ipso necessario habet negare animam eidem corpori inesse, & per consequens illud Corpus assumptum à Verbo nunquam fuisse animatum, vel vivum, nec per consequens mortuum, nec solum illam mortem, sed mortis illius causam evacuarer.

Item hoc dicendo, eodemque posito, cogeretur ponere, quod anima intellectiva non unitur corpori aliam formam substantialem habenti, ut forma, & per consequens à corpore peccatum originale non contraheret, pro quo tamen delendo Christus mortuus est, & ad quod delendū sacramentum mortis suæ, scilicet principaliter, ordinatur. Hoc idem patet, si quæ liber


libet formā substantialis ponatur dare suo susceptivo aliquod esse sui generis, quod est per se subsistere, prout probat tertia ratio: sic enim necesse est positionem multarum formarum intelligere, quod corpus ante adventum animæ per se subsistat, & pari ratione, immò multò fortius, quod anima à Deo creata esse habeat ad minus priùs natura, quàm uniatur corpori; & ex hoc sequitur, ut videtur, quod ex tali corpore, & ex tali anima, cùm sint duo actu diversa cum suo esse diverso, & diversa per proprias formas seorsum subsistentia, nunquam fieri potest verè unum. Ex quo sequitur non solum, quod

anima intellectiva nihil à corpore; cui unita est ut forma, contrahat; immò quod ipsa eadem numero (prout finxit Averroes 3. de Anima comment. 5.) in omnibus hominibus existat, & multa alia quæ secundum fidem Christianam, utpotè falsissima, condemnantur ex præfata positione de formarum substantialium pluralitate in eodẽ (ut nonnulli existimant) consequuntur: sed hoc qualiter debeat definiri, alterius est negotij: in hoc enim opere nihil aliud quàm ad ea, quæ adversarij Doctoris nostri eximij obijciunt, responsio ponitur, & ponetur.



FINIT RESPONSIO AD OBIECTA CONTRA PRIMAM

partem Summæ Fratris Thomæ de Aquino Ordinis Fratrum Prædicatorum in Articulis 49.



CORRECTORIUM

CORRUPTORI

VERBORVM THOMÆ

IN PRIMA SECUNDÆ DICTORUM SEQUITVR.

ARTICVLVS I.



In prima parte 2. lib. quest. 3. artic. 4. in responsione principali dicit Thomas: Quod ad beatitudinem duo requiruntur: unum quod est essentia beatitudinis: & aliud quod est quasi per acci-

dense ejus, scilicet delectatio ei adjuncta. Dicit, ergo quod quantum ad illud quod est essentialiter beatitudo, impossibile est quod consistat in actu voluntatis. Cujus ratio est: quia beatitudo est consecutio ultimi finis: consecutio autem finis non consistit in actu voluntatis; voluntas enim fertur in finem etiam absentem, cum ipsum desiderat, & in presentem, cum in ipso quiescens delectatur; manifestum est autem quod ipsum desiderium finis non est consecutio finis; sed est motus ad finem: delectatio autem advenit voluntati ex hoc, quod finis est presens voluntati. Hæc de Thoma.

verbis: Oportet quod operatio intellectus, quæ est visio, sit potior delectatione, delectatio enim consistit in quadam commentatione voluntatis. Primum igitur, quod delectatio est accidens beatitudinis, & non essentialis ei, erit dubium, vel simpliciter falsum. Dicit enim Augustinus 10. confess. loquens ad Deum: Beata vita est gaudere ad te, de te propter te, ipsa est, & non est altera. Et idem, Beata quippe vita est gaudium de veritate. Ex his verbis August. patet, quod gaudium est essentialiter beatitudo, vel aliquid de essentia ejus. Et si gaudium, utique & delectatio, quia delectatio est genus, & gaudium species ejus, sicut dicit Aric. 6. naturalium part. 4. cap. 5.

Ad idem facit auctoritas Philosophi 8. Ethic. cap. 8. & Comment. ibidem: dicit enim Philosophus: Continuè autem nullus sustineret; neque ipsum bonum, si triste ipsi inerat, ibi Comm. ipsum bonum, quid aliud est, quam felicitas, quod est impossibile triste esse. Sed ex suppositione Arist. dicit. Si tristem felicitas faceret vitam, nullus utique vellet felix esse. Hæc Comm. & constat, quod illud est de

CORRUPTORIUM.

Tria hic dicit vel dubia, vel simpliciter falsa. Primum est, quod delectatio adjuncta beatitudini est accidens beatitudinis, & non de essentia beatitudinis. Secundum, quod actus voluntatis non pertinet essentialiter ad beatitudinem. Tertium, non dicit hoc expressè, sed ex argumento quod facit sub his verbis, patet, quod hoc intendit: scilicet quod delectatio concomitans visionem Divinæ essentiæ verè est actus voluntatis, & hoc expressè dicit q. 4. art. 2. in respons. princ. sub his

essentia beatitudinis, sine quo beatitudo non potest apperi, vel non est appetibilis. Secundū, quod dicit, scilicet, quod actus voluntatis non est essentia beatitudinis, falsum videtur. Cōstat enim, quod beatitudo est summum bonum rationalis creaturæ: ergo necesse est quod beatitudo ex quo consistit in actu, quod consistat in actu ejusdem potentie, in cujus actu consistit essentialiter rationalis creaturæ bonitas: sed hoc est in actu voluntatis, quia in delectatione perfecta; ergo in actu voluntatis, quæ est

est delectatio perfecta, essentialiter & principaliter consistit ipsa beatitudo.

Item constat, quod rationalis creatura summè debet appetere, quod Deus summè expetit ab ipsa, & magis quod magis: sed à rationali creatura magis expetit amari perfectè, quàm videri, & hoc magis approbat in creatura, tam in patria, quàm in via; ergo rationalis creatura hoc magis debet appetere, & hoc faciendo magis quietari, & talis actus essentialis est; imò essentialissimus beatitudini, & constat, quod ipsa est actus voluntatis.

Item Augustinus in lib. 1. de Doctrina Christiana. Dicimus, inquit, ea re nos frui, quam diligimus propter se ipsam & ea re nobis fruendum esse tantum, qua efficiamur beati. Ex quo patet, quod fruitione, & delectatione, qui sunt actus voluntatis, sumus beati.

Item Augustinus 12. sup. Gen. ad litt. cap. 26. loquens de statu patriæ. Vna ibi, inquit, & tota virtus est amare quod videas, & summa felicitas est habere, quod amas; sed Dominus prius habetur per amorem, quàm per cognitionem: ergo essentia beatitudinis magis est in amore, qui est actus voluntatis, quàm in videre, vel cognoscere, quod est actus intellectus.

Item Hugo in Hierar. Ang. loquens de beatitudine patriæ dicit: Ibi cognitio illuminat, & delectatio satiat. Et idem in eodem loco. Dilectio supereminet scientiæ, & melior est, quàm intelligentia, plus enim diligitur Deus, quàm intelligatur; sed in actu supereminenti, & meliori est beatitudo, ergo est in amore, qui est actus voluntatis.

Tertium quod dicit, quod delectatio concomitans visionem Divinæ essentiae est actus voluntatis; dicimus hoc esse falsum, quia delectatio concomitans actum alicujus potentiae non impeditur est in eadem potentia, in qua est ipsa operatio; delectatio enim, quæ est in videndo pulchra & delectabilia est in oculis, teste Eccles. 11. Dulce lumen, & delectabile oculis videre solem. Non dicit delectabile voluntati: & tamen ponimus, quod si voluntas appetit videre solem, quod videndo per oculos delectatur alia delectatione, quia impletur appetitus ejus. Ad hoc autem, quod operatio, & concomitans delectatio sint in eadem potentia facit dictum Avicen. 1. lib. canonis cap. ultimo: Delectabile est, inquit, sentire conveniens. Et in Metaph. sua lectione 3. cap. ult. Scias, inquit, quod delectatio uniuscujusque virtu-

tutis est plena acquisitio sue perfectionis; & idè sensui sensata convenientia, & ire vindicta, & spei consecutio, & unicuique rei id quod est proprium sibi.

Item Algazel. Metaph. sue cap. 13. Delectatio est perceptio rei convenientis, dolor autem est perceptio rei nocivæ. Vnde absque dubio delectatio concomitans Dei visionem manifestè est in intellectu, & delectatio concomitans Dei dilectionem est in voluntate.

Ad rationem suam respondendum est, cum dicit, ut prædictum est, quod beatitudo est consecutio finis ultimi, quod non attingit voluntas, vel actus ejus, qui est desiderium, vel delectatio, &c.

Dicendum, quod primum verum est, scilicet quod beatitudo est consecutio ultimi finis. Sed secundum falsum est, scilicet, quod hunc non attingit voluntas, quia licet non attingat, vel assequatur eum per desiderium, vel per delectationem: allequitur tamen hunc finem per actum voluntatis, qui est diligere, ut visum est supra, de quo actu tacet, quasi non esset alius actus in voluntate, quàm desiderium, vel delectatio, quod falsum est. Quod enim diligere sit alius actus, quàm desiderare, vel delectari, patet, quia desiderium in eo, quod hujusmodi, est rei absentis; vel præsentis, non secundum quod præsens est, sed aliquo modo, ut futura est ad usum, vel fruitionem. Delectatio autem præcipuè rei spiritualis est potissimè, ut præsens est, & ut habita. Dilectio autem est causa delectationis & desiderij, causa autem non est effectus; ergo dilectio non est desiderium vel delectatio, est tamen actus voluntatis, delectatio autem non est propriè actus voluntatis, sed accidens concomitans actus cujuslibet potentiae, & virtutis circa proprium objectum.

Ad illud dictum in Ioan. 17. Hæc est vita æterna, ut cognoscant te, &c. Dicendum, quod Dominus cognitioni vitam æternam tribuit, non quia in cognitione consummatur, sed inchoatur, quia non amatur, nisi cognitum. Attribuit etiam potius cognitioni, quàm amoris; quia visio essentiae Divinæ distinguit magis statum viæ à statu patriæ, quàm dilectio, quia non videtur in sua essentia, nisi in patria. In via autem fertur dilectio in Divinam essentiam, & etiam in patria, sed hujusmodi non est, nisi inchoatio in via, & consummatio in patria.

Responsio ad hæc secundum Thomam.

Qualiter beatitudo creata principaliter, & essentialiter pertineat ad actum intellectus, & qualiter objecta, quæ sunt in contrarium, solvi debeant, luce clarius declarat *Thomas contra Gentiles lib. 3. cap. 24.* per totum; unde ista, quæ dicunt hic, ibi totaliter annullantur, si dicta *Thomæ* dictis eorum applicentur; auctoritates vero, quas pro se adducunt, si rectè intelligantur, nihil pro ipsis faciunt.

Prima enim auctoritas *Augustini*, qua dicitur Deo de vita Beata: *Beata vita est gaudere de te propter te.* Et similiter secunda: *Beatitudo est gaudium de veritate*, sic habet intelligi, quod ipsam visionem Dei per essentiam, in qua consistit ipsa essentia beatitudinis, concomitatur summum gaudium ex illa visione Dei, sive primæ veritatis proveniens. Et quia in præsentī possumus aliquo modo in ipsam Divinam essentiam ferri per amorem, & de ipsa gaudere, ac delectari propter se, & in visionem Divinæ essentiae intuitum intellectus nostri ferre non possumus in præsentī: hinc est quod gaudium hujus de Deo propter Deum, quod essentiam beatitudinis concomitatur, magis est nobis notum, quam visio Dei per essentiam; in qua ipsa essentia beatitudinis consistit, propter quod ipsa beatitudo satis congruè in prædictis verbis *August.* describitur nobis per illud gaudium, tanquā per quiddam nobis notum, sic quando natura rei in essentia nos latet, vel non satis patet, describimus ipsam per proprietates ipsam consequentes, nobis magis notas, sicut si dicam: ignis est summè calidus, vel adamas est ferri attractivus, sic certè describit *August.* naturam beatitudinis minus notam (*Oculus enim non vidit Deum absque te &c.*) per delectationem ex visione provenientem nobis notiore. Sed alibi diffinit eam per id quod est ei essentialē dicens; quod visio est tota merces, quod diffinitioni consonat ipsius veritatis dicentis *Ioan. 17.* *Hæc est vita æterna, ut cognoscant, &c.* quod attedens illa beata aquila *Ioann.* scilicet *Evangelista* in 1. can. sua cap. 3. *Scimus quoniam cum apparuerit, similes ei erimus, quoniam videbimus eum sicuti est.*

Ex dicto autem *Philosophi*, & sui *Comment. 8. Ethic.* non plus potest concludi, nisi quod delectatio necessariò consequitur consecutionem beatitudinis, sive ultimi

A finis, non quod sit de ejus essentia. Sicut habere tres angulos necessariò est cōsequēs esse ipsius trianguli, quamvis non sit de ejus essentia; unde sicut non est possibile, quod esset triangulus, & non haberet tres angulos; ita non esset bonum finale, vel fœlicitas secundum *Philosophum & Comment.* ad cujus consecutionem non delectatio, sed tristitia sequeretur. Et igitur beatitudo appetibilis absque eo, quod delectatio infra tuam essentiam includatur, quamvis necesse sit quod delectatio ejus assecutionem cōsequatur, sicut ad esse subiecti necessariò sequitur ejus passio, quæ tamen non est de ejus essentia, sicut patet in exemplo tacto. **B** Primum igitur, quod dicit *Thom.* scilicet quod delectatio non est de essentia beatitudinis, quod nituntur improbare, ex dictis *Thom.* hic & alibi evidētissimè declaratur. Nullius enim potentia actus est primum ac principale objectum ejus. Cum igitur beatitudo in aliquo actu consistens sit objectum primum, & principale ipsius voluntatis inter omnia creata; impossibile est, quod actus ille, sive illa beatitudo sit actus voluntatis. Licet enim ponatur, quod actus dilectionis in patria, qui est actus ipsius voluntatis, sit æquè bonus, vel etiam melior, non tamen potest pertinere ad essentiam beatitudinis: quæ consistit in actu, qui est objectum ipsius primum, ut dictum est.

Aliæ sunt rationes satis efficaces ad idē contra *Gen. lib. 3. cap. 23.* ubi respondetur ad illud, quod isti primò objiciunt in proposito sic: *Non oportet, quod omne illud, quod res perficitur quocumque modo, sit finis ejus. Est enim aliquid perfectio alterius dupliciter. Uno modo, ut habentis speciem. Alio modo, ut ad habendam speciem, sicut perfectio domus, secundū quod jam habet speciem, est id ad quod species ordinatur, ut est habitatio, non enim domus fieret, nisi propter hoc.* Vnde & in diffinitione domus oportet hoc poni, si debeat esse diffinitio perfecta, perfectio autem ad speciem domus habenda est, tam illud, quod ordinatur ad speciem constituendam, sicut principia substantialia ipsius, quam illud quod ordinatur ad speciei cōservationem, quam etiam illa quæ faciunt ad ipsius pulchritudinem. Illud igitur, quod est perfectio rei secundū quod jam habet speciem, est finis ejus; ut habitatio est finis domus, similiter quælibet operatio cujuslibet rei, quæ est quasi ejus usus, est finis ejus: quæ autē sunt perfectiones ad speciem rei, non sunt finis, ejus, sed res est finis ipsarum. Materia enim

enim & forma sunt propter speciem : licet enim forma sit finis generationis , non tamen est finis generati , & speciem habentis , immò ad hoc quæritur forma , ut species sit completa. Similiter cōservantia rem in sua specie , ut sanitas , & vis nutritiva ; licet perficiant animal , non tamen sunt finis animalis , sed magis è conuerso. Ea etiam quibus aptatur res ad proprias operationes speciei perficiendas , & ad debitum finem congruentius consequendum , non sunt finis rei , sed magis è conuerso , sicut pulchritudo hominis , & robur corporis , & alia huiusmodi de quibus dicitur 1. *Ethic.* quòd deserviunt organicæ foelicitati. Delectatio autem est perfectio operationis , nõ ita quòd ad ipsam ordinetur operatio secundum suam speciem , sed ordinatur ad alios fines , sicut comestio secundum suam speciem ordinatur ad conservationem individui , sed est similis perfectioni , quæ ordinatur ad speciem rei , nam propter delectationem attentius , & diutius insistimus operationi , in qua delectamur. Vnde in 10. *Ethic. Philosop.* dicit : *Quòd delectatio perficit operationem , sicut decor iuventutem , qui scilicet decor est propter eum , cui inest iuentus , & non è conuerso.* Bonitas ergo creaturæ rationalis consistit in delectatione perfecta , tanquam in eo quod ordinatur ad ejus operationem nobilissimam , visionem scilicet Divinæ essentiae , quam delectatio ipsa concomitatur. Et ex hoc non potest concludi , quòd ista debeat dici finis ; sed illa operatio benedicta.

Si tamen velint dicere , quòd bonitas creaturæ rationalis consistat in delectatione perfecta , secundum quod prærendit secunda ratio , tunc ad istam rationem primam , & secundam respondeamus eodem modo , videlicet , quòd quamvis delectatio perfecta pertineat ad bonitatem creaturæ rationalis , prout dicitur in argumento , & illud etiam sit , quod Deus magis expetit à creatura rationali : non tamen potest habere rationem finis ultimi , & beatitudinis propter rationem prætaxatam ; non enim potest esse primum objectum voluntatis , quod pertinet ad rationem beatitudinis , cum sit actus ejus per quem tali objecto copulatur. Illud tamen , quod Deus maximè expetit à creatura rationali , quòd scilicet ipsum diligat , habet intelligi in via , & sub ratione meriti , per hoc enim quòd præceptum Dei implemus de dilectione , ut nobis possibile est in via ,

quod ipse pro merito vitæ æternæ (quæ consistit in Dei visione) à nobis expetit , consequimur visionem Dei in patria. Expetit ergo Deus dilectionem sui à creatura , tanquam id per quod ad suum finem , Divinam essentiam , attingat ; non quòd ipsa dilectio rationem finis habeat.

Ad tertium dicendum est , quòd secundum *Augustinum* ; *Ea re fruendum est , qua efficiamur beati.* Non tamen sequitur , quòd beatitudo consistat in fruitione ; sed in eo ex quo causatur ista fruitio , & hoc est actus visionis essentiae Divinæ.

Ad quartum dicendum , quòd illud verbum *August.* quod adducunt contra *Thomam* facit pro eo. Ait enim : *Summa foelicitas est habere quod amas.* Habere enim non est amare , amatur enim res antequam habeatur. Ex amore enim est , quòd non habitum desiderio quærat , & si amor jam habiti perfectior sit ex hoc , quòd bonum amatum habetur : aliud igitur est habere bonum , quod est finis , quàm amare , quod scilicet amare ante habere est imperfectum , post habere est perfectum. Habere igitur quod amas in patria , est videre Deum per essentiam , quem summè amas ibidem : illud enim habere cum præcedat istum amorem summum , sicut pater ex dictis , & sit ejus causa , necesse est , quòd pertineat ad actum illius visionis beatæ , & non ad actum dilectionis , vel amoris. Et quod illi dicunt , quòd *Deus habetur potius per amorem , quàm per cognitionem.* Hoc pro tanto habet veritatem in statu viæ , quòd habere Deum per gratiam inhabitantem in via , semper actum gratuiti amoris concomitatur , & non semper actum cognitionis : quia habetur fidei cognitio quandoque sine gratia , quando fides est informis. Sed in patria , ubi Deum videbimus per essentiam , actu cognitionis perfectæ habebitur apprehensus , & eo ipso reverà ipsam sic habitum , & apprehensum summè amabimus.

Ad minorem dicendum , quòd in statu viæ *Deus plus diligitur , quàm intelligitur.* Et huius ratio est , quia in præsentia non intelligitur Deus , nisi per speculum , & in ænigmate per cognitionem creaturarum , siue per creaturas , quæ quidem cognitio Dei in ratione sua quamdam imperfectionem includit , tamen ipsum Deum sic imperfectè cognitum per aliud , possumus per se diligere , & non per aliud , & per consequens , nec propter aliquid aliud , unde ista dilectio Dei in ratione sua imperfectio-

nem non includit. Quod enim dilectio nō est perfecta in via, accidit aliunde, videlicet, quia vel concupiscentia est in membris, quæ mentē retrahit, ne possit Deum toto affectu diligere, quod est toto corde secundum *August.* vel porius ideo non est adeo perfecta in via, etiam circumscripta omni concupiscentia, sicut in patria, propter Divinæ cognitionis imperfectionem, cui innititur; nihil enim nisi cognitum diligitur: quando igitur dilectio, quæ est de sua ratione perfecta (propter quod secundum *Apostolum Charitas nunquam excidit*) innititur perfecte cognitioni Divinæ per essentiam, tunc revera habebit perfectionem consummatam, quam cognitionem non habemus in via; sed solum in patria.

Quod autem dicit *Hugo*, quod dilectio supereminet scientiæ, & est melior, sic habet intelligi, secundum doctrinam *Thom.* in respons. quarti argum. hujus artic. quod dilectio supereminet cognitioni in movendo, sed cognitio supereminet dilectioni in attingendo; non enim diligitur, nisi cognitum, ut dicit *Augustinus 4. de Trinit.* & ideo intelligibilem finem primò attingemus per actionem intellectus, ipsum scilicet finem per suam essentiam apprehendentis multò nobilius, quàm finem sensibilem per actionem sensus apprehendentis ipsum solum per suam speciem, unde consecutio finis intelligibilis intellectui per suam essentiam consummatur perfectissimè in actione ipsius intellectus sic intelligentis, propter quod ipsa essentia beatitudinis creatæ in ejus actione consistit.

Quod autem tertium dicunt esse falsum, scilicet, Delectationem actum cognitionis, vel visionis concomitantem esse actum voluntatis, videtur fundari super mentem. *B. August.* Docet enim ipse *de Trinit. lib. 11.* quod in visione tam interiori, quàm exteriori, ipsa voluntas copulat, & tenet aciem, vel actum virtutis visivæ cum specie rei visæ, quæ videtur. De visu enim exteriori dicit sic ibidem cap. 2. Voluntas animi, quæ rei sensibili sensum admoveat, & in eo quæ ipsam visionem tenet. Et post pauca Voluntas autem tantam vim habet copulandi hæc duo, ut & sensum formandum admoveat ei rei, quæ cernitur, & in ea formatum teneat. De visione autem interiori sic ait infra cap. 3. Ita fit illa Trinitas ex memoria, & interna visione, & quæ utrumque copulat, voluntate. Si igitur illud cum quo fit illa copula, fuerit conveniens oritur delectatio, si disconveniens tristitia &

dolor. Delectatio igitur inventa in actione potentia visivæ seu cognitivæ cujuscunque; quoniam eadem ratio est, ad voluntatem pertinet, sicut patet ex ista doctrina *Beat. August.* Istud etiam patet manifestè, per hoc, quod idem est principium motus, & quietis ipsum terminantis, sicut patet; quoniam grave, vel leve per idem principium movetur ad suum ubi, & in eodem quiescit. Cum igitur desiderium, quo quis videre desiderat aliquid, sit motus, cujus principium sit voluntas; manifestum est, quod ipsa voluntas erit principium delectationis concomitantis actum visionis, cum delectatio sit quædam quietatio, in quam præcedens desiderij motus terminatur. Istud igitur negare erit signum ignorantia.

Ad primum cum dicunt, quod quælibet potentia delectatur in actu circa objectum sibi conveniens, prout dicitur: Dulce lumen, & delectabile oculis videre Solem.

Dicendum, quod ista delectatio dicitur ad actum aliarum potentiarum apprehensivarum pertinere, propter hoc quod oritur, & causatur mediante actione potentiarum apprehensivarum, & ut dictum est, ipsam concomitatur ex apprehensione objecti convenientis, non quod ab ipsis potentijs cognitivis per se eliciatur, hoc enim non est intelligibile: sicut potentia cognitiva non movetur motu desiderij suæ perfectionis per se, sed per voluntatem, sicut patet per verba *Augustini* prædicta; sic nec tenetur, nec quietatur in sua actione, vel perfectione, quod est delectari: nisi per actum voluntatis, ut patet ex verbis prius habitis.

Ad secundum dicendum, quod delectatio est secundum *Avic.* sentire conveniens. Non quod ipsa delectatio sit actus per se à sensu elicitus; sed pro tanto delectatio sentire conveniens dicitur, quia ipsum concomitatur, & ab ipso causatur: sicut patet ex dictis. Dicit enim *Avic.* quod Delectatio cujuscunque virtutis est acquisitio suæ perfectionis ratione causalitatis, & concomitantia prædictæ; perfectio enim potentia cujuslibet est sua propria operatio, ex cujus acquisitione acquiritur, vel oritur delectatio, & ipsam, ut dictum est, concomitatur.

Ad tertium patet per idem; Quod enim dicit *Algazel.* quod delectatio dicitur perceptio convenientis: eo modo, habet intelligi, quo prius, non quod perceptio ipsa sit delectatio ipsa formaliter, sed, ut tactum est,

causaliter, quia per actum perceptionis ipsius apprehensivæ causatur delectatio, quæ est actus ipsius motivè. Vnde sine dubio nullo modo concludi potest ex istis, quæ adducunt, quod delectatio concomitans visionem Dei sit in intellectu, tanquam ab ipso elicitæ, immò à voluntate potius. Ex hoc enim, quod illa res summè dilecta videbitur, sicut est, summa quædam delectatio, & unica perfectissima orietur. Nec debet dici, quod una concomitatur actum cognitionis, & actum dilectionis alia: hoc enim ex falso intellectu procedit eorum, qui non attendunt, quod actus potentia cognitivæ, & affectivæ sunt connexi, ita quod actus ipsius affectivæ sive voluntatis causatur ab actu intellectivæ, unde delectatio, quæ causatur ex Dei visione, est ipsius voluntatis.

Quod isti dicunt respondendo ad argumentum Thomæ, quod voluntas attingit ultimum finem per actum dilectionis, quem Thom. arguendo omittit, quasi non esset. Salva pace eorum non dicunt verum. Non enim intendit Thomas, quod actus dilectionis nō sit, vel quod sit omnino indifferens à desiderio, & delectatione. Et ideò probat contra Gentiles lib. 3. cap. 24. quod nec in amare, nec in desiderare, nec in delectari potest consistere essentia beatitudinis. De desiderio planum est: & de delectatione similiter ex his, quæ dicit hic, & ibi. De ipso autem actu dilectionis, quo voluntas (ut dicunt) ultimum finem attingit: sciendum, quod licet ipsa voluntas, per actum dilectionis ipsi fini copuletur, & jungatur; attingitur tamen, & habetur finis per actum cognitionis; & per hoc voluntas ipsi fini habito, & consecuto copulatur actu amoris summo, unde in actu cognitionis sicut finem attingente in assequendo consistit essentia beatitudinis. Actus etiam dilectionis, qui est actus voluntatis ipsius, non potest esse primum objectum ejusdem, & per consequens (ut patet ex dictis) non potest in eo poni beatitudo quantum ad suam essentiam.

Quod verò dicunt consequenter, quod delectatio non est actus voluntatis proprius: planum est ex dictis, quod falsum dicunt; immò est actus voluntatis proveniens ex hoc, quod potentia apprehensiva actu sibi conveniente perficitur, unde est actus voluntatis, utpote ab ipsa elicitus. Et dicitur esse aliarum potentiarum, quarum actus (ut dictum est) concomitatur.

Et quod dicunt ad illud, quod Thomas adducit de Ioan. 17. *Hæc est vita æterna &c.* quod Dominus attribuit vitam æternam cognitioni, quia in cognitione beatitudo inchoatur, vel initiatur, quæ quidem cognitio Dei per essentiam distinguit statum viæ à statu patriæ, si benè pertractetur: non solvit argumentum Thom. sed magis concludit ejus propositum. Id enim potius dicitur de essentia rei ipsam rem in specie constituens, per quod ab alijs distinguitur; quàm illud quod non est huiusmodi; sed tunc habetur beatitudo, quando habetur actus visionis Divinæ essentia, & non oportet, quod habeatur beatitudo, quando habetur actus dilectionis ejusdem. Fertur enim dilectionis actus in Divinam essentiam, etiam in viâ, ut patet ex dictis prius, & isti hoc volunt, & dicunt hoc. Ex hoc manifestum est, quod actus dilectionis, non est ipsa essentia beatitudinis; sic enim, ipsa habita, haberetur vita æterna: sed actus cognitionis Dei per essentiam sic beatitudinem initiat, ut in eo finem ultimum intelligibilem perfectissimè in patria attingendo, & consequendo æterna vita consistat. Ioan. 17. *Hæc est enim vita æterna, ut cognoscant, &c.* quam cognitionem ac dilectionem consummatam nobis concedat Iesus Christus. Amen.

ARTICVLVS II.

DE hoc quod Thom. dicit intellectum esse altiore potentiam voluntate: nam quest. 3. art. 5. in responsione q. dicit, quod intellectus est optima potentia.

CORRVPTORIUM.

Dicimus, quod si intellectus dicatur optima potentia, idest valde bona, dicimus quod verum est, nec obstat quod voluntas est melior, vel æquè bona. Si autem dicatur quod sit optima, idest bona super omnes potentias, sic dicimus quod falsum est. Quod patet ex quatuor; ex mutua operatione, ex objectis, actibus, & habitibus. Primo modo, quia nobilior potentia est voluntas, tum quia imperat omnibus, & libera est, & domina sui actus, & aliarum potentiarum, ut dicit Anselm. de

concepto virginali. Tum quia ratio deservit sibi, scilicet voluntati, ut comes, & pedisequa, ut dicit *Bernar. de gratia, & lib. arbi. cap. 23.*

Secundo modo, patet, quia objectum voluntatis est bonum sub ratione boni, objectum autem intellectus est verum, vel bonum sub ratione veri: nobilius autem est bonum sub ratione boni, quam bonum sub ratione veri, igitur &c.

Tertium patet, quia nobilior actus est Deum ultimum finem diligere perfecte, quam perfecte cognoscere, quia illud secundum est ordinatum ad primum, sed diligere est actus voluntatis.

Quantum patet, quia voluntas perficitur habitu charitatis, qui est habitus nobilior, 1. *Corint. 13. Major autem horum est charitas.*

Præterea: intellectus potest cogi, non autem voluntas, & ita altior potentia est voluntas, quam intellectus.

Item, in eadem responsione subdit, quod ultima, & perfecta beatitudo, quæ expectatur in vita futura, consistit in Dei contemplatione. Hoc planè patet esse falsum ex dictis: ubi habetur, quod plus consistit in Dei consummata dilectione; vel dicendo sic, minus dixit.

Responsio ad hæc secundum Thomam.

Ista quæstio planè soluta est ex dictis, supra art. 34. primæ partis. Qualiter enim intellectus est altior voluntate, & qualiter non, patet ibidem.

Ad primum igitur nunc breviter dico, quod voluntas movet ut efficiens, intellectus, ut finis, unde simpliciter est nobilior.

Ad secundum dicendum, quod bonum sub ratione veri ejusdem nobilitatis est. Rationes enim de eadem re formatæ, sive conceptæ nihil faciunt circa maiorem, vel minorem nobilitatem.

Ad tertium dicendum, quod licet respectu alicujus objecti actus voluntatis sit potior, non tamen simpliciter loquendo. Sed actus intellectus altior, & nobilior, & absolutior, sicut declaratur ubi supra 1. parte quæst. 34.

Per idem patet responsio ad 4. Charitas enim ordinat hominem ad Deum. In respectu verò ad objectum voluntas est altior.

Ad quintum dicendum, quod coactio intellectus potest intelligi dupliciter, vel quantum ad exercitium sui actus, vel quantum ad specificationem sui actus ab objecto. Primo modo potest cogi intellectus à voluntate, inquantum necesse habet ad imperium voluntatis moventis suum actum exercere. Ex hoc tamen non sequitur, quod voluntas nobilior sit intellectu simpliciter, sed quoad aliquid, inquantum scilicet movet. Secundo modo coactionis non cogitur intellectus, nisi sibi proportionetur objectum tale, quod nullo modo deficere possit à veritate, cujusmodi necessaria. Et talis coactio vel motus determinatus magis propriè convenit ipsi voluntati, quando sibi proponitur objectum tale, quod in nullo deficit à bonitate, cujusmodi est beatitudo, quam non potest voluntas, si circa ipsam actum suum exerceat, non velle; ergo simile est de intellectu, & voluntate quoad hoc, nec per consequens poterit penes hoc attendi itarum potentiarum in nobilitate excessus. Breviter ista peritringo; quia superius (ut dictum est) evidentiùs sunt declarata.

Quod isti dicunt in fine, quod planè falsum est, quod beatitudo (prout dicit *Tho.*) consistat in Dei contemplatione, quam expectamus in patria, ex dictis in responsione art. proximi patet, quia minus veraciter dicunt, nec rationes eorum (ut liquet) hoc concludunt.

ARTICVLVS III.



DE hoc quod dicit Thomas, quod rectitudo voluntatis requiritur ad beatitudinem, vel antecedenter, & concomitanter, ut patet quæst. 4. art. in responsione principali, ubi dicit: Quod beatitudo consistit in visione Divinæ essentiae, sed & rectitudo voluntatis requiritur ad beatitudinem antecedenter & concomitanter.

CORRUPTORIUM.

Quod autem hoc sit imperfectè dictum ad minus patet ex dictis; quia actus voluntatis est de essentia beatitudinis.

Ref.

Responsio ad hæc secundum Thomam.

QUOD autem sit perfectè dictum quod hic dicit *Thomas*, manifestum est ex dictis artic. 1. in responsione, loquendo de eo in quo ipsa ratio essentia beatitudinis consistit, sicut patet ibidem.

ARTICVLVS IV.



DE hoc quod dicit *Thomas*, quod anima hominis habet esse compositi separata.

Item quest. 4. artic. 5. in responsione secundi argumenti dicit: Quod anima humane remanet esse compositi post corporis destructionem, & hoc ideo, quia idem est esse formæ, & materiæ, & hoc dicitur esse compositi.

CORRVPTORIUM.

SI hoc verum est, cum qualibet forma substantialis det aliquod esse, non erit alia forma in homine, quàm anima, quod est erroneum propter multa contraria fidei, quæ ex hoc sequuntur, ut in primo ostensum est; ergo error est dicere, quod animæ humane remanet esse compositi.

Præterea: supposito hoc, scilicet quod illud totaliter destruitur, quod perdit suum esse, quod habet, quia perdere esse suum totaliter est destrui plenè, & perfectè, & è converso; ergo si materia, vel corpus hominis nullum habet esse aliud quàm animæ intellectivæ: materia, vel corpus hominis in instanti separationis animæ perdit omne esse, ergo & destruitur totaliter, & perfectè, cuius contrarium videmus, & est contra *Philosophum primo Physicorum Text. comm. 28.* & *1. de Gener. tex. comm. 17.* qui dicit quod materia est ingenta, & incorruptibilis. Si autem dicas, quod manet materia, vel corpus, quia succedit alia forma dans esse, quia generatio unius est corruptio alterius, & è converso.

Contra: prius saltem naturaliter est separatio formæ, quæ est anima, quàm al-

Aterius formæ successio, vel inductio, ergo materia, vel corpus perdit necessariò omne esse, & destruitur cedens in nihilum, & ita generatio erit ex non esse simpliciter in esse, & hoc est creari: igitur generatio est creatio, quod est erroneum, ergo illud ex quo sequitur.

Præterea: videtur, quod alia forma de novo introducatur, quando anima separatur per actionem intelligentiæ, non per actionem corporum cœlestium; nam videtur quod corpora cœlestia requirunt situm determinatum, & aspectum super materiam, in quam agunt, & secundum diversitatem situs & aspectus videmus manifestè variari omnes actiones illorum corporum. Aliter enim generant, & corrumpunt ista inferiora in æstate, aliter in hieme. Aliter generant, corrumpunt, & transmutant ea, quæ sunt in aëre sub dio, aliter ea quæ sunt sub tecto. Sed nos videmus, quod corpus eodem modo se habet in æstate, & in hieme, & omni tempore sub tecto, & dio, & ubique post animæ separationem; ergo forma, quam tunc habet, non est à corporibus cœlestibus.

C Responsio ad hæc secundum Thomam.

QUOD nihil fidei contrarium sequatur ex hoc, quod ponitur in homine tantum una forma substantialis, quæ est anima intellectiva, supra (ut ultimo) probabiliter est declaratum.

Quod ergo isti concludunt pro inconvenienti in primo argumento, non est inconveniens: præter hoc, etiam posito, quod in homine essent plures formæ substantiales, oportet omnes, præter ultimam, esse materiales, & in potentia respectu ultimæ dantis actum, & esse completum; unde cum unius entis non sit nisi unum esse, necesse est dicere, quod idem est esse animæ humane, & totius compositi. Cum igitur ipsa post separationem habeat esse, manifestum est, quod esse totius compositi remanet sibi.

Ad secundum dicendum, quod ponendo unam formam substantialem in homine, oportet concedere, quod, anima hominis separata in morte, nova forma inducatur in corpore remanente, quæ datur novum esse.

Ad objectum verò incontrarium dic-

endum, quòd in eodem instanti, ac simul est animæ separatio, & illius novæ formæ inductio, sicut in eodem, quo corrumpitur aer, generatur aqua, & è cōverso: unde nunquā materia est sine morpheā, idest sine forma secundū *Philosophum. 1. de Gen. text. comm. 28.* Et hoc ideò, quia secundū modum istum generatio unius est alterius corruptio.

Quòd verò animæ separatio est prius saltem naturaliter, si intelligatur naturaliter, quoad durationem, falsum est simpliciter, quod dicunt. Si intelligatur prius naturaliter, eò quòd prius sit in conceptu nostro, sive secundū rationem, licet simul sit cum novæ formæ inductione secundū rem, concedi posset uno modo facta consideratione, & negandum alio modo facta consideratione. Quando enim cōsideramus, quòd dispositiones illæ materiæ ad formam illam corporis mortui, repugnant dispositionibus materiæ existentibus sub forma corporis vivi, quæ anima est; prius concipimus illarum dispositionum materiæ corruptionē in animæ separatione, quàm illius novæ formæ corporis mortui inductionem in morte. Quando verò consideramus, quòd materia nullo modo potest esse sine forma, & per consequens non potest formam, quam habet, perdere, nisi aliam acquirendo, sive per hoc, quòd aliam acquirat necessariò: prius cadit secundū hoc in conceptu nostro novæ formæ inductio, quàm animæ, quæ ipsam sequitur, separatio. Simul ergo sunt secundū durationem animæ separatio, & illius novæ formæ inductio, licet una secundū rationem possit esse prior alia, & è cōverso, sicut patet ex dictis. Argumentum ergo illud contra, sic solutum est.

Ad tertium dicendum, quòd non sola virtus cœlestis agit ad inductionem illius formæ in corpore mortuo de novo inductæ, immò violentia, vel infirmitas dissolvens nobilem dispositionem, quæ est in corporis vivi materia, inducit oppositam, quæ repugnat naturæ formæ nobilioris, scilicet animæ, quæ est forma corporis vivi; & illa eadem dispositio ignobilis congruit, immò est necessaria respectu formæ vilioris, cuiusmodi est illa forma nova in separatione inducta, quæ utique est forma illius corporis mortui remanentis: istud declaratum est suprā. Quia verò sive quis moriatur in ætate, sive in hieme, sive sub dio, sive sub tecto, sive quocumque tempore, vel loco, semper invenitur uniformiter aliquid,

quodcumque sit illud, nobilem dispositionem materiæ sub forma corporis vivi corrumpens, & oppositas dispositiones inducens uniformiter, & universaliter sequitur animæ, quæ est forma corporis vivi, separatio, & illius novæ formæ inductio in corpore mortuo, licet in acceleratione sit differentia propter hoc, quòd complexio loci, vel temporis, plus vel minus iuvat, vel impediat actionem illius virtutis, quæ dissolvens armoniam, & nobilem dispositionem corporis vivi, inducit dispositionem oppositam in eadem materia, cum qua in ipsa materia inducitur necessariò forma corporis mortui. Si verò quis plures formas substantiales ponat; adhuc habet necesse ponere, quòd corpus mortuum non habet idem esse, quòd corpus vivum, illud enim erat vivere. Nec potest esse in uno ente, nisi unicum esse. Sed planum est, quòd corpus mortuum non habet esse quòd est vivere, ergo manifestum est, quòd non habet idem esse, quòd prius, qualitercumque sit de forma substantiali: nihil est igitur, quòd adducunt contra Thomam in proposito.

ARTICVLVS V.

DE hoc quod dicit Thomas, quòd beatitudo non crescit corpore resumpto intensivè; sed extensivè.

Item, quæst. 4. art. 5. in responsione 5. argumenti dicit, quòd corpore resumpto beatitudo crescit non intensivè, sed extensivè.

CORRUPTORIVM.

Quod dicit extensivè bene dicit, quòd autem negat intensivè, dicit malè, & contra Bern. de diligendo Deo cap. 12. loquens enim de animabus exutis, ita dicit: Donec ergo mors absorpta sit in victoria. Et sequitur: Non possunt ex toto animæ se ipsas exponere, & transire in Deum, nimirum ligata corporibus etiam tunc, & si non vita vel sensu, certè affectu naturali; ita ut absque his, neque velint, neque valeant consummari. Itaque ante restorationem corporum non erit ille defectus animarum perfectus, qui est summus illarum status.

Item est contra August. 12. super Gen. ad litteram cap. 35. Minimè dubitandum est & raptam

ptam hominis à carnis sensibus mentem, & post mortem ipsam carne deposita & transcens etiam similitudinibus corporalium non sic videre posse incommutabilem substantiam, ut Sancti Angeli vident, siue alia latentiore causa, siue ideo, quia inest ei naturalis quidam appetitus corpus administrandi, quo appetitu retardatur quodam modo, ne tota intentione pergat in illud summum cælum, quādiu non subest corpus, cuius administratione appetitus ille conquiescat. Ex hac auctoritate patet, quod vitio beatarum animarum ante resurrectionem corporum & post, diversificatur penes intentionem totam, sed hoc facit differre visionem intensivè.

Item Bern. de diligendo Deo, cap. 13. exponens illud Cantic. 5. Cantic. Bibite, & inebriamini. Qui (inquit) adhuc in carne gravati gemunt, chari habeantur pro charitate, quam habent. Qui verò soluti jam carnis compede sunt, eo sint chariores, quo & promptiores, atque expeditiores facti ad amandum. Porro præ utrisque merito nominantur, & sunt charissimi, qui recepta jam secunda stola in corporibus utique cum gloria resumptis tantò in Dei feruntur amorem liberiores, & alacriores, quantò & de proprio nihil jam residuum est, quod eos aliquatenus, sollicitet vel retardet. Quod quidem neuter sibi reliquorum statum vendicat. Et infra: Bibi vinum meum cum lacte meo. Vino enim Divini amoris etiam tunc anima suavitatē naturalis immiscet affectionis, qua resumere corpus suum ipsumque glorificatum desiderat. Astat ergo jam tunc Sancta Charitatis potata vino, sed planè nondum usque ad ebrietatem, quoniam temperat interim ardorem illum huius lactis permixtio.

Responsio ad hæc secundum Thomam.

Cujus si primum argumentum primi articuli prædicti ex integro aspiciatur, nihil faciunt contra ipsum ista auctoritates præallegatæ. Declaratur; ait enim sic: Desiderium animæ separata totaliter quiescit ex parte appetibilis, quia scilicet habet id, quod suo appetitui sufficit, sed non totaliter quiescit ex parte appetentis, quia illud bonum non possidet, sicut possidere vellet, & ideo resumpto corpore beatitudo crescit non intensivè, sed extensivè. Hæc sunt verba ejus, quæ sic possunt declarari. Anima separata videns Deum per essentiam, non potest limpidius videre Deum, quàm videt; nec intensius per consequens delectari, quàm delectatur, quia licet gloria, vel lumen gloriæ,

qua anima separata in illam Dei visionem per essentiam elevatur, debeat in corpus redundare; non tamen per corporis resurrectionem poterit intendi, nec per consequens anima ad limpidiorem visionem Dei, quā prius, poterit elevari; tamen quia per suā naturā corpori est unibilis, hinc est quod naturaliter appetit in corpore esse, & bonum participatum corpori pro sua capacitate communicare. Idem igitur bonum, quod jam habet in quo quietatur, sic quod illius non desiderat augmentum, vel intentionem, appetit habere in eodem gradu non intensiore sub modo alio, ita scilicet quod queat in resumptum corpus redundare, & cum iste appetitus, corpore resumpto, fuerit quietatus, crescat beatitudo, non quidem intensivè, sed extensivè, sicut patet ex dictis.

Ad primum ergo dicendum, quod defectus, quem dicit Bernar. non posse perfici, nisi corpore resumpto, prout ipse insinuat, est iste appetitus, siue secundum ipsum affectus naturalis, quo retrahitur anima, ne totaliter quietetur, donec bonum jam adeptum redundet in corpus resumptum; quod non est habere majus bonum, sed illud idem sub eodem gradu, alio tamen modo.

Ad secundum dicendum, quod Augustinus dicit, Animam separatam à corpore illo appetitu retardari ne totaliter pergat in summum cælum, vel tota intentione, pro tanto, quod adhuc appetit bonitatem in Dei contemplatione consistentem, & ex ipsa provenientem, quam nunc habet, habere alio modo; scilicet illam in corpore resumptum refundendo, & pro tanto dicit animam separatam non sic posse videre Deum, ut sancti Angeli vident, quia Angeli suam beatitudinem in Dei visione consistentem non appetunt alio modo, quàm habent, unde eorum appetitus est unibilis, & quietatus; appetitus verò animæ separata, licet sit quietatus quoad bonum adeptum, non tamen quoad habendi modum, ut dictum est.

Ad tertium, quod secundum Bernar. Anima beata corporibus cum gloria resumptis tantò feruntur in amorem liberiores, & alacriores, quantò de proprio jam nihil residuum est, &c. nullus videlicet appetitus, quo appetant illud quod habent, habere alio modo, ut dictum est.

Quod verò ait Bern. Animam separatam astuare vino sanctæ Charitatis; sed nondum usque.

usque ad ebrietatem, pro tanto, quia bonum illud jam adeptum nondum transfunditur, nec reducat in corpus & vires corporis inferiores, sicut fiet post resurrectionem. Potum hunc sic inebriativū in patria nobis tribuat Iesus Christus. Amen.

ARTICVLVS VI.



DE hoc, quod Thomas dicit; quod homo est dominus sui actus, quia habet deliberationem de suis actibus. Item quest. 6. artic. 3. in responsione tertij argumenti dicit, quod homo est dominus sui actus, quia

habet deliberationem de suis actibus: ex hoc enim quod ratio deliberans se habet ad opposita, voluntas potest in utrumque.

CORRVPTORIVM.

HOC reputamus falsum, ex hoc enim sequitur, quod homo non facit liberè ea, quæ facit sine deliberatione, quod patet esse falsissimum tam in bonis, & perfectis hominibus, quàm in pessimis: manifestè enim videmus, quod viri sancti, sive perfecti, sive in seculo, sive in Religione, cum intelligunt aliquod bonum, mox appetunt, & cum appetierint, mox frequenter faciunt absque omni deliberatione; verbi gratia dant eleemosynas, respuunt illecebras, similiter viri Religiosi statim auditu auris obediunt sine aliqua deliberatione, & tamen constat, quod liberè faciunt. Et sic videmus in valdè malis, & pessimis hominibus, quia mox ut malum aliquod appetierint; verbi gratia, detrahere, blasphemare, maledicere, convitiari sine deliberatione, si possunt, perficiunt quod desiderant, & constat, quod liberè.

Præterea: si propter deliberationem est dominus sui actus, & liberè ageret, cum respectu finis eligendi non sit deliberatio; sed respectu eorum, quæ sunt ad finem, sequeretur, quod non liberè, sed serviliter appeteret homo finem, liberè autem appeteret ea, quæ sunt ad finem.

B. Egid. defens. Oper. S. Thom.

Præterea: manifestè videmus, quod quando voluntati proponitur aliquod appetibile: verbi gratia, honor, vel scientia; si appetierit illum honorem, vel scientiam, potest homo illum appetitum refrænare usque quo deliberet, an debeat, vel liceat, vel expediat sic expetere. Cõstat enim quod anima est domina talis refrænationis, & liberè facit eam ante deliberationem; ergo manifestum est, quod dominium talis refrænationis non est propter deliberationem. Quod autem hujus refrænationem faciat liberè, patet per auctoritatem Damasc. lib. 2. cap. 27. ubi ita dicit: Bruta arbitrij libertate carent. Nec enim tam naturam ducunt, quàm ab ea ducuntur atque gubernantur. Ac proinde naturali quidem appetitioni non repugnant, sed quamprimum aliquid appetiverint ad actionem ruunt. Homo contra, utpote rationis particeps, naturam potiùs ducit, quàm ab ea ducatur. Ideoque si appetens hoc quidem velit, potestatem habet refrænandi appetitum suum, vel sequi eum: Non sicut irrationalia quæ non sunt libera arbitrio.

Responsio ad hæc secundum Thomam.

EXISTIMO, quod isti decepti sunt per Equãdam æquivocationem deliberationis exorbitantis: deliberatio enim dicitur consultatio, vel præmeditatio de aliquo si debeat fieri, vel non fieri; amari, vel vitari; & sub hoc sensu certè non est homo dominus sui actus, quia habet deliberationem de agendis: sed potiùs è converso, quia ipse est dominus sui actus, ideò potest deliberare de agendis. Alio modo potest deliberatio sumi pro facultate liberè agendi quod voluerit, seu placuerit, ratione cujus anima potest in utrumque oppositorum, & sic sub hoc sensu habet intelligi, quod dicit Thom. Quod non est dominus sui actus, quia habet deliberationem, idest liberam agendi facultatem, quia igitur potestas rationalis in homine valet ad opposita secundum Philosophum, hinc est quod voluntas liberè potest in utrumque oppositorum. Et hoc est quod dicit Thom. quod ex hoc quod ratio deliberationis se habet ad opposita, habens scilicet potestatem ad ipsa, potest voluntas in utrumque: objecta igitur prædicta non procedunt contra Thomam in sensu, in quo loquitur sicut patet

intuenti.

L

AR.

ARTICVLVS VII.

DE hoc quod Thomas dicit, quod homo per rationem determinat se ad volendum hoc, quod est verè bonum, vel apparens bonum, ut patet in quest. 9. artic. 1. in responsione tertij argumenti.

CORRVPTORIUM.

SI per actū determinandi intelligit, quod ratio inquirendo, cōsulendo, sententian- do offert, vel præsētat alterum opposito- rum voluntati, ut illud velit, & exequatur non contrarium, non videtur reprehē- sibile, sed benè dictum. Si verò per actū determinandi intelligat, quod ratio con- cludens unum contrariorū esse volendum alicui, & persequendum, per hoc deter- minet, idest, necessitet voluntatem ad il- lud, ita quod contrarium voluntas non possit velle, nec persequi: hoc est contra Bern. de gratia, & lib. art. & contra Phi- losophum 9. Metaph. Tex. com. 4. & 10. & erroneum, & damnatum nuper cum pluri- bus articulis cap. 9. de voluntate, ubi pro errore condemnatum est, quod post con- clusionem aliquam voluntas non manet li- bera. Item quod voluntas hominis neces- sitatur per suam cognitionem, sicut appeti- tus bruti. Item quod voluntas necessariò prosequitur, quod firmiter creditum, vel decretum est à ratione, & non potest ab- stinere ab eo, quod ratio determinat.

Responsio ad hæc secundum Thomam

Non cesso mirari ad quid isti trahunt ista prædicta verba Thomæ ad illū sensum suum, cum ipse in toto processu doceat oppositum; unde huic fictioni non est respondendum.

ARTICVLVS VIII.

DE hoc, quod Thomas dicit; quod imperare est actus rationis. Nam in quest. 17. art. 1. in responsione principali dicit, quod imperare est actus rationis præsupposito actu voluntatis. Et sub- dit; quod imperare est essentialiter actus rationis. Et in eadem quest. art. 3. in responsione primi ar- gumenti dicit, quod voluntas per actum, qui usus

A est, exequitur imperium rationis. Et eadem quest. art. 5. in responsione principali dicit, quod impe- rium nihil aliud est, quàm actus rationis ordi- nantis, cum quadam motione ad aliquid agendum.

CORRVPTORIUM.

Hæc positio non solum videtur no- bis falsa, sed omninò erronea, quia ut ibidem dicit eadem quest. art. 5. in res- ponsione argumenti ultimi: Ille actus imperatur, qui rationi subditur; ergo si ratio imperat vo- luntati, hæc rationi subditur: sed qui alij im- perat, ut subdito sibi, nō dat libertatem ope- randi, ergo voluntas non est libera nec domina suorum actuum, quod est contra Damasc. lib. 3. & contra Philosoph. 9. Meta- ph. Tex. comment. 10.

Item hoc est contra Anselm. de conceptu Virginali cap. 4. ubi in persona membrorum, & sensuum inquit: Deus nos, & potestatem; quæ in nobis est, subiecit voluntati, ut ad ejus impe- rium non possimus non movere nos.

Item contra Bern. de gratia, & libero arbitr. cap. 3. Voluntas, inquit, est motus ra- tionalis, & sensui prædens & appetitui. Et se- quitur: Voluntas autem ad quodcumque voluerit, habet rationem comitem, & quodammodo pedise- quam. Inde sic: non est comitis imperare prædenti, & imperanti, sed voluntas est prædens & imperans (ut ex dictis patet) ratio autem comes, & pedisequa volun- tatis, ergo non imperat voluntati.

Item viderur fallum ex auctoritate Phi- losophi 9. Metaph. Tex. com. 10. cuius sententia se- cundū Cōm. est hæc: Potentie rationales possunt duo contraria facere: unde necesse est, ut verum dicant, quod sit aliud, idest primum principium agendi unum contrariorum, quandoque & alterius, & hoc est appetitus, & voluntas. Ex hac au- ctoritate, Philosophi, & Commentatoris, pa- tet, quod voluntas est principalior in agen- do, quàm aliqua alia potentia rationa- lis.

Item, quando aliquis facit imperium no- strum, dicimus, quod faciat voluntatem nostram; non autē dicimus quod scientiam nostram facit, aut fidem nostram, aut opi- nionem, quæ tamen tria pertinent ad ra- tionem, secundum Augustinum lib. de utilita- te credendi.

Item, quando scio, vel spero aliquem subditum facturum, quod volo perfectè, statim impero. Si autem scio eum facturum, quod

quod scio ; verbū gratia , scio cum fornicaturum , vel credo , vel spero , vel opinor ; non jam impero sibi : ergo voluntas est , quæ imperat , non ratio.

Responsio ad hæc secundum Thomam.

Ista objecta omnia procedunt ex falsa acceptione dicti fratris Thomæ, ac si dixisset, quod imperare est per se actus rationis actu voluntatis non præsupposito, cujus contrarium, rebus ipsis, dicit, ut patet in verbis ipsius, quæ ponunt.

Ad primum igitur dicendum, quod cum imperium, quod est actus rationis, præsupponat actum voluntatis, debet dici, quod imperat per voluntatem, cujus actum præsuppositum requirit ad hoc, quod imperet de aliquo agendo. Vnde auctoritates, quas adducunt ad ostendendum, quod voluntas movet rationem, & alias potentias animæ, omnes nihil faciunt contra Thomam, ut patet intuitu. Et per hoc patet responsio.

Ad secundum, principium enim agendi unum contrariorum quandoque, & alterum quandoque, est voluntas secundum Philosophum, & Commem. Ad actionem vero voluntatis requiritur actus imperij, qui est actus ipsius rationis, secundum quod manet in ipsa virtute aliquid de actu voluntatis, prout virtus actus præcedentis manet in virtute in actu sequente, prout dicit Thomas. Imperans enim ordinat eum, cui imperat aliquid ad agendum intimando, vel denunciando, non absolutè tantum, cujus denuntiatio exprimitur per verbum indicativi modi, ut cum dicitur, est agendum, sed movendo, & excitando, & talis denuntiatio, & excitatio est imperium, & exprimitur per verbum imperativi modi, ut cum dicitur, fac hoc, vel illud. Cum ergo primum movens in viribus animæ sit voluntas, & secundum movens non moveat nisi in virtute primi moventis; sequitur quod ex hoc ipso, quod ratio movet imperando, sit ex virtute voluntatis. Et inde est quod quando aliquis facit imperium nostrum, dicimus quod faciat voluntatem nostram, quoniam actus voluntatis præcedens causa est hujus denuntiationis moventis, & excitantis ad agendum, qui utique conceptus mentis est per vocem modi imperativi significatus, & expressus, & per

consequens pertinet ad actum rationis : & per hoc patet responsio ad tertium. Simplex quidem, & absoluta denuntiatio de aliquo scito, vel credito, vel opinato non est imperium, nec exprimitur per imperativum modum, unde licet aliquid sciatur, vel credatur, vel opinetur; non tamen imperatur, nisi sit perfectè volitum. Actus enim voluntatis est causa denuntiationis, vel excitationis excitantis, vel moventis, quæ utique (ut dictum est) actus rationis est,

ARTICVLVS IX.

DE hoc, quod Thomas dicit eadem quest. 17. art. eodem in responsione principali, quod primum movens ad exercitium actus in viribus animæ est voluntas.

CORRVPTORIUM.

Videtur mihi, quod hoc benè, & màlè possit intelligi : Si enim intelligat, quod primum movens ad exercitium actus sit voluntas, falsum est secundum Philosophos & Sanctos, qui in hac materia loquuntur, primum movens non motum esse appetibile.

Præterea : prius necessariò sunt objectum, & vis apprehensiva objecti, & ejus apprehensio, quàm voluntas moveat; ipsa enim non movet nisi mota ab appetibili apprehenso; unde impossibile est, quod voluntas sit primum movens. Si autem intelligat, quod inter vires animæ prima potètia motiva, sive prima virtus movendi est voluntas, sic dico, quod verum est : objectum enim, quod est primum movens, non est virtus animæ; & virtus apprehensiva quævis prius sit necessaria ad motum; non tamen prius movet, nec dicitur virtus motiva. Sed voluntas movet prius, sive appetitus; hic enim est ordo, primò enim objectum bonum movet vim apprehensivam motu apprehensionis, deinde apprehensum movet appetitum, sive voluntatem, unde illud, quod movet voluntatem, non est ipsa ratio vel apprehensio; sed bonum apprehensum à ratione : deinde voluntas sic mota ab appetibili apprehenso movet alias vires & organa, sive totum animal ad exercitium actus.

Responsio ad hæc secundum Thomam.

AD ista non oportet respondere pro Thom. Manifestum est enim omni intelligenti, quid Thom. intendat in hac parte, unde mirum est ad quid voluit ille illum primum intellectum ex verbis Thom. fabricare, cum ipsa verba oppositum tonent, & ipsemet Thom. ubique docet, quod voluntas movet mota ab appetibili apprehenso. Hæc igitur pertransleo.

ARTICVLVS X.



DE hoc quod dicit Thomas eadem quest. eodem artic. in responsione 2. argumenti, ubi dicit, quod radix libertatis est voluntas, ut subjectum, sed ratio est sicut causa. Ex hoc enim voluntas potest liberè in diversa ferri, quia ratio potest habere diversas conceptiones boni. Et ideo Philosophi diffinierunt liberum arbitrium, quod est liberum de ratione iudicium, quasi ratio sit causa libertatis.

CORRVPTORIUM.

Istud reputamus falsum, quia ex hoc sequitur, quod voluntas non facit liberè, antequam ratio diversas conceptiones boni habuerit, & ita viri perfecti, qui sequuntur prius primum appetitum boni, quàm huiusmodi conceptiones habeant; & similiter mali & pessimi qui similiter sequuntur primum appetitum mali, nec isti, nec illi liberè facerent, quod constat esse falsum: unde dicendum, quod libertas est in voluntate ex sua naturali proprietate; non à ratione: immò etiam quod libertas, quæ est in ratione & in alijs viribus, est à voluntate potius secundum Bern. lib. de gratia, & lib. arb. cap. 3. *Universa* inquit, *quæ hominis sunt, propter solam voluntatem libera sunt*, & ita sola voluntas est, quæ sola ingenti libertate, nulla verò cogitur necessitate.

Item eodem lib. cap. 1. *Vbi voluntas ibi libertas*. Et cap. 3. *Ipse consensus ob voluntatis inamissibilem libertatem, & rationis,*

A quod semper secum portat & ubique indeclinabile iudicium, non incongrue dicitur (ut arbitror) liberum arbitrium, ipse liber sui propter voluntatem, ipse iudex sui propter rationem. Et cap. 3. *Cum voluntas nihil liberum habeat nisi se, meritò non iudicatur nisi ex se*. Ex his patet, quod voluntas est libera ex sua ingenta, & naturali proprietate, non ex ratione, & ejus deliberatione.

Item 1. *Metaph. Liberum est, quod est causa sui*. Lec. 3. ratio autem non est causa sui sed ad ministerium voluntatis facta, & ejus comes, & ejus pedisequa, ut dicit Bern. in lib. de gratia, & libero arbitrio.

B Item illa potentia est libera & causa libertatis, cujus est potestas faciendi, & non faciendi, & elicere actum electionis, & hæc potestas non est ratio, sed voluntas; ergo est causa libertatis, ut dicit Damasc. lib. 3. cap. 26.

Item in prima parte summe quest. 83. artic. 1. in responsione principali loquitur de ista materia ubi dicit: *Quod vis sensitiva non est collativa diversorum sicut ratio, sed simpliciter unum comprehendit, & ideo per illud determinatè movet appetitum sensitivum: sed ratio est collativa plurium, & ideo ex pluribus moveri potest appetitus intellectivus, scilicet voluntas, & non ex uno de necessitate*. His verbis nititur dare causam, quare appetitus sensitivus non sit liber, sicut intellectivus, quia scilicet potentia sensitiva non est collativa plurium sensatorum, sicut ratio plurium intellectuum; primum, quod dicit de potentia sensitiva, veritatem habet de sensibus particularibus, sed de sensu còmmuni falsum dicit. Dicit enim Philosophus *Tex. com. 134. versus finem 2. de Anima*, & aliquantulum post principium, *de somno & vigilia: Quod opus sensus communis est distinguere dulcia ab albis, & ita ejus est conferre sensus sensuum particularium: tamen propter hoc non ponitur aliqua libertas in appetitu sensitivo*.

Item per hoc quod secundò dicit, quod ratio est collativa plurium intellectuum, ideo voluntas moveri potest à diversis, & non ab uno: ex necessitate insinuare videtur, quod si ratio non proponat voluntati plura appetibilia, sed unum solum, necessariò voluntas fertur in illud, sicut appetitus sensibilis. Hoc monstratum est esse falsum tam in bonis, quàm in malis, qui statim ad unius appetibilis apprehensionem moventur, & hoc liberè, alioquin nec boni mererentur, nec mali demererentur.

Responsio ad hęc secundum Thomam.

OMnes istę objectiones procedunt ex falso intellectu verborum *Thom.* ac si dixisset, quod voluntas non posset esse libera, nisi ratio actu concipiat diversa, vel nisi actu formaret diversas conceptiones de eodem. Ipse eam hoc non intendit, sicut patet ex verbis ejus, quibus ait: *Ex hoc voluntas potest in diversa ferri, quia ratio potest habere diversas conceptiones.* Et illud est optime dictum si intelligatur, nam ex hoc quod ratio concipiens bonum sub ratione aliqua una, potest concipere bonum illud sub ratione alia, scilicet in ordine ad finem, vel prater ordinem ad finem, & sub diversis circumstantijs debitis, vel indebitis, appetitus, qui consequenter se habet ad talem potentiam sic apprehensivam, non habet necesse moveri, vel non moveri in bonum sic apprehensum. Quia verò virtus sensitiva non habet, nisi unam estimationem de objecto cōvenienti, vel discōvenienti apprehenso, nec habere potest plures; hinc est, quod appetitus ipsam consequens nō potest, quin moveatur sic, vel sic, & est necessario determinatus ad unū. Intelligitur igitur *Tho.* quod pro rāto debet dici, quod ratio est causa libertatis, quia scilicet virtutem sic apprehensivam naturaliter consequitur virtus sic motiva.

Ad primum igitur dicendum, quod licet tam boni, quā mali habitu aliquo, vel bono, vel malo inclinati sequantur primum appetitum, dicuntur tamen hoc facere liberē; & hoc quia licet non forment actu aliquam aliam conceptionem de objecto apprehenso, quā illam ad quam formandam ex tali habitu inclinantur, possent tamen aliam conceptionem formare, & aliam estimationem extimare de eodem objecto, & per consequens aliter moveri, unde ex prima conceptione, sive estimatione non compelluntur sic moveri, licet sic moveantur. Et sic patet causa, quare tales actiones sunt liberę, quia ratio posset aliter concipere, & per consequens voluntas aliter moveri, & agere.

Auctoritates *Ber.* omnes debent concedi, quia nihil aliud ostendunt, nisi quod libertas solę voluntati inest formaliter, quod etiam dicit *Thom.* sicut patet intuiti.

Ad secundum dicendum, quod nec ratio, nec voluntas est causa sui; ita quod

Ad nihil aliud debeat ordinari: unde licet ratio habeat ordinem ad voluntatem, ut ad primum movens per modum efficiētis, ratione cujus dicit *Bern.* quod ratio est comes, & pedisequa voluntatis, ex hoc tamen non concluditur, quod non sit causa libertatis: sicut licet voluntas ordinetur ad bonum apprehensum per rationem, & per consequens ad rationem tanquam ad principium movens per modum finis, nihilominus tamen est subiectum libertatis.

Tertia ratio probat, quod libertas inest voluntati formaliter, & hoc concedimus.

Quod Thom. dicit in 1. parte de hac materia loquens, prout isti hic recitant, similiter veritatem habet, si intelligatur. Non enim intendit *Thom.* dicere, quod virtus sensitiva apprehendat tantum unum, ita quod nulla virtus sensitiva possit apprehendere multa, cujus oppositum patet in sensu communi, qui apprehendit diversa objecta sensuum particularium, sicut ipsi obijciunt: sed intendit, quod nulla virtus sensitiva facit plures estimationes, vel facere potest de eodem objecto. Et impossibile est, quod virtus appetitiva, nisi uno, & eodem modo circa idem objectum moveatur. Nec intendit, ut isti opponunt, quod si ratio non proponat, nisi unum appetibile sensibile ipsi voluntati, quod voluntas feratur in illud: immo quia de illo eodem appetibili posset ratio formare aliā conceptionem, quam format quando in illud movetur, & sic per consequens non moveri in illud, ideò certē non cogitur per aliquam estimationem unam, ad modum virtutis sensitivę, sic determinatē moveri in illud, in quod movetur.

Objecta igitur contra hęc ex falso intellectu procedunt, sicut patet intuiti verba ipsius *Thome.*

ARTICVLVS XI.

DE hoc quod *Thom.* dicit, vel videtur dicere, quest. 75. art. 2. in respons. principali, quod ratio est proprium principium mali actus, & ut ibidem dicit, loquitur de ratione divisa contra voluntatem. Isti dicunt se investigasse in dictis ejus, quod tamen non est verum.

CORRVPTORIUM.

SI sic intelligat proprium principium mali actus, idest, illud, quod propriè facit malum, est ratio, sic falsum est, quod dicit, & etiam videtur erroneum. Tum quia ex hoc sequitur, quod non sit peccatum in voluntate, nisi fuerit prius error in ratione, quod reputatur erroneum, ut aliàs ostensum est, & est contra Augustinum in lib. de natura, & gratia cap. 5. Tum quia aliquid esset peccatum propter defectum rationis, non voluntatis, & sic non omne peccatum esset voluntarium. Tum quia etiam cum ratio cogi possit, faciet homo peccatum etiam invitus.

Quod autem non ratio, sed voluntas sit proprium principium mali actus; Aug. de duabus animabus. Non nisi, inquit, voluntate peccatur. Item 22. contra Faustum. cap. 44. Nisi iniquitas, & iniustitia essent in voluntate, non essent in potestate. Item de vita Clericorum cap. 5. Hæc omnia mala de una radice pullulant propriæ voluntatis.

Item Anselmus in lib. de similitudinibus cap. 8. dicit: Propria voluntas hominis, totius est exordium mali. Et idem in lib. de casu Diaboli. cap. 19. Nulla res dicitur mala, nisi mala voluntas, aut propter malam voluntatem. Si autem intelligatur, quod proprium principium mali actus, id est distinctum principium mali actus, & illud per quod est distinctio in malo, sic videtur verum, quod dicit, quod ratio est proprium principium mali actus, quod enim voluntas distinctè appetit hoc ab illo, si bonum fuerit, siue malum, hoc habet à ratione ministrante, & apprehendente, ita quod rationis ostensio dicatur distinctiva causa sine qua non, & solum; licet autem hoc quod dicit, scilicet ratio est proprium principium mali actus, sub hoc sensu possit esse verum, tamen hoc secundum membrum distinctionis non videtur implicari in hoc quod dicit, nec hunc sensum videtur prosequi in sua responsione, unde non videtur multum sufficienter per hoc excusari.

Responsio ad hæc secundum Thomam.

NON potui invenire, quod hic inducitur sub his verbis: qualiter autem

A ratio est causa, vel principium immediatum actus humani docet Tho. in 1. 2. quest. 75. art. 2. per quod patet, quod ea quæ contra eum hic obijciuntur, non sunt contra ipsum. In responsione enim principali illius art. sic ait: Immediata causa actus humani est ratio, & voluntas, secundum quam homo est liber arbitrio, causa autem remota est apprehensio sensitivæ partitis, & etiam appetitus sensitivus. Sicut enim ex iudicio rationis voluntas movetur ad aliquid secundum rationem; ita etiam ex apprehensione sensus appetitus sensitivus in aliquid inclinatur, quæ quidem inclinatio interdum trahit rationem, & voluntatem sicut infra patebit. Sic igitur duplex causa peccati interior assignari potest, una proxima ex parte rationis, & voluntatis; alia vero remota ex parte imaginationis, vel appetitus sensitivi. Sed, quia supra dictum est, quod causa peccati est aliquod bonum apparens motivum cum defectu debiti motivi, scilicet regulæ rationis, vel legis Divinæ, ipsum motivum, quod est apparens bonum, pertinet ad apprehensionem sensus & ad appetitum: Ipsa autem absentia debite regulæ pertinet ad rationem, quæ nata est huiusmodi regulam considerare, sed ipsa perfectio actus voluntarij peccati pertinet ad voluntatem, ita quod ipse actus voluntatis præmissis suppositis iam est quoddam peccatum. Hæc sunt verba Thom. ex quibus patet, quod non ponit, quod ratio exclusa voluntate (prout isti falso imponunt sibi) sit proprium principium, vel causa mali actus, cum ponat peccatum in voluntate consistere, idest, in ipso actu voluntatis, unde mirum est quod huiusmodi falsa volebant imponere viro sancto, & tam Catholico Doctori. Nec est facile eos, qui nituntur sine aliqua ratione, ut ex dictis patet, inexcusabilem eum comprobare, aliquantulum in hoc excusari posse.

ARTICVLVS XII.



DE hoc quod Thomas dicit in 1. 2. quest. 102. art. 5. in responsione 3. argumenti quod matrimonium fuit in veteri lege, prout fuit in officium naturæ, non prout est sacramentum coniunctionis Christi, & Ecclesie, quæ nondum erat facta. Unde in veteri lege dabatur libellus repudij, quod est contra rationem sacramenti.

clesie, quæ nondum erat facta. Unde in veteri lege dabatur libellus repudij, quod est contra rationem sacramenti.

CORRVPTORIVM.

Hæc positio videtur esse contra Apostolum ad Eph. 5. Propter hoc, inquit, relinquet homo patrem, & matrem, & adheret uxori suæ, & erunt duo in carne una. Sacramentum hoc magnum est, ego autem dico in Christo, & in Ecclesia: Vbi dicit Glo. Quod prædicta auctoritas sumpta est de Gen. cap. 2. sed quod accipitur de Christo, & Ecclesia, jam non duo, sed una caro sunt &c. Et infra dicit alia Glo. Hujus inquit, spiritualis unitatis, scilicet Christi & Ecclesie sacramentum fuit istud, quod in Genesi de unionis conjugij loquitur ad litteram. Patet ergo ex textu Apostoli & ex Glo. Quod matrimonium fuit in veteri lege sacramentum conjunctionis Christi & Ecclesie, cujus contrarium dicit.

Item quod addit pro ratione suæ positionis, scilicet, quod conjunctio Christi, & Ecclesie non dum erat facta, nihil videtur valere, quia immolatio agni Paschalis, & quædam alia sacrificia fuerunt sacramentum immolationis Paschalis, quæ non dum erat completa.

Item quod addit de libello repudij, nihil valet, quia repudiare uxorem non fuit à institutione matrimonij, immò contra institutionem, fuit tamen permixtum à Moyse, Vt, minus malum, ne pejora fierent, quod fuit factum ad duritiam cordis eorum, Math. 19. Et idè cum divisio per repudiationem fuerit illicita, patet quod matrimonium veteris legis fuit indivisibile, & idè non repugnantè repudio illicito fuit sacramentum conjunctionis Christi, & Ecclesie, cujus contrarium dicit. Hæc sunt verba eorum, qui nisi sunt capere hominè in sermone plura contra primam secundæ non habentes.

Responsio ad hæc secundum Thomam.

Quia isti in hoc art. ult. partis hujus Doctori nostro contradicunt, & ipsum arguunt minus justè, patet ex doctrina ejus super 4. sententiarum. distinct. 26. quest. 2. in solutione quest. ubi dicit sic: Matrimonium, secundum quod ordinatur ad procreationem prolis, quæ erat necessaria etiam peccato non existente, institutum fuit ante peccatum:

Atum: secundum autem quod remedium præbet contra vulnus peccati institutum fuit post peccatum tempore legis naturæ. Secundum autem determinationem personarum institutum fuit post peccatum tempore legis Moysei, sed secundum quod repræsentat mysterium conjunctionis Christi & Ecclesie, institutionem habuit in nova lege. Et secundum hoc est sacramentum novæ legis, unde quantum ad hoc quod Matrimonium est sacramentum novæ legis, non erat institutum ante Christum. Sicut enim ipsa lex nova ante Christum non erat lata, nec promulgata, sic nec sacramentum novæ legis ante Christum erat institutum.

BAd primum, quod incontrarium isti obijciunt, respondet Thom. parte ultima art. 2. in responsione ultimi argumenti, ubi sic ait: Matrimonium fuit institutum in statu innocentie, sed secundum quod est in officium naturæ, ex consequenti tamen aliquid significat futurum, Ecclesiam, sicut & omnia alia in figura Christi præcesserunt, quorum quedam fuerunt sacramenta veteris legis significantia quæ futura erant circa Christum, à quibus differunt sacramenta novæ legis in hoc, quod secundum ea quæ jam facta sunt circa Christum, sicut Baptismus, & Eucharistia, quæ significant passionem, vel mortem Christi jam factam, unde Matrimonium non potuit esse sacramentum novæ legis, donec significare potuit conjunctionem Christi, & Ecclesie jam factam, quod facere non potuit antequam esset, potuit tamen prius præfigurare illam futuram. Sicut immolatio agni Paschalis præfigurabat passionem Christi futuram, quæ tamen non erat sacramentum novæ legis. Eodem modo Matrimonium quamdiu significabat istam conjunctionem Christi, & Ecclesie, ut futuram, dici non potuit sacramentum novæ legis. Vnde ut dictum est, quod sacramentum novæ legis non erat ante Christum institutum, prout tamen habetur in Glo. quam secundo allegant, potuit prius illius unionis ineffabilis dici sacramentum, in quantum illud præfigurabat, ut dictum est.

Ex his patet, quod nihil valet, quod obijciunt secundo. Manifestum est enim, quod licet immolatio Agni Paschalis & quædam alia sacrificia passionem Christi futuram præfigurabant, propter hoc tamen sacramenta novæ legis dici non potuerunt, sed potius ad legem, in qua erat promissio Christi venturi, pertinebant.

Quod dicunt tertio, nihil valere, salva pace eorum satis pulchrè dicitur si intelligatur; minus enim licuit permissio de libello repudij, postquam Matrimonium in

in nova lege est institutum, ut sacramentum unionis Christi & Ecclesiæ jam facta, quàm in veteri lege, quando huiusmodi institutionem habere non potuit, ut ex dictis patet, unde tunc mittebantur uxorem dimittere, & plures uxores simul habere, quod non decet nunc permitti, propter quod nec aliqua ratione permittuntur propter prædictam Matri-

monij institutionem in nova lege. Nec intendit Thomas dicere, quod Matrimonium veteris legis habeat divisibilitatem, vel quod non esset indivisibile, nec dicit repudium fuisse licitum sed, ut dictum est, quod permissio de repudio magis repugnat Matrimonio in nova lege, quàm in veteri, ut dictum est.

Finis Prime secundæ.



CORRECTORIUM

CORRVPTORIJ

IN SECUNDAM

SECUNDÆ.

ARTICVLVS I.



Super hoc quod Thomas dicit in quæst. 24. art. 5. in responsione principali, quod charitas nullo modo potest augeri per additionem charitatis ad charitatem, sed secundum quod subjectum magis participat charitatem, idest magis reducitur in actum illius, & magis subijcitur illi.

B Secundum etiam, quod ponit charitatem augeri per hoc, quod reducitur subjectum in actum illius, & magis subijcitur illi, non videtur esse verum.

Primum videtur, quod per hoc sit falsum, quia nos videmus Christum bis dedisse Spiritum Sanctum, semel interea post resurrectionem Ioan. 20. & semel de Cælo Act. 11. & utraque vice diffusa est charitas per Spiritum Sanctum, ut dicitur Apostolus ad Rom. 5. ergo vel in secunda datione amiserant charitatem, quam in prima acceperant, quod non creditur, vel augmentata est charitas per additionem ab extrinseco.

Præterea: quod Deus Sanctis quibusdam, ut Beatæ Virgini & Beato Paulo in prima infusione multò maiorem dedit gratiam, quàm alijs Sanctis, ut Lino, sed omne excedens dividitur in illud, quod exceditur, &

CORRVPTORIUM.

PRIMUM quod dicit, quod charitas nullo modo potest augeri per additionem charitatis ad charitatem, videtur falsum, & sonare in præiudicium Divinæ potentiae.

in augmentum; ut dicitur 4. *Physicorum Text.* com. 71. ergo major charitas Pauli potest dividi in tantundem quantum habet Linus & amplius. Sed omne divisibile, quod dat Deus simul, & semel potest ipse dare per partes successivè, ex quo divisim partes dari, & haberi possunt: ergo illam magnam charitatem, quam Deus dedit una vice, potuit Paulo dedisse pluribus vicibus; sed hoc non est possibile, nisi charitas possit augeri per additionem charitatis, ergo.

Uterius, modum augmenti charitatis, quem ipse ponit, non reputamus verum, scilicet, per hoc quod subjectum magis ac magis reducitur in actum illius, & subditur illi; aut loquitur de actu charitatis, qui est ut habitus, aut qui est ut usus? Si loquitur de actu ut habitus? Tunc idem, ac si diceret, quod habitus charitatis augetur per hoc, quod anima vel voluntas magis reducitur in habitum charitatis illius, & hoc est petere, quod debet ostendere, tanquam si diceret, quantitas pueri augetur per hoc quod magis reducitur in quantitatem, & hoc nihil est dictum. Si autem loquitur de actu, ut est usus? Sub hoc sensu habitus charitatis magis, ac magis augetur per hoc, quod anima vel voluntas magis reducitur in usum charitatis absque additione extrinseca: sic intelligendo non videtur nobis, quod sit verum, quia secundum hoc solum prima generatio charitatis esset per infusionem, & totum augmentum esset per assuetudinem, & exercitium; ita charitas (ratione ejus quod primò infunditur) esset virtus infusa, & ratione totius augmenti esset virtus consuetudinalis, immò in multis plus consuetudinalis, quam infusa, quia in multis multò plus est, quod accrevit per augmentum, quam quod infunditur primò, sicut videtur in naturalibus, quod modicum semen plantę crescit in magnam arborem, vel in magnum animal: hoc autem nullus dicit, quod charitas, secundum aliquid sui, vel pro magna parte sui, sit virtus consuetudinalis.

Præterea: tam virtutes intellectuales, quam morales illo modo quo generantur, illo modo augmentantur: ergo similiter virtutes infusæ; de intellectualibus virtutibus dicit Philosophus 2. *Ethic. cap. 1. Intellectualis*, inquit, virtus plurimam ex doctrina generationem habet, & incrementum.

Item eodem lib. cap. 2. *infra de moralibus* dicit: Non solum ortus, & accretiones, corruptiones ve ex eisdem, & ab eisdem

B. *Ægid. defens. Oper. S. Thom.*

A efficiuntur, sed operationes in eisdem erunt. Et *infra idem cap. 3. dictum sit, igitur virtutem circa delectationes, & tristitias versari, & ex quibus sit ab his ipsis augeri, & cū eodē modo nō sunt corrupti.* Rationes, quas pro se adducit, non cogunt.

Prima est talis, *Simplex simplici additum non facit ipsum maius*, ut probatur 6. *Physicorum Text. comm. 58.* Sed charitas est simplex; ergo non fit major per additionem.

B Respondeo: sicut duplex est quantitas, scilicet molis, & virtutis, secundum *Augustinum*, ita duplex est simplex, scilicet mole, & virtute, & similiter majus etiam simplex mole, & quantum virtute potest esse, ita in omnibus formis præterquam in mathematicis, unde charitas est simplex mole, & quanta virtute.

Secunda ratio, quam ponit, est ista. Si charitas augetur per additionem charitatis, oporteret illam, cui fit additio, & illam, quæ additur, distinguere, saltem per intellectum. Sed charitas à charitate in eadem anima non potest distinguere; quia nec secundum speciem, nec secundum numerum; non secundum speciem, quia talis distinctio habituum sumitur penes objecta: sed charitas à charitate penes objecta non distinguitur, sed respectu eorundem objectorum sunt: nec secundum numerum distinguuntur, quia talis distinctio est per subjecta, & talis non potest esse in una anima.

Respondeo argui ab insufficienti, quia alius est modus distinctionis secundum numerum, quam secundum subjecta, per tempora scilicet, & per mutationem temporis, sicut dicit Philosophus 5. *Physicorum, Text. comm. 2.* & patet per se, quia est alia sanitas, quæ præcedit infirmitatem, & quæ sequitur eā. Consimiliter de charitate, quæ infunditur in uno tempore, & quæ infunditur in alio tempore.

Responsio ad hæc secundum Thomam.

I Stæ cavillationes procedunt ex falsa imaginatione; sumunt enim augmentum charitatis ad modum augmenti corporalis, in quo fit additio quantitatis ad quantitatem, non intendentes, quod aliquo modo augmentantur, vel intenduntur qualitates simplices ex suis causis, scilicet, ex causa agente, & recipiente. Agens enim in naturalibus intendit reducere patiens, quod est in potentia suæ similitudinis, quan-

M

quan-

quantum potest. Sicut autem non calidum, est potentia ad calidum, ita minus calidum est in potentia ad magis calidum: unde sicut per actionem calidi efficitur de non calido calidum, quia calor, qui est in potentia, reducit ad actum, ita etiam minus calidum efficitur magis calidum per actionem calidi, inquantum educitur calor, qui erat in actu imperfectus ad maiorem perfectionem, & maiorem assimilationem agentis: & hoc contingit secundum quod potentia subiecta est actui, quæ quidem, quantum in se est, ad multa se habens, magis, ac magis terminatur sub actu illo: quod fit, vel quia augetur virtus agentis, sicut ex conjunctione plurium luminarium; vel quia ex parte materiæ inducitur aliqua dispositio, propter quam efficitur susceptibilior istius actus, sicut aer quantum plus attenuatur, tanto fit susceptibilior ipsius luminis. Intensio autem charitatis non fit ex hoc, quod virtus agentis fortificetur, sed tantum ex hoc, quod natura recipiens (quæ quantum in se est dispositionem quamdam habet, secundum quod est in potentia pura) magis, ac magis preparatur ad susceptionem gratiæ: & hoc secundum quod ex dicta multitudine, & confusione potentialitatis in unum colligitur per operationes, quibus ad charitatem maiorem suscipiendam, præparatur.

Et ideo Dionysius perfectionem sanctitatis semper designat per hoc, quod est ex partita vita in unitam consurgere. Et sic patet, quod augmentum charitatis simile est, non quidem augmento quantitatis, quod fit per additionem quantitatis (ut isti imaginantur, & falso) sed augmento qualitatis simplicis, quod fit per intensiorem, per hoc scilicet, quod ab imperfecto ad perfectum reducit, ut dictum est.

Ad primum in contrarium dicendum, quod licet Christus bis legatur dedisse Spiritum Sanctum discipulis, ad quod consequens est, quod charitas fuit augmentata in eis; non tamen sequitur ex hoc modus augmentationis per additionem, ut ipsi fingunt, sed quod Spiritus S. secundo adveniens, charitatem, quæ prius erat minus perfecta, ad ulteriorem deduxerit perfectionem, ac maiorem sui similitudinem, sicut calidum intensum, agendo in minus calidum, calorem prius imperfectum ad gradum deducit perfectiorem. Ratio autem non plus cogit, nisi quod causa agens in augmen-

to charitatis fuit ab extrâ. Sed ipsi imaginati sunt, quod aliquid charitatis fuit ab extrâ creatum, & postmodum animæ infusum, & priori charitati adjunctum, quod puerile ac frivolum est. Illud enim charitatis de novo creatum non potest accipere esse, nisi in subiecto, cum sit accidens; in eodem autem subiecto non possunt esse duæ charitates. Impossibile est enim formam ejusdem speciei in uno subiecto numero plurificari, sicut patet ex dictis Thomæ hic & in primo sententiarum distin. 17. quest. 2.

Ad secundum dicendum, quod magnitudo charitatis collatæ Beatæ Virginis, vel Sancto quantumcunque magno, non habet divisibilitatem ad intrâ, cum tam ratione sui ipsius, quàm ratione subiecti, sit per se, & per accidens indivisibilis. Illa autem cavillatio procedit, ac si haberet partibilitatem ad intrâ per modum quantitatis, quia tunc posset ei una pars dari sine alia, vel simul cum alia, nunc autem huiusmodi partes non habet: dicitur autem huiusmodi habitus charitatis, vel alius consimilis major, vel minor, secundum quod est intensior, vel remissior; quæ quidem magnitudo est magnitudo virtutis, non molis, quæ pertinet ad genus quantitatis, ubi contingit partem, & partem accipere, & per consequens, partem parti copulando, augmentum invenire.

Quod autem ulterius dicit; *Omne excelsus dividi potest*, &c. Si intelligat de divisione reali, & excessu virtuali, falsum dicitur, & impossibile; manifestum est enim, quod una forma indivisibilis & simplex (quæ impossibile est per partes dividi, cum nullas habeat) potest aliam in virtute excedere; potest tamen ibi esse divisio secundum rationem, ex eo quod intellectus potest illam virtutem partialiter intelligere, accipiendo illud, in quo æquatur alteri, & in quo excedit illud idem. Verbi gratia. Possum accipere per intellectum in charitate Beatæ Virginis gradum, in quo æquatur charitati Linis, & gradum in quo æquatur charitati Petri, & gradum ulteriorem in quo excedit charitatem utriusque. Illa autem partibilitas non cadit in ipsa re, quæ est indivisibilis, sed in ipsa ratione recedente eandem gradatim, & partialiter considerante.

Ad tertium dicendum, quod Thom. loquitur de ipso actu charitatis, qui est habitus, & verum est, quod idem est actum subijci charitati, & huic actui, nec tamen

tamen sequitur; quòd istud non faciat ad declarationem suæ positionis. Planum est enim, quòd istam veritatem ignorabant, qui augmentum charitatis, non per hoc, quòd anima ei subjiçitur amplius, sed per hoc, quòd nova charitas priori adjicitur, fieri extimabant. Quantitas verò pueri alio modo, quàm per intensiorem hujus, scilicet per additionem, & extensionem habet fieri. Vnde manifestum est, quòd pro eis fecit Thomas in hac parte.

Ad quartum dicendum, quòd illud, quòd adducit de Philosopho. 3. Ethicorum, quòd ex eisdem generantur virtutes, & corrumpuntur, & augmentantur, nihil facit pro eis. Non enim intendit Thom. quòd actus charitatis secundus, qui non est sua essentia, inducat augmentum charitatis per modum causæ agentis, sed per modum meriti de congruo disponentis. Quod dicunt quintò ad rationem primam, quòd charitas habet quantitatem virtutis, quamvis non molis, ratione cujus augeri potest per additionem, frivolum est; quoniam quantitas virtutis nullam ponit divisibilitatem, vel partium pluralitatem in eo, cujus est; unde per consequens non potest intelligi ratione hujus quantitatis aliquam partem unam alteri supervenire, & sic per additionem augmentationem facere.

Quod dicunt sextò ad rationem secundam, quòd alius est modus distinctionis secundum numerum, quàm secundum subjecta, per tempora scilicet, sive per mutationem temporis, manifestum est qualiter non intelligunt, quòd dicunt; quòd enim aliqua forma in subjecto manens varietur, vel distinguatur ex sola variatione temporis absque sua corruptione media, omninò est impossibile. Sicut patet in exemplo, quòd ipsi pro se adducunt. Impossibile enim foret sanitatem in eodem subjecto numero distinguere, vel numerari ex sola temporis varietate, nisi scilicet per infirmitatem mediani corrumperetur. Similiter etiam impossibile est charitatem priorem distinguere à charitate sequenti ex sola temporis varietate, nisi contingat medio tempore ipsam charitatem priorem corrumpi: unde patet, quòd prædicta responsio frivola est, & vana, quòd scilicet charitas, quæ infunditur uno tempore, distinguatur ab illa alia charitate, quæ infunditur alio tempore: manente enim charitate priore, nulla alia infunditur nova, sed illa, quæ præfuit, ad majorem perfe-

ctionem, & similitudinem cum charitate summa Spiritus Sancti, & agentis reducitur.

ARTICVLVS II.

DE hoc, quòd Thomas dicit secundæ secundæ, questione 24. art. 7. in responsione principali, quòd augmentum charitatis in vita ista nullus terminus præfigi potest.

CORRUPTORIUM.

Putamus, quòd non sit verum istud. Omne enim finitum potest venire ad quantitatem cujuslibet finiti sui generis, immò incomparabiliter transcendere. Cum igitur charitas Christi finita fuerit, quia creata, & etiam Beatæ Virginis; & etiam sit ejusdem generis cum charitate aliorum hominum, posset charitas cujuslibet viatoris, si cresceret in infinitum, transcendere charitatem Christi, & Beatæ Virginis; C quòd est horribile audire pijs auribus.

Præterea: quantò magis augeretur habitus dilectionis, tantò magis intenderetur actus diligendi, ergo si habitus augeri potest in infinitum, & actus, sed actus non potest, quare nec habitus. Præterea: hoc est contra Aug. qui dicit lib. 2. retract. cap. 7. ubi ponitur retractatio libri de moribus Ecclesiæ: Hoc quòd dixi: Deum, quem cognoscere volumus, prius plena charitate diligamus: melius diceretur, sincera, quàm plena. Ne forte putaretur charitatem Dei non futuram esse majorem, quando videbimus eum facie ad faciem. Sic itaque hoc accipiatur: tanquam plena dicta sit, qua major esse non possit, quamdiu ambulamus per fidem.

Item in lib. de perfectione justitiæ, ante medium: Charitas ut habeatur tanta, quanta haberi potest in corpore mortis hujus, parum est nostre voluntatis arbitrium, nisi adjuvet gratia Dei per Christum Dominum nostrum.

Ex his auctoritatibus patet, quòd non est charitas augmentabilis in infinitum in hac vita, alioquin non posset in hac vita, tam plena esse, quòd non posset major esse, cujus contrarium dicit prima auctoritas.

Præterea: si esset augmentabilis in infinitum, non haberetur tanta, quanta haberi potest. Cujus contrarium dicit secunda auctoritas.

Præterea: ratio, quam adducit pro confirmatione positionis prædictæ, sumitur de Glossa ad Philip. 3. super illud: Non quod jam acceperim, aut jam perfectus sim. Glo. Nemo fidelium (& si multum profecerit) dicat, sufficit mihi. Qui enim hoc dicit, exit de via, vel quiescit in via ante finem.

Responsio: duplex sufficientia charitatis potest intelligi; una est sufficientia habitus; alia secundum usum, & numerum meritorum. Glo. ergo non negat tantam sufficientiam charitatis in via posse haberi, qua major non possit, sed negat hoc de usu, & sufficientia meritorum, quæ verè nunquam sunt tot, & tanta in via; quin plura, & majora possint esse, & quin adhuc ad majora debeat conari. Et quod sic intelligendum sit, patet ibidem per Gloss. quæ ita dicit: Hoc de se Apostolus ait: Non quod jam acceperim, aut jam perfectus sim, quia homines laborandum sibi intelligere debent, ut justificationum merita, ac perfectionis metam adipiscantur.

Alia ratio est talis, quam ponit: Terminus non præfigitur augmento formæ alicujus nisi vel ratione formæ in se, vel ratione causæ agentis, vel ex parte subiecti recipientis. Ratione ipsius charitatis in se terminus præfigi non potest: ipsa enim charitas secundum rationem propriæ speciei terminum non habet: est enim participatio infinitæ charitatis, quæ est Spiritus Sanctus. Nec etiam ratione causæ agentis, scilicet Dei, quia ipse est infinitæ virtutis. Nec etiam ratione recipientis, quia crescente charitate semper crescitabilitas ad maiorem adhuc charitatem participandum.

Responsio: dicimus quod ad minus duobus modis præfigitur terminus, augmentationi charitatis. Primo, ratione sui ipsius in se, eò quod est forma habens contrarium. Formæ enim augmentabiles in infinitum contrarium non habent, sicut patet in speciebus quantitatis, cui nihil est contrarium, ut dicit Philosophus in predicamentis. Cujus ratio est, quia contraria secundum suam diffinitionem maximè à se invicem distant. Aliqua enim duo, quorum utrumque vel alterum augeatur in infinitum, distantia ipsorum necessario augeatur in infinitum, & ita nunquam esset maxima. Et ideo illa, quorum

utrumque, vel alterum crescit in infinitum, non possunt esse contraria. Et ideo charitas ipsa, quæ est forma habens contrarium, necesse est, quod non possit augeri in infinitum. Ratio ista trahitur ex verbis Comment. 4. comment. 20. Caeli & mundi super illam partem; manifestum est: Si supra leve esset levius accipere in infinitum, leve non esset contrarium gravi, quia contraria maximè distant. Nec valet, quod charitas est quædam Divinæ, & infinitæ charitatis participatio, quæ est Spiritus Sanctus, ergo potest crescere in infinitum: quia non solum ex hoc posset inferri, quod ista posset augeri in infinitum, sed quod ipsa sic sit infinita, quia est quædam participatio illius quod est actu infinitum; & constat, quod hoc non sequitur. Similiter dicimus, quod augmentum charitatis statum habet ratione subiecti recipientis: & quando dicimus, quod subiectum charitatis crescente charitate semper crescit, dicimus, quod sive loquitur de subiecto proximo, scilicet de potentia voluntatis, sive de remoto, scilicet de essentia animæ, dicimus, inquam, quod falsum est, quia essentia animæ nec est infinita, nec crescit in infinitum, hoc constat. Similiter nec potentie animæ sunt infinitæ, ut dicit Aristot. in lib. de problematibus in particula 3. Potentias non infinitas habemus receptivas, & activas, sed finitas, quæ adipiscuntur commensurationem.

Præterea: potentie, quia sunt naturales, posito etiam quod auferentur, non auferentur in infinitum; dicit enim Philosophus 2. de Anima Text. comm. 41. Adversus autem alterandi & augmentandi, qui invenitur in hac natura augmentabili, semper invenitur finitus & terminatus in quantitate.

Responsio ad hæc secundum Thomam.

Hoc, quod isti in proposito putant falsum, tam hic quam super 1. sent. distin. 17. est ab ipso Thoma pulcherrimè declaratum, quod videlicet terminus augmenti charitatis in via nullatenus præfigi potest, cum tamen charitas viæ nullo modo æquiparari possit charitati patriæ quæ finita est, quod quo modo fieri possit, exemplo tali poterit declarari. In aëre, manente, aëre, non contingit præfigi terminum augmenti caloris in eodem; semper enim

manente aëre, manet potentia ad calorem, majorem, quia forma aëris non compatitur secū calorem summū, qui naturaliter cōcomitur, & consequitur formā, alterius naturæ, scilicet ignis: sic charitati viæ, quæ innititur cognitioni fidei ænigmaticæ, nō potest præfigi terminus augmēti, statu viæ permanēte: semper enim manēte hujusmodi cognitione in statu viæ remanet charitas, vel amor sub quadam imperfectione, eō quod innititur illi cognitioni imperfectæ, quæ non cōpatitur secum illam charitatis perfectionem, quæ in patria ad perfectam Dei cognitionem consequetur. In hoc tamen est differentia in proposito, & exemplo adducto, quod calor in aëre per actionem aliquam in tantum potest intendi, quod necesse erit in fine actionis illius formam aëris corrūpi, & summum calorem cum forma ignis, ad quam consequitur, induci. Sed charitas in statu viæ nunquam potest per actionem aliquam viatoris, augmentum charitatis promerentis, in tantum intendi, quod necesse sit cognitionem ænigmaticā evacuari, & charitatem patriæ cum visione perfecta, quam consequitur, induci: cum à beneplacito Divinæ voluntatis dependeat: quin potius, quantò charitas in via fuerit major, tantò etiam cognitio fidei ænigmatica est perfectior, & certior: aucta enim charitate, & per consequens fide, cū virtutes sint connexæ, certius, ac firmitus mens hæret, propter veritatis primæ auctoritatem, his, quæ non videt homo. Hujus ratio differentię assignatæ hæc est, quod potentiæ materiales sunt determinatæ, & finitæ secundum exigentiā materiæ; unde potentia materiæ aëris ad calorem finita est, & limitata, unde quando ab actione calefacientis transcenditur potentia illa, necesse est, quod ipsa cum aëre subiecto corrumpatur. Sic & potentia sensus, eō quod materialis est, & per materiam limitata, à sensibili superexcellenti corrumpitur. Secus est de potentijs immaterialibus, quæ non limitantur ex materia, sed magis secundum participationem bonitatis divinæ in eis perceptæ; unde quantò plus eis additur de bonitate, tantò magis inest eis potentia, & capacitas ad ulteriorem: Ideo intellectus (cap. 3. de Anima, Text. comm. 7.) confortatur ab excellentibus intelligibilibus, ita quod quantò plus elevatur ad alta cognoscenda, tantò magis ampliatur ejus capacitas ad altiora capiendū.

Isti autem comparantes capacitatem substantiæ materialis putaverunt, quod terminus in augmento charitatis esset præfixendus ratione potentię limitatæ, quia sic videtur contingere in augmento qualitatis in substantia materiali, ac sensibili. Ipsi enim, ut pote minus intelligentes, ad modum puerorum per omnia in hoc, & in alijs sensui innituntur, spiritualia, & intellectua- lia per ista sensibilia commensurantes.

Ad primum dicendum, quod ad hoc, quod finitum finito adæquetur per additionem, necesse est, quod sint ejusdem rationis, sicut patet in linea, superficie, & corpore, quæ licet sint finita, per additionem tamē nūquam possunt adæquari, cum nō sint ejusdem rationis. Sic charitas Christi non est ejusdem rationis cum charitate viatoris, tum quia est dispositio ad unionem cum Verbo, & ex hoc habet quandam infinitatem, tum quia innititur visioni perfectissimæ ipsius Verbi, & hoc à primo instanti suæ conceptionis. Charitas vero viatoris innititur (ut dictum est) cognitioni fidei ænigmaticæ, propter quod quantumcunque crescat charitas viatoris, exceditur incomparabiliter à charitate Christi, & similiter à charitate Virginis Matris ejusdem eadem ratione. Si tamen loquimur de charitate Beatæ Virginis in via, certū est, quod charitas ejus potuit augeri: unde in ipsa charitate profecit, & per consequens augmentum charitatis promeruit, nullus tamen tantam gratiæ plenitudinem recepit, ut ipsi in hujus profectu possit adæquari, istud pię aures non abhorrent, nisi forte sint asinina, & sine intellectu existant.

Ad secundum dicendum, quod nulum inconveniens est ponere, quod actus charitatis possit intendi, aucta charitate. Sicut enim charitas viæ (ut dictum est) quantumcunque aucta, semper est finita; immò etiam respectu charitatis patriæ imperfectas: sic actus ejusdem semper erit finitus, & respectu charitatis in patria imperfectus.

Ad tertium dicendum, & ad quartum, quod Augustinus in utraque auctoritate loquitur de quantitate & plenitudine charitatis in genere, quæ est, ut Deus diligatur præ omnibus. Sed cum peccato carere non valeamus, omnia & singula semper in ipsum ordinantes actu: tamen in hoc ipso, quod est Deum sic in hac vita diligere modo predicto, quo possumus, continuus potest esse

esse perfectus, sicut patet per *Augustinum* eodem lib. cap. 7. ubi sic ait: *Ardor quippe charitatis sequendo Deo factus idoneus & tam magnus, ut vitia cuncta consumat, in hac vita nasci, & crescere potest; perficere vero propter quod nascitur, ut nullum insit homini vitium, non consequenter hic potest: quamvis tanta ista res eodem ardore charitatis perficiatur, ubi perfici & quando perfici potest, hoc est in Patria. Ecce hic dicit August. quod charitas, vel amor etiam magis crescere potest, cum nimirum secundum eum non possit esse tanta; quin aliqua vitia stent cum ea, quæ quantò magis per actum charitatis reprimuntur, tantò magis meretur ipsa charitas augmentari, quod sic patet. Actus enim charitatis maioris, maioris est virtutis in merendo: sed actus charitatis minoris meretur augmentum charitatis, ergo multò fortius hoc merebitur actus charitatis maioris, stante statu merendi. Et huic consonat Gloss. quam adducunt: *Nemo fidelium, & si multum profecerit &c.**

Et quod dicunt quintò respondendo illi Gloss. & rationi *Tho.* Quod nō negatur ibi sufficientia meritorū, stare nō potest, quia si nō negatur sufficientia meritorū, & merita charitatis posterioris, quæ est perfectior, sit maioris efficacix, quā merita charitatis prioris, & imperfectioris, consequens est, quod per ipsam contingit maiorem perfectionem charitatis promereri: unde si attendamus ad virtutem promerendi, quæ tantò major est ad promerendum augmentum charitatis, quantò à maiore charitate procedit, inueniemus, quod in positione sua includunt contradictoria scilicet quod charitas in aliquo gradu in statu viæ non potest augeri; & tamen quod possit augeri, patet ex hoc, quod merita, quæ erant maioris efficacix, quā priora, ab ipsa possunt elici.

Quod autē sextò respondēdo ad rationem *Thom.* quod formæ augmentabiles in infinitum non habent contrarium, cuius oppositū videmus in charitate, propter quod videtur eis, quod non possit in infinitum augeri, quia nunquam esset maxima distantia, nihil valet, si prædicta intelligentur. Charitas enim, cuius augmenti terminus præfigi non potest, est charitas viæ, inter quam & culpam, vel cupiditatem non est distantia maxima, quia inter charitatem patriæ, & prædicta est distantia incomparabiliter maior; unde ista ra-

tio, si rectè super præmissas veras fundetur, pro nobis facit, ex quo charitas in statu viæ nunquam potest habere, quantumcunque crescat, distantiam summam, vel maximam ad culpam, vel cupiditatem, quæ sunt sibi in ratione contrarij, sequitur, quod in infinitum in statu viæ possit augeri.

Quod verò imponunt *Thom.* idem, quod ipse ponit subiectum charitatis crescere, ipsa charitate crescente, non est de intentione *Thom.* & mirum est, cum hoc non ponat, quare sibi volebant hoc imponere, nisi fortè quia ipsum non intelligebant, & hoc revera in multis, quæ loquuntur, ostendunt. Dicit autem *Thom.* non quidem quod crescat essentia animæ, vel ejus potentia (ut illi putabant, & falsò) sed quod, crescente charitate, crescat habilitas ipsius potentia volitivæ ad maiorem charitatem percipiendam, quæ potest crescere in infinitum; licet enim capacitas animæ sit finita actu, tamen plus, & plus in infinitum ampliari valet, secundum quod plus, & plus recipit de participatione Divinæ bonitatis, nunquam tamen erit infinita, nec recipiet perfectionem infinitam: sicut patet etiam in additione numeri, quæ potest procedere in infinitum, nunquam tamen erit aliquis numerus actu infinitus, quia potentia in additione numerorum non est una, ut dicit *Commentator 3. Physicorum com. 67.* sed semper ex nova additione efficitur alia potentia numero, unde quælibet potentia potest exire in actum, non tamen potest esse, ut omnes exeant in actum, nam super actu posito additur nova potentia, quæ prius non insuit. Simili modo intelligimus de habilitate, & capacitate ipsius animæ: semper enim crescente charitate advenit nova capacitas, vel habilitas respectu amplioris perfectionis percipiendæ,

ARTICVLVS III.



De hoc quod *Thomas* dicit quæst. 32. artic. 7. ubi querit; utrum correctio fraterna sive secreta debet precedere denuntiationem. Et in respons. 5. argum. dicit: Prælato non est obediendum contra præceptum Divinum, sicut dicitur Act. 5. Oportet magis obedi-

re Deo, quàm hominibus; & ideo quando Præ-
latus præcipit, ut sibi dicatur, quod aliquis sci ve-
nit corrigendum, intelligendum est præceptum sa-
nè, salvo, scilicet, ordine correctionis fraternæ,
sive præceptum fiat universaliter ad omnes, sive
specialiter ad aliquem. Sed si Prælati expresse
præciperet contra hunc ordinem à Domino insti-
tutum, & ipse peccaret præcipiens, & ei obe-
diens, scilicet, quasi contra præceptum Divinum
agens, unde non esset ei obediendum, quia Præ-
latus non est iudex occultorum, sed solus Deus;
unde non habet potestatem præcipiendi aliquid de
occultis, nisi per aliqua indicia manifestentur, pu-
tâ per infamiam, vel aliquid tale, in quibus
casibus potest Prælati præcipere sicut iudex se-
cularis, vel ecclesiasticus exigere iuramentum
de veritate dicenda.

CORRUPTORIVM.

Constat istud esse nimis contrarium re-
gulari observantiæ: secundum hoc
enim nunquam esset facienda secreta inqui-
sitio, nisi præmissa admonitione de præce-
pto de correctione fraterna prius facienda
secundum ordinem à Deo constitutum, quod
minimè fieri consuevit.

Et istud reputamus falsum, quia cer-
tum est, quod in omnibus obediendum est
præcepto superioris, ubi præceptum infe-
rioris impleri potest cum præcepto supe-
rioris, sed hoc est possibile in casu propo-
sito, ergo, &c. Major patet per se, mi-
nor declaratur sic. Secreta denuntiatio fa-
cta Prælato non tollit ordinem correctionis
institutum à Domino, immò post denun-
tiationem completè, integrè, & perfe-
ctè fieri potest. Non enim hoc prohibet,
vel aliquo modo impedit Prælati ratione
denuntiatiōis sibi factæ, ergo in hoc tan-
tum obediendum est Prælato.

Item videtur, quod si non præcipiat
Prælati, denuntiandum tamen sit ei: con-
stat enim quod correctio fraterna, & or-
do correctionis ad lucrifactionem, & cor-
rectionem fratris ordinatur; ergo & illa
via, & omnes viæ tenendæ sunt, quæ ma-
gis, & directius, & probabilius proficiunt
ad eius correctionem: sed denuntiatio fa-
cta Prælato etiam cum correctione secre-
ta magis proficit ad fratris correctionem,
scilicet peccantis, quàm correctio sola, er-
go videtur potius secundum rationem re-

ctam, quod utraq; potius facienda sit,
quàm altera tantum.

Præterea: esto, quod utraq; via si-
mul servari non posset (quod tamen fal-
sum videtur) adhuc videtur, quod magis
eligenda est facienda peccantis denuntiatio
Prælato existenti bono, & pio, & discre-
to, quàm privata correctio: ex quo enim
per hæc duo nihil aliud intenditur, quàm
peccantis emendatio, illa via est magis eli-
genda per quam speratur, & creditur ma-
gis posse corrigi, & melius. Sed frequen-
tius hæc est via denuntiatiōis; correctio,
enim peccantis in duobus consistit, scilicet
in cautela de futuro & in poenitentia de
præterito, primum est cautela, quia sine
hac non potest esse poenitentia de præteri-
to fructuosa; unde hoc ordine præcipitur
*Ecclesiastici 21. Fili peccasti, non adjicias iterum:
sed & de pristinis deprecare, ut dimittantur tibi.*
Sed constat, quod ad cautelam futurorum
semper, vel ut frequentius, ubi peccatum
iterari potest, plus potest Prælati, quàm
subditus simplex. Tertiò, via denuntiatio-
nis ad hanc cautelam correctionis fortior
est ac potentior, ergo magis eligenda. Si-
militer ad aliam partem correctionis, quæ
est poenitentia de præterito, plus videtur
posse Prælati, quàm subditus. Duo enim
sunt, per quæ maximè inducitur peccator
ad poenitentiam, scilicet promissio, &
comminatio, ad quorum utrumque va-
lentior, & sufficientior debet esse Præla-
tus, quàm subditus, sive fuerit commina-
tio, sive promissio de temporalibus, sive de
æternis, ergo via denuntiatiōis est effica-
cior ad fraternam correctionem, ergo ma-
gis eligenda.

Rationes, quas insinuat pro confirma-
tione positionis, non valent.

Prima est, quod est contra præceptum
Divinum denuntiare Prælato peccatum
fratris occultum, nisi prius facta correctione
secundum ordinem à Domino constitu-
tum. Et Prælato præcipienti aliquid contra
præceptum Divinum non est obediendum,
juxta illud *Actu. 5. Obedire magis &c.* Ad
hoc dicimus, quod Salvator, quando præ-
cipit correctionem fraternam, & ordinem
ejus, non prohibet fieri denuntiatiōem se-
cretam Prælato. Quando enim dicitur: *Dic
Ecclesie*, hoc dicitur de accusatione sub re-
sibus, qui in secunda correctione adhibiti
sunt. Vnde constat, quod Salvator expli-
citè non prohibet eam fieri, nec implici-
tè, & ex consequenti; quia denuntiatio,
&

& correctio ambg possunt fieri, & neutra per alteram impediri, unde Prælatus exigēs huiusmodi denuntiationem per præceptum, nihil præcipit contra præceptum Divinum, sicut ipse supponit.

Secunda ratio, quam ponit, est talis: Prælatus non est Index occultorum, sed solus Deus: unde non habet potestatem præcipiendi de occultis, & si præcipiat non est obediendum.

Ad hoc dicimus, quod Prælatus exigens denuntiationem de occultis, non intendit circa denuntiationes procedere per viam iudicij, prout iudex scilicet puniendo, & condemnando: Quia propter vocem unius, nullus potest judicialiter condemnari. Deut. 17. & 19. sed intendit procedere, ut pater, & pastor, & medicus curando, ut potest, præservando, sicut valet sine famæ læsione, & sinistra opinionis occasione. Famę enim læsio, & sinistra opinionis occasio vergunt in poenam publicam, & non debent infligi pro occultis.

Responsio ad hæc secundum Thomam.

Qui dicta Thom. in solutione huius questionis, & in responsione ad argumētū, inspexerit, & diligenter consideraverit, quando scilicet facienda est denuntiatio, & correctio præhabita, & quando non, & in quo casu, & in quo non; quod nihil contra ipsum faciunt omnia, quæ isti garriendo adducunt, intelliget evidenter: unde ne semper singulis verbis per singula respondeatur, applicatio responsionis ad præsens per singula prætereatur. Tamen quod ad huiusmodi declarationem dicit idem Thomas super 4. sentent. distin. 19. quest. 3. ubi agitur de correctione fraterna, attendatur, ubi sic dicit: In peccatis denuntiandis considerandum est, utrum peccatum sit omnino occultum, aut ad notitiam aliorum devenerit, aut in promptu sit, ut deveniat. Si enim peccatum jam ad aliorum notitiam devenit, tunc debet denunciari illi, qui habet potestatem corripiendi, ut qui scandalizati sunt de culpa, ædificentur de poena. Si autem nondum in publicum devenerit, sed est in via deveniendi, tunc denuntiandum est. ut scandalo futuro occurratur; si autem sit omnino occultum, tunc considerandum est, utrum emendatio peccantis expectari possit probabiliter, aut non? Quod quidem facile adverti poterit, si consideretur utrum aliquis ex electione, aut passione peccaverit, sive ex malitia, vel infirmitate,

quod idem est, quod perpendi potest ex conditione peccantis, & ex iteratione, quia si aliquis frequenter, & quasi incorrigibiliter, & sine freno in peccatum est lapsus, signum est quod ex malitia, vel electione peccat, & non facile emendatur. Si autem semel occasione peccandi oblata in peccatum ruit, & postea verecundiam, & tristitiam de peccato ostendit, signum est, quod sit peccatum ex passione, vel infirmitate. Si ergo emendatio speretur, debet admonitio præcedere, & denuntiatio differri quousque videatur, quantum emendetur peccator, nisi forte immineret occasio similis ruendi in peccatum, quam declinare non vellet admonitus, tunc enim deberet Prælo denunciari, ne in præcipitum iret. Si autem non speretur emendatio, tunc considerandum est, an idem peccatum sit infectivum aliorum, sicut hæresis, vel fornicatio, vel aliud huiusmodi, vel etiam cedat in aliquod damnum alterius, sicut furtum, homicidium, & huiusmodi. Si enim non cedit in damnum alterius, nec sit infectivum alterius, tunc potest denuntiatio differri quousque videatur admonitionis effectus, præcipue si emendationem promittit. Si autem sit infectivum aliorum, debet denunciari Prælo, ut gregi suo caveat. Unde rationes istorum non plus probant, nec probare possunt, nisi quod in aliquibus casibus denuntiatio potest fieri Prælo, non præhabita correctione secreta, quod concedit Thomas, ut patet ex dictis.

Quod autem dicunt ad primam rationem Thom. quod Salvator non prohibet facere denuntiationem secretam Prælo, verum est ordine debito. Iste autem ordo, ut in casu prout dictum est primo, corripitur, deinde si se non correxerit, Prælo, non inquam in iudicio præsidenti, quia hoc est dicere Ecclesiæ, sed secretius extra iudicium existenti, & sic dicere Prælo non est, nisi dicere quasi personæ privatz, quæ potest prodesse, & non obesse, quia nullus potest magis prodesse quam Prælatus: qui tamen si admonitus neglexerit corrigi, alij per quos convincendus est, si negaverit, debet ostendi. Iste ordo declaratur in regula B. Augustini, ubi primò docet admonitionem fieri, quàm peccatum Prælo ostendi, etiã ubi Prælatus non intendit procedere per viam iudicij, puniendo publicè, & condemnando, sed tanquam pastor, & medicus pro cura adhibenda, secretius admonendo, unde ipse ait: Prius Prælo debet ostendi, utique post admonitionem, ut secretius correctio non innotescat ceteris.

Ex quo patet, quod hoc, quod dicunt ad

ad secundam rationem nihil valet, quia secundum præceptum Salvatoris satagere debemus peccatum fratris in casu curare sola secreta admonitione, si est possibile, & hoc præceptum de correctione fraterna videtur processisse ex nimia Christi dulcedine: *Qui cum dilexisset suos, in finem dilexit eos*, quorum conscientiam curare vult sine omni famæ læsione in casu, & quando hoc fuerit possibile.

ARTICVLVS IV.



De hoc quod Thomas quest. 104. art. 5. disputat: *Virum subditi teneantur in omnibus obedire Prælati, & superioribus suis? Et in responsione principali dicit: Ita mens est sui juris, & ideo secundum ea, que perti-*

nent ad interiorem motum voluntatis, homo non tenetur homini obedire, sed soli Deo, tenetur autem homo homini in his, quæ per corpora exterioris sunt agenda.

CORRVPTORIVM.

Istud videtur nobis falsum. Constat enim, quod eadem ratione, & intentione, qua tenetur quis ad aliquem actum, tenetur ad omnia antecedentia, sine quibus actus impleri non potest, ut si teneor interesse matutinis in choro, teneor surgere de lecto, & ire ad Ecclesiam, ergo cum actus corporales, in quibus tenentur subditi obedire Prælati, perfici non possunt sine imperio voluntatis, restat, quod una & eadem intentione tenentur subditi ad utrumque. Ex hoc arguitur ulterius: si subditi tenentur obedire Prælati in actu corporali exteriori, & in motu voluntatis, quando conjuncti sunt, multò fortius tenentur obedire in solo motu voluntatis, si singulariter præcipiatur: eodem modo arguitur de motu cognitionis, si Prælati præciperet subditis deliberare super aliquo negotio, quid foret agendum, vel de aliquo dubio casu, quid esset respondendum, æstimo, quod nullus diceret subditos non teneri deliberare, ut post se cum cautè procederent, & sanè res-

B. Aegid. defens. Oper. S. Thom.

A ponderent. Si ergo subditi tenentur Prælati in actu deliberationis, ubi subsequitur operatio, & responsio; probabile est, quod similiter tenerentur, si sola deliberatio eis præciperetur, & ideo religiosius, & veriùs videntur nobiscum sentire, qui dicunt, quod per hoc intelligitur in omnibus actibus, ut patet in exemplo, si etiam Prælati impossibile præciperet, saltem voluntate & desiderio tenetur obedire subditas, sicut in secundo libro *Dialogorum* scribit Gregorius de quodam corvo, cui Beatus Benediclus præcepit, ut panem veneno intinctum portaret in locum, ubi à nemine reperiretur: *Corvus*, inquit, *aperto ore expansis alis circa panem cœpit discurrere, atque crocitare, ac si apertè diceret & se obedire velle, & jussa implere non posse.*

CItem hoc videtur consonum doctrinæ Apostolicæ: Dicit enim Apostolus ad Ephes. 6. *Servi obedite dominis carnalibus, cum timore & tremore, in simplicitate cordis vestri.* Gloss. *ut sicut ostenditis extrà, sic sit in voluntate vestra.* Vnde ibidem subdit Apostolus: *Non ad oculum servientes, quasi hominibus placentes, sed ut servi Christi... cum bona voluntate servientes sicut Domino, & hominibus.* Hoc verò quod objicit, quod ratio sui juris est, non cogit: sicut enim ipsa est juris proprii, ita in homine libero corpus totaliter pertinet ad iudicium rationis, & sicut ratio per votum obedientiæ potest dare jus alteri, quod habet in corpus, ita etiam jus, quod habet ratione sui ipsius.

Responsio ad hæc secundum Thomam

Si dicta Thom. in hac parte intellexissent, ipsimet ista verba inania reputassent. Vbi enim dicit, quod mens est sui juris, intendit, quod & si in corpore homo homini jure politico, ac civili dominetur, ipsa tamen mens hujusmodi servituti non subternitur, quod declarat per verbum *Seneca lib. 3. de beneficijs: Errat si quis existimet servitutem in toto homine descendere, pars ejus melior excepta est, corpora obnoxia sunt, & astricta dominijs.* Ecce manifestum est, quod loquitur ibi de servitute, & subjectione civili, qua servi dominis subjiciuntur, ut filij parentibus, quibus non tenentur obedire, nisi quantum ad ea, quæ per corpus sunt exterioris agenda, quæ scilicet per vires corporales exequuntur, licet à motu voluntatis

N

inte-

interioris imperentur, unde tam ipsa opera, quàm motus voluntatis interioris ordinati ad ipsa, ad corpus pertinent, & ad ea, quæ per corpus sunt agenda. Sicut enim ambulare & fodere pertinent ad ea, quæ per corpus sunt agenda, similiter & velle ambulare & fodere ad idem pertinere dicuntur, non quia actus exteriores à voluntate eliciantur; sed quia ab ipsa imperantur; unde qui tenetur ad huiusmodi actus exteriores obedire, verbi gratia, fodere, vel ambulare, tenetur hoc idem velle, & ideo servi quando nolunt facere præceptum domini sui, pualantur civiliter ab eisdem. Ex his pater ad objecta responsio.

Ad primum enim dicendum (ut dictum est) quòd qui tenetur ad actum exteriorem, tenetur ad actum voluntatis interioris, illum actum à viribus inferioribus elici præcipientem, sed ex hoc non sequitur, quòd teneatur ad actus interiores simpliciter, prout nituntur concludere ex hoc in argumento 2. Non enim sequitur, quòd si tenetur aliquis fodere vel velle fodere, quòd propter hoc teneatur simpliciter velle quidquid ille vult, cui in hoc tenetur, verbi gratia. Si dominus præciperet servo, qui sibi tenetur in fossura, benè sequitur, quòd tenetur sibi velle fodere, si tamen præcipiat sibi, quòd velit ipsum Regem esse in Hispania, nunquid in hoc tenetur ei obedire? Frivolum est.

Ad tertium dicendum, quòd actus cognitionis, per quos regulatur homo quantum ad actus exteriores, in quibus tenetur homo alicui superiori, sunt ejusdem rationis cum actibus voluntatis, à quibus eadem operationes imperantur, unde sicut tenetur ad actum voluntatis huiusmodi opera præcipientem, ita tenetur ad actum cognitionis eadem dirigentem; unde sicut tenentur velle operari, ita tenentur deliberare de opere, siue opus pertineat ad factionem, cuiusmodi sunt fodere & ædificare, vel ad actionem, cuiusmodi sunt consulere & respondere.

Ex his tamen non sequitur, quòd simpliciter teneantur aliqui suis superioribus in actibus cognitionis obedire. Si enim Rex præciperet consiliario suo sibi subdito; nunquid quia tenetur cogitare de responsionibus, vel consilio sibi dando, tenetur cogitare simpliciter quidquid ipse vult? verbi gratia; nunquid per hoc ad ejus imperium tenetur cogitare de musicis, vel

geometricis; vel esse huius; vel illius opinionis? Constat, quòd hæc frivola sunt.

Quòd tandem dicunt de Religiosis, quòd debent simpliciter in omnibus obedire saltem voluntate, si facultas implendi desit. Sciendum, quòd hoc sic habet intelligi, quòd quantum ad ea solùm tenentur obedire Religiosi, quæ pertinent ad regularem observantiam, ad quam se voto professionis obligaverunt. Si autem & in alijs obedire voluerint, hoc pertinet ad cumulum perfectionis, dum tamen illa non sint contra Deum, vel professionem suam. Nec tamen tenentur ad motus sistentes interius in mente, simpliciter loquendo, obedire, verbi gratia, si Prælati præcipiat mihi, quòd sentiam sic vel sic in tali opinione, vel quòd diligam plus, vel minus in tali loco, vel tali, vel talem hominem, vel talem diligere plus vel minus, prout ipse facit, nec quoad huiusmodi actus cognitionis, vel voluntatis tenetur homo aliquis superiori obtemperare.

ARTICVLVS V.



De hoc quod Thomas dicit, quest. 110. art. 4. ubi querit; utrum omne mendacium sit mortale peccatum: in responsione 3. argumenti, quòd quidam dicunt, quòd omne mendacium sit mortale peccatum in viris perfectis.

Sed hoc non est rationabiliter dictum, nulla enim circumstantia aggravat peccatum in infinitum, nisi quæ transfert in aliam speciem, circumstantia autem persone non transfert in aliam speciem, nisi fortè ratione alicujus annexi, putà si sit contra votum ipsius, quòd non potest dici de mendacio officioso, vel jocosò, & ideo mendacium officiosum vel jocosum non est peccatum mortale in viris perfectis, nisi fortè ratione scandali.

CORRVPTORIVM

I Stud, quod dicit de mendacio officioso, vel jocosò in viris perfectis, videtur falsum, & contra Augustinum in lib. de mendacio cap. 10. Aut, inquit, non est credendum bonis, aut est credendum illis, quos credimus alio quando

quando mentiri, aut non est credendum bonos aliquando mentiri. Horum trium primum est pernitiosum, secundum stultum. Restat ergo ut nunquam mentiantur boni. Hæc est ratio, & illatio Augustini. Ex conclusione autem August. arguitur sic. Boni existentes boni nunquam mentiuntur, ergo mendacium perimit bonitatem, sed non perimit bonitatem, nisi quia est peccatum mortale, ergo mendacium est mortale peccatum. Nec feratur instantia in mendacijs jocosis, quia dicit August. lib. 1. de mendacio ad Conc. cap. 1. Exceptis igitur joci, que nunquam sunt putata mendacia: habent enim evidentissimam ex pronuntiatione, æque ex ipso jocantis affectu significationem animi nequaquam fallentis.

Præterea: si non est peccatum mortale mentiri officiosè, ergo non est peccatum mortale mentiri pro salute animarum, quia hoc est summe officiosum. Ex quo sequitur, quod non est mortale mentiri in prædicatione fidei, & morum, quia ibi est maxime salus animarum. Ex quo sequitur, quod stultum est credere, etiam prædicatoribus mentientibus, & si hoc stultum est, semper credere est licitum, & non credere, quia fides non est ut plurimum, nisi per auditum prædicationis; ergo à primo si non est peccatum mortale viris perfectis mentiri officiosè, non est peccatum mortale non credere, immò est stultissimum credere, hoc falsissimum est; ergo & primum.

Argumenta, quibus innititur, facile possunt solvi. Primum ponitur pro objectione in contrarium, & est tale. Sicut dicit Gloss. super illud Psalm. Perdes omnes qui loquuntur mendacium. Duo sunt genera mendaciorum, que non sunt sine culpa; sed non cum magna, cum aut jocando aut consulendo proximo mentimur, sed omne peccatum mortale habet gravem, aut magnam culpam, ergo mendacium jocosum, & officiosum non sunt peccata mortalia.

Dicendum, quod omne peccatum mortale, absolute loquendo, est culpa gravis, & grandis; & hoc modo, scilicet absolute loquendo est culpa gravis mendacium officiosum ad minus viris perfectis, loquendo tamen per comparisonem ad graviores culpam; tam in Canone, quam in scripturis sanctorum, peccatum mortale minus grave dicitur non grandis culpa; sicut Prov. 6. dicitur de furto per comparisonem ad adulterium: Non grandis est culpa cum quis furatus fuerit. Gloss. inter linearis. Non est grandis culpa per comparisonem adulterij. Et Gloss.

magistralis. Furtum non ex se, sed ex comparatione majoris peccati, id est adulterij, non grandis culpa est. Sicut de Ierusalem gravius peccante per Prophetam dicitur, Ezech. 16. Iustificata est Sodoma ex te. Hæc sunt verba Gloss. Et hoc modo dicitur in prædicta Gloss. August. super Psalm. quod non est magna culpa proximo consulendo mentiri. Et quod ita intelligat, patet per eundem in lib. de mendacio obstrictum. Pro mendacio suo, inquit, dicunt eas approbatas, & remuneratas à Deo. Qui enim causa nocendi consuevit mentiri, multum profecit si jam consulendi causa mentiat, nam in scripturis ipsis iustificata Sodoma dicitur in comparatione scelerati populi Israel.

B Secunda ratio, quam insinuat, est talis, & hanc ponit in principali responsione: propriè peccatum mortale repugnat charitati, unde si finis intentus in mendacio non sit contrarius charitati, nec mendacium secundum hanc rationem erit peccatum mortale, sicut apparet in mendacio jocosso, & officioso, in quorum primo intenditur levis delectatio, & in alio proximi utilitas.

Responsio; in mendacio officioso bene potest attendi utilitas alicujus singularis personæ, vel aliquarum. Inde tamen sequitur subversio, & impedimentum fidei, & auctoritatis Doctrinæ Catholicæ, & hoc in multo pluribus, maxime si viri perfecti mentiuntur, ut ostensum est. Quod autè impedit, vel subvertit fidem, impedit vel subvertit charitatē.

Tertia ratio, quam insinuat, est talis. Nulla circumstantia aggravat peccatum in infinitum, nisi quæ transfert in aliam speciem. Circumstantia autem personæ non transfert in aliam speciem, igitur &c.

Ad hoc dicendum est primò intermendo majorem. Circumstantia enim personæ aggravat in infinitum peccatum, id est, quod est veniale secundum genus, facit mortale. Constat enim, quod infirmitas, imperitia, malitia sunt conditiones personæ, & tamen aliquod genus peccati, quod est veniale ratione infirmitatis, vel imperitiæ, fit mortale propter malitiam, sicut dicit August. lib. 83. questionum, quæst. 26. Quisquis, inquit, novit quid sit virtus, & sapientia Dei, potest existimare quæ sint venialia peccata. Et quisquis novit, quid sit bonitas Dei, potest existimare quibus peccatis certa poena debeat, & hic, & in futuro seculo.

Item videmus, quod carnalis copula solutis est mortale peccatum, conjugatis autem, vel non est peccatum, vel est peccatum veniale; ergo idem actus, vel aggravatur,

vatur, vel alleviatur in infinitum propter conjugium, vel absolutionem à conjugio, quæ tamen non sunt nisi circumstantiæ personæ.

Item si quis habet conscientiam erroneam de peccato veniali, quod sit mortale, & tamen cum tali cōscientia illud committit, peccat mortaliter, & tamen conscientia erronea, sive error conscientię est conditio, sive circumstantia personæ.

Ad argumentum verò dicimus, quod omnibus modis una præmissarum est falsa. Aliqui enim dicunt, quod veniale, & mortale sint differentiæ essentielles peccati, dividentes peccatum secundum genus, & secundum speciem, & secundum istos est major vera, scilicet, quod nihil aggravat in infinitum, nisi quod transfert in aliam speciem, & minor est falsa, quod circumstantiæ personæ nō aggravant in infinitum. Alij dicunt, quod veniale, & mortale sunt differentiæ accidentales actuum & peccatorum, sicut album, & nigrum corporis, & secundum illos major est falsa, & minor vera.

Responsio ad hæc secundum Thomam.

SI mendacium aliquod nō habet rationē peccati mortalis, eò quod non est contra dilectionē Dei, cuiusmodi est illud, quod fit in Doctrina Religionis. Nec etiam contra dilectionem proximi, sicut illud quod in detrimentum iustitiæ vergit, vel in perversionem iudicij ordinatur, sicut cum quis loco iudicij mendacium dicit, vel aliās in nocumentum proximi. Manifestum est, quod nec viris perfectis poterit huiusmodi mendacium fieri mortale, nisi fuerit contra eorum votum. Per accidens verò potest eis mortale fieri, sicut & alijs scilicet ratione scandali, vel si credant huiusmodi mendacium mortale peccatum esse: stante enim ista opinione non poterunt mentiri sine peccato mortali; unde qui sunt huius opinionis, necesse habent huiusmodi mendacium nunquam peccatum mortale vitare.

Ad primum in contrarium dicendum, quod *Augustin.* facit illam deductionem investigando, nec intendit illam conclusionem asserere, scilicet, ut nunquam mentiantur boni, quod patet ex littera immediate sequenti. Consequenter enim ait sic:

Ista questio est ex utraque parte considerata, & tractata, non facile ferenda sententia est. Ecce illi, adducentes August. pro se, manifestè faciunt cōtra eum, asserentes pro certo, quod ipse relinquit sub dubio. Conclusio tamen illa, quod boni nunquam mentiantur, sic potest intelligi, scilicet, quod boni nunquam mentiantur in quantum boni, quia quodcumque mendacium etiam officiosum, vel jocosum, cum habeat rationem peccati, licet venialis, defectus quidam est bonitatis; vel quia boni manentes boni nunquam mentiantur peccato pernicioso.

Ad secundum dicendum, quod consequentia nulla est, si peccatum mortale non est mentiri officiosè, ergo non est peccatum mortale mentiri officiosè pro salute animarum in prædicatione fidei, & morum: huiusmodi enim mendacium in prædicatione fidei & morum est mendacium perniciosum, nec ullo modo dici poterit peccatum officiosum, cum sit contra charitatem Dei, fidem, & bonos mores enervans, unde & habet rationem peccati mortalis, & per consequens perniciosum foret, etiam si fieret pro salute animarum infinitarum. Præter hoc ipsi supponunt falsum, quod videlicet huiusmodi mendacium possit facere ad salutem animarum, sicut mendacium officiosum facit ad conservationem rerum temporalium, quod falsum est, quia per mendacium officiosum potest quandoque homo liberari à morte, & ab alijs malis huiusmodi, sed per mendacium in doctrina non potest homo liberari à morte æterna, sed magis præcipitari in illam; unde huiusmodi mendacium pro salute animarum fieri non potest. Si enim quoad aliquid posset huiusmodi mendacium fingi, quod prodesset, incomparabiliter tamen plus obesset; unde semper simpliciter perniciosum foret, unde manifestum est, quod ista ratio nulla est.

Quod dicunt tertio ad primam rationem *Thomæ*; quod absolute loquendo omne peccatum mortale est culpa grandis, & hoc modo mendacium officiosum est culpa gravis viris perfectis, hoc patet non esse verum. Et quod adducunt de hoc, quod unum peccatum mortale dicitur minus grave, quàm aliud, concedendum est. Quod autem inferunt, quod peccatum officiosum obstrictum hoc modo dicitur minus grave peccatum secundum *August.* salva pace eorum non est verum, verumtamen *Augustinus* intendit ibi probare; quod ex hoc quod

quòd illud mendacium non fuit reprehensum, sicut nec quædam alia mendacia in lege veteri, concludi non potest, quòd huiusmodi mendacia essent laudabilia, & rationem boni haberent. Quòd probat per huiusmodi modum loquendi in scriptura: *Iustificata est Sodoma &c.* Vnde subditur parum infra: *Si vitam moresque Sanctorum, & facta, & dicta consideres, nihil tale proferri potest, quòd ad imitationem provocet mentiendi.* Ex hac littera patet, quòd ipse intendit ostendere, quòd mendacium non habeat rationem boni, in quo debeamus sanctos imitari: ex hoc tamen non sequitur, quòd sit tantum malum, quòd faciat peccatum mortale, sicut patet intuenti.

Quòd dicunt quartò ad secundam rationem *Thomæ*, quòd in mendacio officioso, licet sit aliqua utilitas temporalis alicujus personæ singularis, tamen inde sequitur subversio, & impedimentum fidei, manifestum est, quòd non dicunt verum. Mendacium enim, ad quòd hæc sequuntur, non est officiosum, sed perniciosum: unde si viri perfecti mentiantur pro aliquo commodo temporali aliquo mendacio, quòd ratione sui, vel scandali supradicta consequatur, manifestum est, quòd mortaliter peccant: sed hæc non consequuntur ad mendacium viri perfecti ratione ipsius mendacij, nisi fuerit in doctrina, nec ratione scandali, ubi nullum contingit, quòd fieri potest, quando occultè committitur, & sit quòd ad aliorum notitiam nullo modo, vel de non facili poterit devenire, vel in aliquo casu consimili, ubi ratio scandali locum non habeat.

Quòd dicunt quintò ad tertiam rationem *Thomæ*, conclusionem primò fore interimendam, manifestum est, quòd dicunt contra artem, & ordinem respondendi. Primò enim esset illatio impedienda, vel aliqua præmissarum interimenda. Ipsam etiam conclusionem non interimunt, secundum quòd inferitur ex præmissis, quòd patet, quia nulla conditio personæ auget peccatū in infinitum, nisi fuerit talis, quæ possit transferre, vel transferat actum in aliam speciem, cujusmodi non est circumstantia personæ, de qua intendit in propositione minore: quoniam status viri perfecti, de quo intendit, non transfert actum illum, qui de se est peccatum veniale in aliam speciem, ut scilicet sit mortale, nisi fuerit contra suum votum, ut dictum est.

Quòd ergo dicit primò, quòd mali-

tia, imperitia, vel infirmitas sunt conditiones personæ, quòd verum est, sed manifestum est, quòd faciunt in aliam speciem transire: unde non solum quòd sit ex imperitia, vel infirmitate, & est peccatum veniale, sed etiam illud quòd de se est indifferens, si ex malitia fiat, in aliam speciem transfert, & est mortale, sicut frangere feltucam ex malitia, vel ex contemptu Dei. Auctoritas verò, quam adducunt, nihil facit pro eis, nec est ad propositum, quia enim viri à Deo illustrati possunt discernere inter peccata venialia, & mortalia prædicta nulli dubium, prout dicit auctoritas, sed quid ad *Thom.*

Quòd verò dicunt sextò, quòd status conjugati, & soluti pertinent ad conditionem personæ verum est, sed non est minus manifestum, quando sint condiciones facientes actum transire de una specie in aliam, & ideò instantia illa sicuti præcedens nulla est.

Eodem modo dicendum est de instantia tertia. *Conscientia enim erronea, est circumstantia faciens actum transire in aliam speciem; unde nec ista instantia aliquid valet.*

Quarta verò instantia de statu innocentiae, & naturæ lapsæ, quæ dicuntur circumstantiæ, vel conditiones personæ, non est multum ad propositum. Sive enim in statu naturæ conditæ in innocentia possent fuisse peccata venialia, sive non, nullo modo potuit ibi poni peccatum mortale, nisi averteret à fine, unde si aliquis actus hic non avertat à fine, qui tamen ibi avertisset, manifestum est, quòd ratione huiusmodi circumstantiæ, scilicet status innocentiae, huiusmodi actus in aliam speciem transisset; unde patet, quòd nec instantia ista aliquid valet.

Quòd tandem dicunt respondendo ad argumentum, quòd debuerunt prius solvise, quàm conclusionem falsò, ut jam patet, interemisse, omnibus modis unam præmissarum esse falsam. Si placeat eis ad præsens audire, ipsi dicunt falsum: major enim propositio, scilicet quòd circumstantia non aggravat in infinitum, nisi quæ &c. manifestissimè vera est. Similiter minor propositio, scilicet, quòd huiusmodi circumstantia personæ, scilicet, status perfectionis, non facit actum, qui non est contra votum professionis, transire in aliam speciem, est æquè vera. Qui verò ponunt peccatum mortale, & veniale differre essentialiter, & prædictam majorem veram simpliciter, in utroque

que verum dicunt. Sed in tertio, scilicet A
propositionem minorem interimendo,
mentiuntur, sicut patet dictis.

Qui verò dicunt peccatum mortale, &
veniale differre accidentaliter solum, pro-
positionem maiorem interimentes, in utro-
que mentiuntur. Et sic tam quod illi pro se
dicunt, quàm quod ab alijs pro se adducunt,
mendacio, vel falsitate ad minus, ut potè
doctrina falsa invenitur admixta.

diceret. Nec oportet, si ordinatio divisionis
vestimentorum ad significandum aliquid
in Ecclesia fuerit à Spiritu Sancto, quòd
propter hoc ipsum fuerit à Spiritu Sancto.
Sicut enim homo lapidem, vel lignum, vel
quancumque materiam, quam ipse non
fecit, potest ponere in signum, ita Spiri-
tus Sanctus, immò multo fortius.

Responsio ad hæc secundum Thomam.

ARTICVLVS VI.



VBI dicit Thomas in quæstio-
ne 173. artic. 4. quan-
do disputat: utrum? Pro-
pheta semper cognoscant
ea, quæ prophetant? In
respon. principali tangens
plures modos, quibus
mens Propheta tangitur
à Spiritu Sancto; quia

Spiritus Sanctus movet mentem alicujus, ut
quandoque quidem intelligat quid significet
hoc, sicut patet de Ieremia, qui abscondit in
Eufrate lumbare suum, ut habetur Ierem. 13.
Matt. 27. Ioann. 19. Quandoque verò non in-
telligit, sicut milites dividentes vestimenta Chri-
sti, non intelligebant, quid significaret.

CORRVPTORIVM.


Istud non videtur nobis verum, scilicet,
quòd Spiritus Sanctus moveret mentes
militum ad hoc faciendum, sed cupiditas,
si pauperes fuerunt; vel secundum alios lu-
dus & derisio, si divites fuerunt, & non
indigentes talibus vestimentis: quia qua
ratione possunt dici moti à Spiritu Sancto
ad faciendum illam divisionem, quia signifi-
cativa erat divisionis Ecclesiæ per hæreti-
cos, vel alicujus consimilis mysterij, pari ra-
tione dici posset, quòd moti à Spiritu San-
cto crucifixissent Christum. Quia ut dicit
Augustin. in Ench. cap. 80. Illa crucifixio fi-
gurativa fuit spiritualis crucifixionis. De qua di-
cit Apostolus ad Galath. 5. Qui autem sunt Chri-
sti, carnem suam crucifixerunt. Pari etiam ra-
tione dici posset, quòd Cain motus à Spi-
ritu Sancto occidit fratrem suum, quia illa
occisio significativa fuit occisionis Christi à
fratribus suis, scilicet Iudæis. Sed nullus hoc

NUllum inconueniens est ponere,
sed satis consonat veritati, quòd
milites à Spiritu Sancto movebantur,
Christi vestimenta dividentes præfatio fu-
tutorum, præcipuè cum actus iste divisio-
nis in se consideratus non sit peccatum, sed
actus indifferens comprobetur; unde argu-
menta, quæ adducunt nullius ponderis sunt.
Crucifixio enim Christi maximum peccatum fuit
ipsis crucifixoribus, unde impossibile est di-
cere, quòd ad hoc ipsi à Spiritu Sancto mo-
verentur; non sic autem actus divisionis ve-
stimentorum, præcipuè si in se considere-
tur, scilicet circumscripto odio & contum-
elia Christo illata: & propter hoc crucifi-
xio Christi sub ea ratione, qua à Iudæis illa-
ta, sub qua ratione peccatum erat, non si-
gnificabat crucifixionem spirituale in fideli-
bus; sed sub ratione, qua à Christo suscepta,
cujus exemplo, qui sunt Christi, carnem
suam cum vitijs, & concupiscentijs cruci-
fixerunt. Et constat, quòd Christus ad illam
crucifixionem suscipiendam à Spiritu Sancto
movebatur. Similiter occisio Abel sub ea ra-
tione, qua fuit à Cain illata, est peccatū, &
non fiebat instinctu Spiritus Sancti; eate-
nus tamen qua fuit ab Abel suscepta patien-
ter, quod sine instinctu Spiritus Sancti fieri
non potuit, occisionem Christi à Iudæis
congruè Spiritu Sancto ordinante potuit si-
gnificare. Ex his liquet, quòd ista repre-
hensio facta est sine causa.

Quod verò dicunt, quòd sicut homo
potuit aliquid ordinare, & pro signo sta-
tuere rem, quam ipse non fecit. Ex qua
concludunt, quòd multò fortius hoc po-
test Spiritus Sanctus, pueris liquet, quòd
non concludunt. Nihil est enim in rerum
natura, quod possit subterni habitudini, vel
relationi signi, siue sit substantia, siue acci-
dēs, siue actio quæcūque in quātum ens est,
quod non causetur aliquo modo à Spiritu
S. unde peccatum quantum ad id quod
ca-

carentiæ, & deformitatis in ipso est, sub qua ratione nihil dici potest, non est ordinabile ad significandum aliquid à Spiritu Sancto; unde in summa nihil est, quod dicunt contra Thomam in proposito.

ARTICVLVS VII.



SUPER hoc, quod dicit Thomas, quest. 173. artic. 3. ubi querit: utrum visio prophetica semper sit cum abstractione à sensibus corporis? In responsione principali dicit, quod alienatio à sensibus in Prophetis non fit cum a-

liqua inordinatione naturæ; sicut in arreptitiis, vel furiosis, sed habet aliquam causam ordinatam, sicut per somnium, vel per vim animalem, sicut per vehementiam contemplationis, sicut de Petro legitur Act. 10. Cum oraret in coenaculo factus in excessu mentis, vel virtute Divina rapiente, secundum illud Ezech. 1. Facta est super me manus Domini.

CORRVPTORIUM.

Si intelligamus secundum membrum sine exclusione Divinæ virtutis, sicut vis animalis, vel vehementia contemplationis dispositio sunt ad raptum, & excessum, qui fit, sive completur in contemplatione per Divinam virtutem: sic videtur habere veritatem, quoniam Petrus in oratione erat, quando cecidit super eum excessus mentis, secundum textum. Si verò intelligatur secundum membrum cum præcisione, & exclusione, sicut divisio prima facere prætere videtur, quia divisio est disparatorum, & separatorum.

Tertium membrum est, quod quandoque fit ex virtute Divina. Si autem fiat solum propter vim animalem propriam ex vehementia contemplationis, omnino est falsum, & inconueniens, quia textus videtur contrarius. Si enim propria virtute fuisset raptus, non dixisset, cecidit super eum, sed factus est in excessu, vel alienatus est, vel aliquid tale.

Item præmittitur, quod Cornelius in visione vidit Angelum Domini intrantem ad

se, & dixit ei: quod Petrum accersiret: Hic dicit tibi, quid te oporteat facere. Et nuntijs venientibus dictum est: Quod mactaret, & manducaret. In quo accepit revelationem de conversione gentium; ergo visio Petri ordinabatur ad visionem Cornelij. Sicut ergo illa fuit divinitus missa, ita & excessus Petri.

Uterius, est contra Augustinum 12. super Gen. ad litteram cap. 13. ubi dicit: Quod nulla visio est significativa, nisi assumpto spiritu humano, & à spiritu creato bono, vel malo, vel à Spiritu Divino. Si ergo visio Petri est significativa, & prophetica, ergo fuit spiritus ejus assumptus, vel à superiori virtute, non à spiritu malo, quia tunc fuisset arreptitiis, vel propheta falsus, quod est inconueniens de tanto Apostolo dicere; ergo à spiritu Angelico bono iussu divino, vel immediatè à Spiritu Sancto. Et reddit rationem Augustinus: Quia vim non habet anima humana divinationis; ut quidam dixerunt. Ergo ille excessus Petri non fuit tantum per vim animalem, ut dicit, sed cecidit super eum, ut textus dicit. Et ipsemet Thomas quest. 175. art. 3. in responsione primi argumenti contrarium dicit, quod mens Petri fuit rapta divinitus, quoniam eum oraret, cecidit super eum excessus mentis.


Responsio ad hæc secundum Thomam.

Thomas intendit dicere, quod prophetia vera semper fit per Divinam virtutem principaliter; illam tamen alienationem in sensibus Prophetis factam, quandoque dicit fieri mediante somnio, quandoque per vim animalem ex vehementia contemplationis, quandoque sine his repente fit mediante virtute Divina. Nec intendit dicere, quod ipsa prophetia fiat per solam vim animalem, prout ipsi sibi imponunt, & falsò.

Qui enim dicunt, quod divisio sua hoc præterdit, quia divisio disparatorum esse debet, falsum dicunt, quia ipse non facit illam divisionem, ex qua hoc concludi posset ratione dicta. Non enim dicit: Quod prophetia quandoque fit per somnium, quandoque per vim animalem, quandoque per Divinam virtutem, immò quòd ad ipsam alienationem, quandoque facit summus, quandoque vis animalis, quandoque fit virtute Divina sine his, ut dictum est, ita quod semper ipsa prophetia sit Sancti Spiritus illustratio: unde non dicit contra Augustinum, nec contra

tra textum, nec contra se ipsum, ut ipsi verba ejus, ut videtur, non intelligentes, & suam sententiam propriam proferentes salva pace sua minus benevolè protestantur.

ARTICVLVS VIII.



Super hoc, quod dicit Thomas in quest. 180. artic. 8. querens de diuturnitate in contemplatione, quod possibile est diutius magis persistere in opere contemplativæ, quam activæ etiam in statu hujus vite. Cujus ratio est, quoniam competit nobis secundum actionem incorruptibilis partis animæ, scilicet intellectus, cujus signum est, quod durat post hanc vitam. Alia ratio est, quia in hujusmodi operibus non laboramus.

CORRVPTORIVM.

Sed hoc esse falsum docet experientia. Si enim operatio contemplativæ est meditatio, lectio, oratio, & similia, experimur, quod in hujusmodi parum possumus immorari, vix enim ad momentum intentio potest figi, & teneri in uno statu, immò distrahitur, & incipit evagari. Cujus ratio potest esse triplex. Vna est propter curam corporis animalis, & sarcinam carnis corruptibilis. Nam Sap. 9. dicitur Corpus, quod corrumpitur, aggravat animam, & terrena cogitatio deprimit sensum multa cogitantem; unde dormiente corpore terreno, & indigentia corporis terreni sollicitante spiritum, vix ad momentum permittitur animus ad superiora intendere.

Alia ratio est propter improbitatem sensuum, quorum phantasmata intrant ad animam, & perturbant ejus quietem; adeo ut per momentum vix possit quiescere; unde improbo incurso phantasmatum turbatur cordis sabbatum. Operationes verò contemplativæ indigent otio, & quiete. Et propter hoc Augustinus in 4. de Trinit. in prologo. Ego certè sentio, inquit, quam multa figmenta pariat cor humanum.

Tertia ratio est propter difficultatem, & subtilitatem rerum, quæ sunt objectum contemplativæ, ad quas vix mens humana per-

tingit. Objectum enim contemplativæ sunt res æternæ secundum Apostolum: *Contemplantibus nobis quæ non videntur.* Et Augustinus 12. de Trinit. dicit; quod pars superior, cujus est contemplativa, aspicit ad æterna. Quando autem corruptioni subditi sumus, vix ad momentum ad res æternas intendere possumus, ad illas enim oculus est exercatus, secundum Hugonem.

Ad rationes suas dico. Ad primam, quod quamvis contemplatio sit operatio incorruptibilis partis, ac per hoc remaneat post hanc vitam, tamen quando hic vivimus, tum propter distractionem, & sollicitudinem, quibus anima circa corpus intendit, tum propter turbationem phantasmatum in his parum permittitur anima immorari, quando enim est in statu viæ, est aptior ad opera activæ. Opera enim contemplativæ quodammodo viæ statum transeunt.

Ad secundum dicendum, quod in hujusmodi non laboramus, prout labor dicitur motum corporis, aut prout ex motu corporis causatur, sed tamen quanto altius elevatur, & ad opera spiritualia intendit vehementius, tanto minus curam corporis gerit, & inde est, quod aliquando ex ejus vehementia homo à corporis sensibus alienatur, eo quod anima corpus destituit, & in talibus magis lassatur, & enervatur, quam in alijs; & tanta posset esse vehementia quod anima à corpore separaretur.

Præterea: quantumcunque laboret corpus in operibus activis, ille labor quandoque habet recreationem, & solatium annexum, nec requirit tantam intentionem, sicut opera contemplativæ.

Responsio ad hæc secundum Thomam.

In primis imponunt ei falsum, non enim dicit contemplativam magis diuturnam, quam activam in statu viæ; sed solum ipsam esse diuturnam verum est, pro hujusmodi rationem assignat, quia contemplativa in vita remanet futura. Cui tamen homo diutius possit insistere, contemplativæ videlicet vel activæ, non dicit. Sed solum declarat qualiter contemplativa in statu viæ potest esse diuturna, maxime quantum ad actum citra sui summum, prout dicit in responsione ad secundum argumentum.

Rationes verò, & auctoritates, quas ponit

CORRUPTORIVM.

ponit, satis probant, quòd *Homo non potest* A
 diu immorari in actu contemplationis summo, in
 quo ipsa beatitudo eterna praelibatur secundum
 Augustinum. In alijs tamen actibus ad con-
 templativam pertinentibus, cuiusmodi sunt
 investigare, legere, & orare, potest ho-
 mo in statu viæ, quoad maiorem ejus par-
 tem, pro tempore dico vigiliæ, prout do-
 cet experientia, immorari. His visis objecta
 solvuntur. Quod verò dicunt ad argumen-
 tum primum *Thomæ*, quòd turbatio, & di-
 stractio phantasmatum impediunt moram
 contemplationis in statu viæ, verum dicunt,
 quoad actum ejus summum, in quo gutta-
 mus, quoniam suavis est Dominus, *Psalm.*
 33. non tamen impediunt actus ejus in- B
 feriores prædictos, ut patet in multis, quo-
 rum vita totaliter hujusmodi actibus dedi-
 ta est.

Quod verò dicunt ad secundum, quòd
 quanto mens altius elevatur ad spiritualia
 &c. Verum dicunt quoad hoc, verunta-
 men aliàs posset ex alia parte labor magis
 intendi, nec iste labor excessivus est supra
 vires naturæ in contemplatione, nisi quan-
 do exercetur contemplationis actus iste
 summus, vel quia alijs actibus citra sum-
 mum insititur supra modum.

ARTICVLVS IX.



De hoc quod dicit *Thomas*
quest. 184. artic. 3.
 ubi querit: Vtrum per-
 fectio vitæ contemplati-
 vae consistat principaliter
 in præceptis, vel consi-
 lijs? Et in responsione
 principali dicit, quòd
 perfectio vitæ christia- D

ne per se, & etiam essentialiter consistit in cha-
 ritate Dei, & proximi, quæ charitas est finis,
 de qua dantur principalia præcepta *Divine legis*;
 unde patet, quòd perfectio principaliter in præ-
 ceptis consistit, secundario autem, & instrumen-
 taliter consistit perfectio in consilijs, quæ omnia
 sicut præcepta ordinantur ad charitatem, sed alie-
 ter, & aliter. Nam præcepta ordinantur ad removen-
 dum ea, quæ sunt contraria charitati, cum qui-
 bus charitas esse non potest. Consilia autem ordi-
 nantur ad removendum impedimenta actus cha-
 ritatis, qui tamen charitati non contrariantur,
 sicut *marimonium*, & occupatio negotiorum se-
 cularium.

B. *Egid. defens. Oper. S. Thom.*

HÆC est abbreviatio conclusionis suæ,
 hæc ratio ad hoc deducit sermonem,
 quòd humana perfectio cōstitit essentialiter
 in duobus præceptis charitatis. In alijs autē
 cōsilijs, & præceptis, quæ ordinantur ad cha-
 ritatem, consistit instrumentaliter: & quòd
 ille sit intellectus ejus, patet ex conclusio-
 ne per hoc quod dicit infra, *quest. 185.*
codem artic. 6. in responsione principali dicit
 enim sic: Perfectio vitæ Christianæ non consi-
 stit essentialiter in voluntaria paupertate, sed vo-
 luntaria paupertas instrumentaliter operatur ad
 ad perfectionem vitæ. Et hoc videtur nobis
 sufficienter dictum, & quia intelligit hoc ex
 conclusione, videtur nobis fallum. Constat
 enim, quòd in alijs præceptis & consilijs cō-
 sistat perfectio essentialiter, & non tantum
 instrumentaliter, quod sic ostendi potest.
 Omnis virtus est essentialiter perfectio.
 Dicit enim *Philosophus 7. Physicorum, Text.*
comm. 18. Virtus quedam perfectio est, unumquod-
que enim tunc perfectum est, quando attingit
terminum virtutis propriæ.

Et iterum 2. *Ethic. 5. cap. Omnis vir-*
 tus, cuiuscumque virtus fuerit, perficit haben-
 tem, & opus ejus bonum reddit, & constat,
 quòd humana perfectio consistit essentialiter in om-
 ni virtute, & si perfectio consistit essentia-
 liter in virtutibus, multò fortius in operi-
 bus virtutum, nam virtutes sunt propter
 opera. Ait enim *Philosophus 3. Text. comm.*
77. Cæli, & Mundi: Omnis res, cujus opera-
rio est, fit propter operationem suam, & ite-
rùm etiam opera sunt perfectiones virtutum; habi-
tus enim sunt perfectiones primæ, operationes verò
sunt perfectiones postremæ, quasi perfectiones per-
fectionum, & si perfectio consistat essentialiter
in virtutibus, & operationibus virtutum; ergo
essentialiter in observantia moralium virtutum,
& consiliorum. Præcepta enim moralia nihil præ-
ciunt, nisi virtutes, & operationes virtutum,
& prohibent contraria, & consilia etiam nihil
aliud consulunt. Ex his patet, quòd perfe-
ctio hominis in via consistit essentialiter
non solum in præceptis charitatis, sed e-
tiam in præceptis moralibus, & consilijs,
nihilominus tamen concedi debet, quòd
in eisdem consistit perfectio instrumentali-
ter. Neque hoc est inconveniens. Simile
hujus videmus etiam in natura, nam in
corporibus animalium videmus, quòd
perfectio eorum & essentialiter, & instru-
 O men

mentaliter consistit in membris, & organis sensuum. Nam membra, & organa sunt instrumenta totius corporis, & sunt partes integrantes essentiam ejus. In sanctis etiam videmus, quod scientia rationales sunt instrumenta Philosophiae, & partes essentielles ejus. Sicut dicit Boetius in commento Porphyrij in principio. Similiter & virtutes aliae a charitate, & opera earum perfectiones sunt, & nihilominus cooperantia, & ordinata ad ulteriorem perfectionem. Etiam ipsa charitas via est perfectio, & nihilominus instrumentum ordinatum ad beatitudinem. Et propter hoc dicit Magister sententiarum lib. 1. disp. 1. cap. penultimo, quod virtutes propter se appetendae sunt, & amandae, & propter beatitudinem: propter se ergo perfectiones sunt, propter beatitudinem ergo instrumenta. Et per hoc potest exponi illa auctoritas Ioannis Cassiodori de Collationibus Patrum, quam ille allegat, quae talis est: *Ieiunia, vigiliae, meditatio scripturarum, nuditas, ac privatio omnium facultatum, non perfectio, sed perfectionis instrumenta sunt, quia in istis non consistit disciplina illius finis, sed per illa pervenitur ad finem.* Intelligendum est enim, quod illa non tantum sunt perfectio, id est perfectio ultima, quae est charitas, & mentis puritas, sed ita sunt perfectiones, quod sunt instrumenta perveniendi ad ultimam perfectionem in via: sic ergo habetur, quod perfectio hominis in via consistit in praeceptis moralibus & consilijs essentialiter, sed aliter, & aliter. Duplex enim perfectio solet distingui à Magistris. Una est perfectio sufficientiae, & necessitatis. Alia est abundantiae, & supererogationis. Prima consistit principaliter in observantia praeceptorum, quia in illis potest esse absque consilijs, & in consilijs non potest esse absque illis praeceptis. Sed alia perfectio abundantiae, & supererogationis consistit non solum in praeceptis, nec in consilijs solum, sed in ambobus simul. Sed in quibus principaliter? Dicimus, ut nobis videtur, quia principaliter in consilijs: cujus signum est, quod ingredienti Religionem, & voventes, & inducentes eos ad hoc, vel omnes, vel pro majori parte dirigunt intentionem suam, hi vovendo, illi inducendo, ad observantiam consiliorum: & non ad observantiam praeceptorum, neque simpliciter, neque perfectius, quam in saeculo. Frustrà autem ad hoc dirigerent intentionem, nisi in hoc consisteret principaliter perfectio, quam intendunt.

Præterea: ipsa observatio consiliorum est essentialiter perfectio, & non perfectio necessitatis, hoc constat, est ergo perfectio abundantiae essentialiter, & supererogationis, non tamen ipsa essentialis perfectio. Certum est autem, quod per illud habet homo perfici principaliter, quocumque genere perfectionis, quod est ipsa perfectio essentialiter, quam per id quod non est ipsa perfectio essentialiter: principaliter enim perficitur homo perfectione abundantiae, & supererogationis per consilia, quam per praecepta. Sic ergo patet (ut videtur) quod perfectio hominis in via consistit non solum instrumentaliter, sed essentialiter in consilijs, & in omnibus praeceptis moralibus. Patet ergo, quod perfectio abundantiae, sive supererogationis principaliter consistit in consilijs, quam in praeceptis alijs à charitate, sive à praeceptis charitatis.

Uterius dicimus, quod si aliqua perfectio principaliter consistit in praeceptis alijs à charitate, quam in consilijs, majoris meriti est observatio consiliorum, & perfectio illa, quam observantia praeceptorum, & perfectio illa. Hoc manifestè patet loquendo de observantia praeceptorum per se, sicut communiter observantur à secularibus, & de observantia consiliorum à Religiosis. Religio enim, observando consilia, observat, & praecepta necessitatis perfectiori modo, quam seculares, dico pro majori parte, & nullus dubitat quin perfectius sit, & majoris meriti observare utrumque simul, quam praecepta solum. Et hoc in viris Religiosis, qui ambo simul observant, perfectius & majoris meriti esse videtur, quod observant consilia, quam quod observant praecepta alia à praeceptis charitatis.

Et ad hoc facit auctoritas Ambrosij lib. de offic. cap. 11. Officium, inquit, omne aut medium est, aut perfectum, quod aequè scripturarum sacratarum auctoritate probare possumus. Non homicidium facies. Non adulterabis. Nec falsum testimonium dices. Honora patrem tuum, & matrem tuam. Et diliges proximum tuum sicut te ipsum: haec sunt media officia, quibus aliquid deest. (Exod. 20. Matth. 19. Math. 5.) Et parum infra: Si vis perfectus esse, vade, & vende omnia quae habes, & sequere me. Et orandum dicit pro calumniantibus, & persequentibus, & benedicere maledicentibus. Hoc nos facere debemus, si volumus esse perfecti: sicut Pater noster, qui est in Caelis. Hoc est igitur perfectum officium. Ex his ergo verbis Ambrosij patet propositum, ut videtur.

Præterea: unum opus est magis meritorium reliquo, vel propter maiorem arduum operis, sicut jejunium in pane, & aqua, quam in pane, & vino, & piscibus; vel propter maiorem voluntatem operantis. Verbi gratia. Si duo opera per omnia fuerint paria, hoc excepto, quod unum sit libentiùs, quam reliquum; constat quod magis meritorium est, quod libentiùs fit. Sed hæc duo concurrere videntur in observatione consiliorum respectu observationis præceptorum: opera enim consiliorum magis ardua sunt, quam opera præceptorum. Majus enim est abstinere ab omni concupiscentia carnali, quam continere tantum ab illicita. Etiam majus est contemnere omne dominium, & possessionem, quam solum illicitam.

Item opera consiliorum observantur, quia consulta sunt, & opera præceptorum, quia præcepta sunt, dico per se loquendo. Certum est autem, quod ille libentiùs operatur qui operatur solo intuitu id, quod consultum est, quàm qui operatur solo intuitu hoc quod præceptum est, ergo utroque modo majoris meriti est observatio consiliorum, quam præceptorum, ergo observatio consiliorum est majoris perfectionis in eodem, quam observatio præceptorum.

Præterea: à Philosopho habetur 8. Topicorum com. 17. quod majori bono majus malum opponitur, nisi unum inferat alterum; tunc enim minori bono opponitur majus malum, sicut patet in vivere, & foeliciter vivere. Majus enim bonum est foeliciter vivere, quam vivere, & tamen magis malum est non vivere, quam non foeliciter vivere, quia infeliciter vivere, infert vivere. Cum ergo ad observantiam consiliorum sequatur observantia præceptorum, & non è converso, & majus malum sit transgressio præceptorum, quam consiliorum, sequitur necessario, quod observantia præceptorum sit minus bonum, quam observantia consiliorum.

Responsio ad hæc secundum Thomam.

Sciendum, quod duo falsa dicunt, quibus innituntur ad dicta Thomæ improbanda. Primum est, quod præcepta tantum ordinantur ad perfectionem necessitatis, volentes, ut patet ex dictis eorum, quod virtus, vel actus virtutis non cadit sub præcepto, nisi in gradu infimo, quo non posito, necesse est perfectionem vitæ christianæ non haberi.

Secundum est quod consilia, & quedam præcepta moralia ordinantur ad virtutes, & ad actus virtutum in gradu ulteriore, in quo consistit perfectio major, quam dicunt perfectionem abundantiam: utriusque falsitas patet ex doctrina Thomæ in illa quæst. 184. art. 3. in illa responsione principali sic dicentis: Dilectio Dei, & proximi non cadit sub præcepto secundum aliquam mensuram, ita quod illud, quod est plus, sub consilio remaneat, ut patet ex ipsa forma præcepti, quæ perfectionem demonstrat, ut cum dicitur: diliges Dominum Deum tuum ex toto corde &c. Totum enim & perfectum idem sunt secundum Philosophum 3. Physicorum, text. comm. 64. & 1. cæli text. comm. 3. Et similiter cum dicitur: Diliges proximum tuum sicut teipsum. Vnusquisque autem seipsum maxime diligit; unde patet, quod actus dilectionis minime gratificantis non cadit sub præcepto, ita quod præceptum obliget in tali mensura ad charitatem, quæ mensura pertinet ad necessitatem perfectionis, & hoc ideo, quia finis præcepti est charitas, ut dicit Apostolus 1. Thim. 1. In fine autem non adhibetur alia mensura, sed solum in his quæ sunt ad finem, ut habetur à Philosopho 1. Politicorum, sicut medicus non adhibet mensuram, quantum sanat, sed quanta medicina, vel diæta utatur ad sanandam, sicut autem præceptum charitatis ordinatur ad charitatem non sub aliqua mensura, sed simpliciter cum gradu quocumque, etiam perfectissimo, sicut patet per Augustinum in libro de perfectione justitiæ. Similiter præcepta moralia, quæ ordinantur ad alias virtutes morales, sine quibus non habetur charitas, cum virtutes sint connexæ, non ordinantur ad ipsas sub aliqua certa mensura, quæ requiratur ad necessitatem perfectionis, ita quod consilia ordinantur ad ultiores gradus eorundem, quæ pertinent ad perfectionem supererogationis, sed ordinantur ad ipsas sub quocumque gradu quantumcunque perfecto. Consilia verò ordinantur ad removendum, impedimenta, quæ præbent occasionem impedimenti respectu actuum hujusmodi perfectorum, ut Thom. declarat. Quod ergo dicunt, quod virtus pertineat ad essentiam perfectionis, pro Thom. facit, quia præcepta legis Divinæ ordinantur ad omnes virtutes, cum ordinantur ad charitatem; quoniam sine alijs virtutibus impossibile est charitatem inesse.

Secundum falsum, quod dicunt, est: quod duplex est perfectio, una sufficientiæ, & necessitatis, ad quam omnes obligantur: alia supererogationis, quæ consistit in observatione consiliorum, quam principaliter

liter intendunt ingredientes religionem, & non observantiam mandatorum. *Omnis enim perfectio consistit in virtutibus charitate informatis, ad quas (ut dictum est) praecepta legis Divinae ordinantur.* Nec ullo modo potest haberi perfectio illa supererogationis, quae amplior est, & major, nisi ex hoc ipso, quod virtutes charitate informatae intenduntur, seu augmentantur. Ad ipsas autem sub quocumque gradu (ut dictum est) praecepta Divina ordinantur. Falsum est ergo quod dicunt, praecepta Divina ordinari ad perfectionem minorem, quam vocant perfectionem necessitatis, & consilia ad maiorem, quam vocant supererogationis: cum ipsa praecepta ad perfectionem ordinentur, ut dictum est. Et iterum illud patet esse falsum, quod ingredientes religionem non intendunt principaliter observantiam mandatorum, hoc est enim dicere, quod non intendunt intrare Religionem propter amorem Dei, ad quem in gradu summo ordinantur praecepta Divina.

Verba autem *Ambrosij*, quae adducunt, pro ipsis non faciunt, si intelligantur. Dicit enim: Praecepta, *Non occides, &c.* ad media officia pertinere, quibus aliquid deest, pro tanto quod qui solum implet praecepta, & non consilia, nondum removet quaedam impedimenta retardantia ab exercitio virtutum perfectarum, quod si faceret, maiorem perfectionem utique haberet, vel ad minus ad majoris charitatis perfectionem se disponderet, ad quam tamen totam, ut dictum est, charitatis praeceptum ordinatur.

Quod tandem dicunt, illud opus est magis meritorium, quod consistit in observatione consiliorum, quam opus, quod consistit in observatione praeceptorum, absurde dictum videtur, quia nullum opus est meritorium, nisi ratione charitatis ad quam observandam in quocumque gradu ipsa praecepta, ut supra patuit, principaliter ordinantur.

Quod verò in fine affirmare nituntur, quod observatio praeceptorum est minus bonum, quam observatio consiliorum, si intelligant observantiam consiliorum, praescindendo observantiam praeceptorum, falsum dicunt. Observare enim consilia, sive continentiae, sive paupertatis, & transgredi praecepta, nullius est bonitatis seu meriti. Si autem intelligant, quod observatio consiliorum inclusa observatione praeceptorum est melius, quam observatio sola man-

datorum, verum dicunt, & hoc concludit argumentum eorum. Verumtamen ista bonitas major pertinet ad virtutes charitate informatas, ad quas praecepta ordinantur: ad ipsa verò consilia pertinet instrumentaliter, inquantum per eorum observantiam impedimenta, quae non possent cum illis virtutibus stare, removentur, prout docet *Thom.*

ARTICVLVS X.



DE hoc, quod dicit *Thom.* quest. 184. art. 7. ubi quaerit: *Utrum sit perfectior status Praelatorum, quam Religiosorum?* In responsione principali, quod status Praelatorum est perfectior simpliciter, quam status Religiosorum, quia ip-

si sunt perfectiores simpliciter, secundum *Dion.* 6. cap. *Eccles. Hierarch.*

Item quest. 185. artic. 8. quaerit: *Utrum Religiosi, qui promoventur in Episcopos, teneantur ad observantias regulares?* Et in solutione principali dicit, quod status Religiosorum est, quasi quaedam via tendendi ad perfectionem; status autem Episcoporum, sive Episcopalis, pertinet ad perfectionem, tanquam quoddam perfectionis magisterium. Et confirmat dictum suum per cap. 16. quest. 1. licet persona, ubi dicitur: *Quod sacra ordinatio de Monacho facit Episcopum, sed nulli licet de statu superiori ad inferiorem transire.*

CORRVPTORIUM.

NON negamus, quin status Praelatorum sit multò perfectior, quam status Religiosorum. Ad reprimendum tamen cavillationem aliorum exponendum videtur, quomodo sit perfectior, & quomodo non. Dicit *August.* lib. 1 de *Bap. parvulorum*, ante medium: *Cum dicitur status cujuscunque perfectior, quo jure dicatur videndum est.* Non ex *Apostolo* habemus, ubi se fatetur in acceptance iustitiae, quam desiderabat, nondum perfectum. Et tamen continuo dicit: *Quotquot perfecti sumus, hoc sapiamus, ad Philipp. 3.* Qui utrumque non diceret, ut in aliqua re esset perfectior, & in alia re non esset perfectus, quia potest fieri quod

quod aliquis sit perfectus sapientie auditor, qui non sit perfectus Doctor. Hæc *August.* Dicimus ergo, quod status Prælatorum auctoritate, dignitate, & officio perfectior sit, quam status Religiosorum. Sed an merito, hoc non videtur; tamen dico sine præjudicio, quod etiam merito, dummodo sit bonus Prælatus secundum exigentiam status sui, nihil omittens de essentialibus concernentibus officium suum. Cõparationes autem statuum, & aliarum rerum cujuscunque generis faciendæ sunt secundum essentialia & secundum bona in illo genere, & non secundum mala. Vnde si Prælatus salutem animarum procuret, prout debet, docendo publicè, & privatè orando, & offerendo dona & sacrificia pro peccatis proprijs & alienis, conversando sine quærela; & Religiosus a parte sua perficiat essentialia status sui vivendo in obedientia, sine proprio, & in castitate, videtur, sicut dictum est, majus esse meritum Prælati, quam Religiosi. Et ad hoc facit auctoritas *Aug. in Epistola 148. (21. in ordine Parisi.)* ad *Valerium*; ubi dicit: Nihil esse in hac vita (maximè hoc tempore) difficilius, laboriosius, periculosius Episcopi, Presbyteri, Diaconi officio; sed apud Deum nihil beatius, si eo modo militetur, quo Imperator noster Christus jubet.

Item *Dionysius 3. cap. Ang. Hierar.* Omnium divinissimum Dei cooperatorem fieri constat, quia nobilissimum opus est salus animarum. Cooperatores autem Dei in hac operatione sunt propriissimè Prælati quantum est de essentia status; ergo status eorum est divinissimus, ergo perfectissimus.

Item *Greg. Homil. 12. super Ezech. 8.* Nullum omnipotenti Deo tale est sacrificium, quale est zelus animarum. Sed hoc maximè pertinet ad statum Prælatorum. Prælatus enim solus est sponsus Ecclesiæ, sicut testatur à multis. Ergo sacrificium, quod maximè pertinet ad statum eorum, est Deo gratissimum.

Item, status Prælatorum majorem requirit perfectionem in professoribus suis, quam Religio in suis, sicut dicit *Gloss. super illud Jacobi. 3. Qui non offendit in verbo, &c.* Eum, inquit, qui cupit præesse alijs, oportet perfectiorem esse alijs. Ex hoc sic arguitur. Status, qui de congruo requirit meliores & perfectiores personas, de congruo requirit meliora & perfectiora opera. Sed ubi sunt meliora & meliora merita, ergo in prælatione, per se loquendo, sunt perfectio-

ra & meliora merita, quam in Religione; dico quantum est de exigentia essentialium utrique statui.

Salva tamen pace & gratia Prælatorum, videtur, quod status Religionis quodammodo potest dici perfectior, quam status Prælatorum, propter majorem & districtiorem disciplinam, cui subduntur Religiosi, & majorem elongationem à mundo, & ab occupationibus, & occasionibus peccatorum. Et hujus signum est, quod illi, qui de Religione assumuntur ad prælaturam, si in prælatione laudabiliter se habent, statum Religionis statui Prælationis præferunt, & statum, in quo sunt, plangunt in cõparatione illius, quem dimiserunt. Hoc legitur fecisse *Gregorius*. Vnde ipse scribit de te ipso in lib. 1. *Dialogorum*. *Mæror Petre, quem quotidie patior, & semper mihi per usum vetus est, & semper per augmentum novus. Infelix quippe animus meus occupationis suæ pulsatus vulnere, meminit qualis aliquando in Monasterio fuit, quomodo ei labentia cuncta subtererant, quantum rebus omnibus quæ voluntur eminebat, quod nulla nisi cœlestia cogitare consueverat, quod etiam retentus corpore, ipsa jam carnis claustra contemplatione transibat, quod mortem quoque, quæ pene cunctis poena est, videlicet ut ingressum vite, & laboris sui præmium amabat.*

At nunc ex occasione curæ pastoralis secularium hominum negotia patitur, & post tam pulchram quietis suæ speciem terreni actus pulvere fœdatur. Cumque se pro condescensione multorum ad exteriora sparserit, etiam cum interiora appetit, ad hæc proculdubio minor redit. Hæc *Gregorius*.

Adhuc illi pauci, qui de statu prælationis transeunt ad statum Religionis, & in Religione, sicut debent, profecerint, statum Religionis statui Prælationis præponunt. Denique in morte ubi consideratio, & conscientia meritorum animam consolatur, nulli vel paucissimi inveniuntur, tam de Religiosis, quam de Prælati, quibus si daretur optio, non mallent, ut tota vita sua in Religione vixissent, & hoc satis multum est ad commendationem Religionis. Ait enim *Philosophus primo Rhetoricæ cap. 1. de magis conferente*: Quod in majori necessitate sunt opportuna majora, puta, ut quæ in senectute, & in aegritudinibus.



Responsio ad hæc secundum Thomam.

Contra quem non est in aliquo hoc, quod dicunt, sicut patet intuenti.

Quod enim dicunt in fine, quod in Religione major est districtio disciplinæ, & major esse potest quies contemplationis quam in Prælati, non concludit, quin Prælati, præcipue Episcopi, prout declarat Thom. sint simpliciter in statu perfectione.

Quod autem dicunt quosdam Prælatos statum Religionis statui prælationis prætulisse, non ascribendum est ipsius status imperfectioni, sed illarum personarum humilitati, vel imbecillitati, eo quod non potuerunt, vel se posse non reputaverunt perfectioni illius status conformare. Et ex hoc provenit timor, quem tangunt in hora mortis.

ARTICVLVS XI.



DE hoc quod Thomas dicit quest. 185. art. 6. ubi querit: Virum liceat Episcopo aliquid possidere? In responsione principali. Quod perfectio vitæ christianæ non consistit essentialiter in voluntaria paupertate; sed voluntaria paupertas operatur instrumentaliter ad perfectionem, immo potest esse summa perfectio cum magna opulencia. Nam Abraham, cui dictum est Gen. 18. Ambula coram me, & esto perfectus, legitur fuisse dives.

CORRVPTORIUM.

Quod dicit perfectionem vitæ in voluntaria paupertate non consistere, uno modo habet veritatem, alio modo non: perfectio enim vitæ christianæ (sicut communiter distinguunt Magistri, ut supra habitum est) est duplex. Est enim una perfectio sufficientiæ, sive necessitatis; alia abundantiae, & supererogationis. Voluntaria paupertas non est essentialiter perfectio necessitatis, sicut aliquid de essentia ejus, quia sine illa sufficienter haberi potest per observantiam præceptorum. Sed volun-

Ataria paupertas est essentialiter una perfectionum supererogationis, & pars essentialis illius perfectionis totalis, quæ consistit in consilijs. Sicut liberalitas est essentialiter quædam prima perfectio necessitatis; & operatio ejus, quæ consistit in licito usu divitiarum corporalium, est quædam secunda perfectio necessitatis. Ita voluntaria paupertas secundum habitum dicta est quodammodo perfectio prima supererogationis: & ejus usus perfectio secunda, & pars essentialis illius totalis perfectionis, quæ consistit in consilijs. Valdè enim absurdum esse videtur, quod liberalitas, quæ liberè utitur divitijs temporalibus, sit virtus, & per consequens perfectio prima, & ejus usus sit perfectio secunda. Et voluntaria paupertas non sit perfectio, nec de essentia perfectionis, cum dicat Gloss. Lucæ 14. Disce inter renuntiare omnibus, & relinquere omnia, quia renuntiare convenit omnibus, qui ita licet utuntur omnibus, quæ possident; ut tamen mente tendant ad æterna. Relinquere verò omnia perfectionum tantum est, qui omnia terrena postponunt, & solum æternis inhiant. Unde dicimus, quod perfectio vitæ christianæ nec totaliter consistit, nec maxime in voluntaria paupertate. Totalis enim perfectio vitæ christianæ consistit in aggregatione omnium virtutum, & in operibus earum pro loco, & tempore. Maxime verò consistit in charitate, ad quam omnes virtutes, & virtutum opera, sive quæ sunt in præcepto, sive quæ sunt in consilio, ordinantur, & perficiuntur: nihilominus dicimus, quod maxima perfectio vitæ christianæ quantum ad aliquid, scilicet, quantum ad usum divitiarum temporalium, in voluntaria paupertate consistit. Homo enim utitur, etiam ijs, quibus se abstinet ad temperantiam, secundum Augustinum lib. 83. qq. q. 30. Et quantum ad hoc dicimus, quod ubi est major paupertas voluntaria, ibi est major perfectio. Huic attestatur Augustinus de bono conjugali ita dicens: Bonum erat, quod faciebant, qui de substantia sua Christo, ac discipulis sua ministrabant necessaria. Sed melius, qui substantiam dividerunt, ut expeditiores Dominum sequerentur.

Item de Ecclesiasticis dogmatibus cap. 70. Bonum est facultates cum dispensatione pauperibus erogare. Melius est intentione sequendi Dominum omnia simul donare, & absolutum solitudine cum Christo egere: unde de Abraham; & de quocumque alio (qui legitur fuisse perfectus & dives) considerandum est secundum quid dicatur esse perfectus, sicut

sicut docet *August. lib. 1. de baptismo parvulorum*, ante medium, cum dicitur: *Quilibet status perfectior*, qua in re dicatur, videndum est. Nihil enim prohibet, quin voluntaria paupertas possit operari instrumentaliter ad ulteriorem perfectionem, quamvis essentialiter sit perfectior vel pars perfectionis, ut supra ostensum est *quest. 184. art. 2.*

Responsio ad hæc secundum Thomam.

Sciendum imprimis, quod duo falsa supponunt. Vnum est, quod perfectio supererogationis & abundantiae attendi debet, vel principaliter consistat in voluntaria paupertate. Aliud est, quod paupertas est virtus quædam siue perfectio animæ prima, cuius usus, vel actus est perfectio animæ secundæ. Falsitas prima patet sic. Sicut perfectio sufficientiæ, vel necessitatis consistit in virtutibus charitate informatis, & earum actibus in gradu primo & infimo, sic perfectio maior in quocumque consistit in ejusdem virtutibus, & earum actibus in gradu ulteriore & perfectiore. Quantumcunque enim removeantur ea, quæ pertinent ad removendum impedimenta perfectionis, nunquam est anima perfecta quousque habeantur virtutes charitate informatæ, in quibus consistit ipsa perfectio essentialiter, nec per consequens per ipsa eadem poterit esse essentialiter perfectior, nisi eadem virtutes intendantur, vel augmententur: propter quod augmentatio perfectionis, & per consequens perfectio supererogationis, quam vocant perfectionem essentialiter, consistit in augmentatione virtutum charitate informatarum, ad quam paupertas voluntaria, & huiusmodi faciunt instrumentaliter, in quantum faciunt ad removendum impedimentum huiusmodi augmentationis. Falsitas secundi sic patet: paupertas enim voluntaria non est virtus, ut supponunt, sed quædam pœnalitas voluntariè assumpta, sicut nuditas, vigiliæ, & huiusmodi, quod patet per hoc quod inter has in *Collationibus Patrum* enumeratur. Si enim paupertas esset, per se loquendo, virtus, non diceretur laudabilis solum per additionem in quantum voluntaria, sed per se: omnes enim virtutes per se sunt laudabiles. Nec etiam diceretur voluntariè assumpta; sed magis ipsius voluntatis ad sic operandum inclinativa. Est enim virtus habitus inclinans per modum naturæ, ut dicit *Philosophus 2. Eth. comm. 5.*

A Quod ergo dicunt, quod absurdum esse videtur, quod liberalitas, quæ liberè utitur divitijs temporalibus, sit virtus, & per consequens perfectio prima, & ejus usus sit perfectio secunda; & voluntaria paupertas non sit perfectio, nec de esse perfectionis: patet, quod nulli rectè intelligenti absurdum esse videbitur: Licet enim, ut dicit *Gloss. illa: Relinquere omnia perfectiorum tantum sit*, utique quoad hoc quod instrumentaliter facit ad perfectionem; non tamen sequitur, quod ipsa paupertas, vel temporalium rerum auditas, & carentia consequens sit virtus animam perficiens, sicut non sequitur: *Si mori pro Christo tantummodo sit perfectiorum*, quantum ad potissimum signum perfectionis, quod propter hoc ipsa mors voluntariè assumpta sit aliqua animæ perfectio prima, immò tam hæc, quam illa in carentia quadam seu privatione ad pœnalitatem pertinente consistunt. Vnde inter alias pœnalitates pro Christo assumptas, cuiusmodi sunt vigiliæ, jejunia &c. huiusmodi, paupertas & privatio omnium facultatum ponitur. Et verum quid est, ubi amor maior est paupertas, & purior, aut discretior, ibi maior perfectio, quantum ad illud quod instrumentaliter facit ad perfectionem. Et hoc concludunt auctoritates, quæ sequuntur, & non aliud.

Quod verò dicunt, quod paupertas ita est instrumentum perfectionis, quod est quædam pars ejus essentialis, ex prædictis patet esse falsum.

ARTICVLVS XII.



De hoc, quod dicit *Thomas* in eodem art. in respons. primi argumenti, quod illa verba *Domini Matth. 10. Nolite possidere aurum, neque argentum, neque pecuniam in zonis vestris. Vno modo exponi possunt*, sicut exposuit ea *Augustinus de consensu Evangelistarum*, ut intelligatur hoc dictum non præcipiendo, sed permissendo. Permissit enim ut absque argento & auro irent ad predicandum, sumpturi sumptus ab his quibus predicarent.

CORRVPTORIVM.

Quod dicit Dominum, non præcipiendo sed permittendo, dixisse: Nolite possidere aurum &c. dicimus, quod falsum est, & contra Evangelia, & contra testimonia Sanctorum. Nam *Math. 10.* Hos duodecim misit Iesus, præcipiens, & dixit: In viam gentium ne abieritis. Et paucis interpositis subditur: Nolite possidere aurum, neque argentum, &c.

Et *Marc. 7.* expressius etiam præcipit: Nequid tolleret in via, nisi virgam tantum; non peram, non panem, neque in zonis es, sed essent calciati sandalijs, & ne induerentur duabus tunicis, expressè dicit, quod præcepit eis.

Et *Ambrosius super Lucam 6.* super illud: Nolite portare neque peram, neque saccum *Luca 4.* Scripsit, inquit, *Math.* quoniam dixit ad Discipulos Dominus: Nolite possidere aurum, neque argentum. Si prohibemur aurum possidere, quid rapere, quid auferre? Si quod habes, donare præciperis, quid auges, quod non habes? Et inf à tangens illud *Act. 2.* Aurum & argentum non est mihi, &c. Gloss. ita dicit: Non tam gloriatur Petrus, quod argentum non habet, quam quod seruet Domini præceptum, vel mandatum, quod præcipit: Nolite possidere aurum, neque argentum, hoc est dictu. Vides me Christi Discipulum, & à me requiris aurum?

Item super illud *Act. 1.* Aurum, & argentum non est mihi. Gloss. memores præcepti illius. Nolite possidere aurum, neque argentum, neque pecuniam. Quæ ad pedes Apostolorum reponerentur, non sibi, sed ad usus pauperum recondabantur.

Ex his patet, quod illud: Nolite possidere aurum, &c. prohibitum fuit Apostolis, non permissum. Sumere verò sumptus, & alimenta ex ipsa prædicatione concessum fuit, non autem præceptum. Et hoc dicit *Gregorius Homil. 17.* super Ioannem. Qui panem, inquit, & saccum portare prohibuit, sumptus, & alimenta ex ipsa prædicatione concessit. Nam sequitur, In eadem domo manete edentes, & bibentes, quæ apud eos sunt. Ex his verbis *Gregor.* patet, quod pars auctoritatis, scilicet, Nolite possidere aurum, vel argentum, non peram, non saccum, prohibitum fuit. Sumptio verò necessariorum, quæ intelligitur in fine auctoritatis: Dignus est operarius mercede sua, sive cibo illo. Quod expressius dicit in *Luca*: Edentes, & bibentes, quæ apud illos sunt. Hoc, inquam,

concessio tuit, & non præceptum. De illa concessione dicitur in Gloss. 1. ad *Corin. 12.* Nunquid non habemus potestatem manducandi, & bibendi. Gloss. permisit Dominus, sed non iussit Apostolis accipere necessaria à subditis, ut quisquis vell t eo uteretur, quod sibi liceret ex Domini concessione. Si quis nollt eo uti, non contra iussum faceret, sed de jure cederet.

Responsio ad hæc secundum Thomam.

Dictum *Beati August.* quod *Thomas* adducit, reprehendunt, & destruere conantur, in quo eos amplius peccare, cui dubium est? Et supra modum admirandum, quod prædictum testimonium *Beati August.* in expositione prædictorum verborum dicunt esse contra Evangelia, & testimonia Sanctorum. Argumenta verò, quibus non *Thomam*, sed sententiam *Beati Augustini* destruere nituntur in hac parte per equivocationem, sive per diversam acceptionem hujus nominis præcepti, ut pote sophistica solvantur. Nam omnes auctoritates, in quibus dicitur, Dominum illud præcepisse, *Math. 10.* Nolite possidere &c. de præcepto largè accepto, sive pro permissione, secundum dictam expositionem *Beati Augustini* de consensu Evangelitarum, sive pro consilio intelliguntur, ut reducat ad illud: Si vis perfectus esse &c. debent intelligi. Si verò pro præcepto propriè dicto debet intelligi, non niti ad tempus, quantum ad illam missionem, qua mittebantur ad prædicandum Iudæis, præciebatur, ut per hoc excitarentur ad confidendum de virtute ipsius, quia eis absque sumptibus provideret secundum expositionem *Chrysostomi*. In sensu etiam mystico habuit rationem præcepti propriè dicti, scilicet, quod prædicatores non innitentur principaliter sapientie & eloquentie, quæ auro & argento designantur, secundum expositionem *Hieronymi*.

Auctoritates igitur, quas isti adducunt, nec contra sanctos istos, nec contra *Thomam* (illis innitentem) aliquid faciunt, si rectè intelligantur, scilicet nomine præceptionis, vel prohibitionis modis prædictis utentes.



ARTICVLVS XIII.



De hoc, quod Thomas dicit, quæst. 186. artic. 2. ubi querit: *Utrum quilibet Religiosus teneatur ad omnia consilia?* In response principalis: *Ad perfectionem aliqui tripliciter pertinet. Vno modo essentialiter, & sic ad perfe-*

ctionem pertinet perfecta observantia charitatis. Alio modo consequenter, sicut illa, quæ consequuntur ex perfectione charitatis, in pote maledicenti benedicere, præcipue extra casum necessitatis. Tercio modo instrumentaliter, & dispositivè, sicut paupertas, abstinencia, & continentia, & huiusmodi, & sic paupertas, continentia, & abstinencia non pertinent essentialiter ad perfectionem nec consequenter, sed dispositivè, & instrumentaliter.

CORRUPTORIUM.

Nobis autem non videtur, quod hoc sit verum, immò quod sint perfectiones, & per consequens pertineant essentialiter ad perfectionem. Et quod magis, & frequentius pertineant ad charitatem consequenter, quàm instrumentaliter. Nihilominus benè nobis videtur, quod ad perfectionem charitatis pertineant instrumentaliter, & dispositivè.

Quod autem voluntaria paupertas sit perfectio, videtur per auctoritatem Hieronymi ad Demetriadem. Dicit enim sic: *Apostolici fastigij est, perfectæ quæ virtutis vendere omnia, & distribuere pauperibus, & sic levem, & expeditum ad cœlestia volare.* Ergo paupertas secundum Hieronymum, est perfecta virtus, ergo perfectio.

Præterea: Quælibet earum est virtus, vel gradus virtutis: si virtus? Ergo perfectio. Dicit enim Philosophus 7. physicorum Text. comm. 18. *Virtus perfectio est, & unumquodque tunc est perfectum, maximè cum attingit virtuti propriæ.*

Idem 2. Ethicorum cap. 5. *Omnis virtus, cuiuscumque fuerit virtus, habentem perficit, & opus ejus bonum reddit.* Si autem sunt gradus virtutum, constat quod eminentissimi gradus sunt, verbi gratia, voluntaria paupertas (quæ simul & semel dat omnia pauperibus) altissimus gradus liberalitatis, vel

corporalis misericordiæ: & viduitas, & virginitas, quæ excellentior est, excellentissimus gradus continentia: abstinentia excellentissimus gradus temperantia: cum gradus inferiores prædictarum virtutum (quibus gradibus potest fieri additio) sint perfectiones; sicut liberalitas, secundum quam homo liberè utitur bonis temporalibus; & misericordia, secundum quam particulariter, sive successivè dispensat indigentibus: multò magis prædicti gradus, quibus fieri additio non potest, perfectiones dici possunt.

Item Algazel in principio logica suæ dicit: *Sic perfectio, inquit, anima in duobus consistit, in munditia, & ornatu. Munditia ejus est, ut expietur à sordidis moribus, & sequestretur à phantasijs turpibus. Ornatus ejus est, ut depingatur in ea certitudo virtutis.* Et infra: *Fœlicitas æterna non potest haberi, nisi per perfectionem anime, quæ non est nisi munditia, & ornatus.* Ex hoc arguitur sic: Munditia à sordidis moribus, & phantasijs turpibus maximè sunt paupertas voluntaria, continentia, & abstinencia, & obedientia: quia voluntaria paupertas est munditia à concupiscentia oculorum: continentia est munditia à concupiscentia carnis: obedientia est munditia à superbia vitæ, ergo hæc tria sunt vera perfectio, vel veræ perfectiones.

Quod autem ista quandoque pertineant ad perfectionem charitatis consequenter, manifestè patet in Christo. Charitas enim Christi à primo instanti suæ conceptionis ita perfecta fuit, quod nunquam deinceps augeri potuit: paupertas igitur, & continentia, & abstinencia ad perfectionem charitatis ejus non pertinebant instrumentaliter, & dispositivè, quia nec disponebant ad ejus inductionem, nec ad ejus augmentationem, & pertinebant ad eam consequenter. Et de paupertate Christi dicit Apostolus 1. Corinth. 8. *Scitis gratiam Domini Nostri Iesu Christi, idest charitatem, quoniam propter nos egenus factus est, cum esset dives.*

Præterea: videtur, quod ista magis pertineant ad charitatem sive ad perfectionem, quæ charitas est consequenter, quàm instrumentaliter, & dispositivè, & quod magis fieri debeant ex charitate habita, quàm ad charitatem habendam. Dicit enim Augustinus 6. Musica: *Amor, inquit, temporalium non expurgatur nisi suavitate æternorum.* Constat quod suavitas rerum æternarum, vel est idipsum, quod amor earum, vel effectus amoris ipsarum.

Item Gloss. Cantic. 8. super illud: Si dederit homo omnem substantiam domus sue pro dilectione. Gloss. Vbi abundat amor eternorum, vilescit mox possessio labentium.

Item, Gregorius Homil. 11. super Ioannem. Sicut mors corpus interimit, sic ab amore rerum temporalium charitas occidit.

Præterea: manifestè videmus homines habentes perfectam charitatem uberius eleemosynas facere, & districtius abstinere, & sollicitius continere, & humiliter obedire, quàm non habentes charitatem, vel habentes imperfectam. Igitur ista magis habent sequi ex perfecta charitate, quàm instrumentaliter dispositivè ad illam habendam, vel augendam.

Uterius videtur per Apost. quòd aliæ virtutes possunt dici perfectiones, vel perfectio, & charitas instrumentum. Dicit enim ad Col. 3. de pluribus virtutibus loquens: Super omnia autem charitatem habentes, quæ est vinculum perfectionis. Gloss. Cætera perfectionem faciunt, charitas omnia ligat, ne abeant, ergo cætera sunt perfectiones, & charitas instrumentum, quod est vinculum, hoc videtur nobis verum tam de charitate, quàm de alijs virtutibus, quòd secundum diversas rationes possunt dici instrumenta, & perfectiones.

Responsio ad hæc secundum Thomam.

Nituntur probare primò, quòd paupertas, abstinencia, & huiusmodi, sint perfectiones essentialiter, ita scilicet, quod ad ipsam essentiam perfectionis humanæ pertineant, cuius oppositum supra est declaratum.

Ad illud ergo, quod primò obijciunt de Hieronymo, quòd perfectæ virtutis est vendere omnia, verum est, quoad perfectam virtutem, tanquam instrumentum veniendi ad perfectam virtutem, non tanquam ipsa sit virtus perfecta, sicut patuit in Abraham. Potest etiam hoc dici perfectæ virtutis, quia non nunquam est perfectæ virtutis effectus, ut quando perfecta virtute inflammatus omnia relinquit, quæ impedimentum præstare poterunt.

Ad secundum cum dicit, qualibet eorum est virtus &c. Respondendum est per interemptionem, quoniam nec sunt virtutes, ut dictum est, in gradu primo, nec in gradu ulteriore, & perfectiore. Possunt enim virtutes, quæ connexæ sunt, & haberi, & ad gradum perfectum augmentari sine his, licet faciant instrumentaliter ad

huiusmodi (prout dictum est) perfectionem: unde tota illa ratio cum suo processu innititur falsitati.

Ad tertium dicendum, quòd verum est, quòd prædicta faciunt ad mentis munditiâ instrumentaliter, sed gratia & virtutes faciunt mentis munditiâ essentialiter.

Secundò consequenter nituntur probare, quòd ista pertineant quandoque ad perfectionem charitatis consequenter, & hoc concedimus.

Tertiò nituntur probare, quòd magis pertineant ad perfectionem, quæ est charitas consequenter, quàm instrumentaliter, quod non videtur rationabiliter dictum, quoniam ad charitatē habitam in summa plenitudine non sequuntur ista, quoniam tunc essent in patria. Sed dicuntur potius ad perfectam charitatem dispositivè, seu instrumentaliter se habere, quia universaliter assumuntur, vel ut perfectus charitatis gradus acquiratur, vel ne ipse gradus charitatis perfectus, prout in via possibile est, iam adeptus alicujus impedimenti occasione aliquatenus retardetur. Quod licet in paupertate Christi dici non possit, quantum ad charitatem in eo existentem; dici tamen potest, quòd & ipsa instrumentaliter, & dispositivè egit ad perfectam charitatem in alijs fidelibus.

Ad primum ergo in oppositum dicendum, quòd illa auctoritas August. similiter illa Gloss. Cant. 8. similiter auctoritas Gregorii nihil faciunt pro eis. In omnibus enim habetur, quòd propter amorem, suavitatem vel dilectionem eternorum inflammatur homo ad contemptum terrenorum, quod utique verum est, quia ipsa terrena relinquere facit instrumentaliter ad perfectum gradum amoris pervenire.

Per idem solvitur ratio, quam ponunt consequenter, habentes enim majorē charitatem, & perfectionem, uberius ac promptius faciunt prædicta, per quæ ad ulteriorem perfectionem (ut sæpè dictum est) instrumentaliter promoventur.


Quartò nituntur ostendere, quòd ipsa etiam charitas debeat dici instrumentum perfectionis, pro eo quòd ab Apostolo dicitur vinculum perfectionis, quod salva pace eorum improprie (ne dicam falsò) dicitur. Non enim finis potest poni in ratione instrumenti, quo ad finem devenitur, nunc autem finis præcepti est charitas, secundum Apostolum quam dicit vinculum perfectionis, pro eo quòd in ipsa perfectio consummatur.

Quod

Quod verò dicit Gloss. Cetera perfectionem faciunt, charitas autem omnia ligat &c. metaphorice dictum est, locutio autem figurativa non est extendenda. Non enim debet intelligi, quod charitas adveniat virtutibus perfectis quasi quoddam vinculum superveniens; sed perfectionem, quam habent virtutes, habent à charitate, quæ est earum forma, qua recedente, remaneat imperfecta, ut illud intendit Gloss. Per hoc ergo quod charitas dicitur vinculum aliarum virtutum, non intelligitur, quod sit instrumentum earum, sed potius Perfectio, ac finis, & forma.

Quod de alijs virtutibus dicunt in fine, quod possunt secundum diversas rationes dici instrumenta & perfectiones, concedi potest, nec est contra nos.

ARTICVLVS XIV.



Super hoc, quod Thom. dicit quest. eadem artic. 9. ubi querit: Vtrum Religiosus peccet mortaliter transgrediendo ea, quæ sunt in regula, quod profitens regulam non voveret servare omnia, quæ continentur in regula.

Et arguit, quod sic, tali ratione: Facere contra votum est peccatum mortale: Sed Religiosi voto professionis ascruntur ad regulam, ergo peccant mortaliter transgrediendo ea, quæ in regula continentur. Et respondendo dicit, quod ille, qui profitetur regulam, non voveret omnia, quæ sunt in regula, sed voveret regularem vitam, quæ consistit in tribus, scilicet in paupertate, continentia, & obedientia. Unde in quibusdam Religiosis aliqui cautius profitentur non quidem servare regulam, sed vivere secundum regulam, id est, intendere ad hoc, quod informet mores suos secundum regulam, sicut juxta quoddam exemplar, ita quod professioni non contrarietur, nisi quod est contra præceptum regule. Transgressio verò aliorum, vel omisio non obligat, nisi ad peccatum veniale. Ex verbis istius solutionis tollitur argumentum, quod solvere intendit. Expresse enim intelligitur secundum ipsum, quod Religiosi profitentes aliquam regulam, non voverent servare omnia, quæ in regula continentur, alioquin transgrediendo aliquod istorum peccarent mortaliter. Et quod ista fuerit sua opinio, manifeste videtur in questionibus determinatis quolibet primo, quest. 20. quæ est, utrum Monachus peccet mortali-

ter comedendo carnes: Ibi enim in responsione principali dicit ita: Si Religiosus profitendo voveret se regulam servaturum, videtur se obligare ad singula, quæ in regula continentur, ut, contra quodlibet eorum faciendo, peccet mortaliter.

CORRPTORIVM.

Item Iosue ult. fœdus hoc habetur innovatum, dicente populo ad Iosue: Domino Deo nostro serviemus, & obedientes erimus præceptis ejus. Percussit ergo Iosue in illo die fœdus cum populo, & proposuit populo præcepta atque iudicia. Et Apostolus ad Galat. 3. ita dicit: Maledictus omnis, qui non permanserit in omnibus, quæ scripta sunt in libro legis, ut faciat ea: quod sumptum est de Deut. 27.

Et iterum ad Galat. 5. dicit Apostolus: Testificor vobis omni homini circumcidenti se, quoniam debitor est universæ legis faciendæ. Ex quibus manifestum est, quod Judæi firma promissione sub maledictionis susceptione obligati erant omni contenta in lege servare, & tamen constat, quod plurima fuerunt in lege, quorum transgressio, vel omisio non erat mortale, ut est illud Exod. 23. Si occurreris ovi inimici tui, aut asino erranti, reduc ad eum. Et illud Levi. 19. Coram capite consurge, & honora personam senis. A simili, qui promittit servare regulam & ea, quæ sunt in regula, non oportet, quod peccet mortaliter transgrediendo, vel omittendo quodlibet eorum.

Item Iosue ult. fœdus hoc habetur innovatum, dicente populo ad Iosue: Domino Deo nostro serviemus, & obedientes erimus præceptis ejus. Percussit ergo Iosue in illo die fœdus cum populo, & proposuit populo præcepta atque iudicia. Et Apostolus ad Galat. 3. ita dicit: Maledictus omnis, qui non permanserit in omnibus, quæ scripta sunt in libro legis, ut faciat ea: quod sumptum est de Deut. 27.

Et iterum ad Galat. 5. dicit Apostolus: Testificor vobis omni homini circumcidenti se, quoniam debitor est universæ legis faciendæ. Ex quibus manifestum est, quod Judæi firma promissione sub maledictionis susceptione obligati erant omni contenta in lege servare, & tamen constat, quod plurima fuerunt in lege, quorum transgressio, vel omisio non erat mortale, ut est illud Exod. 23. Si occurreris ovi inimici tui, aut asino erranti, reduc ad eum. Et illud Levi. 19. Coram capite consurge, & honora personam senis. A simili, qui promittit servare regulam & ea, quæ sunt in regula, non oportet, quod peccet mortaliter transgrediendo, vel omittendo quodlibet eorum.

Prætereà: in regula Sancti Benedicti præcipitur disciplina suscipiendorum fratrum, quod primò post duos menses legatur regula novitio, & iterum secundò post sex menses. Et adhuc tertio post quatuor menses. Et si novitius, habita secum deliberatione, promiserit se omnia custodire, & cuncta sibi imperata servare, tunc suscipiatur in congregatione, sciens se ex lege regulæ constitutum, quod ex illo die non liceat ei de Monasterio exire, nec collum excutere de sub iugo regulæ. Ecce quod novitij

secundum regulam *Beati Benedicti* promittunt se omnia custodire, quæ in regula continentur; & tamen insania esset, quod peccarent mortaliter quodlibet eorum transgrediendo.

Item in principio regulæ *Beati Francisci* (quam approbavit *Innocentius Papa III.* & confirmavit *Honorius Papa III.* successor ejusdem) ita dicit: Regula, & vita fratrum Minorum hæc est, scilicet, Evangelium Domini Nostri *Iesu-Christi* servare. Et in fine ejusdem sic dicitur: Paupertatem, & humilitatem, & Evangelium Domini Nostri *Iesu-Christi* (quod firmiter promissimus) observemus. Et tamen *Gregor. IX.* qui regulam exposuit, ita dicit: Fratres, inquit, qui scire desiderant, an ad alia Evangelij consilia teneantur, an tantum ad illa, quæ in regula præceptorie, vel inhibitorie sunt expressa, præsertim cum ad alia se obligare non intenderunt, & vix aut nunquam possunt omnia ad litteram observare. Nos autem breviter dicimus vos ad illa Evangelij consilia non teneri per regulam, nisi ad ea, ad quæ obligastis vos in ipsa, ad cetera vero non teneri, nisi sicut ceteri christiani, & eò magis ex æquo, & bono, quò vos obtulistis in holocaustum medullatum per contemptum omnium mundanorum. Hæc *Papa Gregor.* Igitur per expositionem *Pape* liquet, quòd quamvis fratres Minores promiserunt observare Evangelium, non tamen tenentur ad omnia Evangelij consilia, nisi ad ea, quæ in ipsa regula præceptorie, vel inhibitorie sunt expressa.

Præterea: quicumque regulam aliquam, vel contenta in ea promittit, vel vovet, nihil aliud intendit, vel intendere debet, quàm conformare voluntatem suam & conversationem partibus regulæ secundum intentionem illius, qui regulam condidit: sed constat, quòd conditor cujuscunque regulæ non intendit, quòd professores sui, vel illius regulæ æqualiter obligentur, & ad omnia æqualiter teneantur, nisi tale sit, quod transgrediendo peccent mortaliter, hoc enim esset stultissimum, & laqueum illis immittere, quorum deberet salutem querere, & maxime ubi regula distinguit inter monita, & præcepta, sicut in regula *Beati Francisci*, ergo nullus vovens aliquam regulam sic obligatur profitendo, ut si transgrediatur quodcumque contentorum in regula, peccet mortaliter.

Secundum quod dicit etiam, quòd cautius profitentur, qui non profitentur regulam, sed qui tantum profitentur obe-

dientiam secundum regulam. In his verbis insinuat, quòd ingredientibus Religionem, non debent profiteri regulam, alioquin minus cautè faciunt, & hoc reputamus falsum: Quia extra de regularibus, & transmissis ad Religionem, cap. ex parte tua, fuit propositum, ita dicitur: Mandamus, quòd quoscunque tibi lege Diocesana subjectos, qui prædicto modo terram duabus vijs ingredi non verentur, ut postquam per annum gestaverint habitum Monachalem, regulam profiteantur, & servent, Ecclesiastica censura compellas. In quibus verbis hoc notandum est, quòd ingredientibus ordinem, illius ordinis regulam debent profiteri, quia dicit: Regulam secundum formam profiteantur.

Adhuc in verbis prædictis, quibus dicitur: Postquam per annum gestaverint habitum Monachalem. Notandum videtur, quòd forma profitendi in ordine Monachorum, est profiteri regulam *Beati Benedicti*, & promittere conservationem morum secundum illam, sed hanc formam profitendi, tanquam homo qui voluit Monachis suis immittere laqueum, *Beatus Benedictus* instituit, sicut *Frater Thom.* dicit in questionibus determinatis quodlib. 1. quest. 20. quæ est, utrum Monachus mortaliter peccet in comedendo carnes? Et in responsione, quam præ manibus habemus, insinuat id ipsum, excepto quòd nomen *Benedicti* non explicat.

Responsio ad hæc secundum Thomam.

DVo nituntur ostendere, sicut patet ex eorum processu. Quorum primum est, quòd licet religiosi obligent se voto professionis ad singula, quæ sunt in regula, non tamen peccarent mortaliter, singula eorum transgrediendo. Secundum est, quòd *Thom.* evacuat decretalem in hoc, quod dicit, cautius quosdam profiteri obedientiam secundum regulam. Primum patet esse falsissimum, quoniam si quis voto, vel juramento obligare se directe & ex intentione, quòd non moveret, vel frangeret festucam, sic obligatus mortaliter peccaret hoc faciendo, nulli dubium est. Eodem modo si Religiosus intendit se voto obligare ad singula, quæ in regula continentur, peccaret mortaliter transgrediendo quæcumque eorum: vel quare non? Et hoc intendit *Thom.* cum dicit: Si Religiosus pro-

proficendo voveret, &c. in questionibus determinatis quodlibeto 1. quest. 10.

Ad primum igitur in oppositum dicendum, quod populus Iudaicus non fuit obligatus ad omnia, quæ erant in lege, ita quod ipsam transgrediendo peccaret mortaliter: nisi tantum ad ea, quæ cadebant sub præcepto propriè accepto: ad illa enim sola intendebat legislator, & ejus successor obligare eos.

Quod autem dicitur: *Maledictus omnis, qui non permanserit &c. Gal. 3.* habet intelligi de his, quæ imposita erant sub præcepto, vel quod omnes homines ante Christum, qui legem implere non poterant, sub maledictione erant, pro quibus ab illa maledictione liberandis Christus dignatus est dici maledictus, secundum illud: *Deut. 21. Maledictus omnis, qui pendet in ligno*, sicut dicit *Apostolus*. Vnde quod ibi dicit: *Testificor omni homini &c.* quod ipsi pro se adducunt secundò, sic habet intelligi, quod circumcidens se, & per consequens fidem Christi negans, in prædictam incidit maledictionem, à qua per Christum liberantur electi, velut ad litteram legis observatores. Et licet etiam talis dicatur debitor universæ legis faciendæ, non tamen sequitur, quod transgrediendo ea, quæ in lege scribuntur, nec tamen præcipiuntur, mortaliter peccaret. Licet enim Monachus debitor sit alicujus observantiæ regularis, quæ non cadit sub præcepto, utpote quod sileat in claustrò, non tamen sequitur, quod transgrediendo silentium peccaret mortaliter.

Quod opponunt tertiò de regula *Beati Benedicti*, quod ibi præcipitur regulam debere legi, &c. oportet intelligi, quod utitur præcepto largè pro admonitione, vel consilio, vel certè si strictè cadat sub præcepto, propriè professionem regulæ illius novitius intendens, præcepto illi obtemperare, aut mortaliter peccare, sine distinctione tenetur. Novitij verò promittentes se omnia servare quæ in regula sunt, non intendunt, nec intendere debent singulis in ea contentis se voto attingere.

Aliquid enim (ut dicit *Thom.*) continetur in regula dupliciter. Vno modo sicut finis regula, puta ea, quæ pertinent ad actus virtutum. Et horum transgressio est, quantum ad ea, quæ cadunt sub præcepto, ad eaque necesse est, quod se extendat eorum promissio. Alio modo continetur aliquid in regula ad exercitium exterius pertinens, sicut sunt exteriores observantiæ, inter quas quedam sunt,

ad quas obligatur Religiosus ex voto professionis. Votum autem Religionis principaliter respicit tria, paupertatem, continentiam, obedientiam, quæ se etiam promittunt illi novitij servaturos. Alia verò omnia, quæ ordinantur ad hæc, promittunt se servaturos, inquantum proponunt talia pro posse se servare, non tamen ita quod per transgressionem eorum, quæ non sunt de substantia Religionis, nec cadunt sub præcepto, cuiusmodi est silete in claustrò, obligentur ad mortale.

Quod verò opponunt quartò de regula *Beati Francisci* approbata & confirmata, in cuius fine subditur: *Evangelium Domini Nostri Iesu-Christi*, quod firmiter promissimus, observemus. Quod (prout dicunt, à *Greg. IX.* exponitur) pro *Thom.* facit. Ex quo enim qui promiserunt observare Evangelium Domini Nostri Iesu-Christi, non tenentur ex voto suæ professionis, nisi ad illa consilia, quæ in ipsa regula præceptorie, vel inhibitorie sunt præcepta, manifestum est, quod qui promittit, vel profitetur se servare aliquam regulam, non vovet se servare singula, quæ sunt in regula, ita scilicet, quod obliget se voto ad singula, sicut nec illi (ut dicunt) intendebant se obligare ad singula consilia, sed vovet regularem vitam, quæ essentialiter consistit in prædictis tribus: nec obligantur suo voto, nisi ad ea, quæ præceptorie vel inhibitorie in ipsa regula sunt expressa, ita, scilicet, quod alia transgrediendo non peccent mortaliter.

Quinta ratio per omnia facit pro *Thoma*. Planum est enim quod neque regulam condens, per eam intendit ad omnia obligare, nec proficentes æquè in omnia obligari. Vnde minor ad quid hanc rationem posuerint, cùm magis iad oppositum, quàm ad eorum faciat propositum quoad hoc.

Secundum quod improbant, quod cautius proficentur, qui proficentur obedientiam secundum regulam per hoc, quod videtur eis, quod illud insinuet ingredientem Religionem non debere regulam profiteri. Et dicimus, quod, salva pace eorum, non videtur eis verum. Concedimus enim (prout volunt jura) quod ingredientem Religionem tenentur post annum regulam profiteri. Regulam autem profiteri, prout dicit *Thom.* est profiteri vitam regularem, vel obedientiam secundum regulam, quod cautè quidam exprimunt in sua professione, regulam quidè proficentes, sed tamen quid sit regulam profiteri secundum jura, eò cautius, quò evidentius exprimentes.

ARTICVLVS XV.



De hoc, quod Thomas dicit, quest. 188. artic. 7. ubi querit: Vtrum habere aliquid in communi diminuat de perfectione Religionis? In responsione principali, quod si res exteriores non querantur, nec habeantur, nisi in modica quantitate, quantum sufficit ad simplicem victum, talis sollicitudo non multum impedit hominem, unde nec perfectioni humane, nec christiane vite repugnat. Et aliquantulum infra subiungit: Differt circa hoc, utrum divitiæ in proprio, vel in communi habeantur: nam sollicitudo, quæ habetur circa res proprias pertinet ad amorem privatum. Sed sollicitudo, quæ habetur circa res communes, pertinet ad amorem charitatis, quæ non querit, quæ sua sunt. 1. Corin. 13. Et quoniam Religio est ad perfectionem charitatis, quam perficit amor Dei, usque ad contemptum sui, habere aliquid proprium repugnat perfectioni Religionis. Sed sollicitudo, quæ est circa bona communia ad charitatem pertinere potest, licet per hoc impediri possit aliquis altior aclus charitatis, ut contemplationis Dei, & instructionis proximi. Ex quo patet, quod habere superabundantes divitias in communi est impedimentum perfectionis, siue in rebus mobilibus, siue immobilibus. Habere autem de rebus exterioribus in communi, siue immobilibus, quantum sufficit ad simplicem victum, perfectionem Religionis non impedit, si consideretur paupertas in comparatione ad communem finem Religionis, quæ est vacare Divinis officiis. Si autem consideretur paupertas ad speciales fines Religionum, sic tantò erit Religio perfectior secundum paupertatem, quanto habet paupertatem magis suo fini proportionatam. Et infra: Illis verò Religionibus, quæ ordinantur ad contemplandum, & contemplata alijs tradendum per doctrinam, competit habere paupertatem, maxime ab exterioribus sollicitudinibus expeditam, quod fit, dum modica, quæ sunt necessaria vite, congruo tempore procurata servantur. Hoc Dominus paupertatis institutor docuit. Legitur enim Ioannis 12. quod Iudas habebat loculos, in quibus ea, quæ mittebantur, portabat. Et Ioannis 4. legitur, quod cum Dominus loqueretur cum Samaritana, discipuli ierant in Civitatem, ut cibos emerent. Legitur etiam Ioannis 13. quod cum Dominus dixisset Iudæ: Quod facis, fac citius, putaverunt, quia Iudas habebat loculos, quod Dominus diceret ei, quod

A emeret necessaria ad diem festum, aut ut egenis aliquid daret, ergo exemplo, licet pecuniam, vel quamcumque aliam rem in communi servare ad usum alicuius congregationis, ita quod non repugnat, immò est conforme perfectioni Christi, quam Christus docuit suo exemplo. Sed & Discipuli (à quibus omnis Religio sumpsit exordium) pretia prædicatorum conservabant, & distribuebant, prout unicuique opus erat.

Ad idem adducit auctoritatem Prosperi de vita contemplativa, & habetur 11. quest. 1. Satis, inquit, ostendit, & propria debere propter perfectionem contemni, & sine impedimento perfectionis posse facultates Ecclesiæ, quæ sunt profecto communia possideri. Adhuc in responsione 3. argumenti dicit: quod per hoc, quod Dominus Noster dicit. Matt. 6. Luc. 11. Nolite solliciti esse in crastinum, non intelligitur, quod nihil servetur in futurum, hoc enim Beatus Antonius asserit periculosum in Collationibus Patrum, ita dicens: Privationem omnium facultatum, ita sectantes, ut ex ipsis nec unius quidem diei victum sibimetipsis, nec unum denarium superesse paterentur, & alia huiusmodi facientes, ita repente vidimus eos esse deceptos, ut inceptum opus non poterant exitu congruo terminare.

CORRUPTORIUM.

IN prædictis solutionibus, tam ex verbis, quæ dicit, quam ex questione, quam solvere intendit, ad minus tria reprehendenda esse videntur. Vnum est, quod habere aliquid in communi, scilicet moderatas divitias usui humano necessarias tempore congruo procuratas, nec repugnat, nec detrahunt aliquid de perfectione. Secundum est, quod tantò est unaquæque Religio perfectior secundum paupertatem, quanto habet paupertatem fini suo magis proportionatam. Tertium est, quod periculosum est, ita omnes facultates relinquere, ut nec unus denarius conservetur ad victum in posterum.

Quantum ad primum. Religiones, quæ habent aliquid in communi, nullatenus vituperamus de imperfectione, sed tamen cum confidentia, & pace omnium, & sine dubitatione omni credimus, & asserimus, quod maioris perfectionis est penitus nihil habere nec in communi, nec in proprio: Si enim de paupertate agitur, constat, quod maior est & perfectior paupertas illorum, qui nihil penitus habent nec

in proprio, nec in communi, quàm eorum, qui sufficienter habent in communi. In Religione enim non est cōsiderare, nisi personas, vel singulariter, vel personas cōmuniter, id est cōmunitatē. Constat ergo, quod major est paupertas singularis personæ nihil penitus habendo, quàm habendo aliquid. Constat ergo pari ratione, quod major est paupertas communitatis, nihil habētis penitus, quàm possidentis sufficienter communiter. Cum ergo in his duobus totalitas Religionis consistat, scilicet, in personarum singularitate, & personarum communitate, sequitur quod major est paupertas Religionis & perfectior, ubi nec communitas aliquid habet. Et si quis hoc negare præsumperit, pari ratione negare poterit maiorem continentiam esse eorum, qui nullatenus uxores habent, quàm illorum, qui uxores haberent in communi. Si verò de poenitentia agatur, constat quod perfectior est poenitentia, ubi omnia relinquuntur, & in proprio, & in communi, quàm ubi habentur necessaria in communi sufficienter, hoc constat testimonio omnium, qui poenitentias recipiunt, & faciunt. Huic concordat *Gregorius Homil. 33. super Eze.* Qui cum, inquit, poterit hoc seculum contemnere, & derelinquens omnia, Domino semetipsum in holocaustum dare, ipse jam perfecte novit, & peccata operis plangere, & peccata cogitationis, vel que malè fecit, vel quod facere debuit bonum, quod non fecit. Qui enim totum dimisit, jam culpas suas liberius in fletibus conspicit. Hæc *Gregorius*. Si ergo paupertas & poenitentia perfectiones quædam sunt, sequitur quod habere divitias in communi, quantum diminuit de paupertate, tantum diminuit de perfectione. Si verò dicatur, quod paupertas & poenitentia non sunt perfectiones, sed instrumenta & viæ ad perfectionem ducentes, quæ quidem perfectio est charitas, constat, quod hæc instrumenta optima & convenientissima proportionem ad finem prædictum inducendum instituta sunt & ordinata, quia per Christum, in quo sunt omnes thesauri sapientiæ & scientiæ reconditi. Adhuc relinquitur idem, quod prius, scilicet, quod quicquid diminuit de paupertate & poenitentia, diminuit & de perfectione, quæ per illa inducitur.

Adhuc si de prædicatione & doctrina agitur, constat quod tãtò credibilior, receptibilior, & magis persuasiva, & minus suspecta est prædicatione, quanto quod prædicatur magis resultat in prædicantis & Doctoris

vita. Vnde super illud *Matthæi 5. Sic luceat lux &c. Gloss.* Opera require, ut videantur, & sic doctrina confirmetur. Et super illud *Matth. 10. Nolite Possidere &c. Gloss.* Si hoc haberent, non viderentur gratia salutis prædicare, sed lucri. Si ergo perfectior mundi contemptus, & poenitentia perfectior apparet in vita illorum, qui penitus nihil habent, nec habere volunt, quàm illorum, qui habent sufficienter communia, constat quod credibilior & receptibilior & persuasiva magis sit talium prædicatione & doctrina, quàm aliorum. Huic concordat *Gregorius Homil. 18. super Ezechielem*. Quanto, inquit, sanctior est vita Doctoris, tantò fit humilior sensus audientis, & semetipsum despicit, dum prædicatoris suam vitam in magna surgere altitudine perpendit. Constat autem, quod generare filios Dei per semen verbi Divini magnæ perfectionis est, & magis perfectorum, sicut & generatio naturalis non nisi perfectis convenit.

Adhuc si de charitate agitur, occurrat illud *August. de doctrina christiana lib. 3. cap. 31. Quanto magis regnum cupiditatis destruitur, tantò magis regnum charitatis augetur: & illud 83. qq. 36. q. Nutrimentum charitatis est imminutio cupiditatis*. Vbi ergo magis minuitur, & annihilatur cupiditas, ibi magis augetur, & nutritur charitas, & perficitur. Sed constat, quod hoc fit magis in Religione, ubi est omnimoda expoliatio, quàm ubi saltem communitas non expoliatur, ergo quantum est de conditione statuum, perfectior erit charitas, ubi Religio pauperior.

Quod autem dicit postea, quod Tantò erit unaqueque perfectior secundum paupertatem, quanto habet paupertatem suo fini magis proportionatā. Dicimus, quod si intelligatur de fine propinquo (sicut ipse intelligit, sicut patet ex prædictis) tunc non est verum simpliciter. Potest enim esse, quod finis propinquus unius religionis valdè per omnem modum excedat finem alterius. Verbi gratia, prædicatione & doctrina hospitalitatem. Cum hoc etiam possibile est, quod illa Religio, cuius finis proprius est hospitalitas, habeat paupertatem aliquantulum magis proportionatam suo fini, quàm cuius finis proprius est prædicatione & doctrina. Nunquid propter hoc dicendum est, quod paupertas ordinata ad hospitalitatē perfectior sit, quàm paupertas, quæ ordinatur ad prædicationem & doctrinam, propter hoc solum quod illa est magis proportionata ad hospitalitatem, quàm ista ad prædicationem & doctrinam? Absit. Tale enim est, ad

si diceretur, quodd musica, proportionata ad confortandum infirmitatem corporalem, est melior, quam musica minus proportionata ad exercitandum devotionem, sicut fuit in *Eliseo 4. Regum 3.* quod constat utrique esse falsum. Si verò intelligatur de communi & ultimo fine Religionis, scilicet de profectu & perfectione charitatis, sic habet veritatem. In omni enim arte & in omni negotio hoc videmus, quod instrumenta & operationes, quanto magis proportionatae sunt ad consequendum illum finem, tanto perfectiores sunt, & ars est perfectior, secundum illas. Quae sit autem ista paupertas quae est magis proportionata perfectioni charitatis, satis patet ex auctoritatibus praallegatis de *Doctrina Christiana lib. 3. cap. 37.* & de 83. qq. 36. q. Patet ergo quod solum de fine communi & ultimo in via, scilicet de profectu & perfectione charitatis, verum est, quod tantò unaquaeque Religio perfectior est secundum paupertatem, quanto habet paupertatem magis suo fini proportionatam. Patet etiam, quod haec est Religio, quae nihil habet, nec in communi, nec in proprio, quia ibi maximè destruitur, & annihilatur cupiditas. Sed ille, qui hoc dixit, non intellexit verbum suum praedictum de communi fine Religionum, & ideo falsum est, quod dixit in eadem questione, eodem articulo, in responsione primi articuli: Non oportet, inquit, quod Religio tanto sit perfectior, quanto maiorem habet paupertatem, sed quanto eius paupertas est magis proportionata communi fini, & speciali. Et de communi fine dicit verum. Ex hoc enim, quod paupertas est maior, est fini communi proportionabilior. Et de hoc solo fine habet veritatem, sicut ostensum est, non autem de speciali fine; & tamen certum est, quod de speciali fine principaliter intendit, cum hoc dicit, sicut consideranti verba ejus in principali solutione potest patere, quae sunt haec: Si consideretur paupertas per comparisonem ad speciales fines Religionum, sic supposito tali fine paupertas major vel minor est Religioni accommodata: & tantò erit unaquaeque Religio perfectior secundum paupertatem, quanto habet paupertatem magis proportionatam suo fini. Dicit ergo ad confirmationem suae solutionis, quod aliquid habere in communi est conforme paupertati Christi. Christus enim suo exemplo hoc docuit, qui etiam fuit paupertatis institutor. Habuit enim loculos, in quibus Iudas ea, quae mittebantur,

portabat, *Ioann. 13.* Item *Ioann. 4.* legitur: Quod Discipuli jerant in civitatem, ut cibos emerent. Nos autem dicimus, quod quidquid legitur de loculis, si diligenter percontetur, sicut *Gloss.* & *Santi* exponunt, magis probat, quod habere aliquid in communi sit imperfectionis, quam perfectionis. Tribus enim de causis legimus Salvatorem loculos habuisse, & necessaria emisisse, scilicet, ad sustentationem vitae, ad subventionem pauperum, & ad usus proprios & suorum propter imminentem necessitatem, qui talia erant facturi in Ecclesia de loculis propter subventionem pauperum, & condescensionem & dispensationem propter infirmos. Dicit *Chrys.* super *Ioannem Homil. 73.* super illud: Aut ut egenis aliquid daret, *Ioann. 13.* Non peram, inquit, neque virgam neque as portare, aut deferre iubens, marsupium ferebat ad inopum ministerium. Ex hoc existimaverunt Discipuli, ut in ipsis aliquid daret.

Item super illud *Matth. 17.* Aperto ore ejus, invenies staterem, dicit *Gloss.* Hieronymus: Dominus tantae fuit paupertatis, ut unde daret tributa, non habuerit.... Iudas in loculis pecuniam habebat, sed rem pauperum in suos usus convertere nephas duxit: nobis quae idem tribuit exemplum. Haec Hieron.

Secundò (sicut dictum est) legitur habuisse loculos, ut emerent necessaria ad usus suorum. Tali enim de causa habuit, ut emeret necessaria, quando transibat per Samariam, sicut legitur *Ioann. 4.* Quod discipuli jerant in civitatem, ut emerent necessaria. Samaritani enim erant inhospitales Iudeis. Unde alibi legitur: Cum iret in Ierusalem, Samaritani noluerunt eum recipere. *Luce 9.* Haec eadem causa, ingruente passione & persecutione Discipulorum, ipse loculos habuit, & Discipulos habere permisit. Unde *Luce 12.* legitur: Quando misi vos sine baculo, & pera, & sine calciamentis, nunquid aliquid defuit vobis? At illi dixerunt. Nihil. Dixit ergo eis. Sed nunc qui habet sacculum, tollat similiter & peram. Vbi *Gloss.* marginalis dicit & est Beda: Non eadem vivendi regula, persecutionis tempore, Discipulos informat, quam pacis tempore. Missis quippe Discipulis ad praedicandum, nequid tollerent in viam, praeceptor ordinavit, scilicet, ut qui Evangelium nuntiat, de Evangelio & vivat. Instante verò mortis articulo, & tota illa gente pastorem & gregem persequente, congruam ipsos regulam docuit, praemittens, ut tollant necessaria victui, donec, se ipsa persecutorum insania, tempus evangelizandi videant. Haec *Gloss.*

Item alia Gloss. In hoc quoque datur nobis ^A exemplum, ut non nunquam, causa instans, de nostri rigore propositi quaedam sine culpa intermittere possimus. Hæc Gloss.

Tertio legitur habuisse loculos condescensivè, & propter infirmos, sicut dicit Gloss. super illud Psalm. 146. Producentem femini jumentis. Dominus habuit loculos in usus eorum, qui cum eo erant: religiosæ enim mulieres, quæ erant in ejus comitatu, ministrabant ei de substantia sua: & infirmorum personam magis suscipiens, prævidit multos futuros infirmos, & illa magis quasituros, quibus præbuit exemplum necessaria sumendi à subditis. Hæc Gloss.

Item Augustinus de opere monachorum aliquid ^B quantum post principium: Dominus enim noster more misericordie sue infirmioribus compatiens, cum ei possent Angeli ministrare, & loculos habebat, quo mitteretur pecunia, quæ conferebatur, utique bonis fidelibus eorum victui necessaria: quos loculos tude commendavit. Hæc Augustinus.

Item Augustinus Homil. 38. super Ioannem. Ioan. 12. Fur erat, & loculos habens: Quare habuit loculos, cui Angeli ministrabant: nisi quia illius Ecclesia loculos habitura erat? Hæc ibi. Ex nullo igitur omnium modorum haberi potest, quod habere aliquid ^C in communi sit perfectionis in viris religiosi, nam habere aliquid, vel aliqua primo modo, scilicet ad dispensationem pauperum, non est habere aliquid in communi sicut habent Religiosi, sed sicut habent Prælati, qui sunt Procuratores & dispensatores bonorum Ecclesiæ, non Domini. Vnde ex isto modo habendi non ostenditur perfectio Religionis, quæ aliquid habet in communi, sed potius ostenditur perfectio Prælationis. Similiter nec secundus modus habendi, scilicet ^D propter necessitatem. Illud enim quod quandoque sit solum propter necessitatem, illud simpliciter magis est imperfectum, quam perfectionis. Verbi gratia, David, & pueri ejus necessitate compulsi, comederunt panes propositionis, quos non licebat comedere, nisi solis Sacerdotibus, 1. Regum 21. Simpliciter enim hujusmodi panes comedere illicitum erat laicis, non perfectionis. Machabæi etiam necessitate compulsi pugnabant in diebus sabbatorum 1. Machab. 3. Et Iosue 4. Et ideo dicit simpliciter Gregor. Homil. 11. super Ezech. Quia, inquit, necessitate loci sæpè viri secularibus jungor, nonnunquam mihi disciplinam ^{B. Egil. defens. Oper. S. Tho.}

linguæ relaxo. Hæc Gregor. Nunquid propter hoc dicendum est, quod relaxare disciplinæ linguam sit simpliciter perfectionis? Absit. Similiter Christus necessitate loci & temporis habuit loculos, & habere permisit, ergo habere loculos & aliquid in communi est perfectionis simpliciter? Absit, immò potius sequitur oppositum.

Idem dicimus de tertio modo habendi de condescensione propter infirmos, ut plurimum, & secundum se est magis imperfectum, quam perfectionis. Verbi gratia Gregorius, qui dicit de se ipso Homil. 11. super Ezechiel ubi prius: Si in assiduo censura mea rigore me teneo, scio quia ab infirmi oribus fugior, eosque ad hoc, quod appeto, nunquam traho. Vnde fit ut eorum sæpè & ociosa patienter audiam. Sed quia ipse quoque infirmus sum, in ociosis sermonibus paulisper tractus, libenter ea loqui incipio, quæ audire cœperam invitus. Hæc Gregorius. Nunquid ideo dicendum est, quod patienter audire ociosa sit perfectionis? Nullo modo. Similiter cū Prælatus dispensat cum infirmo aliquo totaliter, vel specialiter in aliquo, quod est contra observantias communes in Religione intus, vel extra. Verbi gratia. Comedere carnes in die jejuni: certè propter hoc non est existimandum, quod sic comedere carnes, vel dispensare secundum se, & simpliciter sit perfectionis, immò magis imperfectum; quare videtur revera, necessitate ingruente, habere necessaria, in Christo fuit maxime perfectionis. Ita tamen habere simpliciter imperfectum est, verbi gratia. Maxime perfectionis in magistro est dispensare doctrinam secundum capacitatem audientium; subtilibus & perfectis subtiliora tradendo; rudibus verò & grossis hystorialis & grossa; & tamen ipsa hystorialis doctrina, & grossa non est doctrina perfecta, & perfectis conveniens. Si quis verò contendat Dominum habuisse loculos, non solum propter causas prædictas, sed ut necessaria procuraret simpliciter, & propter se, noverit profectò contra Sanctorum testimonia se dicere, & docere: dicit enim Hieronymus, sicut allegatum est super illud Matth. 17. Aperto ore ejus, invenies staterem. Ibi Gloss. dicit: Tantæ paupertatis Dominus fuit, quod unde daret tributum, non haberet.

Item super illud Matth. 11. Circumspectis omnibus cum jam vespere esset. Gloss. Si quis

quis cum susciperet hospitio, tanta enim paupertatis fuit, ut nulli adulatus in tanta necessitate nullum hospitium inueniret.

Item Chrysost. super illud *Lucæ 9. Filius autem hominis non habet ubi, &c. Aspice*, inquit, qualiter paupertatem, quam docuit, per omnia demonstravit. Non erat mensa, nec candelabrum, nec domus, nec quidquam aliud talium. Hanc auctoritatem ponit Frater Thomas in Gloss. sua continua, in eodem loco super *Lucam*.

Item Chrys. super *Matth. 8. Filius hominis non habet, &c. & est Homil. 17. Non dixit, quoniam quem habeo contemno, sed quem non habeo.*

Item Augustinus in *Epistola de Sacramentis Ecclesie*: Christus ita pauper fuit, ut veniens in mundum, non in sua, sed aliena domo nasceretur, & natus propter inopiam loci in præsepium animalium poneretur, & vivens in mundo non haberet, ubi caput suum reclinaret, nec moriens, unde nuditatem suam tegeret, nec mortuus, unde involveretur, nec sepulchrum, ubi corpus mortuum poneretur.

Denique si quis pertinaciter asserit perfectionis esse Christum imitari in loculis, pari ratione dicere debet, & potest, quod perfectionis est Christum imitari in gladio, & debet (ut sit perfectus Christi imitator) portare, vel saltem habere in communi, quod stultum est facere, & docere. Illud verò quod allegat de pretijs agrorum, quæ ponebantur ad pedes Apostolorum, ac reservabantur, non facit pro eo, quod illa pecunia non fuit Apostolorum, nec in eorum usus convertebatur, sed tantum per eos, prout unicuique opus erat, distribuebatur. Vnde super illud *Actuum 3. Argentum, & aurum non est mihi, &c. Gloss. Memor illius præcepti. Nolite possidere aurum, &c. Pecuniam, quæ ad pedes Apostolorum reponebatur, non sibi recondebant, sed ad usus pauperum, qui sua patrimonium reliquerant, sicut dicit Ambrosius super *Lucam*. Nolite portare sacculum &c. tractans prædictum verbum; *Argentum, & aurum &c. dicit sic: Non tam gloriatur Petrus, quia argentum, & aurum non habet, quam quod servat Domini mandatum. Nolite possidere aurum &c. Hoc est dicere: Vides me Christi discipulum, & aurum à me requiris? Sed nobis aurum multò preciosius donavit, ut in nomine eius faciamus virtutes. Itaque non habeo, quod non dedit, sed dedit, quod habeo, surge, & ambula. Hæc Ambrosius. Aliter dici potest, quod for-**

tè Apostoli de illa pecunia, quæ ponebatur ad pedes eorum, sumebant vitæ necessaria ratione laboris in prædicando, sicut ab illis, quibus prædicabant. Ex ordinatione autem Domini sumebant necessaria vitæ, idest, sumere poterant ratione laboris in prædicando, nec tamen cum istis aliquid habebant in communi sicut neque cum illis. Illud verò *Prosp.* quod ille allegat 11. *quest. 1. non facit pro eo. Illud enim capitulum est propriè de Prælati. Dicit enim sic: Qui quis omnibus dimissis, vel venditis sit rei sue contemptor, vel præpositus factus fuerit, occasione omnium, quæ habet, Ecclesie efficitur dispensator. Et subdit exempla de Sancto Paulino, & Sancto Hilario Episcopo Manifestum est igitur, quod de Prælati intendit; Prælati verò quia sunt dispensatores bonorum Ecclesie, sine diminutione perfectionis possidere possunt alijs dispensando; regulares verò, qui huiusmodi causam non habent, sine diminutione perfectionis habere non possunt.*

Quod verò dicit in *solutione 3. argumenti: Periculosum esse sic omnia relinquere, ut nihil ad victum in posterum reservetur, secundum quod dicit Antonius in Collationibus Patrum, se vidisse aliquos sic facientes, prædictum fuisse deceptos, falsum, & non secundum intentionem auctoris inducitur. Ibi enim narrat Abbas Moyses, quod semel tempore pueritiæ suæ convenerant plures seniores ad Abbatem Antonium, quærentes ab eo: Quænam Virtus, vel observantia posset Monachum à Dæmonum laqueis custodire? Aliqui dixerunt, jejuniorum, alij autem vigiliarum studio hoc esse collatum. Alij dixerunt in contemptu omnium rerum temporalium. Alij in annachori remansione, & vita Hæremitica. Alij in officijs humilitatis. Post quæ omnia dicit Sanctus Antonius: Omnia hæc, quæ dixistis sunt necessaria, & utilia scientibus Deum atque ad eum cupientibus pervenire, sed his principaliter tribuere gratiam evadendi, nequaquam immeriti casus, & multorum etiam majorum experimenta docuerunt. Et subjungit, quod etiam visum est quandoque omnium prædictorum sectatores aliquando fuisse deceptos. Et infero Quamobrem quid principaliter ducat in Deum manifestè poterimus cognoscere si ruina, ac deceptionis eorum causa à nobis diligentius fuerit indagata. His autem, cum exuberant prædictarum opera virtutum, discretio sola sufficiens, usque ad finem ea durare non sinebat.*

His verbis non dicit *Beatus Antonius* omnia relinquere esse periculosum, immò dicit, quòd ista necessaria, & utilia sunt ad Deum pervenire cupientibus, sed quòd non est ipsis attribuenda gratia principaliter evadendi laqueos diaboli secundum discretionem sine qua homines in alijs quandoque decipiuntur, & hoc quidem verum est, nec plus potest inferri ex verbis *Beati Antonij*, quàm sit periculosum omnia relinquere, vel jejunare, vel solitariam vitam ducere humilitatis, vel misericordiæ operibus insistere, quia omnium prædictorum sectatores dicit aliquando fuisse deceptos propter defectum discretionis.

Responsio ad hæc secundum Thomam.

AD ea, quæ obijciuntur, ad præsens per singula non decrevimus respondere, pro eo præcipuè, quòd propter pauperiam, quam se profitemur habere, non solum & re & nomine prædicatoribus veritatis, verum etiam omnibus simpliciter & universaliter cujuscunque status se conantur superiores, & sanctiores, & perfectiores per omnia declarare. Cum igitur comparationes præcipuè in tanto excessu odiosa comprobentur, melius est sub silentio præterire, quàm protervè, & litigiosè statum quemlibet præfato statui præponere, vel præferre. Verumtamen quemlibet illius articuli lectorem intelligentem arbitramur nò latere, quàm multas auctoritates à suo sensu extorqueat, quantas etià rationes sophisticas pro suo proposito extorquendo adducant, quarum una est: Si quis negare præsumpserit hoc, quòd dicunt de sua superabundantia perfectionis, pari ratione negare poterit majorem continentiam eorum, qui nullatenus uxores habent, quàm illorum, qui habent uxores in communi. Hujusmodi autem instantiæ improbabilitas cujuscunque lectoris relinquatur arbitrio, cui intelligenti dubium non erit, uxores in communi habere semper fuisse nepharium, utpote Divinæ legi contrarium. Res autem victui necessarias habere in communi à Sanctis Patribus, immò à Patre luminum Spiritu Sancto ipsos dirigente, in Christianæ Religionis exordio fuisse institutum. Et præter hæc falsa quædam in processu suo *Thomæ* imponunt, sicut patet applicantibus dicta eorum dictis *Thomæ*, & alia similia in isto, & alijs articulis faciunt multa, quæ omnino si essent tantæ perfectionis, quantæ se faciunt, tacuissent. Quod atque in isto articulo (præcipuè si spiritu

humilitatis agerentur) observassent, fortasse alias eis per singula responderetur. Et quoniam nihil agant non quidem contra homines, sed contra veritatem ipsam, quam in isto impugnant articulo, evidentius ostendetur.

ARTICVLVS XVI.



B de hoc, quòd dicit *Thom. quest. 189. art. 8. ubi querit: utrum liceat transire de una Religione ad aliam? In responsione 3. argumenti, quòd quamvis Ordo Monachorum sit arctioris observantiae, si Monachi essent laici, liceret transire de Ordine Monachorum ad Ordinem Canonicorum Regularium, propter illud Hieronymi ad Rusticum Monachum: Sic vive in Monasterio, ut Clericus esse merearis. Rationem verò præmittit ad hoc, quæ talis est: Vtreqque Ordo, scilicet Monachorum, & Canonicorum, ordinatur ad vitam contemplativam, sive ad opera vite contemplativæ, inter quæ præcipua sunt, quæ aguntur in Divinis ministerijs, & ad hoc ordinatur directè Ordo Canonicorum, quia Canonicis per se competit, ut sint Clerici Religiosi, Monachis autem non per se competit, ut habetur 16. q. 1.*

CORRUPTORIUM.

Hic insinuat expresse, quòd propter promotionem ad clericatum licet transire de Ordine Monachorum ad Ordinem Canonicorum, & de Ordine arctiori ad Ordinem laxiorem. Sed nos reputamus hoc falsum. Dicit enim *Innocentius*, & habetur 19. quest. 3. *Monachi*, qui diu morantur in monasterijs, postquam pervenerint ad clericatum, statuimus non debere eos à priori proposito recedere. Jura enim in transitu de una Religione in aliam non intendunt promotionem de laicatu ad clericatum in Religione ad quàm transitur, sed tantummodo majorem conversationis distractionem, sicut dicitur extra. de regul. & trans. ad Religionem cap. sanè de Canonicis ubi determinatur de quodam, Qui in Ecclesia quadam professus fuerat, & inde fugiens à quodam Abbate receptus est in Monachum, quòd si locus, ubi receptus, erat majoris Religionis,

nis, permitti deberet ibidem. Sin autem, ut ad priorem Ecclesiam redire compelli. Et de quibusdam Monachis in fine sic dicitur: Cum Monachus vester ad fratres Cisterciensis Ordinis transiit, non ut vestro Ordini derogaret, sed ut apud ipsos vitam duceret arctiorem, mandamus quatenus nullatenus molestetis, quia charitas est fons proprius, cui non communicat alienus. Auctoritas etiam si rectè intelligatur non facit pro eo. Potius enim hortatur Rusticum vivere tam religiosè in conversatione, tam studiosè in scripturarum meditatione, ut clericus effici mereretur in ordine: Nullatenus tamen propter promotionem sui ad clericatum, licet ab ordine suo recedere, sicut expresse dicit capitulum preallegatum. Vnde ista admonitio Hieronymi locum haberet cum effectu, si Monachi in proprio Ordine promoveri non possent, sicut antiquitus usque ad tempus Eusebij, & Zozimi Monachi, ita Monachi fuerunt, quod non clerici, id est non ordinati, sicut 16. q. 1. superioris auctoritatis habetur. Vtilis autem fuit admonitio pro tempore Rustici, & Hieronymi, quia tunc Religiosi, & Monachi litterati ad ordines promovebantur.


Ratio autem, quam insinuat, scilicet, Ea, quæ aguntur divinis ministerijs, sunt precipua in operibus contemplativæ vitæ, &c. facile tollitur. Quando enim aliqua duo sic se habent, quod unum est necessitatis, & alterum eminentiæ & nobilitatis, magis est eligendum, quod est necessitatis, sicut exemplificat Philosophus de philosophari, & ditari. Nobilius enim & melius simpliciter est philosophari, quàm ditari; tamen indigenti necessarijs magis eligendum est ditari. Consimiliter in proposito. Majoris enim excellentiæ est officium clerici, quàm humilitas Monachi, ut offerre Eucharistiam, & celebrare Divi-

na, & populo prædicare; quàm in humilitate, & abiectione propria peccata & populi plangere, tamen peccatori, quæretur salutare animam suam, magis est necessarium hoc, quàm illud, & ideo simpliciter magis est eligendum, & tenendum.

Responsio ad hæc secundum Thomam.

Contra ejus intentionem in nullo penitus facit, quod in isto articulo dicitur. Monachis enim, qui in proprio monasterio & in proprio statu ad clericatum & ad alios ordines sacros possunt promoveri, sicut nunc fit, non licet transire ad Ordinem Canonicorum regularium cum majori arctatione, & sic procedunt quæ contra Thomam in hac parte obijciunt. Si tamen essent Monachi, qui in statu suo manentes non possint promoveri ad sacros ordines, tunc possint transire pro sua promotione ad Ordinem Canonicorum propter excellentiam actuum, ad quos ordines sacri instituuntur, & sic habet intelligi dictum Hieronymi & ea quæ dicit Thomas in hac parte. Responsio autem, quam afferunt ad rationem Thomæ non est conveniens. Exemplum enim eorum de philosophari & ditari turpiter claudicat quantum ad propositum, quoniam philosophari non habet semper secum annexum id quod minus bonum est, scilicet ditari. Sed ministrare ritè in ordinibus sacris, semper habet secum annexum, quod animæ saluti procurandæ studeat hominibus. Vnde hoc commune (licet vijs diversis) habet Ordo uterque.

Correctorium eorum, quæ obijciuntur contra secundam secundæ Sancti Thomæ, finit.





I N C I P I V N T

R E S P O N S I O N E S

A D E A ,

Q U A E O B J I C I V N T U R

CONTRA DICTA SANCTI THOMÆ IN QVÆ-
TIONIBVS DISPV TATIS AB EODEM DE
VERITATE,

ARTICVLVS PRIMVS.



DE hoc quod Thomas dicit A sapiente in summo, hoc repugnat rationi in de veritate quest. 2. art. 10. ubi querit: Vtrum Deus possit facere infinita? In responsione questionis, si infinitum actu esse possit secundum naturam rei, vel etiam si non possit impe-

diente aliquo alio, quam ipsa ratione infiniti, dicendum, quod Deus potest facere actu infinitum esse. Si autem actu esse repugnat infinito secundum suam rationem, Deus hoc facere non potest.

B quod non dependeat ab eo: unde hæc non est sola ratio, quare Deus non potest facere infinitum, quia esse actu repugnat rationi illius rei, sed etiam quia facere ali-quod tale repugnat voluntati Divinæ.

CORRVPTORIVM.

HOc videtur esse occasio erroris. Insi-nuat enim, quod Deus potest facere omne illud, cuius rationi non repugnat esse, & constat, quod hoc est falsum: rationi enim peccati vel mendacij, non repugnat esse actu, & tamen neutrum potest Deus facere, & huiusmodi sunt multa.

Item, actu esse non videtur repugnare rationi infiniti, quod patet in Deo, qui summè actu est, & tamen est infinitus, & ideas habet etiam infinitas in se. Sed fieri à

Responsio ad hæc secundum Thomam.

Ista reprehensio nulla penitus invenitur, si ratio dicti Thomæ sobriè concipiatur. Intendit enim, Quod si rationi non repugnat esse actu, tunc potest à Deo fieri. Ex hac tamen negativa non sequitur universalis affirmativa, quam ipsi Thomæ insinuare affirmant, & falsò. Et licet tamen isto modo posset concedi, quod Deus potest facere omne illud, cuius rationi non repugnat esse in actu

actu, vel cui convenit esse in actu. Et verum quidem est, quod Deus potest omne id, cui convenit esse in actu, quod facientis non derogat perfectioni, cuiusmodi sunt mendacium & peccatum.

Quod verò dicunt, quod rationi infiniti non repugnat esse actu, quia Deus est summè infinitus, & habet ideas infinitas in se, cavillatio est. Loquitur enim *Thomas* de infinito factibili à Deo, scilicet, de infinito creando, vel creato, si quod possibile esset. Querere verò utrum Deus, vel idea in ipso, quæ sunt ipse, possint esse infinitæ, non est idem ac querere, utrum aliquid infinitum possit à Deo fieri actu, vel creari?

Quod tandem dicitur, quod infinitas quæcumque creata inducit quamdam confusionem, nec competit huiusmodi à summo sapiente fieri, concedi potest, nec est contra *Thomam*, qui non habuit necesse omnia, quæ dici possent, unius questionis solutione exprimere.

ARTICVLVS II.



De hoc, quod *Thomas* dicit in de veritate materia, siue quest. 2. art. 21. ubi querit: Vtrum Deus sciat singularia, & futura contingentia? In responsione principali, quod contingens, ut futurum est, nullam cognitionem

habet, cui falsitas subesse non possit, unde cum scientiæ Dei non subsit falsitas, nec subesse possit, impossibile est, quod de futuris contingentibus Deus scientiam haberet, si cognosceret ea, ut futura sunt. Et deinceps eadem quest. & articulo in responsione dicitur: quod Deus non cognoscit futura contingentia, ut futura sunt, sed ut presentia. Et ibidem in fine solutionis dicit: Si consideretur, ut est in Dei scientia, magis deberet dici, quod Deus scit hoc esse, quàm quod sciat futurum, quia sibi nunquam sunt futura, sed ut presentia. Eandem sententiam dicit in fine solutionis questionis, quæ est, utrum scientia Dei sit variabilis?

CORVPTORIUM.

Si intenderet dicere, quod Deus certitudinaliter cognoscit futura contingentia, ac si actu aliter essent presentia, ve-

rum diceret. Quod non intendit, ut videtur, sed potius, quia æternitas est præsens toti tempori, & omni ejus differentia, & omnis differentia præsens est æternitati, & ideo Divinæ visioni omnia contingentia futura, realiter & actualiter sunt presentia, licet in tempore sint futura, & ideo cognitioni Divinæ de contingentibus falsitas subesse non potest: sicut nec nostræ, quando videmus aliquod contingens presentia, & realiter esse, ut Sortem sedere dum sedet. Hic videtur error maximus, quod, scilicet, temporalia verè, & essentialiter fuerint ab æterno, sicut aliqua eorum aliquando sunt in tempore, cum tamen secundum veritatem fidei Catholicæ solus Deus sit ab æterno.

Ratio autem positionis non cogit quando enim dicimus, quod æternitas præsens est omni differentia temporis, & omnis differentia temporis præsens est æternitati, ætimo, quod intelligendum est sub hoc sensu, quod æternitas præsens est omnibus cognoscitivis, & rationes cognoscitivæ omnium rerum præsentis æternitati, Deus enim æternus presentia & certitudinaliter omnia futura, præterita, & omnia presentia in rationibus eorum cognoscit, unde præteritorum, presentium, & futurorum rationes cognoscitivæ sunt præsentis æternitati, & Deo ab æterno, & cognitio eorum semper est præsens, & non ipsæ res cognitæ. Huic concordat *August.* 11. Confess. post medium. Cum ergo videri dicuntur futura, non ipsæ quæ nondum sunt, id est quæ futura sunt, sed eorum cause, vel signa forsitan videntur, quæ jam sunt. Ideo non futura, sed presentia sunt jam videntibus, ex quibus futura prædicantur animo conceptibus, quæ rursus conceptiones jam sunt, & eas præsentibus apud se intuentur, qui illa prædicunt. Hæc *August.*

Responsio ad hæc secundum Thomam.

Quæ hæc obijciuntur, per quæ dicta sunt supra in responsione ad ea, quæ dicuntur contra dicta Thomæ in prima summæ artic. 3. luce clariùs dissolvuntur.

Quod tamen hæc dicunt, quod æternitas solùm dicitur esse præsens omni differentia temporis, pro eo quod præsens est rationibus cognoscitivis earundem, manifestam continet falsitatem. Non solùm enim æternitas præsens est rationibus rerum omnium & temporum cognoscitivis, in eo est præsens omni rei, & omni tempore.

fine

sine cuius presentia nimirum omnia nihil forent; qualiter autem futura contingentia Divino aspectui sint presentia æternaliter, ut dictum est, patuit *suprà articulo 2.*

ARTICVLVS III.



DE hoc, quod Thomas dicit in de veritate materia, sive quest. 3. artic. 5. ubi querit: Virum materia prima habeat propriam ideam in Deo? In responsione principali, & in responsione primi, &

4. argumenti dicit, quod idea propriè dicta respicit rem, secundum quod est in esse producibilis; materia autem non potest exire in esse sine forma, nec è converso, nec propria idea respondet materia, & formæ tantum, sed toti composito respondet una idea, quæ est factiva totius & quoad materiam & quantum ad formam.

CORRVPTORIVM.

HÆc positio videtur erronea pluribus Magistris, quia Deus potest dare esse materiæ sine forma, & è converso: sicut in Sacramento altaris dat esse accidentibus sine subiecto, cum accidentia magis dependeant à subiecto, quam materia à forma.

Secundò oportet, quod omne, quod habet essentiam distinctam, habeat & ideam in Deo correspondentem, aliàs enim esset ponere aliud principium à Deo, in quo esset idea illius, quod est erroneum: Cum ergo alia essentia sit materiæ, alia formæ, necesse est materiam habere aliam ideam ab idea formæ, & è converso, & aliam esse ideam compositi.

Tertiò, quidquid Deus potest causare per causam secundam, potest etiam per se ipsum, cum sit causa prima. Cum ergo per formam Deus det esse actuale, poterit per se dare esse actuale materiæ, non quod ipse sit forma, vel actus ejus, sed quod sua potestate infinita potest dare esse materiæ sine forma, & è converso, sicut accidenti sine subiecto.

Item, magis videtur, quod ponendum

fit Deum habere distinctas ideas materiæ, & formæ, quàm compositi. Dicit enim *Commen. super 1. Physicorum comm. 3. super 3. particulam*: Quod in rebus artificialibus cause sunt notiores apud artificem, quàm compositum. Vnde si nos faceremus res naturales, tunc causæ essent notiores secundum *Commen.* ergo apud Deum, qui est opifex rerum naturalium, notiores sunt materia & forma, quàm compositum ex ipsis, si tamen ibi sit aliquid notius, ergo secundum rationem intelligendi, prius, & expressius, & distinctius habet ideam in Deo materia & forma, quàm compositum.

Responsio ad hæc secundum Thomam.

HÆc omnia sufficienter discussa sunt in responsione contra primam partem summæ art. 4. sicut patet intuenti.

ARTICVLVS IV.



SUPER hoc, quod Thomas dicit in de veritate materia, sive quest. 3. art. 7. ubi querit: Virum accidentia habeant ideam in Deo? In responsione questionis, quod loquendo de accidentibus, quæ nunquam à subiecto separantur, & una operatione producuntur cum suo subiecto, cum idea, propriè loquendo, sit forma operabilis in quantum huiusmodi, non erit talium accidentium idea distincta, sed subiecti cum omnibus accidentibus erit una idea.

CORRVPTORIVM.

CONTRA istam positionem sunt tria argumenta primò, quæ dicta sunt *suprà* immediatè contra positionem de materia prima.

Præterea: sicut Deus omnia fecit, sic omnia distincta distinxit, ut patet *Genes. 1.* ergo sicut omnium, quæ fecit erant idæ, & sunt in Deo, ita omnium, quæ distinxit, erant distinctæ, & sunt in Deo: sed essentia accidentium est verè distincta ab essentia;

essentia subiecti, ergo necesse est, quod
distincta sint idea accidentium ab ideis
subiectorum.

CORRVPTORIVM.

Responsio ad hæc secundum Thomam.

AD tria illa argumenta superius facta res-
ponsum est ubi supra, scilicet, in
responsione ad articulum quartum contra
primam partem summæ.

Quartum etiam argumentum, quod
opponunt, solvitur similiter ex dictis ibi-
dem. Non enim probat, nisi quod hu-
iusmodi accidentia habent ideas proprias,
prout idea dicitur ratio innotescendi uni-
uscujusque, prout potest aliquo modo con-
siderari in ratione propria, quomodo con-
siderantur accidentia huiusmodi in ratio-
nibus propriis, quibus à substantia differunt,
& isto modo concedit Thomas, quod acci-
dentia habent ideas proprias.

ARTICVLVS V.



DE hoc, quod dicit Thomas
eadem quest. art. 8. ubi
querit: Vtrum singula-
ria habeant ideam in
Deo? In responsione secun-
di argumenti, quod pro-
priè loquendo de idea se-
cundum quod est rei, eo
modo quo est producibilis,

sic una idea respondet singulari speciei & generi
individuatis in ipso singulari. Si autem accipiamus
ideam communiter pro similitudine vel ratione, sic
cum diversa sit consideratio Sortis, ut Sortes est,
& ut homo est, & ut animal est, respondebunt
ei plures idee, vel similitudines. Et prima parte
summæ, quest. 15. art. 3. in responsione secundi
argumenti dicit, quod genera non possunt habere al-
liam ideam ab idea speciei, secundum quod idea si-
gnificat exemplar, quia nunquam est genus, nisi
in aliqua specie. Taliter etiam est de accidentibus,
quæ consequuntur subiectum, quia hæc sunt si-
mul cum illo. Accidentia autem, quæ superven-
iunt subiecto, habent ideam specialem. Artifex
enim per ideam domus facit omnia accidentia,
quæ concomitantur à principio domum, sed quæ
superveniunt domui jam factæ, ut picture, &
huiusmodi, talia facit per aliam formam.

HOC videtur contra Augustinum ad Nebridium
in Epistola (ordine Parisien. 14.) quæ sic
incipit: Recentissimis litteris &c. ubi dicit:
Quod ad hominem faciendum attinet, hominis
quidem tantum, non meam, vel tuam ibi esse ra-
tionem: quod autem ad orbem temporis, varias
hominum rationes in illa sinceritate vivere. Nota
quod dicit Augustinus ad hominem faciendum,
non cognoscendum.

Quod autem dicit de rationibus, intelli-
gendum est de ideis. Et quod pro eodem
Augustinus habeat ideam & rationem sic pa-
tet 83. qq. q. 63. Omnia, inquit, rationes
sunt condita, nec eadem ratione homo, quæ equus
hoc enim absurdum est existimare: singula igitur
proprie sunt creata rationibus. Et infra, atque
has rationes rerum principales ideas appellat Pla-
to. Et eadem quest. ubi supra: idee sunt quæ-
dam principales forme, vel rationes rerum stabili-
les.

Contra istum articulum require supra
quest. 3. art. 5. ubi queritur: Vtrum materia
habeat ideam in Deo? Et quest. 3. art. 7. ubi
queritur: Vtrum accidentia habeant ideam
in Deo? Item require melius contra primam
partem summæ q. 51. artic. 3. ubi queritur:
Vtrum omnium, quæ cognoscit Deus, sint idee in
Deo?

Item, distinctio, quam facit inter esse
rei, prout est producibilis, & esse rei solum
prout est cognoscibilis, non videtur con-
veniens, quia secundum hoc aliam ideam
haberet res, quandiu est in fieri, vel fieri
da, & aliam quando est facta: quod
non ponitur, & in nobis apparet esse tale
sum.

Præterea: in nobis videmus, quod quan-
do ad ideam, per quam res aliqua cognos-
citur, accedunt potentia & voluntas fa-
ciendi illam rem, tunc illa idea est idea il-
lius rei producibilis in esse. Quando vero
accidit illi notitiæ, quam habemus in
re, potentia, vel voluntas faciendi, res
manet eadem idea, quæ prius, ergo videtur,
quod distinctio non sit ex parte ideæ.

Responsio ad hæc secundum Thomam

AD hoc quoque pater pro parte po-
tea, quæ dicta sunt in responsione ad articu-
lum proxime dictum.

Auctoritates etiam *Augustini*, quas adducunt in proposito, non possunt pro eis facere secundum verum ejus intellectum. Quando enim dicit: *Quod quantum ad hominem faciendum attinet &c.* Non potest intelligi, quod hominis faciendi in sua communitate sine omni individuo, sine supposito humanæ naturæ, sit idea una in Deo, cum homo non sit sic faciendus, vel producendus. Intelligit ergo, quod ad hominem faciendum, utique in aliquo supposito, correspondet aliqua idea, prout sumitur in sua communitate abstracta ab illo, & ab alijs suppositis, & hoc non secundum quod idea est exemplar hominis sub ea ratione, qua faciendus vel producibilis, sed prout idea dicitur ratio innotescendi hominis, secundum quod potest in ratione sua propria sine conditionibus individuantes considerari.

Quod autem probant secundum *Augustinum* pro eodem sumi ideam, & rationem, concedimus; verumtamen ut sumuntur in ratione propria, differt loqui de idea, prout sumitur pro exemplari formæ rei producibilis, & prout sumitur pro ratione innotescendi uniuscujusque, prout potest in ratione sua considerari.

Quod autem movent plura objecta contra istum articulum, require supra; & nos monemus, quod ibidem respiciantur responsiones ad ipsa, ubi supra.

Ad illud quod postmodum obijciunt, quod secundum illud, quod *Thomas* dicit, videretur: *Quod aliam ideam haberet res secundum quod est in fieri, & aliam prout est facta.* Dicendum, quod hoc videri poterit non intelligenti dicta ejus. Ex dicto tamen ejus sequitur oppositum. Cum enim, prout ipse dicit, idea sub ratione exemplaris correspondeat rei secundum quod est in esse producibilis, cum nihil aliud sit in re producta, quam illud, quod per suam productionem recepit à Deo, manifestum est, quod non aliam ideam habebit res jam actu producta, sive facta, quam habebat prius, quando erat producibilis, nec per consequens aliam, quam habuit in suo fieri, vel productione.

Ad aliud quod obijciunt de accessu potentiae, vel voluntatis ad faciendum illam rem, cujus ponitur idea. Dicendum, quod procedit ex falso intellectu, ac si idea, prout est ratio innotescendi sumeretur pro proprio ac formali principio cognoscendi talem rem, quod falsum est, quoniam

B. Aegid. def. Oper. Div. Thom.

unum est principium formale penitus idem ipsi Deo, quo cognoscit omnia. Ipsa autem ratio innotescendi, sicut & ratio producibilis vel producendi in Deo, quarum utraque plurificatur, tenet se ex parte objecti cogniti à Deo, inquantum scilicet essentia Divina est intellecta cum habitudine, sub qua aliqua creatura producibilis ipsam imitatur, vel secundum quod ratio propria, in qua unumquodque potest aliquo modo considerari, ipsa cognita cognoscitur à Deo. Et patet, quod cum in Deo non sit voluntas aliqua accedens, non potest poni, quod per accessum & recessum voluntatis sit idem penitus secundum rationem, quod dicitur nomine ideæ, ut est exemplar rei producibilis, & prout est ratio innotescendi dicto modo. Ista ergo non faciunt, quin prædicta distinctio ex parte ideæ sit conveniens.

ARTICVLVS VI



De hoc, quod dicit *Thom.* in de veritate materia; sive q. 24. art. 8. ubi querit: *Utrum liberum arbitrium creaturæ possit confirmari in bono per aliquod donum gratiæ? Et in solutione principali circa medium; quod non potest*

esse peccatum in motu voluntatis, scilicet, quod malum appetat, nisi in apprehensiva virtute præexistat defectus, per quem sibi malum non ut malum proponatur, quod est rationis defectus. Et ex hoc accedit, quod æstimat aliquod particulare bonum esse finem, quod non est finis, nec utile ad finem. Vel per aliquod ab extrinseco deficit ratio, quia scilicet propter vires inferiores, quæ intense moventur in aliquid, intercipitur actus rationis, ut non firmiter & liquide suum iudicium de bono proponat voluntati. Et eadem quest. artic. sequenti; *utrum liberum arbitrium hominis in statu viæ possit confirmari in bono? In solutione principali dicit circa medium, quod origo peccati, vel est ex rationis errore, quæ in particulari decipitur, vel propter aliquam passionem virium inferiorum.*

CORRPTORIUM.

Licet istud secundum aliquos videatur concordare *Philosopho* 8. *Ethicorum*, comm. 4. tamen hoc videtur sapere errorem

R.

rem

rem Pelagij contra gratiam. Si enim peccatum voluntatis causatur semper ex defectu rationis, & errore ejus per se, vel propter passionem virium inferiorum, cum ad directionem voluntatis in bonum necessaria sit scientia, & doctrina, sicut dixit Pelagius hereticus ponens, quod Deus nos adjuvat per legem, & doctrinam, ut discamus, quæ sapere vel facere debeamus, non autem per donum Spiritus Sancti vel gratiæ nos adjuvat, ut quæ didiceramus facienda, faciamus.

Præterea, quilibet potest experiri in seipso, quod ratione dictante verè aliquid esse peccatum, ut fornicari, vel aliquid aliud, tamen voluntas, durante isto iudicio, potest corpus movere ad peccatum, & committere peccatum.

Si dicas quod non, nisi ratio inducta per imperium voluntatis iudicet illud faciendum. Sit ita: igitur prius fuit perversum imperium in voluntate, quam malum iudicium in ratione.

Item, interius maximè contingit videre, quod voluntas potest peccare in volendo, & eligendo absque defectu rationis in operatione universalis boni, vel utilis ad particulare bonum, vel interceptione iudicii propter vehementiam passionum in viribus inferioribus, sicut dicit Philosophus in Rethorica cap. de delectationibus: Honor, inquit, & complacentia sunt delectabilissimorum.

Præterea: honores, concupiscentiæ, & complacentiæ non sunt in viribus inferioribus, quia ista non apprehenduntur per sensus. Vnde Philosophus in 3. Ethicorum comm. 7. dicit: Honore, & disciplina gaudet amicus, horum nihil patiente corpore, sed mente. Pono ergo quod intellectus dicat: Honor parum, vel nihil prodest ad salutem. Idem dicat de complacentia hominum propter se, sic dicendo constat, quod verum dicit.

Item pono, quod intellectus dicat: Honor, & complacentia delectantia sunt, constat, quod adhuc dicendo hoc, non errat, sed verum dicit.

Præterea, illud iudicium rationis intercepti non potest per passionem virium inferiorum in concupiscendo ista. Quia (ut dictum est) concupiscentia horum ad vires inferiores non spectat, sed ad solam mentem; & tunc, his ita se habentibus, constat, quod voluntas non potest appetere, & eligere honores humanos, &

complacentiam hominis propter delectationem, quæ est in eis. Potest igitur voluntas peccare absque rationis defectu modis prædictis.

Item Chrys. super Matth. homil. 24. Attende à falsis Prophetis, &c. circa medium: Bonis, inquit, operibus invigilandum est, quia error non generat peccata, sed peccata errorem, sicut dicit Sapientia: Impietas hominem trahit ad errorem. Et simile dicit Gregorius 2. moralium super illud: In desertis habitat torpentium.

Item Augustinus in Enchirid. Ipse error per seipsum aut magnum in re magna, aut parvum in re parva, tamen semper est malum. Quis enim nisi errans neget malum approbare falsa pro veris, aut improbare vera pro falsis? Ergo secundum Augustinum error secundum se est malum, saltem poenæ. Constat autem secundum fidem, quod in Adam non fuit poena ante culpam. Non est autem culpa, nisi in voluntate, ergo cum error omnis sit poena, prius fuit error poena in intellectu Adæ, quam culpa, quod est falsum, & erroneum, ergo non necessarium est prius error in ratione, quam peccatum in voluntate, sed è converso.

Item glos. Aug. super illud Psalmi 83. Concupiscit, & deficit anima mea: Videmus, inquit, nonnunquam ratione qua utiles sunt institutiones Dei, id est opera iusta, sed infirmitate præpediti aliquid quando non desideramus. Prævolat ergo intellectus, sequitur tardus, vel nullus affectus. Ex quo patet, quod intellectus sequitur voluntas. Non enim simul sunt inseparabiliter, ut splendor, & lux, sed posterius, ut scire sequitur ad discere, & sanum esse ad medicari, sed in talibus secundum Philosophum in secundo posteriorum, & in fine secundi de generatione, & corruptione; nunquam tenet consequentia de priori ad posterius, sed è converso. Text. 68. Non sequitur ergo, ratio est recta, ergo voluntas est recta, vel bona. Si autem hoc non sequitur, ergo oppositum consequentis potest stare cum antecedente, scilicet voluntas non recta cum ratione recta. Non enim sequitur, si peccatum, vel curvitas est in voluntate, quod error præcesserit in ratione.



Responsio ad hæc secundum Thomam.

Istud dictum Thomæ, ut ipsi fatentur, est consonum Philosopho 8. *Ethic. commun. 4.* & errorem non sapit Pelagij contra gratiam (salva gratia eorum.) Pelagius enim posuit, quod ad bonum meritorium sine gratia suffiebat voluntas humana, quam posuit adjuvari per legem & doctrinam, ut discamus, quæ facere, aut agere debeamus, ut ipsimet dicunt. Cui in nullo consonat ista positio: licet enim ex defectu rationis proveniat defectus in motu voluntatis; nescio qua evidentiâ; immò qua sophistica apparentia, possit concludi, quod voluntas vel liberum arbitrium hominis gratia non indigeat ad opus meritorium exequendum. Vnde mirum est, quod errorem istum, tam effronter, sine causa imponere audebant tanto Doctore. Vnde prima ratio, quam ponunt contra eum, patet ex dictis nimis irrationabilis.

Ad secundum, cum dicunt, quod durante iudicio rationis, quod aliquid non est faciendum, potest voluntas movere ad illud. Dicendum, quod iste malus motus voluntatis provenit ex aliquo defectu rationis precedente istud iudicium, contra cuius dictamen voluntas fertur in malum illud. Verbi gratia, ut eorum utamur exemplo. Nisi prius ratio aliqua passione ligata obtulisset actum fornicationis ipsi voluntati sub ratione boni, utique voluntas non moveret in illud postmodum contra dictamen, vel iudicium rationis ejusdem. Et propter hoc licet ratio iudicet illud esse malum simpliciter, non tamen videtur, quod stante tali iudicio possit voluntas in id moveri, nisi ratio etiam judicans illud esse malum simpliciter, aliquo modo deficeret passione ligata, vel alio modo ad iudicandum illud bonum, ut nunc; quoniam nihil moveret virtutem appetitivam, nisi secundum quod aliquo modo apprehenditur sub ratione boni. Illa ergo ratio nihil concludit.

Ad tertium dicendum, quod licet, ratio non erret dicendo quod honor, & complacentia hominum, & hujusmodi sint delectabilia, nec intercipiatur ejus iudicium per passionem virium inferiorum, potest tamen aliquo modo in eorum iudicio deficere, existimando, scilicet, aliquid eorum esse finem, cum non sit finis, vel utile ad finem, cum non sit utile, & ex hoc defectu

A rationis contingit voluntatem hujusmodi malè appetere, dum movetur tanquam ad finem in illud, quod sibi proponitur à ratione errante in particulari sub ratione finis, dum tamen non sit finis, vel utile ad finem, cum tamen non sit utile.

Ad quartum dicendum secundum Chrysostomum. Quod peccata generant errorem cecitatis, quæ est sequela culpæ, sive pœnæ, quæ semper à peccato prævenitur, secundum illud Sap. 2. *Excecarunt eos malitia eorum.* Prædictus autem defectus in ratione non habet rationem culpæ propriè loquendo, nec etiam rationem pœnæ, ut patet ex doctrinâ Thomæ lib. 3. contra Gentiles, cap. 8. ubi dicit: *Duo principia voluntatem præcedunt, scilicet, vis apprehensiva, & objectum apprehensum, quod est finis.* Cum autem unicuique mobili respondeat proprium motivum, non quilibet vis apprehensiva est debitum motivum cuiuslibet appetitus, sed hujus hæc, & illius alia. Sicut igitur appetitus sensitivi motivum proprium est vis apprehensiva sensibilis, ita voluntatis proprium motivum est ipsa ratio ei respondens. Rursus, cum ratio multa bona, & multos fines apprehendere possit, & cujuslibet sit proprius finis, ergo voluntatis erit finis & proprium motivum, non bonum quodlibet, sed bonum determinatum. Cum igitur voluntas tendit in actum mota ab apprehensione rationis præsentantis sibi proprium bonum, sequitur debita actio. Cum autem voluntas in actionem prorumpit ad apprehensionem apprehensivæ sensualis, vel ipsius rationis representantis aliquod aliud bonum à bono proprio diversum, sequitur in actione voluntatis peccatum, præcedit ergo peccatum actionis in voluntate defectus ordinis ad rationem, vel ad proprium finem. Ad rationem quidem, sicut cum ad subitam apprehensionem sensus voluntas in bonum delectabile secundum sensum tendit. Ad finem vero debitum, sicut cum ratio in aliquod bonum ratiocinando devenit, quod non est nunc, vel hoc modo bonum, & tamen voluntas in illud tendit quasi in proprium bonum. Hic autem ordinis defectus voluntarius est, nam in potestate ipsius voluntatis est velle, & non velle. Item quia in potestate ipsius est, quod ratio actu consideret, vel à consideratione desistat, aut quod hoc, vel illud consideret, nec tamen iste defectus est malum morale. Si enim ratio nihil consideret, vel si consideret bonum quodcumque, nondum est peccatum, quousque voluntas in finem indebitum tendat, quod jam est voluntatis actus.

Ex his dictis Thomæ satis liquet, quod iste defectus, malum culpæ præveniens, consistit in quadam negatione ordinis, quæ de ratione sui nec habet rationem culpæ, nec pœnæ. Ista autem negatio ordinis in actu apprehensivæ transit ad privationem ordi-

nis, siue deordinationem in actu motiva, nec dicitur huiusmodi defectus apprehensivæ error, quia non est ibi deceptio, sed vera apprehensio, quæ tamen ideò dicitur defectiva, quia illud, quod apprehenditur sub illo ordine, non apprehenditur, sub quo apprehendi deberet, antequam voluntas in illud tenderet. Verbi gratia. Ratio apprehendit honorem sub ratione boni, ista apprehensio vera est, tamen non est completa, nec deberet adhuc voluntas ad honorem moveri, donec plenius consideraretur non solum in se, sed ut ad Deum finem ultimum ordinabilis. Ergo quod dicunt, quòd omnis error pœna est, concedatur. Quod autem supponunt, quòd iste defectus apprehensivæ sit error, interimatur, & sic ratio ista annihilatur.

Ad quintum patet per hoc, concedimus enim, quòd error, siue deceptio semper habet rationem mali; prout dicit Augustinus: istum autem defectum errorem esse negamus.

Ad sextum per idem patet, verum enim est, quòd voluntas potest esse non recta, stante rectitudine rationis quoad aliquid, scilicet, quod nondum sit in ea defectus, qui sit error, vel deceptio, ut dictum est, tamen cum hoc simul fiat, quòd in ratione prædictus defectus invenitur, qui est apprehendere aliquid sine ordine, quod non est culpa, sed solum in voluntate est culpa eò quòd in illa movetur priusquam sub debito ordine apprehendantur, & per consequens movetur in motivum indebitum, propter quod est non recta.

ARTICVLVS VII.



De hoc, quod Thom. in de veritate materia, siue quest. 26. artic. 1. ubi querit: Vtrum anima separata patitur ab igne corporeo? Et in solutione principali ponit tres acceptiones huius nominis, passio, & dicit quòd tertio modo, quo transumptivè dicitur nomen passionis, anima patitur eo modo, quo ejus operatio potest impediri. Et infra: Patitur, inquit, anima ab igne corporeo modo supra dicto; prout dicimus pati omne illud, quod impeditur a propria operatione, vel aliquo sibi competente,

CORRVPTORIUM.

EX his videtur sentire animas separatas, & Angelos reprobos cruciari impedimento propriæ operationis, vel alicujus sibi competentis, non pœna ardoris. Unde etiam, & in 4. suo super sententias dist. 21. in solutione principali, ultima quest. ita dicit: Ille ignis, in quantum est instrumentum Divinæ justitiæ, habet ut spiritum quodammodo retineat alligatum, & in hoc ille ignis spiritui veraciter est nocivus, & sic anima ignem sibi esse noxium videns, ab igne turbatur, & cruciatur. Hæc sunt dicta ibidem, quæ videntur erronea, quia sunt contra Evangelium & doctrinam Sanctorum Matt. 25. Ite maledicti, &c. Et Lucæ 16. Mortuus est autem & dives, & sepultus in inferno. Elevans autem oculos suos cum esset in tormentis. Et sequitur: Mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma. Super quo dicit Ambrosius, quòd magis est narratio, quàm parabola.

Item Sancti dicunt reprobos puniri pœna ardoris veri, ut Augustinus de fide ad Petrum cap. ultimo. Iniqui omnes ibunt in combustionem eternam, justi autem in vitam eternam. Iniqui autem semper arsurus cum diabolo; Iusti vero semper regnaturi cum Christo.

Item 1. de Civitate Dei. cap. 9. & 10. multum loquitur de ista materia. Cur, inquit, non dicimus, quamvis miris, veris tamen modis spiritus incorporeos pœna corporalis ignis affligit. Et Gregorius quarto dialogorum. Sic que fit, ut res corporea rem incorpoream exurat, dum ex igne visibili ardor, & dolor invisibilis trahitur, & per ignem corporeum mens incorporea etiam incorporata flamma cruciatur: quamvis colligere ex dictis Evangelicis possumus, quia anima incendium non solum videndo, sed etiam experiendo patitur.

Huic concordat, quod dictum est supra de divite epulone: quare enim peteret dives refrigerari per aquam, si non sentiret flammam corpoream, nunquid aquam perisset ad dissolvendam detentionem, vel linguam ejus ab igne?

Ex his patet, quòd verbis Catholicæ, & Evangelicæ veritatis plus consonat, quòd spiritus incorporeus cruciatur ab igne corporeo, & ignei ardoris pœna, & hoc, in quantum ignis est instrumentum Divinæ justitiæ, non tamen virtute suæ naturæ.

Item contra illud, quod dicit quorundam sententiarum: Spiritus ideò pati, quia vident ignem sibi

sibi noxium. Aut igitur intelligit de nocu-
mento detentionis, ut impeditenti ab o-
peratione desiderata, vel aliàs competentis
aut de nocumento ardoris, scilicet, quod
ideò patiantur ab igne poenam ardoris,
quia vident ignem hoc modo sibi noxium.
Si intelligat primo modo, suprà improba-
tum est. Si secundo modo, aut ergo de vi-
sione sensitiva tantum, aut imaginativa,
aut intellectuāli opinativa, scilicet, aut de
duobus istis, aut omnibus simul. Si ergo in-
telligit, quod vident illum ignem noxium
sibi nocumento ardoris, cum tamen non
ardeant secundum veritatem, & sic patiun-
tur, hoc est, sic læduntur ab igne illo, quia
apprehendunt illum apprehensione sensus
visus, non autem apprehensione sensus ta-
ctus, tunc sine dubio magis ponendus esset
iste ignis lucidus, quàm calidus, & sepa-
rari ab eo calor magis potest, quàm splen-
dor, cujus contrarium dicit *Basilius in exa-*
meron.

Item, si punirentur tantummodo vi-
dendo ignem, non quasi tangendo, debuit
Christus dixisse Mat. 25. Ite maledicti ad ignem ater-
num, & non in ignem eternum, quia hæc propositio
ad importat distantiam necessariam ad vi-
sum. Hæc autem præpositio in importat in-
distantiam, quæ impedit visum, & neces-
saria est ad tactum.

Præterea: si patiantur ab igne videndo
illum, & imaginando eum, ut sibi noxi-
um, non autem opinando eum sibi noxium,
quia dæmones sunt sagacissimi, & nove-
runt quod ignis non potest agere in spiri-
tum. Si inquam, ita intelligant, hoc non
videtur posse stare. Quia *Philosophus 2. de Ani-*
ma Text. commento. 157. dat differentiam in-
ter imaginationem, & opinionem, quod
imaginationem de ponere possumus, cum
volumus, non autem opinionem. Si ergo
solum torquentur imaginando tormentum
ignis, & non opinando, tunc possent, quan-
documque vellent imaginationem suam
deponere, & per consequens poenam ardo-
ris, quod falsum est.

Præterea: *Philosophus dicit in fine 2. de*
Anima. Text. comm. 161. Cum opinamur ali-
quod terribile, aut arduum, non statim compati-
mur. Ex quo patet, quod fortior est opinio
ad inducendum, vel prohibendum passio-
nem, quàm imaginatio. Cum igitur dæmo-
nes habeant opinionem suam sanam, quod
non patiuntur, nec pati possunt ab igne
corporeo, quantumcunque imaginentur
eum sibi noxium, non propter hoc patien-

tur ab ipso. Si autem intelligant tertio illo
modo, scilicet, quod dæmones vident se
cremari, vel cruciari, cum tamen secun-
dum veritatem nec cumentur, nec cru-
cientur, nec ardeant, hoc jam superius
improbatur per auctoritates sancto-
rum.

Præterea: nos videmus, quod dæmo-
nes sagacissimi sunt, habent enim opinio-
nes sanas, & veras in alijs, quomodo er-
go in hoc solo, quod magis experiuntur,
errarent, ita quod putarent se in igne cre-
mari, & tamen nullo modo cremari pos-
sint?

Præterea: si torquentur ab igne solum,
quia vident illum, & opinantur se tor-
queri ab igne, tunc illi, qui habent sanio-
res opiniones, & iudicia, & fortè acutio-
res sunt inter eos, ut Lucifer, minus pu-
nirentur, quod falsum est: quia scientia ag-
gravat peccatum eorum, & per consequens
poenam.

Auctoritates autem, quas adducit ad
confirmationem dicti sui, malè adductæ
sunt, sicut patet per inspectionem origina-
llum. Exempla autem poni possunt, qui-
bus declarari potest, quod ignis corporeus
imprimere possit in spiritum poenam ardo-
ris, ita tamen quod non calefaciat eum, nec
consumat. Vnum est, quod oculus appre-
hendit album per speciem suam, vel ni-
grum, & tamen non fit oculus albus, vel niger
propter speciem, quam recipit: eodem
modo spiritus nudi, vel separati apprehen-
dunt, & quasi sentiunt calores, & algores
verè, & tamen non sunt calidi, vel frigidi.
Vnde non oportet, quod spiritus calefiat
ab igne; quem apprehendit, ut corpus, &
eum verè apprehendat, ut corporalem, si-
cut corpus, vel oculi colorem, & orga-
num olfactus odorem. Huic aliquantulum
concordare videtur, quod dicit *Philosophus*
in lib. de causa motus animalium, cap. 6. Phan-
tasia, inquit, & intelligentia habent rerum
virtutem. Aliqua enim species intellecta cà-
lidi, & frigidi delectabilis, aut tristabilis
talis existit, qualis quidem rerum est una-
quæque, propter quod terrent, & timent
intelligentes solum. Quia autem in corpo-
ribus damnatorum post iudicium, & ante
in spiritibus, possit esse poena ardoris sine
consumptione, ostenditur etiam, quia hoc
est possibile in corpore passibili. Vnde Ma-
gister in historijs super Genesim cap. de ejectione
primi hominis de paradiso, dicit: Si queritur, quid
ille ignis consumat? Potest dici, quod quedam spe-
cies

ies ignis est, sicut in Vita Beati Nicolai legitur, A cui si manum adhibes, ardorem sentis, sed non patieris adustionem.

Item dicit idem Evangelium cap. de diuine epulone & Lazaro. Luc. 16. Si ergo hoc est possibile in corpore corruptibili, multo fortius in corporibus incorruptibilibus, & spiritibus nudis.

Præterea: experimentaliter sentimus, quod quando aliquod corpus vehementer calefit ab igne, longè prius sentitur poena ardoris, siue immoderati caloris, quàm ipsum corpus possit comburi, vel consumi. Ex quo ergo ita sunt separabilia tempore, sequitur, quod Deus potest separare prius à posteriore simpliciter in æternum, etiam si unum esset causa effectus alterius. Potest ergo ignis, ut est instrumentum Divinæ iustitiæ, damnatis inferre poenam ardoris absque calefactione corporis incorruptibilis, vel spiritus nudi.

Ad argumenta autem, quæ ponit contra jã dicta, in dicta questione respondetur.

Primum est tale: Semper honorabilius est agens patiente. 3. de Anima Tex. comm. 19. Et Augustinus 13. super Gen. ad litteram: Omni modo prestantius est, quod facit, ea re de qua aliquid facit, ergo anima ab igne pati non potest.

Responsio: agens, in quantum habet actu formam, quam vel cujus similitudinem patiens tantum habet in potentia, tantum est nobilius patiente, sed non oportet, quod simpliciter, quia secundum Philosophum: Omne agens physicè patitur. 1. de generat. text. comment. 50. Et ideo si agens est nobilius patiente simpliciter, sequeretur de necessitate, quod idem respectu ejusdem esset nobilius, & ignobilius: unde oportet dicere, quod agens est nobilius patiente, in quantum hujusmodi, non simpliciter, sic etiam ignis corporeus, in quantum instrumentum Divinæ iustitiæ, est nobilior ipso peccatore, in quantum est peccator.

Secunda ratio de his, quæ videntur ponderanda, est contra Dam. 4. lib. c. 6. ibi. Tradetur, inquit, Diabolus, & demones ejus & homo ejus, id est, Antichristus, & impij peccatores in ignem æternum non materiale, qualis est hic apud nos, sed qualem utique novit Deus. Omnis autem ignis corporeus est materialis, ergo ignis, quem anima separata patitur, non est materialis, neque corporeus; sed ardorem non infert, nisi corpus, ergo non patientur poenam ardoris.

Responsio, negatio non sufficit super hunc accusativum materiale tantum, sed su-

per totum illud materiale; qualis hic est apud nos, & hoc verum est, præter enim alias differentias, ignis iste differt à nostro usuali igne, quia noster succenditur, nutritur, ille verò non. Job. 30. Devorabit eos ignis, qui non succenditur. Super quo Greg. Ille ignis maxime calet, & minime lucet, noster plus lucet, quàm calet, quia longè remotius illuminat, quàm calefacit. Et ideo dicit Damase. quod non est materialis, qualis est apud nos.

Tertia ratio talis est: Ignis iste affligit animam, ergo sentitur nocivus. Hæc consequentia per se patet secundum Augustinum in Ench. cap. 6. Si sentitur nocivus, aliquid per ipsum adimitur, ignis autem corporeus nihil potest ab anima adimere, ergo non potest eam affligere.

Responsio, quod sicut Aug. dicit: Nocet adimendo bonum, unde dico, quod ignis corporeus nihil adimit de substantia animæ, vel Angeli, quia sunt intransmurabiles in sua substantia; sed adimit illam delectationem, quam habitura erat virtus apprehensiva in apprehensione sui objecti indebita, & in moderata proportionem, & illam pacem, quam substantia cognitiva habet, cum virtutes sue non graventur ab objecto excellenti. Et hujus simile reperimus in lib. de celo, & mundo ubi Philosophus 2. tex. comment. 48. dicit: Quod si essent in unoquoque orbium multe stelle errantium, esset ultimus orbis in poena, & labore, cum ipse non moveret orbem, qui sunt post ipsum motum. Quæro ergo, si omnis labor, & poena nocet, & adimunt aliquid, quid est, quod adimitur ultimo orbi, vel intelligentiæ ipsum moventi? Et non est dicere, quod aliquid substantiæ adimatur, sed sicut Commentator exponit, Solvitur debita proportio moventis ad movendum, & moti ad resistendum, & hæc esset causa laboris, & poenæ, si essent multe stelle in aliquo orbe hæsitantes, siue errantes.

Quarta talis est: Omne, quod agit in alterum, imprimit similitudinem formæ per quam agit in ipsum: Sed ignis agit per calorem, ergo cum anima non possit calefieri, videtur, quod non possit pati ab igne.

Responsio: Ignis imprimit in ignem similitudinem caloris, non calorem, sicut coloratum imprimit in oculum similitudinem coloris, non colorem, & sic de alijs sensibus. Ratio verò, quare ignis imprimit in animam similitudinem caloris tantum, in corpus verò calefactum verum calorem, potest esse, quia ignis agendo in corpus im-

primit suam speciem, & per speciem immittit verum calorem, qui est in corpore passio in potentia, & per speciem ignis trahitur ad actum: unde verus calor, qui fit in corpore calefacto per actionem ignis, non est immixtus ab igne, sed educus in passio de potentia ad actum. In spiritu autem nudo non est potentia ad verum calorem, unde ignis, agens in spiritum, solam speciem immittit, & sic immittendo, non educit de potentia ad actum aliquem calorem: sicut cum coloratum immittit speciem in oculum, non verum colorem educit de potentia ad actum, quia ibi non erat talis potentia. In hoc tamen est differentia, quia ignis ultra suam similitudinem immittit in spiritum veram poenam ardoris, secundum quod exigit spiritum puniri, in quantum ignis agit, ut instrumentum Divinae iustitiae puniendo, & in quantum potentia agentis ipsius ignis excedit in proportionem debita potentiam passivam ipsius spiritus, sicut visibile, sive sicut lux, sive color laedit visum, & nocet, quamvis non immittatur in oculum, nisi intentio lucis, sive coloris.

Quinta ratio talis est: Omne, quod patitur ab aliquo, movetur ab eo, quia movens generalius est agente, ut dicit, *Comm. 45. comment. super primum de generatione, cap. de tangibili*: sed secundum nullam speciem motus animae potest moveri ab igne corporeo, quod patet inducenti, ergo anima non potest pati ab igne corporeo.

Responsio; sicut dicit *Simplicius super praedicamenta cap. de motu*: Tria sunt genera motuum, intellectualis, animalis, naturalis. In praedicamentis autem *Arist.* non determinatur, nisi de motu naturali, vel corporali, ut ibidem dicit. Dico ergo, quod spiritus non movetur ab igne corporali, motu corporali, vel naturali, sed motu alterationis intellectualis, vel animalis, talis autem alteratio vel passio non abjicitur a substantia intellectuali, vel spiritali.

Sexta ratio talis est: Quod patitur ab aliquo, communicat ei in materia, ut videtur vel *Boetius de duabus naturis*, & una persona Christi; sed anima & ignis corporeus non communicant in materia secundum *Boetium* ibidem, ergo ab igne corporeo pati non potest.

Responsio; major praedicta non potest haberi a *Boetio* ibidem, esto tamen quod *Boetius* hoc dicat, dico quod intelligenda est de passio, quod patiendo agit in aliud, a quo patitur, quia quae mutuo agunt & pa-

tiuntur, communicant in materia: quae vero sic patiuntur, quod versa vice non agunt, non communicant in materia: & sic se habent ista inferiora respectu supercoelestium, & spiritus respectu ignis corporei, & hoc est, quod dicit *Philosophus 1. de gener. cap. de actione, & passione, Text. comm. 87. Quaecumque, inquit, non habent materiam eandem, faciunt impassibilia entia. Et alia multa ibidem de hoc*,

Responsio ad haec secundum Thomam.

QUAliter, secundum Thomam, spiritus preparatus patitur ab igne corporeo, patuit supra in responsione artic. 36. contra primam partem.

Quod autem de hac materia hic impugnant, habetur in questionibus de Anima quest. ult. ubi *Thomas* sic dicit: Ad investigandum quomodo ignis corporeus demoni, vel anime nocivus esse possit, considerandum est, quod nocumentum alicui non infertur secundum quod recipit illud, quo perficitur, sed secundum quod a suo contrario impeditur: unde passio anime ab igne non est secundum receptionem tantum, sicut patitur intellectus ab intelligibili, & sensus a sensibili, sed sicut patitur aliquid ab altero secundum viam contrarietatis, & obstaculi, hoc autem contingit dupliciter. Impeditur enim aliquid uno modo a suo contrario quantum ad esse suum, quod habet ex aliqua forma inherente, & sic patitur aliquid a suo contrario per alterationem, & corruptionem, sicut lignum ab igne comburitur. Aliquid vero impeditur ab aliquo contrariante, & obstante quantum ad suam inclinationem, sicut naturalis inclinatio lapidis est, ut feratur deorsum. Impeditur autem ab aliquo obstante, & vim inferente, ut per violentiam quiescat, vel per violentiam moveatur. Neuter autem modus poenalis est in re cognitione carente, nam ubi non potest esse dolor & tristitia, non competit ratio afflictionis. Sed in habente cognitionem, ex utroque modo sequitur afflictio & poena, sed diversimode; nam passio, quae est secundum alterationem a contrariis, infert afflictionem & poenam secundum sensibilem dolorem, sicut excellens sensibile corrumpit armoniam sensus, & ideo excellentiae sensibilibus, & maxime tangibilibus, dolorem inferunt; contempnationes autem eorum delectationem propter contentamentum ad sensum. Sed secunda passio non infert poenam secundum dolorem sensibilem exteriorem, sed secundum interiorem, tristitiam, quae oritur in homine, vel animali ex hoc, quod aliquid interioris apprehendit, ut repugnans voluntati, vel appetitui cuiuscumque; unde ea, quae sunt contraria vo-

luntari, vel appetitui, affligunt etiam magis interdum, quàm ea que sunt dolorosa secundum sensum. A praeligeret enim aliquis verberari graviter, quàm secundum sensum affligi, quàm vituperia sustinere, vel aliqua alia huiusmodi, quæ voluntati repugnarent. Secundum igitur primum modum passionis anima non potest pati poenam ab igne corporeo. Non enim possibile est, ut ab eo alteretur, & corrumpatur, & ideo non eo modo ab igne affligitur, ut ab eo dolorem sensibilem patiatur. Potest autem pati anima ab igne corporeo secundo modo passionis, inquantum ab igne impeditur à sua inclinatione, vel voluntate, quod sic patet. Anima enim & qualibet incorporealis substantia, quantum est de sua natura, non est alligata alicui corpori, vel alicui loco, & quod determinetur ad aliquem locum per necessitatem quamdam, est contra ejus naturam, & contrarium appetitui naturali, & hoc dico non inquantum conjungitur corpori, cujus est naturalis forma, in quo aliquam perfectionem consequitur. Quod autem aliqua spiritualis substantia alicui corpori alligetur, non est ex virtute corporis potentis substantiam incorpoream detinere, sed est ex virtute alicujus superioris substantiæ alligantis substantiam incorpoream, vel spiritualem tali corpori, sicut etiam per artes magicas, permissione Divina, virtute superiorum demonum alicui spiritus aliquibus rebus alligantur, vel anulis, vel imaginibus, vel aliquibus huiusmodi rebus, & per hunc modum anime, & demones alligantur virtute Divina igni corporeo in sui poenam. Unde dicit Augustinus 21. de Civit. Dei: Cur non dicimus, quamvis miris, veris tamen modis spiritus incorporeos posse poena corporalis ignis affligi, si spiritus humani etiam ipsi profecto incorporei, & nunc potuerunt includi corporalibus membris, & tunc poterunt corporum suorum vinculis indissolubiliter alligari.

Adhærebunt ergo spiritus demonum, licet incorporei, corporalibus ignibus cruciandi, accipientes ex ignibus poenam, non dantes ignibus vitam, & sic verum est, quod ignis ille, inquantum virtute Divina detinet animam alligatam, agit in illam, ut instrumentum Divinæ justitiæ, & inquantum anima apprehendit illum ignem, ut sibi nocivum, interiori tristitia affligitur, quæ quidem maxima est, eò quod considerat se infimis rebus subdi, quæ nata fuit Deo per fruitionem uniri. Maxima igitur afflictio damnatorum erit ex eo, quod à Deo separabuntur. Secunda verò ex hoc quod rebus corporalibus subduntur, etiam in inferno, & abjectissimo loco. Idem docet Thomas in questionibus de veritate quest. 25. art. 1. Ista sententia verbis Evan-

gelicis, & Sanctorum dictis non contrariatur, sed in omnibus consonat, sicut per dictam Thomæ declarationem comprobatur. Unde & ipsa auctoritas Gregorij, quam adducunt, sic habet intelligi, scilicet, quod spiritus ab igne urente patiuntur, inquantum ignibus alligati detinentur. Et hoc est, quod idem Gregorius dicit in eodem lib. scilicet quarto Dialogorum: Dum ergo, inquit, peccatorem divitem damnatum veritas in ignem perhibet, quisnam sapiens reproborum animas ignibus teneri neget?

Et quod postmodum arguunt, quod dicit Thomas 4. sententiarum dist. 44. scilicet, spiritus ideo pati ab igne miro modo, sophistice procedunt, dimittentes enim declarationem, qualiter anima separata ab igne corporeo patiatur, quæ quasi in nullo differt à declaratione prædicta, in questionibus de anima. q. ult. Et in questionibus de verit. quest. 25. ultimum verbum reprehendunt, ubi dicit in fine: Anima ignem sibi noxium videns cruciatur, inquirentes de intellectu hujus in hac parte, ac si sufficienter in præmissis non fuisset expressus.

Quod autem dicunt nocumentum detentionis, aut impedimenti ab actione desiderata supra esse improbatum, respicienti ea, quæ supra dixerunt cum his, quæ de Thomæ adducta sunt, falsum patet esse.

Quod verò quærunt, si intelligit de visione sensitiva tantum &c. ex ignorantia nimis videtur procedere, quis enim unquam posuit visionem sensitivam, vel imaginativam, quæ sunt virtutes organicæ, in spiritibus separatis? Et quod habent pro inconvenienti, quod spiritus non tangendo, sed videndo cruciatur, quoad hoc insistant, quod necesse est spiritus separatos cruciari ignem tangendo, sive sentiendo per sensum tactus, nimis est absurdum: quoniam si virtus visiva sensitiva, eò quod organica, ut dictum est, ac materialis, nullo modo poni potest in spiritu à materia separato, quanto magis sensus tactus, qui est ignobilior & longè materialior? Nec fingit quidem poterit in huiusmodi spiritibus separatis à materia.

Quod verò adducunt pro se de Mathæo Ite maledicti &c. nihil facit pro eis, immo pro Thomæ facit ipsa verborum significatio, quia non dicitur spiritibus separatis: Ite maledicti, &c. ratione sensus visus, nec ratione sensus tactus, cum neutra harum virtutum organicarum in spiritu vigeat incorporeo. Sed

Sed quia (prout ipsa verba sonant) in illum ignem sunt ituri, in ipso ad suam poenam aternaliter puniendi, & detinendi.

Quæ consequenter opponunt de imaginatione, & opinione, propter quas solas ostendunt spiritus ab igne pati non posse, contra Thomam nihil faciunt: quia hoc idem ipse concedit, & efficaciter ostendit, sic dicens ubi supra, scilicet supra 4. sententiarum, dist. 44. *Quamvis possit esse secundum rei veritatem vera passio tristitie vel doloris ex aliqua falsa imaginatione, ut Augustinus dicit super Gen. ad litteram; tamen non potest dici, quod secundum illam passionem verè patiatur à re, & multò minus posset dici, quod posset pati veraciter per falsas conceptiones, quas anima errans opinando fingeret, prout ipse subdit infra, ubi ipse consequenter ait: Non est probabile, quod animæ separate, vel demones, qui subtilitate ingenij pollent, putarent ignem corporeum sibi nocere posse, si ab illo nullatenus gravarentur.* Ex his verbis Thomæ, patet, quod non posuit Thom. spiritus ab igne pati illis modis fictis, & falsis, prout ipsi sibi imponunt. Vnde argumenta, per quæ istos modos improbant, contra ipsum nihil penitus facere manifestum est.

Quod verò dicunt auctoritates, quas Thomas pro se adducit, malè adductas, sicut patet per inspectionem originalium, quod originalia inspicienti, & intelligenti patet esse falsum. Exempla autem, quæ ponunt ad declarandum, quod ignis corporeus in spiritum imprimere possit poenam ardoris, ita tamen quod nō calefaciat eum, nec consumat, non sunt convenientia. Non enim simile est de oculo vel virtute imaginativa, & de spiritu incorporeo vel de anima separata, in quibus huiusmodi virtutes organicæ non inveniuntur, per quas huiusmodi impressiones ab igne corporeo in ipsos fieri sit possibile.

Quod autem ipsi asserunt, quod spiritus nudi, vel separati apprehendunt, & quasi sentiunt algores & calores: si intelligunt, quod recipiunt species talium rerum, per quas cognoscunt, prout videntur insinuare, non est ad propositum eorum: quia cum principium intelligendi pertineat ad perfectionem intellectus, nullo modo potest poni ad afflictionem, sive poenam pertinere, nec per se, nec etiam per accidens, eo modo quò videmus sensum affligi per speciem sensibilis excellentis propter indispositionem.

B. Egid. def. Oper. Div. Thom.

afflictionem organi corporalis, cujusmodi in intellectu, vel spiritu separato fingere non est possibile, & propter hoc spiritus separatus à rebus corporalibus sumere falsum est, & simpliciter per dicta Thomæ improbatum, sicut prima parte patuit supra.

Quod autem dicunt, quod in corporibus damnatorum post iudicium, & in spiritibus possit esse poena ardoris sine consumptione concedimus: nec huius oppositum, unquam dixit Thomas; sed verum modum quo spiritus poenam ardoris patiantur, cæteris, ut dictum est, evidentius declaravit. Tamen quæ isti ad huius veritatis confirmationem adducunt, ut patet intuenti, modicum ad ejus declarationem faciunt, unde patet, quod in vacuum quasi per omnia laboraverunt.

Argumenta verò, quæ solvere conantur, quasi Thomas ea posuisset ad suæ opinionis confirmationem, ponuntur cum multis alijs à fratre Thomæ ad primam partem questionis obijciente quest. 25. art. 1. & quod non adducat ea pro sua positione, ut ipsi putaverunt, & falsò, manifestum est ex hoc, quod ipse ista argumenta cum alijs solvit ibidem, non quidem fingendo, ut illi, sed veritatem declarando, ut patet intuenti.

Ad primum enim sic dicit: *Non oportet simpliciter agens esse præstantius patiente, sed secundum quod est agens, & sic ignis in quantum agit in animam, ut instrumentum Divinæ justitiæ, est anima præstantior, quamvis non simpliciter: & hoc ipsi in responsione ad idem argumentum tetigerunt, ut ab eo accipientes, quem vituperare conati sunt, approbare, veritate cogente, sunt compulsi.*

Ad secundam rationem, quæ quinta est in quest. Thomæ, sic respondet: *In pœna anime separata duo est considerare, scilicet, affligens primum, & proximum. Affligens primum est ipse ignis corporalis detinens animam per modum prædictum, sed tristitiam animæ non ingereret, nisi hoc esset ab anima apprehensum: unde proximum affligens est ignis ipse detinens apprehensus, & iste ignis non est materialis, sed spiritualis, & sic potest verificari dictum Damasc. Vel potest dici, quod dicit cum non materiale, in quantum non punit animam materialiter agendo, sicut punit corpora.*

Ad tertiam rationem, quæ quarta est in quest. Thomæ, respondet: *Quod ignis ille nocet anime, non ita quod adimat ei aliquam formam absolute inherentem, sed in quantum ejus actionem*

nem impedit (ut dictum est) ipsam detinens.

Ad quartam rationem quæ 12. est in q. Thomæ, respondet: Quod anima non patitur ab igne quasi alterata ab eo, sed per modum dictum, propter quod non oportet, quod ignis in ipsam agens aliquid in ea imprimat.

Ad quintam rationem, quæ in quæst. Thomæ est 20. dicit: Quod objectio illa procedit de passione propriè dicta, quæ in motu consistit, de qua nunc non loquimur.

Ad sextam rationem, quæ in quæst. Thomæ est 15. dicit: Ad hoc quod aliquid sit passio, propriè loquendo, oportet quod aliquid habeat materiam contrarietati subiectam, & ad hoc quod sit mutua passio, oportet quod sit materia communis. Tamen aliquid potest pati ab altero, cui non communicat in materia, sicut corpora inferiora à Sole; & aliquid potest aliquo modo pati, quod nullo modo habet materiam, sicut ex prædictis. Ecce quomodo argumenta ab ipso Thoma sunt veraciter dissoluta, unde eorum responsione, in qua (ut patet inspicienti) quædam ficta, & falsa continentur, non indigebant, nec ad alicujus positionis Thomæ confirmationem adducta erant, ut ipsi falsò innuebant.

ARTICVLVS VIII.



De hoc, quod Thomas dicit in de veritate materia questione 26. articulo 1. ubi queritur: Vtrum naturaliter anima separata à corpore patitur? In responsione principali, & in secundo argumento, planè sentire videtur.

immo dicere, quod ignis infernalis non potest agere in spiritum, etiam ut instrumentum Divine justitiæ, nisi exercendo in eo aliquam actionem naturalem.

(* * *)



A CORRVPPTORIUM.

HOC videtur contra opinionem communem, & est occasio erroris, quia Divinam potentiam restringit sub natura. Et contra illud Dan. 3. vbi dicitur: Angelus fecit medium fornacis quasi ventum roris flantem. Unde coniat, quod ignis ibi, ut instrumentum Divine misericordiæ, refrigeravit sine aliqua operatione naturali. Nec potest aliquis subterfugere per hoc, quod permittitur ibi, quod Angelus Domini exculsit flammam ignis de fornace, ut per hoc dicat, quod ignis fuerit separatus totaliter ab illis pueris, nam sequitur: Ecce, inquit, Nabuchodonosor, video quatuor viros ambulantes in medio ignis. Et infra: Tunc accessit Nabuchodonosor ad ostium fornacis ardentis, sed illa excusio intelligitur per Angelum Domini facta: quoad partem flammæ, quæ incendit Caldæos juxta fornacem.

Præterea: dicit Beatus Laurentius: Disce miser, quod carbonēs hi non ardorem, sed refrigerium mihi præstant.

Et Beatus Tiburt. gradiens super carbonēs dixit Fabiano iudici, sicut legitur in passione dicti martyris: In nomine Domini Nostri Iesu-Christi videtur mihi, quod super flores roseos gradior. Sic ergo in his exemplis ignis fuit instrumentum Divine misericordiæ ad refrigerandum absque actione naturali, quæ est calefacere.

Responsio ad hæc secundum Thomam.

MIRUM est per quam phantasiam apparuit eis, quod aliquid haberet rationem instrumenti ad producendum aliquid, à quo nulla omnino actio exerceretur ad illius rei productionem: hoc enim dicere est contradictoria simul affirmare, quod enim sit ab aliquo sine omnimoda alterius cooperatione, procedit ab eodem immediate, & per consequens sine instrumento: igitur ponere in tali productione instrumentum, est simul ponere instrumentum, & negare. Quid autem ignis agat circa spiritum, ratione cujus dicatur instrumentum Divine justitiæ, satis pulchrè docet Thomas in illa quæst. de veri. 29. art. 1. ubi, inquit,

Sub

Substantiam incorpoream corpori uniri dupliciter, uno modo, ut formam, in quantum vivificat corpus. Alio modo, ut motorem mobili, vel locatum loco per aliquam operationem, sive per aliquam habitudinem: quia vero forma, & illius cuius est forma, est unio esse unio substantiæ spiritualis ad corporalem per modum forme est unio quantum ad esse. Nullius autem rei esse est suæ potestati subiectum, & idè non est in potestate substantiæ spiritualis uniri corpori, vel ab eo separari per modum forme, sed lege naturæ agit, vel virtute Divina; sed operatio rei est in potestate operantis voluntariè, idè in potestate naturæ spiritualis est uniri corpori per modum motoris, aut locati, & separari ab eo secundum ordinem naturæ, sed quod substantia spiritualis hoc modo corpori unita, ab eo detineatur, & impediatur, & quasi ligetur, est supra naturam ignis: ergo ille ignis corporeus agens, ut instrumentum Divinæ iustitiæ, facit aliquid supra virtutem suæ naturæ, scilicet animam detinere, vel ligare, sed ipsa unio per modum prædictum est naturalis, & sic patitur anima ab igne corporeo illo secundo modo supra dicto, prout dicimus pati omne illud, quod impeditur à propria actione, vel ab aliquo sibi competenti. Et hunc modum passionis Augustinus ponit 22. de Civit. Dei, sic dicens: Cur non dicamus, quamvis miris, veris tamen modis, &c. respiciatur ista auctoritas statim supra adducta art. proximo, & videbimus eam omninò huic sententiæ Thom. concordare. Ad hoc autem, quod obijciunt de Divina potentia, quæ per hoc videtur eis restringi sub natura: Dicendum, quod non est verum: ad Divinam enim potentiam pertinet agere per se, & immediatè, etiam natura cooperante, quæ in nullo restringitur, sed ratio instrumenti sine aliqua cooperatione minimè valet inveniri.

Ad illud de Daniele dicendum, quod ad illud refrigerium puerorum fecit instrumentaliter ros segregatus à materia ignis, vel flammæ, sicut docet Augustinus in lib. 2. de mirabilibus Divinæ scripturæ, sic dicēs: Vnde Dñs potens gubernator, ignis naturam inter inimicos, & servos suos dividere voluit, ardorem inimicis, stabilem, & humidam rovis substantiam famulis suis convertit: ut & illi per comburentem naturam arderent, & hi in stabili, & limphatico vapore nihil adversitatis perpeti sentirent. Quapropter ita scriptura dicit: Angelus Domini descendit cum Azaria, & socijs ejus in caminum, & excussit flammam ignis de camino, & fecit medium fornacis, quasi ventum rovis flantem. Ex aere enim spiritum, & ex aqua in ipso igne invenit rorem. Ecce quàm apertè expositio

Augustini repugnat extorsioni, quam isti fingunt, dicentes: Nec potest aliquis subterfugere &c. Vnde ex nunc parcendum erit eis de eo, quod sententias Thomæ depravare nituntur: cum Beato Augustino, imò ipsi textui Sacre Scripturæ, prout exponitur ab eodem, contradicere comprobantur.

Ad illud verò, quod pro se adducunt: Nabuchodonosor vidit eos ambulantes in medio ignis, & quod Nabuchodonosor accessit, nihil facit pro eis, quoniam secundum dictam expositionem August. ipse ros, in quo erant pueri, in medio ignis erat, & fornax ipse undique, & circumquaque ardebat; & ejus divisio, scilicet, materiæ roridæ à flamma, sicut à vapore inflammato, Divina virtute & angelico ministerio cooperante fiebat,

Quod etiam in igne Sanctorum Laurentij, & Tyburtij divinitus fieri poterat, vel fortè de refrigerio spirituali loquebatur Laurentius, & propter interiorem delectationem, quam in Dei contemplatione inveniebat, prunas rosis Tyburtius comparabat.

ARTICVLVS IX.



SUPER hoc, quod Thomas dicit in de. verit. materia, sive quest. 28. art. 3. in resp. 16. arg. ubi querit: Vtrum ad justificationem impij liberum arbitrium requiratur? Quod res naturales per quamdam violentiam possint disponi ad formam, ut scilicet principium dispositionis sit extrinsecum, nihil conferente vim passo, unde in eis non est dispositio ad formam ab aliquo principio intrinseco, sed ab extrinsecum.

CORRUPTORIUM.

PER ista verba videtur negare inchoationes formarum, sive potentias activas in materia, quas ponunt Philosophi, & etiam Augustinus & vocat potentias sive rationes seminales. De istis potentijs, vel rationibus seminalibus loquitur Augustinus in pluribus locis. Nam super Gen. ad litteram lib. 9. cap. 17. dicit: Omnis iste naturæ usitatissimus cursus habet quasdam naturales leges suas, secundum quas

Et spiritus vite, qui creatus est, habet quosdam appetitus suos determinatos quodammodo, quos etiam mala voluntas non possit excedere. Et elementa mundi huius habent definitam vim, qualitatemque suam, quid unumquodque valeat, vel non valeat, quid de quo fieri possit, vel non possit. Ex his velut primordiis rerum, omnia que gignuntur suo quoque tempore exortus processusque sumunt, finesque, & descesiones sui cuiusque generis. Unde fit, ut de grano tritici non nascatur faba, vel de faba triticum, vel de pecore homo, vel de homine pecus. Super hunc autem motum, cursumque rerum naturalem, potestas Creatoris habet apud se posse de his omnibus facere aliud, quam eorum quasi seminales rationes habent.

Item lib. 3. de Trinit. cap. 8. distinguitur triplex seminarium. Vnum ut surculus, qui convenienter terræ mandatus, arborem facit. Aliud subtilius, semen scilicet generis ejusdem, & ejusdem grani: & hæc duo sunt visibilia. Tertium huius grani semen, quamvis oculis videre nequeamus, ratione tamen conicere possumus, quia nisi talis aliqua vis esset in istis elementis, non plerumque nascerentur ex terra, quæ ibi seminata non essent. Et parum infra. Invisibilem seminum Creator, ipse Creator est omnium rerum, quoniam quæcumque nascentia ad oculos nostros exeunt, ex occultis seminibus accipiunt progrediendi primordia, vel incrementa debite magnitudinis, distinctionesque formarum, ab originalibus, tanquam regulis sumunt.

Item Ambrosius in exameron: Nascentibus singulis, aut semen, aut alia virtus seminaria inest secundum genus, ut quod nascitur, simile exeat eorum, quæ sata sunt, vel de radice germinet, sicut de tritico triticum, de millo milium, & de piro pirus.

Etiam Philosophi inveniuntur quandoque uti nomine rationum seminalium. Unde in lib. 3. Macrobij Saturnalium, parum ante finem dicit ita: Rationes seminales, quæ in ovo sunt, velut quedam gallina elementa credenda sunt.

Et Philosophus 11. Metaph. expressè ponit inchoationes sive potentias formarum in materia. Verbi gratia, ut ex albo in potentia fiat aliquod album in actu. 1. lib. Textu. comm. 24. comm. 29. similiter in de generatione, & corruptione: ut sint omnia ex ente in potentia, & non ente in actu.

Et Commentator super eundem lib. aliquantum infra super illam partem: Et dubium est in hoc dicendum, ex quo non ente fiat generatio? Non enim quodlibet ens sit ex qualibet potentia, sed unumquodque entium sit ex eo, quod est illud in potentia propria, ita quod numerus potentiarum sit, sicut numerus specierum entium generalium. Et dixit Arist. hoc, quia opinabatur, quod sit una secundum sub-

stantiam, & multa secundum habitudines, sive habilitates. Hæc Commentator Text. comm. 84.

Item Arist. 3. Physicorum, aliquantulum ante finem, secundum antiquam translationem: Si autem ars edificandi naves esset in ipsis lignis, operatio earum esset ad modum operationum nature. Super quo dicit Commentator: Verum est, quod non est differentia inter naturam, & artem: Sed ars agit extrinsecus, natura verò intrinsecus. Istam eandem sententiam innuit Philosoph. & expressè ponit Comm. 6. Ethic. cap. 6. Unde manifestum est, quod negare rationes seminales, sive potentias activas est contra doctrinam Philosophorum, & etiam Sanctorum.

Responsio ad hæc secundum Thomam.

Eorum, qui ponunt inchoationes formarum vel potentias activas in materia, duplex est via. Quidam enim ponunt, quod forma substantialis suscipit magis & minus; & isti ponunt eam præexistere generationi, non secundum omnes suos gradus, sed secundum aliquem gradum incompletum, & per generationem promoveri ad gradum completum sive perfectum. Alij verò ponentes formam substantialem non suscipere magis & minus, eò quod hoc manifestè dicunt auctores; dicunt formas totaliter præexistere generationi, & non secundum gradum ejus aliquem imperfectiorem, quia gradus non habent. Utraque autem via est impossibilis, & ideo contra primam primò adducam auctoritates & rationes, postea contra secundam. Quod forma non suscipiat magis, & minus, habetur ab Arist. 8. Metaph. Text. comm. 10. Quod forme sunt simpliciter numeri, in quibus addita unitate, vel subtrahita, resultat nova species. Dicit etiam ibidem, quod sicut in materia non est magis, & minus, ita nec in substantia, quæ est forma. Nec moveat aliquem littera, quam immediatè subjungit, sed si quidem cum materia. Vel secundum aliam translationem, nisi sit substantia, quæ est cum materia, quæ videtur adversari intentioni nostræ. Non enim potest esse intentio, quod forma substantialis non suscipit magis, & minus, nisi quando est in materia, tum quia facta esset talis locutio, cum enim semper sit in materia, fatuum esset eam negare suscipere magis & minus, excipiendo tempus in quo est in materia: sicut si diceretur, lupus non animal, nisi cum est sensibilis. Tum etiam, quoniam si sic exponatur littera, nulla est similitudo

litudo inter formas, & numeros quantum ad id, in quo ponit similitudinem. Sic enim simpliciter verum est dicere, quod forma suscipit magis & minus, cum tamen hoc non conveniat numero, unde necesse est alium habere intellectum in littera. Est autem intentio *Arist.* hęc, quod in forma non est magis & minus secundum se ipsam, sed secundum materiam, hoc est secundum materiales dispositiones invenitur ibi magis, & minus.

Item in predicamentis dicit *Arist.* Quod substantia non suscipit magis & minus. Et hoc dictum melius est ad propositum, quia dicitur de substantia composita, quam si diceretur de substantia, quę est forma; sequitur enim, si non sit magis & minus in substantia composita, quod nec erit in forma ipsius; & si sit in forma, sequitur quod sit in substantia composita; compositum enim denominatur a forma, ergo oportet, si forma intenderetur, & remitteretur, quod compositum denominaretur magis, & minus tale, sicut secundum albedinem intensam, & remissam dicitur aliquid magis, & minus album.

Præterea: *Commentator 5. comm. 12. Metaph.* dicit: Forma est indivisibilis. Præterea: per rationes hoc ostendit sic: Omnis forma suscipiens magis & minus, successivè inducitur in materiam, & non in instanti.

Sed forma substantialis inducitur in materiam in instanti, ergo forma substantialis non suscipit magis & minus. Minor probatur per auctoritatem & rationem. Dicit enim *Commentator 6. comm. 44. Physicorum*: Generatio, quę est inductio formę substantialis, est finis transmutationis, quę est alteratio & est indivisibilis: non enim generatio, & corruptio sunt motus, sed sequuntur motum. Dicit etiam in eodẽ: Transmutatio, quę est in substantia, est in non tempore, scilicet, proventus formę substantialis. Et paulo post: Quan lo caro fit ex sanguine, prius amittantur qualitates, & accidentia propria sanguinis, & sunt accidentia propria carni, & hoc in non tempore, scilicet in fine motus.

Præterea: per rationem potest assumptum ostendi sic: Inductio formę substantialis est generatio propriè dicta, sicut inductio qualitaris est alteratio propriè dicta: si igitur forma substantialis continuè in tempore inducitur, & non subito, sequitur, quod generatio propriè dicta sit motus continuus; quod demonstratur esse falsum, s. *Physicorum, text. comm. 8.* quia sequeretur, quod non ens in actu moveretur.

Alia ratione ostenditur principale propositum sic: Omne medium est inter contraria, sicut probat *Philosophus 10. text. Metaph. comm. 22.* Sed si forma substantialis intenderetur, & remitteretur, esset in substantia medium, esset enim transitus ab imperfecto ad perfectum per gradus medios, ergo in substantia esset contrarietas, quod est contra *Philosophum in predicamentis, & 5. Physicorum ubi Comment. text. comm. 10.* dicit: In substantia non est contrarietas quantum ad formas, sed quantum ad qualitates.

Præterea: omnis differentia secundum formam substantialem variat speciem: formę enim substantiales sunt sicut numeri, in quibus, quocumque numero addito, vel subtracto, species variatur. Si igitur forma substantialis suscipit magis & minus in gradu, scilicet, facto magis & minus, speciem variabit, & ita non erit eadem forma, sed alia. Non enim una, & eadẽ forma est diversarum specierum: Quelibet igitur forma substantialis in indivisibili consistit. Ex quo patet, quod illa via, quę ponit ipsam per gradus promoveri, & per consequens suscipere magis & minus, penitus est impossibilis, & merito reprobanda. Nunc restat videre qualiter reliqua via est impossibilis, quę dicit quod esse formę totaliter generationi in materia præexistit, nomen tamen formę, vel rationem nondum meretur, eò quod materiam nondum actu perficiat. Hoc autem patet potest sic: cum essentia materię necessario generationi rei præexistat, & similiter secundum istam positionem essentia formę tota præexistat, sequitur, quod tota essentia ejus, quod generatur, sit ante generationem; ex materia enim & forma constituitur essentia ipsius rei: sed posita essentia alicujus, ponitur ipsun, ergo illud, quod generatur, est antequam generetur. Et eodem modo sequitur, quod res sit, postquam est corrupta: quę sunt manifestè impossibilia.

Si autem dicat aliquis, quod forma præexistat generationi non actu, sed potentia, idè benè concluditur, quod illud, quod generatur, sit in potentia, antequam generetur, & hoc non est inconveniens. Qui sic dicit, ipse propositum realiter concedit: si enim forma post generationem est actu in materia, & ante generationem tantum in potentia, cum esse in potentia tantum sit propter defectum alicujus; quod non deficit, quando est actu, oportet, quod ante generationem aliquid deficiat de formā, quod

quod non deficit post generationem; forma autem indivisibilis est, ut ostensum est: ergo necesse est dicere, quod ipsa totaliter deficit ante generationem, & hoc est propositum.

Præterea, cum dicitur: Forma est in potentia ante generationem, ita quod existat quoddam esse formæ diminutum, ratione cuius dicitur in potentia, tunc quæro de essentia formæ, quæ habet illud esse, aut unitur materiæ, ita quod illud esse consequatur unionem talis essentia formæ cum materia? Et tunc necesse est ponere, quod cum conjunctio vel unio alicujus rei constituat ejus quidditatem vel essentiam, necesse est, quod tota quidditas rei sit constituta ante generationem: quod (ut diximus) est absurdum. Si autem illa essentia formæ habeat illud esse solum ratione sui, non ratione alicujus suæ unionis cū materiā? Sequitur, quod hæc essentia formæ sit in natura sua penitus immaterialis. Omnis autem hujusmodi essentia, habens esse præter materiam, est quædam natura intellectualis. Ex quo sequitur, quod omnis forma, quæ secundum veritatem est materialis, erit secundum istam positionem in sua natura immaterialis, & per consequens quædam substantia separata, cui secundum Philosophos potentia intellectiva non posset denegari, & hoc quidem est absurdus. Nec potest dici, quod ista ratio non procedit, quia illud esse, quod habet ista essentia formæ ante generationem, est diminutum. Cum enim unicuique potentia debeat actus proprius secundum naturæ suæ perfectionem, cum ista essentia formæ sit in se perfecta, cui nihil deest de propria natura, quæ ad istam pertineat essentiam, prout ipsi ponunt, necesse est, quod actus sui esse, quod ei debetur, sit quid perfectum, & tunc concludo; quod essentia formalis habens esse perfectum ratione sui esse, est naturæ intellectualis, sed omnem formam materiale sequitur esse hujusmodi secundum istam opinionem, ergo omnis forma materialis secundum eandem, necesse est dicere in sua natura propria immaterialem in proprio suo esse perfecto existentem in se, & intellectum habentem. Vel si velint hoc negare, & dicere, quod illud esse habeat ratione materiæ, necesse est aliud inconveniens præstatum concedere, scilicet, quod tota essentia rei est ante ejus generationem, & per consequens, quod nihil secundum veritatem generatur, & sic quodlibet in quo-

libet fore, & alia inconvenientia multa, quorum non est numerus.

Ad objecta ergo, quæ ipsi efformant pro se, dicendum: ad primum, quod Augustinus non vocavit rationes seminales in materia, ipsas essentias formarum, vel inchoationes earundem, sed causas, sive rationes seminales posuit in materia respectu omnium miscibilium, & mutabilium propter hujus materie habilitates, & ipsorum elementorum activas, & passivas virtutes. Cum enim in materia sit habilitas ad omnem formam materialem, & elementa mutuo agentia faciant ad qualitatis mediæ, sub quadam, scilicet proportionem, inductionem, quæ scilicet proportionalitas secundum diversitatem formarum diversorum mixtorum est necessaria, liquet in ipsis elementis; ac materia elementorum causas ac rationes seminales respectu mixtorum omnium naturaliter inherere. Et quod hæc fuerit intentio Augustini patet ex verbis ejus, quæ ipsi adducunt. Ait enim: *Elementa hujus mundi corpoream habent vim, qualitatemque suam, &c.* Ecce quid vocat rationem seminalem, vim scilicet, & qualitatem, qua elementa agunt (ut dictum est) ad mixtorum productionem.

Quod autem dicit, quod de grano tritici non nascitur faba, nec è converso, huic eidem sententiæ attestatur. Sed si ad formam existentem in materia in potentia respexisset secundum modum positionis eorum, istam diversitatem non posuisset, quoniam forma fabæ invenitur in potentia in materia grani tritici, & è converso, ut ipsi met habent necesse ponere; diversitas igitur est à parte virtutis activæ, quia scilicet in grano tritici est potentia activa ad triticum, & hæc est virtus ipsius grani, non aliqua essentia formæ substantialis sub esse diminuto, & idè certè per illam virtutem disponitur materia, donec inducatur forma substantialis tritici generandi. Similiter in faba est virtus activa, per quam disponitur materia ad illud, quod ex ipsa generatur. Istas ergo diversas virtutes vocat Augustinus rationes seminales. Sunt autem istæ virtutes (ut tactum est) naturales proprietates talium seminum, propter quas rationes seminales appellantur.

Ad secundum similiter dicendum, quod Augustinus vocat semen invisibile illud, in quo sensu non percipimus esse virtutem activam respectu productionis alicujus, sed solum ratione prout ipse dicit, sicut vocat semen visibile surculum, vel semen, in quo sensu experimur esse virtutem activam diversam ad diversam productionem.

nem plantarum. Sicut ergo virtus activa seminis, vel surculi non fit forma plantæ generatæ, sic enim forma de subiecto in subiectum migraret: sic nec virtutes elementorum activæ sunt formæ mixtorum, ad quarum cognitionem non nisi per rationis investigationem pervenitur, in quantum, scilicet, agunt ad mixtorum productionem, prout dicit *Augustinus ibidem de Trinitate, lib. 3. cap. 14.* Quamvis, inquit, oculis videre nequeamus, ratione tamen cognovimus, quia nisi talis aliqua vis esset in elementis istis, non plerumque nascerentur ex terra, quæ ibi seminata non essent: & hoc vocat etiam *Augustinus semen invisibile*, sicut patet intuitu. Et quod dicit infra: *invisibilem seminum Creatorem omnium rerum &c.* pro nobis facit. Ex hoc enim, quod Deus virtutem omnium formarum huiusmodi productivam concreavit, ipse dicitur omnes formas huiusmodi creare, quoniam causa prima plus est influens, quam secunda. Vtitur autem *Augustinus* hoc nomine creationis pro productione, sicut patet.

Ad tertium dicendum, quod eodem modo habet intelligi dictum *Ambrosij*. Dicunt enim *Sancti* (ut diximus) virtutes istas activas rationes seminales. Sciendum autem, quod omnis virtus activa rei inest ipsi agenti, & nullo modo potest fieri forma, vel effectus producti: In hoc tamen est differentia, quod virtutes inveniuntur in quadam perfectione, quæ manet post suorum effectuum productionem, sicut patet de virtute Solis, & elementi per quam producit elementum suæ speciei, & universaliter de virtute agentium perfectorum.

Quædam verò sunt virtutes activæ quarundam rerum, quæ à natura ordinantur ad alia perfectiora, ita tamen, quod semen illud non manet, nec per consequens virtus ejus, quæ sibi, ut subiecto insuit, ipsis inesse productis, & huiusmodi virtus dicitur propriè seminalis, sicut & illud, cuius est virtus illa, vocatur semen.

Ad quartum cum dicunt: Quod Philosophi locuti sunt de rationibus seminalibus; verum dicunt, sed non secundum eorum estimationem, sed in sensu supradicto. Sic enim & non aliter est ovo virtus activa, vel ratio seminalis gallinæ.

Quod autem dicit *Philosophus*, ex albo in potentia fit album in actu, & quod numerus potentiarum est secundum specierum entium generabilium, nihil facit pro eis. Certum enim est, quod albedinis esse

non potest poni in materia ante productionem albi, quoniam accidentia sequuntur necessario esse subiecti sui, etiam secundum suam essentiam: unde impossibile est per naturam ponere esse, quod non consequatur ad esse subiecti. Nec etiam hoc dicere voluerunt illi, qui huius positionis fuerunt defensores subtiliores, igitur esse fit ex eo quod est in potentia tale, non quidem activa, sed passiva. Lignum enim fit album ex non albo in potentia, sicut patet; quot etiam sunt formæ, tot sunt habilitates in materia, propter quod materia dicitur una secundum substantiam, & multa secundum habilitates secundum *Commentatorem*, quem adducunt.

Ad ultimum dicendum, quod ars & natura dicuntur differenter agere secundum *Philosophum*, & *Comment.* 2. *Phys.* sed hoc neminem compellit ad ponendum potentias activas in materia eo modo, quo ipsi posuerunt. In solis enim animatis est hoc verum, quod principium sui motus activum est intrinsecum. In inanimatis verò hoc est penitus impossibile. Vnde *Philosophus* 8. *Physicorum text. comm. 17.* dicit: *Proprium est animatorum moveri à seipsis.* Si igitur quærat, utrum differentia ista inter naturalia, & artificialia debeat intelligi quantum ad principium activum, vel quantum ad principium passivum? Neutrum dandum est, sed utrumque accidit. Sed hoc esset dandum, quod differentia habet intelligi ex parte artificialium de principio factionis, in quantum artificialia sunt ab arte, quod est quoddam principium activum. Ex parte autem naturalium similiter habet intelligi de principio generationis rerum, in quantum naturalia sunt, scilicet de materia, quæ in generatione quorundam, ut inanimatorum, est principium passivum tantum; in generatione verò animatorum est non solum principium passivum, sed etiam activum, & ita non necesse est, quod intelligatur illa differentia quantum ad idem genus principij utrobique; sed aliquando ad diversa genera principiorum, ut quando comparatur factio artificialium ad generationem animatorum. Licet autem in inanimatis non inveniatur principium motus, nisi passivum tantum secundum *Philosophum*, nihilominus tamen dicitur motus naturalis propter habilitatem naturalem, quæ est in subiecto ad illam formam, quæ per motum inducitur, & per naturalem inclin-

clinationem, quam habet mobile ad formam illam. Violentum enim est, cujus principium est extrà, quod fit contra naturalem inclinationem rei, sicut patet in motu lapidis sursum. Naturalis verò motus est, ubi inclinatio veri naturalis reperitur, quantumcunque principium effectivum sit ab extrà.

Item sciendum, quòd ista potentia non potest per formam substantialem creari, sed potest virtute agentis causari; quia non possunt dicere, qui ponunt ejus essentiam in materia præexistere, qualiter ab agente causetur, sicut patere potest. Idem enim est principium productivum formæ, & proprietatis, & virtutis formam illam consequentis, sicut patet. Idem enim principium productivum est trianguli, & ejus quod habet tres angulos &c. Et similiter animæ humanæ, & suæ virtutis intellectivæ, & sic patet quasi de singulis. Cùm igitur agens particulare possit in productionem proprietatis consequentis ipsam formam sub-

stantialem, necesse est, quòd possit in productionem ejusdem.

Quòd autem producatur proprietas formæ substantialis per agens particulare, patet in igne agente, qui calorem inducit, sicut per sensum est manifestum, & sicut producit calorem in gradu uno, sic manifestum est, quòd facta majori assimilatione in susceptibili, poterit producere majorem calorem in gradu alio, & sic tandem in summo, quæ est proprietas, & propria virtus ignis formam consequens, ergo necesse est, quòd simul possit producere formam ipsam ignis, quod & facit, quoniam in termino alterationis, inducto summo calore, necesse est aërem, vel aliud, in quod agit ignis, corrumpi, & eadem necessitate necesse est ignem generari. Et sic patet qualiter forma substantialis per virtutem agentis particularis in esse producitur.

(?)

Finit Correctorium Agidij Corruptorij dictorum Thomæ in quæstionibus disputatis in de Veritate.



CORRECTORIUM


CORRUPTORI

DICTIONUM THOMAE

IN QVÆSTIONIBVS DE ANIMA FOELICITER INCIPIT,

AB ÆGIDIO ROMANO.

ARTICVLVS I.



EST de hoc, quod dicit Tho-
mas quest. 1. art. 1.
in responsione principa-
li, ubi querit: utrum
anima possit esse forma,
& hoc aliquid, quod
idem esse animæ commu-
nicatur corpori, ut sit
unum esse totius speciei?

Et in sententiarum disp. 8. ubi querit: Vtrum a-
nima sit simplex? dicit hoc ipsum esse, quod est
anima per se sit esse conjuncti, & quod non est sibi
esse, nisi esse ipsius formæ. Et hoc idem dicitur in
prima parte summe 70. quest. art. 1.

CORRUPTORIUM.

HÆC positio videtur nobis tendere ad
errorem, ad hoc, scilicet, quod non
fuit idem Corpus Christi vivum, & mor-
tuum, neque alicujus alterius. Si enim non
est aliud esse corporis, vel conjuncti, quàm
esse ipsius animæ, cum omne esse sit à for-
ma, sicut dicit Philosophus in 3. de Anima
Text. comment. 26. & Boetius. 3. de Trinit.
Post separationem animæ corpus habebit
aliud esse: convenit enim verè dicere,
hoc est corpus, nec tamen prædicatur esse a-
nimæ de hoc corpore, quod constat esse
corpus, ergo oportet de necessitate, quod
hoc corpus, inquantum corpus hoc, aliun-
de habeat formam, quàm ab anima, quæ
sola dedit esse corpori in conjunctione. Sed
si hoc corpus, inquantum hoc corpus, aliam

B. Ægid. def. Oper. Div. Thom.

habeat formam post separationem, quàm
ante, impossibile est, quod sit idem nu-
mero Corpus Christi secundum quod cor-
pus: hoc autem damnatum est tanquam
falsum.

Præterea: certum est, quod corpus ha-
beat esse, antequam anima sibi uniatur, &
postquam separata fuerit, ergo totum es-
se corporis, & conjuncti non est esse animæ.

Præterea: in alijs compositis ex mate-
ria & forma, verbi gratia in elementis, vi-
demus manifestè compositum esse ex
componentibus, quod tamen esse non
potest per se alicujus componentium,
quia neutrum componentium habet esse
per se, sicut corpus, & anima, ut patet, nam
post separationem animæ à corpore, po-
test verè dici, quod hoc est corpus & constat,
quod tunc non prædicatur de esse animæ,
nec aliud dicit hoc corpus est, quàm hoc est
corpus. Si enim non esset Corpus, sicut non
est homo, tunc non posset verè dici; hoc
est corpus, quia non potest dici, hoc est homo,
ergo si idem est corpus numero post sepa-
rationem animæ, quod ante, idem ha-
bet esse numero post separationem, quod
ante; sed hoc non posset esse, si totum esse
corporis, & conjuncti esset ipsius animæ.
Restat igitur hoc esse falsum. Iterum etiam
quest. 3. querit: utrum intellectus pos-
sibilis, sive anima intellectiva sit una in
omnibus? Et in responsione principali dicit:
Quod hæc anima sit unusibilis huic homini, vel illi,
multiplicat animas secundum numerum. Et idem
in eadem quest. in responsione 3. argumenti. Et
idem

idem super 1. sententiarum disp. 8. quest. penultima in responsione penultimi argumenti. Et idem dicit prima parte summa quest. 76. artic. 3. in responsione 3. argumenti, & ibi hoc improbatum est.

videbantur apparentia; sicut patet intuenti, ibidem dissolvuntur evidenter.

ARTICVLVS II.

Responsio ad hæc secundum Thomam.

Quia illud idem esse animæ communicatur corpori, ut sit unum esse compositum, ut in pluribus locis Thom. dicit, dictum est supra in responsionibus contra primam partem artic. 2. ubi ad objecta contra hæc respondetur.

Ad illud verò, quod hic dicunt de Corpore Christi, dicendum, quod si ipsi velent dicere, quod aliud esset esse Corporis Christi, & aliud esset esse Animæ ejus, & aliud esset esse personale, manifestum est, quod sumpto esse, ut est actus entis, qui est existere, sive ipsa rei existentia, errare intolerabiliter invenirentur: quoniam in Christo ponere plura esse, est ponere plura existentia, & per consequens plura supposita, quod est hæreticum. Si autem loquantur de esse quidditativo, sic esse forme non est aliud secundum rem ab ipsa forma, & ponere sic plura esse, non est aliud realiter, quam ponere plures formas; & ponere vnum esse sic, est ponere vnam formam.

Qualiter autem sustineri valeat, qualiter in homine sit vna forma substantialis tantum, licet Corpus Christi vivum, & mortuum sit idem numero simpliciter, non quidem ab unitate formæ, sed ab unitate suppositi, dictum est supra in responsionibus ad objecta contra primam partem artic. 31. & 32. ubi etiam declaratur via, per quam ponitur, quod corpus mortuum nec idem esse, nec etiam eandem habet formam substantialem, cujus oppositum isti supponunt in his, quæ contra Thomam in hac parte obijciunt. Vnde ponentes unitatem formæ substantialis, dicerent, quod nihil est penitus, quod dicunt in hac parte.

Quod verò dicunt supra improbatum; animam multiplicari secundum numerum corporum, prout dicit Thomas in locis diversis, diximus, ubi illi nisi sunt hoc improbare, & ostensum est supra in responsionibus ad objecta contra primam partem artic. 30. quod eorum argumenta nihil concludunt contra Thomam. Et si qua in eis

DE hoc, quod dicit Thomas eadem quest. in responsione ad 6. argumentum, quod in his, quæ sunt secundum esse separata à materia; non potest esse distinctio nisi secundum speciem.

CORRVPTORIUM.

HOc est expressè contra illud, quod fides tenet de Sacramento Altaris, de quo fideliter tenemus, quod ibi est quantitas, albedo, sapor, figura separata ab omni materia, & quod ista accidentia differunt numero ab accidentibus similibus in alio Altari.

Responsio ad hæc secundum Thomam.

SI scirent viam, per quam ponit Thomas accidentia in Sacramento Altaris remanere, & numeraliter in uno Altari differre ab his, quæ sunt in alio Altari, quam nihil hoc, quod dicunt, sit ad propositum, non utique ignorarent. Licet enim accidentia in Sacramento Altaris sint sine subiecto, & per consequens sine materia, non tamen sunt sine quantitate dimensiona, quæ est principium individuationis, & multiplicationis formæ ejusdem speciei. Cum enim de ratione quantitatis dimensionis sit situs, qui est conditio individualis, de cuius etiam ratione est, quod habeat in sua natura divisibilitatem, manifestum est, quod ex ipsa natura quantitatis dimensionis sumitur individuationis principium & multiplicationis individuum ejusdem speciei. Et hinc est, quod licet accidentia in Sacramento Altaris sint sine subiecto & materia, ratione tamen quantitatis dimensionis remanentis sunt individua, & individualiter secundum numerum distincta. Illud declarat Thomas contra Gentiles lib. 4. cap. 64. ubi sic dicit: Hoc autem habet proprium quantitas dimensionis inter accidentia reliqua,

qua, quod ipsa secundum se individuatur, quod ideo est, quia positio, quae est ordo partium in toto, in eius ratione includitur. Est enim quantitas positio- nem habens, ubicumque autem intelligitur diversi- tas partium ejusdem speciei, necesse est intelligi indi- viduationem: nam quae sunt ejusdem speciei, non multiplicantur, nisi secundum individuum. Et inde est, quod non possunt apprehendi multae albedines, nisi secundum quod in diversis subiectis; possunt au- tem apprehendi multae lineae si secundum se considerentur. Diversus enim situs, qui per se lineae inest, ad plura- litatem linearum est sufficiens. Et quia sola quanti- tas dimensiona de ratione sui habet, unde multitudo individuorum in eadem specie possit accidere, pri- ma radix multiplicationis ex dimensione esse vide- tur, quia & in genere substantiae multitudo sit se- cundum divisionem materiae, quae nunquam intelli- gi posset, nisi secundum quod materia sub dimensio- nibus consideratur; nam remota quantitate, sub- stantia omnis indivisibilis est, ut patet per Philo- sophum primo physicorum Tex. comm. 15. Mani- festum est autem, quod in alijs generibus accidentium multiplicantur individua ejus- dem speciei ex parte subiecti, & sic relin- quitur, quod cum in Sacramento ponamus dimensiones per se subsistere, & alia accidentia in eis, sicut in subiecto, fundari, non oportet nos dicere, quod accidentia hujusmodi non sint individuata: remanet enim in hujusmodi dimensionibus indivi- duationis radix. Qualiter autem diversimo- de materia sit principium individuationis, & quantitas dimensiona, declarat Thomas in summa parte ult. quest. 77. artic. 2. in responsione principali sic dicens: Quod cum subiectum sit principium individuationis accidentium, oportet illud, quod ponitur aliorum accidentium subiectum, esse aliquo modo principium individuationis. Est enim de ratione individui, quod non possit in pluribus esse, quod quidem contingit dupliciter. Vno modo, quia non est natum in aliquo esse, & hoc modo formae immateriales per se subsistentes sunt, & per se in- dividuae. Alio modo ex eo, quod forma substantia- lis, vel accidentalis est quandoque nata esse in ali- quo, non tamen in pluribus, sed in uno solo, sicut haec albedo, quae est in hoc corpore.

Quantum igitur ad primum, materia est principium individuationis omnibus formis inhaerentibus, quia cum hujusmo- di formae, quantum est de se, natae sint esse in aliquo sicut in subiecto, ex quo aliqua earum recipitur in materia, quae non est in aliquo, nec ipsa forma per se subsistens, sic potest in alio esse.

Quantum autem ad secundum dicen- dum est, quod individuationis principium

est quantitas dimensiona, ex hoc enim aliquid est natum esse in vno solo; quod illud est in se indivisum & divisum ab omnibus alijs. Diviso autem accedit substantiae ratione quantitatis ut dicitur primo physicorum Tex. comm. 15. Et ideo ipsa quantitas dimensiona est quoddam indi- viduationis principium hujusmodi formis, in quantum scilicet duae formae numero sunt in diversis partibus materiae; unde ipsa quantitas dimensiona secundum se habet quamdam individuandi rationem.

ARTICVLVS III.



De hoc, quod Thomas quest. 7. ubi querit: utrum Angelus, & anima dif- ferant specie? In respon- sione principali vult, quod non solum Angeli omnes ab anima, sed etiam om- nes ab invicem differunt specie. Et in responsione

quinti argumenti dicit, quod intelligere diversorum Angelorum non est ejusdem speciei, & ad hoc in- nitit talem rationem. Hoc, inquit, remoto, quod An- geli non sunt formae corporum, sicut anima: Si non sint compositi ex materia, & forma, non remanet Angelorum ad animam, vel ad invicem nisi forma- lis differentia; formalis autem differentia speciem variat, unde forma est, quae dat speciem, & sic re- linquitur, quod non solum Angeli ab invicem diffe- runt specie. Si quis autem ponat, quod Angeli sint compositi ex materia, & forma, & similiter ani- ma; adhuc hoc non potest stare: Si enim tam in An- gelis, quam in anima sit materia, oportet, quod illa sit una de se, sicut omnium corporum materia de se est una, diversificata tamen secundum formam, & si est de se una, oportebit omnino, quod illius unius materiae in communi sit principium distinctionis An- gelorum ab invicem, & ab anima, sed diversitas materiae ante receptionem formae, quae secundum divisionem materiae multiplicatur, non potest intelli- gi fieri praeter divisiones quantitativas. Si enim ta- lis diversitas praexistebat in materia animae, vel Angeli, sequitur quod anima, & Angeli sint compositi ex materia corporea, quod nullus dicit. Si vero materia eorum non sit una, sed diversorum ordinum, hoc non potest poni, nisi secundum ordi- nem ad formas diversas, sed talis diversitas ordi- nis exigit formas diversarum specierum, ergo adhuc Angeli ab anima, & ab in- vicem differunt specie.

CORRVPTORIUM.

QUOD Angelus ab anima differat specie, hoc concedimus; sed de Angelis omnibus ab invicem hoc negamus. Vnde Damasc. in Logica sua cap. 11. de substantia, & natura &c: Eximiore, inquit, Philosophi naturas vocaverunt species specialissimas, Angelum & hominem, equum & asinum, & similia, ut universaliores, & constitutive hypostasum. Et infra eodem cap. Sancti Patres dimittentis multas contentiosas garrulitates, commune quid, & de multis dictum, id est specialissimam speciem substantiam, & naturam vocaverunt, ut Angelum, equum, & canem. Ecce teste Damasc. tam secundum Philosophos, quam secundum Sanctos Patres, Angelus est species specialissima: Et infra cap. 1. 29. de persona Grabielis. Cum Sancta Dei Genitrice disputans unus Angelorum, existens solus illic presens, disputat separatus à consubstantialibus Angelis per eam, que in loco est, presentiam, & disputationes.

Ad argumentum dici potest, quod non est una communis materia spiritualium, sicut corporalium. Materia enim corporalium dicitur una & communis secundum primam significationem, quæ est, quod commune dicitur, quod in partes dividitur, & hoc modo totum commune est, sed partes ejus sunt singularium, & singularium, ut punctus factus, ut distinguit Boetius quatuor acceptiones communis in principio super predicamenta: & hoc modo materia corporalis dicitur communis, quia ex alia, & alia parte ejus fiant corporalia singularia, ita quod nequaquam quodlibet ex tota: & hæc est divisio quantitativa, propter quam fieri possunt multa individua unius speciei in corporalibus: talium autem communitatem, & talium divisibilitatem non ponimus in materia spiritualium, sed potius unumquodque individuum in spiritualibus causari simul, scilicet, quantum ad materiam, & quantum ad formam, & totam materiam in unoquoque comprehendere, & propter hoc plures possunt esse sub una, & eadem specie, licet materia non sit divisibilis secundum quantitatem dimensionem, quæ est tota multiplex secundum numerum. Quando igitur Philosophus 1. celi Text. comm. 76. & 79. & Text. comm. 89. dicit: Non possunt esse plures mundi, quia mundus constat ex tota sua materia, dictum suum intelligibile est secundum suam opinionem, quam habet de materia, scilicet,

A quod materia est ingenerabilis, & incorruptibilis. Hoc posito, non est possibile ponere plures mundos esse. Sed certè si ipse credidisset, sicut veritas est, materiam corporalem totius mundi fuisse creatam, & eodem modo Deum posse creare secundam, & tertiam, nunquam negasset positionem plurium mundorum, quamquam iste mundus occuparet totam materiam primò creatam, quia multæ materiæ similes illi creati possent. Eodem modo dico in spiritualibus; unde dico, quod in illis multitudo individuum non est per hoc, quod unum habet partem materiæ spiritualis, & divisam ab alia; quia materia spiritualis, cum non sit quanta, non est divisibilis in partes quantitativas, sed unumquodque habet materiam suam totam in se, non tempore, sed origine præcedentem. Vnde Augustinus super Gen. ad litteram cap. 21. lib. 2. ponit hoc exemplum de centro: imaginemur de centro circuli exire infinitas lineas, constat, quod quælibet earum à centro est ducta ad circumferentiam, & quod centrum est unus; & idem punctus terminans lineas omnes, dividuntur tamen omnes ab invicem secundum punctum, sicut prius, & illud, quod non erat prius, & hoc non posset esse, nisi unus, & idem punctus factus esset multa puncta, & tamen non convenit dicere, quod ille punctus terminatus, dum continuat omnes lineas illas esset divisibilis per habitudinem, & ordinem ad diversas formas, sed est unum, & indivisibile secundum materiam, & sic multa indivisibilia secundum potentiam. Vnde ad formam argumenti cum dicit, quod oportet materiam spiritualium ad hoc, quod possit esse causa multiplicationis suppositorum sub una forma, habere diversas partes quantitativas ad diversas formas. Respondendum est per interemptionem, quod nec sic, nec sic, sed sufficit, quod eadem ratio possit multiplicari secundum numerum, & sic multa in potentia.

Responsio ad hæc secundum Thomam.

AD ea, quæ hic obijciuntur, respondum est supra in responsionibus ad objecta contra primam partem summæ art. 10. ubi, & responsio eorum ad argumenta Thomæ evacuat. Quod autem respondent ad dictum Philosophi de unitate mundi: nihil est ad propositum, planum est enim, quod materia mundi

mundi quoad plures ejus partes quantitativè spondente. Corpus humanum, quamvis sit dimensionivè est subjecta, unde bene contineret intelligere divisionem materiæ partium mundi de novo creaturarum ratione quantitativè dimensionis consimilis: quam divisionem non contingit in sola materia invenire, omni quantitate circumscripita, qualis poneretur in Angelis, si materia aliqua esset in eis. Iterum supposito, quod aliqua materia sit occupata totaliter à sua forma, nihilominus posset distinguì ab alia materia ejusdem rationis, ubi quantitas dimensionis posset inveniri, sicut si Deus in esse produceret plures Soles, sed hoc non potest poni in materia Angeli, quæ posset fingi totaliter à sua forma occupata, quia nulla hujusmodi quantitas, etiam ab ipsis fictoribus fingitur in eadem.

Quod verò dicunt de puncto centrali, nec ubi dicunt, nec alibi ab *Augustino* ad istam materiam inveniri applicatum; sed esto, quod *Augustinus* ponat multas lineas in centro terminari, nunquam tamen ponit, quod veritati adversatur, quod idem punctus centralis per hoc numeretur: Est enim id punctus, res, solum variatus ratione ex diversa sua habitudine, ut patet per Philosophum 2. de Anima, Text. comm. 13. ubi per hoc exemplum sensus communis declarat unitatem.

ARDICVLVS IV.



De hoc, quod *Thomas* quest. 8. ubi querit: utrum anima rationalis tali corpori debeat uniri? In responsione 3. argumenti sustinet animam intellectualem esse aliquam perfectionem corporis celestis, ut forma, quæ quidem potentiam intel-

lectivam habet, non autem sensitivam, ut ex verbis *Aristo.* colligi, vel accipi potest. Et in responsione 4. argumenti dicit, quod sicut per naturam suam omnes intellectuales substantiæ possent peccare, tamen ex electione Divina, & prædestinatione per auxilium gratiæ plures fuerunt conservatæ, ne peccarent.

CORRUPTORIUM.

Ad hanc positionem videtur Inductus fuisse tali ratione, quæ dicebatur à re-

spontente. Corpus humanum, quamvis sit elementatum, ex hoc tamen, quod est reductum ad æqualitatem commixtionis, habet similitudinem cum cœlo, quod omnino elongatum est à contrariis, & inde est sic nobilitatum, ut ei anima rationalis possit consequenter uniri. Et hanc materiam in parte videtur tangere *Avicena* in sexto naturalium, parte 8. art. 5. Complexione, inquit, quæ magis accessit ad medium, erit complexionatum, & magis fiet aptum ad recipiendum augmentum perfectionis vite. Cum verò aptissimum fuerit, ita ut contraria æqualiter sint in eo, & æqualiter operentur, adaptabitur perfectioni vite rationalis, vel vite celestis. Hæc autem aptitudo est à spiritu hu-

mano. Et idem dicit parte ultima cap. ultimo. Et ex hoc formatur talis ratio: Si nobilitas corporis humani in hoc consistit, quod unietur, & assimilietur corpori cœlesti, videtur, quod corpus cœleste nobilius sit, & propter hoc cum perfectio debeat proportionari perfectibili, corpus cœleste debet habere nobiliorem perfectionem, quam sit anima rationalis.

Revera opinio videtur *Philosophi* 2. Text. comment. 17. & alibi, quod corpora cœlestia sint animata, ut patet lib. de Cœlo, & *Cumundo* Et *Avicena*, & omnes *Peripatetici* idem dicunt. Et *Augustinus* etiam de hac materia dubitare videtur in *Enchiridion*. Certum, inquam, non habeo, utrū ad societatem Angelorum pertineant Sol, & Luna, & cuncta sydera, quamvis nonnulla esse lucida corpora, non tamen sensibilia, vel intelligentia videantur, tamen tenendum est, quod corpus cœli non est animatum. Unde *Damasc.* lib. 3. cap. 6. Nullus cœlos animatus, vel luminaria existimet, inanimati enim sunt, & insensibiles, cœlum, terra, lapis vitam non habent, & tamen in Deo vita sunt. Signum ad hoc videtur, quod diximus: Homo totus Divinus ab Apostolis eruditus, præcipuè à *Paulo* usque ad cœlum raptus, qui cum omnem dispositionem Hierarchiæ Ecclesiasticæ, & Angelicæ, vel cœlestis tradidit, nunquā tradidit de dispositione stellaris Hierarchiæ. Si autem cœli essent animati: certè essent Hierarchici, & si essent, non saltasset *Dionysius* à Hierarchia Angelica ad Ecclesiasticam, nisi tangeret aliquid de stellari. Neque aliquem moveat, ita quod dicat, quod *Dionysius* de cœlesti Hierarchia loquitur: quia absque dubio cœlestem vocat angelicam.

Item, si cœli essent animati, constaret, quod sicut illa corpora sunt nobiliora nostris,

stris, ita proportionabiliter anima eorum esset nobilior anima nostra, & per consequens cœli essent nobiliores hominibus, & ita cum nobilius non sit propter ignobilius, non essent corpora cœlestia creata propter homines, cuius contrarium scribitur *Deuter. 4.* Ne, inquit, elevatis oculis ad cœlum fortè, videns solem, & lunam, & omnia astra cœli, & errore deceptus adores ea & colas quæ creavit Dominus Deus tuus in ministerium cunctis gemitibus, quæ sunt sub cœlo.

Ad rationem dici potest, quod corpora cœlestia nobiliora sunt corporibus animalium secundum quid, in quantum illa incorruptibilia sunt, hæc autem corruptibilia, simpliciter autem è converso est. B Omne enim animatum ordine naturæ est nobilius inanimato, & omne corpus (ut ita dicam) animale est nobilius inanimali. Et quod dicit, quod elongatio à contrario, vel per naturam, ut quinta essentia, vel per accessum ad temperamentum & æqualitatem commixtionis, est adaptatio corporis ad recipiendum formam perfectiorem, videtur non esse verum, simpliciter loquendo. Huius autem signum habemus in partibus corporis, constat enim, quod corpus, & spiritus sunt aptiora ad perfectionem vitæ suscipiendam ab anima, quam caro, vel cutis; & tamen caro, & cutis magis accedunt ad temperamentum, quam cor, & spiritus, sicut dicit *Avicena in primo canone cap. 3. de commixtionibus membrorum* sic inquit: Quod autem in corpore est calidius, est spiritus, & cor à quo procedit. Et in cap. precedenti ita dicit his verbis: Iam manifestum fit, quod membra principalia non sunt æqualitati recte multum propinqua, immò oportet, quod caro, secundum quod caro, sit membrum æqualitati propinquius, quam cetera membra cutis, tamen carne propinquior.

Responsio ad hæc secundum Thomam.

Positio illa, quod cœli sunt animati, à Thoma, nec hinc nec alibi affirmatur, ipse enim hæc sub dubio derelinquit sine aliqua affirmatione, quod patet per verba ejus in hujus quæstionis determinatione; postquam enim dixit quosdam philosophos, & Doctores Catholicos posuisse cœlos animatos, & Augustinum hoc sub dubio dereliquisse, Damasc. oppositum asserente, subjungit: Quod hæc positio apud modernos Theologos conveni-

entior est quod cœli non sunt animati, sicut dicit Damasc. super quo hæsitarit Augustinus super Gen. lib. 1. cap. ultimo, & in Enchir. 41. Cuius exemplo etiam Thomas hoc sub dubio derelinquit lib. 2. contra Gentiles cap. 69. sic dicens: Hoc autem, quod dictum est de animatione cœli, non diximus, quasi asserendo secundum fidei doctrinam, ad quam nihil pertinet, sive sic, sive aliter dicatur. Vnde Augustinus in Enchir. Nec illud quidem certum habeo; utrum ad societatem Angelorum pertineant sol, & Luna, & cuncta sydera, quamvis nonnulla lucida esse corpora, non tamen sensibilia, vel intelligentia videantur. Ecce Doctor noster egregius eximio Doctori Beato Augustino sic in hoc articulo se conjungit, ut unus sine alio nequeat reprehendi. Quando igitur illi sibi imponunt, quod ad hanc positionem quadam ratione, quam ipsi explicant, fuerit inductus, manifestum est, quod falsum dicunt, quod patet ex verbis ejus in hujus quæstionis responsione ubi ait: Hoc pro firmo tenentes dicimus, quod corpora cœlestia ab aliquo intellectu moventur saltem separatos; propter argumenta tamen utraq; partem sustinentes dicamus, &c. Ecce nullum argumentum ad alteram partem opponendum induxit, cum rationes ad utramque partem dissolvat.

Rationes autem, quas ipsi hic ponunt, parum valent. Ad primam igitur Dionysii dicendum, quod Dion. loquens de Hierarc. Angelica satis determinavit de intellectibus, quibus cœli animantur, cum illi, si qui tales sunt, pertineant ad societatem Angelorum secundum Augustinum, unde non oportuit hoc sanum aliquem imaginari.

Ad secundum, cum dicunt corpora cœlestia esse propter hominem, ex quo videtur quod homo sit nobilior ipsis. Dicendum, quod hoc non sequitur. Constat enim, quod Angeli sunt administratorij spiritus in ministeriū missi propter eos, qui hereditatem eternam accipiunt salutis. Nec tamen sequitur, quod homines, pro quibus mittuntur, sint ipsis nobiliores.

Item posset dici, quod homo est nobilior, quam illud, quod oculo corporali in corporibus cœlestibus potest perpendi, quod utique cedit hominibus ad utilitatem; unde ideò præcipiuntur in scriptura illa, ne horum consideratione, aliqui corpora illa adorent. Rationi verò illi non oportebat eos tam studiosè respondere, cum Thomas eam non ponat, nec illi ullatenus innitatur.

ARTICVLVS V.



DE hoc, quod Thomas questione 9. ubi querit: utrum anima rationalis uniat^rur materiae corporali per medium? Dicit in responsione principali, quod eadem numero forma est per quam res habet, quod sit in ul^tima specie specialissim^a, & intermedijs generibus omnibus. Et infra: Non est, inquit, aliqua forma media inter animam & materiam primam, sed homo ab ipsa anima perficitur secundum diversos

gradus perfectionis, ut sit corpus, & animatum, & rationale. Et infra: Igitur anima, ut est forma dans esse, non habet aliquod medium inter se, & materiam primam. Simile dicit in responsione 5. argumenti. Et infra: utrum in homine anima rationalis, & sensibilis, & vegetativa sint una substantia. Et infra quest. 3. in responsione principali dicit, quod nulla forma substantialis unitur materiae, mediante alia forma substantiali.

CORRUPTORIUM.

HÆC positio, quantum ad hoc quod negat gradum formarum, reprobata est superius in prima parte.

Præterea: hoc, quod dicit, quod nulla forma substantialis unitur materiae mediante alia forma substantiali, sed omnis forma substantialis unitur materiae primæ immediate, est contra Comment. 26. ut videtur, qui dicit super 2. Physicorum super particulam illam. Quocumque istorum sit unus modus: Nam est materia prima subiecta omnibus formis, quoniam non est composita ex materia, & forma. Item simile huius dicit circa 11. Metaph. super illud dubitandum, videlicet, est: Quodlibet, inquit, ens habetur cum materia ante materiam primam.

Item quest. 11. querit: utrum anima rationalis, & vegetabilis sit una substantia? In responsione principali dicit: Relinquitur ergo, quod in homine sit eandem una anima secundum substantiam, quæ est rationalis, sensibilis, & vegetabilis, & hoc consequens est ei, quod ostendimus in præcedentibus de ordine formarum substantialium: quod nulla forma unitur materiae mediante alia forma substantiali, sed forma perfectior dat, quidquid dat forma imperfectior, & amplius. Vnde anima rationa-

Alis dat corpori humano, quidquid dat anima sensibilis brutis, & vegetabilis plantis. Hæc positio, licet in quantum negat gradum formarum, improbata sit superius, verumtamen quia prædictam positionem conatur mutare rationibus, tentandum est eas dissolvere. Dicit ergo in responsione principali eadem q. parum supra. Si dicatur: homo est animal, animal est corpus, corpus est substantia, erit per accidens, & quod homo non est verè illud, quod est animal per se. Et ita sequitur aliud inconueniens, ex pluribus actu existentibus non sit unum simpliciter, nisi sit aliquod uniens, & aliquo modo ligans ea ad invicem. Si ergo secundum diversas formas Sortes est homo, & animal, indigerent hæc duo, ad hoc quod unirentur, simpliciter aliquo, quod faceret ea unum. Vnde cum hoc non sit assignare, remanebit, quod homo non erit unum nisi aggregativè, sicut acervus, qui est secundum quid unum, & simpliciter multa. Et ita aliud inconueniens sequitur, quod anima rationalis sit accidental^{is} forma, quod sic declarat. Cum genus sit substantiale prædicatum: oportet, quod forma, secundum quam individuum habet prædicationem generis, sit forma substantialis, & ita oportet, quod forma singularis, secundum quam Sortes dicitur animal, sit substantialis in eo, & sic necesse est, quod det esse simpliciter corpori, & faciat ipsum hoc aliquid. Anima igitur rationalis, si est alia secundum substantiam, cum adveniat rei jam subsistenti, unde non erit forma substantialis, sed accidental^{is}, & sic non dabit esse specificum. Hæc inconuenientia, vel rationes confirmant positionem de unitate formæ in composito.

Ad primum ergo dicendum, quod illud est in formis non habentibus ordinem essentialem ad invicem, sicut est album, & musicum, & huiusmodi: In formis autem habentibus specialem ordinem ad invicem secundum magis perfectum & minus, fallit tam in accidentalibus, quam in substantialibus. Si enim nix, vel Sortes est albus, Sortes est coloratus, & essentiali prædicatione album est coloratum: similiter in substantialibus, Sortes est homo, & homo est animal, ergo Sortes est animal.

Ad secundum dicendum, quod ex pluribus existentibus in actu non fit unum, verum est, quando actus ira completus est, quod non est in potentia ad ulterio-

rem

rem perfectionem. In formis autem substantialibus ad invicem ordinatis, formæ generaliores, & si aliquo modo sint actu, & completivæ, tamen sunt imperfectæ, & in potentia respectu ulterioris complementi per formas minus universales usque ad formam specialissimam.

Et cum addit, si secundum diversas formas Sortes est homo, & animal, indigerent, &c. Dicendum quod una illarum formarum, prior scilicet, est in potentia, & quasi materialis respectu formæ ulterioris, vel posterioris; materialis, inquam, non secundum se, sed secundum quod disponit materiam, & adaptat respectu formæ posterioris. Ideo sicut materia, & forma ununtur sine medio uniente eas, sicut dicit Philosophus 4. Metaphysicæ, Tex. comm. 27. ita illæ formæ non indigent aliquo medio uniente eas.

Ad tertium inconueniens, scilicet, quod anima rationalis esset forma accidentalis, &c. Dicendum, quod non omnis forma substantialis adueniens alicui dat ei esse ultimum, & completum in specie specialissima, quod expressè argui potest ex eo, quod Philosophus dicit 16. de animalibus, scilicet, quod embrio non est simul animal, & equus; alioquin forma, per quam embrio est equus, cum prius tempore sit animal, esset forma accidentalis; quod constat falsum.

Responsio ad hæc secundum Thomam.

Verum est, quod hanc positionem supra reprobaverunt art. 31. contra primam partem, ubi via est declarata, quod argumenta eorum sunt nullius momenti, & responsiones eorum ad argumenta Thomæ multa impossibilia includere concluduntur. Quia vero rationes, quas afferunt hic, in nullo realiter ab illis differunt, nihil quippe reale addunt, per ipsa eadem, quæ ibi habentur, poterunt improbari.

ARTICVLVS. VI.



De hoc, quod Thomas dicit, quest. 14. ubi querit de immortalitate animæ. Et in responsione principali dicit: sic manifestum est, quod principium, scilicet anima, de qua loquitur, non est composita ex materia, & forma, quia species in ea recipiuntur immateria-

liter. Quod declarat ex hoc; quod intellectus est universalium, quæ abstrahuntur à materia, & à conditionibus materiæ.

Item quest. An anima rationalis sit creata in corpore, vel extra corpus? In responsione principali dicit, quod anima non est composita ex materia, & forma.

CORRVPTORIUM.

Hæc positio videtur esse contra fidem; nam quod nullam habet materiam, nullius transmutationis est susceptivum, ergo si anima non habet materiam, non transmutatur de vitijs ad virtutes, nec de conversio, nec de gratia ad gloriam, nec de tristitia ad lætitiā, nec de aquis nivium ad calorem nimum Job. 24. Vnde Augustinus 6. super Gen. ad litteram cap. 10. Si quiddam immutabile esset anima, nullo modo ejus quasi materiam querere deberemus. Nunc autem mutabilitas ejus indicat eam interim vitijs, & fallacijs de formem reddi, formari autem virtutibus, veritatis, quæ doctrina. Et infra ibidem cap. 27. loquens de materia Animæ: Quæ quidem, inquit, formationem suam non tempore, sed origine præcederet, sicut vox cantum: & quid nisi de materia spiritali facta anima congruentius creditur?

Præterea: lib. 5. super Gen. cap. 5. expressè dicit Augustinus materiam esse corporalem, & spiritualementem, ait enim: Non temporali, sed causali ordine prius facta est informis formabilisque materies, & corporalis & spiritalis, de qua fieret, quod faciendum esset. Hæc Augustinus. Vnde dicta positio videtur favere lexto errori de Angelis condemnato, qui est, quod in abstractis substantijs nulla est possibile transmutatio, nec sunt in potentia ad aliquid, quod æternæ sunt, & immunes à materia.

Præterea: si non haberet materiam, & esset forma tantum, nihil pateretur, dicente Philosopho 1. de generat. Tex. comm. 55. Quod materia est pati, & ibidem: Materia secundum quod materia passivum est.

Præterea: si est forma simplex, nullius accidentis esset subiectum, & ita nec reciperet vitium, nec virtutem, nec poenam, nec beatitudinem, dicente Boetio de Trinitate 13. cap. Neque Deus fieri potest. Subiectum forma enim est, formæ autem subesse non possunt. Nam quod formæ subiectæ sunt accidentibus, ut humanitas, non ita accidentia accipit in eo, quod ipsa est, sed in eo quod in

bi, ita materia subiecta est: dum enim materia subiecta humanitati suscipit quodlibet accidens, ipsa humanitas suscipere videtur; forma enim, quæ est sine materia, subiectum esse non poterit. Hoc etiam patet per rationem sic: in omnibus, quæ ordinatè agunt, secundum agens non agit nisi in virtute primi agentis, quoniam plus agit in causatum, quam secundum agens, ut habetur *lib. de causis*, ergo similiter in patientibus nihil patietur, nisi in ratione primi passivi. Sicut autem forma est primū principium, siue prima ratio agendi: Omne enim, quod agit, per formam suam agit, ita primum principium, vel prima ratio patiendi est materia; ergo sicut illud, quod caret omni forma, non agit, ita similiter anima, si caret omni materia, non patietur.

Ad rationem positionis dici potest, quod hæc consequentia non tenet: species recipitur in intellectu immaterialiter, ergo est immaterialis. Instantia manifesta est in omni sensu, & imaginatione: sensus enim est susceptivus specierum sine materia, & tamen non est immaterialis, sed constat, quod sunt virtutes in materia: Oculus enim pupilla est, & visus, ut dicit Philosophus secundo de Anima, Text. comment. 10.

Præterea: si oportet intellectum, & animam assimilari conditionibus rei, quam recipit, ergo quando recipit abstracta ab hæc, & nunc, & ab omni differentia loci, & temporis; tunc non alicubi, & aliquando est, quod est impossibile. Restat igitur, quod ita consequentia non valet.

Adhuc alio modo ostenditur, quod ratio positionis non cogit. Nam abstractum à materia, & à conditionibus ejus, potest intelligi dupliciter, scilicet, quia vel quod intelligitur, intelligitur in sua natura non completas; vel absque materia, & conditionibus materiæ consideratur. Primum est falsum, nam obiectum intellectus est quid, vel quidditas, Text. comm. 9. & 10. ut habetur 3. de Anima & 4. Methaph. Text. comm. 28. versus finem ab Avicena, ubi & additur: Quidditas rei, quæ intelligitur, non est materia, neque forma, sed compositum complectens materiam, & formam. Secundum etiam simpliciter non est verum: Nam licet intellectus abstrahat à materia, ut à corporali dimensione, non tamen ab omni.


Præterea: nullum inconueniens est, quod universale abstractum à materia corporali sit in intellectu habente materiam spirituales, & intelligibilem. Nam ut dicitur B. Aegid. def. Oper. Div. Thom.

cit Avicena 6. Metaphysica loquens de universali: Forma, quæ respectu individuorum est universalis; respectu anime, cui imprimitur, individualis, & singularis est. Cum igitur singulare non repugnat materiæ, & universale, secundum quod est in anima, est individua forma, & singularis, ut jam dixit Avicena, nullum est inconueniens intellectum habere materiam propter hoc, quod recipit universale.

Responsio ad hæc secundum Thomam.

Totum, quod hic dicunt, innititur cuidam falsitati, qua fingunt quamdam materiam spirituales, ex qua cum forma Angelus, & Anima componantur, quam nunquam Philosophus posuit, nec etiam Augustinus de huiusmodi materia intellexit, ubi materiæ spiritualis mentionem fecit, immo sicut dictum est supra in responsionibus ad obiecta contra primam partem art. 10. materiam spirituales nominavit naturam Angelicam nondum gratia, & gloria perfectam, sicut per text. Aug. probatur ibidem. Vbi etiam declaratur, qualiter nulla forma in materia, circumscriptionis dimensionibus, individuat, cuiusmodi tamen formam habet materia illa spiritualis, quam fingunt: unde cum verba eorum huic fictioni innitantur, sufficienter ex hoc falsitati obnoxia comprobantur.

ARTICVLVS VII.



Vper hoc, quod Thomas qu. 15. ubi quaerit: utrum anima separata possit intelligere? In responsione principali dicit sic: Substantie spirituales quando unaqueque est altior, tanto habet pauciores for-

mas, & virtutem magis potentem ad intelligendum omnia per formas paucas. Simile huic dicit in responsione 20. quaest. quæ est: utrum anima separata cognoscat singularia? & idem in responsione 5. argumenti, & in de veritate quaest. 8. art. 14. quæ est: utrum Anzeli cognoscant multa? Et in responsione principali dicit sic: Quilibet Angelus eadem forma intelligit multa, ad minus omnia singularia eiusdem speciei. Superiores vero Angeli plura possunt una specie intelligere, quam inferiores, quia per paucas formas plura possunt perfecte, & distincte intelligere.

CORRVPTORIVM.

Istud falsum videtur, nam si hoc esset possibile, cum hoc sit nobilitatis, maximè deberet hoc Deo convenire, cuius contrarium dicit Aug. in Epist. ad Nebridium (Parisensium ordine 14.) quæ sic incipit. Recentissimis, &c. Quod ad hominem faciendum attinet, hominis quidem tantum non meam, vel tuam ibi esse rationem: quod autem ad orbem temporis, varias hominum rationes in illa sinceritate vivere. Ecce quod præter formas universales Augustinus ponit in Deo formas, vel rationes singularium.

Præterea: demus aliquem numerum formarum, per quem summa intelligentia intelligit omnia intelligibilia, sive cognoscibilia, verbi gratia, centum formas, constat, quod Deus innumerabiles intelligentias, & superiores gradatim super istam nobilissimam creare potest, ergo si secundum nobilitatem graduum decrescat numerus formarum, per quas intelligentia intelligit, erit devenire ad aliquam intelligentiam, quæ intelligat plura, immò omnia, quæ intelligit per unam solam formam: & aliæ superiores, vel intelligere sine aliqua forma, quod est incōveniens, sic enim excederent Deum (ut videtur) in nobilitate intelligendi, vel intelligerent per unam, & tunc inferiores erunt pares superioribus quantum ad hoc: quod est inconveniens, etiam secundum suam perfectionem.

Responsio ad hæc secundum Thomam.

AD hæc verò, quæ hic obijciuntur, superius patet solutio in responsione ad objecta contra primam partem art. 20. & quia nihil aliud adducunt, ideo nihil novum apponere decrevimus.

ARTICVLVS VIII.



De hoc, quod Thomas dicit quest. 15. ubi querit: utrum anima separata possit intelligere? In responsione duorum ultimorum argumentorum: Scientia in anima nata est causari à phantasmatibus secundum statum, quo est corpori unita: secundum quem

A statum non poterit causari à superioribus agentibus tantum. Et statim in responsione sequenti dicit, quod ex hoc, quod scientia substantiarum separatarum non est proportionata animæ, non sequitur, quod nullam intelligentiam ex earum influxu capere possit, sed solum quod non possit capere perfectam, & distinctam, ut dictum est.

CORRVPTORIVM.

Primum videtur erroneum, quia videtur derogare divinæ potentiae, quasi Deus non possit dare scientiam prophetalem alicui, vel etiam scientiam universalem, & specialem, quod constat esse falsum. Immo posset Deus alicui cæco à nativitate dare scientiam colorum, & aliarum intentionum visibilibus. Constat enim, quod Deus multo plura potest per semetipsum, quam natura per ministerium suum.

Secundum etiam videtur falsum, quia Prophetæ in revelationibus sibi factis perfectam & distinctam præscientiam futurorum, & scientiam occultorum recipiunt, vel immediatè à Deo, vel mediantibus Angelis, & hoc sive in somnis, sive in vigilijs.

Responsio etiam sumpta ex improportionem scientiæ non cogit, quia agens à proposito non agit proportionabiliter secundum dispositionem suam, sicut agens naturale; sed secundum beneplacitum arbitrij. Gigas enim, qui & de excellentia potestatis suæ possit tenere taurum, vel dextrarium, quod non evaderet, potest adeò tenuiter tenere arietem si vult, quod evadat: exemplum est Anselmi de originali peccato. Constat autem, quod Deus, & Angeli infundendo scientiam agunt à proposito, & ideo ratio non valet.

Responsio ad hæc secundum Thomam.

Dicere, quod aliquid conveniat rei naturaliter, ita quod, salvo naturæ ordine, non possit aliter contingere, non derogat Divinæ potentiae, quæ potest super naturæ ordinem: propter quod ad primum patet solutio.

Sciendum etiam est, quod in revelatione facta Prophetis, communiter servatus est ordo naturæ, patet enim, quod in eis formabantur imagines rerum sentiantur

rum, licet forte alicui facta fuerit revelatio alio modo, sicut Paulo 2. Corinth. 12. rap-^Ato, & sic per hoc patet solutio ad secundum.

ARTICVLVS X.

ARTICVLVS IX.

DE hoc, quod Thomas quest. 18. ubi querit: utrum anima separata cognoscat omnia naturalia? In responsione 2. argumenti dicit, quod in illis, qui scientiam aliquorum naturalium acquisierunt in hac vita, erit determinata cognitio in speciebus eorum, quæ hic acquisierunt, aliorum vero confusa, & universalis.


CORRVPTORIUM.

Si intelligat de omnibus naturalibus, falsum est, & videtur erroneum, constat enim, quod animæ Beatorum aliqua naturalia cognoscent in Verbo, quorum cognitionem hic non acquisierunt, cognitio autem rerum in Verbo est perfectior, & certior, & per consequens non confusa, sed specialis, & distincta, etiam magis quam rerum cognitio vespertina, & quam aliqua cognitio acquisita hic per experientiam sensuum, vel doctrinam.

Præterea: tunc vacantes studio, & scientiæ perfectiorem scientiam haberent in patria, quam illi qui vacant charitati & pietati; quod falsum videtur: quia plus remunerabitur charitas & pietas, quam scientia & studium sciendi.

Responsio ad hæc secundum Thomam.

Quod hic dicit Thomas, non habet intelligi de noticia rerum in Verbo, sed de noticia rerum quodam modo naturali ipsi animæ separatae, prout patet inuentis unde objectiones non sunt contra eum, & mirum est, quod viriliter contra eum tam superficialiter arguere voluerunt.



E hoc, quod Thomas quest. 10. ubi querit: utrum anima separata cognoscat singularia? In responsione primi argumenti dicit, quod intellectus noster nunc cognoscit per species à rebus acceptas, quæ abstractæ sunt à materia, &

B ab omnibus conditionibus materie, & ideo non potest cognoscere singularia, quorum principium est materia. Et in prima parte quest. 56. art. 1. in responsione 2. argumenti dicit; quod singularium, quæ sunt in rebus materialibus, non est intellectus apud nos non ratione singularitatis, sed ratione materie, quæ est in eis individuationis principium.

CORRVPTORIUM.

Hoc videtur erroneum, & contra Evangelium, ubi dicitur in Ioanne 17. Hæc est vita æterna, ut cognoscant te unum solum verum Deum, & quem misisti Iesum Christum. Constat, quod Christus est individuum, & singulare, quod constat beatam animam videre, non sensu visus, sed intellectu, vel non esset beata: est autem beata, ergo intelligit Christum. Insuper una anima cognoscit aliam, & tamen quælibet est singulare quoddam.

Præterea: constat, quod peccata particularia, & singularia sunt, & possunt esse in superiori parte rationis, quæ tamen sensu non apprehendit, vel nunquam poenitebit. Non enim poenitebit, nisi de hoc, quod malum cognoscit, vel intelligit.

D Præterea: hæc positio est contra Philosophos, & bonos mores; nam si intellectus etiam non cognoscit, vel intelligit singularia; sequitur, quod non possit consiliari de operibus, nec invenire rectam rationem actionum politicarum 1. Metaph. cum omnis actio sit singularis, & circa singularia.

Præterea: quomodo posset intellectus intelligibilem formam, & sibi cognoscibilem à singularibus abstrahere, si singularia non cognosceret, nec posset terminum aliquem singularem ad componendum propositionem aliquam assumere, nec de veritate, nec de significatione omnis propo-

fictionis, in qua ponitur terminus singularis, iudicare. Nec posset distinguere universale, & singulare, nisi cognosceret utrumque; unde constat, quod intellectus cognoscit universale, & singulare, sicut dicit Commenta-
8. 3. de Anima, sed differenter, quia universale per se, & non cum sensu, hoc est dicere, quod intellectus, & sensus cognoscunt singulare, sed solus intellectus universale. Item in eadem quest. in solutione 3. argumenti dicit: Quod anime separatae non impediuntur à cognoscendis his, quae hic sunt. Dicit secundò: Quod mortui nesciunt, quae hic aguntur, sed discunt ab eis, qui hinc transeunt ad illos, ea quae indicare sinuntur, & quae eos audire oportet. Similiter quandoque discunt ab Angelis revelatione Divina, sicut etiam multa revelata sunt Prophetis viventibus, & quandoque mittuntur aliqui ex mortuis ad vivos, à quibus discunt. Sic è converso Paulus 2. Cor. 12. vivus raptus est in Paradisum, ubi didicit arcana verba. Ex his verbis Augustini colligitur, quod localis distantia, & propinquitas facit ad cognitionem animarum separatarum, alioquin non

A oportebit aliquos hinc transire ad illos, vel mitti ab illis ad istos, & etiam ab illis & illis dicere.


Responsio ad hanc secundum Thomam.

Q Valiter intellectus cognoscit quidditatem rei abstractam à conditionibus materiae, & per consequens universale ipsum per se, & directè, & singularia materialia indirectè, & quod illae objectiones sunt risu dignae, patet per ea, quae dicta sunt suprà in responsionibus ad

B objecta contra primam partem artic. 2.

Item qualiter distantia localis non impedit cognitionem Angeli, nec per consequens animae separatae: & qualiter habet intelligi, quod de Augustino adducunt, patet suprà articulo 38.

FINIT CORRECTORIVM AEGIDII ROMANI CORRVP-
torij dictorum Thomae in questionibus disputatis de Anima.



INCIPIUNT

RESPONSIONES

AD OBJECTA CONTRA

dicta Thomæ in questionibus de
virtutibus.

ARTICVLVS I.



DE hoc, quod Thomas q.
11. ubi queritur: utrum
omnes teneantur ad per-
fectam charitatem haben-
dam? In responsione 7. ar-
gumen. dicit: Sciendum,
quod ista, quæ dixit Do-
minus Discipulis suis: ni-
hil tuleriti in via &c. se-
cundum quod August. exponit in libro de consensu
Evangelistarum, non pertinent ad perfectionem vi-
tæ, sed ad potestatem dignitatis Apostolicæ, per
quam, secum nihil ferentes, vivere de his, quæ mi-
nistrabantur ab his, quibus Evangelium prædica-
bant, poterant, ut ibidem dicitur, quia dignus est
operarius mercede sua, vel cibo suo, unde nec præ-
ceptum fuit, nec consilium, sed concessum. Et
propter hoc Paulus, qui secum necessaria ferebat,
non utens hac concessione, supererogabat quasi mi-
litans proprijs stipendijs.

&c. usque mercede sua, non de consilio lo-
quitur, sicut patet consideranti verba sua.
Totum, inquit, non est præceptum, nec consilium,
sed concessum.

Primum ergo, quod dicit prædicta ver-
ba Salvatoris, Nolite possidere, &c. non per-
tinere ad perfectionem, falsum est, & con-
tra Sanctos. Dicit enim Chrysost. Homil. 33.
super Matth. Quid autem ut peram non habeant
in viam, nec duas tunicas, nec virgam, nec cal-
ceos? Quanam de causa eis injunxit? Et paucis
interpositis respondet. Etenim Orbi terrarum
Doctores erat missurus, & propter hoc eligens eos
ex hominibus, ista duplici de causa constituit ab
omni absolutos vitæ hujus sollicitudine, ut una so-
la detineantur, quæ est doctrina, magis autem &
ab illa absoluit Dominus dicens: Nolite cogitare
qualiter, aut quid loquamini. Matt. 10. Nihil e-
nim ita gaudere facit, ut à cura, & solici-
tudine esse ereptum, & maximè, cum pos-
sibile sit esse ereptum ab hac, & immorari
in illa Deo præsentem, & præ omnibus ejus
officio.

Item Ambrosius lib. 6. super Luc. super illud:
Nolite portare sacculum, &c. Petrus Apostolus
cum posceretur à paupere, ut ei aliquid pecunie lar-
giretur; ait: Argentum, & aurum non habeo,
Act. 3. Iste gloriatur, quod non habebat argentum,
ergo paupertas est gloriosa, quia & beata est pau-
pertas, sicut scriptum est: Beati Pauperes Spiritu
Matt. 5.

Ex his auctoritatibus Chrys. & Ambros.
colligitur, quod prædictorum abdicatio
Angelis assimiliatur, & maximè Deum le-
gitimat, & quod pertinet ad beatam &
gloriosam paupertatem, & sic ex hoc con-
stat,

CORRUPTORIUM.

HÆC verba, si benè advertantur, & fal-
sitate continent, & perfectioni A-
postolicæ derogant. Quatuor enim dicun-
tur in his verbis Thom. unum est, quod præ-
dicta verba Salvatoris, scilicet, Nolite possi-
dere aurum, &c. non pertinent ad perfectio-
nem vitæ. Secundum est, quod pertinent
ad dignitatem Apostolicam. Tercium est,
quod hæc habentur de expositione Beati Au-
gustini in lib. de consensu Evangelistarum. Quartum
est quod totum illud: Nolite possidere aurum

stat, quòd pertinet ad perfectionem vitæ.

Piçterea: ostenditur, quòd potestas dignitatis Apostolicæ, in sumptione necessarium de Evangelio, non præjudicat paupertati, & perfectioni vitæ consistenti in paupertate. Et ad hoc arguitur sic: Quando Christus ordinavit Apostolis de Evangelio vivere, constat, quòd non ordinavit eos sumere à credentibus necessaria, extorquendo per lites & violentias, sed petendo, & mendicando. Sed dominium & potestas in rem, quæ non potest haberi, nisi petendo, & mendicando, nihil differt à paupertate, sicut heres quanto tempore parvulus fuerit, nihil differt à servo, cum sit Dominus omnium: ergo potestas dignitatis Apostolicæ in nullo elongat eos à perfectione vitæ, quæ est in paupertate, ergo benè compatiuntur se perfectio vitæ, quæ est in paupertate, & paupertas dignitatis Apostolicæ.

Circa secundum, quòd dicit, quòd verba prædicta Salvatoris pertinent ad dignitatem potestatis Apostolicæ, advertendum est, quòd Salvator duo dicit: Unum mandando, scilicet, *non possidere aurum, neque argentum, neque es*: Aliud insinuando, scilicet, *hec necessaria debere eis ab alijs ministrari*, cum dicit: *Dignus est enim operarius mercede sua, cap. 6. Digni estis hæc recipere ab illis, quibus predicatis*. De hoc secundo satis patet, quòd pertinet ad dignitatem potestatis Apostolicæ, sed de primo non videtur verum, quis enim diceret, quòd potestatis, vel dignitatis alicujus sit non portare aurum, id est, non pretium victualium, non peram, id est, non victualia, non vestes duplices, & non calciamenta? Non itaque ista, sed horum contraria sunt potestatis, & dignitatis.

Præterea: concessa sunt hæc Apostolis in potestatem, & dignitatem, quæ quilibet potest habere, qui vult, & quando-cumque vult, certè si aliquo modo, & aliquando potestatis & dignitatis sunt, constat, quòd hoc non est nisi in eo, qui cui cum austeritate & potestate potest repetere, & sumere ab alijs, etiam quòd tibi debetur: ut si Dominus Rex sine argento & auro transfret per Civitatem Regni sui. Sed talis modus sumendi, & petendi, quòd debetur, non fuit licitus Apostolis, ergo prædicta abdicatio non potest dici pertinere ad dignitatem potestatis Apostolicæ, sed ad perfectionem vitæ, quatenus consistit in paupertate.

Tertium, quòd dicit, quòd prædicta

verba Salvatoris: *Nolite portare, & transire mercede sua*, secundum quòd exponit Augustinus non pertinent ad perfectionem vitæ, sed ad dignitatem, dupliciter intelligi potest. Si intelligat, quòd de expositione prædictorum non habetur, quòd prædicta verba pertinent ad perfectionem vitæ, verum dicitur, quia nec Augustinus, nec alij Sancti semper exponunt Scripturam Sacram omnibus modis, quibus potest convenienter exponi. Si tamen intelligat, quòd per expositionem Augustini haberi potest, quòd prædicta verba Christi non pertinent ad perfectionem vitæ, sic fallum dicit, sicut patet consideranti verba Augustini, quæ sunt hæc: Cum scilicet ait te diceret eis Christus, id est Apostolis, *Matt. 10. Luc. 10. Nolite portare aurum &c.* continuo subiiecit: *Dignus est operarius mercede sua, siue eius suo*. Unde satis patet, cur eos hæc possidere, aut ferre noluerit, non quia non sint necessaria sustentationi huius vitæ, sed quia eos sic mittebat, ut eis hæc exhiberi monstraret ab illis, quibus Evangelium credentibus nuntiarent. Hæc Augustinus in his verbis non negat Augustinum, prædictorum necessarium abdicatorem ad perfectionem vitæ pertinere, quamvis insinuet eorum ministrationem à credentibus deberi. Salvator ergo per prædicta verba abdicavit Apostolis necessaria, & sic indicavit eis necessitatem, & ideo ne timerent penuriam, & verecundiam, aperuit eis necessaria debere ab auditoribus. Unde dicit Ambrosius *Homil. 33. super Matth. Et non dicant Apostoli. Mendicantes iubes nos vivere, & verecundanter. In hoc monstrat hoc debitum existere, operarios eos vocando, & quòd datur mercedem nominando*.

Quòd infert quarto, quòd totum illud: *Nolite possidere aurum &c.* non est præceptum nec consilium, sed concessio. Hoc revera videtur esse contra Evangelium, & contra Sanctos. *Matt. 10. Scribitur: Hos decem misit Iesus præcipiens eis, & dicens: In viam gentium ne abieritis. Et paucis interpositis subditur: Nolite portare aurum.* Et *Marci* secundo expressius præcipit eis: *Nequid tollerent in via, non virgam, non peram, non panem, neque es, & zonam, sed calceatos sandalijs, & ne induerentur duabus tunicis.* Et *Ambrosius super Luc. super illud: Nolite portare &c.* ait *Ambrosius: Matthæus scripsit quoniam dixit ad Discipulos Dominus: Nolite portare aurum, &c.* Si prohibemur aurum possidere, quid eripere, quid auferre? Si quòd habet donare præcipiatur: quæadmodum cõteris quòd possidere prohiberis? Et infra: *Non tam gloriatur Peram, quàm aurum, & argentum non habeat, quàm quod servet Domini præceptum: Nolite possidere, &c.* Item

Item super illud Act. 3. *Argentum, & aurum non est mihi: Memor precepti illius: Nolite possidere aurum &c. pecunia, quæ ad pedes Apostolorum ponebatur, non sibi, sed ad usus pauperum recondebatur. Et Gregorius 17. Homil. Evangelij: Qui peram, & sacculum portare prohibuit, sumptus & alimenta ex eadem predicatione concedit. Nam sequitur: In eadem domo manete, edentes, & bibentes &c.*

Ex his patet, quod pars prædictæ auctoritatis præceptorie, vel prohibitorie dicta est. Finis enim, vel illud quod intelligitur per finem, scilicet, sumptio necessariorum ab audientibus, dicitur per modum concessionis. Unde super illud 1. Corint. 9. *Nunquid non habemus potestatem manducandi, & bibendi, dicit Gloss. Permisit Dominus, sed non iussit Apostolis accipere necessaria à subditis, ut quisquis vellet, uteretur eo, quod sibi liceret ex Divina constitutione. Si quis verò eo uti nollet, non contra iussum faceret, sed suo juri cederet.*

Responsio ad hæc secundum Thomam.

Ista verba Thomæ, si benè advertantur, sententia Augustini de consensu Evangelistarum plenariè innituntur. Ait enim August. ibi sic: Cum enim secundum Matthæum diceret eis: *Nolite possidere aurum, neque argentum, neque pecuniam in zonis vestris, non peram in via, neque duas tunicas, neque calciamenta, neque virgam, continèd aliecit: Dignus est enim operarius cibo suo. Unde satis ostendit, cur eos hæc possidere aut ferre noluerit: non quod necessaria non sint sustentationi huius vitæ, sed quia eos sic mittebat, ut eis hæc deberi monstraret ab illis ipsis, quibus Evangelium credentibus annuntiarent: tanquam stipendia militantibus, tanquam vineæ cultoribus, tanquam lac gregis pastoribus. Unde Paulus dicit, 1. Corint. 9. Quis militat unquam suis stipendijs? Quis plantat vineam, & de fructu illius nunquam edit? quis pascit gregem, & de lacte gregis non percipit? Hinc enim loquebatur de his, quæ necessaria sunt predicatoribus Evangelij, unde paulo post dicit: Si nos vobis spiritualia seminavimus, magnum est, si carnalia vestra metamus? Si alij potestatis vestra participant, nonne magis nos? Sed nō usi sumus hac potestate. Unde apparet hoc non ita præcepisse Dominum, tanquam Evangelista aliunde vivere nō debeant, quàm eis præbentibus, quibus annuntiant Evangelium, alioquin contra hoc præceptum fecit idem Apostolus, qui victum de manuum suarum laboribus transigebat, ne cuiquam gravis esset; sed potestatem dedisset, in qua scirent sibi ista deberi. Cum au-*

tem à Domino aliquid imperatur, nisi fiat, inobedientia culpa est: Cum autem potestas datur, licet cuique non uti, & tanquam de suo jure recedere. Hæc ergo loquens Dominus Discipulis, id agebat quod iste Apostolus paulo post apertius explicat ita: Nescitis quoniam qui in templo operantur, quæ de templo sunt, edunt, qui altari deseruiunt, altari compariantur. Sic & Dominus ordinavit his, qui Evangelium annuntiant, de Evangelio vivere. Ego autem nullus horum usus sum. Cum itaque dicit ita Dominum ordinasse, se autem usum non esse, utique ostendit utendi potestatem datam, non impositam servandi necessitatem. Hoc ergo ordinans Dominus, quod eum ordinasse dicit Apostolus, qui Evangelium annuntiant de Evangelio vivere: illa Apostolus loquebatur, ut securi non possiderent, neque portarent huic vitæ necessaria, nec magna, nec minima. Ideò posuit, nec virgam, ostendens à fidelibus suis omnia deberi ministris suis, nulla superflua requirentibus, ac per hoc addendo: Dignus est operarius cibo suo, prorsus aperuit, & illustravit, unde, & quare omnia loqueretur. Hanc igitur potestatem nomine virgæ significavit, cum dixit: ne quid tollerent in via, nisi virgam tantum. Cum igitur prædicta sententia Thomæ iam plenariè (sicut patet intuenti) in prædictis verbis Augustini contineatur, nimis est verecundum; immò errori propinquum, eandem sententiam fore contrariam dictis Sanctorum, & ipsam contra Sancta Evangelia dicere, quam per sensum Evangelistarum protulit tantus Doctor. Non tamen negamus; quin verba illa aliter valeant exponi, & quod non habere argentum, vel aurum in paupertate voluntariè assumpta ad perfectionem pertineant, prout dictum est, quod & ipsi in proposito multipliciter, sicut patet, astruere nituntur. Ex his tamen non sequitur, quin verba Domini prædicta eo modo, quo ea exponit Augustinus loco prædicto, non pertineant ad perfectionem vitæ, sed ad perfectionem dignitatis Apostolicæ, quod quia evidenter in verbis Augustini relucet præallegatis, ad refellendum omnia, quæ dicunt, ad præsens plura adducere non oportet; qualiter enim non habere huiusmodi pertineat ad perfectionem, dictum est in responsionibus supra ad objecta contra secundam secundæ articulo 15. ubi objecta eorum, quæ contra Thomam habent, in hac parte evidentiùs dissolvuntur, per quæ patet responsio ad ea, quæ hic obijciuntur ad idem intentum suum concludendum. Quid autem principaliter in hoc toto intenderint, lectoris arbitrio relinquatur.

Finit Correctorium Egidij Rom. Corruptorij doctorum Thomæ in questionibus disputatis de Virtutibus. SE.

SEQUUNTUR

RESPONSIONES

AD OBJECTA CONTRA

dicta Thomæ in QUESTIONIBVS DE
POTENTIA DEI.

ARTICVLVS I.



De hoc, quod Thomas quest. A ibi diffusius dicunt, & ad illud, quod hic
3. artic. 1. ubi queritur: utrum Deus possit aliquid
creare de nihilo? in res-
pmsione 12. argumenti
dicit, quod materia, pro-
priè loquendo, non habet
ideam in Deo, nisi compo-
siti. Et in parte prima q.
15. artic. 3. in responsione. tertij argumenti dicit:
Sic materia habet ideam in Deo, non tamen aliam
ab idea compositi, nam secundum se nec habet
esse, nec est cognoscibilis.

CORRVPTORIUM.

HOc est falsum, quia cum materia, pro-
priè loquendo, habeat aliam essen-
tiam ab essentia formæ, & compositi: ne-
cesse est, quod materia in Deo habeat ideam
sue essentia correspondentem, vel erit po-
nere aliud à Deo principium, in quo ma-
teria suam habeat ideam, quod erit materie
effectivum, vel quod materia habeat esse
æternum, non à Deo, vel ab aliquo princi-
pio causatum, quorum utrumque est erro-
neum. Hoc alibi est improbatum, & magis
diffusè supra contra de veritate in articulo tertio.

Responsio ad hæc secundum Thomam.

Verum est istud, quod tamen nixi sunt
supra improbare; sed ad illa, quæ

reperunt, patet solutio per ea, quæ dicta
sunt in responsionibus ad objecta contra primam
partem artic. 4.

ARTICVLVS II.

De hoc, quod Thomas dicit quest. 3. artic.
9. ubi querit: utrum anima rationalis
educatur ad esse per creationem, vel trans-
ductionem? In responsione 9. argumenti
B loquens de generatione hominis, ita dicit: Per vir-
tutem formativam, quæ est à principio in semine
prius abjecta forma spermatis, &c. Tandem ab
his alijs formis inducitur à creatore anima, quæ
simul est rationalis, sensibilis, & vegetabilis.

CORRVPTORIUM.

HIC redit ad unitatem formæ in ho-
mine, quod reprobatur in ho-
de Anima articulo 11.

Responsio ad hæc secundum Thomam.

HIC oportet redire ad responsiones
quæ data sunt supra contra primam
partem articuli 31.

ARTICVLVS III.

A variationis, sed idem est conditio, & productio, ergo &c.

Responsio ad hæc secundum Thomam.

D hoc, quod Thomas quest. 5. articulo 1. in responsione secundi argumenti dicit, quod non alia operatione Deus producit res in esse, & in esse conservat.

CORRUPTORIUM.

Contra hoc est, quod creatio nec est, nec esse potest per cooperationem alius cuius alterius. Conservatio autem multorum potest esse per cooperationem gratie, artis, & naturæ, huiusmodi ergo non sunt idem.

Præterea: operatio, qua Deus producit res in esse, & conservat eas in esse, dupliciter potest intelligi: vel operatio operans, id est voluntas, qua res in esse producit ex nihilo, & juxta quam sic res productæ in esse conservantur, & si sic accipiat, alia dicenda est operatio ab illa secundum rationem, non secundum rem, quia alia est voluntas secundum rationem, qua Deus vult rem in esse produci, & alia qua vult rem in esse conservari. Nisi enim poni posset diversitas, vel pluralitas voluntatum secundum rationem, non secundum rem, sicut idearum, posset dici, quod esset eadem voluntas Dei, qua vult Solem oriri, & Luciferum damnari, & Petrum salvari, quod non videtur. Potest etiam operatio, qua Deus res producit in esse, & operatio qua res in esse conservat, intelligi operatio operata, scilicet inchoatio essendi, & continuatio essendi, siue res incipiens primò esse, & res permanens in esse, & sic adhuc non sunt penitus idem operatio productionis & operatio conservationis. Nam *Genesis* 1. dicitur: *Requievit Dominus die septimo ab omni opere, quod patrarat.* Et *Ioannis* 5. dicitur: *Pater meus usque modo operatur, & ego operor.* Sed alia est operatio, à qua requievit, & qua semper operatur: quievit enim à productione rerum productarum, & operatur usque nunc rerum conservationem, alias enim in nihilum tenderent secundum *Gregorium*. Alia ergo operatione producit res in esse, & conservat eas in esse.

Item *Augustinus* super *Genesim* 6. dicit: *Aliud est opus conditionis, & aliud opus conservacionis.*
B. *Egid.* def. Oper. Div. Thom.

In quest. ubi supra ponitur, quod impugnant in Thoma in responsione argumenti 2. ubi dicti sui rationem reddit, dicens: *Ipsum esse rerum permanentium non est divisibile, nisi per accidens, prout alicui motui subiacet, secundum se autem est in instanti, unde operatio Dei, que est per se causa, quod res sit, non est alia, secundum quod facit principium essendi, & essendi continuationem.*

Ad ea autem, quæ obijciunt, dicendum, ad primum, quod ea, quæ producuntur à Deo, immediatè ab eo conservantur in esse. Et loquor de his, quæ alia via in esse produci non possunt, cuiusmodi sunt intelligentiæ, & Angeli, & corpora cœlestia, & huiusmodi, quæ verò producuntur, vel produci possunt de sua natura à Deo per causas medias, illa apta nata sunt per aliquas causas medias conservari in esse.

Ad secundum dicendum, quod operatio Dei operans, nihil aliud est, quam sua essentia, quæ est omninò invariabilis.

Nec videtur inconueniens, quod sit eadem operatio, vel voluntas Dei, ad quam consequuntur effectus diversi, dummodo tamen sint tales, qui conveniunt ipsi, hoc dixerim propter hoc, quod interferunt de Luciferi damnatione. Ipsa enim culpa, pro qua damnatur, ab ipsa voluntate Dei non processit, verumtamen concedendum est, quod eadem est voluntas Dei invariabilis, qua vult bonos pro suis benemeritis premiari, & qua vult malos pro suis demeritis damnari. Operatio verò Dei operata, hæc est creatio vel productio passio, & similiter conservatio passio non dicunt aliam rem absolutam additam rei, vel ejus esse à Deo accepto, quoniam creatio passio dicit mihi ipsam acceptionem esse rei cum quadam novitate. Conservatio verò includit eandem acceptionem, circumscripta novitate, intellecta secundum nostrum modum intelligendi quadam continuatione, quamvis in ipso esse rei permanentis continuas nulla cadat, cum sit totum simul, & in indivisibili consistat.

Quod autem dicitur *Ioan.* 5. *Pater meus usque modo operatur, potest verificari uno modo, quod non cessat à rerum productione.*

ne; & tunc sicut res sunt alia, sic productiones sunt alia, & similiter conservaciones. Si autem intelligatur, quod quæ prius operatus est per creationem, adhuc dicitur operari propter earum conservacionem, tunc ista duæ operationes, ut dictum est, realiter differre non possunt, quoniam acceptio esse cum sui novitate, vel cum quadam continuatione intellecta, penitus eadem esse reperitur.

Ad tertium, quod dicit August. Aliud esse opus conditionis, aliud conservacionis, habet intelligi de aietate secundum rationem, & eo modo concedimus ista duo esse diversa, hoc verò non est contra Thomam, qui ponit B utrumque ad eandem operationem realiter pertinere.

ARTICVLVS IV.

DE hoc, quod dicit Thomas in de potentia Dei quest. 5. artic. 8. ubi quaerit: utrum, cessante motu cæli, remaneat actio, & passio in elementis? In respon-

sione principali: Substantia separata sunt perfectiores in agendo, quam corpora caelestia, quia non sunt composita ex materia, & forma

CORRVPTORIUM.

HOc ultimum est falsum, scilicet de substantijs separatis, ut ostensum est parte prima.

Responsio ad hæc secundum Thomam.

IN responsionibus contra primam partem articulo 10. patuit, quàm nulla sit eorum ostensio, & quàm falsa positio in hac parte.

✠✠✠ ✠✠✠ ✠✠✠ ✠✠✠ ✠✠✠
✠✠✠ ✠✠✠ ✠✠✠ ✠✠✠ ✠✠✠

Finit Correctorium Egidij Romani Corruptorij dictorum Thomæ in questionibus disputatis de Potentia Dei.



INCIPIUNT

RESPONSES

AD OBJECTA CONTRA

DICTA THOMÆ IN QUESTIONIBVS DE
QVODLIBETIS.

ARTICVLVS I.



DE hoc, quod Thomas quod. Apti sunt, existunt; per hoc autem, quod inter praesentes existunt, nunquam recedunt.

Item dictæ positiones sunt contrariæ cuidam positioni Parisiensi per sententiam, quæ est, quod Angelus est in loco per diffinitionem, & ideo locus Angelorum, & animarum beatarum, qui erit corporum glorificatorum, erit Caelum Empyreum.

sactum virtutis, hoc est per operationem. Et in parte 1. q. 52. artic. 1. in responsione principali dicit, quod Angelus per applicationem virtutis Angelicæ ad aliquem locum qualitercumque dicitur esse in loco, unde non oportet, quod sit in loco, ut continentur, sed ut continens aliquo modo. Et eadem B q. artic. 3. in responsione principali dicit, quod Angelus dicitur esse in loco per hoc, quod virtus ejus immediate contingit locum per modum continentis perfecti.

Item videtur favere errori 24. nuper condemnato, qui est, quod animæ separatae non sunt alicubi, nisi per operationem, & non possunt moveri ab extremo in extremum per medium, nisi quia possunt velle operari in medio; vel extremis: error est, si intelligitur substantiam Angeli non esse in loco, nec transire de loco ad locum.

Responsio ad hæc secundum Thomam.

CORRUPTORIUM.

SI intelligit, ita quod non sit aliter in loco, quàm hic, & alibi verba sua intendere videntur, manifestè est erroneum, & contra Evangelium Matth. 18. Angeli eorum semper vident faciem Patris &c. Cum igitur Angelus ad operationem, vel operatione (quæ est Dei visio) non attingat locum, nec indigeat loco; Angeli soli Dei contemplationi vacantes, qui dicuntur assistentes, jam non erunt in loco, & per consequens nec in coelis: cujus contrarium tenet Fides, & Evangelium. Vnde Gregorius 2. moralium: Angelorum spiritus loco quidem incircumscripti sunt, sequitur quidem per hoc, quod incircumscri-

QValiter hoc, quod hic, & alibi dicit Thom. nullius assertioni verè contrarietur, immò ipsam contineat veritatem, dictum est supra in responsionibus ad objecta contra primam partem art. 16. In nullo enim obviat sua positio, quin Angeli sint in coelo, siue alio quocumque loco, ut ipsi sibi hic, & alibi falsè imponunt, sed, sicut patet intelligenti, pulcherrimè docet modum, quo spiritus in corpore, & loco sunt ponendi, & qualiter eorum transitus, quem non negat, sed declarat, debeat intelligi. Vnde contra eum non sunt, quæ hic, & alibi contra ipsum obijciuntur, sicut supra in articulo 16. supradicto ostensum est.

ARTICVLVS II.



E hoc, quod Thomas quodlibet. i. q. 6. ubi quaeritur: utrum anima rationali adveniente corpori, corrumpantur omnes formae, quae prius fuerant substantiales, & accidentales? In responsione principalis dicit, quod impossi-

bile est in uno, & eodem plures formas substantiales esse, & hoc ideo, quia ab eodem res habet esse, & unitatem. Manifestum est autem, quod res habet esse per formam, unde & per formam habet unitatem, & propter hoc ubicumque est multitudo formarum, hoc non est unum simpliciter. Et infra, unde, adveniente forma humana, tollitur forma substantialis, quae prius inerat, alioquin generatio unius non esset corruptio alterius. Formae vero accidentales, quae prius inerant, ut dispositiones ad animam, corrumpuntur quidem non per se, sed per accedens ad corruptionem subjecti.

CORRVPTORIUM.

Haec positio reprobata est supra 3. l. & 48. articulis primae partis.

Ad illud tamen, quod multitudo formarum est contra rationem unitatis. Dicendum, quod res, in qua est multitudo, & gradus formarum, est una per formam ultimam, ut expresse dicit Philosophus 8. Metaph. & Commentator Tex. comm. 16. ejus in parte illa. Et cum nos (inquit Commentator) dicimus, quod unum, quod significat diffinitio una, est unum per substantiam, quae est forma, scilicet, per ultimam formam, & ultimam differentiam, est ergo talis res una simpliciter, & indivisibilis.

Ad aliud dicendum, quod adveniente anima rationali, &c. quod illa propositio, i. de generat. Tex. comment. 17. Generatio unius est corruptio alterius, & e converso, habet veritatem semper in generatione simplicis: sicut quando elementum generatur ex alio elemento; non autem habet semper veritatem in generatione compositi, scilicet, quando compositum generatur ex simplicibus, sive compositum ex composito: quamvis in singulis elementis sint plures formae substantiales, ut forma substantiae, forma corporis, & forma elementaris, tamen sola forma elementaris facit elemen-

tum existeret in actu, ergo elementa non existunt in actu, nisi per formas elementares, quae contrariae sunt, & ideo quando unum generatur, aliud corrumpitur non sic autem est in generatione mixti ex simplicibus elementis, quando enim mixtum generatur ex simplicibus elementis, corrumpuntur elementa? Absit, sed aliter ratur secundum Philosophum, generatio ergo unius non est corruptio alterius in talibus.

Aliter potest dici, quod propositio habet veritatem, si recte intelligitur, & secundum mentem auctoris: non enim citat Philosophus, quod generatio alicujus est corruptio ejusdem, sed corruptio alterius, ut patet in generatione enim hominis ex semine primo induitur forma embrionis, secundo anima vegetativa, tertio sensitiva, tandem infunditur rationalis, haec omnia pertinent ad generationem unius, & eadem, & ideo non oportet, quod per infusionem animae rationalis corrumpatur sensibilis, & vegetativa, quia ad ejusdem individui generationem pertinet.

Responsio ad haec secundum Thomam.

Haec positio declarata est supra in responsione ad objecta contra primam partem art. 2. & 45. quae autem hic dicunt, nullae sunt momenti. Quod enim dicunt de Philosopho, & Commentatore, quod diffinitio est una formae ultimae, nihil facit pro eis, quia Philosophus, & Commentator non ponunt aliam formam, nisi unam, quae sub una ratione significatur nomine generis, & differentiae prioris sub alia ratione illa eadem, non alia, significatur nomine differentiae ulterioris, ultimae: & quod haec sit eorum intentio patet expresse per hoc, quod dicit Commentator 3. Metaph. Comm. 16. cujus verba adducuntur supra articulo supra dicto.

Quod autem dicunt consequenter elementa manere in mixto, non corrupta, alterata, manifestum est contra Philosophum de generat. Tex. comment. 84. Quod est actum, & non corruptum, manet actu, ergo elementa sunt in mixto, essent ibi actus, quod est contra textum Philosophi, qui dicit quod non sunt actu, sed virtute. Quod quidem debeat intelligi, patet ex dictis ibi supra.

Item, alia responsio, quam nihil valet. Quamvis enim sit totus ille processus dispositionis materiae a semine usque ad infusionem animae rationalis, tamen

necesse est ponere, quod semen differt ab embrione, & embrio ab homine. Cum igitur generatio unius sit corruptio alterius, necesse est dicere, quod generatio embriionis sit corruptio seminis. Et similiter generatio hominis est corruptio embriionis.

Quod etiam fingunt tres animas, est contra Augustin. & merito reprobandum, ut patet supra 31. artic.

ARTICVLVS III.



SUPER hoc, quod Thomas dicit quodlibet. 1. quest. 15. ubi querit: utrum Religiosus teneatur obedire suo Prælato precipienti, ut revelet sibi aliquod secretum fidei sue commissum? Quod Religiosus non tenetur in casu

revelare Prælato secretum sibi commissum. Nam in responsione principali dicit, quod duplex est secretum. Unum quod vergit in periculum aliorum, quibus aliquis cavere tenetur, & hoc non tenetur celare, sed potius revelare. Aliud secretum est, quod de se celari potest sine peccato, & tale secretum nullo modo tenetur Religiosus Prælato pandere, etiam precipienti, quod est fidei sue commissum. Cujus ratio est, quia solemnior est obligatio ad servandum ea, quæ sunt fidei, & charitatis, quæ est ex lege nature, & ex promissione probata, quam ea, quæ est ex promissione, quæ est in Religione.

CORRUPTORIVM.

Secundum membrum divisionis non videtur verum, immò occasio ad non obediendum. Primum patet, quia sicut id, quod licet de se, quando prohibetur non licet, ita quod de se celari potest sine peccato: superveniente præcepto Prælati, jam sine peccato non potest Prælato celari, præcipiente cum possit, velit, & debeat prodesse, & non obesse. Secundum patet, scilicet, quod hæc sit contra bonum, & debitum obedientiæ, & ob hoc occasio inobediendi, quia scilicet subditus, profitendo, seipsum quoad corpus & animam dat, & committit Prælato suo, nihil sibi de se & rebus suis retinendo: si ergo recipit secretum fidei sue commissum, ita quod Prælato suo, prodesse & non obesse cupienti, non revelet, utique illicita est promissio,

& in præjudicium tam prælati, quam subditi, qui per Prælatum debet, & potest juvari, & idè non tenetur celare, sed præcipienti revelare, non obstante stulta promissione, secundum illud *Isid.* In malis promissis rescinde fidem, & in voto turpi muta decretum.

Præterea: per hoc quod ipse recipit secretum fidei sue commissum, non absolvitur à fide, quam debet Prælato vel Reipublicæ, quia ut dicit *Tullius* 2. officiorum: Nulla res magis rempublicam continet, quam fides, quare cum hujusmodi secretum celare est in præjudicium Reipublicæ, proximi, & Prælati, non tenetur Prælato precipienti celare, sed revelare.

B Ad rationem Thom. dicendum, quod obligatio fidei, quæ est virtus Theologica, solemnior est, quam obligatio promissionis in religione, non tamen obligatio fidei, quæ est virtus moralis, & iustitiæ, quia licet jure naturali obligamur ad servandum fidelitatem proximo, ita & ad obediendum Prælato obligamur voto solemnii professionis, siue religionis.

Responsio ad hæc secundum Thomam.

Professi in religione nunquam sic sunt obligati Prælato, quin possint fidelitatem proximo promittere, & promissum licitè servare. Ex quo patet, quod ista sententia Thom. est vera: quæ verò obijciunt frustra, frivola sunt, & vana.

Ad primum dicendum, quod, ratione præcepti Prælati, non potest fieri licitum, & debitum, quod de se illicitum, & indebitum est, cujusmodi est fidelitatem in promisso licito non servare. Et per illud patet ad secundum, quia non est obediendum, quantumcumque præcipiens Prælatus potest prodesse, quia non sunt facienda mala, ut eveniant bona, secundum Apostolum. Quod autem dicunt stultam promissionem esse mutandam, verum dicunt, sed talis non est promissio stulta, de qua loquitur Thom.

Ad rationem quoque malè respondent, quia contra virtutem moralem præcepto Prælati non est agendum, sicut nec contra virtutem Theologicam.

ARTICVLVS IV.

De hoc, quod Thomas dicit, quodlibet. 1. q. 16. ubi querit: utrum subditus teneatur revelare occultam culpam fratris Prælato etiam præ-

ciipienti? In responsione principali: Si proceditur via simplicis denunciationis, non tenetur subditus Prelato precipienti occultam culpam fratris sui revelare, nisi præcedente monitione videret eum incorrectum: immo magis peccaret, si ad præceptum Prelati revelaret, quia plus tenetur obedire præcepto Evangelij, quam Prelato, & multo magis peccaret Prelatus inducens subditum, ut perverteret ordinem Evangelij.

CORRVPTORIVM.

Circa hoc, quod præcipientem, & obediens condempnat ad mortale peccatum, videtur errare, quia iudicat de præcepto affirmativo, sicut de negativo. Illud enim *Matt. 18. Si peccaverit in te frater tuus, &c.* est præceptum affirmativum, quod obligat semper, non tamen ad semper, sed tantum pro loco, & tempore necessitatis, sicut illud: *Honora Patrem tuum, & Matrem, &c. Matt. 15.* Sunt autem sex casus, quibus concurrentibus peccat, qui fratrem peccantem non corripit secundum ordinem illum Evangelicum. Aliquo autem illorum deficiente non habet necessario illum corripere, sed potest, vel non corripere, vel saltem differre, & tunc Prelatus, qui potest, & vult prodesse, præcipit sibi revelare culpam fratris sui ad corripiendum, propter præcepti necessitatē necessario habet revelare subditus tali, qui potest, & vult prodesse, & non obesse; inquantum culpam fratris sui scit solus, revelet solus Prelato, si scit cum pluribus, revelet cum pluribus vel coram illis, ut secundum August. Ibi culpa moriatur, ubi oritur. De illis autē lex casibus tumuntur tres à parte fratris peccantis, & tres à parte corripientis. Primus à parte peccantis est, quod peccatum non tantum sit veniale, sed mortale, quod patet ex præcepto *Matt. 18.* ubi dicitur: *Si te & Ecclesiam non audierit, sit tibi quasi Ethnicus, hoc est excommunicatus.* Constat autem, quod fratrem lucrari præsupponit ipsum fuisse amicum; sed aliquis non amittitur, nisi per mortale peccatum: & propterea non debet quis excommunicari, nisi pro mortali peccato, & non veniali. Igitur præceptum datum est tantum de mortali, non de veniali. Qui ergo revelat ex causa veniale Prelato, non facit contra Evangelium, & per consequens non peccat, nec obediens nec præcipientis.

Secundus casus est, quod sit spes de pec-

cantis emendatione, & non timor probabilis de ejus pejoratione. Vnde *Proverb. 9. Noli arguere derisorem, ne oderit te.* Greg. in Gloss. Non est timendum, ne derisor cum arguitur, contumeliam tibi inferat, sed hoc potius prævenendum, ne tractus ad odium inde pejor fiat; idcirco tibi quandoque ab ejus correptione, non commodum est, sed dilectionis gratia cessandum. Et Augustinus de Civit. Dei: Si objurgandis corripiendis que malè agentibus quis parcit, quia eisdem ipse metuit, ne deteriores efficiantur, non videtur esse occasio cupiditatis, sed consilium charitatis. In hoc casu non tenetur frater fratrem peccantem corripere, quia tunc tenetur agnoscere vultum pecoris sui, ut ei pro loco, & tempore possit medelam adhibere. Certum est, quod in casu tenetur subditus Prelato precipienti obedire.

Tertius casus est, quando expectatur tempus magis opportunum pro faciendæ correptione, nam si rationabilem causam habeat, potest frater differre, ut Augustinus dicit 9. de Civit. Dei: Si propterea objurgandis corripiendis que malè agentibus quis parcit, quia tempus opportunum inquit, non est occasio cupiditatis, sed consilium necessitatis. Et in lib. de conspectu vitorum, & virtutum: Aptum tempus expectans, ut peccatorem arguat, & ejus delicta contra ejus faciem statuatur. Quando igitur frater sic expectanti præcipitur, ut revelet, tenetur revelare, quia Prelatus potest frequenter tempus aptum habere, ubi subditus non habet, sic enim correptio acceleraretur.

Ex parte autem corripientis debent concurrere tria ad hoc, quod statim debeat corripere. Primum est peccati cognitio, quia non sufficit suspicio, vel aliorum levis relatio. Vnde Augustinus de verbis Domini tractans illud. *Matt. 18. Si peccaverit in te frater tuus &c.* dicit: Quia peccavit in te, scis quia peccavit. Et infra: Homines adulteri, quando nobis produntur ab uxoribus suis... Si dicere tu adulter corrige te, primo fortè dicerem, nescirem, fortè quod temerè audieram, suspicarem. Propter quod dicitur Ecclesiastici 11. Priusquam interroges, ne vituperes quemquam, & cum interrogaveris, corripe justè.

Secundum quod in tempore correptionis sit in corripiendo mansuetudo, quia si quis iratus corripiat, magis provocat quam corrigit. Vnde *Iob. 36. Non te super ira, super quo Gregor. 7. Mor. Dignum quod est, ut cum aliena corrigimus, prius metamur, mens à sua accensione deservat, prius intra se ipsam zeli sui impetum tranquilla equitate compescat, ne, si ad animadvertenda vitia abrupto ser-*

corrigimus, peccatum corrigendo, peccemus. In correptione quidem vitiorum menti subesse debet iracundia, non praeesse. Si enim, qui corrigere nititur, ira superetur, plus opprimat, quam corrigit. Vnde *Iacob. 1. ira hominis iustitiam Dei non operatur. Et in psalm. Superbiae mansuetudo, & corripimur.*

Tertium est, quod in aliquo non sit maior corrigendi obligatio: nam si subditus videt, unam cum Praelato, fratrem illum subditum peccare, potest licite frater, non peccans supponere, quod Praelatus eum corripiat, sicut debet, ut habetur ad *Hebr.*

12. Quis enim filius, quem non corripit pater. Quia ut dicitur 3. Reg. 20. Custodi virum istum, qui si lapsus fuerit, erit anima tua pro anima illius.

Dico ergo, quod quaecumque in fratre, vel sciente peccantem, concurrunt tria praedicta cum tribus praehabitis ex parte fratris peccantis, tunc est tempus, & locus necessitatis, ita quod si non corripit, transgressor est illius praeccepti affirmativi: *Si peccaverit &c.* Si aliquid horum defuerit, non tenetur corripere, quantum est de virtute Evangelici praeccepti, quod est affirmativum, Evangelium enim intendit peccantis emendationem, & ideo corripiens sic se debet habere, quod valeat hunc finem adipisci. Quia ut dicit *Tullius in Rhetorica sua 1. lib. Ex utilitate reipublicae, non ex legis inscriptione, quae in litteris est, leges interpretari habent.*

Ob causam enim illam interpretari debent, ob quam institutae sunt. Et quia Praelatus potest facilius & melius corrigere subditum, quam frater subditus, cujus correptionem intendit Evangelium, hinc est, quod in his casibus ex vi illius praeccepti *Mat. 18. Si peccaverit &c.* non tenetur, nisi tunc corripere fratrem, cum tenetur Praelato praecipienti ejus culpam revelare, ut corrigatur, *Mat. 23. Quaecumque dixerint vobis, facite.* Quia ut dicit *Augustinus: Sive plendo, sive ignoscendo, solum hoc unum quaeritur, ut vita hominum corrigatur, licet enim secundum quaedam jura denuntians Praelato peccatum etiam ad correctionem non auditur, sed repellitur, nisi praemiserit charitativam admonitionem, quae fit in favorem pacis, & nederetur occasio subditis insurgendi contra Praelatos, quia haec de facili faciunt.*

tamen quando Praelatus religionis alicujus in capitulo, vel alibi agit familiariter, & ex statuto religionis ad subditorum correctionem, non semper est necesse ordinem corrigendi (positum *Mat. 18.*) servari, ut dicitur *extra. de accusationibus: Qualiter,*

& quando debeant &c. Hunc quidem ordinem non credimus, usquequaque circa religiosos observandum. Non igitur bene dicit *Thom.* dicendo: Quod Religiosus, Praelato praecipienti culpam fratris revelare, peccat obediendo, & Praelatus praecipiendo. Nec ordinem Evangelicum pervertunt in hoc; sed observant, quia sic quidam ordo regiminis sit, quod Rex judicat de factis Baronum, praepositus vero de factis civium, quando Praepositus videt, quod factum civis non potest judicare, vel non ita bene, saltem sicut Rex, si dimittit judicare, vel punire, ex hoc desert Regi, non pervertit ordinem.

Responsio ad haec secundum Thomam.

Vla ac forma denuntiationis, ac fraternalis correptionis secundum doctrinam *Fratris Thomae* declarata est superius in responsione ad obiecta contra secundam secundae art. 3. ex quibus patet, quod multa, quae hic tanguntur, sunt pro *Fratre Thomae*, & ea quae videntur contraria, ibidem dissolvuntur.

ARTICVLVS V.



De hoc, quod *Thomas* quolibet. 1. quest. 18. ubi quaerit: utrum perjurium sit majus peccatum, quam ipsum homicidium? In responsione questionis concedit, quod perjurium sit majus peccatum, quam homicidium & gravius,

quod confirmat per illud ad *Hebr. 10.* Omnis controversiae finis est iuramentum. Vnde ex hoc ipso, quod in causa cuiuscumque peccati desertur iuramento, manifeste ostenditur, quod perjurium pro maximo peccato debet haberi, nec immerito, quia perjurium videtur Divini nominis abnegatio.

CORRUPTORVM.

Simpliciter loquendo, non videtur verum, quod dicit; plura enim mala, quae proximum laedunt, & Deum offendunt, inventiuntur in homicidio, quam perjurio. Vnde si alicui haec necessitas in iudicio imponatur, scilicet quod vel occi-

dat,

dat, vel faciat juramentum, secundum rectam rationem, videtur, quod magis debeat vitare homicidium, quam perjurium. Vnde David, qui iurauerat occidere Nabal, poenituit, & magis iudicavit vitandum homicidium, quam perjurium; unde benedixit & Abigail, cujus persuasionem retraxit se ab homicidio, 1. Reg. 25.

Ad rationem, quam facit ad confirmationem dicti sui, dicendum, quod pari ratione posset concludi, quod perjurium esset gravius idolatria, & peccato sodomiae, quia in peccato cujuslibet criminis, si fama laboraret contra aliquem, & probari non potest, indicitur purgatio per juramentum, sed hoc non est, quia perjurium est gravius quolibet, sicut ipse supponit: sed quia alius modus, quo purgetur, utilior non invenitur, vel videtur: & quia etiam in juramento Deus testis invocatur, qui est veritas, quae nec fallit, nec fallitur.

Ad illud verò, quod addit, Quod perjurium est quedam abnegatio Dei, attendendum, quod non est verum; sed sunt multi, qui leviter, & scienter pejerant, qui nulla ratione, etiam pro morte vitanda, nomen Dei negarent.

Responsio ad haec secundum Thomam.

Licet quandoque plura mala sequantur ad homicidium, quam ad perjurium, tamen in casu posset contrarium evenire. Vnde secundum Thomam simpliciter major culpa invenitur in perjurio, quia committitur directe contra Deum, quam in homicidio, quod committitur contra proximum.

Secundo quod dicunt, quod secundum rectam rationem in casu necessitatis, si qua fingatur, cum tamen hoc non sit possibile, cum ad perjurium nemo possit compelli, debet homo magis vitare homicidium, quam perjurium, ex ipsa ratione Thomae patet esse falsum, probatio verò, quam ad hoc afferunt, nullam efficaciam habet, quoniam David minus recte iuraverat, & ideo melius sibi erat de malo illius juramenti incauti poenitere, quam super hoc ipsum peccatum homicidij superaddere: unde illa Abigail, David à juramento revocans inconsiderato, ait: Non erit tibi hoc in singulum, & in scrupulum Domino meo, quod effuderis sanguinem innoxium, aut ipse te ultus fueris. Ex quo manifestè datur intelligi, quod multò melius erat de juramento pro ultione inferre-

da poenitere, quam illum; qui mortem non meruerat ipso genere facti, ratione cujus & sanguis in textu dicitur innoxius: pro illo juramento servando interimere: *malis enim promissis rescinde fidem.* Ex hoc ergo non sequitur, quod simpliciter homicidium sit magis fugiendum, quam perjurium.

Quod autem dicunt ad rationem Thomae, quod pari ratione posset concludi, quod perjurium esset majus peccatum, quam idolatria, planum est intelligenti, quod non dicunt verum. Probatio quoque, quam ad hoc afferunt, non valet. Juramentum enim, quod fit in purgatione, alterius rationis est, quam illud, quod fit alijs causis determinandis judicialiter. Nam de ratione juramenti, quod fit in purgationem alicujus, est, quod agatur ad hoc, quod accusatus famae pristinae restituatur, non quia perjurium ipsis peccatis, quibus accusatur, ponderet in omnibus. In causis verò alijs judicialiter exequendis juramentum praestatur, quia hoc modo simpliciter sumitur, quod perjurium magis debeat evitari, cum sit directe contra Deum, quam laesio quaecumque, quae tangit proximum.

Quod verò dicunt, quod multi sunt, qui scienter pejerant, qui nulla ratione nomen Dei denegarent, etiam ratione mortis evitandae, manifestum est quod falsum dicunt, quia in dicto suo contradicunt, et includunt. Qui enim pejerant scienter, nomen Dei negant, & per ipsam pejerationem non potest aliud intelligi, nisi quedam ipsius nominis Dei abnegatio: unde pejerare, & Deum non negare, omnino repugnant, sicut esse hominem & non esse animal.

ARTICVLVS VI.



De hoc, quod Thomae. quod dicitur in 1. quest. 20. ubi quaeritur, utrum Monachus peccet mortaliter, comedendo carnes? In responsione dicit sic: Est compendiosum ad quid Respondens se voto religiosus astringat. Et si quis non vult se regulam servaturum, videtur se obligare ad singula, quae in regula continentur, & sic contra quodlibet eorum agendo, peccaret mortaliter. Et infra dicit sic: Et ideo Sancti, qui ordinem constituerunt, ne immitterent hominibus laqueos dant

ais, ordinaverunt modum profitendi, quo Religiosus non promittit se vire regulam, sed obedientiam secundum regulam. Beatus enim Benedictus statuit Monachum regulam profiteri, non quidem regulam observare, sed quod proficiens promittat secundum regulam conservationem morum suorum.

CORRUPTORIUM.

Primum, quod proficiens regulam astringat se ad omnia, quæ in regula continentur, ita quod peccat mortaliter faciendo contrarium, reprobaturum est à Gregorio, & Innocentio 4. & Alexandro 4. qui exponendo regulam Beati Francisci dicunt, quod Fratres per regulam non obligantur, nisi ad ea, quæ præceptorie, vel inhibitorie sunt expressa. Ad cætera vero Evangelica consilia, quæ in ea continentur tenentur sicut ceteri christiani, & eo magis de bono, & aequo, &c. Hoc etiam patet per Apostolum ad Gal. 5. Qui suscipit circumcisionem, debitor efficitur universæ legis &c. quæ patent supra contra secundam secundæ, scilicet, utrum Religiosus peccet mortaliter transgrediendo ea, quæ sunt in regula. Et etiam baptizatus promittit se, secundum Evangelium, servaturum mandata, scilicet, ut ad salutem necessaria, consilia ut expedientia, & ad perfectionem producentia. Similiter ergo cum in regulis Patrum sint quædam data per modum præcepti, & inhibitionis, quædam per modum statuti, quædam per modum monitionis, illi qui regulam profitentur, non se astringunt ad omnia per modum præcepti, sed ad aliqua, & ad aliqua non.

Præterea: quia quælibet regula est proprio professori pro lege, si Patres institutores Religionum voluissent profitentes regulam ad omnia obligare, ad quid distinxissent regulam per capitula? Quorum quædam continent substantialia ipsius regulæ, scilicet paupertatem, obedientiam, castitatem: quædam continent superadditiones præceptorum, & inhibitionum; quædam vero informationes agendorum; quædam monitiones cavendorum: quædam exhortationes perfectionum, secundum quem modum distinxit Beatus Franciscus regulam suam. Falsum est ergo, quod dicit, profitentes regulam obligari ad singula contenta in regula.

Secundum, quod dicit, quod Religiosus non debet profiteri regulam, sed obedientiam secundum regulam, est contra illam decretalem extra de regularibus, &c. sicut patuit supra.

B. Agid. def. Oper. Div. Thom.

Et præterea: si sufficit promittere obedientiam, ut dicit, ergo si regula non altringit ad continentum per modum præcepti, & si Prælatus per modum obedientiæ non prohibet, poterit Religiosus professus per dictam formam, si non est in sacris ordinibus, ducere uxorem, quod est absurdum: oportet ergo dicere, quod idem est profiteri regulam secundum obedientiam, & observationem morum secundum regulam profiteri, & e converso: alioquin ejus professio, qua profitendo obedientiam secundum regulam, & observationem morum secundum regulam, esset rationi rectæ, & juri canonico contraria.

Responsio ad hæc secundum Thomam.

Qualiter habeat intelligi, quod voventes regulam aliquam, vel vivere secundum regulam, vel obedientiam secundum regulam aliquam; & ad ea, quæ hic & alibi objiciuntur contra sententiam Thom. in hac parte, patet ex dictis supra in responsionibus ad objecta contra secundam secundæ, articulo 76.

ARTICVLVS VII.



De hoc, quod Thom. quodlib. 2. quæst. 1. ubi quærit: utrum Christus in triduo fuerit idem homo? In responsione principali dicit sic: Non potest dici, quod corpus Christi simpliciter fuerit idem numero, quia

qualibet differentia substantialis excludit idem simpliciter; animatum autem est differentia substantialis, & mori est corrumpi. Nec iterum potest dici, quod sit simpliciter non idem, vel aliud, quia non est secundum totam substantiam non idem, aut aliud.

CORRUPTORIUM.

HANC positionem videtur retractasse; ut dicitur. Sed quia retractatio non invenitur scripta. Dicendum, quod Corpus Christi mortuum in triduo fuit idem corpus numero simpliciter, non solum propter unitatem suppositi Divini, quod solum ibi erat, sed etiam propter unitatem

tem formę substantialis corporis inquantum corpus: eadem enim est forma corporis, & vivi, & mortui.

Ad rationem dicendum, quod animatum non est differentia substantialis corporis, ut corpus est, sed inquantum vivum. Est enim aliquid verè corpus sine anima: unde mori est corrumpi, non corporis, ut corpus, sed corporis vivi, inquantum vivum fuit. Et catholice est credendum, & tenendum, quod fuit idem simpliciter, quia eandem habuit materiam, & formam substantialem, vel corporalem.

Aliter dici potest ad rationem, quam insinuat, quæ licet formari potest: differentia substantiales secundum Porphyrium faciunt aliud, sed animatum, & inanimatum sunt differentia substantiales corporis secundum eundem, ergo faciunt corpus aliud, & aliud, ergo corpus Christi prius animatum, & postea inanimatum est aliud, & aliud. Dicitur potest, quod inanimatum dupliciter accipi potest, scilicet privative, & sic non est differentia constitutiva, quia privatio nihil constituit, ergo etiam nec sic est differentia divisiva, quia secundum Porphyrium eadem sunt differentia divisiva generum, & constitutiva specierum. Inanimatum ergo sic acceptum privative non facit Corpus Christi aliud, immò potius arguit, quod sit idem numero: Absentia enim certæ formæ sit in eodem secundum numerum, ubi fuit presentia, sicut dicitur in prædicamentis, quod privatio, & habitus dicuntur circa idem aliquid, & hoc modo succedit inanimatum animato in Corpore Christi. Alio modo accipitur inanimatum in divisione corporis positive, positivam enim oportet esse differentiam, quæ constituit inferius, & dividit superius, & sic acceptum inanimatum facit illud, sic autem non accipitur in Corpore Christi mortui, vel in quolibet alio.

Responsio ad hæc secundum Thomam.

Dici potest, quod Corpus Christi vivum, & mortuum est idem numero simpliciter ratione suppositi, ut dictum est supra in responsionibus ad objecta contra primam partem art. 31. Responsiones verò, quas hic afferunt ad argumentum Thom. nihil valent, sicut patet intuitu.

Quod enim primò affirmant, quod eadem est forma substantialis vivi, & mortui, est contra Philosophum, & contra omnem

(ut creditur) veritatem. Quod verò, quasi corrigendo se, dicunt de inanimato privative, & positive sumpto, scilicet secundum Philosophum, & omnes eum intelligentes. Nunquam enim est privatio formæ substantialis, nisi cum positione alius, quæ non compatitur secum præcedentem privationem. Quod verò dicunt: Quod privatio, & habitus habent fieri circa idem, sic intelligitur secundum Philosophum, quod privatio, & habitus in genere accidentis habent fieri circa idem subjectum actu existens. Sed in genere substantiæ circa materiam primam, quæ est ens in potentia, sicut patet per Philosophum ubique.

ARTICVLVS VIII.

De hoc, quod Thom. quodlibet. 3. quest. 1. ubi querit: utrum Deus facere possit, quod materia sit sine forma? In responsione principali dicit, quod hoc facere non potest, quia includit contradictionem, scilicet materiam esse actu, & non esse actu.

CORRUPTORIVM.

Hæc positio non est tenenda, quia præjudicat Sacramento Altaris, quod patet sic: Accidens plus dependet à subjecto, quàm materia à forma, ergo si non potest esse materia sine forma; multo fortius non potest esse accidens sine subjecto, sed hoc est falsum, immò de facto est accidens sine subjecto, ut patet in Sacramento Altaris. Major patet, primò, quia materia est substantia, accidens verò non. Secundò, quia licet materia sustentetur per formam, secundum quod forma est eius complementum, & non potest denudari ab omni forma per actionem naturæ, nihilominus tamen materia sustinet formam, secundum quod forma non potest esse, nisi materia subiecta, ut dicit Comm. comm. 88. super illud primi Physicorum, & jam diximus quando illa sunt. Accidens autem nihil sustentat, nec materiam, nec formam, nec quæ compositum, sed solum sustentatur. Vnde manifestum est, quod accidens est forma majoris dependentiæ, quàm materia.

Ad hoc respondet ibidem dicens: Quod accidens dependet secundum suum esse à subjecto

ARTICVLVS IX.



E hoc quod Thomas quodlibet 3. quest. 31. ubi querit: utrum demonstrativè possit probari, quod mundus non sit æternus? In responsione quest. dicit, quod ea que simpliciter Divine voluntati subsunt, demonstrativè probari non possunt,

quia ut dicitur 1. Corint. 2. Quæ sunt Dei, nemo novit, nisi Spiritus Dei. Creatio autem mundi à nullo alio dependet, nisi à sola voluntate Dei, unde ea quæ ad principium mundi pertinent, demonstrativè probari non possunt. Et post pauca. Est autem valde cavendum, ne ad ea quæ sunt fidei, demonstrationes quis adducat.

CORRUPTORIUM.

PRIMUM scilicet, quod demonstrativè probari non possit mundum non esse æternum, videtur esse occasio erroris ad credendum, quod fuerit æternus, vel potuerit esse. Dicimus enim, quod æternitas mundi improbari potest etiam demonstrativè, demonstratione scilicet per impossibile, sicut patuit supra. Et etiam aliter per unum, quod ipsi ponunt, quasi principium, omne compositum est novum, ut ponit Comment. 11. Metaph. comm. 29. ibi: Et voluntas, & actio. Constat autem, quod mundus est compositus maxima compositione, ergo est novus. Ratio autem sua non plus ostendit, quod non potest demonstrari æternitas mundi, quam æternitas animæ rationalis, vel Angeli, quia nec animæ, nec Angeli creatio dependet ex alia causa, quam ex sola voluntate Divina. Dicendum ergo, quod de his, quæ soli voluntati Divine subiacent, contingit loqui dupliciter. Vno modo antequam fiant. Alio modo postquam facta sunt. Si primo modo: sic nihil contingit de eis demonstrativè sciri, vel certitudinaliter, nisi per revelationem. Si secundo modo, sic contingit de eis multa sciri demonstrativè: quia ipsa factio eorum habet vim demonstrationis, & revelationis. Ita est de mundo, quia postquam factus est, potest demonstrari novitas ejus, sed antequam

sicut à causa sustentante ipsum. Et quia Deus potest conservare omnes effectus causarum secundarum absque ipsis causis, idè potest conservare accidens sine subjecto. Sed materia secundum esse actuale dependet à forma, inquantum forma est ipse actus ejus. Unde non est simile, hæc est ratio ejus. Sed ex hoc probatur illud, quod ipse negat de materia. Cum enim omne esse sit à forma, ut dicit Philosoph. 2. Text. comm. 37. de Anima, & Boetius lib. de Trinit. 3. & formam constat non primam causam esse, sed Deum, cum Deus (ut ipse dicit) possit producere omnes effectus causarum secundarum absque ipsis causis secundis, sequitur necessario, quod Deus possit facere materiam subsistentem sine omni forma, sicut hoc facit forma, cum causa prima plus influat in effectum, quam causa secunda, unde dicta positio videtur favere errori nuper condemnato, qui est, quod Deus non potest in effectum causæ secundæ, sine causa secundæ.

Ad illud de contradictione dicendum, quod implicare contradictionem potest intelligi dupliciter, scilicet simpliciter, & secundum omne tempus, ut currens non movetur: Aut ut nunc, aut secundum cursum naturalem, qui est nunc in rebus; talem contradictionem implicant, hæc asina loquitur, virgo parit, mortui resurgunt. Illud vero, quod primo modo implicat contradictionem, non potest Deus facere, sicut non potest sibi ipsum esse contrarius. Sed illud, quod implicat contradictionem secundo modo tantum, scilicet, ut nunc, Deus bene potest facere, quia si Deus aliter faceret, non implicaret contradictionem. Vel dicendum est, quod de ratione materiæ non est solum esse in potentia simpliciter, sed est solum in potentia secundum cursum modo inditum rebus; unde esse in actu secundum potentiam supra naturam, & esse in potentia secundum cursum naturæ, non dicunt contradictionem.

Præterea: esse materiæ non dependet ab actu formæ, & idè non dicit contradictionem, quia non est respectu ejusdem, sicut quod hoc sit longum respectu unius, & non respectu alterius,

Responsio ad hæc secundum Thomam.

AD ea, quæ hic dicuntur, responsum est supra in responsionibus contra ea, quæ obijciunt contra primam partem artic. 27.

quam fieret, nihil absolute de eo demonstrari potuit. Et quod dicit postea, cavendum est valde, nequis ad ea, quae sunt fidei, demonstrationes adducere presumat, quia per hoc excellentiae fidei derogatur. Veraciter nobis videtur per hoc, quod persuasio sua plus vergat in fidei detrimentum, quam in promotionem, imò est contra *Beatum Petrum* 1. can. 3. *Parati semper ad satisfactionem omni poscenti vos ratione de ea, quae in vobis est, spe, sicut supra.* Et cum addit, quod derogat fidei, eò quod veritas fidei excellit omnem humanam rationem. Dicendum, quod veritas fidei in aliquibus articulis, non in omnibus excedit rationem humanam, quia ut *Augustinus* dicit lib. de vera religione: *Omnia illa, quae primo credimus, vel non auctoritatem secuti, partim intelliguntur, ut sciatur esse certissima, partim ut sic videantur fieri posse, ac sic fieri oportuisse.*

Præterea: licet excedant rationem humanam pro tempore, quando fiunt; quan-

do tamen facta sunt, se ipsis rationem illuminant, & elevant ad ipsum factorem cognoscendum, ut habetur per illud ad *Rom.* 1. *Invisibilia Dei per ea, quae facta sunt.* Vnde etiam *Augustinus* 4. de *Trin.* Erit, inquit, nostra intentionis in hoc opere, quae credimus non probabiles tantum, verum etiam necessarias adducere rationes, & fidei nostrae documentum veritatis enumeratione & explanatione condere. Credo namque sine dubio ad quorumlibet explanationem, quae necesse est esse, non modo probabilia, immò etiam necessaria argumenta non deesse, quamvis illa inter nostram contingat industriam latere.

Responsio ad hanc secundum Thomam.

A De ea, quae hic dicuntur, diffusè dictum est supra in responsionibus ad objecta contra primam partem articulo 6. & 7.

FINIT CORRECTORIVM ÆGIDII ROMANI CORRVPT:
torij dictorum Thomae in questionibus disputatis de Quodlibetis,



INCIPIUNT

RESPONSIONES

AD EA QUAE OBJICIUNTUR

TVR CONTRA DICTA THOMÆ IN QVÆSTIO-

NIBVS SVPER PRIMVM SENTENTIARVM.

ARTICVLVS I.



De hoc, quod Thomas dis. 3. **A**tur : Quod maximè proprium est substantiæ, quod eadem numero existens susceptibilis est contrariorum, hoc autem nulli accidenti convenit, ut habetur in prædicamentis : convenit, dico, secundum se, quia licet eadem superficies sit susceptibilis albi, & nigri, hoc non est secundum se, ut dicit Avicena 5. *Metaphysicæ*, sed ratione substantiæ, quæ substar.

Quantum est totum potentiale.

Responsio ad hæc secundum Thomam.

CORRUPTORIVM.

HIC non video errorem, dicit tamen B planè contra August. 9. de Trin. cap. 10. ubi dicit, quod hæc tria amor, notitia, & mens, quæ dicit esse potentias anime, & partes imaginis sunt in anima substantialiter : vel (ut ita dicam) inquit essentialiter, non tanquam in subjecto, ut calor, & frigus, & huiusmodi. Item idem 10. de Trinit. cap. penul. Hæc, inquit, tria, memoria, intelligentia voluntas, quoniam non tres vite sunt, sed una vita, non tres mentes, sed una mens, nec tres substantiæ, sed una substantia. Et simile dicit in pluribus locis in lib. de spiritu, & Anima.

Idem videtur velle Avicena 6. de naturalibus, prima parte, ubi dicit : Quod anima est vis respectu actionum, & respectu formarum sensibilium, & intelligibilium, quas recipit : & potest dici forma respectu materiæ, in qua existit, ex quibus utrisque constituitur substantia, animal, & vegetabile.

Præterea : in libro predicamentorum dici-

Quia autem potentiæ animæ non possunt dici sua substantia, vel essentia, patet sic. Diversi actus requirunt necessariò diversa susceptiva, verbi gratia : Videre, & audire nequaquam possunt esse perfectiones ejusdem potentiæ, sed ipsa essentia animæ est proprium susceptivum actus essendi, sive ipsius esse, ergo necesse est, quod aliquid aliud ab essentia animæ sit susceptivum proprium ipsius operari, qui est actus alius ab esse, sive ab actu essendi diversus, igitur potentia, quæ perficitur per esse, sive per actum essendi.

Item, nihil habet potentiam activam, nisi in quantum est ens actu : potentia activa igitur præsupponit esse actu, & hoc ideo est, quia ipsum esse intimius se tenet cum essentia, quam potentia activa, quoniam essentia non potest intelligi habere potentiam activam, circumscripto esse actu. Bene autem potest intelligi, quod essentia perficiatur per esse suum, sive per actum essendi, cir-

circumscrip̃ta potētia actiua. Si igitur potētia animæ sit idem cum essentia, multo fortius ipsum esse erit idem cum eadem, & sic essentia creaturæ erit idem cum suo esse, quod est erroneum.

Adhuc operationes animæ sunt inter se realiter diversæ, verbi gratia, velle, intelligere, & huiusmodi, ergo & earum principia, cuiusmodi sunt potētiæ, scilicet voluntas, & intellectus, sunt inter se realiter diversæ, & sic non potest utraque esse idem, quod essentia animæ; quæcumque enim sunt eadem uni & eidem, etiam inter se sunt realiter eadem.

Sed si dicatur, quod idem sunt re, sed differunt ratione: hoc stare non potest, quia ex hoc, quod aliquæ res una siue natura una sumitur sub diversa ratione, non propter hoc est diversæ operationis principium, verbi gratia, potētia visiva, si sumatur in habitudine ad subiectum sub una ratione, vel in habitudine ad obiectum sub alia ratione, non propter hoc est diversæ operationis principium, ergo similiter nec in proposito.

Si autem dicatur, quod hoc non est ex diversa ratione, siue ex diverso modo considerandi, quod idem realiter sit principium proximum diversorum actuum, sed propter diversas habitudines, siue relationes, quibus idem ad diversa realiter refertur. Nec hoc quidem stare potest, quoniam relatio non est principium alicuius operationis, alioquin in relatione esset motus, quod patet esse falsum, ergo diversitas sola relationis non potest facere operationum, vel actuum diversitatem realem. Multa poterunt adhuc argumenta adduci, & multa inconuenientia ex ista positione, scilicet, quod potētiæ animæ sunt ipsa sua essentia, concludi, quibus posset probari, quod qui sunt positionis illius, non sunt longi ab errore.

Quod autem dicunt, huiusmodi opinionem esse contra sententiam Beati Augustini, paterè potest August. lucidiùs intelligenti non esse verum. Autoritates illas, quas adducunt de Augustino, exponunt Doctores per hoc, scilicet quod Augustinus non intendebat, quod potētiæ animæ in se considerata abstractivè, dicantur substantiales, vel ipsa substantia animæ, sed concretivè, ut videlicet notitia sumatur pro mente noscente, vel nota, & amor pro mente amante, vel amata, ubicumque ponuntur notitia, & amor ab Augustino esse ipsa essentia animæ, siue ipsi consubstantiales.

Quod autem oporteat dicto modo ver-

ba Augustini intelligere, patet, quia nequāquam in alio sensu verba ejus verificari poterunt circa hanc materiam. Ait enim 11. de Trin. cap. 4. loquens de Trinitate illa, quæ invenitur in parte imaginativa: Quod ergo est ad corporis sensum aliquod corpus in loco, hoc est ad animi aciem similitudo corporis in memoria: & quod est aspicientis visio ad eam speciem corporis ex qua sensus formatur, hoc est visio cogitantis ad imaginem corporis in memoria constitutam, ex qua formatur acies animi: & quod est intentio voluntatis ad corpus visum, visionemque copulandam, ut fiat ibi quedam unitas trium, quamvis eorum sit diversa natura, hoc est eadem voluntatis intentio ad copulandam imaginem corporis, quæ est in memoria, & visionem cogitantis, idest formam, quam cepit acies animi rediens ad memoriam: ut fiat & hic quedam unitas ex tribus non jam nature diversitate discretis, sed unius ejusdemque substantiæ, quia hoc totum intus est, & totum unus animus. Et eandem sententiam repetit 15. de Trin. cap. 3. Deinde ab ipso animo ab his, quæ extrinsecus sumpta velut introducta, inventa est altera Trinitas, ubi apparent eadem tria esse unius substantiæ, imago corporis, quæ in memoria est, & inde informatio cum ad eam convertitur animus cogitantis, & utrumque conjungens intentio voluntatis. Ecce in verbis auctoritatis primæ, species in memoria reposita, & ejus similitudo in acie cogitantis expressa, dicuntur esse ipsius animus, sicuti & voluntas utrumque conjungens: quoniam de tribus simul ait totum intus est, & totum unus animus. Sed manifestum est, quod nec species in memoria, nec etiam similitudo in acie cogitantis expressa est ipsa anima, vel ipse animus abstractivè intellectus, ergo oportet, quod ista sententia Augustini, sic intelligatur, scilicet, quod illud, cui species in memoria imputatur, & illud in cuius acie ejus similitudo exprimitur, ipse animus, vel anima esse dicatur, ut species, tam hæc, quam illa non pro ipsis speciebus abstractivè, sed pro ipsa anima ipsis speciebus informata concretivè accipiat. Igitur & in eodem contextu ipsa voluntas non quidem abstractivè accepta pro potētia sola, sed pro ipsa anima, in quantum sibi inest potētia volitiva, per quam copulat illam speciem, quæ est in memoria, & visione cogitantis, ipse animus, vel anima perhibetur per hoc quod dicitur, hoc totum intus est, & unus animus.

Quod etiam sic concretivè habeant intelligi verba Augustini, amplius patet ex verbis secundæ auctoritatis, quoniam

corporis, quæ in memoria est, & informatio cum ad eam convertitur acies cogitantis, & utrinque coniungens intentio voluntatis, impossibile est dicere esse ipsam essentiam, si abstractivè accipitur, quoniam ipsa species in memoria accipitur ab extrâ, sicut patet per Augustinum lib. 11. cap. 19. ubi: De ipsis imaginibus corporis: Intus, inquit, in anima eas invenit per corpus impressas; quod autem alicui ab extrâ imprimitur, nimis fatuè, & absurdè ipsa ejus rei essentia astringitur. Informatio quoque aciei nunc adest, nunc abest, & similiter intentio voluntatis, unde utraque operatio in genere accidentium necessariò reperitur, & per consequens ipsa substantia animæ nulla ratione poterunt affirmari. Verba igitur illa August. de istis sumptis concretivè habent intelligi sub hoc sensu, scilicet, quod illud cui species in memoria imprimitur, & quod per ejus similitudinem in acie expressam informatur, & quod per voluntatem formæ sic apprehensæ copulatur, est unius substantiæ, prout dicitur 15. de Trinit. & totum unus animus, prout dicitur, 11. capitulis præallegatis.

Illam auctoritatè August. 10. de Trinit. exponit Magister sententiarum 3. dist. sic hæc tria dicuntur una mens, &c. Hoc est in una mente, cujus sunt vires, & proprietates naturales, sicut patet per Magistrum ibidem.

Quod autè dicunt de Avicenna nihil est: licet enim Avicenna ponat eandem essentiam animæ esse radicem omnium potentiarum, quod utique est contra barbam ipsorū, cum ponant tres animas in homine, propter hoc non ponit, quod ipsæ potentiæ animæ sine ipsa ejus essentia. Quod dicit: Anima vis est respectu actionem &c. sic habet intelligi, quia in ipsa anima radicanter vires, quæ sunt principia omnium actionum hujusmodi.

Ad ultimum, quod insinuant, quod potentiæ animæ deberent dici substantiæ, quia sunt contrariorum susceptivæ. Dicendum, quod ipsæ potentiæ abstractivè intellectæ non sunt contrariorum susceptivæ, sed anima potius ipsis potentijs substrata suscipit contraria, virtutes scilicet, & vitia, sicut corpus subjectum quantitati suscipit album, & nigrum.

Ad evidentiam ejus, quod prædictum est, verba August. de ipsis concretivè sumptis debere intelligi, facit ipse modus ostendendi, quo probat notitiam, & amorem accidentia non esse, de Trin. 9. cap. 4. ubi dicit hæc non accidentaliter, sed substantialiter, vel (ut ita dicam) essentialiter, non tanquam in

subjecto, ut color, aut figura in corpore, aut aliqua alia qualitas, aut quantitas. Quidquid enim tale est, non excedit subjectum, in quo est. Non enim color iste, aut figura hujus corporis potest esse & alterius corporis &c. Planū est enim, quod si abstractivè accipiamus speciem intelligibilem, vel actum intelligendi, seu & actum amandi, non possunt suum subjectum excedere: nec notitia, vel amor, si sic accipiantur, alteri subjecto, quàm menti, poterunt inherere, nec plus quàm calor, vel figura sua poterunt excedere subjecta. Ut ergo iste sensus efficax inveniat, necesse est, quod verba sua sic intelligantur, scilicet, ut notitia sibi accipiat pro mente nota, & amor pro mente amata. Sic enim est valida ratio sua, quod sic patet, quia intelligere, & amare sunt actiones immanentes in agente. Hinc est, quod nullum accidens ponitur in objectis, quo transire intelliguntur, nullum enim accidens adjicitur auro ex hoc, quod est intellectum, vel amatum, sicut patet de calefactione, & dealbatione, per quas accidentia illa calefactis, & dealbatis acquiruntur. Ex hoc liquet, quod esse intellectum non addit aliquid menti intellectæ, sicut nec lapidi intellecto. Optimè ergo probat August. Quod notitia, & amor non dicuntur accidentia alia, inquantum sumuntur pro mente nota, & amata. Sine dubio tamen accidentia quodammodo includunt, quando sumuntur concretivè pro mente amante, & noscente, quia tam actus, quàm potentia hæc, & illa ipsi menti noscenti, vel amanti, ut subjecto inesse nullatenus formidatur.

ARTICVLVS II.



De hoc, quod Thomas scripto 1. disp. 8. q. 3. artic. 1. in solutione 3. argumenti dicit, quod primum mobile, quod philosophi dicebant motum ex se, est compositum ex motore, & moto, & reverà videtur intelligere non de motore separato, sed conjuncto, qui est anima, quod patet ex hoc, quod dicit motum ex se, & ita ponit celos animatos, ut multi philosophi posuerant, & poenè omnes.



CORRVPTORIVM.

HOC si sentit, videtur planè errare, sicut & Philosophi, qui hoc ponunt. Contra quos Damas. lib. 1. cap. 20. Nullus cœlos animatos existimet, inanimati enim sunt, & insensibiles. Item hoc est contra Rabbi Moysen, qui dicit: Si cœlum ab anima moveretur, aliquando quiesceret, cuius contrarium videmus. Item si cœli essent animati, cum corpora eorum sit nobiliora nostris, similiter & anime, ut videtur, & per consequens cœlum esset nobilius homine, & ita cum nobilius non sit propter ignobilius, non essent corpora cœlestia creata propter hominis servitium. Cujus contrarium habetur Deut. 4. Ne elevatis oculis ad cœlum videas Solem, & Lunam &c. quæ creavit Dominus Deus tuus in ministerium cunctis gentibus.

Responsio ad hæc secundum Thomam.

Qualiter Frater Thomas senserit de animatione cœli, & qualiter cum Beato Augustino in verbis suis concordaverit, ostensum est suprâ in responsionibus ad objecta contra questiones disputatas, artic. 13.

ARTICVLVS III.

DE hoc, quod Thomas scripto 1. disp. 8. q. 3. art. 1. in responsione 3. argum. dicit, quod primus motus est causa omnis motus corporalis, eò quod omnis motus corporalis ordinatur ad motum cœli localem.

CORRVPTORIVM.

HOC videtur minùs catholicè dictum. Primò, quia post iudicium secundum Fidem Catholicam, & Doctrinam Sanctorum cessabit motus cœli, & tamen in inferno transibunt de aquis nivium ad calorem nimium, ut habetur Iob. 24. Vbi autem transitus corporum, ibi motus corporales.

Secundò, quia post iudicium statim erit corpus Beati, ubi voluerit spiritus ejus. Exemplum, & probationem huius habemus in Christo post Resurrectionem, cuius

constat motus corporalis causa non fuisse motus cœli.

Tertiò, quia credimus motum resurrectionis corporum de pulvere terræ ad resurrectionem animarum, cuius causa non est motus cœli, nec ad motum cœli ordinatur.

Quartò, quia motus animalis, & hominis progressivus est motus corporalis, cuius causa non est motus cœli, sed appetitus.

Quintò, quia hoc est contra August. 9. confess. qui vult. quod cessante motu cœli, adhuc posset rota figuli moveri, & sermo distinctus per syllabas longas, & breves proferri, ubi sic dicit: An si cessarent cœli lumina, & moveretur rota figuli, non esset tempus, aut essent in verbis nostris syllabæ aliæ longæ, aliæ breves, nisi quia illæ longiori tempore sonuissent illæ breviori.

Responsio ad hæc secundum Thomam.

Quod omnis motus corporalis ordinatur ad motum cœli localem, patet per Philosophum 8. Physicorum text. comm. 57. nec hoc in aliquo fidei derogat.

Quod autem obijciunt de aquis nivium, &c. dici potest, quod motus ille non est naturalis, qualis est ille, de quo loquuntur Philosophi, sed sumitur ibi transitus pro immutatione, secundum quod sensus damnatorum à speciebus frigoris & caloris multipliciter cruciantur. Quod si quis motus, ac localis transitus debeat ibi poni, in principium supernaturale, vel voluntarium debet reduci, ita quod naturalis non debeat propriè dici, igitur motus corporum glorificatorum debet dici supernaturalis, in quantum consequuntur ad actum voluntatis. Motus quoque vel mutatio, quæ erit in resurrectione corporum, multò amplius in principio supernaturale reducitur, sicut patet.

Quod tandem de August. dicunt, quod cessante motu cœli, &c. verum est, quia per aliquem motorem liberè, ac voluntariè agentem benè localiter moveretur, sed non naturaliter, ita quod motus ille in principio, quod est natura, possit reduci: & quod intelligat de tali motu, qui procedit à principio voluntario, innuit per hoc, quod subdit de sermone distincto per syllabas longas, & breves, huiusmodi enim motus locutionum reducitur in principium voluntarium.

ARTICVLVS IV.

DE hoc, quod Thomas dicit 1. scripto dist. 8. quest. 5. art. 2. in responsione primi argumenti, quod anima non componitur ex aliquibus, quæ sint partes quidditatis ejus, sicut nec quælibet alia forma.

CORRVPTORIUM.

HOC est contra August. 7. super Genes. ad litteram parum ante finem, ubi dicit: quod anima primi hominis facta fuerit ex materia spiritali, quæ quidem formationem suam non tempore, sed origine præcederet, sicut vox cantum, & alia multa sunt contra hæc, quæ dicta sunt supra.

Ad argumentum in contrarium respondeo, quod est tale, in 1. de Anima Tex. comm. 6. dicitur: Anima est actus corporis, & ibidem dicitur: Forma nec est materia nec compositum.

Responsio argumenti non ostendit, nisi quod anima non est compositum, nec illud cujus est forma, & hoc est verum, quia non est corpus.

Secundò, omne compositum habet esse ex suis principiis componentibus, si igitur sit composita, tunc ipsa in se habet aliud quod esse, quod nunquam remouetur ab ea, cum sit immortalis.

Præterea: ex conjunctione corporis & animæ relinquitur quoddam esse, quod est esse hominis, ergo in homine est duplex esse, scilicet, esse animæ, & esse compositi, quod videtur impossibile: cum unius rei sit tantum unum esse.

Responsio, dicendum, quod hoc argumentum ita est contra ipsum, qui ponit animam immaterialem, sicut contra eos, qui ponunt eam compositam, quia tam ipse, quam illi ponunt eam existentem, quando est separata, & ita semper, quando est conjuncta, habet duplex esse, scilicet esse animæ, & esse conjuncti secundum hanc viam.

Ad argumentum tamen dicimus, quod esse compositi est esse duarum rerum, & non unius, & hoc non est inconueniens, quia duorum sunt duo esse.

Tertiò, omnis compositio, quæ aduenit alicui post suum esse completum, est accidentalis, si ergo anima est composita.

B. Egid. def. Oper. Div. Thom.

Ata ex suis principiis habens esse perfectum & compositio ejus cum corpore erit ei accidentalitudo: sed compositio accidentalitudo terminatur ad esse unum per accidens, ergo ex anima, & corpore non efficitur unum, nisi per accidens.

Respondeo, sicut prius, hæc ratio est contra ipsum, qui ponit animam simplicem formam per se subsistentem, & habentem esse naturæ suæ perfectum, ergo accidentalitudo erit compositio secundum hoc.

Ad argumentum tertium dicimus aliter, quod cum dicit animam habere esse perfectum, antequam conjungatur corpori, hoc esse falsum: quia enim anima apta nata est esse corporis perfectio, non habet perfectum naturæ suæ modum, nisi quando habet corpus sibi conjunctum, corpus inquam non animale, sed spirituale in tanta facultate sibi obediens, ut sit sibi gloriæ, quod prius fuit sarcinæ, ut habetur, 2. 1. super Gen. in fine. ita etiam modò non haberet esse perfectum suæ naturæ, nisi unita esset corpori animali, idest, quod facit animale.

Responsio ad hæc secundum Thomam.

QValiter anima intellectiva (sicut & Angelus) sit natura simplex, nec est composita ex materia, & forma, multis rationibus, & auctoritatibus poterit probari, patuit supra in responsionibus ad objecta contra primam partem, articulo 9.

Auctoritas autem August. quam hic & alibi pro se adducunt, nihil facit pro eis, si ex integro recipiatur, immò inuenietur, quod Augustino imponunt, quæ non habentur ab eo, ut patet per verba sua super Gen. 7. cap. 27. ubi sic ait: Frustrà jam queritur, ex qua veluti materia facta sit anima, si rectè intelligi potest in primis illis operibus facta, cum factus est dies. Sicut enim illa, quæ non erant facta, facta sunt, sic & hæc inter illa. Quod si & materies aliqua formabilis fuit, & corporalis, & spiritalis; non tamen & ipsa instituta, nisi à Deo, ex quo sunt omnia, quæ quidem formationem suam non tempore, sed origine præcederet, sicut vox cantum: & quid nisi de materia spiritali facta anima congruentius creditur. Ecce non asserit ex aliqua materia fieri, sed si fiat ex aliqua materia, fieri congruentius creditur ex spiritali. Quid autem sentiat de hoc secundum veritatem, explicat infra cap. 28. scilicet ultimo ejusdem libri, ubi sic dicit: Nunc ta-

men de anima, quam Deus inspiravit homini sufflando in eius faciem, nihil confirmo, nisi quia ex Deo sic est, ut non sit substantia Dei, sed sit incorporea, id est, non sit corpus, sed spiritus, non de substantia Dei genitus, nec procedens, sed factus à Deo. Nec ita factus, ut in eius naturā, natura ulla corporis, vel irrationalis anima verteretur, ac per hoc de nihilo, &c. Sed si de nihilo, ergo nec de materia corporali, nec spiritali, unde nihil valet, quod pro se adducunt illud, quod dicit Augustinus inquirendo sub conditione. Hoc autem pro nobis est, quod anima de nihilo, & per consequens de nulla materia: hoc asserit, & confirmat, sicut patet per verba sua inspicientibus præallegata.

Responsio verò, quam afferant ad primam rationem Thomæ, nihil valet. Pianum est enim, quod Philosophus distinguit substantiam in materiam, formam, & compositum verisimiliter 2. de Anima Text. comm. 2. sicut patet ex verbis ejus. Dicamus igitur genus unum, quoddam genus eorum, quæ sunt substantia. Hujus autem aliud quidem sicut materiam, quæ secundum se quidem non est hoc aliquid. Aliud autem sicut formam, & speciem, secundum quam dicitur jam hoc aliquid, & tertiam quæ ex his. Ex quo patet, quod omnis forma distinguitur contra compositum. Non igitur erit verum dicere de forma quacumque, quod non erit hoc compositum, sed quod est nullum compositum. Illa enim, quæ condividunt aliquod unum per se, & non per accidens, sic se habent, quod unum non solum in particulari, sed etiam in universali necessario removeretur, verbi gratia cum dicitur: *Animalium aliud homo, aliud asinus*. Cum igitur materia, forma, & compositum non per accidens, sed per se substantiam condividunt, sicut patet, necesse est hæc ab invicem universaliter removeri, ita scilicet quod nulla materia sit forma, vel compositum, & nulla forma materia, vel compositum, & nullum compositum materia, nec forma. Cum igitur Philosophus istam divisionem faciat, ut declaret animam esse formam, nulli dubium quin sequatur secundum ipsum demonstrativè *Animam non esse compositum*, non ut intelligatur, non esse hoc compositum; sed nullum. Potest enim sic formari: nullum compositum est forma, omnis autem anima rationalis est forma, ergo nulla anima rationalis est compositum, necesse est ergo ab anima, ex quo forma est, materiam & compositum universaliter removeri.

Quod autem dicunt ad secundum argumentum, est irrationabiliter dictum. Imprimis enim cum dicunt, illam rationem esse contrariam Thomæ, falsum dicunt. Ipse enim non ponit, quod ipsa forma anima recipiat quoddam esse in sua materia spiritali, quam ipsi fingunt, tunc enim sequeretur, quod cum aliud esse quoddam proveniret ex conjunctione animæ & corporis, quod duo esse essent in eodem. Ipse autem ponit, quod ipsa anima accipit esse primo in ipso corpore tanquam in propria materia, cujus est forma, unde ponit, quod anima & corpus unum esse constituunt, sive uniantur in unum esse. Quod autem dicunt respondendo ad prædictam rationem, quod omne esse compositum est esse duorum, non rei unius, hoc falsum est, quoniam compositum est res una. Ex materia, & forma etenim fit verè unum, ergo oportet, quod habeat unum esse: una enim potentia non potest perfici per duplicem actum, sed quidditas rei compositæ ex materia & forma est propria potentia hujus actus, scilicet esse, igitur impossibile est, quod rei, cujus quidditas est una, sint duo esse.

Quod etiam dicunt tertiam rationem esse contra Thomam, non continet veritatem. Ratio enim probat, quod si ipsa forma animæ acciperet esse completum suæ naturæ in materia illa spiritali sibi cōnaturali, prout ipsi fingunt, tunc necessario sequeretur, quod ejus compositio cum corpore esset accidentalis. Sed secundum viam Thomæ hoc non sequitur, cum ipse ponat animam quæ forma simplex est, suum esse completum recipere in corpore, tanquam in materia propria, quam perficit, unde unum cum corpore est secundum eum in uno esse substantiali.

Quod autem dicunt, Thomam dicere animam habere esse perfectum antequam corpori uniantur, ex dictis patet esse falsum. Ponit enim animam in corpore suum esse completum accipere, quod tamen eam ponit retinere à corpore separatam, ita tamen quod semper ad corpus habet naturalem inclinationem propter perfectiorem modum essendi, quem habet corpori conjuncta, quam à corpore separata.



ARTICVLVS V.



DE eo, quod Thomas dicit ibidem in solutione secundi argumenti, quod conjunctum non habet aliud esse, quam esse formæ. Itē in responsione 3. argum. addit, quod per conjunctionē animæ cū corpore non efficitur aliquod aliud esse, sed esse,

quod est animæ per se, efficitur conjuncti, ita quod conjunctum non habet aliud esse, quam esse formæ. Idem dicit dist. 15. quest. ult. in responsione principali.

CORRVPTORIUM.

Illud dictum oritur ex duplici errore, quorum unus est, quod una forma substantialis est in conjuncto, quæ cum materia prima, cui immediatè sine alia prævia dispositione conjungitur, facit compositum.

Secundus est, quod materia talis, scilicet prima, non habet esse, nec potest habere nisi per formam, & ambo errores à magistris sunt reprobati. Dico ergo, quod sicut compositum ex anima, & corpore est aliud ens, quàm alterum quodlibet componentium: ita etiam, & esse compositi est aliud, quàm esse formæ: esse enim est proprius actus entis, ita quod quodlibet ens habet suum esse. Cum ergo corpus ante animæ infusionem habeat esse, manifestum est, quod totum esse corporis in composito non est animæ; alioquin corpus post separationem penitus desineret esse, sicut accidentia, quæ non habent aliud esse, quàm esse suorum subjectorum, & ideo quando amittunt esse subjecti, amittunt penitus esse, nisi sustententur per miraculum, ut in Sacramento Altaris.

Responsio ad hæc secundum Thomam.

Qualiter unū est esse compositi ex anima & corpore, patet ex dictis supra art. proximo, & in responsionibus ad objecta contra primam secundæ art. 4. Qualiter etiam po-

Anere unitatem formæ, & simpliciter materiam sine forma esse non posse, ex dictis satis patet dici erroneum non debere.

Ad argumentum, quo nituntur ostendere, quod corpus habet esse in homine aliud ab esse animæ, quod ipsi corpori communicatur. Dicendum, quod corpus ante infusionem animæ habet esse à forma quadam, quæ in adventu animæ corrumpitur, propter quod esse, quod à tali forma habuit, non remanet, & post separationem nova forma inducitur, à qua aliud esse communicatur.

BQuod autem dicunt, quod ex hoc sequitur, quod corpus deberet penitus desinere esse, ad modum accidentium, manifestum est, quod non sequitur: Accidentia enim sunt indignantis nature, periri possunt, non mutari secundum Boëtium. Corpus autem physicum mobile est, & mutari potest: unde corpus vivum in morte non annihilatur, sed in corpus mortuum nova forma substantialis inducitur, & per consequens actu essendi novo naturaliter permutatur.

ARTICVLVS VI.

DE hoc, quod Thomas ibidem in responsione ultimi argumenti dicit animam individuari per corpus, & ex corpore: & quod impossibile est animam prius creari, quàm infundi.

CORRVPTORIUM.

Secundum dictum videtur planè derogare fidei, quæ dicit Deum omnipotentem. Cum animæ creatio nec sit, nec esse possit ab alio, quàm à Deo, dicere animam prius non posse creari, quàm infundi, non est aliud dicere, nisi quod Deus non potest eam prius creare, quàm infundat. Sicut secundum Ansel. Mundum non posse creari, nihil aliud est, quàm Deum non posse mundum creare, ergo non esset omnipotens.

Item hoc est contra Augustinum 7. super Gen. 24. Quod certè, inquit, humanæ opinioni tolerabilius mihi videtur, Deum in illis primis operibus (qui simul creavit omnia) animam etiam humanam creasse, quam suo tempore membrum ex limo formati corporis inspirare.

Item, individuationem animæ fieri per corpus, videtur esse falsum, & occasio errandi, quia sequitur ex hoc, quod vel anima post separationem à corpore desinat esse, vel saltem quod post mortem hominum erit unus intellectus tantum, vel anima. Si enim conjunctio cum corporibus facit distinctionem, & individuationem animarum, sequitur, quod separatio faciet unitatem.

Item arguitur sic, aut corpus est tota causa individuationis animæ, aut pars causæ, aut concausa. Si tota causa, ergo ipso posito, ponitur effectus, scilicet individuatō, & ipso remoto, removetur effectus, ergo post mortem non esset individuatō animarum, sed una tantum, vel unus intellectus, quod erat error *Aver. 3. de Anima comm. 5.* Si verò corpus est concausa individuationis, tunc quæro, quæ est illa pars, quæ est concausa cum illo? Non est dare nisi materiam animæ, sicut & ipsi dant in alijs formis, ergo anima habet materiam spiritualement, per quam individuat. Si autem dicas, non individuat per materiam, sed per corpus, & accidentia? Aut hæc accidentia causantur ex conjunctione animæ cum corpore, aut ex conjunctione materiæ spiritualis ipsius animæ, & ejus formæ, quia materia, & forma sunt causa omnium accidentium, quæ sunt, & fiunt in ea, ut habetur *1. Physicorum Text. comm. 80.* Primo modo ergo, cum accidentia non maneant, facta separatione animæ à corpore, non maneret animæ individuatō, ergo nec ipsa maneret. Si secundo modo: tunc habeo propositum, scilicet, quod non individuat per corpus suum.

Item *Commen. super 4. Metaph. comm. 2.* dicit, quod substantia uniuscujusque per quam est unum, est suum esse. Idem *super 10. Metaphysicæ comment. 4.* Quod est principium esse, est principium numeri, & quod est principium numeri, est principium essendi. Cum ergo anima non habeat esse per corpus, quod planum est, sequitur quod anima non habeat unitatem, & principium numerationis, sive individuationis à corpore.

Responsio ad hæc secundum Thomam:

Animam per corpus numerari, aut individuari per corporum diversitatem, & qualiter hoc debeat intelligi, de-


claratum est supra in responsione ad obiecta contra primam partem, articuli. 8. & 11. quibus intellectis, ea quoque, quæ hic obijciuntur contra hæc, facile dissolvuntur.

Quod dicunt imprimis fidei derogare, scilicet, quod impossibile est animam prius creari, quam infundi, non dicunt verum.

Ad argumentum verò, per quod hoc probant, dicendum, quod multa sunt impossibilia naturæ, quæ non sunt impossibilia Deo. Quamvis igitur ipsi animæ ratione suæ naturæ repugnet prius esse, quam corpori uniri, ratione cuius Thomas dicit hoc esse impossibile; posset tamen alium essendi ordinem Deus animæ tribuere, ut non solum ante corpus, sed etiam semper ad modum Angeli sine corpore existeret, licet forsitan tunc anima propriè dici non posset.

Ad illud, quod de Augustino adducunt, dicendum, quod Augustinus dicit sic de Anima primi hominis inquirendo, non asserendo. Vnde in fine illius inquisitionis cap. ultim. 7. super Gen. Enumeratis quibusdam, quibus pro certo adhæret, scilicet, quod anima sit de nihilo, & sit immortalis secundum quemdam vitæ suæ modum, sic concludit: Cetera, quæ in hoc libro disceptando locutus sum, ad hoc valent legenti, ut aut noverit quemadmodum sine affirmandi temeritate querenda sint, quæ non aperte scriptura loquitur. Aut si ei querendi modus iste non placeat, quemadmodum ipse quasi verum, sciat, ut si ne potest docere, non abnuat, si autem non potest, quo ambo discamus, mecum requirat. Utinam isti tali exemplo Augustini sic humiliter rationes suas, pro quibus nunc rationes, nunc auctoritates (nisi secundum quamdam apparentiam) proferre studuissent.

Rationes verò, quas adducunt contra animæ individuationem, solutæ sunt supra dictum *Commen. super 4. & 10. Metaphysicæ* nihil faciunt pro eis, quia *Commen.* (sicut patet in fine commenti) intelligit de principio essendi, & numeri effectivo. Et intendit, quod cum hoc fuerit inventum, scilicet, quod idem est principium esse numeri, quod declaratum est in *Philosophicis*, scilicet, hoc esse primum motorem æternum: declarabitur, quod illud est unum, de quo declaratum fuit hoc, quod est principium substantiæ. Et quod concedendum est, quod Deus ipse est principium effectivum animæ tam quoad esse, quam etiam quoad numerationem, nihilominus tamen corpus ad hoc requiritur tanquam principium vel causam materialis.



SUPER hoc, quod dicit Thomas ibidem art. ultimo in responsione principali, quod nulli substantiæ simplici debetur locus, nisi secundum relationem, quam habet ad corpus: anima autem comparatur ad corpus, ut forma ejus. Simile parti primæ hujus positionis dicitur infra dist. 15. quest. ult. in responsione argumenti tertij.

CORRVPTORIVM.

HOC, quod hic primò dicitur, cum illo articulo suprà, quod anima non sit composita ex materia spiritali, & forma, potest esse occasio erroris in putando, quod animæ separatæ à corporibus nusquam sint, scilicet neque in Cœlo, neque in Purgatorio, quod est contra Fidem, & contra Damasc. lib. 2. cap. 3. ubi dicit: Ita Angeli circumscribilibus sunt. Cum enim sunt in cœlo, non sunt in terra, & cum à Deo ad terram mittuntur, non remanent in cœlo.

Item contra Philos. 1. de Cœlo & mundo, Tex. comm. 22. ubi ait: Quod omnes homines conveniunt in hoc, quod hoc corpus primum gloriosum est locus spirituum, qui vulgariter dicuntur Angeli. Si autem Angeli sunt in loco, eadem ratione, vel fortiori animæ separatæ.

Responsio ad hæc secundum Thomam.

QUO modo Angeli sint in loco, & quo modo ea, quæ hic ponuntur, facile dissolvantur, sufficienter patet suprà in responsionibus ad objecta contra primam partem art. 16.

ARTICVLVS VIII.

DE hoc quod Thomas scripsero 1. diss. 11. articulo 3. in responsione principali dicit, quod Pater, & Filius virtute essentia spirant Spiritum Sanctum unice

CORRVPTORIVM.

HOC dictum excusat quidam. Dicit enim Damasc. lib. 1. cap. 8. Generatio sine principio est, & æterna, natura opus existens. Certè si generatio est opus nature, & spiratio: quia ergo non dixit, quod spirant, inquantum communicant virtutem unius naturæ; sed tantum, virtute unius naturæ principiandi Spiritum Sanctum, vel spirandi; quia si sic, tunc Spiritus Sanctus spiraret seipsum, cum eadem virtus naturæ sit in ipso. Sed intendit dicere, quod Pater & Filius habentes naturam unius virtutem spirandi, spirant Spiritum Sanctum. Et sic videtur loqui Ansel. de processione Spiritus Sancti cap. 7. Ex eo, inquit, quod Pater, & Filius unum sunt, idè ex Deo est Spiritus Sanctus, non ex eo unde alij sunt. Et libro eodem cap. 8. dicit: Quod Spiritus Sanctus ex Dei essentia est.

Item in Monol. 52. Spiritus Sanctus non ex eo procedit, in quo plures sunt Pater, & Filius; sed ex eo, in quo unum sunt, nam non ex relationibus suis quæ plures sunt. Alia enim est relatio Patris, alia Filij: sed ex ipsa sua essentia, quæ pluralitatem non admittit, emittunt Pater, & Filius pariter tantum bonum.

Item 55. Pater autè pariter & Filius non faciunt; neque gignunt, sed quodammodo (si sic dici potest) spirant suum amorem: quamvis enim non more nostro spiret summè incommutabilis essentia.

Item Philosophus 1. Rhetorica sua dicit, quod natura sunt, quorum causa est in ipsis & ordinata, quia ergo in Patre & Filio est causa, vel potius principium spirandi Spiritum Sanctum, potest dici sic largè, quod virtute unius naturæ, inquantum sunt unum in natura virtuosa, vel essentia secundum Ansel. spirant Spiritum Sanctum. Alijs videtur, quod dicta positio non sit recipienda, nam per ly virtute unius naturæ notatur ratio principiandi. Cum igitur eadem virtus, & natura sint in Spiritu Sancto, Spiritus Sanctus spiraret seipsum, quod est erroneum.

Præterea: ut dicit Richar. 6. de Trinit. Generatio est productio existentis de existente secundum operationem naturæ. Si igitur spiratio sit virtute naturæ, & operatione naturæ, spiratio erit generatio.

Præterea: licet sit una natura in Patre & Filio, non tamen natura est immediatum principium spirandi, & principale,

pale, sed vis cōmūnis spiratiua, ita quòd non virtute unius naturæ, sed virtute cōmūnis vis spiratiuæ spirant Spiritum Sanctum.

Item 5. de Trinit. cap. 14. Exit Spiritus Sanctus à Patre, non quomodo natus, sed quo modo datus; spirari autem virtute naturæ, non est exire quomodo datus, sed potiùs quo modo natus. Quia, ut dicitur. 4. Metaph. Tex. comm. 2. Natura est generare sibi simile; spirare autem non videtur naturæ, sed voluntatis amatiuæ, ergo &c.

Item Richar. 6. de Trin. cap. 8. Nihil itaque in Diuinis est iuxta donum largientis gratiæ, sed iuxta proprietatem largientis naturæ; sed proprietates naturæ exigit, quòd voluntas, & vis spiret, non natura tantum, sed potiùs, quòd generet, ergo &c.

Responsio ad hæc secundum Thomam.

Potentia spiratiua, sicut & potentia generatiua, essentiam quidem Diuinam dicunt in recto, licet notionem importent in obliquo, & idèd satis congruè dicitur, immò verissimè, quòd Pater, & Filius virtute unius naturæ spirant Spiritum Sanctum, quàm ipsa natura Diuina, quæ una est cum ipsa virtute, vel potentia spiratiua. Quod autem contra hoc obijciunt, frivolum est, & vanum.

Ad primum ergo dicendum, quòd ratio principiandi Spiritum Sanctum est ipsa Diuina essentia, vel natura, licet principians sit persona Patris & Filij. Ex hoc tamen non sequitur, quòd Spiritus Sanctus spiret seipsum, eò quòd in ipso eadem natura inueniatur, quòd patet. Natura enim, quæ est ipsa essentia Diuina, est ratio principiandi Filium, ipsa eadem communicatur Filio; non tamen sequitur, quòd Filius producat seipsum: quamvis enim eadem natura sit in Patre, & in Filio, non tamen habet eandem rationem principiandi in utroque, quia videlicet non est in utroque eodem modo: sic omninò est intelligendum de natura Diuina, quæ in Patre, & Filio habet rationem principiandi Spiritum Sanctum. In Spiritu Sancto verò, in quo est alio modo, rationem istam non habet, ut scilicet sit principium semetipsi, vel personam aliam producendi. Et ad hoc, quòd dictum est, approbandum, faciunt per omnia auctoritates, quas primò adducunt.

Quod verò subdunt, quòd alijs videtur,

quòd prædicta positio non sit recipienda. Dicendum, nobis de visu, vel æstimatione talium dictis Anselmi præallegatis contradicentium, vel forsan ipsa nō intelligantur, non est curandum.

Ad primum verò, quòd illi adducunt, dictum est suprà in responsione primi argumenti illius articuli.

Ad secundum dicendum, quòd secundum Richar. Generatio quidem est productio existentis de existente secundum operationem naturæ, ut natura est, sed spiratio est virtute naturæ, non tamen per modum naturæ, sed per modum voluntatis, in quantum scilicet ipsa natura Diuina ejus voluntas est, sicut essentia Diuina est ipsi Deo ratio essendi, in quantum essentia. Et ipsa eadem essentia est ipsi Deo ratio intelligendi, in quantum intellectus, & ratio volendi, in quantum voluntas est. Licet autem voluntas, & natura non differant, nisi secundum rationem; tamen emanationes duæ, quarum unius ipsa Diuina essentia est principium, ut natura est, & alterius ut voluntas est, sunt diversæ, quòd utique contingit, quòd ipsa essentia Diuina, quæ una est, & eadem, penitus est principium intellectus, quæ ad Verbum expressius terminatur, & principium dilectionis, sive actus voluntatis, qui in nexu quodam seu copula consumatur, quòd & amor procedens, seu ipse Spiritus Sanctus procedens intelligitur, prout alibi ex dictis Thom. evidentiùs declaratur.

Ad tertium dicendum: quòd hoc quòd dicunt, quòd natura non est immediatum & principale principium spirandi, sed vis spiratiua, includit contradictoria: quia vis spiratiua est ipsa natura Diuina, licet in ipsa, ut spiratiua importetur notio in obliquo.

Per idem patet ad quartum: dicere enim quòd non spirent virtute unius naturæ, & quòd spirent virtute vis cōmūnis spiratiuæ, ex proximè dictis liquet contradictoria implicare.

Ad quintum dicendum, quòd Spiritus Sanctus dicitur non exire, quomodo natus, &c. quia procedit per modum voluntatis, tamen non sequitur, quin natura sive essentia Diuina, in quantum est ipsa sua voluntas sit principium formale, quo Spiritus Sanctus à Patre & Filio procedit.

Ad sextum dicendum, quòd auctoritas Ric. omninò est pro Thom. Si enim nihil in Diuinis juxta donum largientis gratiæ, sed tantum juxta proprietatem largientis naturæ,

festum est, quod ex plenitudine perfectionis illius nature provenit, quod ipsa natura sit principium generationis filij, & natura voluntas principium processionis Spiritus Sancti.

Quod tandem ipsi dicunt de suo, quod proprietas nature exigit, quod voluntas, ut vis spirativa spiret, falsum est, & erroneum planè. Voluntas enim non spirat, sicut nec essentia, nec per consequens vis spirativa, quæ est ipsamet essentia cum notione in obliquo intellecta. Sed persona Patris & persona Filij, in quibus communiter ipsa voluntas, ac potentia spirativa reperitur. Discant ergo cautius in hac materia loqui, ne novam inducant doctrinam, prophanam utique, & erroneam, quia scilicet ipsa natura Divina, vel essentia debeat dici producere, vel spirare. Ex quo sequitur, cum nihil seipsum in esse producat, Divinam essentiam plurificari, quod dicere, nullus dubitat manifestam hæresim affirmare.

lando, peregrinando, vel aliàs laborando, plus se disponit ad gratiam, & plus etiam recipiet, quàm fortis, quasi gigas æqualia faciendo. Vel potest intelligi ita, quod gratia, & perfectiones infusæ habenti meliora naturalia cum pari conatu sunt majoris efficaciz, inquantum in illo recipiuntur, licet in se, & secundum se sint æquales, sic est verum quod dicitur. Nam si homini naturaliter impio, vel crudeli; & alteri naturaliter pio, & miti æqualiter conantibus pro gratia habenda, gratia infundatur, ille pius plus illuminatur minus obscurum, & minus densum, quàm magis obscurum. Et si sint duo milites æquè fortes, ille qui habet meliorem equum, plus potest in bello. *Habet autem se gratia secundum Augustinum ad liberum arbitrium sicut sessor ad equum.* Et æqualis ignis plus inflamat lignum siccum, & pingue, quàm lignum madefactum, & vixide.

ARTICVLVS IX.

Responsio ad hæc secundum Thomam.

DE hoc, quod Thomas in scripto 1. disp. 17. quest. 1. art. 3. in responsione principali dicit: *Animam habentem meliora naturalia, dum tamen sit par conatus, plus recipere de gratia, & de perfectionibus infusis.*

CORRUPTORIUM.

Licet hoc videtur posse dupliciter intelligi, vel ita quod gratia, & perfectiones infusæ per illam sint quidem plus, & melius in essentia sua, ut à Deo infunduntur, quàm gratia, & perfectiones infusæ habenti minus bona naturalia, hoc putamus esse falsum, & errori propinquum, quia secundum hoc gratia quodammodo non esset gratia, ad Ro. 11. & qui plus laboraret, non plus reciperet. Magis enim est consonum gratiæ, & iustitiæ, quod habens minus bona naturalia, si par sit conatus in eo respectu illius, qui meliora habet, quod plus de gratia accipiat, quia plus secundum vires suas laborat, & plus se ad gratiam disponit, sicut plus misit vidua, quæ misit quadrantem, quàm divites, qui iactabant multa. Et multo fortius illi multa mittendo, quàm si iactassent quadrantem. Sic etiam credo, quod homo debilis, & pascibilis jejunando, vigi-

Qualiter habeat intelligi, quod habens meliora naturalia recipiat plus de gratia, patet ex dictis in responsionibus ad objecta contra primam partem; quibus visis, ea, quæ hic dicuntur, in nullo fore contra sententiam Thomæ evidentius convincuntur, quia & ipsa verba Thomæ satis expressè procedunt, si intelligantur. Hoc sciendum, quod ad omnia, quæ isti contra Thomam à principio adduxerunt, facillimè per ejus verba veritate plena poterit responderi, pro aliquibus tamen habendo omnia scripta ejusdem, quæ isti (ut ex processu eorum evidentius liquet) nixi sunt depravare, nulli dubium facultatem deesse, quorum forsan manibus ista eorum depravatio devenire continget, tunc verba ejus, nunc sententiam (prout capere potuimus) articulis singulis curavimus ad omnia respondendo, secundum nostrum modulum applicare, volentes altius sapientibus occasionem lucidius respondendi, & illius laudem attollendi uberiorius præbere, qui Doctorem istum sapientiæ radio illustrare, & super Ecclesiæ candellabrum pro orbis terrarum instructione dignatus est sua clementia exaltare. Cui laus, honor, & gloria in sæcula sæculorum.

Amen.

IN-

INDEX SEQUENTIUM QUÆSTIONUM:

DE ENTE ET ESSENTIA.

- Quæst. I. Vtrum sit dare plura principia simpliciter prima? Pag. 1.
- Quæst. II. Vtrum ab uno principio simplici possint procedere plura immediate? 7.
- Quæst. III. Vtrum à primo principio, quod Deus est, possit aliquid produci ex nihilo? 11.
- Quæst. IV. Vtrum alia agentia cooperentur aliquid in aliqua productione rerû, vel totum immediate faciat Deus? 13.
- Quæst. V. Vtrum creatura aliqua possit esse causa alicujus effectus, ut est ens, & ut habet esse? 23.
- Quæst. VI. Vtrum Deus possit communicare creaturæ, quod creet? 36.
- Quæst. VII. Vtrum creatio substantiæ creatæ sit idem quod esse ejus? 41.
- Quæst. VIII. Vtrum esse formæ accidentalis sit idem cum ipsa forma? 49.
- Dub. I. Sit ne extensio materiæ alia ab extensione quantitatis? 50.
- Dub. II. An extensio materiæ sit res alia à materia? 50.
- Dub. III. Quomodo extensio materiæ possit esse quidam modus se habendi? 50.
- Dub. IV. Vtrum materia sit compositior cum tali modo se habendi? 50.
- Dub. V. Vtrum materia cum tali modo pertineat ad prædicamentû substantiæ? 50.
- Dub. VI. An alia sit extensio albedinis & aliorum accidentium ac quantitatis? 51.
- Quæst. IX. Vtrum essentia creaturæ sit suum esse, vel realiter differat ab esse ejus? 60.
- Quæst. X. Vtrum unius rei unicum sit esse? 78.
- Quæst. XI. Vtrum possit creari esse sine essentia? 86.
- Quæst. XII. Vtrum creatura possit annihilari, si non differret in ea esse ab essentia? 94.
- Quæst. XIII. Vtrum possemus salvare, quod creatura procederet à Deo ex mera libertate arbitrij, vel cogeremur ponere, quod procederet ex quadam necessitate naturæ, si non differret in ea realiter esse ab essentia? 118.

DE MENSURA ANGELORVM.

- Quæst. I. Vtrum ævum, sive æternitas participata sit mensura Angelorum? 130.
- Quæst. II. Vtrum sit unum ævum omnium æviter norum? 140.
- Quæst. III. Vtrum sit idem quod esse ævi-

- ternorû, & quid addat supra ipsum? 153.
- Quæst. IV. Vtrum ævum in æviter nis faciat per se prædicamentum, sicut quâdo: & utrum reducatur ad aliud? 164.
- Quæst. V. Vtrum sit idem quod suum nunc, & in quo prædicamento sit? 189.
- Quæst. VI. Vtrum nunc ævi, & temporis differant realiter? 202.
- Quæst. VII. Vtrum in ævo sit successio? 220.
- Quæst. VIII. Vtrum Angelus quantum ad suas operationes mensuretur tempore? 229.
- Quæst. IX. Vtrum tempus, quod mensurat operationes Angeli, sit compositum ex instantibus? 245.
- Quæst. X. Vtrum tempus, quod mensurat operationes Angelorum, sit in prædicamento qualitatis, vel in quo prædicamento sit? 273.

DE COGNITIONE ANGELORVM.

- Quæst. I. Vtrum Angelus intelligat se per essentiam suam? 292.
- Quæst. II. Vtrum Angelus intelligat alia à se per scientiam suam? 301.
- Quæst. III. Vtrum Angelus possit intelligere se ipsum, & alia à se per essentiam aliorum? 309.
- Quæst. IV. Vtrum species, vel habitus connaturalis sit illud per quod Angelus intelligit aliud à se? 314.
- Quæst. V. Vtrum species intelligibilis existens in mente Angeli possit movere intellectum ejus ad intelligendum? 330.
- Quæst. VI. Vtrum intellectus Angelicus intelligat per species innatas, vel à rebus acceptas? 341.
- Quæst. VII. Vtrum Angelus possit intelligere plura simul? 357.
- Quæst. VIII. Vtrum Angeli superiores intelligant per universaliore species, quâ inferiores? 374.
- Quæst. IX. Vtrum intellectus Angelicus intelligat singularia? 380.
- Quæst. X. Vtrum Angeli cognoscant futura? 401.
- Quæst. XI. Vtrum Angeli cognoscant occultia cordium? 414.
- Quæst. XII. Vtrum Angeli loquantur, & qualiter? 427.
- Quæst. XIII. Vtrum signa, per quæ loquantur Angeli, sint naturalia, vel voluntaria? 438.
- Quæst. XIV. Vtrum Angeli superiores illuminent inferiores? 450.



BEATI ÆGIDII COLUMNÆ ROMANI

ORDINIS EREMITARUM D. AUGUSTINI, SACRÆ
THEOLOGIÆ DOCTORIS FVNDATISSIMI,
ARCHIEPISCOPI

BITURICENSIS ET S. R. E. CARDINALIS

DE ENTE ET ESSENTIA
TRACTATVS.

QUÆSTIO I.

VT RVN SIT DARE PLVRA PRINCIPIA SIMPLICITER PRIMA!



QUÆSTIO est, utrum sit dare plura principia simpliciter Prima? Et videtur quod sic: quia secundum Phum 4. Metaph. Vbi cumque est dare magis & minus, & simpliciter: sed est dare

magis & minus malū, ergo est dare simpliciter malū, & summè malū: ergo sunt duo principia, unum summè malum, à quo procedūt omnia mala, & aliud summè bonum, à quo procedunt omnia bona. Præterea: in 1. Cæli & mundi scribitur: Si unum contrariorum est in natura, & reliquum: sed est dare summè bonum, ergo erit dare & summè malum. Sed dicebatur, quod non est dare nisi unum principium: quia multitudo entium arguit unitatem principij. Contra: multitudo entium est ex eo, quod entia sunt contracta ad hoc & ad

illud: principium autem in entibus est ex eo, quod intelligimus ens separatum: sed si omnia entia essent colores, & si color esset separatus, non esset unus color: quia forma generis non est forma una. Cum ergo sit major diversitas in analogo, quam in genere, erunt multa entia separata, & per consequens multa principia Prima. Multitudo ergo entium non arguit unitatem principij. Præterea: ens non contrahitur per differentias additas: quia tunc esset genus, ut declarari habet in 3. Metaph. sed cōtrahitur per alium & alium essendi modum: sed secundum alium & alium essendi modum oportet dare aliud & aliud ens separatum: ergo idem quod prius.

Præterea: dicebatur, quod est unitas principij: quia entia sunt connexa. Contra: connexio arguit diversitatem: quia non connectitur actus actui, nec potentia potentia: sed actus potentia: ex eo au-

tem quod arguit diversitatem, non potest argui unitas: ergo &c. Præterea: dicebatur, quod est unitas principij: quia sunt entia ordinata. Contra: ordo arguit oppositum & contrarietatem: quia sicut non connectitur actus actui, nec perfectum perfecto; sed imperfectum connectitur suæ perfectioni: sic per se non ordinatur actus ad actum, nec perfectum ad perfectum, sed imperfecta ad perfecta. Si ergo ordo arguit oppositionem & contrarietatem, & contrariorum contrariæ sunt causæ: ut dicitur in 2. de Generatione, ex ordine entium magis contrarietas accipitur, quàm unitas principij. Præterea: bonum addit ad supra ens, ergo contrahit ipsum, ergo ens est in plus, quàm bonum, & maxime cum illa additio dicat quid positivum, ergo est aliquid ens, quod non est bonum; sed tale ens non poterit esse à Deo: erit ergo ab alio principio. Præterea: tale per participationem arguit tale per essentiam: ergo malum per participationem arguit malum per essentiam: ergo est dare summè malum. Præterea: malum videtur esse per se intentum, & non à casu, cum sit in multis; sed quod est per se intentum habet per se causam, ergo &c. Præterea: ubicumque est dare secundum, ibi est dare & Primum; sed est dare secundas causas moventes ad malum, ergo est dare Primum movens ad malum; sed illud erit summè malum, & principium omnium malorum.

Præterea: dicebatur, quod in actione mala est duo considerare, actionē, & malitiam: actionis est causa Deus, malitiæ autem est defectus creaturæ. Contra: quidquid facit, facit rem compositam: quia non fit nisi compositum, ergo facit materiam & formam. Inconveniens est ergo, quod unum agens faciat materiam, & aliud formam: est ergo inconveniens, quod Deus sit causa actionis, & creatura sit causa malitiæ: quia non fit actio, neque malitia, sed actio mala. Præterea: sunt plura esse separata: ergo sunt plures dij. Probatio assumptæ: non prædicatur esse de pluribus in plurali, nisi sit esse plurificatum: sed sum, es, est, quod dicit esse, prædicatur de Personis Divinis in plurali: quia dicitur Pater & Filius sunt: ergo Personæ Divinæ habent plura esse, & per consequens sunt plures dij. Præterea: aliqui latantur, cum malè fecerint, & exultant in rebus pessimis; sed hoc non esset, nisi malum esset

per se intentum, ergo &c. Præterea: modi intelligendi sequuntur modos essendi: quot sunt ergo modi essendi, tot erunt modi intelligendi, & e converso. Sed essentielles modi intelligendi, & essentielles modi Philosophiæ sunt tres, ut dicitur in 6. Metaph. ergo tot erunt essentialiter modi essendi. Non ergo omnia reducuntur in unum esse, nec in unum principium. Præterea: aliqua statim nominata habent convolutam malitiam: talium ergo non potest esse Auctor Deus: reducuntur ergo in aliud principium, & erunt plura principia. Præterea: plura sunt necessaria: ergo plura sunt, quæ non habent causam sui esse: quia necessaria impossibile est non esse: ergo non omnia reducuntur in unum principium. Præterea: August. super Joan. vult: quod Pater est principium sine principio: Filius principium de principio, ergo plura principia. Præterea: principium & principiatum sunt correlativa; sed quoties multiplicatur unum correlativorum, toties & reliquum. Quot ergo sunt principia, tot sunt principia.

Contra: Genes. 1. In principio creavit Deus cælum & terram, Deus ergo Pater in uno principio Primo, in uno suo Verbo, quod est unum principium, cum ipso creavit cælum & terram, & omnia, quæ in eis sunt. Præterea: si essent plura principia, neutrum esset principium: quia primum, & ultimum, & omnia, quæ per superabundantiam dicunt, uni soli conveniunt. Præterea: Deuter. 6. scribitur: Dominus Deus vester Deus unus est. Præterea: Entia sunt sicut numeri, ut dicitur 8. Metaph. sed omnes numeri reducuntur in unitatem: ergo omnia entia reducuntur in unum principium, & procedunt ab uno principio, sicut numeri ab unitate. Præterea: ad Rom. 11. Ex ipso, & in ipso, & per ipsum sunt omnia, ergo sunt ab uno Deo, & ab uno principio. Præterea: si essent plura prima principia, convenirent & differrent, ergo essent coposita, quod est inconveniens.

RESOLUTIO.

Ex analogia entis suaderi valet diversitas effectuum, & Primi principij unitas: & tale Primum plurificari non potest propter tria. 1. quia omnia habet esse per ipsum, & omnia attribuantur ei, & ipse est omnia causa efficiens. 2. quia ipse est exemplar & forma verū. 3. quia ipse est omnium finis.

Respondeo dicendum, quod ad elucidandam veritatem quaesiti, tria de-

declaramus: nam primò declarabimus unde investiganda sit unitas Primi principij; & ostendemus, quòd non sit modus convenientior nobis, quàm existentia entis, & ex analogia eius. Probabimus quideni, quòd ex ipsius notitia aperiat nobis janua ad investigandū hujus unitatē. Secundo declarabimus, quibus viis, & quot viis ex natura entis sit investiganda talis unitas. Terriò declarabimus unde sumpserunt originem opinioniones errantium.

Circa veritatem quæsitam: propter primum est sciendum, quòd si ens esset genus ad omnia entia, fortè valdè esset difficile investigare unitatē Primi principij, eò quòd genus nō dicat formā unā. Nā, ut in arguēdo tangebatur, non est melior via ad intelligendum Primi principij, quàm intelligere quoddam ens abstractum & quoddā bonū separatum: quodlibet enim creatū est ens hoc, vel ens illud, vel bonum hoc, vel bonum illud. Sed Deus est Primum ens per se ipsum bonum, per se separatū: unde de August. 8. de Trin. cap. 4. *Bonum hoc, & bonum illud, tolle hoc, & tolle illud, & intelligas ipsum bonum si potes, & sic intelliges ipsum Deum*: sed, ut tactum est, si color esset separatus, non esset color unus, licet si albedo esset separata, esset albedo una, ergo si ens esset genus, ens separatū non esset ens unum numero: difficile ergo esset investigare unitatem Primi principij, si ens haberet rationem generis. Rursus si ens haberet rationes speciei, quasi clauderetur nobis via ad investigandum Primum principium, & unitatem eius. Nam cum in specie specialissima sit vera univocatio, si omnia entia essent eiusdem speciei, non daretur incitamentum ex sensibus ad investigandum prioritatem & posterioritatem in rebus: & ita esset quasi nobis cessatum & occultum, quòd ex posterioritate effectuum deveniendum sit in prioritate causæ. Sed quia ens dicitur analogicè, quasi aperta est nobis janua, ubi ex diversitate effectuum investigemus unitatem causæ Primæ. Propter quod sciendum est, quòd alia est unitas analogiæ, alia generis: nā unitas generis, vel etiam speciei est unitas prædicationis, ut pro tanto aliqua sunt sub uno genere vel sub una specie, quia natura illius generis vel speciei est reposita in omnibus eis prædicari de omnibus: vel nihil enim est sub hoc genere animal, vel sub hac specie homo, in quo non reperiatur natura animalis, vel ho-

minis: & inde est, quòd ad animal verum & pictum animal non potest esse genus: eò quòd in animali picto natura animalis reperi non possit. Sed unitas analogi est unitas attributionis, ut pro tanto dicuntur aliqua sub uno analogo, non quia reperiatur una natura: sed quia attribuntur uni naturæ: ut sanum dicitur de animali, cibo, & urina, non quia natura sanitatis reperiatur in omnibus illis: quia nihil de sanitate formaliter est in urina; sed omnia illa analogantur in sano: quia sanitati, quæ est in animali, sunt omnia illa attributa, & ab illa sanitate dicuntur omnia sana. Sic etiā substantia, & accidens analogantur in ente: quia ab entitate, quæ est in substantia, dicuntur omnia accidentia entia esse. Ideò dicitur in 7. Metaph. *Accidens non est ens, nisi quia est entis*, id est, quia est attributum entitati, quæ est substantia: & sicut omnia accidentia sunt entia per entitatem, quæ est in substantia, quæ est ens principaliter, & primum respectu accidentis: sic omnes substantiæ sunt entia per entitatem, quæ est in substantia Prima, id est, in Deo, qui est ens principaliter & Primum, non solum respectu accidentium, sed respectu omnium: & inde est quòd aliqui fortè hoc modo loquendi usi sunt dicentes Deum esse illud, respectu cuius substantia est accidens: quia sicut accidens est ens per entitatem, quæ est in substantia, ita quælibet substantia creata est ens per esse, quod est in causa Prima.

Sed dices non est simile de sano respectu omnium sanorum, & de ente respectu omnium entium: quia in aliis ab animali nihil est de sanitate formaliter: tamen in accidentibus est aliquid formaliter de entitate. Ad quod dici potest, quòd est quasi omnino simile, ut ad propositum facit. Nam accidentia comparata ad substantiam non sunt entia propter entitatē, quæ sit in eis: non quòd nullam entitatem habeant, sed quia illa est ita debilis, & ita propinqua non entī, ut propter illā non mereantur dici entia, sed propter entitatem, quæ est in substantia: sic itaque nostrum esse ad Divinum esse comparatum est magis non esse, ipsum solum est ens per se. Nos autem sumus entia propter esse eius. Vel possumus dicere, quòd dato quòd accidentia dicantur entia propter entitatem, quæ est in eis, nunquam dicentur entia propter entitatem illam in se, sed

propter entitatem illam attributam alteri: ita quod semper unitas analogi est unitas attributionis. Ita quod nunquam analogum, secundum quod huiusmodi, dicitur de aliquibus duobus, quin unum attribuitur alteri, vel ab eo attribuatur tertio, & qui hoc nescit, naturam analogiam ignorat. Secundum ergo hoc in analogo est duo considerare, ea, quae attribuantur, & illud, cui attribuantur: ratione eorum quae attribuantur in analogo est maior diversitas, quam in specie nec in genere: quia illa hoc modo sub analogo continentur, quae ad unum genus reduci non possunt. Sed ratione eius, cui attribuitur, in analogo per se loquendo est maior unitas, quam in genere nec in specie: quia nunquam neque genus, neque species praedicatur de pluribus, nisi illa plura realiter differunt: licet illa realis differentia non eodem modo sit hic & ibi: quia in genere est per formam, in specie est per materiam. Sed analogum potest praedicari de pluribus, dato quod sit realiter unum illud, cui attributa sunt plura illa: ut dato quod non esset nisi unum animal adhuc sanum posset dici de pluribus, videlicet, de illo, in quo esset sanitas, & de urina significante sanitatem illam, & de cibo conservante eam: immo accidit sano, ut analogum est quod dicatur de pluribus animalibus sanis: quia semper hoc non est analogum, sed magis habet univocationem ad illam. Sic & si esset una substantia numero, adhuc ens diceretur analogice de multis: & hoc posito multa accidentia possent dici entia per attributionem ad illud unum. Sic etiam per comparisonem ad unum separatum esse omnia entia dicentur entia per attributionem ad ipsum: ex natura ergo entis, & ex analogia eius aperta est nobis via ad investigandam diversitatem effectuum, & unitatem principij. Nam si consideremus ea, quae attribuantur, habemus diversitatem effectuum: si id, cui attribuantur, unitatem principij.

Vitio quod ex natura entis, & ex analogia ipsius investiganda est Primi principij unitas: restat ostendere quibus viis hoc investigare possumus. Propter quod sciendum est, quod si ex natura entis investiganda est unitas Primae causae, in quantum omnia entia attribuantur ei, oportet hanc unitatem tot modis investigare, quot modis ipsum Primum est causa omnium entium: quia tot modis entia ei tanquam causae sunt attribuenda. Est autem Deus

respectu entium in triplici genere causae, ut dicit Comm. in 10. Metaph. *Scilicet, in genere causae efficientis, formalis, & finalis*, secundum hoc triplici via investiganda est unitas Primi principij. Primum ut est in genere causae efficientis, sive causa efficiens entium. Nam cum ens sit analogum, & analogia, ut est diffusius declaratum, accipienda sit per attributionem, non sunt aliqua duo entia, ut entia sunt, quorum unum non attribuitur alteri, vel saltem ambo non attribuantur tertio. Propositis ergo duobus entibus, quaeram, si unum attribuitur alteri, id est, si unum dicitur ens propter entitatem, quae est in alio, quaeram de illo alio, utrum sit ens propter entitatem, quae sit in alio: quod si ambo attribuantur tertio, quaeram de illo tertio, non erit abire in infinitum: erit ergo dare aliquid, quod non attribuitur alteri, sed alia attribuantur sibi: ita quod ipsum non erit ens propter esse, quod sit in alio, sed alia erunt entia propter esse, quod est in ipso, quod autem est tale voco Primum principium. Si autem dicas plura esse talia, quae non attribuantur aliis; sed alia attribuantur eis, & ita plura sunt Prima principia. Pareat quod ex analogia entis nunquam est dare aliqua duo, quin unum attribuitur alteri, vel ambo attribuantur tertio. Si ergo plura sunt talia, vel ambo attribuerentur tertio, & tunc neutrum esset Primum principium, vel unum attribueretur alteri, tunc illud Primi principij rationem habere non posset. Ex hoc ergo, quod est de venire ad unum, cui attribuantur omnia, & quod est causa efficiens omnium, unitatem principij investigare possumus. Haec autem via procedit Dionys. 4. de Divin. nominibus, qui vult, quod non sit dare duo aliqua, quin unum non sit causatum ab altero, vel ambo sint causata a tertio: per quam viam omnino ostenditur, quod est de venire ad unum, a quo omnia sunt causata, & producta, & cui sunt omnia attributa. Haec etiam via potest haberi a Philosopho ex 2. Metaph. ubi, *Primum in quolibet genere, dicitur, esse causam omnium aliorum*: & quia in genere entium est de venire ad aliquod Primum, illud erit causa omnium aliorum: illud erit per se, cui omnia attribuentur: illud erit per se ens, & omnia alia dicentur entia per esse eius. Vnde Comment. super eodem 10. Metaph. dicit: *Vnum est per se ens & per se verum, & omnia alia sunt entia & vera per esse & veritatem eius.*

Secunda via ad investigandū hoc idē sumitur ex eo, quod est causa formalis omnium. Imaginabantur enim, quod perfectiones, ut sunt in materia, & ut habent esse abstractum, tenent modum oppositū: quia ut sunt in materia, quantū universaliores, tantū imperfectiores. Nam, ut dicit Comm. sup. 2. Meta. super illo cap.

Quoniam in fundamento natura nihil est distinctum, materia prius recipit formas magis universaliores, & postea minus universales: formæ ergo materiales, ut considerantur sub esse magis universali, prius sūt in materia receptæ: & ideo sunt magis in potētia, & magis imperfectæ: unde & forma generis est magis in potētia, & magis imperfecta, quā forma speciei, quare si perfectiones haberent esse abstractum, quantū universaliores, tantū perfectiores. Nam cū species addat supra genera, & illud, quod addit supra aliud, sit compositius eo, & per consequens potentialius, si forma generis esset forma una, & esset abstracta, esset multo simplicior, & per consequens actualior, quā forma speciei. Si ergo ipsum esse esset abstractum, haberet quidquid in se est, & quid quid de ratione entis, & haberet in se omnium perfectionem: & quia hoc intelligimus esse Deum quoddam esse purum abstractum; oportet, quod illud sit omnium perfectissimum, & quod habeat in se omnes perfectiones. Si enim forma quantū universalior, tantū imperfectior, ut est in materia, & perfectior, ut est per se existens, esse quod est universalissimum, si ponitur per se existens, erit perfectissimū: & quia tale quid est Deus, ideo ipse est perfectissimus, & est in ipso omnis perfectio: & ideo est forma exemplaris omnium, & omnia entia omnium generum sunt exemplata ab ipso: quia perfectiones omnium reperiuntur in ipso. Tale autem, quod est sic perfectissimum, plurificari nō potest: quia (omissa plurificatione, quæ est penes relata, sicut est in Personis Divinis) loquendo de plurificatione penes absolutam, nunquam est plurificatio aliquorum, nisi unum sit perfectius alio, ut apparet in genere, & in analogo, vel quia utrumque sit imperfectum, ut apparet in rebus materialibus sub eadem contentis specie: & quia eō quod est sic perfectum, nihil potest esse perfectius, ut sit plurificatio talium sub eodem genere, vel sub analogo: & quia in eo nulla est imperfectio, ut in eadem specie possit plurificatio taliū

inveniri, oportet ipsum esse unum, & im-
plurificatum. Intelligendo igitur Primum principium esse quoddam esse purum, & abstractum, duplici via declaratum est tale, quod plurificari non posse. Primo: quia omnia habent esse per ipsum, & omnia attribuantur ei, & ipse est omnium causa efficiens. Secundo: quia perfectiones omnes reperiuntur in eo, & ipse omnium exemplar, & forma. Ad hanc autem viā, quod ipse habeat sic perfectiones omnes & bonitates, valent tam dicta Sanctorum quā philosophor. Nam Augustin. 8. de Trin. cap. 3. dicit: *Ipse non est alio bono boni, sed est omnis boni bonum.* Et Anselm. Prosol. 5. capit. ait: *Deus est quidquid est melius esse, quā non esse.* Et Dionys. 12. de Div. nomin. dicit: *Laudare nos convenit eum, qui est infinitorum nominum.* Appellat enim Dionys. Deum infinitorum nominum: quia sunt in eo infinitæ perfectiones, secundum quamlibet quarum nominari potest. Et Phis 5. Metaph. vult: *In eo congregantur perfectiones omnium generum.*

Tertia via ad hoc idem sumitur ex eo, quod ipse est omnium finis, & hæc est via Phi in 12. Metaph. circa finem, qui volēs investigare veritatem Primi principij, dicit: *Totum universum ordinari ad Deum tanquam ad suum finem, sicut totus exercitus ordinatur ad ducem.* Sicut enim totus exercitus ordinatus est, & connexus propter unum ducē: sic totum universum est ordinatum, & connexum propter unum bonum finale, quod intenditur in toto eo. Vnde Phis in eodē 12. dicit: *Entia nolunt malè disponi: sed benè.* Si autem essent plures principes, & plura prima, entia non essent benè disposita: quia essent inconnexa, & inordinata, propter quod ipse concludit ibidem, quod est unus principatus, & unus Princeps.

Errores autem in hac questione ex ipsis entibus sumpserunt originem. Videmus enim in entibus pluralitatem, contrarietatem, & defectum. Videntes enim aliqui pluralitatem entium crediderunt esse plura principia, in quæ entia reducuntur: & hoc modo erravit Pythagoras ponens, 10. principia bonorum, videlicet, finitum, impar, dextrum, unum, masculum, quiescens, rectum, lucem, bonum, & quadrangularem, & 10. malorum, videlicet, his opposita, cuius positio 1. Metaph. recitatur. Alij verò videntes entium contrarietates dixerunt, plura esse prima principia contraria, & huius positionis vide-

tur fuisse Empedocles ponens, litem, & amicitiam esse rerum principia, ut apparet ex 1. de Generatione. Rursus aliqui videntes defectum in entibus crediderunt, esse duo principia, unum malorum, à quo creatur defectus, & aliud bonorum, à quo influunt perfectiones, & huius rei positionis fuit Manichæus, quam improbat, August. 21. Contra Faustum. & 8. confes. cap. 10. Sed hi erraverunt: quia si in entibus est multitudo, est attributa uni: si in entibus est contrarietas est connexa, & ordinata per unum: si in entibus est defectus, est per recessum ab uno. Videmus enim, quod aliqui sagittantes bene sagittant; aliqui vero male: sed non propter hoc damus duo signa, ut respectu unius accipiantur projectiones malæ, & respectu alterius bonæ. Sed dabimus unum, & idem signum, ad quod accedendo bene projiciatur, & recedendo, male. Sic dabimus unum principium, & unum optimum, ad quod appropinquantes sumus boni, & à quo recedentes sumus mali.

Respond. ad arg. Ad 1. dicendum, quod ubicumque est dare magis & minus, ibi est dare simpliciter, non quocumque modo, sed respectu cuius sumatur magis & minus. Unde est enim simpliciter bonum, quod est optimum, respectu cuius sumitur magis & minus bonum per accessum, & magis & minus malum per recessum. Magis ergo & minus malum non arguit simpliciter malum, sed arguit simpliciter bonum, respectu cuius per maiorem & minorem recessum sumitur magis & minus malum. Ad 2. dicendum, quod in verè contrariis veritatem habet, si unum contrariorum est in natura, & reliquum: quia verè contraria sunt sub eodem genere, & quodlibet dicit aliquam entitatem. Cum ergo contraria præsupponant genus aliquod: quia illud genus non esset, nisi haberet sub se utrumque contrariorum, oportet quod si unum contrariorum sit in natura, quod sit & reliquum. Sed tunc ratio non est ad propositum: quia bonum & malum, secundum quod huiusmodi, non propriè opponuntur contrariè, sed privativè. Vel possumus dicere, quod ipsi optimo, & ipsi Primo principio nihil est contrarium: quia contraria, sive privativè semper respiciunt idem subiectum: & quia Deus est esse purum abstractum, non contractum ad aliquam naturam, nec ad aliquod subiectum, sibi nihil contrarium esse potest. Si ergo tale optimum

est in natura, non oportet, quod summum malum sibi contrarium reperiatur in natura. Ad 3. & 4. dicendum, quod analogia entium, & diversi modi essendi & participandi in entibus arguit unum esse purum, à quo omnia habent esse, & cui omnia debent attribui. Ad 5. dicendum, quod si connexio diversitatem cōnexorum arguit, arguit tamen veritatem connectentis. Nisi si actus & potentia, quæ connectuntur, habeant aliquam diversitatem, oportet tamen devenire ad unum Primum motorem connectentem omnem potentiam suo actui. Ad 6. dicendum, quod si contrarietas arguit diversitatem contrariorum ordinantium in uno universo; arguit tamen unitatem ordinantis: & certum est, quod multa sunt ordinata, sed unum est ordinans. Ad 7. dicendum, quod non omnis additio contrahit rem quantum ad supposita. Est enim de ratione additionis, quod faciat rem posteriorem esse secundum intellectum, sed non oportet, quod semper illa additio sit restrictiva secundum supposita: quia potest talis additio concomitari omnia illa: & hoc locum habet tam in additione positiva, quam in privativa: ut si unum addit supra ens, oportet, quod intellectus unius sit posterior intellectu entis: ita quod res prior intelligitur esse ens, quam esse una. Sed non oportet quod unum contrahat ens: immò *Vnum & ens se consequuntur*, ut dicitur in 4. Meta. & quod dictum est de uno, veritatem habet de bono. Nam bonum, quod addit supra ens, est posterius ente: quia prius intelligitur aliquid esse ens, quam esse bonum: ens enim & esse sunt de primis conceptibus mentis; ratione ergo additionis bonum est posterius ente, sed non strictius ipso: immò bonum dicitur æqualiter de ente, ut scribitur in 1. Ethic. Plato tamen posuit quod bonum est in plus quam ens, quomodo verificari possit non est presentis speculationis. Ad 8. dicendum, quod non quicquid est per accidens intentum est à casu & in paucioribus, ut natura per se intendit generationem, per accidens corruptionem: tamen corruptio non est in paucioribus quam generatio: immò semper generatio unius est corruptio alterius; & tamen corruptio est intentata per accidens. Malum ergo est præter intentionem, & præter voluntatem: quia *Nihilus aspiciens ad malum agere quod agit*, ut vult Dionys. 4. de Divi. Peccator ergo per se intendit delectationem, per accidens verò intendit malum.

& inordinationem: & tamen malum, & inordinatio sæpe, & etiam semper, possunt esse annexa delectationi illi. Ad 9. dicendum, ubicumque est dare aliqua per participationem, ibi est dare aliquid simpliciter; non tamen simpliciter oportet istud sit aliud in bonis, & aliud in malis: sed est unum optimum simpliciter, respectu cuius omnia bona per accessum ad illud participant bonitatem; & omnia mala per recessum ab eodem participant malitiam. Ad 10. dicendum, quod in habentibus ordinem per se est devenire ad Primum; malum autem non est per se intentum, sed per accidens. Ad 11. dicendum, quod Deus in omni re composita est causa tam materia, quam formæ: sed malum non dicit materiam neque formam; sed defectum formæ. Ad 12. dicendum, quod Pater & Filius sunt; sed non propter hoc arguitur, quod sint ibi plura esse: sed quod plures habentes esse. Est enim sensus Pater & Filius sunt, id est, habent esse unum: est enim unum esse omnium trium Personarum. Ad 13. dicendum, quod aliqui latantur, cum male fecerint: ut illi qui non agunt ex ignorantia vel ex passione, sed ex certa malitia: tales autem licet sint peiores aliis, non tamen per se volunt, nec eligunt ipsam inordinationem, sed per se intendunt delectationem aliquam, cui inseparabiliter est annexa inordinatio. Ad 14. dicendum, quod sunt essentialiter plures modi essendi, sed omnes illi modi fluunt ab uno esse puro, quod est omnium aliorum principium. Ad 15. dicendum, quod quantumcumque aliqua habeant convolutam malitiam, tamen quantum ad id, quod est ibi causa entitatis, habent causam efficientem, sed quantum ad id, quod inordinationis non habent causam efficientem, sed deficientem. Talium ergo, quantum ad id, quod entitatis habent, est causa Deus: tamen quia efficit Deus mediante creatura, ratione creature potest habere actio illa convolutam, & connexam inordinationem, & deformitatem. Ad 16. dicendum, quod nihil est necessarium omnibus modis, nisi solum Primum principium: & ideo solum illud non habet aliam causam; omnia autem alia sunt effectus eius. Ad 17. dicendum, quod Pater est principium sine principio, Filius principium de principio,ambo tamen non plura principia, sed unum principium: ut vult August. 10. de Trin. cap. 13. Sicut: quia Filius est ab alio: ideo

A est Deus de Deo: non autem dicimus hoc de Patre. Pater tamen & Filius non dicuntur dii: sed unus Deus. Ad 18. dicendum: si quilibet filius habet patrem, non tamen oportet, quod tot sint patres, quot sunt filij: ergo si principium dicitur relative ad principia. Sic etiam quilibet monachus habet Abbatem; non tamen tot sunt Abbates, quot sunt monachi, sic quolibet principium habet principium; non tamen oportet, quod tot sint principia, quot principia. Poterit enim esse unum principium respectu plurium, vel respectu omnium principiatorum: respectus ergo plurificatur secundum numerum principiatorum: quia si ab uno principio procedunt plura principia, quot sunt illa principia, tot sunt respectus ipsius principij ad illa, vel secundum rem, vel saltem secundum rationem; ipsum tamen principium non oportet plurificari secundum numerum principiatorum.

QUÆSTIO II.

Utrum ab uno principio simplici possint immediate plura procedere?



SOLVENDO quaeritur: utrum ab uno principio simplici possint immediate plura procedere? Et videtur quod non: quia ab uno motore separato (secundum Phm in 2. Metaph.) non procedit nisi unus motus:

ergo ab uno principio separato, quod est Deus, non procedit nisi unus effectus immediate. Præterea: sicut res procedunt à Deo sicut à causa efficiente: ita reducuntur in ipsum sicut in finem; sed prout reducuntur res in Deum ut in finem, reducuntur una mediante alia, ut creatura corruptibilis mediante spiritali, spiritalis inferior, ut anima, mediante superiori: à Deo ergo non procederet immediate nisi unum tantum. Præterea: major est æquivocatio & major est differentia inter Deum & creaturam, quam inter corpus celeste, & ista inferiora; sed corpus superceleste non potest producere nec generare unam rem nisi mediante alia, similem speciem mediante simili specie, ut hominem mediante homine, & equum mediante equo: propter dissimilitudinem enim, quam habet celestem

Iam ad equum, non potest facere equum nisi mediare equo: ergo cum maior sit distantia inter Deum & creaturam, non poterit facere immediate duas creaturas, sed faciet unam mediante alia, ut creaturam magis distantem & magis imperfectam mediante creatura minus distante, & magis perfecta. Præterea: secundum Dionysium 4. de Div. nom. ab eodem non possunt procedere immediate contraria perfecte. Cum ergo in genere entium reperiatur perfecta contrarietas, saltem talia non poterunt immediate procedere ab eodem principio. Præterea: ordo est perfecte in rebus: quia illud est maximum bonum, quod reperitur in entibus, ita quod post bonum ducis, id est, post bonum Divinum, quod est dux & Princeps omnium, non est tantum bonum, sicut bonum ordinis: sed istud bonum maxime attenditur per respectum causæ ad causatum: ergo secundum modum ordinativum causabuntur entia, & ab uno principio procedent, ut unum mediante alio. Præterea: in 2. Metaph. esse Divinum respectu omnium aliorum assimilatur colori ignis respectu omnium aliorum colorum: quia sicut calidum in igne est causa omnium aliorum calidorum: sic Primum ens est causa omnium aliorum entium; sed qui cognosceret calidum in igne, non cognosceret distincte omne calidum: ergo Deus cognoscens se non cognosceret distincte omnia entia: sed causa indistincta nisi determinetur per causam aliam nihil agit: ergo Deus nullum effectum immediate producit, sed in omni actione sua præsupponit alia agentia. Præterea: secundum Dionys. 2. de Div. nomin. quæ sunt causatorum, abundantius insunt causis: si ergo reperitur pluralitas in causatis, abundantius reperietur in causis: ita quod plura causata procedent à pluribus causis, non ab una causa, vel saltem immediate plura non procedent ab uno. Præterea: ut scribitur 2. De generatione Idem & similiter se habens, semper idem est aptum natum facere; sed Deus semper manet idem, cum sit omnino simplex: ergo ab eo secundum se immediate non possunt procedere plura. Præterea: Personæ Divinæ minus differunt, quàm creaturæ: ergo rationes in Deo, per quas producuntur Personæ Divinæ, minus differunt, quàm rationes, per quas producuntur creaturæ; sed rationes, per quas producuntur Personæ Divinæ, differunt realiter relative: ergo rationes, per quas producuntur creaturæ, differunt quàm plus rea-

A liter relative. Sed ultra differentiam realiter relativam non est nisi differentia realis absoluta: ergo à Deo non possunt procedere ultra per creationem nisi sit compositum & sit in eo pluralitas absolutorum. Præterea: in Deo non est pluralitas nisi secundum rationem; sed sicut est in eo pluralitas, sic possunt ab eo plura procedere: non ergo poterunt ab eo plura procedere nisi secundum rationem tantum. Præterea: illa pluralitas rationum est in intellectu nostro non in Deo, cum sit summè simplex; sed id, quod est in intellectu nostro, nihil facit ad producere Dei: ergo propter talem pluralitatem nullo modo poterit Deus immediate plura producere: sed non est dandum quomodo hoc possit aliter: ergo &c. Præterea: per potentiam generativam in Divinis non generatur nisi unus Filius: ergo à simili per potentiam creandi non creabitur nisi immediate unus effectus. Præterea: nulla causa universalis determinatur ad effectum aliquem nisi mediante causa particulari: sicut nec genus determinatur ad speciem nisi mediante differentia: ergo à Deo qui est causa universalis, nihil procedet nisi mediante aliquo agente determinante sum. Præterea: processio Spiritus Sancti præsupponit processionem Filij: ergo processio unius Personæ Divinæ præsupponit processionem alterius: pari ergo ratione processio unius effectus præsupponit processionem alterius ordinate: ergo procedunt effectus à Deo ut unus mediante alio.

C In contrarium est Eccles. 15. *Qui vivit in æternum creavit omnia simul.* Si ergo omnia sunt creata simul, non est creaturatum mediante alio. Præterea: Deus omnipotens: ergo nihil præsupponit ergo potest quodlibet totum immediate producere. Præterea: Genes. 1. scribitur *In principio creavit Deus cælum & terram.* Si ergo ab initio omnia creata sunt, cælum & terra: ergo sunt immediate creata à ipso, & non unum mediante alio: quia tunc unum esset prius creatum, quàm aliud.

RESOLUTIO.

R Espondeo dicendum, quod sententia Phi quod Idem, & similiter se habens semper est idem aptum natum facere non videtur huic veritati contradicere. Non enim est intentio Phi probare in 2. de Generatione, ubi verba ista adducuntur, quod ab eo

Deo simpliciter non possint immediate procedere plura: sed quod à Deo aeterno non possunt immediate procedere nova. Videtur enim imaginari Philo, quod à Deo ab aeterno processit quidquid potuit procedere. Si autem postea reperta est novitas in entibus, novitatem illam attribuebat secundis causis. Nam si à Deo procedit aliquid de novo, secundum eum hoc esse non potest, nisi sit mutatio facta in Deo: quia ipse est idem semper eodem modo se habes in causando, quod nihil mediate procedit nunc de novo ab eo, quod non processerit ab aeterno. Per verba ergo Philo non negatur pluralitas effectuum à Deo, sed novitas. Dubium tamen est quid senserit de anima humana. Nam, ut patet in 2. de Anima: *Intellectus separatur ab aliis potentiis, sicut perpetuum à corruptibili.*

Rursus multum sonant verba ejus, quod intellectus sit forma corporis: immo omnino credendum est ipsum hoc sensisse. De potentia ergo materiae non potest talis forma educi, cum sit perpetua & incorruptibilis: nec etiam talis forma potest esse aeterna, cum sit forma corporis: videtur ergo relinquere, quod semper novis corporibus infundantur novae animae: quod tamen hoc Aristoteles sensit, quod dubium est, non tamen recessit à sua sententia, quod idem manens idem semper facit idem. Nam facies alicujus semper est apta nata multiplicare imaginem suam ad speculum, quod si tamen modò opponitur faciei speculum, & primò non opponebatur, ita quod modò multiplicat imaginem suam ad primū, & prius non multiplicabatur, hoc non est ex mutatione faciei: sed ex novitate oppositioni speculi. Sic Deus animam intellectivā quasi quamdam suam imaginem semper est paratus infundere corpori debite organizato. Sed si modò infundit, & prius non infundebat, hoc non est ex novitate facta in ipso, sed ex novitate facta in corpore, quod ponitur noviter organizatum. Verba ergo Philo non solum quantum ad productionē aliorum effectuum: sed etiam quantum ad productionem animae intellectivae (dato quod sic senserit ut dictum est) nec plus volunt, nec plus arguunt, nisi quod à Deo aeterno non procedit aliquid novum, nisi in aliquo alio prius sit facta novitas aliqua.

Viso quod verba Aristotelis veritati quaesita non contradicunt, restat videre, utrū aliorū phorū dicta huic veritati repugnet. Videtur autē lib de Causis huic veritati esse contrarius: quia in commento tertiæ

A propositionis dicitur: *Deus creavit animam mediante intelligentia.* Si ergo anima, quae est inferior intelligentia, creata est à Deo mediante illa, pari ratione intelligentia interior est creata mediante superiori, ita quod solum unū à Deo immediate processit. Sed si bene considerentur verba dicti auctoris non contradicunt huic veritati. Nam cum auctor ille prius dixisset, quod Deus creavit animam mediante intelligentia, in eodem comment. postea dixit, quod Deus creavit animam, & posuit eam substramentum intelligentiae: ipsa ergo anima secundum praefatum auctorem quantum ad substantiam est creata à Deo: sed quantum ad perfectiones est substrata intelligentiae, à qua recipit perfectiones multas. Si ergo dicta illius libelli volumus sine repugnantia exponere, dicemus, quod intelligentia habet causalitatem supra animam, & anima est causata mediante ea, non quantum ad substantiam, sed quantum ad perfectiones alias.

Inter ceteros autem huic veritati contrarius videtur fuisse Avic. qui omnino vult, quod à Deo immediate non possit nisi unum procedere. Nam in 9. Meta. suae cap. de Ordinatione esse intelligentiae, & animarum, & corporum caelestium motorum primò volens ipse Avic. indagare causam pluralitatis in entibus, ait: *A Deo non possunt immediate esse causata multa, nec secundum divisionem;* sed, ut ipse vult eodem lib. & cap. cum intelligentiae sint multae, & animae caelorum multae, & corpora caelestia multa, à Deo non processit immediate nisi intelligentia excelsior & superior, & ab illa processerunt postea tria, videlicet, secunda intelligentia, & prima anima caeli, & primum corpus caeli. Imaginatur enim Avic. quod Deus intelligendo producit per suum intelligere: & quia intellectus Divinus non est in actu nisi per unum aliquod, scilicet, per se ipsum: ideo ab eo immediate non procedit nisi unum tantum. Intellectus autem intelligentiae per se reducitur in actum per tria. Nam ipsa intelligentia est quid compositum ex suo actuali, & ex suo potenciali. Intellectus ergo intelligentiae, vel reducitur in actum intelligendo Deum, vel intelligendo suum actuale, vel suum potentiale. Nec videatur hoc inconveniens, quod intellectus intelligentiae possit reduci in actum intelligendo suum potentiale: quia nihil est in intelligentia, quod sit potentiale purum: ideo illud potentiale quædam

nam actu dicitur: reducitur igitur intellectus intelligentiæ in actum per tria, sed non eodem modo: nam ut intelligit Deum, efficitur maximè in actu: ut intelligit suum actuale, efficitur minùs in actu: sed ut intelligit suum potentiale, efficitur adhuc minùs, & sic gradatim efficitur in actu intelligendo: ita gradatim producit tria. Nā intelligentia prima intelligēdo Deum: quia tunc efficitur intellectus eius maximè in actu, per illum producit intelligentiam secundam. Sed prout intelligit suum actuale: quia tunc suum intelligere efficitur minùs in actu: ideo per tale intelligere producit animam primam, quæ est minùs in actu, quàm intelligentia secunda: sed prout intelligit suum potentiale, producit corpus celeste primum, quod est adhuc minùs in actu, quàm anima prima; & sic intelligentia prima producit intelligentiā secundam, corpus cæli primum, & animā cæli primam: sic intelligentia secunda producit intelligentiam tertiam, animam cæli secundam, & corpus celeste secundum: & sic descendendo devenitur usque ad ultimam intelligentiam, quæ non producit intelligentiam aliam, sed est datrix formarum in istis inferioribus: sic videtur sensisse Avic.

Recitatis autem philosophorum dictis, hoc modo incedemus ad investigandā propositam veritatem: quia primò ostēdemus contra Avicē. quòd ab uno simplici possint procedere, & procedunt immediatè plura secundum numerum, & secundum divisionem, cuius contrarium, ut patuit, asserunt. Secundò declarabimus modum, & viam, quomodo hoc contingat. Tertiò, dato quòd hoc sit falsum eo modo, quo intelligit Avic. quòd ab eodē simplici non possint procedere plura immediatè, declarabimus utrum aliquo modo possit verificari quòd dicitur. Propter primum sciendum, quòd contra Avic. ex auctoritatibus eius possumus efficaciter procedere. Imaginatur enim Avic. & verum est, quòd ex actione investiganda sit substantia: quia res sicut se habet ad agere, ita se habet ad esse; & è converso: unde ipse dicit 9. Metaph. cap. 4. *Quidquid agit actionem suam non indigens materia, ipsum per se ipsum non est indigens materia.* Vult ergo, quòd quidquid de necessitate non præsupponit materiam, in quā agat, ipsum per se ipsum non indiget materia, idest, non habet materiam partem sui. Extendamus ex-

Ago hanc propositionem ad esse possibile, & dicamus, quòd quidquid habet possibile partem sui, idest, quidquid non est actus purus, illud non potest agere nisi præsupposito possibili, in quod agat: ita quòd sicut esse illius præsupponit possibile, in quo sit: ita actio eius præsupponit possibile, in quo recipiatur. Accipiamus autem & aliā propositionem ab eodem Avicē. eodem libro & cap. quòd intelligentia habet suum possibile, & suum actuale, & ex his arguamus sic: esse intelligentiæ non est actus, sed habet quoddam possibile, in quo reperitur; sed res sicut se habet ad esse, ita se habet ad agere: ergo & agere intelligentiæ de necessitate præsupponit aliquod possibile, in quo recipiatur: nulla ergo intelligentia potest ex nihilo facere aliquid, sed quia Deus quidquid nunc agit, non præsupponit aliquod possibile substratum actioni suæ, sed per actionem suam totam rem producit simul in esse. Cùm ergo intelligentiæ sint multæ & animæ cælorum multæ secundum eundem Avicē. eodem lib. & cap. & nulla intelligentia, neque anima possit fieri ex materia præjacente, ab ipsa veritate coactus, & ex propositionibus suis met cogitur ponere, quòd nulla intelligentia possit aliquam intelligentiam producere, nec etiā aliquam celestem animam: unde cùm talia sint producta, & non sint producta mediante intelligentia, oportet quòd sint producta immediatè à Deo. Plura ergo secundum numerum sunt immediatè producta ab ipso.

Rursus ostēdemus, quòd plura secundum divisionem. Nā in intelligentia est dare suum actuale, ut suum esse, & possibile, ut suam quidditatem, sive suam essentiam. Vel ergo procedit à Deo essentia mediante esse, vel esse mediante essentia, vel totum immediatè? Si totum immediatè: ergo plura secundum divisionem. Non autem dici potest, quòd esse creetur à Deo mediante essentia. Nam ratio creationis rerum sumitur ex esse. Pro tanto enim res creantur à Deo: quia accipiunt ab eo esse: illud ergo, quod est ratio, quare creatur essentia, non creatur mediante essentia. Sed dices, quòd essentia creatur mediante esse. Sed nec hoc stare potest: quia cùm esse recipiatur in essentia, videtur magis esse præsupponere essentiam, quàm è converso. Nihil autem creatur mediante suo posteriori, nec mediante eo, quod præsupponit ipsum. Cùm enim actio procedat ab

agente in actu, sic debemus loqui de productione aliqua, & de actione alienius, quod nec inveniamus repugnantiam ex parte producentis, qui in tantum producit, in quantum dat esse: nec debemus concedere, quod essentia creetur mediante esse: quia inveniremus repugnantiam ex parte producti, in quo intelligitur essentia libenter ipsi esse, & per consequens per intellectum procedere ipsum. Dicemus itaque, quod sicut in generatione non generatur materia, neque forma, sed per se & primo generatur totum compositum, quo generato generatur materia & forma ejus, ut declarari habet in 1. Physic. & 7, Metaph. sic in creatione per se & primo creatur totum compositum, quo creato dicitur creari essentia, & esse eius: & quia totum immediate procedit à Deo, non solum plura secundum numerum, sed etiam plura secundum divisionem processerunt à Deo immediate: esse enim, & essentia sunt in eodem supposito numero: ipsa tamen habent distinctionem & divisionem ad invicem. Habito quomodo cogimur ponere plura processisse à Deo immediate, volumus dare modum & viam, quomodo sit possibile, quod dupliciter declarabimus. Primo ex intelligere Dei. Secundo ex esse eius.

Prima via sic patet. Imaginabimur enim, quod Deus sit quoddam pelagus infinitæ bonitatis, & infinitæ perfectionis. Omnes autem creaturæ sunt quædam participationes esse eius, & bonitatis ipsius, de quo esse, & de qua bonitate non sunt duæ creaturæ participant eodem modo. Sic enim se habet esse Dei ad varias creaturas, sicut infinita aqua ad diversas ampullas. Si quidem infinita aqua poneretur, & de illa aqua impleverentur diversæ ampullæ, quælibet ampulla secundum capacitatem suam reciperet de aqua illa; nulla tamen aqua illam comprehenderet, immo nec omnes simul possent aquam illam totaliter capere: sic quælibet creatura participat Divinum esse; nulla tamen, nec omnes simul, illud esse totaliter comprehendunt: cum esse illud sit infinitum pelagus, & quælibet creatura sit certis limitibus circumscripta: omnes ergo creaturæ participant illud esse, & secundum quod sunt aliæ & aliæ, sic alio & alio modo participant illud. Deus itaque per suum intellectum videt se sic participabilem à creaturis, & ut videt essentiam suam participabilem hoc modo ab hac

A creatura, hoc modo ab illa, illa essentia est propria ratio, & proprium exemplum, & propria idea illius creaturæ. Prout verò videt illam eandem essentiam participabilem alio modo ab alia creatura, illa eadem essentia est propria ratio illius alterius creaturæ: quot sunt ergo produci illa à Primo, tot sunt propriæ rationes producendorum in ipso. Diversa enim aliis & aliis rationibus sunt producta, & singula propriis rationibus sunt condita. Unde August. 83. qq. q. 46 de ideis ait: *Nec eadem ratione hominem quam equum esse conditum absurdum est estimari.* Et subdit: *singula igitur propriis sunt creata rationibus.* Qui enim hoc videt, & de facili videre potest, quomodo ab eodem modo possunt immediate plura procedere. Imaginabimur quidem, quod omnia comparantur ad Deum, quasi artificialia ad artificem. Ipse omnium est artifex, omnem habens virtutem, quod non solum Theologia, sed etiam Philosophia clamat: unde & Comm. super 12. Metaph. dicit: *Omnia, quæ hic aguntur, proveniunt ab una arte principali, quæ est ipsius Dei.* Sicut enim in agentibus per naturam, ubi est natura frigidi, producit frigidum, ubi natura calidi, producit calidum: & si in uno eodem agente esset natura frigidi & calidi, unum & idem agens in frigidaret, & calefaceret, licet non secundum unam & eandem naturam: sic in agentibus per intellectum & per rationem, ubi est ratio hujus producendi hoc, ut illius illud, & si in uno & eodem agente esset ratio hujus, & illius, unum & idem produceret hoc, & illud: sed non per unam & eandem rationem. Cum ergo non repugnet Divinæ simplicitati habere in se infinitas rationes rerum: immo quia ex ipsa simplicitate Divina sumitur infinitas rationum, in ipsa poterit Deus per rationes illas, quæ sunt exemplaria factiva rerum, illa per se producere, quorum in se ipso per se rationes habet. Sicut ergo ipse per se ipsum est ratio omnium, & distincta & propria ratio uniuscuiusque: ita ipse per se ipsum potest producere omnia, nec in producendo ea indiget aliis agentibus, immo potest omnia immediate per se ipsum producere.

Secunda via ad hoc idem sumitur ex esse ejus. Videmus enim, quod res sicut se habet ad esse, sic se habet ad agere, ut quod habet esse frigidum, in frigidat, quod esse calidum, calefacit, & si unum & idem haberet esse frigidum & calidum, unum & idem per

per se inrigidaret, & calefaceret: quælibet ergo res sicut habet esse, ita agit. Igitur si reperiretur aliqua res, cui competeret omne esse, ei competeret omne agere, quia tale est Divinum, quia in illo esse reservatur omne esse: eò quòd omnes perfectiones omnium generum reserventur in ipso, ut tam phi, quam theologi profitentur, sicut Deo competit omne esse, ita oportet quòd ei competat omne agere. Quidquid ergo potest agere Deus mediantibus aliis agentibus, totum potest agere per se ipsum: quia esse & perfectiones omnium agentium reservantur in ipso. Nam si aliquod agens potest aliquid mediante igne, quod non potest sine igne hoc: quia ignis habet aliquod esse, utputa esse calidum, quod esse deficit illi agenti, sed Deus, qui habet omne esse, & competit omne agere, nec ad producendum oportet, quòd indigeat aliquo agente, sed omnia potest per se ipsum immediate producere. Cum enim ei competit omne esse, ipse potest immediate producere quidquid habet rationem entis. Sola autem contradictoria: quia subterfugit rationem entis, non sunt possibilia Deo, nec etiam alicui agenti. Ideò dicitur in 6. Ethicor. & recitatur ibi dictum Agathonis. *Hoc enim solo Deus privatur infecta facere, quæ unque facta sunt.* Solum ergo hoc non potest Deus facere, quòd facta sint infecta, idest, quòd facta sint non facta, idest, non potest verificare contradictoria. Non quòd hoc sit ex impotentia ejus: sed quia hoc subterfugit rationem possibilis. Ex his autem duabus rationibus conflatur quasi una perfecta ratio, quomodo Deus possit omnia immediate producere. Nam quia Deus habet in se omne esse, & habet in se perfectiones omnium generum, ipse est propria ratio cujuslibet rei cujusque, & intelligendo se esse sic propriam rationem unicujusque per intellectum suum, potest quamlibet rem per se ipsum producere: nò ergo indiget aliis agentibus, sed omnia potest per se immediate producere.

Ostenso quomodo ab eodem agente simplici possunt plura immediate procedere, & secundum divisionem, & secundum numerum, & declarato quomodo hoc contingat: restat secundum ordinem praxatum ostendere, utrum aliquo modo verificari possit hæc propositio, quòd ab eodem agente simplici non possunt immediate plura procedere. Propter quod sciendum est, quòd hujus immediatio potest referri

A ad tria, videlicet, ad ordinem rationum, vel ad ordinem perfectionum, vel ad ordinem agentium. Dicimus enim, quòd habere tres ita est propria passio trianguli, ita eò quòd triangulus, quòd non est propria passio eius, in eò quòd principium figurarum, aliud verò est propria passio unius secundum rationem unam, quòd non est propria passio eius secundum rationem aliam, immò impossibile est ab eodem subiecto fluere duas passiones æquè immediate secundum unam & eandem rationem: & sicut est in his, quæ fluunt ab eodem subiecto, ita (quantum ad præsens spectat) est in his, quæ fluunt ab eodem agente. Nam **B** omnino impossibile est ab eodè agente duo æquè immediate fluere secundum rationem unam. Nam si unum est agens, & una est ratio producendi, oportet quòd unum tantum immediate fiat. Ad rationes ergo productivas rerum habent talem ordinem ipsæ res, quòd secundum unam & eandem rationem ab uno productivo non potest nisi una immediate produci: verificatur ergo dicta propositio, si huius immediatio referatur ad ordinem rationum.

Rursus verificari potest propositio contra, si talis immediatio referatur ad ordinem perfectionum. Dicimus enim, quòd esse non potest, ut secundum ordinem essentialium perfectionum, quòd procedant immediate à Primo duo æquè perfecta.

Ad cujus evidentiam sciendum, quòd secundum ordinem perfectionum una res est propinquior, & immediatior Primo, quàm alia, secundum quem modum loquendi loquitur Philo in 2. de Generatione circa finem, ubi vult, quòd propter longè distare à Primo principio est generatio & corruptio in istis inferioribus: generabilia ergo sunt longè à Deo; substantiæ verò separate sunt propinquiores Deo, & immediatiores ei. Secundum hunc etiã modum loquitur August. 12. confes. cap. 7. ubi vult, quòd duo fecit Deus, unum prope se, quod nihil est superior, ut angelicam naturã, aliud prope nihil, quod nil est inferius, ut materiã primam. Angeli ergo secundum ordinem perfectionum sunt propinqui: & inter angelos ille est propinquior & immediatior, qui est formalior: ergo si vera esset propositio dicentium, quòd in substantiis separatis non possunt esse plura ejusdem speciei, absolute diceremus quòd solum unus Angelus secundum ordinem perfectionis est immediatius Deo: quia iuxta positionem

impossibile esse dare duos Angelos æque perfectos : ideo addidimus secundum ordinem perfectionum essentialium : quia inter individua eiusdem speciei non est essentialis ordo. Dato ergo, quod unitas quolibet numerum per se ipsam produceret, unus tamen est solus numerus immediatus sibi, ut dualitas : ita quantumcunque Deus omnem speciem entium per se ipsum faciat, una tamen species secundum ordinem perfectionum est immediata sibi.

Rursus si esset vera opinio dicentium, quod Deus potest facere creaturam aliquam ita nobilem, quod non posset facere nobiliorem, tunc secundum ordinem perfectionum non posset producere immediate nisi unum, ut creaturam illam. Dato tamen (quod credo verius esse) quod semper possit nobiliorem ac nobiliorem producere creaturam, semper inter productas est una species immediata Deo, inter quam & ipsum Deum non cadit alia species media : immò quia esse non potest, quod duæ species entium sint æque perfectæ, impossibile est secundum ordinem essentialium, siue secundum ordinem perfectionum quantum ad excellentiam perfectionum, quod duo à Deo primò aliqua producta sint æque immediata ipsi Deo. Patet ergo quomodo verificari possit quantum ad ordinem rationum, & quantum ad ordinem perfectionum plura à Primo non posse immediate procedere.

Tertio modo hæc immediatio summi potest quantum ad ordinem agentium, ut dicatur, quod Deus possit plura mediantibus aliis agentibus producere, quæ non possit immediate per se ipsum : secundum quem sensum est hæc propositio simpliciter falsa, ut est per habita declaratum.

Respond. ad arg. Ad primum dicendum, quod in hoc non est tenenda propositio philosophorum : nã motor superioris orbis posset movere inferiorem. Vel possumus dicere, quod non est simile de aliis agentibus, & de Primo. Nam alia agentia sunt determinata ad certum genus, & habent determinatum esse : ideo habent determinatum agere : & ideo possunt ita hoc, quod non illud. Deus autem quia comprehendit omne esse, ei competit omne agere : ideo potest om-

nia per se ipsum facere. Ad 2. dicendum, quod non est questio, quid Deus faciat, sed quid facere possit. Posset enim Deus omnia per se ipsum producere efficienter, & omnia per se ipsum in se ipsum reducere finaliter : ita quod nec in exitu à principio, nec in reditu in finem uteretur agentibus mediis. Vel possumus dicere, quod non est simile de exitu à principio, & de ordine in finem : quia cum ordinantur in finem, & tendunt in finem, præsupponuntur esse : sed cum exeunt à principio, præsupponuntur non esse creaturæ : ergo intermedia non possint ita cooperari Primo agenti in exitu rerum ab ipso : quia supponuntur res non esse, sicut possunt comparari prout ordinantur, & tendunt in ipsum ut in finem : quia hoc modo res præsupponuntur esse. Ad 3. dicendum, quod corpus cæleste non habet in se proprias rationes omnium producibilium hic inferiorius : ideo ad producendum illa indiget agentibus aliis. Non est ergo causa, quare corpus cæleste indigeat agentibus aliis, distantia ejus ad ista inferiora ; sed hujusmodi causa est : quia habet determinatum modum essendi, in quo non comprehenduntur omnes rationes istorum producibilium : sed Deus, quia non determinatur ad certum modum essendi, sed comprehendit omne esse, & habet in se rationes omnium, potest per se ipsum omnia facere. Ad 4. dicendum, quod auctoritas Dionysij non est ad propositum. Appellat enim Dionysius perfecte contrarium summè bonum, & summè malum, vult enim, quod summè malum esse non possit : quia secundum eum non est dare aliqua duo, quod unum non sit causatum ab alio, vel ambo non sint causata à tertio. Cum ergo sit dare summè bonum, si esset etiam dare summè malum, vel unum causaretur ab alio, vel ambo causarentur à tertio. Vnum non potest causari ab alio : quia nihil facit penitus dissimile sibi & contrarium. Ambo non possunt produci à tertio : quia tunc ab eodem procederent perfecte contraria. Appellat ergo Dionysius perfecte contraria, quæ non communicant in natura entis, nec in natura bonitatis ; secundum quem modum loquendi certum est, quod non possunt ab eodem talia contraria procedere. Nam nihil potest procedere ab ip-

10, quod, secundum quod huiusmodi, non habeat rationem entis & boni. Ad 5. dicendum, quod in entibus est ordo secundum causalitatem, ut intelligentiæ superiores aliquam causalitatem habent super inferiores: quia illuminant & purgant eas, & intelligentiæ inferiores aliquam causalitatem habent super caelestia corpora: quia movent ea; ita quod totum universum est connexum secundum quemdā ordinē causalitatis. Habēt ergo superiora super inferiora causalitatem aliquam, sed non omnem, ut intelligentiæ superiores aliquam causalitatem habent super inferiores: quia illuminant eas; tamen non produciunt eas, sed omnes sunt immediatē productæ à Primo. Vel possumus dicere, quod non est quæstio, quid Deus faciat, sed quid facere possit. Posset enim Deus totū facere per se ipsum, & posset, si vellet, non communicare huiusmodi causalitatem entibus aliis. Ad 6. dicendum, quod Commentator videtur velle in 12. Metaph. quod qui cognoscit caliditatem ignis, non ignorat, id est, scit numerum caloris in reliquis calidis, sed hoc non potest esse distincte & in propria forma: & ideo solvendum est aliter. Nam non omnino est simile de calore ignis respectu omnium calidorum, & de esse Primi respectu omnium entium: quia si ignis cognosceret calorem suum, non cognosceret se esse propriam rationem omnium calidorum: quia in illo calore non reservatur propria ratio uniuscuiusque calidi; sed, ut patuit, Deus, intelligendo esse suum, intelligit se esse propriam rationem uniuscuiusque entis.

Ad 7. dicendum, quod quæ sunt causatorum, abundantius insunt causis: quia quæ habēt causam plurali & cōposito & potenciali modo, habēt causam, si sunt excellentes, modo uno simplici, & actuali. Ratio ergo arguebat oppositum: quia habere plurali modo magis non est habere abundantius, sed deficientius. Debat ergo arguere, quod perfectiones, quæ sunt in causatis modo plurali, & modo deficienti, sunt in causis modo uno & abundantanti. Ad 8. dicendum, quod in agente naturali, quod agit ex necessitate naturæ, quandiu manet idē se nper facit idem; sed agens à proposito, & secundum ordinem sapientiæ suæ potest plurā propter pluralitatem ra-

tionum existentium in ipso, & nova propter ordinem sapientiæ suæ: quia sic ordinavit facere absque mutatione ejus: sed hæc quæstio non pertinet ad quæstionem præsentem, sed ad aternitatem mundi. Ad 9. dicendum, quod relatio non est ratio producendi Personam. Pater enim non generat per paternitatem, sed per naturam. Potentia ergo generandi, & ratio, per quam Pater generat, est natura ejus, ut patet lib. 1. sentent. per Magist. Sentent. lib. 1. dist. 7. ubi dicit: *Pater non est potens gignere nisi natura.*

Et per Damasc. lib. 1. cap. 8. qui ait: *Generatio est operatio nature.* Et sicut potentia generandi est natura: ita spirandi est voluntas. Natura autem & voluntas in Divinis non differunt re, sed ratione tantum. Argumentum ergo supponebat falsum. Dato tamen quod ratio producendi Personam in Divinis diceret relationem, ita quod rationes productionis Personarum essent plures res relatæ, adhuc non concluderet argumentum. Nā quia Persona producta in Divinis æquatur producenti secundum modum unū producendi, ut secundum naturam, non potest ibi produci nisi una Persona tantum. Sed si producitur ibi alia Persona, oportet, quod producat per aliū modum producendi, ut quod producat per modum voluntatis. Sed omnes creaturæ procedunt à Deo per voluntatem; & tamen sunt plures creature productæ hoc modo: quia nulla cōsequitur totum esse Divinum: majorem ergo distinctionem ponemus in Deo secundum modum producendi Personas, quam secundum modum producendi creaturas, cujus contrarium supponebatur in argumento. Quod si queratur ratio dicti, patet hoc provenire ex perfectione Personarum, & imperfectione creaturarum. Ad 10. dicendum, quod non oportet tantam unitatem dare in causatis, quantam in causa: & ideo ex pluralitate rationum in Deo causante potest provenire realiter pluralitas causatorum, quod patet per simile. Nam si leo per idem est leo & animal, & si in aliis ab homine idem est forma generis & forma speciei, differt tamen secundum rationem illa eadem forma cōsiderata sic & sic, & ab hac diversitate in causa secundum rationem provenit in effectibus diversitas secundum rem:

Comm. 12.
Meta. com
51.

Damasc. lib.
1. cap. 8.

Creaturæ
produci
Deo per
voluntatem
res sunt
quia mu
torū esse
vinum

quia alia proprietas realiter fluet à natura leonis, ut est natura generis, alia ut est natura speciei: immò alia fluet, ut in natura illa reservatur natura generis superioris, ut natura corporis vegetabilis: quia fluet inde potentia vegetativa, & alia proprietas fluet, ut in natura illa reservatur natura generis inferioris; utputà natura animalis: quia fluet inde potentia sensitiva. Ad 11. dicendum, quòd illa pluralitas rationum non solum est in intellectu nostro, sed etiam est in intellectu Divino: quia Deus intelligit se omnibus illis modis esse communicabilem creaturis: quæ pluralitas Divinæ simplicitati non repugnat. Cum ergo Deus per suum intelligere producat res, intelligendo huiusmodi pluralitatē rationum, poterit per pluralitatem illam plures effectus producere. Ad 12. dicendum: quòd quia Filius in Divinis adæquatur Patri, & communicat ei totum esse Divinum: ideò per potentiam generandi non potest procedere ibi nisi unus Filius. Sed quia creaturæ non æquatur Creatori, propter varios modos communicandi ipsum Divinum esse, per potentiam creandi procedere possunt varie creaturæ. Ad 13. dicendum, quòd sic Deus est causa universalis omnium, quòd tamen est propria ratio uniuscuiusque: ideò non oportet, quòd determinetur per aliquod aliud agens. Ad 14. dicendum, quòd omnis alia processio, saltem secundum nostrum modum intelligendi, præsupponit processionem per modum naturæ: & quia inter Divinas Personas est dare Personam procedentem per modum naturæ, & aliam per modum voluntatis; inter creaturas verò nulla est procedens per modum naturæ: ideò dato, quòd una Persona Divina secundum nostrum modum intelligendi præsupponat productionem alterius; non tamen oportet, quòd productio unius creaturæ præsupponat productionem alterius: immò quia productio cuiuslibet Personæ Divinæ est aliquo modo naturalis, cum cuiuslibet Personæ communicetur natura Divina, productio verò creaturæ est simpliciter voluntaria, & hæc argumenti ratio, quòd productio creaturarum præsupponit emanationem Personarum, sicut id, quòd est simpliciter voluntarium, præsupponit id, quòd est aliquo modo

naturale: sed cum productio cuiuslibet creaturæ sit simpliciter voluntaria, non est dare aliam ordinem in productione creaturarum, nisi sicut Deus per suam sapientiam voluit ordinare.

QUÆSTIO IIJ.

Utrum à Primo principio, quòd Deus est, possit aliquid produci ex nihilo?



ERTIO quæritur: utrum à Primo principio, quòd est Deus, possit aliquid produci ex nihilo, & per creationem? Et videtur quòd non: quia creatio est actio; sed *Omnis actio in motu firmatur*, ut dicitur in sex principiis: ergo actio præsupponit motum; motus autem præsupponit materiam & subjectum; sed nihil, quòd sic producit, fit ex nihilo: ergo &c. Præterea: si aliquid exit à Deo per creationem: tunc quæro de illa creatione: utrum exeat à Deo per creationem: & quia non est abire in infinitum, standum est in primis, ut dicamus nihil à Deo creati. Præterea: dicebatur, quòd ideò Deus potest creare, quia est suum esse purum: agens autem naturale non potest creare, quia non est esse purum. Contra quòd arguebatur: quia ex hoc, ut videtur, plura præsupponit Deus in agendo, quàm agens naturale. Nam si Deus est esse purum, ita videtur Deus agere per suum esse, sicut agens naturale per suam formam; sed agens naturale: quia forma præsupponit materiam in agendo, præsupponit materiam: ergo cum ipsum esse præsupponat totam essentiam, Deus agens per suum esse præsupponet totam essentiam, in qua recipiatur esse: non ergo producet aliquid ex nihilo; sed in agendo non solum materiam, sed etiam totam essentiam præsupponet. Præterea: dicebatur, quòd Deus est totus actus, & est se toto: ideò potest totam rem producere, & quantum ad materiam, & quantum ad formam. Contra: sicut Deus est actus totus, ita est actus purus. Si ergo quia est actus totus, potest producere creaturam omnino totam.

ergo quia est actus purus, posset producere creaturam omnino puram, vel quod haberet esse omnino purum, quod est inconueniens. Præterea: dicebatur, quod Deus non est determinatus ad aliquid: ideo causalitas sua non determinatur ad aliquem effectum, sed qualibet res erit effectus ejus: nihil ergo præsupponet, sed totum ex nihilo faciet. Contra: nihil indeterminatum potest aliquem effectum producere, nisi determinetur, vel per materiam, in qua suscipitur effectus ejus, vel per aliquod agens determinetur actio ipsius: eo ergo ipso quod Deus non est determinatus ad genus, non poterit producere creaturas, quæ sunt determinatæ ad genus, nisi præsupponat aliquid, per quod determinetur effectus ejus. Præterea: omne, quod est in alia dispositione nunc, quam prius erat, est mutatum: creatum est in alia dispositione quam prius: ergo est mutatum: sed si mutatum est non creatum, creatio est mutatio, mutatio autem præsupponit materiam & subjectum: ergo &c. Præterea: omne, quod est creatum alia dispositione à Deo, habet ideam in ipso: sed materia prima, cum sit pura potentia, non potest habere ideam in Deo, qui est actus purus: ergo &c. Præterea: cum aliquod accipit esse post non esse, est dare instans, in quo ultimo non est, & instans, in quo primo est: sed inter quælibet duo instantia cadit tempus medium: ergo in illo tempore medio nec esset; nec non esset, quod est inconueniens: ergo nihil potest accipere esse ab aliquo agente. Præterea: quod potest ex aliquo facere, potest aliquid: ergo quod potest ex nihil, potest nihil: sicut ergo illud, quod fit ex aliquo, de necessitate est aliquid: ita illud, quod fit ex nihilo, de necessitate est nihil. Vera est omnino philosophorum opinio, scilicet, quod *ex nihilo nihil fit*. Præterea: secundum August. omne factum habet rationem: verbi: secundum Anselm. omne verbum habet rationem geniti: secundum Damasc. genitum est de substantia generantis: ergo de primo ad ultimum nihil fit ab aliquo, nisi fiat de substantia ejus, & ita non ex nihilo. Præterea: omnis actio est per contactum: si ergo aliquid fit ex nihilo, fiet per contactum: quod non tangit non agit; contactus autem esse non potest, nisi sit res, ad quam sit contactus. Omnis ergo actio

ratione contactus præsupponit rem, ad quam contactus fiat: per nullam ergo rationem fiet aliquid ex nihilo, sed semper præsupponetur aliquid, ex quo res fiat. Præterea: si aliquid fit ex nihilo, ibi non esse præcedit esse, vel præcedet æternitate, vel tempore, vel natura? Non æternitate, nec tempore: quia non esse nec tempore nec æternitate mensurari potest. Præcedet ergo natura tantum: sed quæ se præcedunt natura tantum, possunt simul esse: sicut ignis simul est cum splendore suo, quem solum natura præcedit: hoc ergo posito posset res simul esse, & non esse, quod est inconueniens. Præterea: majus est facere de nihilo aliquid, quam de necessario contingens: sed Deus non potest facere, quod necessarium sit contingens, ut non potest facere, quod hæc propositio, *Homo est animal*, quæ est necessaria, sit contingens: ergo multo magis non potest facere ex nihilo aliquid. Præterea: ex nihilo fieri aliquid, vel hoc erit causaliter, vel ordinaliter? Non causaliter: quia nihil non potest esse causa alicujus. Nec ordinaliter: quia non entis ad ens non est ordo: ergo &c. Præterea: repugnat infinito, quod pertranscatur; sed non entis ad ens est infinita distantia: nunquam ergo poterit pertransiri, & nunquam poterit perveniri ad istum terminum, ut ex non ente perveniatur ad ens.

In contrarium est: quia Genes. 1. dicitur: *In principio creavit Deus celum & terram*; sed creare est ex nihilo aliquid facere: ergo &c. Præterea: Dionys. 3. *De Div. nomin.* vult: quod proprius effectus Dei est dare esse: ergo ipse potest cuncta ad esse producere. In actione ergo sua nihil præsupponet; sed totum ex nihilo faciet. Præterea: si Deus in actione sua aliquid præsupponeret, quæreremus de illo, quod præsupponit, utrum esset factum ex nihilo, vel non? Non est abire in infinitum: ergo est devenire ad aliquid, quod non est factum ex aliquo præsupposito: igitur illud erit ex nihilo.

RESOLVTIO.

Primum principium, quod Deus est, potest aliquid producere ex nihilo triplici ratione. 1. quia causat esse, quod non præsupponit subjectum. 2. quia in ipso sunt rationes omnium productio-

D. Aug.

D. Anselm.

D. Damasc.

rum, etiam in particulari. 3. quia non agit ex præsuppositione materiae.

A quod generatio est exitus rerum ab invicem: & quod agens non est nisi extrahens & distinguens eas ab invicem: ita quod nihil producit, quod non totum prius esset in actu, sed erat latens: nihil ergo plus facit agens secundum hos, nisi quia facit ipsam patens & manifestum, utputa si quis diceret, quod faciens ferrum clarum nihil facit, quod non esset in actu, sed solum removet rubiginem, quæ prohibebat apparere claritatem ferri.

Secunda autem opinio secundum Commentatorem omnino contraria huic est ponentium creationem. Nam ponentes latitationem dicunt, quod agens nihil facit, sed secundum quod factum est manifestat & pandit. Sed ponentes creationem dicunt, quod agens totum ens de novo ex nihilo facit. Hæ igitur positiones sunt omnino contrariae. Opiniones autem mediae inter

Opinio de creatione omnium semper ex nihilo.

istat (ut idem Commentator recitat) videntur reduci in duas, quarum una dividitur in duas, & sunt tres. Vna autem istarum opinionum est quod agens creat formam, & ponit eam in materia, cujus positionis sunt ponentes dationes formarum. Et hæc positio bipartita est: quia quidam posuerunt omnem formam substantialem esse ab aliquo agente separato, cujus positionis visus est esse Avicena. Aliqui vero distinguunt de forma: quia quædam fiunt à sibi simili, ut illa, quæ generantur per propagationem; quædam vero non, ut illa, quæ generantur per putrefactionem. Dixerunt ergo isti, quod generata à sibi simili fiunt per agens conjunctum, & per sibi simile, ut equus ab equo, & asinus ab asino. Generata vero per putrefactionem, & non à sibi simili, fiunt ab agente separato, ut ab aliqua intelligentia creante illam formam in materia. Et hujus positionis, ut idem Commentator recitat, visus est fuisse Themistius, cui etiam videtur concordare Alpharabius. Quod ergo dixit Avic. de omnibus substantialibus formis, hoc dixit Themistius de his, quæ non fiunt à sibi simili. Quælibet autem istarum duarum opinionum est media inter prædictas duas extremas. Tertia autem opinio media fuit Aristotelis dicentis, quod agens non facit nisi compositum, ita quod nec fit forma, nec materia sed per se fit solum compositum, quo facto, fit forma & materia per accidens. Omnes autem hæc tres positiones dicunt generationem esse transmutationem in substantia.

Comm. ibi dem Opinio media inter dictas triplex.

R Espond. dicendum, quod communiter assignantur plures rationes ad hoc, quod Deus possit aliquid facere ex nihilo. Dicitur enim, quod Deus est esse purum, & est actus purus: sed videmus quod res agit, ut est in actu: quanto ergo plus habet de actualitate, plus habet de actione. Vel quod idem est, sicut res se habet ad agere, ita se habet ad esse: quanto ergo plus habet de esse, plus de agere: Deus igitur quia habet summam actualitatem, quia est actus purus, & quia habet infinitum esse: eo quod sit ipsum B esse, non habebit limitatum agere, sed omnia erunt effectus ejus, ita quod nihil præsupponet in actione sua. Ad hoc idem adducitur secunda ratio sumpta ex totalitate actualitatis ejus. Nam Deus secundum totum id, quod est, est actus: esse autem aliquid à Primo habet aliquid potentialitatis admixtum: & quia Deus secundum se totum est actus, potest totam rem producere: alia vero entia, quia habent aliquid potentialitatis admixtum in sua actione, præsupponunt aliquid potentiale. Adducitur ad hoc & C tertia ratio ex perfectibilitate ejus: ut quia Deus habet in se perfectiones omnium generum, non determinatur ad aliquod genus entis. Sua ergo actione non determinabitur ad aliquos effectus, sed omnia erunt effectus ejus: nihil ergo præsupponet in actione sua. Hæc autem rationes communes bonæ sunt, sed non complete quietant intellectum. Sunt enim nimis percommunia, propter quod sunt quasi logicales: nec in hoc abjiciendæ sunt, cum quæstio hæc metaphysicalis sit. Nam Metaphysica, quæ est communis scientia, in multis utitur rationibus logicis: ut dicit Comm. circa principium 8. Metaph. Vt ergo magis per propria incedamus, dicamus, quod quærere utrum Deus possit aliquid producere, est quærere de productione rerum: circa productionem autem rerum, ut recitat Comm. supra 12. Metaph. sunt quinque modi dicendi, duo omnino contrarii, & tres medij. Omnino autem sibi contrariantur (ut ipse ait) ponentes creationem & latitationem formarum. Ponentes enim latitationem (cujus positionis fuit Anaxagoras) dicunt quod quodlibet est in quolibet: &

Comm. 8. Metaph.

Comm. 12. Metaph. comm. 18.

Opinio de latitatione formarum.

tia, & hoc contra latitationem formarum ponentes, secundum quos nulla erat transmutatio in substantia.

Comm. ubi
supra.

Rursus, ut idem Commentator ait, omnes hæ tres opiniones non dicunt ex nihilo nihil fieri: quia præsupponunt transmutationem materiæ. Inter omnes autem has opiniones opinio Aristotelis, ut Commentator ait, est verior. Hæc enim opinio, secundum eum, cum omnibus aliis convenit. Convenit enim cum creatione, *In quantum dicit, quod illud, quod est in potentia, fit in actu, & accipit esse post non esse.* Convenit cum latitatione, in quantum dicit formas educi de potentia materiæ: quia quidquid educitur de potentia materiæ, aliquo modo latet & est in materia. Vnde omnes opiniones secundum eundem Commentatorem, *Intendebant hoc, quod Aristoteles, sed non potuerunt pertingere ad illud.* Has autem opiniones sic diffuse tractavimus, & verba Commentatoris toties replicavimus, ut per verba ipsius, quia in sua pertinacia consistit, concludamus contra ipsum veritatem Catholicæ Fidei, quomodo ex nihilo possit aliquid fieri. Propter quod sciendum, quod dimissa opinione de latitatione formarum: quia illa penitus est irrationabilis, cum secundum eam nihil generaretur, & nulla esset transmutatio in substantia. Illā enim opinionem Plus in 1.

Phil. 1. Phys. disputans contra Anaxagoram hoc ponentem multis efficacibus rationibus reprehendit: Illa ergo opinione de latitatione dimissa tanquam penitus irrationabili, ostendere volumus, quod secundum omnes opiniones alias aliquo modo fiat aliquid ex nihilo. Quæremus enim ab omnibus istis sic opinantibus, utrum aliquid de forma sit in materia. Cū enim formā secundum essentiam non habeat partem & partem essentialem, sed sit simplici essentia consistens, si ponerent aliquid de essentia formæ esse in materia, ante generationem rei ponerent totam essentiam formæ esse in ea: & ita negantes latitationem formarum ipsam latitationem ponerent. Et si volumus opinionem

Ex opinione
Arist. &
Comm. de-
ducitur quo
modo ex ni-
hilo aliquid
fit.
Comm. ibi-
dem.

Aristot. & Comment. prosequi, qui magis visi sunt declarare, quomodo ex nihilo nihil fiat, dicemus, quod nihil de forma est in materia actu: sed est in materia in potentia, & educitur de potentia materiæ: ita quod *Corpus calidum non inducit in corpus calidum calorem extrinsecum: sed facit*

calidum in potentia esse calidum in actu, & educit calorem de potentia materiæ. Ne ergo in ambiguo laboremus, videamus, quid est esse formam in potentia materiæ. Constat quod sic, nihil est actu de forma in materia, & non sumitur extra ab agente. Dices quod sicut hoc est esse in potentia agentis: quia agens transmutare potest, ut faciat: ita hoc est esse in potentia materiæ: quia in materia potest transmutari ut fiat. Sicut ergo agens nihil habet actu de forma, si consideratur in se, sed dicitur eam habere in potentia activa: quia potest transmutare, ut faciat: sic materia nihil habet in se actu de forma introducenda, sed habet eam in potentia passiva: quia potest transmutari ut fiat. Si ergo forma nec est elementum, nec ex elementis, ut declarari habet in fine 7. Metaph. & nihil de forma introducenda est actu in agente, nec in materia, cum iam introducta est forma, & habet esse, quæremus, unde sit: Oportet cōcedere, quod aliquo modo sit ex nihilo. Ad quod respondet Cōm. quod nō est ex nihilo: quia est ex transmutatione materiæ: unde idē in eodē 12. dicit: *Si aliquid fieret sine transmutatione, fieret ex nihilo*: immo, quod plus est, idem Commentator vult, quod dicentes, quod agens causat formam, & ponit eam in materia, non dicunt aliquid fieri ex nihilo: quia præsupponunt transmutationem materiæ; quod est valde mirabile dictum: quia si agens causat formam, & non educit eam de potentia materiæ, videtur eam facere de nihilo: ergo philosophi non directē negant aliquid esse, postquam nihil erat, ut nunc formam esse, de qua nihil erat; sed solū directē negant nihil posse actu fieri sine transmutatione materiæ. Igitur si ostendere poterimus, quod est aliquod agens, quod potest agere sine transmutatione materiæ, conclusum erit eis ex verbis eorum, quod a Deo possit aliquid fieri ex nihilo. Alia ergo agentia ab agente Primo aliquo modo faciunt aliquid ex nihilo: quia inducunt formam, de qua forma nihil erat in materia; non tamen faciunt simpliciter aliquid ex nihilo: tum quia non formā simpliciter & Deo per se, sed compositum: tum quia introducendo formā, introducunt eā mediante aliquo, ut mediante transmutatione materiæ: sed Deus non solum quodā modo, immo simpliciter, & sine transmutatione materiæ potest aliquid facere ex nihilo.

Plus 7. Metaph.

Comm. Metaph. comm.

& Deo transmutatione materiæ potest ex agente

Ad

Ad cuius evidentiam sciendum, quod oportet cuilibet agenti dare aliquem actum, & aliquem effectum proprium, ut proprius effectus ipsius Dei est dare esse, & dando esse dat transmutationem & motum. Alia verò agentia è converso, primo mutant, & transmutando dant esse. Nihil enim Deus posset transmutare, cui non primo dederit esse, vel sibi, vel ei, ex quo factum est illud. Ut si Deus modo crearet aquam, & ex aqua faceret aërem, & illum aërem transmutaret, cum transmutatio præsupponat subiectum, non posset aërem transmutare, nisi aëri prius dedisset esse, vel immediate ipsum creando, vel mediante aqua, sive aliquo alio, ex quo productus est aër. Horum autem ratio esse potest: quia unumquodque agit secundum quod est in actu: omne ergo agens, quod habet actum admixtum potentia, agit actum potentia admixtum; actus autem admixtus potentia est motus & transmutatio; transmutatio autem sive motus est actus imperfectus, & est actus entis in potentia, ut est in potentia, ut declarari habet in 3. Physic. Omnis ergo agentis a Primo, quia tale habet potentiam admixtam, proprius & immediatus effectus non erit esse: quia esse de se non dicit aliquam imperfectionem, nec aliquam impotentialitatem. Si autem in ipso esse invenitur imperfectio & potentialitas, hoc non erit ratione sui, sed ratione ejus, in quo recipitur. Immediatus igitur effectus talium agentium erit transmutatio & motus, quæ de se potentialitatem & imperfectionem importat. Sed ipsius Dei immediatus effectus erit dare esse, cum in eo nulla sit imperfectio & impotentialitas admixta. Hujus autem sententiæ sunt Sancti & philosophi. Nam Dionys. 5. de Divinibus. nom. vult, quod maxime proprius effectus Dei sit esse. Et Comment. supra, 12. Metaph. vult, quod unum est per se ens, à quo omnia habent esse. Illud ergo, quod non est per se ens, sed participat esse, non poterit esse immediata causa ipsius esse, sed immediata causa erit transmutationis & motus, quæ non sunt simpliciter actus, sed participant actum. Est autem hæc differentia inter transmutatum & esse: quia quod fit & transmutatur, non est: fieri ergo rei præcedit rem. Si ergo omne aliud à Primo non potest dare esse, nisi per fieri

& per transmutationem, nihil fit ab aliquo tali agente, quod non prius fuerit in fieri, fieri autem & transmutari præsupponunt subiectum, in quo recipiuntur, propter quod omne tale agens agit ex præsuppositione subiecti. Sed esse non præcedit illud, cuius est esse: immò simul est cum eo, quod est agens: ergo immediate dans esse non præsupponit aliquid aliud: immò simul producit rem, & dat ei esse.

Et ut magis appareat quod dicitur, sciendum, quod id, quod subicitur ipsi fieri, non fit: quia id, quod subicitur fieri, non est id quod fit: ergo non fit quod subicitur ipsi fieri: quidquid ergo suscipit actionem secundorum agentium, secundum quod huiusmodi, non est effectus secundorum agentium. Nam si proprius effectus secundorum agentium est fieri, & illud, in quo est fieri, non fit; id, in quo est fieri, secundum quod huiusmodi, non est effectus agentium secundorum: cum nulla causa præsupponat effectum suum. Si id, in quo est fieri, secundum quod huiusmodi, esset effectus secundorum agentium, secunda agentiaungerent nullo subiecto præsupposito subiectum ergo ipsius fieri, quia non fit, non est effectus secundorum agentium. Secunda enim agentia semper agunt præsupposito aliquo, ut præsupposito subiecto ipsius fieri: cum id, in quo recipitur esse, & effectus ejus, cuius est dare esse, est effectus agentis Primi: quia licet illud, in quo est fieri, non fiat; tamen illud, in quo est esse, est: & quia nulla causa præsupponit effectum suum, Prima causa agit nullo subiecto præsupposito. Dicamus ergo, quod cum proprius effectus Primi agentis sit dare esse, non oportet quod Prima causa agat mediante transmutatione, nec oportet quod præsupponat subiectum, in quo suscipiatur actus ejus.

Possumus autem triplici via ostendere, quod Prima causa agit nullo præsupposito. Una via sumitur ex ordine agentium. Alia ex ipsis productis. Tertia ex modo producendi. Prima via sic patet: nam ista tria agentia se habent per ordinem, ars, natura, & Deus. Nam ars præsupponit materiam & formam, natura materiam, Deus autem nihil. Ars quidem præsupponit materiam & formam: quia Omnes formæ artificiales sunt accidentia, materiam autem non præsupponit.

Com-

Phis. 3.
Phyl.Immediatus
effectus alio-
rum agentium à
Primo est transmuta-
tio: Dei ve-
rò dare esse.Dionys. 5.
Div. nom.Comm. 12.
Metaph.

Comm. i.
Phys.

Comment. in i. Phys. Accidens præsupponit non solum materiam, sed substantialē formam. Natura verò, cum resolvat usque ad formam substantialem, hujusmodi formam non præsupponit: præsupponit autem materiam, quam transmutando, educit formam. Si enim sine transmutatione ageret, nec ipsam materiam præsupponeret. Sed Deus, cujus effectus est dare esse, potest agere absque transmutatione, & per consequens potest agere absque suppositione materiæ.

Secunda via:

quia in Deo est ratio, non solum rei, sed etiam talis rei: in natura verò vel arte est solum ratio rei, quæ talis est à materia.

D. Aug. P.N.

83. qq. q. 46.
de ideis.

Secunda via ad hoc idem sumitur ex ipsis productis. Nam in Deo sunt rationes productorum, non solum in universali, sed etiam in particulari, ut sicut

Omnia ratione sunt condita, nec eadem ratione homo, quæ equus, ut dicit August. 83. qq. q. 46. de ideis, ita non eadem ratione con-

ditus est Sortes & Plato. Singula enim propriis rationibus sunt producta: ideo ex parte Dei producentis est dare rationem, non solum quod fiat res, vel quod fiat homo, vel equus, sed quod fiat hic homo, vel hic equus: quia in ipso Deo, ut tactum est, non solum est alia ratio hominis & equi, sed hujus hominis, & illius.

Sed non est sic in arte, nec in natura. Est enim in artifice alia ratio arcæ, & scamni, sed non hujus arcæ & illius arcæ. Duæ enim arcæ ejusdem quantitatis, & conditionis non habent aliam & aliam rationem in artifice, sed quod differant hoc est per materiam. Habet ergo artifex in se rationem, unde faciat arcam; sed non unde faciat hanc arcam. Dato ergo quod artifex faceret hanc arcam sine materia, faceret arcam in universali, non in particulari, quod est impossibile. Sic etiam est in agente per naturam. Habet enim ignis, quod generet ignem; sed non quod generet hunc ignem. Si enim ignis de se posset generare hunc ignem, hoc non esset nisi altero horum duorum modorum: vel quod ignis generans communicaret igni genito suum esse individuum: vel quia ignis generans in se haberet aliam & aliam rationem, unde faceret hunc ignem, & illū: quorū utrūque patet falsum esse. Ignis ergo generatus ab igne, & est ignis, & est hic ignis. Sed quod sit ignis, hoc habet ab alio agente, vel à forma, quam dedit agens; sed quod sit hic ignis habet à materia. Si ergo ignis produceret ignem absque materia, faceret ignem in universali, & non in particulari. Faceret

enim ignem absque eo, quod faceret hunc ignem, quod est impossibile. Quid autem dicemus de speciebus, & intelligentiis? Dicemus, quod corpora non obediunt intelligentiis quantum ad motum ad formam; sed quantum ad motum ad situm: ideo hoc non est præsentis speculationis. Ad præsens autem scire sufficiat, quod producta à natura, & ab arte, à suis producentibus habent quod sint res: sed à materia, quod sint hæ res: ideo tam ars, quam natura agit ex præsuppositione materiæ: quia non potest produci effectus, nisi sit hic effectus. Deus, in quo sunt propriæ rationes omnium, non solum ut sunt res, sed ut sunt hæ res, potest totum producere. Ab eo enim habet effectus, quod sit res, & quod sit hæ res.

Tertia via sumitur ex modo agendi, & ad hoc vadunt omnes communes viae. Nam cum Deus sit Primum agens, modus agendi ejus est quod nihil præsupponat ex necessitate. Rursus omnia alia agentia non sunt esse per se existens, sed habent esse ab alio receptum: & sicut se habent ad esse, ita se habent ad agere. Sicut ergo esse aliorum agentium de necessitate requirit aliquod passibile, in quo recipiatur: sic & actio eorum de necessitate præsupponit aliquid ex parte passi, & præsupponit aliquid passibile, in quo possit recipi. Modus ergo agendi aliorum agentium est ex præsuppositione potentiæ passivæ. Sed Deus, quia est ipsum esse: sicut suum esse non requirit aliquod passibile, in quo possit recipi: sic & modus agendi ejus, & sua actio non de necessitate requirit aliquid, in quo possit recipi, sed potest totum immediate producere. Hæ autem, & alia rationes communes ex modo agendi in natura sumptæ sunt.

Respond. ad arg. Ad primum dicendum, quod omnis actio secundorum agentium fundatur in motu: quia alia agentia absque transmutatione, & motu nihil possunt efficere: sed Deus absque omni transmutatione potest res producere, ut per habita est manifestum. Ad 2. dicendum, quod creatio potest mihi dici tria. Vel actum intrinsecum ipsius Primi, vel actum in exteriorem materiam transeuntem, vel relationem unius ad alterum. Si dicat mihi actum in ipso Primo manentem: sic creatio est ipsum intelligere Dei, per quod omnia produ-

cit.

est alia à creatione, ut est actus transiens in ex teriorem materiã, & etiam ab ea, ut relatio est.

cit. Ipsum itaque intelligere Dei ut est prædicum, & ut extendit se ad voluntatem, est creatio, prout creatio dicit actum in Primo manentem. Si verò creatio dicat actum in exteriorem materiam transeuntem, sic ipsum esse communicatum creaturis est per quod creantur. Sed si dicat relationem unius ad alterum, tunc dicit quendam ordinem & quamdam dependentiam creaturæ ad Creatorem. Cum ergo arguitur: si creaturæ creantur: tunc quæro de illa creatione, utrum creetur? Si loqueris de creatione, ut dicit actum in Primo manentem, patet quod illa creatio non creatur, immò creat. Si verò loqueris de creatione, ut dicit actum in exteriorem materiam transeuntem, sic creatio, ut dicit actum in exteriorem materiam transeuntem creatur per creationem, ut dicit actum in Primo manentem. Sed ulterius creatio, ut dicit actum in Primo manentem, non creatur, immò creat: ita quod non est abire in infinitum. Sed si creatio dicat relationem, tunc sic accepta creatio idem est quod relatio: sic creari idem erit quod referri, tunc igitur creatio, id est, relatio creabitur, id est, referetur se ipsa: sicut res differunt per differētiās: ipsæ verò differētiæ differunt se ipsis. Ad 3. dicēdū, quod licet esse præsupponat totam essentiam, & tota essentia in rebus corporalibus sit plus, quàm materia; non tamen Deus in productione corporalium, vel in productione quorumcumque præsupponit plura, quàm agentia naturalia, quæ non præsupponunt nisi materiam, immò agens naturale aliquid præsupponit, & non Deus. Nam agens naturale agit per fieri, & illud, quod subijcitur ipsi fieri, non fit: idè quidquid subijcitur ipsi fieri, præsupponit agens naturale: ergo quod subijcitur ipsi fieri, ut materia, non est effectus agentis naturalis. Sed licet materia, quæ subijcitur ipsi fieri, non fiat, & non sit effectus agentis naturalis; essentia tamen, quæ subijcitur ipsi esse, est effectus ipsius Dei. Agens ergo naturale præsupponit quidquid non fit: & idè de necessitate præsupponit materiam, quæ non potest fieri, sed subijcitur ipsi fieri. Deus autem nihil præsupponit: quia effectus ejus non solum est quidquid fit, sed quidquid participat esse. Nihil autem est, quod sit non participans esse: idè omnia sunt effectus ejus, & ipse

nihil præsupponit. Ad 4. dicendum, quod licet in Deo sit idem totalitas & puritas; attamen propter aliam & aliam habitudinem aliqua concedimus de totalitate Dei, quæ non concedimus de puritate ejus. Sicut licet sit idem scientia, & essentia, & voluntas in Deo; aliqua tamen dicimus Deum velle, quæ non dicimus Deum esse: & sicut est ex parte Dei producentis; ita est ex parte rerum productarum: quia aliqua dicimus esse producta à Deo tota, quæ non dicimus esse producta pura. Vel possumus dicere & melius, quod nullum agens producit effectum cum repugnantia ejus: & quia quod effectus producat torus non repugnat effectui; quod autem producat omnino purus repugnat ei: idè non est simile de hoc, & de illo. Ad 5. dicendū, quod licet Deus secundum se non sit determinatus ad aliquod genus; habet tamen in se determinatas & proprias rationes eorum, quæ determinantur ad genus: idè potest talia determinatè producere. Ad 6. dicendum, quod creatum non est propriè in alia dispositione nunc, quàm prius: quia prius in nulla dispositione erat: & idè propriè non est mutatum: quia illud propriè dicitur mutatum, quod prius fuit in una dispositione, & postea in alia. Creatum autem ante instans suæ creationis secundum se nullo modo fuit. Ad 7. dicendum, quod essentia Divina hoc modo est idea cujuscunque rei. Nam omne aliud deficit ab essentia illa, & participat eam, vel imitatur eam. Sed non omnia imitantur eam eodem modo: immò aliqua participat plus de entitatè, aliqua minus. Deus ergo intelligens essentiam suam, ut participatur ab illo, & illud imitatur eam, sic sua essentia dicitur esse idea illius: prout verò alio modo participatur ab alio, aliud imitatur eam, sic dicitur esse idea alterius. Illud ergo non habet ideam in Deo, quod nullo modo participat aliquid de entitatè, vel quod non est aptum natum aliquo modo entitatem participare. Materia ergo prima quantumcunque sit potentia pura, non tamen est purum nihil, neque est expers per omnem modum entitatis: idè ideam habet in Primo, & imitatur Primum, licet valdè modo exili & deficienti: ita ut nihil aliud possit esse magis propè nihil, & magis distans à Primo, quàm ipsa materia. Vtrum autem

tem ista idea sit factionis, vel considera-
tionis tantum, non est presentis specula-
tionis. Sufficiat autem scire, quod ratio
predictæ ideæ attenditur in quadam ra-
tione, cujus imitationis non est omnino
expers materia prima, cum aliquo mo-
do participet entitatem. Actus ergo pu-
rus dicitur esse, nihil autem dicitur non es-
se, potentia autem pura dicitur medium; sed
mediū omnino non est remotū ab extre-
mo: materia ergo in aliquo imitatur Deū.

Ad 8. dicendum, quod non dabi-
mus ultimum instans, in quo est nihil, sed
dicemus, quod per totum tempus præce-
dens, quod est tempus imaginatum, est
nihil, & in instanti postea incipit esse ali-
quid: ita quod non est dare tempus, nec
reale nec imaginatum, medium, in quo
nec sit nihil, nec aliquid. Vel possumus
dicere, quod ratio, quare inter duo pun-
cta cadit linea media, est: quia illa duo
puncta sunt in eodem continuo; sed si
essent duæ lineæ se tangentes, quæ non
essent continuæ, esset ibi dare duo puncta
in actu, inter quæ non esset linea media.
Sic inter duo instantia est dare tempus
medium: quia illa duo instantia sunt in
eodem tempore continuo. Sed cum tem-
pus imaginatum præcedens creationem
non sit continuū cum tempore reali,
quod incipit esse cum creatura, dato
quod daretur ultimum instans in tempore
imaginato, in quo creatura non
erat, primum instans in tempore reali, in
quo creatura incipit esse, non oporteret
inter illa duo instantia dare tempus me-
dium. Ad 9. dicendum, quod non ita com-
paratur nihil ad illud, quod sit ex ni-
hilo, sicut aliquid ad illud, quod sit ex ali-
quo: quia cum aliquid sit ex aliquo, ut
cum cultellus sit ex ferro, illud aliquid, si-
ve illud ferrum est materia cultelli: ita
quod aliquid sit ex aliquo materialiter;
sed ex nihilo nihil sit materialiter. Ad
formam ergo argumenti dici potest,
quod si comparatur nihil ad illud, quod
sit ex nihilo, sicut comparatur aliquid ad
illud, quod sit ex aliquo: sicut ex aliquo
fit aliquid materialiter: ita ex nihilo fit
nihil materialiter. Ad 10. dicendum,
quod totum argumentum procedit in æ-
quivoco. Nam factum habet rationem
verbi non interioris, sed exterioris: om-
ne verbum habet rationem geniti, non
verbum exterius, sed interior: & ideo
non oportet effectum, cum sit verbum

exterius, habere rationem geniti, acci-
piendo genitum propriè. Imaginabitur
quidem, quod omnis artifex, & omne
agens per intellectum concipit in se ali-
quem conceptum, qui dicitur verbum in-
terius, & ex illo verbo procedit opus,
quod potest dici verbum exterius. Prop-
ter quod patet, quomodo factum potest
dici verbum: & quia tale verbum non
est propriè genitum, ideo non oportet,
quod sit de substantia facientis. Equivo-
catur ibi in genito: quia potest accipi
genitum largè, quod non semper erit de
substantia facientis. Ad 11. dicendum,
quod sic imaginabimur creationem esse,
sicut imaginamur generationem lumi-
nis: quia simul est illuminari, & illumi-
natum esse: ita simul est creari & creatū
esse: ita ergo creatio fit per contactum,
non quod prius fiat res, & postea attri-
gatur à virtute Primi agentis; sed simul
est productio rei, & hujus contactus: ita
quod Deus, & attingendo producit, &
producendo attingit: immò nisi virtus
Primi attingeret quamlibet rem, ad mo-
mentum res non peristeret. Ad 12. di-
cendum, quod nihil præcedit esse rei, non
æternitate quæ sit mensura nihili; sed quæ
est mensura Dei. Nam Deus, ut dicit
August. 11. Confes. cap. 14. non præce-
dit tempus, siue non præcedit mundum
tempore, sed æternitate. In illa ergo æ-
ternitate mundus nihil erat. Vel possumus
dicere, quod cum aliquid sit ex ni-
hilo, nihil præcedit aliquid tempore non
reali, sed imaginato. Et possumus dice-
re, quod cum aliquid sit ex nihilo, nihil
præcedit aliquid natura, id est, natura-
li intelligentia. Et cum arguitur, quod
quæ se præcedunt natura tantum, possunt
simul esse. Verum est nisi habeant repug-
nantiam adinvicem: & quia implicat
contradictionem, & habet repugnan-
tiam, quod aliquid sit simul nihil & ali-
quid: ideo talia simul esse non possunt.
Ad 13. dicendum, quod necessarium non
potest fieri contingens: & sicut id, quod
necessarium est, non potest fieri contra-
gens: ita etiam ex nihilo non potest
fieri aliquid, quod ipsum nihil fiat aliquid,
& sit materia alicujus; sed ex nihilo, id
est, post nihil potest fieri aliquid, & ita
post necessarium potest fieri contingens.
Ad 14. dicendum, quod secundum An-
selm. Monolog. cap. 8. tribus modis po-
test

D. Aug.
lib. 11.
cap. 14.

Ex nihilo
quid sit
fieri ali-
post ali-
D. An-
Monolog.
cap. 8.

est intelligi aliquid fieri ex nihilo, negative, materialiter, & ordinaliter. Negative quidem fit ex nihilo, quod nullo modo fit. Sicut tenens silentium dicitur loqui de nihilo: quia non loquitur. Sic hoc modo, negative scilicet, Deus est factus ex nihilo: quia non est factus. Materialiter quidem ex nihilo non potest fieri aliquid: quia nihil non potest esse materia alicujus. Sed ordinaliter ex nihilo fit aliquid: quia postquam fuit nihil, incipit esse aliquid. Et quod dicitur non ens ad ens non est ordo. Verum est rei, sed sufficit quod sit ibi ordo rationis, & secundum modum intelligendi. Ad 15. dicendum, quod argumentum procedit ex falsa imaginatione. Imaginatur enim, quod inter nihil & aliquid sit quedam distantia infinita, & res fienda incipiat istam distantiam pertransire, donec perveniat ut sit aliquid. Ista enim distantia infinita non est positive, ut sit res aliqua sed negative tantum. Tale autem infinitum pertransire ab infinita potentia non est inconveniens,

A ex naturis rerum possumus arguere earum actiones. Contra: natura rei potissime est forma substantialis ejus. Si ergo ex naturis rerum argueretur earum actio, ergo forma substantialis in rebus esset potissime activa, cujus contrarium vult Commentator in 7. Metaph. Præterea: si secunda agentia agunt, hoc est, vel quia producant materiam, vel formam, vel compositum? Materiam non: quia tunc producerent aliquid ex nihilo, cum materia non habeat materiam, ex qua fiat. Si formam, vel producerent eam ex aliquo, vel ex nihilo? Non ex aliquo: quia forma non est elementum, neque ex elementis, ut dicitur in fine 7. Metaph. Nec etiam possunt secunda agentia producere formam ex nihilo: quia hoc est proprium solius Dei. Secunda ergo agentia nec possunt producere materiam, nec formam, & per consequens nec compositum. Nihil ergo cooperantur in productione rerum. Præterea: dicebatur, quod forma non fit ex nihilo, sed educitur de potentia materie. Contra: nihil de forma est in materia: ergo producta forma incipit illa forma esse: cum nihil prius de forma esset. Erit igitur facta ex nihilo, sed hoc est proprium solius Dei. Nihil ergo possunt alia agentia facere. Præterea: si forma educitur de potentia materie, alius educitur de potentia: & ita oppositum de opposito, quod est inconveniens. Erit ergo forma ex nihilo, cum non possit educi de potentia materie: & tunc idem quod prius. Præterea: si forma educitur de potentia materie, tunc potentia materie, vel dicit ipsam essentiam materie, vel dicit aliquem respectum superadditum ipsi materie? Si ipsam essentiam materie: ergo essentia materie convertitur in formam: cum ex tali essentia producat formam. Si autem dicat respectum superadditum materie, tunc ex relato fit absolutum, quorum utrumque est inconveniens. Forma ergo non educitur de potentia materie, sed fit ex nihilo, & a Deo: & nihil cooperantur secunda agentia ad productionem rerum. Præterea: Deus potest totum producere: ergo alia agentia superfluum: quia frustra sit per plura, quod potest fieri per pauciora. Præterea: productum assimilatur producenti, sed idem non potest assimilari diversis in specie, ergo a diversis in specie unum & idem produci non poterit.

QUÆSTIO III.

Utrum alia agentia cooperentur aliquid in aliqua productione rerum, vel totum immediate faciat Deus?



ARTO quæritur, utrum alia agentia cooperentur aliquid in aliqua productione rerum, vel totum immediate faciat Deus: ita quod agentia nihil agant? Et videtur quod

totum immediate faciat Deus, & quod nihil faciat Deus mediis agentibus secundis agentibus. Ita quod ignis non comburit, sed illam combustionem immediate operatur Deus: quia res ita se habet ad cognosci, sicut ad esse, ut potest haberi ex 2. Metaph. immo quia *Scientia Dei est causa rerum*, secundum August. 15. de Trinit. & secundum Commentatorem 12. Metaph. sicut Deus res cognoscit, sic in esse producit, sed alia agentia nihil cooperantur, ut Deus res cognoscat, ergo nihil cooperabuntur, ut Deus res in esse producat. Præterea: dicebatur, quod

Phus 2. Metaph.
Aug. 15. de Trin. cap. 3.
& Comm.
2. Metaph.

terit. Eadem ergo res non poterit produci à Deo, & à secundis agentibus: sed in productione cujuslibet rei operatur Deus: ergo nihil cooperantur secunda agentia. Præterea: si secunda agentia aliquid operantur, quæro de modo agentis: quia vel aliquid immittendo in passum, vel nihil? Si nihil: ergo nihil operantur, cum nihil immittant. Si autem aliquid immittunt, illud immissum, vel est reale, vel intentionale? Non reale: quia tunc aliquid deperiret ab agente. Nec intentionale: quia per immisionem intentionalem non posset fieri immutatio realis. Non est ergo dare modum, per quem secunda agentia agant. Præterea: creatura est magis similis sibi ipsi, quam alteri; sed productio fit per assimilationem. Cum ergo nulla creatura possit producere se ipsam, cui est magis similis, multo magis non poterit producere quodcumque aliud, cui est minus similis; & ita nihil cooperabitur. Præterea: sicut est in causis formalibus, ita suo modo est in efficientibus, sed idem esse à duobus formis immediate progredi non potest, ergo idem effectus à duobus efficientibus produci non poterit: sed Deus immediate operatur in omni opere naturæ: ergo creatura nihil operatur in aliquo opere. Nam si Deus per essentiam suam est in omni re, & conservat omnem rem, oportet quod immediate operetur in qualibet re. Creatura ergo non operatur immediate in aliqua re, nec mediate: quia tunc Deus esset instrumentum creaturæ: ergo nullo modo. Præterea: in 18. propositione de causis dicitur: *Esse est per creationem*. Sed impossibile est quod alia agentia creent: ergo impossibile est, quod dent aliquid esse, & per consequens non possunt aliquid facere: quia si aliquid facerent, aliquid esse darent. Præterea: sicut finitum non potest proportionari infinito, ita nec è converso: sed creatura non potest tantum ascendere, cum sit finita, quod comparatur Deo in creatione rerum, quæ requirunt potentiam infinitam, ergo Deus non poterit in tantum condescendere, quod cooperetur creaturis in his, quæ requirunt potentiam finitam, nihil ergo producet Deus mediante creatura. Præterea: non est idem esse in fieri, & in facto esse; sed res, ut producuntur à Deo, dicuntur esse semper in fieri:

quia secundum August. 8. *super Genes. ad litter.* Deus in causalitate rerum videtur se habere, sicut Sol in causando lumen in aëre, quod magis est semper in fieri, quam in facto esse. Si ergo actio Dei semper est in fieri, actio creaturæ potest esse in facto esse. Non idem est à Deo productum & à creatura.

In contrarium est: quod Deus nihil facit frustra, sed frustra essent secunda agentia, si nihil cooperarentur Deo, ergo & c. Præterea: *Natura est principium motus & quietis per se & primo, non secundum accidens*, ut dicitur in 2. Ph ysic. ergo aliquid cooperatur naturæ in transmutatione rerum, & per consequens in productione ipsarum.

RESOLVTIO.

Secunda agentia cooperantur Deo in productione rerum, ita ut res producantur immediate à Deo sub ratione entis; à secundis agentibus, ut talia entia, triplici de causa. 1. ne sint otiosa. 2. propter esse rerum, quod habent in materia secundum rationes seminales. 3. quia habent propriam naturam, quæ arguit propriam operationem.

Respondeo dicendum, quod in solutione hujus questionis hunc ordinem tenebimus: quia primo recitabimus errores circa hanc materiam, & improbabimus errores illos. Secundo ostendemus, quod Deus in operatione naturæ operatur immediate. Tercio declarabimus, quod non sunt subtrahende propriæ operationes à secundis agentibus. Quarto, ne laboremus in equivoco, distinguemus de inmediato. Quinto & ultimo, quia idem opus potest esse immediate à Deo, & immediate à secundis agentibus, declarabimus quomodo aliter sit hoc, & illud.

Propter primum sciendum, quod circa hanc materiam tripliciter est erratum. Nam quidam loquentes in lege Maurorum, & Sarracenorum (ut innuit Commentator in 12. Meta) voluerunt, quod nullum secundum agens, & nulla creatura potest aliquid operari. Vnde dicebant isti, quod ignis non comburit, sed illam combustionem

Propositio
18. de causis.

Phis
tah.

Prim
ror
& pen
creat
Com

hem Deus per se ipsum absque igne operatur, & homo non movet pedem, sed Deus illum motum operatur. Ad hoc autem ponendum, ut idem Commentator innuit, videbantur moveri, ne cogerentur ponere, quod secunda agentia possent aliquid facere ex nihilo. Nam si aliquid movetur, quod prius non movebatur, nihil de illo motu erat prius in mobili. Si ergo est motus in mobili, & prius nihil erat de huiusmodi motu, ergo factum est aliquid, de quo prius non erat, & ita factum est aliquid ex nihilo. Rursus si frigidum fit calidum, vel ex aqua fit ignis, nihil erat prius de forma caloris in frigido, nec de forma ignis in materia aqua, ergo factum est aliquid ex nihilo. Videbatur itaque illis, quod nulla esset productio, & nulla esset actio, in qua non fieret aliquid ex nihilo: & quia nulla creatura potest facere aliquid ex nihilo: ideo subtraxerunt isti proprias operationes à secundis agentibus. Phis. ergo in 1. Physic. & in 7. Metaph. conatur ostendere, quod non fit materia, nec forma, sed compositum: & hoc non solum in substantialibus; sed etiam in accidentalibus, ut non fit albedo, sed corpus album, & non fit forma, neque materia, sed totum compositum ex utrisque. Cum ergo dicitur, quod forma fit ex nihilo. Respondetur, quod fieri non competit formæ, sed si fieri competeret formæ, certum esset, quod forma fieret ex nihilo.

Consuevimus & nos aliquando dicere, quod sicut aliquid habet materiam, ita materiam præsupponit: & quia quidquid præsupponit materiam non fit ex nihilo: ideo nec compositum, nec forma fit ex nihilo, cum quodlibet horum materiam præsupponat. Cum ergo compositum habeat materiam ex qua; forma verò materiam in qua, non est querenda forma materia, ex qua fiat, sed in qua fiat. Cum ergo queritur, ex quo fit forma, male queritur, deberet enim queri, in quo fit forma. Materia ergo præsupponitur in factione compositi, tanquam illud ex quo fit, & præsupponitur etiam materia in productione formæ, non tanquam illud ex quo; sed tanquam illud in quo fit. Sed quia omnia hæc intellectum non quietant, ingredientibus profundius dicamus, quod isti negant sensum subtrahentes proprias operationes à secundis agentibus, & asserentes ignem non com-

burere, & hominem non movere pedem, non hoc arguunt, quod dicunt, sed volunt sibi istam difficultatem solvi, quomodo secunda agentia possunt inducere aliquam formam in materia, vel aliquem motum in mobili, nisi creent, & nisi faciant aliquid ex nihilo. Propter quod sciendum, quod qui non videt ligamentum, non potest solvere nodum: ideo est diligenter videndum, quare sit inconveniens, quod secunda agentia aliquid ex nihilo faciant. Ad quod respondebimus, quod oportet esse ordinem efficientium, sicut est & ordo agentium. Sicut ergo agentia secunda nihil possunt facere, nisi innituntur agenti Primo: sic effectus secundorum agentium non potest in esse produci, nisi ei subleberetur effectus agentis Primi: ut sicut agens præsupponit agens, sic effectus effectum. Dicere ergo secundum agens facere aliquid ex nihilo, vel facere aliquid nullo præsupposito, est dicere secundum agens non esse secundum agens. Nam si secundum agens in agendo nihil præsupponit, effectus ejus erit effectus Primi non innitens alij effectui: ergo & ipsum erit agens Primum non innitens alij agenti. Agens ergo secundum si produceret materiam, produceret aliquid ex nihilo: quia materia non requirit aliam materiam, in qua fiat. Rursus si faceret formam per se existentem, faceret aliquid ex nihilo: quia illi formæ nihil subleberetur: & ita illa forma, quæ poneretur effectus agentis secundi, non præsupponeret aliquid aliud, in quo reciperetur: & ita illa actio fieret nullo præsupposito, quod est idem, quod facere aliquid ex nihilo. Sed si agens creatum, vel agens secundum non facit formam per se, sed formam in materia: nec motum per se, sed motum in mobili, nec calorem per se, sed calorem in calido, secundum hunc modum semper talibus actionibus subleberetur aliquid aliud: & nulla talis actio fit nullo præsupposito. Si ergo agens secundum potest inducere formam, isti inductioni formæ, quæ est effectus secundi agentis, de necessitate subleberetur materia, quæ est effectus agentis Primi. Vnde ergo solvit Aristoteles ad salvandum actionem secundorum agentium dicens: quod non fit forma, nec fit materia, sed fit forma in materia, id est, non fit effectus aliquis, cui non subleberetur alius effectus: & quia propter nihil aliud agentia secunda non possunt

Agere nō valent secunda agentia nisi innitatur Primi, & ita effectui illorū subleberetur effectus hujus: & ideo producere possunt aliquid, sed non ex nihilo.

Phis ubi supra.

aliquid ex nihilo: nisi quia talia agentia non possunt in aliquem effectum, cui non subalternatur alius effectus, ex quo talia agentia non faciunt formam per se, sed faciunt formam in materia, nec agunt nullo præsupposito, ut diffusius dictum est. Sublata itaque est difficultas prima: quod possumus salvare actiones secundorum agentium absque eo, quod faciant aliquid ex nihilo.

Secundus error.

Secundus error circa hanc materiā fuit Avicēbron in libro suo, quem intulavit fontem vitæ. Hic autem non fuit ita hebes, ut ab omnibus secundis agentibus negaret actiones suas proprias, sed negavit eas solum corporibus. Voluit enim quod agentia spiritualia quātūcunque essent agentia secunda & creata, possent aliquid creare & efficere. Ipsa tamen corpora nihil efficiunt nec causant, & secundum eum si videantur hæc corpora aliquid facere, hoc non est, quod ipsa corpora aliquid agāt. Sed aliqua vis spiritualis est in ipsis corporibus, penetrans omnia corpora, agens actionem illam, quam videntur agere corpora. Vnde ipse ait: *Nisi esset vis spiritualis penetrabilis per hæc corpora, quæ esset agens, ipsa corpora non moverentur, nec agerent.* Ad hoc autem ponendum, & ad

Primum motivum.

negandum actionem a corporibus duplici motivo movebatur. Primum erat ex quantitate corporis. Nam secundum eum quantitas est actionis impeditiva. Vnde ait: *Quantitas, quæ circumdat hoc subjectum corporale, est causa vetans eū ne agat: sicut ergo humiditas in flamma facit eam obscuram & fumosam, & impedit eam, ne sursum tendat: sic quantitas reddit corpus obscurū, & materiale & grossum, & impedit ipsum, ne aliquid agat.* Corpora igitur secundū ipsū propter quantitatē annexā sunt passibilia, non activa. Movebatur

Motivum secundum.

igitur secundo ex lōginitate a Primo. Nam cum a Primo agente sit omnis actio & omnis motus: corpora propter nimiam distantiam ab agente Primo nihil de actione participare possunt. Vnde idem in eodem lib. ait: *Non solum quantitas prohibet rem corporalem ab agendo, sed etiam essentia ejus, id est, rei corporalis, prohibita est: ut non possit movere vel agere: eo quod longè remota est ab origine, & a radice motus.* Res ergo corporalis (secundum ipsum) nihil agit: quia propter longinquitatem ejus a Primo principio non defluxit ad eam de virtute

Contra hanc positionem Avicēbron.

agentis & moventis omnia. Sed hæc positio negat sensum: quia ad sensum appa-

ret, quod ignis comburit, & aqua infrigidat. Avicēbron ergo, non probat corpora non agere, sed petit sibi illas difficultates solvi, quomodo quantitas corporū, & distantia eorum a Primo principio non omnino prohibet actiones eorum. Propter quod sciendum, quod (ut probat Proclus) nullum corporeum & nullum quantum est ad se convertivum: quidquid ad se convertitur indivisibile est. Habere ergo actionem in se ipsum, ut puta quod intellectus se ipsum intelligit, est non rei corporalis, sed quæ non extenditur extensione corporis. Quantitas itaque prohibet actionē rei in se ipsam, sed non prohibet actionem in essentiam aliam. Nullum ergo corpus se ipsum movet, nec in se ipsum agit: sed tamen unum corpus in aliud agere est necessariū, & sensui manifestum. Debuit ergo Avicēbron negare a corporibus non actionem in aliud: sed ad se convertivā. Secundum autem motivum est etiam frivolum. Nam licet corpora valde distent a Primo: non tamen in tantū distant, quin aliquid de actualitate participant: & quia unumquodque agit, ut est in actu, ex quo corpora habent suas proprias formas, propter quas sunt in actu: oportet quod habeant proprias actiones. Illa ergo ratio de distantia a Primo locū haberet in sola prima materia. Illa enim summè distat a Primo: ita ut secundum se sit sola potentia, nihil de actualitate participās: ideo si absque forma existeret, nullam actionem haberet. Magna ergo fuit hebetudo mentis Avicēbronis: non videre quomodo corpora non maximè distent a Primo principio. Sed sola prima materia sic maximè distat: quia ille actus purus; ista potentia pura: ille actionem omnē, hæc autem materia actionē nullā.

Tertius autem error circa hoc quæsitum videtur fuisse Avicēbronæ ponēis datorem formarum. Hic enim non sic a veritate deviauit, ut Avicēbron, ut poneret corpora nihil agere. Voluit enim, quod ista corpora naturalia, quæ videmus, transmutarent & agerēt. Sed noluit quod per huiusmodi transmutationē induceretur forma substantialis: sed accidentalis. Forma verò substantialis secundum ipsum erat a datore formarum. Avic. ergo non negavit actiones simpliciter ab agentibus naturalibus: sed negavit quantum ad hoc, quod possent inducere substantialem formam. Ad quod ponendum forte movebatur

batur: quia non videbat in istis corporibus aliquam virtutem activam; quæ non esset accidens: ut in igne non est virtus activa nisi calor. Si ergo omnis virtus activa in istis corporibus est accidens, non videtur quod per talem virtutem possit induci nisi accidens: quia si induceretur substantia: tunc virtus illa, cum sit accidens, ageret ultra suam speciem.

Calor in igne virtute formæ substantialis ejus: & agit in virtute formæ substantialis ejus: & quia virtute formæ substantialis ejus: & quia non est inconveniens, quod aliquid in virtute alterius agat ultra suam speciem; calor in igne in virtute formæ substantialis ejus agens ultra suam speciem, non solum inducet calorem, sed etiam substantialem formam. Immo quia ubicumque est calor, est instrumentum ignis, potest fieri ignis & non ab igne: remoti sunt ergo errores circa hanc materiam.

His visis volumus declarare secundum, videlicet, quod Deus agat immediate in omni opere naturæ. Propter quod sciendum, quod sicut Deus se habet in conservando, sic suo modo se habet in agendo. Videmus enim, quod Deus multa conservat per secundas causas, & tamen quodlibet immediate conservat per se ipsum: ita multa agit per secundas causas, & tamen quodlibet immediate agit per se ipsum. Patet enim quod Deus aliud corpus, ut puta corpus animalis, conservat per debitum locum, per debita elementa, & per debitum cibum: & tamen omnia ista non sufficiunt ad conservandum ipsum, nisi Deus immediate esset in ipso corpore animalis conservans illud. Sic quantumcunque operentur agentia secunda, nunquam sufficiunt aliquod corpus, nisi immediate adesset Deus operans illud. Posset enim sic argui: Deus immediate conservat quamlibet rem in esse: ergo Deus immediate quamlibet rem producit ad esse. Et, ut appareat unde vim habeat hæc consequentia: sciendum quod secundum *Phm In 2. Phys. & in 5. Meta.* quædam sunt causæ in actu: quædam verò in potentia. Causæ verò in actu sunt simul cum ipsis causatis: ita quod non potest esse causatum in actu sine sua causa in actu. Causatum autem in potentia absque sua causa esse potest. Dicimus enim quod edificator est causa ipsius fieri domus (aliter tamē & aliter) & ipsius edificati: quia ipsius

edificari vel ipsius edificationis edificator est causa in actu: quia cum edificator actu edificat, est ipsum edificari, & ipsum fieri domus. Sed ipsius domus est causa in potentia: quia cum actu edificat non est domus in actu sed in potentia. Ipsum ergo edificari non potest esse sine edificatore; sed ipsa domus potest esse edificatore corrupto. Deus autem ad omnem creaturam non se habet sicut edificator ad domum, sed magis sicut edificare ad edificari: ita quod est causa in actu cujuslibet creaturæ. Sed causa in actu est immediate operans omne illud, cujus est causa in actu: ut edificator immediate causat ipsum edificari. Et quia Deus est causa in actu cujuslibet naturæ, cujuslibet motus, cujuslibet operationis, immediate ipse operatur omnem naturam, omnem motum, omnem operationem: ut si ignis calefaciat, illam calefactionem operatur immediate Deus, cujus est causa in actu. Ponere enim quod Deus immediate conservat omnem creaturam, & dubitare utrum efficiat omne quod fit, est dubitare utrum causa in actu immediate faciat id, cujus est causa in actu: causa enim secundum naturam rei est causa ejus in actu. Hanc autem rationem innuit Aug. 4. *sup. Gen. ad litteram* D. Aug. PN. cap. 12. qui probat, quod Deus continuetur 4. *sup. Gen. cap. 14.* & semper operatur in rebus: quia non comparatur ad res, ut structor ad domum: quia domus potest stare sine structore; sed mundus (ut ait) ad istum oculi stare non posset, nisi tegeretur a Deo.

Improbatis erroribus circa hanc materiam, quod dicebatur primitus faciendum: & ostenso quomodo Deus immediate operatur in omni opere naturæ, quod fuit secundo factum: restat tertio declarare quomodo non sunt subtrahende propriæ operationes a secundis agentibus, quod tripliciter declarare possumus secundum tria, quæ videmus in rebus, videlicet, naturam, esse, & ordinem. Ostendemus ergo primo res habere operationes proprias ex ordine, quem habent ad Divinam sapientiam. Secundo ostendemus hoc ex esse ipsarum rerum. Tertio ex naturis earum.

Prima via sic patet. Posset enim Deus sine causa secunda facere, quidquid facit mediante causa secunda: ut si calefacit mediante igne, posset illam calefactionem efficere absque igne, sed quia pertinet ad sapientem, ut nihil faciat frustra, non vult Deus

Sapientie
14

Deus, ut essent supervacua opera sapientie sue, nec voluit, quod secunda agentia essent frustra ociosa. Hæc autem ratio tangitur Sapientie 14. ubi dicitur: *Tua autem, Pater, providentia gubernat. Potens es... Etiam sine arte aliquis adeat mare. Sed ut non essent vacua sapientie tue opera: propter hoc etiam ex exiguo ligno credunt homines animas suas, & transeuntes mare per ratem liberati sunt.* Quali dicat, quod transitum maris, quem operator Deus per navem, sive per ratem, posset operari absque rate. Sed ut navis & alia, quæ videmus in mundo, non essent supervacua, & ociosa, exiguo ligno, idest, uni parvæ navi homo committit animam suam, idest, vitam suam, & transiens mare per navem salvus factus est. Sic etiam dicere possumus, quod illam eandem calefactionem, quam operatur Deus mediante igne, posset operari sine igne: sed ut non esset ignis supervacuum & ociosus, cum caleferi volumus, adhibemus ignem, & sic per ignem calefacti sumus.

D. Aug. PN.
super Genes.
cap. 14.

Secunda via ad hoc idem sumitur ex esse rerum, & hoc potest haberi ab Augustino 5. super Genes. cap. 14. ubi distinguit triplex esse rerum: quia res (secundum ipsum) sunt in rationibus æternis, sunt in rationibus seminalibus, & sunt in se ipsis. Sed ut sunt in rationibus seminalibus, habent produci per causas secundas. Qui ergo tollit actiones à secundis causis, tollit esse rerum, quod habent secundum rationes seminales in materia. Vnde Augustinus cum prius 5. super Genes. cap. 14. distinxisset triplex esse rerum, postea in 6. libro cap. 13. distinguit quadruplex esse rerum, volens quod res sunt æternaliter in Verbo, causaliter in elementis, seminaliter in materia, essentialiter in se ipsis. Dicuntur enim res in elementis esse causaliter, & in materia seminaliter: quia illud, quod est occulte in materia secundum rationes seminales, fit in aperto extra per virtutes activas & passivas elementorum, quæ sunt rationes causales. Non ergo possumus tollere causalitatem ab elementis, & à secundis agentibus, nisi tollamus esse rerum secundum rationes seminales, quod habent in materia: ex ipso ergo huiusmodi esse arguere possumus, quod competit secundis agentibus habere proprias operationes.

Tertia via sumitur ex ipsis essentiis, idest, ex naturis rerum. Nam propriæ operationes arguunt proprias essentias, &

proprias naturas: qui ergo negant proprias operationes à rebus, negant ab eis proprias naturas. Et ista est via Comment. 9. Metaph. ubi dicit: *Si entia non habeant proprias operationes proprias, non habent essentias proprias.* Actiones enim (ut subdit) non diversificantur nisi per essentias diversas. Et sequitur in commento: *Ista opinio est valde extranea à natura hominum, & qui non recipiunt huiusmodi opinionem, non habent cerebrum habitatum naturaliter ad bonum.* His visis restat distinguere de immediato. Immediatum enim idem sonat, quod primum & principale: & secundum quem modum loquitur Philus in 1. Post. Philus cum dicit: *Immediata est propositio, quæ non est altera prior.* Alio modo immediatum idem sonat, quod proximum & conjunctum, ut illa est immediata causa, quæ est proxima & conjuncta. Rationabiliter tamen hoc, quod dicitur immediatum, utramque significationem importat. Nam immediatum idem est, quod sine medio, secundum ergo duplicem processum duplex accipietur immediatum. Nam vel incipies à causis, & procedes ad effectum; vel modo resolutorio incipies ab effectu, & procedes ad causas. Si incipias à causis, statim & immediate incidis in causam principalem & primam: secundum hunc igitur processum idem sonabat immediatum, quod principale & primum. Si vero incipias ab effectu, & procedas ad causas, statim incidis in causam proximam & conjunctam: secundum processum ergo resolutorium immediatum idem significabit, quod proximum & conjunctum. Secundum ergo hos modos loquendi dicimus, quod rex operatur per ballivum, vel mediante ballivo: & dicimus è converso, quod ballivus operatur per regem, vel mediante rege: prout ergo rex operatur per ballivum, ballivus erit immediatum agens, & tunc immediatum idem sonabit, quod proximum & conjunctum. Sed quia è converso ballivus operatur per regem, & rex potest dici immediate agens: quia non facit hoc auctoritate alterius, sed sua auctoritate agit; oportet quod immediatum hoc modo sumptum idem dicat, quod principale & primum. Opus ergo nature agens naturale facit immediate, accipiendo immediatum, prout idem sonat, quod proximum: sed nihil facit immediate, prout idem sonat immediatum, quod principale & primum: ita quod si plenè volumus intelligere

Idem ibide.
& in lib. 6. cap.
13.

gerè, quomodo Deus immediate operatur in omni opere naturæ, imaginabimur, quod agens naturale in omni suo opere innititur virtuti Divinæ, & operatur per illam immediate. Illa autem virtus Divina non operatur mediante alia virtute, cui innititur, & fulcimentum recipiat à virtute illa: secundum hunc ergo modum Deus operatur omnia immediate: quia in operando non est organum aliquis; sed omnia sunt organa ipsius, & ipse omnia principaliter operatur. Rursus agens naturale non solum non potest aliquid efficere, nisi innitatur virtuti Divinæ, sed etiā non potest in aliquem effectum, nisi illum eundem effectum immediate, idest, proximè operetur Deus: quia (ut secunda declaratio ostendebat) Deus cum sit causa in actu omnium, immediate operatur omnia. Deus ergo omne opus naturæ operatur immediate, idest, principaliter, & operatur omne tale immediate, idest, proximè.

Habito quomodo Deus operatur omnia immediate, & ostenso quod non sunt subtrahendæ propriæ operationes à secundis agentibus, & ostenso quot modis dicitur immediatum, restat ultimò declarare quomodo esse possit, quod idem effectus sit immediate à Deo, & immediate à natura, & quomodo aliter sit à Deo, aliter à natura. Propter quod sciendum, quod si volumus benè imaginari, quomodo Deus operatur istos effectus mediante agentibus naturalibus, imaginemur, sicut nos docet imaginari Dionysius.

Dionys. ubi
De Div. nom.
5.5. De Divinis nominibus. quod Deus uniformiter operetur omnia. Sed si est diversitas in rebus, hoc est propter secunda agentia, mediante quibus operatur Deus. Ipsam enim infrigidationem operatur Deus, & etiam ipsam calefactionem: & secundum hunc modum agendi, quem videmus, Deus uniformiter operatur hanc & illam: sed quod differat hæc ab illa, ut quod differat calefactio ab infrigidatione, hoc est propter secunda agentia, ut quia calefactionem operatur mediante igne, infrigidationem verò mediante aqua. Deus ergo uniformiter operatur, sed ipsa secunda agentia propter eorum diversitatem non uniformiter operantur, & non uniformiter recipiunt impressionem Divinam. Vnde Dionysius. De Divinis nominibus, præsignato cap. Imaginatur, quod Deus non ratiocinans, nec præligens, sed omnia

A uniformiter operatur: sicut Sol, quantum est de se, omnia uniformiter illuminat; si autem non omnia uniformiter illuminantur, hoc est propter diversitatem recipientium: sic omnia Deus uniformiter agit; sed si non omnia uniformiter aguntur, hoc est, quia ipsa materia non est uniformiter disposita, & ipsa secunda agentia, quæ cooperantur ad productionem rerum, non uniformiter recipiunt motiones Divinas. Hoc est ergo quod Dionysius ait: quod sicut Sol, non ratiocinans aut præligens, facit omnia participare lumine, ut sunt valentia secundum propriam rationem: sic bonum, quod est super Solem, omnibus existentibus proportionaliter immittit totius bonitatis radios.

His itaque prælibatis, facile est videre, quomodo operatur Deus, & quomodo natura. Nam idem effectus est à Deo & à natura, & totus à Deo, & totus à natura; aliter tamen à Deo, & aliter à natura.

Imaginabimur quidem, quod omnes effectus naturales conveniunt, & differunt: conveniunt in eo quod sunt ens, & in eo quod habent esse; & differunt in eo quod sunt tale ens, utputa ignis vel aqua, & in eo quod habet tale esse, utputa esse calidum vel esse frigidum: quia ergo causæ universales & particulares sunt multæ & diversæ, Deus autem est causa universalis & una, omnes effectus sunt immediate à Deo, ut uniuntur & ut conveniunt in esse: & omnes isti effectus naturales sunt à natura, ut differunt, & ut habent tale esse: totum ergo facit immediate Deus; sed non facit immediate totaliter, nisi æquivocaremur de immediato; sed sicut facit Deus immediate totum, ita si vellet, posset facere immediate totaliter: & in prima productione rerum ad nihil cooperata sunt secunda agentia, & Deus quilibet effectum produxit immediate totum & immediate totaliter. Nunc autem quia vult dignitatem suam communicare creaturis, & vult quod creaturæ ipsæ sint causa & habeant operationes proprias, quemlibet effectum naturalem producit Deus immediate totum, sed non immediate totaliter; & illum eundem effectum facit natura immediate totum, sed non immediate totaliter, ut illum effectum, qui est comburere, & est esse, & est esse tale, ut esse, scilicet, calidum: ut est esse & ut convenit cum quolibet alio effectum, sic est immediate à Deo, sed ut est tale esse,

Idem effectus immediate totus est à Deo & à natura, sed non immediate totaliter. A Deo immediate totus in ratione entis, à natura immediate totus in ratione talis specificæ: sub qua ratione etiam à Deo producit mediante natura.

D. Dionys. 5. & ut differt ab aliis effectibus, sic est im-
 mediata à natura. Vnde Dionys. 5. *De*
De Div. nom. *Divin. nom.* vult, quod Deus potissime
 laudatur ab hoc effectu, qui est esse: quia
 est prius, & omnibus communis. Combure
 re ergo est immediate à Deo, sed non
 totaliter. Vnde secundum omnem sui ac-
 ceptionem immediate est à Deo ut est
 ens, & est esse: immediate autem est à
 creatura, ut est tale esse, & ut est tale ens.
 Vnum ergo & eundem effectum operatur
 Deus per se ipsum immediate, & opera-
 tur ipsum mediante natura. Operatur au-
 tem ipsum per se ipsum immediate, ut est
 esse, & ut accipitur secundum rationem
 universalem; & operatur ipsum median-
 te natura, ut est tale esse, & secundum
 rationem specialem.

Et ideo, si vellemus æquivocare in
 immediato, diceremus, quod Deus quem-
 libet effectum facit non solum immedi-
 ate totum, sed etiā immediate totaliter. Nā
 si consideretur effectus secundum ratio-
 nem generalem, sic Deus facit quemlibet
 effectum immediate, prout immediat-
 um idem est quod proximum: quia Deus
 est proximus & intimus omni rei, ope-
 rans per se ipsum immediate quemlibet
 effectum naturalem secundum rationem
 generalem: sed si accipiat effectus se-
 cundum rationem specialem, sic Deus,
 operando talem effectum mediante na-
 tura, dicitur ipsum immediate facere: pro-
 ut immediatum idem sonat, quod prin-
 cipale & primum. Sed nos ad præsens nō
 sic loquimur de immediato, sed loqui-
 mur de immediato, prout organum ca-
 dit medium inter causam & effectum, &
 prout natura & agens secundum quod
 cadit medium inter Deum & effectum,
 ut dicatur illa Deus immediate agere, quæ
 agit non mediantibus secundis agentibus,
 nec mediante natura: secundum quem
 modum loquendi Deus quemlibet effe-
 ctum naturalem sub ratione generali agit
 immediate, & quemlibet talem effe-
 ctum sub ratione speciali, & ut habet tale
 esse, & ut differt ab aliis, operatur me-
 diante natura. Patet ergo quomodo non
 subtrahendo proprias operationes ab agē-
 tibus naturalibus, quemlibet effectum na-
 turalem totum agit Deus, & totum natu-
 ra; & totum immediate Deus, & totum
 immediate natura, sed aliter Deus, & ali-
 ter natura: & posset Deus, si vellet, sicut
 agit immediate totum, ita agere imme-

diata totaliter, ita quod ad productionē
 illius effectus nihil operaretur natura: sed
 quia non vult, quod sint supervacua ope-
 ra sapientiæ suæ, non vult proprias ope-
 rationes subtrahere ab agentibus secundis,
 sed vult quod huiusmodi agentia coope-
 rentur sibi in istis effectibus, quos vide-
 mus.

Respond. ad Arg. Ad 1. dicendum,
 quod res sicut se habent ad esse, ita se ha-
 bent ad cognosci: & sicut Deus non indi-
 get alijs agentibus ad cognitionem rerū,
 ita non indiget eis ad productionem ear-
 um. Vel possumus dicere, quod res pos-
 sunt cognosci duobus modis. Vno modo
 in Divina essentia. Nam qui illam vide-
 ret, posset ipsas res cognoscere. Alio mo-
 do possunt cognosci res in ipsis secundis
 causis. Et sicut duobus modis possunt cog-
 nosci, sic duobus modis possunt produci.
 Vno modo, ut totaliter producantur à
 Deo. Alio modo, ut producantur
 mediantibus secundis causis. Et ut melius
 appareat quod dicitur, dicemus, quod
 quidquid producit à Deo mediantibus
 secundis causis, producit à Deo imme-
 diate totum; sed non producit à Deo
 immediate totaliter: quia id cooperantur
 secunda agentia in tali productione. De-
 us ergo per scientiam suam producit
 huiusmodi effectus immediate totos, sed
 nō immediate totaliter. Cū ergo dicitur,
 quod illa agentia non cooperantur Deo,
 ut Deus sciat: ergo nō cooperantur Deo,
 ut Deus producat. Patet quod sicut Deus
 per scientiam suam est causa rerum: sic al-
 ia agentia nihil cooperantur ad produ-
 ctionem rerum, quia nihil cognoscunt.
 Ad productionem ergo illorum effectuum,
 quos Deus per scientiam suam producit
 immediate totos, & immediate totaliter,
 secunda agentia nihil cooperantur; sed ad
 productionem illorum effectuum, quos
 Deus producit per scientiam suam imme-
 diate totos, & non immediate totaliter,
 possunt cooperari secunda agentia, &
 cooperantur. Nā, cū huiusmodi effectus nō
 producantur per scientiam Dei immedia-
 te totaliter, secunda agentia poterunt
 cooperari & cooperantur ad tales effe-
 ctus Dei absque eo, quod cooperentur ad
 scire Dei. Ad secundum dicendum, quod
 actio arguit formam substantialem & for-
 mam accidentalem: ut calefacere, quod
 procedit ab igne, arguit calorem ignis, &
 naturam ejus: sed formam accidentalem
 arguit

arguit tanquam organum: naturam verò & substantialem formam tanquam illud, in cuius virtute fit actio. Formæ ergo substantialis est maxime actio: quia virtute eius fit totum. Et quod Commentator dicit, quod nulla actio egreditur à forma substantiali, verum est immediate. Nam forma substantialis semper est principium actionis mediante forma accidentali: & quia ad formam substantialem sequitur propria virtus, ad propriam virtutem propria operatio, qui tolleretur à rebus proprias operationes, tolleretur proprias virtutes, & per consequens proprias naturas. Ad tertium patet solutio per iam dicta. Nam agentia secunda possunt inducere formam in materia absque eo, quod, (proprie loquendo) faciant aliquid ex nihilo. Ad 4. dicendum, quod facere aliquid ex nihilo, hoc est agere nullo præsupposito. Unde, ut dicebatur in solutione principali, si forma fieret per se, fieret ex nihilo: sed si fit in materia, in tali facione præsupponitur aliquid, in quod inducitur forma; quamvis de illa forma nihil fuerit in materia, non est facta ex nihilo, cum sit producta aliquo præsupposito. Ad 5. dicendum, quod oppositum non educitur de opposito, quod non ordinatur ad ipsū. Huiusmodi autem opposita non sunt potentia & actus. Nam potentia ordinatur ad actum, & actus perficit potentiam: ideo actus habet esse in potentia, sicut perfectio in perfectibili, & educitur de potentia materiae huiusmodi actus: sicut ex eo quod subicitur transmutationi, ut perficiatur per actum. Ad 6. dicendum, quod forma educitur de potentia materiae, non quia materia fiat forma, sed sicut dicitur esse in potentia agentis: quia agens est aptum natum transmutare, ut illud faciat: ita dicitur esse forma in potentia materiae: quia materia potest transmutari, ut dicatur in ea forma fieri.

Ad 7. dicendum, quod Deus potest totum producere, & non est ex insufficientia Dei, sed ex bonitate eius, quod vult dignitatem suam communicare creaturis, & vult quod creaturæ sint causæ, & habeant operationes proprias. Non autem fit frustra quod potest fieri per unum, si per fieri per plura resultat decor, & decencia universi. Ad 8. dicendum, quod secundum Phm. in 7. Meta. non solum producit asinus ab asino, sed etiam mulus ab asino. Assimilatio ergo effectus ad

causam non semper attendenda est secundum speciem. Poterit ergo idem effectus simul assimilari pluribus causis, & esse à pluribus causis, quod tamen illæ causæ sint adinvicem ordinatæ: & ut spectat ad propositum, patet verum esse quod dicitur. Nam si Deus calefacit mediante igne, id, quod efficitur calidum, assimilatur igni calefacienti, & assimilatur Primo agenti: quia quilibet creatura est quoddam vestigium, & quædam similitudo Dei. Ad 9. dicendum, quod ratio non arguit, quod secunda agentia non agant, sed petit sibi solvi difficultatem de modo agendi. Ad quod dici potest, quod agens nihil immittit in passum, propter quod immixtum passum patitur. Unde Commentator supra 12. Metaphysicæ dicit: *Calidum enim non inducit in corpus calidum calorem extrinsecum: sed facit calidum in potentia esse calidum in actu.* Si ergo quaeratur quis est modus agendi? Ad hoc respondet Phis 1. de Generatione cap. De activis & passivis, & vult quod non sit quaerere aliam causam: sed eo quod hoc est in potentia, & illud in actu, illa approximata agunt, & patiuntur. Sic ergo non oportet quaerere aliam causam, quomodo materia perficiatur per formam, sed eo ipso quod hæc potentia, & forma est actus, unum perficitur per aliud: sic non oportet quaerere aliam causam, quomodo passum patitur ab activo, sed eo ipso quod hoc est potentia tale, quale est illud actu: si approximantur, hoc patitur, illud agit. Ad 10. dicendum, quod patiens quando est perfecte assimilatum agenti, cessat actio & passio: Quia, habitibus presentibus in materia, cessat motus, ut vult Phis 1. de Generatione: & quia res semper est similis sibi (loquendo de similitudine largæ) nunquam res agit in se ipsam, loquendo de actione, quæ est transmutatio & motus. Ad formam autem arguendi dicendum, quod non sufficit, quod aliquid sit simile alicui ad hoc, quod producat ab illo: sed aliquando oportet, quod fuerit dissimile, & quod fuerit tale in potentia, quale est illud actu: quod de re respectu sui ipsius fateri non possumus. Ad 11. dicendum, quod idem potest esse à forma generis, & à forma speciei; aliter tamen & aliter. Nam idem est esse, & vivere, & ut est esse est à forma, ut sumitur generaliter; & ut est vivere est à forma, ut sumitur specialiter. Vtrum autem sit idem forma generalis, & specialis, non est præ-

Phis 12. Metaphysicæ com. 18.

Phis 1. De Gen. cap. de activis & passivis.

Phis 1. de Gen.

Phis. 7. Metaphysicæ com. 18.

sentis

entis speculationis. Sed quantum facit ad propositum, dicamus, quod sicut est ordo in formis, sic est ordo in efficientibus: licet non oporteat tantam differenciam esse in formis, quæ perficiunt unam & eadem rem habentem in unum esse, quanta est diversitas in efficientibus adinvicem ordinatis, quorum quodlibet habet per se esse: & sicut à forma sumpta generaliter, & à forma sumpta specialiter potest esse unum & idem immediate sub alia & alia ratione: sic ab agente universali & particulari potest esse immediate unus & idem effectus sub alia & alia ratione. Ad 12. dicendum, quod esse est per creationem: quia, ut patebit in sequenti questione, quilibet effectus, ut est ens, & ut habet esse, est à Deo: & secundum hunc modum quasi assimilatur creationi: quia non propter hoc tolluntur operationes à secundis agentibus, ut in sequenti questione patebit. Ad 13. dicendum, quod inter agens & actum, inter causam & effectum non requiritur proportio commensurationis, sed proportio ordinis. Non ergo oportet, quod Deus descendat & commensuret se secundo agenti ad hoc, quod agat, mediante illo: sed sufficit, quod secundum agens habeat ordinem ad ipsum. Forma autem arguendi non valebit: quia non valet, si agens inferius non potest aliquid agere supra se, quod agens superius non possit aliquid agere infra se. Ad 14. dicendum, quod actio Dei dicitur esse in fieri, non quod nihil à Deo productum sit in facto esse, sed quia quælibet creatura comparatur ad Deum, sicut fieri ad faciens: quia sicut ipsum fieri requirit presentiam facientis: sic creatura non potest conservari in esse sine Divina presentia.

corpus, substantia, ens, omnia hæc habebit à sua causa, & ab igne generante. Ignis ergo generans, ut ignis, producit ignem ut corpus, ergo ut ens: ignis ergo & per consequens agens creatum potest esse causa effectus, ut est ens, & ut habet esse. Præterea: illud, in quo conveniunt omnia agentia, est effectus cujuslibet agentis, sed omnia agentia conveniunt in dare esse, differunt autem in dare hoc vel illud esse: ergo erit effectus cujuslibet agentis. Præterea: plus est vivere, quam esse; sed aliqua agentia dant vivere: ergo dabunt esse. Præterea: unumquodque agens ut agit, assimilatur sibi passum, & est causa passum, sed agit ut est in actu, & ut habet esse: ergo assimilabit sibi passum, & causam passum, ut est in actu, & ut habet esse ipsius: ergo ipsius esse rei poterit esse causa creatura. Præterea: secundum Phm In 12. Meta. causæ particularium sunt particularia, universalium sunt universalia: ergo & creatura sumpta particulariter erit causa esse in particulari, sumpta verò universaliter erit causa esse in universali: ipsius ergo esse tam in particulari, quam in universali erit causa creatura.

In contrarium est Dionysius, De Div. Nom. qui videtur velle, quod esse sit proprius effectus Dei.

RESOLVTIO.

Rationem entis, & specialia entia esse producat creatura, non est causa alicujus effectus, ut ens est, & ut habet esse.

Quod triplici ratione fulcitur.

QVÆSTIO V.

Utrum creatura aliqua possit esse causa alicujus effectus sub ratione entis, & ut habet esse?



Intus queritur: utrum creatura aliqua possit esse causa alicujus effectus, ut est ens, & ut habet esse? Et videtur quod sic: quia ea, quæ sunt in effectibus, oportet proportionaliter respondere eis, quæ sunt in causa, ut si ignis generatus est ignis,

Respond. dicendum, quod esse creatura in tribus differt ab esse Divino. Nam Divinum est esse stans non de pendens: esse verò creaturae est esse dependens: vel (quod in idem redit) esse Divinum est esse primum: esse creaturae est esse secundarium. Secundum autem dependet à primo: sed primum non dependet à secundo. Secunda differentia inter hoc esse & illud est: quia esse Divinum est esse purum: esse creaturae est esse participatum. Tertia differentia est: quia esse Divinum est esse non contractum, nec ad genus, nec ad speciem: sed esse creaturae est esse participatum, & contractum. Ex his autem possunt

possunt sumi tres rationes, quibus creatura non est causa ipsius entis, nec ipsius esse secundum quod huiusmodi.

Prima ratio
sumitur ex
dependentia

Comm. 2.
Meta.

Prima via sic patet: nam quia esse Divinum est esse primum, & Deus est prima causa: ideo primum attingit effectum: & quia *Formae universales prius recipiuntur in materia, quam formae minus universales*, ut dicit Comment. super 2. Metaph. ens & esse, quae sunt universalissima, prius recipiuntur in materia, quam omnia alia, & inde est, quod dato, quod idem sit vivere & esse; attamen esse est universalius, quam vivere: ideo unum & idem, ut est esse, prius recipitur in materia, quam ut est esse vivere: & quia semper posterius dependet a priori, & innititur priori, omnia alia, quae recipiuntur in materia, dependent ab ipso esse, & innituntur ipsi esse, & per consequens nec est inconveniens, quod idem sub una ratione sit posterius, & dependens, & innitatur sibi ipsi sub alia ratione: unum ergo & idem ut est vivere est posterius se ipso, & innititur sibi ipsi ut est esse: & quia causa secunda dependet a prima causa, & est posterior eas: licet idem effectus sit ab utraque causa; tamen ut est a causa secunda est posterior se ipso, & dependet a se ipso, ut est a causa prima. Iuxta enim ordinem causarum oportet esse ordinem in effectibus: & quia (ut dictum est) primum, quod recipitur in materia, est ens & esse; cetera vero sunt posteriora, & innituntur huic: hoc autem non innititur aliis, causa prima, quae primum attingit effectum, erit causa rei secundum quod est ens & esse: cetera vero sunt, vel esse possunt causa rei secundum quod habet tale vel tale esse. Ex hoc autem potest magis patere, quomodo idem esse est totum immediate a Deo, & totum immediate a natura; sed sub alia & alia ratione. Nam sub ratione universali & prima est totum immediate a Deo; sub ratione vero speciali & secunda est totum immediate a natura.

Lib. de cau-
sa.

Ex hoc autem patet illud dictum de causis, videlicet, quod *Esse est per creationem; cetera vero per informationem*. Non est enim intellectus, quod quodcumque datur aliquod novum in esse, quod semper sit ibi nova creatio: sed pro tanto veritatem habet illud dictum: quia datio ipsius esse habet similitudinem creationis; datio vero aliarum perfectionum habet similitudinem informationis. Nam forma pra-

supponit materiam; materia vero non praesupponit aliud, in quo recipiatur. Rursus creare est agere nullo praesupposito: & quia esse non praesupponit alias perfectiones; ceterae vero perfectiones praesupponunt ipsum esse, & innituntur ei: ideo datio ipsius esse habet similitudinem creationis, sed datio aliarum perfectionum habet similitudinem informationis: quia, ut dicebatur, sicut forma (loquendo de forma informante, non de forma per se existente) praesupponit id, quod informat, ita omnes aliae perfectiones ab esse sunt per informationem: quia praesupponunt ipsum esse, & innituntur ei: ex hoc autem patet solutio ad questionem istam praesuppositam. Nam cum nulli creaturae communicari possit, quod sit causa prima, & quod non innitatur alteri causae, nulli rei creaturae communicari poterit, quod primum attingat effectum, & quod actio sua non innitatur rei alij. Nullius ergo effectus, ut est ens, & ut habet esse, poterit esse causa aliqua creatura: quia tunc communicaretur illi creaturae, quod primum effectum attingeret, & per consequens, quod esset causa prima. Ex hoc etiam patere potest quanta est dependentia creaturae, & quantum dependet actio naturae. Nam natura primum praesupponit materiam, & dependet actio naturae ex praesuppositione materiae.

Rursus, actio naturae non potest attingere materiam, nisi praesupponat aliquam aliam actionem, mediante qua possit materiam attingere & agere: quia sicut natura non est agens primum, ita non potest primum materiam attingere: Deus igitur in duobus auxiliatur naturae, vel in duobus auxiliatur actioni eius. Nam primum auxiliatur ei substernendo materiam. Secundum auxiliatur ei, attingendo in omni actione ipsam materiam. Primum quia nisi Deus primum in agendo materia attingeret, & nisi actioni illi inniteretur actio naturae, nunquam natura posset aliquid facere: ideo causa primaria dicitur esse ipsius influens primum: quia primum attingit effectum, & quia (ut saepe dictum est) primum, quod recipitur in materia, est esse: ideo solus Deus, qui primum attingit omnem effectum, est causa cujuslibet rei, ut est ens, & ut habet esse.

Secunda via ad hoc idem sumitur ex eo quod creatura habet esse participatum, & in alio receptum. Est enim haec dif-

Datio ipsius
esse habet si-
militudinem
creationis, &
datio aliarum
perfectionum
habet infor-
mationis si-
militudinem.

Secunda ratio
ex partici-
patione
esse

dis-

Perfectio pu-
ra, vel sepa-
rata quanto
universalior
tanto perfe-
ctior; parti-
cipata verò
vel in mate-
ria recepta
quanto uni-
versalior, ta-
to imperfe-
ctior

differentia inter perfectiones puras, & in alio receptas: quia perfectio pura vel perfectio separata quāto universalior, tanto perfectior & actualior: sed perfectio participata vel in materia recepta, quāto universalior, tāto imperfectior, & minus in actu. Vnde si vera esset opinio Platonis, quod essent istae perfectiones separatae, utputā, quod esset quoddam ens separatum, & esset quoddam vivere separatū differens realiter ab illo esse, huiusmodi esse perfectius esset, quā huiusmodi vivere. Cujus ratio est: quia si vivere esset separatū, haberet omnē rationem vivi, propter quod tale vivere separatū non esset separatū infinitum simpliciter, sed esset infinita vita: quia non haberet vitam secundum determinatum modū vivendi, sed haberet vitā habentē omnē rationē vite: sed esse separatū haberet omnem rationem entis: & quia sub ente continentur omnia genera: ideo tale esse haberet perfectiones omnium generum, & istud esset infinitū simpliciter, & tale quid dicimus esse Deum. Vnde bene ponimus, quod sit dare esse tale separatū, quod comprehendat in se vivere, & omnes perfectiones: sed non ponimus quod sit dare vivere separatū, differens realiter à tali esse, nec sapere separatū differens ab utroque realiter, tamē si esset ita ponere, esse: illud esset perfectius quā vivere, & vivere quā sapere. Bene ergo dictum est, quod si essent plures perfectiones separate, quāto universalior, tanto perfectior & actualior. Sed perfectiones in materia receptae quāto universaliore, tanto imperfectiores & potentialiores. Vnde forma generis imperfectior & potentialior est specie. Species enim est actualior genere. Quod si quaeratur causa, plana est ratio. Nam, ut supra tetigimus, quantumcunque sit, idem genus & species, & quantumcunque sit idem forma universalis, & minus universalis, & quantumcunque sit idem esse & vivere; tamen forma, ut est genus prius recipitur in materia, quā ut est species, forma ut est magis universalis, prius advenit materię, quā ut est minus: & esse prius quā vivere. Et quod prius attingit materiam, secundum quod huiusmodi, est materialius, & per consequens potentialius & imperfectius. Perfectio quaecumque quāto consideratur ut universalior, tāto accipitur ut imperfectior, & ut potentialior: &

quia esse inter omnia est universalissimum: ideo licet secundum se sit perfectissimum, & maximē in actu, ut recipitur in materia est valde imperfectū, & multum habens de potentialitate: & quia esse cuiuslibet creaturæ est esse receptum, & si non in materia, saltem est receptum in aliqua potentia: ideo omnis creatura ut est ens, & ut habet esse, accipitur ut plus habens de potentialitate, & minus de perfectione, quā ut est tale ens, & ut habet tale esse: ut homo est homo, & est animal, & est substantia, & ens: Plus habet de perfectione ut homo, quā ut animal, & ut animal, quā ut substantia, & ut substantia, quā ut ens: & quia quodlibet agit ut est in actu, & ut est perfectum: (immò quia unumquodque cognoscitur, ut est in actu, tunc perfectum esse dicitur, cum potest sibi simile producere) creatura ex ea parte, ex qua est imperfecta, non ager: sed ex ea, ex qua est perfecta: & ideo non erit creatura causa effectus secundum rationem generalem, secundum quam ipsa considerata est in potentia, & est imperfecta: sed secundum rationem specialem, secundum quam accepta est perfecta & in actu: & quia inter omnia esse, ut dictum est, est universale; creatura non erit causa effectus, secundum quod est ens, & secundum quod habet esse: sed prout est tale ens, & habet tale esse. Deus autem erit sic causa: quia secundum suum esse est infinitum pelagus perfectionis.

Tertia via ad hoc idem sumitur ex particularitate creaturæ. Dicebatur enim, quod Deus habet esse non contractum, nec ad genus, nec ad formæ speciem. Creatura verò habet esse determinatum & ad genus & ad speciem: & quia esse secundum se non est quid determinatum ad aliquod genus: ideo ipsius esse, secundum quod huiusmodi, creatura causa esse non poterit. Vel potest aliter formari hæc ratio. Nam illud, quod competit triangulo, in eo quod triangulus, competit omni triangulo: illud ergo erit causa ipsius esse, secundum quod huiusmodi, quod est causa totius entis. Hoc autem creaturæ competere non potest: quia tunc sui ipsius causa esset. Sed dices, quod etiam Deo hoc nec competere potest, quod sit causa ipsius esse, secundum quod huiusmodi: quia tunc etiam ipse sit ens, esset sui ipsius causa. Sed hæc

hac obiectio parum valet: quia cum dicitur hoc est causa ipsius esse, ibi, esse, non potest accipi nisi causatum. Causare ergo esse, in eo quod huiusmodi, est habere causalitatem super omne esse causatum: & quia huiusmodi est solus Deus: ideo solus ipse est causa effectus, ut est ens, & ut habet esse, & est causa ipsius esse, secundum quod huiusmodi: & per hoc patet solutio ad quesitum.

Sed propter argumenta sciendum, quod non est questio de re causata; sed de modo causandi. Concedimus enim eandem rem esse causatam à Deo & à natura; sed non eodem modo, ut si Deus mediante igne causat ignem, ignis causatus, ut est ignis, est ab igne, ut est ens est à Deo. Ignis ergo causat ignem & ens, & Deus causat ens & ignem: sed ignis causat ens, quia causat ignem; Deus autem è converso, causat ignem, quia causat ens. Intelligimus enim (ut supra tetigimus) quod Deus ut operatur in istis effectibus naturalibus se habet uniformiter: & quia effectus cōveniūt & differūt, ut differunt sunt à secundis agentibus, quæ se habent difformiter; ut conveniunt sunt à Primo agente, quod se habet uniformiter. Posset tamen Deus sicut producit omnes effectus, ut conveniunt, ita posset eos producere, ut differunt. Nec est hoc ex insufficientia Dei, sed ex bonitate ipsius, quæ communicat creaturis. Cum ergo effectus conveniant, ut sunt entia, differat, ut sunt talia entia, ut sepe diximus, effectus, ut est ens, erit à Deo; ut est tale ens esse poterit ab agente alio. Verumtamen licet sit ita diversitas rationum & modorum; tamen una est res, quæ causatur secundum has rationes & hos modos. Ignis enim est ens, & ens in igne non est nisi ignis: ideo si ignis causat ignem, causat Deus: & si Deus causat ens in tali materia, causat ignem: uterque ergo causat ignem & ens, sed non eodem modo, ut est per habita manifestum.

Respond. ad arg. Ad primum dicendum, quod quamvis ignis sit ignis & ens, tamen nullam actionem habet nisi determinatam & talem, & particulatam, & nihil facit nisi ignem: sed quia in actione tali reservatur ratio Primi agentis, & in igne reservatur ratio entis: ideo causando ignem causat ens, & agendo actionem talem, agit actionem ipsam: & ideo (si volumus propriè loqui) ignis nō


est causa entis, ut est ens, nec est causa ignis ut est ignis; sed est causa ignis non ut est ens, sed ut ignis, & est causa entis, non ut est ens, sed ut reservatur in igne. Ad 2. dicendum, quod omnia ista agentia naturalia conveniunt in dando esse, prout esse reservatur in tali esse, ut ignis non dat esse nisi igneum, & aqua per se non dat esse nisi aqueum: ut ignis calefaciendo aërem convertit ipsum in ignem; & aqua inspissando ipsum facit inde aquam. In quolibet ergo istorum est quatuor considerare: quia potest considerari aqua, ut aqua, & aqua ut ens; & potest considerari ens ut ens, & ens ut aqua. Duo istorum pertinet ad Deum: & duo ad creaturam. Deus enim facit ens & aquam, sed facit ens, ut ens, aquam ut ens: & natura facit aquam & ens, sed facit aquam ut aquam, & ens ut aquam. Dant ergo ista secunda agentia esse, in quo conveniunt omnes effectus; sed non dant esse ut esse, sed ut tale esse. Questio autem non querit: utrum creatura possit esse causa alicujus entis; sed utrum possit esse causa alicujus, ut est ens, quod patet esse non posse. Ad 3. dicendum, quod vivere est in plus, quā esse: quia in vivere reservatur esse. Et benè volumus quod creatura det esse, in eo quod dat vivere, sed non dat esse. In eo quod esse, nec dat vivere in eo quod esse: sed dat vivere in eo quod vivere, & dat esse in eo quod vivere. Ad 4. dicendum, quod argumentum arguit oppositum potius, quā propositum. Nam creatura magis est in actu, ut habet tale esse, quā ut habet esse: & ideo creatura dabit tale esse, & si dabit esse, hoc erit prout esse reservatur in tali esse. Ad 5. dicendum, quod multa nec agunt, nec patiuntur, nec fiunt, nec generantur, nisi per accidens, ut generatis particularibus. Et (ut patet per habita) non negamus, quod creatura dando tale esse, det esse, ut ignis generando ignem generat ens, ut per habita est manifestum. Et, ut melius pateat, quod queritur, dicemus, quod non est questio quid creatura faciat, sed quomodo faciat. Cum enim sit idem universale & particulare: quia idem est species & genus, quod servatur in specie, etiā idē est vivere & esse, quod reservatur in vivere, quidquid est causa unius, est causa alterius, & è converso: ut quidquid est causa entis, est causa talis entis, & è converso. Attamen (ut diximus) prout Deus producit

ducit entia mediantibus secundis causis, actio Divina diversificatur ex secundis agentibus, & prout recipitur in secundis causis. Secundum enim hunc modum actio Divina se habet uniformiter ad omnia creata, & ad omnes causas. Illud ergo producet hoc modo Deus, in quo conveniunt omnes causæ: & quia omnes causæ conveniunt in dando esse: ideo hoc modo esse est proprius effectus Dei. Secundum igitur hunc modum productionis, quod huic rei detur tale à Deo esse, alij aliud esse, hoc erit: quia hæc res producitur à Deo mediante hac causa, illa mediante alia causa. Dicendum ergo secundum hunc modum causandi Deum causare esse & causando esse causare hoc esse, & tale esse. Dicimus autem secundum hunc modum producendi, quod posset Deus totum facere sine adminiculo creaturæ, sed in his, quæ causat mediantibus causis creatis, Deus, ut diximus, causat esse, & causando esse causat hoc esse, & tale esse. Creatura autem è converso. Vtriusque ergo & esse & huiusmodi esse est causa Deus, & creatura: & quia utramque tam universale, quam particulare refertur in creaturam tanquam in causam: ideo oportet, quod causare talia adaptetur ad creaturam eo modo, quo sunt in creatura, ut dicamus, quod universalium sunt causa universalis, particularium autem particularia. Sed hoc non destruit veritatem præfatam, quin Deus producat entia mediantibus secundis causis modo, quo diximus.

ei hoc communicare? Et videtur quod sic: quia Deus potest quidquid contradictionem non implicat. Si ergo Deus hoc non potest communicare, vel hoc est ex parte sua: quia non potest hoc dare. Vel ex parte creaturæ: quia non potest hoc recipere. Non ex parte Dei, ut patet: nec etiā ex parte creaturæ: quia si hæc creatura nō potest facere hoc, nō nisi quia hoc faciendo, ageret ultra suam speciem: sed non est inconveniens, quod aliquid in virtute alterius agat ultra suam speciem: ergo creatura in virtute Dei poterit agere creare, vel poterit cooperari Deo in opere creationis. Præterea: plus est habere operationem pertingentem ad Divinam essentiam, quam habere operationem pertingentem ad quamcunque rem totam, & ad omnes partes ejus: sed hoc potest communicari creaturæ, ut videat ipsam Divinam essentiam: ergo poterit ei communicari, quod producat rem totam, & omnes partes ejus: sed hoc est creare: ergo &c. Præterea: dicebatur quod hoc non potest communicari creaturæ, quod producat aliquid ex nihilo: quia est ibi distantia infinita. Contra: ista infinitas non est positiva, ut intelligamus, quod Deus faciendo ex nihilo aliquid, quod incipiat à nihilo, & procedat donec fiat aliquid aliquid. Sed ista distantia est negativa: infinitas autem negativè potest communicari creaturæ: ergo &c. Præterea: Deus est quoddam pelagus infinitum continens in se omnes rationes omnium, & secundum aliam, & aliam rationem facit aliam & aliam creaturam: ergo non facit aliquam creaturam secundum communem rationem, sed secundum aliquam specialem rationem causat hanc creaturam, & secundum aliam rationem creat aliam. Sed licet creatura non possit habere in se omnium rationem; tamen non est inconveniens eam habere in se hanc rationem, vel illam: ergo licet creatura non possit cooperari Deo in productione omnium rerum; non est tamen inconveniens, quin cooperetur ei in productione huius rei, vel illius. Præterea: Deus & nihil summe distant: ergo materia, quæ est valde propè nihil, & Angelus supremus, qui est valde propinquus Deo, proportionaliter distant: ergo sicut materia se habet ad potentiam passivam, quæ est propè nihil, ita Angelus supremus: quia est propè Deum, qui est actus

QUÆSTIO VI.

Utrum Deus possit communicare creaturæ, quod creet?



EXTO, postquam dubitabimus, utrum creatura cooperetur Deo in operatione rei: & quærivimus quomodo cooperatur ei, & utrum cooperetur producendo effectum in eo quod ens, dubitabimus de cooperatione in operere creationis, & erit, quæstio: utrum creatura possit cooperari Deo in tali opere: Et quia non potest hoc creatura de se, erit quæstio, utrum Deus possit

purus, se habebit ad potentiam activam; sed materia habet infinitam potentiam passivam: ergo ille supremus Angelus habebit infinitam potentiam activam: ergo poterit creare. Præterea: inter Deum & nihil est distantia infinita; sed inter creaturam & nihil, cum sit maior distantia inter eam & nihil, quam inter Deum & nihil, non est distantia infinita. Non ergo requirit potentiam infinitam facere ex nihilo aliquid. Præterea: posse durare in tempore infinito est habere potentiam infinitam; sed potest communicari creaturæ, quod daret in tempore infinito: ergo potest ei communicari potentia infinita, & per consequens potentia creandi. Præterea: unumquodque agit per suam formam: ergo qualis est forma, talis est actio. Si ergo forma rei requirit aliquid in quo recipiatur, & actio eius requirit aliquid, in quo possit recipi. Sed sunt multæ formæ per se stantes, ut intelligentiæ, non indigentes materia, in qua recipiantur: ergo nec actio illarum formarum indiget materia, in qua recipiatur: ergo poterit agere absque suppositione materiæ. Præterea: creatura potest facere ex aliquo nihil: quia potest se abjicere à gratia, & annihilare eam: ergo pariter poterit facere ex nihilo aliquid: quia paris potentiæ est facere ex aliquo nihil: & è converso. Præterea: sic Sacramenta novæ legis efficiunt: sicut figurant: ergo causant gratiam; sed gratia creatur ex nihilo: ergo &c. Præterea: quod potest in antecedens potest in consequens: sed natura potest in antecedens ad animam intellectivam, & Sacramenta ad gratiam, & per consequens tam natura, quam Sacramenta creabunt. Præterea: causatum non est infinitum: ergo creatio non est infinita: ergo creatura poterit creare, licet non habeat potentiam infinitam.

In contrarium est: quia nihil & aliquid distant in infinitum. Nam non entis ad ens non est aliqua proportio: creare igitur requirit potentiam infinitam; sed hoc non potest communicari creaturæ: ergo &c. Præterea: honor patriæ non potest communicari creaturæ: ergo nec potentia creandi: quia Creatori ratione creationis debetur honor patriæ. Præterea: secundum Aug. 3. de Trin. c. 8. *Nec bonos Angelos fas est putare creatores.* Sed si nefas est bonos Angelos putare creatores, multo magis hoc est nefas de aliis creaturis: ergo &c.

B. Egid. Col. Rom.

Creature virtus operandi nullo præsupposito, vel creandi non valet communicari. Primo: quia virtus creature non est substantia. Secundo: quia agens naturale præsupponit semper Dei actionem, & potentiam passivam, in qua recipiatur ejus actio. Tertio: quia solius Dei est per se facere & dare esse immediatè, & consequenter creare.

Respondeo dicendum, quod triplici via investigare possumus, quod agentibus creatis non possit communicari talis potentia. Nam in hujusmodi agentibus est tria considerare, videlicet, virtutem per quam agunt; potentiam passivam, quam (ut patebit) de necessitate præsupponunt, & ordinem, quem habent ad invicem ad causam Primam.

Prima ergo via sumitur ex parte ipsius virtutis secundorum agentium. Dixerunt enim quidam, quod causa, propter quam potentia creandi non potest communicari creaturæ, est: quia actio creaturæ est accidens; actio Dei est substantia: quia Deus est suum agere; creatura vero non. Ideo dixerunt isti, quod quia substantia non indiget aliquo, in quo recipiatur; ideo actio Dei, quæ est substantia sua, nihil præsupponit, nec indiget aliquo, in quo recipiatur; sed actio creaturæ, quæ est accidens, de necessitate indiget aliquo, in quo recipiatur: & quia creare est nihil præsupponere, potentia creandi creaturæ communicari non potest. Sed hæc ratio (quantum intelligo) non concludit. Nam actio Dei, quæ est sua substantia, est actio non transiens in exteriorem materiam: actio autem, quæ non transit in exteriorem materiam, si exteriorem materiam non requirit, nihil impossibile inde contingit. Sed si vellemus sic accipere actionem creaturæ pro actione non transeunte in exteriorem materiam, quantum ad propositum spectat, quodammodo simile est de Deo & de creatura: quia sicut actio Dei non transiens non præsupponit aliquid exterius, in quo recipiatur, sed est in ipso Deo agente hujusmodi actionem: sic actio creaturæ non transiens non præsupponit aliquid exterius, in quo recipiatur, sed est in ipsa creatura agente actionem illam. Ergo si ex hoc, quod in Deo nihil est per accidens, ut vult August. 5. de Trin. cap. 4. in creatura

tura verò qualibet est aliquid per accidens.

Prima ratio.

Si volumus elucidare, quod quaritur, incedemus alia via comparantes virtutem Dei ad virtutem creaturæ. Et hæc via erit magis per se: quia de ipsa virtute, & de ipsa potentia est quæstio mota. Dicemus enim, quod quia virtus Dei est ipsa substantia, immediatè potest Deus in productionem substantiæ rei: & idè potest Deus totum immediatè producere: quia producendo immediatè substantiam, producet & alia, quæ ad substantiam consequuntur. Creatura autem non sic. Nam virtus creaturæ est accidens: idè nunquam creatura potest B immediatè in productionem substantiæ. Cū ergo creatura aliquid operatur, utputa cū ignis agit, incipit prius ab accidente, & prius inducit formam accidentalem in materia, quàm substantialem. Nam secundum Comment. in 2. Metaph. forma substantialis non potest esse immediatum principium operationis. Potentia ergo activa creaturæ est accidens, non substantia, ut potentia activa ignis non est nisi calor secundum eundem Comment. ibidem. Si ergo ignis non habet potentiam activam nisi calorem, immediatus effectus ejus erit calefacere, ita quod primo calefaciet, & inducet in materia formam accidentalem, ut calorem; postea, inducitur tali accidentali forma, inducet substantialem: ita quod in omni actione creaturæ ante generationem præcedit alteratio, & ante inductionem substantialis formæ præcedit inductio accidentalis: & quia hoc non solum est in igne, sed est quid per se, & quid generale in omni creatura, quod virtus ejus & potentia activa ipsius est accidens, agens creatum non potest sibi assimilare passum, quantum ad formam substantialem, nisi prius assimilet sibi quantum ad accidentalem.

Quomodo differt operatio Dei ab operatione creaturæ.

Si ergo volumus benè imaginari quomodo differt operatio Dei ab operatione naturæ & cujuslibet creaturæ, ponemus quoddam grossum exemplum, quod (ut spectat ad propositum) nullam calumniam habet. Imaginemur ergo duos ædificatores, quorum unus faciat domum incipiens à fundamento, alius verò incipiens à tecto. Qui verò incipit à fundamento non oportet, quod domum destruat ad hoc, quod domum faciat: In tali enim ædificatione erit generatio

domus sine corruptione domus. Sed qui vellet incipere à tecto, ut prius faceret tectum, postea parietem: cū tectum præsupponat parietem, sic ædificans, si vellet facere domum, oporteret, quod destrueret aliam domum, ut quod tolleretur tectum à domo iam facta, & faceret aliud tectum, & tolleretur parietem, & faceret alium parietem: nam tectum non posset fieri nisi super parietem. Ædicator ergo incipiens facere domum à tecto, præsupponit aliquem parietem, super quem facit tectum: nunquam ergo iste faceret domum, nisi destrueret aliam domum, erit ergo in talibus semper generatio domus ex corruptione domus: & quia agens creatum, ut dictum est, nunquam incipit à substantia, quæ est fundamentum aliorum; sed incipit ab accidente: & quia accidens semper requirit substantiam, in qua recipiatur, non potest agere, nisi præsupposito aliquo, in quo recipiatur actio ejus. Semper ergo sic agit creatura, quod incipiens ab accidentibus inducit unum accidens, tollendo aliud; & inducit unam formam accidentalem, tollendo aliam: nunquam ergo generat nisi corrumpendo, nec corrumpit nisi generando. Semper ergo generatio præsupponit rem corruptam, & corruptio terminatur ad rem generatam, ita quod nunquam potest facere ex nihilo aliquid, nec è converso. Deus autem, quia potest immediatè in productionem substantiæ, eo quod non agat per virtutem, quæ sit accidens, sed per virtutem, quæ est substantia, producendo substantiam poterit producere totum: quia poterit producere omnia alia, quæ ad substantiam consequuntur: poterit itaque producere unam rem sine corruptione alterius, & poterit agere nullo præsupposito: sic etiam, quia tollendo substantiam tollet totum, poterit rem annihilare, & poterit unam rem corrumpere absque eo, quod aliam rem generet. Cū ergo quaritur, utrum potentia creandi possit communicari creaturæ? Dici potest, quod cū non possit ei communicari, quod agat per virtutem, quæ sit substantia, non poterit ei communicari, quod possit immediatè in productionem substantiæ, & per consequens non poterit communicari, quod possit agere nullo præsupposito.

Secunda via ad investigandum hoc idem sumitur ex potentia passiva, quantum ad

de necessitate præsupponit actio creatu-
 ra. Imaginabiliter enim, quod esse crea-
 tum est ens, & est tale ens, & est tale ens
 hoc signatum, ut id, quod ab igne cau-
 satur, est ens, & est tale ens: quia est ignis,
 & est tale ens hoc signatum, quia est hic
 ignis. Et licet ignis generatus sit, omnia
 ista; tamen ab alio habet quod sit ens, &
 ab alio quod sit ignis, & ab alio quod sit
 hic ignis: quod sit ens habet à Primo a-
 gente: quod sit ignis habet ab igne gene-
 rante: & quod sit hic ignis habet à ma-
 teria signata, in qua recipitur forma ign-
 nis. Ignis ergo generans, & quodlibet
 agens naturale, est quoddam agens medi-
 um inter agens Divinum & materiā: & B
 ideo agens naturale producit effectum
 sub esse medio: & quia esse speciale est ef-
 fe medium inter esse generale & esse sig-
 natum: ideo effectus ut producit ab
 agente naturali, producit sub esse spe-
 ciali non sub esse generali, nec sub esse
 signato. Dicebatur enim supra, quod si
 ignis generaret ignem sine materia, ita
 generaret ignem, quod non generaret
 hunc ignem: non enim habet ignis geni-
 tus ab igne generante, quod sit hic ignis;
 sed hoc habet à materia signata, in qua
 recipitur. Ignis enim generat ignem per
 formam suam; sed generat hunc ignem
 per materiam, in qua agit. Ideo si ignis
 vel quodcumque agens naturale posset a-
 gere non ex præsuppositione materiæ,
 produceret effectum universalem absque
 eo, quod haberet esse signatum: & quia
 hoc est impossibile, & implicat contra-
 dictionem, cum universalis non possint
 per se existere, ut probatur in 7. *Metaph.*
 potentia creandi, quæ est agere non ex
 suppositione materiæ, agenti creato cō-
 municari non potest. Dicemus ergo,
 quod in istis effectibus, quos videmus, ma-
 D
 teria dat eis esse signatum. Quod si vo-
 lumus in causam efficientem reducere
 hanc signationem, reducemus eam in
 ipsum Deum, qui producit materiam.
 Ignis ergo & quodcumque agens natura-
 le in suo effectū præsupponit actionem
 Dei, & præsupponit materiam. Nam si
 ignis produceret aliquem effectum, non
 præsupposita actione Divina, effectus ille
 esset, sed non esset ens, ut patet ex quæ-
 sitione precedenti.
 Rursus si ignis posset producere aliquid
 sine suppositione materiæ, effectus ille ef-
 fet ignis, sed non esset hic ignis: & quia

utrumque est impossibile, ideo quodlibet
 A
 agens creatum in omni actione sua præ-
 supponit actionem Dei, & potestiam pas-
 sivam, in qua recipiatur actio ejus: ideo
 naturali agenti communicari non pote-
 rit it creandi potentia.

Tertia via ad hoc idem sumitur ex
 ordine agentium. Nam creatio (ut pate- Ratio Tertia
 bit in questione sequenti) non est motus
 nec mutatio; sed est simplex defluxus re-
 rū à Deo, & simplex productio ad esse: im-
 mō, ut patebit, ipsa creatio est idē realiter,
 quod esse creaturæ. Illius ergo est creare,
 ejus est per se facere, & immediatē esse
 dare: & quia hoc est solius Dei, qui est a-
 gens Primus: sicut non potest creaturæ,
 quod sit agens Primum, & quod per se &
 immediatē det esse, sic nec poterit ei cō-
 municari, quod possit aliquid per crea-
 tionem producere.

Respond. ad arg. Ad 1. dicendum,
 quod potest communicari agenti instru-
 mentali, quod in virtute alterius agat ul-
 tra suam speciem; cum non possit ei cō-
 municari, quod ultra suam speciem agat;
 & tamen non agat ut instrumentum:
 quia hoc implicaret contradictionem;
 sed si creaturæ posset communicari po-
 tentia creandi, communicaretur ei,
 quod non ageret ut instrumentum: quia
 creatura hoc modo agens ageret actio-
 nem primam dantem esse non præsuppo-
 nentem actionem aliam. Ergo sic agens
 non ageret, ut instrumentum, nec in vir-
 tute alterius, & tamen ageret ultra suam
 speciem, quod omnino contradictionē
 implicat. Ad 2. dicendum, quod intelli-
 gere, & videre magis est quoddam pati,
 quàm quoddam agere: & ideo non est si-
 mile, quod si communicaretur creaturæ
 visio Divinæ essentia, quod possit ei cō-
 municari potentia creandi. Vel possumus
 dicere, quod in visione Divinæ essentia
 præsupponitur Divina essentia esse, ad quā
 terminetur nostra visio; sed in produ-
 ctione creaturæ non præsupponitur ali-
 quid esse, ad quod terminetur actio
 creandi: & quia habere actionem non
 præsupponētē aliquid est propriū agētis
 Primi, & quia omnino repugnat creatu-
 ræ, quod sit agēs Primū, omnino repug-
 nat ei, quod possit creare: nō tamē sic re-
 pugnat sibi, quod possit Deum videre.
 Ad 3. dicendum, quod infinitas negati-
 va potentia (si sumatur passivē) potest
 aliquo modo communicari creaturæ, se-
 cundum

Tota poten-
tia materiæ
non finitur
nec termina-
tur per unā
formam.

tundum quem modum loquēdi dicimus, quod potentia materiæ est potentia infinita, idest, no terminata, & non finita per formam. Vna enim & eadem forma non potest finire, & terminare totam potentiam materiæ (loquendo de materia activorum, & passivorum) & ideo cum materia est conjuncta uni formæ, semper est conjuncta privationi alterius: sed activa potentia infinita etiam negativè creaturæ communicari non potest: quia ipse actus non potest dici infinitus, quod debeat finire per aliud, sicut materia dicitur infinita: sed si actus dicitur infinitus, hoc est, quia non determinatur ad specialem modum actionis, sed habet omnem modum agendi, quare creaturæ communicari non potest. Ad 4. dicendum, quod (quantum ad presens spectat) creatura dupliciter à Deo distat. Primò, quia non potest habere in se omnes perfectiones, sicut habet Deus. Secundò, quia illas perfectiones, quas habet, non habet ita nobiles, nec in tanta excellentia, sicut Deus: ideo creatura non potest habere rationes omnium producendorum, sicut habet Deus. Rursus dato, quod habeat in se rationē producēdi aliquid, illa ratio non erit in tāta actualitate nec in tāta excellentia: immò erit valde deficiens à ratione, quæ est immediatè Dei: ideo quodcūque Deus secundum hanc rationem producat hoc ens, & secundum aliam aliud; nūquam tamen poterit communicare creaturæ, quod creēt aliquid ens: quia illa ratio sic specialiter sumpta, per quam producit hęc specialis creatura, non poterit in aliquo agente creato esse tantæ excellentiæ, quod possit agere nullo præsupposito, sicut potest Deus. Ad 5. dicendum, quod Deus & nihil summè distant, loquendo de distantia secundum apprehensionem intellectus: quia inter nihil & aliquid realis distantia & realis ordo esse non potest. Quod verò postea additur, quod supremus Angelus, & materia prima proportionaliter distant: quia ille prope Deum, illa prope nihil: ideo sicut illa habet interminatam potentiam

Materia ita
est prope ni-
hil, ut non sit
possibilis
creatura me-
dia inter ma-
teriam primā
& nihil.

passivè, sic ille habet vel habere potest activè. Dicitur potest, quod non est simile de pu-
tra materia respectu nihil, & de supremo
Angelo respectu Dei: quia materia ita est
prope nihil, quod non posset esse magis
prope, nec posset fieri aliqua creatura,
quæ esset media inter materiam, & nihil.

Sed Angelus supremus non est ita prope Deum, quin posset creari alius Angelus propinquior Deo. Vel possumus dicere, quod si concedatur, quod dicitur, non habetur intentum. Nam non plus arguit argumentum, nisi quod potest communicari Angelo supremo, quod habeat tantam potētiā activā, quantā habet materia potētiā passivā, quo posito, posset non simul, quia hoc implicaret contradictionem, sed successivè educere de materia omnes formas, ad quas esset in potentia, quo concessio, non propter hoc habetur, quod haberet potentiam creandi. Ad 6. dicendum, quod inter Deum & nihil est distantia infinita, & inter creaturā & nihil est distantia infinita: & quia arguitur quod illa est major distantia, quā ista: ergo si illa est infinita, ista non erit infinita. Dicitur debet, quod inter nihil & Deum est distantia infinita ex utraque parte: quia nihil potest esse infra nihil, & nihil supra Deum. Sed inter nihil & creaturā est distantia infinita ex altera parte tantū: quia licet nihil possit intelligi infra nihil, potest tamen intelligi, & est aliquid supra creaturam. Vtraque ergo distantia est infinita, sed illa est pluribus modis infinita, quā ista: & quia potentia creaturæ non potest se extendere ad nullam distantiam infinitam, potentia creandi creaturæ communicari non poterit.

Ad 7. dicendum, quod potentia durandi in infinitum potest intelligi duobus modis, vel positivè, vel negativè. Positivè potentiam durandi haberet infinitā, si quid non compositum ex contrariis, & nihil habens contrarium, per virtutē in se existentem posset durare in infinitum: sicut videmus, quod anima habet virtutē continendi corpus, quod est ex contrariis compositum. Sed negativè haberet creatura durandi potentiam in infinitum, quando subtractum esset ab ea illud, quod esset corruptionis initium, utputā, si non habere materiam, per quam res potest esse, & non esse: vel si non esset composita ex contrariis, & non haberet contrarietatem, quo posito, posset durare in infinitum: sed non propter hoc haberet potentiam infinitam. Quare si communicatum est creaturæ, quod possit sic durare in infinitum, non propter hoc potest ei communicari potentia infinita. Ad 8. dicendum, quod licet aliquæ creaturæ habeant naturam non receptam in mate-

ria; tamen nulla est creatura, quæ non habeat esse receptum in materia. Nam etiam intelligentia habet suum hyleachim, id est, suum materiale. Habet enim naturam, in qua recipitur esse: ideo in ea natura est quid materiale respectu esse, & esse est quid formale respectu naturæ: & quia hoc communiter ponitur, sic loquendum est de agere, ut loquimur de esse. Sicut quodlibet esse creatum requirit aliquid, in quo recipiatur, ita quælibet actio creaturæ requirit aliquid, in quo possit recipi. Ad 9. dicendum, quod creatura non potest facere ex aliquo nihil directe; potest tamen indirecte: quia potest facere aliquid, quo facto, aliquid est in ea, quod annihilatur: ut potest se avertere à Deo, & potest peccare, qua peccate, annihilatur gratia quæ est in ipsa: sic etiã indirecte potest facere ex nihilo aliquid: quia potest facere aliquid, quo facto, aliquid produci- tur ex nihilo, ut potest disponere suffi- cienter corpus ad animam intellectivam, quo disposito, infunditur anima ibi. Ad 10. di- cendum, quod solutio per jam dicta pa- ter. Nam Sacramenta efficiunt quod fi- gurant, non quod directe causent; sed causant aliquem ornatum in animo, quo causato, nisi præbeamus obicem, infundi- tur nobis gratia. Imaginabimur enim, quod phantasmata in virtute superioris acti- vi, ut in virtute intellectus agentis, pos- sunt movere intellectum possibilem, nõ obstante, quod phantasia est virtus in cor- pore; intellectus verò possibilis nec est corpus, nec virtus in corpore: sic Sacra- menta in virtute superioris acti- vi, ut in virtute Divina, aliquid efficiunt in ani- ma, non obstante, quod Sacramenta sunt quid corporale, anima verò quid spi- rituale: indirecte ergo Sacramenta cau- sant gratiam. Ad 11. dicendum, quod an- te cedens, & consequens possunt se dupli- citer habere. Primo quod dicant idem per essentiam, sicut homo & animal in homi- ne, & tunc quod potest in antecedens di- recte, potest in consequens, ut quod po- test in productionem hominis, potest in productionem animalis, ut reservatur in homine. Aliquando verò antecedens & consequens non sunt idem per essentiam, sed secundum consecutionem tantum, ut apertio fenestree, & illuminatio do- mus. Tunc quod potest directe in ante- cedens non oportet, quod possit directe in consequens. Nam homo potest dire-

cte in hunc effectum, qui est aperire fe- nestram; nõ tamen potest directe in illu- minationem domus; sed directe habet esse: cum efficere natura ipsius Solis. Ad 12. dicendum, quod creatura est finita, & creatio est finita, quantum est ex parte termini ad quem; sed est infinita ex parte termini à quo: & ideo creatura in hunc effe- ctum, qui est creatio, non potest propter infinitatem, quam includit talis effectus.

QVÆSTIO VIJ.

Utrum creatio substantiæ creata sit idem quod esse ejus?



SEPTIMO quæritur utrũ creatio substantiæ creaturæ sit idem, quod esse ejus? Et videtur quod nõ: quia non est idem terminus cū eo, cujus est terminus; sed terminus creationis est esse: ergo non est idẽ quod ipsum esse. Præterea: si idem esset creatio, quod esse, tunc quidquid posset ad esse, posset creare: sed agentia secunda possunt ad esse, ergo & possent creare esse: ergo possent creare aliquã creaturã, sicut pos- sunt creare aliquid esse, cujus contrariũ superius probabatur. Præterea: dicebatur, quod creatio actio est in Creatore, crea- tio passio est in creatura. Contra: secun- dum Phm in 3. Phys. actio non est in a- gente & passio in passio; sed actio & passio sunt in passio motus & sunt unũ & idem: ergo creatio actio non erit in Creatore, & creatio passio in creatura, sed utrũque erit in creatura. Præterea: arguebatur ad principale sic: non creatur solum esse, nec solum essentia, sed creatur to- tum: ergo creatio non dicit esse tan- tum, nec essentiam, sed dicit totum. Præterea: creatio est quædam actio; sed agere & esse distinguuntur: ergo creatio & esse sunt distincta, & differunt. Præ- terea: creatio actio nihil ponit in Deo, nisi secundum rationem: ergo creatio passio nihil ponet in creatura nisi secundum ra- tionem: ergo non erit idem creatio, quod esse: quia esse dicit rem aliquam: nõ rationẽ tantum. Præterea: creatio est in instanti, sed esse durat: ergo & stat, sed non est idem quod est in instanti, & quod durat, & stat: ergo non est idem creatio, quod esse. Si enim idem esset creatio An-

geli, quod suum esse, cum Angelus semper & semper sit, semper & semper crearetur, quod nullus diceret. Præterea: si ipsum esse creaturæ crearetur: arguatur ergo sic: ipsum esse creaturæ est quod creatur, ipsa creatio est, quo creatur: sed non est idem quod creatur, & quo creatur: ergo &c. Præterea: fieri non est factum esse: ergo creari non est creatum esse, & per consequens creatio non est idem, quod esse. Præterea: quæ dissonant tempore, non sunt idem, ut nutrirī non est idem, quod augeri: quia dissonant tempore. Nam animalia semper nutriuntur, non tamen semper augentur: ergo creatio & esse non sunt idem, quia dissonant tempore: nam res quam diu durant, semper sunt. Præterea: quantumcunque mutatio sit in instantis non tamen est idem mutari & mutatum esse, & esse in eo quod mutatur, ut potest haberi ex 6. Phys. ergo quantumcunque creatio sit in instanti, non erit idem creari & creatum esse, siue esse nullo præexistere, & esse quod per creationem acquiritur: ergo creatio non est idem, quod esse. Præterea: creatio dicit maximam distantiam: quia dicit distantiam ante esse ad esse, sed maxima distantia dicit maximam mutationem: ergo creatio ratione maximæ distantie dicit maximam mutationem: sed cum nulla mutatio, & nihil, quod dicit mutationem, sit idem quod esse: ergo &c.

In contrarium est: quia maxime res subsistit per esse, & maxime subsistit per creationem, & hæc convertuntur. Nam ideo res creata est, quia habet esse: & ideo habet esse, quia est creata: ergo idem erit creatio & esse. Præterea: si dealbatio non est ipsa albedo, quæ dealbationem inducit, hoc est, quia dealbatio sit successive: sed si dealbatio esset tota simul, idem esset dealbatio & albedo, quæ per dealbationem inducitur. Cum ergo creatio fiat tota simul, idem erit creatio, & esse, quod per creationem inducitur. Præterea: motus ad formam est incompleta forma, vel est dispositio ad formam: quod ideo contingit: quia omnis modus, per quem motus introducitur, partim est in termino à quo, & partim in termino ad quem. Motus ergo si diceret totum illud, ad quod movetur, diceret ipsam formam, & totā formā: ergo quia creatio dicit totū illud, ad quod terminatur, creatio dicit ipsum esse & totum esse.

Creatio actio transiens, de qua sciscitur, recepta in creatura est realiter ipsum esse creaturæ: & non addit rem aliam, sed respectum quemdam.

Respond. dicendum, quod cum loquimur de creatione, cum creatio sit quædam actio Dei, ne laboremus in æquivoco, oportet nos de ipsa actione distinguere. Dicemus enim, ut vult Plus in plus 9. Meta. quod duplex est actio, quædam transiens in exteriorem materiam, quæ est perfectio operati, & quædam manens in agente, quæ est perfectio operantis. Hanc autem distinctionem adaptare possumus ad actionem artis, nature, & Dei. Videmus enim, quod duplex est actio artis: una est considerare de artificiato, alia est producere, & creare illud: ut artis ædificativæ duplex est actio, una est considerare de ædificio, alia est ædificare illud. Ipsa enim consideratio non est in re considerata, sed est in considerante & manentia artifice, sed ipsa ædificatio est in ædificato, & transit in exteriorem materiam. Hæ autem duæ actiones sic se habent, quod una dependet ex alia, & una præsupponit aliam. Nam in arte actio transiens præsupponit actionem non transeuntem, & sine illa esse non potest. Sed si hanc distinctionem volumus adaptare ad naturam, oportet nos extendere nomen actionis. Nam si vellemus actionem propriè sumere, nullum agens naturale, siue nullum corpus habet actionem non transeuntem: quia non habet actionem ad se conversivam, ut Proclus probat. Sed si volumus accipere actionem largè pro ipsa perfectione & actu, dicemus, quod ignis caleat, & calefacit, & ab eadem forma caloris competit sibi calere, & calefacere. Sed ipsum calere est perfectio manens in igne calefaciente; sed calefacere est perfectio transiens in exteriorem materiam, ut in rem calefactam. Possumus etiam hanc eandem distinctionem adaptare ad actionem Divinam. Sed cum dicimus, quod est actio Divina manens, & in agente est actio transiens in exteriorem materiam, oportet, quod ibi exterior materia accipiatur largè pro omni exteriori substantia. Nam actio Divina se extendit ad omnia creata, non solum materialia, sed etiam ad omnia

Plus 2 To-
pic.

6. Phys.

Prop. 17.

nia

creatura, ipsum Divinum esse. Ibi enim
 intelligere, & velle, & cetera talia sunt
 idem quod esse: sed quia questio est de
 creatione, quæ est actio transiens: ideo
 difficile est videre, quid sit huiusmodi ac-
 tio. Rursus, ne iterum laboremus in æ-
 quivoco, distinguenda est creatio actio.
 Nam communiter dicitur, quod creatio
 actio est in Creatore, creatio passio est
 in creatura. Quod si simpliciter verum es-
 set, nullum eueniret dubium, quid esset crea-
 tio actio: quia nihil est in Creatore, quod
 non sit ipsa creatrix essentia. Propter quod
 sciendum, quod uno modo ipsum intel-
 ligere Divinum, & ipsum velle Dei dici-
 tur creatio actio, non obstante quod ipsa
 creatio actio sit aliquid transiens in exte-
 riorem materiam. Alio modo creatio ac-
 tio non est ipsum intelligere Divinum,
 vel ipsum velle Dei sed est aliquid in crea-
 tura receptum, & est idem realiter, quod
 creatio passio. Est enim duplex prædica-
 tio, una causalis, alia formalis: dicimus eni-
 nim, quod odor est fumalis evaporatio,
 & dicimus, quod odor est qualitas causa-
 ta à tali passione. Sed prima prædicatio
 est causalis. Nam odor non est ipse fumus
 evaporans, sed causatur ex vaporazione fu-
 mali. Secunda verò prædicatio est forma-
 lis: quia odor est formaliter talis qualitas
 sic causata: sic creatio, quæ est actio tran-
 siens, potest dupliciter nominari. Nam uno
 modo dicitur, quod talis creatio est
 ipsum intelligere Dei. Alio modo, quod
 est aliquid in creatura receptum. Sed pri-
 ma prædicatio est causalis: nam creatio,
 quæ est actio transiens, non est formaliter

ipsum intelligere Dei, vel ipsum vehedi-
vinum; sed est illa causaliter; creatio li-
cet formaliter sit actio transiens, causatur
tamen ex actione non transeunte, videli-
cet, ex intelligere Dei, & ex velle ejus.
Secunda vero prædicatio est formalis:
quia, formaliter loquendo, ipsa creatio,
cum sit actio transiens, oportet quod sit
aliquid in creatura receptum. De hac er-
go est questio, quid sit hujusmodi creatio.
Ad quod dicimus, quod realiter est ipsum
esse creaturæ. Si autem addit aliquid su-
pra hujusmodi esse, non addit rem aliam,
sed respectu quemdam. Possumus autem
hoc triplici via venari. Prima via sumi-
tur ex eo, quod hujusmodi actio compa-
ratur ad exteriorem materiam. Secunda
verò sumitur ex eo, quod hujusmodi ac-
tio convenit cum motu. Tertia verò ex
eo, quod differt à motu. **Prima via sic patet.** Nam actio Divi-
na (loquendo de actione, per quam
constituitur creatura) semper requi-
rit aliquid, in quo recipiatur; vel
aliter hujusmodi actio non esset tran-
siens in exteriorem materiam: & si nõ
esset transiens in aliquid exterius, per
talem actionem nihil constitueretur
extra Deum, vel nihil produceretur aliud
à Deo. **Qui enim sic imaginatur produ-
ctionem creaturæ, nescit eam distinguere
à productione Personæ Divinæ: semper
ergo creatio, cum sit actio transiens, re-
quirit aliquam exteriorem substantiam,
in qua recipiatur. Non ergo differt crea-
tio Divina ab actione naturæ, utputa ab
actione ignis: eo quod actio ignis requi-
rat aliquid exterius, in quo recipiatur;
creatio verò, quæ est actio Dei, nihil tale
requirat. Nam sicut actio ignis requirit
exteriorem materiam, in qua recipiatur,
ita creatio Dei ex necessitate requirit ali-
quam exteriorem materiam, in qua pos-
sit suscipi; differunt tamen, quia materia,
quam præsupponit ignis, non est effectus
ignis; nec simul producitur cum actione
ignis, sed præsupponitur, & est prius tem-
pore, quam actio ignis. Sed exterior
substantia, in qua recipitur actio Dei, est
effectus Dei, & simul recipit esse cum ac-
tione Dei. Si verò ignis esset primum
agens, & sua actio esset calefacere, simul
calefaciendo, produceret ipsum calefacti-
bile, in quo susciperetur sua calefactio.
Quantumcunque ergo ignis esset primum
agens, sua actio, sive sua calefactio: quia
esset**

44
esset actio transiens, de necessitate requireret aliquod calefactibile, & aliquā exteriorem materiam, in qua reciperetur. Quantum ergo ad requirere exteriorem materiam non esset differentia inter calefactionem ignis, si ponatur primum agēs, vel secundum agens: sed ex hoc est differentia assignāda: quia si ponatur secundū agens, sua calefactio sic requirit exteriore materiam, quod illa exterior materia non est effectus ejus; immo est effectus superioris agentis, ut sicut causa præsupponit causam, sic effectus præsupponit effectum, ut sicut ignis in agendo præsupponit superius agens: sic calefacere, quod est effectus ignis, præsupponit materiam, in qua recipiatur, quæ est effectus agentis Primi. Sed si ignis esset primum agens (ut dicebatur) adhuc non posset calefacere, cum calefacere sit actio transiens, nisi esset exterior materia, in quam transiret talis actio, & quæ susceperet talem actionem: semper ergo calefactio requirit exteriorem materiam, quam tamen illa materia ignis non præsupponeret ab aliquo superiori agente, cum ipse sit positus primum agens. Hac ergo hypothese stante, ignis simul calefaciendoproduceret calefactibile, & simul cum calefactione produceret exteriorem materiam, in qua illa calefactio reciperetur. Ignis ergo calefaciendoproduceret calefactionē in calefactibili: & quia positum est, quod ignis sit agens primum, quodlibet istorū esset causatum ab igne. Ignis ergo crearet, & crearet calefactibile sub calefactione, & causaret calefactionē in calefactibili. Sed licet ignis totum ageret, & totū faceret; non tamen totum esset ejus actio, sed sua actio esset ipsa calefactio. Ipsum verò calefactibile non propriè esset ipsa actio, sed esset quod susceperet actionem.

Prosequendo igitur hypothese[m] propositam, utrumque erit effectus ignis, & ipsū calefactibile, & ipsa calefactio, aliter tamen & aliter: quia ipsum calefactibile esset effectus ignis, in quantum esset actio suscipiens calefactionem; ipsa verò calefactio esset ejus effectus, in quantum esset actio suscepta in calefactibili, & sicut actio ignis est calefacere, & communicare entibus calorem, sic actio Dei est esse facere, & communicare entibus esse. Verum quia Deus est agens Primum, simul communicando esse, producit exteriore substantiam, idest, essentiam creaturæ,

in qua suscipitur esse: totum ergo producit Deus, & essentiam cum esse, & esse cū essentia. Sed quia actio non dicitur de omni eo, quod agitur, & de omni eo, quod producit, & causatur; sed solum dicitur de perfectione & complemento, ut Plus 9 Met. ait: quod actio & operatio se habent quasi complementum: & quia esse est complementum essentia, licet ipsa essentia producat, & ipsa essentia creetur: quia in tantum creatur, in quantum accipit esse, creatio, ut actionē dicit (cum actio importet perfectionem & complementum) dicitur de eo, quod est complementum & perfectio essentia: & quia hoc est esse, nihil aliud creatio nisi quædam esse factio, sive quædam esse datio, sive communicatio quædam ipsius esse. Primum ergo esse creaturæ, ut est ei communicatum immediatè à Deo, dicitur communicatio ejus, & ipsa essentia creatur, in quantum ei communicatur tale esse. Creatio ergo realiter nihil dicit ultra esse, nisi solum respectum ad Creatorem.

Est ergo diligenter notandum, quod quando dicimus: Deus creat res, & Deus conservat eas, secundum rem quasi idem dicimus. Vnde possumus dicere, quod ista sex, videlicet, creatio actio, creatio passio, conservatio actio, conservatio passio, terminus creationis, & esse, unum & idem dicunt; sub alia tamen, & alia ratione. Sicut enim actio transiens ipsius ignis nihil est aliud, quā quædā perfectio recepta in exteriori materia ab ipso igne, sic actio ipsius Dei nihil est aliud, quā quædā perfectio recepta in exteriori substantia, idest, in essentia creaturæ ab ipso Deo. Sicut ergo ignis, vel aliud agens inchoat, & continuat actionem suam; ita Deus inchoat & continuat actionem; differenter tamen, quia ignis agit actionē suam successivè: quia calefacit ipsum calefactibile, & inducit calefactionem in exteriori materia successivè; sed Deus facit hoc totum simul: quia actio ignis est calefacere, & communicare calorem; sed hoc facit ignis successivè: quia illum calorem non inducit ignis in materia totū simul: ideo ipsius ignis non est perfecta operatio, sed ignis in agendo de imperfecto ad perfectum tendit. Nam tandiu successivè transmutat materiam, donec secundum possibilitatē recipientis communicat sibi calorem suum: sed actio ipsius Dei est esse

esse facere, sive est inducere esse, vel est communicare ipsum esse. Hoc autem non facit successivè, ut quod faciat partem prius, partè postea: vel quod prius disponat essentiam, & postea inducatur esse, sed totum facit simul, & in instanti. Ipsum ergo esse in, & illa perfectio, & ille actus, qui requiritur, sive recipitur in essentia creaturæ, est à Deo: esse ergo creaturæ, & est actus, & actio. Actus est ut est perfectio creaturæ; actio verò ut est à Deo in creaturâ: sicut calefactio ignis & est actio, & est perfectio calefactibilis, & est actio & operatio ignis calefacientis. Ita autem perfectio, quæ est à Deo in essentia creaturæ, potest quadrupliciter considerari. Primo ut est aliquid in se. Secundo ut est quid creatum: quia non semper fuit. Tercio ut est quid continuatum: quia non statim deficit. Quarto ut est quid indivisibile, & instantaneum. Instantaneum dico, non quantum ad durationem, sed quantum ad inductionem: quia huiusmodi perfectio non est successivè, sed inest tota simul inducta.

Rursus illa eadem perfectio, ut incohata, potest dupliciter considerari, vel ut incohata ab alio, vel ut incohata in alio ut in essentia creaturæ. Sic etiam illa perfectio ut continuata potest dupliciter considerari, vel ut continuata ab alio, vel ut continuata in alio. Sex ergo modis considerari poterit. Primo ut est aliquid in se. Secundo ut est incohata ab alio. Tercio ut est incohata in alio. Quarto ut est continuata ab alio. Quinto ut est continuata in alio. Sexto & ultimo ut est inducta in instanti, & tota simul. Illa perfectio, quæ est à Deo in essentia creaturæ, si consideretur ut est aliquid in se, sic est ipsum esse creaturæ: si ut incohata ab alio, sic est creatio actio: si ut incohata in alio, sic est creatio passio: si ut continuata ab alio, sic est conservatio actio. Deus enim incohando esse in creatura dicitur eam creare: sed continuando illud idem esse, quod incohavit, dicitur eam conservare. Creatio ergo & conservatio supra ipsum esse creaturæ nihil aliud dicit, nisi respectum ad Creatorem, aliter tamen & aliter: quia illud idem esse creaturæ, ut respicit Deum incohantem, est creatio, sed ut respicit Deum continuantem ipsum, est conservatio. Conservatio ergo actio est esse creaturæ, ut est conti-

nuatum ab alio. Sed conservatio passio non modo est illud idem esse, ut est continuatum in alio. Ultimo si consideretur illa perfectio, ut est inducta in instanti, & tota simul, sic est creationis terminus, ita quod idem est creatio & creationis terminus. Dicimus enim, quod aliud est calefactio, & calor: quia calefactio est via in calorem; calor verò est terminus calefactionis. Sed si calor introduceretur in instanti, & non esset ibi aliqua successio, nec quantum ad dispositionem, nec quantum ad esse: & si calefactio non fieret successivè, idem esset calefacere & calefactum esse, & idem ibi esset actio, & terminus actionis, & idem ibi esset calefactio, quæ est via in calorem, & calor, qui est terminus calefactionis. Non differret ergo calefactio & calor secundum rem: sed illam eandem perfectionem, quam diceret calor, ut est aliquid in se, diceret calefactio actio, ut est in calefaciente, & calefactio passio ut recipitur in calefactio. Sic quia esse inducitur totum simul, idem est creatio, quæ est via in esse, & esse quod est terminus creationis: quia idem est ibi creari & creatum esse: sicut idem est illuminari & illuminatum esse. Sicut ergo ipsum illuminari nihil est aliud realiter, quam ipsum lumē, sic ipsum creare vel ipsum creari nihil aliud est, quam ipsum esse. Dicimus itaque, quod creatio est actio transiens in exteriorē materiam, sed oportet, quod ibi accipiatur largè materia pro omni materiali, sive pro omni potentiā, secundum quem modum loquendi intelligentiæ habent suum hyleachin, sive suum materiale. Nam ipsa essentia, ut est in potentia ad esse, nominat quid materiale respectu ejus. Ideo loquendo de creatione non dicebamus, quod creatio simpliciter esset actio transiens in exteriorē materiam, sed in exteriorē substantiam. Nihil est enim aliud creare, quam incohare esse in tali essentia: ipsum ergo esse se habet ut actio transiens; ipsa verò essentia se habet ut quid materiale recipiens huiusmodi actionem.

Ex hoc autem arguere possumus differentiam esse & essentia: quia quæremus, utrum creatio sit actio manens in agente, vel sit transiens in aliquid exterius. Quod si sit manens (arguebatur supra) talis creatio erit perfectio agentis, & per talem actionem nihil constituetur in esse extra Deum. Si verò sit transiens, erit perfectio acti,

46
acti vel producti, & requireret aliquid, in quo recipiatur, & ita erunt ibi duo, ipsa perfectio recepta, quam vocamus esse, & id, quod recipitur, & perfectio, quam vocamus essentiam: & licet in Deo agente & producente idem sit ipse, quod sua perfectio: quia illam non habet ab alio, & non est in potentia ad talem perfectionem; creatura verò accipiens esse & perfectionem ab alio, non est ipsa sua perfectio, nec ipsum suum esse, sed est in potentia ad huiusmodi perfectionem. Si ergo bene intelligeremus, quod nunquam produciatur aliquid, quod sit divisum in natura ab agente nisi per actionem transeuntem in exteriorem substantiam, statim intelligeremus quod in omni tali productione est compositio: quia est ipsa actio transiens, vel ipsa perfectio inducitur, & est aliquid ibi, in quod inducitur, & in quod transit talis perfectio: nihil enim inducitur in se ipsum, & nihil sui ipsius est receptivum. Verum quia de hoc specialiter infra questionem movebimus, volumus ad presens super hoc silentio transire.

Secunda via ad investigandum, quod creatio sit ipsum esse creature, sumi potest ex eo, quod creatio convenit cum motu. Habet enim creatio & omnis actio transiens aliquam convenientiam cum

Phis. & Phil. motu. Probatum enim de motu in 3. Physic. quod motionis non est motio, & generationis non est generatio: motionis enim non est motio, nec tanquam terminus, nec tanquam subiectum. Motio enim per se non terminatur ad motionem, & motio per se non suscipitur in motione tanquam in subiecto: quia si motionis esset motio tanquam terminus, vel tanquam subiectum, ratio motionis iret in infinitum. Et quod dictum est de motione intelligendum est de qualibet actione transeunte. Nam actionis huiusmodi non est actio, & complementi non est complementum. Actio enim transiens intelligitur esse perfectio & complementum non agentis, sed acti; non producentis, sed producti. Ista autem perfectio, & complementum non suscipitur in perfectione, vel in complemento: quia tunc perfectionis esset perfectio, & complementi complementum; sed recipitur in aliqua exteriori substantia, quæ est perfectibilis, & possibilis ut perficiatur. Creatio ergo, quæ est actio transiens, intelligitur esse quædam perfectio ipsius exterioris substā-

tia, in qua recipitur; sed talis perfectio non est nisi ipsum esse: erit ergo creatio creature realiter idem, quod est esse ejus. Et ut ponamus exemplum sensibile, intelligamus esse quemdam calorem separatum, qui calor sit primum & perfectum, quo posito, omnia entia erunt calida: quia nihil est, in quo non reservetur impressio agentis primi: ex quo ergo calor ponitur agens primum, omnia entia participant calorem. Illius autem caloris separati actio esset calefacere: verum quia ponitur esse agens primum, simul calefaciendo (ut supra tangebatur) producit calefactibile. Rursus si ponitur agens perfectum, in quolibet calefactibili inducet suum calorem totum simul: actio ergo ipsius caloris esset calefactio, & illa calefactio esset perfectus calor. Sic & in proposito intelligimus Deum esse quoddam esse separatum, cujus actio est dare esse, & esse facere: sicut actio caloris separati esset communicare calorem, & calefacere. Rursus quia Deus est agens primum, simul dando esse, producit essentiam, in qua suscipitur esse: sicut calor separatus (si esset dare talem calorem, & esset agens primum) simul communicando calorem produceret calefactibile, in quo susciperetur calor.

Amplius: quia Deus est agens perfectum, producendo creaturam, quæ est in potentia ad esse, communicat sibi totum illud esse, quod potest creatura recipere: calefactio ergo est incompletus calor: quia per calefactionem non communicatur calor simul secundum totam suam perfectionem: sed si fieret communicatio simul, non esset calefactio incompletus calor, nec esset dispositio ad calorem, sed realiter esset idem, quod calor, sola ratione differens. Sic quia per creationem communicatur totum esse simul, quod potest creatura recipere, non est creatio incompletum esse ipsius creature, sed est totum esse ipsius, nec dispositio ad esse, sed est idem, quod esse sola ratione differens. Quomodo autem differant creatio & creationis terminus, & conservatio & esse, supra tetigimus, ostendentes hæc omnia dicere eandem rem sub alia & alia ratione.

Tertia via ad hoc idem sumitur, pro ut creatio differt a motu. Diffinitur enim motus in 3. Physic. Est actus entis in potentia secundum quod in potentia. Motus enim est actus

actus entis: quia ex quo aliquid movetur, & est in motu, aliquid habet de eo, quod movetur, & aliquid sibi deficit: quia si nihil haberet, non moveretur: si totum haberet, esset completus motus. Ipsum ergo mobile dum movetur, aliquid habet de eo, ad quod movetur, & aliquo caret. Prout aliquid habet, intelligitur ipsum mobile esse aliquid in actu, & esse ens, & per consequens intelligitur esse actus entis. Prout verò aliquo caret, intelligitur ipsum mobile esse in potentia. Duo dicitur motus, & dicitur actum ratione acquisiti, & dicitur potentialitatem ratione acquirendi. Si quærat quod est formaliter in motu: dicitur, quod formaliter est in motu ordo ad id, quod restat sibi acquirere, quā sit ad id, quod est acquisitum: & quia ratione acquirendi sumitur potentialitas, ratione acquisiti sumitur actualitas, licet utrumque dicat motus, & actum & potentialitatem ad mixtam; tamen formaliter dicit illam potentialitatem, & illā imperfectionem admixtam, quā dicat ipsum actum. Semper enim motus est respectu habiti: motus ergo erit actus entis in potentia, non ut illud ens est in actu, sed ut est in potentia. Mobile enim licet aliquid habeat de actu, & aliquid de potentia, motus non erit actus ejus, ut est in actu, sed ut est in potentia. Sic ergo diffinitur motus, *Est actus entis in potentia, ut est in potentia*. Sed cum creatio etiam sit quidam actus, si volumus diffinire creationem, omnino diffiniemus eam differenter à motu. Dicemus quidem, quod creatio est: *Actus entis in actu, secundum quod est in actu*. Creatio quidē non præsupponit temporis possibilitatem ex parte passivi, sed in creatione tota ratio facti est potentia facientis. Ipsum ergo quod creatur nō habet aliquid de eo, quod acquiritur per creationem, & aliquid non, sed totum habet simul: & ideo nō est in actu, & in potentia secundum quod huiusmodi; sed est in actu tantum. Creatio ergo non erit actus entis in potentia, ut est in potentia; sed actus entis in actu, ut est in actu: & quia actus entis in actu, ut est in actu, est ipsum esse: quia in tantum aliquid est actu, in quantum est: creatio realiter erit idem, quod ipsum esse.

Advertendum tamen, quod multoties invenimus (& nos ipsi diximus) quod creatio est relatio, & respectus quidam: utrumque autem suo modo veritatem habet. Nam creatio potest mihi dicere ipsum esse, & ipsam relationem fundatam in esse. Sic enim dicemus de creatione respectu esse, & respectu relationis fundatæ in esse: sicut dicimus de potentia quantum ad materiam, & quantum ad respectum fundatum in materia. Invenimus enim à Commentar. super 1. Physic. quod *Materia non est sua potentia: quia materia (ut ait) est in genere substantiæ: potentia verò in genere relationis*. Invenimus etiam ab eodem In de substantia orbis, quod essentiale est materie esse in potentia, ubi plane innuit, quod essentia materie sit quædam potentia: ideo dicimus, quod potentia materie duo potest dicere: quia vel dicit ipsam essentiam materie, vel dicit respectum fundatum in materia. Si autem dicit respectum, sic loquitur de potentia materie Comment. in 1. Physic. Si verò ut dicit ipsam materiam, sic loquitur de huiusmodi potentia in *De substantia orbis*. Dicemus quidem, quod sicut forma essentialiter est quidam actus, ita materia essentialiter est quædam potentia: & sicut potentia materie duo potest dicere, videlicet, ipsam essentiam materie, & respectum fundatum in huiusmodi essentia: sic creatio duo potest dicere & ipsum esse creaturæ, & respectum fundatum in tali esse. Nam ex hoc creatura creatur: quia communicatur sibi esse à Deo, ex qua communicatione confurgit quidam respectus ipsius creaturæ ad Deum: sed huiusmodi respectus nullam rem dicit supra ipsum esse creaturæ, sicut ipse respectus fundatus in materia nullam rem dicit supra essentiam materie. Materia ergo, ut in ea fundatur respectus, per quem est in potentia ad formam, non dicit aliam rem, quā materiā: sed dicit materiam cum hac conditione, & cum hoc modo se habendi, ut habet dependentiam ad formam: sic creatio dicit ipsum esse creaturæ, in quo fundatur respectus ad Creatorem; sed esse cum tali respectu non dicit aliam rem, quā ipsum esse, sed dicit ipsum esse cum tali conditione, & cum tali modo se habendi, ut habet talem dependentiam ad ipsum Deum.

Respond. ad arg. Ad 1. dicendum, quod in successivis, & in his, quæ nō sūt simul, nō est idē terminus cū eo, cuius est terminus, ut forma non est idem quod motus ad formam. Non enim dicimus simpliciter, quod motus ad formam sit idem, quod for-

Comm. sup. 1 Phys.

Idem inde subst. orbis.

Potentia materie dicit ipsius essentia, & respectum in hac fundatum, qui non est res alia materia.

Similiter creatio dicit esse creaturæ cum tali respectu ad Deum, sed hoc non dicit aliam rem, quā ipsum esse cum dependentia ad Creatorem.

forma; sed motus ad formam vel est dispositio ad eam, vel est ipsa forma, non simpliciter, sed sub esse incompleto: sed si motus fieret totus simul, ut si calefactio fieret tota simul, non esset calefactio incompletus calor, sed esset ipse calor simpliciter, & idem esset calefactio & terminus calefactionis: sic & in proposito idem est creari, & creatum esse, & terminus creationis. Ad 2. dicendum, quod creatio est esse, non quocumque modo, sed esse inchoatio in hanc essentiam, de qua essentia hactenus fuit dictum. Secunda autem agentia, licet possint facere ad esse generabilius; ad esse tamen hoc modo, videlicet, ad esse receptum in aliquo, de quo prius nihil erat, non possunt: quia tunc possent agere nullo præsupposito. Creatio ergo nullam rem dicit supra esse, sed dicit esse cum tali conditione, vel dicit esse taliter acquisitum, ad quod actio creaturæ non potest se extendere. Ad 3. dicendum, quod licet creatio sit actio transiens; tamen, ut dicebatur in principali solutione, de huiusmodi actione transiente potest aliquid prædicari causaliter, & sic creatio actio potest dici ipsum intelligere Divinum, vel ipsum velle Dei, à quo causatur, & sic creatio actio est in creante: sed formaliter creatio actio est aliquid à Creatore in creatura receptum, quod realiter non est aliud, quam creatio passio, & quam esse creaturæ. Ad 4. dicendum, quod actio & actus idem sunt. Nam illud idem, quod est actio, ut est ab agente, illud idem est actus, ut est perfectio passio: & quia cum creatur essentia sub esse, ipsum esse se habet ut perfectio, & ut actus; essentia vero se habet ut quid perfectibile, & ut suscipiens actionem: totum ergo agitur, totum producit, totum causatur; sed non totum est actio: quia non totum habet rationem perfectionis & actus. Nam si ignis simul calefaciendo produceret calefactibile, licet ipsum calefactibile calefaceret, non tamen ipsum calefactibile esset ipsa calefactio. Hoc enim posito, utrumque esset effectus ignis, & calor inductus in calefactibile, & calefactibile productum sub calore; non tamen utrumque esset calefactio, sed calefactio esset realiter idem, quod calor, non idem quod calefactibile: sic & in proposito singulus nomina, & dicemus, quod ipsum esse est ipsa actu factio, ipsa essentia est ipsum actu factibile, secundum quem mo-

dum loquendi in creatione rerum essentia actu fit, quia actu perficitur per esse; sed essentia non est ipsa actus factio: immò esse est ipsa actus factio per quam esse participando essentia, ipsa actu fit: & quia creare nihil est aliud, quam quoddam actus facere, creatio nihil erit aliud, quam quoddam actus factio. Et quia hoc est ipsum esse, creatio nullam rem addit supra esse, sed est ipsum esse. Ad 5. dicendum, quod quia actio successiva, quæ est idem cum motu, non est idem, quod esse, talis actio non est creatio: quia, ut dicebatur, creatio fit tota simul, & non est actus entis in potentia: sed entis in actu, ut est in actu, huiusmodi actus est ipsum esse. Ad 6. dicendum; quod creatio actio, ut est in Deo, est ipsum esse Divinum. Et quod dicitur: nihil ponit in Deo. Verum est nihil novum; sed bene ponit in eo aliquid æternum. Vel possumus dicere, quod sicut relatio Dei ad creaturam est in creatura secundum rem, in Deo secundum rationem: sic creatio in creatura ponit aliquid novi secundum rem; in Deo autem secundum rationem. Non ergo eodem modo creatio comparatur ad Deum, & ad creaturam: & idem non tenet argumentum. Ad 7. dicendum, quod creatio dicit esse non quocumque modo, sed esse ut est inchoatum: & quia inchoatur in instanti: idem creatio dicitur esse in instanti. Dicemus ergo, quod illud idem esse, quod inchoatur in instanti, durat per tempus aliquod, si sit esse corruptibile; vel durat perpetuo, si sit esse perpetuum: sed ex hoc non habetur, quod creatio non sit idem realiter, quod esse: sed solum arguitur, quod creatio non dicat esse sub quacumque conditione, sed solum dicat esse sub hoc modo, ut inchoatum in instanti, non ut durans per tempus; vel ut durans perpetuo. Ad 8. dicendum, quod creare est actu facere, sed essentia actu fit per esse; esse autem actu fit non per aliud formaliter, sed seipso. Vtrūque ergo creatur, utrumque ergo actu fit, sed non utrumque est actus factio. Ad 9. dicendum, quod licet fieri non sit factum esse, ratione successionis, illuminari tamen est quod illuminatum esse: quia illuminatio fit in instanti: sic creari est creatum esse, quia creatio fit in instanti. Ad 10. dicendum, quod esse & creatio dissonant tempore: quia semper res sunt, non semper creatur: sed hoc non est, quod creatio non sit idem realiter, quod esse: sed quia creatio dicit

dicat esse non quocumque modo, sed ut incohatum: ideo convenit illa dissonantia: quia licet semper sit esse quandiu durat, non tamen semper incohatur. Ad 11. dicendum, quod quantumcunque mutatio sit instantanea: mutari & mutatum esse non sunt idem secundum rationem: tamen sunt idem realiter: sic creati & creatum esse ratione differunt, sed re sunt idem. Ad 12. dicendum, quod non qualibet maxima distantia dicit mutationem; sed maxima distantia cum præsuppositione subjecti: quia semper mutatio præsupponit mobile; sed quia creatio nihil præsupponit: licet possit aliquo modo concedi, quod creatio dicat maximam distantiam: non tamen loquendo proprie, debet concedi, quod sit mutatio, neque motus.

QUÆSTIO VIIJ.

Utrum esse forme accidentalis sit idem cum ipsa forma?



CTAVO quæritur, utrum esse ipsius forme accidentalis sit idem cum ipsa forma? Et restringebatur quæstio ad extensionem materiæ. Nam cum materia extendatur per quan-

titatem, videtur, quod ipsa extensio materiæ sit quoddam esse creatum in materia à quantitate. Erat ergo quæstio, utrum extensio materiæ sit idem, quod quantitas? Et arguebatur quod sic: quia si esse, quod dat quantitas, non est idem, quod quantitas; & esse, quod dat qualitas, non est idem, quod qualitas: ergo esse, quod dat quantitas, cum non sit idem, quod quantitas, erit in alio genere à quantitate; & esse, quod dat qualitas, erit in alio genere à qualitate, quod est inconveniens. Hoc enim posito, fingere, in quo genere esset tale esse, esset valde difficile: ne ergo ponamus aliquid, quod non sit in prædicamento, videtur omnino esse dicendum, quod esse, quod dat forma accidentalis, sit idem quod ipsa. Præterea: inter formam & materiam nullum cadit medium; per se ipsam forma unitur materiæ, ut perfectio perfectibili: si ergo forma, quæcunque sit illa, daret aliud esse, quam se ipsam, tunc illud esse

caderet medium inter formam & perfectibile. Præterea: corpus non solum disgregatur per albedinem, sed etiam disgregatur per esse album: ergo idem est esse album, quod esse albedo, & per consequens esse, quod dat forma accidentalis, est idem quod ipsa. Præterea: si esse, quod dat forma, esset aliud à forma, posset Deus facere tale esse sine forma: ergo posset Deus facere materiam habentem esse extensum sine quantitate, & corpus habens esse album sine albedine, quæ omnia sunt inconvenientia. Præterea: si quantitas extendens materiam imprimeret materiæ aliam extensionem à se ipsa, pari ratione & illa alia extensio imprimeret, quamdam aliam extensionem: & quia non est abire in infinitum, standum est in primis, ut dicamus, quod quantitas se ipsa extendit materiam: & quia extensio materiæ est ipsa quantitas, & quia extensio materiæ potest dici esse, quod dat quantitas materiæ: quantitas & qualibet forma accidentalis potest dici idem, quod suum esse. Præterea: corpus est album formaliter per albedinem, & materia extenditur formaliter per quantitatem, extensio ergo materiæ formaliter est ipsa quantitas: & quia extensio materiæ est esse, quod dat quantitas, si enim talis extensio est formaliter ipsa quantitas, esse, quod dat quantitas, est formaliter ipsa quantitas. Præterea: si aliud esset esse album, & aliud albedo: ergo alia esset disgregatio albi, & alia albedinis: sed hoc est inconveniens: ergo & primum. Præterea: habere partes est materiam esse extensam: si ergo illa materia haberet aliam extensionem à quantitate, tunc aliæ essent partes materiæ & aliæ quantitatis: ergo ipsa essentia materiæ haberet partes, quod videtur inconveniens: cum materia secundum essentiam dicatur indivisibilis: in materia ergo non sunt partes, nisi quantitatis, & non est ibi extensio, nisi quantitatis: ergo nulla est extensio in materia, & nullum est esse extensum datum materiæ per quantitatem, quod non sit quantitas.

In contrarium est: quia esse est actus forme: ergo non est forma. Præterea: partes materiæ sunt materia, partes quantitatis sunt quantitas; sed materia non est quantitas: ergo partes materiæ non sunt partes quantitatis, & per consequens extensio materiæ est alia ab extensione quantitatis: & quia extensio materiæ intelligi-

tur illud, quod dat quantitatem materiæ: si huiusmodi extensio est alia à quantitate: ergo esse, quod dat quantitatem materiæ, est aliud à quantitate. Præterea: si quantitas non daret aliquod esse materiæ, & non extenderet ipsam materiam, & non daret ei esse extensum aliud à se, non esset eadem materia compositorum conjuncta quantitati, quam non conjuncta, quod, ut in principali solutione patebit, est inconueniens ponere. Præterea: quæ habent diversas differentias, illa differunt; sed albedo & suum esse habent diversas differentias: quia albedo est quid indivisibile, esse album quid divisibile: ergo differunt albedo & esse album. Præterea: sicut forma non dat esse sibi, sed dat esse alteri: ita non dat esse, quod sit ipsa, sed quod est alterum: ergo esse ejus est alterum & diversum ab ipsa.

RESOLVTIO.

Esse, quod dat formam accidentalem materiæ, non est ipsa forma, nec aliquid infermans materiam, sed modus quidam taliter se habendi sub forma.

Respondeo dicendum, quod hanc questionem movimus, & propter se ipsam: quia bonum est scire, quomodo esse formæ accidentalis se habet ad huiusmodi formam. Et movimus eam ad declarandum mentem nostram super quibusdam, quæ invenimus dixisse in hanc materiam. Movimus etiā eam: quia per ipsam aliquid reservabitur nobis de differentia essentia & esse. Sciendum ergo, quod de extensione, quam dat quantitatem materiæ ex his, quæ sunt in materia, in dictis nostris inveniemus sex dicta, quæ secundum mentem nostram non sunt clarè intellecta, & quæ videntur esse valde dubia.

x. dubium.
sit ne exten-
sio materiæ
alia ab exten-
sione quanti-
tatis?

Inveniemus ergo nos primò dixisse, quod extensio materiæ est alia ab extensione quantitatis. Si igitur materia habet suam extensionem aliam à quantitate: ergo habet suas lineas, suas superficies, suas dimensiones alias à lineis, superficiibus, & dimensionibus quantitatis: quod dicendo videmur inducere novum dogma, ut ponamus duo prædicamenta quantitatis, & duo genera quantitatum.

A Secundo meminimus nos dixisse, quod huiusmodi extensio materiæ, quam dicimus esse aliam ab extensione quantitatis, non est res alia à materia, quod videtur omnino incredibile: quia si extensio materiæ competit ei per accidens, oportet quod id, quod accidit rei, sit aliud à rei: & quod huiusmodi extensio, quæ accidit materiæ, sit aliud à materia. Est autem & alia ratio, quare extensio materiæ, oportet quod sit alia à materia. Nam ista extensio materiæ, quæcumque sit illa, oportet quod extendatur cum materia: consistat autem, quod aliæ erunt partes materiæ, aliæ erunt partes ipsius extensionis: ergo qua ratione materia non est quantitas, & materia est alia res à quantitate: quia aliæ sunt partes materiæ, aliæ partes quantitatis: pari ratione dicemus, quod extensio ipsius materiæ sit alia res à materia: quia aliæ sunt partes materiæ, aliæ partes ipsius extensionis: immò si propter hoc volumus arguere esse quamdam extensionem materiæ, quæ est alia ab extensione quantitatis: quia partes materiæ erunt aliæ à partibus ipsius quantitatis extensionis, ut videtur, est ire in infinitum in extensionibus.

C Tertiò meminimus nos dixisse, quod huiusmodi extensio materiæ, quæ est alia ab extensione quantitatis, est quidam modus essendi, vel quidam modus se habendi, qui competit materiæ, ut conjungitur quantitati. Contra quod sic arguitur: quia iste modus, vel est aliquid, vel est nihil: Si aliquid est: ergo aliqua res superaddita materiæ, cum hoc non competit materiæ secundum se. Si verò nihil est, tanquam nihil est dimittendum, & de eo nulla elocutio fienda.

Quarto meminimus nos dixisse, quod materia propter huiusmodi modum se habendi secundum rei veritatem est compositior, quā si careret illo modo se habendi, quod videtur valde mirabile: quia si ille modus se habendi non est alia res à materia, intellectus non aperitur, ut assentiat materiam compositiorem esse secundum rem propter id, quod non est res alia à materia.

Quintò meminimus nos dixisse, quod materia cum tali modo se habendi pertinet ad prædicamentum substantiæ, ex quo sequi videtur, quod ille modus, qui dicitur sit illud, trahatur ad prædicamentum substantiæ, quod omnino incredibile videtur.

tur. Nam cum ille modus insit materiæ per quantitatem, & sit causatus a quantitate, non videtur possibile, quod illud, quod a quantitate causatur, possit ad predicamentum substantiæ pertinere.

Sexto meminimus nos dixisse (vel si hoc expresse non diximus, ex dictis nostris haberi potest) quod alia sit extensio albedinis, alia quantitatis. Erunt ergo in materia innumerabiles extensiones, quarum una non erit alia: quia erit ibi extensio materiæ, extensio quantitatis, extensio albedinis, extensio humiditatis, & caliditatis: & breviter, tot erunt ibi extensiones,

sequendo positionem istam, quot erunt accidentia in materia, quod videtur omnino contrarium rationi. Ut ergo in his omnibus mentem nostram possimus exponere, hoc ordine procedemus: quia primò solvemus questionem propositam in se. Secundò ex solutione questionis declarabimus omnia proposita dubia. Tertiò quia aliqui negant materiam extendi extensione quantitatis, adducemus ad hoc aliquas rationes. Quartò specialiter defendemus ad esse & essentiam, & dabimus aliquam imaginationem de differentia utriusque.

Propter primum sciendum, quod dubitare quid sit illud, quod acquiritur materiæ ex eo, quod coniungitur formæ, & dubitare quid sit extensio materiæ, quam acquirit materiæ ex eo, quod coniungitur quantitati, est dubitare de ipsa natura materiæ: quia qui bene sciret naturam materiæ, de levi videret, quomodo se haberet qualibet forma ad ipsam, & de levi cognosceret, quid acquirit materiæ ex eo, quod coniungitur formæ. Inter ceteros autem antiquos philosophantes, qui magis accesserunt ad naturam materiæ, fuit Plato, qui aliquantulum tetigit causam, sed non sufficienter, ut narrat Philus in 1. Phys. Inter novos autem philosophantes, qui verior sententiam de materia protulit, fuit Averroës, ut patet in sequentibus dicta ejus. Duplici ergo via venabimur intentum. Nam primò venabimur hoc considerando defectus Platonis, & cavendo nobis ab erroribus ejus. Secundò considerando veritatem à Commentatore traditam. Ille est enim modus, si volumus aliquam materiam bene tractare: quia debemus errores fugere, & veritatem sequi. Plato quidem circa materiæ naturam, ut ei imponit Philus circa finem 1.

Phys. erravit dupliciter. Primò, quia non distinguit eam à privatione, quod patet: quia credebat Parmenidem rectè dicere, & assentiebat argumento ejus. Dicebat enim Parmenides, quod quidquid sit, sit ex non ente. Qui ergo non distinguit de non esse ens, sed credit hoc simpliciter esse verum: quia quidquid sit, ex non ente fiat, cum res fiant ex materia, erit materia non ens simpliciter: & quia privatio est non ens simpliciter, qui assentit simpliciter dictis Parmenidis, & sine distinctione concedit, quod res fiat ex non ente, concedit quod materia sit non ens simpliciter, & quod non distinguatur à privatione. Hoc est ergo, quod Philus dicit, quod Platonici sunt tangentes ipsam materiam, sed non sufficienter. Primum enim confitentur ipsi Platonici Parmenidem rectè dicere, quod aliquid generetur ex simpliciter non ente. Ille ergo fuit primus error Platonis circa materiam, videlicet, quod materia, ex qua generantur alia, sit simpliciter non ens: quod dicendo non distinguebat eam à privatione. Secundus error Platonis fuit, quia credidit, quod si esset materia una numero, quod esset una secundum esse, & secundum rationem, & simpliciter: & immò non ausus fuit ponere materiam unam numero, sed posuit pluralitatem ex parte materiæ. Et ille est magnus error, & in hoc est tota difficultas questionis in sciendo, qualiter sit unitas entis in potentia. Nam talis unitas non est unitas simpliciter: cum enim ens in actu dicitur unum, secundum quod huiusmodi oportet quod sit unum simpliciter, & secundum essentiam, & secundum esse. Sed cum ens in potentia dicitur unum, non oportet quod sit unum simpliciter, & hoc modo materia dicitur una numero. Unde & Philus in 1. De generatione determinans de unitate materiæ, dicit quod est eadem secundum substantiam, & non eadem secundum esse. Imaginabimur itaque, quod una & eadem materia per essentiam est conjuncta formæ, & est perfecta, & est sub privatione, & est imperfecta: materia ergo dicitur quamdam essentiam, cui potest utrumque competere; & esse imperfectum, cum est sub privatione, & esse perfectum, cum est sub forma. Cum igitur materia est sub privatione, sunt ibi duo imperfecta: nam ipsa privatio quid imperfectum nominatur, & ipsa materia, ut est sub privatione.

Ibidem: Plato dupliciter erravit circa naturam materiæ.

Ens in actu est unum simpliciter: ens in potentia non ita.

Philus 1. de Gener.

Materia sub privatione duo imperfecta continet, materiam scilicet, & privationem, illa participans imperfectionem, hæc ipsa imperfectio est.

tionem, quid imperfectum dicit: & quia distinguimus materiam à privatione, cogimur ibi ponere duo imperfecta, scilicet alia est imperfectio unius, & alia alterius: vel aliter dicit quid imperfectum unum, & aliter aliud. Nam privatio est quid imperfectum, quod est essentialiter ipsa imperfectio: sed materia est quid imperfectum, non quod sit essentialiter ipsa imperfectio, sed quia participat imperfectum. Imperfectio ergo privationis est per essentiam (ut liceat sic loqui) quia proprie privatio non habet essentiam: & quia non habet essentiam, & privatur essentia: ideo essentialiter dicitur esse quædam imperfectio: materia verò non sic: nam ipsa non privatur essentia, nec est essentialiter imperfectio: sed dicitur materia imperfecta: quia sub privatione existens imperfectio nem participat. Multum ergo erraret, qui crederet, quod eadem esset imperfectio materie, & privationis, & quod eodem modo diceretur imperfectio de privatione, & de materia. Sic enim credens incideret in primum errorem Platonis, quod non distingueretur materia à privatione. Si ergo primum errorem Platonis fugere volumus, dicamus, quod materia & privatio sunt duo imperfecta, & alia est imperfectio unius, & alia alterius: quia aliter est imperfectum unum, aliter aliud: privatio enim est ipsa imperfectio: materia verò est participans imperfectionem. Unde & Philosophus 1. *Phys.* ait: *Materia appetit formam, sicut femina matrem: & sicut turpe pulchritudinem: & subdit, quod materia non est turpis per se, sed per accidens.* Vbi Commentator vult, quod materia foemineitatem, & turpitudinem, & defectum habet per accidens: quia per privationem privatio ergo per se est ipse defectus, & ipsa imperfectio: materia verò dicitur imperfecta, non quod sit ipsa imperfectio, sed quia imperfectionem participat.

Sic ergo volentes vitare errorem Platonis, & sic distinguentes materiam à privatione, dicimus, materiam & privationem esse duo imperfecta, & dicimus, quod non est idem modus imperfectionis utriusque: sed alia est imperfectio unius, alia alterius. Pari ratione, immò multo magis, dicimus, quod cum materia est sub forma accidentali, ibi duo sunt perfecta. Nam ipsa forma quid perfectum nominatur, & nat, & ipsa materia, ut est sub forma, quid

perfectum dicit, aliter tamen & aliter: nam forma est quid perfectum, quia est ipsa perfectio: materia verò quantumcunque sit sub forma, & quantumcunque perfectiatur per ipsam, nunquam erit quid perfectum, quod sit ipsa perfectio: sed poterit dici quid perfectum: quia participat perfectionem: alia est ergo perfectio unius, alia alterius: quia perfectio formæ est per essentiam, perfectio materie per participationem. Posuimus autem exemplum de forma accidentali, & diximus, quod materia cum forma accidentali sunt duo perfecta, quod ideo fecimus, ne aliquis calumniose instaret de forma substantiali dicens: quod materia & forma substantialis non sunt duo perfecta, sed unum perfectum: eo quod sit una essentia, vel unum per essentiam ex utroque. Sed hæc de forma accidentali nequaquam dicere possumus: quia ex accidente & substantia una existentia non resultat: ergo cum materia est sub forma accidentali, sunt ibi duo perfecta, & alia est perfectio unius, & alia alterius. Dicebamus etiā, quod cum materia est sub forma accidentali, multo magis possumus dicere, quod sunt ibi duo perfecta, quantum possumus dicere, cum est sub privatione, quod sunt ibi duo imperfecta. Nam magis potest dici de materia & de forma accidentali, quod sunt duo aliqua, quam de materia & privatione: nam privatio proprie non est aliquid, sed est negatio alicujus, vel est negatio in aliquo. Sic enim diffinitur privatio in 4. *Metaph.* quod est negatio in aliquo, vel, quod idem est, est negatio in subiecto. Dicamus ergo, quod non possumus vitare errorem Platonis circa naturam materie, nisi distinguamus eam à privatione, & nisi dicamus, quod cum materia est sub privatione, quod sunt ibi duo imperfecta, & si materia existente sub privatione sunt ibi duo imperfecta, multo magis ea existente sub accidentali sunt ibi duo perfecta. Et ut descendamus ad sensibile exemplum, dicamus, quod materia existente sub quantitate sunt ibi duo extensa, utrumque ergo est quid extensum, quantitas scilicet, & ipsa materia ut est sub quantitate, aliter tamen & aliter. Nam quantitas est quid extensum, quia est essentialiter ipsa extensio: materia verò est quid extensum, quia participat extensionem: alia est ergo extensio quantitatis, & alia materie, quia extensio quantitatis est per

Philos. 1. *Phys.*
cap. 9.

Forma quid
perfectum
nominatur, & nat,

per

Extensio
quantitatis
est per essen-
tiam; mate-
ria verò per
participatio-
nem.

per essentiam; extensio verò materiæ per participationem. Verè ergo essentia materiæ est extensa, licet hoc ei competat per aliud, ut per quantitatem: sicut verè essentia materiæ potest esse turpis; quia imperfecta, licet hoc ei competat per accidens, ut per privationem.

Responsio
ad principa-
le questum.

Extensio igitur materiæ non est quedam res addita materiæ, ut sint ibi tres res, videlicet, materia, quantitas, & extensio derivata in materiam per quantitatem: sed dicemus, quod illa eadem essentia materiæ, quæ de se est in potentia, ut extendatur, illa eadē, ut conjuncta est quantitati, sortitur, & participat actualē extensionem per ipsam. Dedit enim hoc Deus naturæ materiæ, ut actuetur per quamlibet formam existentem in ea. Est itaque ibi forma actus, & materia actus: quantitas ergo informat materiam, & est forma inhærens materiæ: sed illa actualis extensio, quam participat materia per quantitatem, non est aliquid informans materiam, & non est forma, sed est participatio formæ. Hanc autem participationem formæ appellamus quædam modum essendi, & quemdam modum se habendi, quem habet materia sub forma. Plato ergo, quia non distinguebat materiam à privatione, coactus fuit dicere, quod materia & privatio non sunt duo imperfecta, & quod materia & forma non sunt duo perfecta, & quod materia & quantitas non sunt duo extensa. Vitando ergo primum errorem Platonis, aliquo modo manudicimur in veritatem quaesitam. Sed vitando errorem secundum omnino declaratur, quod quaeritur. Dicebatur enim esse secundus Platonis error: quia credidit, quod si materia esset una numero per essentiam, quod esset unum numerum simpliciter, vel quod esset una numero secundum rationem, & secundum esse, quod Commentator exponens ait: quod ex hoc sequeretur, quod materia esset aliquid entium.

Ad cujus evidentiam sciendum, quod actus, ut actus est, nullo alio participat: ideo si aliquid ut est in actu est unum numero, sequitur, quod sit unum simpliciter. Sed de unitate entis in potentia non est sic: sed quia potentia participat, vel participare potest privationem, & formam: & quia materia dicit quid in potentia, eadē essentia materiæ aliquando est sub privatione, & participat privationē,

& est imperfecta: aliquando est sub forma, & participat formam, & est perfecta. Quia ergo imaginatur, quod nulla differentia facta sit in essentia materiæ, ut est sub privatione, & sub forma, imaginatur, quod unitas materiæ sit unitas entis in actu, & credit, quod si materia est una numero, quod sit una simpliciter: ideo Commentator ait: quod ex hoc sequitur, quod materia sit aliquid entium, id est, sit aliquid in actu. Non enim debemus imaginari, quod ita se habeat materia conjuncta formæ & non conjuncta, sicut se habet ferrum plumbum conjunctum ferro, & separatum ab eo. Nam plumbum separatum à ferro non habet de se duritiā conjunctum, à ferro nihil de duritia participat, & propter hoc dici non debet plumbum quid durum. Nam plumbum est aliquid in actu, & non habet duritiā, nec per se, nec per participationem, si conjungatur ferro: materia autem & ens in potentia non sic. Nam si materia intelligatur cum privatione quantitatis, & intelligatur quid non extensum, sed potens extendi: conjuncta verò quantitati illa eadem essentia, quæ erat possibilis extendi, sit actu extensa. Unitas ergo entis in actu per se, & secundum quod hujusmodi, est unitas rei non diversificata; sed unitas entis in potentia potest esse cum valde magna diversitate, ut si materia esset sine quantitate, non esset extensa; conjuncta verò quantitati fieret extensa: erit igitur secundum essentiam una & eadem numero diversificata per extensum, & non extensum.

Et ut melius intelligatur quod dicitur, dicemus, quod duplex est ordo, unus secundum situm, alius secundum causalitatem. Secundum situm quidem sunt ordinatæ sphaeræ, ut sphaera prima non attingit tertiam, nisi mediante secunda, nec secunda attingit quartā nisi mediante tertia. Sed inter formas respectu materiæ non est ordo situs, sed ordo causalitatis tantum: quilibet enim essentia cujuslibet formæ immediate attingit essentiam materiæ: est tamē ibi ordo causalitatis: quia forma substantialis existēs in materia est causa, quare sit ibi forma accidentalis, & una forma accidentalis potest esse causa, quare sit ibi alia. Tamen quantum ad situm non est ibi ordo, sed essentia cujuslibet formæ immediate attingit essentiam materiæ, & immediate extendit materiam: ita quod ipsa essentia

Commenta-
tor.

materia fit extensa per quantitatem. Ipsa ergo essentia materiae fit habens partes, & fit divisibilis & extensa. Materia igitur per quantitatem habet esse extensum. Et si quærat quid est istud esse, quod dat forma accidentalis materiae, & quid est illud esse extensum, quod dat quantitas materiae. Dicemus, quod illud esse extensum, quod causatur in materia à quantitate, non est aliquid informans materiam, nec est forma, sed est participatio formæ. Vitando ergo errores Platonis possumus investigare, & inquirere, quale sit illud esse, quod dat forma accidentalis materiae? Dicendum quod illud esse non est alia res à materia, sed essentia materiæ: & ut est sub privatione, est dicere esse in potentia ad illud esse, ut est sub forma, est dicere esse in actu. Ipsa igitur essentia materiae diversificata per privationem & formam, est carens esse, & habens esse. Et quia unitas numeralis ipsius entis in potentia patitur talem diversitatem, materia carens tali esse, & habens illud, ut materia extensa, & non extensa, non est aliud quam materia; sed est ipsa materia diversificata modo, quo diximus. Itaque in materia ut est sub forma, non sunt ibi nisi duo, essentia materiæ & essentia formæ: & cum est sub privatione sunt ibi duo, materia, & privatio: attamen ipsa essentia materiæ, sic & sic existens, intelligitur valde diversificata: quia cum privatione est imperfecta & in potentia; cum forma est perfecta & in actu: & sic perfecta & facta in actu dicitur habere tale esse, imperfecta & in potentia dicitur carere illo. Tales autem diversificationes materiae appellabamus modos se habendi, & modos essendi ejus.

Secundavia. Secunda via ad investigandum hoc idem sumitur ex veritate, quam tradidit

Commentator de natura materiae, ait enim ipse in 1. Physic. *Materia est composita ex esse & non esse.* Materia enim & esse suum, quod recipit à forma, ut esse extensum, quod recipit à quantitate, non est materia & aliquid aliud: sed illa eadē essentia, quæ erat in potentia ad extensionem, illa eadem facta in actu, dicitur materia habens tale esse. Et illa eadem, quæ erat facta in actu per formam, si privetur, per privationem dicitur non habens esse: in essentia ergo materiae est quod possit sic diversificari. Vnde & Commentator

Comm. ipsam essentiam materiae dicit ex utroque

componi, ex esse, & ex non esse: quia potest utroque modo sic & sic diversificari. Magna cautela igitur est adhibenda, ut cognoscatur natura materiae, & ut diligenter attendatur, quomodo unitas numeralis potest dici de ente in potentia diversificato per esse, & per non esse: quia non est alia essentia materiae, quam esse actu sub forma, & potentia sub privatione: esse ergo materiam per formam, & non esse per privationem dicunt eandem essentiam materiae diversificatam.

Hoc modo & illò soluta questione, quod primo dicebatur dicendum, volumus aggredi secundum, & volumus dare intellectum illorum sex, quæ inconvenientia videbantur. Primum autē, quod videbatur inconveniens, sic tollitur: nam ex quo essentia materiae fit actu extensa, & non fit quantitas, erunt ibi duo extensa, & per consequens erunt ibi duo genera partium & duæ extensiones. Et tertium, quod obijciatur: ergo duo genera superficialium, & duo genera linearum. Procedit argumentum ex falso intellectu: quia imaginatur, quod omnē extensum, quod competit materiae, sit aliquid informans materiam, quod nos non dicimus. Nam illa extensio materiae non est aliquid informans materiam, nec forma; sed participatio formæ. Vnde non est linea, nec superficies, nec est quantitas; sed est participatio quantitatis. Materia enim extensa, & non extensa dicit eandem essentiam materiae diversificatam per huiusmodi esse, & non esse. Et hoc est in essentia materiae: quia existens eadem numero secundum substantiam potest sic diversificari per esse, & per non esse.

Secundum, quod dicebatur inconveniens, per habita sufficienter tollitur. Nam certum est, quod ipsa extensio, vel ipsum esse extensum, quod habet materiam sub quantitate existens, non est alia res quam materia: intelligimus enim (ut sæpe sæpius dictum est) quod illa eadem essentia materiae existens sub privatione est in potentia, ut sit talis; existens sub forma fit actu talis: materia ergo diversificatur per aliud & per aliud, ut per privationem, & per formam; sed ipsa materia sic & sic diversificata non est aliud & aliud. Et quod arguitur, quod extensio illa est causata à quantitate in materia. Dicitur debet, quod non est causata à quantitate in materia tanquam informans materiam:

quantitas à qua partici-
pat esse exte-
sami & talis
participatio,
quæ non est
quæritas, sed
modus tali-
ter essendi,
extensio dici-
tur mate-
ria.

teriam: illa enim extensio non est forma, sed participatio formæ: ipsa enim essentia materiam potest sic & sic diversificari: & ideo dictum est, quod ipsa essentia materiam, quantum sit una numero, non tamen est una simpliciter propter has diversificationes, quas patitur. Quod verò secundo arguitur, quod ipsa extensio materiam extenditur cum materia, & erunt alie partes illius extensionis, alie materiam. Pater quod hoc etiam procedit ex falso intellectu. Non enim dicimus, quod alia sit extensio materiam, & alia quantitatis: hoc modo quod sit quædam extensio informans materiam alia à quantitate: nulla enim extensio informat materiam nisi quantitas. Sed si ipsa essentia materiam informata per quantitatem actu extenditur per eam: ipsa ergo essentia materiam participat extensionem, & sit extensa: extensio ergo illa (de qua loquimur) non est forma sed participatio formæ.

Solutio 3
dubij.

Tertium etiā, quod dicebatur incon-
veniens, sic tollitur: quia illa extensio ma-
teriam non est materia & aliquid, sed est
materia diversificata per aliquid. Iam
enim dictum est, quod materia habet
duos modos se habendi: unum sub pri-
vatione; alium sub forma: & secundum
hos modos se habendi ipsa essentia mate-
riam diversitatem recipit: materia ergo
considerata sine extensione, & considerata
actu extensa, non est nisi ipsa essentia ma-
teriam facta talis in actu, qualis erat in po-
tentia: diversificatio ergo competit ei per
aliud & aliud; sed ipsa sic diversificata non
est aliud & aliud: quia non sunt nisi tria
principia, scilicet, forma, & privatio, & es-
sentia materiam diversificata per hoc & il-
lud. Has autem diversificationes non ni-
hil esse dicimus, est enim secundum
rei veritatem essentia materiam, & sic di-
versificatur: dicimus enim, quod perfe-
ctum & imperfectum differunt, esse & non
esse differunt, ut actus & potentia: & di-
cimus, quod una & eadem essentia mate-
riam diversificatur per perfectum & imper-
fectum, & eadem essentia materiam, quæ
intelligitur esse in potentia ut est sub pri-
vatione, sit in actu ut est sub forma: ad om-
nia ergo ista dicimus eandem essentiam
materiam, non eodem modo se habentem,
sed diversificatam: & ideo ista non dicunt
aliam rem, quam materiam, sed dicunt
quosdam modos se habendi, per quos po-
test diversificari materia: unitas enim
materiam est unitas entis in potentia, cum

qua unitate stant huiusmodi diversifica-
tiones.

Quantum etiam de levi tollitur: quia si
possumus intelligere essentiam materiam
sic diversificatam, leve est intelligere eam
esse compositiorem. Nam si essentia ma-
teriam de se ipsa non est extensa, & ista ea-
dem essentia potest sic diversificari, quod fiat
actu extensa: si esset possibile, quod mate-
ria haberet esse non extensum, & postea
actu extenderetur, non esset alia materia per
essentiam extensam, & non extensam: diversificatio
ergo (ut dictum est) inest materiam per aliud,
sed materia sic & sic diversificata non est ali-
ud & aliud: sic extensio inest materie per ali-
ud, sed materia actu extensa à se potentia
extensa non est aliud; sed illud idem, quod
erat potentia extensum, sit actu extensum:
& quia nullus diceret materiam extensam
& habentem partes non esse compositio-
rem se non extensa & carente partibus:
ideo possumus intelligere materiam co-
positiorem ex eo, quod est apta nata sic &
sic diversificari.

Quintum etiam de levi tollitur. Nam
illa extensio materiam, secundum quam
dicimus, quod materia habet partes alias
à partibus quantitatis, non est aliquid in-
formans materiam: quia si hoc esset ad
prædicamentum substantiam pertinere non
posset; sed ipsa essentia materiam potest sic
diversificari, & potest diversos modos ha-
bere, & potest diversimodè accipi. Cum
ergo nulla essentia addat, supra essentiam
materiam: cum essentia materiam semper sit
in prædicamento substantiam, materia sic
extensa ad prædicamentum substantiam perti-
nebit: sicut quantitas ex eo, quod exten-
dit materiam, non trahitur extra genus
suum: ita quod quantitas extendens est in
genere quantitatis: sic materia ex eo, quod
extenditur per quantitatem, non trahitur
extra genus suum; sed materia extensa est
in genere substantiam.

Sextum autem & ultimum, quod vi-
debatur inconveniens, sic tollitur. Nam
certum est, quod non est nisi una quanti-
tas, quæ materiam extendat ex eo, quod
informat eam, & quæ extendit cetera ac-
cidentia materialia ex eo, quod substerni-
tur eis. Una est ergo extensio, quæ mate-
riam informat & quæ alijs accidentibus
substernitur: sed licet ibi sit una extensio per
essentiam; sunt tamen multe ibi extensio-
nes per participationem. Inde est ergo
quod (sicut dicebamus) alia est extensio
ma-

Materia ex-
tensa dicitur
compositior,
quam non ex-
tensa & ca-
rens partibus

Solutio dubij.

Materia ex-
tensa ad præ-
dicamentum
substantiam at-
tinet.

Solutio dubij.

Vna est ex-
tensio quan-
titatis quæ
materiam in-
format, alie
extensiones
sunt per par-
ticipationem

materiæ & quãtitatis: quia quantitas habet extensionem, quia est ipsa extensio essentialiter; materia verò, quia illam extensionem participat. Ita & albedo habet extensionem: quia extensionem quantitatibus participat: & aliter participat eam materia, & aliter albedo: nam materia participat extensionem quantitatibus, & quantitati subternitur; albedo verò quia in quantitate fundatur, ejus extensio non est quantitas, sed participatio quantitatibus: & albedo extensa non dicit duas res, sed dicit unam & eandem rem, aliter tamen & aliter se habentem. Nam illa eadem essentia albedinis, quæ de se non est extensa, conjuncta quantitati fit actu extensa: albedo ergo est actu extensa per aliud, sed albedo extensa, à se non extensa, non dicit aliud & aliud: sed dicit unum & idẽ, aliter & aliter se habens: vel dicit unam & eandẽ essentia albedinis: in materia est ergo una extensio, quæ est res, & quæ est forma, & quæ est essentia iter extensio: sed multe sunt ibi extensiones per participationem, sed hæ participationes extensionis non dicunt alias res ab ipsis rebus extensis, sed dicunt easdem res aliter & aliter se habentes. Et breviter: ipsa materia participat suo modo extensionem, & quot sunt ibi accidentia educta de potentiali materiæ, tot sunt ibi participationes extensionis.

Tria sunt hic diligenter notanda: primo ut concedamus multitudinem extensorum, videlicet, quod materia, quantitas, & albedo dicunt multa extensa: ita quod ipsa materia subtrata quantitati sit quid extensum. Secundo est notandum, quod si concedamus multa extensa; non tamen extensiones, quocumque modo sumptæ, sunt res aliæ ab extensis. Immo taliter possunt accipi extensiones, quod non sunt res aliæ ab extensis, ut extensio quantitatibus non est res alia à quantitate: immo quantitas essentialiter est ipsa extensio. Extensio etiam materiæ non est res alia à materia: non enim intelligimus, quod huiusmodi extensio materiæ (ut sepius diximus) sit quedam res informans materiam: talis enim extensio non est quantitas, sed participatio quantitatibus. Extensio ergo materiæ potest dupliciter dici, uno modo ut dicatur extensio id, quod informat materiam, & sic quantitas est extensio materiæ: sed si quantitas sic esset in materia, quod tamen ipsa essentia materiæ nõ actu extenderetur per quantitatem, hoc posito, quã-

titas esset quedam extensio existens in materia, tunc non posset dici materia extensa per quantitatem: quia positum est materiam non extendi per eam. Sed si debet materia extendi per quantitatem, duo requiruntur, licet hæc duo ab invicem separari non possint. Primo enim requiritur, quod sit quantitas in materia: secundo quod, existentia quantitatibus in materia, materia fiat actu extensa, & participet quantitatem: ergo extensio materiæ potest dici vel ipsa quantitas, quæ est alia res à materia, & quæ informat materiam: vel extensio materiæ dicitur ipsa participatio quantitatibus: & sic extensio materiæ non est alia res à materia, quia materia se ipsa participat formam.

Non enim debemus intelligere, quod sic sit quantitas in materia, sicut est lignum in lapide vel lapis in ligno, quæ ex se invicem nullam adualitatem recipiunt; sed materia actu extenditur per quantitatem: ergo est ibi quantitas & materia participans quantitatem: propter quod ipsa quantitas potest dici extensio materiæ, & ipsa participatio quantitatibus extensio materiæ dici potest. Et sicut extensio materiæ dupliciter sumi potest, sic materia extensa potest dupliciter dici. Vno modo ut dicatur materia extensa quantitas, sive materia includens quantitatem, & sic materia non est in predicamento, sed in predicamentis. Alio modo potest dici materia extensa participans quantitatem, & sic est ipsa essentia materiæ, quæ de se est potentia extensa, ut est actu extensa: & hoc modo essentia materiæ non est aliud, quam materia, & est in predicamento substantiæ. Et quæ diximus de materia respectu quantitatibus, intelligenda sunt de albedine, & de alijs accidentibus materialibus. Extensio itaque materiæ, non ut dicit quantitatem informantem materiam; sed ut dicit participationem formæ, non est res alia à materia: sic extensio albedinis, non ut dicit quantitatem illam, quæ est subiectum albedinis; sed ut dicit participationem illius subiecti, non est res alia quàm albedo. Est igitur hoc secundum notandum, quod taliter potest accipi extensio

materiæ, & albedinis, & cæterorum talium, quod non dicit rem aliam ab extensis.

Notandum est, quod unitas numeralis materia magnā diversitatē patitur. Propter quod non est unitas simpliciter; ipsa enim essentia materia diversificatur per esse & per non esse: quæ diversificatio (ut supra diximus) licet accadat sibi per aliud; ipsa tamen sic & sic diversificata non est aliud & aliud; sed est unū & idem non per omnē modū, sed aliter & aliter se habēs. Dicemus ergo, quod (ut distūctè traditur in primo Physicorum) tria tantum sunt principia naturæ; materia, forma & privatio. Duo istorum sunt opposita; non manē diversificata, sed se ipsa expellunt: ut privatio expellit formam; & e converso. Materia verò; quod est principium; tantum unum & idem manet; nunc sub uno principio, nunc sub alio: ut dunc sub forma, nunc sub privatione. Sed licet materia maneat una & eadem nunc sub privatione, nunc sub forma; magnè tamen esset demeritū credere, quod si materia maneret una & eadem sub privatione & forma, quod etiam maneret uno & eodem modo non diversificata in aliquo. Dicemus igitur, quod ipsa essentia materia est apta nata diversificari hoc modo, & illo: propter quod materia cum suo esse extenso non est aliud, quā essentia materia facta in actu talis: ut facta actu extensa, qualis erat in potentia, & materia considerata cum suo esse non extenso non est aliud, quā essentia materia abiciens actum, & habens potentia extensionem: considerata verò sub esse extenso est non abiciens actum; sed est actu extensa: diversificatur ergo essentia materia prout est abiciens actum, & non abiciens; ut distinguit Philus in 2. de Anima. Esse itaque, quod dat forma materia, sive sit accidentalis, sive sit substantialis, nō est aliud ab essentia materie, nec est res alia à materia, sed essentia materia non abiciens actum, sed facta talis in actu, qualis est in potentia: igitur materia cum tali esse, & non esse, quod dat ei privatio, non est aliud quā essentia materia abiciens actum & carens tali esse. Concludamus autem ex omnibus, & dicamus, formam quantum est de se, & quandiu est eadem secundū essentiam, esse eandem secundū esse. Forma ergo quantum est de se, vel manet eadem non diversificata, vel tollitur per privationem: & privatio, quantum est de se, vel manet eadem non diversificata, vel tollitur per formam. Et si sunt aliquæ for-

ma suscipientes magis & minus non impediunt veritatem quantitativam: quia, hoc non competit formis secundū se, sed prout in materia sunt receptæ: essentia tamen materia de se est apta nata diversificari per esse & per non esse: forma autem nunquam stat cum non esse, nec privatio cum esse; sed essentia materia stat cum utroque: materia igitur cum suo esse, quod habet per privationem, & cum suo esse, quod habet per formam, non est nisi ipsa essentia materia, quæ prius est potentia talis, postea fit actu talis: quod nisi essentia esset apta nata sic diversificari aliter & aliter, nequaquam talia contingere possent: itaque si materia est apta nata sic diversificari, & aliter & aliter se habere; tales diversificationes appellare alios; & alios modos se habendi non videtur inconueniens. *Postquam solvimus questionem propositam, ostendentes quid est illud esse, quod dat forma materia, & declaravimus illa, quæ videbatur inconuenientia circa hanc materiam: quia, ut dicebatur, aliqui negant essentiam materia extendi per quantitatem, volumus ad hoc adducere rationes, quod dicebatur tertio exequendum. Probabimus autem triplici via ipsam essentiam materia extendi per quantitatem. Prima sumitur ex eo, quod materia comparatur ad diversas formas. Secunda ex eo, quod quantitati subijcitur. Tertia ex eo, quod dividitur per quantitatem.* Prima via sic patet. Nam si materia non extenderetur per quantitatem, tunc materia non haberet partes: in diversis ergo partibus materia non reperirentur diversæ formæ. Sequerentur igitur omnia inconuenientia, quæ adducit Commentator in *De substantia orbis* dicens: quod si materia non haberet dimensiones, id est, si ipsa essentia materia non extenderetur, non reciperet simul diversas formas numero, nec diversas specie, nisi diversis temporibus, quod patet plane falsum. Opinantes autem solam quantitatem habere partes, & esse extensam; materiam autem non habere partes, & non esse extensam, credunt individua non differre substantialiter, sed accidentaliter tantum. Hæc opinio contrariatur dictis Philus in 1. *Celi & mundi* qui vult, quod quomodo res constet ex medietate materie, sic possunt esse plures tales res in eadem

Eadem est essentia materia cum suo esse, quod per privationem habet, & cum suo esse, quod per formam habet.

Prima ratio, quare materia per quantitatem extenditur.

Comm. in de substantia orbis.

Philus 1. Celi & Mundi

dem specie: ergo vult ipsam materiam habere medietatem, & habere partes, quod non esset, nisi extenderetur. Verè autem ipsa essentia materie extenditur, & habet partes: licet habeat per accidens, ut per quantitatem.

2. Ratio.

Secunda via ad hoc idem sumitur ex eo, quod materia quantitati subijcitur: nam ubicumque est accidens, oportet ibi esse subjectum ejus: aliter enim accidens esset sine subjecto, quod naturaliter fieri non potest: & quia quantitas habet esse extensum, oportet quod cuilibet parti quantitatis subalternatur materia, quod non esset, nisi materia extenderetur simul cum quantitate. Sed forte dices, quod materia nullam totalitatem habet nisi essentialem; non autem habet totalitatem extensionis, sed est tota sub tota quantitate, & tota sub qualibet parte: sicut anima intellectiva est tota in toto corpore, & tota in qualibet parte. Sed hæc cavillatio frivola est: nam anima intellectiva superexcedit corpus, & est formalior corpore: si ergo sic possemus dicere de materia, esset materia formalior sua forma.

3. Ratio.

Tertia via ad hoc idem sumitur ex divisione materie. Nam divisa quantitate dividitur & materia: ita quod sub qualibet parte quantitatis habet esse materia: quod non esset, nisi materia extenderetur simul cum quantitate. Ex hoc autem confirmatur ratio secunda: nam quia anima intellectiva non extenditur extensione corporis diviso corpore, non dividitur anima: si ergo materia non extenderetur cum quantitate, non divideretur materia, quod est impossibile: quia tunc esset dare quantitatem aliquam sine materia. Dicemus ergo, quod: sicut albedo secundum quantitatem essentialem est tota in tota superficie, & tota in qualibet parte, habet tamen ipsa albedo quandam totalitatem per accidens, ut totalitatem extensionis, quam habet ex eo, quod participat quantitatem, secundum quam totalitatem est tota albedo in tota superficie, & pars in parte, & dividitur albedo secundum divisionem superficie, sic & materia secundum totalitatem essentialem est tota sub qualibet forma; habet tamen ipsa materia quandam totalitatem extensionis, quam habet per accidens ex eo, quod subijcitur quantitati, secundum quam totalitatem dividitur, ut in diversis

partibus ejus possint simul esse & recipi diversæ formæ.

His omnibus prælibatis, volumus exequi quantum & ultimum, ostendentes, quomodo de diversitate esse & essentie possumus ex his, quæ diximus, habere aliquam conjecturam. Imaginabimur enim, quod materia de se extensionem non habet. Imaginabimur etiā, quod in materia sit quantitas, quæ est ipsa extensio essentialiter, quā participādo, materia dicitur extendi. Posito itaque quod esse sit quædam extensio separata: sicut posuit Plato ideas separatas, quas vocavit deos: si igitur illa extensio separata valet producere materiam, posito quod materia non posset esse in actu sine extensione, secundum hanc hypothesim extensio illa separata non posset producere materiam, nisi imprimeret ei quandam extensionem vel quandam quantitatem, quæ faceret materiam potentia extensam, actu extensam. Constat autem quod extensio illa separata per se ipsam non posset informare materiam: ergo essent ibi tria, videlicet, materia, quæ est potentia extensa: & extensio illa, quæ informat materiam, & quæ facit actu extensa participare extensione: & esset quædam extensio separata, quæ produceret materiam cum illa extensione. Sic & in proposito intelligemus essentiam esse aliquid, quod de se non habet esse, sed est in potentia ad esse, & est quoddam esse separatum, ut Deus. Ipse ergo Deus volens producere essentiam creaturæ, videt secundum hunc naturæ cursum, quod non potest eam producere nisi actu existentem & habentem esse. Et quia potentia non habens esse, non potest fieri actu existens & actu habens esse, nisi ei aliqua perfectio superaddatur, per quam perficiatur, & existat, & sit: constat quod ipsum esse Divinum non potest esse formalis perfectio alicujus: essent ergo ibi tria, videlicet, essentia participans esse, & esse participatum in essentia, & ipsum esse purum; Deus ipse, qui producit essentiam cum esse, & esse cum essentia: sed hæc omnia de esse & essentia in sequenti questione lucidius tractabuntur.

Resp. ad arg. Ad primum ergo dicendum: quod argumentum procedit, ac si quantitas imprimeret materie quandam extensionem à se ipsa, quod non est verum. Sed quantitas existens in materia facit materiam potentia extensam actu.

extensam: materia autem sic actu exten-
 sa, & potentia extensa dicit unam & ean-
 dem essentiam materiae cum alio & alio
 modo se habendi. Illi ergo extensioni nō
 est quarendum aliud prädicamentum,
 quam prädicamentum, in quo est mate-
 ria: quia modo rei nō est quarendū aliud
 prädicamentum ab ipsa re. Sed Intelle-
 ctus non quiescit, sed semper vacillat: eō
 quod non videtur possibile, quod acci-
 dat materiae extensio; & accidat ei per
 quantitatem; & tamen illa extensio sit
 in eodem genere cum materia, non cum
 quantitate. Propter quod sciendum, quod
 extensio materiae non est res; sed. modus
 rei, non est forma, sed participatio for-
 mae, non est quantitas, sed participatio quā-
 titatis. Si ergo ista participatio quā-
 titatis non est res, sed modus rei, oportet,
 quod sit in eodem genere cum re illa,
 cuius est modus: cum ergo participatio
 extensionis non sit modus quantita-
 tis, quia quantitas non est hoc modo
 extensa, quod participet extensionem;
 sed quia est essentialiter ipsa extensio, erit
 iste modus ipsius materiae, quae est exten-
 sa, & per consequens iste modus erit in
 eodem genere cum materia. Vel (ut ma-
 gis proprie loquamur) materia habens
 hunc modum est in eodem genere, in
 quo prius erat. Dicemus ergo, quod licet
 sit eadem essentia materiae, quae est sub
 privatione, & postea sub forma, tamen
 nullus diceret, quod eodem modo se ha-
 beat materia existens sub privatione &
 sub forma: materia ergo existens sub pri-
 vatione dicit materiam cum quodam
 modo se habendi; & materia existens sub
 forma illa eandem essentiam materiae cū
 alio modo se habendi: & quia isti modi
 se habendi non diversificant essentiam,
 cum res sit in prädicamento per suam
 essentiam, non diversificabunt prädica-
 mentum: materia itaque, sive se habeat
 hoc modo sive illo, semper erit in prädica-
 mento substantiae. Ad 2. dicendum,
 quod inter formam & materiam non ca-
 dit medium aliud, quod informet mate-
 riam: sed quantitas se ipsa perficit mate-
 riam, & informat eam, & extendit ip-
 sam: & sic quantitas se ipsa extendit ma-
 teriam, sicut materia se ipsa extenditur:
 extensio ergo materiae, vel esse extensum,
 quod habet materia per quantitatem, nō est
 aliqua res media inter quantitatem & ma-
 teriam, sed est solum quidam modus se

habendi, & quaedam participatio formae.
 Et (ut melius appareat, quod dicitur) sciē-
 dū est, quod extensio materiae vel esse ex-
 tensum eius potest mihi duo dicere: vel
 illud, quod informat materiam, & sic esse
 extensum est idem quod quantitas: quia
 nulla extensio informat materiam nisi
 quantitas tantū. Si verò huiusmodi extensio
 non dicat formam, sed participationem
 formae, sicut esse diximus non erit res,
 sed modus rei. Et quavis sit inconve-
 niens, quod aliqua res sit media inter for-
 mam & materiam: est tamen omnino
 necessarium, quod aliquem modum ha-
 beat materia ut est sub forma, quae non
 habet ut carer. Ad 3. dicendum: quod
 actio licet principaliter sit a forma; est ta-
 men a materia ex consequenti, prout par-
 ticipat formam. Nam secundum Phum
 in 2. *De Anima*: sanamur non solum sani-
 tate, sed etiā corpore, & scimus non so-
 lum scientia, sed etiā anima. Corpus
 ergo disgregat per albedinem, & per esse:
 sed disgregat per albedinem tanquam per
 formam; per esse verò album tanquam
 per participationem formae. Ipsum enim
 corpus participans albedinem est causa
 disgregationis: esse ergo album, vel esse
 extensum, vel esse quodcumque, quod
 dat forma materiae, non est tertia res a
 forma & a materia; sed vel est ipsa for-
 ma, vel participatio formae: ut est ipsa
 forma non est alia res a forma: ut est par-
 ticipatio formae non est alia res a materia,
 sed est quidam modus se habendi, quem
 habet materia, non ut materia, sed ut est
 sub forma. Ad 4. dicendum: quod hu-
 iusmodi esse non posset Deus facere sine
 forma: nam si huiusmodi esse dicat ipsam
 formam, non poterit esse sine forma: quia
 tunc esset forma sine se ipsa. Si verò hu-
 iusmodi esse dicat participationem formae,
 non poterit esse sine forma: quia non est
 intelligibile, quod sit modus rei sine re.
 Ad 5. dicendum: quod quantitas non ex-
 tendit materiam imprimendo ei quam-
 dam aliam extensionem informantem
 eam; sed materia, quae de se non est ex-
 tensa, per quantitatem fit actu extensa:
 extensio ergo materiae uno modo est ip-
 sa quantitas; alio modo participatio quā-
 titatis. Ipsa enim quantitas informans
 materiam, & extendens formaliter eam,
 potest dici extensio materiae: & materia,
 quae de se est potentia extensa, participan-
 do quantitatem, fit actu extensa: ergo
 non

Phus 2. de Anima

Materia ha-
 bens modū
 extensionis
 est in eodem
 genere, in
 quo intelli-
 gitur ante
 extensionē:
 & cum tali
 modo, vel
 sine illo per-
 tinet ad prädica-
 mentū
 substantiae.

non solum quantitas, sed participatio
 quantitatis extensio materia dici po-
 test: ergo una est extensio, quæ infor-
 mat materiam, & quæ est forma eius; sed
 ex ista extensione, quæ est forma, sequi-
 tur quod materia sit actu extensa, & quod
 sit in ea participatio formæ. Ad 6. dicen-
 dum, quod esse formaliter tale potest in-
 telligi dupliciter, vel tanquam forma: vel
 tanquam participatio formæ: materia er-
 go tanquam per formam formaliter est
 extensa per quantitatem: quia nulla est
 extensio informans materiam nisi quan-
 titas: sed participatione formæ materia
 est extensa: eo quod esse materiae partici-
 pat essentia quantitatis, & est facta talis in
 actu, qualis erat in potentia: extensio er-
 go, ut est participatio formæ, non est alia
 res à materia, nec est aliquid informans
 materiam, sed ipsa essentia materiae ha-
 bet duplicem modum se habendi. Vñ
 sub privatione, & tunc dicitur esse poten-
 tia talis: alium sub forma, & tunc dicitur
 esse actu talis: Materia itaque participans
 formam est ipsa essentia materiae, non
 quocumque modo sumpta, sed cum hoc
 modo se habendi, ut est facta talis in actu,
 qualis erat in potentia: participatio ergo
 formæ est quidam modus se habendi, qui
 competit materiae, ut est sub forma. Ad
 7. dicendum, quod esse album uno mo-
 do est ipsa albedo; alio modo est albedi-
 nis participatio: & quia una & eadem
 actio egreditur à forma, & à materia par-
 ticipante formam, non obstante, quod
 aliquid aliud est forma, aliud materia par-
 ticipans formam: & ideo non oportet
 quod sit alia segregatio albedinis, & alia
 albi. Ad 8. dicendum, quod ipsa essentia
 materiae sit extensa & habet partes, sed
 hoc non est per se, sed per accidens, in-
 quantum participat quantitatem.

QVÆSTIO IX.

*Utrum essentia creature sit suum esse,
 vel realiter differat ab esse ejus?*



NONO quaeritur: utrum es-
 sentia creaturae sit suum es-
 se, vel realiter differat ab
 esse ejus? Et videtur quod
 idem sit essentia & esse rea-
 liter: quia secundum Phum

Phus in lib.
 Periherm.

in Periherm. verba secundum se dicta
 nomina sunt: eadem enim res importa-

tur per nomen, & per verbum: eandem enim
 rem dicit currere & cursus, sub alio tamē &
 alio modo significandi: ergo eandem rem di-
 cit essentia & esse. Præterea: *Sum es est*,
 est verbum substantivum, dicit ergo ipsam
 substantiam rei: sed dicit esse rei, ergo
 idem est substantia rei & esse ejus. Præte-
 rea: si esse rei differt à substantia ejus,
 hoc potissimè est: quia substantia rei di-
 citur participare, sed omnes colores par-
 ticipant albedinem, nec tamē sunt compositi:
 imò quilibet color est simplex quiddam
 qualitas: ergo aliquando quilibet essentia
 creata poterit participare esse, nec tamen
 propter hoc erit compositior: esse ergo non
 facit compositionem cum essentia, & per
 consequens non est res alia ab ea. Præte-
 rea: forma adveniente materiae, compositum
 fit ens in actu, & habet esse actuale,
 non igitur indiget alio esse. Præterea: si-
 cut agere præsupponit esse, quia non agit,
 nisi quod est: ita & recipere, quia non re-
 cipit, nisi quod est: essentia ergo non potest
 recipere esse: quia si reciperet esse, cum non
 recipiat nisi quod est, intelligeretur essentia
 esse antequam reciperet esse: sed si essen-
 tia est & non recipit esse, oportet quod
 sit ipsum esse. Præterea: creatio termina-
 tur ad esse: sed si aliud esset essentia & es-
 se, essentia crearetur per accidens, vel es-
 sentia ibi dux creationes, una qua crearetur
 esse, & alia, qua crearetur essentia: hoc
 est inconveniens: ergo & primum, vide-
 licet, quod aliud sit essentia & aliud
 esse. Præterea: secundum Anselmum. *Quemadmodum D.
 enim se se habent adinvicem lux, & lucere,
 & lucens: sic sunt adinvicem essentia, esse,
 & ens*: sed realiter est idem lux, quod
 ipsum lucere, ergo realiter essentia erit
 idem, quod ipsum esse. Præterea: si es-
 se esset additum essentiae esset accidens
 essentiae, & esset in genere accidentis, quod
 est inconveniens. Præterea: secundum
 Avicennam. in 5. *Metaph. sua in simplicibus*
 idem est essentia, esse, & ens: ergo
 saltem in substantiis separatis, quæ sunt
 simplices, erit idem essentia & esse. Præ-
 terea: substantia est ens per se: ergo
 non erit ens per esse superadditum: er-
 go idem erit substantia & esse ejus. Præ-
 terea: si esse Angeli non esset idem, quod
 suum esse: ergo Angelus esset in po-
 tentia ad esse; sed in individuo (secundum
 Phum in 9. *Metaphysicæ*) potentia præcedit actum: ergo hoc posito, &
 Angelus fieret ex materia præjacente &
 prima

prius esset in potentia, quam esset in actu, quod est inconueniens. Præterea: modus est idem realiter cum sua potentia: ergo forma erit idem realiter cum suo actu, & cum suo esse. Ipsum igitur esse licet sit aliud ab essentia materiæ, non erit aliud ab essentia formæ.

A non ex multo tempore de hoc inter theologos opiniones fuerint: magni tamen opinantur, & ponunt, quod in creaturis esse & essentia realiter differant; non tamen positionem hanc tenemus, quod realiter differant, nisi eo quod huiusmodi dictum magis quietat intellectum nostrum. In hac autem questione hoc ordine procedemus, quia primò recitabimus magnorum dicta tenetium opinionem contrariam. Secundò ostendemus quæ de dictis illis nos dubitare faciunt. Tertiò adducemus rationes ostendentes propositum.

Sciendum ergo, quod tenentes opinionem hanc contrariam hoc ordine procedunt in dictis suis: quia primò adducunt rationes & auctoritates contra se. Secundò adducunt rationes & auctoritates pro se. Tertiò declarant opinionem suam. Quarto respondent ad rationes factas in contrarium. Quintò & ultimò exponunt auctoritates adductas in oppositum. Contra se quidem adducunt tres rationes. Prima talis: si creatura esset suum esse, cum creatura sit quid subsistens: ergo esse creaturæ esset esse subsistens: sed tale esse est esse purum, quod non competit nisi soli Deo: ergo &c. Secunda talis: cum esse secundum quod huiusmodi, non sit quid limitatum, si creatura esset suum esse, creatura non esset quid limitatum: & ita non esset quid finitum, quod est inconueniens. Tertia talis: si creatura non est aliud re à suo esse, cum esse non possit separari à se ipso, esse creaturæ non posset separari à creatura: ergo sicut impossibile est ipsum esse non esse: ita impossibile esset non esse creaturam.

Adducunt etià contra se auctoritates plures, quas ponit Boëtius *De Hebdomadibus*, ibi enim dicitur: *Diversum est esse, & id quod est*; Sed id, quod est, est ipsa essentia: ergo diversum est esse, & essentia. Præterea: in eodem libro dicitur: *Id, quod est, accepta essendi forma est, atque subsistit*; Sed quod accipitur est aliud re ab accipiente: ergo essentia, quæ recipit esse, est realiter differens ab esse. Item ibidem scribitur: *Omne, quod est, participat eo, quod est esse, ut sit*; Sed participans differt à participato: ergo &c. Præterea: ibi habetur, quod in omni composito aliud est esse, aliud ipsum quod est: ergo idem quod prius.

Tres rationes, quas afferunt contra se Auctores opinionis contrariæ.

Auctoritates etiam contra se. Boetius in de Hebdomadibus.

RESOLVTIO.

Essentia creature realiter differt ab esse ejus, quod triplici ratione comprobatur: oppositæ opinionis fundamentis, solutionibusque ad auctoritates. Rationes in contrarium, ut parum congruis, rejectis.

Respond. dicendum, quod circa hoc diversi diversa senserunt; & licet

D. Egid. Colum. Rom.

E

Pro

Pro se autem adducunt tres rationes ostendentes idem esse essentia & esse. Prima talis: non magis dubitandum est de esse, & entitate rei, quā de unitate, & bonitate, & veritate eius; sed quælibet res est una, bona, & vera per suam essentiam: ergo quælibet res erit ens, & habebit esse per suam essentiam. De bonitate quidē probat Boëtius in libro *De Hebdomadibus*. De veritate verò probat Augustinus in *De vera religione*. De uno, & ente probat Phis in 4. *Metaph.* ubi Comment. reprehendit Avic. ponentem, quod unum & ens dicāt dispositiones additas rei. Res enim per suam essentiam est ens, & unū: sicut ergo unum non dicit rem aliam ab essentia rei, ita nec ens, & esse.

Arguunt etiā isti secundo, quod fieret processus in infinitum, si esse ab essentia realiter differt: nam si essentia habet esse per esse, quod est res alia ab ea, constat, quod illud esse res aliqua est, & quid creatum est: ergo quæram, utrum res illa creata, quæ dicitur esse, sit se ipsa, vel per aliud superadditum? Et quia non est abire in infinitum, standum est in primis, ut dicamus, quod res ipsa creata se ipsa est, non per aliquid aliud superadditum. Tertiō isti iidem sic arguunt: dicunt enim, quod istud esse vel est substantia, vel accidens; medium autem esse non potest. Allegant enim pro se auctoritatem Alfarabij dicentis in *De ortu scientiarum*: *Nihil est nisi substantia & accidens, & Deus Creator utriusque, qui est benedictus in secula.* Istud ergo esse vel erit substantia, vel accidens? Non accidens: quia tunc accidens esset primò ens, quā substantia, & substantia esset ens non per se, sed per accidens. Nec etiā dici potest, quod huiusmodi esse sit substantia: quia nec est materia; nec forma, nec compositum: ergo nihil est tale, vel est idem, quod essentia creaturæ.

Modus, quo declarant positionē suā.

Avic. in *Metaph.* sua. In una autem & eadem re est essentia, & esse essentia, & esse actualis existentia, quæ omnia secundum istos realiter non differunt; sed unam, & eandem rem dicunt, aliter, & aliter acceptam. Eadem enim res dicitur essentia secundum

suam absolutam considerationem: dicitur esse essentia, ut habet ideam & exemplar in Deo: dicitur esse actualis existentie, ut est in effectu, aut sit in re extra: esse essentia inseparabiliter cōvenit ipsi: quia semper habet exemplar in Deo, & prout huiusmodi esse accipitur (ut dicunt) cadit creatura sub ente, quod est commune ad decem prædicamenta: per huiusmodi etiam esse accipitur esse diffinitum rei; sed esse actualis existentia (ut dicunt) non est inseparabile à re, sed competit rei secundum quamdam extrinsecam participationem. Tale enim esse essentia non habet de se, & secundum tale esse potest non esse, quod potest actualiter non existere. In declarando itaque positionem suam primò dant intelligere quid est esse, quid esse essentia, & quid esse existentia. Secundo distinguunt, quod modis dicitur differre: & ex hoc declarant, quomodo differt essentia ab esse. Dicunt ergo, quod differre dicitur tripliciter, videlicet re, ratione, & intentione: essentia autem secundum eos nullo modo differt ab esse re, sive accipiat esse essentia, sive esse existentia: attamen nō eodem modo differt essentia ab utroque tali esse, sed ab esse essentia differt ratione tantum; ab esse existentia differt (ut dicunt) intentione. Videntur autem isti velle, quod differre intentione sit plus, quā differre ratione. Nam quādo aliqua duo dicunt eandem rem aliter, & aliter acceptam: ita quod unum prædicatur de alio, tunc illa duo differunt ratione; sed quando unum non suscipit prædicationem alterius, differunt intentione: & quia esse actualis existentia non prædicatur de essentia, nec est benè dictum, quod essentia sit tale esse: idē essentia, & huiusmodi esse nō differunt tantum ratione, sed etiā intentione. Ex hoc autem habere volunt, quod quia in creatura essentia, & actuale esse differunt intentione: idē creatura deficiat à simplicitate Primi, & hic non intentione, sed sola ratione differunt. Adducunt isti tertiō ad declarationem positionis suæ exempla quædam, dicentes: quod omnino re sunt idem currens, currens, & currere: & lux, lucere, & lucens: & vivens, vita, & vivere: ergo sicut re vivere non est aliud, quā vita; ita lucere non est aliud, quā lux: & currere nō est aliud quā currens: sic essentia non

Secundū
horū
disting
dicitur
curren
tione
tentione

Alfarabius
de ortu sci
entiarum.

est aliud quod esse. Et tamen non dicimus, quod cursus sit currere, vel quod cursus currat: quia cursus & currere licet unam, & eandem rem dicant; differunt tamen intentione, non ratione solum. Sic non dicimus, quod essentia esset ipsum esse: quia licet unam & eandem rem dicant essentia & esse actum: quia differunt intentione, unum non suscipit predicamentum alterius. Distinguunt etiam isti, quod creaturam participare esse, potest intelligi dupliciter. Vno modo quod essentia creaturæ sit aliquid substratum ipsi esse, & recipiat esse, ita quod ipsum esse sit aliquid informans essentiam creaturæ: & hunc intellectum dicunt continere ex falsa imaginatione. Sed alio modo potest intelligi essentiam participare esse: quia de se non habet esse, sed dicitur participare esse ex eo, quod est similitudo expressa in effectu à Deo. Sicut si Sol produceret voluntarie radium, ipse radius voluntarie productus esset similitudo Solis, & esset quædam participatio lucis: sic creatura producta voluntarie à Deo participare potest esse Divinum. Non ergo creatura participat esse, quod subternatur ipsi esse, quod est quædam similitudo Divini esse. Et additur in dictis istorum, quod sicut creatio nihil addit supra essentiam creaturæ nisi respectum tantum, ita innunt de esse actuali. Similiter essentia non addit rem aliquam, sed respectum quemdam ad Creatorem, ut ex hoc essentia creaturæ dicatur esse, inquantum creata, & prout est effectus creationis.

Declarata positione, restat videre quomodo solvuntur ad rationes factas in contrarium. Solvunt enim ad primum, quod creatura non est esse subsistens: quia non est esse purum, immo est esse participatum. Quomodo autem sit esse participatum, declaratum est, quia pro tanto est esse participatum: quia est similitudo Divini esse. Solvunt autem ad secundum, dicentes: quod licet creatura sit suum esse; non tamen sequitur, quod sit infinita & non limitata, nisi ponatur, quod esse illud esset purum non participatum; sed patet, quod tale esse est quid participatum. Solvunt ad tertium, quod quamvis esse existentia & essentia re non differant; tamen non dicitur creaturæ esse nisi per quamdam extrinsecam habitudinem, ut inquantum est

effectus Primi, & prout habet respectum ad ipsum: & quia iste respectus, & ista extrinseca habitudo potest sibi deesse: ideo potest creatura non esse, & potest actualiter non existere, sicut aliquando non actu fuit.

His omnibus prælibatis, exequendum restat, quomodo exponunt auctoritates in contrarium adductas. Exponunt enim, quod pro esse intelligitur ipsum Primum; per id verò, quod est, intelligitur quod est ex principio: & dicunt, quod secundum hanc regulam exponenda sunt cetera dogmata, quæ sequuntur. Hoc autem intellectu dato, dicunt quid mirum, si diversum est esse, & id quod est: quia diversa sunt Deus, & creatura: unde, quod esse ibi non supponit pro esse creato, sed pro increato: ex falso ergo intellectu procedit argumentum, ut dicunt. Sic etiam solvunt ad aliam auctoritatem. Nam illud, quod erit, est accepta essendi forma, id est, accepta Divina similitudine, in effectu est atque subsistit: forma ergo essendi non est aliqua res accepta nec creatura; sed est ipsa essentia creaturæ, ut est ineffabiliter, & ut est similitudo Dei: hæc est forma essendi, & hoc modo & non alio habet, ut actualiter existat. Per hoc ergo patet solutio ad auctoritatem tertiam: quia omne, quod est, participat esse, ut sit; non quod ipsum esse adveniat ipsi essentia quasi res alia ab ea; sed ipsa essentia participat esse, ut sit, id est, ut participando esse existat: est enim sensus, quod essentia creaturæ participando esse Divinum, & existendo similitudo Primi, & ut habet esse in effectu, habet, quod actu existat, & quod actu sit: ergo per esse semper intelligit Boëtius esse Divinum; non autem esse creatum: & hoc modo diversa est creatura, & illud esse hoc modo non est creatura, nisi accepta forma, id est, accepta Divina similitudine illius esse: hoc etiam modo non est creatura, nisi participando illud esse. Solvunt etiam ad auctoritatem quartam, quod in omni composito, id est, in omni creatura aliud est esse, & illud quod est, non re, ut dicunt, sed intentione.

Postquam hanc opinionem fideliter recolimus, & mentem dicentium pro modulo nostræ intelligentiæ explicavimus, dicere volumus in quibus dubitamus in his dictis, & quot reperimus ibi non quietantia intellectum nostrum, & ut modo resolutorio procedamus, dica-

Explicatio
auctoritatis
in contrarium

mus quatuor ibi reperta esse nobis inge-
rentia dubium, & non quietantia intel-
lectum. Primò enim videntur nobis au-
ctoritates non esse expositæ secundum
mentem Auctoris. Secundò rationes in-
ductæ in contrarium non videntur so-
lutæ. Tertiò multa sunt adducta ad de-
clarationem opinionis, quæ videntur
repugnantiam continere. Quartò ratio-
nes adductæ pro hac opinione non videtur
concludere.

Contra ex-
positionem
primæ auc-
toritatis Boe-
tij.

D.PN. Aug.
7. de Trin.
cap. 5.

Primum sic patet: dicunt enim isti,
quod cum dicit Boëtius: *Diversum est
esse, & id, quod est*, per esse, increatum
esse sive ipsum Deum, per id, quod est,
intelligit creaturam. Sed ista expositio
stare non potest per id, quod in littera se-
quitur: sic enim jacet textus Boëtij: *Di-
versum est esse, & id quod est; ipsum verò esse non
dum est*. Ergo vult, quod ipsi esse non pro-
priè competat, quod sit: igitur esse ibi
non statit pro ipso Deo, vel pro ipso es-
se Divino: quia ipsi Deo maximè com-
petit esse. Vnde August. 7. de Trin. cap. 3.
vult, quod maximè Deo cōpetat esse, dū
inquit: *Est enim verè solus... idque nomen suum
famulo suo Moyse enuntiavit, cum ait: ego sum
qui sum: & dices ad eos, qui est, misit me ad
vos*. Ergo si Boëtius loquitur de esse, de
quo non propriè dicitur quod sit, & ipsi
Deo maximè competit esse, ipse solus
propriè est (ut idem August. innuit) o-
portet secundū intentionē Boëtij, per esse
exponere esse creatū, nō increatū. Vide-
tur ergo omnino intentio Boëtij, quod id
propriè est, quod est per se: & ideo sicut
dicimus, quod esse non propriè compe-
tit formæ, quia non habet per se esse, sed
est in alio; sed propriè competit ipsi
composito, quia habet per se esse, & for-
ma intantum est, inquantum est ratio
essendi aliud: sic ipsum esse creaturæ,
quia est aliquid in nullo receptum, nec
propriè est, nec per se est, sed intantum
est, inquantum est ratio, quare aliquid sit.

Contra secu-
dæ exposi-
tionem.

Secunda etiam auctoritas non vi-
detur exposita secundum intentionem
Boëtij: ut dicatur, quod id, quod est ac-
cepta essendi forma est, id est, accepta Di-
vina similitudine. Nam istud continua-
tur ad præcedens: sic enim jacet textus:
*Diversum est esse, & illud quod est, ipsum verò
esse nondum est: id verò quod est, accepta essendi
forma est, atque subsistit*. Oportet ergo, quod
accipiatur ibi essendi forma, sicut ibi
locutus est de esse, cum ille textus conti-
nuetur ad illud; sed ibi locutus est de

esse creato, quod dicitur nondum esse:
quia ei non competit per se esse: ergo for-
ma essendi dicitur ipsum esse creatum,
quod id quod est, accipiendo esse, est at-
que subsistit: ergo ipsum esse secundū in-
tentionē Boëtij receptū in eo, quod est, se
habet quasi formā, per quā quasi per for-
mā est, quod esse nō posset nisi esset re dif-
ferēs ab illō: quia nihil se ipsum accipit
quasi essendi formā. Vbi cūq; enim esse est
aliquid receptū in alio, oportet, quod sit
re differēs à recipiente. Verum est enim,
quod ipsum esse creatum est quædam Di-
vina similitudo, & hoc modo verum est,
quod id, quod est, accepto ipso esse creato,
quod est Divina similitudo, est atque sub-
sistit. Sed sic exponēdo de forma essēdi,
& de Divina similitudine, cogimur ponē-
re, quod esse ab essētia sit realiter differēs.

Tertia etiā auctoritas nō videtur ad mē-
tem Auctoris exposita: quia cum dicitur,
quod id, quod est, participat esse, ut sit, ex-
ponūt ipsi de esse Divino; sed, ut patet, in-
tentio Boëtij est, quod id, quod est, parti-
cipat esse creatū, quod accipiens tanquā
formā essendi, est atque subsistit. Vnde
patet eandem esse intentionem Boëtij,
cum dicit: *Id, quod est, participat esse, ut sit*. Et
cum suprā dixit: *Id, quod est, accepta essendi
forma est, atque subsistit*.

Quarta etiam auctoritas non vide-
tur esse ad mentem ejus, ut dicatur, quod
in omni cōposito, id est, in omni creatu-
ra id, quod est, & esse est aliud nō re, sed
intentione. Nā, ut patet, id, quod est esse
secundū Boëtium hoc modo est aliud: quia
id, quod est, accepto esse tanquā perfectio-
ne & forma, est atque subsistit, quod esse
nō posset, nisi esse realiter differeret ab eo,
quod est. Aliter enim non esset quasi for-
ma & perfectio ejus.

Ostenso quomodo expositiones au-
toritatum non sunt secundum mentem
Boëtij, volumus ostendere, quomodo
rationes contra hanc positionem non
sunt solutæ. Nam ad primam rationem
solvunt, quod creatura non est esse per
se subsistens, quia est esse participatum: est
autem esse participatum (ut dicunt) non
quia essentia subternatur ipsi esse; sed
quia est quædam similitudo Divini esse.
Sed si consideratur quid importatur no-
mine participationis; salvare non possumus,
quod esse creaturæ sit esse per se
participationem, nisi essentia subternatur
ipsi esse, & nisi sit ibi realis compositio ex
cf-

essentia & esse. Nam quicquid participat
aliquo, est aliquid aliud præter illud. Un-
de Proclus, qui plus se intramissit de mo-
dis participandi, ait in secunda propo-
sitione sui libri: *Omne, quod participat uno, est
unum & non unum. Quod probat sic: Quia
(ut ait) Si aliquid participat uno, est aliquid
aliud existens præter unum, quod participando
factum est unum. Ita si aliquid participat es-
se est aliquid aliud præter illud, & partici-
pando esse existit. Et habet adhuc etiã Pro-
clus ibidẽ rationẽ aliã, quod esse partici-
pans unum est aliquid aliud præter unũ.
At (ut ait) Si nihil est præter unũ, solũ est unũ; nõ
autem participatione unum. Sic à simili, si sub-
stantia aliqua creata nihil est præter esse,
ergo tantũ est ipsum esse: nõ igitur partici-
pat esse. Nec valet quod dicunt, quod es-
sentia creata in tantum participat esse, in
quantum est similitudo omnis esse: quia
participatio non dicit similitudinem
quamlibet, sed similitudinem diminutã:
quia hoc est participare quasi partem ca-
pere, & habere diminutum esse. Oportet
igitur, quod prius aliquid sit essentialiter
imperfectum, & postea comparatum ad
aliud respectu illius dicatur diminutum:
& ideo creatura essentialiter participat
esse: & quia sic est comparata ad Deum,
habet diminutũ esse; quia Deus nõ par-
ticipat esse; sed est ipsũ esse: si ergo crea-
tura esset ipsum esse, non participaret
esse.*

Secundã igitur etiã rationẽ non
solvunt: volunt enim, quod licet creatu-
ra non sit realiter aliud à suo esse, non ta-
men propter hoc est infinita nõ limitata:
quia esse creaturæ est esse participatũ nõ
purũ. Nã, ut patet, hic petitur, quod est in
principio, supponitur enim, quod deberet
probari: de hoc est enim questio nostra,
quomodo possit esse, quod creatura nõ
sit realiter differens ab esse, & tamẽ partici-
pet esse: Imò nõ solũ in hoc dicto videtur
peti, quod est in principio; sed etiã quod
est in contrario: quia videtur hæc positio
de esse dicere oppositum sui dicti. Nam
nihil se participat: si igitur creatura non
est realiter differens ab esse, non est in-
telligibile, quod participet esse, nec suũ,
nec aliud, à quo realiter non differat,
sed esse Divinum, à quo realiter differt.
Nam semper absolutum præcedit respe-
ctivum: ideo prius oportet, quod aliquid
sit in se tale, & postea comparatum ad
aliud dicatur tale.

Intelligimus ergo, quod ipsum esse

Divinum sit quoddam esse purum per
se existens; ipsum verò esse creaturæ sit
quoddam esse non purum, in alio recep-
tum: & quod esse Divinum, secundum
se consideratum, est esse purum; esse ve-
rò creaturæ, secundum se consideratum,
est esse participatum: ideo esse creatu-
ræ dicitur esse participatio Divini esse,
quod Deus habet pure & essentialiter;
creatura habet modo receptivo & par-
ticipativo: propter quod si tollatur,
quod esse creaturæ non sit esse in alio re-
ceptum, nec sit esse ab alio participatũ,
tollitur quod esse creaturæ sit participa-
tio Divini esse.

Tertium etiã argumentum non
solvunt. Nam si esse competit creaturæ
per habitudinem extrinsecam, & per ex-
trinsecam denominationem, oportet,
quod sit realiter differens ab ea: esse e-
nim dicit aliquid absolutum, & est
opposita ratio ipsius esse & ipsius respec-
tus. Nam ex hoc dicitur aliquid esse,
inquantum est aliquid: quod enim non
habet esse aliquid, non habet esse; sed
in tantum competit alicui habere respec-
tum, non inquantum est aliquid, sed
inquantum est ad aliquid: esse ergo non
erit aliquis respectus, sed poterit esse idẽ,
in quo fundatur ipse respectus. Ita ergo
extrinseca denominatio vel ista extrinse-
ca habitudo, quam habet creaturã, vel
erit ex eo, quod creaturæ essentia reci-
pit aliquid, quod realiter differt ab ipsa:
vel quia habet respectum ad aliquid,
quod est realiter differens ab ea. Non au-
tem dici poterit, quod esse competit ip-
si essentie ex habitudine extrinseca, ex
solo respectu ad aliquid, quod non est
ipsa essentia: quia tunc esse esset respec-
tus tantum. Propter quod esse competit
creaturæ ex habitudine extrinseca non
solum ex eo, quod habet respectum ad
aliquid, quod non est ipsa, sed etiã ex eo,
quod est recipiens aliquid, quod non
est ipsa. Imò nisi essentia creaturæ esset
recipiens aliquid, quod non est ipsa, nõ
haberetur respectum ad aliquid, quod
produceret ipsam. Primum igitur
esse creaturæ & ipsa essentia habent ac-
tualem respectum ad suum productorem:
sed ipsum esse habet huiusmodi respec-
tum, inquantum est receptum in alio;
ipsa verò essentia inquantum est recipiens
aliud. Tollas autem quod esse sit recep-
tum in alio, & quod essentia sit recipiens
illud, tollis omnem rationem factionis,

Esse Divinũ
est esse purũ
per se exis-
tens esse verò
creaturæ est
non purum,
& in alio re-
ceptum.

Esse creatu-
ræ & ipsius
essentia ha-
bent actualem
respectum ad
productorem
id, esse in
quantum est
receptum, es-
sentia verò in
quantum est
recipiens.

Proclus in
Prop. sui lib.

Extra
secundã dispo-
sitionem.

Absolutum
semper præce-
dit respecti-
vum.

D.P.N. Aug.
in lib. de
Imaginat.

quia nihil fit, nisi quod est compositum ex potentia & actu; ipsum autem simplex subjectum factionis esse non potest: & dum de re constat (secundum Augustinum in lib. *De imaginationibus*) quæstio esse non debet. Omne enim ergo substantiā creaturæ dicimus esse cōpositā & ex essentia & esse: quia in omni tali producto est aliquid passibile, quod vocamus essentiam; & aliquid actuale, quod appellamus esse.

Opinio aliquorum dicentium rem omnem esse compositam ex materia, & forma.

Fuerunt quidam magnæ reputationis viri volentes cōcludere omnem creaturam esse compositā ex materia & forma. Videbant quidem & necessariis rationibus concludebant, quod in omni factibili sit compositio ex potentia & actu: quia nullum simplex potest esse factionis subjectum, quia videtur eisdem, quod semper talis potentia esset idem quod materia, & actus idem quod forma: ideo posuerunt positionem prædictam. Sed quod in substantiis separatis, quarum propria operatio est intelligere, sit aliud, quod secundum se sit potentia pura, non videtur consonum rationi: & quia materia dicit potentia puram; cogimur etiam in substantiis separatis ponere cōpositionem ex potentia & actu: non ponemus eā ex materia & forma, sed ex esse & forma.

Habito quomodo ponentes identitatem esse & essentia in creaturis, nec auctoritates contra se inductas secundum intentionem Auctoris directè exponunt, nec rationes contra se factas sufficienter solvunt, ostendere volumus, quod suam non competenter declarant. Accipiunt autem quinque in declarando positionem suam, quæ videntur rationi non consonantia.

Nam primò distinguunt tria, videlicet, essentiam, esse essentia, & esse existentia, quæ sunt idem (ut ajunt) secundum rem, sed non eodem modo dicta: quia creatura dicitur habere essentiam, ut est aliquid in se: dicitur habere esse essentia, ut exemplar in Deo: esse autem existentia, ut est aliquid in effectu. Secundò distinguunt triplex differre, videlicet, re, ratione, & intentione, dicentes: quod essentia differt ab esse essentia ratione; ab esse autem existentia intentione, à nullo autem tali esse differt re. Tertiò adducunt quædam exempla, ex quibus credunt sufficienter declarare propositum, dicentes: quod sicut cursus, currere, currens: & lux, lucere, & lu-

cens eandem rem dicunt: sic esse, essentia, & ens eandem rem nominant. Quarto dicunt de participatione, dicentes: quod essentiam participare esse, quod sit substrata ipsi esse, imaginatio falsa est: sed essentiam participare esse, quasi subtrahendo Divini esse, est imaginatio vera. Quintò innuunt in dictis suis, quod esse supra essentiam non dicat nisi quædam actualem respectu ad agens. Sed ne laboremus in æquivoco, dicamus, quod quodam modo sic se habet essentia & esse: sicut intelligencia & intelligere. Nam intelligencia dicit ipsam substantiam separatam; intelligere verò dicit quemdam actum emanantem ab ipsa: sicut essentia dicit ipsam substantiam rei; esse verò dicit quemdam actum & quædam perfectionem ejus. Sicut ergo non bene argueret, qui diceret, quod currere & curfus, & lucere & lux eandem rem dicunt: ergo intelligere & intelligencia eandem rem nominant: sic non bene arguitur, quod ex talibus exemplis concludatur, quod esse & essentia eandem rem dicant: quia de nominibus non est curandum. Oportet autem nominibus uti, prout possumus per ea exprimere res significatas & conceptus nostros: & ideo, quia videmus substantiam separatam esse in potentia ad suam operationem; ipsam substantiam vocamus intelligencia; operationem verò ejus, ad quam est in potentia, vocamus intelligere: sic quia substantia cujuslibet creaturæ est in potentia ad suum existere, ipsam substantiam vocamus essentiam; suum verò existere vocamus esse. Quod si & aliis vocabulis vellemus uti, dum tamen illis vocabulis easdem res significaremus, non esset de hoc habendum litigium. Sed ut singula per ordinem improbemus, dicamus, quod secundum eos essentia, & esse essentia non differunt nisi secundum concretum & abstractum: sicut rubedo & rubeum. Sed nullus diceret, quod concretum, & abstractum differunt, prout res est aliquid in se, & prout habet exemplar in agentis: sed talia differunt secundum modos significandi: propter quod adaptatio illa non videtur ad propositum. Quod verò addunt de esse existentia, quod non differt ab essentia, nisi prout ipsa est in effectu. Dici debet, quod essentia non potest esse effectus agentis, nisi ei superaddatur actualitas aliqua, quam vocamus esse: sic enim

enim dicemus de essentia & esse, sicut dicunt ponentes materiam non posse esse in effectu sine forma. Hoc enim posito, eo ipso quod materia non habet de se actualitatem, ut possit actu esse: ideo requiritur, quod ei superaddatur forma, quæ sit actus ejus, & quæ sit realiter differens ab ipsa: sic quia essentia cujuslibet creaturæ de se non habet, quod actu sit, oportet, quod ei superaddatur actualitas aliqua, quæ vocamus esse. Hoc ergo modo essentia est in effectu: quia ei ab agente datur esse, per quod actu existit, & est actu in rerum natura: essentia igitur, & esse essentia non differunt nisi secundum concretum & abstractum; sed essentia & esse existentia differunt, sicut perfectibile differt à sua perfectione, & sicut potentia differt ab actu.

Essentia & esse
essentia so-
lum differunt
ut abstractum
& concretum;
sed essentia,
& esse existit
tæ, sicut per
fectibile à
perfectione.

Contra secun-
dum: quia
non est dif-
ferre medi-
um inter differ-
re & ratio-
ne.

Secunda etiam distinctio non videtur conveniens: quia non videtur, quod sit aliquod differre medium inter differre re, & ratione: quia vel uno nomine significamus plura, vel pluribus nominibus significamus unum, vel pluribus pluribus. Si uni nomini non respondet unum significatum tantum, sed plura: tunc est equivocatio, & tunc nihil ad propositum. Si verò pluribus nominibus significamus idem, non potest ibi esse differentia nisi rationis. Si verò pluribus plura, oportet, quod sit differentia rei: esse enim & essentia sunt plura certe vocabula, vel ergo dicunt eandem rem vel non? Constat, quod non est dare medium. Si dicunt eandem rem? Vel dicunt eam eodem modo, & tunc sunt synonyma, & significativa talium vocabulorum nec re nec ratione differunt. Sed si dicant eandem rem non eodem modo, non differunt re, sed ratione tantum. Si res diversas dicant, differunt re. Nunquam autem invenimus medium inter differre & re, & ratione, nisi negemus omnem differentiam, ut si dixerimus, quod nullo modo differunt: sed quod sit dare differre medium inter differre re & ratione, non videtur intelligibile: ergo inter differre re & ratione esset dare medium negativè, ut quod nullo modo differret, sed non est dare aliquod differre medium positivè. Ista tamen verba, quod aliqua differant re, aliqua ratione, & aliqua intentione, videntur sumpsisse originem à Commentatore super 4. Metaph. ubi improbat Avic. sed ipse non vult, quod differre

A intentione sit quoddam differre tertium à differre re & ratione. Nam intendere est propriè ipsius animæ, ad animam autem spectat formare de rebus diversas rationes & intentiones, sed ita diversæ intentiones vel dicunt diversas res, vel dicunt eandem rem alio, & alio modo sumptam? Si dicant diversas res? Tunc differre intentione est differre re. Sed si dicant eandem rem aliter & aliter sumptam? Sic differre intentione est differre ratione. Vnde & idem Comment. non vult, quod differre intentione sit quoddam differre tertium differens à differre re & ratione, sed vult, quod sit quoddam differre commune ad utrumque: vnde aliquando accipit differre intentione, prout est idem quod differre ratione. Nam in 4. Metaph. vult, quod ens & unum non significant intentionem eodem modo: sed constat, quod ens & unum differunt ratione solum: ergo non significare eandem intentionem & differre intentione, accipit prout est idem, quod differre ratione. In eodem etiam capit. innuit, quod accidens significat intentionem additam rei, secundum quem modum loquendi differre intentione est differre re, quia accidens realiter differt à substantia rei.

Differre in-
tentione non
est differre
tertium à
differre re &
ratione, sed
commune
secundum
Comm. quia
aliquando
sumitur pro
differre re,
aliquando
pro ratione
differre.

Quod verò tertio addunt de exemplis, quod currere & cursus, lux & luccere, vivere & vita eandem rem dicunt, patet, quod esse existentia sive esse essentia, & esse, & illud quod est non se habent, sicut currere & cursus: sed magis sicut intelligere & intelligentia, non quod sit per omnem modum simile de esse & essentia, & de intelligere & intelligentia; sed est simile, & hoc sicut intelligentia dicit ipsam substantiam, intelligere verò ipsam perfectionem ipsius substantia emanantem ab ea, ad quam est in potentia substantia illa: sic esse dicit quādam perfectionem ipsius essentia emanantem ab ea, ad quam perfectionem est in potentia essentia ipsa.

Similitudo
inter esse &
essentiam &
intelligere
& intelligentiam.

Quartum autem, quod assumunt de participatione, per ea, quæ diximus, cum ostendebamus rationes contra hanc positionem factas non esse solutas, patere potest, quod essentia participat esse, quia est substrata ipsi esse. Nec hæc est imaginatio falsa, sed magis est consona veritati.

Restat autem exequi de quinto:
utrum

omm. su-
per 4. Meta-
omm. 3.

utrum esse supra essentiam addat respectum tantum, quem respectum nominat habitudinem extrinsecam. Volunt enim, quod esse potest deficere essentia: quia essentia non dicitur esse, nisi prout est in effectu, & prout habet quamdam habitudinem extrinsecam, id est, prout habet quemdam respectum ad aliquid, quod est præter essentiam suam, ut ad ipsum Deum: & quia ista habitudo & iste respectus potest deficere creaturæ, ideo creatura potest non esse. Sed hoc stare non potest: quia sicut in ad aliquid non est motus, sed semper est motus ad aliquid absolutum, in quo fundatur aliquid relativum, propter quod nihil potest acquirere novum ad aliquid, nisi quia acquirit novum aliquid: sic nihil potest perdere ad aliquid, nisi quia perdit aliquid. Sic ergo creatura ex eo, quod habet esse à Primo, ex hoc habet non solum respectum tantum, sed oportet, quod dicat rem aliquam, in qua fundatur respectus: ipsam ergo esse non est idem, quod ipse respectus, nec est idem quod ipsa essentia, quia nihil acquirit se ipsam: quare si ipsa essentia à Primo agente acquirit esse, non erit ipsum esse. Sic itaque imaginabimur, quod sicut corpus acquirit albedinem, quam acquirendo, acquirit similitudinem, quæ fundatur in albedine: sic etiam essentia creaturæ à Primo agente acquirit esse, & habet esse, quod acquirendo, acquirit habitudinem & respectum ad ipsum agens: esse igitur non est ipse respectus.

Hic itaque omnibus prelibatis, postquam ostendimus, quod secundum hanc positionem auctoritates Boetij non sunt debite expositæ, & rationes in contrarium factæ non sunt debite solutæ, & posicio ipsa non est debite declarata: volumus quartò ostendere, quod rationes pro hac positione factæ non concludunt. Nam prima ratio, cum arguitur, quod esse non plus differt ab essentia, quam unitas, bonitas, & veritas: & quia idem secundum rem est ens unum, bonum, & verum: quia hæc omnia sola ratione dif-

ferunt. Ad quod dici potest, quod ens uno modo dicitur figuræ prædicamentorum, & sic ens per se dividitur in 10. prædicamenta, & sic quælibet res est ens per essentiam suam: quia quælibet res est in genere; & in prædicamento per suam essentiam. Alio modo ens potest

dicere ipsum existens: & sic ens non dicitur solum essentiam rei, sed dicitur essentiam & esse: & hoc concordat communis modo loquendi, & etiam diſtis Philosophorum. Nam aliquando dicimus, quod unumquodque est ens per essentiam suam: & secundum hunc modum loquendi loquitur Phis in 5. Metaph. ubi vult, quod entia per se significant figuras prædicamentorum, & sunt secundum numerum eorum, quæ dicuntur entia. Aliquando vero dicimus, quod unum solum est ens per essentiam: alia sunt entia per participationem: & secundum hunc modum loquitur Commentator in 2. Metaph. ubi ait: *Unum solum est ens per se & verum per se, & omnia sunt entia & vera per esse & veritate ejus.* Quodlibet ergo ens creatum & est ens per essentiam, & est ens per participationem. Nec potest dici, quod sit ens per participationem effectivè tantum: sed oportet, quod formaliter dicatur ens participativè, quod patet: utrumque enim verum est formaliter, quod ens creatum est ens per essentiam, & ens per participationem: quare oportet, quod æquivocetur in ente, ut dicatur ens per essentiam secundum quod ens dicit figuras prædicamentorum: dicatur ens per participationem secundum quod quod existit in rerum natura. Nam quælibet res per essentiam est in prædicamento, sed est existens in rerum natura, participat esse. Unde & Commentator in 5. Metaph. vult, quod quæstio de ente uno modo collocatur in quæstionibus de accidente. Huic etiam veritati consonat quod dicit Phis in 1. Posteriorum ubi vult, quod *Non est idem unitas, & unitatem esse.* Sic etiam non est idem quid sit rosa, & rosam esse: ens ergo uno modo potest predicari de rosa, quod dicat ipsam quidditatem rosæ: sic ens nihil addit realiter supra essentiam rosæ. Alio modo ens potest predicari de rosa, quod ut dicat existentiam rosæ, sic ens supra essentiam rosæ addit esse ejus. Cum ergo dicitur, quod res per essentiam ipsa est ens, una, bona, & vera, æquivocatur in ente: quia accipitur ibi ens, ut dicitur quidditatem rei, non ut dicitur existentiam ejus, vel accipitur ibi ens, ut dicitur figuræ prædicamentorum, non ut dicitur ipsum existere rerum: unde rosa non existente, rosa est ens, & non est ens: est ens secundum quod ens dicit ipsas res prædicamentorum.

Ens uno modo dicitur figuræ prædicamentorum, & sic quælibet res est ens per essentiam suam. Alio modo dicitur

prædicamentorum: nulla enim rosa existente, verum est, quod rosa est flos: quia rosa non solum est flos, sed est pulcherrimus florum. Nam cum in hyeme scimus rosas non existere, dicimus: rosa est flos, rosa est pulcherrimus florum, rosa est flos, cujus est suavissimus odor. In ceteris enim talibus non intendimus dicere, quod rosa sit vel non sit; sed intendimus, quod ista prædicata per se competunt rosæ: vel intendimus, quod rosa de se dicit rem cuiusdam prædicamenti, cui per se ista prædicata conveniunt: & si talia verificantur de rosâ, rosa non existente; ipsa non existente, verum est dicere, quod rosa est species floris, & quod rosa est res cuiusdam prædicamenti, & per consequens verum est dicere, quod rosa est ens, prout ens dicit ipsas res prædicamentorum. Nam & ponentes, quod esse & essentia non differunt, concedunt, quod rosa non existente, ipsa est res prædicamenti, & per consequens coguntur concedere, quod ipsa sit ens, prout ens dicit ipsas figuras prædicamentorum: rosa ergo non existente, non potest dici, quod ipsa sit existens: & tamē verificatur de ipsa, quod sit ens, prout ens dicit ipsam rem prædicamenti: ergo ens potest accipi dupliciter, vel ut dicit ipsas res prædicamentum, vel ut dicit quid existens: in æquivoco ergo laborat ratio prima.

Secunda autem ratio, quæ nititur deducere ad infinitum, videtur, quod fallat per fallaciam accidentis. Nam tunc est processus in infinitum, vel est standum in primis, quando eodem modo comparatur aliquid ad secundum, sicut ad primum, & ad tertium sicut ad secundum: & ideo qua ratione non statuitur in primo, non stabitur in aliquo alio: quia suppositum est, quod primi & aliorum sit eadem habitudo: ut si quis diceret, quod relatio refertur per aliam relationem mediam, pari ratione & illa relatio media referretur per relationem mediam: & sic esset processus in infinitum: quia referri videtur eodem modo comparari ad unam relationem, & ad aliam: ergo qua ratione aliqua relatio non refertur se ipsa, pari ratione nec alia relatio se ipsa refertur. Bene ergo valet, quod si relatio referretur per relationem aliam, quod ratio relationis ibit in infinitum; sed non valet, si relativum refertur per relationem, ut si patet refertur per paternitatem, quod pa-

ternitas illa referatur per aliam paternitatem. Nec valebit, quod ratio paternitatis vel ratio relationis vadat in infinitum: quia referri non eodem modo comparatur ad relationem, & relativum: quia relativum refertur per relationem; relatio verò ipsa refertur se ipsa. Sic etiam si differentia differret per differentiam aliam, ratio differentiae iret in infinitum: sed si differens differt per differentiam, non oportet, quod ratio differentiae vadat in infinitum: quia differre non eodem modo comparatur ad differens & ad differentiam: vel non eodem modo comparatur ad speciem & ad differentiam: quia species differt per differentiam; differentia verò differt se ipsa. Peccaret ergo per fallaciam accidentis, si quis diceret: si species differt per aliquid aliud, & illud pari ratione differt per aliquid aliud, & ita in infinitum: quia medium variaret, & variaret proportionem, & habitudinem. Arguens enim, quod si species differt per aliud, & illud aliud differt per aliud, supponit in suo argumento, quod differre eodem modo comparatur ad speciem & ad illud, per quod differt species: ideo supponit, quod sit habitudo eadem, ubi est habitudo extranea, cui defectui per se innititur fallacia accidentis. Possemus & multa exempla similia adducere ad propositum: quia non valet, si materia extenditur per aliquid aliud, ut per quantitatem, quod etiam quantitas extendatur per aliquid aliud: propter quod nec valet, quod ex hoc sit processus in infinitum: quia (ut patet) non eodem modo comparatur extensio ad materiam & ad quantitatem. Sic etiam in proposito, si dicatur, quod res sit ens per aliquid aliud, & illud erit ens per aliquid aliud, & ita in infinitum: vel si dicatur, si essentia habet esse per aliquid aliud, & illud esse habebit esse per aliquid aliud, & ita in infinitum: sic dicere, uno modo est bonum argumentum; alio modo peccat per fallaciam accidentis.

Nam (ut dictum est) ens uno modo dicit ipsas figuras prædicamentorum: ens per essentiam suam, si loquendo ergo de rebus, quæ sunt per se in genere, unaquæque res est in genere per essentiam suam, & sic ens non dicit rem esse; sed dicit rei quidditatem, secundum quem modum loquendi universaliter omnes res, siue sint in genere per

Vna res est
accipitur
ens prout dicitur
quidditatem; non vero si accipitur prout dicitur existens per

per se, sive per reductionem, verum est de qualibet re, quod unaquæque res est id, quod est, per essentiam suam: ut materia est tale ens, scilicet, ens, quod est materia, per essentiam suam: & homo est tale ens, scilicet, ens, quod est homo, per essentiam suam: & hoc non solum in substantialibus, sed etiam in accidentibus veritatem habet. Nam albedo est tale ens, videlicet, ens, quod est albedo, per essentiam suam: & quia secundum hunc modum est uniformis habitudo omnium rerum, accipiendo sic ens, ut non dicit rem esse, sed ut dicit quidditatem rei, & ut dicit illud, quod est ens: sic unumquodque est ens per essentiam suam. Nam cum sit hic (quantum ad propositum spectat) uniformis comparatio, & similis habitudo, qua ratione, accipiendo sic ens, aliqua res esset ens per aliquid additum, pari ratione & illud additum esset ens per aliud additum, & sic esset processus in infinitum: propter quod valde erravit Avic. qui accipiens ens, secundum quod dividitur in decem predicamenta, & secundum quod dicit ea, quæ sunt in predicamentis, credidit, quod ens sic acceptum diceret supra rem aliquam dispositionem additam. Vnde Comm. super 4. Metaph. rationabiliter reprehendit ipsum, dicens: *Mirum est de isto homine, quomodo erravit tali errore.* Nam si res est ens, vel una per dispositionem additam, tunc esset processus in infinitum; sed (ut patet) ibi Commentator, & etiam Philo loquuntur de ente & uno, prout dicit rebus cujuslibet predicamenti, secundum quem modum unaquæque res est ens per essentiam suam, & est in omnibus rebus, quantum ad hoc, quodam modo similis habitudo: & ideo qua ratione una res esset ens per aliquid additum, pari ratione illud additum, accipiendo sic ens, esset ens per aliquid additum, & ita esset processus in infinitum. Et quod dictum est de ente, quod dicit ipsam rei essentiam, intelligendum est de ipso esse essentia. Nam unaquæque res sicut est tale ens per essentiam suam, sic habet esse essentia per essentiam suam. Forma enim non dat materiam, quod sit materia, nec dat ei, quod sit illud, quod est per essentiam suam, nec dat ei esse, quod competit ei per essentiam suam, qualecumque sit illud esse, sive sit esse in actu, sive in potentia. Loquendo enim de

tali esse, quæ ratione aliqua res haberet esse per aliquid superadditum, & illud superadditum haberet esse per aliquid superadditum, & sic esset processus in infinitum. Similis est enim quodammodo habitudo uniuscujusque rei ad essentiam suam, & ad esse essentia suam. Sed si loquimur de esse existentia: sic non est similis habitudo. Nam licet materia sit ens per essentiam suam; materia tamen non existit in actu per essentiam suam: nam si materia existeret in actu per essentiam suam, & esse existentia materia esset idem, quod essentia materia, non posset homo intelligere materiam, quæ non existeret: quia tunc intelligeret materiam, quæ non esset materia. Posset forte, hac hypothesi stante, intelligere illud, ut est materia, non intelligendo ipsum, ut est existens: ut quantumcunque sit idem ens & unum, tamen quia intellectus entis præcedit intellectum unius, possum intelligere aliquid, ut est ens, non intellecto uno, sive eo, ut est unum: sed licet possimus intelligere ens, non intellecto uno; non tamen possumus intelligere ens, quod non sit unum: sic si idem esset in aliqua creatura essentia cum suo existere, possemus forte intelligere essentiam illam, non intellecto ejus existere; sed non possemus intelligere ipsam essentiam, quod non existeret, & impossibile esset talem essentiam non existere.

Ergo cum arguitur: si aliquid est ens per aliquid superadditum, pari ratione & illud additum erit per aliquid additum, & sic in infinitum: vel cum arguitur: si aliquid habet esse per aliquid superadditum, pari ratione & illud additum habebit esse per aliquid superadditum, & sic in infinitum: uno modo est bonum argumentum; alio modo est fallacia accidentis. Nam si loquimur de ente, quod dividitur in decem predicamenta, & quod dicit ipsas essentias rerum, vel si loquimur de ipso esse existentia, est bonum argumentum: quod secundum hoc in omnibus est quodammodo similis habitudo: quia unumquodque est tale ens, & habet tale esse per essentiam suam; sed si loquimur de ente, prout ens idem est, quod existens, vel si loquimur de esse existentia, variatur ibi medium & habitudo: quia essentia existit per esse superadditum; illud autem non existit per aliquid

Comm. supra 4. Metaph.
Comm. 3.

quid esse: si ergo sic comparatur esse ad
existere, sicut essentia, valeret argumen-
tum, quod si essentia existeret per aliud,
quod & esse existeret per aliud, & illud a-
liud per aliud; sed quia variatur habitu-
do, non tenet argumentum. Nam essen-
tia est in potentia ad esse, quod est actus
essentiae. Potentia autem & actus non
eodem modo comparantur ad actum: &
ideo non valet: si potentia existit per ac-
tum, quod actus ille existat per alium
actum, & quod sit processus in infinitum.
Potest autem & aliter responderi. Dice-
mus quidem, quod essentia existit per ali-
quid aliud, & esse existit per formam, &
forma existit per materiam. Nam materia
nisi perficeretur per formam, non posset
actu esse, & nisi forma (loquendo de
forma naturali) reciperetur in materia,
non posset per se existere: ergo actus
facit ad existere ipsius potentiae, inquan-
tum perficit eam: & potentia facit ad ex-
istere ipsius actus, in quantum subster-
nitur ei, & supportat ipsum: ergo potē-
tia existit per aliquid aliud, ut per actum:
& actus existit per aliquid aliud, ut per
potentiam; nec tamen est processus in
infinitum: sed si actus, ut actus est, existe-
ret per alium actum, & potentia, ut po-
tentia est, existeret per potentiam aliam,
oporteret talia in infinitum ire, quod se-
cundum Commentatorem in 2. Metaph.
*Si medium esset ex medio, secundum quod est
medium, tunc media procederent in infinitum.*
Sic si actus, in eo quod actus, indigeret a-
ctu, ratio actus iret in infinitum: simili-
ter & potentia in infinitum iret, si potē-
tia, in eo quod potentia, indigeret poten-
tia: essentia ergo ad sui existere indiget
esse; sed esse ad sui existere non indiget
alio esse: quia licet potentia ad sui exi-
stere indigeat actu, actus autem non in-
diget alio actu: sic esse ad sui existere in-
diget essentia, sed essentia, ut essentia,
ad sui existere non oportet, quod indi-
geat alia essentia: quod licet actus (lo-
quendo de actu participato) ad sui exi-
stere indigeat potentia, non tamen opor-
tet, quod semper potentia ad sui existe-
re indigeat alia potentia: essentia igitur
existit per esse, & esse per essentiam, &
compositum per utrumque, & illud est
quod existit per se, & quod per se fit, &
quod per se producitur.

Tertia etiā ratio non probat, quod
esse non differat realiter ab essentia, sed

poterit sic declarari quid sit esse, & in
quo genere habeat esse. Propter quod
sciendum, quod esse non est in genere
per se; & tamen est in genere substantiae,
quod declaramus per simile: nam po-
sito, quod non essent nisi duo prædica-
menta, substantia, & quantitas, hac autē
hypothesi stante, quæremus, quid sit pū-
ctus. Constat autem, quod punctus nec
est substantia, nec est quantitas: ergo erit
quid medium inter substantiam, & quan-
tatem, & per consequens (cū quan-
titas sit accidens, ut satis notum
est) punctus erit quid medium inter
substantiam & accidens: quia positum
est non esse aliud prædicamentum ac-
cidentis præter quantitatem. Huic au-
tem objectioni quilibet de facili obvia-
ret. Diceret quidem, quod punctus est
in prædicamento quantitatis, non quia
quantitas; sed quia est quantitatis termi-
nus: unde non est in prædicamento qua-
ntitatis per se; punctus verò est in huiusmo-
di prædicamento tanquā lineæ terminus:
& quia omnis actus est terminus ejus,
cujus est actus, ipsum esse quodāmmo-
do terminat essentiam, in quantum facit
eam actu existere: esse ergo est in gene-
re substantiae, & est in eodem genere, in
quo est essentia.

Si ergo quæras, in quo genere est es-
se? Est in genere substantiae. Sed si quæ-
ras, quomodo habet esse in tali genere? Dicetur,
quod non est in tali genere per
se, nec est in genere substantiae tanquam
substantia; sed est in genere substantiae
tanquam actus substantiae, vel tanquam
actus essentiae: sicut punctus est in ge-
nere quantitatis non per se, nec est in ta-
li genere tanquam quantitas; sed tanquā
terminus. Res ergo ipsa, quæ est esse, est
in genere substantiae; habet tamen ipsum
esse quemdam modum accidentalem
actualem, in quantum est superadditum
substantiae. Sed advertendum, quod a-
li-ter est punctus aliquid additum lineæ:
quia non est linea, nec pars lineæ; & ali-
ter, albedo est superadditum superfici-
ei, quod competit ei per se esse in ge-
nere, & sic est superaddita ei, quod non
reducitur ad idem genus cum superficies;
sed punctus sic est quid additum lineæ,
quod non est in genere per se; sed redu-
citur ad idem genus, in quo est linea: sic
esse ita est superadditum substantiae, quod

Esse est in ge-
nere substā-
tiæ tanquā
actus substā-
tiæ, sive esse
essentiæ, & habet
quemdā mo-
dū accidentā-
lē actualem.

non est in genere per se, sed reducitur ad idem genus cum ipsa substantia, in qua recipiunt. Bene igitur dictum est, quod res ipsa, quæ est esse, in genere substantiæ efficitur res ipsa, quæ est punctus, est in genere quantitatis: habet tamen ipsum esse quendam modum accidentalem, ratione cuius quæstio de ente (prout ens idem sonat, quod existens) aliquo modo dicitur pertinere ad quæstionem de accidentibus.

Opinio pro pria.

Postquam opinionem contrariam, secundum modum nobis possibilem, improbavimus, adducere volumus rationes ostendentes propositum, & probantes realem differentiam inter essentiali & esse, quod ostendimus triplici via. Prima via sumitur ex eo, quod materia comparatur ad formam. Secunda ex eo, quod comparatur ad genus. Tertia ex eo, quod comparatur ad differentias generis.

Prima ratio.

Prima via sic patet: nam in omni, quod potest esse, & non esse, oportet dare aliquid, per quod sit possibile esse, & non esse, ut in rebus generabilibus, & corruptibilibus est materia. Nam secundum Phum in 7. *Metaph. Materia est, quæ res potest esse, & non esse.* Dixit enim Philosophus, quod forma, quantum est de se, est necesse esse, & habet semper esse: quod autem sit possibile non esse, hoc est ratione materiæ, in qua recipitur: sed si esset forma aliqua per se, quæ non esset apta nata recipi in materia, cuiusmodi sunt substantiæ separatae, talis forma non posset non esse: idem dicitur in 9. *Metaph. In substantiis sempiternis non est malum, neque error, neque corruptio.* Tales enim substantiæ secundum Phum nec inceperunt esse, nec poterunt incipere esse, nec desinere, nec possent desinere. Secundum

Phus in 7. Meta cap. 15. comm. 61.

9. Metaph. comm. 19.

veritatem tamē ipsæ substantiæ separatae, & ipsæ formæ per se existētes inceperunt esse, & possunt esse, & non esse. Et quia ipsa forma est quoddam possibile esse, & nihil actu est per id, quod est possibile esse, oportet supra formā dare aliquid, per quod cōpetat rei actu existere, & hoc vocamus esse. In substantiis ergo separatis est compositio ex forma & esse, vel ex essentia & esse: essentia igitur cuiuslibet rei est id, per quod res est possibilis esse; esse autē est id, per quod actu existit. Dicemus ergo, quod sicut generatio facit scire materiam aliud esse à forma: sic creatio facit nos scire essentiam esse aliud ab esse.

In omni enim transmutatione oportet dare compositionem ex potentia & actu. Unde August. 12. Conf. cap. 14. ait: *Verum est, quod omne mutabile insinuat notitiam nostram quendam informitatem, quæ formam accipit, vel quæ mutatur, & veritur.* Cum ergo ipse Angelus sit veribilis, & sit mutabilis secundum substantiam, quod potest in nihilum cedere, oportet, quod oīta mutatio insinuet notitiam nostram (secundum August. sententiam) ipsam substantiam Angeli habere in se quendam informitatem. Imaginabimur ergo, quod ipsa essentia Angeli de se est quid informe, & quid perfectibile per esse, & hoc modo Angelus producit: quia essentia Angeli à Deo perficitur per esse, & simul producit à Deo essentia & esse, & hoc modo Angelus potest annihilari: quia essentia illa potest perdere suum esse. Negantes igitur substantiam Angeli esse mutabilem ab esse eterno, vel à non esse ad esse, negant Angelum posse incipere esse, vel posse desinere esse. Accipiendo enim mutabilitatem largē pro omni eo, quod habet esse nunc aliter, quā prius (secundum quem modum loquenti si aliquid nunc creatum esset, posset dici mutatum: quia haberet esse aliter, quā prius: quia esset aliquid in se & in actu, cum prius solum fuisset in potentia in sua causa) sic si aliquid annihilatum esset, mutatum esset: quia non esset eodem modo nunc, quo prius: sic ergo loquendo de mutatione, Angelus dupliciter est mutabilis, substantialiter, & accidentaliter. Substantialiter, inquantum ipsa substantia Angeli potest incipere, & desinere esse. Accidentaliter, inquantum ipsa substantia Angeli habens esse, & actu existens, variis affectionibus, vel aliis varietatibus subicitur. Et quia quælibet mutabilitas quandam informitatem præsupponit iuxta illud, quod diximus de August. 12. Conf. & iuxta illud, quod idem August. dicit primo super Gen. ad litteram cap. 14. *Manifestum est, quod omne mutabile ex aliqua informitate formari.* Ita ergo hanc duplicem mutabilitatem erit ibi duplex informitas: una, per quam differt substantia Angeli à suo agere. Alia, per quam differt à suo esse. Ipsa enim substantia Angeli secundum se est in formis, & perficitur per esse, & tamen perfectæ per esse, adhuc est in potentia ad ulteriorem perfectionem, quia potest

D. Aug. 12. Conf. cap. 14. ait: Verum est, quod omne mutabile insinuat notitiam nostram quendam informitatem, quæ formam accipit, vel quæ mutatur, & veritur. Cum ergo ipse Angelus sit veribilis, & sit mutabilis secundum substantiam, quod potest in nihilum cedere, oportet, quod oīta mutatio insinuet notitiam nostram (secundum August. sententiam) ipsam substantiam Angeli habere in se quendam informitatem. Imaginabimur ergo, quod ipsa essentia Angeli de se est quid informe, & quid perfectibile per esse, & hoc modo Angelus producit: quia essentia Angeli à Deo perficitur per esse, & simul producit à Deo essentia & esse, & hoc modo Angelus potest annihilari: quia essentia illa potest perdere suum esse. Negantes igitur substantiam Angeli esse mutabilem ab esse eterno, vel à non esse ad esse, negant Angelum posse incipere esse, vel posse desinere esse. Accipiendo enim mutabilitatem largē pro omni eo, quod habet esse nunc aliter, quā prius (secundum quem modum loquenti si aliquid nunc creatum esset, posset dici mutatum: quia haberet esse aliter, quā prius: quia esset aliquid in se & in actu, cum prius solum fuisset in potentia in sua causa) sic si aliquid annihilatum esset, mutatum esset: quia non esset eodem modo nunc, quo prius: sic ergo loquendo de mutatione, Angelus dupliciter est mutabilis, substantialiter, & accidentaliter. Substantialiter, inquantum ipsa substantia Angeli potest incipere, & desinere esse. Accidentaliter, inquantum ipsa substantia Angeli habens esse, & actu existens, variis affectionibus, vel aliis varietatibus subicitur. Et quia quælibet mutabilitas quandam informitatem præsupponit iuxta illud, quod diximus de August. 12. Conf. & iuxta illud, quod idem August. dicit primo super Gen. ad litteram cap. 14. Manifestum est, quod omne mutabile ex aliqua informitate formari. Ita ergo hanc duplicem mutabilitatem erit ibi duplex informitas: una, per quam differt substantia Angeli à suo agere. Alia, per quam differt à suo esse. Ipsa enim substantia Angeli secundum se est in formis, & perficitur per esse, & tamen perfectæ per esse, adhuc est in potentia ad ulteriorem perfectionem, quia potest

De hoc Phus
11. Metaph.
comm. 9. &
sepe alibi.

perfici per agere: & secundum quod est vario modo perfectibilis substantia ejus, sic est vario modo mutabilis. Dicamus igitur, quod sicut antiqui philosophantes non plane viderunt naturam materiam, nec sciverunt distinguere inter materiam & substantialem formam, sed crediderunt materiam esse corpus in actu, & derisissent quemlibet dicentem rem substantialiter esse compositam ex materia & forma: ideo ipsi forte poterant salvare alterationem, quia ponebant substantiam esse aliud ab accidente; sed generationem nullo modo salvare poterant: quia ponebant materiam esse corpus in actu, & non distinguebant ipsam a forma: sic qui non bene vident naturam essentiam creaturæ, & non separant eam a suo esse, forte possunt salvare in Angelis variationem secundum affectiones, & secundum operationes, quæ respondent quasi alterationi in corporibus; sed creationem salvare non possunt. Imaginantur enim isti de esse respectu essentiae, sicut imaginantur antiqui philosophi de materia respectu formæ: credebant enim, quod materia de se esset aliquid in actu, & quod non indigeret forma, ut actu existeret: ideo tales nunquam potuerunt salvare transmutationem secundum substantiam, ut quod aliquid substantialiter inciperet esse: nihil enim perdit, nec acquirit actualitatem, quam de se actu habet. Hoc enim posito, materia nec perderet formam, nec acquireret; sed semper esset actu sub eadem forma: sic si esse esset idem, quod essentia, & posset de se actu existere absque eo, quod adderetur ei actualitas aliqua, essentia illa non posset perdere esse, nec posset acquirere esse; sed semper actu esset: posset enim perdere esse per annihilationem, & posset acquirere esse per creationem, mutabilitatem creaturæ insinuat, & si mutabilitatem, & informitatem. Ideo oportet ibi dare aliquid informe, quod perficitur per esse, & quod acquirit esse: ergo sicut generatio facit scire materiam esse aliquid a forma: quia ex hoc est generatio: quia materia, quæ est quid informe, acquirit formam; sic creatio facit scire, quod essentia sit aliud ab esse, quia ex hoc est creatio, in quantum essentia acquirit esse. Dicemus ergo, quod quot mutationes sunt in re, tot informitates sunt in ipsa, & quot informitates,

B. Agid. Colum. Rom.

tot formationes: quod ergo nullo modo potest corrumpi, sed solum potest annihilari, illud nullo modo potest generari, sed solum potest creari, illud nullo modo est mutabile secundum generationem & corruptionem; sed solum secundum creationem & annihilationem, & illud nullo modo est compositum ex materia & forma, quam compositionem presupponit generatio & corruptio; sed est compositum ex essentia & esse, quæ compositionem presupponit creatio & annihilation.

Quod nullo modo potest corrumpi, generari nequit.

Si quis ergo intelligit productionem sine novitate, & sine mutabilitate, cujusmodi est productio Divinarum Personarum, intelligit productionem sine informitate, & per consequens sine compositione; sed qui intelligit productionem, quæ est, vel quæ potest esse cum mutabilitate, & cum novitate, juxta August. sententiam superius tactam, non potest intelligere talem productionem sine informitate, & per consequens sine compositione: quia cuilibet informitati (ut dictum est) respondet sua formatio, & ita erit ibi compositio ex formabili sive ex perfectibili, & sua perfectione. Talis autem compositio non potest esse secundum intellectum tantum: quia realis mutabilitas non nisi super reali compositione fundari potest. Iuxta ergo duplicem mutabilitatem rerum secundum substantiam unam generalem, & aliam specialem erit duplex compositio in entibus: una generalis, & in omnibus, & alia specialis, & in aliquibus: omnes enim res creatæ sunt sic mutabiles: quia sunt ex nihilo productæ, & possent in nihilum redigi: & ideo omnes creaturæ, quæ sunt per se creabiles, & quæ sunt per se producibiles, sunt compositæ ex essentia & esse. Dico autem, quæ sunt per se creabiles: quia ipsum esse non est per se creabile, nec ipsa essentia, sed compositum ex utroque. Sed præter hunc modum generationis mutabilitatis verum videmus quemdam modum specialem mutabilitatis in generabilibus, & corruptibilibus, hæc solum non sunt creabilia, & annihilabilia, sed etiam sunt generabilia, & corruptibilia. Si enim Deus annihilaret aliquid generabile, vel ipsum de nihilo produceret, ex isto modo mutabilitatis non possemus in re generabili arguere compositionem ex materia & forma; sed solum ex essentia & esse. Essentia enim cujuslibet

bet, ex quo potest perdere esse, & acquirere esse, non est suum esse; sed quia præter hoc, quod creabilia, & annihilabilia, sūt etiā generabilia, & corruptibilia: ideo præter compositionem ex essentia & esse, quam præsupponit creatio, & annihilatio, in istis corporalibus est compositio ex materia & forma, quam præsupponit generatio, & corruptio.

Sed quæres: utrum ex sola generatione & corruptione possimus arguere utramque compositionem, videlicet, ex essentia, & esse, & ex materia, & forma? Ad quod dici potest, quod generatio, & corruptio per se primo arguit compositionem ex materia, & forma; sed ex consequenti arguit compositionem ex essentia & esse. Est enim hic ordo generabilis, quod agens naturale primo inducit formam, & inducendo formam, inducit esse; & est hic ordo corruptibilis, quod materia perdit formam, & perdendo formam, perdit esse. Et ideo generatio & corruptio per se & primo arguunt compositionem ex materia & forma, & ex consequenti ex esse & essentia. Quid autem dicendum sit de corporibus supercaelestibus, & quomodo in eis sit compositio ex materia & forma, cum non sint

Via demonstrativa. & hoc verum esse, quod a priori, & via demonstrativa, & potissima non possumus arguere. Nam juxta sententiam Philonis posteriorum augentur demonstrationes non per media, nisi ita (quod videtur esse sententia ejus) quod non sit nisi unum potissimum medium ad unam conclusionem: quod utrum intelligendum sit in uno & eodem genere causæ, ut sit sensus, quod in eodem genere causæ non possunt ad unam conclusionem plura media potissima inveniri? Vel intelligendum & simpliciter, quia nullo modo, nec in eodem genere causæ, nec in pluribus possint plura media potissima inveniri ad eandem conclusionem. Nec est presentis speculationis. Nam arguere compositionem ex materia & forma, ex generatione & corruptione, quam videmus in istis inferioribus, vel ex quantitate dimensionis, quam videmus in supercaelestibus, non sunt dimensiones potissimæ, & a priori, sed sunt per effectus: & a posteriori ad eandem conclusionem possunt plura media reperiri: & ideo licet ex generatione & corruptione non

possimus in supercaelestibus arguere compositionem ex materia & forma; possumus tamen istud arguere ex quantitate ipsorum: sed de hoc nihil ad præsens. Sufficit autem ad præsens scire, quod si cut nos non possumus salvare generationem & corruptionem in entibus, nisi ponamus in eis compositionem ex materia & forma: sic nec possumus in istis entibus salvare creationem, nisi ponamus in eis compositionem ex essentia & esse: ideo ex proportionem, quam habet materia ad formam in rebus generabilibus, panditur nobis proportio, quam habet essentia ad esse in omnibus creaturis.

Secunda via ad investigandum hoc idem sumitur ex eo, quod materia comparatur ad genus. Est enim aliqua similitudo inter materiam & formam, & inter genus & differentiam: quia sicut materia cum forma facit, & constituit rem aliquam: ita genus cum differentia constituit speciem. Est ergo genus in potentia, ut componatur cum differentia proposita, vel opposita: ut animal est in potentia, ut componatur cum rationali, vel cum irrationali: sic enim & materia est suo modo in potentia, ut sit conjuncta privationi vel formæ; aliter tamen genus, aliter materia: quia genus, quantum est de se, non habet hanc differentiam, vel illam: & ideo in alia scientia scribitur: *Quia genus potentia quidem habet differentias omnes, actu vero nullam.* Sed materia de se est privationi conjuncta & privata formæ; si autem induat formam, hoc est ratione agentis inducentis formam in materia: materia ergo differt a genere: quia non eodem modo comparatur ad formam, sicut genus ad differentiam.

Itaque si ex differentia, quam videmus inter materiam respectu formæ, & genus respectu differentie, volumus scire, quomodo se habeat essentia ad esse, videndum est: utrum comparetur essentia ad esse, sicut materia ad formam, vel sicut genus ad differentiam? Vtrobique videmus aliquam similitudinem. Nam essentia comparatur ad esse, & ad non esse: materia vero ad formam, & ad privationem; genus ad differentiam propositam & oppositam: sed constat, quod essentia creaturæ, quantum est de se, habet non esse (ut etiam adversarij concedunt) si autem habet esse, hoc est ex po-

De hoc
2. corin.
12. q. 1.
3. & in 1.
Hexam.
7. & alibi
quibus
in locis
affirmati
tenet.

Secunda
tio pro
tentia
pria.

Genus
tia habet
ferentia
nem
re non
Dicitur
differt

art. 1.

contingit

essentia Creatoris producentis ipsam ad esse: quare essentia creaturæ, quæ de se non habet esse, sed ex alio acquirit esse, non comparatur ad esse & non esse, sicut genus ad suas differentias: quia genus, quantum est de se, non se tenet cum differentia aliqua; sed magis comparatur ad illas, sicut materia ad privationem & formam: quia materia, quantum est de se, non est induta forma: si autem acquirit formam, hoc est ratione agentis. Et ideo licet forte genus non realiter differat à differentia: est tamen omnino notum materiam realiter differre à forma: & quia essentia, quantum ad propositum spectat, & quantum proposita questio requirit, comparatur ad esse, sicut materia ad formam; non autem sicut genus ad differentiam (dico prout ad propositum spectat: quia non dicimus, quod genus de se habeat differentiam oppositam, & ab alio acquirit proposita: imò genus de se habet differentiam nullā ex efficiēte, sed ex sola cogitatione, & negotiatione intellectus componitur cum utraque differentia) & quia materia realiter differt à forma (si bene considerantur verba proposita) non videtur esse dubium essentiam differre ab esse realiter: licet forte secundum aliquos genus à differentia realiter non differat. Dico secundum aliquos, quia de hoc in questione illa, ubi quæremus: utrum res creatæ possent annihilari, si non essent compositæ ex essentia & esse? Intendimus specialem mentionem facere.

Tertia via ad hoc idem sumitur ex eo, quod materia comparatur ad differentias generis, vel ad species, quæ sunt sub genere. Nam utraque species, & utraque differentia generis dicit aliquam naturam realem: ut si album, & nigrum sunt species coloris, utrumque dicit naturam aliquam, licet Commentator aliquando videatur dicere, quod nihil est nigrum, nisi privatio albi; sed hoc non intelligendum simpliciter, sed est quidā sermo emphaticus cum nimia expressione dictus: quia nigrum non esset in genere coloris, nec esset per se in aliquo genere, si puram privationem diceret. Si autem utraque differentia, sive in accidentibus, ut congregativum, & disgregativum; sive in substantiis, ut rationale & irrationale, dicit naturam aliquam: privatio & forma non sic se habent: quia

Privatio de se non est ens, ut dicitur circa finem 1. *Physic.* Ideo de se non dicit naturam aliquam. Licet ergo genus sit quid commune ad omnes suas species, & ad omnes suas differentias, nihil tamen potest esse per se commune ad formam & privationem, & multo magis non potest esse aliquid commune ad esse & non esse: quia ipsum non esse magis recedit à natura entis, quam privatio. Essentia ergo non se habebit ut quid commune ad esse & non esse, ut genus se habet ut quid commune ad suas differentias, vel ad suas species; sed se habet essentia creaturæ, non ut aliquid, quod sit abstractum per intellectum, & quod sit commune ad esse & ad non esse: quia talia proprie nihil habere commune possunt; sed magis se habebit ipsa essentia creaturæ, ut aliquid, quod de se non habet esse, sed ab alio perficitur per esse: quod non posset esse, nisi realiter differret ab esse. Dicemus ergo, quod in omni factibili est tria considerare: actū, potentiā, & agens. Nam secundum Phum in 7. *Metaph.* quæcumque fiunt, fiunt aut ex aliquo, vel fiunt in aliquo, vel fiunt ab aliquo. Omnia enim factibilia ab aliquo ratione agentis, & ratione actualitatis, quā habet, fiunt in aliquo: & quia omnes creaturæ sunt quedam res factibiles, & sunt quedam res vertibiles & destructibiles: ideo in omni creatura est aliquid in aliquo, & ab aliquo: est ibi aliquid ratione actus, ille autem actus est in aliquo: quia recipitur in aliquo possibili: istud autem totum est ab aliquo, id est, ab agente producente aliquid in aliquo, id est, producere actū in ipso possibili, vel producente passibile sub activo: in omni ergo creatura est compositio alicujus possibilis, quod vocamus essentia, & alicujus actualis, quod vocamus esse.

Respond. ad arg. Ad primum dicendum, quod verbum & nomen eandem rem important, dum tamen illud verbum non differat à nomine nisi secundum modum significandi, sicut differt currere, & cursus: docere, & doctrina: illam enim eandem rem, quam dicit hoc verbum, docere, cum fluxu, cum actione, & quasi cum motu, dicit hoc nomen, doctrina, quasi ut aliquid stans: sicut eadem aqua, ut est in fluvio, se habet ut fluens; ut est in vase, se habet ut stans: secundum hoc verum est, quod verba secundum se dicta nomina sunt: quia illa

eadem res, quæ sumpta cum tempore significatur per verbum; sumpta secundum se significatur per nomen. Advertendum tamen, quod in talibus latent æquivocationes: quia verba sunt ad placitum, & ex usu loquendi, vel ex aliqua proprietate appropriatur nomen ad significandum unam rem; & verbum ad significandum aliam, ut patet in intelligere, & in intelligentia: & tamen nec est sic, sed intelligentia significat ipsam substantiam separatam; intelligere verò significat operationem ejus, quæ est actus & perfectio ipsius, & realiter differt ab ipsa. Si quis tamen vellet per intelligentiam intelligere ipsam operationem intelligibilem, eandem rem diceret intelligere & intelligentia, & non esset ibi differentia nisi ex solo modo significandi; sed communis usus loquendi hoc non admittit. Sic & in proposito se habent suo modo esse, & essentia, quia essentia dicit ipsam substantiam creaturæ; esse verò dicit actum & perfectionem ejus. Habet ergo se suo modo esse & essentia, non sicut currere & cursus: nec sicut docere & doctrina, sed sicut intelligere & intelligentia. Dico autem suo modo, quia intelligentia dicit ipsam substantiam intellectualem; intelligere verò dicit actum ejus, non actum primum; qui est esse, sed actum secundum, qui est agere. In proposito verò essentia dicit ipsam substantiam; esse verò dicit actum, non actum secundum, sed actum primum. Adhuc de ipso actu primo possumus distinguere, sed non sit nobis ad præsens curæ: sufficiat autem scire, quod sicut intelligere & intelligentia differunt realiter; & tamen taliter possent accipi, quod dicerent eandem rem sub alio, & alio modo significandi: sic esse & essentia realiter differunt; & tamen taliter possent accipi, quod eandem rem importarent sub diverso modo significandi. Ad secundum dicendum, quod aliquando est prædicatio essentialis, aliquando denominativa: ut homo est animal essentialiter; non autem sic est albus; sed denominatur ab albedine. Igitur sum, es, est; dicit rei substantiam: quia secundum esse non copulat, nisi ea, quæ substantialiter prædicantur. Nam res non dicitur esse, nisi illa, quæ est substantialiter; alia autem denominative ab aliis: ut si dicatur homo albus, non est ibi prædicatio secundum esse, sed solum

secundum denominationem. Vel possumus dicere, quod cum dicitur, homo currit &c. verba significant rem non existentem in predicamento substantiæ; sed cum dicitur, homo est esse, de quo loquimur, licet non sit ipsa substantia rei; est tamen in predicamento substantiæ. Vel possumus dicere, quod grammaticus loquitur grosso modo: nam secundum ipsum quidquid non significat actionem, vel passionem, & accipit quod sit substantivum, & quod significet substantiam rei: & quia sum, es, est, non significat actionem, nec passionem: ideo dicit ipsum esse verbum substantivum. Ad 3. dicendum, quod non eodem modo colores participant album, & essentia esse: non enim alij colores participant album, quod de se sint non album, & postea fiant actu album; sed solum participant album, quia sunt diminutum album. Sed si nigredo non esset alba, & postea fieret alba: ita quod verificaretur, nigredo est alba, oporteret, quod albedo esset quædam perfectio superaddita nigredini differens realiter ab ipsa, sicut & in proposito. Nam essentia creaturæ de se non habet esse, & postea participat esse: quia actu est: quod esse non posset, nisi esse esset quædam perfectio ipsius essentia. Itaque creaturæ & participant Primum ens, & participat esse, per quod existit: sed participant Primum ens, in quantum est quoddam ens diminutum: propter quod est ibi quædam similitudo inter substantias alias & substantiam Primam, sicut inter colores alios, & colorem album. Vnde & in 10. *Metaph.* vult Philosophus, quod indignum sit querere unum colorem, ut colorem album, tanquam colorem perfectum, qui sit mensura omnium colorum; & non querere unam substantiam Primam, quæ sit mensura omnium substantiarum. Substantia ergo creature participat Primum ens, non quod fiat illud, nec quod formaliter perficiatur per illud: sed participat esse, in quantum acquirit esse, quod non posset esse, nisi perfecteretur per esse. Ad 4. dicendum, quod forma cum materia facit rem in actu, ut possit actu intelligi: sed non sufficit forma, quod actu existat sine esse: materia ergo nec actu intelligitur, nec actu existit sine forma; forma verò potest actu intelligi, sed non actu existere sine esse. Ad 5. dicendum, quod potentia simul

Phyl.com
m. 64. & in
aliis pluri-
bus, & in
Meta. sap.

recipit actum, & est per illum actum: nec est actum, antequam recipiat actum: ideo essentia simul recipit esse, & existit per illud esse. Ad formam autem arguendi dicendum, quod recipere præsupponit esse, non esse, quod recipit, sed esse aliud: ut si esse actuale recipitur in essentia, non præsupponit, quod essentia sit secundum esse actuale: quia tunc esse actuale præsupponeret esse actuale: sed secundum nostrum modum intelligendi esse actuale præsupponit esse essentia, in quo recipitur, sicut actus præsupponit potentiam; tempore tamen simul producit essentia & esse. Ad 6. dicendum, quod creatio terminatur ad esse, nec tamen alia creatione, nec alia factione efficitur, vel creatur essentia & esse: quia cum non fiat per se nisi compositum, potentia & actus, quæ sunt partes compositi, non fiunt per se, sed fiunt factione compositi. Vnde non causatur essentia per se, nec esse per se; sed causatur compositum. Nam hoc modo intelligimus fieri, vel produci potentiam, in quantum sit sub actu, & actum intelligimus fieri, in quantum sit in potentia: non sit ergo nisi hoc in hoc, & totum est illud, quod per se sit. Ad 7. dicendum, quod in omnibus his potest latere æquivocatio. Nam intelligentia & intelligere potest dicere unam & eandem rem, & aliam & aliam rem: sic essentia & esse, & lux & lucere potest dicere eandem rem, & aliam & aliam rem. Nam lux potest dicere qualitatem quamdam existentem in corpore luminoso: & lucere potest dicere actum progredientem à luce, & sic potest realiter differre à luce: vel potest dicere illam eandem rem, quam dicit lux sub alio, & alio modo significandi. In talibus ergo aliquando potest accipi ut simile, aliquando ut non simile: sunt enim in talibus adaptationes quædam: quia aliquando sunt similes; aliquando non similes, cum vocabulis utamur, ut volumus: ideo sunt modici ponderis talia argumenta. Ad 8. dicendum, quod esse sic additum essentia est tamen in eodem genere cum essentia: sicut punctus, licet sit additus lineæ, est tamen in eodem genere cum lineæ: & quia ipsa essentia substantia est in genere substantia, esse substantia est accidens, sed est in genere substantia. Ad 9. dicendum, quod res habent duplex esse, videlicet, esse intelligibile, si-

ve esse aptum intelligi; & esse existentia in re extra: materia autem, ut dicebatur, non est intelligibilis nisi per factionem: propter quod res materiales non sunt intelligibiles per se ipsas, sed per partem sui, ut per formam suam: & quia esse intelligibile respondet ipsi esse essentia, ideo esse essentia in talibus potest dici ipsa forma: secundum quem modum loquendi essentia in talibus differt ab esse: quia essentia dicit compositum ex materia & forma; esse verò, accipiendo esse intelligibile in rebus, potissimum dicit ipsam formam: sed substantia separata, quia sunt intelligibiles per se ipsas, non habent differentem essentiam ab esse, loquendo de esse intelligibili; essentia verò in rebus materialibus differt à suo esse intelligibili, non autem sic differt in substantiis separatis. Ad 10. dicendum, quod substantia est ens per se, secundum quod ens dividitur in decem prædicamenta: & secundum quod ens dicit ipsas essentias rerum. Nam essentia non dependet ab essentia alterius prædicamenti: sed è converso: & ideo substantia est ens per se, & alia sunt ens per accidens, loquendo de ente, quod dividitur in decem prædicamenta; sed licet substantia sit sic ens per se; non tamen est inconueniens, quod sit ens, id est, existens per aliud, ut per esse sibi superadditum. Ad 11. dicendum, quod in eodem potentia præcedit actum, non in eodem quocumque modo, sed in eodem generabili & corruptibili: ut ex 9. *Metaph.* haberi potest. Angelus autem licet sit creabilis & annihilabilis, non est generabilis & corruptibilis. Vel possumus dicere, quod duplex est agens: unum, quod tempore præsupponit passivam potentiam, ut agens creatum: aliud verò est agens, quod simul cum actu producit ipsum possibile, in quo suscipitur actus, ut agens Divinum. In his ergo, quæ fiunt ab agente creato, tempore potentia præcedit actum; in his, quæ fiunt ab agente Divino, non oportet, quod tempore potentia præcedat actum: sed simul cum actu potest produci ipsum possibile: & quia Angelus non potest produci ab aliquo agente creato, sed solum ab agente Divino: ideo de ipso nihil concludit ratio. Ad 12. dicendum, quod materia essentialiter est quedam potentia, & forma essentialiter est quidam actus: sed licet forma sit ac-

Phus 9. *Metaph.*
taph.
comm. 134

rus respectu materiæ, habet tamen rationem passibilis respectu esse: propter quod non est idem cum esse. Ad formam autem arguendi dicendum, quod sicut materia est idem cum sua potentia, ut subicitur formæ: ita forma est idem cum esse, quod informat materiam; sed non est idem cum esse, quod est perfectio formæ. Imaginamur enim, quod forma per se ipsam perficit materiam, quam perficiendo, resultat inde quædam essentia composita, quæ dicitur essentia & forma totius, idest, dicitur essentia & forma, quæ est totum: huiusmodi autem essentia, & huiusmodi formæ est perfectio ipsum esse, de quo loquimur: & ideo est differens ab utroque.

nam animali perfectio competit motus ad omnem differentiam positionis ratione animæ, & competit ei motus deorsum ratione elementi gravis dominantis in ipso: ergo si propter plures motus ejusdem generis sunt in aliquo plures formæ, & ita plura esse: cum in eodem animali perfectio reperiantur plures motus ejusdem generis: quia plures motus locales: erunt ergo ibi plures formæ, & plura esse.

Præterea: dicebatur, quod in una & eadem re est unum esse, id est, unum subsistere. Contra: subsistere non dicitur esse, sed modum essendi. Non enim quidquid habet esse subsistit; sed illud subsistit, quod habet esse hoc modo, videlicet, esse per se: poterunt ergo in re esse plura esse, licet sit aliquis modus essendi, qui in eadem re plurificari non possit. Præterea: esse in eodem genere cum essentia est: ergo plures essentie diversorum generum non possunt habere esse per idem esse: quia tunc unum & idem esse esset in diversis generibus; sed in eadem re sunt diversæ essentie diversorum generum, ut essentia substantiæ, quantitatis, & qualitatis: ergo & diversa esse. Præterea: in eodem est forma partis, & forma totius, sed à qualibet forma egreditur aliquod esse: erunt ergo in eodem diversa esse. Præterea: probat Phus, quod non potest esse motus in instanti. Nam motus est in tempore, & est in quolibet temporis illius: motus enim quicumque est in toto tempore, quo fit, & est in quolibet illius temporis. Sed non est intelligendum, quod sit in quolibet illius temporis, nisi in quolibet divisibili, in indivisibili autem non potest esse motus: sed si motus posset in indivisibili, quia motus est in tempore, & in quolibet temporis, in quo potest esse motus, motus esset in ultimo instanti illius temporis: & quia ratione motus esset in quolibet temporis, & in ultimo instanti, ad quod terminatur illud tempus: par ratione quies erit in toto suo tempore, & in primo instanti, in quo incipit tempus illud, sed est instans idem, ad quod terminatur tempus, in quo est motus, & in quo incipit tempus, in quo est quies: ergo in illo instanti erit quies & motus, & idem simul quiescet, & movebitur. Ex hac autem ratione arguitur, quod impossibile sit motum, aut quietem esse in instanti.

QVÆSTIO X.

Verum unius rei unicum sit esse?



DECIMO quæritur: utrum unius rei unicum sit esse? Et videtur, quod non: quia secundum Commentatorem 3. De Celo & mundo, ubi plures motus, ibi plures naturæ; sed

aliquibus corporibus competunt plures motus, & maxime corporibus animatis: ergo sunt ibi plures naturæ; sed quælibet natura arguit suum esse: ergo diversa esse. Præterea: corruptibile & incorruptibile non possunt habere idem esse: quia esse corruptibilis est corruptibile, incorruptibilis incorruptibile: sed est necesse diversum esse genere (secundum Phum 10. Metaph.) corruptibile & incorruptibile: esse ergo corruptibilis & incorruptibilis non solum non possunt esse idem numero, sed differunt genere. Igitur cum in uno & eodem homine sit aliquid incorruptibile, ut anima, aliquid corruptibile, ut corpus: ergo sunt ibi diversa esse. Præterea: quia respondebatur ad rationem primam, quod ubi sunt plures motus ejusdem generis, ibi sunt plura esse. Arguebatur in contrarium: in eodem homine sunt plures motus locales: nam in animali quolibet perfectio sunt plures motus locales:

Comm. 3. de Cælo & Mundo.

Phus 10. Meta. cap. 12. comm. 26.

stanti: nam si res prius movetur, & postea quiescit, dicemus, quod per totum tempus praecedens movetur, per totum tempus sequens quiescit: in instanti vero, quod est finis temporis praecedentis, & initium temporis sequentis, nec movetur, nec quiescit; è converso autem dicemus, si res prius quiesceret, & postea moveretur: sicut quies & motus non possunt esse simul: ita esse & non esse rei simul esse non possunt: ergo quia ratione arguebamus motum & quietem non esse in instanti sed esse in tempore, ne poneremus motum & quietem simul esse: pari ratione cogemur ponere esse & non esse rei non esse in instanti sed esse in tempore, ne cogamur ponere, quod simul sit esse & non esse rei: cum omne, quod inducitur in tempore, praesupponat esse rem, in qua inducitur: quare si esse sit in tempore, & acquiritur in tempore, & non in instanti: ergo esse tempore prius praesupponit essentiam esse, in qua recipiatur: ergo erunt ibi duo esse, videlicet, esse, quod habet essentia, antequam acquirat esse, & esse, quod in tempore acquiritur ipsi essentiae. Preterea: sicut res se habet ad esse: ita se habet ad agere, sed in eadem re sunt plura agere, & plures operationes: ergo & plura esse. Preterea: anima separata potest intelligere, non autem potest sentire ergo intelligere, non est idem, quod sentire. Sed dum est in corpore intelligit & sentit: ergo homini competit per animam, & sentire, & intelligere: ergo sunt ibi plura esse, unum esse mediante quo egreditur actus sentiendi, & aliud mediante quo egreditur actus intelligendi. Preterea: non est idem esse substantiae & accidentis: quia non eodem modo est ens hoc, & illud: ergo in eodem sunt plura esse. Preterea: anima est actus corporis, sed corpus dicit aliquid in actu: ergo corpus habet aliquid esse, & aliquem actum, quem non habet ab anima. Preterea: suppositum hominis corrumpitur; anima non corrumpitur: ergo in homine aliud est esse suppositi, & aliud esse animae, & ita plura esse. Preterea: in homine sunt diversae entia substantiales, & etiam in quolibet composito ex materia & forma: quia est essentia materiae, & essentia formae: quia qualibet essentia arguit suum esse, est in quolibet composito diversa esse.

In contrarium est Phis 6. Topic. qui vult, quod unius rei unicum sit esse. Preterea: in libro *De unitate & uno*, (qui à pluribus dicitur esse Boëtij) scribitur: *Unumquodque intantum est, inquantum unum est*: sed si unumquodque intantum est, inquantum unum est: ergo unumquodque intantum est, inquantum unum habet esse: unius ergo rei unicum est esse. Preterea: in eodem libro scribitur: *Omnia appetunt esse unum*. Sed appetitus omnium est appetitus naturalis: sed naturales non possunt esse frustra: si ergo omnia appetunt unum esse, & hoc non potest esse frustra, in unaquaque re oportet esse unum esse.

Phis 6. Topic. in Lib. de Vnit. & uno

Ibidem.

RESOLVTIO.

Sive esse comparetur ad substantiam, sive ad accidentia, sive consideretur secundum se, unius rei unicum est esse: quod solum sequitur ad formam totius.

Respond. dicendum, quod modi essendi, & modi se habendi in una & eadem re possunt esse diversi: quia tales modi essendi, & tales modi se habendi ab ipsis essentis non differunt realiter. Talia enim non dicunt res alias ab ipsis essentis. Sed loquendo de esse, quod facit compositionem cum essentia, de quo dicimus: quod omne, quod est citra primum, est quid compositum ex eo, quod est, & esse, & sic unius rei unicum est esse. In hac autem quaestione sic procedemus: quia, ne laboremus in aequivo-co, & ne accipiamus modum essendi pro ipso esse, primo, distinguemus de ipso esse. Secundo declarabimus positionem nostram, quomodo unius rei unicum sit esse. Tercio adducemus rationes ad nostrum propositum ostendendum.

Propter primum sciendum, quod, ut dicebatur supra, esse, quod dat formam accidentalis subiecto, non est res alia ab ipsa forma, & ab ipso susceptibili: ut si quantitas dat suo susceptibili, vel dat suae materiae esse extensum, huiusmodi esse extensum non est res alia ab ipsa quantitate, & ab ipsa materia. Nam, ut dicebatur, extensum vel dicit aliquid, quod informat materiam, vel non dicit id, quod informat materiam, nec

Supra quaest. 8.

Extensum
vel dicitur for-
ma, & sic non
est aliud à
quantitate;
vel dicitur par-
ticipatione
formae, &
sic non est
aliud à mate-
ria taliter se
habente.

nec dicit ipsam formam, sed dicit parti-
cipationem formae. Si verò dicat ipsam for-
mā, vel id, quod informat materiam, sic
esse extensum non est res alia à quantita-
te: quia nulla extensio informat mate-
riam, nisi quantitas. Sed si esse extensum
non dicat ipsam formam, sed participa-
tionem formae: sic non erit res alia à ma-
teria, & à potentia susceptiva: quia ma-
teria se ipsa participat formam, &
qualibet susceptiva potentia se ipsa
participat actu. Materia enim, ut est
sub privatione quantitatis, & ut est
sub quantitate, vel ut est sub priva-
tione cuiusque formae, & ut est sub
forma, non est aliud & aliud secun-
dum rem; sed est una & eadem res, aliter
& aliter se habens. Et constat, quod ma-
teria, ut est privata quantitate, non est ex-
tensa; ut est cum quantitate est extensa.
Materia autem non extensa, & postea fa-
cta extensa, non est alia & alia materia,
sed est una & eadem, aliter & aliter se
habens: habet enim esse materia, ut pos-
sit sic diversificari. Sed si esse, quod ha-
bet materia ex forma accidentali, non
est res alia ab ipsa forma, & ab ipsa ma-
teria; multò magis esse, quod habebit
materia à forma substantiali, non erit res al-
ia ab utrisque. Imaginabimur enim, quod
forma substantialis perficit materiam, &
dat esse materiam. Illud esse non est perfe-
ctio formae, sed est perfectio materiae.
Illud esse vel est ipsa forma, vel est parti-
cipatio formae. Imaginabimur ulterius,
quod forma substantialis adveniens ma-
teriae facit unam essentiam cum ipsa, &
ab illa tota essentia fluit quoddam esse,
quod est perfectio totius essentiae, & tale
esse est res alia ab ipsa essentia; & tale es-
se facit compositionem cum essentia, &
de tali esse est quaestio: utrum in una &
eadem re possint esse plura esse? Non
enim possumus intelligere formam non
esse formam, vel essentiam non es-
se essentiam. Possumus tamen intelligere
quancumque essentiam creatam non es-
se: ergo qualibet essentia creata differt à
suo esse. Et ut ista exemplificemus, in-
stantum dicamus, quod ex anima rationali
& ex corpore humano fit una essentia,
quae dicitur humanitas. Quicumque er-
go intelligit humanitatem, intelligit qua-
dam naturam compositam ex materia &
forma, vel ex anima & corpore. Sed cum
intellexerit talem materiam compositam,

adhuc potest dubitare: utrum talis natu-
ra habeat esse? Et adhuc potest intelligen-
re talem essentiam non esse. Si ergo esse
est idem cum ipsa essentia, tunc intelli-
gendo talem essentiam non esse, intel-
ligeret illam essentiam non esse es-
sentiam, & esset ibi repugnantia intel-
lectus.

Si verò tale esse non esset idem, quod
tota essentia, sed esset idem, quod for-
ma: cum in illa essentia composita inclu-
datur ipsa forma, qui intelligeret talem
essentiam non esse, per se loquendo, in-
telligeret formam non esse formam: imò
quia ipsas substantias separatas, quae sunt
formae per se existentes, possumus intelli-
gere non esse, non debet esse dubium essen-
tiam substantiae creatae esse realiter differen-
tem à suo esse, siue substantiam compositam
ex utriusque. Et ut utamur verbis Avic. di-
camus, quod in istis rebus materialibus
est forma partis, & forma totius, ut est
humanitas, quae complectitur utrumque,
naturam materiale, & formale: & ideo dici-
tur forma totius: quia est forma, quae est
forma, quae est totum. Vel humanitas dicitur
forma totius, quia dicit totum per modum
formae. Cum ergo quaeritur: utrum in
una re sit unum esse? Non est quaestio de esse,
quod est à forma accidentali: quia tale
esse non est res alia ab essentia accidentis,
nec est quaestio de esse substantiae, quod
respicit formam: quia tale esse est de ratio-
ne ipsius essentiae; sed quaestio est de esse,
quod respicit formam totius: quia tale esse
est prae ratione essentiae; & potest intel-
ligi essentia, non intellectio tali esse; sed
constat, quod non possumus intelligere
humanitatem, nisi intelligamus corpus
perfici per animam: & constat, quod
corpus perfi per animam est corpus ha-
bere esse per animam: tale ergo esse,
quod est ab anima, & à forma partis, est
de ratione humanitatis, & de ratione es-
sentiae. Item Plus in 5. Metaph. cap. De
per se vult, quod vivum sit de ratione ho-
minis, & constat, quod vivere viventibus
est esse: ergo erit de ratione hominis.
tamen Avic. vult, & verum est, quod
se est prae rationem essentiae, & quod
esse non ingreditur quidditatem & in-
finitionem rei. Et ideo oportet distinge-
re de esse, prout respicit formam
& formam totius. Dicebamus enim,
quod cum intelligo humanitatem, intel-
ligo corpus humanum perfectum per a-

Ab essentia
ex materia,
& forma
fluit esse,
quod est per
fectio totius
esse, vel com-
positi.

Forma
totius
est
quae
complectitur
utrumque
per se
existens

De per se
vult, quod
vivum sit
de ratione
hominis

Et ideo oportet
distingere
de esse, prout
respicit formam
& formam totius

formam totius : quia natura earum habet partem & partem : non tamen habet materiam & formam, sed est simplex forma.

In una & eadem intelligentia non possunt esse plures forme, nec partes, nec totius: ideo solutio est questio de rebus materialibus: an propter plures formas possint esse plura esse?

Rursus in una, & eadem intelligentia non erunt plures substantiales forme: quia hoc locum habere non potest, nisi in formis receptis in materia : quia forma substantialis per se stans non est ulterius susceptiva alterius substantialis forme: nullo ergo modo sunt ibi plures substantiales forme, nec partis, nec totius: ergo quia ibi talis distinctio locum non habet, volumus ostendere, quod in rebus materialibus nullo modo propter pluralitatem formarum contingit ponere plura esse. Nam primo hoc non potest poni propter formam totius, ut dicitur, ideo in re aliqua esse plura esse: quia sunt in ea plures forme totius. Nam cum forma totius sit forma, quæ est totum sive esse, si in re aliqua essent plures forme totius, in eodem toto essent plura tota, quod est inconveniens. Vtrum autem in aliquo possit esse una forma totius naturaliter: alia verò per assumptionem: ut patet, quod homo manens homo, virtute Divina assumeretur in eo natura leonis, ita quod esset simul leo &

(a) Egid. ubi supra; sed negat posse unum suppositum creaturæ assumere plures naturas in unitatem suppositi, sicut potest suppositum Divinum. (b) Secundum cursum naturalem impossibile est esse in eadem re plures formas totius.

(c) Neque propter plures formas partis esse possunt plura esse. (d) De hoc Doctor lib. 5. q. 10. ubi probabilem iudicat partem affirmare

se ipsa perficitur per formam. Ita quod non est ibi esse medium, quod sit res alia quia differens realiter à materia & forma. Tale ergo esse jam intelligitur esse aliquid, quod informat materiam & tunc est ipsa forma, & non differt realiter ab essentia forme: quia forma per se ipsam informat materiam, & perficit eam. Vel tale esse non intelligitur esse forma, sed participatio forme, & tunc non differt realiter ab esse materie: quia sicut forma per se ipsam informat materiam, ita materia per se ipsam participat formam, & informatur per eam. Tale ergo esse, quod respicit formam partis, sive accipiatur ut est forma, sive ut participatio forme, non differt realiter ab essentia materie & forme: ideo tale esse non facit realem compositionem cum essentia.

Rursus tale esse pertinet ad rationem & ad quidditatem rei: ideo de eo non est præsens sermo. Cum enim dicimus: utrum in re sint plura esse? Non intelligimus de esse, quod est modus essendi, vel quod non differt realiter ab essentia, nec facit realem compositionem cum ea. Ignotur propter plures formas partis poterimus in re ponere diversa esse, quæ sunt idem, quod forma, vel ponemus ibi diversa esse, id est, diversos modos esse participando formam: sed diversa esse, quæ sint res realiter differentes à materia & forma, ibi non poterimus ponere. Dicemus itaque, quod quotcumque substantiales forme ponuntur in eadem materia, ex omnibus illis formis cum materia fiet una essentia per se: (e) quod verum, & quomodo sit possibile, quod ex pluribus in actu fiat una essentia per se, non est quæ præsentis speculationis. Assamen patet, quod sic oportet nos dicere, si posuissimus in eodem plures substantiales formas, de illa autem una essentia, quæ resultabit ex materia & ex omnibus illis formis substantialibus, continget dubitare: utrum sit aliquid in rerum natura, & poterit illa essentia intelligi cum opposito ipsius esse, quia poterit intelligi non esse: & ideo oportet, quod realiter differat ab esse se, & si debeat talis essentia existere in rerum natura, oportet, quod ei superaddatur ipsum esse. Istud est ergo esse, de quo loquimur, quod respicit totam essentiam, & totam substantiam rei: & quia in qualibet re, naturaliter loquendo, non est nisi una talis essentia, & non est nisi una

una forma totius : idèd unius rei unicum est esse.

Stringamus ergo sermonem nostrū, & dicamus, quòd in eadem re non potest plurificari esse per plures formas totius : quia in una re non est naturaliter nisi una talis forma. Nec etiā plurificabitur esse propter plures formas partis : quia esse istud, de quo loquimur, non respicit formam partis; sed totius.

Nec tertio dicitur plurificari tale esse propter formam partis & totius, ut dicatur, quòd est unum esse, quod respicit formam partis, & aliud, quod respicit formam totius. Nam propter formam partis non erit ibi esse, quod sit realiter differens ab essentia; sed tale esse dicemus in qualibet re esse unum tantum propter unam totalem essentiam, & per unam formam totius : quare si comparatur esse ad ipsam substantiam, semper in una re naturaliter est unum esse : utrum autem miraculose possint in eadē re esse plura esse? Non spectat ad præsens.

Secunda via ad investigandum hoc idem sumitur ex eo, quòd esse comparatur ad accidentia: nā si propter plures formas substantiales non ponimus in re plura esse, nec etiā possumus ibi ponere talem pluralitatem propter formam substantialem & accidentalem, vel propter plures formas accidentales: quia accidentis esse est in esse; accidenti enim non competit per se esse: nam si accidens præter essentiam suam haberet suum proprium esse, tunc illud accidens non accederet rei, nec esset in alio, sed esset per se existens. Nam hoc est esse in alio, esse per esse alterius, & idèd accidentis esse est in esse: quia accidens, idèd est, quia inest: & idèd existit, quòd est in existente: ergo propter plures formas accidentales, vel propter formam substantialem & accidentalem non oportet in re ponere plura esse: quia accidentia non existunt, nisi quia sunt in existente, & non sunt, nisi quia insunt.

Est autem & alia ratio, quare propter accidentia non oportet plurificari esse. Nam esse, ut dicebatur, non respicit formam partis, sed formam totius. Imaginamur enim, quòd forma perficit materiam: & ista talis perfectio non est esse, quod sit res alia à materia, & à forma: sed vel est ipsa forma, vel partici-

patio formæ. Et ut est participatio formæ, non est res alia à materia, sed est quidam modus se habendi, quem habet materia, ut est sub forma; ut autem est forma, non est res alia ab essentia formæ. Rursus quia & ex materia & forma fit una essentia per se, à tali essentia progreditur esse. Si ergo forma ita perficeret materiam, quòd tamen ex materia & forma non resisteret una essentia, quam vocamus formam totius; in rebus materialibus non possemus dare esse, quod esset differens ab essentia: & quia sic est in accidentibus, quòd accidens ita perficit subjectum, quòd tamen ex accidente & subjecto non resultat unum per essentiam: idèd licet forma substantialis perficiat materiam, & à forma & à materia fluat esse: accidens autem perficit subjectum, ita quòd ab accidente & subjecto, eò quòd non faciat unam per se essentiam, nullum aliud esse fluat. Accidentia ergo, quantum ad modum perficiendi, assimilantur formæ partis, sed ex accidente & subjecto non resultat forma totius: quare sicut propter formam partis, & formam totius non ponimus in re plura esse, ita etiā propter accidentia & substantia non oportet ponere plura esse.

Tertia via ad investigandum hoc idem sumitur ex parte ipsius esse. Imaginamur enim, quòd esse, quantum est de se, nullo alio participat. Alia ergo possunt participare esse; sed ipsum esse, quantum est de se, nullo alio participare potest. Vnde Boëtius in de Hebdom. ait: quòd id, quod est, participare alio potest; sed ipsum esse nullo alio participare potest, quòd sic intelligimus: quia si essentia, sive sit essentia formæ substantialis, sive accidentalis, haberet esse separatum, adhuc posset participare alio, quia posset participare esse; sed si esse esset separatum, nullo alio participare posset. Vnde si substantia esset separata, haberet aliquid aliud præter suam essentiam: quia haberet esse, & participaret esse; sed si esse esset separatum, nihil aliud habere posset præter se ipsum. Hoc est ergo, quod ait Boëtius: quòd id, quod est, habere aliud potest præterquam quòd ipsum est: ipsum verò esse nihil aliud præter se habet admixtum. Qui ergo considerat, quid est ipsum esse: pater, quòd esse, quantum est de se, est summa actualitas, qua

Tertia via

Boet. in lib. de Hebdom.

Etiā ex parte ipsius esse plurificari in re una repugnat.

quæ posset reperiri in unaquaque re: ut esse lapidis, quantum est de se, est summa actualitas, quæ possit reperiri in lapide, & esse ligni in ligno. Dicimus autem quantum est de se: quia esse secundum se non nisi actualitatem dicit; sed si dicat possibilitatem, hoc est, ratione ejus, in quo recipitur, & in quo est aptum natum recipi. Unde esse, quod non recipitur in aliquo, nec est aptum recipi in alio, omnino purissimam actualitatem importat, quod non possumus dicere de forma. Reperitur enim forma, quæ nec recipitur in alio, nec est apta nata recipi; sed est per se existens, ut patet in substantiis separatis, sequendo opinionem illam, quod non sit ibi compositio ex materia & forma: nec tamen propter hoc formæ illæ sunt actus puri: sed non est possibile dare tale esse, quod non sit receptum, nec aptum natum recipi in alio, quin sit purus actus. Esse ergo, quantum est de se, dicit summam actualitatem possibilem reperiri in entibus: talia autem non possunt in eodem plurificari, quia tunc illa haberent per se ordinem adinvicem, & unum de se esset possibile respectu alterius, & quod esset tale, non esset esse, sed esset forma. Et ideo sicut in eodem non reperiuntur plures albedines: quia tunc una esset perfectio alterius, quod non patitur ratio albi, ut album per album perficiatur: sic nec in eodem esse poterunt plura esse: quia tunc unum perficeretur per aliud, quod non patitur ratio ipsius esse. Si bene considerentur jam dicta, patet, quod sive esse comparetur ad substantiam, sive ad accidentia, sive consideretur secundum se, unius rei unicum est esse.

In eodem sub-
jecto non pos-
sunt esse plu-
res albedi-
nes, quia u-
na esset per-
fectio alte-
rius, quod
non patitur
ratione albi.
Epilegus.

Respond. ad arg. Ad primum dicendum, quod in corporibus animatis, loquendo de animatis aliis ab homine, non sunt plures formæ, nec plures naturæ, nisi secundum rationem, ut in leone est una forma tantum, & illa potest considerari dupliciter, vel ut est anima, vel ut supplet vicem formæ mixti: & sic in leone erunt duo motus, unus, qui est deorsum, & iste est motus generis, & est ab anima, ut sequitur eam gravitas: alius progressivus, & iste est ab anima, ut anima est, & est ab ea, ut sequitur eam appetitus, & est ad omnem differentiam positionis. Sic etiam possemus ibi ponere tertium motum, videlicet, motum augmenti, qui est etiam ad omnem dif-

ferentiam positionis, & est ab anima, ut vegetat corpus, nec propter hoc sunt in intentione plures formæ, sed una & eadem anima est in leone, quæ est sensitiva, vegetativa, & supplet vicem formæ mixti, ex quibus sunt in leone tres motus, videlicet, motus progressivus, motus augmenti, & motus deorsum. Ad formam autem arguendi, quod ubi sunt plures motus, ibi sunt plures naturæ, verum est secundum rationem: quia non oportet tantam unitatem dare in effectibus, quantum datur in causa. Natura enim est causa motus, & est principium motus, ut dicitur in 2. Physic. Attamen non oportet, si sunt plures motus in aliquo secundum rem, quod sint ibi plures naturæ secundum rem: imò ab aliqua eadem natura secundum rem, aliter & aliter accepta, possunt causari plures motus realiter differentes: ut ab eadem anima causantur motus progressivus, & augmenti. Sed dicit aliquis, quod oportet in aliquo dare plures formas, & ita plures naturas, ut in homine. Quid autem sit de hoc? Non determinamus ad præsens: posito tamen, quod essent in homine plures naturæ, & plures formæ, essent in eo plures formæ partis, non autem plures formæ totius: & ideo nec plura esse. Ad 2. dicendum, quod corruptibile & incorruptibile non oportet, quod habeant aliud esse, sed sufficit, quod alio modo comparentur ad illud esse: ut anima & corpus, quia faciunt unam essentiam, habent unum esse, attamen ad illud esse non comparantur eodem modo: quia anima, loquendo de anima intellectiva, est inseparabilis ab illo esse: corpus autem per separationem anime potest separari ab illo esse: & ideo anima intellectiva est incorruptibilis, corpus vero corruptibile. Ad 3. dicendum, quod non dabitur sufficiens causa, videlicet, quod ubi sunt plures motus ejusdem generis, vel plures motus locales, quod ibi sint plures materiæ, vel plures formæ: dato tamen, quod sic esset, essent ibi plures formæ partis, non autem plures formæ totius: & per consequens nec plura esse. Ad 4. dicendum, quod unum & idem esse est per quod subsistit substantia, & per quod existunt accidentia: quod quomodo sit, est in superioribus determinatum. Realiter ergo est unum subsistere, & unum esse in omni esse: sed per illud esse existit substantia, &

tanquam aliquod quod perficitur per tale, & tanquam aliquod quod per se existit; existunt autem accidentia, quia recipiuntur in existente. Ad 5. dicendum, quod esse est in eodem genere cum essentia, sed non cum essentia qualibet; sed cum essentia substantiæ, cui per se & primo competit esse; accidentia verò non sunt per esse sui generis, sed per esse substantiæ: unde eorum esse est inesse, & in tantum sunt, in quantum insunt, loquendo de naturali cursu eorum. Quid autem Deus possit facere per miraculum? Non spectat ad præsens. Ad 6. dicendum, quod in eodem est forma partis & totius: sed non propter hoc sunt ibi plura esse, quia esse non numeratur, nisi prout numeratur forma totius. Et quia in una & eadem re est una forma totius, ideo in una & eadem re est unum tantum esse. Ad 7. dicendum, quod non est simile de motu & de quiete, & de esse & de non esse: nam motus & quies habent fieri in tempore, & ideo si essent in instanti, essent in quolibet instanti illius temporis. Et quia unum & idem instans potest esse finis temporis, quod mensurat motum; & initium temporis, quod mensurat quietem, illud instans aliquo modo pertinebit tam ad tempus, quod mensurat motum, quam ad tempus, quod mensurat quietem: in illo ergo instanti esset motus & quies, quod est impossibile. Ista ergo ratio aliquid probat, & aliquid supponit: supponit quidem, quod quies & motus fiant in tempore; probat autem ex hac suppositione facta, quod non possunt fieri in instanti. Ergo si ex hoc volumus procedere ad plurificationem ipsius esse, oportet, quod supponamus, quod esse & non esse fiant in tempore: & tunc erit ibi peccatum in materia, quia supponetur falsum: erit etiam ibi peccatum in forma, quia petetur ibi, quod est in principio, nam ibi cõcludebatur, quod esse & non esse fierent in tempore: & quia hoc oportet ibi præsupponere, probabitur idem per idem, & concludetur quod supponebatur. Ad 8. dicendum, quod, ut dicebatur supra, non oportet dare tantam unitatem in effectibus, quantum in causa.

aliter dicere. Nam calefacere præsupponit esse calidum, & scindere præsupponit esse acutum: si ergo idem calefacit & scindit, idem habebit duplex esse, calidum, scilicet, & acutum: sed tunc æquivocatur in esse. Nam eadem res habet esse calidum, album, & acutum: sed ista esse, vel dicunt ipsas formas, vel participationes formæ, & talia esse plurificationi in eodem non est inconveniens. Ad 9. dicendum, quod anima sentit & intelligit: sed ex hoc non arguitur, quod in ea sint diversa esse, id est, diversa existere: sed solum concluditur, quod in ea sint diversæ qualitates, & diversæ potentie, ut sensus, & intellectus: in hoc enim argumento æquivocatur in esse, sicut æquivocabatur in argumento alio. Ad 10. dicendum, quod per illud idem existere, per quod existit substantia, existit & accidens: nec tamen sunt eodem modo existentia accidens, & substantia: quia ad illud existere non eodem modo comparantur: sed, ut dicebatur, substantia existit per se, & perficitur per esse; sed accidens existit, quia recipitur in existente: nisi ergo substantia existeret, accidens non existeret: per illud ergo esse, per quod existit substantia per se & primo, existit accidens ex consequenti. Ad 11. dicendum, quod cum dicimus anima est actus corporis, querere: utrum corpus dicat aliquid in actu de se præter animam? Est querere: utrum in re animata sint plures formæ? Quod si concedatur, non habetur intentum. Dicebatur enim supra, quod esse non numeratur secundum formas partis; sed solum secundum formas totius: vel si numeratur secundum formas partis, hoc erit solum secundum formam ultimam & completivam. Et quia quantumcunque in re ponantur plures formæ partis, tamen semper est ibi una forma totius, & una forma completiva, ideo semper est ibi unum esse. Ad 12. dicendum, quod suppositum hominis corrumpitur, & anima non corrumpitur; sed ex hoc non concluditur, quod in homine sint plura esse, sed sufficit, quod ad illud esse suppositum hominis, & anima non comparantur eodem modo: nam quia ab illo esse anima est inseparabilis; suppositum verò hominis est separabile, ideo anima est incorruptibilis, suppositum verò corruptibile. Ad 13. dicendum, quod a materia

Vide supra
quest. 9.

teria non egreditur esse aliquid sine forma: & ideo à materia & forma non egrediuntur duo esse, sed unum esse tantum.

QVÆSTIO XI.

Vtrum possit creari esse sine essentia.



VNDÉCIMO queritur: utrum possit creari esse sine essentia? Et videtur, quod sic: quia sicut se habet forma ad materiam, ita se habet esse ad essentiam: sed forma

potest creari sine materia, ut apparet in substantiis separatis, quæ sunt formæ per se existentes: ergo & esse poterit creari sine essentia. Præterea: plura potest Deus facere, quàm noster intellectus potest intelligere. Sed intellectus noster potest intelligere esse sine essentia: ergo Deus potest hoc facere. Probatio assumptæ: nam noster intellectus potest intelligere prius sine posteriori, sed esse est prius omnibus aliis juxta illud, quod dicitur in 4. propositione de causis: *Prima rerum*

Propositio
4. de causis.

creatarum est esse: ergo &c. Præterea: quod non præsupponit potentiam passivam, potest producere actum sine potentia: sed Deus non præsupponit potentiam passivam: ergo potest producere actum sine potentia: poterit ergo Deus producere esse sine essentia: quia essentia se habet, ut potentia passiva & ut receptiva respectu esse. Sed si nos dicimus, quod Deus non possit, videmur derogare Divinæ potentie, & videmur dicere, quod actio Divina de necessitate præsupponit passivam potentiam, quod est inconveniens. Præterea: sicut se habet ens apud animam, quod causatur ab anima, ad ipsam animam: sic, ut videtur, se habet quod causatur à Deo ad ipsum Deum, sed ens apud animam potest intelligi absque eo, quod sit receptum in alio: sed sufficit ad hoc, quod sit ens apud animam, & quod sit causatum ab anima, quod habeat res-

pectum ad animam: non oportet autem, quod sit receptum in alio: ergo à simili ad hoc, quod aliquid sit creatum à Deo, sufficit, quod habeat respectum ad ipsum: non oportet autem, quod sit receptum in alio: esse igitur, quod causabitur à Deo, sufficit, quod dependeat ab eo, & quod habeat respectum ad ipsum: non oportet autem, quod sit receptum in alio. Præterea: actus, qui producit per transmutationem, oportet, quod sit actus receptus in alio: quia transmutatio fecit nos scire materiam, & fecit nos cognoscere passivam potentiam: sed creatio est sine transmutatione: ergo actus, qui producit per creationem, non oportet, quod recipiatur in potentia passiva, nec oportet, quod sit aliquid receptum in alio: poterit ergo Deus creare esse absque eo, quod sit receptum in alio. Præterea: non minus dependet accidens à subiecto, quàm esse ab essentia: sed Deus potest facere accidens sine subiecto: ergo &c. Præterea: esse animæ rationalis est ab extra: sed in homine, & in qualibet re, ut dicebat questio præcedens, non est nisi unum esse: in productione ergo hominis & animæ, & esse, quod est totius compositi, producit à Deo: sed agens naturale aliquid ibi operatur, & aliquid producit: producit ergo essentiam sine esse: cum esse illud producat à Deo. Sed si agens naturale potest producere essentiam sine esse, multo magis Deus poterit producere esse sine essentia: magis enim videtur habere de repugnantia, quod producat potentia sine actu, ut essentia sine esse, quàm quod producat actus sine potentia, ut esse sine essentia. Præterea: Deus est agens voluntarium, & assimilat sibi suos effectus: ergo producit effectum, sicut ipse est: sed ipse est ipsum esse non receptum in alio: ergo poterit producere esse non receptum in alio. Præterea: Deus potest quod non implicat contradictionem: sed quod sit esse non receptum in alio, sive in essentia, non implicat contradictionem: cum hoc sit in ipso Deo: igitur Deus poterit hoc facere. Præterea: esse non dependet ab essentia ad hoc, ut sit, quia cum essentia hoc modo dependeat ab esse, si esse isto modo dependeret ab essentia, ibi esset circulus, vel idem dependeret à se ipso: quia esse sic esset dependens ab essentia, & essentia ab esse: ergo esse ab esse poterit igitur

tur Deus facere esse sine essentia, cum esse ad sui esse non indigeat essentia; nec dependeat ab ea. Præterea: si factio non est factio, & factum non est factum, fieri non erit fieri; sed factio esse non est factio essentia: quia hoc factum non est illud factum: ergo & fieri unius rei non erit fieri alterius, & poterit unum fieri sine alio fieri. Præterea: humanitas in Christo, ut multi dicunt, est ibi sine proprio esse: ergo Deus in incarnando Verbum suum fecit essentiam sine esse, ergo multo magis poterit facere esse sine essentia: quia maiorem adualitatem dicit esse, quam essentia. Præterea: materia fuit producta sine proprio esse: quia dicitur fuisse producta informis: ergo multo magis poterit produci esse sine essentia propria.

In contrarium est: quia esse est actus essentia; sed si diffinitur actus, in diffinitione ejus ponetur proprium susceptivum: si ergo diffiniretur esse, in diffinitione ejus poneretur essentia: de ratione igitur unius esse est essentia, sed Deus non potest facere aliquid sine eo, quod est de ratione ejus, ergo &c. Præterea: cuiuslibet formæ materiali respondet propria materia, & cuilibet esse creato propria essentia: sed non potest fieri aliquid sine eo, quod est sibi proprium, ut non posset produci homo, qui non esset risibilis, & non posset produci triangulus, qui non haberet tres: ergo non potest produci esse sine propria essentia. Præterea; vult August. 8. de Trin. capit. 3. quod Deus per hoc est summum bonum: quia non est nisi bonum; ergo à simili per hoc habet aliquid summè esse, quia non est nisi esse: si ergo posset creari aliquid, quod non esset nisi esse, illud haberet summè esse, quod repugnat creaturæ.

A differunt. Videmus enim in creaturis aliqua (quântum ad præsens spectat) quæ non possumus plenè salvare, nisi in eis differret essentia ab esse. Primum est, quod omnis essentia cujuslibet creature potest intelligi cum opposito ipsius esse. Secundum est, quia qualibet essentia creaturæ participat esse, & omne esse in creaturis est quid participatum. Tertium est, quod essentia creaturæ est quid per se in genere, & determinata ad genus. Quartum est: quia in creaturis reperitur analogia entis. Quintum, quia omnis substantia creata participat aliquod accidens. Sextum, quia omnis creatura est aliquo modo mutabilis secundum substantiam. De primo & sexto habitum est supra: nam nihil potest intelligi cum opposito sui ipsius, quidquid ergo potest intelligi cum opposito alicujus est realiter differens ab ipso, erit ergo essentia realiter differens ab esse.

Rursus, ut dicebatur, omne mutabile ex quadam informitate formatur: eo ergo ipso, quod essentia potest acquirere esse, & perdere esse, & mutari secundum esse, intelligitur esse aliquid informe respectu esse, & intelligitur, quod esse sit perfectio ipsius essentia, & per consequens intelligitur, quod esse sit alia res ab essentia. Reilat ergo de aliis quatuor diffusius querere.

Ostendemus enim, quod si creatura non participaret esse, nec esse creaturæ diceretur, quod participatur; nisi esset ibi differentia realis. Nam omnis participatio vel est per modum potentia, vel est per modum actus: ita quod potentia, ut potentia est, suscipit, & recipit, & participat aliud; actus autem, ut actus est, suscipitur, recipitur, & participatur ab alio, hoc est, dicitur enim participare quasi partem capere, quod enim totum in se ipso primo habet, non participat illud, sed habet plenitudinem ejus: potentia ergo recipiens. Cum dicitur participare ipsum: quia omne, quod recipitur in aliquo, recipitur per modum rei recipientis: & quia potentia deficit ab actu, non potest recipere actum in sua plenitudine, & ideo dicitur participare ipsum: ut si esset calor separatus, & calor in materia, calor ille separatus esset totalis calor, & haberet in se omnem rationem caloris: calor autem in materia esset participatus & diminutus juxta

Calor separatus haberet omnem rationem caloris; calor receptus esset diminutus juxta capacitatem subiecti.

Ha

capa-

RESOLVTIO.

Esse sine essentia, cujus est, produci non valet.

R. Respond. dicendum, quod antequam solvamus ad questionem quantæ utrum, scilicet, possit creari esse sine essentia? Adducemus quedam ad declarandum, quod esse & essentia realiter

capacitatem sui subjecti : & sicut potentia participat actum, quod non potest, recipere actum secundum sui totalem plenitudinem, sic actus in materia receptus dicitur participatus : quia non recipitur ibi secundum suam totalem actualitatem. Hoc ergo modo essentia participat esse, sicut potentia participat actum : quia non potest ipsum recipere secundum suam totalitatem, & esse participatur ab essentia, sicut actus participatur a potentia : quia non recipitur ibi secundum suam plenitudinem. Sic ergo dicemus de esse creaturæ respectu esse Divini, sicut diceremus de calore in materia respectu caloris separati : nam calor in materia dupliciter dicitur calor participatus. Primo, ut comparatur ad suum subjectum. Secundo, ut comparatur ad calorem separatum & purum. Respectu sui subjecti est calor participatus : quia est calor secundum partem receptus, eo quod subjectum suum non potest ipsum in sui plenitudine recipere.

Rursus calor in materia non solum dicitur esse quid participatum respectu sui receptibilis : quia in eo imperfecte recipitur, sed etiam dicitur esse quid participatum respectu caloris separati : quia quod calor separatus habet perfecte & in quadam plenitudine, habet calor in materia imperfecte & secundum participationem ; sed istam imperfectionem, quam habet calor in materia respectu caloris separati, sumitur & ex imperfectione, quam habet respectu sui ipsius subjecti : ut quia calor in materia est calor aptus natus recipi & receptus, ideo est imperfectus in se : & quia est imperfectus in se, erit imperfectus respectu caloris separati : sed si tollatur hoc, quod non sit imperfectus in se, & non sit aptus natus recipi, non erit imperfectus respectu alterius. Si quis ergo diceret, quod calor iste sensibilis non est calor receptus in alio, & tamen dicitur esse calor participatus, quia est calor diminutus respectu caloris separati : sic dicens diceret repugnantia dictis. Nam calor sensibilis non esset calor diminutus respectu caloris separati, nisi esset calor receptus. Sic & in proposito, esse creaturæ est esse diminutum, quia est esse receptum in creatura ; habet diminutum esse, quia habet aliquid aliud quam esse ; sed si esse creaturæ non esset esse receptum, non esset esse diminutum :

actus enim non dicitur esse quid diminutum, nec quid participatum nisi ratione potentia, in qua recipitur. Unde si esset aliquis actus, qui non esset in potentia receptus, nec esset aptus natus recipi, ille non esset nisi actus, ac per hoc esset infinitus actus. Secundum quod modum, ut dicebatur supra, in 8. *De Trin.* cap. 3. arguit August. Deum esse infinitum bonum : quia non est nisi bonum. Nisi ergo intelligamus, quod esse sit aliquid in essentia receptum, tollimus, quod non sit quid participatum, nec in se, nec respectu alterius : actui enim non competit limitatio nisi ratione potentia, in qua recipitur. Nec dici potest, quod ista differentia non sit secundum rem : quia si ex hoc ponimus, quod esse creaturæ est quidam diminutus actus : quia non recipitur in potentia secundum suam plenitudinem, oportet, quod recipiens sit re differens a recepto ; aliter enim non reciperet ipsum diminutè : non enim dicemus, quod idem se ipsum diminutè recipiat.

Viso quomodo non possumus salvare participationem in entibus, nisi ponamus, quod essentia sit re differens ab esse, volumus ostendere, quomodo non possumus salvare in entibus, quod sint in genere, & quod determinantur ad genus, nisi ponamus istud. Nam secundum Commentatorem in 2. *Metaph.* Differentia est inter genus & materiam : quia materia dicit potentiam puram ; genus vero dicit formam mediam inter potentiam & actum : quidditas ergo cujuslibet creaturæ, eo ipso quod est in genere per se, dicit quid in potentia ad actum, & per consequens quid in potentia ad esse : non erit igitur essentia ipsum esse. Isto igitur modo intelligemus res esse in genere, & esse in diversis generibus : ut quia nulla est creata res, quæ sit ipsum esse, sed est in potentia ad esse : & secundum quod est apta nata magis & minus recipere de esse, sic constituit alium, & alium gradum entis, & sic est in alio & alio genere, vel in alia, & alia specie entis.

Nec valet quod quidam obijciunt : quod possum intelligere aliquid habere de hoc & de illo, & esse medium inter hoc & illud absque eo, quod sit quid compositum ex hoc & illo : ut possum intelligere aërem esse gravem respectu ignis, & levem respectu aquæ absque eo, quod sit

Generans
quantum dat
de forma,
tantum dat
rei de loco.

fit compositus ex igne & aqua, vel duabus naturis ex gravi & levi: sed aer dicitur materiam unam, in qua aliquo modo reservatur gravitas & levitas. Sic forte diceret aliquis: quod creatura dicitur re unam, in qua aliquo modo reservatur potentia & actus, ut substantia Angeli est potentia & est actus, scilicet, potentia respectu causae Primae, & actus respectu rerum corporalium; non tamen oportet, quod in Angelo sint duae res, quarum una dicatur potentia, ut essentia, & alia dicatur actus, ut esse; sed una & eadem res erunt essentia & esse, & dicetur potentia & actus non respectu ejusdem, sed diversorum. Sed tales intellectum non quietant. Nam, ut prosequamur exempla proposita, & ex illis eisdem, ex quibus fit ratio in oppositum, faciamus rationem ad propositum, dicemus, quod generans quantum dat rei de forma, tantum dat ei de esse loco: & inde est, quod quia unum elementum est materialius, aliud verò formalius, materialiora elementa sunt, quae habent minus de forma, habent minus de loco, & debetur eis inferior locus; sed elementa formaliora, quae plus habent de forma, plus habent de loco, & debetur eis superior locus, ut apparet in igne & terra: nam terrae propter suam materialitatem non solum debetur locus infimus, & igni propter suam formalitatem supremus: sed etiam quia terra inter elementa est magis materialis, habet de loco valde modicum: & ignis, quia valde formalis, valde multum: nam tantum de materia, quanta est sub uno pugillo terrae, est sub mille pugillis ignis, & inde est quod propter majorem materialitatem & formalitatem in elementis, quaedam sunt magis levia, & magis rara, & occupant multum de loco; quaedam magis gravia, & magis depressa, & occupant parum de loco; quaedam autem sunt media inter ea. Posset autem & habere alium intellectum, praeter id quod diximus, quod generans quantum dat rei de forma, tantum dat sibi de loco. Sed prout ad propositum spectat, sufficiat expositio talia.

Diximus ergo, quod nisi essent elementa aliqua magis materialia; aliqua magis formalia, non esset dare causam, quare aliqua essent magis gravia, aliqua magis levia, & aliqua media inter ea: nec esset dare causam, quare aliqua ha-

beret hunc situm; aliqua illum situm. Magis autem materialia & magis formalia non possunt esse elementa, nisi sint composita ex materia & forma, & nisi differat in eis realiter materia & forma: ad hoc ergo, quod aer sit medio modo gravis, & medio modo levis inter ignem & aquam, non oportet, quod sit compositus ex igne & aqua; sed oportet, quod sit compositus ex materia & forma, per quam compositionem salvare poterimus, quod sit materialior igne, quo est minus levis, & formalior aqua, quae est minus gravis: & nisi aer esset sic compositus ex materia & forma, & nisi differret in eo realiter materia à forma, non possemus dare causam, quare sic determinaretur ad hunc gradum medium inter ignem & aquam. Sic & in proposito: Angelus est quid medium inter naturam Divinam, & naturam corporalem: est enim Angelus quid actuale respectu cujuslibet corporis, & quid potentiale respectu Dei: nec tamen oportet ad hoc, quod Angelus teneat hunc gradum & hunc ordinem in genere entium inter Deum & corpus, quod sit compositus ex Deo & corpore; oportet tamen, quod sit compositus ex potentia & actu, & quod in eo differant realiter potentia, & actus, ratione cujus compositionis, & ratione cujus differentiae potest esse potentialior uno; actualior autem alio.

Nec fiat vis in verbo, cum dicimus, quod aer respectu ignis est gravior: quia per hoc non intendimus, quod ignis sit gravis; sed quod aer deficit à levitate ignis. Vel cum dicimus, quod Angelus est potentialior Deo, per hoc non intendimus, quod Deus sit quid in potentia, qui est actus purus; sed quod Angelus propter potentialitatem, quam habet admixtam, deficit ab actualitate Dei. Nisi elementum esset realiter compositum ex materia, & forma, non esset unum elementum materialius alio; sed quodlibet elementorum esset ipsa forma. Sic nisi Deus producat quamlibet creaturam causaret actum in potentia, & nisi quaelibet creatura esset realiter composita ex potentia & actu, non esset una creatura potentialior alia, sed quaelibet esset actus

Nisi esset
creatura co-
posita ex po-
tētia & actu,
nō esset una
potentialior
alia, sed
quælibet es-
set actus &
non salvarē-
tur gradus
in entibus.

actus, quō posito, tolleretur ordo rerum, & non possemus salvare gradus in entibus, nec possemus salvare, quod una substantia, utputa lapis, determinaretur ad hoc genus; alia vero substantia, utputa Angelus, determinaretur ad aliud genus: nisi enim esset in rebus compositio ex potentia & actu, tolleretur ab entibus determinatio. Ad propositum ergo, quod declarare volebamus, est nihilominus advertendum, quod licet in omnibus creaturis sit compositio ex potentia & actu; non tamen propter hoc oportet, quod semper sit ibi compositio ex materia & forma, sed sufficit, quod sit ibi compositio ex forma & esse, vel ex essentia & esse.

Ostenso, quod in rebus non reperitur determinatio ad genus, nisi differret in eis realiter essentia ab esse, volumus ostendere, quod, hac differentia amota, amovetur analogia entium. Nam prima divisio entis, & prima analogia ejus est secundum causam & causatum, & secundum esse purum & participatum; quæ dicuntur analogicè: prima enim facie dividimus ens in ens per essentiam, & per participationem: & dicimus, quod ens dicitur analogicè respectu utriusque: sed si in rebus non differt realiter essentia ab esse, nihil erit ens per participationem, nullum erit esse participatum: quo posito, tollitur prima analogia entis, & per consequens quælibet alia. Hac etiam hypothēsi stante, in entibus non erit aliquid per accidens, & nulla substantia participabit aliquod accidens: nam primò intelligimus rem participare esse, & quia participat esse, idē non est essentialiter ipsum esse, nec est essentialiter ipsa perfectio: & quia res creata non est essentialiter ipsa perfectio, possunt ei accidere alie perfectiones, & potest participare accidentias: solus enim Deus est omnino perfectus per essentiam; creatura verò est perfecta per participationem, idē perfectiones in creatura possunt esse accidentias in Deo autem omnes perfectiones sunt sua substantia: sed nisi creatura participaret esse, non posset participare alia, & idē in creatura nihil esset per accidens, & nihil esset in ea, quod esset aliud à sua substantia. Hanc autem veritatem docet Boëtius in *Libro de Hebdomadibus*, qui ait: *Id, quod est, participat eo, quod est esse, ut sit; Esse verò non participat*

aliquo alio: ratio ergo, quare res aliqua potest participare aliquo aliò, est, quia participat esse, quo est: ergo participatio cujuscumque alterius præsupponit participationem ipsius esse: nisi igitur creatura participaret esse, non participaret aliquo alio, & per consequens nihil esset in ipsa per accidens.

Postquam diximus aliqua ad declarandum, quomodo in creaturis differt essentia & esse, & quod Deus producendo creaturam, producit potentiam sub actu, & essentiam sub esse, volumus triplici via investigare: utrum sit possibile, quod creetur esse sine essentia? Videmus enim in rebus creatis tria: nam omnis creatura determinatur ad certum genus & ad certam speciem, & habet determinatum modum individualitatis. Prima ergo via sumetur ad suam individuationem. Secunda ex eo quod comparatur ad determinatam speciem. Tertia ex eo quod refertur ad determinatum genus.

Prima via sic patet: videmus enim in Sacramento altaris, quod Deus facit *Prima* quantitatem sine subiecto; cetera verò accidentia non sunt sine subiecto, sed *Species* fundantur in quantitate; est autem specialis ratio, quare quantitas potest esse sine subiecto: quia quantitas de se individuat, quod patet: quia non possumus intelligere plura in eadem specie, nisi illa sint individua, quia descensus ultra speciem specialissimam non est per formam, sed per individuationem. Eo ergo ipso quod quantitas de se habet partes, ut partes illæ possint esse ejusdem speciei, oportet, quod quantitas de se individuetur: si ergo quantitas esset separata, adhuc intelligeretur habere diversas partes, quæ possent esse ejusdem speciei, & per consequens esset ibi individuatō: & idē de quantitate est specialis causa, quare virtute Divina, & per miraculum possit esse sine subiecto; sed de aliis accidentibus videtur impossibile, quod possint esse sine subiecto, quod non habent individuari per se: de ratione enim accidentis, ut est individuum, est quod actu sit in subiecto: & quia videtur implicare contradictionem, quod aliquid sine eo, quod est de ratione ejus, possit esse; accidens, quod non habet individuari nisi per subiectum, non videtur posse fieri etiam per miraculum, quod sit sine

sine subjecto: & quia esse non individuatur nisi in essentia, in qua recipitur, non videtur posse fieri, quod producat esse sine essentia.

Secunda via sumitur ex eo, quod res comparatur ad propriam speciem. Et ista ratio secunda magis specificabit primam. Videmus quidem, quod aliquando non solum individuatur per sua susceptiva, sed etiam specificantur & determinantur ad speciem per subjecta sua, & tales sunt propriae passionis: propriae enim passionis ex sua essentia videntur esse in genere: ideo in definitione talium subjectum ponitur quasi differentia determinans ad speciem: ut sicut animal est quid commune ad hominem & ad brutum; additum autem rationale constituit hominem: quia homo est animal rationale; additum autem irrationale constituit brutum: quia animal irrationale est. Sic cavum est quid commune ad simum & ad rictum, sed si addatur ei nasus constituit simum: quia simum est nasus cavus; si addatur ei crus constituit rictum: quia rictum est cavum in crure, vel rictitas est cavitas cruris; sicut simitas est cavitas in naso. Nasus ergo & crus ad cavum in constitutione simi & ricti se habent, sicut rationale & irrationale ad animal in constitutione hominis & bruti: sed nihil potest intelligi esse sine essentia; & sicut non potest intelligi esse sine essentia, ita nec fieri. Unde non est intelligibile, quod fieret simum sine naso, neque rictum sine crure: & quia esse determinatur ad speciem per essentiam, in qua recipitur, non est intelligibile, quod fiat esse sine essentia.

Declarabitur quidem, quod esse per essentiam, in qua recipitur, non solum individuatur, sed etiam per eam determinatur ad speciem & ad genus. Et, ut magis appareat quod dicitur, imaginemur, quod aliquis habeat magnum nasum; aliquis verò parvum crus: ita quod nasus unius aequetur cruri alterius, quo posito, intelligamus ferrum aliquod, vel instrumentum aliquod unum & idem, quod faciat cavitatem in illo naso & in illo crure: illa autem cavitas recepta in naso erit simitas; & ab eodem instrumento recepta in crure erit rictitas; sed cum rictum & simum dicant cavitates differentes specie, patet, quod ex sola determinatione ad subjectum sit ista specificatio. Vel ideo hoc est

A cavum illud verò rictum: quia hoc recipitur a naso, & illud a crure. Ponamus autem per impossibile, quod cavum separaretur a naso & a crure, hoc posito, nec illud erit simum, nec illud rictum: quia non haberet per quod esset simum, cum amotum sit subjectum, per quod determinabatur ad talem speciem; nec illud haberet per quod esset rictum, cum amotum sit crus, per quod specificabatur.

Sed fortè dices, quod si simpliciter separaretur cavum a naso sine aliquo alio, non haberet per quid specificaretur: eodem modo dicendum esset de cavo separato a crure; sed subtracto naso poterit separari cavum; tamē simum cum tota figura nasi, & rictum cum tota figura cruris remaneret: cuius simile videmus in Sacramento altaris, quod, conversa substantia panis, remanet eadem figura panis: ita virtute Divina amota substantia nasi, & conversa in aliquid aliud, poterit remanere figura nasi: sic etiam poterit remanere figura cruris, quo posito, cavum sic separatam a crure erit rictum; non quia sit cum crure, sed quia est cum figura cruris: & separatam a naso erit simum, non quia sit cum naso, sed quia est cum figura nasi, & per hoc specificatur & determinatur ad speciem. Sed talis obiectio, quantum ad propositum spectat, non obviat. Arguetur enim ex hoc, quod esse per se non poterit produci: quia tunc produceretur aliquid, quod non esset in specie, sed oportet, quod producat vel cum ipsa essentia, vel cum aliquibus pertinentibus ad ipsam essentiam: sicut simum non potest produci sine naso, vel sine aliquibus pertinentibus ad nasum: sed utrum hoc sit possibile, quod producat esse non cum essentia, sed cum aliquibus pertinentibus ad essentiam, non est præsentis speculationis. Hoc tamen concessio, habemus intentum: quia propter hoc hanc questionem suscepimus, ut probaremus, quod non potest produci esse per se, nec sine aliquo alio. Et ut magis pateat, quænam sunt, dicemus, quod simum est accidens & est accidens individui, & est accidens determinatum ad speciem, sed accidens est in quantum est aptum natum inesse, sed individuum & determinatum ad speciem in quantum actualiter inest. Et ideo in Sacramento Altaris remanet accidens sine subjecto, quod ideo est accidens non quod

Replica
di&a.

Solutio
pica.

Aliquod est
accidens in
quantum est
aptum natum
in esse, sed
individuum
& determinatum
ad speciem, in quo
actualiter
inest.

quod accidat, vel quod actualiter insit; sed quia est aptum natum accidere, est aptum natum inesse: sed Deus non posset facere accidens sine subiecto; quod nec actualiter accideret, vel inesset, nec esset aptum natum accidere, vel inesse: quod tunc illud non esset accidens, sed substantia, & sic facere accidens sine subiecto non esset facere accidens esse accidens, sed accidens esse substantiam. Deus ergo non potest facere accidens sine subiecto, quod actualiter accidat: implicaret enim contradictionem, quod actu accideret, & non esset actu in subiecto: sed sicut quodlibet accidens ex hoc est accidens, non ut est ens; sed ut est entis, & ut comparatur ad subiectum, ita multa accidentia ex hoc sunt individua, non ut sunt quædam entia in se, sed ut sunt entis, & ut comparantur ad subiectum: ergo sicut non est possibile de aliquo accidente, quod actualiter accidat, & actu non sit in subiecto, ita non videtur possibile, quod aliquid, quod est aptum natum individuari per subiectum, sit actu individuum, & non actu sit in subiecto. Et quia omnis factio respicit non solum quod est aptum natum esse individuum, sed etiam quod est actu individuum, nunquam intellectus noster capere potuit, quod aliquod accidens, cui non competere individuationem per se, sed per subiectum, posset actu esse sine subiecto.

Non est intelligibile, quod accidens, cui non competere individuationem per se, sed per subiectum, posset actu esse sine subiecto.

Et quod dictum est de individuatione per subiectum, multo magis veritatem habet de eo, quod determinatur ad speciem per subiectum: quia sicut non fit, nec potest esse in rerum natura, nisi quod est aptum natum actu esse individuum, & actu hoc, ita multo magis nec potest fieri, nec esse in rerum natura, nisi quod est actu determinatum ad speciem. Possumus autem intelligere, quod sit aliquid in rerum natura, & quod non actu accidat, nec actu sit, sed sit aptum natum accidere & inesse: ideo possumus intelligere, quod Deus faciat accidens sine substantia: sed non possumus intelligere, quod aliquid fiat, vel sit actu in rerum natura, & non actu sit individuum, vel non actu sit determinatum ad speciem. Et quia esse hoc solo modo individuatur, & hoc solo modo determinatur ad speciem, ut

recipitur in essentia: ideo quidquid cavillaretur in aliis, de ipso esse non videtur habere dubium, quod sine essentia fieri non possit.

Tertia via sumitur ex eo, quod res comparatur ad suam genus. Imaginabilem quidem, quod propter hoc res indiget conservari a Deo: quia ad momentum res non stare, nec ad istum oculi, si Deus Deum se subtraheret ab ea: ut vult Aug. 4. super Gen. cap. 12. quod natura rei non est sufficiens causa dare esse ipsi rei, nisi ut est conjuncta Primo principio: ideo si ad momentum Deus se subtraheret a re, statim deficeret esse rei, & per consequens statim defineret esse illa res. Imaginabilem ergo, quod in dando esse rebus, verificatur imaginatio Dionysij de ipso Deo: ait enim ipse 4. de Div. nom. *Ut enim ipse non esset, non cogitatione aut voluntate, sed eo ipso quod est, omnia illustrat, quæ ejus lumine pro modo suo capere possunt: sic etiam ipsum bonum... per se, ipsaque essentia sua iis, quæ sunt omnibus, pro eorum capta, totius bonitatis radios emittit, per quos res sunt, vivunt, & exsunt.* Deus ergo cuilibet creaturæ sive essentia commodat tantum de esse, quantum potest recipere. Esse ergo in qualibet re est esse a Deo secundum modum essentia rei, & secundum quod res potest ipsum participare. Tota ergo diversificatio ipsius esse erit ex parte recipientium: & quia per essentiam determinatur ad aliud & aliud genus, vel ad aliam & aliam speciem, vel ut sit aliud & aliud individuum, per quod diversificatur, cum tota diversificatio ipsius esse sit ex parte recipientium essentiarum, ipsum esse determinatur ad genus & ad speciem, & individuatur per essentiam, in qua recipitur: igitur bene intelligenti quid est ipsum esse, & quomodo determinatur ad genus & ad speciem, & quomodo individuatur per essentiam, in qua recipitur, non videtur esse dubium, quod esse sine essentia produci non possit. Nam quod esset esse alicujus, & non esset illa essentia, ejus esset esse, non videtur intelligibile.

Respond. ad arg. Ad 1. dicendum, quod non est simile de forma respectu materia, & de esse respectu essentia: quia forma non sic determinatur ad genus & ad speciem per materiam, sicut esse per essentiam: differre enim forma est differre specie, & principaliter a forma sumitur ratio

Nō est simili-
 ratio de
 forma respo-
 ſu materiæ
 & de eſſe
 reſpectu ef-
 ſentia, ut ſi
 illa poſſet ef-
 ſe ſine mate-
 ria, etiā eſſe
 ſine eſſen-
 tia.

Comm. ſup.
 8. Phyſ.

ſic commu-
 niter accep-
 tum ad eſſe
 eſſentia, &
 ad eſſe exi-
 ſtentia.

Quæſt. ſeq.
 3. Propter quod
 ſcitur.

tio ſpeciei & etiam generis. Rurſus inve-
 nimus formas, quæ per ſe ipſas individuā-
 tur, ut formæ ſeparatæ; ſed non inveni-
 mus aliquod eſſe creatum, quod indivi-
 duetur niſi ex eo, quod recipitur in eſſen-
 tia: ideo non ſequitur, ſi Deus poteſt pro-
 ducere formam ſine materia, quod poſ-
 ſit producere eſſe ſine eſſentia. Vel poſſu-
 mus dicere, quod eſt de ratione cujuſli-
 bet effectus, quod ſit compoſitus ex
 potentia & actu: & quia hoc eſt de ratio-
 ne agentis cujuſlibet, quod nō poſſit pro-
 duci ab eo aliquid, quod repugnet ipſi
 producto, ut vul Commentator ſuper 8.
 Phyſ. non poterit fieri aliquid, quod non
 ſit compoſitum ex potentia & actu. Er-
 go ſi fiat forma ſine materia, adhuc poſ-
 ſumus ibi ſalvare compoſitionem ex po-
 tentia & actu: quia illa forma haberet ali-
 quod eſſe, & ita eſſet ibi compoſitio ex
 eſſentia & eſſe; ſed quia ſi fieret ipſum eſſe
 per ſe, non poſſemus ibi ſalvare talem
 compoſitionem: ideo non eſt ſimile hic
 & ibi. Ad 2. dicendum, quod non poteſt
 intelligi eſſe ſine eſſentia. Et quod argui-
 tur: quia *Prima rerum creatarum eſt eſſe*, Et
 ideo poteſt intelligi ſine eſſentia: quia
 primum poteſt intelligi ſine poſteriori.
 Dici debet, quod ibi *eſſe*, quod dicitur
 eſſe *Prima rerum creatarum*, Accipitur cō-
 munitè, & ſic acceptum dicitur eſſe pri-
 ma rerum creatarum: quia intellectus
 communis præcedit intellectum ſpecia-
 lem. Vnde non accipitur ibi eſſe, prout
 eſſe diſtinguitur ab eſſentia; ſed prout ac-
 cipitur cōmunitè ad eſſe eſſentia & exi-
 ſtentia: quod patet per probationem ibi
 adductam. Dicitur enim ibi, quod pri-
 ma rerum creatarum eſt eſſe: quia non
 eſt eo creatum aliquid prius, ſed de hac
 poſitione quomodo ſit intelligenda
 in ſequenti quæſtione plenius dicitur;
 ſufficiat autem modò ſcire, quod non ar-
 guit argumentum ex recto intellectu
 poſitionis. Ad 3. dicendum, quod
 præſupponere aliquid eſt dupliciter; vel
 ratione producentis, vel ratione produ-
 cti. Ratione producentis Deus nihil præ-
 ſupponit; ſed ratione producti: ut ſi
 productum ſit tale, quod hoc requiratur,
 Deus non poſſet facere illud ſine illo, ut
 quia res materialis requirit materiam,
 Deus non poſſet facere rem materialem
 ſine materia: ut non poſſet facere lapi-
 dem, niſi faceret formam lapidis in ma-
 teria: & quia repugnaret ipſi factioni, &

A ipſi facto, ſi fieret eſſe ſine eſſentia,
 ideo hoc fieri non poteſt. Ad 4. dicen-
 dum, quod non eſt ſimile de ente apud
 animam, & de effectū Divino: quia ens
 apud animam non eſt aliquid in ſe, ideo
 nihil poteſt conſiderari circa tale ens,
 quod repugnet ipſi enti; ſed ipſe effe-
 ctus Divinus eſt aliquid in ſe, & aliquid
 in rerum natura, ideo aliquid poteſt re-
 pugnanare ipſi effectui: & ideo non poteſt
 aliquid fieri cum repugnantia ſui ipſius.
 Vel poteſt aliter ſolvi: quia ipſis entibus
 apud animam, & ipſis conceptibus ani-
 mæ ſubſternitur anima, quaſi ſubjectum
 & quaſi materia: & ideo ſi eſt ibi actio,
 vel factio, aliquid eſt ibi ut actus, & ali-
 quid, in quo recipitur actus; ſed Deus nō
 ſubſternitur tanquam materia, vel tan-
 quam ſubjectum ſuis effectibus. Et quia
 non poteſt fieri actus ſine potentia, nec
 ſit aliquid niſi compoſitum ex potentia
 & actu, id circo, quia ipſi eſſe creato
 non poteſt ſubſterni ipſe Deus tanquam
 potentia recipiens actum, oportet, quod
 ei ſubſternatur aliqua eſſentia, in qua re-
 ciptur eſſe, ut non fiat nec hoc per ſe,
 nec illud: ſed fiat hoc in illo, vel hoc ſub
 illo. In hoc enim eſt tota vis faciendæ:
 quia non ſit niſi compoſitum: & quia
 nullum agens poteſt facere, quod repug-
 nat ipſi facto, ideo nullum poteſt facere
 niſi compoſitum. Ad 5. dicendum, quod
 omnis actus cauſatus ab aliquo requirit
 potentiam, in qua recipiatur: quia, ut
 ſæpius dictum eſt, non ſit niſi compoſitū
 ex potentia & actu. Sed hæc differentia
 inter actum, qui produciatur per transmu-
 tationem potentia receptivæ, & actum
 qui produciatur ſine tali transmutatione:
 quia actus productus per talem transmu-
 tationem tempore præſupponit potentia
 paſſivam & receptivam; ſed actus pro-
 ductus ſine transmutatione ſimul produ-
 citur cum ipſa potentia. Advertendum
 tamen, quod cum dicimus, quod non
 produciatur niſi compoſitum, non inten-
 dimus loqui de productione, prout habet
 eſſe in Divinis: quia ibi alia ratio refor-
 mat actum; ſed prout habet eſſe in crea-
 turis, ubi nunquam produciatur actus ſi-
 ne potentia, nec eſt converſo: & ideo
 nunquam eſſe ſine eſſentia eſt, nec eſt con-
 verſo. Ad 6. dicendum, quod non eſt ſi-
 mile de accidente reſpectu ſubjecti, & de
 eſſe reſpectu eſſentia: quia ad hoc, quod
 ſit accidens, non oportet, quod actu ac-
 cidat,

Differentia
 inter actum
 productum
 per transmu-
 tationem po-
 tentia recep-
 tivæ, & ac-
 tum produ-
 ctum ſine ta-
 li transmuta-
 tione: quia
 hic produci-
 tur cum ipſa
 potentia, il-
 le verò tem-
 pore præſup-
 ponit eam.

Quæst. se-
quenti.

cidat, vel quod actu insit; sed sufficit, quod sit aptum natum accidere & inesse: sed ad hoc, quod esse actu sit, ut diffusius declarabitur, oportet, quod actu sit in essentia, per quā individuatur, & determinatur ad speciem & ad genus. Ad 7. dicendum, quod non est questio nostra: utrum unum agens possit producere essentiam, & aliud possit producere esse? Sed querimus: utrum possit produci esse, quod non sit in essentia? Et utrum possit produci essentia, quæ non exeat per esse, qualecunque sit illud esse? Vtrum sit sui generis, secundum quod naturaliter existit substantia, vel secundum quod miraculose existit accidens in Sacramento altaris? Vel non sit sui generis, secundum quod naturaliter existit accidens, quod existit per esse subiecti, vel per esse substantiæ? Vel secundum quod virtute Divina (ut multi ponunt.) existit humana natura in Verbo? Dicunt enim plures, quod ab illa natura non fluxit aliquod esse, sed existit per esse Verbi. Ratio ergo non est ad propositum: quia agens naturale in generatione hominis, dato quod inducat ibi aliquam formam aliam ab anima, non cavabit essentiam, quæ sit sine esse: sed causabit essentiam, quæ existet per esse non causatum ab eo, sed causatum à Deo. Ad 8. dicendum, quod Deus est agens voluntarium, & assimilat sibi effectum, quantum effectus potest recipere; sed effectus propter hoc non potest recipere, quod sit esse sine essentia. Ad 9. dicendum, quod esse habere esse absque eo, quod sit in essentia, quæ sit alia res ab eo, non implicat contradictionem in Deo: sed in creatura: si ergo Deus posset facere unum alium Deum, posset facere esse, quod non indigeret alia essentia; sed non valet, quod hoc modo possit simpliciter facere creaturam. Ad 10. dicendum, quod esse indiget essentia, & è converso: nec est ibi circulatio, quia non est hic esse eodem modo: quia essentia indiget esse tanquam actu, per quem perficitur, & esse indiget essentia tanquam potentia, in qua recipitur, & per quam sustentatur. Nam non est circulatio in causis; & tamen videmus aliquid duo sic se habere, quod unum est causa alterius, & è converso: ut potentia est causa sanitatis, & sanitas causa potentis; sed propter hoc non est ibi propria circulatio: quia non est secundum idem

genus causa: sic in dependentia de esse & de essentia non est proprie circulatio, quia non est secundum eundem modum dependentiæ. Ad 11. dicendum, quod eadem ratione sit esse & essentia: non per se sit compositum, & ratione compositi dicuntur fieri partes eius: ergo supponebatur falsum. Vel possumus dicere, quod ratio illa teneat in his, quæ sunt per se: esse autem non sit per se, nec essentia. Ad 12. dicendum, quod non est questio nostra, ut dicebatur: utrum possit esse essentia aliqua sine esse sui generis? Sed utrum possit existere sine sui generis? Sive esse illud sit sui generis, sive non. Et per hoc patet solutio ad 13. quia & si materia fuit producta sine proprio esse, sive sine proprio actu: quia eidem secundum se non competit aliquis actus: non tamen fuit producta sine omni actu, nec sine omni forma: ut vult August. 12. Conf. cap. 6. Dicitur autem materia producta, informis, non quod esset sine omni forma, sed quia non esset, ut nunc est distincta per formas.

QVÆSTIO XII.

Utrum creatura posset annihilari, si non differret in ea realiter essentia & esse?



DODECIMO. queritur: utrum creatura posset annihilari, si non differret in ea realiter essentia & esse? Et videtur, quod sic: quia Deus potest producere aliquid nullo præsupposito: ergo potest annihilare nullo præsupposito. Ad hoc igitur, quod res possit annihilari à Deo, non oportet, quod sit ibi aliquid receptum in alio, nec quod sit esse receptum in essentia. Præterea: in productione rei illud idem, quod erat potentia tale, fit actu tale: non ergo in re producta aliud est ibi potentia, aliud est ibi actus, sed illud idem, quod erat potentia, fit actu: poterit ergo res produci absque eo, quod sit composita ex potentia & actu realiter distincta.

In dependentia de ente, & essentia non est circulatio, quia non secundum eundem modum est dependentia unius ab alio.

rentibus, & per consequens absque eo, quod sit composita ex essentia & esse: & si poterit sic produci, poterit annihilari. Præterea: illud, quod de se determinatur ad esse, ad hoc, quod producat, non oportet, quod ei superaddatur aliud esse: sed essentia, ut probabitur, de se determinatur ad esse: ergo poterit produci absque eo, quod sibi superaddatur esse, & per consequens poterit annihilari. Quod autem essentia de se determinetur ad esse, patet: quia si de se non determinaretur, posset esse nunc sub uno esse, nunc sub alio, quod nullus diceret. Præterea: secundum August. 8. *Sup. Genes. capit. 19.* Deus non solum est causa efficiens rerum, sed conservans, non igitur oportet ibi ponere aliam compositionem ad hoc, quod res annihilentur, sed ex sola subtractione Divinæ influentiæ annihilabuntur. Præterea: in creatura non est aliqua potentia, per quam possit creari: ergo non oportet, quod sit in ea aliqua potentia, per quam possit annihilari: poterit igitur annihilari absque eo, quod sit composita ex potentia & actu. Præterea: in Sacramento altaris est essentia sine esse: quia est ibi accidens sine subjecto: quia accidens illud habebat esse per esse subjecti, subjecto autem non manente, non manebit illud esse, per quod existebat essentia ejus accidentis: erit ergo ibi essentia sine esse; sed illa essentia accidentis potest annihilari: poterit igitur aliquid annihilari absque eo, quod sit compositum ex essentia & esse. Præterea: intentiones sive formæ intentionales, quæ sunt à virtute finita, dicuntur per se generari: si ergo virtus finita potest essentiam aliquam generare per se, multo magis hoc poterit Deus: & si poterit Deus, ipsam essentiam producere per se, poterit eam per se annihilare: non ergo oportet, quod sit ibi compositio ex essentia & esse ad hoc, quod possit annihilari. Præterea: essentia, eo ipso quod est creata, est participata, & est quid per participationem: & esse, eo ipso quod est creatum, est quid participatum; sed omne tale potest deficere: non ergo oportet, quod sit compositio ibi ex essentia & esse, sed quodlibet eorum de se poterit deficere, eo ipso quod est quid participatum. Præterea: Deus, cum sit natura intellectualis, agit intelligendo, sed actio intellectus potest terminari ad unum absque eo, quod ter-

minetur ad aliud, quantum est de se, quamvis illa duo sint in in eodem: ut possum cognoscere coruscum, & non cognoscere venientem, quamvis idem sit coruscus & veniens: poterit ergo actio Divina terminari ad essentiam, & non ad esse, & è converso; quamvis in eodem sint essentia & esse: & si potest actio Divina terminari ad unum sine alio, poterit produci unum sine alio, & per consequens annihilari. Præterea: aliquid dicitur esse compositum ex sola dependentia ad alterum: sufficit ergo, quod creatura dependeat à Deo ad hoc, quod sit composita, & ad hoc, quod possit deficere: non igitur oportet, quod in ea differant essentia & esse; sed ex sola dependentia salvabimus creationem, & annihilationem. Præterea: in ipsa essentia possumus salvare potentiam & actum: quia una & eadem essentia respectu unius est potentialior, respectu alterius actualior: si ergo in ipsa essentia absque esse possumus salvare rationem potentiæ & actus, ipsa essentia absque esse poterit creari, & etiam annihilari. Præterea: per eandem potentiam res producitur, & destruitur: sed non sunt productæ per potentiam, quæ sit in eis, sed per potentiam, quæ est in Deo: ergo non oportet, quod sint compositæ ex potentia & actu ad hoc, quod sint destructibiles, sed ex sola potentia Dei poterunt destrui.

In contrarium est, quod sicut se habet materia ad formam respectu generationis & corruptionis, ita se habet essentia ad esse respectu creationis & annihilationis: sed res non essent generabiles, & corruptibiles, nisi essent compositæ ex materia & forma: ergo non essent creabiles & annihilabiles, nisi essent compositæ ex essentia & esse. Præterea: annihilari idem est quod perdere esse: si igitur idem esset in rebus essentia & esse: quia essentia non posset perdere se ipsam, non posset perdere esse, & per consequens non posset annihilari. Præterea: unum contrariorum non est in potentia ad aliud; sed oportet dare tertium subjectum, quod modo sit sub uno, modo sub alio: non esse ergo non est in potentia ad esse, sed oportet dare tertium, ut essentiam, quæ prius sit sub non esse, & postea virtute Divina acquirat esse.

Si in creatura non differret realiter essentia ab esse, ipsa creabilis non esset, & per consequens nec annihilabilis.

Respondeo dicendum, quod quidquid non potest annihilari, non potest creari. Nam secundum Damasc. libro 1. cap. 3. *Quorum natura à mutatione initium duxit, ea mutationi quoque subint, necesse est. Et subdit: Si autem increata, sequitur profectio, ut mutari nequeant.* Quidquid ergo non est creabile non est annihilabile. Illud est ergo querere si res aliqua non esset realiter composita ex essentia, & esse, ac utrum esset quid creabile? Propter quod secundum quod Magistri circa hanc materiam visi sunt velle, posito quod in rebus non esset compositio ex essentia & esse, loquendo etiam de naturali cursu rerum, res essent creabiles & annihilabiles, imò secundum eos non bene possumus salvare creationem in rebus, ponendo talem compositionem in ipsis. Hoc igitur ordine prosequemur questionem propositam: quia primo narrabimus dicta Magistrorum in hac materia. Secundo improbabitur ea, & assignabimus dubitationes, quas habemus in dictis illis. Tertiò & ultimò adducemus rationes ad propositum ostendentes, quod creatura non posset annihilari, nisi esset in eis compositio ex essentia & esse. Verum quia ipsi positionem suam diffuse ponunt & intricate narrant: ut lucidius eorum intentionem narremus, non tenebimus ordinem, quem ipsi tenent in questione sua, sed hoc ordine procedemus: quia primo narrabimus rationes eorum, quas faciunt, quod non possit salvari creatio, si ponatur talis compositio in rebus. Secundo narrabimus distinctiones, quas pro se faciunt, ut evitent difficultates contra se factas. Tertiò narrabimus ea, quæ adducunt pro se ad confirmandas rationes, quas prius fecerant. Quarto & ultimò ostendemus, quomodo exponunt auctoritates contra se factas.

Propter primum sciendum, quod creatio potest considerari tripliciter. Primo, ut consideratur in se. Secundo, ut comparatur ad generationem. Tertiò, ut refertur ad modum, secundum quem po-

Animus eam fieri. Secundum hoc tripliciter medio potest probari, quod non possumus salvare creationem, si ponamus res sic esse compositas.

Prima via sic patet. Nam creare est agere nullo præsupposito: ponens ergo ratio quod nunquam producit creatura, nisi quia in essentia ejus producat esse, ponit quod nunquam producat esse creaturæ, nisi præsupposita essentia, in qua recipiatur, sed hoc est contra rationem creationis, quod fiat productio alicujus ex præsuppositione alterius, idè sic ponendo, creationem salvare non possumus. Secunda via sumitur, si comparatur creatio ad generationem: quia generatio fit ex eo, quod educitur actus de aliquo possibili: ut quod educitur forma de potentia materiæ; in creatione vero non fiteductio actus de aliquo possibili, sed si non produceretur creatura, nisi produceretur esse in essentia: cum esse dicatur actus essentia, & essentia dicatur quid possibile respectu esse, videtur, quod, hoc posito, in tali productione educatur esse de essentia: quia quando fit compositum ex actu & potentia, in tali facione actus educitur de potentia: talis ergo productio non esset creatio, sed generatio. Hæc autem ratio parum concludit, nec ipsi videntur eam simpliciter facere, sed (ut videtur) eam faciunt supponendo aliorum dicta. Tertia ratio contra hoc sumitur, si consideratur creationis modus. Dicimus enim, quod in creatione esse recipitur, & hoc modo fit creatio rerum, & res producit a Deo: quia in essentia eorum recipitur esse. Contra hoc ipsi arguunt, quod esse non recipiatur in alio: imò omnia alia recipiuntur in esse: quia (ut dicitur 4. propositione de causis) *Prima rerum creaturæ est esse.* Et in 18. propositione illius libri scribitur: *Esse est per creationem; cetera vero sunt ex informatione.* Si ergo esse est prima rerum creaturarum, & cetera se habent per informationem ad esse: quia semper primum est fundamentum omnium aliorum, esse non recipiatur in aliis, sed erit fundamentum omnium aliorum: & omnia alia recipiuntur in esse. Rursus, quia quæ se habent per informationem, recipiuntur in eo, quod informant: quia omnia alia se habent per informationem ad esse, omnia alia recipientur in esse. Dato ergo, quod simul creetur esse & essentia,

tia, nō tamē erit ille modus creationis, qui ponebatur, videlicet, quod esse creatur in essētia, sed magis essētia creabitur in esse.

Assignatis rationibus, quas faciunt contra ponentes, quod creatur in essentia, & contra opinantes, quod nihil creetur nisi cōpositum ex essentia & esse; volumus assignare distinctiones, quas faciūt pro se, ut evitent difficultates circa hanc materiā; sunt autē huiusmodi distinctiones tres. Nā unā distinctionē faciunt de ipso possibili; aliam de ipsa essentia; & tertiam de ipsa differentia, sive de ipsis modis differēdi. Distinguūt enim de ipso possibili, dicentes, quod possibile est duplex, videlicet, subjective, & objective, vel terminative: ut materia est quid possibile subjective, quia subicitur actui sive formæ; sed possibile terminative est ipsa forma, quæ terminat ipsam materiam, & terminat actionem agentis: imō, si vellemus, possemus distinguere triplex possibile: quia materia est quid possibile subjective: quia subicitur formæ; formā est quid possibile terminative, quia terminat & perficit ipsam materiam; ipsum verō cōpositum, & quid quid potest per se fieri, est possibile objective: quia est idem, quod potentia agentis respicit tanquam objectum: & tale possibile objective posset etiam dici possibile terminative: quia tale possibile est id, ad quod terminatur actio agentis. Aliam distinctionem faciunt de ipsa essentia: dicunt quidem, quod quædam essentia est, quæ proprietate suæ essentia est, & talis essentia est ipse Deus, qui est ipsum esse, & proprietate suæ essentia habet quod sit; sed essentia creaturæ non est proprietate suæ naturæ, sed creatura ex hoc habet, quod sit, ut refertur ad suum efficiens, ut est effectus Dei: & ideo, ut dicunt, creatura non est proprietate suæ essentia, sed est quædam extrinseca participatio: & ista participatio pertinet ad prædicamentum de accidente eo modo, quo relationes accidunt suis fundamentis: unde dicūt, quod esse supra essentia non addit nisi respectū tantū.

Tertiam distinctionem faciunt de ipso differre, dicentes: quod triplex est differre, scilicet, re, ratione, & intentione. Nam, ut dicunt, accidens & subiectum differunt re, diffinitum & diffinitio differunt ratione, genus autem & differentia differunt minus, quam accidens &

subjectum: ergo est dare medium inter differre re & rationē: istud autem differre medium vocant differre intentionē. Secundum autem has tres distinctiones solvi possunt tres difficultates, quæ fiebant contra eos. Posset enim tripliciter argui, quod oporteat, quod esse ab essentia differat: nam nos intelligimus per essentiam aliquid, quod sit possibile esse, tunc ergo arguatur sic: nihil potest actu esse per id, quod est possibile esse, nisi illi possibili addatur aliquis actus, per quem actu sit: ut si materia est possibilis ut extendatur, nunquam per materiam poterit aliquid esse actu extensum, nisi illi materiæ superaddatur quantitas, per quam actualiter extendatur: si ergo essentia est quoddam possibile esse, nunquam ergo per essentiam poterit aliquid actu esse, nisi illi essentiæ superaddatur actualitas aliqua, per quam essentia illa actu sit: & illa actualitas, quæ oportet superaddi essentiæ ad hoc, quod actu sit, vocatur esse: & ideo creatura per suam essentiam non potest actu esse, nisi illi essentiæ superaddatur esse. Solus autem Deus habet essentiam, per quam essentiam suam absque alio superaddito actu est, quia sua essentia non est quoddam possibile esse, sed est ipse actus & ipsum esse. Et, ut sensibilibus loquamur, ponamus, quod Deus velit aliquam creaturam nunc de nihilo facere, oportet, quod essentia illius creaturæ non sit necesse esse, quia tunc non indigeret factiōe: nec sit impossibile esse, quia tunc non posset fieri: oportet igitur, quod ipsa essentia creaturæ dicat aliquid, quod sit possibile esse. Si ergo Deus istud, quod est possibile esse, vult facere actu esse, vel oportet, quod ipse imprimat se ipsum ei ad hoc, quod id, quod est in potentia ad esse, habeat actu esse, vel oportet, quod ei imprimat aliquam actualitatem aliam, per quam illud possibile esse, actu sit; sed constat, quod ipse se ipsum non potest imprimere ipsi essentiæ creaturæ: oportet igitur, quod ei imprimat actualitatem aliquam aliam, per quam ipsa essentia, quæ est quoddam possibile esse, accipiat quod actu sit. Hæc autem difficultas videtur tolli per distinctionem factam de possibili. Nam cum dicitur per id, quod est possibile esse, nō potest quid actu esse, nisi illi possibili addatur actualitas aliqua. Dicit potest, quod

Ad solvendum propositum, rationem primam distinguunt etiam ab esse.

Horum duplex distinctio de possibili subjective, & objective.

Alia distinctio de essentia.

Triplex etiam distinctio de differre, scilicet re, ratione, & intentione.

Solventes
eam dicunt,
quod possi-
bili subjecti-
vè, ut mate-
rie debet
addi aliqua
actualitas ut
sit, sed ut
possibile
subjectivè sit,
& existat,
sufficit quod
ad ipsum ter-
minetur ac-
tio agentis.

verum est de possibili subjectivè, ut ma-
teria, quæ subieitur extensioni, & quia
est quoddam possibile subjectivè respec-
tu extensionis, non potest esse actu ex-
tensa, nisi superaddatur quantitas, quæ
est essentialiter quædam extensio. Sed
non est sic in proposito: nam cum di-
cimus, quod essentia creaturæ est quod-
dam possibile esse, non est intelligendum
subjectivè, ut quod ipsa essentia crea-
turæ subijciatur ipsi esse, secundum quod
materia subijcitur formæ, vel secundum
quod subjectum subijcitur accidenti; sed
hoc est intelligendum objectivè vel ter-
minativè, ut ipsa essentia creaturæ est
quoddam possibile esse objectivè, quia
est id, quod potentia agentis respicit tan-
quam objectum & tanquam id, ad quod
potest terminari agentis actu facere, vel
ipsa essentia creaturæ est quoddam po-
tentiale terminativè: quia est ad quod
potest terminari actio agentis: ad hoc
ergo, quod illud possibile esse, actu sit,
non oportet, quod ei superaddatur actus
aliquis informans ipsum possibile esse:
quia huiusmodi possibile esse non est
impossibile subjectivè, nec incipit actu
esse per informationem; sed ad hoc, quod
illud possibile esse incipiat actu esse, suf-
ficit, quod ad ipsum terminetur actio
agentis, quod sit tale possibile; quod
potentia agentis respiciat ipsum tan-
quam objectum: quia, ut dicebatur hic,
potentia possibile non oportet quod sit
possibile subjectivè; sed sufficit, quod
sit possibile objectivè vel terminati-
vè.

Propositio
secundæ ra-
tionis.

Ad quæ res-
pondent, &
2. distinctio-
ne quod es-
sentia, quæ
proprietate
sue naturæ
habet, quod
sit, est ipsa
esse, quod esse creaturæ esset idem realiter cum suo
nec acqui-
rere, nec per-
dere potest,
sed essentia,
quæ non pro-

Secunda difficultas circa hanc mate-
riam, quod oportet esse differre ab es-
sentia, talis est, quia si non differret rea-
liter, tunc essentia creaturæ esset realiter
idem, quod suum esse: sed nihil acqui-
rit se ipsum, & nihil acquirit illud, quod
est idem realiter cum ipso: si ergo esse
creaturæ esset idem realiter, quod
suum esse, non posset acquirere esse, nec
posset incipere de novo esse, sed oportet
etiam eternam esse. Rursus nihil po-
test separari à se ipso, nec potest perde-
re se ipsum, nec potest separari ab eo,
quod est idem realiter cum eo: si ergo
esse, non posset annihilari, nec posset
perdere suum esse. Hæc autem diffi-
cultas videtur tolli per secundam distin-
ctionem. Nam, ut dicebatur, quædam

essentia est, quæ proprietate sue naturæ
habet, quod sit, ut essentia Divinæ quæ-
dam verò non à proprietate sue naturæ
sed quadam extrinseca denominatione,
& ut habet respectum ad agens, & ut est ef-
fectus agentis habet, quod sit in esse:
cum ergo dicitur, quod si essentia crea-
turæ esset idem realiter cum suo esse, non
posset acquirere esse, nec perdere esse: ve-
rum est, si sic esset realiter idem cum
suo esse, quod proprietate sue naturæ
esset; sed, ut dictum est, essentia crea-
turæ quadam extrinseca denominatione,
& ut habet respectum ad agens, dicitur
esse: & quia hanc extrinsecam deno-
minationem, & hunc respectum potest
acquirere & perdere, ideo potest acqui-
rere & perdere esse.

Tertia difficultas circa hanc mate-
riam est: quia si aliqua duo ita se habent,
quod dicant unam & eandem rem, licet pro-
fortè unum possit intelligi non intellecto
alio; impossibile est tamen, quod unum
intelligatur cum opposito alterius, ut si
unum & ens dicunt unam & eandem rem:
quia intellectus entis præcedit intellectu
unius: quia una & eadem res prius intel-
ligitur, quod sit ens, quam quod sit una,
& quod habeat esse positivum, &
quod sit hæc res, quæ est ipsa, quam in-
telligatur, quod habeat esse negativum,
& quod sit distincta à re alia, & indistin-
cta à se ipsa. Primum ergo concipitur
ab intellectu de re, ut est ens & esse: &
quia primum potest intelligi, non intel-
lecto posteriori, fortè poterit intelli-
gere intellectus rem aliquam esse ens, quod
non intelliget ipsam esse unam: sed
quod possit ipsam intelligere cum op-
posito unius, hoc est impossibile: quia
cum unum in qualibet re sit idem, quod
ens, si intelligeretur res esse ens cum op-
posito unius, intelligeretur res esse ens
cum opposito entis. Et, ut fortificemus
hanc difficultatem, dicemus: quod res
non solum non potest intelligi cum op-
posito ejus, quod per se habitudinem ha-
bet ad ipsam: ut si proprium habet per
se habitudinem ad suum susceptibili-
le, & non ut accidens, quia poterit intelli-
gi subjectum cum opposito accidentis; sed
non cum opposito proprii: ut potest
subintelligi corvus albus & Ariops ni-
tens candore, ut testatus est ille Por-
phyrus; sed non potest intelligi homo ir-
risibilis, vel equus risibilis: possumus
enim

enim intelligere hominem non intellectu
 risibili, quia intellectus hominis præcedit
 intellectum risibilis, sed non possumus
 intelligere hominem cum opposito ri-
 sibilis: homo autem semper habet ad
 risibile habitudinem; sed non oportet,
 qui intelligit hominem, quod intelligat
 habitudinem illam; est tamen omnino
 necessarium, quod non possit intelli-
 gere homo cum opposito illius habitudinis:
 quia si cum opposito risibilis homo posset
 intelligi, homo posset esse res, quæ non ha-
 beret talē habitudinē: & quia res, quæ non
 habet talem habitudinem, necesse est
 quod non sit homo; si posset homo sic
 intelligi, posset intelligi hominē non esse
 hominem. Et si inter ea, quibus est per se
 habitudo, oportet servari hanc legem,
 quod unū non possit intelligi cum oppo-
 sito alterius, multo magis oportet hanc
 legem esse inter ea, quæ unam & eandē
 rem dicunt. Quare si essentia creaturæ,
 & ejus esse dicunt unam & eandem rem,
 poterit forte intelligi essentia non intel-
 lecto esse, si intellectus essentia præcedit
 intellectum ipsius esse; sed quod possit
 intelligi essentia cum opposito ejus,
 quod est esse, hoc est impossibile; quia
 tunc intelligeretur essentia cum opposi-
 to sui ipsius: cum positum sit essentiam
 & esse unam & eandem rem dicere. Hæc
 autem difficultas videtur tolli per distin-
 ctionem tertiam: nam, ut dicebatur, tri-
 plex est differre, scilicet re, ratione, & in-
 tentione: cum ergo dicitur, quod nihil
 potest intelligi cum opposito ejus, quod
 est idem re cum eo: verum hoc est si
 ita sit idem re, quod differat ratione tan-
 tum; si ita sit idem re, quod differat in-
 tentione, non est verum, quod patet
 per exemplum: nam genus est idem re
 cum differentia, tamen quia differt ab ea
 intentione, potest intelligi cum opposi-
 to ejus: ut potest intelligi animal
 cum opposito rationalis. Sic quantum-
 cunque essentia & esse creaturæ sint idē
 re: tamen quia differunt intentione, po-
 terit intelligi essentia cum opposito ip-
 sius esse: creatura igitur poterit intelli-
 gi non esse.

Triplici ra-
 tione persua-
 dentur essen-
 tiam ab exis-
 tentia non
 differre rea-
 liter.

A ferre realiter essentiam & esse, adduxe-
 runt tres rationes ad hoc probandum,
 & quia rationes illæ à nobis solutæ erāt,
 adduxerunt quædam ad confirmandum
 rationes illas, & ad removendum solu-
 tiones datas: fecerunt enim prius tres
 rationes ad hoc probandum, quod di-
 cant eandem rem essentia & esse. Prima
 talis: unitas, entitas, bonitas nullam re
 addunt supra essentiam rei: pari ratione
 & multo magis entitas nullam rem ad-
 det supra essentiam rei: ens ergo, unū,
 bonum, & verum nihil realiter addunt
 supra essentiam rei: res igitur erit ens
 per essentiam suam, & habebit esse per
 nihil additum realiter essentia suæ. Ad
 hoc autem respondebatur, quod ens u-
 no modo dicit ipsas essentias prædica-
 mentorum, & sic unaquæque res est ens
 per essentiam suam. Alio modo ens
 idem sonat quod existens: & sic qualibet
 creatura est ens, id est, existens non
 per essentiam suam tantum; sed per esse
 superadditum essentia suæ.

Prima ratio
 pro tali opi-
 nione.

Intelligimus quidem, quod quæ-
 libet creatura sit ens per essentiam,
 & sit ens per participationem: ut
 trumque invenimus satis communi-
 ter dictum, oportet ergo, quod ali-
 ter accipiatur ens, prout dicitur, quod
 unaquæque res est ens per essentiam suā,
 & prout dicitur, quod unum solum est
 ens per essentiam; cetera verò per par-
 ticipationem: utrumque enim verum
 est, quælibet enim res est ens per essen-
 tiam, prout ens dicit figuras prædica-
 mentorum; & omnia alia à Primo ente
 sunt ens per participationem, prout ens
 dicit quid existens: quia res licet sint in
 genere per essentiam, existunt tamen
 per esse superadditum ipsi essentia. Hæc
 autem solutio duo continet: primum
 est, quod ipsum esse sit quædam res ab-
 soluta superaddita essentia: secundum
 est, quod essentia creaturæ de se non
 sit tantæ actualitatis, quod possit actu
 existere, nisi ei superaddatur quædam ac-
 tualitas, & quædam perfectio, quam vo-
 camus esse: utrumque autem istorum,
 ut dicunt, falsum est. Nam quod esse sit
 quædam res absoluta, & quædam actua-
 litas superaddita essentia, falsum est (ut
 ajunt) quia, hoc posito, ipsum esse sua ac-
 tualitate posset per se existere: posset
 igitur existere esse sine essentia, quod
 nullus diceret. Rursus ad hoc, quod per
 esse

Solutio Do-
 ctoris ad opo-
 sita appo-
 bant.

essentiam actu existat, quod oporteat ei superaddi actualitatem aliquam absolutam, dicunt etiam falsum esse, sed sufficit (ut ajunt) quod ei superaddatur respectus aliquis ad agens. Nam illud idem secundum eos, quod est essentia, in se habet esse & existit: ut habet esse respectum ad agens, & ut habet esse effectus agentis.

Neque solutionem secundam rationis dei placet.

Secunda ratio eorum erat, quod si essentia non potest actu existere nisi per esse superadditum, oportet, quod & illud esse existat per aliquid superadditum: & quia non est abire in infinitum, standum est in primis. Dicendum est ergo, quod res existunt per suam essentiam, non per aliquam rem superadditam essentiae, sed si ipsi essentiae superaddatur aliquid ad hoc, quod res existat, illud superadditum non erit res, sed respectus tantum. Respondebatur ad hanc rationem, quod non oportet, quod si essentia non potest actu esse nisi per esse superadditum, quod & illi esse oporteat addi aliud esse superadditum: nam non oportet, si materia existit per formam, quod & illi formae superaddatur alia forma. Causa autem, quare non oportet, est: quia non eodem modo comparatur ad esse materia, & forma, & potentia; & actus. Nam materia est illud, per quod res potest esse & non esse: forma autem quantum de se est, secundum modum loquendi Philosophorum, non habet, quod possit non esse. Si autem habet, quod possit non esse, hoc est ratione materiae, in qua recipitur: propter quod si esset aliqua forma separata non recepta in materia, dicerent Philosophi, quod illa forma non posset non esse; sed deberet eam semper esse: ideo substantias separatas, quas ponimus formas per se existentes, dixerunt Philosophi aeternas esse: & quod ipsi dixerunt de materia & forma, nos dicimus de essentia & esse. Dicimus enim, quod quaelibet essentia creaturae potest esse & non esse: & dicimus, quod quaelibet creatura per suam essentiam est quoddam possibile esse & non esse: sed ipsum esse, si consideretur secundum se, non habet, quod possit non esse, sed si potest non esse, hoc est, quia non habet per se esse, sed quia recipitur in alio: ideo si esset aliquod esse separatum, illud necesse esset esse: & ideo quia Deus non est esse receptum in alio, sed est esse se-

paratum, ideo est necesse esse. Contra hanc rationem & responsionem quidam conati sunt arguere, dicentes: quod periculosum est ponere, quod esse creaturae sit necesse esse. Nam (ut dicunt, & verum est) non est simpliciter nisi unum necesse esse. Addunt autem, quod si esse creaturae de se esset necesse esse, tunc esse creaturae de se esset Deus, quod absurdum est (ut dicunt) quia ipsa solutio, quae fundatur in hoc dicto absurda erat.

Tertia ratio, per quam confirmabatur positio, quod sit idem esse & essentia, erat: quia si illud esse non esset essentia: vel ergo est accidens vel substantia, sed neutrum horum est, ergo nihil est. Ad hoc autem respondebatur, quod illud esse, licet non sit substantia; est tamen in genere substantiae non directe, sed sicut actus & principium. Nam & punctus est in genere quantitatis, nec tamen est quantitas: nam si non essent nisi duo praedicamenta substantia, & quantitas, non tamen deberet, quod quidquid esset, vel esset substantia, vel quantitas; sed solum deberet, quod quidquid esset, vel esset in praedicamento substantiae, vel quantitatis: & hac hypothese stante, non bene argueret, si quis diceret: non sunt nisi duo praedicamenta, substantia & quantitas: punctus ergo nihil est: quia nec est substantia, nec quantitas. Huic enim objectioni responderetur statim, quod ex quo potentia esset praedicamentum quantitatis, potentia esset punctus, non quia sit quantitas; sed quia est terminus, vel praedicamentum quantitatis. Sic & in proposito non est dicendum, quod esse nihil sit, quamvis non sit directe substantia, nec etiam sit proprie accidens: est tamen ipsum esse aliquid, quia est in praedicamento substantiae, eo quod sit quaedam actualitas substantiae. Hanc autem responsionem conantur ipsi destruere: quia si esse esset in genere substantiae tanquam principium, tunc res non essent in genere per suas essentias, sed per suum esse; si enim esset principium substantiae, tunc res non intelligerentur esse substantia, nec in genere substantiae, nec per esse, quod patet esse falsum: quia res sunt in genere per suam essentiam, non per suum esse.

His habitis, restat videre, quomodo exponuntur auctoritates? Arguebatur

tur enim contra eos per Boëtium dicē-
tem : *Diversum est esse, & id quod est, ipsum*
verò esse non dum est : Ergo esse, & id quod
est, sive essentia in creaturis differunt. Et
ad quod solverant, quod Boëtius per esse
intelligit ipsum Deum, sive ipsum prin-
cipium, per id quod est intelligit ipsam
creaturā, vel quod est ex principio: ideò,
ut dicebatur, diversum est esse, & id quod
est, quia diversi sunt Deus & creatura.
Contra hanc autem expositionem ar-
guebatur : quia cum dicitur, diversum
est *Esse, & id quod est* : statim in auctorita-
te sequitur, *Ipsum verò esse non dum est*. Per
esse non potest intelligi Deus, cui maxi-
mè competit esse : oportet igitur, quod
per esse intelligatur esse creaturæ, quod
differt ab eo, quod est, id est, ab essen-
tia. Hanc autem objectionem ipsi sol-
vunt dicentes, quod ista expositio non
est eorum : imò Comment. sic enim ja-
cent verba Commentatoris : *Per esse, rea-*
liter id quod est principium : per id quod est verò,
id quod est ex principio.

Postquam autem narravimus opi-
nionem istorum non causa contradi-
cendi tantis viris, sed ut possit veritas in-
veniri, improbavimus omnia ista, &
ostendemus primò, quod rationes, quas
faciunt pro se, non concludunt. Secun-
dò declarabimus, quod distinctiones,
quas faciunt, non sufficiunt ad difficul-
tates solvendas. Tertio ostendemus, quod
ea, quæ adducunt ad confirmandas suas
rationes prius factas, non sufficiunt, nec
quietant intellectum. Quarto declarabi-
mus, quod expositio illa, licet superfi-
cietenus videatur esse commenti, non
tamen est; sed Commentator (ut pate-
bit) alium profundiorum prosequitur
intellectum. Propter primum sciendum,
quod triplici via possumus ostendere, D
quod argumentum primum, videlicet,
quod ponentes creaturam produci ex eo,
quod esse recipitur in essentia, non pos-
sint salvare creationem, nec concludit,
nec probat propositum. Prima via su-
mitur ex parte ipsius Dei producentis.
Secunda ex parte modi producendi. Ter-
tia ex parte rei productæ.

Prima via sic patet. Nam nulla cau-
sa præsupponit effectum suum : ars enim
non præsupponit effectum artis, sed effe-
ctum naturæ : & natura, secundum
quod huiusmodi, non præsupponit effectum
naturæ, sed effectum Dei : eo ergo ip-

so quod ipsa essentia est effectus Dei, &
eo ipso quod Deus in producendo crea-
turam, producit totum, essentiam, scilicet
& esse, in tali actione non agit ali-
quo præsupposito : quod possumus de-
clarare per simile in compositis ex ma-
teria & forma. Nam licet forma lapidis
requirat materiam, in qua recipiatur, &
licet non possit fieri lapis, nisi fieret for-
ma in materia; tamen si Deus produce-
ret simul formam & materiam lapidis,
& faceret lapidem ex nihilo, verè crea-
ret lapidem : verè enim in principio
creavit Deus cælum Empyreum & crea-
vit terram, id est, totam corporalem
substantiam : & tamen tam in cælo Em-
pyreo, quàm in terrā est forma recepta
in materia : Deus igitur in creando cæ-
lum & terram non agebat aliquo præ-
supposito, quia totum producebat, &
nihil erat ibi, quod non esset effectus
agentis Primis; tamen productum erat
compositum ex materia recipiente, &
forma recepta : sic & in proposito, quæ-
libet creatura est talis, quod est compo-
sita ex essentia recipiente & esse recep-
to. Deus tamen producendo creaturam
sic compositam, verè creat, quia
non producit esse ex essentia præjacen-
te, sed nihil præsupponens simul pro-
ducit totum compositum ex essentia &
esse : falsum est ergo ponentes produci
esse in essentia vel eum essentia, quod
non possint salvare creationem.

Secunda via ad hoc idem sumitur
ex modo producendi. Nam secundum
Commentatorem in 12. Metaph. si ali-
quid fieret sine transmutatione, tunc illud fieret
ex nihilo. Dato ergo per impossibile, quod
essentia præxisteret ipsi esse, & Deus
faceret esse sine essentia præjace-
nte actum : quia non educeret esse de
potentia essentia, nec causaret esse de
transmutando essentiam, verè & pro-
priè crearet esse. Ideò enim inducens
per generationem formam in materia,
non dicitur creare formam, & non di-
citur eam facere ex nihilo, quia educit
eam de potentia materia : educere autem
aliquid de potentia materia nihil
est aliud, quàm transmutare materiam
ad productionem ejus : quia sic hoc est
esse aliquid in potentia agentis natura-
lis : quia potest agens naturale transmu-
tare ut illud fiat : unde ergo dictum est,
quod si fieret aliquid in materia non per
trans-

Deus simul
creavit cæ-
lum & terrā,
non ex ali-
quo præsup-
posito; & ta-
men produ-
ctum erat cæ-
lum ex
materia, &
forma : sic
creare potest
compositum
ex esse & es-
sentia, utru-
que simul
producendo.

Comm. 123
Metaph. cōq
m. 28.

Secunda via
est, quia De-
us producen-
do esse non
transmuta-
ret essentia
etiam si hæc
præxiste-
ret, talis pro-
ductio crea-
tio esset.

Triplici via
solvitur ar-
gumentum,
quod si pro-
ducitur crea-
tura cum es-
se recepto in
essentia, non
salvatur
creatio.

Prima ratio.

transmutationem materiae, quod illud non educeretur de potentia materiae, verè illud esset ex nihilo, & verè esset creatum: & inde est quod licet anima rationalis infundatur corpori, dicitur tamen esse per creationem: quia non educitur de potentia corporis; sic & in proposito, quia non educitur esse in essentia per transmutationem essentiae, sed totum producit simul essentia & esse: ideo oportet, quod hoc sit per creationem. Qui ergo non dubitat, quod essentia creetur, & fiat ex nihilo, non dubitet quod esse creetur, & fiat ex nihilo: totum ergo est per creationem ex nihilo.

Tertiaratio: Tertia via ad hoc idem sumitur ex quia produ- ipsa re producta. Nam ipsa productio est totius per se & primò est totius compositi: nō enim debemus imaginari, quod alia productione producat essentia, & alia productione producat esse; sed una & eadem productione producit utrumque: quia (ut dictum est) per se & primò producit compositum, quo producto, producit potentia & actus, ex quibus illud compositum resultat: ideo una & eadem productione, productio composita, producuntur partes ejus: unde Phis in 2. *De Anima* vult, quod non oportet querere quomodo ex figura cereæ & cera fiat unum: nam, ut ait, eo ipso, quod hoc est potentia & illud actus, fit unum ex eis: per se ergo est quod ex potentia & actu fit unum. Et ut magis lucide declarem quod dicitur, dicamus, quod potentia, ut potentia est, non habet per se esse, sed habet esse sub actu: & actus, qui est aptus natus esse perfectio potentiae, secundum quod hujusmodi est aptus natus non per se esse, sed in potentia, & sic ista est apta nata fieri potentia: ergo secundum quod hujusmodi est apta nata non per se fieri, sed sub actu; & actus est aptus natus fieri in potentia: totum ergo per se & primò fit; actus autem & potentia fiunt factione compositi. Cum ergo arguitur, quod si per creationem produceretur esse in essentia, essentia propriè crearetur: quia produceretur nullo alio præsupposito; esse autem nō propriè crearetur, quia produceretur præsupposita essentia: alia igitur productione produceretur esse & alia essentia. Ex ipsa igitur re producta, quia per se & primò producit compositum ex essen-

Phis 2. de
Anim. com.
7.

tia & esse, & una & eadem productione compositi producit tam esse quam essentia, patet, quod non est dicendum, quod essentia creetur propriè, & non esse: quia si una & eadem productione producit essentia & esse, si productio essentiae est propriè creatio, cum illa & eadem productione producat & esse, productio etiam illius esse erit propriè creatio. Imò magis est propriè creatio ipsius esse, quam ipsius essentiae, si volumus subtiliter & profundius speculari. Nam licet una & eadem generatione generetur materia & forma, & una & eadem creatione creetur essentia & esse, & generaliter loquendo, in creaturis semper una & eadem productione producat potentia & actus, sive potentia tempore praeexistat actu in generatione, sive nō praeexistat, ut in creatione; semper tamen actus est magis principalis ratio productionis, quam potentia, & productio principalius terminatur ad actum, quam ad potentiam: ergo in productione vel non debemus distinguere inter potentiam & actum, sed dicendum est eadem productione produci utrumque; vel si volumus aliquo modo distinguere inter ea, dicemus: quod productio principalius & magis propriè terminatur ad actum, quam ad potentiam: & magis dicitur de actu quam de potentia. Et quod dictum est de productione respectu actus, intelligendum est de creatione respectu esse & essentiae.

Soluta ratione prima, quia possumus propriè salvare creationem ponendo compositionem ex essentia & esse, de solvi-
levi solvitur ratio secunda. Nam cum dicitur: si poneremus talem compositionem, tunc esse educeretur de essentia, tanquam esse de suo possibili. Sic arguentes vel hoc dicunt ex opinione propria, vel supponendo adversarii opinionem: Si ex opinione propria? Tunc ratio recipit plura, & peccat in materia: nam nunquam actus educitur de potentia, nec forma de materia, nisi materia tempore praeexistet formae; sed loquendo de his, quae per creationem fiunt, nullo modo essentia tempore praeexistit ipsi esse: imò simul una & eadem productione producit essentia & esse. Sed si dicatur, quod sic arguentes non dicunt hoc ex opinione propria, sed supponit illud tanquam ab adversariis dictum: Di-

cemus, quòd nunquam ad nos pervenerunt dicta aliquorum, qui essent tantæ dementiæ, ut dicerent, quòd in creatione educatur esse de potentia essentia, sicut in generatione educitur actus sive forma de potentia materia.

4. Prop. de
Caus. & in
comm. 18.
Solutis autem duabus primis rationibus, solvemus & tertiam. Nam cum dicitur: *Prima rerum creatarum est esse* (ut dicit propositio 4. de causis) Et esse est per creationem; cetera per informationem. Dicemus, quòd si volumus accipere auctoritatem libri de causis, omninò dicendū est res creatas esse compositas ex essentia & esse; & quòd esse recipitur in essentia, & non è converso, & quòd perficit, & informat essentiam, & non è converso. Nam in hac propositione illius libri dicitur, quòd *Intelligentia est habens hyleachim, & formā*, vel ut habent aliqui textus *Intelligentia est quæ habet hyleachim & formam*: Forma enim in intelligentiis est quid materiale respectu esse: intentio autem illius Auctoris est, quòd intelligentia est composita ex forma & esse, quòd idem est cum dicto nostro, videlicet, quòd est composita ex essentia & esse. Nam essentia intelligentiæ dicit tantum formam; non autem dicit quid compositum ex materia & forma: licet ergo forma non dicat totam essentiam substantiæ materialis; dicit tamen totam essentiam substantiæ separatæ: idem est ergo substantiam separatam, vel intelligentiam, sive Angelum esse compositum ex forma & esse, & ipsum componi ex essentia & esse. Hoc est etiam quòd alia littera dicit: *Intelligentia est habens hyleachim & formam*. Et facienda est vis in verbo, Nam non ait, quòd sit habens hyle & formam: nam in intelligentiis non est propriè hyle, quia non est ibi propriè materia; sed est ibi hyleachim, quomodo oportet, modò volumus ipsum nominare, id est, est ibi aliquid materiale & aliquid formale: quia ipsa essentia respectu ipsius esse est quid possibile, & ideo est quid materiale respectu ejus: & ipsum esse respectu essentia est quid actuale, & ideo est quid formale respectu ipsius essentia. Intelligentia itaque est composita ex materiali & formali, sive ex forma & esse: quia est composita ex essentia & esse. Et si secundum Auctorem de causis in ipsis intelligentiis, quæ sunt ita propinquæ uni Primo, & simplici, est

A compositio ex essentia & esse: multò magis reservabitur talis compositio in aliis creaturis magis distantibus à Primo principio. Et rursus non solum est intentio illius Auctoris de causis res creatas esse compositas ex esse & essentia, sed etiā est intentio sua, quòd esse informat essentiam, & recipitur in essentia, quòd patet per commentum ejusdem propositionis 9. Nam ibi dicitur: *Cause autem prima non est hyleachim*, Id est aliquid materiale, *Quoniam ipsa est esse tantum*. Intelligentia ergo habet aliquid materiale: quia non est esse tantum: materialitas ergo in ipsa intelligentia sumitur ex eo, quòd habet aliquid præter esse, vel ex eo, quòd habet aliquid, quòd est differens ab esse. Ex ipso igitur esse in intelligentia sumitur ratio actualitatis: & ex ipsa essentia ratio materialitatis & potentialitatis. Et quia semper actus informat potentiam, non autem è converso, & semper actus dicitur recipi in potentia, sicut perfectio in suo perfectibili, sequendo intentionem præfati Auctoris, esse recipitur in essentia, & informat eam, non è converso. Arguentes itaque, quòd *Prima rerum creatarum est esse*, & quòd *cetera sunt per informationem*, esse verò est per creationem, Non arguant, quòd non sint compositæ ex essentia & esse, & quòd in essentia non recipiatur esse, & quòd essentia non perficiatur per esse: cum omnia ista sint de intentione illius Auctoris; sed petunt quòd sibi exponamus præfatas propositiones.

Propter quod sciendum, quòd Auctor in illa propositione de causis vult determinare de multitudine intelligentiarum, & incipit ab esse & ab unitate, quòd *Non est multitudo, quæ non participet aliqualiter uno*: Ut dicit prima propositio Procli. Vnum autem, quòd participant intelligentiæ, & illud, in quo uniantur intelligentiæ, est ipsum esse: ideo antequam determinet de multitudine intelligentiarum, præmittit quædam de prioritate ipsius esse, dicens, *Prima rerum creatarum est esse*, Quod probat dupliciter. Primo: quia nihil latius est creatum. Secundo: quia ipsum est vehementius unitum & simplicius aliis: ergo ibi non accipit esse, secundum quòd distinguitur ab essentia, sed accipit ibi esse, ut comprehendit omnia, & ut comprehendit omne esse, tam esse essentia, quam

Propositio
9. & 10.

In intelligentiis ex esse sumitur ratio actualitatis, & ex essentia ratio materialitatis.

t. propositio
Procli.

Nihil est latius nec simplicius ente.

Vnde multi-
tudo, cum
esse sit sim-
plex & uni-
tum?

quam esse actuale: & sic accipiendo esse est valde latum, & nihil est latius ipso: & quia est ita latum, ideo esse est illud, in quo omnia conveniunt, & in quo omnia uniuntur, & ideo est prius omnibus: latiora enim, convenientiora quae sunt priora aliis. Ex hoc etiam est simplicius omnibus aliis rebus creatis: quia omnia alia se habent per additionem ad ea, quae sunt generalia & communia: est ergo esse sic simplex, & sic unitum: ideo querit Auctor: cum esse sit simplex & sit unitum, unde facta est multitudo ipsius, & specialiter, unde facta est multitudo in intelligentiis? Ad quod respondet ipse Auctor, quod ideo facta est talis multitudo in intelligentiis, quia ibi componitur ex finito & infinito. Esse ergo, licet de se dicat quid simplex & quid unitum; attamen, ut est in intelligentiis, non est omnino simplex: quia intelligentiae non sunt omnino simplices, imo sunt compositae ex finito & infinito. Igitur Auctor de causis non accipit esse, ut distinguitur contra essentiam, vel ut distinguitur contra quodcumque; sed accipit esse in omnimoda latitudine, prout omnia comprehenduntur sub esse: & sic exponendo, quod *Prima verum creatarum est esse*, Non habet locum de esse; quod distinguitur ab essentia, secundum quod dicimus omnes res creatas esse compositas ex essentia & esse.

Habita igitur intentione Auctoris, ratio est omnino praeter propositum; attamen dato, quod vellemus loqui de esse, prout distinguitur ab essentia, adhuc possemus salvare, quod *Prima verum creatarum est esse*. Nam licet unica productione producat totum, potentia, scilicet, & actus, vel essentia & esse; ratio tamen productionis principaliter sumitur ex actu, quam ex potentia, & ex esse, quam ex essentia: & ideo esse dicitur *Prima rerum creatarum*: quia est id, ex quo in re creata principaliter sumitur ratio creationis. Ut declarem hoc per simile, ponamus, quod nunquam videretur color sine luce, nec e converso, & quod semper unica visione videretur lux & color, hoc tamen non obstant, *Prima rerum creatarum visibilibus esset lux*: quia ratio visionis principaliter sumeretur ex luce, quam ex colore: ergo secundum primum modum exponendi, secundum quem accipit esse omnino communiter, ut non contrahitur ad esse actuale, &

ut non distinguitur contra essentiam, secundum quem modum magis videtur ire Auctoris intentio, ratio non est facta ad propositum; sed sequendo expositionem secundam, ratio facta non solum non est ad propositum, sed etiam est ad oppositum: quia secundum modum illum ideo esse est prima rerum creatarum respectu essentiae: quia est quid magis actuale, quam essentia, & quia semper quod est actuale, recipitur in eo, quod est potentiale, ex hoc non habetur propositum, quod essentia, scilicet, recipiatur in esse; sed magis oppositum, quod esse in essentia recipiatur. Quod vero addebatur de eodem libello, quod esse est per creationem, est omnino praeter mentem Auctoris: ibi enim Auctor non loquitur de esse, ut distinguitur contra essentiam, sed ut, distinguitur contra movere, & contra sapere. Dicitur quidem, quod res tripliciter possunt considerari. Primum, ut sunt aliquid in se. Secundum, ut tendunt ad aliud. Tertium, ut habent alia in se ipsis. Prout sunt aliquid in se, sic competit eis esse. Prout sunt, aut tendunt in aliud, sic competit eis motus. Prout habent alia a se ipsis non materialiter, sed formaliter, sic competit rebus cognoscere, & scire: quia oportet cognita aliquo modo esse in cognoscente. Sed motus competit rebus dupliciter: quia aliqua moventur ex se, ita quod principium motus est a se ipsis, & talia dicuntur vivere; alia non moventur ex se, & talibus non competit vita. Secundum autem haec tria, videlicet, secundum esse, intelligere, & vivere, secundum intentionem Auctoris de causis accipitur causalitas primarum causarum. Nam causae primariae (secundum ipsum) sunt tres, videlicet, Deus, intelligentia, & anima caeli: ideo secundum ipsum est in omnibus rebus esse; sed ab intelligentiis est in animabus sapere & intelligere, & ab animabus celorum esse in his inferioribus est sine vivere. Vult ergo Auctor de causis, quod vivere, & universaliter perfectiones, quae sunt ab aliis causis, & praesupponunt esse, est a Deo: ideo esse dicitur esse per creationem, quia est prima perfectio, & est a Prima causa cetera vero, quae sunt perfectiones secundae, & secundum illum Auctorem possunt esse a secundis causis, dicuntur per informationem: ibi igitur non accipitur esse, ut distinguitur contra essentiam,

Propositio
18. & 3. de
causis.

Alia littera
habet.

tiam, sed ut dividitur contra perfectiones alias, & quod iste debeat esse intellectus, patet ex illa propositione decima octava, & etiam patet ex propositione tertia, ubi dicitur: *Postquam ergo (supple Prima causa) causavit animam, posuit eam, sicut stramentum intelligentiae.* Et subdit: *quod (videlicet anima) efficit operationem intelligibilem...* Et quia suscipit impressionem intelligentiae, facta est operationis inferioris, quam intelligentiae. Vult ergo ille Auctor, quod anima habet esse à Deo per creationem; sed species intelligibiles, & quod intelligat, habet ab intelligentia: esse igitur animae est à Deo per creationem: sed intelligere, & perfectiones aliae possunt esse ab aliis causis per informationem. Et ut magis profundius incedamus ad mentem Auctoris, dicamus, quod animae calii competit essentialiter movere, ita quod est essentialiter vita: quia motus est quoddam opus vite. Intelligenti autem competit essentialiter intelligere, ita quod est essentialiter intelligentia secundum Auctorem illum. Deo autem competit essentialiter esse, & secundum eundem Auctorem res sunt in se. Vtrum autem sit vera sententia illius auctoris de causis non est praesentis speculationis: sufficiat autem ad praesens scire, quod ratio facta non est secundum mentem ejus.

Advertendum tamen, quod arguentes ex Auctore de causis, quod essentia recipiatur in esse, non solum non incedunt secundum mentem Auctoris, sed etiam non servant positionem propriam. Volunt enim ipsi, quod essentia dicatur, ut est aliquid in se; esse vero dicatur, ut est aliquid in effectu, & ut habet respectum ad agens: itaque, ut ipsi pland restantur, esse supra essentiam non addit nisi respectum quemdam. Si igitur essentia recipitur in esse, & si esse est per creationem, cetera per informationem, respectus & illud, quod est respectui, erit fundamentum omnium aliorum; cetera vero se habebunt per informationem, ipse vero respectus se habebit, ut fundamentum, quod nullus diceret.

Ostendo, quod rationes impugnantium compositionem esse cum essentia, non concludunt, declarabimus, quod distinctiones, quas faciunt, non concludunt, nec sufficiunt ad tollendas difficultates. Est enim prima distinctio de ipso

A possibili: dicunt autem aliud esse possibile subjective, & aliud terminative, Prima distinctio de possibili subjective, & terminative. quod & nos concedimus: sed dicimus, quod non est possibile terminative sine possibili subjective, & nunquam agens facit nisi compositum ex potentia & actu: si enim posset fieri potentia sine actu, vel è contra, possent in facione illa talia possibilia separari; sed loquendo de cursu naturali facio unius non est sine facione alterius, quod patet in materia & forma, quae est perfectio materiae, & magis patet in essentia & esse, quod est perfectio ipsius essentiae. Nam facere materiam, non est facere, quod materia sit materia: Nam cum semper materia sit materia, non indiget materia facione; sed facere materiam est facere, quod materia sit sub forma: & universaliter facere potentiam, est facere, quod potentia sit sub actu, sic etiam facere formam materialem, non est facere, quod illa forma sit forma: quia sic forma non indigeret facione; sed est facere, quod forma illa sit in materia. Posse tamen corrumpi per corruptionem propriae naturae, est dicere oppositum in adjecto: quia si essentia semper manet essentia in se ipsa habet perpetuitatem. Nam si essentia non est in re extra per aliquam re superadditam, idem esset essentiam esse in re extra, quod essentiam esse essentiam: quia, ut ipsi concedunt, essentia semper manet essentia. Vel saltem si esset semper verum, quod essentia est essentia, semper verum esset, quod essentia esset in re extra: & ita in se ipsa semper perpetuitatem haberet, & secundum se non posset ei accidere corruptio. Sed quid dicimus: numquid propositio assumpta non est vera: creatura de se sunt annihilabiles, & de se tendunt in nihil? Quid ergo oportet ultimo rem composita ponere, quia postquam qualibet creatura de se est talis, cuilibet creaturae in essentia sua poterit accidere annihilatio. Ad quod dicitur, quod licet creatura de se sit annihilabilis: quia nulla essentia creaturae habet de se, quod sit actu, nisi ei superaddatur actuale esse, & ideo, quantum est de se, qualibet talis essentia non est, & in nihilum tendit: si autem actu existit, & perpetuatur in tali existentia, hoc est per benignitatem Creatoris dantis ei esse, & conservantis ipsam in tali esse.

Quod

Ex una ad nihil corrumpitur, nec annihilatur, nisi aliam solam habeat suam actualem, & suam potentiationem consequentes ad re, sed non oportet, quod illa differant re, sed intentione. Et quod quarto dicunt, quod nihil producit, nisi sit compositum, sed sufficit, quod componentia differant intentione, nec oportet, quod differant re. Et quod objecerant quarto obviando utrumque omnino, dicentes nihil esse possibile creari vel annihilari, nisi sit compositum ex potentia & actu, sed sufficit illud actualem differre & possibile intentione. Dicemus ad hoc, quod sic dicentes, primo non stant in fundamentis suis. Distinixerant enim primo inter possibile subjective, & terminative, vel objective, volentes ex hoc vitare, quod non semper, & in omni producto esset quid possibile subjective: nunc autem postquam in quolibet producto concedunt compositionem ex actuali & potentiali, cum semper actualem recipiatur in potentiali, in quolibet producto concedunt aliquid possibile subjective, licet illud possibile subjective sola intentione differat a suo actuali, quod secundum eos est possibile terminative: non ergo stant in propriis fundamentis.

Secunda distinctio de differre re & intentione non enervat difficultatem.

Secundo per huiusmodi dicta non possunt difficultates effugere. Dicemus enim secundum sic opinantes, quod idem est secundum rem, essentiam esse essentiam, & essentiam existere in re extra; differt tamen intentione, & propter hanc differentiam semper verificabitur, quod esse sit essentia; non tamen semper verificatur, quod sit in re extra. Quid sit autem differre intentione, prius non intelleximus, nec nunc intelligimus. Sed de hoc in hac eadem questione specialem faciemus sermonem. Nunc sumamus verba sic opinantium, dicentes, quod differre sola intentione non est differre re, quo supposito tanquam fundamentum ipsorum, arguamus sic: si nulla esset differentia inter essentiam esse essentiam, & essentiam esse in re extra, sicut ipsi concedunt, quod essentia semper manet essentia, vel saltem, sicut oportet concedere hanc semper esse veram, quod essentia est essentia, sic haberet hanc semper verificari, quod essentia esset in re extra. Tota ergo causa, quare semper verificatur, quod essentia sit essentia, & non quod sit in re extra, est

propter differentiam, quæ est inter hanc & illam; sed ibi non est differentia secundum rem: ergo sicut semper verificatur, quod essentia sit essentia, ita secundum rem, & secundum rei veritatem semper verificatur, quod essentia sit in re extra: forte secundum intellectum, vel secundum aliud modum non oportebit eam verificari. Nam, quia sunt idem secundum rem ens & unum, impossibile est de aliquo verificari, quod sit ens, quod de illo secundum rem non verificetur, quod sit unum. Verum quia hæc differunt secundum intellectum, non oportet, quod quisquis apprehendit aliquid esse ens, quod apprehendat illud esse unum: quia intellectus entis præcedit intellectum unius: secundum rem ergo, quia non differunt realiter ens & unum, sicut semper ens est ens; ita semper est unum; sed ens, quod semper secundum rem est unum, non oportet, quod per intellectum semper apprehendatur unum: quia differunt illa intellectui, quæ secundum rem suam idem sunt. Ut ponamus exemplum de his, quæ differunt intentione, dicamus, quod actio & passio dicunt eandem rem, differunt tamen intentione: nam cum differentia secundum eos differat intentione a genere, & tamen collocatur in eodem predicamento cum ipso: multo magis actio & passio differunt intentione, quæ faciunt diversa predicamenta. Ponamus ulterius, quod cum actio & passio dicunt eandem rem, differunt intentione; intellectus tamen actionis præcedit intellectum passionis, hæc hypothesi stante, non poterit verificari secundum rem, quod sit unum & non sit aliud; tamen propter diversitatem intentionis poterit forte per intellectum apprehendi unum, quod non apprehendatur aliud. Sic in proposito, si idem est secundum rem essentiam esse essentiam, & essentiam esse in re extra, ita quod ipsi essentie nulla res additur, ut est in re extra; sed solum superadditur intentio, vel ratio, vel quidquid aliud, quod non sit res, oportebit, quod sicut semper verificatur, quod essentia sit essentia, semper per secundum rem verificetur, quod sit in re extra: igitur propter differentiam poterit forte intelligere essentiam esse in re extra, non intelligendo eam esse in re extra. Sed propter identitatem realem, quamdiu verum erat, quod essentia

tia sit essentia, tandiu realiter erat essentia in re extrà. Redeamus ergo ad propositum, & dicamus, quòd essentia est essentia per se ipsam, & quantum ad hoc non indiget factore nec conservatore, sed est in re extrà per esse actuale sibi realiter superadditum: imò quantum ad hoc indiget factore, & conservatore.

Improbata distinctione de possibili, & ostensio, quòd in qualibet creatura oportet dare essentiam, quæ perficitur per esse: & declarato, quòd essentia est quoddam possibile subjective differens realiter à suo actuali esse, volumus improbare distinctionem de ipsa essentia. Dicebatur quidem, quòd negantes realem differentiam inter essentiam & esse, distinguunt de essentia, dicentes: quòd quædam est essentia, quæ proprietate suæ naturæ existit; quædam autem existit quoddam extrinseca denominatione, & per quemdam respectum superadditum: ut creatura, quæ potest existere, & non existere, non quia differat realiter à suo esse, sed quia non dicitur esse, nisi ut est in effectu, & ut habet respectum ad agēs: & quia talem respectum potest habere & non habere, idè potest esse & non esse. Secundum hos ergo Deus producēs creaturam, non oportet, quòd producat aliquid compositum ex re & re, sed ex re & respectu. Sed hoc stare non potest: quia nunquam respectus per se acquiritur, nisi quia acquiritur aliqua res, in qua fundatur respectus, & sicut nunquam acquiritur, ita nunquam separatur ab aliqua re, nisi quia separatur ab ea res aliqua, in qua illius respectus est fundatus: quæ omnia intelligenda sunt supposita immobilitate objecti, ad quod terminatur ille respectus: ut si quis per albedinem sit similis parieti albo, supposita immobilitate parietis, ad quem terminatur ille respectus, non poterit iste acquirere talem respectum, nisi acquirat albedinem, quæ est fundamentum ejus; nec poterit hujusmodi respectum perdere, nisi perdat albedinem, in qua fundatur. Ponendo autem essentiam realiter differre ab esse, nulla nobis occurrat difficultas ex hujusmodi respectibus. Dicemus quidem, quòd Deus producēdo creaturam producit simul essentiam & esse: hac autem productione facta, sicut producere esse non est facere, quòd esse sit esse: quia hoc semper est; sed est

facere, quòd esse sit in essentia, sic ex tali productione esse habet quemdam actualem respectum ad Deum; non quia esse sit esse: quia tunc haberet semper actualem talem respectum, & semper existeret; sed hoc competit ei, quia est in essentia: & quia potest ab ea separari, & potest ei non inesse, idè potest talē respectum amittere, & potest deficere, & potest non existere. Et quòd dictum est de esse respectu essentia, intelligendum est de essentia respectu esse. Nunquam enim producit essentia, nec esse, nec compositum ex utrisque, nisi sit ibi actualis respectus, quem habet ad Deum: quia semper inter producens & productum oportet relationem esse: sed talis respectus actualis non competit essentia, nisi ut actu conjungitur ipsi esse: nec competit esse, nisi ut conjungitur essentia: nec competit ipsi composito, nisi prout ejus componibilia adinvicem cōnectuntur. Et quia talis conjunctio potest de novo fieri, possunt de novo produci, & de novo acquirere respectum.

Rursus quia potest talis conjunctio destrui, possunt talia annihilari, & possunt perdere talem respectum: sed constat, quòd res non potest acquirere se ipsam, nec separari à se ipsa: quare si in creatura non differt realiter essentia & esse, & ex eo, quòd res habet esse, habet actualem respectum ad Deum, quòd res non habet separari à se ipsa, non poterit separari à suo esse, nec ab hujusmodi actuali respectu: sed quia hoc inconvenientis in aliis dictis videtur esse prædictum, faciemus specialem difficultatē de ipso respectu. Dicemus quidem, quòd si productum est compositum ex re & re, facile est imaginari productionem ejus, & destructionem: quia ex conjunctione rerum componibilium fiet productio, ex separatione fiet destructio; sed si productum non oportet, quòd sit compositum ex re & re, sed ex re & respectu, tunc essentia creaturæ intantum diceretur produci in re extrà, inquantum acquireret hujusmodi respectum; intantum annihilari, inquantum perderet talem respectum. Hujusmodi ergo respectus poterit esse per se acquisitio, & per se amissio, & per consequens poterit esse motus ad relationem, cujus contrarium probatur in 5. Physicorum. Nunquam

Respectus solus per se nec acquiri, nec perdi potest: quia ad relationem non est motus.

quam enim nec per creationem, nec per aliquem motum potest acquiri, vel perdi per se respectus, sed semper acquiritur vel perditur aliquod absolutum, in quo fundatur talis respectus.

Effugium per differentiam respectus ex natura propria, & ex mera libera actione Dei pracluditur.

Sed quidam conati sunt hoc infringere dicentes, quod quidam sunt respectus, qui fundantur in extremis ex natura propria. Quidam verò ex mera libertate agentis. Respectus autem ad Deum, ut dicunt, fundantur in essentia creaturæ non ex natura ipsius essentia, sed ex libera actione Primi: quia potest Deus suam actionem subtrahere a re sive ab essentia creaturæ, idè potest ei talis respectus deficere, & potest creatura non esse. Sed hoc, quantum nobis videtur, tripliciter deficit. Primò, quia non arguit propositum. Secundò, quia accipit extranea & per accidens. Tertiò, quia difficultatem non evitat. Ponamus quidem, quod Deus ex libera actione sua faceret parietem album, & ex eadem libera actione faceret hominem album, qui per albedinem assimilaretur parieti: hoc autem ponendo, Deus ex libera actione fecit, quod esset hæc relatio & hic respectus, qui est inter hominem & parietem: sed quantumcunque ex libera actione Primi habeat esse ista relatio, nunquam tamen Deus posset istam relationem tollere, nisi vel destruendo parietem, vel separando ab homine albedinem, quæ erat immediatum fundamentum illius relationis: sed quandiu paries albus manet immobilis, & ab homine albo non separatur albedo, oportet talem similitudinem esse inter hominem & parietem: sic in proposito, creatura est producta ex libera actione Primi, ipsa autem sic producta habet quamdam actualem similitudinem, & quamdam actualem imitationem ad ipsum Deum: si ergo Deus vellet istam actualem similitudinem & istam relationem tollere ab essentia creaturæ, vel oporteret, quod se ipsum destrueret, vel quod aliquam rem removeret ab essentia creaturæ, quæ est immediatum fundamentum huiusmodi relationis: ipsam enim relationem per se ex mera & libera libertate voluntatis nec remove, nec dare posset: si ergo creatura procedit ex libera actione Primi, & ex mera voluntate ejus: quia ad procedere &

non procedere oportet, quod sit composita ex re & re; non ex re & respectu: quia respectus non potest separari a re, nisi per separationem alicujus rei. Sed si res procederet a Deo non ex libera actione, nec ex mera voluntate, sed ex quadam necessitate nature, ita quod huiusmodi respectus ad Deum de necessitate consequeretur essentias rerum, fortè possemus sustinere, quod creaturam non oporteret esse compositam ex re & re; sed ex re & respectu. Velle igitur ex libera actione Primi subterfugere difficultatem, quod non oporteat creaturam esse compositam ex re & re, sed sufficiat ea componi ex re & respectu: quia non procedit a Deo ex naturali origine, sed ex libera actione, non concludit propositum. Nam si procederet ex naturali origine, & non ex libera actione nec ex libera voluntate, magis possemus salvare quod dicitur.

Secundò deficit huiusmodi dictum, quia accipit extranea & per accidens: secundum nam licet paries albus sit productus ex libera actione agentis Primi; & homo albus sit etiam productus ex libera actione ejus, similitudo tamen inter parietem album & hominem album fundatur in natura rerum sic se habentium: idè non posset Deus hanc relationem tollere, nisi vel immutaret parietem, vel aliquid deriperet a natura hominis: sic & in proposito, creatura producta est ex libera actione Primi, similitudo actualis, quæ est inter creaturam sic productam & Deum, fundatur in ipsa natura creaturæ sic productæ, & sic se habente: si ergo Deus vellet istam actualem similitudinem tollere, oporteret, vel quod se ipsum immutaret, quod est impossibile, vel quod aliquid a natura creaturæ demeret, quo de mundo tolleretur talis actualis similitudo: cum ergo distinguitur de respectibus, qui fundantur in extremis ex natura, & ex libera actione, patet, quod sic consideratur illud, quod est per accidens: quia iste respectus non potest tolli ex libera actione: nisi quia per liberam actionem Dei potest fieri variatio in natura creaturæ; ex libera autem actione secundum se non potest, nec acquiri, nec tolli aliquis respectus, nisi quia per illam liberam actionem potest alicui naturæ acquiri, vel tolli aliqua

aliqua: ut quia potest ei acquiri, vel tolli actuale esse, mediante quo sumitur talis actualis relatio.

Sed dices, quod ipsa essentia creaturæ secundum rem refertur ad Deum: ergo ipsa est immediatum fundamentum huiusmodi relationis, non igitur oportet ibi ponere aliquid aliud. Ad quod dici potest, quod ipsa essentia secundum se depēdet, & secundum se refertur ad Deum; sed talē relationē actualiter habere nō potest, nisi ut est cōiuncta. Qualiter ipsi esse. Nā essentia creaturæ non habet talē actualem relationem ad Deum, nisi in quantum est effectus ejus, & in quantum est producta à Deo: sed quia (ut dicebatur) producere essentiam non est facere, quod essentia sit essentia, sed quod sit cōiuncta ipsi esse: sic habere talem actualem relationem non competit essentia, ut est essentia, sed ut est cōiuncta ipsi esse: nec esse hoc competit, ut est esse, sed ut est cōiunctum ipsi essentia.

Tertiò huiusmodi dictum non evitat difficultatem. Nam si huiusmodi relatio habet essentiam, essentia creaturæ est ex libera actione Dei, ista libera actio Dei, ut est quid transiens in creaturam, vel dicit rem tantum absolutam additā essentia creaturæ; vel dicit relationem tantum? Si dicit rem absolutam superadditam essentia? Jam videtur quod creatura non solum sit composita ex re, & respectu fundato in re, sed ex re & re, & ex respectu, qui fundatur in compositione rerum. Quod si huiusmodi actio non dicat nisi respectum tantum superadditum essentia? Cum essentia creaturæ hoc modo desinat esse, quod perdit huiusmodi respectum: & hoc modo incipiat, quod acquirit ipsum per se: ergo alicui acquireretur, & per se ab aliquo tolleretur ipse respectus: non ergo per huiusmodi dictum effugitur difficultas: quia hoc concesso, adhuc stat tota ratio difficultatis.

Improbatis distinctionibus, quas faciunt de possibili & de essentia, volumus improbare distinctionem de ipso differre, sive de ipsa differentia. In hoc autem sic procedemus, quia primò ostendimus distinctionem ipsam non esse bonam. Secundò ostendimus, quod per eam non sunt difficultates evitatae: distinguunt enim triplex differre, re, ra-

tione, & intentione. Nam (ut ajunt) accidens à subjecto differt re: diffinitum à diffinitione differt ratione: cum ergo differentia à genere differat plus, quam diffinitum à diffinitione, & minus quam subjectum ab accidente, ergo est dare medium inter differre re, & ratione: istud autem differre medium vocetur differre intentione. Sed iste modus arguendi nō valet. Nam si sit differre medium inter differre accidentis à subjecto, & diffinitionis à diffinito: non tamen propter hoc est dare aliquod differre medium inter re & ratione; sed in ipso differre ratione est dare magis & minus, & in ipso differre re est dare magis & minus. Nā posito, quod diffinitio asini sit animal disciplinabile, hoc posito, dicemus: quod asinus differt ab animali disciplinabili, & differt à musca, & à mulo: sed ab animali disciplinabili differt asinus ratione, à musca autem differt res: sed cum asinus plus differat à mulo, quam à sua diffinitione, & minus quam à musca: ergo asinus differt à mulo sola intentione, vel differt ab eo modo medio inter rem & rationem. Dicemus ergo, quod nullus est modus medius inter rem & rationem; tamen quia asinus differt plus à musca, quam à mulo, licet ab utroque differat re: ideo differre à mulo est differre medium inter differre à musca & à sua diffinitione. Sic etiam posito, quod differentia dicat totum, dicit genus: quod non credo verum esse nisi in rebus simplicibus, ut in substantiis separatis: ibi enim si sciremus genus ac differentiam, oporteret utrumque significare totam naturam; sed non sic in rebus compositis: animatum enim non significat natura animam; anima autem non dicit totum, quod dicit genus, nec dicit totum, quod dicit animal: sed dicit partem formalem ejus. Sic etiā sensibile, & rationale, vel dicunt partem formalem rei, vel quia nescimus nominare proprias formas rerum, loco propriarum formarum ponimus sensibile & rationale, & talia quæ sumuntur ex propriis operationibus, ex quibus indicatur propria natura & propria forma rerum. Differentia ergo non significat totum, & ideo non prædicatur essentialiter, sed denominativè: ut homo non est anima, sed animatus. Et cum prædicatur denominativè non significat totum, sed impli-

cat totum : sic etiam album ratione cō-
cretionis implicat illud, de quo prædi-
catur, licet solam albedinem signifi-
cet : secundum hoc ergo illud , quod
significat differentia , realiter dif-
fert à significato generis , sicut pars à
toto, & sicut forma differt à compo-
sito ex materia & forma. Sed posito
quod differentia significet totum , sicut
& genus, dicemus, quod differt à gene-
re sola ratione : ac tunc inter differre
ratione erit magis & minus, & secundū
hanc hypothesim plus differt ratione
differentia à genere , quam diffinitio à
diffinito. Et quod aliqui dicunt hoc non
esse solum secundum magis & minus,
sed secundum alium & alium modum
differendi: dicemus, quod alius & alius
modus differendi, ubi est unitas rei, so-
lam differentiam rationis facit : quia ex
quo res est una, ratio est illa , quæ hos
modos diversitatis invenit ; licet hæc
ratio non sit vana : quia ex ipsa re est,
ut tales diversitates modorum signifi-
candi possint ex ea sumi.

In super ta-
lis distinctio
rejjicitur,
quia si ge-
nus differt
intentione à
differentia,
non propter
hoc conveni-
unt illi op-
posita, sed
quia non di-
cit rem unam
nec unam
formam.

Rursus, cum secundum quod hæc
distinctio non est competens, difficulta-
tem non evitet, volunt enim isti, quod
differens intentione ab alio possit intel-
ligi cum opposito ejus : ut quod genus
differt intentione à differentia, ut ani-
mal à rationali: ideo potest intelligi cum
opposito rationalis, & sic dicunt quod li-
cet essentia differat sola intentione ab
esse, potest intelligi non esse. Sed, sic di-
cendo, non tollitur difficultas, nec solvi-
tur argumentum. Nam genus non dicit
rem unam, nec formam unam : si enim
genus diceret rem unam , impossibile
esset, quod eidem generi possent com-
petere differentia opposita. Vnde nec
potentia nec actu genus haberet diffe-
rentias oppositas, si diceret unam rem,
& unam formam , nisi fortè genus res-
pectu differentiarum omnino se habe-
ret, sicut eadem materia respectu con-
trariarum formarum , vel sicut idem
subiectum respectu oppositorum acci-
dentium , & tunc differret genus à dif-
ferentia re, sicut materia à forma , &
accidens à subiecto. Dicamus ergo, quod
animal dicitur sola intentione differre
à rationali, quia est eadem res cum ani-
mali irrationali : ergo non quia differt
animal intentione à rationali, ideo po-
test intelligi cum opposito ejus, sed quia

animal non dicit rem unam , nec for-
mam unam; ideo potest intelligi cum
utroque oppositorum , sed si animal di-
ceret rem unam, & posset intelligi cum
utroque oppositorum, de necessitate dif-
ferret re ab utroque eorum : sicut mate-
ria ab utraque forma , & subiectum à
duobus oppositis accidentibus. Igitur cū
illa eadem essentia secundum rem, quæ
habet esse, possit intelligi non esse , vel
possit intelligi cum opposito ipsius esse:
quia nihil potest intelligi cum opposito
sui ipsius, oportet, quod realiter differat
ab esse.

Possumus autem ad hanc veritatem
ostendendam facere syllogismum expo-
sitorium : ut si aliquid sit animal rationali-
le, & illud idem sit irrationale, vel possit
intelligi esse irrationale , idem animal
erit vel poterit esse rationale & irratio-
nale, quod est inconveniens : bene ergo
sequitur, quod animal rationale realiter
differat ab irrationali, vel ab eo , quod
potest intelligi esse irrationale : quid-
quid igitur potest intelligi cum opposito
alicujus , realiter differt ab ipso : essentia
ergo realiter differt ab esse , quia potest
intelligi cum opposito ipsius esse. Sed
hoc, quod diximus de syllogismo expo-
sitorio, quidam conati sunt solvere di-
centes: quod idem sensibile , vel idem
animal potest considerari ut contractum,
vel ut non contractum. Si consideretur
ut contractum, sic sequitur ratio de syl-
logismo expositorio ; sed ut non contra-
ctum, sic non sequitur. Sed hoc dictum
considerat quod est per accidens, & dif-
ficultatem non evacuat. Accidit enim,
& extraneum est syllogismo expositorio:
considerare aliquid, ut non contractum,
quia semper ibi consideratur unum & idem
secundum rem : & ideo syllogismus expo-
sitorius gratia contractionis, & gratia
identitatis realis, & gratia materiæ con-
cludit, non gratia formæ. Rursus : hoc
difficultatem non evacuat, in id magis
eam reflexat. Nam animal non contra-
ctum non dicit unam rem : non igitur
propter differre intentione ; sed propter
differre re, & quia non dicit unam rem,
potest intelligi cum hoc & cum opposi-
to: quidquid igitur potest intelligi cum
opposito alicujus, oportet, quod sit alia
res ab ipso : ut si materia potest intelli-
gi cum opposito ipsius formæ , est alia
res à forma : si subiectum cum opposi-
to

ro ipsius accidentis, est alia res ab acci-
dente: si animal cum opposito rationali,
animal, quod est irrationale, vel quod
potest intelligi esse irrationale, est alia
res à rationali: essentia, quæ potest intelligi
cū opposito ipsius esse, est alia res ab esse.

Solutis rationibus, & improbatas
distinctionibus, restat tertio declarare,
quod ea, quæ adducunt ad confirmandas
rationes prius factas, non sufficiunt, nec
quietant intellectum. Cū dicunt fal-
sum esse, quod esse dicat de se quamdam
actualitatem, quia tunc posset per se esse,
& per se produci, si considerentur præ-
dicta, non habet difficultatem quod di-
citur. Nam nullum agens facit, quod
repugnat effectui: hoc est de ratione ip-
sius effectus, quod per se non fiat nisi
compositum: esse enim, quod nec est in
alio, nec est aptum natum esse in alio,
est esse solius Dei, quod non potest esse
effectus alicujus agentis. Et quod addu-
cunt ad confirmandam eandem ratio-
nem, quod esse non dicat nisi solum res-
pectum inter essentiam, patet falsum es-
se: quia cū essentia dicatur creari, in-
quantum habet esse; & annihilari in-
quantum perdit esse: quia solius res-
pectus termino nō potest acquiri & perdi:
sic esse solum respectum non dicit supra
essentiam, sed rem aliquam absolutam.
Volebant ergo isti confirmare rationem
primam, quod esse non dicit rem ali-
quam supra essentiam, sicut nec veritas,
nec bonitas: eō quod solum respectum
addant supra ipsam, quod patet falsum
esse. Quod verò adducit ad confirma-
tionem rationis secundæ, videlicet, quod
esse creaturæ non est necesse esse, & quod
hoc est periculosum ponere, & per hoc
non potest solvi ratio ducens ad infinitum.
Dici potest, quod nec hoc diximus,
quod esse creaturæ sit necesse esse; sed
diximus, quod esse, unde esse est, non
habet quod ei accadat corruptio; nec
alicui actui, ut actus est, habet quod ex
hoc accadat ei corruptio; sed hoc habet
ex eo, quod recipitur in alio, vel ex eo,
quod est aptum natum recipi in alio.
Nec propter hoc ponimus, quod simpli-
citer sit aliquid necesse esse, nisi solus
Deus: quia solus ipse est esse, & actus,
quod nec in alio est receptum, nec est
aptum natum recipi, sed est immobili-
tate per se stans. Cū ergo dicitur, quod
esse creatum non est necesse esse, non ob-

viat nostris dictis. Nam esse creatum di-
cit duo: dicit enim esse, & dicit tale es-
se: ratione, qua dicit esse, non habet,
unde corrumpatur, & unde desinat esse;
& ratione, qua dicit esse tale & recipi,
sic. Nam si esse, ratione qua esse, diceret
quid defectibile, nullum esset essen-
si defectivū: ergo non ratione, qua esse, sed ex
eo, quod est creatū, & est in aliquo recep-
tū, quid defectivum nominat. Adhuc igitur
itamus in primis fundamentis: quod si
esset aliquod esse non receptum in alio,
nec aptum natum recipi, non posset de-
sinere esse. Vel possumus dicere, quod
nulla creatura est necesse esse simpliciter;
attamen non est inconveniens, quod sit
necesse esse secundum quid. Sicut quilibet
particularis homo simpliciter est cor-
ruptibilis; & tamen secundum quid
consideratur ut quid incorruptibile; con-
sideratur abstractum à tempore, & ut
semper ens: ut dicitur in Prioribus, quod
Michaelus intelligibilis semper est Michaelus.
Igitur vel Callias, vel quicumque par-
ticularis homo est homo determinati
temporis, & est quid corruptibile: & ta-
men taliter posset considerari, quod con-
sideraretur, ut non corruptibile: sic quæ-
libet creatura simpliciter est quid verti-
bile; tamen non est inconveniens, quod
taliter possit considerari, quod secundū
illum modum considerandi non accadat
sibi corruptio.

Tertium etiam, quod adducunt ad
confirmandas eorum rationes, videlicet,
quod esse non potest esse in genere sub-
stantiæ tanquam principium: quia tunc
substantia esset in genere non per essen-
tiam suam, sed per esse. Dici potest, quod
esse est in genere substantiæ tanquam
principium, non quod faciat substantiam
esse substantiam: quia substantia est sub-
stantia per essentiam suam; quælibet enim res
est id, quod est, per essentiam suā. Habet ta-
men ipsum esse rationē principij respectu
substantiæ, non prout substantia est sub-
stantia; sed prout substantia est in effe-
ctu, & prout existit actu in rerum natu-
ra. Et quia esse sic habet rationem prin-
cipij respectu substantiæ, reducitur ad
genus substantiæ. Cū ergo dicitur, quod
si esse haberet rationem principij res-
pectu substantiæ, quod substantia non col-
locaretur in genere per suam essentiam,
sed per esse: plana est responsio: quia
tunc veritatem haberet quod dicitur, si

Ad tertium
dicit: quod
esse est in ge-
nere substa-
ntiæ tanquam
principium,
quod substantia
est in rerum
natura.

esse sic haberet rationem principij respectu substantiæ, quod per ipsam substantiam esset substantia: sed, ut dictum est, substantia & qualibet res collocatur in proprio genere, & est id, quod est, per essentiam, & ideo, non intellecto esse, adhuc intelligitur substantia esse quid determinatum ad genus: sed sine esse non potest intelligi, quod actu existat in rerum natura.

Est ergo diligenter notandum, quod non est inconueniens aliquid non esse de ratione rei simpliciter, imò esse posterius illa re: quod tamen potest esse de ratione ejus secundum aliquem modum: ut cuprum non est de ratione circuli simpliciter, imò intellectus circuli simpliciter potest præcedere intellectum cupri; at tamen cuprum, licet non sit de ratione circuli simpliciter, est tamen de ratione circuli cupri. Sic intellectus essentia, licet præcedat intellectum ipsius esse, loquendo de esse, quod dividitur contra essentiam, & quod est actus ejus: & licet esse non sit de ratione essentia simpliciter, nec habeat rationem principij respectu ejus, est tamen de ratione essentia ut est in effectu, & ut existit actu in rerum natura: essentia enim est effectus agentis per esse: ergo esse dat essentia, quod possit esse effectus agentis: aliquam ergo rationem principij habet esse respectu essentia: quia facit, & dat ei, quod possit esse effectus agentis.

Postquam solvimus rationes, & improbavimus distinctiones, & ostendimus, quod ea, per quæ confirmabant rationes prius factas, non sunt sufficientia, nec quietant intellectum: secundum ordinem prætaxatum ostendere volumus, quod non bene exponunt auctoritates Boëtij: dicunt enim, quod per esse intelligitur ipsam Primum principium: per id quod est intelligitur quod est ex principio: & ideo ajunt, quod diversum est esse, & id quod est: quia diversa sunt principium, & id quod est ex principio, vel diversa sunt Deus, & creatura: & dicunt hanc esse intentionem commenti super passu illo.

Propter quod sciendum est, quod secundum Commentatorem per esse de-

Deus est esse omnium, non eo modo, quo ipse est esse omnium; ipse omnium formaliter velut à forma inhærente, sed causaliter: per esse ergo intelligimus Primum principium, quia omnia dicuntur esse per

ipsum. Sic enim imaginatur Commentator ille, quod qualibet res per suam formam, & per suam essentiam habet, quod sit aliquid, & quod sit quid determinatum ad genus, ut homo humanitate est homo, & humanitate est aliquid determinatum ad genus: sed quod sit simpliciter, & quod existat actu in rerum natura, ad hoc non sufficit sua forma, nec sua humanitas, sed hoc habet à Primo principio. Intelligimus enim, quod Primum principium sit in essentia, cujuslibet creatura dans esse cuilibet rei creatæ: esse ergo, per quod actualiter existit qualibet creatura, vel est ab ipso Primo principio, vel est ab essentia creatura, ut est conjuncta ipsi Deo; si Deus ad momentum recederet à quacunque creatura, statim creatura illa desineret esse. Aliud est igitur intelligere rem esse aliquid, & intelligere eam esse simpliciter, id est, esse actu & existere in rerum natura. Quod enim sit aliquid, habet res à forma sua, & ab essentia sua: sed quod sit in rerum natura, & quod actu existat, eduxit à Primo principio. Hoc est ergo quod Commentator dixit: ut quod non dicimus corporalitate corpus esse, sed esse aliquid, nec humanitate hominem esse, sed esse aliquid: & similiter qui dicunt esse unumquodque subsistens essentia sui principij, ponunt non esse aliquid, sed esse principium. Ergo principium est esse omnium causaliter, in quantum existens in omnibus dat omnibus esse. Cum ergo ait Boëtius *Diversum est esse, & illud quod est*, idem est ac si diceret, quod res non per idem, sed per diversa habet esse simpliciter, & esse quod est, & esse aliquid. Nam esse simpliciter habet per Primum principium, esse quod est, & esse aliquid per essentiam suam: aliud est igitur intelligere rem aliquam esse hominem, & intelligere rem illam esse. Nam tunc intelligo rem aliquam esse hominem, si intelligam solam essentiam hominis; sed tunc intelligo rem illam esse, & actu existere in rerum natura, quando intelligo rem illam esse conjunctam Primo principio, à quo recipit actuale esse. In omnibus igitur differt essentia & esse actuale, quod à Primo principio causatur, & conservatur in qualibet essentia. Igitur per esse, quod differt ab essentia in qualibet re, debemus intelligere Primum principium, à quo causatur

ter, ut est principium omnis esse. Idem in dist. 8. art. 1.

tur, quia ab illo causatur esse omnium rerum. Secundum hoc ergo possumus intelligere, quomodo res producuntur à Deo, quia producuntur accipiendo esse ab ipso, & quomodo ad momentum non staret creatura, si Deus ab ipsa recederet: quia statim desineret esse.

His omnibus prælibatis, volumus adducere rationes, quod non posset creatura in nihilum redigi, nisi differret in ea realiter essentia ab esse, quod triplici via probabimus. Prima sumetur ex ipsa productione creaturæ. Secunda ex conservatione ejus. Tertia ex defectibilitate ipsius, quæ omnia sunt aliquo modo tacta.

Triplici ratione suadetur conclusio.

Prima ratio.

Prima via sic patet. Nam intantum res producuntur à Deo, inquantum dat Deus rebus esse: producere ergo hominem est dare homini esse. De intellectu igitur cujuslibet creaturæ non est esse, sed posse esse. Nam si de intellectu creaturæ esset esse, creatura non posset non esse, nec posset incipere esse, sed semper haberet esse. Intantum enim res indiget agente, ut fiat actu tale, quod est in potentia tale: non enim plus facit agens, nisi quod conjungit actum potentia: differunt tamen Deus & alia agentia: quia alia agentia sic conjungunt actum potentia, quod actus ille tempore præsupponit potentiam, in qua fit; sed Deus sic conjungit actum potentia, quod simul producit actum & potentiam: omnis ergo creatura, eo ipso quod à Deo accipit esse, est quid compositum ex potentia, per quam potest esse, & ex actu, per quem actu est. Et ut clarius appareat quod dicitur: dicamus, quod omne causatum, sive sit causatum à Deo, sive à secundis agentibus, oportet, quod sit quoddam possibile: sed aliter in secundis agentibus, & aliter in Deo. Nam causatum à secundis agentibus est quoddam possibile esse, quia est in potentia passiva, antequam fiat, eo quod talia agentia præsupponunt passivam potentiam, in qua agant; sed creatum à Deo antequam fiat, intelligitur esse quoddam possibile esse: quia intelligitur esse tale, quod possit incipere esse absque implicatione contradictionis. Quia si esset tale, quod non posset incipere esse sine implicatione contradictionis, non posset à Deo creari, nec

fieri: & ideo prout dicitur possibile, quidquid contradictionem non implicat, oportet esse creabile quoddam possibile esse: & quia implicaret contradictionem, si creabile esset actus tantum, vel si esset potentia tantum: ideo oportet ipsum esse ex utroque compositum.

Intelligimus enim creabile, quod incipit esse, vel quod potest incipere esse. Quod autem ipsum esse possit incipere esse, & quod ipse actus possit incipere actu esse, per se loquendo, contradictionem implicat. Nam, ut dicebatur, semper hæc est vera: esse est esse: & actus est actus: esse ergo, quod potest incipere esse, & actus, qui potest incipere actu esse, oportet, quod sit tale esse, quod per se non sit, sed sit in alio: & oportet, quod sit talis actus, quod non sit per se existens, sed sit actus receptus in alio: talis enim actus, qui intantum actu est, inquantum in alio est, potest non actu esse, quia potest separari ab illo: & tale esse, quod per se non est, sed intantum est, inquantum in alio est, potest non esse: quia potest separari ab illo: ipsum ergo esse non potest per se fieri, nec potest per se incipere esse: nec actus potest per se fieri, nec potest incipere esse. Propter quod oportet, quod omne esse creatum sit esse in alio, & omnis actus causatus non sit per se actus existens: creatura ergo non potest esse actus tantum, nec potest esse potentia tantum: quia potentia tantum non potest actu esse: erit ergo omnis creatura composita ex potentia & actu. Nec possumus dicere, quod potentia & actus in creatura, vel quod essentia & esse in creatura non differant re. Quia si non differant sic, non possent separari. Hac ergo hypothesi stante, possent separari, forte intellectu, prout dicebatur supra, ut posset intelligi essentia sine esse: sed si eandem rem dicerent, essentia illa, cum non posset realiter perdere se ipsam, non posset secundum rem perdere suum esse, sed semper esset. Manifestum est ergo creaturam componi ex duabus rebus, ex potentia & actu: quia nec actus potest incipere esse, vel desinere esse sine potentia, nec e converso. Hanc autem compositionem ex potentia & actu vocamus compositionem ex essentia & esse, quod si aliis nominibus quis vellet nominare eam, de ipsis verbis & de ipsis nominibus non

Actus, scilicet, esse non potest esse existens per se, nec per se fieri, sed oportet esse, & fieri in alio, ut possit esse actus.

Omne creatum debet esse compositum ex potentia & actu.

Epilogus.

Secunda ratio pro propria sententia.

Intendimus quæstionem facere. Redeamus ergo ad propositum, & dicamus, quod nisi in creatura differret realiter essentia ab esse, & non esset realiter composita ex potentia & actu, non esset creabilis, & per consequens nec annihilabilis: ex ipsa ergo creatione rerum potest declarari quod diximus.

Secunda via ad hoc idem sumitur ex conservatione rerum. Nam si bene consideretur dicta commentum super libro de Hebdomadibus, imaginantur Theologi, & bene, quod essentia Creatoris sit in essentia cujuslibet creaturæ conservans eam in esse: essentia igitur creaturæ non est sufficiens ad dandum esse rei creatæ, nisi ut est conjuncta essentia Creatoris. Aliquid ergo dat ipsi rei creatæ essentia sua, ut est conjuncta essentia Creatoris, quod non daret ei secundum se. Dat enim ei sic conjuncta esse actuale, & quod actu existat in rerum natura, quod non posset ei dare secundum se: sed solum ut est conjuncta ipsi esse Primo. Illud autem esse actuale non potest dicere respectum tantum: quia, ut sæpe sæpius dictum est, solus respectus non potest acquiri & perdi: si ergo essentia creaturæ ex hoc dat esse rei creatæ, in quantum est conjuncta essentia Divinæ, & intantum res creata perdit tale esse, in quantum essentia sua intelligitur separari a Deo, licet talis separatio a Deo non sit per mutationem factam in Deo, sed in creatura: oportet ergo ipsam creaturam esse compositam, ut possit sic mutari: ideo dicimus creaturam compositam ex essentia & esse. Nullum enim simplex potest esse subiectum motus; est ergo in creatura actuale esse præter essentiam, quare si illud esse actuale nihil super essentiam dicit nisi respectum tantum, per se erit acquisitio & perditio ipsius respectus, quod nullus diceret: quamdam ergo actualitatem, quæ est res aliqua, & non respectus tantum, dat essentia creaturæ ipsi rei creatæ, ut est conjuncta essentia Creatoris, quam non posset ei dare separata ab ipsa: hanc autem actualitatem vocamus esse. Creatura ergo poterit dupliciter considerari, vel ut est quid in genere, vel ut est aliquid apud intellectum, & ut est aliquid apud intellectum, non oportet, quod creatura sit composita ex potentia & actu, tanquam ex aliquibus duobus realiter dif-

ferentibus. Sic enim accepta creatura oportet dici dictum est, quod non oportet in ea esse compositionem ex re & re, sed solum fortè ex re & respectu. Intelligimus enim creaturam sic acceptam esse naturam quamdam productibilem a Primo, ut potest recipere actuale esse: secundum quem modum intelligendi intelligetur creatura cum duplici respectu, videlicet cum respectu ad Deum, a quo est apta nata causari, & cum respectu ad esse, a quo est apta nata perfici: quod enim caret isto duplici respectu, vel hoc est, quia impossibile est esse, & non potest esse alicujus effectus, ut chymara; vel quia est necesse esse, & non potest perfici per aliud esse, sed est ipsum esse, ut Deus. Creatura igitur, ut est quid intelligibile, non oportet, quod sit composita ex re & re; sed si sit composita, hoc erit fortè ex re & respectu: sed, ut existat actu in rerum natura, non sufficit, quod sit composita ex re & respectu, sed ex re & re: quia non potest actu existere in rerum natura, nisi essentia sua jungatur essentia Creatoris, cui actu conjuncta, sit in ipsa essentia creaturæ actualitas quædam, quam vocamus esse, quod non est respectus tantum, sed est res quædam superaddita essentia. Si ergo creatura non indigeret tali actualitate superaddita, sed posset de se formaliter actu existere, non posset amittere formam essendi: sed ipsa formaliter existeret, & ita annihilari non posset.

Tertia via ad hoc idem sumitur ex defectibilitate rerum. Nam omnis defectibilitas accidit ex potentialitate, ut plane vult Philus in 9. Metaph. unde ibidem dicitur: *Malum non invenitur nisi post potentiam. In rebus, quæ non sunt post potentiam... non est malum omnino, neque error, neque corruptio.* In omni ergo creatura est potentialitas aliqua, quia defectibilis, & est ibi actualitas, si debeat actu esse. Quod si dicatur, quod ista actualitas & potentialitas non differunt nisi ratione vel intentione, non secundum rem, stare non potest hujusmodi dictum: namque pro tanto verum est, quod ubicumque est potentialitas, quod ibi est defectibilitas: quia tota perfectio rei sumitur ex actu; totus autem defectus, & totum malum sumitur ex deficere ab actu. Et quia actus, secundum quod hujusmodi, non deficit ab actu, sed potentialitas: ideo secundum sententiam

Phi ex potentialitate sumitur totum malum, & rotus defectus rei: igitur secundum quod in re differt potentia & actus, sic poterit in re esse defectus. Quare si potentia & actus, ex quibus ex necessitate componitur omnis creatura, in re creata non differunt realiter, sed solum secundum intellectum, vel secundum alium quencumque modum, nunquam realiter creatura desineret ab actualitate; sed fortè secundum intellectum posset intelligi defectibilis, vel fortè aliquo modo alio esset defectibilis ab actu; si sit aliquis modus medius inter differre re & ratione, vel inter differre realiter, & secundum modum intelligendi. Dicimus autem: si sit aliquis modus medius, quia nullum credimus esse medium: licet aliqui Magistri dicant differre intentione esse quid medium inter rem & rationem. Quod dictum, & si posset ad aliquem bonum intellectum trahi, in ista tamen materia non habet locum, quod dicitur. Dato tamen esse aliquid tale medium, ex quo creatura potest esse sic simpliciter, quod in ea non differat realiter potentia & actus, non poterit realiter deficere ab actu: sed creatura illa, quæ ponitur esse talis, semper realiter actu erit; poterit fortè secundum intellectum, vel secundum alium modum intelligendi non esse realiter: & tamen semper actu erit, & annihilari non poterit. Bene ergo dictum est, quod nisi in creatura differret realiter potentia & actus, ex quibus componitur, vel (quod idem est) nisi differret in ea realiter essentia & esse, quod annihilari non posset, quod declarare volebamus.

Respond. ad arg. Ad 1. dicendum, quod Deus agit nullo præsupposito, quia producit totum; & nulla causa (ut dicebatur) præsupponit effectum suum: & quia totum est effectus Dei: ideo non producit aliquo præsupposito. Sic etiam quia totum potest annihilari, ideo non oportet, quod destruat aliquo præsupposito; sed hoc non obstante, oportet ipsum creabile, & ipsum annihilabile esse compositum ex duobus realiter differentibus, videlicet, ex potentia & actu, vel ex essentia & esse, ut est per habita manifestum. Ad 2. dicendum, quod in productione cujuslibet rei id, quod est potentia tale, fit actu tales; sed per se, & primò hoc verificatur de composito, & ex consequenti verificatur de componibilibus: compositum enim fit

actu tale, in quantum componibilia actu cōiunguntur; quodlibet autem componibilium actu existit, quando alteri componibilium coniungitur: totum ergo compositum est quoddam possibile esse, & incipit actu existere, quando componibilia ad invicem coniunguntur, & ipsa potentia tunc incipit existere, quando coniungitur actu, & actus quando potentia: & quia quod est possibile esse, non aliter incipit esse, nisi per conjunctionem potentia & actus, hac conjunctione vel hac compositione amota à creaturis, tollitur quod creatura sit creabile, & per consequens annihilabile quid. Ad 3. dicendum, quod determinari ad esse vel ad actum, potest intelligi dupliciter: vel respectu diversorum actuum, vel respectu actus, & privationis: actui enim potest opponi actus, & privatio actus, sicut formæ potest opponi forma & privatio formæ: secundum hoc dicemus, quod materia est indeterminata dupliciter, & respectu diversarum formarum, & respectu formæ & carentiæ formæ. Nam una & eadem materia nunc est sub una forma, nunc sub alia: & quia quando est sub una forma caret alia, ideo est indeterminata respectu formæ & carentiæ ejus: sed essentia, loquendo de naturali cursu, non est indeterminata respectu diversorum esse: ut quod una & eadem essentia, loquendo de essentia, cui per se competit esse, non potest nunc existere sub uno esse, nunc sub alio esse: sed est apta nata existere sub determinato esse. Si ergo comparamus essentiam ad diversa esse, inveniemus in ea quādam determinationem; sed si comparamus eam ad esse & ad carentiam esse, inveniemus quālibet essentiam creaturæ esse indeterminatā: quia quælibet talis essentia una & eadem potest actu esse, & carere esse: & hæc determinatio sufficit ad hoc, quod non possit actu produci, nec actu existere nisi per esse ei superadditum. Advertendum tamen, quod diximus, quod una & eadem essentia secundum naturalem cursum non potest existere sub diversis esse, quod ideo sic limitavimus nos, ut observaremus nos à natura humana in Christo, quæ, secundum quod multiplici ponunt, non habet ibi propria esse: sed existit per esse Verbi: sed si separaretur à Verbo, sequendo opinionem philosophorum, superadderetur ei proprium esse.

Et ita una & eadem natura hoc modo
existeret nunc per esse Verbi, nunc per
esse proprium. Sed hoc non esset natura-
li cursu: quia illi naturæ comperit uniri,
& est assumpta à Verbo per gratiam u-
nionis. Rursus in eadem solutione dixi-
mus, quod intendebamus loqui de essen-
tia, cui per se & primò comperit esse,
quod ideò fecimus, ut observaremus nos
à qualitatibus symbolis, & ab acciden-
tibus in Sacramento altaris. Nam si re
corrupta (ut multi ponunt) aliqua qua-
litas vel quodcumque accidens potest ma-
nere idē numero, tunc unā & idem exi-
steret per diversa esse. Nā substantia ideò
existit; quia habet per se esse: & quia ha-
bet per se proprium esse; sed accidens
existit per esse subiecti, ita quod suum
esse est inesse: & quia corrupta re est ibi
aliud esse, si qualitas symbola, vel dimen-
siones indeterminatæ, vel quodcūque ac-
cidens potest manere, re corrupta, una & ea-
dē essentia accidentis nunc existeret per unū
esse, nunc per aliud. Sic etiā & accidentia,
quæ manent in Sacramento altaris oportet,
quod existant per aliud esse, quā prius:
sed accidentibus, secundū naturālē cur-
sum, nō cōpetit per se esse, sed existūt per
esse substantiæ: ideò diximus, quod in-
tendebamus loqui de essentia, cui respō-
debat proprium esse. Rursus per hoc
idem possumus amovere difficultatem
de materia, quæ una & eadem numero
per essentiam, nunc est sub uno esse, nunc
sub alio: sed esse materiæ non comperit
esse per se & primò, sed per formam; sed
loquendo de essentia, cui per se & primò
respondet esse, & loquendo secundū
naturalem cursum, nunquam una & ea-
dem essentia nunc simul, nunc etiam suc-
cessivè potest habere diversa esse. Ex hoc
autē apparere potest, quomodo ex parte
ipsius essentiae vel ipsius esse non potest
impugnari, quod non possint remanere
in re corrupta eadem qualitas symbola
numero, vel eadem dimensiones inde-
terminatæ: quia non est inconveniens u-
nam & eandem essentiam posse esse suc-
cessivè nunc sub uno esse, nunc sub alio,
dum tamen illi essentiae per se & primò
non respondeat esse. Sed utrum hoc pos-
sit aliter impugnari, & utrum verum sit,
quod qualitas symbola possit remanere
eadem numero, & utrum dimensiones
indeterminatæ possint eadem numero
remanere, præfens speculatio non ad-

mittit. Ad 4. dicendum; quod Deus
est causa conservans res: quia conservat
in eis esse. Et quia essentia rei non est suf-
ficiens, ut det rei esse, nisi ut est conjun-
cta Primo principio, ex hoc ergo magis
arguitur, quod sit in rebus esse superaddi-
tum, quā quod sit in eis idem essentia
& esse. Ad formam arguendi dicendum,
quod ex sola subtractione influentiæ Di-
vinæ res annihilatur, quod habet esse re-
ceptum: & quia differt à suo esse, sed si
hoc non esset, non posset res perdere es-
se. Ad 5. dicendum, quod in creatura nō
est aliqua potentia, per quam possit crea-
ri effectivè: quia non potest creare se ip-
sam, nec etiam potest creari ab aliqua alia
creatura: sic etiam non est potentia in ea,
per quam possit annihilare se ipsam, vel
per quam possit annihilari ab aliqua alia
creatura, sed solus Deus potest res ex ni-
hilo creare, & in nihilum redigere. Sed
licet in creatura non sit potentia, quæ ef-
ficiat ejus productionem vel annihilationem;
est tamen in ea potentia, quæ facit
ad ejus compositionem, per quam com-
positionem creatura est quoddam possi-
bile esse, & potest creari & annihilari.
Nam, ut patuit, creatura est quid creabi-
le, & quid annihilabile, eo ipso quod po-
tentia & actus sint de compositione ejus,
& quod ipsa sit ex utrisque composita.
Ad 6. dicendum, quod secundū natu-
ralem cursum naturæ esse per se & pri-
mò respondet substantiæ; alia autē intātū
sunt, inquantū sunt in substantia: ita quod
idē esse est in prædicamēto substantiæ; sed
Deus non alligavit virtutem suam natu-
ralibus effectibus: potest enim & acciden-
ti communicare esse sui generis, & com-
municare, & facere per se esse, sicut &
substantia per se existit. Dicemus ergo,
quod sicut naturali cursu est de substantiæ
respectu omnium aliorum accidentium
fundatorum in substantia, sic per miracu-
lum in Sacramento altaris est de quanti-
tate respectu aliorum accidentium fun-
datorum in ipsa: communicat enim Deus
quantitati esse sui generis, & habet quan-
titas proprium esse, & est quantitas quid
existens per se; cetera autem accidentia
intantum existunt, inquantum sunt in
quantitate. Ad 7. dicendum, quod inten-
tiones dicuntur per se generari, non quia
non generentur in subiecto; sed quia gene-
rantur sine transmutatione subiecti. Duo
ergo sunt ibi attendenda. primò quia di-
cuntur

gelico Mag.
parrem ne-
gativam pro-
pugnare. Sed
probabiliorē
reputat affir-
mativam
in de gra-
dibus for-
marum p. 1.
& quodl. 4.
q. 2. in fine

euntur generari. Secundò quia dicuntur generari per se. Dicuntur enim generari, quia præsupponunt aliquem motum, & generatio est terminus motus: ut si nunc est imago alicujus faciei in aëre, & prius non erat, aliqua mutatio præcessit, unde secuta est ista novitas, vel quia Sol motus est, & illuminavit aërem, vel quia facta est conversio faciei ad aërem illum, vel aliquis alius motus præcessit: naturali enim cursu nunquam fit novitas sine præcedenti mutatione: tamen dicitur earum esse generatio per se, quia generari possunt sine transmutatione subjecti: fiunt enim in aëre sine alteratione aëris. Sed ex hoc nihil concluditur cōtra nos: quia hoc multò magis virtus infinita potest: posset enim producere perfectionem non solū intentionalem, sed etiam realem; non solū sine transmutatione subjecti, sed sine omni transmutatione præcedenti, quia posset totum simul ex nihilo producere: sed propter hoc non habetur, quòd productum esset simpliciter: sed esset aliquid in aliquo. Ad 8. dicendum, quòd essentia aliqua, idè est quid participatum: quia participat esse, & non est ipsum esse: sed si esset ipsum esse, non haberet esse per participationē, & ei competere omne esse. Sic & esse intantum est quid participatum, in quantum participatur in essentia: sed si tollatur compositio ex essentia & esse, tollitur omnis participatio. Ad 9. dicendum, quòd Deus agit intellectualiter: sed ad nullum agens spectat facere aliquid, quòd repugnet effectui: & quia hoc repugnat effectui, quòd fiat esse sine essentia, vel è cōverso, vel quòd fiat actus sine potētia, vel è cōverso, & repugnat effectui, quòd factum non sit compositum ex actu & potentia, & ex esse & essentia, idè non sit unum sine alio, nec terminatur actio Divina ad unum sine alio. Ad 10. dicendum, quòd ex ipsa dependentia, quam habet creatura ad Deum, dicitur esse composita: sed talem dependentiam non haberet, nisi participaret esse, & nisi esset composita ex essentia & esse (loquendo de dependentia quæ requiritur ad hoc, quòd res possit creari vel annihilari) nunquam enim creatura sic dependeret à Deo, quòd posset creari de novo, vel annihilari virtute Divina, nisi esset composita modo, quo dictum est. Ad 11. dicendū, quòd una & eadem essentia respectu u-

nus potest esse actualior, & respectu alterius potentialior: ut si sit in potentia ad esse, vel si sit apta nata fieri per esse: sed si esset ipsum esse, esset actus purus, & nō esset quid in potentia respectu alterius. Dicemus ergo, quòd triplex est essentia: quædam, quæ est ipsum esse, ut essentia Divina, & talis essentia esse est actus tantum. Quædam verò nec est ipsum esse, nec potest esse immediatum fundamentum ipsius esse, sed est immediate fundamentum formæ, & per formam acquirit esse, ut essentia materia, & talis est potentia tantum. Quædam autem essentia, licet non sit ipsum esse, potest tamen immediatum fundamentum esse ipsius esse, & talis est omnis essentia inter materiam primam, & Deum: & de tali intelligitur, quòd potest esse quid potentiale respectu unius, & quid actuale respectu alterius. Nam essentia Divina, quæ est ipsum esse, respectu cujuslibet est actuale; essentia verò materia, quæ nec est esse, nec immediatum fundamentum ejus, respectu cujuslibet est quid potentiale; sed quælibet alia essentia media, quæ non est esse, sed est fundamentum ipsius esse, & receptivum ejus, quodammodo congregat utrumque: cum ergo arguitur, quòd una & eadem essentia potest esse quid possibile & quid actuale, patet hoc verum esse solū de essentia, quæ est receptiva ipsius esse: hoc igitur argumentum non negat compositionem ex essentia & esse, sed magis confirmat ipsam. Ad 12. dicendum, quòd, ut dicebatur, creatura non habet in se potentiam, per quam effectivè fiat ex nihilo, vel per quam effectivè convertatur in nihilum, sed habet in se potentiam, quæ conjuncta actui est compositiva ejus, propter quam compositionem salvamus creaturam esse quid creabile, & quid annihilabile.

Triplex essentia: quædam est ipsum esse, ut essentia, quæ est actus tantum: quædam nec est ipsum esse, nec immediatum fundamentum esse, ut materia prima, quæ est potentia tantum: quædam nec est actus tantum, nec potentia tantum, sed immediatum (ut forma) fundamentum ipsius esse, respectu cujus est potentiale quid, & respectu materia quid actuale.



QUÆSTIO XIII.

Verum possemus salvare, quòd creatura procederet à Deo ex mera libertate arbitrij; vel cogeremur ponere, quòd procederet ex quadam necessitate naturæ, si non differret realiter in ea essentia, & esse?



TERTIO decimò quaeritur: utrū possemus salvare, quòd creatura procederet à Deo ex mera libertate arbitrij, vel cogeremur ponere, quòd procederet ex quadam necessitate naturæ, si non differret in ea realiter essentia & esse? Et videtur, quòd quidquid de hoc dicatur, non tamen oportet ponere, quòd creatura procedat ex necessitate naturæ: quia quando aliquid producit aliud ex necessitate naturæ, agit toto suo posse, & facit rem quàm meliorem potest: sic ignis tantum calefacit, quantum potest: igitur si creatura esset sic producta à Deo, esset valde perfecta: & ita duceret in cognitionem, non solum quia est Deus, sed etiam quid est Deus; sed hoc est inconveniens: ergo &c. Præterea: quia proprietates naturaliter procedunt à substantiis, & ducunt in cognitionem quid sunt substantiæ, quia (ut dicitur in 1. *De Anima*) accidentia conferunt magnam partem ad cognoscendum quod quid est: si ergo creatura procedit ex necessitate naturæ à Deo, posset ducere in cognitionem Dei, sive quid est Deus; sed hoc dicebatur esse inconveniens: ergo &c. Præterea: dicebat respondens, si in creatura non differret essentia & esse, & esset necesse esse, & non posset deficere esse: ergo non esset quid defectivum. Illud autem, quod procedit à Deo ex mera libertate arbitrij, potest deficere esse, & est quid defectivum: & ideo, ut dicebat, si creatura non esset composita, nullo modo procederet à Deo: vel si procederet ab ipso, hoc non posset esse ex mera libertate arbitrij; sed solum ex quadam necessitate naturæ. Contra arguebatur sic: videmus, quòd ali-

A qua deficiunt ab aliis; & tamen procedunt naturaliter ab ipsis, ut umbra deficit à corpore, & intentiones deficiunt à rebus; & tamen umbra naturaliter procedit à corpore, & intentiones, & similitudines formarum naturaliter procedunt à formis. Sic creatura posset procedere à Deo naturaliter, & tamen esset defectiva: ergo sicut id, quod procedit à Deo ex mera libertate arbitrij, potest esse quid defectivum, ita & id, quod procedit ex necessitate naturæ: ex defectu igitur, vel non defectu creaturæ nihil possumus arguere de modo procedendi. Præterea: probatio, quòd id, quod procedit ex voluntate Divina, potest esse quid necesse esse, quo probato patebit intentum, videlicet, quòd dato, quòd creatura non esset composita ex essentia & esse; sed esset ipsum esse, & esset necesse esse, adhuc non oporteret, quòd procederet à Deo ex necessitate naturæ, sed posset procedere ex voluntate ejus: nam à voluntate potest aliquid procedere dupliciter, vel à voluntate ut natura, vel à voluntate ut voluntas: si creatura procederet à voluntate Divina, ut natura, planum esset, quòd esset necesse esse, & esset immutabilis, quia assequeretur modum Divine naturæ, quæ omnino mutari non potest. Rursus si procederet à Divina voluntate, ut voluntas, tunc talis esset qualem eam Deus esse vellet. Igitur si vellet eam esse necesse, talis esset: si igitur ponatur, quòd creatura sit quoddam necesse esse, non propter hoc oportet, quòd non procedat à voluntate Divina. Præterea: Deus non dependet ex creaturis: ergo propter differentiam vel indifferentiam in creaturis non mutabitur modus agendi Divinus: sive ergo in creatura differat esse & essentia, sive nō, semper procedet ab eo ex libertate arbitrij. Præterea: sicut duplex est fieri, ita duplex est destrui: aliquando enim fit aliquid ex aliquo; aliquando fit aliquid ex nihilo. Sic dupliciter potest aliquid destrui: quia aliquando destruitur in aliquid, aliquando posset sic destrui, quòd cederet in nihilum: sed videmus, quòd id, quod fit ex aliquo, præsupponit potentiam passivam, non id, quod fit ex nihilo, sic. Vel id, quod destruitur in aliquid, præsupponit talem potentiam; non autem id, quod destruitur in nihil: absque eo ergo, quòd creatura sit composita ex potentia &

& actu, & ex esse & essentia, poterit deficere, & poterit destrui, & poterit pro-
cedere à Deo ex mera libertate arbitrij:
quia erit quid defectibile non in aliquid,
sed in nihil. Præterea: si creatura existe-
ret actu per essentiam suam, esse se ipsa
efficitur: quia hoc posito, posset ab alio
esse, & per consequens posset deficere
esse: sed tale potest procedere ex mera li-
bertate arbitrij: ergo &c. Præterea: es-
sentia & esse æqualiter distant à Deo: quia
quodlibet distat in infinitum: si ergo
Deus potest facere utrumque simul, sci-
licet, esse & essentia ex mera libertate ar-
bitrij: quia non plus distat utrumque, quā
alterum ipsorum, nec è converso, pote-
rit facere & alterum solum ex mera li-
bertate arbitrij. Præterea: effectus non
excedit causam, sed videtur, quod esse
sit effectus essentia: quia dicitur fluere ab
essentia, sicut perfectio à perfectibili: si
ergo ex mera libertate Dei essentia po-
test fieri absque eo, quod recipiatur in alio,
multo magis fieri poterit esse ex me-
ra voluntate ejus non receptum in alio:
quia fieri magis competit effectui, quā
causæ. Si ergo essentia, quæ est causa, po-
test sic fieri, multo magis fieri poterit esse:
poterit igitur Deus ex mera voluntate
sua facere ipsum esse sine essentia. Præ-
terea: perfectio non repugnat perfectioni:
perfectio ergo creaturæ non repugnat
perfectioni Divinæ: sed hoc esset per-
fectionis in creatura, quod non differ-
ret in ea essentia & esse, & hoc est per-
fectionis in Deo, quod possit producere
creaturam ex mera voluntate ejus: una
igitur perfectio non repugnabit alteri:
quantumcunque creatura sit sic simplex
poterit ex mera voluntate Dei produ-
ci.

In contrarium est: quia si in crea-
tura non differt essentia & esse, esset
ipsum esse, & non posset esse, & non
esse, sed semper esset: sed hoc est de li-
bertate arbitrij, quod possit facere & non
facere, & quod possit dare & non dare,
hoc ergo posito, creatura non procede-
ret à Deo ex libertate arbitrij: quia non
posset ei dare, & non dare esse: sed ex ne-
cessitate semper ei communicaret esse.
Præterea: quod Sortes sit Sortes, non po-
test dependere ex voluntate alicujus, quia
tunc Sortes posset non esse Sortes: ex nul-
lius ergo voluntate dependet, quod Sortes
sit Sortes, & quod singulum sit singulum:

A sed si creatura esset ipsum esse, vel esset
quid simplex, tunc producere creaturam
esset facere, quod esse sit esse: vel quod
simplex sit illud quod est. Sed hoc est ex
necessitate & immobiliter verum, & non
dependet ex voluntate alicujus: ergo
hac hypothese stante, creatura non de-
penderet ex voluntate Divina, nec pos-
set procedere à Deo ex mera libertate
arbitrij.

RESOLVTIO.

B Dato, quod creatura esset æterna, ut aliqui ar-
bitrarunt Philosophi, à Deo deberet procedere ex
necessitate nature, non ex mera arbitrij li-
bertate: quod fateri cozi non distinguen-
tes essentiam ab esse probabiliter
judicamus.

R Respond. dicendum, quod si creatu-
ra de necessitate fuisset ab æterno,
secundum quod posuerunt Philo., & si esset
necesse esse, adhuc possemus salvare,
quod esset creata à Deo: & quod conser-
varetur in esse per ipsum, & quod depen-
deret ab eo: ut si ab æterno fuissent lux &
corpus, & illa lux & illud corpus essent
quoddam necesse esse, ab æterno fuisset
umbra, & umbra esset necesse esse: & ta-
men, hac hypothese stante, umbra causa-
retur à corpore, & conservaretur in esse
per corpus, & esset quid deficiens ab eo,
& dependeret ab ipso. Sic si ab æterno
fuisset facies, & diaphanum, & quodli-
bet illorum esset necesse esse, ab æterno
esset similitudo faciei in diaphano illo;
& tamen quantumcunque similitudo illa
esset necessaria & æterna, nihilominus
esset causata à facie, & conservaretur in
esse per faciem, & esset quid deficiens ab
ea, & dependeret ab ipsa: ad hoc idem
valet exemplum de vestigio pedis in pul-
vere. Secundum hunc itaque modum di-
cebamus, si creatura esset ab æterno, &
esset quoddam necesse esse, adhuc dice-
remus eam esse creatam à Deo, conser-
vari in esse per Deum, & esse quid defi-
ciens à Deo, & dependere ab ipso. Sed
hoc posito, non possemus salvare, quod
procederet à Deo ex mera libertate arbi-
trij, sed magis ex quadam necessitate na-
turæ, sicut umbra à corpore: & sicut ima-
go à facie: vel sicut vestigium à pede. Un-
de

D. Damasc. de Damascenus 1. lib. cap. 8. ait: *Creatio in Deo cum à voluntate proficiscatur, Deo profecto coeterna non est: ideo enim creatura potest esse, & non esse: & potuit de novo creari, & non esse coeterna Deo: quia creatio est opus voluntatis Divinæ: sed si creatura de necessitate fuisset ab æterno (ut posuerunt Phi) ut dicebamus, non procederet à Deo ex mera libertate arbitrij; sed magis ex quadam necessitate naturæ. Vtrū autem oporteret sic dicere, si creatura potuisset esse ab æterno, ut quidam dicere voluerunt, asserentes, quod non solum si creatura de necessitate fuisset æterna, sed etiam si potuisset esse æterna, quod processisset à Deo ex necessitate naturæ, investigare non est præsentis speculationis. Sufficiat autem ad præsens scire, quod si esset vera philosophorū opinio, quod creatura de necessitate esset æterna, quod cogeremur ponere creaturam procedere à Deo ex quadam necessitate naturæ, sicut umbra à corpore. Secundum hoc ergo Creator esset lux clara & mera: creatura verò esset quadam lux umbratica, & quadam lux tenebrosa participans illam lucem veram, & procedens ex quadam necessitate naturæ ab illa luce. Et ad hoc ibat philosophorum opinio, & si hoc ipsi non directè concessissent, quod creatura procederet ex quadam necessitate naturæ; oportebat tamen eos hoc concedere, si volebant suam positionem tenere. Vnde sicut nos diceremus de umbra causata à corpore: ita dicebāt Phi de effectibus causatis à Deo. Nam si corpus esset ab æterno, & lux æterna, oporteret umbram æternam esse: nunquam enim à corpore æterno immobiliter se habente, & à luce æterna immobili posset umbra temporalis procedere, sed si causaretur umbra aliqua temporalis, oporteret esse aliquod corpus temporale vel mobile, à quo talis umbra causari posset: quod ideo sic se habet, quia non est in potestate corporis facere umbram vel facere lucem, sed ex quadam necessitate naturæ procedit umbra à corpore; sed si ex mera libertate arbitrij corporis causaretur umbra, posset à corpore æterno in se non mutato procedere umbra temporalis. Sic quia Phi voluerunt, quod à Primo principio æterno immobili non posset procedere res aliqua temporalis nisi mediante aliquo transmutabili: sicut nec umbra tēpo-*

ralis potest procedere à luce æterna immobili, nisi mediante corpore transmutabili, posuerunt ipsi Phi processum rerum à Primo principio esse ex quadam necessitate naturæ. Posuerunt itaque Phi omnia causata à Deo: nam, ut patet ex 2. *Metaph.* ubi probatur status in causis, Primum ens est causa totius entis. Rursus posuerunt Phi omnia conservari in esse per Primum: quia (ut dicitur in 12. *Metaph.*) *Celum igitur & natura continua sunt*, idest, continuantur & conservantur in esse per Primum principium. Rursus posuerunt iidem Phi, quod omnia dependerent ab ipso. Vnde ubi translatio cōmēti habent, quod celum & natura sunt cōtinua, sicut per Primum principium, alia littera dicit: *Ex tali principio dependet celum & natura*: sed licet hæc omnia ipsi dicerent, volebant tamen, quod in tali processione esset necessitas quædam: ita quod creaturæ de necessitate processerunt à Deo. Vnde in eodem 12. dicitur, quod Primum principium de necessitate est motor istorum inferiorum, & de necessitate habet regere ista inferiora. Et ne aliqui arguerent contra eos, quod coactio caderet in Primo principio, distinxerūt de necessitate (ut patet ex eodē 12.) ideo dixerunt Phi quod Primum principium de necessitate regit ista inferiora, non necessitate violentiæ vel coactionis, sed cuiusdam immutabilitatis. Vnde, si benè vellemus sequi Phorum opinionem, diceremus, quod corpus de necessitate facit umbrā, & facit tantam umbram, & omnem umbram, quam potest facere. Dato ergo quod corpus haberet cognitionem, & complaceret sibi in umbra producta, nō esset ibi coactio in productione umbræ: quia omne coactum est contristans, & jam positum est, quod corpus complaceat sibi in umbra à se causata; tamen quantumcunque cōplaceret sibi corpus illud in huiusmodi umbra: quia necessariò ab ipso umbra procederet, nō possemus salvare huiusmodi processioneē esse ex mera libertate arbitrij. Sic & in proposito, secundum Philosophorum opinionem, Deus ab æterno ex necessitate produxit omnē creaturam, quam producere potuit: sed quia complacet sibi in suis effectibus, in tali productione non est necessitas coactionis, sed magis cuiusdā immutabilitatis. Sed tamen quantumcunque vitetur coactio à Primo propter cōplacentiam: tamen

tamen, ut patet, vitare non possumus, quod creatura processissent à Deo ex quadam necessitate naturæ, non ex mera libertate. Vnde (quantum nobis occurrit) oportet ponere id idem eos, qui dicunt in creaturis essentiam realiter non differre ab esse: coguntur enim tales ponere, quod creatura nullo modo indigeat factore, vel si indigeat factore, & procedat ab aliquo, non procedit ab eo ex mera libertate arbitrij, ut ponimus, sed magis ex necessitate naturæ. Non dicimus autem, quod Phi hoc posuerint, quod in creaturis non differat essentia & esse; sed dicimus, quod hoc ponentes, quantum nobis occurrit, coguntur ponere creaturas non procedere ex mera arbitrij libertate. Si enim vera esset Philosophorum opinio, non dicimus, quod esset impossibile; esset tamen valde difficile sufficienter probare, quod in creaturis realiter differret essentia & esse. Et sequendo opinionem veritatis, quod creatura processerit à Deo de novo, & quod processerit ab eo ex mera libertate arbitrij, creaturas sic esse compositas, & in se talē habere differentiam, non videtur habere dubium: quia si tollitur ab eis talis compositio, & talis differentia, qualem ponimus inter essentiam & esse, ut patebit, salvare non possumus, quod creatura de novo possent creari à Deo; nec quod possent procedere ab ipso ex mera arbitrij libertate.

Ad omnium autem horum, quæ dicta sunt, lucidam declarationem, volumus quatuor viis investigare, quod si creatura non essent sic compositæ, nec haberēt in se talem differentiam, quod procederent à Deo ex necessitate naturæ. Prima via sumitur, prout universaliter consideramus ipsas habitudines, quas habet creatura ad Deum. Secunda verò, prout creaturas specialiter comparamus ad Divinam naturam. Tertia quidem, prout specialiter referimus eas ad Divinum intellectum. Quarta autem, prout in ipsis rebus consideramus naturam & suppositum.

Propter primum sciendum, quod creatura considerari potest quadrupliciter, & habet quodammodo quatuor habitudines ad Deum. Nam primò potest considerari, ut est à Deo producta. Secundò, ut est à Deo producta taliter, quod habet esse dependens & deficiens ab ipso.

Tertiò, ut est sic producta; & sic habet esse dependens & deficiens à Deo, quod est ab ipso sine sui mutatione de novo creata. Quartò considerari potest, prout sic est de novo creata, quod continuò indiget conservari ab eo per perseverantiā ipsius Dei in creatura. Si ergo consideretur creatura solum sub hac habitudine, ut est à Deo producta, sic nihil est in creatura, nisi natura & respectus. Oportet enim, quod in creatura, eo ipso quod producta est, sit natura aliqua: quia semper productio terminatur ad illud, in quo est aliqua natura. Rursus oportet, quod sit in ea realiter respectus aliquis: quia semper productum realiter refertur ad producentem: quare si creatura solū consideretur, ut est producta à Deo; & non consideretur qualiter producta, non plus habetur, nisi quod in ea est natura aliqua & respectus aliquis in natura fundatus. Sed si ulterius consideretur creatura non solum ut à Deo producta, sed ut habet esse dependens, non sufficit, quod in ea sit natura & respectus; sed oportet, quod natura illa dicat quid defectivum. Vnde & in Personis Divinis, cum una sit producta ab alia, idè in qualibet ponimus naturam & respectum; tamen nulla Divina Persona habet esse dependens, imò simul omnes Personæ habent unum & idem esse perfectissimum. Nam sicut dicimus in qualibet Persona esse essentiam & respectum, quod in nulla earum ponimus defectum aliquem: sic quia creatura non solum est à Deo producta, sed etiam est sic producta, quod habet esse dependens; non solum habet in se naturam & respectum; sed etiam semper habet in se defectum in natura: & idè omnis natura creata est natura defectiva, vel aliter non esset natura dependens.

Ex hoc autem defectu, quem videmus in creaturis universaliter, possumus investigare differentiam inter essentiam & esse. Vnde dato, quod creatura essent de necessitate à Deo ab æterno, eo ipso quod haberent in se defectum, & haberent esse dependens, non essent suum esse, sed essent compositæ ex essentia & esse. Sed secundum istam viam investigare compositionem in creaturis magis pertinet ad præcedentem questionem, quam ad questionem nunc quaesitam, ad quam magis pertinet ostendere, quod si negetur talis

Habitudo creaturæ ad Deum, quæ producta est, dicit naturam, & respectum.

Ratio producti solum dicit respectum ad producentem, sed taliter producti cum dependentia in esse, dicit quid defectivum.

talis compositio, quod negatur proces-
sus creaturæ à Deo ex mera libertate ar-
bitrij.

Tertia habi-
tudo creatu-
ræ ad Deū ni-
scitur in eo
quod sit à
Deo produ-
cta sine ejus
mutatione.

Dicemus ergo, quod præter duas
tactas habitudines, videlicet, quod crea-
tura est à Deo producta, & habet esse
ab ipso dependens, adhuc est tertia habi-
tudo, quod sic est à Deo producta, &
sic habet esse dependens ab ipso, quod
sine mutatione ejus est de novo creata
per ipsum: & sic creatura non solum di-
cit quid compositum ex re & respectu,
sive ex natura & respectu, ut arguebat
habitus prima: & non solum dicit quid
defectivum, ut concludebat habitus
secunda: sed etiam dicit quid compositum
ex actu & potentia, sive ex esse &
essentia, ut probat hæc habitus tertia.
Si creatura est à Deo producta & actu de-
pendens ab ipso, habet actualem respectum
ad ipsum, iste autem actualis respectus
vel debetur ei ex natura sua, sive ex
naturalis origine: & tunc semper à Deo
processisset, & non potuisset à Deo non
procedere. Et hoc est incidere in Philo-
sophorum opinionem, quod quidquid
potuit immediate à Deo procedere, quod
totum de necessitate processit ab ipso.
Sed si ipsa natura vel ipsa essentia creatu-
ræ non est sufficiens fundamentum hu-
jusmodi respectus, oportet, quod ali-
quid aliud addatur ei, quod faciat ipsam
essentiam esse in actu, ut possit in ipsa
fundari talis respectus: ipsa ergo essentia
respectu hujusmodi superadditi se ha-
bebit ut potentia, illud verò superaddi-
tum se habebit ut actus, istum autem ac-
tum vocamus esse. Ex hoc ergo dici-
mus, quod creatura, eo ipso quod non
est de necessitate æterna, sed potest de
novo creari, differt in ea esse & posse es-
se, vel differt in ea essentia & esse: vel
est composita ex potentia & actu. Iste
itaque actualis respectus fundatur in to-
to composito ex essentia & esse: si autem
ipsa essentia dicatur habere actualem de-
pendentiam, & actualem respectum ad
Deum, hoc est in quantum est conjuncta
ipsi esse: & ipsum esse habet talem actua-
lem respectum & dependentiam, prout
est conjunctum ipsi essentia. Et quia hoc
dependet ex mera voluntate, quod com-
municetur esse ipsi essentia creaturæ:
ideo quod sit productio rerum, & quod
essentia vel esse, vel quod compositum
ex utrisque habeat actualem respectum

ad Deum, dependet ex mera & libera
voluntate Dei.

Ex hoc ergo res sunt mutabiles, quia po-
sunt variari secundum esse: & ex hoc sunt
creabiles, quia possunt acquirere esse: &
ex hoc sunt annihilabiles: quia possunt
omnino perdere esse. Sed si iste actualis
respectus fundaretur in pura & mera es-
sentia creaturæ, tunc ipsi essentia creatu-
ræ deberetur de se & per se talis actualis
respectus, quo posito, vel creatura esset
de necessitate æterna, vel non posset pro-
duci in esse sine motu præcedente: quia
ex quo factor est æternus & immobiliter
manens, oportet, quod hæc creata sint æ-
terna, & quod semper habeant actualem res-
pectum ad ipsum, ex quo ipse actualis res-
pectus ad suum factorem in ipsa simplici
essentia fundatur, & per consequens de-
betur ipsi essentia secundum se. Vel si crea-
tura non est æterna, & non semper ha-
bet actualem respectum ad Deum, ali-
qua mutatio facta est in Deo, unde surre-
xit iste novus actualis respectus. Sed forte
dices, quod creatura, antequam sit
producta, non habet actualem respectum ad
Deum, quia nec ipsa actu est, ut actuali-
ter & realiter referri possit: & si cōtinge-
ret eam annihilari, amitteret istum reale
respectum & actualem; sed hoc ex mera
voluntate Dei, quod habeat talem actua-
lem respectum, vel quod perdat illum:
ideo Deus in se immutabiliter manens ex
mera voluntate sua creaturam producit,
& fit in ea iste respectus actualis. Sed hoc
est satis improbatum per habitum: quia solus
respectus non habet de novo acquiri nec
perdi: & ideo si productum ab aliquo
supra naturam suam nihil dicit nisi res-
pectum ad producentem, oportet, quod
illi naturæ de se debeatur talis respectus,
& quod impossibile sit illi respectum se-
parari à tali natura, ut apparet in produ-
ctione Personarum Divinarum, ubi Per-
sona producta supra naturam nihil dicit
nisi respectum ad producentem: in ta-
libus ergo, ex quo producens est æternus,
oportet, quod & productum sit æter-
num; vel esset facta mutatio in producē-
te, si secundum hunc modum produceretur
aliquis ab ipso ex tempore, ut esset
facta mutatio in Patre, si generaret Filium
ex tempore, & esset facta mutatio in Pa-
tre & Filio, si non æternaliter spirarent Spi-
ritum Sanctum: sic si creatura producta
à Deo nihil aliud diceret nisi ipsam essen-
tiam.

tiam est respectu ad Deum: quia huiusmodi respectus fundaretur in ipsa essentia. Unde & per se oporteret, quod ipsi essentia secundum se deberetur talis respectus. Nulla ergo mutatione facta in Deo, respectu cuius secundum se habet talem respectum, semper habebit talē respectum: quia quod secundum se habet respectum ad aliquid, nulla mutatione facta in illo, semper habet respectum ad ipsum.

Est enim hoc universaliter verum, quod si aliqua res acquisivit aliquem respectum, quem prius non habebat, vel perdidit quem prius habebat, oportet, quod secundum hoc sit vel per se, vel per aliud. Si per aliud? Aliqua mutatio est facta in alio. Si per se? Aliquam rem acquisivit, qua acquisita, acquisivit respectum; & alia qua re perdit, amisit respectum illum. Ipse enim respectus, quia non est aliquid sed ad aliquid, per se nec acquiri nec perdi potest. Ipsa igitur creatura vel dicit unam rem tantum: vel dicit aliquid compositum ex pluribus rebus. Quod si dicit aliquid sic compositum, iste actualis respectus ad productorem non fundabitur in aliqua una re secundum se, sed fundabitur in conjunctione & compositione diversarum rerum: & quod illae res jungantur, & separentur, hoc potest dependere ex mera voluntate Dei. Hac hypothese stante, productio creaturae, & actualis respectus ad Deum dependere poterit ex mera voluntate Dei. Sed si creatura, quaecumque sit illa, diceret unam rem tantum, non aliquid compositum ex pluribus rebus, actualis respectus ad Deum fundaretur in illa una re secundum se: talem autem respectum non posset nec acquirere, nec de novo perdere, quia hoc vel esset per se, vel per aliud. Si per aliud? Ergo esset facta mutatio in alio: sed non quaecumque mutatio in alio dat, vel tollit respectum, sed solum mutatio in eo, ad quē refertur vel terminatur respectus ille: ut si per mutationem in aliquo dicitur quis perdere, vel acquirere hunc respectum, qui dicitur similitudo, oportet, quod ista mutatio non fiat in quocumque alio; sed solum in eo, respectu cuius similis dicitur. Sic si novum respectum, qui sumitur ex productione, debeat creatura de novo acquirere, vel perdere per aliud, id est, per mutationem factam in alio; oportet, quod illa mutatio fiat in tali alio, ad quem terminatur respectus productionis,

sed hoc est ad Primum productorem: ergo in ipso productore, & in ipso Deo esset facta mutatio, quod est inconveniens.

Rursus per se non poterit acquirere vel perdere talem respectum: quia respectus non acquiritur, nisi quia acquiritur res aliqua, in qua fundatur respectus: nec perditur, nisi quia perditur res aliqua, in qua fundatur respectus: & quia creatura ponitur esse una res tantum, nullam rem aliam acquireret, unde possit respectum acquirere; nec perdet, unde possit perdere. Acquisitio igitur novi respectus, quae de necessitate competit creaturae, quando est de novo producta, vel productio huiusmodi respectus, quae de necessitate competeret ei, si annihilaretur vel destrueretur, omnino arguit creaturam non solum esse compositam ex re & respectu, sed ex pluribus rebus, ex quarum conjunctione sumatur huiusmodi respectus. Et quia plures res numquam componunt unam rem, si quaelibet illarum habeat rationem potentiae, vel quaelibet rationem actus: quia nec ex duobus in actu, nec ex duobus in potentia per se, & secundum quod huiusmodi, fit unum, oportet quamlibet creaturam esse compositam ex duabus rebus, quarum una habeat rationem actus; reliqua vero rationem potentiae. Si autem has duas res, potentia & actus, ex quibus componitur quaelibet creatura, vis vocare essentiam & esse, vel aliquo alio nomine velis vocare, non sit nobis de hoc ad praesens curae: tamen competentius huiusmodi potentia & actus designantur per essentiam & esse, quam per quodlibet aliud: quia oportet in creatura dare aliquid, per quod determinatur ad genus, quod competit ei secundum se, & hoc vocamus essentiam: & aliquid, per quod actualiter existit in rerum natura, & hoc vocamus esse: itaque huiusmodi actus, per quem creatura actu existit, licet per reductionem sit in genere substantiae; tamen per illum actum, & per illud esse creatura non determinatur ad genus substantiae, sed per essentiam. Redeamus ergo ad propositum, & dicamus, quod si exteriora habitudine quaecumque creatura sic est à Deo producta, & sic habet esse dependens ab ipso, quod sine mutatione ejus est de novo creata per ipsum, manifeste concluditur, quod ipsa sit composita

Respectus nec acquiritur nec deperditur, nisi quia acquiritur, vel deperditur res, in qua fundatur.

Nec ex duobus in actu, neque ex duobus in potentia fit unum per se.

ta ex actu & potentia, siue ex esse & essentia. Quod si tollatur talis compositio taliter, quod non sit de novo creabilis, & potentia ab æterno fuerit de necessitate producta, quo posito sequitur, quod non processit à Deo ex mera arbitrij libertate, sed ex quadam naturæ necessitate.

Quarta habitudo creaturæ ad Deum est, prout non solum est de novo producta ab ipso, sed prout per existentiam Dei in creatura continuè conservatur in esse per ipsum: & sic creatura non solum habet essentiam, & differentem ab esse, sed etiam propria essentia creaturæ non potest ei dare esse, nisi prout est conjuncta Primo principio. Intelligimus enim essentiam Primi principij esse in essentia cujuslibet creaturæ, & per hoc intelligimus creaturam habere esse: itaque si ad momentum Deus à creatura se subtraheret, statim desineret esse, essentia itaque cujuslibet creaturæ dicit aliquid, quod potest recipere esse à Deo, & recipiendo esse ab eo, habet actualem respectum ad ipsum. Secundum hoc ergo sicut creatura est voluntate à Deo producta, quia non est suum esse: sic voluntate à Deo conservatur, quia essentia creature non solum non est suum esse, sed etiam per se non est sufficiens dare esse creaturæ: sed si in creatura idem esset essentia & esse, omnia ista tollerentur, & tunc creatura vel nullo modo per ipsum conservaretur in esse, vel si esset à Deo producta, & conservaretur in esse per ipsum, hoc non dependeret ex mera voluntate Dei: sed ex quodam ordine naturali: & esset vera Philosophorum opinio, quod ex nihilo nihil fieret, & nullo modo posset Deus aliquid in nihilum redigere.

Secunda ratio de sumitur ex comparatione creaturæ ad naturam Divinam.

Quarta autem habitudo creaturæ ad Deum est, prout non solum est de novo producta ab ipso, sed prout per existentiam Dei in creatura continuè conservatur in esse per ipsum: & sic creatura non solum habet essentiam, & differentem ab esse, sed etiam propria essentia creaturæ non potest ei dare esse, nisi prout est conjuncta Primo principio. Intelligimus enim essentiam Primi principij esse in essentia cujuslibet creaturæ, & per hoc intelligimus creaturam habere esse: itaque si ad momentum Deus à creatura se subtraheret, statim desineret esse, essentia itaque cujuslibet creaturæ dicit aliquid, quod potest recipere esse à Deo, & recipiendo esse ab eo, habet actualem respectum ad ipsum. Secundum hoc ergo sicut creatura est voluntate à Deo producta, quia non est suum esse: sic voluntate à Deo conservatur, quia essentia creature non solum non est suum esse, sed etiam per se non est sufficiens dare esse creaturæ: sed si in creatura idem esset essentia & esse, omnia ista tollerentur, & tunc creatura vel nullo modo per ipsum conservaretur in esse, vel si esset à Deo producta, & conservaretur in esse per ipsum, hoc non dependeret ex mera voluntate Dei: sed ex quodam ordine naturali: & esset vera Philosophorum opinio, quod ex nihilo nihil fieret, & nullo modo posset Deus aliquid in nihilum redigere.

Secunda via ad hoc idem sumitur, si ipsam creaturam specialiter comparemus ad naturam Divinam. Prima enim ratio sic diffusè posita continet in se vim plurimum rationum, & sumitur ex generalibus habitudinibus, quas habet quælibet creatura ad Deum: sed hæc secunda ratio sumitur prout specialiter creatura comparatur ad naturam Divinam. Dicemus enim, quod quælibet creatura specialiter est quædam similitudo Divinæ naturæ: specialiter quidem dicimus creaturam sic esse similitudinem & imitationem naturæ Divinæ: quia una creatura

imitatur naturam Divinam uno modo, & alia modo alio: ita quod quælibet habet specialem modum imitandi, & talem specialem imitationem habet creatura ex propria natura & ex propria essentia, & eo quod naturaliter determinatur ad proprium genus & ad propriam speciem: sed quidquid est similitudo, & vestigium naturæ alicujus agentis, hoc competit ei ex natura sua, nisi ad productionem illius requiratur aliquid, quod sit subditum voluntati, oportet, quod illud procedat ab eo naturaliter. Dicimus autem, nisi ad productionem illius requiratur aliquid, quod sit subditum voluntati: quia dato, quod productum perfecte assimilaretur produceti in natura, adhuc ad productionem ejus posset facere voluntas, si ad productionem ejus requireretur quid, quod dependeret ex arbitrio voluntatis, ut patet in generatione hominis. Nam & si homo genitus perfecte similatur in natura suo genitori, attamen quia naturali cursu, ut generatio hominis sit conjunctione maris & foeminae, quia talis conjunctio dependet ex arbitrio voluntatis, ad generationem hominis facit aliquo modo voluntas; non tamen propter hoc generatio hominis est simpliciter voluntaria, imò magis est naturalis: & si ad eam aliquid cooperatur voluntas, non ideo est simpliciter voluntaria, quia non statim ad velle conjungi, sequitur conjunctio, nec statim ad conjunctionem sequitur generatio. Sed si secundum arbitrium voluntatis suæ, quod vellet mas, conjungeretur foemina, & ad conjunctionem illam sequeretur generatio, esset generatio hominis simpliciter voluntaria: quia tota dependeret ex mero arbitrio voluntatis: sic in proposito creatura producta est quædam imitatio Divinæ naturæ: sed ad productionem ejus simpliciter facit voluntas: quia non producit creatura, nisi prout essentia ejus conjungitur suo esse. Hæc conjunctio ex mero voluntatis arbitrio Divino est, & ideo quando vult quod fiat talis conjunctio, ad nutum voluntatis Divinæ producit creatura in esse, & quandiu vult, quod duret talis conjunctio, creatura conservatur in esse: et si vellet, quod separaretur talis conjunctio, statim creatura desineret esse: & ideo Divina voluntas est Prima & principalis causa productionis & conservationis creaturæ. Vnde Augustinus 3. de Trin. cap. 4. ait: Deus videtur omnibus ad

D. Aug. P.
1. de Trin
cap. 4.

incommutabile arbitrium sententia sue, sive corporeis, sive in corporeis rebus, & hoc est quod ibidem dicitur: Voluntas Dei est Prima causa & summa omnium corporalium specierum, & multò magis incorporealium: quia corporalia aliquando producuntur in esse mediantibus alijs agentibus; incorporalia verò solù immediatè à Deo. Sed si creatura aliqua esset quædam natura simpliciter indifferens realiter à suo esse, & si hujusmodi natura esset quædam imitatio naturæ Divinæ, solùm natura Divina, & secundùm quod hujusmodi, posset esse causa creaturæ; non autem voluntas ejus, secundùm quod voluntas: totum ergo, quod esset ibi, esset quasi naturale: nullo ergo modo possemus salvare, quòd creatura procederet à Deo ex mero arbitrio voluntatis; sed solù procederet ab ipso ex quodam ordine naturali, vel ex quadam necessitate naturæ.

Tertia ratio
ex respectu
creaturæ
ad Divinum
intellectum.

Tertia via ad hoc idem sumitur, prout creatura refertur ad Divinum intellectum. Eo ergo ipso, quòd natura creaturæ est quædam similitudo naturæ Divinæ, si non esset in tali compositio, ratione cujus depēderet à voluntate Dei, processus ille creaturarum nō diceretur voluntatis, sed solummodo naturalis. Differt enim, prout creaturæ comparantur ad intellectum Dei speculativum, & practicum: quia omnia quæcumque Deus potuit intelligere & quandocumque potuit intelligere, speculativè intellexit illa: ita quòd ab æterno res sunt intellectæ à Deo, & secundùm hunc ordinem, quæ habent res in intellectu speculativo, loquendo simpliciter, nō sunt subditæ Divinæ voluntati. Sed respectu intellectus practici non sic: quia secundùm quod hæc res Divinæ voluntati sunt subditæ, ad illa se extendit intellectus solù (loquendo de intellectu practico, ut exit in opus) quæ Divina volūtas causare disponit, quod ideò contingit, quia res secundùm naturam suam, & ut determinantur ad proprium genus & ad propriam speciem, sunt objectum Divini intellectus: Deus enim cognoscendo se ipsum agnovit unumquodque aliud ens, prout est imitativum ejus, & prout determinatur ad proprium genus & ad propriam speciem; sed ad intellectum practicum non comparantur res, nisi prout sunt aptæ natæ conjungi suo esse, & prout sunt aptæ natæ accipere esse: & quia

hujusmodi conjunctio dependet à voluntate Divina, ideò intellectus practicus nō potest exire in opus nisi per argumentum Divinæ voluntatis: igitur quòd quid est, est objectum intellectus speculativi, & ideò, nisi sit defectus ex parte ipsius intellectus, semper est actu intellectum, quasi si res actu existerent per suam essentiam, non per esse superadditum, tunc sicut per suam essentiam comparantur ad intellectum speculativum, per quem actu intelliguntur: sic per suam essentiam compararētur ad intellectum practicum, per quē in actu producuntur. Esset ergo similis comparatio rerum creaturarum ad intellectum Divinū speculativū & practici, ex quo manifestè sequeretur, quòd res creaturæ sicut ab æterno intellectæ fuerūt speculativè, ita ab æterno fuerunt practicæ. Ex hoc etiam sequeretur, quòd sicut intellectorū ad Divinū intellectū speculativum est quasi quidam ordo naturalis, ita productorum ad intellectum ejus practicum esset quasi quidam ordo naturalis: producta igitur procederent ab ipso non ex mero libertatis arbitrio, sed magis ex quodam ordine naturali. Sic enim posito, incidimus omninò in philosophantiū opiniones, secundùm quos idem censendum est de intellectu Divino practico, quod nos dicimus de intellectu ejus speculativo: quia sicut nos dicimus, quòd Deus ab æterno intellexit omnia intelligibilia ab ipso: sic ipsi posuerūt, quòd ab æterno produxit omnia productibilia ab ipso, & quòd si aliqua fiūt in tēpore, hoc est (secundùm eorum opinionem) quia non sunt immediatè productibilia à Deo: scribitur enim circa finem *secundi de Generatione*, quòd propter longè distare à Primo principio est generatio, & corruptio in istis inferioribus. Si ergo quæsitum fuisset à Philo: quare ista sensibilia sunt generabilia & corruptibilia, dixisset: quia longè distant à Primo principio, & nō sunt immediatè productibilia ab ipso. Quicumque itaque ponunt, quòd ad ipsam essentiam de se possit terminari creatio, ponunt, quòd eadem sit cōparatio rerum ad intellectum Divinum speculativum & practicum, ut sicut Deus ab æterno quodam ordine naturali actu intellexit omnia, quæ speculativè poterant intelligi per ipsum: sic ab æterno quodam ordine naturali per intellectum practicum actu produxit omnia, quæ poterant produ-

Philosophorū positio, quòd Deus ab æterno produxit omne creatibile ab ipso, & quòd productibile in tēpore, non sit immediatè ab ipso.

1. de generatione comm. 99.

ei per ipsum. Nec valet si quis diceret, quod ultra essentiam est ibi respectus quidam: nam intelligibile speculativè intelligitur habere talem respectum. Rursus, ut pluries dictum est, respectus secundum se non est subditus voluntati, vel, quod idem est, factio per se non terminatur ad respectum, sed terminatur ad rem: itaque ipsa res secundum se esset facta, & deinde ex re illa facta confurgeret respectus quidam: ergo sicut actio intellectus speculativi intelligitur terminari ad ipsam essentiam, & ad ipsam naturam secundum se, & ideo de necessitate est æterna, & est quodammodo naturalis: sic, hac hypothese stante, actio intellectus practici terminaretur ad ipsam essentiam & ad ipsam naturam secundum se, & ideo de necessitate esset æterna, & esset quodammodo naturalis.

Quarta ratio venatur ex consideratione naturæ, & suppositi.

Quarta & ultima via ad hoc idem sumitur, prout in ipsis rebus consideramus naturam & suppositum. Nam si creatura nihil plus diceret, nisi essentiam & naturam quamdam, in qua fundatur respectus ad Creatorē, tunc sicut in Divinis suppositū supra naturam nihil addit nisi respectum quemdam, sic nec in creaturis: respectus ergo ad Creatorē fundaretur in ipsa simplici natura secundum se, quod esse non posset, nisi naturæ creatæ secundum se deberetur talis respectus. Sed dices: naturæ secundum se debetur talis respectus formaliter, non autem effectivè: ideo quod natura creata talem respectum habeat, hoc est à Deo effectivè; sed per nullā rem superadditā, sed se ipsa habet hoc formaliter. Itaque ipsū productū potest esse una quædam res & una natura, in qua fundatur talis respectus; sed respectus dicit aliquid subjectivè, ut si per albedinem similatur quis parietī, vel, ut dicamus simile ad propositū, ponamus, quod esset quædam albedo causa, & esset quædam alia albedo causata: & tamen albedo causata non esset res recepta in alia re, sed esset quædam una res. Sic enim imaginantur ponentes, quod possit causari aliquid non compositum ex diversis rebus: imaginantur quidem, quod sit quoddam esse causans, ut esse Divinum, & sit quoddam esse causatū, ut esse creaturæ: & istud esse causatum non est res quædam recepta in alia re, sed est eadem res, quod essentia creaturæ. Sicut si albedo separata causaret albedinem non receptā in alia re, vel causaret albedi-

nem, sine compositione ex pluribus rebus, sed quæ esset una res: secundum hoc ergo albedo causata per se ipsam haberet respectum ad albedinem causantem. Vel, ut loquimur in proposito, essentia creaturæ causata per se ipsam, non per aliquod esse superadditum, potest esse actu producta, & potest habere respectum ad essentiam Divinam causantem. Ergo causabile aliquid respiceret subjectivè, aliquid objectivè: subjectivè quidem respiceret ipsam essentiam causatam, objectivè autem ipsam essentiam causantem. Vel respectus ille aliquid respiceret formaliter, aliquid causaliter: formaliter quidem respiceret ipsam essentiam causatam; causaliter autē & effectivè ipsam essentiam causantem: hoc enim posito, ipsa essentia causata formaliter se ipsa referretur; sed quod sic referatur, ab essentia causante haberet causaliter & effectivè. Et ne capiamur in verbo, cum dicimus, quod aliquid se ipso est tale, sensus est, quod nullo alio superaddito sit tale: stante igitur hypothese nostra, essentia causata se formaliter referretur, quod nulla alia re superaddita referretur: tamen non referretur se ipsa formaliter, quod non esset ei superadditus respectus quidam: illa ergo essentia causata se ipsa referretur subjectivè, & se ipsa referretur formaliter: se ipsa quidem referretur subjectivè, si comparatur non ad rem, sed ad respectum, cui subiceretur tanquam fundamentum: se ipsa autem referretur formaliter, si comparatur non ad respectum, sed ad rem, quia non per aliam rem superadditam, sed se ipsa referretur. Sicut si albedo per se existens posset causari ab aliqua alia albedine, albedo illa causata similaretur albedini causanti se ipsa formaliter, si comparatur ad rem aliquam: quia non per aliam rem superadditam, nec per aliam albedinem superadditam; sed se ipsa similaretur. Sed si comparatur albedo illa ad ipsum respectum, cum alia sit ratio absoluti, & alia respectivi, & res absoluta non sit formaliter ipse respectus, sed sit subjectum & fundamentum ejus, sic considerata albedo non referretur se ipsa formaliter, sed se ipsa subjectivè.

His autem prælibatis, quacumque via incedatur, habetur intentum. Nam si essentia creaturæ se ipsa subjectivè, & per nihil superadditum habet actualem respectum ad suum productorem, semper con-

Quid sit
ferri
liter
quid
subjectum

Albedo
sua ab
dine
hanc
formaliter
referretur
ad ipsum
pe
subjectum

conveniet ei talis respectus, & semper erit producta, nisi ponatur defectus in producente. Dicimus autem, nisi sit defectus in producente, quia potest talis respectus esse non solum per defectum in subiecto, sed etiam per defectum in objecto: ut si essentiam creaturæ produci non est ali-quod esse, vel rem aliquam, vel actualita-tē aliquam superaddi, sed solum habere actualem respectum ad productorem, li-cet ipsa essentia subiectivè non posset de-ficere respectui, quia se ipsa ei subijcere-tur, & se ipsa referretur ad producentem; posset tamen iste respectus tolli per defe-ctum ipsius producentis, ad quem termi-natur iste respectus tanquam ad objectū. Vt si umbra causata, quantum est de se, semper assisteret corpori causanti; per defe-ctum tamen corporis causantis posset deficere umbra causata: sic causatū, quan-tum est de se, semper assisteret actuali res-pectui, quod secundum se, & secundum suam essentiam subijceretur illi respectui: & ideò, quantum est de se, semper esset actualiter productū; si autem aliquando posset non esse, hoc solum esset ex defectu producētis. Et ista est certè Phorum opi-nio, quod nunquam ab agente æterno, & immutabili possunt immediatè proce-dere res temporales. Secundum hoc er-go quæcumque ab æterno potuerunt im-mediatè procedere à Deo, de necessita-te processerunt, & res productæ à Deo de necessitate sunt productæ, nisi sit defe-ctus in causa, & hoc est ponere, quod res non procedat à Deo ex mera arbitrij li-bertate, sed magis ex quadam necessitate naturæ. Ponētes itaque sufficere, quod res creata sit composita ex re & respectu, & quod non oporteat eam esse compositā ex re & re, ponunt, quod essentia rerū de se semper sint productæ, & quod res non procedant à Deo ex mera libertate arbitrij, sed magis ex quadam necessitate naturæ. Quod ut fugiamus, dicamus om-nem creaturam de necessitate esse compositam ex re & re, quarum una se habet ut potentia; reliqua verò ut actus: & res-pectus iste actualis ad suum productorem, secundum quem res dicuntur esse pro-ductæ, non fundatur, nec in potentia secundum se, quia tunc potentia illa sem-per esset producta, nec in actu secundum se, quia tunc actus ille semper esset pro-ductus; sed fundatur in conjunctione u-trorumque, vel fundatur in quolibet ho-

rum, ut conjungitur alteri: & quia ista conjunctio dependet ex mera voluntate Dei, ideò productio rerum ex mera vo-luntate Dei dependet. Quid autem sint istæ duæ res, ut quid est iste actus, & quid ista potentia, ex quibus de necessitate cō-ponitur quælibet creatura? Dicimus, quod est essentia & esse.

Dicet fortè aliquis, quod secundū veritatem non possumus effugere quo-niam duæ res, actus, scilicet, & potentia, componant quamlibet creaturam, sed hæ duæ res non sunt essentia, & esse; sed sunt materia & forma. Sed quod hoc non oporteat, & quod non oporteat, ma-teriā & formā esse de cōpositione cujus-libet creaturæ, & quod dato, quod mate-ria & forma, quæ componunt ipsam es-sentiam creaturæ, essent de composi-tione cujuslibet creaturæ, adhuc præ-ter hanc compositionem ex materia & forma, quæ componerent essentiam, oportet dare compositionem ex essentia & esse, Domino concedente, cū disputa-bimus de Angelis, diffusius declarabimus. Nunc autem sufficiat scire, quod ad hoc quod creatura producatur in esse, non sufficit, quod sit composita ex re & res-pectu; sed oportet, quod componatur ex re & re, quæ duæ res, una se habet ut actus, alia ut potentia, quæ duo, actum & potē-tiam, communi nomine vocamus esse & essentiam. Suppositum igitur in creaturis, cui per se competit esse, & non dicit res-pectum tantum supra naturam, ut in Di-vinis ubi necessitate immutationis neces-se est Personam producentem produce-re, & productam produci. Et ideò si cōsi-deratur natura, & suppositum in creatu-ris, satis habetur via ad investigandum, quod oporteat creaturas esse compositas ex essentia & esse. Si ergo creatura se ipsa referretur subiectivè, ita quod sit cōposita ex re & respectu, vel, quod idem est, si se ipsa referretur formaliter, quod non per aliam rem sibi superadditam, sed se ipsa formaliter referretur, non obstante, quod haberet aliud, quo referretur, non posset esse defectus ex parte sui, quoniam se ip-sa semper referretur: quia quod competit alicui formaliter secundum se, oportet, quod ei semper competat illud, ita quod non possit intelligi cum opposito ejus. Nisi igitur esset defectus in efficiente, & in causante, sicut semper per se ipsam re-ferretur formaliter, & semper per se ipsā

Replica

De hoc B. Agid. in 2. diut. 3. q. 1. art. 1. & 2.

Responsio.

esset

Philosopho.
num opinio,
quod ab a-
gente æter-
no & immu-
tabili non pos-
sunt imme-
diatè proce-
dere res tem-
porales.

esset actu producta, ita semper haberet, quod referretur & esset actu producta ab alio effectivè. Quod redit in Phorū opinionem, qui ponunt, quod non ex mera voluntate & libertate arbitrij, sed ex quadam necessitate naturæ procedant à Primo principio.

Respond. ad arg. Ad 1. dicendū, quod dato, quod Deus produceret creaturam, quantum meliorem posset, non propter hoc creatura esset summè bona, nec æquaretur ei in bonitate: quia non posset illa tantā bonitatem recipere. Sicut videmus, quod Sol illuminat aërem, quantum potest, nec tamen aër æquatur Soli in claritate: quia non potest tantam claritatē recipere. Elsēt ergo creaturæ deficientes à Deo, & non duerent in cognitionē quid est Deus, dato, quod ex quadam necessitate naturæ procederent à Deo. Multa enim ex necessitate naturæ procedūt ab aliquo, quæ valdè deficient ab eo, à quo procedunt. Vel possumus dicere, quod argumentum non est ad propositum. Nō enim est quæstio, utrum sit possibile vel impossibile, quod creatura procedat ex necessitate naturæ: sed supponitur hoc esse impossibile, & hoc supposito, quæritur, dato, quod creatura non esset composita ex essentia & esse, utrum ex hac positione sequeretur hoc impossibile, quod procederet à Deo ex necessitate naturæ? Ad 2. dicendum, quod si creatura procederet à Deo ex necessitate naturæ, quantum ex forma arguendi, non propter hoc sequeretur, quod esset sic proportionata Deo, quod posset duere in cognitionē, quid est Deus: sicut proprietates sūt proportionatæ subjecto, quod ducūt in cognitionem quid est subjectum. Vel possumus dicere, ut prius, quod argumentum non est ad propositum, quia non est quæstio, utrum hoc sit possibile; sed supponitur esse impossibile, & quæritur, utrum tale impossibile sequatur ex positione prædictā? Ad 3. dicendum, quod id, quod procedit ab aliquo agente ex mera libertate arbitrij, de necessitate deficit ab eo;

Quæ procedunt ab aliquo artificialiter, ab ejus esse deficient, quæ verò naturaliter, aliqua deficient, & aliqua non.


sed quod procedit ex natura, potest deficere, & non deficere: ab homine enim procedūt aliqua artificialiter, & hæc omnia deficient à natura humana; aliqua verò procedūt naturaliter: & hoc est dupliciter, quia vel procedūt per putrefactionē, ut vermes; vel per propagationē, & per generationē ut filij: & conitat, quod filij,

nisi sit impedimentum in instrumentis, vel in semine, perfectè assequuntur naturam parentum: quæ ergo procedunt ab aliquo naturaliter possunt deficere, & non deficere ab eo, à quo procedunt; sed quæ procedunt solum artificialiter, de necessitate deficient: ergo ex forma argumenti tantum valet, hoc non deficit ab hoc, ergo non procedit ab eo artificialiter, sed naturaliter; non autem valeret, quod si procedit naturaliter, quod non deficiat; sed è converso, si non deficit, quod procedit naturaliter. Sed possumus aliter respondere; & magis ad propositū, quod æquivocatur ibi in deficiente: nā aliud est nō deficere à natura Divina; & aliud à suo esse. Si enim creatura procederet à Deo naturaliter, dato, quod deficeret à natura Divina; tamē nō deficeret abesse, quia talequid nō posset nō esse. Ergo cum arguitur, quod si creatura procederet à Deo naturaliter, adhuc posset esse defectiva: sicut umbra, quæ procedit à corpore; adhuc est quid defectivum respectu corporis. Patet, quod umbra est quid defectivum respectu corporis; eò quod non habet tantam entitatem, quantam corpus; tamen non est defectiva respectu esse umbræ; quoniam supposita luce semper sequitur corpus. Quare si creatura procederet à Deo naturaliter, sicut umbra à corpore, licet hoc posito, deficeret ab entitate Dei, non tamen deficere posset ab esse ejus; sed esset cōquæva Deo. Et hoc sufficit ad propositum nostrum, quod si in creatura non differt essentia & esse, non posset deficere à suo esse; sed Deo cōquæva existens necessario habuit esse ab æternitate, & per consequens processerit ab eo ex quadam necessitate naturæ. Ad 4. dicendum, quod nullum agens potest id id, quod per se repugnat effectui: Ideo si Deus volendo, producit creaturam, non potest velle in creatura, quod per se repugnat creaturæ: ideo hoc non potest Deus velle in creatura. Et, ut aludamus verbis argumenti, dicamus, quod à Deo processit Filius, Spiritus Sanctus, & creatura; solum in processione creaturæ est ratio voluntatis ex mera libertate arbitrij, non ordine naturali, nec concomitante natura, nec ex necessitate naturæ procedit creatura: & ideo potest procedere, & non procedere, & quia sic est, simpliciter loquendo, nullo modo crea-

tura est necesse esse, sed est solum possibile esse. Ad 5. dicendum, quod licet Deus non dependeat à creaturis, tunc quia, ut dictum est, nullum agens potest in id, quod per se repugnat effectui: ideo ex natura rerum procedentium possumus arguere de procedendi modo: ut si effectus est talis, quod sit necesse esse, oportet, quod non procedat ex mera libertate arbitrij, quia tunc posset esse & non esse, quod repugnat ei, quod est necesse esse. Ad 6. dicendum, quod id, quod sit ex nihilo, de necessitate est compositum ex potentia & actu, & id, quod potest in nihilum redigi, oportet, quod sit etiam sic compositum: sed in huiusmodi compositione potentia, non præcedit actum, sed simul tempore producit potentia & actus: igitur non arguit, quod id, quod immediatè sit ex nihilo, non sit compositum ex essentia & esse, vel ex potentia & actu; sed solum concludit, quod in tali productione tempore potentia non præcedit actum. Ad 7. dicendum, quod si creatura esset se ipsa formaliter, esset suum esse; & si esset suum esse, non posset separari à suo esse: semper ergo se ipsa formaliter esset, & semper esset ab alio efficienter: ut si calefactibile semper fuisset calefactum, oporteret, quod semper fuisset aliquid, quod ipsum calefaceret: sic si creatura esset suum esse, non posset non esse producta, & si esset impossibile creaturam non produci, esset impossibile Deum eam non producere: & hæc sufficiunt ad hoc, quod creatura non procedat à Deo ex mera libertate arbitrij, sed ex quadam necessitate naturæ. Et ut magis pateat argumenti forma, dicamus, quod quidquid est se ipso formaliter, oportet, quod sit necesse esse: nam cum dicimus, videlicet, esse se ipso, & esse se ipso formaliter, planum est ergo, quod potentia non est se ipsa formaliter: sed est per actum, qui est complementum ejus: nec compositum est se ipso formaliter: sed est per actum, qui est pars ejus: nec actus, qui est aptus natus recipi in potentia, est se ipso formaliter: quia non est se ipso, nec est aptus natus esse per se ipsum: solus autem actus, qui nec est perfectio potentie, nec est aptus natus perficere potentiam, est se ipso

formaliter: talis autem actus si esset, esset necesse esse; & talis quidem actus vel nullo modo esset ab alio productus, vel oporteret, quod esset de necessitate productus: nullo modo posset esse productus & non productus, & ita non posset esse causatus ex mera libertate arbitrij. Ad 8. dicendum, quod non posset fieri esse sine essentia, & omne factibile de necessitate esse compositum ex esse & essentia: & non contingit hoc, quia plus vel minus distat à Deo essentia & esse, quam alterum solum; sed quia esse alterum solum repugnat effectui, non autem repugnat ei esse utrumque simul: ideo non valet, si potest fieri utramque simul, quod possit fieri alterum solum. Ad 9. dicendum, quod potentia, secundum quod huiusmodi, non indiget potentia, in qua recipiatur, sed indiget actu, quo possit perfici; & actus, secundum quod huiusmodi, non indiget actu, quo possit perfici: sed indiget potentia, in qua sustentetur: ideo essentia, secundum quod huiusmodi, non oportet, quod habeat aliam essentiam, in qua recipiatur, sed indiget esse; & esse non indiget esse, sed indiget essentia, in qua possit recipi: & quia hoc est de ratione agentis, ut producat effectum secundum exigentiam: ideo non producat essentiam sine esse, per quod perficiatur; nec esse sine essentia per quam sustentetur: quod sic ergo oporteat esse, ex ipsa exigentia rerum est ratio assignanda: non autem est assignanda ratio ex eo, quod essentia respectu esse habeat rationem causæ vel causatæ: solum ergo assignabitur ratio ex eo, quod in tali compositione essentia habeat rationem potentie, & ideo non oportet, quod indigeat alia essentia, sed quod indigeat esse: & esse quia habet rationem actus, non indiget alio esse, sed essentia. Ad 10. dicendum, quod habere differentem essentiam ab esse non est perfectionis in creatura, quia hoc posito, tollitur ratio creaturæ: solus enim Deus est talis;

omnis autem creatura, eo quod creatura est, non est suum esse, sed habet differentem essentiam ab esse.



QUÆSTIONES DISPUTATÆ DE ANGELORUM MENSURA.

QUÆSTIO I.

Verum ævum, sive æternitas participata sit mensura Angelorum?



QUÆSTIO est de mensura Angelorum. Et primò quæritur, utrum ævum sive æternitas participata sit mensura Angelorum? Et videtur, quòd non: quia secundum August. 83.

D. Aug. P. N. 83. q. 9. 73. Job. 4. d. 18. Ex lib. de causis prop. 4.

Questionum, quæst. 73. ævum est quid intransmutabile, Angeli autem sunt transmutabiles seu variables, juxta illud Job 4. *Ecce qui serviunt ei, non sunt stabiles: ergo &c.* Præterea: Angelus creatus est in instanti: sed *Prima rerum creaturarum est esse:* quia quid quid creatur, intantum creatur, inquantum accipit esse: esse ergo Angeli mensuratur in instanti: non ergo mensuratur ævo, quod dividitur contra suum nunc, sive contra suum instans. Præterea: videtur, quòd Angelus mensuretur æternitate simpliciter: quia quodlibet mensuratur minimo sui generis. Si igitur inter entia minimum, idest, simplicissimum inter separata est ipse Deus, & sua æternitas, omnes ergo substantiæ separatæ mensurabuntur æternitate. Præterea: quando totum aliquod genus mensuratur aliqua mensura, quod est supremum in illo genere, mensuratur eadem mensura: ut si totum genus entis mensuratur Primo ente, substantia, quæ tenet nobiliorem gradum entis, mensurabitur Prima substantia, idest, Deo: ergo à simili,

quia in genere substantiæ Angeli tenent nobiliorem gradum, mensurabuntur eadem mensura, scilicet, ipso Deo sive æternitate. Præterea: mensura dicit quid certificatum: quia per mensuram certificamur de mensurato: sed de substantiis separatis certificamur per intellectum unum: quia Comment. In 3. de Anima ait: si ignorata esset natura intellectus rationalis, ignoratus esset numerus substantiarum separatarum: sed intellectus noster possibilis, ut videtur, subjacet temporis: quia non intelligit sine continuo & tempore, ergo de ipsis Angelis certificamur per tempus, & mensura eorum erit tempus. Præterea: dicere, quòd Angeli mensurantur æternitate participata, ut videtur, est dicere oppositum in adjecto: nam æternum est idem, quod extra terminos, participatum est idem, quod contractum: dicere aliquid esse extra terminum, & esse contractum, est dicere oppositum in adjecto: ergo &c. Præterea: videtur, quòd Angeli mensurantur æternitate, simpliciter. Nam in esse Angelorum est tria considerare. Primum, quia hujusmodi esse est totum simul. Secundum, quia est ab alio. Tertium verò, quia potest non esse. Ipsi ergo esse Angelorum, quòd non possit mensurari æternitate simpliciter, non repugnat ex eo, quòd est totum simul: quia æternitas, quæ mensurat totum, simul mensurat. Nec etiam hoc repugnat ei, quia

Plus 10. Meta. côm. 1. & 4.

quia est ab alio : quia hoc non debet esse secundum modum essendi. Nec etiam repugnat ei ex eo, quod tale esse potest non esse : quia potentia non respondet mensura, sed actui: nihil ergo repugnat ipsi esse angelico, quod non mensuretur aeternitate simpliciter. Præterea: affectiones Angeli mensurantur tempore : ergo & ipse Angelus, prout movetur per varias affectiones, mensurabitur nunc temporis: quia, ut habetur in 4. Physic. sicut tempus mensurat motum, ita nunc temporis mensurat mobile : sed cujus substantia mensuratur nunc temporis, ejus esse mensuratur tempore : esse ergo Angeli mensurabitur tempore. Præterea: de ratione mensuræ est, quod contineatur; sed aeternitas participata, sive ævum non continet intelligentiam: quia, ut dicitur in commento 2. propositionis de causis: *Intelligentia purificatur aeternitati*: Non igitur continetur ab aeternitate, nec mensuratur ab ea. Præterea: esse invariabile est proprium ipsius Dei, non ergo competit alicui creaturæ: omnis ergo creatura mensuratur mensura variabili, sed hujusmodi mensura est tempus: ergo & c. Præterea: non obstante, quod cælum est incorruptibile, mensuratur nunc temporis: similiter ergo & Angelus, quomodocumque sit incorruptibilis, mensurabitur nunc temporis; & per consequens suum esse mensurabitur tempore. Præterea: esse corruptionis, quia est indivisibile, mensuratur in instanti, vel mensuratur per nunc : ergo & multo magis esse ipsius Angeli mensurabitur in instanti, vel mensurabitur per nunc : non ergo mensuratur ævo, sed mensurabitur nunc ævi, vel nunc temporis.

In contrarium est: quia sunt aliqua simpliciter transmutabilia, & ista mensurantur tempore; alia simpliciter intransmutabilia, ut Deus, qui mensuratur aeternitate; Angeli autem tenent modum medium: ergo non mensurabuntur tempore, nec aeternitate; sed mensurabuntur mensura media, quæ dicitur ævum, sive aeternitas participata. Præterea: secundum Commentatorem in 4. Physic. aliqua sunt in tempore, ut ista corruptibilia: aliqua cum tempore, ut corpora supercælestia: aliqua nec in tempore, nec cum tempore, ut substantiæ separatæ: ergo non mensurantur cum tempore, nec mensurantur aeternitate simpliciter, cum hoc modo

mensuretur solus Deus: mensurabuntur igitur mensura media, quæ dicitur ævum, sive aeternitas participata.

RESOLVTIO.

Ævum sive aeternitas participata, quæ mensura est media inter aeternitatem simpliciter, & tempus, est Angelorum mensura.

Respond. dicendum: quod cum quæritur nostra quærat de mensura Angelorum, quantum ad præsens spectat, quatuor sunt inquirenda. Nam: primò monstrandum est, ubi primò reperitur mensura, & quomodo nomen mensuræ transferatur ad omnia, quia omnia dicuntur esse facta in numero, pondere, & mensura. Secundò videndum est mensura quid mensuratur in quolibet. Tertiò descendendum est ad mensuram, quæ dicitur ævum, quot modis accipitur, & quomodo enim hic de ævo loquimur. Quartò & ultimò adducemus rationes, quod oportet ponere talem mensuram esse mediam inter aeternitatem & tempus, quod dividit ævum, qua mensura media mensurantur Angeli.

Propter primum dicendum, quod, ut dicitur in 10. *Metaph. Mensura est id, per quod cognoscitur quantitas rei*. Illud enim, per quod certificamur, & per quod cognoscimus quantitatem rei mensuratæ, dicitur mensura ejus. Ex hoc enim dicimur aliquam rem mensurare: quia scimus quantitatem ejus, propter quod mensura primò reperitur in quantitate, & prius in quantitate discreta, quam continua. Nam: certificari de quantitate magis possumus per unum, quod mensurat quantitatem discretam, quam per palmum, vel ulnam, quæ mensurat quantitatem continuam: nam magis sumus certi de unitate, quæ est indivisibilis, & quæ est mensura minima, quam de quacumque mensura continua: si ergo de ratione mensuræ est, quod nos certificet de quantitate rei, ratio mensuræ primò reperitur in quantitate discreta, & postea de quantitate discreta transfertur ad alia. Hoc ergo est quod Commentator dicit super 10. *Metaph. Natura mensuræ primò & essentialiter reperitur in quantitate discreta... & de quantitate discreta, & uno numerali transmutatur hoc nomen mensura*

Quatuor nota.

10. *Metaph. cap. 2.*

Comm. 10. *Metaph. comm. 2.*

mensura ad alia genera: Imò ipsi quantitati continue nō competit mensurari nisi per quantitatem discretam, ut ex hoc scimus mensuram panni per ulnam, quando scimus quoties, & in quo numero ulna cōtinetur in panno. Inde est quod 10. *Geometrie*, quantitates dicuntur symmetriae, & commensurabiles adinvicem, quando una se habet ad aliam, sicut numerus ad numerum: per se igitur & primò ratio mēsuræ reperitur in quantitate discreta, prout per unum, quod est indivisibile, multoties replicatum adæquatur etiam se, & mensurat quemlibet numerum divisibile. Ex quantitate autē discreta transfertur nomen mensuræ nō solum ad quantitates continuas, sed etiā

10. *Geome.*

In quantitate discreta indivisibile habet rationem mensuræ, & divisibile mēsurati: in alijs generibus, quæ his assimilantur, nomen mēsuræ & mensurati usucapiunt.

Actus duplex, scilicet, esse, & operari, suas habet mēsuras, & actus secundus permanens, & successivus diversimodè mensuratur, primus ævo secundus tempore mēsuratur,

ad ipsos actus formarum: est enim actus duplex, esse, & operari. Propter quod ipsum esse rerum, quod est actus primus, & ipsum operari, quod est actus secundus, mensuratur aliqua mensura: imò talibus assignamus diversimodè mensuram, secundum quod diversitatem habent ad successionem, & permanentiam. Sunt enim aliqui actus successivi, aliqui permanentes: aliqua enim habent esse permanens, aliqua successivum: esse enim permanens mensuratur

ævo sive æternitate; successivum vero mensuratur tempore sive instanti temporis.

Viso ubi reperitur mensura, quia in quantitate, restat declarare secundum, videlicet, quid mensura mensuratur in unoquoque, quod de facili declaratur. Nam si mensura est illud, per quod cognoscitur quantitas rei, & si per mensuram certificamur de quantitate rerum, ut est per habita declaratum, oportet, quod mensura in unoquoque genere entium mensuret quantitatem rerum existentium in illo genere: nisi enim nomen quantitatis, & magnitudinis posset transsumi ad omnia entia, nomen mensuræ non posset reperiri in unoquoque genere entis: sed quia in omnibus entibus reperitur aliquis modus quantitativus, & aliquis modus magnitudinis, mensura transsumitur ad omnia entia vel genera. In unoquoque igitur genere entis mensura mensurat quantitatem rerum existentium in illo genere: prout igitur in rebus reperitur quantitas & magnitudo, sic ibi diversimodè reperitur ratio mensuræ: & quia in aliquibus reperitur quantitas & magnitudo extensionis & multiplicationis; in aliquibus autem magnitudo perfectionis; in aliquibus autem reperitur magnitudo durationis: ideò mensura non eodem modo mensurat quantitatem in omnibus rebus, sed aliter mensurat quantitatem in his, quæ sunt in genere quantitatis, aliter in formis, aliter in actibus formarum. Nam quia in quantitate continua reperitur quantitas cujusdam extensionis, nihil est aliud cognoscere mensuram quantitatis continuæ, quam certificari de extensione ejus; in quantitate autem discreta reperitur quantitas multiplicationis, ideò per mensuram quantitatis discretæ certificamur de multitudine talis quantitatis. Et quia multiplicatio numeri fit per appositionem & per ascensum, transferendo mensuram à quantitate discreta ad quantitatem continuam, aliqua mensuramus secundum quantitatem appositionis, aliqua secundum quantitatem ascensus, secundum quem modum mensuramus pondera, & sonos: nam de sonis certificamur per ascensum; de ponderibus per appositionem, ut si uncia sit mensura ponderis, per unciam certificamur quantum in qualibet re per appositionem sit de pondere: & si die-

sis, idest, semitonium est mensura sonorum, per diem certificamur quantum ascendit quilibet sonus: in omnibus ergo his enumeratis mensura mensurat quantitatem, ut in quantitate continua mensuratur quantitas extensionis, in discreta multiplicationis, in ponderibus & sonis mensuratur quantitas appositionis, vel ascensus.

Eodem etiam modo, si nomen mensuræ transfertur ad formas, mensurabit quantitatem formarum, prout in eis reperitur ratio quantitatis: & quia nomen formæ est perfectionis, idè in formis mensurabit mensura quantitatem perfectionis, ut ex hoc scimus mensuram aliquus formæ, quando scimus quantitatem perfectionis ejus: & inde est, quod in quolibet genere formarum forma perfectissima in illo genere est mensura omnium aliorum: quia per accessum & recessum apertissime in aliquo genere scitur quantitas perfectionis cujuslibet existentis in illo genere: ut si in genere colorum color albus sit perfectissimus, oportet album esse mensuram omnium aliorum colorum, per cujus accessum & recessum scitur quantitas perfectionis in coloribus omnibus: secundum enim quod colores magis & minus recedunt, & accedunt ad album, sic in his reperitur magis & minus de perfectione: esse enim album mensuram omnium colorum nihil est aliud, quam per album cognoscere quantitatem perfectionis in coloribus omnibus. Nam ille est color perfectior, qui est albo proximior; & ille imperfectior, qui est ab albo remotior: per album ergo quasi per mensuram quādam certificari possumus de coloribus, & de eorum perfectione: & quia Primum ens, sive Prima substantia, vel, quod idem est, ipse Deus est perfectissimus, in quo sunt perfectiones omnium: idè per accessum & recessum ab eo scitur quantitas perfectionis in omnibus substantiis separatis, & in omnibus entibus.

Ex hoc ergo apparet, quod cum dicimus, quod perfectissima forma in omni genere formarum est mensura perfectionis cujuslibet existentis in illo genere, quod oportet accipere genus largè: nam si Primam substantiam sive Deum dicimus hoc modo esse mensuram substantiarum omnium, certum est, quod

Deus non est in eodem genere, accipiendo genus propriè, cum substantiis aliis: sicut ex quo Primum ens, idest, Deus, est mensura omnium entium, patet, quod omnia entia non sunt in uno genere, & Deus non est in eodem genere cum aliis entibus: quia ipse in nullo genere concluditur, propter quod in talibus oportet accipere genus largè: tam igitur in quantitatibus, quàm in formis mensura mensurat quantitatem aliquam, aliter tamen, & aliter: quia in quantitatibus mensurat quantitatem extensionis vel multiplicationis; in formis verò quantitatem perfectionis. Sic & in ipsis actibus formarum mensura mensurat quantitatem & magnitudinem aliquam; sed mensurat in eis quantitatem & magnitudinem ejusdem durationis: assignantur autem actus formarum, esse, & operari. Nam cum forma sit duplex substantialis & accidentalis, à substantiali progreditur esse, & maxime in rebus creatis; ab accidentali agere: in rebus enim creatis nulla forma substantialis est immediatum operationis principium; sed semper operatio procedit ab aliqua forma accidentali substantiæ superaddita. Nam sicut in rebus creatis operari non est esse, sed est superadditum ipsi esse, sic in eis operari non immediate egreditur à substantia, sed ab aliqua forma accidentali superaddita substantiæ. Duo ergo sunt actus formarum, esse, & operari, aliter tamen, & aliter, ut ostensum est; attamen sub ipso operari potest comprehendi omnis motus: quia movere quoddam agere est, & quoddam operari: cum ergo operatio sive motus habeat quādam magnitudinem durationis, non solum in formis & in quantitatibus, sed etiam in ipsis actibus formarum mensura mensurat quantitatem aliquam: sed hujusmodi quantitas est quantitas durationis, secundum quod aliquod esse & aliqua operatio aliter, & aliter durat, sic alia & alia mensura mensurat.

Declarato primo & secundo membro positionis, restat tertium declarare, videlicet, quot modis accipitur ævum, & quomodo hic de ævo loquimur, propter quod sciendum, quod ævum est mensura cujusdam totalitatis, est enim ævum mensura divisa contra tempus. Spectat enim ad tempus mensurare aliqua successive, partem, scilicet, post partem; ad ævum autem spectat totum mensurare simul:

Esse est actus formæ substantialis, operari verò actus accidentalis, & est quidam motus, & quantitate durationis mensuratur.

Quot modis accipitur ævum.

mul: idèd dicitur in quarta propositione
 4. prop. Procli. Et hæc duæ mensuræ, tempus & æter-
 cli. nitas, sunt solùm in entibus vitæ & motus. Vi-
 detur enim velle Proclus, quòd non sint
 in entibus nisi duæ mensuræ tantùm, æ-
 ternitas & tempus, sive ævum & tempus,
 quarum una mensurat vitam, idest, esse,
 ut ævum sive æternitas; alia autem, ut
 tempus, mensurat motum: tempus igitur
 & æternitas, sive tempus & ævum sunt
 mensura in entibus vitæ & motus, sive
 sunt mensuræ esse & motus. Causa autē,
 quare sunt istæ duæ mensuræ in entibus,
 assignatur in commento propositionis
 prædictæ: nam, ut ibi habetur: *Omne, quod*
mensurat aliquid, aut hoc est secundum totum,
aut secundum partem, quod autem mensurat se-
cundum totum æternitas est, quod autem secun-
dum partem tempus est. Et quia sic est bene
 dictum, quòd ævum sive æternitas est
 mensura totalitatis, sive est mensura se-
 cundum totum, sicut tempus est men-
 sura secundum partem: prout ergo in
 aliquibus vario modo reperitur totalitas,
 sic vario modo accipietur ævum: quot
 enim sunt modi totalitatis in durationi-
 bus rerum, tot sunt modi acceptionis
 ævi. Et inde est, quòd Damasc. lib. 2. cap.
 1. ponit quasi 6. vel 7. modos acceptionis
 ævi. Nam totalitas, quæ videtur de ra-
 tione ævi, vel est cujusdam decursus &
 successionis, vel est cujusdam similitudi-
 nis & permanentiæ, vel est utroque mo-
 do. Si autē hujusmodi totalitas sit cujus-
 dā de cursus & successionis, vel erit singu-
 laris, vel communis. Si singularis? Sic vi-
 ta cujuslibet rei dicitur ejus ævum. Nam
 omnia ista generabilia mensurātur certa
 periodo, idest, termino, temporis spatio.
 Tota ergo periodus cujuslibet rei dici-
 tur ejus ævum, & hoc modo loquitur Da-
 masc. libro eodem & capit. ubi vult, quòd
 seculum, idest ævum, dicitur *cujusvis hominis*
 vita. Si verò accipitur totalitas, nō ut res-
 picit unamquamque rem singulariter, sed
 ut respicit communiter, hoc erit tripli-
 citer: quia hujusmodi totalitas vel acci-
 pietur secundum numerationem, vel
 secundum totalitatem, vel secundum
 partialitatem. Si secundum numeratio-
 nem? Sic spatium mille annorum dicitur
 ævum sive seculum. Nam totalitas in nu-
 meris vel potest accipi secundum addi-
 tionem, vel secundum multiplicationem:
 secundum additionem quidem totalitas
 numeralis vadit usque ad 10. Nam ad-

dendo unitatē unitati, vel numerum
 numero non numeramus nisi usque ad
 10. post 10. verò non est numerus, nec
 est ibi nova acceptio, sed est reiteratio
 acceptorum. Secundum multitudinem
 verò totalitas numeralis non ascendit
 ultra multitudinem cubicam: quia sicut
 in corpore non est dare nisi tres lineas se
 diametraliter intersecantes, ita quòd
 non est dare nisi tres dimensiones, lon-
 gum, latum, & profundum: sic etiam &
 in numeris numerus cubicus assimilatur
 corpori, quia secundum trinam dimen-
 sionem progreditur. Mille ergo, quia est
 numerus cubicus, & constituitur ex 10.
 in se ducto cubirè: idèd utramque tota-
 litatem numeralem in se complectitur, &
 totalitatem secundum additionem ra-
 tione radicis suæ ratione denarij, & to-
 talitatem secundum multitudinem ratio-
 ne sui, quia est numerus cubicus: prop-
 ter ergo hujusmodi totalitates spatium
 mille annorum dicitur ævum secundum
 Damasc. lib. præassignato & cap. quia Eo-
 dem nomine mille annorum tempus appellatur. Po-
 test alio modo accipi hujusmodi totali-
 tas secundum totalitatem temporis, &
 sicut totum tempus: & idèd vita præsens
 dicitur seculum, sive ævum. Et hoc mo-
 do loquitur de ævo Dionysius 7. de Di-
 vin. nomin. capit. 10. ubi vult: *Quòd totam*
temporis appositionem Sacra Scripta appellant æ-
vum. Hoc etiam modo loquitur Damasc.
 lib. præassignato & cap. ubi ait: quòd uni-
 versa præsens vita dicitur seculum. Uni-
 versum ergo tempus ab initio mundi us-
 que ad consumationem ævum, sive se-
 culum appellatur.

Potest autem & quarto modo acci-
 pi ævum pro totalitate secundum par-
 tem, & sic cū totum tempus vitæ præ-
 sentis dividatur secundum Damascenum
 in 7. ætates: tota una ætas diceretur ævum
 sive seculum, ut totum tempus ab initio
 mundi usque ad Abraham, quod potest
 computari pro una ætate, ævum sive se-
 culum dici potest. Secundum hoc ergo ac-
 pietur totalitas non secundum totum tē-
 pus, sed secundum partem temporis: hoc
 enim modo loquitur de ævo, sive de se-
 culo eodem libro Damasc. & capitulo cūm
 dicit: *Iam verò septem hujus mundi secula di-*
cuntur, hoc est, à cali, terre que creatione usque
ad communem omnium consummationem & re-
surrectionem. Accipiendo ergo ævum pro-
 ut dicit totalitatem cujusdam decursus
 &

Damasc. lib.
 2. cap. 1.

Idem ibidē.

Idē ibidē.

Dionys.
 Div.
 cap. 10.
 Damasc.
 præ.

Damasc.
 supra.

& successionis, quatuor modis accipitur, A vel pro vita uniuscuiusque rei, vel pro spatio mille annorum, vel pro toto tempore vite presentis, vel pro tota aliqua una aetate: omnibus ergo istis modis ævum dicit totalitatem quamdam, & potest dici mensura totius.

Potest autem & quinto modo accipi ævum, prout non dicit totalitatem cuiusdam decursus & successionis, sed cuiusdam stabilitatis & permanentiæ: & hoc modo loquitur hic de ævo, quod mensurat æviterna. Et sic diffinit ævum Damascenus eodem lib. & capitulo, ubi ait: dicitur rursus ævum *Quod neque est tempus, neque pars temporis, sed quod unum cum iis rebus, quæ æternitate præditæ sunt, protenditur.* Quod duobus modis potest intelligi. Nam huiusmodi protensio vel est solum per quamdam assistentiam, vel per quamdam receptionem & participationem. Primo modo dicitur ævum de æternitate simpliciter: quia ipsa protenditur cum omnibus rebus æternis, & cum omnibus rebus temporalibus: quia omnibus rebus assitit. Sed si accipiat huiusmodi protensio secundum quamdam receptionem & participationem: quia omne, quod recipitur in alio, protenditur secundum terminos & capacitatem rei recipientis, ut aqua recepta in vase protenditur secundum terminos & capacitatem vasis: sic etiam esse receptum in natura intelligentiæ protenditur secundum capacitatem nature ejus. Hoc modo loquendo de protensione, nomen ævi non potest competere æternitati simpliciter: quia esse Divinum, quod mensuratur æternitate simpliciter, non est esse receptum, nec est esse hoc modo protensum: sed ævum hoc modo sumptum dicit ipsam æternitatem participatam, quam propriè dicimus esse Angelorum mensuram. Preter ergo quatuor assignatos modos ævi potest accipi ævum quinto modo pro æternitate simpliciter, & potest accipi sexto modo pro totalitate participata: ævum ergo si dicat totalitatem cuiusdam decursus, quatuor modis, ut Damascenus narrat, accipitur. Si verò dicat totalitatem cuiusdam permanentiæ, sic accipitur duobus modis: potest autem & accipi alio modo ævum, prout dicit totalitatem tam decursus, quam permanentiæ: & sic vita futura dicitur sæculum sive ævum. In vita enim futura quedam erunt perma-

nentia, ut esse tam Angelorum, quam hominum erit quid permanens, & visio omnium bonorum, quam habebunt de Deo, erit etiam quid permanens: cogitationes tamen aliæ, secundum quod intelligent Angeli per species concreatas, variationes suscipere poterunt. Hoc etiam modo loquitur de ævo Damascenus eodem libro & capitulo ubi ait: *Et futura illa, ac post resurrectionem immortalis, & sempiterna vita sæculum item nominatur, sive ævum.* Cum igitur septem modis, vel sex accipiat ævum, non intendimus loqui hic de ævo, nisi prout dicit æternitatem participatam, vel prout habet quamdam protensionem: quia hoc modo est Angelorum mensura.

Advertendum tamen: quod Damascenus ævum, æternitatem, & sæculum pro eodem accipit: unde ipse ait eodem libro & capitulo, quod Deus dicitur eomius, id est, sæcularis, id est, æternus: & dicitur præeomius, id est, prææternus: Deum ergo dicit sæcularem & eomium, qui est æternus: quod non diceret, nisi pro eodem acciperet ævum, sæculum, & æternitatem. Dionysius etiam pro eodem accipit ævum, & æternitatem. Nam de Divi. nom. 10. dicit: *Sæpe antiquissima ævi, id est, æternitatis nomine designat & notant (id est scripta sacra) interdum rursus totam nostri temporis longitudinem sæculum vocant, quatenus etiam proprietas est temporis, antiquum esse, ac immutabile, & statum rerum totum metiri.* Cum hæc ergo sint conditiones æternitatis, idem appellat ævum & æternitatem: non enim videtur plus differre ævum ab æternitate, nisi quia ævum est nomen græcum: æternitas est nomen latinum. Qualiter autem introductum est, dicamus, quod Deum mensurari æternitate, Angelos verò ævo, fortè causa fuit vocabulorum penuria. Nam cum duplex sit æternitas, videlicet, simplex qua mensuratur Deus: participata qua mensurantur Angeli, non habentes proprium nomen æternitatis participatæ, vocavimus ipsam ævum, & inde inolevit communiter, ut ævum acciperetur pro æternitate participata, & diceretur Angelorum mensuram.

Postquam declaravimus, ubi primò reperitur ratio mensuræ, quia in quantitate discreta, & quomodo ex huiusmodi quantitate translatus est nomen mensuræ ad alia, ut ex hoc sciremus translatum esse nomen mensuræ ad Angelos: & postquam

D. Damasc.

Idem. ibidè.

Dion. vi. 10.
de Div.
nom.

quam ostendimus quid mensuratur mē-
sura in utroque, quia in secundo quanti-
tate quamdam, ut ex hoc sciremus, quid
mensurat mensura in Angelis, quia men-
surat quantitatem durationis esse Ange-
lorum. Et postquam patefecit quot mo-
dis accipitur ævum, ut ex hoc sciremus
quale sit illud ævum, quod est Angelorū
mensura, quia est idem quod æternitas
participata, quod est mēsurā media inter
æternitatem & tempus: restat adducere
rationes, quod sit necessitas ponendi hāc
mensuram mediam. Possumus autem,
quantū ad præsens spectat, adducere qua-
tuor rationes, quod oportet ponere talē
mensuram mediam. Prima ratio sumitur
ex parte defectus creature. Secunda ex
mutabilitate ejus. Tertia ex duratione
ipsius. Quarta ex compositione ejus.

Dionys. ubi
supra.

Prima ratio
pro mensura
media inter
æternitatem
& tempus
statuendam,
quæ aliquas
conditiones
participat
æternitatis,
& nō est æ-
ternitas sim-
pliciter.

Primam rationem tangit Dionysius
capitulo 10. de Div. nominibus ubi ait: *Temporis
autem & æternitatis naturam ex Scriptis Divi-
nis cognoscendā esse existimo: nā ut ait ibi Dio-
nysius: Sacra scriptura appellat æterna nō
solum absolutē ingenita, sed dicit scrip-
tura esse æterna, incorruptibilia, & im-
mortalia, & invariabilia, & eodem mo-
do existentia. Vbi manifestē innuit, quod
omnia creata deficiunt ab æternitate sim-
pliciter, quia nulla creata, absolutē lo-
quendo, sunt ingenita, idest, non facta. Ar-
tamen licet creata nō sint æterna simpli-
citer, multa tamen creata participant ali-
quas conditiones ejus, quod est æternum
esse. Nam ipsa incorruptibilia, ipsa im-
mortalia, & semper entia, cujusmodi sunt
intelligentiæ, participant conditiones æ-
ternitatis: præter ergo æternitatem sim-
pliciter, oportet dare æternitatem parti-
cipatam, quæ dicitur ævum, quā mēsurā-
tur Angeli. Ex ipso ergo defectu creaturæ:
quia nulla est æterna simpliciter, sed po-
test participare aliquas conditiones æter-
nitatis: præter æternitatem simpliciter, &
tempus, oportet dare mensuram mediā,
quæ dicitur æternitas participata, quæ est
Angelorum mensura. Dicemus ergo,
quod est quoddam esse omnino perfectū,
ut esse Divinum; & est quoddam esse de-
fectivum, idest, esse creatum: hujusmodi
autem esse creatum non potest esse per-
manens simpliciter & absolutē; sed repe-
ritur aliquod esse taliter permanens, hoc
est per alterius virtutem & participatio-
nem: esse ergo creatum vel erit simpliciter
successivū, vel erit permanēs partici-*

ipatione. Triplex ergo erit mēsurā rerū,
videlicet, tempus, quod mensurat esse suc-
cessivum simpliciter, hujusmodi autem
esse habet motus & fieri. Alia est mēsu-
ra, quæ mensurat esse permanens absolu-
tē, ut æternitas simpliciter. Et tertia est
mensura media, quæ mensurat esse perma-
nens per participationem, ut æternitas
participata.

Secunda via ad hoc idem sumitur
ex verbis ejusdem Dionysii de Div. nom.
10. cap. ubi ait: *Existencia mensuran-
tur ævo, ea, quæ sunt in generatione, tem-
pore: Media autem eorum quæ sunt, & quæ
sunt, ea quæ partim æternitate, partim tempore,
participant. In quibus verbis innuit, quod
quædam sunt facta, idest, quæ sunt in
fieri, & sunt solum in generatione, ut illa
quæ nihil habent nisi variabilitatem, hu-
jusmodi sunt ista variabilia: quædā autem
sunt existentia, & sunt in esse, & nihil ha-
bent variabile, hujusmodi est ipse Deus:
quædam autem sunt media inter existen-
tia, & ea, quæ sunt in generatione, idest, in-
ter Deum & ista generabilia: & talia se-
cundum aliquid mensurantur ævo; & se-
cundum aliquid tempore: non est ergo
idem ævum, quod compatitur secum
tempus & variationem, & ævum quod
omnem mutationem excludit. Ævum er-
go sive æternitas, quā mensuratur Deus,
est æternitas simpliciter, quia Deus secū-
dum omnia sua est invariabilis; æternitas
autem, quā mensurantur Angeli, non est
æternitas simpliciter: quia Angeli secun-
dum media sua non sunt invariabiles; erit
autem talis æternitas participata: quia
Angeli aliquid participant de invariatio-
ne: præter ergo invariationē simpliciter,
quā mēsurat æternitas simpliciter, & præ-
ter quādā invariationē participatā, ubi si-
mul cū invariatione est variatio: hujusmo-
di ergo invariatio, quia nō est invariatio
simpliciter, sed participata, nō mēsurabi-
tur æternitate simpliciter, sed participata:
nunquam ergo aliquid mensurabitur ævo
sive æternitate participata, nisi simul
cum invariatione aliquid de naturali va-
riatione participet. Si enim esset aliquid
ævi naturaliter, cui nulla competeret va-
riatio, non mensuraretur ævo, scilicet, æ-
ternitate participata, sed æternitate sim-
pliciter: ex ipsa ergo variatione Angelo-
rum coguntur, præter æternitatē simpli-
citer & tempus, ponere mensurā mediā,
quæ dicitur ævum, sive æternitas parti-
cipata.*

Ter-

Tertia via sumitur ex duratione crea-

turae: & hanc aliquo modo tangit Anselm. *Profol. cap. 20.* ubi loquens de Deo ait: *Qualiter enim es ultra ea, quae finem non habebunt? An quia illa sine te nullatenus esse possunt? Tu autem nullo modo minus es, etiam si illa redeant in nihilum? Si enim quodam modo es ultra illa. An etiam, quia illa cogitari possunt finem habere, tu vero nunquam? Nam sic illa quidem habent finem quodam modo, tu vero nullo modo. Et subdit: An hoc quoque modo transis omnia etiam aeterna: quia tua & illorum aeternitas tota tibi praesens est, cum illa non lum habeant de sua aeternitate quod venturum est: sicut jam non habent, quod praeteritum est.* Triplicem ergo rationem tangit Anselmus, quare Deus regnet in aeternum & ultra, & quare ipse sit ultra omnia aeterna. Quarum prima est: quia ipse potest esse sine alijs, alia non sine ipso, ideo ipse ultra alia: quia sicut causa naturaliter est antecausatum, sic naturaliter causatum est post causam. Si enim Deus ab aeterno fecisset Angelos, potuisset dici fuisse ante Angelos, non obstante, quod semper fuissent Angeli: sic quamvis Deus in aeternum conservet Angelos, quia nunquam desistent esse, potest dici, quod erit ultra Angelos, non obstante, quod semper erunt Angeli. Alia ratio Anselmi ad hoc idem: Angeli sic sunt semper, quod possunt intelligi non esse, ergo aliquo modo finem habent; Deus autem nullo modo finem habet, quia nullo modo potest intelligi non esse: & quia id, quod nullo modo finem habet, est ultra id, quod aliquo modo finem habet, Deus dicitur regnare in aeternum & ultra, & etiam esse ultra aeternitatem participatam: & participata aeternitas aliquo modo finem habet, saltem apud intellectum, quia potest intelligi non esse.

Tertia sua via est, quia Angelus non habet suum esse simul: non enim habet quod praeteritum est, nec quod futurum est: quod non sic est intelligendum, quod Angelus per partes accipiat esse: sed dicitur Angelus non habere quod praeteritum est: quia quidquid habet Angelus potest perdere, quia potest ei Deus accipere; potest autem perdere quod habet: quia potest Deus facere, quod Angelus non sit in praesenti, non autem posset facere, quod non fuerit in praeterito: quia implicaret contradictionem. Ad esse ergo Angeli non eodem modo comparantur praeterita & praesentia: quia posset Deus facere, quod Ange-

lus non esset in praesentis; sed non posset facere, quod non fuisset in praeterito. Angelus ergo non dicitur habere praeterita, quia potest ei Deus accipere quod habet, & non ei accipere praeterita. Et sicut Angelus non habet praeterita, sic non habet futura: non ergo omnia tempora dicuntur esse praesentia Angelis; sed Deo omnia sunt praesentia: Deo autem ipsum futurum est praesens; Angelo autem non est praesens: est ergo Deus ultra Angelum, & habet aliquid ultra Angelum: quia habet ipsum futurum, quod sit sibi praesens, quod non habet Angelus. Alia est ergo duratio esse ipsius Angeli, & alia duratio esse ipsius Dei: quia esse Divinum sic durat, quod est causa omnis esse, sic durat quod non potest intelligi non esse, sic durat quod omnia sunt ei praesentia, nec potest deficere ab esse: cum igitur mensura mensuret durationem ipsius esse, quia aliter durat esse Angelicum, aliter esse Divinum, oportet hic & ibi aliam & aliam dare menturam. Dicemus ergo, quod triplex sit esse, unum quod de necessitate definit esse, ut esse generabilium; aliud quod nec definit esse, nec potest intelligi definere esse, ut esse ipsius Dei: & aliud quod non definit esse, sed potest intelligi definere esse, ut esse ipsius Angeli, quia Angelus non est ipsum esse, sed participat esse: ideo oportet dare tres mensuras, videlicet, tempus quod mensurat esse variabile, quod de necessitate definit esse: & aeternitatem simpliciter, quae mensurat esse omnino invariabile, quod nec definit esse, nec potest intelligi definere esse: & oportet dare mensuram mediam, quae mensurat esse medium, quod non definit esse, sed potest intelligi definere esse. Et hanc mensuram vocamus aevum sive aeternitatem participatam.

Quarta ratio ad hoc idem sumitur ex compositione creaturae. Et ut alludamus verbis Damasceni dicemus, quod omne esse receptum in alio limitatur secundum capacitatem recipientis: propter hanc autem limitationem dicere possumus, quod omne esse receptum protenditur secundum ea, in quibus recipitur: esse autem non receptum manet purum, non protensum, nec limitatum secundum mensuram aliquam, & tale esse est esse Divinum: omnis ergo creatura, eo ipso quod non est esse simplex, habet esse receptum, propter quod in suo esse habet quamdam protensionem

Triplex esse, scilicet, generabilium, Dei, & Angelis.

Primum mensurat tempus, secundum aeternitas, tertium aevum, sive participata aeternitas.

Quarta ratio ex Damasceno desumpta.

tionem, ut dicatur illud protendi, quod non habet esse simplex & secundum se, sed est receptum in alio, ex qua receptione accipit protensionem & mensuram secundum capacitatem rei recipientis. Omne enim esse, quod non habet per se esse, sed suum esse est in alio, sive est ex eo, quod ad hoc alia, cuiusmodi est esse creaturæ, debet habere esse protensum: quia omne, quod se appodiat ad aliquid, protendit & extendit se usque ad illud: huiusmodi ergo protensio nihil designat nisi quamdam receptionem in alio, & quamdam limitationem secundum illud, in quo recipitur. Distinguemus enim triplex esse: quia quoddam est esse, quod habet protensionem, quia est in alio receptum, & variationem, quia est esse variabile, ut esse generabilium; quoddam autem est esse, quod nec protensionem, nec variationem habet, quia est esse purum & per se stans, cuiusmodi est esse Divinum; est autem & tertium esse, quod est esse illius, quod habet protensionem, quia est in alio receptum, sed non habet variationem, quia non est generabile & corruptibile, quod est esse Angelicum: erit ergo triplex mensura, videlicet, tempus, quod mensurat esse, quod habet protensionem & variationem; æternitas simpliciter, quæ mensurat esse, quod nec habet protensionem nec variationem: & æternitas participata sive ævū, quod mensurat esse medium, quod habet protensionem, sed non variationem. Quod autem Proclus non distinguit nisi duas mensuras, tempus, & æternitatem: idem est, quia loquitur de æternitate participata: secundum quam dicimus, quod Deus est supra æternitatem & ante ipsam: cum ergo præter æternitatem participatam sit dare æternitatem simpliciter: imò quia nunquam est dare aliquid per participationem, nisi sit dare illud simpliciter, cum non sit dare causatum sine causa: quia ergo ab æternitate simpliciter tanquam à causa fuit æternitas participata, tanquam effectus, si est dare æternitatem participatam, quod sit dare æternitatem simpliciter: erit ergo triplex mensura rerum, videlicet, tempus, æternitas participata, & æternitas simpliciter. Possent autem & verba Procli aliter exponi: fuit enim ipse valde Platonius, & quia esse plus quam æternum est Divinum esse, cum Platonici posuerint ordinem abstractorum secundum ordinem majoris & minoris com-

munis, Deum Summum posuerunt aliquid communissimum, idest, aliquid communiter ab omnibus participatum: propter quod secundum eos Deus est essentia unitatis & bonitatis, quia nihil est, quod non participet uno & bono: quia ergo unum & bonum reperiuntur communiter in omnibus, posuerunt Deum Summum esse essentiam unitatis & bonitatis: omnes autem alias perfectiones posuerunt in Deo superexcellenter: non enim dixerunt Deum esse æternum, sed superæternum: quā viam si sequi vellemus, adhuc diceremus triplicem esse mensuram, videlicet, tempus, æternitas, & superæternitas.

Resp. ad arg. Ad primum dicendum, quod ævum est mensura intransmutabilis, quia ævum est illud, quod est æternitas. Sed sicut duplex est intransmutabile, ita duplex est æternitas: est enim quoddam intransmutabile simpliciter, ut Deus, & hoc mensuratur æternitate simpliciter: & quoddam est intransmutabile per participationem quod non secundum omnia sua, nec per omnem modum est intransmutabile, & hoc mensuratur æternitate participata. Vel possumus dicere, quod Angelus non est variabilis quantum ad esse, quia nunquam desinet esse; est tamen naturaliter variabilis quantum ad operationem: nam, loquendo de natura Angelorum, operationes ejus sunt variabiles: propter quod dicemus quantum ad esse est invariabilis & mensuratur ævo; quantum verò ad suas operationes naturales mensuratur tempore. Advertendum tamen, quod Angelus habet esse invariabile non à se, sed ab alio per participationem: idem si cessaret influentia Primi, in instanti desineret esse; & sic habet esse invariabile non simpliciter, sed per participationem: quia quantum ad esse aliquid de invariatione participat, & sic mensuratur mensura invariabili, idest, æternitate non simpliciter, sed participata. Ad 2. dicendum, quod esse Angeli creatum est in instanti, sed propter hoc non concluditur, quod mensuretur in instanti, sed esse Angeli mensuratur ævo, & substantia Angeli mensuratur nunc ævi: sicut motus mensuratur tempore, substantia mobilis mensuratur nunc temporis: bene tamen concludit ratio, quod ævum est indivisibile sicut suum nunc. Si enim motus posset fieri in instanti, oporteret, quod tempus, cum

Ab æternitate simpliciter fuit æternitas participata, hæc duplex & tempus mensuratur sunt rezum omnium.

Alia Procli explicatio.

Duplex intransmutabile, simpliciter & per participationem, & duplex æternitas.

Angelus habet esse invariabile non simpliciter, sed per participationem.

cum mensuretur motu, esset indivisibile, sicut instans: sic quia esse Angeli creatum est in instanti, avum, quod mensurat esse Angeli, est indivisibile sicut instans, quod mensurat substantiam ejus: non enim quidquid factum est sub tempore, mensuratur tempore, nec quidquid factum sub instanti, mensuratur instanti: simul enim sunt substantia Angeli & ejus esse; quodlibet tamen horum in sui factione accipit propriam sibi mensuram, quia substantia Angeli propria mensura accipit nunc avi: esse autem ejus accipit avum. Ad 3. dicendum, quod non est inconveniens ejusdem secundum diversas acceptiones esse plures mensuras: sicut ergo Deus, ut est substantia Prima, est mensura omnium substantiarum, & ut ens Primum, est mensura omnium entium: sic aternitas simpliciter est prima mensura omnium aeternorum, in quibus est aternitas non simpliciter, sed participata. Sed tamen praeterquam aeterna dependent ab aternitate simpliciter, per quam dependentiam ab hujusmodi aternitate simpliciter accipiunt mensuram & modum sui esse, habent nihilominus ipsa aeterna aternitatem participatam, sive avum, quo mensurantur, tanquam mensura propria. Ad 4. patet solutio per jam dicta: eadem mensura, qua mensuratur totum ens, & substantia quae est nobilior pars entis: quia idem est ens Primum, quod est mensura omnium entium, & substantia Prima, quae est mensura omnium substantiarum. Hoc tamen non obstante, habent ipsae substantiae secundum diversa genera diversas mensuras. Sic & aeterna, cum hoc quod possint reduci in Primum aeternum: habent nihilominus propriam mensuram, qua mensurantur. Ad 5. dicendum, quod si certificamur de substantiis separatis per intellectum nostrum; hoc est ex parte nostra: quia sumus male nati ad sciendum, & ex posterioribus venimus in cognitionem priorum; ipsae tamen substantiae separatae secundum se sunt manifestiores & notiores, quam intellectus noster. Ad 6. dicendum, quod aternitas secundum esse, quod habet purum, non est participata; sed secundum esse, quod habet receptum in alio, sic dicitur esse participata. Nec est ibi oppositum in adjecto: quia dicitur aternitas participata, id est, participare aliquid de conditionibus aternitatis: aternitas simpliciter est extra terminos;

sed aternitas participata non est extra terminos, sed participat aliquid de conditionibus ipsius Dei, qui est extra terminos. Nec est oppositio in adjecto: quia omnes substantiae aeternae sunt quodam modo deiformes, & participant multum de conditionibus Divinis, quia sunt invariables secundum esse, & nunquam desinunt esse. Ad 7. dicendum, quod propter omnia illa tria, videlicet, quia Angeli habent esse simul, & quia habent esse ab alio, & quia possunt non esse, mensurantur aternitate participata: habent enim Angeli suum esse simul; sed quia illud esse est ab alio, ideo est participatum. Rursus, quia Angeli possunt non esse, licet possint dici habere esse invariable; tamen habent esse varietati conjunctum, quia quidquid potest non esse, non est per omnem modum invariable: Angeli ergo mensurabuntur aternitate participata: quia habent esse participatum; & non erit eorum mensura per omnem modum aternitas simpliciter, quia hujusmodi aternitas proprie mensurat esse, quod non est variable, nec varietati conjunctum, cujusmodi non est esse Angelicum. Ad 8. dicendum, quod sicut corpus supercaeleste mensuratur nunc temporis & nunc avi, quia caelum est invariable quantum ad esse, est autem variable quantum ad modum. Sic & substantia Angeli mensuratur & nunc avi & nunc temporis: sicut enim motus caeli mensuratur tempore, esse autem ejus mensuratur aeterno, & quia eadem est substantia caeli, in qua est esse & motus: ideo eadem substantia caeli mensuratur nunc temporis, ut est mobile, & nunc avi, ut est quid existens: sic quia in eadem substantia Angeli sunt affectiones, quae secundum naturam sunt variables, & quae sic acceptae mensurantur tempore; & est ibi esse, quod est invariable, & quod mensuratur aeterno: substantia ergo Angeli aliter & aliter accepta poterit mensurari & nunc avi, & nunc temporis. Vnde Dionysius hujusmodi intelligentias sive Angelos cap. 10. de *Divin. nomin.* dicit esse res medias existentium formarum, quia sunt res mediae inter Deum & ipsa sensibilia, propter quod quantum ad aliquid mensurantur tempore, & quantum ad aliquid aeterno, ut idem Dionysius ibidem innuit. Advertendum tamen, quod tempus, quo mensurantur operationes naturales Angeli,

li, non est ejusdem rationis cum tempore, quod est passio motus cæli.

Ad 9. dicendum, quod de ratione mensuræ est, quod contineat; non tamen semper continens excedit id, cujus est continens: nam & locus continet locatū; & tamen æquatur & parificatur locato: ita ævum sic continet æviterna, quod tamen æquatur, & parificatur eis, quare tempus superexcedit temporalia; non tamen ævum excedit æviterna, vel non est necessarium, quod excedat, ut in sequentibus quæstionibus apparebit. Ad 10. dicendum, quod Deus est quid invariabile simpliciter; sed multa alia sunt invariabilia per participationem. Solus ergo Deus mensuratur æternitate simpliciter, alia verò mensurari poterunt æternitate participata. Ad 11. dicendum, quod cælum, ut est incorruptibile mēsuratur nunc ævi; sed ut est mobile, mēsuratur nunc temporis: ita & Angelus, ut habet esse incorruptibile, mēsuratur nunc ævi, & suum esse mēsuratur ævo, ut autem est variabilis per affectiones, mēsuratur nunc temporis, & lux affectiones mēsurantur tempore. Ad 12. dicendum, quod esse corruptibile non est esse æviternū: & ideo non habent propriam mensuram; sed mēsurantur eadem mensura, qua mēsuratur substantia, in qua recipitur tale esse; sed esse Angeli est esse æviternū, quia est esse invariabile: ideo habet propriam mensuram aliam à substantia, in qua recipitur: ideo dicemus, quod substantia Angeli habet propriam mensuram, & mēsuratur nunc ævi, & ejus esse habet propriam mensuram, & mēsuratur ævo.

Cælū ut incorruptibile mēsuratur nunc ævi, ut mobile verò nunc temporis mēsuratur: ita Angelus ut incorruptibilis nunc ævi, ut per affectiones variabilis nunc temporis mēsuratur.

A mensura, & unum ævum. Nam cum spiritualia sint magis quid in actu, quam corporalia, magis debent reduci in mensuram unam. Præterea: hoc est de ratione ordinis, quod ordinet ad aliquid unum: sed in Angelis maxime viget ordo, ergo maxime ordinabuntur ad aliquid unum, & mēsurabuntur uno ævo. Præterea: potissimè de ratione mensuræ est causalitas: sed Angelus superior (ut probabitur) habet rationem causalitatis respectu aliorum, ergo &c. Probatio assumptæ. Nam si lux produceret omnes colores, non esset decens, quod produceret alios colores imperfectos, nisi produceret album, qui est color perfectus: color ergo albus haberet rationem causalitatis respectu aliorum colorū: sic & in proposito: quia non videretur decens, quod Deus producat Angelos inferiores, non producto superiori, habebit Angelus superior rationem aliquam causalitatis respectu inferiorum, & per consequens erit eorum mensura. Præterea: nobis, qui sumus male nati ad sciendum, sunt prius nota posteriora naturæ, quod in Angelis non est fas dicere: eadem enim sunt prius nota naturæ & Angelis; sed Angelus superior est notior in natura, & manifestior, ergo faciet ad notitiam aliorum, & per consequens erit eorum mēsurā. Præterea: quia dicebatur, quod quilibet Angelus prius cognoscit se quā aliū, & notior est sibi ipsi quā alius: arguebatur contra, quod, hoc non obstante, Angelus superior est notior simpliciter, quod sufficit ad rationem mensuræ: mensura enim est notior mensurato, dato quod non sit notior huic. Præterea: Phis. in 10. Metaph. habet pro inconvenienti, quod sit unus color omnium colorum mensura, & non sit una substantia omnium substantiarum mensura, cum substantiæ sint nobiliores coloribus: cū ergo ipsa æviterna sint valde nobilia, erit unū æviternum mensura omnium æviternorū. Præterea: si aliquis motus crearetur hic, inferius de novo à Deo absque adm. iniculo primi mobilis, ille tamen motus mēsuraretur motu cæli, sive motu primo: non obstante, ergo quod Angeli inferiores nō sunt causati à Deo per adminiculum superioris Angeli, mēsurabuntur tamen Angeli inferiores per superiorem. Præterea: Angelis competit mēsurari, in quantum habent unionem & communionem

QUÆSTIO II.

Verum sit unum ævum omnium æviternorum?



SECUNDO quæritur: utrum sit unum ævum omnium æviternorum? Et videtur, quod sic: quia omnium corporaliū est una mensura, quæ dicitur tempus: ergo multo magis omnium spiritualium erit una

mensura, & unum ævum. Nam cum spiritualia sint magis quid in actu, quam corporalia, magis debent reduci in mensuram unam. Præterea: hoc est de ratione ordinis, quod ordinet ad aliquid unum: sed in Angelis maxime viget ordo, ergo maxime ordinabuntur ad aliquid unum, & mēsurabuntur uno ævo. Præterea: potissimè de ratione mensuræ est causalitas: sed Angelus superior (ut probabitur) habet rationem causalitatis respectu aliorum, ergo &c. Probatio assumptæ. Nam si lux produceret omnes colores, non esset decens, quod produceret alios colores imperfectos, nisi produceret album, qui est color perfectus: color ergo albus haberet rationem causalitatis respectu aliorum colorū: sic & in proposito: quia non videretur decens, quod Deus producat Angelos inferiores, non producto superiori, habebit Angelus superior rationem aliquam causalitatis respectu inferiorum, & per consequens erit eorum mensura. Præterea: nobis, qui sumus male nati ad sciendum, sunt prius nota posteriora naturæ, quod in Angelis non est fas dicere: eadem enim sunt prius nota naturæ & Angelis; sed Angelus superior est notior in natura, & manifestior, ergo faciet ad notitiam aliorum, & per consequens erit eorum mēsurā. Præterea: quia dicebatur, quod quilibet Angelus prius cognoscit se quā aliū, & notior est sibi ipsi quā alius: arguebatur contra, quod, hoc non obstante, Angelus superior est notior simpliciter, quod sufficit ad rationem mensuræ: mensura enim est notior mensurato, dato quod non sit notior huic. Præterea: Phis. in 10. Metaph. habet pro inconvenienti, quod sit unus color omnium colorum mensura, & non sit una substantia omnium substantiarum mensura, cum substantiæ sint nobiliores coloribus: cū ergo ipsa æviterna sint valde nobilia, erit unū æviternum mensura omnium æviternorū. Præterea: si aliquis motus crearetur hic, inferius de novo à Deo absque adm. iniculo primi mobilis, ille tamen motus mēsuraretur motu cæli, sive motu primo: non obstante, ergo quod Angeli inferiores nō sunt causati à Deo per adminiculum superioris Angeli, mēsurabuntur tamen Angeli inferiores per superiorem. Præterea: Angelis competit mēsurari, in quantum habent unionem & communionem

nonem adinvicem: mēsurabuntur ergo una communi mensura, & erit unū ævum omnium æviternorum. Præterea: ubi est reperire magis & minus perfectum, nescitur in eis ordo & gradus perfectionis, nisi per magis perfectum: ergo per superiorem Angelum sciuntur gradus omnium aliorum Angelorum, & ipse erit omnium mensura. Præterea: lex Deitatis est secundum Dionys. reducere infima in suprema per media: inferiores ergo Angeli reducentur in Deum per superiorem, & per consequens erit eorum mensura. Præterea: dicebatur in præcedenti quæstione, quod ævum est æternitas participata, sed æternitas, ex eo quod participatur, non multiplicatur: erit ergo unum ævum omnium æviternorum. Præterea: dato, quod medij colores cognoscerent se ipsos magis, quam albus, hoc tamen non obstante, albus color esset mensura omnium eorum: quāquam ergo alij Angeli cognoscant magis se ipsos, quam superiorem, hoc non obstante, erit superior eorum mensura.

In contrarium est, quod diversorum generum sunt diversæ mensuræ, sed Angeli sunt diversorum generum: nam si in istis corporalibus reperiuntur diversa genera, multo magis reperientur in Angelis, quod secundum Dionys. 14. de Angel. hierar. Infimum, & contractum numerorum corporeorum, quibus utimur, modum superant, & transeunt. Ergo Angelorum erunt diversæ mensuræ, & per consequens erunt diversæ æva. Præterea: ævum mensurat durationē æviternorum, sed omnia æviterna non simul inceperunt esse, nec habent eandem durationem: quia non simul inceperunt esse Angeli, & animæ; nec simul inceperunt esse omnes animæ: erunt ergo æviternorum diversa æva. Præterea: August. 4. super Genes. ad litteram exponens illud sapientiæ: Omnia disposuisti in numero, pondere, & mensura, dicit, quod uno modo potest intelligi: quia omnia sic Deus disposuit, ut haberent mensuram, numerum, & pondus: sicut si omnia corpora haberent colores, omnia essent disposita in coloribus: quia omnia essent sic disposita, ut haberent colores: igitur secundum eum videtur, quod mensura comparetur ad mensuratum: sed multiplicatis coloratis multiplicantur colores, ergo &c.

Non est unum ævum omnium æviternorum, sed horum quodlibet habet suum ævum participatum, & omnia æva mensurantur extrinsecè per unum ævum simpliciter, quod est æternitas simpliciter, & Deus ipse.

Respond. dicendum, quod in hac quæstione sic procedemus, quia primo narrabimus, quod dixerunt Doctores in hac materia, & utrum possint stare eorum dicta. Secundo dabimus differentiam inter tempus & quando: & comparabimus tempus & quando, quæ reperiuntur in istis corporibus, ad ipsum ævum, quod est in æviternis. Et declarabimus: utrum se habeat ævum ad æviterna, sicut tempus ad temporalia: vel magis sicut quando ad quādalia: ex qua cōparatione patebit, quod non est unum ævum omnium æviternorum: sicut nec est unum quando omnium quādalium. Tertiò adducemus rationes ad propositum ostendendum nō esse unum ævum omnium æviternorum, secundum quod hic de ævo loquimur.

Propter primū sciendum, quod aliqui Doctores & Magistri dicunt esse unum ævum omnium æviternorum, quia (ut aiunt) est unum tempus omnium temporalium, propter quod secundum eos investiganda est unitas ævi ex unitate temporis. Dicunt autē, quod licet tēpus sit numerus: quia *Est numerus motus secundum prius & posterius*, ita quod prius & posterius in motu, ut sunt numerata ab anima, complerent rationē temporis, licet tempus sit tale quid, & sit quid unum; ex unitate tamen numeri, ut dicunt & benè in hac parte, non est accipienda unitas temporis: quia unitas numeri, quod idem est numerus decem canum, & decem hominū, est unitas numeri accepta mathematicè: mathematica autem multiplicantur secundum esse, quod habent in materia, ut circulus secundum esse, quod habet in ligno vel in cupro, sicut numerus denarius multiplicatur secundum esse quod habet in canibus vel in hominibus. Hoc enim modo non debet accipi unitas temporis: quia tempus est quid naturale, non quid

B. Egid. in 1. dist. 2. q. 1. art. 2.

Ex unitate numeri non est accipienda temporis unitas.

Comm. 4.
Phys.

mathematicum. Vnde Commēt. in 4. Phys. reprobat hunc modū venandi unitatem temporis. Nam hoc modo tempus non esset unum simpliciter, sicut nec denarius decem hominum, & decem canum est idem denarius simpliciter.

Neque ex
materiæ uni-
tate accipien-
da unitas tē-
poris.

Rursum non est accipienda unitas temporis ex unitate materiæ, ut quia tēpus est mensura variabilū, & materia est

Qua res potest esse & non esse. Licet sic sit; ex unitate tamen materiæ non debet accipi unitas tēporis: quia materia, ut est una, accipitur secundū se, & ut est in potentia tantū. Hæc enim materia est una omnium habentium eam: quia si materia absolueretur ab omni forma, non haberet per quid differret una materia ab alia materia: ergo ut est una, non est subiecta variationi in actu; tempus autem mensurat ipsam variationē in actu, quia mensurat ipsum motum, qui est quidam actus entis in potētia, & est quædam actualis variatio: sed accipienda est unitas temporis ex unitate subiecti: nam tēpus, sicut in subiecto, est solū in motu primi mobilis: est enim tempus passio primi motus, non est autem passio aliorum, nec est in eis sicut accidens in subiecto: & ideo ex multiplicatione aliorum motuū non multiplicatur motus; sed est unum tempus propter unitatem primi motus. In uno enim & eodē subiecto nō possunt esse plures albedines numero: in uno enim & eodem motu primi mobilis non possunt esse plura tempora numero. Ex unitate ergo subiecti sumitur unitas numeralis accidentis: secundū hanc ergo potest investigari unitas ævi. Nam licet in æviteris non sit materia, & licet consideratio mathematica nō se extēdat ad æviteria: propter quod unitas ex consideratione mathematica, vel ex unitate materiæ nō potest accipi in ævo respectu æviteriorū.

Unitas tē-
poris ex uni-
tate subiecti
est accipien-
da.

Terminus tamē modus unitatis ex unitate subiecti, quēadmodū unitatē in tēpore ponimus, potest in ævo accipi. Dicemus ergo secundū istos, quod ævū, ut in subiecto, est in primo æviterio, sicut tempus est in primo mobili, per primum æviterium mensurat omnia alia æviteria: est ergo unum ævū ex unitate primi æviterii. Et si dicatur contra istos, quod tunc ævū est in Dæmone cum Lucifero, qui secundū communem opinionem fuit supremus Angelus. Respondēt, quod ævū est quædam participatio æternitatis: quantō

ergo aliquid est in participatione æternitatis, tantō per prius mensuratur ævo: & quia Angelus bonus magis est in participatione æternitatis, quā damnatus, non debet poni ævū in primo Angelo damnato, quantumcunque fuerit supremus: sed in primo Angelo bono.

Advertendum ergo, quod hic modus investigandi unitatem ævi ex unitate temporis, non videtur nobis bonus: imō benē persequeremur, quomodo devenimus in unitatem temporis, non ponere-mus aliquod unum æviterium mensurā omnium æviteriorū. Intelligimus enim, quod tempus est mēsurā rei corruptibilis & rei temporalis: ideo in 4. Phys. dicitur: *Que sunt semper, non sunt in tempore, quatenus semper sunt: cuius causam assignat ibi: Quia non continentur à tempore, nec mensuratur esse ipsorum à tempore.* Illa enim continentur à tēpore, quæ incipiunt in tempore, ita quod prius fuit tempus, quā illa, & desinent in tēpore, quia erit tēpus post ipsa. Et inde est quod motus primi mobilis secundū se totū nō mēsuratur tēpore, sed secundū suas partes, quia totus ille motus nō cōtinetur à tēpore: tēpus ergo est mēsurā omniū tēporaliū: ideo sicut in subiecto non potest esse in aliquo tēporali: sicut in subiecto enim est in motu sempiterno, non in motu temporali. Si ergo volumus invenire unum aliquid, quo mensurentur omnia temporalia, transcendemus omnia temporalia, & ponemus mēsurā illam in re sempiterna: mensura enim temporalium non est temporalis: sic & in proposito ævū mensurat esse participatum. Si ergo volumus invenire unam mensuram mensurantem omnia esse participata, oportet nos transcendere omne esse participatum, quod quandiu enim stamus in esse participato, non possumus invenire mensuram illam, in qua uniuntur omnia habentia esse participatum, sicut quandiu stabamus in re temporali, non poteramus invenire mensuram illam, in qua uniuntur alia temporalia: unum enim temporale non est mensura alterius temporalis. Licet ergo una res sit magis temporalis quā alia, & licet inter hæc temporalia unum plus duret, quā aliud; in nullo tamen temporali ponitur illa mensura una, quæ est mensura omnium temporalium; sed super omnia temporalia collocamus mensuram illam, cum sit æviteriorum, & habeat

beat esse participatum. Si volumus quæ-
rere unam mensuram mensurantē om-
nia talia esse participata, oportet nos trā-
scendere omne esse participatum, sed su-
per omnia talia esse nō est nisi solus Deus:
in solo ergo Deo est illa una mensura, in
quā reducuntur omnia æviterna. Sed nos
non loquimur de tali mensura: quia mē-
sura illa est æternitas simpliciter; ævum
autem, de quo nos querimus, est æterni-
tas participata: concedimus autem, quod
omnia talia ad participationem, prout
ad propositum spectat, reducuntur, & or-
dinantur sub uno tali simpliciter: ut om-
nia participantia æternitatem reducuntur
in id, quod est simpliciter æternum. Sed,
ut diximus, sic non querit quæstio no-
stra: non enim dubitamus unam esse æ-
ternitatem simpliciter, ad quam ordinā-
tur omnia æviterna; sed dubitamus de
ipsis æviternis: utrum in eis sit mensura
aliqua? Et si est, utrum multiplicetur se-
cundum multiplicationem æviternorum?
Propter quod dicebatur, quod adapta-
tio facta de temporalibus, & de eorum
mensura, & de æviterno ad mensuram
ipsorum, non arguit unitatem, sed plu-
ralitatem ævi. Nam mensura tempora-
lium eodem modo comparatur ad om-
nia temporalia: talis enim mensura vel
est in nullo temporali, vel in quocum-
que temporali? Et si est eadem compa-
ratio æviternorum ad ævum? Ævum vel
erit in nullo æviterno, vel erit in quoli-
bet æviterno. Et quia ponimus & in ip-
sis æviternis ævum, licet in temporalibus
non ponamus tempus; sed quando-
que, oportet multiplicari ævum secun-
dum multiplicationem temporalium æ-
viternorum: sicut multiplicatur quando
secundum multiplicationē temporalium sive
quādalium. Et quod dicebatur quod ævū
prius est in primo Angelo bono, quā in
primo Angelo damnato: eō quod pri-
mus Angelus bonus plus est in participa-
tione æternitatis, quā primus Angelus
damnatus quantumcunque fuerit super-
ior eo: dicemus, quod etiam in ipsis dæ-
monibus naturalia remanserunt splendi-
da, ut vult Dionysius 4. de Divin. nomin.
Angelus ergo bonus plus est in participa-
tione æternitatis secundum gratiam; sed
Lucifer (posito quod fuerit supremus in-
ter Angelos) est plus in participatione æ-
ternitatis secundum naturam. Ideo di-
citur 4. de Divin. nomin. Non malum est de-

monum genus secundum naturam. Et subdit,
Data que eis bona naturalia nequaquam
mutata esse dicimus; sed sunt & integra & ni-
tissima. Et quia mensura, quam quæri-
mus, non est secundum ordinem gra-
tiæ: quia tunc Christus esset mensura om-
nium Angelorum; in anima enim Chri-
sti secundum hunc modum esset illud æ-
vum, quod esset mensura omnium ævi-
ternorum; sed nos quærimus mensurā
secundum ordinem naturæ: in primo er-
go dæmone, qui secundum communē
modum ponendi fuit supremus Angelus,
erit ævum, quod erit mensura omnium
æviternorum. Et quia hoc nullus diceret,
non dicemus esse unum ævum omnium
æviternorum, sed cuilibet æviternorum
damus suum ævum. Adaptatio ergo de
temporalibus non ponit unitatem ævi,
sed pluralitatem. Et participatio beatitu-
dinis, quæ est secundum gratiam in ævi-
ternis, non tollit eorum ordinem secun-
dum naturam.

Viso quid Magistri dixerunt circa
hanc materiam, volumus dare differen-
tiam inter tempus & quando, & utrum-
que adaptare ad ævum, ex qua adapta-
tione apparebit aliquantulum veritas quæ-
siti. Propter quod sciendum, quod tem-
pus est quid sempiternum: tantum enim
durabit tempus, quantum durabit mun-
dus, vel quantum durabit motus primi
mobilis; sed quando non est quid sem-
piternum: imò nec omne quod est quid
corporale: ideò dicitur in sex principi-
is: Quando est in eo, quod incipit esse. Esse
enim, quod naturaliter incipit, naturali-
ter esse desinit; & omne tale est corrup-
tibile: quando ergo est in rebus corrup-
tibilibus, & est corruptibile, & hoc so-
nat ipsum nomen quando: hoc est enim
esse quando, esse aliquando, ut innuit
idem auctor sex principiorum. Corpus
enim secundum eum, quod est quando,
est aliquando. Et in eisdem sex principiis
dicitur, Quando aliquid est temporale &
variabile. Et licet non omnibus auctoritas
illius libri sit accipienda; tamen quantum
ad hoc recipienda est, quod veritatem
habet, quod quando est idem quod cor-
ruptibile, & est in rebus corruptibilibus:
idem enim est esse quando, & esse varia-
bile & temporale, & omne temporale
est corruptibile, quia omne tale conti-
netur à tempore. Sed possumus distin-
guere de ipso corruptibili, vel de ipsa cor-

Auctor sex
principiorū.

Non quæ-
rit de ævo
quod est æ-
vum sim-
pliciter, sed
de ævo,
quod æterni-
tatem parti-
cipata.

D. Dionys.
4. de Div.
nomin.

corruptibilitate, prout reperitur in motu, cuius est per se mensura tempus, motus enim potest corrumpi, vel secundum esse tale, vel secundum esse simpliciter, secundum enim esse tale corrumpitur omnis motus difformis, dato quod ipse, in se esset perpetuus: ut si motus primò sit tardus, postea verò velox, corrumpitur ille motus secundum esse tale. Rursus potest motus dici corruptibilis secundum esse simpliciter: & hoc secundum se totum, vel secundum suas partes. Secundum se totum quidem, ut quando totaliter motus deficit; sed secundum suas partes, quando hæc, vel illa pars deficit motus. Omnibus autem his modis corrumpitur motus in illis inferioribus, videlicet, secundum esse tale, & secundum esse simpliciter, & secundum totum, & secundum partem. Secundum esse tale corrumpitur motus istorum inferiorum, quia non est uniformis: aliquando enim est velox, aliquando tardus, ut si descendat grave, & moveatur deorsum naturaliter, fortior erit motus ille circa finem, quam in sui principio: dum enim movetur graves motus ille corrumpitur secundum esse tale, quia corrumpitur ibi tarditas, & generatur velocitas; vel corrumpitur motus secundum esse tardum, & generatur secundum esse velox. Sic etiam motus istorum inferiorum corrumpitur simpliciter secundum totum: quia aliquando totus talis motus deficit, sed quando movetur secundum talem motum contingit quiescere. Corruptitur etiam talis motus secundum partem: quia una pars talis motus deficit, & alia pars incipit: uni enim parti motus succedit alia pars motus: isto enim modo omnis motus est corruptibilis (accipiendo corruptibile largè pro omni, quod definit esse) ipse enim motus cæli est corruptibilis secundum partem: quia licet totus ille motus secundum se sit sempiternus, & non desinat, secundum tamen partes desinit.

Motus cæli dicitur sempiternus vel perpetuus naturaliter, quia ejus deficientia non apparet secundum ordinem, quem vide-

Advertendum tamen, cum dicimus motum cæli esse sempiternum, vel si dicimus ipsum esse perpetuum, accipiendo perpetuum pro eo quod nunquam desinit, sic intelligimus quod ex his, quæ oriuntur ex sensibilibus, & secundum istum ordinem, quem videmus, non apparet nobis sensibilibiter, vel ex sensu, nihil videmus, quod ille motus debeat deficere.

re: & si aliquid circa hoc scimus, hoc est ex Divina revelatione: deficiet enim ille motus, sed defectus ille erit supernaturalis: erit enim ex opere immutante naturam, idest, immutante hunc naturæ ordinem quem videmus. Non est enim contra naturam illius motus, quod semper continuetur, & idè quantum ad hoc possumus vocare ipsum perpetuum: motus ergo istorum inferiorum sunt corruptibiles per omnem modum, videlicet, secundum esse tale, & secundum esse simpliciter, & secundum totum, & secundum partem. Idè potissimè in talibus motibus habet esse quando, quod est quid corruptibile, & quod est in omni esse, & solum in eò quod incipit esse: res ergo motæ secundum tales motus sunt temporales, sive sunt quandales, & in ipsis propriè habet esse quando; sed motus cæli est corruptibilis secundum partes: quia hoc est de natura cujuslibet motus & cujuslibet successivi, quod una pars sit prior, alia verò posterior, & quod parti priori succedat pars posterior, & quod desinat pars prior, adveniente parte posteriori: idè in ipso motu cæli est tempus, & quando secundum aliā & aliā ratione: est enim ibi tempus, ut ille motus est sempiternus; est autè ibi quando, ut est corruptibilis: tempus verò magis fundatur in illo motu secundum se totum: unde si in parte illius motus est tempus, hoc est, prout est connumerata alteri parti, sed in illo motu est quando quantum ad suas partes secundum se; secundum verò quemdam modum motus ille est corruptibilis, idèque benè dictum est, quod in sex principiis dicitur: *In quocumque est tempus, in eodem est quando*: quod omninò verum est. Nam non est tempus, nisi ubi est motus: omnis autem motus est successivus, & habet corruptionem in partibus. Potest ergo sic argui: ubicumque est tempus, ibi est motus (loquendo de tempore propriè dicto) ubicumque autem est motus, ibi est successio, & corruptio in partibus: ubi autem est talis corruptio, ibi est quando: ergo ubicumque est tempus, ibi est quando: nihil aliud est ergo esse quando, nisi esse tempus, & esse temporale & esse corruptibile. Ipse ergo primus motus est semper quantum ad se totum, quia est omni tempore; sed quantum ad suas partes non est semper, sed est quando: propter quod apparet, quomodo se habet quando

quādo ad tēpus: quia quando est id, quod relinquitur ex adjacentia tēporis; ex adjacentia autē temporis est tabefactio, id est, corruptio. Ideo dicitur 4. Phys. *Quod tempus tabefacit*, velut jacet alia littera: *tempus est quod corrūpit*. Vnde & in eodē 4. dicitur: *Tempus per se est causa corruptionis*. Ideo quidquid est quando, est corruptibile. Quod autem sic loquendum sit de quando, patet per Simplicium in prädicamentis dicentem: quod ubi non est locus, nec quando est, neque tempus, sed præsentem loco & tēpore demonstramus in altero, ut in hoc existente ubi est esse dicitur, quod in loco est, & quādo, quod in tēpore incipit, ergo quādo præsupponit præexistere temporis: illud est enim quando, quod præexistente tempore incipit esse in tempore: quidquid est ergo, & est corruptibile. Dicemus ergo, quod quando fundatur in motu corruptibili, sicut tempus in motu sempiterno.

Ex his autem dictis possumus assignare triplicem differentiam inter quando, & tempus. Prima est, quia tempus est sempiternum; quando autē est corruptibile. Secunda est, quia tempus nō multiplicatur secundū multitudinē tēporaliū; sed quando multiplicatur secundū multiplicationem quandaliū: est enim unum tempus, sed sunt multa quando. Nam tempus, de quo loquimur, non est nisi in motu sempiterno, & non in quolibet motu sempiterno; sed aliquando in primo motu: & quia nō est nisi unus talis motus, non est nisi unū tempus. Sed quando est in omni motu corruptibilis; multi autem sunt tales motus: ergo sunt multa quando. Benē igitur dictum est, quod quando relinquitur ex adjacentia temporis: quia sicut isti motus corruptibiles sunt quidam effectus primi motus, & sunt ex adjacentia ejus, ita quādo & numerus prioris & posterioris, quid est in hujusmodi motibus corruptibilibus, est ex adjacentia temporis, quod fundatur in primo motu. Vel dicitur quando esse ex adjacentia temporis: quia ad esse, quod est quando, tempus circumjacet ei, & continet ipsum: ipse enim primus motus, quantum ad suas partes, continetur à tempore: partes enim primi motus sunt corruptibiles, & eis inest circum adjacentia temporis: ut quia incipiunt in tēpore, & finiuntur in tempore: simpliciter ergo unum est tēpus; si autē sunt multa tempora, hoc est, quia sunt partes unius temporis: sicut simpliciter est unus motus

primi mobilis; si autem sint ibi plures revolutiones, omnes illæ revolutiones sunt partes unius motus, sed simpliciter sunt multa quando: multi sunt motus corruptibiles ibi, quibus habet esse quando, imò in ipso primo motu possumus concedere esse multa quando potius quā multa tēpora. Nam unum est, vel potest accipi, tempus, prout respicit totum illum motum unum; sed nullo modo est sic ibi unum quando: quia non est ibi quando respectu totius motus.

Sed dices, quod quantum ad partes illius motus, sunt ibi multa tēpora, & multa quando: quia sicut totū tēpus fundatur in toto motu, ita pars temporis in hac parte motus: cum ergo in illo motu sint multe partes, erunt ibi multa tempora: & pari ratione erunt ibi multa quando, quia in qualibet parte illius motus, cum qualibet pars sit corruptibilis, fundatur quando. Sed ut patet, omnia illa quando non habent unum quando totale, cujus sint partes, quia si haberent unum quando totale, quādo respiceret totū tempus, quod est cōtra rationē ejus, quia tūc quādo non esset quādo, id est, nō esset aliquādo, sed esset sempiternū; sed omnes partes tēporis respiciunt unum tempus totale, cujus sunt partes: ipsa ergo quando, prout sunt in partibus primi motus, magis respiciunt illas partes secundū se, quā respiciant eas, ut sunt partes totius. Respicit enim quando quālibet partem illius motus, ut est quid corruptibile in se, vel respicit quando quālibet partem illius motus, ut incipit & desinit. Ipsa igitur quando, quæ sunt in primo motu, etiam materialiter non habent per se continuitatem: quia ex omnibus illis quando partialibus non resultat unum quādo totale; sed tēpus, licet de se sit numerus, est tamen numerus numeratus, & applicatur ad motū continuum, ita quod tēpus materialiter & ratione subiecti habet continuitatem, & inde est, quod omnes partes temporis faciunt unum totale tempus: partes ergo temporis ita sunt multe, quod tamen sunt quid unum; sed ipsa quando nunquam sunt unum totale quādo. Potest autem accipi quando majus & minus, quod respiciat maius & minus tēpus, sed nunquid poterit accipi quando totale, quod respiciat totum tempus? Est ergo hæc secunda differentia inter tempus & quando: quia contra rationem tē-

Replica:

Solutio:

Secunda differentia, quia non dan-

etur plura tē-
pora nisi
partialia,
sed plura
quādo sunt
simplicia
Auctor 6.
p̄ncipiorū.

poris est, quod multiplicetur, nec est dare multa tempora nisi partialia, quæ sunt partes unius & ejusdem temporis totalis; sed quando simpliciter multiplicatur secundum multiplicationem quandaliū, nec est dare unum totale quando, cum sint partes omnia alia quando.

Tertia diffe-
rentia quan-
do à tēpore.

Tertia differentia inter tempus & quando est, quia quando non habet totū mensuræ, & maxime si sit quando tantū. Nam id, quod est quando tantū, fundatur in re variabili & difformi; difformitas autem tollit rationem mensuræ, ideo dicitur in sex principijs: *distat tempus ab eo quod est quando: quoniam secundum tempus est ad mensurabile*. Vt dicitur motus multus, eodē quod multo tempore permanet; sed secundum quando nihil mensuratur, sed solum secundum quando pronuntiatur aliquid temporale & variabile. Et ut melius appareant omnia prædicta, dicemus: quod aliud est quando tantū, & aliud tempus tantū, & aliud quando & tempus. Id autem, quod est quando tantū, habet esse in moribus variabilibus, & in rebus temporalibus: in qualibet enim re variabili & temporali est quando tantū. In talibus enim non potest esse tempus, quia tempus non est in aliquo sine motu simplici & sempiterno: in talibus igitur rebus variabilibus, & non uniformiter mobilibus, est quando tantū. In toto autem motu primi mobilis est tempus tantū: totus autem motus ille, cum sit sempiternus, non dicitur esse quando; sed in partibus illius motus est quando & tēpus, aliter tamen & aliter: quoniam ut est ibi tempus, in partibus illius motus, omnia illa partialia tempora faciūt tēpus totale; sed ut est ibi quando, omnia illa partialia quando non faciunt unum totale quādo.

Ex his autem, quæ videmus inter quando & tempus, aliquid habere possumus de ipso ævo, quod non se habet omnino ævum ad æviterna, ut aliquo modo patet ex dictis, sicut tempus ad temporalia. Nam tempus non est in aliquo temporali, sed transcendimus omnia temporalia, & invenimus motum sempiternū, & mobile sempiternum, in quo collocamus tempus. Si ergo sic vellemus invenire unam mensuram omnium æviterno, oporteret nos transcendere omnia æviterna, & ibi collocare tale ævum. Hoc ergo modo loquendo de ævo, non invenietur ævum nisi in Deo, in quem redu-

cuntur omnia æviterna. Unde & Damasc. 2. lib. circa principium, ipsum Deum appellat ævum denominans ipsum ab ævo. Dicemus ergo, quod ævū, de quo loquimur, se habet sicut quando: quia est in ipsis æviternis, sicut quādo est in ipsis temporalibus. Non autem in supremo temporali ponimus mensuram, qua mensurantur omnia temporalia; sed si aliquid est intemporalibus, quod respondeat ipsi mensuræ, huiusmodi est ipsum quando multiplicatum secundum multiplicationem quandaliū, saltem tot sunt quando, quot sunt res temporales: ita ævū erit in quolibet æviterno. Dabimus enim inter tempus & quando tres differentias: dicebamus enim, quod aliud est tempus tantū, aliud quando tantū, & aliud tempus & quando; sed ex parte ævi dabimus duas. Nam ævum in æviternis habet aliquam similitudinem cum ipso quando, quod est in temporalibus. Nam sicut omnia illa quando sunt ex adjacentia temporis, sic omnia æva in æviternis sunt ex efficientia æternitatis: ævum ergo simpliciter, & æternitas simpliciter est in ipso Deo; sed ævum participatum, sive æternitas participata est in ipsis æviternis. Istud ergo ævum habet quamdam similitudinem cum quando, & aliquam dissimilitudinem: quia quando, quod est in istis temporalibus, nullo modo habet rationem mensuræ ratione suæ diffinitatis; sed ævum, quod est in æviternis, habet aliquo modo rationem mensuræ propter suam simplicitatem & uniformitatem. Si ergo volumus huiusmodi ævum assimilare ad quando, assimilabimus ipsum ad quando, quod est in partibus motus cæli: est enim illud quando non solum quando secundum tempus, quia illud quando habet rationem mensuræ propter suam uniformitatem, est ergo aliud ævum, quod est tantū ævum, id est, æternitas simpliciter: & hoc est in solo Deo; & est aliquid, quod est ævum, habens se sicut quando temporis, vel habēs se ad æternitatem simpliciter, sicut quando ad tēpus; non quod istud sit per omnem modū sic, sed pro tanto est sic: quia sicut quando est effectus temporis, ita ævum, de quo loquimur, est effectus æternitatis.

Tertium autem membrum, ut quod sit ibi ita aliquid, quod sit effectus æternitatis, quod non sit ævum, & quod non sit mensuratum, sicut damus hic ali-

Damasc. 2. lib. circa principium

Ævū est in æviternis: quando in temporalibus.

Ævum simpliciter & æternitas simpliciter est in ipso Deo; sed ævum participatum & æternitas participata est in ipsis æviternis.

aliquid, quod est ita quando, & ita effectus temporis, quod non est tempus, & quod non est mensura, ibi non dabimus tale tertium. Dicemus ergo, quod omnia æterna habent suum ævum, sicut omnia temporalia habent suum quando, differenter tamen, quia quando in temporalibus non habet rationem mensuræ, sed ævum in æternis mensura dici potest: omnia autem huiusmodi quando reducimus in unum tempus, quod non est in aliquo temporali, sic omnia æva reducimus in æternitatem simpliciter, quando in aliquo æterno.

Ostenso, quid aliqui senserunt circa unitatem & pluralitatem ævi: & declarato, quæ sit differentia inter tempus & quando, & ex his aliquo modo investigata veritate circa questionem quæsitam: quia aliquo modo patefactum est, quomodo ævum, de quo hic loquimur, non est unum respectu omnium æternorum. Volumus adducere rationes ad propositum hoc probantes: ostendemus enim quadruplici via, quod non est unum ævum omnium æternorum. Prima via sumitur ex uniformitate mensuræ. Secunda ex nobilitate mensuratorum sive ex nobilitate æternorum. Tertia ex ipso esse, quod mensurat ævum. Quarta ex parte cognitionis, quam debet facere mensura.

Prima via sic patet: quia quando deventum est ad aliquam mensuram, quæ est una respectu omnium aliorum, oportet, quod in illa sit status, & oportet mensuram illam non recipere additionem, nec diminutionem. Ideò dicitur in 10. *Metaph.* quod ubi existimatur, quod non est diminutio nec additio, illud est mensura vera. Ideò motum primi mobilis ponimus mensuram omnium aliorum motuum, quia ibi non est additio nec diminutio: non est enim ibi additio, quod sit uno tempore velocior, quam alio: nec est ibi diminutio, quod sit tardior. Posset enim fieri motus velocior, sed non posset fieri regularior: ideò huiusmodi est mensura omnium aliorum motuum. Dato ergo, quod non esset motus cæli, & non cognosceremus nisi res temporales, fortè ex ignorantia poneremus aliquam rem temporalem, & aliquem motum non uniformem omnium aliorum motuum mensuram; sed hoc non esset propriè, nec esset querenda hoc modo una

mensura omnium temporalium: quando enim non est dare motum uniformem, non debemus illum motum ponere mensuram omnium aliorum motuum. Si ergo vellemus aliquod æternum ratione suæ simplicitatis ponere mensuram omnium aliorum, oporteret, quod non posset fieri Angelus simplicior eo, quod dicimus esse falsum, licet quidam & magis hoc teneant: nullus enim Angelus posset creari ita simplex, quin posset creari aliquis simplicior: quia enim una revolutio cæli tantum durat, quantum alia, & semper est ibi uniformitas: ideò per revolutiones cæli mensuramus quæcumque alia; sed si cælum moveretur difformiter, & in æqualibus temporibus non acciderent æquales motus, per revolutiones cæli non mensurarem motus alios, nec certificaremur de eis; sed magis deciperemur. Ponimus ergo mensuram cæli mensuram omnium aliorum motuum ratione uniformitatis & regularitatis: & quia ibi est status quantum ad uniformitatem, non enim posset fieri motus uniformior: ergo si ponimus unum æternum mensuram omnium aliorum æternorum ratione simplicitatis, oportet, quod ibi sit status quantum ad simplicitatem: ut quod non possit fieri æternum simplicius. Et quia talis status non est dare nisi in Deo: quia nullum æternum infra Deum est ita simplex, talem unam mensuram non debemus querere citra Deum: non est ergo unum æternum mensura omnium æternorum, sed quodlibet æternum, habet suum ævum, & ista omnia æva reducuntur in ævum Divinum, supra quod nec est, nec esse potest aliud ævum, sed ibi omnis status.

Secunda via ad hoc idem sumitur ex nobilitate æternorum, sive ex nobilitate mensuratorum: quanto enim aliqua sunt magis priora in entibus vel dignitate vel causalitate, tanto inter mensuram & mensuratum est major analogia (loquendo de mensura, quæ est difformis à mensuratis) quia est una illorum omnium mensuratorum, & in quam reducuntur omnia mensurata: videmus enim, quod substantia est prior quantitate, & quantitas prior qualitate. Nam ut dicit Commentator in 12. *Metaph.* & adducit ad hoc auctoritatem Themistij: Sicut unum invenitur in numero, deinde duo, deinde tria, aut sicut in figuris rectorum linearum primo invenitur triangulus, deinde quadratus

dratum: etiam secundum hoc substantia invenitur prima, deinde quantitas & qualitas. In qualitate ergo, quæ sequitur quantitatem, ut patet in coloribus, mensura est in eodem genere directè cum mensuratis, ut album est in eodem genere cum aliis coloribus: propter quod modicum est de analogia in talibus inter mensuram & mensuratum; in quantitate autem invenitur analogia major, quia mensura cum mensuratis non est in eodem genere nisi per reductionem, ut unitas, quæ est mensura numerorum, est in eodem genere cum ipso numero non directè, sed tanquam principiū, & per reductionem. Sic etiam quantitas ulnæ, quæ mensurat quantitatem panni, quæ mensura non est in eodem genere cum quantitate directè, sed per reductionem. Nam mensura debet esse quid indivisibile: sed indivisibile potest esse dupliciter, vel simpliciter, vel quia volumus secundum positionem nostram: in discretis autem est mensura indivisibilis simpliciter; cum continuis verò est mensura indivisibilis secundum positionem nostram: ulna ergo & est mensura panni, & ponitur esse quid indivisibile, non quòd sit indivisibile simpliciter, sed est quid indivisibile, secundum positionem nostram. Mensura ergo in quantitativis, ut mensura est, dicit quid indivisibile: & quia indivisibile, secundum quod huiusmodi, non est in genere quantitativis simpliciter, sed per reductionem, idè in talibus sunt mensura & mensurata, & est in eis analogia major, quàm in qualitatibus, & quàm in coloribus. In substantia verò tanquam in priori existente priori & nobiliori est adhuc multò major analogia inter mensuram & mensurata: quia mensura substantiarum, in quâ reducuntur omnes substantiæ cum substantiis mensuratis, nec est in eodem genere directè, nec per reductionem; sed est supra omne genus: nam mensura omnium substantiarum est substantia Prima, ipse, scilicet, Deus. Idè dicitur in 10. Metaph. quòd si querimus

Philo. 10.
Meta. côm.
7.

in quantitativis & in quolibet genere unum aliquid, mensuram omnium talium, primò quæremus hæc in substantia, quasi dicens, quòd oportet unam substantiam esse mensuram omnium substantiarum. Huiusmodi autem substantia secundum Cōment. Est motor Primus absolutus ab omni materia... & est unum quod est actus ultimus, cui

non admiscetur potentia omnino. Huiusmodi autem substantia nec directè, nec per reductionem est in eodem genere cum aliis: quantò ergo priora & nobiliora sunt mensurata, tantò, si reducuntur in unam mensuram, erit magis analogia: æviterna ergo reducuntur in unam mensuram, & non reducuntur in aliquod æviternorum, cum quo esse possint in eodem genere; sed reducuntur in aliquod, quòd sit supra genus, idè, ipsum Deum.

Imaginabimur autem, quòd si volumus aliqua in unam mensuram reducere, illa erit mensura, quæ mensurat totum genus, & quæ mensurat nobiliorē partē ejus sive ipsius generis, ut illud idem, quòd mensurat totum ens, mensurat substantiam, quæ est prior & nobilior pars entis: Primum enim ens est mensura omnium entium, & Prima substantia; nec est aliud, quòd mensurat totum ens, & quòd mensurat substantiam nobiliorē partē entis, sed sicut substantia est nobilior pars in toto ente, & æviterna sunt nobilissima pars in genere substantiæ: sicut ergo, reducendo substantias in unam mensuram, non sistimus in aliqua substantia creata, sed ponimus talem mensuram increatam substantiam: sic si substantias intelligibiles volumus reducere in mensuram unam, non sistimus in aliqua substantia intelligibili creata, vel in aliquo æviterno creato, sed ponemus talem mensuram ipsum Deum, qui est Prima substantia intelligibilis increata: ergo ens & Prima substantia intelligibilis increata unam & eandem rem dicunt, scilicet, Deum ipsum, qui, ut est Primum ens, mensurat omnia entia, & ut Prima substantia, mensurat omnes substantias, ut Prima substantia intelligibilis omnes substantias intelligibiles: ut quia substantia est nobilior pars entis, & quia Prima substantia intelligibilis est nobilior pars in genere substantiæ: idè eadem mensura respondet toti enti, & substantiæ generaliter, & substantiæ intelligibili specialiter.

Sed dices, quòd omnes substantiæ intellectuales non reducuntur in unam mensuram nisi in Primam substantiam intelligibilem, ut in Deum. Sed nos non quærimus, quæ mensura mensurantur æviterna quantum ad suam substantiam, sed quantum ad suum esse, & ad suam durationem. Sed huiusmodi objectio est par-

Si requiramus mensuram unam talis erit quæ mensurat totum ens, & nobiliorē partē ejus: idè, quæ Deus est Primum ens. Mensura erit substantia, ut Prima substantia, nobilissima pars in genere substantiæ: sicut ergo, reducendo substantias in unam mensuram, non sistimus in aliqua substantia intelligibili creata, vel in aliquo æviterno creato, sed ponemus talem mensuram ipsum Deum, qui est Prima substantia intelligibilis increata: ergo ens & Prima substantia intelligibilis increata unam & eandem rem dicunt, scilicet, Deum ipsum, qui, ut est Primum ens, mensurat omnia entia, & ut Prima substantia, mensurat omnes substantias, ut Prima substantia intelligibilis omnes substantias intelligibiles: ut quia substantia est nobilior pars entis, & quia Prima substantia intelligibilis est nobilior pars in genere substantiæ: idè eadem mensura respondet toti enti, & substantiæ generaliter, & substantiæ intelligibili specialiter.

parvi ponderis: si enim æviterna, prout mensurantur secundum substantiam suā, non reducimus in unam mensuram citra Deum, & non ponimus, quod aliquid quod æviternum creatum, vel substantia aliqua creata, quantumcunque nobilis, sit mensura substantiarum aliorum æviternorum: quia injuriaremur ipsis æviternis, si mensurā substantiarum ipsorum poneremus aliquam substantiam æviterni creatam: sicut si omnia esse, & durationes æviternorum volumus reducere in aliquod unum esse, tanquam in aliquā mensuram, vel in aliquam unam durationem, tanquam in mensuram, non reducimus ea in aliquod esse creatum, vel in aliquam durationem creatam; sed in esse increatum, & in durationem increatam. Nā mensura (ut diximus) debet esse nobilior mēsurato ejus quā nobilioris partis: nō enim rationabiliter diceret dicens, omnia entia nō reduci in aliquam unā mēsuram, ut in Deū, qui est Primū ens, si poneret, quod omnes substantiæ reducuntur in aliquam unam mensuram, non in Deum, sed in aliquid citra Deum.

Quartō, quare ens potest non reduci in aliquod ens creatum, est causa: quia in ente includitur substantia, quæ est nobilissima pars entis, quæ non potest reduci in mensuram unam nisi in aliquid nobilissimum, ut in Deum ipsum: totius ergo entis est Deus mensura, quia est mensura substantiæ, quæ est nobilissima pars entis. Et si totum ens habet Deum mensuram propter nobilem partem entis, siue propter substantiam, quā oportet reduci in talem mensuram, multō magis ipsi substantiæ, tanquam nobili parti entis, hoc competit, quod non possit reduci in aliud, quā in substantiam, quæ est Deus: cum hoc cōpetat enti propter substantiā. Sic & in proposito multō magis competit substantiis æviternis, quod non possint reduci in aliquā unā mēsuram, ut in substantiā, quæ non sit Deus, quā hoc competat ipsi substantiæ propter substantiam intellectualem, quæ est nobilior pars substantiæ. Nam quod totū aliquod genus reducatur in aliquod nobile, non potest competere toti nisi ratione partis nobilissimæ: non enim potest hoc competere ei ratione partis ignobilis, quia secundum hoc magis reduceretur in aliquod ignobile: totum ergo illud, in quo sunt aliqua nobilia & aliqua ignobilia, quod reducatur in ali-

quod nobile, & totum mēsuretur mēsurā nobili, non potest competere ei ratione totius, cum in tali toto includantur nobilia & ignobilia: ergo hoc competit ei ratione nobilis partis, ut quod totum ens non posset reduci in aliquid citra Deum, tanquam in aliquam unā mensuram, sed hoc erit ratione substantiæ, quæ est nobilior pars entis: quæ in aliquā citra Deum, tanquam in unam mensurā, reduci non potest: ergo à simili si universaliter substantia tam sensibilis, quā intelligibilis non potest reduci in aliquam unam mensuram citra Deum, hoc erit ratione substantiæ intellectualis, quæ est nobilior pars in genere substantiæ: ipsas ergo substantias intelligibiles multō magis reducere nō erit in aliquam mensurā citra Deū: quia *Propter quod unumquodque tale & illud magis*. Sicut ergo Phus in 10. *Metaph.* investigando mensuram substantiarum, nullam voluit esse talem mensuram unam nisi Deum ipsum: sic & nos multō magis investigando unam mensurā substantiarum intellectualium, nullam ponimus talem mensuram nisi Deum ipsum. Et sic æviterna mensuratur secundū substantiā, & non reducuntur in unā mensurā nisi in Deum ipsum, siue in substantiā increatam, ita quod mensurantur secundū esse & secundū durationē, & non reducuntur in unā mensuram, nisi in esse increatum, & in durationem increatā.

Cum ergo quærimus: utrum sit unū ævum omnium æviternorum? Dicemus, quod ævum uno modo idem est quod æternitas. Accipiendo ergo sic ævū, reducuntur omnia æviterna in unum ævum & in unam æternitatem, non in unam æternitatem participatam, & creatam, sed in unam æternitatem simpliciter, & in unam durationem increatam, & hoc est ex nobilitate æviternorū, quod possint reduci hoc modo. Æviternis igitur competunt plura æva, id est, plures æternitates participatæ, quia in unam talem æternitatem reduci non possunt; sed reducuntur in unum aliquid, quod est ævū ævorum, quod est sæculum sæculorum: sunt ergo in ipsis æviternis plura æva; & æternitas simpliciter est ævum omnium illorum ævorum.

Tertia via ad hoc idem sumitur ex ipso esse æviternorum: nam mensura semper in continuis mensurat quantitatem extensionis, in discretis quantitatem multip-

Phus 10.
Meta. cōm.

7.

Intelligēdo
pro ævo æter-
nitatē, om-
nia æviterna
talē mensu-
ram habent.

Tertia via.
Mensura in
continuis
quantitatem
extensionis,

in discretis
multiplica-
tionis, infor-
mis verò
quantitatem
perfectionis,
& in ipsis esse
quantitatem
durationis
mensurat.

PLICATIONIS, in formis autē vel in essen-
tiis mēsurat quantitātē perfectionis, in ip-
sis autē esse mēsurat quātitatem duratio-
nis: scire enim esse mēsurā esse alicujus,
hoc est scire durationē ejus; illa ergo est
mēsurā secundū esse aliquorū, à quibus
dependet omnino esse eorum: cū ergo
ævum sit mēsurā ipsis esse, loquendo
de mēsurā extrinseca, illud erit mēsu-
rā esse Angelorum, à quo dependet dura-
tio alicujus, ut quod facit ad confirma-
tionem esse ipsis; sed nullum æviternum
facit ad confirmationem alterius esse: er-
go nullum æviternum poterit esse mēsu-
rā durationis esse alterius. Dicamus er-
go, quod cū tu quæris: utrum sit unum
ævum mēsurā omnium æviternorū?
Aut loqueris de mēsurā intrinseca, aut
extrinseca? Si de intrinseca? Certum est,
quod est nō est una mēsurā omniū ævi-
ternorū: quia talis mēsurā multiplicatur
secundū multitudinem mēsuratorū.
Si autē loqueris de mēsurā extrinseca?
Dicimus, quod est dare aliquid unum,
quod est ævum ævorū, & quod est mēsu-
rā omnium æviternorū: sed illud u-
num, quod mēsurat esse omnium ævi-
ternorū, est illud à quo dependet dura-
tio esse eorum: hujusmodi ergo tale unū
est æternitas simpliciter, ut Deus ipse.

Distinctio
de mēsurā
extrinseca,
& intrinseca
in æviter-
nis, non ha-
bet locum in
temporali-
bus.

Advertendum tamen, quod cū di-
cimus: utrum sit una mēsurā omniū
æviternorū? Et distinguimus, quod aut
est locutio de mēsurā extrinseca, aut
intrinseca: talem distinctionem non pos-
semus propriè facere in mēsurā tempo-
ralium: habent enim ipsa temporalia ali-
qua in se, propter quod sunt subjecta tē-
porali, & hoc est ipsum quando, quod re-
linquitur ex adjacentia temporis: sed hu-
jusmodi quando non potest dici mēsu-
rā, sed solum est illud, secundū quod
temporalia sunt subdita tēpori & mēsu-
rā. Si ergo quæremus: utrum sit unum
tempus omniū temporalium? Et velle-
mus distinguere, quod aut est locutio de
tempore intrinseco, aut extrinseco, nul-
la esset distinctio, quia nullum est tempus
intrinsecum ipsis temporalibus, sed tem-
pus est supra omnia temporalia. Sic si es-
set quæstio: utrum sit una mēsurā om-
niū temporalium, & vellemus distin-
guere de mēsurā intrinseca & extrinseca,
non propriè loqueremur: quia mēsu-
rā temporalium non est in temporalibus,
sed est extra temporalia. Sed si ipsū

quando, quod est in tēporalibus, posset dici
tēpus, & posset dici mēsurā, & quære-
tur: utrum esset unū tēpus omnium tempo-
ralium? Diceremus, quod tot sunt jam
temporalia, quot sunt tempora. Attamen
omnia ista tempora reducuntur in unum
aliquid, quod est tempus temporum,
quod tempus temporum non est in ali-
quo temporali, sed est in corpore sempi-
terno, quod est supra omnia tempora-
lia. Sic in proposito illud, quod est in ip-
sis æviternis, potest dici ævum & mēsu-
rā: licet quando, quod est in tempora-
libus, nec mēsurā, nec tempus dici
possit. Cū ergo quæritur: utrum sit u-
num ævum omnium æviternorū? Di-
cimus, quod tot sunt æva, quot sunt æ-
viterna: nihilominus tamen omnia hu-
jusmodi æva reducuntur in unum ali-
quid, quod est ævum ævorum, quod æ-
vum ævorum non ponimus in aliquo æ-
viterno, sed in ipso, qui est supra omnia
æviterna.

Quarta ratio ad hoc idem sumitur
ex cognitione, quam facit mēsurā de
suo mēsurato: non enim sufficit ad hoc,
quod aliquid sit mēsurā alicujus, quod
faciat ad cognitionem qualemcunque
ipsius mēsurati, sed oportet, quod fa-
ciat ad cognitionem simpliciter: sed res
sicut se habet ad esse, sic se habet ad cog-
nosceis & quia unus Angelus non facit ad
esse alterius, nec facit ad cognitionem,
secundū quod debet facere mēsurā ad
cognitionem mēsurati: ad cognitionē
enim simpliciter non facit, nisi quod est
causa rei, vel comparatur ad rem, sicut
habitus ad privationem: secundū quem
modum album est mēsurā omnium co-
lorum, & facit ad cognitionem simpli-
citer omniū colorum, quia omnes co-
lores sunt quasi privatio quædam albi.
Unus autem Angelus non facit ad esse al-
terius, nec unus comparatur ad alium, si-
cut forma ad privationē: ideo unus An-
gelus mēsurā alterius Angeli poni non
debet, nec debet reduci omnes Angeli in
unum Angelum tanquam in mēsuram.

Respond. ad arg. Ad 1. dicendum,
quod non est simile de temporalibus &
de æviternis. Nam id, quod est in tempo-
ralibus, cujusmodi est ipsum quando, nec
potest dici tempus, nec potest dici mēsu-
rā; sed si posset dici tempus & mēsurā,
posset dici multa tempora ipsorum tē-
poralium & multæ mēsuræ: nihilomi-
nus

nus tamen esset unum aliquid, quod esset
 tempus temporum, & mensura mensu-
 rarum, quia & hoc est in proposito, quia
 quod est in ipsis æternis, habet nomen
 ævi & mensuræ: imò sunt multa æva ip-
 sorum æternorum, & nihilominus est
 dare aliquid, quod est ævum ævorum,
 quod nō est in aliquo æterno, sed in ip-
 so Deo. Ad 2. dicendū, quod omnes An-
 geli ordinantur ad aliquid unum, & re-
 ducuntur ad unam mensuram: sed illud
 unum non est aliquid æternorum, nec
 est ævum, quod sit in aliquo æterno;
 sed est ævum ævorum. Injuriaremur enim
 æternis, si reduceremus ea, tanquam
 in unam mensuram, in unum aliquid
 creatum: sicut injuriaremur substantiis,
 si reduceremus eas, tanquam in mensu-
 ram, in aliquam substantiam creatam:
 imò, hoc faciendo, magis injuriaremur
 æternis, quàm substantiis: quia æter-
 na tenent nobilissimum gradum in ge-
 nere substantiæ. Ad 3. dicendum, quod
 unus Angelus non habet rationem
 causalitatis respectu alterius Angeli, nec
 de necessario, nec de congruo nunquam
 faciet Deus aliquid, quod non deceat
 ipsum facere: attamen in ipsis rebus po-
 test cogitari major & minor decentia (ut
 loquamur eo modo, quo loquitur alius,
 qui dicit nostræ redemptionis alium mo-
 dum fuisse possibilem; tamen nostræ Sa-
 nandæ miseriæ nullus fuit congruentior)
 quod unus ergo Angelus sit causa produ-
 ctionis alterius, nec est de necessario, nec
 de congruo. De necessario quidem non,
 quia Deus potuisset facere Angelum in-
 feriozem absque eo, quod creasset supe-
 riorem; nec possumus illi assignare con-
 gruitatem: quia nunquam potest fieri
 Angelus ita supremus, quin possit fieri
 alius superior, quia non est illi dare sta-
 tum; si ergo non fieret inferior, nisi fieret
 superior, nullus fieret: quia nullus potest
 fieri supremus, quin possit fieri alius supe-
 rior. In talibus ergo nulla quæstio debet
 esse: quia quidquid esset, quæstio esset, ut
 si quæratur, quare Deus creavit in tali
 puncto Mundum, & quare non creavit
 prius? Si autem creasset prius, & creasset
 in tempore, adhuc eadem esset quæstio.
 Sic & in proposito, si fecisset Deus aliquē
 Angelum superiorem omni Angelo nunc
 existente, adhuc esset eadem quæstio:
 quare non fecit alium superiorem Ange-
 lum? Cum ergo talis superioritas vadat in

infinitum, nulla inde condecencia sumi
 potest, quod non fiat Angelus absque
 condecencia superioris. Non est autem
 simile de albo, quia fortè non potest esse
 color nobilior albo: si enim esset nobi-
 lior, jam non esset color, sed lux. Vel pos-
 sumus dicere, quod dato, quod esset ibi
 talis condecencia, quod non fieret Ange-
 lus inferior, non productio superiori, An-
 gelus superior non esset causa inferioris,
 quia nihil cooperaretur ad productionē,
 nec esset causa nisi fortè causa sine qua
 non, quæ est causa per accidens, ex qua
 causalitate non debet sumi ratio mensu-
 ræ. Ad 4. dicendum, quod Angelus su-
 perior non est notior Angelo inferiori,
 quàm ipsemet sibi: cujus ratio est, quia
 plus facit ad cognitionem rei præsentia
 substantiæ, quàm præsentia speciei: Ange-
 lus enim inferior est præsens suo intelle-
 ctui per suam substantiam, & per suā sub-
 stantiam causat intellectionem sui ipsius
 in suo intellectu; sed Angelus superior est
 præsens in intellectu Angeli inferioris nō
 per suam substantiam, sed per suam spe-
 ciem. Argumentum ergo supposebat fal-
 sum. Dato autem quod verum suppose-
 ret, non concluderet, ut dato, quod verū
 esset, quod Angelus superior esset notior
 cuilibet inferiori, & etiam ipsi inferiori
 esset notior, quàm ipse sibi, non prop-
 ter hoc esset mensura ejus, ut dicitur in
 solutione alterius argumenti. Ad 5. di-
 cendum, quod non quodlibet notius est
 mensura ignotioris, sed quod est sic no-
 tius, quod faciat ad esse ignotioris, quod
 simpliciter faciat ad notitiā ejus: nō autē
 sic se habet Angelus superior respectu in-
 ferioris, quod simpliciter loquendo non
 posset cognosci Angelus inferior, non
 cognito superiori. Ad 6. dicendū, quod
 inconueniens est, quod omnia æterna
 non reducantur in unam mensuram: si-
 cut inconueniens esset, si omnes substan-
 tiæ non reducerentur in unam substantiā,
 tanquam in mensuram unam: sed illa unā
 mensura non erit aliquod ævum creatū,
 sed erit ævum ævorum, sive erit eternitas
 increata: sicut substantia, in quam redu-
 cuntur omnes substantiæ, est substantia
 increata. Ad 7. dicendum, quod si ali-
 quis motus hic inferius causaretur
 virtute Divina sine motu cæli, mo-
 tus ille mensuraretur motu cæli: quia
 natus aptus causari esset per motum cæ-
 li: sed unus Angelus non est aptus natus cau-

Angelus su-
 perior non
 est notior
 Angelo in-
 feriori, quā
 iste sibi ipsi,
 qui est præ-
 sens per suā
 substantiā,
 & illi supe-
 rior per spe-
 ciem.

hui nō po-
 test Angelus
 ita supre-
 mus, quin fi-
 erit alius pos-
 sit superior.

causari & produci per alium Angelum. Rursus motus factus hic inferius, quia fieret in corpore aliquo, quia corpora ista dependent à motu, ideo posset talis motus ratione subjecti, hic in quo fit, reduci, ut in mensuram; in motum cæli. Sed esse, quod est in æternis, non dependet ab esse primi æterni, nec substantiæ, in quibus est tale esse, dependet à substantia vel ab esse æterni primi. Ad 8. dicendum, quod Angeli habent communionem ad invicem, & unitatem, vel habent ad invicem quamdam analogiam, & quemdam ordinem: sed huiusmodi ordine unus non mensuratur per alium, nec aliquod æternum est mensura omnium aliorum. Sed si debemus in eis quærere aliquam mensuram unam, non erit aliquod æternum sive aliquod ævum, quod est in æternis; sed erit ævum ævorum, quod est in Deo. Ad 9. dicendum, quod ubicumque est reperire magis & minus perfectum, comparatio omnium talium sumenda est per comparisonem ad summum perfectum, secundum modum traditum in 3. *Metaph.* ut qui dicit quinque esse quatuor, dicit minus falsum, quam qui dicit quatuor esse centum, quia magis appropinquat huic veritati simpliciter, quod quatuor sunt quatuor: magis & minus, ergo nunquam dicuntur nisi per respectum ad simpliciter. Maior ergo & minor perfectio in Angelis, si debet mensurari una mensura, non reduceretur in aliquem unum Angelum, qui non est omnino perfectus, sed reduceretur in Deum, ubi est perfectio simpliciter: per esse enim simpliciter mensuratur & majus & minus, non per esse non simpliciter. Ad 10. dicendum, quod inferiores Angeli reducuntur in Deum per superiores, & illuminantur per superiores; non tamen propter hoc unus est mensura alterius. Nam & in istis temporalibus videmus, quod unum reducitur in cælum per aliud, quia multum operatur cælum in elementis, mediantibus elementis: sed quamvis sit unum temporale, non est mensura alterius temporalis; non enim quodlibet agere, & quodlibet influere sufficit ad hoc, quod unum sit alterius mensura. Ad 11. dicendum, quod æternitas ex eo quod participatur, non multiplicatur in se, sed multiplicatur in partibus, & participantibus ipsam: æternitas ergo participata, de qua nos hic loquimur, non dicit ipsam æternitatem sim-

pliciter, sed dicit æternitatem creatam, quæ aliquid participat de conditionibus ipsius æternitatis simpliciter: æternitas enim simpliciter non est æternitas participata. Nam æternitas participata idem est quod id, quod secundum aliquam partem, vel secundum aliquam conditionem aliquid habet de illa æternitate; æternitas igitur simpliciter non est æternitas participata secundum participationem, sed secundum totalitatem. Ad 12. dicendum, quod colores alij non possent cognoscere se ipsos, nisi cognoscerent album. Imaginabimur enim, quod omnes colores sunt apti nati fieri circa idem, quod non posset esse, nisi unus color haberet rationem formæ & habitus, alius rationem privationis. Nam ille forma sunt apte nate fieri circa idem, quarum una est privatio alterius, quod maxime veritatem habet in formis contrariis, & ideo potissime contraria sunt apta nata fieri circa idem. Ideo dicitur in 10. *Metaph.* quod semper unum contrariorum habet rationem habitus, & aliud rationem privationis. Ex quo apparere potest quomodo medij colores componuntur ex albo & nigro: nam album plus habet de luce & de perfectione, quam omnes alij colores; nigrum autem plus de privatione lucis: ideo *Nigrum* secundum *Comment. in 10. Metaph.* non est nisi privatio albi; ceteri autem colores medij quodammodo componuntur ex albo & nigro: quia componuntur ex luce & privatione. Album ergo facit ad esse omnium colorum mediorum: quia est quodammodo de compositione omnium eorum: facit autem ad esse nigri, sicut habitus facit ad esse privationis: forma enim facit ad esse privationis, non quod sit de compositione ejus privationis, nec quod sit aliquid de essentia privationis: quia privatio de se est non ens; sed forma dicitur facere ad esse privationis, quia nunquam materia esset susceptiva privationis, nisi esset susceptiva formæ: ex quo apparet quomodo album facit ad esse omnium colorum. Nam omnes colores sunt quasi privationes albi, & nunquam materia esset susceptiva aliorum colorum, nisi quia esset susceptiva albi: si ergo colores sunt formæ in materia, & materia non est susceptiva aliorum colorum, nisi quia susceptiva albi, bene dictum est, quod album est mensura omnium colorum, & bene dictum est

Phus 3. Metaph.
12.

Phus 10.
Metaph. 15.

Comm. in
10. Metaph.

est, quod album facit ad esse, & ad cognitionem omnium colorum. Et si alij colores benè cognoscerent se ipsos, nō possent cognoscere, quomodo suat formæ in materia, & quomodo materia posset esse sub forma eorum, nisi prius cognoscerent quomodo materia posset esse sub forma. Intellectum materiæ sub privatione præcedit intellectus materiæ sub forma, & non solum forma facit ad cognitionem privationis, sed etiam prout comparatur ad proprium subiectum facit ad esse, quia non posset esse privatio in materia, nisi quia apta nata est ibi esse forma. Sic ergo reperimus in coloribus, quod sunt aptinati fieri circa idē, & quod color albus facit ad esse & ad cognitionē omnium aliorum, loquendo de cognitione simpliciter, idē est mensura omnium eorum: sed sic unus Angelus non facit ad cognitionem omnium aliorum, idē non est mensura eorum.

QVÆSTIO IIJ.

Utrum ævum sit idem quod esse æviternorum?



TERTIO quæritur: utrum ævum sit idē quod esse æviternorum, & quid addat super ipsum? Et videtur, quod non sit idem: quia in ævo est prius & posterius; non est enim ævum totum simul, ut videtur: quod si esset totum simul, esset idē quod æternitas: in ævo ergo est prius & posterius, cū differat ab æternitate; sed in esse Angelorum non est prius & posterius: ergo &c. Præterea: nunc ævi continuat ævum: quia sic se videtur habere nunc ævi ad ævum, sicut nunc temporis ad tempus: si ergo nunc ævi est continuativum ævi, & non est continuativum ipsius esse Angelici, non erit idem hoc & illud. Præterea: tempus est passio motus, ergo non est idem quod motus: sed sicut se habet tempus ad motum, ita se habet ævum ad esse: non est ergo idem ævum quod esse. Præterea: esse plus dependet à sua mensura, quàm ab essentia, sed esse non est idem quod essentia, à qua minus dependet: ergo multo magis non erit idem, quod sua mensura, à qua magis

dependet mensura ipsius esse, ævum ergo &c. Præterea: plus differt esse ab ævo, quàm Divinæ Personæ, cū sit ibi summa unitas: sed Divinæ Personæ differant realiter, ergo &c. Præterea: ævum non est in intellectu modò tantum, sed est realiter in ipso Angelo, ergo facit realem differentiam in ipso: nam quod facit differentiam solum secundum rationem, oportet, ut videtur, quod solum cum ratione & intellectu esse habeat: non est ergo idem realiter, quod Angelus, vel quod esse ejus. Præterea: mensura habet rationem esse, quia nos certificat de mensurato: sed causa differt realiter à causato, ergo &c. Præterea: Angelus per suam substantiam devenit in cognitionem sui esse: ergo substantia sua est mensura sui esse, & per consequens substantia Angeli vel essentia se habet, sicut ævum respectu esse: differunt ergo ævum & esse, sicut essentia & esse. Præterea: mensura est id, per quod cognoscitur quantitas rei: mensura ergo ipsius esse erit id, per quod cognoscitur ipsum esse, vel quantitas ipsius esse. Sed id, per quod cognoscitur aliud, est differens ab eo, quod cognoscitur per ipsum: quia aliter idem esset notius se ipso, & prius se ipso, ergo &c. Præterea: mensura refertur secundum se ad mensuratū, sed mensuratū refertur ad mensuram secundum rem, ut potest haberi s. *Metaph.* Sed hoc non esset, nisi mensura & mensuratum realiter differrent, ergo &c. Præterea: in quantitate extensionis & perfectionis mensura differt realiter à mensurato: ergo in quantitate durationis. Sed ævum mensurat durationem esse ipsius Angeli, ergo &c.

In contrarium est: quod mensura intrinseca non differt realiter à mensurato: sed ævum, de quo hic loquimur, est mensura intrinseca ipsius esse, ergo &c. Præterea: sicut se habet tempus ad motū, ita esse ad ævum, ut potest haberi ex 10. de *Divin. nom.* sed tempus idem est, quod motus, ergo &c. Præterea: mensura inventa est propter cognitionem rei: sed ratio cognitionis nihil videtur addere realiter supra rem cognitam, quia unum nihil addit realiter supra ens. Præterea: æternitas, quæ est mensura intrinseca ipsius esse Divini, nihil addit realiter super ipsum esse Divinum: ergo à simili, quia ævum est mensura intrinseca ipsius esse Angeli, nihil addit realiter super esse ejus.

10. de Div.
nom.

Ævum materialiter idem est quod esse æviternorum, sed formaliter addit habitudinem quamdam, & modum essendi totum simul.

B. Aeg. in 2.
dist. 2. q. 1.
art. 4. dub.
4.

Respondeo dicendum, quod in hac questione sic procedimus: quia primò investigabimus, utrum tempus sit idē quod motus? Ex hoc enim maximè habemus viam ad investigandum: utrum sit idem esse, quod ævum? Videtur enim ævum comparari ad esse, sicut tempus ad motum. Secundò declarandum erit, quomodo quando se habet ad tempus, licet enim multa de hoc sint superius dicta, bonum est causam de hoc in hac questione specialiter dicere: quia cum ævum habeat aliquam similitudinem cum tempore, aut cum quando, non solum ex ipso tempore, sed etiam ex ipso quādo aliquid poterimus investigare de ævo, quomodo se habeat ad ipsum esse. Tertio specialiter comparandum est ævum ad ipsum esse, quia ex tali comparatione aliquid apparebit, utrum ævum realiter differat ab esse æviterni. Quarto, quia non sufficit comparare ævum ad esse, nec sufficit scire, quod aliquid addat supra esse, nisi sciverimus quid addat: idē videndum est quid ævum addat supra esse, vel non. Ex hoc enim maximè apparebit veritas quesiti: utrum addat aliquid realiter supra esse, vel non? Quinto & ultimò adducemus rationes ad propositum ostendentes, quod ævum differat realiter ab esse.

Quomodo
se habet tē-
pus ad mo-
tum.

Propter primum sciendum est, quod si volumus videre, quomodo se habet tempus ad motum, & utrum realiter differat à motu? Videndū est, quid sit tēpus: propter quod sciendum, quod, ut aliās tactū est, *Tempus est numerus motus secundū prius & posterius.* In motu, ut sunt numerata ab anima, ut sæpius dictum est, complent rationem temporis prius & posterius, & in motu possunt dupliciter considerari, prout unum moveri succedit alteri moveri: ita quod est ibi dare moveri prius, & moveri posterius; vel prout unum mutatum esse est post aliud mutatum esse. Prius ergo & posterius in motu vel dicunt duo moveri, vel duo mutata esse se habentia secundum prius & posterius, sed constat, quod semper inter duo moveri cadit aliquid mutatum esse, sicut inter duas partes

A lineales cadit aliquis punctus; sic etiam inter duo mutata esse cadit medium ipsum moveri, sicut inter duo puncta in eadem linea continua semper cadit linea media: si ergo tempus est numerus motus secundum prius & posterius, vel hoc erit secundum duo moveri includentia unum mutatum esse; vel erit secundum duo mutata esse includentia unum moveri. Videtur autem hoc modo magis esse accipiendum tempus secundum duo mutata esse includentia unum moveri. Quod dupliciter patet: quia cum ista numeratio fiat ab anima, & anima non possit accipere unum nunc, ut est finis unius moveri, & principium alterius: non omnino est propriè dictum, quod tempus hoc modo sit numerus motus, idest, sit motus numeratus ab anima secundum prius & posterius, ut quod anima numeret in motu duo moveri concludentia unum mutatum esse. Nam anima nec potest hoc facere fluxibilitate ipsius nunc: idē dicitur in 4. *Phys.* quod cum aliquis accipiat nunc utens uno tanquam duobus, necesse est stare. Vbi Plus hanc differentiam innuit inter punctum & nunc; quia possumus uti uno puncto tanquam duobus; videlicet, ut est principium unius viæ, & finis alterius: eò quod punctus stat & quiescit; sed non possumus uti eodem nunc tanquam duobus, videlicet, tanquam sit principium, & finis, quia nunc est in continuo fluxu: verè enim idem nunc est principium & finis, & habet vim duorum, sed anima propter suum cōtinuum fluxum non potest uti uno nunc tanquam duobus, nec potest sic numerare motum, ut numeret prius & posterius, prout cōtinuatur ad nunc idē: quia idē nunc oporteret stare & quiescere, ut posset anima sic motū numerare: & quia tempus est numerus, non quilibet, sed numeratus ab anima, cum anima non possit hoc modo numerare prius & posterius in motu, secundum quod duo moveri continuantur ad unum mutatum esse, magis dicemus aliam esse diffinitionem temporis, prout prius & posterius dicunt duo mutata esse concludentia unum moveri: erit ergo tempus *numerus motus numeratus*, idest, motus numeratus secundum prius & posterius: quia tempus est motus numeratus secundum duo mutata esse, vel duo nunc, quorum unum se habet ut prius, aliud ut posterius.

Secunda ra-
tio eadē
diffinitioe.

Me.

Secunda via ad investigandum hoc idem, quod magis sit accipienda diffinitio temporis, prout prius & posterius dicunt duo mutata esse, quam prout dicunt duo moveri, patet: quia duo moveri sunt materialiter partes quantitativae temporis: nam sicut motus materialiter est tempus, sic pars quantitativa motus est materialiter pars quantitativa temporis: si ergo sic diffiniremus tempus, quod est numerus motus secundum prius & posterius: & huiusmodi prius & posterius dicerent duo moveri, vel duo divisibilia includentia unum mutatum esse sive unum indivisibile, cum huiusmodi divisibilia sint partes quantitativae temporis, tunc partes quantitativae temporis ingrederentur diffinitionem ejus, quod est contra Phm in 7. *Meta.* Dicamus ergo, quod utraque potest esse diffinitio temporis, sed magis est una, quam alia: nam prius & posterius prout dicunt duo indivisibilia concludentia unum divisibile, ut patet aliquomodo per rationes tactas, magis ingreduuntur diffinitionem temporis, quam ut dicunt duo divisibilia includentia unum divisibile: quod ut pateat, videndum est quid includit utraque ratio. Nam si anima non potest uti uno nunc tanquam duobus, & ex hoc concluditur, quod non possit anima hoc modo numerare motum, & per consequens concluditur, quod tempus non sit numerus sic acceptus, & quod illa non sit diffinitio temporis: ideo videtur concludere argumentum, quod non sit diffinitio temporis accepta formaliter, secundum quod reperitur ibi numeratio animae; sed non concluditur, quod non sit diffinitio temporis sumpta materialiter, secundum quod habet esse in re extra, non considerato complemento, quod habet ab anima. Nam cum in re extra ita verè sit quod duo moveri, vel duo divisibilia se habentia secundum prius & posterius, continuantur per unum mutatum esse, sive per unum indivisibile, ex quo si est verè in re extra, non poterit esse talis diffinitio temporis, nisi accipiat sic prius & posterius, secundum quod tempus habet esse materiale, secundum esse quod habet in re extra: igitur diffinitio alia perfectius diffinit tempus, quia diffinit ipsum secundum suum complementum, & secundum quod est numeratum ab anima. Et secundum etiam argumentum non arguit nullam esse diffi-

initionem temporis, prout prius & posterius dicunt ipsa divisibilia. Dicemus enim quod huiusmodi divisibilia, quorum unum se habet ut prius, aliud ut posterius, possunt accipi dupliciter, vel prout sunt partes temporis, vel prout sunt partes motus: prout autem sunt partes temporis, talia divisibilia non possunt ingredi diffinitionem temporis, quia tunc (ut dicebatur) partes quantitativae rei ingrederentur diffinitionem ejus. Sed prout illa divisibilia sunt partes motus, non est inconveniens, sic ingredi diffinitionem temporis: quia prout sunt partes motus, tempus fundatur in eis tanquam in subiecto. Subiectum autem potest ingredi, & ingredi diffinitionem passionis: prius ergo & posterius, prout dicunt duo divisibilia, ingreduuntur diffinitionem temporis, & non ingreduuntur. Ingreduuntur quidem, prout se tenent ex parte motus; non ingreduuntur autem, prout se tenent ex parte temporis, & prout sunt partes temporis. Sed si accipiat prius & posterius, prout dicunt duo indivisibilia concludentia unum indivisibile, sic prius & posterius sive se teneant ex parte motus, prout dicunt duo mutata esse; sive se teneant ex parte temporis, prout dicunt duo nunc, semper poterunt ingredi diffinitionem temporis. Nam per duo indivisibilia se tenentia ex parte temporis, & prout partes temporis accipiuntur duo nunc, poterit diffiniri tempus, sicut diffinitur linea per duo puncta. Nam sicut linea est quaedam longitudo, sive quoddam divisibile sic terminatum, videlicet, per duo puncta: sic dicemus, quod tempus est quoddam divisibile, vel quoddam moveri sic numeratum, videlicet, per duo nunc, quorum unum se habet ut prius, aliud ut posterius: est ergo tempus numerus motus, id est, motus sic numeratus per duo se habentia secundum prius & posterius. Si verò huiusmodi indivisibilia, quorum unum se habet ut prius, aliud ut posterius, secundum quod accipitur numerus qui est tempus, accipiantur sive pro duobus nunc, quae sint indivisibilia ex parte temporis, sive pro duobus mutatis esse se tenentibus ex parte motus, poterant etiam talia indivisibilia ingredi diffinitionem temporis: quia subiectum & ea, quae se tenent ex parte subiecti, possunt ingredi diffinitionem passionis motus: ergo & mutata esse, quae se tenent ex parte motus, poterant ingredi diffinitionem tem-

Duo divisibilia, quorum unum se habet ut prius, aliud ut posterius, possunt accipi vel ut partes motus, vel ut partes temporis, hoc modo non possunt ingredi diffinitionem temporis; bene tamen primo modo: quia in talibus tanquam in subiecto fundatur tempus. Sed si prius & posterius accipiantur, ut duo indivisibilia includentia unum indivisibile unum, sive dicantur duo mutata ex parte motus, vel duo nunc ex parte temporis, possunt ingredi diffinitionem.

temporis: imò sicut prius est consideratio motus, quam temporis, & sicut motus naturali intelligentia præcedit tempus, sic mutatum esse naturali intelligentia præcedit nunc temporis: mutatum enim esse, vel id, quod est initium motus, præcedit nunc, quod est initium temporis: si ergo ipsa mutata esse præcedunt secundum intellectum ipsa nunc, sic potest diffiniri tempus, prout est aliquid inclusum inter duo nunc, & prout prius & posterius dicunt ipsa nunc, poterit etiam diffiniri, prout ipsa mutata esse.

4. Phys.
comm. 104.

Et si quæras: utrum sit idem nunc & mutatum esse? Dicemus, quod nunc materialiter est idem, quod substantia rei mobilis, ut in questione specialiter patebit, sic tempus idem est materialiter, quod motus: attamen quod unum & idem mobile, & unum & idem nunc secundum rem sit multa nunc secundum esse, & secundum rationem, juxta doctrinam traditam in 4. *Physic.* esse non poterit nisi per aliud & aliud esse mutatum, ut *Socratem esse in foro, aliud est ab ipso esse in domo.* Et quia competit substantiæ rei mobilis, quod dicatur esse aliud, & aliud nunc, prout stat sub alio & alio mutato esse, etiam ipsum mutatum esse materialiter potest dici esse idem quod nunc; sed magis propriè hoc dicitur de ipsa substantia rei mobilis, ut patebit in questione illa, utrum tempus, quod mensurat operationes Angelicas, sit compositum ex instantibus?

Infra quæst.
9.

Et etiam si quæras, utrum sit aliquod nunc, quod non præsupponat mutatum esse? Dicemus, quod si vera esset opinio Phil., quod non esset dare primum nunc in tempore, nullum esset nunc, quod non præsupponeret mutatum esse. Sed secundum veritatem & secundum sententiam Fidei est dare primum instans temporis, in quo incepit moveri cælum, & hujusmodi instans non fuit fundamentum in mobili, mediante mutatum esse, quia nullum præcesserat moveri, per quod acquisitum esset mutatum esse, nisi acciperemus mutatum esse largè, prout dicit quilibet novitatem. Fuit enim ibi quoddam mutatum esse, & quædam novitas, quando cælum incepit esse, cum prius non esset: accipiendo ergo mutatum esse largè, semper substantia rei mobilis est idem materialiter, quod nunc temporis, prout hujusmodi substantia stat sub aliquo mutato esse habens aliquem ordinem ad mo-

veris; non quod quælibet substantia mobilis sic accepta sit hujusmodi, sicut non quilibet motus est idem materialiter, quod tempus; sed substantia primi mobilis sic accepta est idem materialiter quod nunc. Substantia ergo primi mobilis existens sub tali mutato esse, quod noviter inceperat esse, prout habuit ordinem immediatum ad motum sequentem, primum nunc temporis, quod nunc ita fuit principium futuri, quod non fuit finis præteriti, quia nullus præcesserat motus, & nullum præcesserat tempus nisi imaginatum. Quando autem non ulterius movebitur cælum, eadem substantia cæli, prout stat sub ultimo mutato esse, habens immediatum ordinem solum ad motum præcedentem, & non ad sequentem, erit ultimum nunc temporis, quod erit ita finis præteriti, quod non erit principium futuri: eadem etiam substantia in omnibus mutatis esse intermediis est nunc, quod est principium futuri & finis præteriti: propter quod unum est nunc secundum rem in toto tempore, quia ipsa substantia rei mobilis est tale nunc realiter: differens autem secundum rationem, quia ipsa substantia rei mobilis, secundum quod est sub alio & alio mutato esse, differt secundum rationem à se ipsa.

Siquis autem omninò concederet, quod in primo instanti temporis non oportuit esse aliquod mutatum esse: quia si cælum fuisset æternum, & incepisset moveri in tempore, esset dare instans, in quo incepisset tempus, & tamen in illo instanti non fuisset aliquod mutatum esse. Diceremus, quod si sic esset, ipsa substantia rei mobilis incipiens moveri, vel immediate se habens ad motum, ita quod inter eam & motum nulla intercidisset mora, illa substantia sic se habens fecisset primum nunc. Sed circa hoc diutius vagari non expedit. Sufficiat autem ad præsens scire, ut inferius manifestè probabitur, quod nunc temporis (de quo hic loquimur) est substantia rei mobilis, non ipsa substantia absolute accepta, sed prout se habet hoc, & hoc modo, ita quod ipsum nunc temporis supra substantiam primi mobilis quamdam habitudinem addit, & sicut nunc est idem materialiter, quod substantia primi mobilis, ita tempus materialiter est idem quod motus, quod patet ex utraque diffinitione temporis.

Nam

Si vera est
Philosophi
opinio, nul-
lum esset
nunc, quod
non præsup-
poneret ma-
tatum esse,
sed juxta ve-
ritatē & fi-
dem ad pri-
mum nunc
non præces-
sit propriè
mutatū esse.

Sicut
tempus
substantia
mobilis
ter se ha-
bit
ita super
substantiam
primi mo-
bilis quod
habitudinem
addit.

Nam si diffiniatur tempus, quod est numerus motus, id est, motus numeratus secundum prius & posterius, ita quod prius & posterius accipiatur pro ipsis moveri, ita quod ipsa moveri, prout unum est prius, aliud posterius, & ita quod talia moveri, prout sunt munerata ab anima, compleant rationem temporis: si sic est, patet, quod tempus est idem materialiter quod motus. Nam hoc modo loquendo, ipsa moveri secundum se erunt motus, & erunt partes motus: ipsa etiam eadem moveri, ut sunt numerata ab anima, erunt tempus, & erunt partes temporis: & quia illa moveri secundum se sumpta, & ut sunt numerata, non differunt realiter à se ipsis, & sunt idem materialiter: sed non sunt idem formaliter, quia non accipiuntur secundum eandem rationem: ideo tempus & motus idem sunt materialiter. Eadem enim res aliter & aliter est motus, vel est actus mobilis, & est tempus, ut ibi numeratur prius & posterius.

Si verò accipiatur tempus secundum definitionem aliam magis congruam, ut dicitur tempus est numerus motus, id est, motus numeratus secundum prius & posterius, id est, secundum duo nunc, quorum unum se habet ut prius, aliud ut posterius: patet, quod idem est tempus quod motus. Nam motus secundum se consideratus & sic numeratus non dicit aliam & aliam rem, sed dicit eandem rem aliter & aliter acceptam. Quod autem hæc sit magis propria definitio temporis, patet per Phm in 4. *Phys.* dicentem: cum anima intelligit duo nunc, hoc quidem prius, illud autem posterius, tunc hoc dicimus esse tempus: igitur prius & posterius cadētia in diffinitione temporis videtur magis inspicere duo indivisibilia sive duo nunc includētia motū, quā duo divisibilia, sive duo moveri includentia mutatur esse. Cum dicit Phis: Qui non percipit motum, non percipit tempus. Potissimè intelligendum est de motu sic numerato per duo nunc, quorum unum est prius & aliud posterius.

Et si queratur cuiusmodi sit hæc numeratio motus? Dicemus, quod hoc modo numeratur motus, quia quando nunc posterius magis percipimus distare à priori, tantò dicimus motum esse majorem. Ideò illi, qui dicuntur fabulosè dormivisse in Sardo, cum diu valde dormivissent, putaverunt se parum vel nihil

dormivisse, quia non perciperunt distantiam inter nunc, in quo fuerunt excitati, & nunc in quo dormire coeperunt. Et ideò non percipientes quantum unum nunc erat posterius alio, & quantum erat distans ab alio, dicuntur non percipisse tempus. Quidquid tamen sit de hoc, & quomodo diffiniatur tempus, semper materialiter est idem quod motus. Et quia, ut dictum est, patet per Dionysium 10. *de Div. nom.* Ita se habet ævum ad esse, secundum quod tempus ad motum. Dicemus, quod sicut idem est materialiter tempus quod motus, ita materialiter est idem ævum, quod æviternorum esse. Addit enim ipsum ævum quamdam habitudinem supra esse æviternorū, sicut tēpus addit quamdā habitudinē supra motum. Quod autē tēpus nihil realiter addat supra motum, patet per Comm. in 4. *Phys.* dicentem. Non potest aliquis dicere, quod tempus est, si anima non erit: non quia motus non sit, si anima non fuerit. Tolle ergo animam, remanet motus, sed non remanet tempus. Est ergo tempus aliquid præter animam, & habet esse præter animam. Sed habet esse materiale, formalitatem autem & complementum habet ab anima, quia solum dicit quamdam habitudinem supra motum, ad quam habitudinem facit anima. Sic ergo & ævum idem erit materialiter quod esse æviterni, quia non addit nisi quādam habitudinē supra illud esse, quæ autem sit illa habitudo infra dicitur.

Advertendum tamen, quod habitudinem, quam addit ævum supra esse, non facit anima, ideò ad esse ævi nihil facit anima: esset enim ævum formaliter & in actu, dato quod non esset anima; sed non esset tempus secundum illud formale complementum, si anima non esset.

Viso, quomodo tempus se habet ad motum, & ex hoc declarato, quomodo ævum est idem materialiter, quod æviternum, sicut tempus est idem materialiter, quod motus: volumus declarare, quomodo se habet quando ad tempus, quia ex hoc manifestabitur aliquo modo, quomodo se habet ævum ad esse, quia ævum non solum habet similitudinem cum tempore, sed etiam habet similitudinem cum quando. Nam quando est effectus temporis: & est id, quod re-

Diony. 10.
de Div. nom.

Comm. 4.
Phys.

Tempus materialiter est præter animam, sed formalitatem & complementum habet ab anima; & non ita ævum.

Quomodo se habet quædo ad tēpus.

Simplicius.
Boetius.

poris & alicujus mensuræ, sic ævum est effectus alicujus mensuræ, quia est effectus æternitatis, & causatur ex assistentia æternitatis. Sed quando in istis inferioribus nullam rem addit supra id, in quo fundatur, sed solum addit habitudinem quamdam, ut potest patere tam ex Simplicio super prædicamenta, quam per Boetium in libro de æternitate, ait enim Simplicius: *Proinus abstulit prædicamentū ipsius quando, quia, ut dicit, colligebat prima genera sub minori numero, & non multum aliquid attribuebat varietatibus intellectus & significationum.* Prædicamentum ergo ipsius quando sumptum est solum secundum habitudinem quamdam; nullam tamen rem addit supra suum fundamentum: ævum ergo, quod fundatur in esse æviterni, siue comparatur ad hujusmodi esse, sicut rem pus ad motum, siue sicut quando ad suum fundamentum, semper cogimur dicere, quod nullam rem addat supra hujusmodi esse, sed solum habitudinem quamdam.

Habito de comparatione ævi ad tēpus, & ad quando, & utraque via aliquantulum investigato, quod ævum nullam rem addat supra esse, volumus ævum comparare ad ipsum esse, & ostendere propositum. Propter quod sciendum, quod secundum ponentes unum ævum omnium æviternorum, secundum eos ævum illud est in primo æviterno, & primò mensurat esse ipsius æviterni, & per illud esse mensurat esse omnium aliorum æviternorum. Secundum hos quidem si crearetur Angelus aliquis supra supremum Angelum, in illo Angelo noviter creato inciperet esse ævum: quia inter æviterna ille esset simplicior; & si supremus Angelus desineret esse, inciperet ævum esse in B. qui immediatè se habebat ad A. & quod per creationem Angeli, vel per annihilationem nulla mutatio, secundum rem, per se loquendo, fit in alio Angelo, absque mutatione reali, secundum hujusmodi positionem, poterit incipere esse ævum in aliquo Angelo, in quo prius non fuerat, vel desinere esse in aliquo, in quo prius fuerat, nulla mutatione facta reali in ipso. Sed quod tale est, formaliter non dicit rem, sed habitudinem rei: quod enim tale non est aliqua res secundum se, sed est res sub aliqua habitudine, qua habitudine deficiente, dicitur illud deficere: ævum ergo secundum hanc rationem

A nullam rem addit supra esse, in quo fundatur. Sed quod isti dicunt de primo æviterno, dicemus nos de quolibet æviterno. Nam in quolibet æviterno habet esse ævum, quod est mensura sui esse, & non mensurat aliorum esse. Sed ponentes unitatem ævi, ponunt illud mensurare esse, in quo fundatur, & etiam per illud mensuratur esse aliorum æviternorum: plus ergo dant ipsi ævo, quam nos demus: quia nos non ponimus, quod ævum mensurat aliud esse, quam illud, in quo fundatur; sed ipsi ponunt, quod mensurat esse, in quo fundatur, & per illud mensurat alia esse. Si ergo ponentes unum ævum plus dant ævo, quam nos demus, & secundum positionem eorum cogimur ponere, quod ævum nullam rem addit supra suum fundamentum, siue supra esse, quia potest incipere esse in aliquo, & desinere esse, nulla mutatione facta in ipso; cogimur & nos ponere, quod ævum nullam rem addat supra suum fundamentum, siue supra esse, in quo fundatur: dicemus ergo, quod sicut ponentes unum ævum, & ponentes ipsum in esse primi æviterni, coguntur dicere illud ævum non esse rem aliam ab esse primi æviterni: sic nos ponentes ævum in esse cujuslibet æviterni, dicemus ipsum non esse aliam rem à quolibet tali esse.

Postquam multipliciter investigavimus, utrum ævum rem aliquam addat supra esse æviterni, volumus declarare quid addit: quia ex hoc potissimè apparebit veritas quæ sita. Dicemus ergo: quod sicut tēpus addit supra motum numerum, sic ævum supra esse addit unitatem vel similitudinem: dicemus enim, quod unitas tripliciter potest sumi. Nam est unum, quod convertitur cum ente: & est unum, quod est principium numeri: & possumus dicere, quod est unum, in quo consistit ratio ævi. Sic & in aliis modis potest accipi unum, si in aliis reperiatur. Unum enim, quod convertitur cum ente, dicit indifferentiam quamdam, hujusmodi autem indifferentia consequitur esse entis: quælibet enim forma dat rei, quod sit, & quod sit hoc, & quod non sit aliud ab hoc: quodlibet enim ens habet aliquod esse, per quod est indistinctum à se, & distinctum ab alio: ut ergo forma dat esse positivum, & prout dat rei, quod habeat esse, dat ei quod sit ens. Sed prout dat rei esse primitivum, & prout dat ei, quod sit

fit indistincta à se, & distincta ab alio, dat ei quòd sit quid unum: & quia tale esse primitivum consequitur quodlibet esse positivum, ideò tale unum consequitur quodlibet ens. Vnum ergo, quod convertitur cum ente, opponitur distinctioni, ut est idem esse, sic unumquodque est à se non distinctum. Sed unum, quod est principium numeri, opponitur discontinuationi: idem est enim esse tale unū, quod esse non discontinuum: ideò dicitur in 3. *Physic.* quòd ex divisione continui fit additio ad numerum. Divisio ergo continui facit numerum, indivisio facit unitatem, quæ est principium numeri. Imaginabimur quidem, quòd numerus est differentia quantitatis: ergo quod est principium numeri est idem, quod continuum: diversæ ergo res continuæ faciunt numerum, qui est species quantitatis: eadem enim quantitas, ut perficit rem in comparatione ad suas partes dat ei, quòd sit quid continuum: & inde est, quòd quantitas continua diffinitur per comparationem ad partes. Eadem enim res, quæ est quantitas continua, & quæ dat rei, quòd sit quid quantum continuū, prout perficit rem in comparatione ad partes: eadem, scilicet, res prout perficit eam in se, dat ei, quòd sit quid unum, & quòd sit principium numeri. Ideò unum, quod dividitur, est continuum, ut in questionibus supra sententiarum diffusius diximus. Vnum ergo, quod est principium numeri, opponitur discontinuationi; sed unum, quod est de ratione formali ævi, opponitur successioni: quidquid enim habet successionem, habet partem post partem, non est ergo unitum nec est totum simul. Sed quia successionem, & quia non mensurat motum, mensurando partē post partem, & quia hoc non est sine quadam mutatione: ideò tempus non mensurat motum modo unito, sed magis modo numerato: unde de ratione formali ejus est, quòd sit numerus: sed ævum est mensura tota simul: ideò de ratione ejus est quadam unitas: ævum ergo addit supra esse æviterni quemdam modum essendi, ut quia illud esse habet talem modum essendi, quod est totum simul: ideò mensuratur ævo, & fundatur in eo ratio ævi. Ex quo apparet, quomodo est comparatio temporis ad motum, sicut ævi ad esse æviterni. Nam sicut in motu, accipiendo partem post partem,

possumus scire quantitatem motus, quam mensurat tempus: sic considerando, quomodo esse æviterni est totum simul, possumus scire quantitatem ipsius esse, quòd ex hoc sciremus ipsum secundum naturam carsum esse perpetuum. Scimus ergo, vel scire possumus quantitatem motus per tempus, & scimus, vel scire possumus quantitatem ipsius esse per ævum: propter quod similiter comparatur ævum ad esse, sicut tempus ad motum. Rursum sicut numerus, qui est de ratione temporis, non cadit in diffinitione motus, sed motus est actus entis in potentia, secundum quod in potentia, vel est actus mobilis, secundum quod mobilis: sic unitas & similitas, quæ sunt de ratione formali ævi, non cadunt in diffinitione ipsius esse. Sed dicemus, quòd esse est actus entis in actu, secundum quod est in actu, vel actus existentis. Ex hoc ergo, quòd scimus quid addit ævum supra esse æviterni: quia addit quemdam modum essendi, ut quòd non addit rem aliquam supra esse æviterni: illud enim idem esse æviterni consideratum secundum se est quoddam esse; consideratum autem ut est totum simul, & ut non habet partem post partem, habet rationem ævi.

His autem omnibus prælibatis, volumus adducere rationes probantes, quòd ævum non addat rem aliquam supra esse. Dicemus enim, quòd ævum mensurat quantitatem durationis ipsius esse, sicut enim per tempus possumus scire quantum durat motus: ita per ævum possumus scire quantum durat esse. Tribus ergo rationibus ostendemus propositum. Prima ratio sumetur ex parte quantitatis esse. Secunda ex parte durationis. Tertia ex parte ipsius esse.

Propter primum sciendum, quòd in motu ista se habent per ordinem: quia primò est considerare ipsum motum in se. Secundò est numerare ipsum secundum prius & posterius. Tertiò est scire quantitatem ejus. Si consideres rem ipsam, quæ est motus in se, sic habes ipsum motum. Sed si consideres numerum secundum prius & posterius, sic habes tempus. Sed tertiò si consideres quantitatem ipsius motus, sic habes illud, quod de motu mensurat tempus. Consideratio igitur ipsius motus secundum se præcedit considerationem temporis. Ideò dicitur tempus esse accidens motus, vel

Sicut cōparatur motus ad tempus, ita ævum ad esse æviterni.

Ævum mēsurat quantitatem durationis ipsius esse.

Tria cōsideranda in motu.

Primum,
quod motus
in se dicit
actionem, &
passionem, ut
calefactio
eadem dicit
actionem, &
passionem,
& motum
diversis or-
dinibus.

palsio motus, quia consideratio tem-
poris præsupponit considerationem : A
motus, & habet se quasi aliquid super-
additum illi considerationi: sicut actio,
& passio, quæ sunt idem realiter cum ip-
so motu, ut calefacere, & caleferi sunt
idem realiter cum ipso motu ad calo-
rem, attamen dicuntur actio & passio
fundari in motu: fundatur enim actio in
motu, & motus in actione: quod patet,
quia ipsa calefactio, & ipse motus ad ca-
lorem non secundum eandem rationem
dicitur motus, actio, & passio: secundum
quod ipsa calefactio, ut est inductiva for-
mæ caloris, & ut est aliquid caloris, vel
ut est actus calefactibilis, sic est motus: sed
ut huiusmodi calefactio est ab agente, sic B
est actio: ut recipitur in passo, sic est pas-
sio. Ut ergo calefactio est calefactibilis, &
ut est actus mobilis, sic est motus; sed
ut est actus hoc modo, quia est ab agen-
te tanquam causante actionem, & in pas-
so tanquam in recipiente huiusmodi ac-
tionem ab alio, sic est actio & passio. Cir-
cumscribatur enim ordo agentis ad pa-
tientem, & è converso, & intelligatur
ordo huiusmodi actionis successivæ: quæ
est calefactio ad ipsum calefactibile sive
ipsum mobile, & habebitur ratio mo-
tus.

Secundum
consideran-
dum, quomo-
dò motus
fundatur in
actione, &
actio in mo-
tu.

Declaravimus ergo, quomodo actio,
& passio, & motus dicunt unam rem &
eandem. Et ostendimus, quomodo una
& eadem res se habet, ut sit motus, & ac-
tio, & passio. Volumus declarare, quo-
modo motus fundatur in actione, & ac-
tio in motu. Quomodo autem motus
fundatur in actione facile est videre: nam
semper posterius fundatur in priori: cum
ergo motus sit aliquid ab agente in passo,
quia omne, quod movetur, ab alio mo-
vetur: prius intelligimus, quod motus
sit aliquid ab agente, & sic est actio: & D
postea intelligimus, quod illud aliquid
ab agente recipiatur in passo, & sic est
passio: ultimò autem intelligimus, quod
per id, quod recipit passum ab agente, tē-
dat ad perfectionem aliquam, & sic est
motus. Illa ergo eadem res, ut est ab agē-
te est actio, ut recipitur in passo, est pas-
sio, ut est via ad acquirendam aliquam
perfectionem est motus: secundum hunc
ergo modum motus fundatur in actione,
tāquam posterius in suo priori: quia prius
intelligitur passum aliquid recipere ab a-
gente, quam intelligatur per huiusmodi

receptum ire ad perfectionem aliquam.
Rursus, quia motus uno modo sumptus
est in plus, quam actio: quia secundum
Phum in 1. de Generatione cap. de tactu, mo- Plus 1. de
vere est in plus quā agere. Nam agere pro- Generat.
priè sumptum opponitur passioni: non
ergo agit hoc modo loquendo, nisi quod
alterat, quia non agitur, nisi quod altera-
tur, & patitur: sed non omne, quod mo-
vet, alterat; nec omne quod movetur,
alteratur. Est itaque movere in plus
quā agere, & motus in plus quā
actio. Hoc ergo modo movere est prius
quā agere, & motus in plus quā actio.
Sicut magis commune est prius, quā
minus commune, & quia posterius fun-
datur in priori: quia ergo sic est actio &
passio, dicuntur fundari in motu, non ob-
stante, quod sint eadem res cum motu:
sic quia consideratio temporis præsuppo-
nit considerationem motus, dicitur tem-
pus in motu fundari: consideratio ergo
ipsius motus præcedit considerationem
temporis; sed consideratio temporis præ-
cedit considerationem quantitatis mo-
tus: eadem enim res, ut est actus mobilis,
dicitur motus: ut est numeratus per prius
& posterius, dicitur tempus: ut autem ex
hac numeratione partis post partem com-
petit ei habere quamdam extensionem &
quamdam durationem, dicitur quid quā-
tum: motus ergo primi mobilis, & tem-
pus, & quantitas durationis ejus unam
& eandem rem dicunt, aliter, & aliter
consideratam.

Ex hoc apparet, quod ratio mensu-
ræ præcedit rationem mensurati, si con-
sideretur illud, secundum quod mensura
mensurat mensuratum: tempus enim
mensurat motum, quia mensurat quanti-
tatem durationis ejus, quæ sequitur con-
siderationem temporis. Sic etiam dice-
mus in ipso ævo: nam eadem res, ut est
actus æviterni, dicitur esse: ut est talis æ-
ctus, quod est totū simul, dicitur ævum: ut est
autem sic totum simul, quia est
perpetuum, sic habet quemdam modum
quantitativum: quia scimus ex hoc quan-
tum durat, quia durabit in perpetuum.
Ævum ergo mensurat esse Angelicam
quantum ad quantitatem durationis ejus,
quia ex hoc scimus, quia illud esse debet
tantum durare, quia ipsum scimus esse to-
tum simul: prius ergo intelligimus, quod
sit in æviternis essendi simultas, & po-
stea intelligimus, quod secundū hunc or-
dinem

dinem, quem videmus, sit in illis essendi A perpetuitas: posset enim Deus hujusmodi ordinem immutare, & posset annihilare æviterna, si vellet. Sed per hunc ordinem, quem videmus, quæcumque habent esse ævi, & habent esse totum simul, illa dicuntur esse perpetua: illud ergo, quod mensurat ævum in æviternis, videlicet, quantitas durationis sive perpetuitas essendi, est quid posterius ipso ævo: quia prius intelligimus esse angelicum esse totum simul, in quo stat completa ratio ævi, & postea intelligimus, quod illud esse sit perpetuum, in quo stat quantitas durationis ejus. Proprietas ergo essendi in æviternis & simultas essendi non dicunt aliam & aliam rem hoc & illud, sed dicunt quosdam modos essendi. Nam habere esse simul, & esse perpetuum non dicunt aliquam aliam rem supra esse; sed dicunt quemdam modum essendi. Cum enim dicimus, quod æviternum habet esse, & postea dicimus, quod habet esse simul, in hac secunda locutione non dicimus aliquam rem supra esse, sed exprimimus quemdam modum essendi: exprimimus enim, cujusmodi sit illud esse, quia est totum simul. Si autem ulterius dicamus, quod illud esse sit totum simul, & sit perpetuum, in hac etiam tertia locutione nullam rem dicimus supra esse, sed solum exprimimus modum essendi: exprimimus enim, cujusmodi sit illud esse, quod est totum simul, quia est perpetuum.

Ex hoc ergo possumus sic arguere ad propositum: ævum supra esse addit simultatem, sed hoc non dicit aliquam rem supra esse, sed dicit quemdam modum essendi: ergo ex parte ipsius esse, patet, quod ævum nullam rem addit supra esse, sed exprimit quemdam modum essendi. Secundo quidem hoc patet ex parte quantitatis, sive ex parte perpetuitatis essendi, quæ mensurat ævum. Nam ipsa perpetuitas essendi nullam rem addit supra esse: si igitur intellectus ipsius esse præcedit intellectum simultatis essendi; & intellectus simultatis præcedit intellectum perpetuitatis, quia prius intelligimus, quod æviterna habeant esse, & postea intelligimus, quod illud esse sit simul, & postea quod illud esse sit perpetuum. Si perpetuum illud nullam rem addit supra esse, & simultas essendi, quæ est ejus, magis se tenet cum esse, quæ perpetuitas: mul-

tomagis nullam rem addit supra esse: quia ergo simultate essendi consilii ratio ævi, ævum nullam rem addit supra esse æviterni.

Tertio quidem patet, quod ex parte durationis ævi. Nam ævum vel ipsa duratio esse æviternorum, vel est idem quod mensura hujusmodi durationis: Si ævum sit ipsa duratio? Quia tandiu res durat, quamdiu est: & quia nihil aliud est rem durare, quam rem esse; & rem ulterius non durare, quam ulterius non esse, duratio non dicit aliud, quam ipsum esse; sed duratio rei, & esse rei dicunt unam, & eadem rem secundum aliam & aliam rationem: eadem enim res, secundum quod est actus entis in actu, ut est in actu, vel secundum quod est actus existentis, ut est existens, dicitur esse rei: secundum enim quod res illa continuatur in tali esse, vel in tali essentia, dicitur duratio ejus. Si ergo duratio rei nullam addit supra esse, quia esse & esse hoc modo, quod daret, vel quod contrarietur in tali esse, non dicit rem aliam ab ipso esse; sed solum in hoc exprimitur modus essendi. Si ergo ævum sit idem, quod ipsa duratio æviterni? Ævum nullam rem addit supra se ipsum. Si autem dicatur, quod duratio æviterni non est idem quod ævum, sed est id quod mensuratur per ævum: cum mensura secundum intellectum sit prior mensurato, si enim ævum non est ipsa duratio essendi, sed est id quod mensurat durationem ipsius esse? Tunc ævum secundum intellectum, ex eo quod mensurat durationem ipsius esse, immediatius se habebit ad esse, quam ipsa duratio, quæ mensuratur per ævum. Sed si ipsa duratio non dicit rei aliam supra esse: multo magis & ævum, prout est mensura durationis immediatius se habet ad esse, nullam rem addit supra esse, sicut nec ipsa duratio: ergo ex parte ipsius esse, & ex parte perpetuitatis ejus, & ex parte durationis ejus, patet, quod ævum in æviternis nullam rem addit supra esse.

Respond. ad arg. Ad 1. dicendum, quod esse æviterni est totum simul, nec tamen propter hoc est idem quod æviternitas: quia aliter est simultas ipsius esse æviterni sive ipsius ævi, & æviternitatis, quod quomodo sit, infra patebit: In questione enim illa utrum in ævo sit successio, patebit, quod simultas ævi & simultas æternitatis multum differunt. Ad 2. dicendum, quod ævum non indiget con-

Infra q. 7.

tinuatione eo modo, quo indiget tempus. Nam tempus habet partem & partem, & ideo non potest esse continuum, nisi intelligatur aliquid, quod continuet partes temporis; Sed ævum est totum simul, & non indiget tali continuatione: nunc ergo ævi non continuat ævum, quod continuet partem cum parte, sicut continuat nunc temporis; attamen aliquem modum continuationis possumus ibi assignare. Dicemus enim, quod sicut nunc fluens facit tempus, & nunc temporis per suum fluxum continuat tempus: quia tandiu durat, quamdiu durat fluxus ipsius nunc, ita nunc stans facit ævum: & nunc ævi per suum stare continuat ævum: nam tandiu duravit ævum, quamdiu stabit nunc ævi. Quod ergo arguebatur, quod nunc ævi non continuat esse. Dicitur debet, quod nunc ævi est idem quod substantia æviterni, & esse ipsius æviterni durat, persistit, & continuatur in suo statu per substantiam æviterni, in qua recipitur. Ad 3. dicendum, quod tempus, licet sit passio motus, est tamen idem materialiter, quod motus. Dicitur enim tempus fundari in motu, tanquam in subiecto: quia consideratio ipsius temporis præsupponit considerationem ipsius motus: sicut consideratio passionis præsupponit considerationem subiecti. Oportet ergo ibi largè accipere passionem, & largè accipere subiectum. Nam aliquid esse in aliquo, vel aliquid esse subiectum alicujus, vel aliquid esse causam alicujus, si largè loquimur de talibus, omnia hæc de eis verificari possunt. Dicimus enim universalia esse in particularibus, genera etiam esse in speciebus; & tamè genus in specie est idem quod species, & universale in particulari est idem quod particulare. Dicimus etiam, quod passio est effectus actionis, & tamen actio & passio eandem rem dicunt. Dicimus etiam, quod omnis actio in motu firmabitur, & tamen actio sive ipsum agere est quoddam movere: nā calefacere agere est: calefacere quodāmodo alterare est: idē est enim genus motus quod actio, & tamè motus dicitur esse subiectum actionis, sic & in proposito: licet idem sit motus quod tempus; non est tamen inconueniens motum esse subiectum temporis. Sic & in proposito, licet idem sit realiter ævū quod esse; attamen quia secundū aliā & aliā rationem sumitur ævum & esse, ideo vnum potest

fundari in alio. Vel possumus aliter respondere ad argumentum, dicendo, quod ævum non est passio ipsius esse, sicut tempus est passio motus, ut patebit in questione sequenti. Supponebat argumentum simile, quod non erat simile. Prima tamè responsio rerum aliarum est: quia licet ævum non possit dici passio ipsius, verum est tamen, quod fundatur in ipso esse. Si ergo fundatur in esse, bonum fuit declarare, quomodo possit esse idem realiter quod esse. Ad 4. dicendum, quod si volumus salvare hanc propositionem, quod esse æviterni plus dependeat à sua mensura, quàm à sua essentia, in qua recipitur, oportet hoc intelligere de ipsa mensura extrinseca, videlicet, de ipsa æternitate, sive de ipso esse Divino, quod mensurat omnia esse æviterna: esse enim ipsius æviterni plus dependet ab esse Divino, quàm à propria essentia, in qua recipitur. Sed sic intelligendo propositionem assumptam vel argumentum contra nos: verum est enim, quod ævū, quod est in æviternis, non est idem cū esse Divino: imò plus differt ab esse Divino, quàm ab essentia æviterni. Cum ergo dicitur, quod esse æviterni plus depēdet à sua mensura, quā ab essentia, in qua recipitur, si intelligatur de mētura extrinseca, vera est propositio, sed nihil cōtra nos cōcludit; si de intrinseca, peccat in materia, quia accipit falsa. Ad 5. dicendum, quod Divinæ Personæ dicunt distincta supposita; sed ævū & esse non dicunt distincta supposita, sed sunt in uno & eodem supposito æviterno: ideo non est simile hic & ibi. Vel possumus dicere, quod Divinæ Personæ differunt re relata, non re absoluta: Hic autem non querimus de re relata, sed de re absoluta: querimus enim, utrum ævum addat aliquam rem absolutam supra esse. Ad 6. dicendum, quod ævum est realiter in ipso Angelo propter reale fundamentum, quod habet in ipso, quia fundatur in esse ejus: sicut similitudo realiter est in ipso simili propter reale fundamentum, utputa, propter albedinem, in qua fundatur; attamen ipsa similitudo, licet sit realiter in ipso simili, nullam tamen rem addit supra albedinem, quæ est suum fundamentum: ita ævum, licet sit realiter in ipso æviterno, nullā tamen rē addit supra esse æviterni, quod est suum fundamentū. Ad 7. dicendum, quod mensura habet rationem causæ, verum est de mensura, quæ

quæ est mensura omnium æviternoarum. Vel possumus dicere, quod etiam in ipsa mensura intrinseca possumus salvare aliquo modo rationem causalitatis: dictum est enim, quod largè loquendo de causa, etiam in his, quæ sunt de re, possumus salvare rationem causalitatis: sicut dicimus, quod passio est effectus actionis. Imò si volumus, possumus hic in mensura & mensurato quodam modo expresse salvare rationem causalitatis: dicemus enim, quod esse Angelicum quasi habet duplicem modum essendi: quia habet esse simul, & habet esse perpetuum, & unus istorum modorum essendi competit ei per alium: nam habere esse perpetuum competit æviterno per habere esse simul. Hæ ergo duæ habitudines, vel hi duo modi essendi quasi se habent, sicut causa & causatum: quia hæc habitudo, & hic modus essendi, quod æviternum sit perpetuum, competit ei, ut diximus, per hoc, quod habet esse simul: ævum ergo, quod est mensura, se habet hic quasi causa respectu sui mensurati. Ad formam ergo arguendi, cum dicitur, quod causa differt realiter à causato, verum est, si se habent unum ad aliud sicut res ad rem; sed non est verum, si se habent sicut habitudo ad habitudinē, vel sicut modus essendi ad modum essendi: esse enim æviterni habet hos modos essendi in æviterno, ut habet has habitudines respectu æviterni, quod est totum simul, & est perpetuum: & una illarum habitudinum se habet sicut causa respectu alterius: & quia talis causalitas non attenditur secundum aliam & aliam rem, sed secundum aliam & aliam habitudinem, ideo hic inter mensuram & mensuratum non est diversitas realis. Ad 8. dicendum: quod ipsa substantia est mensura ipsius esse secundum aliquem modum: quia ut patet ex 4. *Phys.* ipsum nunc mēsurat tempus: ipsum enim nunc, secundum quod accipitur prius & posterius, mēsurat tempus: sic etiam ipsum ævi nunc, ut accipitur instans, mēsurat ævū, quia hoc modo certificat nos de ævo, & facit nos cognoscere, quid est ævū: hoc enim modo certificamur de ipso ævo, si benè intelleximus, quomodo nunc ævi est quid stans: sic ergo nunc ævi mēsurat ævū, quod nunc fundatur in substantia æviterni, & ævū in esse, sed materialiter substantia æviterni mēsurat suum esse. Dicimus autem, materialiter, quia

ipsa substantia, quæ substantiatur ipsi esse, & ipsi ævo, mēsurat quodam modo ipsum ævum. Ad formam verò arguendi: quod à substantia æviterni est ævum, quod mēsurat illud esse. Dici debet, quod substantia æviterni non est mensura ipsius esse, sicut ævum, sed sicut nunc ævi: nunc est mensura ipsius esse non formaliter, sed materialiter. Vel possumus dicere, quod ævum non mēsurat esse æviterni, ut est aliquid in se; sed mēsurat ipsum quantum ad suam durationem, & quia sua duratio est perpetua, ideo mēsurat illud esse quantum ad suam perpetuitatem. Dicemus ergo, quod dato, quod Angelus intelligat suum esse per suam substantiam; attamen ipsum esse habet varias habitudines; & una habitudo est apta nata cognosci per aliam, ut habitudo perpetuitatis, quæ mēsurat ævū, est apta nata cognosci per habitudinē simultatis, in qua cōsistit ratio ævi. Ad 9. dicēdū, quod nō est incōveniēs, quod idē sit notius se ipso, & prius se ipso, aliter & aliter acceptū, ut animal in homine est idem quod homo: idem ergo secundum rationem est animal, & homo; illud tamen unum & idem consideratum, ut est animal, est prius & notius se ipso, ut est homo. Sic & in proposito, idem esse Angelicum est simul, & est perpetuum: & ut est simul, habet rationem ævi, sive habet rationem mensuræ: ut est perpetuum, habet rationem mensurati: & illud idem esse, ut est simul, & ut habet rationem ævi & mensuræ, est prius se ipso, quàm ut est perpetuum: & perpetuum, secundum quod habet rationē mensurati, est posterius: quantitas enim illius est perpetua duratio: hanc autem quantitatem, sive hanc perpetuam durationem mēsurat simultas & unitas illius esse: & quia illud esse est unitum & totum simul, ideo est perpetuum. Ad 10. dicendum, quod mensura refertur ad mēsuratum secundum rationem; mensuratum autem ad mensuram secundum rem, si realiter differat mensura à mēsurato, quod veritatem habet in mensura extrinseca: non enim potest, propriè loquendo, mēsuratum realiter dependere à mensura, nisi realiter ab ipsa differat; attamen si volumus, possumus & dictum illud Phi. verificare in proposito, quantum spectat ad intentionem ejus: vult enim Philus per illa verba, quod mensuratum dependet ab eo secundum modum

Idem potest esse notius se ipso, & prius se ipso aliter, & aliter acceptum.

Mēsurā refertur ad mēsuratū secundum rationem; mēsuratū verò ad mēsuram secundum rem.

Philus 4.
Phys.

dum intelligendi, ut scientia secundum se dependet à scibili, hoc autem non dependet à scientia nisi secundum modum intelligendi: ut quia non possum intelligere, quòd scientia referatur ad scibile, nisi intelligam, quòd scibile referatur ad ipsam: ex ipsa ergo re est, quòd scientia referatur ad scibile, & quòd dependeat ab ipso; reliqua autem, ut quòd scibile sic se habeat ad scientiam, est ex nostro modo intelligendi. Sic & in proposito, perpetuitas elendi in æviterno dependet ex ipsa simultate, & unitate ipsius esse secundum se: si autem unitas & simultas, unde sumitur ratio ævi, dependet sive refertur ad ipsam perpetuitatem, hoc est secundum nostrum modum intelligendi: quia non possumus intelligere hoc referri ad illud, nisi intelligamus è converso, illud ad hoc referri. Ad 11. dicendum, quòd in quantitate extensionis & perfectionis differt mēsurā à mensurato, si accipiat mensura extrinseca: ut quantitas ulnæ differt à quantitate panni; quantitas autem panni non differt à se ipsa: si ergo ex ipsa quantitate, uno modo accepta, acciperetur ratio mensuræ, & ex eadem quantitate panni, alio modo accepta, acciperetur ratio mensurati, mēsurā quantitatis panni, sic accepta, non esset realiter alia ab ipsa quantitate. Sic & in proposito, esse Angelicum differt realiter ab esse Divino; sed esse Angelicum ut est mensura, id est, ut est unum, & est simul, & ut habet rationem ævi, non differt realiter à se ipso, ut est perpetuum, & ut habet rationem mensurati.

QVÆSTIO IV.

Verum ævum in æviteris faciat per se prædicamentum, sicut quando, & utrum reducatur ad illud?



QUARTO queritur: utrum ævum in æviteris faciat per se prædicamentum sicut quando, vel utrum reducatur in illud? Et videtur, quòd ævum per se faciat prædicamentum: quia sufficit ad rationem præ-

dicamenti, quòd aliquid dividatur per differentias essentielles, & quòd nō habeat aliud supra se superveniens genus, sed hoc habet ævum: dividitur enim per differentias, quia multæ sunt species æviterorum essentialiter differentes, & non habet supra se aliud superveniens genus: quia nihil est supra ævum, nisi æternitas, quæ non habet rationem generis respectu ævi, nec respectu alicujus alterius, quòd sit genus, vel quòd sit in genere: quia æternitas nec est prædicamentum, nec est in prædicamento, nec reducitur ad prædicamentum; sed est supra omne prædicamentum. Præterea: ævum non reducitur ad quantitatem: quia tunc esset quid magnum mole, vel quid extensum: nec reducitur ad quando, quia tunc esset corruptibile, vel reduceretur ad corruptibile: sed si ævum reduceretur ad quantitatem, ad quam reducuntur locus & tempus, quæ habent rationem mensuræ, vel ad quando, quòd habet rationem mensurati; sed ad nullum horum reducitur, ergo facit per se prædicamentum. Præterea: quantitas consequitur materiam, & qualitas formam: id ergo, quòd consequitur formam, si debeat reduci ad aliquod prædicamentum, reducitur ad qualitatem; sed esse sequitur formam: ævum ergo, quòd fundatur in esse, si debeat reduci ad aliquod prædicamentum, reducitur ad qualitatem; sed non ponimus, quòd reducatur ad qualitatem: non ergo reducitur ad aliquod prædicamentum, sed facit per se prædicamentum. Præterea: esse quando est esse aliquando: sed genera, species, & omnia universalis sunt semper: si ergo quando, quòd est aliquando, facit prædicamentum; ævum, quòd est semper, & quòd magis est conforme ipsi universali, multo magis per se facit prædicamentum. Præterea: quando multiplicatur secundum multiplicationem temporalium; tempus autem non multiplicatur secundum hujusmodi multiplicationem: sed ævum multiplicatur secundum multiplicationem æviterorum: ergo ævum magis assimilatur ipsi quando, quòd multiplicatur, quàm ipsi tempori, quòd manet unum & idem. Sed quando facit prædicamentum, per se, tempus non: si ergo ævum magis assimilatur ipsi quando, quàm tempori, faciet prædicamentum per se, sicut quando. Præterea: aliqua redu-

ducuntur in aliquid, quantum ad præ-
sens spectat, quadrupliciter: vel ut prin-
cipium, sicut unitas ad quantitatem: vel
ut privatio, sicut negatio ad affirmatio-
nem: vel ut attributum, sicut portio ad
sanitatem: vel assimilatam, sicut in pro-
posito, quia ævum assimilatur ipsi quan-
do: sed talia, quæ reducuntur ad alia, vi-
dentur esse in eodem genere cum illis, ad
quæ reducuntur: sed ævum, ut dictum
est, assimilatur ipsi quando, ergo redu-
citur ad quando, & est in prædicamento
quando. Præterea: ubi est alia & alia ra-
tio variationis, ibi debet esse alia & alia
ratio quandalitatis: sed in his, quæ sunt
sub tempore, secundum quod hujusmo-
di, est varietas in actu; in his autem, quæ
sunt sub ævo, est varietas in potentia: quia
taliam possent omnino deficere, vel anni-
hilari; nunquam tamen deficient, vel
annihilabuntur: ergo ibi est alius modus
quandalitatis quam hic: facient ergo il-
la, quæ sunt sub ævo, quoddam prædica-
mentum quando, sicut illa, quæ sunt sub
tempore, faciunt. Præterea: secundum
Damasc. lib. 2. cap. 1. sicut tempus ad tem-
poralia, sic ævum ad æterna, sed tem-
pus causat per se prædicamentum, quia
causat quando: ergo ævum vel erit per
se prædicamentum, vel causabit per se
prædicamentum. Præterea: id, quod ha-
bet rationem mensuræ, vel est in prædi-
camento quantitatis, vel in prædicamen-
to quando, vel facit per se prædicamen-
tum: sed ævum habet rationem mensu-
ræ, & non est in prædicamento quan-
do, nec in prædicamento quantitatis, er-
go &c.

In contrarium est: quia si ævum
faceret per se prædicamentum, tunc es-
sent undecim prædicamenta.

RESOLVTIO,

Nec ævum facit per se prædicamentum, nec re-
ducitur ad prædicamentum
quando,

Ad hujus conclusionis elucidationem multa præ-
lixè subtilissima involvit Doctor funda-
tissimus de decem prædicamentorum essen-
tijs, & distinctionibus scitu dignissima, in-
tenta mentis acie spectanda.

Respondeo dicendum, quod in hac
quæstione sic procedemus: quia pri-
mo narrabimus, quomodo aliqui Docto-

res diviserunt prædicamenta, & discuti-
mus, secundum modum nobis possibi-
lem, distinctiones prædicamentorum ab
alijs dictas. Secundo dabimus distinc-
tionem nostram de prædicamentis. Tertiò
assignabimus rationes ad propositum o-
stendentes, quod ævum per se non facit
prædicamentum, nec reducitur ad prædi-
camentum quando.

Propter primum sciendum, quod
aliqui sic dividunt prædicamenta: quia
prædicamenta vel dicunt per se aliquid
per se subsistens, vel dicunt aliquid in al-
liud. Si dicunt aliquid secundum se subsi-
stens, vel existens? Sic est propria ratio
prædicamenti substantiæ. Si aliquid in al-
lio? Sic sumitur communis ratio prædi-
camentorum accidentalium. Nam, ut di-
cunt, hæc est communis ratio prædica-
menti accidentis alteri inherere: sed ut mul-
tæ sunt propriæ rationes prædicamento-
rum accidentis de inherendo diversimo-
dè alteri, ideo sunt diversa talia prædica-
menta, quæ sic distinguuntur, quia sig-
nificare aliquid in alio, vel hoc est abso-
lutè, vel in respectu ad aliud. Si absolu-
tè? Sic est communis ratio prædica-
menti quantitatis & qualitatis. Si in or-
dine ad aliud? Sic est communis ratio alio-
rum septem prædicamentorum. Quantitas
autem & qualitas sic distinguuntur, ut di-
cunt, quia prima ratio prædicamenti qua-
litatis est subjectum informare; prima
autem ratio quantitatis est subjectum
mensurare. Hæc ergo tria prædicamenta
substantia, quantitas, & qualitas, sic acci-
piuntur, quia quodlibet istorum dicit rem
aliquam absolutam, aliter tamè, & aliter: quia
substantia est res absoluta per se existens,
quantitas est res absoluta in alio existens ta-
quam mensurans, qualitas est res absoluta in
alio existens tanquam informans. Alia autè
sex prædicamenta dicentia non rem abso-
lutam, sed in respectu ad aliud, secundum is-
tos sic distinguuntur: quia illud accidens,
in quo fundatur hujusmodi respectus, vel
est aliquid in se, vel est aliquid extra con-
nexionem & ordinem ad aliud. Si primo
modo? Sic est relatio. Dicunt enim, quod

relatio propriè dicta est unum prædica-
mentum: quia illud, super quod funda-
tur relatio, secundum se absolute accedit
subjecto; sed illud, super quod fundatur
alia sex prædicata, sumitur ex connexio-
ne ad aliud. Quod declarant: quia illa
sex prædicamenta sunt existentia sive ac-
ciden-

Doctor ipse
in 2. dist. 2.
q. 1. art. 4.
dup. 3. & 5.

Aliquorum
Doctorum
divisio de
prædicamē-
tis.

Substantia
dicitur res
absoluta per
se existens,
quantitas
res absoluta
in alio exis-
tens & men-
surans, quali-
tas etiā res
absoluta est
in alio exis-
tens tan-
quam for-
ma.

cidentia extrinseca, & advenientia; relatio tamen propriè dicta dicitur esse de accidentibus, ut aiunt, intrinsecis; differt ergo relatio ab alijs sex, quia illud, super quod fundatur relatio, est aliquid mensuræ, & est aliquid intrinsecum substantiæ: sed illud, super quod fundatur alia sex prædicamēta, est aliquid in ordine ad aliud, quæ secūdu eos sic distinguuntur: quia omnia illa sex prædicamenta fundantur in motu & dispositione aliqua acquisita per motum; motus autem essentialiter respicit plura, quia respicit quatuor, videlicet, moventem à quo est, mobile in quo est, tempus sub quo est, & terminum ad quem est. Ex parte moventis, à quo est motus, sumitur prædicamentum actionis. Ex parte mobilis, in quo recipitur motus, prædicamentum passionis. Ex parte temporis, quod mensurat motum, sumitur prædicamentum quando; quod relinquitor ex adjacentia temporis. Ex parte termini, ut ex parte loci ad quē est motus, sumuntur tria prædicamēta, positio, ubi, & habitus. Nam ubi est circumscription corporis à loci circumscriptione procedens: similiter positio, quæ facit prædicamentum, est ordo partium in loco: habitus etiam aliquid continēs videtur esse, & locus quid continens dicitur. Quod autem habitus, qui est prædicamentum, dicat quid continens, patet: quia esse armatum, esse vestitum, esse annulatū, habitum dicunt. Patet autem, quod arma & vestes continent corpus: annulus digitum vel partem digiti: calceamenta pedes, & sic de habitibus alijs. Sic ergo videtur hi distinguere prædicamēta, quia tria prædicamēta dicunt res absolutas; alia verò septem dicunt utrasque: sed relatio dicit respectum fundatum in re aliqua in se; alia verò sex dicunt respectum fundatum in re alia ad aliud, diversimodè tamen, ut est per habita manifestum. Quod autē sint solū tria prædicamēta significantia ipsas res est omninò fatendum: nulla enim res est in istis rebus causatis, quæ sit res in se, idest absoluta, & non sit vel substantia, vel quantitas, vel qualitas. Alia autem prædicamenta septem non dicunt ipsas res secundum se, sed dicunt aliquid ad aliud. Vnde Boëtius in lib. de Trinitate ait: *Cum dicimus substantiam, ut homo vel Deus, ita dicitur quasi est illud, de quo prædicatū sit ipsum, homo vel Deus, Rursus ut est iustus, quod est qualitas, ita dicitur*

quasi ipse hic sit, de quo ponatur: magnus enim homo dicitur (ut subdit) quantitas, quasi ipsa sit magnus. & subdit reliqua verò prædicamenta neque de Deo, neque de ceteris rebus prædicantur. Homo ergo, qui est substantia, iustus, qui dicit qualitatem, & magnus, qui dicit quantitatem, in talibus enim prædicamentis res aliquæ prædicantur; sed reliqua septem prædicamenta non prædicantur, ut res aliquæ secundum se. Vnde idem Boëtius in eodem lib. ait: De homine dicitur esse in foro, sed ita ut non quasi ipse res sit id quod prædicatur. Esse ergo in foro sic prædicatur de homine, quod id quod prædicatur, non prædicatur quasi res, sed secundum circumstantiam rei, vel quasi habitudo rei. Vnde Boëtius in eodem lib. ait: Patet quæ sit differentia inter prædicationem: quia alie prædicationes quasi rem demonstrant. Alie verò quasi circumstantiam rei. Dicemus ergo verum esse solū esse tria prædicamēta realia, & ex circumstantiis vel habitudinibus prædicamentorum: realia sumi debere alia septem prædicamenta: concedimus etiam, quod quædam prædicamenta dicunt res, quædam habitudines: sed de assignatione prædicamentorum realium, & de assignatione prædicamentorum sumendorum ex habitudine rerū dubitamus. Nec videtur nobis sic esse dicendum, ut dictum est, quantum enim ad assignationem prædicamentorum realium dubitamus de ipsa quantitate: quod ratio ejus consistit in cōmensuratione, nō videtur benè dictum, quia ratio mēsuræ consistit in quadam indivisione. Id enim quod est mensura quid indivisibile nominat: & ideo ratio mēsuræ primò reperitur in discretis, quia illud, ex quo componuntur discreta, quid indivisibile nominat: unum enim, secundum quod unum, non dividitur. Sic etiam in continuis id, quod ponitur ut mensura, quid indivisibile, & saltem secundum positionē nostrā nominat, sic ergo ratio mēsuræ competētissimè consistit in indivisibili. Si ratio quantitatis esset mensura, unitas & hujusmodi indivisibilia essent per se & directè in genere quantitatis: imò magis essent in genere quantitatis indivisibilia, quàm divisibilia.

Rursus, si ratio quantitatis consisteret in cōmensuratione, esset dare aliquid infinitum, quod non esset in genere quantitatis, quod est contra Phum physic. in 1. Physic. dicentem, quod ratio infiniti

ti quantitati congruit. Ea etiam, quæ dicuntur de prædicamentis sumptis secundum habitudinem, non videntur bene dicta, & maxime quæ dicuntur de relatione. Dicebatur enim, quod accidens, in quo fundatur relatio, dicit aliquid in se; accidens verò, in quo fundantur alia prædicamenta, dicit aliquid in ordine ad aliud. Nam id, quod est fundamentum relationis, potest considerari, vel materialiter, vel formaliter. Si consideretur materialiter? Sic est absolutum, & est aliquid in se: nam si relatio fundaretur in relatione, ratio relationis iret in infinitum; sed si fundamentum relationis accipiat formaliter, id est, si accipiat, ut stat sub relatione, sic est aliquid in ordine ad aliud. Ita & de aliis prædicamentis, illa, in quibus fundantur, materialiter & secundum se sumpta, dicunt aliquid absolutum; formaliter autem, & ut stant sub illis habitudinibus, dicunt aliquid in ordine ad aliud: non ergo videtur hæc differentia inter relationem & alia sex prædicamenta, quod fundamentum relationis sit aliquid in se; fundamentum verò aliorum sex prædicamentorum sit aliquid in ordine ad aliud.

Possumus autem, si volumus, ex 4. quæ conveniunt relationi, & quæ sunt quasi propria sibi, hoc quadrupliciter improbare. Dicimus enim de relatione, quod ipsa habet minimum de esse, vel dicimus, quod habeat valde debile esse: unde aliqui propter suum debile esse reputaverunt ipsam, de secundis intentionibus. Hoc est ergo quod Comment. dicit super 12. Metaph. super 1. cap. utrum eadem sint principia substantiarum & relationum & aliorum prædicamentorum, ait, quod specialiter fecit mentionem de relatione quod *Ipsa est debilioris esse aliis prædicamentis. Ita quod (subdit) quidam reputaverunt ipsam esse ex secundis intellectis.* Secundò relationi competit, quod possit esse secundum rationem tantum, quod nulli alio prædicamento competit: esse enim dominum relationem importat, & tamen non est ibi relatio nisi secundum rationem. Deus enim verè est Dominus creaturæ, & tamen non refertur ad creaturam nisi secundum rationem. Philosophi etiam ipsi posuerunt relationem posse esse secundum rationem tantum, quia, ut dicitur in 5. Metaph. mensura refertur ad mensuratum secundum

rationem tantum. Tertium, quod dicitur de relativis, est, quod potest relatio esse in aliquo, nulla mutatione facta in ipso: ut possum fieri de nō simili similis, nulla mutatione facta in me, sed solum per mutationem factam in alio. Quartum est, quod omnia relativa, si bene assignentur, ad convertentiā dicuntur. Ex his autem possumus quadrupliciter improbare quod dictum est. Nam si fundamentum relationis esset aliquid in se; aliorum verò prædicamentorum esset in ordine ad aliud: quia plus est esse in se, quam in ordine ad aliud, plus haberet de esse relatio, quā alia sex prædicamenta, quod est contra prædicta: dictum est enim relationē esse debilioris esse aliis prædicamentis. Secundò quidem patet ex secundo dicto. Nam si relatio potest esse tantum secundum rationem, cetera verò prædicamenta non possunt esse tantum secundum rationem, non potest dici, quod relatio in hoc differat ab aliis, quod fundamentum relationis sit aliquid in se; aliorum verò sex prædicamentorum sit aliquid in ordine ad aliud: quia tunc alia prædicamenta magis possent esse secundum rationem tantum, quam ipsa relatio. Tertiò quidem patet ex tertio dicto. Nā si fundamentum relationis esset aliquid in se, non aliquid in ordine ad aliud, tunc non posset fieri aliquid de non relativo relativum, nulla mutatione facta in se, cum fundamentum ipsius relationis dicatur esse aliquid in se. Si enim alia sex prædicamenta habent fundamentum in ordine ad aliud, magis videntur posse fieri in aliquo illa sex prædicamenta ex mutatione alterius, quam relatio, cujus fundamentum est aliquid in se. Differentia autem, quam habet relatio ad alia prædicamenta, quod potest incipere esse in aliquo sine mutatione ejus, non posset salvari, si differentia relationis ad alia esset talis, qualis est assignata. Quartò quidem patet ex 4. dicto. Nam relativa omnia, si bene assignantur, ad convertentiā dicuntur; alia verò prædicamenta non. Ipsa ergo relatio magis videtur dicere ipsum ordinem ad aliud (quia semper intelligitur esse inter duo, unde huiusmodi convertentiā accipitur) quod non dicat rem aliquam in se; vel si dicit rem aliquam in se, unum dicit huiusmodi rem magis, quam alia prædicamenta: non ergo per esse aliquid in se, sive ratione sui

Sive ratione fundamenti, assignata est differentia ad alia sex prædicamenta. Sed dubium, quod facit in hoc dicto, est, quia alia prædicamenta dicuntur accidentia extrinsecus advenientia, quod non dicitur de relatione: ideo videtur, quod relatio magis fundetur in aliquo secundum se; alia verò sex prædicamenta habent magis fundamentum, ut videtur, in ordine ad aliud: unde dicta sunt extrinsecus advenire. Sed de hoc in prosequendo patebit.

Aliorum divisio de prædicamentis.

Assignato uno modo distinctionis prædicamentorum, quem magni Doctores ponunt, volumus alium modum assignare. Propter quod sciendum quosdam aliter distinguere prædicamenta: videntur namque prima facie trimembrem facere distinctionem, quod omne prædicamentum, ut ajunt, vel dicit ipsum subjectum, vel dicit aliquid quod est in subjecto, vel sumitur per respectum ad aliquid, quod est extra subjectum. Videntur enim hæc tria omnem modum prædicationis comprehendere. Si enim prædicamentum est id, quod prædicatur de subjecto, videtur quod altero trium modorum se habeat: quia vel dicit ipsum subjectum, vel quod est in subjecto, vel sumitur per respectum ad aliquid, quod est extra subjectum. Si ipsum subjectum? Sic est substantia: nam cum dicitur Sortes est homo, hoc prædicamentum dicit idem essentialiter, quod Sortes: sic etiam cum dicitur homo est animal, & in ceteris prædicabilibus essentialiter substantialibus prædicamentum dicit idem essentialiter, quod subjectum. Si verò prædicamentum non dicit ipsum subjectum, sed aliquid quod est in subjecto? Tunc illud aliquid, quod est in subjecto, vel est quid absolutum, vel quid relatum. Si quid relatum? Sic est relatio. Si quid absolutum? Vel sequitur materiam, & sic est quantitas; vel formam, & sic est qualitas. Si autem prædicamentum dicat aliquid extrinsecum, vel dicit quid omnino extrinsecum, vel non? Si omnino extrinsecum? Vel habet rationem mensuræ, vel non? Si dicit quid extrinsecum, & non habet rationem mensuræ? Sic est habitus: habitus enim est aliquid omnino extra subjectum, nec proprie rationem mensuræ respectu subjecti habet. Si aliter dicit quid extrinsecum, & habet rationem mensuræ: quia duæ sunt extrinsecæ mensuræ, scilicet, tempus

& locus: secundum tempus quidem sumitur prædicamentum quando; secundum locum verò sumuntur duo prædicamenta, ubi & situs, aliter tamen, & aliter: quia ubi dicitur habitudinem ad locum secundum se; situs verò, sive positio supra modum habitudinem addit ordinem partium: hoc est enim situs, quod est prædicamentum. Si verò non dicat omnino extrinsecum, sed dicat aliquo modo aliquid in subjecto? Vel hoc est secundum principium, & sic est actio: nam principium actionis est in agente. Si autem sit aliquid in subjecto secundum terminum? Sic est passio: nam passio est aliquid terminatum ad passum.

Isti etiam iidem aliqui aliter distinguunt prædicamenta: faciunt enim prima facie trimembrem distinctionem, sicut nunc factam, aliquo tamen modo variant subjectum verba distinctionis. Dicunt enim, quod prædicamentum vel est de essentia subjecti, vel non est de essentia subjecti, sed est aliquid in subjecto: vel nec est de essentia subjecti, vel nec est aliquid in subjecto, sed sumitur per comparisonem ad aliquid, quod est extra subjectum? Si sit de essentia subjecti? Sic pertinet ad prædicamentum substantiæ: homo enim, qui prædicatur de Sorte, est de essentia Sortis: & alia prædicamenta pertinentia ad prædicamentum substantiæ sunt de essentia suorum subjectorum. Si verò prædicamentum non sit de essentia subjecti, sed dicat aliquid in subjecto? Vel dicit aliquid secundum se, vel per respectum ad alterum? Si sit in subjecto per respectum ad alterum? Sic est prædicamentum relationis. Si non sit in subjecto, & sit aliquid secundum se? Vel sequitur materiam, & sic est quantitas: vel sequitur formam, & sic est qualitas. Si verò sumatur per respectum ad aliquid extra subjectum? Sic sunt alia sex prædicamenta. Dicunt enim isti, quod in hoc differt relatio ab aliis sex prædicamentis: nam cum dicitur homo est, respectus iste, qui prædicatur de homine, inest ipsi homini. Paternitas enim, quæ prædicatur de homine, inest homini, sed inest ei per respectum ad alterum. Accipiendo ergo aliquid largè pro ut ipsum ad aliquid, & ipsa relatio est aliquid inhærens, subjecto scilicet, sed alia sex prædicamenta prædicantur ad extra subjectum, ut si dicitur aliquid esse sursum

sum, vel deorsum, locus, qui prædicatur de locato, est aliquid extra locatum. Et cum dicitur aliquid esse heri vel hodie, tempus, quod prædicatur de re temporali, est aliquid extra rem temporalem: & sic omnia alia prædicamenta, de quibus agitur in sex principiis, aliquid extrinsecum prædicant. Hujusmodi autem sex principia sive sex prædicamenta prædicantia aliquid extrinsecum, secundum istos sic distingui possunt: quia cum aliquid denominatur ab aliquo extrinseco: vel illud extrinsecum pertinet ad omnia ista sensibilia communiter, vel ad hominem specialiter. Si ad hominem specialiter? Sic, ut ajunt, est prædicamentum habitus: nam natura ad tegumentum arboribus dedit corticem, animalibus cutem pilosam, aliquibus cutem pennatam. Ad defensionem verò aliquibus animalibus dedit ungues, aliquibus dentes, aliquibus cornua, aliquibus rostrum; hominibus verò nec providit natura sufficienter in tegumentum, nec in defensionem, sed dedit sibi manum, quæ est organum organorum, ut sibi fabricaret vestes ad tegumentum, & arma ad defendendum: secundum quam manum aliqua arma sibi fabricat, ne lædatur ab aliis, ut lorica, vel galeam; aliqua verò, ut lædat alia, ut ensen, vel lanceam: secundum talia autem sumitur prædicamentum habitus, ut esse vestitum, esse armatum: & potissimè sumitur tale prædicamentum secundum arma protegentia corpus vel partes corporis, ne lædamur ab aliis, sicut dicimus aliquem esse lorica, vel galeatum: prædicamentum ergo habitus sumitur secundum illud extrinsecum, quod denominat hominem specialiter. Si verò habere tegumenta vel arma vellemus transferre ad res alias: quòd diceremus arborem habere corticem, & animal habere cutem ad sui tegumentum: vel diceremus aliqua animalia esse cornuta, aliqua verò esse rostrata, vel habere rostrum ad sui defensionem: talia habere non pertinet ad prædicamentum habitus, sed ad prædicamentum substantiæ: & talia dicuntur partes ipsorum animatorum, vel ipsorum habentium prædicamentum: ergo habitus videtur pertinere specialiter ad hominem. Et si dicatur, sellatus, phaleratus, quòd pertinet ad prædicamentum habitus propriè sumptum, propter quod

non videtur tale prædicamentum pertinere specialiter ad hominem. Dicunt quòd tale prædicamentum pertinet specialiter ad hominem; si autem pertinet ad alia, hoc est, prout veniunt in usum hominis: equo enim competit sellari, vel phalerari, vel habere talem habitum, prout venit in usum hominis. Habitus ergo videtur aliquid extrinsecum, quod respicit hominem, vel ea quæ veniunt in usum hominis specialiter. Sed si illud extrinsecum, à quo denominatur res, respiciat omnia communiter, non hominem specialiter, vel hoc erit per modum mensuræ, vel per modum causæ? Si per modum mensuræ? Oportet, quòd sit per modum mensuræ extrinsecæ: quia dictum est talia prædicamenta sumi per respectum ad aliquid extrinsecum: mensura autem extrinseca est duplex, scilicet, tempus & locus: per comparisonem autem ad tempus sumitur quando; per comparisonem autem ad locum sumuntur duo prædicamenta, ubi & situs, aliter tamen, & aliter, ut supra dicebamus. Sed si talis denominatio non fiat à mensura, sed à causa extrinseca, cum dictum sit tales denominationes ab extrinseco fieri, causa enim extrinseca est duplex, scilicet, finis & efficiens; sed finis non movet, nisi movendo efficientem, oportet ergo, quòd secundum causam efficientem sive agentem talia sumantur: vel ergo sumetur prædicamentum, prout effectus denominatur à causa agente? Et sic est prædicamentum passionis: nam pati nihil est aliud, quàm suscipere aliquid ab agente, vel erit è converso, prout denominatur ab effectu; & sic erit prædicamentum actionis: nam agere est actus ab agente in patiens: propter quod patet multiplex distinctio prædicamentorum secundum Doctores varios, in quibus distinctionibus multa bona collecta sunt: & nos ipsi in hujusmodi distinctionibus aliqua interseruimus ad declarationem earum. Sed licet multa bona sint ibi collecta, aliqua tamen continent, quæ intellectum nostrum non quietant. Nam in hoc est dare differentiam inter relationem & alia sex prædicamenta: quia relatio non prædicat aliquid extrinsecum, sed prædicat aliquid intrinsecum per respectum ad extrinsecum; alia verò sex prædicamenta prædicant aliquid extrinsecum, non videtur bene dictum. Nam licet locus sit aliquid extrinsecum

Licet indistinctionibus Doctorum multa prædicta colligantur; aliqua tamen non placet: quia non bene stabilitur differentia relationis ab alijs sex prædicamentis.

à locato; locus tamen non est prædicamentum, nec facit per se prædicamentum; sed ubi facit per se prædicamentum, sed ubi est in corpore ipso locato. Vnde si dicitur aliquid esse ubi, vel si ubi prædicatur de aliquo locato, ubi est in ipso locato, de quo prædicatur. Dicemus ergo, quod si est paternitas, quæ pertinet ad prædicamentum relationis, est in patre per respectum ad aliud, vel ad alium ut ad filium: sic ubi, quod facit prædicamentum, est in ipso locato, de quo prædicatur ubi per comparisonem ad aliud, ut per comparisonem ad locum: sic & de prædicamento quando. Nam licet tempus sit extram temporalem; tempus tamen non facit prædicamentum, sed quando: quando ergo, quod prædicatur de ipso quandali sive de ipso temporali, est in ipso temporali per respectum ad aliud, ut per respectum ad tempus: sic passio dicit aliud, de quo prædicatur per respectum ad agens: omnes ergo prædictæ distinctiones videntur deficere in assignando, prædicamentum relationis, & in distinguendo prædicamentum relationis ab alijs sex prædicamentis: quia non etiã, secundum quod in omnibus alijs sex prædicamentis, id, quod prædicatur, sit aliquid extra subjectum. Si enim locus, vel tempus, quæ sunt extra locatum & temporale, facerent per se prædicamentum, fortè posset tolerari quod dicitur: sed, ut pater, locus, qui est extra locatum, non facit prædicamentum; sed ubi, quod est in locato, prædicamentum facit: nec tempus, quod est extra rem temporalem, facit prædicamentum; sed quando facit prædicamentum, quod est in omni re temporali, & in omni quod incipit esse.

Philosophorum
distinctione
de prædicamentis.

Positis autem diversis distinctionibus de prædicamentis à Doctoribus datis, volumus distinguere prædicamenta, prout aliqui Philosophi distinxerunt. Propter quod sciendum, quod secundum Simplicium, omnia entia vel significantur in fieri, vel in esse, vel in posse fieri. Si significantur in esse, cuiusmodi sunt permanentia, sic dicuntur existentia. Si significantur in fieri, cuiusmodi sunt successiva, sic dicuntur actiones. Si autem significantur in posse fieri vel in posse succedere, non autem actu fiunt, nec actu succedunt, talia autem Simplicius vocat potentias. Propter quod patet, quod potentia se tenet cum existentia: quia illud, quod potest succedere,

& non succedit, permanens est. Ideo Simplicius hoc tertium membrum prætermittit, & collocat ipsum cum existentibus. Entia ergo vel sunt existentia, & sunt permanentia: vel sunt actiones, & est ibi aliquis modus successionis: ex actionibus autem sive ex successione sumuntur duo prædicamenta, scilicet facere, & pati, aliter tamen & aliter: illud enim idem, quod, ut est ab agente, dicitur actio, ut est in patiente, dicitur passio: secundum ergo actiones sumuntur duo prædicamenta: secundum existentias autem sumuntur octo. Possumus autem actionem distinguere ab existentia, vel modo quo dictum est, ut existentia dicat aliquid permanens: actio vero dicat habens aliquo modo successionem: propter quod potentia se tenebit cum existentia, quia posse succedere, & non succedere, hoc est idem quod permanere: quamdiu ergo aliquid non succedit, dicitur permanere. Vel possumus per existentias intelligere secundum quod aliquid est in se: per actiones vero secundum quod facit aliquid in alio, secundum quem modum dicimus: omne quod movetur, ab alio movetur: per se enim loquendo nihil se ipsum activat, & nihil per se facit se actuale nisi per accidentia: existentia ergo est, per quam res est in se, actiones autem sunt, quæ sunt à re in alio: potentia vero secundum hoc erunt virtutes ipsæ, per quas fiunt huiusmodi actiones. Ipsæ ergo potentia secundum hunc modum loquendi se tenent cum existentibus: quia potentia sive virtus agentis non est aliquid ab agente, sed est aliquid existens in ipso: illud ergo, quod est aliquid à re, pertinebit ad existentiam, secundum quem modum virtus & potentia ad existentiam pertinent: propter quod non est inconueniens, quod idem sit actio & existentia, sed actio erit, ut est aliquid ab alio, existentia vero erit, ut est aliquid in re, in qua existit. Secundum actiones ergo, quia fluxus est aliquid ab alio, sumuntur duo prædicamenta, actio & passio, aliter tamen & aliter. Nam prout agens influit in passum dicitur actio, prout passum recipit ab agente dicitur passio: actio ergo & passio nihil sunt aliud, quam aliquid influxum ab agente, & receptum in passio: existentia ergo est, quod in re existit: actio vero est, quod à re influit, & in alio recipitur: potentia autem est illud medium, per quod agens influit in

Quid est
actio & passio
existentia
& potentia
in rebus

tiam, quæ sic distingui possunt: nam jam habitum est de actione & passione, quæ inter alia sex prædicamenta computantur.

Restat videre de quatuor, videlicet, de quando, ubi, situ, & habitu. Dicamus ergo, quòd cum omnia ista quatuor prædicamenta sumantur secundum quasdam habitudines, hujusmodi habitudines, vel erunt ad corpora, vel ad non corpora? Si ad corpora? Vel erunt hujusmodi habitudines per respectum ad locum, & sic erit prædicamentum ubi. Vel per respectum ad tempus, sic erit prædicamentum quando: locus enim & tempus licet sint in corporibus: ipsa tamen non sunt corpora: locus enim proprie sumptus non est corpus, sed est ultimum corporis. Sed si hujusmodi habitudines sumantur ad ipsa corpora? Vel hoc erit secundum contentum, ut aptatur ad continens, sic est situs: nihil est enim aliud situs, quam varia adaptatio corporis contenti ad continens. Si verò sit, secundum quod corpus continens adaptatur ad contentum, prout vestis adaptatur corpori, & calceamentum pedi, sic est habitus. Secundum ergo Simplicium situs differt ab ubi, non solum ratione corporis locati, vel ratione rei contentæ: ut secundum quod res contenta adaptatur, sive comparatur ad rem continentem secundum se, sic dicatur habere: prout secundum ordinem partium dicatur habere situm, ita quòd situs supra ubi addit ordinem partium: differt enim non solum hoc modo, sed etiã secundum Simplicium differt ratione rei continentis: quia prout continens est ipse locus, qui non est corpus, sed superficies corporis, sic accipitur ubi: sed prout continens est ipsum corpus, sic accipitur situs. Situs differt ab habitu: nam & si utrumque respicit corpus in corpore, aliter tamen & aliter: quia situs dicit corpus in corpore, prout contentum adaptatur continenti; habitus verò è conuerso. Hoc ergo modo sunt decem prædicamenta secundum Simplicium: quia duo sumuntur secundum actiones, ut actio & passio; tria secundum existentias reales, substantia, quantitas, & qualitas; & quinque secundum existentias habituales, ut secundum existentiam habituales, ut secundum existentiam habituales conversam sumitur relatio, secundum habitudinem non conversam sumuntur alia quatuor, quorum duo

Restat ergo ostendere, quomodo accipiantur alia octo, quæ non accipiuntur secundum actiones, & secundum quod influunt res in aliud; sed accipiuntur secundum existentias, idest, secundum ea quæ res habent in se ipsis. Sed secundum Simplicium talium prædicamentorum sic accipitur distinctio: nam ea, quæ sunt in ipsa re, vel sunt res, vel sunt habitudines rerum. Si autem sunt res, vel habent esse secundum se? Sic sumitur prædicamentum substantiæ. Vel habent esse in alio, & hoc dupliciter: quia vel sunt in alio secundum distensionem & multiplicationem, & sic accipitur prædicamentum quantitatis: vel secundum dispositionem & informationem, & sic accipitur prædicamentum qualitatis. Sed si ea, quæ sunt in re, non dicantur res ipsas, sed habitudines rerum: vel sumuntur secundum convertentiam, vel non? Si secundum convertentiam? Sic est relatio: relativa autem si benè sumantur semper ad convertentiam dicuntur. Si autem accipiantur non secundum convertentiam? Sic sunt alia sex prædicamenta. Simplicius ergo in hoc videtur distinguere relationem ab alijs sex principijs, vel ab ipsis sex prædicamentis. Nam tam relatio, quam omnia illa prædicamenta sumuntur non secundum ipsas res, sed magis secundum habitudines rerum, aliter tamen & aliter: quia relativa, ut sunt ad aliud, dicuntur ad convertentiam; sed illa alia sex prædicamenta non dicuntur ad converten-

sumuntur secundum habitudinem ad corpora, diversimodè tamen, ut est per habita manifestum.

Aliter ponit
Jambicus
distinctionem
de prædicamentis.

Jambicus verò (secundum quod per Simplicium ad nos devenit ejus positio) quamdam generalem distinctionem dat de prædicamentis, non descendens ad singula prædicamenta: dicit enim, quòd ens vel dicit coexistentias subiecto, vel dicit habitudines circa subiectum; si ens dicat subiectum, quod præsupponit omnia? Sic secundum Jambicum sumitur prædicamentum substantiæ. Si verò dicat coexistentias in subiecto? Vel hoc erit secundum multitudinem, & sic sumitur prædicamentum quantitatis: vel secundum informationem, & sic erit prædicamentum qualitaris: sed si ens non dicat subiectum, quod supponunt omnia, & non dicat coexistentiam in subiecto, vel cum subiecto, sed dicat habitudinem contra subiectum, sic sumuntur prædicamenta alia.

Architas aliam distinctionem mendicavit.

Architas verò, ut idem Simplicius narrat, pythagoricè argumentas ad unum denarium deducit prædicamenta. Pythagoras enim voluit secundum numeros omnium causam reddere: & quia secundum numerum non vadunt nisi usque ad denarium: idèò secundum hanc similitudinem dicit esse tantum decem rerum genera, sicut numerus usque ad decem vadit. Ad hanc variationem adducebat idem Architas quasdam alias similitudines: quia etiam in corpore nostro habemus decem summitates. Quod fortè ad decem digitos manuum, vel ad decem digitos pedum, quos enim omnes decem summitates habemus, referebat. Dicebat etiam idem Architas totius sermonis decem esse elementa: quod fortè apud Græcos ibi magis hoc est notum, quam apud nos, ibi fortè sunt decem litteræ vocales, quæ per antonomasiam totius sermonis elementa dicuntur: secundum igitur has adaptationes studuit Architas denarij numeri prædicamentorum rationem perquirere.

Distinctio
Authorum
sui temporis
circa prædicamenta.

Postquam autem tam Doctorum, quam Philosophorū narravimus modum assignandi decem prædicamenta, volumus nos ipsi secundum prætaxatum ordinem decem prædicamenta distinguere. Propter quod sciendum, quòd omnes præassignati modi tam Doctorum, quam Philosophorum circa prædicta duplicem

distinctionem faciunt: nam secundum Boetium prædicamenta vel dicunt res, vel habitudines rerum: secundum Doctores autem contemporaneos nobis, vel dicunt res vel respectus rerum. Et si videantur aliqui Doctores facere trimembrem distinctionem dicentes: quòd prædicamenta vel dicunt subiectum, vel aliquid in subiecto, vel aliquid extra subiectum. Ista tamen trimembris distinctio statim reducitur ad hanc bimembrem, videlicet, ad rem & ad respectum, vel ad rem & habitudinem, sive ad rem & circumstantiam. Nam relatio & sex prædicamenta, quæ communi vocabulo dicuntur accidentia extrinsecus adveniendia, sub respectibus, sive habitudinibus collocantur. Substantiam verò, quæ dicit ipsum subiectum, quantitatem verò, & qualitatem, quæ dicunt aliquid, quòd secundum se & absolute est in subiecto, collocant sub rebus; non tamen distinguunt relationem ab illis prædicamentis, nisi quia relatio inest, & dicit aliquid intrinsecum, ut paternitas est in ipso patre; sed alia sex prædicamenta dicunt aliquid extrinsecum, quod supra tamen improbavimus: quia non omnia alia prædicamenta dicunt aliquid extrinsecum, multa enim ex eis dicunt aliquid in subiecto, sed per respectum ad aliquid extrà: ut quando dicit aliquid in re temporali per comparisonem ad tempus, & ubi est in re locali per comparisonem ad locum, & situs in re situati per comparisonem ad corpus continens, & passio in re sensibili vel passibili per comparisonem ad agens: sic & relatio in relativo per comparisonem ad oppositum relativum, ut paternitas in patre per comparisonem ad filium: secundum ergo hunc modum non potest accipi differentia inter relationem, & omnia illa sex prædicamenta; sed fortè secundum hunc modum accipietur differentia relationis ad actionem & habitum: nam cum dicitur agens agit, hæc actio prædicatur de agente; & tamen ipsa actio, quæ prædicatur de agente, non est in agente, sed in passio: habere etiam prædicatur de habente, habitus tamen, ut vestimentum, est quædam res habens esse diversum ab habente sive à vestito. Hoc ergo modo posset assignari differentia relationis ad ista duo prædicamenta: nam paternitas, quæ prædicatur de patre, est in ipso patre, sed per res-

Trimembris distinctio prædicamentis ad bimembrem reducitur.

Non statim ferentia relationis (cuncte) in quod relatio dicit aliquid intrinsecum, prædicamentum ta dicitur quid sit extrinsecum.

respectum ad aliquid extra: sed ipsa actio, quæ prædicatur de agente, non oportet, quod sit in agente, sed potest esse in passio, ut patet de actionibus transeuntibus in exteriorem materiam. Dicimus enim, quod calefaciens calefacit; calefactio tamen, quæ prædicatur de calefaciente, non est in ipso, sed in calefacto: non est enim inconueniens talem prædicationem fieri. Nam cum sit prædicatione denominativa, potest fieri per aliquid, quod est extra rem: quia potest res denominari ab aliquo, quod est extra ipsam: dicitur enim de aliquo opere, quod est opus humanum, & denominatur opus ab humanitate, quæ non est in opere, sed extra opus. Sic & in proposito: actio potest prædicari denominativè de agente, quæ non est in agente, sed in passio, videtur ergo in hoc differre relatio ab actione; non enim sic dicemus de duobus relationibus oppositis, utputà, de paternitate & filiatione, sicut dicimus de actione, & passione. Nam non dicemus, quod actio & passio sunt in patiente; sed dicimus, quod paternitas est in patre, & filiatione est in filio: pater ergo dicitur pater per paternitatem, quæ est in ipso: paternitas enim est in patre per respectum ad filium: sed ipsa actio, quæ prædicatur de agente, non est in agente: hoc ergo modo videtur fortè posse assignari differentia relationis ad actionem, & ad habitum, sed non ad alia sex prædicamenta: & dicimus fortè sic esse. Nam, ut videtur, calumniam habet, quod sit talis differentia relationis ad ipsam actionem, imò videtur non eodem modo esse hic & ibi. Nam aliquando dicitur agens agere per actionem, quæ est in alio, ut patet de actione transeunte in exteriorem materiam; aliquando verò dicitur agens agere per actionem, quæ est in ipso, ut patet in actione non transeunte. Nam licet calefaciens calefaciat per calefactionem, quæ non est in ipso; intellectus tamen intelligit per intellectionem, quæ est in ipso. Vnde autem contingat ista diversitas, vel quia actio non transiens magis habet rationem passionis, quam actionis, vel propter aliam causam non est presentis speculationis. Sufficit autem ad præsens scire, quod secundum communem modum loquendi, & etiam secundum verba Phi, quod sicut duplex est actio, transiens, & non transiens, ita duplici-

ter dicitur agens agere: aliquando ab actione, quæ non est in ipso: aliquando ab actione, quæ est in ipso: & sicut distinguimus duplicem actionem, transeuntem, & non transeuntem, sic suo modo possumus distinguere duplicem relationem, secundum rem, & secundum rationem; non quod istæ duæ relationes directè respondeant illis duabus actionibus, sed quantum ad prædicationem denominativam hæ duæ relationes habent aliquid simile cum illis duabus actionibus. Nam si sit relatio secundum rem, semper aliquid refertur per relationem, quæ est in eo, ut si refertur aliquid realiter secundum esse, est in eo relatio secundum esse: si refertur secundum dici, est in eo relatio secundum dici: sed si sit relatio secundum rationem, potest aliquid referri per relationem, quæ non est in ipso, sed in alio, ut Deus refertur ad creaturam, sicut Dominus ad servum per relationem, quæ est in creatura. Ideò dicitur in 5. Metaph. quod aliqua referuntur ad alia, quia alia referuntur ad ipsa: ut mensura refertur ad mensuratum, quia mensuratum refertur ad mensuram: per relationem enim, quæ est in mensurato, refertur mensuratum ad mensuram, & mensura ad mensuratum: per quod patet, quod sicut aliquando agens dicitur agere per actionem, quæ est in se ipso, aliquando per actionem, quæ est in alio: sic aliquando relativum refertur per relationem, quæ est in ipso; aliquando per relationem, quæ est in alio. Sed diu vagari per hanc materiam non expedit. Satis enim potest apparere, quod non sufficienter assignatur differentia relationis ad alia sex prædicamenta, modo quo dictum est, videlicet, quod ipsa relatio est in ipso subiecto per respectum ad aliud; id verò, quod prædicatur de ipsis sex prædicamentis, non est aliquid in ipso subiecto per respectum ad aliud, sed est aliquid extra subiectum. Redeamus ergo ad propositum, & dicamus, quod omnes distinctiones factæ de prædicamentis collocant prædicamenta vel sub re, vel sub habitudine. Nos autem, ut perfectè habeamus distinctionem relationis ad alia prædicamenta, & etiam ipsorum prædicamentorum inter se, videamus quid est prædicamentum, & quomodo accipienda sit differentia prædicamentorum.

Propter quod sciendum, quod prædicamenta sunt illa, in quæ immediatè

Relatio secundum rem, & secundum dici semper est in subiecto, quod refertur, relatio secundum rationem potest esse in alio. Phus 5. Metaph comm. 19. cap. 15. ad aliquid.

Notanda ad
proprium
sententiam,
& ad diffe-
rentiam præ-
dicamento-
rum perci-
piendam.

Quodlibet
prædicamen-
tum est qui-
dam modus
essendi rerū
principalis
nō reductus
in alium mo-
dum forma-
liter.

Modus
essendi va-
riatur non
solum ex ip-
sa re, sed ex
rei ordine.

descendit ens, sine differentia media: prædicamenta ergo ex modis essendi oportet sumi, & ex modis essendi principalibus: quia si non diceret prædicamentum quendam modum principalem, sed diceret modum essendi reductum, tunc in illud prædicamentum non immediate descenderet ens, sed descenderet ens in tale prædicamentum, mediante illo modo essendi, in quod reduceretur prædicamentum illud: si ergo prædicamenta sunt partes entis, oportet, quod dicant quosdā modos essendi. Rursus si prædicamenta sunt illa in quæ immediate descendit ens, oportet, quod dicant modos essendi principales non reductos in alios: erit ergo prædicamentum quidam modus essendi rerum principalis non reductus in alium modum formaliter. Videmus enim in actione & passione, quod modus essendi hic & ibi, unus non reducit in alium: nam passio sumitur ex eo, quod recipitur in passio; actio verò ex eo, quod est ab agente, formaliter ergo alius modus essendi est hic & ibi, & unus non reducit in alium formaliter; reducit tamen causaliter: quia ex hoc recipitur aliquid in passum ex eo, quod est ab agente: & inde est, quod passio dicitur effectus actionis, non quod aliam rem dicat actio, quam passio; sed dicit alium modum se habendi, vel alium modum essendi, qui modi sunt diversi formaliter, attamen unus reducit in alium causaliter. Si ergo hoc est prædicamentum quidam principalis modus essendi non reductus in alium formaliter, videamus quid variat modum existendi: dicemus enim, quod modus essendi non solum variatur ex ipsa re, sed etiam ex ordine rei: ut calor, secundum quod est in subiecto, secundum quod comparatur ad agens, & ut inducitur ab agente, alium & alium modum essendi habet: nam ut est in subiecto, quædam qualitas est, & quædam existentia, & est quid permanens; sed ut comparatur ad agens, & ut inducitur ab agente, quia inducitur pars post partem: sic nō est quid permanens; sed magis habet esse ut fieri, sic nō accipitur, ut existentia quædam, nec pertinet ad prædicamentum qualitatis, sed magis accipitur ut actio, vel prædicamentum actionis: non est ergo alia res calor, ut informat subiectum, & ut accipitur ut existentia quædam, & ut est ab agente, & ut inducitur pars post par-

tem. Sic nec oportet, quod sit alia aqua, quæ fluebat in fluvio, & quæ postea continetur in vase; attamen alium & alium modum essendi habet calor sic, & sic acceptus: & ideo ad aliud & aliud prædicamentum pertinet: quia ut est existentia quædam, & ut informat subiectum, pertinet ad prædicamentum qualitatis; ut est ab agente, & ut est in quodā fieri, & inducitur pars post partem pertinet ad prædicamentum actionis: idem est ergo calor & calefactio, & idem est qualitas & actio: nihil enim est aliud calefactio, nisi ipse calor, ut inducitur ab agente: calor ergo secundum se pertinet ad prædicamentum qualitatis; sed calor, ut est calefactio, & ut ab agente inducitur, pertinet ad prædicamentum actionis: & non solum variantur prædicamenta ex re & habitudine, & ideo pertinet ad diversa prædicamenta calor & calefactio: quia calor dicit ipsam rem in se; calefactio autem, dicit ipsam cum ordine ad agens. Sed etiam variantur prædicamenta secundum alium & alium ordinem, & secundum aliam & aliam habitudinem: potest enim variare prædicamentum res & habitudo, & potest variare prædicamentum habitudo & habitudo. Ipse enim calor, ut est ab agente, habet causalitatem in se ipsum, ut recipitur in passum. Nam esse ab agente est causa receptionis in passio: nec est inconveniens, quod unum & idem, aliter & aliter sumptum, habeat quædam modum causalitatis respectu sui ipsius. Sicut non est inconveniens, quod unum & idem, aliter & aliter acceptum, sit prius & notius se ipso. Et quia alius & alius modus essendi, alia & alia habitudo, & alius & alius ordo est ipsius calefactionis, ut est ab agente, & ut recipitur in passio: ideo sic, & sic faciet aliud, & aliud prædicamentum. Dicamus ergo, quod ratio prædicamenti substantiæ sumitur ex hoc modo existendi, quod aliquid ei existat secundum se. Nec valet, si dicatur, quod forma substantialis non est substantia, quia non consistit secundum se, quia forma substantialis cum materia non dicunt nisi unum actum & unum simplex: ideo non debemus loqui de materia & forma substantiali quasi de duobus; sed quasi de uno aliquo, quod per se subsistit, in quo omnia alia fundantur.

Et si obijcitur de homine & ponatur difficultas de pluralitate formarum: dicatur

Egid. dicitur
in 1. nota
cēmus non esse præsentis speculationis
talem difficultatem decidere. Sufficiat
autem ad præsens scire, quod ratio præ-
dicamenti substantiæ consistit in hoc mo-
do consistendi, quod per se consistat: unde
materia & forma nō sunt in prædicamē-
to substantiæ secundum se, sed secundum
quod sunt partes substantiæ per se exi-
stentis. Ratio verò omnium aliorum præ-
dicamentorum accidentalium sumitur
ex hoc modo existendi, quia non habent
per se esse, sed habent dependentiam ad
aliud: ubi est ergo aliud & alius modus
dependentiæ ad aliud, ibi erit alia & alia
ratio prædicamenti accidentalis. Si ergo
calor esset alicui corpori naturalis, & per
nullum agens calor ille fuisset inductus,
huiusmodi calor solū depēderet à sub-
jecto; non autem haberet, nec habuisset
dependentiam ad agens: ex tali ergo ca-
lore posset sumi ratio qualitatis; sed non
posset inde sumi ratio accidentis, quæ
facit prædicamentum actionis. Sed si ca-
lor est inductus ab agente, oportet, quod
dependeat à subiecto, quod informat, &
quod dependeat ab agente, à quo reci-
pitur in subiecto, quod informat. Et li-
cēt idem sit subiectum & passum, atta-
men non eodem modo sumitur: nam
ut informatur per calorem, sic habet ra-
tionem subiecti: sed prout huiusmodi ca-
lorem sumpsit ab agente, sic habet ratio-
nem passi. Sed constat, quod omnes hæ
dependentiæ differunt formaliter, nec
una formaliter potest prædicari de alia,
nec una potest reduci in aliam formali-
ter, licēt possit reduci causaliter: facient
ergo hæ dependentiæ diversa prædicamē-
ta accidentalia. Si enim calor secundum
suū esse dependet à subiecto, quod infor-
mat, ab agente à quo inducitur, & à pas-
so in quod recipitur, & hæ dependentiæ
sunt diversæ formaliter, oportet quod
calor possit considerari secundum om-
nes istos modos essendi: & secundum
quod consideratur secundum alium &
aliud modum essendi, sic pertinebit ad
aliud & aliud prædicamentum. Ex ipsa re
ergo est, quod in ea fundentur omnes
istę dependentiæ, & omnes isti modi es-
sendi: & ideo ex ipsa re est, quod possint
inde sumi varia prædicamenta accidenta-
lia, & sic calor est quedā res dependens à
subiecto, ab agente, & passio. Sic videmus,
quod res ipsæ non solū dependent hoc
modo, sed dependent à loco, depen-

dent à tempore, propter quod secun-
dum tales dependentias poterunt inde
sumi varia prædicamenta accidenta-
lia.

Ex hoc ergo potest apparere, quare
prædicamentum substantiæ non est nisi
unum prædicamentum; prædicamenta
verò accidentalia sunt multa. Nam unus
est modus accipiendi prædicamentum
substantiæ ex modo per se existendi: quid-
quid vero per se non existit, est directè in
prædicamento substantiæ: quidquid enim
pertinet ad prædicamētū substantiæ, vel est
per se existēs, & tūc est in tali prædicamē-
to directè, vel est pars vel accidens per se
existētis, & tunc est in tali prædicamento
per reductionem. Sed ratio prædicamen-
torum accidentalium sumitur non ex
per se existentia, sed ab ipsa depen-
dencia ad aliud: propter ergo varias
dependentias, quarum una non redu-
citur in aliam formaliter, poterunt
sumi varia prædicamenta accidentalia.
Sed dices, quod ipsa substantia depen-
det, ergo poterit ab ea accipi alia ratio
prædicamenti. Propter quod sciendum,
quod si ipsa substantia dependet, vel hoc
est secundum se, vel secundum aliquod
accidens in ea existens. Si secundum se?
Nunquam ex tali dependentia accipietur
ratio prædicamenti: non enim accipi-
tur ratio prædicamenti substantiæ, ex de-
pendētia, sed ex per se existentia. Nec ex
tali dependentia accipietur ratio præ-
dicamenti accidentalis: quia tunc quod
esset dependens, alicui accideret: sunt e-
nim aliquæ habitudines ipsius substantiæ,
vel fundatæ in ipsa substantia: sed ex ta-
libus habitudinibus non sumitur ratio
prædicamenti, sed diceretur quidam res-
pectus secundum dici. Ratio autem præ-
dicamenti vel sumitur ex per se existen-
tia, vel ex re in hærente, vel ex habitudi-
ne rei inhærentis. Ex per se existentia su-
mitur prædicamentum substantiæ; ex re
inhærente quantitas & qualitas, ex habi-
tudine sive ex ordine rei inhærentis su-
muntur cetera alia prædicamenta: verum
est ergo, quod ipse ordo & ipsa habitudo
potest facere prædicamentum: licēt ergo
duo sint, ex quibus potest sumi ratio præ-
dicamenti, videlicet res & ordo, sive res
& respectus vel habitudo: attamen pri-
ma facie ad habenda omnia prædica-
menta faciemus trimembrem distinctio-
nem.

De hoc in

2. dist. 8. q.

1. art. 2. dub.

5. laterali. §.

Quod autem.

Et quodlib.

4. q. 3.

Propria sen-

tentia est,

quod ex re

absoluta su-

muntur tria

prædicamen-

ta, scilicet,

substantia,

quantitas, &

qualitas, ex

ordine sumi-

tur relatio,

ex re & ordi-

ne sumuntur

alia sex præ-

dicamenta.

Dicemus enim, quod prædicamentum vel dicit rem ipsam, vel ordinem ipsum, vel rem & ordinem. Ex ipsa re sumuntur tria prædicamenta, scilicet, substantia, quantitas, & qualitas: hæc ergo tria prædicamenta dicunt ipsam rem absolutam: ex ipso autem ordine sumitur relatio, relatio enim essentialiter & secundum suam rationem quidditatis non est nisi ordo quidam: ex re autem & ordine sumuntur alia sex prædicamenta. Propter quod apparet quomodo differt relatio à substantia, qualitate, & quantitate: quia hæc tria prædicamenta significant ipsam rem, relatio verò significat ipsum ordinem, vel ipsum respectum. Patet etiam, quomodo relatio ab alijs sex prædicamentis differt: quia illa sex non significant ipsum ordinem secundum se, sed rem & ordinem, sive sub ordine.

Ex hoc apparet illud dictum commune, quod relatio secundum suam quidditatem non est aliquid, sed ad aliquid. Dicemus enim, quod substantia, quantitas, qualitas secundum suam quidditatem non sunt ad aliquid, sed aliquid; relatio verò secundum suam quidditatem non est aliquid, sed ad aliquid; reliqua verò sex prædicamenta sunt simul aliquid, & ad aliquid: quia sunt res & ordo, quia significant rem sub ordine. Ex hoc autem apparet vera esse illa quatuor superius de relatione dicta. Dicebatur enim, quod relatio habebat minimum de esse, & quod aliqui collocabant eam in tertio secundas intentiones: quod idem est, quia secundum suam quidditatem dicit ipsum ordinem, & non est aliquid, sed ad aliquid: cetera autem prædicamenta dicunt, & significant aliquid, vel aliquid secundum se, sicut illa tria prædicamenta, vel aliquid sub ad aliquid, sicut illa sex prædicamenta, de quibus agitur in sex principiis; relatio autem solum significat ad aliquid. Dicebatur etiam, quod relatio potest esse rationis tantum, quod idem est: quia omnia alia prædicamenta dicunt rem aliquam, vel dicunt aliquid, aliter tamen & aliter, ut aliquo modo patet per habita. Sed illud, quod est res aliqua, non potest esse rationis tantum: idem nihil, quod est in alijs prædicamentis, potest esse ratio tantum; sed relatio, quæ secundum suam quidditatem non dicit aliquid, sed solum dicit ordinem, vel solum dicit ad aliquid & respectum, po-

test esse rationis tantum; quia reperitur hic ordo, qui non est nisi secundum rationem tantum, sicut est ordo ejusdem ad se ipsum: idem si dicatur ejusdem ad idem erit relatio secundum rationem tantum. Tertio dicebatur de relatione, quod potest incipere esse in aliquo, nulla mutatione facta in ipso. Nam si relatio secundum se diceret rem aliquam, vel diceret aliquid, non posset incipere esse in aliquo, nulla mutatione facta in ipso, quia nihil potest habere rem aliquam, quam prius non habebat, vel rem sub alia numeratione, quam prius habebat, nulla mutatione facta in ipso: & quia tria prædicamenta realia dicunt rem ipsam, & quia illa sex prædicamenta dicunt rem sub quodam modo, idem secundum talia prædicamenta nihil potest incipere esse tale, nisi per mutationem factam in ipso: ut si quid de non igne fiat ignis, vel de bipedali fiat tripedale, vel de albo fiat nigrum, semper erit per mutationem factam in ipso subjecto, ut in ipsa re, ubi incipit esse aliqua res, & aliqua forma, quæ prius non erat, sicut & in alijs sex prædicamentis. Vel si aliquid existens sursum incipiat esse deorsum, & habear aliud ubi, quam prius, hoc est per mutationem factam in ipso: non quod oporteat ipsum habere aliam quantitatem, quam prius non habebat, ut puta, si secundum aliquam rationem quantitatis competat ei habere ubi; sed quia quantitatem illam habet alio modo: quia habet eam deorsum, quam prius habebat sursum. Sed relatio dicit ipsam habitudinem, vel dicit ipsum ordinem: ordo autem potest alicui competere de novo, nulla mutatione facta in ipso, quo modo potest incipere in aliquo esse realis relatio nulla mutatione facta in ipso, non autem potest in aliquo incipere esse novum ubi, vel novus situs, vel novum quando, vel nova passio, mutatione non facta in ipso. Ex hoc apparet potest, quod relatio nullum aliud esse, nec aliud inesse habet, nisi esse, vel inesse fundamenti: esse enim, vel inesse similitudinis nihil est aliud, quam esse, vel inesse albedinis: sed omnia prædicamenta habent aliquo modo aliud esse, vel habent alium modum essendi respectu subiecti, quæ sit esse fundamenti. Nam quantitas, ut perficit rem secundum se, dat ei quoddam esse, ut puta, quia dat ei esse extensum, ut autem perficit rem in or-

Quatuor verò relationi conveniunt, quod habeat minimum de esse, quod possit esse rationis tantum, quod possit incipere esse in aliquo, nulla facta mutatione in ipso, & quod relatio nullum esse habet nisi sui fundamenti, ut similitudinis esse est esse albedinis.

dine ad locum, dat ei aliud esse, utputa, A
dat ei esse sursum, vel esse deorsum, vel
esse secundum aliud ubi: ut si quantitas
est illud, per quod competit rei esse in lo-
co, illa res, quæ est quantitas secundum
se, dat esse quantum per comparationē
ad locum, dat enim esse ubi, secundum
quem modum loquendi ait Philus, quod
Socrates est alter à se ipso, prout est in
theatro, & foro, ut habetur in 4. *Physic.*
Ideo in ipsa re est aliquo modo aliud es-
se ex alio ubi: & ipsa res dicitur altera à
se, si est in alio & alio ubi: sed relatio,
secundum quod relatio, est quæ non fa-
cit rationem alteram, nec dat ei aliud es-
se, quàm esse fundamenti: & quia non
habet aliud esse, ideo sine alteratione
subjecti potest quis de non simili fieri si-
milis, quæ omnia indicant, quod cete-
ra prædicamenta sunt magis realia quàm
relatio: nullum enim aliud prædicamen-
tum dicit solum ordinem, sicut relatio;
sed vel dicit ipsam rem, vel rem sub or-
dine. Ex hoc autem apparet quæsitum,
quod relativa dicuntur ad convertentiā.
Nam non oportet, quod res una, quæ est
in uno, sit in alio, ut si ordo ille partium,
qui facit, sicut, est in re locata, utputa,
quia aliquis habet caput & pedes sic si-
tuatos, non oportet, quod huiusmodi C
partes sic ordinatæ sint in re locata, vel
huiusmodi membra sic ordinata sint in re
locata: potest ergo contingere, quod
aliquid nō habeat habitudinem ad aliud,
quia res illa, quæ est in habente talem ha-
bitudinem, non sit in illa re, ad quam
habet huiusmodi habitudinem. Si ergo
cetera prædicamenta alia à relatione di-
cunt rem aliquam, non oportet, quod
dicantur ad convertentiā. Imò per se
loquendo non dicuntur ad converten-
tiam. Sed quia relatio ipsum ordinem (si
aliquid habeat ordinem ad aliud, quin D
illud habeat ordinem ad ipsum) aliquo-
modo dicit ad convertentiā vel secun-
dum rem, vel secundum rationem: imò
si in aliis prædicamentis reperitur conver-
tentia, hoc erit ratione ipsius respectus,
non ratione rei: ideo si in aliis est conver-
tentia, hoc erit, prout induunt quædam
modum relativum: in relatione ergo est
per se convertentia, quia dicit ipsum or-
dinem, non autem in aliis. Imò relatio
secundum suam quidditatem dicit ipsum
ordinem, & dicit solum ad aliud, non
aliquid; cetera verò prædicamenta dicunt

aliquo modo aliquid. Patet ex eo, quod
in Divinis sola relatio manet secundum
rationem quidditatis; cetera verò prædi-
camenta, si ibi aliquo modo ponantur,
in substantiam transeunt. Et si quæatur:
utrum relatio aliquomodo dicat aliquid?
Dicemus, quod aliud est dicere aliquid
per modum implicationis, ut quia ipsum
implicat, & quia ipsum intelligere dat;
& aliud est dicere aliquid, quia significat
ipsum. Iustum enim solam qualitatem
significat, implicat tamen subjectum: &
iustitia solam qualitatem significat, non
tamen significat subjectum, eum sit quid
abstractum; sed ipsum intelligere dat.
Relatio ergo in concreto potest implicare
re aliquid, vel in abstracto potest dare in-
telligere aliquid, secundum quem mo-
dum loquendi loquitur Beatus Augustinus.
quod omne, quod relativè dicitur, est ali-
quid excepto eo quod relativè: tamen
relatio non significat aliquid, sed solum
ad aliquid.

Relatio in-
concreto im-
plicat ali-
quid, & in
abstracto
dat intelli-
gere ali-
quid, sed sig-
nificat ad a-
liquid.
D. August.
P. N. 7. de
Trin. cap. 1.

Resumamus ergo distinctionem tri-
membrem prius factam, dicentes, quod
ratio prædicamenti, vel sumitur ex ipsa
re, vel ex ipso ordine, vel ex re sub ordi-
ne. Si ex ipsa re, hoc est tripliciter, quia
illa res vel est aliquid per se existens, vel
est aliquid in alio. Si per se existens? Sic
est substantia. Si est aliquid in alio? Sic est
quantitas, & qualitas. Vel aliter dici po-
test, quod si ex re sumitur ratio prædica-
menti, tunc res illa, vel prædicatur de sub-
jecto essentialiter, vel accidentaliter. Si
essentialiter? Sic est substantia. Sola enim
substantia prædicatur essentialiter de in-
dividuis per se existentibus. Si accidenta-
liter? Sic est quantitas, vel qualitas. Posset
& tertio modo fieri distinctio, quod res
illa, unde sumitur ratio prædicamenti,
vel est aliorum fundamentum, & sic est
substantia, in qua fundantur omnia alia:
sola enim substantia est fundamentum
omnium aliorum prædicamentorum. Si
verò non sit huiusmodi fundamentum,
& tamen dicit rem aliquam absolutam,
sic erit quantitas, vel qualitas, quæ sic di-
stinguuntur: quia quantitas dicit rem ab-
solutam subjectum extendentem quan-
tum ad quantitatem continuam, vel sub-
jectum multiplicantem quantum ad dis-
cretam: quantitas enim continua exten-
dit illud, in quo est; discreta verò mul-
tiplicat illa, in quibus est: qualitas verò
dicit rem aliquam absolutam subjectum
per

Epilogus di-
stinctionis
trimembres,
quod ratio
prædicamēti
sumitur ex
re, vel ex
ordine, vel
ex re sub or-
dine.

perfectientem vel informantem. Et si queratur, quare qualitati plus quam quantitati appropriatur perfectio, & informatio? Dicemus, quod qualitas magis sequitur formam; quantitas autem magis materiam: ideo licet quantitas sit quædam perfectio, & quædam informatio subiecti, perfectiori tamen modo hoc est qualitas, quæ sequitur ipsam formam. Vel potest dici, quod quantitas hoc habet specialiter, quod extendit, vel multiplicat illud, in quo est: & ideo in hoc distinguitur à qualitate: qualitas ergo perficit tantum, ergo distinguitur à quantitate, quæ non solum perficit, sed multiplicat, vel extendit.

Substantia igitur, quantitas, qualitas sunt tres res, & faciunt tria prædicamenta realia ad invicem diversa per diversum modum existendi. Nam substantia secundum id quod est, habet per se esse, sed non habet esse extensum; quantitas verò non habet esse per se, sed habet esse extensum; qualitas autem de se non habet esse per se, nec extensum: igitur si ex re sumitur ratio prædicamenti, sic sunt tria prædicamenta, quæ dicta sunt. Si autem non sumitur ex re, sed ex ordine, sic est unum prædicamentum, scilicet, relationis. Relatio autem solum ordinem significat, ideo nullam rem addit secundum se, & nullam rem minuit, nec mutat, quia nullam rem significat, loquendo de re prout dicit aliquid: non enim significat rem, quæ sit aliquid; significat autem rem, relatam,

Boetius
Trin.

de quæ est ad aliquid. Vnde Boëtius in lib. de Trinitate ait: non igitur dici potest prædicationem relativam, quamquæ rei de qua dicitur, secundum se vel addere, vel minuere, vel mutare: quia ejus ratio tota in eo, quod talis, est per comparisonem aliquo modo se habere. Si ergo tota prædicatio relativa est secundum aliquid se habere, non secundum aliquod existere, relatio secundum suam quidditatem non dicit rem aliquam, vel existentiam aliquam; sed solum dicit ipsam habitudinem vel ipsum ordinem. Sed si ratio prædicamenti non sumitur ex ipsa re, nec ex ipso ordine; sed ex re sub ordine, sic sunt illa sex prædicamenta: quorum distinctio, ut sciatur, notandum, quod secundum Phm in prædicamentis omnia alia sunt in primis vel dicuntur de primis: *Et non existentibus primis substantijs,*

Phus de præ
dicam. trac.
2. cap. 1.

impossibile est aliquod aliorum esse. Et sæpius dicit in prædicamentis, quod individua substantia est causa essendi alijs his, quæ de subiecto dicuntur, & his quæ in subiecto sunt.

Dicemus ergo, quod substantia prima sive individuum & est, & habet esse hoc: secundum autem quod habet esse hoc, hoc est in agente efficienter, & hic & nunc quasi formaliter ex materia: nam formaliter dicitur esse individuatio per conditiones materie, quæ sunt esse hic & nunc: ergo aliud esse dat ipsi individuo, & illud per quod habet esse significatum: aliqua ergo prædicamenta sumuntur ex ipso esse, aliqua autem ex esse significato. Sed dare esse est dupliciter, vel simpliciter, vel secundum quid: & dare esse secundum quid, sive esse accidentale est dupliciter, quia hujusmodi esse accidentale & secundum quid, vel sequitur materiam, & est esse per extensionem vel multiplicationem, vel sequitur formam & est esse secundum perfectionem & secundum informationem: esse autem simpliciter dat substantia; esse autem accidentale per extensionem dat quantitas; esse autem per informationem dat qualitas. Hæc ergo tria sumuntur secundum esse, sive sumuntur secundum modum existendi simpliciter & absolutum. Illa verò sex sumuntur secundum esse significatum, vel secundum ordinem ad aliud. Relatio verò non proprie sumitur secundum esse, nec secundum existentiam, sed solum secundum ad aliud se habere. Ex quo ergo apparet, quod cum idem sit esse secundum se, & secundum significatum, vel esse in ordine ad aliud, eadē sunt res, ex quibus sumuntur prædicamenta realia, quæ sunt sola tria, & ex quibus sumuntur prædicamenta habitualia, sed non est idem modus accipiendi.

Dicemus enim, quod solum in istis sensibilibus reperiuntur omnia prædicamenta; in Angelis enim non est quando, nec situs, nec habitus: ideo ex istis sensibilibus oportet ista accipere: forme autem sensibiles non individuuntur ex se ipsis, sed individuuntur ex ordine ad aliud, formæ ergo sensibiles non dant esse secundum se, sed dant esse significatum in ordine ad aliud, utputa in ordine ad agens, ut quia sunt ex hoc agente; vel in ordine ad tempus, ut quia sunt nunc; vel in ordine ad locum, quia sunt hic. Propter quod bene dictum est, quod modus essendi rerum

Esse simpliciter dat substantiam, esse per extensionem vel multiplicationem dat quantitas, esse per informationem dat qualitas.

In Angelis neque quando, nec situs, nec habitus.

sumendus est ex esse & ex ordine. Sed si ex esse secundum se? Sic sunt, ut saepius diximus, illa tria prädicamenta. Si ex ordine ad aliud? Oportet, quod ille ordo ad aliud aliquam variationem faciat in modo existendi rerum: propter quod oportet, quod sit talis ordo ad aliud, quod ex illo ordine res dependeat. Dicemus enim, quod ista sensibilia tripliciter dependent ex ordine ad aliud: dependet enim ex agente, quia sunt generabilia & corruptibilia: dependent ex tempore, quia sunt nunc: dependent etiam ex loco, quia sunt hic. Illa ergo sex prädicamenta, quæ dicunt res in ordine ad aliud, vel hæc erunt in ordine ad agens, vel ad tempus, vel ad locum. Si ex ordine ad tempus? Sic sumitur prädicamentum unum, videlicet quando. Si ex ordine ad agens? Sic sumuntur duo prädicamenta, actio videlicet, & passio. Si ex ordine ad locum? Sic sumuntur tria, ubi, situs, & habitus: quando ergo sumitur ex ordine ad tempus. Dicemus enim, quod motus celestis aliquam influentiam habet in hæc inferiora, varietas ergo istorum inferiorum sive actualis sive passibilis, prout est subiecta priori & posteriori supercelestis motus, facit quādo in illis sensibilibus.

Dicemus enim, quod à motu supercelesti habet esse omnis varietas in istis inferioribus, non solum actualis, sed etiam passibilis. Nam & ipsa quies istorum inferiorum reducitur in celestem ordinem, & mensuratur tempore. Non solum enim prius & posterius supercelestis motus, sed etiam prius & posterius in istis inferioribus reducitur in prius & posterius supercelestis motus: sed etiam prius & posterius in quiete, prout aliquid quid est, & habet se eodem modo nunc & prius. Istud nunc & prius in quiete reducitur in nunc & prius supercelestis motus: facit ergo ille motus ad varietatem istorum inferiorum; & hæc varietas reducitur in istum motum: sicut nunc & prius in varietate reducitur in nunc & prius illius motus, idè quando reducitur in tempus. Nam sicut prius & posterius in supercelesti motu, ut sunt numerata ab anima, complent rationem temporis, sic prius & posterius in varietate istorum inferiorum, prout numerus talis prioris & posterioris est causatus in illo numero prioris, habet rationem quando. Idè dicitur *In sex principiis: quando est secundum quod aliquid dicitur tem-*

porale & variabile. Variabilia enim & temporalia sunt ista inferiora vel secundum se, vel secundum suas partes: non solum quantum ad motum, quia non est eorum motus continuus: sed etiam quantum ad quietem, quia non semper quiescunt. Dico autem secundum se vel secundum suas partes: quia elementa secundum se tota non sunt corruptibilia, tota autem forte secundum se tota necesse est quiescere. In variabilitate ergo istorum inferiorum sumitur quando, quod reducit in tempus: quia est id, quod relinquatur ex adjacentia temporis, sive talis varietas sit motus sive privatio motus: quidquid enim mensuratur tempore, secundum quod mensuratur tempore, habet esse quando, ut si queratur, quando quievit hoc? Potest responderi, heri. Et si queratur quomodo quievit? Assignabimus in ipsa quiete prius & posterius: & dicemus, idè quievit, quia habuit se eodem modo nunc & prius: in quocumque autem est sic assignare nunc & prius, illud cadit sub quando. Dicemus ergo, quod motus ille celestis secundum ea, quæ videmus, non habet quietem oppositam: quod si dicatur, quod motus ille aliquando cessabit. Dicemus, quod verum est. Sed hoc scimus solum revelatione Divina, non autem ex sensibilibus: tempus ergo est numerus prioris & posterioris fundatus in motu celesti: sed quando numerus prioris & posterioris fundatur in aliis motibus vel in privatione aliorum motuum.

Ex ordine ergo ad tempus sumitur unum prädicamentum, scilicet, quando. Ex ordine autem ad agens sumuntur duo, actio, scilicet, & passio: prout enim agens habet in quid influat, sic sumitur prädicamentum actionis: sed prout passum habet, in quo recipiat, sic sumitur prädicamentum passionis: ex ipso enim influxu ab agente in patiens, & è converso, sumuntur hæc duo prädicamenta, non quod agens aliquid immittat ab extra: sed eo ipso, quod per agens fit aliquid actu tale, quod erat potentia tale, ipsa activatio dicitur influxus agentis, ex qua activatione sumitur actio & passio: actio quidem, prout illam activationem facit agens in patiens: passio verò, prout eandem activationem recipit patiens ab agente: actio ergo non est nisi passio conversa, & passio actio conversa. Si enim incipis ab agente & vadis in patiens, & di-

Motus celestis secundum quod videmus, non habet quietem oppositam, sed eam ex Divina revelatione tenemus.

cis, quòd agens agit in patiens, habes prædicamentū actionis. Si autem è converso procedis à patiente, & vadis in agens, & dicis quòd patiens patitur ab agente, habes prædicamentum passionis.

Phus. 3. Physic. com. 20. *Idè dicitur in 3. Physic. quòd actio & passio non differunt nisi ut via, qua itur à Thebis ad Athenas, & ab Athenis ad Thebas. Secundum ordinem autem ad locum sumuntur tria prædicamenta. Nam accipiendo locum largè pro ipso continente, dicemus, quòd locus habet locatum, si- ve continens habet contentum, & è converso, contentum habet continens: prout autem continens habet contentum, vel prout locus habet locatum, sumuntur duo prædicamenta, ubi, & situs. Nam*

locus dicitur habere locatum dupliciter, vel prout habet ipsum secundum se, vel prout habet ipsum secundum ordinem ad partes. Si secundum se? Sic sumitur ubi. Si secundum ordinem ad partes? Sic situs: ubi enim est ordo locati ad locum secundum se, nihil est aliud quàm circumscrip- tio corporis à loci circumscriptione procedens: prout ergo locatum habet à loco, ut quia circumscribitur à loco secundum se, sic competit locato habere ubi: prout locatum circumscribitur ab alio & alio loco, sic competit ei aliud & aliud ubi: ut si circumscribitur à loco sursum, si cõpetit ei ubi sursum. Si deorsum, deorsum. Sed si consideremus prout locatum habetur à loco, & circumscribitur à loco, non solum secundum se, sed secundum quemdam ordinem partium, utputà, quia circumscribitur hoc ordine partium, quia habet partes erectas, utputà, quia stat sub alio ordine partium, quia habet partes curvatas, & sedet, sic sumitur prædicamentum situs sive positionis: statio enim & sessio positiones sunt.

Ex loco ergo, si- ve ex continente, prout continens habet contentum, sic sumuntur duo prædicamenta, ubi, & situs; sed ex eodem continente, prout secundum conversum ordinem, ut prout contentum habet continens, ut prout corpus habet vestem, & digitus anulum: sic sumitur habitus. Idè dicit Comm. super 5. Metaph. cap. de habitu, quòd habitus est ubi conversum. Vnde ait: Dicitur enim quòd contentum secundum hunc modum habet continens, & hoc est prædicamentum habitus, & subdit: quia continens habet contentum, & secundum hunc modum dicitur quòd locus habet locatum, & hoc est in prædicamento ubi. Et

ait: universaliter respectus in hoc prædicamento est conversus illi, qui est in prædicamento habitus. Secundum ergo Commentatorem ubi est habitus conversus, vel è converso, habitus est ubi conversum; sed secundum Simplicium in prædicamentis, habitus videtur esse non ubi conversum, sed situs conversus. Sic enim distinguit Simplicius situm ab habitu: quia si corpus contentum adaptatur continenti, sicut vestis adaptatur corpori, sic est prædicamentum habitus. Decem ergo sunt prædicamenta, tria sumpta ex ipsis rebus secundum se & absolute, scilicet, substantia, quantitas, & qualitas. Et unum sumptum ex ipso ordine secundum se, ut relatio. Et sex, quæ nec sumuntur ex rebus secundum se, nec ex ordine secundum se, sed ex rebus, ut sunt sub ordine, & ordinantur ad aliud: ut ex ordine ad tempus quando: ex ordine ad agens actio & passio: ex ordine ad locum si- ve ad continens, ubi, situs, & habitus.

His itaque omnibus prælibatis circa distinctionem prædicamentorum occurrunt multe & variæ dubitationes. Dubitaret fortè aliquis, quòd tempus non facit prædicamentum, sicut quando. Videtur, quòd tempus, cum sit aliquid principalius, quàm quando, deberet potius facere prædicamentum, quàm quando. Eadem etiam quæstio erit de loco & ubi, quia locus non facit per se prædicamentum, sed ubi. Propter quod sciendum, quòd tempus non dependet à quando, sed dependentia, quam habet tempus, est ex subjecto, in quo fundatur; non ex ordine ad aliud: idè dependentia temporis non est ex ordine ad aliud; sed ex ordine è converso, in quo est: eo ergo modo dependet quantitas, & qualitas: idè ad aliquod istorum prædicamentorum reducitur tempus, ergo res quædam est, & non est res in ordine ad aliud extrinsecus; sed est res dependens à proprio subjecto: vel ergo dependet sicut informans? Et tunc pertinebit ad prædicamentum qualitatis: vel sicut multiplicans & extendens & sic pertinebit ad prædicamentum quantitatis: habet se enim tempus, ut multiplicans ratione sui, quia de se est numerus? Et ut extendens ratione subjecti: est enim numerus applicatus ad continuum: non ergo invenitur in tempore modus essentialis principalis, qui facit prædicamentum, qui modus est non reductus in alium modum for-

Decem prædicamenta
quorum tria
sumpta ex
rebus secundum
se & absolute
unum ex ipso
ordine secundum
se, sed ex rebus
ut sunt sub
ordine ad aliud.

Prima dubitatio: an
tempus faciat
prædicamentum,
sicut quando,
quod dependet
ex ordine ad
loco & ubi.

formaliter: quia reducitur in quantitatem, cuius est extendere & multiplicare. Sic etiam nec locus facit per se prædicamentum, sed ubi facit per se prædicamentum. Nam res dependet ex tot, ex quot habet esse: & secundum quod alio & alio modo dependet, sic aliter & aliter habet esse: quantitas ergo locati, ut dependet à proprio subiecto, & prout extendit ipsum, sic pertinet ad prædicamentum quantitatis, & competit ei talis modus essendi, sicut accidens in subiecto: sed prout secundum quantitatem corpus circumscribitur loco, & dependet à loco, sic illi quantitati competit alius modus essendi: quia competit ei esse in loco, vel per illam est locatū in loco, qui modus essendi non est sicut accidens in subiecto, sed sicut contentum in continēte: locus autem ex eo, quod continet locatum non competit ei alius modus essendi: quia locus secundum quod huiusmodi, nihil recipit à locato, nec habet esse per locatum secundum dependentiam suam, & esse suum habet per subiectum, in quo est: ideò non facit prædicamentū per se, quia huiusmodi modus essendi reducitur in aliquem alium modum superiorem, utputà, in modum quantitativum: est enim locus in prædicamento quantitatis. Sed dices, quòd tempus etiā est per aliquid extrà, utputà per animam, quia formalitatem suam habet ab anima: sed ex hoc non sumitur specialis ratio prædicamenti: nam si esse formaliter ab anima faceret aliquid per se prædicamentum, tunc omnia universalia essent illo prædicamento: omnia enim universalia sunt in re extrà; formaliter autem sunt per considerationem intellectus: quia ut dicit Commentator in primo de anima: *Intellectus est ille qui facit universalitatem in rebus.* Vel possumus dicere, quòd cum motus cæli sit continuus, quodlibet prius & quodlibet posterius est ibi in potentia. Si igitur debeant hæc fieri in actu, vel accipi secundum actum, hoc erit secundū considerationē animæ. Ex hoc ergo arguitur, quòd tempus secundum quod habet esse materiale, & secundum quod habet esse in re exteriori, habeat esse in potentia; ex eo autem, quòd est in potentia, non sumitur ratio prædicamenti.

cut sumuntur ex ordinē agentis ad patientem. Dicemus enim, quòd prout agens habet patientem, in quod fluit, sumitur prædicamentum actionis: sed prout patientem habet agens, à quo influxum recipit, sic sumitur prædicamentum passionis: ergo à simili prout temporale habet tempus, à quo mensuratur, sumetur prædicamentum quando: quia hoc est quando id, quod secundum temporale mensuratur à tempore: ergo prout tempus habet temporale, quod mensurat, sumetur aliud prædicamentum: erunt ergo ex ordine temporis ad tēporale duo prædicamenta, sicut sunt duo ex ordine patientis ad agens. Ad quod dici potest, quòd actio quædam perfectio est ab agente in passio: huiusmodi autem actio dependet ab agente & patiente: ab agente quidem, prout est ab eo causata; à patiente verò prout est in eo recepta: nec est eadem dependentia hæc & illa. Nam si agens posset facere actionem per se existentem, dependeret illa actio ab agente; sed non dependeret à passio. Si ergo hoc est de ratione actionis, quòd indigeat agente à quo fit, & patiente in quod recipitur, ab utroque habet esse, & hic modus essendi non minus erit idem formaliter cum alio: ideò ex alio & alio modo essendi, nō reducto in aliud, sumetur alia & alia ratio prædicamenti. Imò, ut aliquantulum superius tangebatur, non est idem modus dependentiæ actionis, ut comparatur ad illud, in quo est, tanquam ad passum, & comparatur ad ipsum tanquam ad subiectum. Nam si perfectio illa, quæ dicitur actio, fuisset in subiecto non inducta ab alio, dependeret ab eo, cum quo esset tanquam à subiecto; sed non tanquam à passio: perfectio ergo illa, quæ dicitur actio, ut dependet ab agente, dicitur actio, ut dependet ab eo, in quo est tanquam à passio, dicitur passio: sed ut dependet ab eo non tanquam à passio, sed tanquam à subiecto, sic est qualitas quædam, vel quantitas secundum quod agens potest alterando & augmentando: nunquam ergo sumitur alia & alia ratio accidentalis nisi ex alia & alia dependentia, & secundum quod habet diversos modos dependentiæ, quorum unus non reducitur in alium formaliter, sicut inferius reducitur in superius, sic sumitur ex illa re alia & alia ratio prædicamenti. Si enim illa perfectio, ut est ab agente, & ut recipitur

duo prædicamenta ex ordine temporis ad temporalia.

Comm. 1 de Anima
comm. 8.

Secunda de
lucio: su-
manur
ne non sumuntur duo prædicamenta, si-

in passum, non dependeret aliter & aliter, non faceret aliud, & aliud prædicamentum. Dicemus, ergo quod varietas istorum inferiorum, super quam fundatur prædicamentum quando, dependet à motu cæli tanquam à subjecto, sive à tali motu causata, & tanquam per talem motum mensurata: ut causatur à tali motu, pertinebit ad prædicamentum actionis, prout enim motus cæli causat motum in illis inferioribus, vel quietem, ad prædicamentum actionis reducetur: motio enim partium pertinet ad prædicamentum actionis, tanquam ipsa actio; quies verò tanquam privatio actionis; nec enim affirmatio, vel privatio, & id cuius est privatio ad aliud prædicamentum pertinet, ut probat August. 5. de Trinit. In eodem enim genere (secundum ipsum) sunt genitum & non genitum, sive genitum & ingenitum. Sed prout talis varietas est per motum cæli mensurata, sic pertinet ad prædicamentum quando; prout ergo huiusmodi varietas comparatur ad motum cæli, potest inde oriri duplex prædicamentum, actio & quando: sed prout huiusmodi varietas recipitur in ipsa re temporali, non sumetur inde nisi unum prædicamentum, prædicamentum, scilicet, passionis: ut motio talis sit actio, sufficit, quod sit ab agente: ut autem est passio, sufficit, quod recipiatur in passo: si ergo motus cæli posset facere motionem per se existentem, ita quod illa motio sic esset ab agente, quod non esset recepta in passum, hac hypothese stante, talis motio, dato quod possit dici actio, non posset dici passio. Talis ergo motio, ut est causata à motu cæli, & dependet ab agente, & dependet à passo; sed, ut est mensurata, per se loquendo, dependet à tempore, sed non dependet à re temporali. Nam si motus istorum inferiorum esset per se existens, & non esset receptus in re mobili, ita mensuraret tempus, sicut mensura motus: dependeret ergo varietas & motus à re temporali, uno modo, videlicet, tanquam à re suscipiente, & tanquam à re passa. Ideò respectu ejus solum habet, quod sit passio quantum ad ipsum motum, vel quod sit privatio passionis quantum ad quidditatem: varietas ergo in actu, ut est in illis inferioribus facta per motum cæli, est passio; varietas autem in potentia est privatio passionis, sicut quies est

A privatio motus: sed huiusmodi varietas, ut comparatur ad motum cæli, dependet ab eo dupliciter, prout videlicet est ab eo causata, & prout per ipsum mensurata: per habere ergo, & haberi, prout agens habet patiens, vel prout habetur à patiente, non sumitur alia & alia ratio prædicamenti, nisi prout ex hoc consurgit in re ipsa alia & alia dependentia: prout id, quod causatur, indiget causa agente & subjecto recipiente; sed ex mensuratione non consurgit alia & alia dependentia. Varietas enim indiget tempore quantum ad mensurationem, sed indiget re temporali solum quantum ad susceptionem: ideò respectu rei temporalis solum est passio; sed respectu motus cæli & est actio, ut est ab eo causata, & est quando, ut est per ipsum mensurata: ex ordine ergo ad agens, & ex habere, & haberi sumuntur duo prædicamenta, actio & passio, propter aliam & alium modum dependentiæ; sed ex ordine ad tempus per habere & haberi, ut per mensurare & mensurari, non sumitur nisi unum prædicamentum. Nam prout tempus mensurat ista temporalia, est in eis quando, & prout temporalia mensurantur à tempore, est in eis quando: non est enim in eis ex hoc aliud & aliud prædicamentum, quia non est ex hoc alia & alia dependentia. Non enim aliter & aliter se habet id, quod est quando, prout tempus habet ipsum temporale, & est mensura ejus; & prout temporale habet tempus, & prout mensuratur ab eo. Sed non est sic de actione & passione, vel de habere agens, vel de haberi ab agente: quia ex hoc in ipsa re, quæ est actio & passio, est alia & alia pendentia.

Ex hoc autem patere potest clarius, quod superius dicebatur, videlicet, quod tempus non facit per se prædicamentum: quia nullum modum essendi habet tempus, qui non reducatur in alium modum formaliter, tanquam inferius in superius: quod autem tale est, non facit per se prædicamentum, sed est aliquid in prædicamento contentum, & res alicujus prædicamenti. Si autem tempus consideretur secundum subjectum, in quo est, ut quia secundum tempus subjectum ejus est quid numeratum, iste non est modus principalis non reductus in alium, tamen reducitur in quantitatem. Si verò consideretur tempus, ut habet ordinem ad aliud,

D. Aug. P.
N. 5. de
Trin. cap. 7.

ad utputa, quia motus celi est ab alio, ut
 à motore celi, & per consequens ipsum
 tempus est ab alio, cum fundetur in
 motu, hic modus essendi non est princi-
 palis, sed reducitur in modum alium: quia
 reducitur ad prædicamentum actionis
 vel passionis (accipiendo agere & pati
 largè ad omne movere & moveri) sed
 varietas istorum inferiorum reducitur in
 motum celi non tanquam in causam, sed
 tanquam in mensuram mensurantem: quia
 hic est quidam modus dependentiæ prin-
 cipalis non reductus in alium formaliter:
 ideo facit prædicamentum, quod dicitur
 quando. Et si dicatur, quod habere
 rationem mensuræ est habere rationem
 causæ. Dicemus, quod dato, quod ratio
 mensurandi & causandi sit adinvicem
 connexa, una tamen non est alia: sicut li-
 cèt ratio actionis & passionis sit ad-
 invicem connexa, formaliter tamen
 una non est alia, nec reducitur in aliam.

Uterius forrè dubitaret aliquis: utrum
 ex habere & haberi ex parte loci re-
 sulteret plura prædicamenta, sicut ex habere
 & haberi ex parte agentis? Ad quod di-
 ci potest, quod si accipiat locus pro-
 priè, ex habere & haberi non plurifican-
 tur prædicamenta: intelligimus enim,
 quod locus sit quid immobile: *Est enim*
ultimum continentis immobile. ut potest pa-
 tere ex 4. *Physc.* Vnde totus fluvius habet
 magis rationem loci, quàm pars fluvij: si
 enim sit navis in aqua ligata ad stipitem,
 licèt propter fluxibilitatem aquæ habeat
 semper aliam & aliam sub se aquam, ta-
 men semper habet eundem ordinem ad
 totum fluvium, semper navis sic ligata di-
 citur esse in eodem loco: est ergo de ra-
 tione loci, quod sit quid immobile, &
 quod sic est, secundum quod huiusmodi,
 non dependet à locato: accipiendo ergo
 locum propriè, secundum quod est quid
 immobile, prout non dependet à locato,
 quantum est ex parte loci, ex habere &
 haberi non plurificantur prædicamenta:
 quia non plurificabuntur dependentiæ,
 & per consequens nec modi essendi: quot
 modis res dependet, per tot habet quo-
 dammodo esse: & quot sunt dependen-
 tiæ, tot sunt quodammodo modi essendi:
 ex eo enim quod locatum habet locum,
 vel è converso, nulla dependentia erit in
 ipso loco: quia tunc faceret locus & quan-
 titas continens per se prædicamentum,
 sicut facit ubi & quantitas contenta. Rur-

sus in ipso locato sive in ipsa quantitate
 contenta, nec erit alia & alia dependen-
 tia, prout locus habet eam, & continet
 ipsam; & prout ipsa locum, & contine-
 tur à loco. Dicemus enim, quod res
 quanta habet per quantitatem esse exten-
 sum, prout quantitas comparatur ad ea
 tanquam ad subiectum; etiam per quan-
 titatem habet esse locale, prout per quan-
 titatem comparatur ad locum, & conti-
 netur à loco, mensurat se loco, & con-
 servatur in loco: sed per hoc ex habere
 & haberi non plurificatur talis modus es-
 sendi, locatum enim prout habet locum
 habet esse locale, prout habetur à lo-
 co habet à loco esse locale: ergo per ha-
 bere & haberi non est nisi una dependen-
 tia, quæ non est in loco, sed in locato.
 Ergo si accipiat locus propriè, ex ha-
 bere & haberi non plurificantur prædi-
 camenta: sic nec ex parte temporis per
 habere & haberi plurificabuntur præ-
 dicamenta; sed si accipiamus largè lo-
 cum, ut dicamus locum esse ipsum cor-
 pus continens, quod applicatur ad con-
 tentum, sicut vestimentum applicatur
 ad corpus, calciamenta ad pedes, sic cō-
 tinens non habet omnimodam rationem
 loci: quia non est quid immobile: sic
 per habere & haberi plurificabuntur præ-
 dicamenta. Imaginabimur quidem quod
 continens ad contentum potest dici se
 habere uno modo, quod continens sit
 immobile, & applicetur ei contentum,
 & ista est habitudo loci ad locatum: quia
 locus est quid immobile & applicatur ei
 locatum. Alio modo potest hoc intelligi,
 quod magis sit mobilitas ex parte cōtinē-
 tis: sicut, corpore manente in eodem lo-
 co, potest ei applicari vestis, & capiti ga-
 lea. Primo modo continens magis habet
 contentum, quàm è converso: nam cum
 locus sit immobilis, magis locus dicitur
 habere locatum, quàm è converso. Se-
 cundo magis, imò magis contentum ha-
 bet continens, quàm è converso, ut cor-
 pus magis habet vestimentum, quàm ve-
 stimentum corpus. Differt ergo habitus
 ab ubi, quia ubi respicit tale continens,
 quod magis habet contentum, quàm è
 converso. Habitus autem econtrariò res-
 picit tale continens, quod non propriè
 habet contentum, imò habetur ab ipso.
 Si ergo secundum communem modum
 loquendi dicamus locatum habere locum
 & è converso; tamen, ut diximus, magis

proprie dictum est quantum ad locum, quod continens habet contentum; quantum verò ad habitum magis dicitur è cōverso, quod contentum habet continens, licet per habere & haberi sumuntur duo prædicamenta: quia prout contentum habetur à continente, sumitur prædicamentum ubi; prout verò contentum habet continens, sumitur prædicamentum habitus: prout corpus habet vestimentū, & caput galeam etiam ubi: ergo contentum applicatur continenti, & per consequens, habetur à continente; in habitu autem è cōverso.

Dubitatio

quarta: utrū ex parte loci sumatur duo prædicamenta, scilicet, ubi & situs, & ex parte habitus solū adveniatur unum prædicamentum.

Viterius fortè dubitaret aliquis: utrum ex parte loci, prout continens habet contentum, sumantur duo prædicamenta, scilicet, ubi & situs, ex parte autem habitus prout contentum habet continens non sumatur nisi unum prædicamentum, videlicet, prædicamentum habitus? Ad quod dici potest, quod habitus est tale continens, quod secundum quod hujusmodi quantumcunque varietatum, non facit habentem habere aliud ubi, vel alium situm, ut si esset locus in loco, dato quod adveniret ei habitus, quē non habebat, non propter hoc mutaret, nec locum nec situm: sicut enim si ventus flaret, & removeret ab alio corpore aërem circa ipsam existentem: licet illud corpus haberet alium & alium aërem circa ipsum; non tamen propter hoc esset in alio & alio loco. Sic & si corpori adveniat habitus, non propter hoc mutatur nec situm nec ubi. In situ ergo & in ubi contentum applicatur ad continens, sed in habitu potest continens applicari ad contentum: cum ergo aliquid locatum dicitur posse aliter & aliter applicari, vel quia applicatur ad alium & alium locum, quia potest applicari sursum, vel deorsum, & secundum alia loca, vel potest talis varietas contingere: quia aliter & aliter applicatur ad locum, quia ad locum sursum potest quis aliter & aliter applicari secundum alium & alium ordinem partium, ut aliter applicabitur aliquis ad locum sursum sedens, & aliter stans: vel aliter applicabitur habens membra extensa, aliter habens membra curvata: imò ad unum & omnino eundem locum potest aliquid diversimodè applicari: sicut cælum quantum ad se totum specie in eodem ubi; secundum subjectum tamen in illo eodem ubi non

est semper eodem modo: quantum ergo ad locum est ibi duplex alietas, una quantum ad locum habitum, prout res locata habet alium & alium locum, & sic sumitur prædicamentū ubi: nihil est enim aliud esse in alio ubi, quàm habere alium locum. Secunda alietas respectu loci sumitur non ex habere alium & alium locum secundum subjectum; sed ex habere ipsum alio & alio modo, & sic sumitur prædicamentum situs: prout ergo contentum applicatur ad continens sunt duo prædicamenta, sed prout continens applicatur ad contentum, sic sumitur unum prædicamentum, prædicamentum ubi, scilicet, habitus, quod non variatur quantum ad rationē prædicamenti per applicari ad aliud & aliud, & per applicari aliter & aliter: in loco enim non est idem applicari ad aliud & ad aliud; sed in habitu idem est hoc & illud: ut si alium & alium habitum requirit manus, quàm applicari aliter & aliter in pede: ex ipsa ergo alietate membri, & ex ipsa alia forma membri sequitur alietas habitus, & alietas dispositionis habitus, ut chirotheca differt à subtalari, & aliter est formata chirotheca quàm subtalaris, quare manus differt à pede, & aliter est formata manus, quàm pes. Non enim esset alius habitus manus quàm pedis, si non esset alia forma manus quàm pedis: esse ergo alium & aliū est esse aliter & aliter dispositū. Non autē sic est in ubi, quod idem esset habere alium & alium, & esse aliter & aliter dispositum, propter quod ex parte loci ex habere alium & alium locum, & esse aliter & aliter dispositum in loco, sumebantur duo prædicamenta; non autem sic est ex parte habitus, quod possint ex hoc duo prædicamenta sumi. Vel possumus dicere, quod locus per se & primò respondet toti, totum autem potest dupliciter considerari, vel secundum se, vel secundum ordinē suarū partiū. Si secundum se? Sic sumitur ubi. Si secundum ordinem suarum partiū? Sumitur situs: contineri enim à loco, hoc est esse ubi; sed contineri secundum hunc ordinem partium, hoc est habere situm: sed habitus respicit ipsas partes, ut galea caput, chirotheca manum, & sic de alijs. In parte autem, ut pars, non est attendere ordinem partium: idē habitus, ut habitus est, sumitur per applicationem ad ipsum contentum, & per applicationem ad suas partes; partibus autem, ut partes sunt, non

non competit ordo partium. Vel possumus dicere, quod in manu sit chirotheca. & extendatur manus, vel claudatur, & eleuetur sursum, vel deorsum, solum facit variationem in loco; non autem facit variationem in habitu: non ergo in habitu poterant sumi duo prædicamenta, sicut sumuntur ex loco.

Uterius fortè dubitaret aliquis, quæ fuit necessitas ponendi prædicamentum habitus? Ad quod dici potest, quod Comment. in 3. Meta. valde largè loquitur de prædicamento habitus: dicitur enim: *Animal habere cutem, & arborem cortices, & hoc est prædicamentum habitus.* Sed hæc videntur pertinere ad prædicamentum substantiæ: quia cutis est pars animalis, & cortex arboris: dicere enim arborem habere corticem, & animal cutem, eodem modo possemus dicere, hominem habere pedem vel manum: esse tamè prædicatum vel manucatum nullus diceret, quod pertineret ad prædicamentum habitus. Rursus cortex arbori, & cutis animali non advenit accidentaliter, nec pertinent ad prædicamentum accidentis. Dicemus ergo, quod ex ordine ad aliud sumuntur omnia sex prædicamenta: omnia enim illa sex prædicamenta (ut diximus) dicuntur aliquam in ordine ad aliud, sed omnes istæ res sensibiles, in quibus reperiuntur omnia ista prædicamenta, dependent ex triplici alio, ex agente, tempore, & loco: homo tamen specialiter habet dependentiam ad aliud, ut ad ipsum habitum: natura enim non dedit homini sufficienter tegumentum, nec sufficienter ipsum armavit: indiget enim homo & vestibus, quibus possit se tegere, & armis, quibus possit se defendere: propter quod esse armatum, & esse vestitum pertinent ad prædicamentum habitus. In hoc ergo videtur bona assè quorundam Doctorum magnorum sententia, quod prædicamentum habitus specialiter servatur in his, quæ ad hominem pertinent. Si enim ex productione rerum in esse, quod respicit agens, & ex duratione temporalium, quod refertur ad tempus, & ex conservatione rerum in esse, quod facit locus, sumuntur prædicamenta aliqua: cum homo indigeat speciali conservatione in esse: quia non sufficit, quod se applicet ad continens, quod pertinet ad habitudinē locati ad locum, sed oportet, quod habeat specialia continentia sibi applicata ad sui conservationē, sed illis specialibus

continentibus potest sumi prædicamentum habitus: si ergo ratio habitus reperitur in aliis, ut dicatur equus phaleratus vel sellatus, hoc non est factum, per se loquendo, ad conservationem equi, sed ad conservationem hominis: nec est adinventum per industriam equi, sed hominis. Habitudo ergo, unde sumpta est ratio habitus, ex arte, vel industria hominis inventa est: ideò habitu contentū habet continens: quia ex industria contenti inventum est cōtinens; sed in loco continens habet contentum: quia locus est quid immobile, ad ipsum applicatur contentum, & ex ipso conservatur, unde magis habetur, quàm habeat: patet ergo, quod ex continente sumuntur tria prædicamenta, duo prout continens habet contentum, ubi, scilicet, & situs, & unum prout contentum habet continens, ut prædicamentum habitus: propter quod patet, quomodo sumuntur prædicamenta, & quare sunt decem: ex hoc autem habemus aliquo modo viam ad investigandum quod quæsitum est. Nā si scimus quid facit per se prædicamentū, & quomodo reducuntur ad prædicamentum: quæ omnia declarata sunt, leve est enim scire de ævo, utrū faciat per se prædicamentum, & utrum per se pertineat ad prædicamentum quando?

Advertendum tamen, quod de distinctione prædicamentorum diffusius locuti sumus, quàm requirat quæstio quæsitæ, quod ideò fecimus, quia scire eorum distinctionem scientificum est: & quia de distinctione ipsorum, & quomodo accipiuntur omnia prædicamenta, non meminimus nos aliàs fuisse locutos: ideò volumus hanc materiam hinc diffusius pertractare. Postquam ergo diximus, quod Phi & Doctores dixerunt de distinctione prædicamentorum: & dedimus modum nostrum, quomodo debeant distinguī prædicamenta, & unde sumenda sit ratio prædicamenti: accipientes fundamentum de jam dictis, volumus probare, quod ævum non facit per se prædicamentum. Et quod non reducitur ad prædicamentum tribus rationibus ostendemus. Prima enim ratio sumetur considerando illud, ex quo sumitur ratio prædicamenti. Secunda comparando substantiam ad alia prædicamenta. Tertia verò considerando ipsas substantias separatas in quibus potest esse ævum.

Triplex assignatur ratio, quare ævum non facit per se prædicamentum, nec reducitur ad prædicamentum quando.

Prima ratio.

In qq. de esse, & essentia q. 9.

Prima ratio prosequitur.

Propter primum sciendū, quod, ut patet per habita, prædicamenta facit modus aliquis essendi principalis, nō reductus in alium modum formaliter: qui modus existendi sumitur vel ex ipsa re, vel ex ordine, vel ex re ut est sub ordine. Ex ipsa autem re ævum non poterit facere prædicamentum per se: nam ævum realiter est idem, quod esse æviterni: esse ergo per se prædicamentum faceret, quod falsum est. Ostendimus enim in quæstionibus nostris de esse & essentia, quod esse non erat in prædicamēto per se & directè, sed reducebatur ad prædicamentū substantiæ. Non ergo dici potest, quod ævum ex re ipsa, quam importat, per se prædicamentum faciat: nec etiam facere per se prædicamentum ex ipso ordine, vel ex ipsa habitudine, quam importat: ex quo ordine, & ex qua habitudine sumitur prædicamentum relationis, ut est suprà diffusius dictum. Si igitur concederetur, quod ævum ratione ordinis, vel habitudinis, quam importat, pertinet ad prædicamentum: non propter hoc haberetur, quod faceret per se prædicamentum: nec ex hoc haberetur, quod reduceretur ad prædicamentum quando; sed ad prædicamentum relationis. Attamen hoc nō est concedendum: quia ævum non dicit ipsam habitudinem, nec ipsum ordinem secundum se; sed dicit rem aliquam sub ordine vel sub habitudine.

Si ergo volumus videre quomodo ævum pertineat ad prædicamentum, non est accipienda via prædicamēti, nec ex ipsa re, nec ex ipsa habitudine subhabitudine, vel ut est sub ordine. Sed si ex re, ut est sub ordine, accipitur ratio alicujus prædicamēti, hoc nō erit ex ordine ad ipsum subjectū secundū se, quod ex hoc sumitur universalis ratio accidentis: nec ex ordine ad causam primam, sive ad Deum, quia ex hoc sumitur universalis ratio creaturæ. Et si dicatur, quod diversa accidentia diverso modo comparantur ad subjectū. Dicemus verum esse, sed hoc non erit sine diversitate reali: sic etiam & diversæ creaturæ diversimodè se habent ad causam primam: si ex tali diverso ordine vellemus accipere diversitatem prædicamentorum, esset accipere diversa prædicamenta ex diversitate rerum: prædicamenta ergo sumpta ex re, ut est sub ordine, oportet, quod ille ordo sit ad aliquid causatum extrinsecum: & quia ævum nō

habet habitudinē ad aliquid causatū extrinsecum, unde sortiatur rationem ævi, idē non facit per se prædicamentum: nec ergo ex ipsa re, quam importat ævum, nec ex ipso ordine, nec ex re, ut est sub ordine, salvare poterimus, quidd ævum per se prædicamentum faciat. Sed si vera esset positio, quam quidam posuerunt, quod ævum esset in primo æviterno, tunc necesse esset ponere, quod in alijs æviternis esset quando ævale secundū illud ævum; non tamen propter hoc illud ævum quando ævale faceret per se prædicamentum: quia nunquam ex ordine ad aliud fit per se prædicamentum, nisi ille ordo fundatus sit in aliquo accidente, ut patebit in quæstione sequenti, quando enim temporale facit per se prædicamentum ex ordine ad tempus: quia huiusmodi quando fundatum est super aliquo accidente, ut prius & posterius in motu, vel in privatione motus. Sed si esset in æviternis, quod in eis esset aliquid, quod se haberet ad ævum, sicut quando ad tempus: & propter hanc similitudinem diceretur quando ævale, illud ævale non esset fundatum super aliquo accidente; sed ipso esse æviternorum, eò quod non posset facere aliquid per se prædicamentum. Hac enim hypothēsi stante, ipsum ævum, quod esset in primo æviterno, non faceret per se prædicamentum: quod nec tempus, quod est in primo mobili, per se prædicamentum facit: nec & id, quod esset in alijs æviternis, quod se haberet, quasi quando ævale, faceret per se prædicamentū, nō obstante quod quando temporale per se prædicamentū facit: cuius ratio aliquantulum tacta est, sed in sequenti quæstione hoc planius declarabitur.

Secunda ratio ad hoc idem sumitur ex differentia substantiæ ad alia prædicamenta, quæ aliquo modo tacta est, & in sequentibus plenius tægetur. Nā nullus ordo nec aliqua habitudine immediatè fundata in substantia, vel in aliquo, quod est in prædicamento substantiæ, potest facere per se prædicamentum: quia vel faceret prædicamentum substantiæ, vel prædicamentum accidentis. Non substantiæ: quia tunc essent plura prædicamenta substantiæ. Rursus ratio prædicamenti substantiæ sumitur ex per se existere, non ex ordine ad aliud se habere: habitudine ergo fundata immediatè super substantiam, vel super esse, quod est in prædicamento substantiæ

stantiæ, non potest facere per se prædicamentum substantiæ, nec prædicamentum accidentis: quia tunc illud fundamentum, super quod fundatur talis habitudo, quod est potentia esse substantia, vel aliquid pertinens ad prædicamentum substantiæ, pertineret ad prædicamentum accidentis, quod absurdum est: quia nihil, quod est in prædicamento substantiæ, potest pertinere ad prædicamentum accidentis. Et quia ævum nihil addit supra esse æviterni nisi habitudinem quamdam, cum esse æviterni pertineat ad prædicamentum substantiæ; ævum fundatum super tali esse non poterit per se prædicamentum facere.

Tertia ratio ad hoc idem sumitur ex ipsis substantiis separatis, in quibus potest esse ævum: nam in substantiis temporalibus ponimus prædicamentum quando, quia aliquod esse sortiuntur ex ordine ad tempus: sortiuntur enim ex tali ordine esse significatum, habent enim esse significatum, cuiusmodi substantiæ temporales ex eo, quod sunt hic & nunc: substantia ergo temporalis ex hoc, quod habet esse hic & nunc, similiter hoc significatum, quia tunc est apta nata esse nunc: ex ista ergo aptitudine & ex isto ordine aliquid prædicatur de ista substantia temporalis; illud autem, quod prædicatur de ea ratione huius habitudinis & huius ordinis, facit per se prædicamentum: eod quod huiusmodi habitudo non potest reduci in aliam habitudinem formaliter: istud autem per se prædicamentum, eod quod sit ex tali habitudine, vocatur prædicamentum quando. Sed substantiæ separatae, cum sint formæ per se existentes, se ipsis individuantur: non enim individuantur per esse hic, nec per esse nunc, ideo prædicamenta, quæ sumuntur per esse hic, & per esse nunc, non ponimus in substantiis separatis. Dicemus ergo, quod in substantiis separatis non est materia, nec eis competit individuari per esse hic & nunc: quæ autem carent materia, non est in eis prædicamentum quantitatis: quia non individuantur per esse nunc, nec est in eis prædicamentum quando: quia non individuantur per esse hic, non sunt in eis illa tria prædicamenta, quæ sumuntur ex loco, sive ex continente, huiusmodi sunt situs, ubi, & habitus: oportet enim, quod substantia, in qua habent esse illa tria prædicamenta, cuiusmodi sunt quando, ubi, situs, & relativa, quod dependentiam ha-

beat ex tempore & loco, & quod dependeat ab esse hic & nunc, ratione cuius possint in ea poni talia prædicamenta. Sed tales dependentias non ponimus in Angelo: substantia enim Angeli nec ex suo esse simpliciter, nec ex suo significato dependet ex tempore vel ex loco: cum enim abstrahimus substantiam temporalem ab hoc esse significato, vel ab hoc esse sensibili & ab illo, sed non ab esse sensibili simpliciter, consideremus eam, ut est motui & transmutationi subjectam, consideramus eam, ut est temporalis & localis, & ut est in ea prædicamentum quando & ubi: & ideo ad Naturalem, cuius est considerare substantiam cum transmutatione, pertinet considerare de loco & tempore, & per consequens de quando & ubi.

Dicebamus autem supra, quod prædicamenta accipientur ex esse significato, & prout esse hic & nunc, vel esse locale & temporale facit ad esse transmutabile. Propter quod sic possemus reducere distinctionem prius factam: nam excepto prædicamento relationis; dicemus, quod aliqua prædicamenta sumuntur ex esse, aliqua ex esse transmutabili: ex esse autem sumuntur tria prædicamenta: nam ex esse simpliciter & per se sumitur substantia: ex esse secundum quid & in alio, quod esse sequitur materiam, sumitur quantitas: & ex esse secundum quid & in aliquo, quod sequitur formam, sumitur qualitas: ex esse etiam transmutabili sumuntur sex prædicamenta. Nam esse transmutabile habet ordinem ad agens, quod nihil se ipsum transmutat; habet ordinem ad tempus, quia esse tale secundum quod huiusmodi, est aliquo modo temporales; & habet ordinem ad locum, quia esse tale est aliquo modo locale, ex ordine ergo ad agens sumitur actio & passio, ex ordine ad tempus quando; ex ordine ad locum & ordine continentis sumitur ubi, situs, & habitus.

Advertendum tamen, quod habere esse transmutabile est habere esse in ordine ad aliud, ut in ordine ad agens, & ad tempus, & ad locum: prædicamenta ergo vel sumuntur ex esse, vel ex ordine, vel ex esse transmutabili, quod est esse sub ordine. Si ex esse? Sic sumuntur tria prædicamenta, substantia, quantitas, & qualitas. Si ex ordine? Sic sumitur prædicamentum relationis. Si autem ex esse transmutabili,

mutabili, vel ex esse sub ordine? Sic sumuntur reliqua prædicamenta sex, quæ sumuntur ex ordine ad agens, ad tempus, & ad locum.

Redeamus ergo, & dicamus, quòd talia prædicamenta, quæ sumuntur ex esse sensibili & transmutabili in se, habere non possunt substantiæ separatæ: primæ ergo duæ rationes ostendunt, quòd ævum, nec etiam quando ævale, si poneremus tale quando in substantiis separatis, faciunt per se prædicamentum: sed hæc tertia ratio ostendit, quòd nihil, quod est in ipsis Angelis, reducit ad quando, quod facit per se prædicamentum: quia quando & ubi talia prædicamenta, per se loquendo, non ponimus in substantiis separatis. Dicemus enim, quòd in dictis sunt solum duo prædicamenta, videlicet, substantia & relatio (ut patet per Boetium libro de Trinit.) licet duo prædicamenta in omnibus ab aliis prædicamentis differant; à substantiis separatis possumus enim quinque demere prædicamenta, & quinque in eis salvare. Diximus enim: in

Boetius lib.
de Trinit.

In substantiis
separatis
quinque sal-
vari possunt
prædicamē-
ta, substantia,
qualitas, æ-
tio, passio,
& relatio.

substantiis separatis non est materia, nec est ibi dependentia ad tempus, nec ad locum: nam & aliqui Doctores posuerunt Angelos creatos ante mundum, quod satis insinuat, quòd, propriè loquendo, non dependet ex tempore, nec ex loco: quia ergo non est in eis materia, non est ibi prædicamentum quantitatis: quia verò non dependent ex tempore, non est in eis propriè prædicamentum quando: quia verò non dependent ex corpore aliquo continente, non est in eis propriè nec ubi, nec situs, nec habitus: alia autem quinque prædicamenta substantiam, qualitatem, actionem, passionem, & relationem possumus magis propriè in ipsis salvare; sed in istis substantiis sensibilibus, & potissimè in homine possumus salvare omnia decem. Dicimus autem potissimè in homine propter prædicamentum habitus, qui videtur specialiter ad hominem pertinere: patet ergo, quòd ævum, quod est in Angelis, non facit per se prædicamentum, nec reducit ad prædicamentum quando: ad quod autem prædicamentum reducat in sequenti questione patebit.

Respond. ad arg. Ad 1. dicendum, quòd ævum dividitur per differentias essentielles: & licet non habeat aliquid supra se tanquam mensura, in quam redu-

catur, nisi æternitatem; habet tamen aliquid supra se, ad quod reducatur tanquam genus: quia habet ipsam substantiam, ut patebit in questione sequenti. Vel possumus dicere, quòd quando dicitur (quod sufficit ad rationem prædicamenti) quòd dividatur per differentias essentielles, & non habeat aliud superveniens genus. Hoc intelligitur de his, quæ sunt per se in genere, vel de prædicationibus de his, quæ sunt per se in genere: nam si quis argueret, quòd forma materialis substantialis dividitur per differentias essentielles: quia plures sunt tales formæ essentialiter differentes, & non habent aliud supra se superveniens genus, quia talis forma non est propriè species, sed est pars speciei: propter quod nihil prædicatur de ea, sicut genus de specie: non propter hoc sequeretur, quòd huiusmodi forma substantialis faceret per se prædicamentum: quia non est per se in genere, nec prædicatur de aliquo essentialiter, quod est per se in genere: sic & in proposito esse, & ævum, & talia non sunt per se & directè in genere, nec prædicantur essentialiter de his, quæ sunt hoc modo in genere. Ad 2. dicendum, quòd ævum non reducit ad quantitatem, nec ad quando, sed reducit ad prædicamentum substantiæ, ut in sequenti questione patebit. Ad 3. dicendum, quòd id, quod sequitur formam, pertinet ad prædicamentum qualitatis, si sit accedens: esse autè & ævum non sunt huiusmodi. Ad 4. dicendum, quòd ævum habet aliquam similitudinem cum ipso quando temporis: non tamen habet tantam similitudinem, quòd faciat per se prædicamentum, sicut quando: quia quando fundatur in aliquo accidente; ævum autem non. Et quod addebatur ad fortificandum argumentum, quòd si quando facit per se prædicamentum, multò magis hoc faceret ævum, quod est nobilior. Arguitur oppositum non propositum: nam non est ex nobilitate ipsius quando, quòd facit prædicamentum, sed ex ignobilitate: ut quia fundatur super rem aliquam, quæ est accedens, idè potest facere unum de decem prædicamentis accidentalibus: sed ævum non fundatur super rem aliquam, quæ sit accedens: idè non potest per se facere aliquod prædicamentum accidentale, nec etiam facit per se prædicamentum substantiæ, cum sit in tali prædicamento per reductionem solum. Ad 5. dicendum

cendum, quòd omnia universalia sunt semper: quando ergo, quod est universale, & quod facit prædicamentum, non accipitur pro hoc quando, vel pro illo quando. Nam licet hoc quando, vel illud quando sit corruptibile, & nō sit semper; tamen simpliciter sumptum est semper. Nā licet hic homo, & ille homo sit corruptibilis; homo tamen simpliciter sumptus est sempiternus: est ergo quando, quod facit prædicamentum semper, sed non sufficit esse semper ad facere per se prædicamentum: quare si hoc videmus in ævo, quòd habeat esse sempiternum, non propter hoc oportet, quòd faciat per se prædicamentum. Ad 6. dicendum, quòd licet ævum multiplicetur secundum multitudinem æviternorum, & in hoc magis assimiletur ipsi quando, quam tempori; non tamen assimilatur ipsi quando in eo, ut facit prædicamentum: quia non fundatur ævum in re, quæ sit accidens, sicut fundatur quando: nec etiam dependet ævum ab aliquo exteriori causato, sicut dependet quando, unde possit ex eo sumi ratio prædicamenti per se. Ad 7. dicendum, quòd nullo illorum modorum reducitur ævum ad quando & licet quartus modus secundum assimilationem videatur competere aliquo modo ipsi ævo respectu quando, non tamen propter hoc reducitur ad prædicamentum quando: non est enim tanta & talis assimilatio inter ævum & quando, quòd collocet ipsum in prædicamento quando: imò ratio arguit oppositum non propositum. Nam ævum assimilatur ipsi, sed non assimilatur ei in his, propter quæ facit prædicamentum; sed in illis est ei dissimile: ideò ex hoc nō arguitur, quòd ævum faciat per se prædicamentum, sicut quando. Et nec per hoc probatur, quòd reducatur ad prædicamentum quando, cum non fundetur super re, quæ sit accidens, sicut fundatur quando. Ad 8. dicendum, quòd benè arguitur, quòd ævum nō pertinet ad prædicamentum quando: quia non est in ævo ille modus varietatis, qui est in quando; tamen non propter hoc concluditur, quòd faciat per se prædicamentum: quia, ut patuit, ævum non habet ea, quæ requiruntur ad faciendum prædicamentum. Ad 9. dicendum, quòd ævum se habet ad æviterna, sicut tempus ad temporalia: quia sicut tempus est mensura temporalium, ita ævum est mensura æviterno-

rum: hæc tamen similitudo non est similitudo per omnia, quia tempus non habet esse in ipsis temporalibus; sed ævum habet esse in ipsis æviternis: ideò non valet, quòd si tempus causat in ipsis temporalibus quādo, quod est aliud à tempore, quòd ævum causet in æviternis aliquod esse ævale, quod sit aliud ab ævo; sed ipsum ævum habet aliquam similitudinem cum utroque; non tamen habet similitudinem in hoc, quòd faciat per se prædicamentum, nec quòd reducatur ad prædicamentum in quo est tēpus, nec ad quādo, quod facit prædicamentum. Ad 10. dicendum, quòd ratio arguit ab insufficienti: nō enim verū est, quòd quidquid habet rationē mensuræ, vel reducatur ad prædicamentum quantitatis, vel ad prædicamentum quando, vel faciat per se prædicamentum: ævum enim nihil horum est: quia nec est in prædicamento quantitatis, nec in prædicamento quando, nec facit per se prædicamentum; sed reducitur ad prædicamentum.

QVÆSTIO V.

Verum ævum sit idem quod suum nunc, & in quo prædicamento sit?



VINTO quæritur in quo prædicamento sit ævum, utrum sit idem quod suum nunc? Et videtur, quòd ævum pertineat ad prædicamentum aliquod accidentale, quia quod

advenit alicui per se existēti, videtur pertinere ad prædicamentum accidentale; sed ævum advenit Angelo, qui est per se existens, ergo &c. Præterea: videtur, quòd ævum sit in prædicamento relationis: quia non dicit supra esse æviterni nisi ordinem quemdam; sed ex ipso ordine sumitur relationis ratio: ergo &c. Præterea: ut dicebatur, Damasc. vult, quòd se habeat ævum ad æviterna, sicut tempus ad temporalia; sed tempus, quod est mensura temporalium, est in prædicamento quantitatis: ergo & ævum pertinebit ad prædicamentum quantitatis. Præterea: ut potest haberi ex Dionys. 10. de Divin.

Damasc.

Dionys. 10.
de Divin.

NO. nom.

Phus 10.
Metaph.

nomin. sic se habet ævum ad esse, sicut tempus ad motum : sed tempus est passio motus : ergo ævum erit passio ipsius esse : sed passio , sive proprietas videtur pertinere ad prædicamentum qualitatis, ergo ævum ad qualitatem pertinebit, vel saltem pertinebit ad prædicamentum aliquod accidentale, cum passio , sive proprietas aliquod accidentale nomen. Præterea : mensurare aliquid est nos certificare de quantitate ejus : quia , ut potest haberi ex 10. Metaph. *Mensura est illud, per quod scitur quantitas rei.* Sed id , quod nos certificat de quantitate alicujus, videtur, quod pertineat ad prædicamentum quantitatis : ævum est hujusmodi, cum habeat rationem mensuræ, ergo &c. Præterea : id, quod continet tempus, oportet, quod sit quid extensum, & oportet, quod pertineat ad prædicamentum quantitatis : sed ævum continet tempus, quia erit ævum postquam cessabit tempus, ergo &c. Præterea : illud, in quo primò reservatur ratio mensuræ, est in genere quantitatis, quia ratio mensuræ ad quantitatem pertinet, & à quantitate translata est ad alia : sed inter mensuras causatas primò reservatur ratio mensuræ in ævo, cum sit mensura nobilissima, ergo &c. Præterea : in contrarium est : quod ævum idem est quod esse æviteriorum, sed esse est in prædicamento substantiæ, ergo &c.

Secunda pars
quæst.

Avicena.

Uterius autem dubitatur : utrum idem sit ævum quod nunc ejus ? Et videtur, quod sic : quia sicut se habet nunc ævi ad essentiam æviteriorum, ita se habet ævum ad esse, ergo & permutatim sicut essentia ad esse, ita nunc ad ævum : sicut Avic. videtur velle quod in simplicibus idem sit essentia & esse : ergo &c. Præterea : quod manet idem in toto aliquo, mensuratur nunc illius mensuræ, ut mobile, quia manet idem in toto motu, mensuratur nunc temporis : sed esse Angeli manet idem in toto ævo : ergo mensuratur nunc ævi. Sed dictum est, quod mensuratur ævo, ergo idem est nunc ævi, & ævum : cum utrumque mensuret unum, & idem, videlicet esse æviteriorum. Præterea : esse temporalium mensuratur nunc temporis, ergo & esse æviteriorum mensurabitur nunc ævi, cum tempus ad temporalia comparetur, sicut ævum ad æviteriora : sed dictum est, quod esse Angeli mensuratur ævo, quod esse non posset, nisi idem esset

ævum cum nunc ævi, cum utrumque mensuret ipsum esse angelicum. Præterea : nunc cujuslibet mensuræ respondet ipsi indivisibili, sed esse æviteriorum est indivisibile, ergo mensuratur nunc suæ mensuræ : igitur illud esse mensuratur nunc ævi, secundum quod dictum est, quod mensuratur ævo, ergo &c. Præterea : in ævo non est nisi unum instans : ergo ævum non dicit plus quam illud instans, quia tunc esset divisibile : idem ergo erit ævum & suum instans, cum tantum dicat unum, quantum aliud. Præterea : si duo indivisibilia sint simul, non faciunt nisi unum indivisibile : sed ævum & suum nunc sunt simul, & quodlibet est indivisibile, ergo ævum & suum nunc sunt unum & idem, quia sunt unum indivisibile. Præterea : duo sunt de ratione ipsius nunc ævi, quod mensuret existens, & quod sit indivisibile. Sed hoc habet ipsum ævum : nam ævum est mensura existentium, ut potest patere per Dionys. 10. de Div. nomin. Rursus ipsum ævum est quid indivisibile, ergo &c.

D. Dionys.
10. de Div.
nomin.

In contrarium est : quia sicut tempus ad temporalia : ita ævum ad æviteriora : loquendum est ergo de ævo æviteriorum, sicut loquimur de tempore temporalium, sed tempus quod mensurat temporalia, non est idem quod suum nunc : quia non est idem motus, quod mobile, ergo & ævum, quod mensurat æviteriora, non est idem quod nunc ejus.

RESOLVTIO.

Ævum, & si quosdam modos habeat aliorum prædicamentorum, ad substantiæ prædicamentum reducitur ; distinguiturque realiter à suo nunc.

Respondeo dicendum, quod duo sunt quæsitæ circa ævum. Videlicet, in quo prædicamento sit ævum : & quomodo se habeat ad nunc ejus. Sic ergo procedemus ad solvendum quæsitæ : quia primò adducemus rationes ostēdentes, quod ævum non potest esse nisi in prædicamento substantiæ. Secundò declarabimus, quomodo habeat esse ævum in tali præ-

prædicamento. Nam non omnia, quæ sunt in prædicamento substantiæ, sunt in eo uno & eodẽ modo, sed aliqua sunt ibi directè; aliqua per reductionem: nec omnia, quæ sunt in prædicamento substantiæ per reductionem, sunt ibi uno & eodem modo reductionis: propter quod non facit scire ævum esse in tali prædicamento substantiæ, quod diximus primò declarandum, & non sciverimus qualiter sit in tali prædicamento, quod dicebamus secundò declarandum esse. Terriò, quia aliqua argumenta probant ævum esse in prædicamento relationis, aliqua in prædicamento quantitatis: ideo declarandum erit, cum ævum sit in prædicamento substantiæ, utrum competat ei modus aliorum prædicamentorum. Ut utrum competit ei modus quantitativus, vel relativus? Quia ex hoc apparebit quid veritatis, & quid falsitatis habeant argumenta probantia ævum esse in prædicamento quantitatis vel relationis: apparebit enim, quòd illa argumenta non ostendunt ævum esse in talibus prædicamentis, sed solum arguunt, quòd habet quemdam modum talium prædicamentorum. Quartò & ultimò propter secundam quæstionem declarabimus, quomodo ævum se habeat ad suum nunc: & utrum sit idem quod nunc ejus.

Propter primum sciendum, quòd quinque rationibus possumus declarare, quòd ævum, de quo hic loquimur, non sit in alio prædicamento quàm substantiæ. Prima ratio sumitur, si consideretur ævum ex differentia substantiæ ad alia prædicamenta. Secunda verò, si consideratur, quomodo relatio facit prædicamentum. Tertia sumitur, si consideratur illud, unde sumitur ratio prædicamenti. Quarta sumitur ex parte ipsius esse, per quod reponitur ævum in prædicamento. Quinta autem & ultima sumitur ex parte ipsius ævi, de quo videndum est qualiter sit in prædicamento.

Prima via sumitur ad ostendendum propositum ex differentia substantiæ ad alia prædicamenta: differt autem substantia ab alijs prædicamentis tripliciter. Primò quia substantia non facit nisi unum prædicamentum; sed accidentia faciunt alia novem prædicamenta, ut satis potest patere ex 9. *Metaph.* ubi dividitur ens in decem prædicamenta: tanquam in ea, quæ sunt per se partes entis; ibi enim sub-

stantia accipitur tanquam unum prædicamentum; accidens verò tanquam novem prædicamenta. Secunda differentia est, quia aliter accipitur ratio prædicamenti substantiæ, & aliorum prædicamentorum, quia ratio prædicamenti substantiæ accipitur ex existere per se & secundum se; aliorum verò prædicamentorum ex existere in alio, vel ad aliud.

Tertia differentia est: quia una & eadem res, quæ secundum unam habitudinem est in uno prædicamento accidentali, potest esse in alio prædicamento accidentali; sed nunquam id, quod est in prædicamento substantiæ, potest esse in alio prædicamento: illa enim eadem res, quæ est calor, & quæ est in prædicamento qualitatis, secundum habitudinem aliam erit in prædicamento actionis, vel passionis: calor enim potest considerari, vel prout habet esse existens, & permanens in subiecto, vel prout habet esse in fieri, & in fluxu ab agente, nec est alia res calor sic, & sic acceptus; sed est solum alius, & alius modus se habendi: sicut nõ est alia aqua, quæ est permanens in vase accepta a fluvio, quàm ipsa quæ prius fluebat in fluvio, sed solum est ibi alius, & alius modus se habendi: quia aqua illa, ut erat in fluvio, erat fluens: ut est in vase, est stans. Sic & in proposito, non est alia res calor, ut perficit subiectum, & ut est permanens in subiecto, & ut in quodam fieri est ab agente inductus, nec est aliud calefactio, quàm ipse calor: eadem enim res dicitur calor, & calefactio, sed est calor, ut perficit subiectum, & ut existens, & permanens in subiecto; est autem calefactio prout cum quodam fieri, cum quadam successione est ab agente inductus, propter quod bene dictum, quod in Perier. Dicitur, quod verbi secundum se sumpta nomina sunt, Docere enim nihil est aliud, quàm ipsa doctrina: & qualificare nihil est aliud, quàm ipsa qualitas: & calefacere nihil est aliud quàm ipse calor; differt tamen, ut significatur per verbum, vel ut dicit actionem, & ut dicit formam quamdam inherenter, modo quo diximus: quia ut dicit actionem, & ut significatur per verbum, accipitur magis ut comparatur ad agens, ut habet esse in fieri & in fluxu: ut dicit qualitatem accipitur magis, ut est quædam res existens in subiecto & informans subiectum.

Forma quā-
tū ad essetia
non induci-
tur successi-
vè, sed quā-
tum ad esse
potest suc-
cessivè indu-
ci accidenta-
lis forma,

Advertendum tamen, quod cum di-
cimus: quod calefactio, & calefacere, &
calor idem sunt, oportet ibi, quod
accipiatur calefactio, non ut est re-
missio frigoris, sed ut est inductio caloris.
Advertendum etiam, cum dicimus, quod
calor habet esse in successione, & in fieri,
& quod successivè per agens inducitur in
illo subjecto, intelligendum est hoc non
de calore, quantum ad essentiam, sed
quantum ad esse: essentia enim cujuslibet
formæ simplex est, nec habet partem, &
partem, quod, veritatem habet, non
solum de substantiali forma quæ im-
mediatè conjungitur materiæ, sed et-
iam de forma accidentali, quæ est adve-
niens rei compositæ ex materia & forma.
Ideò dicitur in sex prædicamentis de for-
ma, quæ est compositioni contingens,
quod est simplici, & invariabili essentia
consistens. Quantum ergo ad essentiam
forma, quantumcumque accidentalis, nū-
quam inducitur successivè, sed semper
inducitur tota simul; quantum tamen
ad esse inducitur successivè. Nam cum
agens facit de minus calido calidum ma-
jus, non inducitur aliqua forma caloris,
sed facit quod ille calor, vel illa, & eadem
essentia caloris plus de subjecto de esse
calidi, & magis subjectum perficiat: cale-
facere ergo idem est, quod inducere ca-
lorem magis & magis perfectè: sed ca-
lor & calor ut est inductus non est alia &
alia res, & idem calor, ut est inductus,
erit calor, & calefactio, & per consequens
eadem res erit qualitas & actio. Non est
igitur inconveniens in prædicamentis ac-
cidentalibus unam & eandem rem, se-
cundum aliam & aliam habitudinem, re-
poni in alio, & alio prædicamento; sed
in prædicamento substantiæ, hoc esse nō
potest, quod una & eadē res, secundū aliā,
& aliā habitudinem sit in prædicamento
substantiæ, & in prædicamento alio. Nam
statim querimus de illo alio prædicamē-
to: utrum sit prædicamentum substantiæ,
vel non? Quod si sic: tunc erunt in sub-
stantia duo prædicamenta, quod est cō-
tra prædicta. Si autem illud aliud prædi-
camentum sit accidens, ita quod res exi-
stens in prædicamento substantiæ secun-
dum habitudinem unam, & secundum al-
liam sit in alio prædicamento, quod sit
accidens. Tunc, quod verè est, alicui acci-
der, quod est impossibile: & quia quid-
quid est in prædicamento substantiæ, se-

cundum quod hujusmodi, potest aliquo
modo dici verè esse, nihil tale potest esse
in prædicamento accidentis: cum igitur
ævum supra esse æviterni non addat rem
aliquam secundum habitudinem solam;
quia illud esse est in prædicamento
substantiæ; consequens est, quod æ-
vum in alio prædicamento esse non pos-
sit.

Secunda via ad hoc idem sumitur, si con-
sideretur ratio relationis, quomodo facit
prædicamentum: nam si aliqua ratio est
propter quam ævum ponitur in alio præ-
dicamento, potissimè hoc videtur, quod æ-
vum sit propter illum ordinem & propter il-
lam habitudinem, quam addit supra esse:
ordo autem secundum se videtur respec-
tum, & relationem quamdam importa-
re, propter quod bene dictum est, quod
si videre volumus: utrum ævum possit
collocari in alio prædicamento quam
substantiæ? Videndum est quomodo re-
latio faciat prædicamentum: constat au-
tem, quod prædicamentum relationis est
unum de novem prædicamentis acciden-
talibus. Si ergo videre volumus quomodo
facit tale prædicamentum, videndum est,
quomodo sit accidens: non est autem re-
latio accidens, ratione suæ quidditatis:
quia quantum est de se, nihil prædicat;
sed solum est ad aliud se habere. Vnde
Boëtius in libro de Trin. ait: *Ad aliquid*
verò omnino non potest prædicari. Relatio
nim non dicit rem aliquam in se, quæ
prædicetur, sed solum dicit habitudi-
nem ad aliud: ideò secundum suam en-
titatem, ut est accidens, dicit rem aliquā
inherentem: oportet ergo, si relatio non
est accidens ratione suæ quidditatis, quod
sit accidens ratione sui esse, vel ratione
sui fundamenti: propter quod si relatio
immediatè fundaretur in substantia, &
non in accidente, non esset in prædi-
camento relationis, cum dictum sit prædi-
camentum relationis esse unum de novē
prædicamentis accidentalibus. Dicemus
ergo, quod si respectus aliquis vel habitu-
do immediatè fundaretur in eo, quod est
in prædicamento substantiæ, in istis crea-
turis erit relatio secundum dici, non ta-
men pertinebit ad prædicamentū relatio-
nis: ævum ergo, quod dicit habitudinem
in ordine ad quoddam fundamentum in
ipso esse quod est in prædicamento substa-
ntiæ, nō potest pertinere ad prædicamentū
relationis, nec ad aliquod prædicamentū
acci

Secunda
tio ut æ-
vum non sit in
alio prædi-
camento
substantiæ.

Boëtius
lib. de Trin.

accidentale, cum ex nulla sui parte sit accidens.

Ex hoc autem apparere potest, quod res omnium predicamentorum, quæ ponuntur in Divinis, secundum suam quidditatem in substantiam transeunt; sola autem relatio manet secundum suam quidditatem: quod ideo est, quia res omnium aliorum predicamentorum accidentalium secundum suam quidditatem sunt accidens quoddam: ideo in Deo, ubi nihil est per accidens, omnia talia in substantiam transeunt. Sed relationem, quæ secundum suam quidditatem non est accidens, in Deo ponere possumus secundum suam quidditatem ratione propriæ quidditatis.

Invenimus quod August. dicit *Deus est sine quantitate magnus: & sine qualitate bonus*. Itaque magnitudo in Deo dicit substantiam, non quantitatem, & bonitas dicit substantiam, non qualitatem: res ergo talium predicamentorum in Deo non sunt secundum rationem suorum predicamentorum, vel ut sunt in Deo secundum rationem propriæ quidditatis in substantiam transeunt, sed de relatione non est sic, nunquam enim invenimus, quod Deus sit sine relatione Pater, quia paternitas & relatio in Divinis manet secundum propriam quidditatem.

Ex hoc etiam patere potest, quod relatio in Divinis facit aliter predicamentum, quam relatio in creaturis: nam cum dicimus in Divinis esse predicamenta duo, scilicet, substantiam, & relationem, relatio, quæ ibi dicitur facere predicamentum, non est fundata super aliquo accidente; sed relatio in creaturis, quæ facit predicamentum, non nisi super accidens fundari potest. Nam licet in Divinis relatio non sit accidens; in creaturis tamen predicamentum relationis est unum de novem predicamentis accidentalibus. Quod, quia non potest hoc competere relationi ex sua quidditate, oportet quod ei comperat ex suo fundamento sive ex suo esse: quod non esset, nisi fundata esset super accidente. Ideo omnia relativa in creaturis, vel sumuntur modo numeri, sicut duplum ad subduplum, vel modo actionis, vel passionis sicut agens, & patiens; vel modo mensuræ: quæ omnia in rebus creatis aliquod accidens respiciunt: agere enim, & pa-

ti in creaturis, non est nisi mediantibus quibusdam accidentibus; creatura enim agens semper habet aliquod accidens superadditum suæ substantiæ, per quod agit: & etiam patiens habet aliquid superadditum essentiæ, per quod patitur: substantiæ enim creatæ agendo & patiando non se activant immediatè, ut sunt quid; sed semper habent aliquid suæ essentiæ superadditum.

Ex hoc etiam patere potest, quare relatio non facit predicamentum in creaturis, ut dicatur accidens extrinsecus adveniens; illa tamen sex predicamenta dicuntur accidentia extrinsecus advenientia, quod in precedenti questione supponebatur declarandum. Nam omnia illa sex predicamenta secundum rationem suæ quidditatis, vel dicunt ipsum accidens extrinsecum, vel dicunt ipsum accidens in ordine ad extrinsecum; possunt autem predicari de re, ut actio predicatur de agente: & dicimus, quod agens agit; cum tamen, loquendo de actione transeunte, non sit in agente, sed in passio. Aliquando autem in illis sex predicamentis id, quod predicatur secundum suam rationem quidditatis, non dicit accidens extrinsecum, sed intrinsecum, sive in ordine ad extrinsecum, sicut passio predicatur de passio; & tamen passio est aliquod accidens in ipso passio, sed est tale accidens in ordine ad aliquid extrinsecum, ut in ordine ad agens: & quia omnia illa sex predicamenta secundum rationem suæ quidditatis vel predicant accidens extrinsecum, vel predicant accidens in ordine ad extrinsecum: ideo omnia illa sex predicamenta secundum rationem suæ quidditatis sunt accidentia quodammodo extrinsecus advenientia. Sed relatio secundum rationem suæ quidditatis nec est accidens extrinsecum, nec accidens in ordine ad extrinsecum: quia non est accidens secundum suam quidditatem. Imò quia tota ratio, quare relatio est accidens, sumitur ex suo esse, vel ex suo fundamento: ideo relatio non est accidens ex ordine ad aliquid extra subjectum, sed ex fundamento accidentali, quod habet in subjecto.

Ex hoc etiam patere potest, quod dato, quod ævum non esset nisi in primo æviterno, sive Angelo, & in aliis esset quasi quoddam quando ævale, quod illud quando non faceret per se predicamentum; sed

Relatio secundum suam quidditatem nec est accidens extrinsecum, nec in ordine ad extrinsecum, sicut alia sex predicamenta.

sed *quando temporale* per se prædicamentū facit: quia *quando temporale* fundatur in aliquo accidente, quia fundatur in ipsa variabilitate rerum temporalium: fundatur enim, vel in motu, vel in privatione motus, quod totum ad variabilitatem quamdam pertinet: inde est ergo, quod *quando temporale* potest per se facere prædicamentum aliquod accidentale, quia fundatur in aliquo accidente; sed *quando ævale* per se prædicamentum non potest facere: nam cum omnia novem prædicamenta sint accidentia, vel cum omne prædicamentum, aliud à substantia, sit accidens, nullum tale prædicamentū potest facere *quando ævale*. Dato quod poneremus tale *quando* in æviteris, cum huiusmodi *quando* non sit fundatum super aliquo accidente, nec huiusmodi *quando* ævale, si poneretur esse, faceret per se prædicamentum substantiæ, quia non sunt plura talia prædicamenta, sed reduceretur ad prædicamentū substantiæ, sicut & ipsum ævum ad prædicamentum substantiæ reducitur.

Tertia ratio, quare ævum sit in prædicamento substantiæ.

Tertia via ad hoc idem sumitur ex ratione prædicamenti: nam modus, qui facit prædicamentum, est modus aliquis existendi, vel se habendi non reductus in alium modum formaliter; huiusmodi autem modus, vel sumitur ex re, vel ex ordine, vel ex re sub ordine. Ex re autem ævum pertinet ad prædicamentum substantiæ, cum esse ad prædicamentum substantiæ pertineat. Ex ordine autem, vel ex habitudine, quam importat, non possumus dicere, quod ævum ad aliud prædicamentum quam ad substantiam. Nam habitudo addita rei, per quam fit aliquod per se prædicamentum, non debet esse habitudo alia ad substantiam: quia secundum hanc habitudinem, ut supra diximus, sumitur universalis ratio accidentis. Nec etiam potest esse talis habitudo ad Deum: quia ex hoc sumitur universalis ratio substantiæ creatæ per habitudinem ad Deum: sed oportet, quod talis habitudo sit ad aliquod extrinsecum creatum: ævum autem ad nihil extrinsecum creatum respectum habet: ideo si ævum dicit aliquam habitudinem supra suum fundamentum, propter illam habitudinem non faciet per se prædicamentum. Dato ergo, quod ævum esset fundatum super aliquo accidente, non tamen propter hoc faceret per se prædi-

camentum, quia non dicit ordinē ad aliquid extrinsecum, sed esset in eodē prædicamento cum suo fundamento. Attamen, si non esset ponere nisi unū ævum, & ævum esset fundatum super aliquo accidente, oporteret, quod hoc *quando ævale* esset fundatum super aliquo accidente, & nunc *quando ævale* faceret per se prædicamentum. Modus ergo accipiendi prædicamentum ex ordine vel habitudine, oportet, quod sit per respectum ad aliquid extrinsecum creatum: & quia non competit ipsi ævo, non debet ævum reponi in prædicamento ex ipso ordine, vel ex ipsa habitudine, sed ex re ipsa; & quia res illa ubi fundatur ævum, ut esse æviteris, est in prædicamento substantiæ, oportet, quod & ævum sit in prædicamento substantiæ. Si enim ævum ex sua habitudine pertinet ad aliquod prædicamentum, non pertinebit ad prædicamentum aliud, quam ad quod pertinet suum fundamentum: ex ipso ergo modo accipiendi prædicamenta, patet, quod ævum per se non facit prædicamentum, sed pertinet ad prædicamentum substantiæ.

Quarta via ad hoc idem sumitur ex ipso esse, quod est fundamentum ævi. Nam si esse istorum temporalium, quod non est esse æviteris, pertinet ad prædicamentum substantiæ, multo magis esse æviteris, quod est esse æviteris, ad prædicamentum substantiæ pertinebit. Et quia, ut sæpius dictum est, ævum supra esse æviteris non addit nisi habitudinem quamdam, oportet, quod sit in eodem prædicamento cum ejus esse, quia nulla habitudo immediate fundata super eo, quod est in prædicamento substantiæ, trahit rem illā extra prædicamentū substantiæ, sed omnis habitudo sic fundata ad prædicamentū substantiæ pertinet.

Quinta via sumitur ex ratione ævi. Videtur enim ævum se habere ad unitatem, sive ad simultatem, & ad permanentiam, sicut se habet tempus ad numerum, sive ad successionem. Nam sicut tempus est numerus ejus, quod habet esse successive, ut quod habet esse prius & posterius: sic ævum est quædam unitas, & quædam simultas ejus, quod habet esse permanentis: & sicut tempus non est numerus simpliciter; sed est numerus applicatus ad motum: ita quod nullam rem addit supra motum, sic ævum non est

Quarta ratio ad idem suadentem.

Quinta ratio pro eodem firmando.

est unitas nec simultas quęcumque, sed unitas & simultas huiusmodi esse, & nullam rem addit supra ipsum esse. Differt autem tempus ab ævo: quia illud, in quo fundatur tempus, ut motus primi mobilis, est accidens; sed illud, in quo fundatur ævum, ut esse æviterni, pertinet ad prædicamentum substantiæ. Sed constat, quod, cum habitudo fundatur super accidens, potest res propter talem habitudinem pertinere ad prædicamentum aliud, quā ipsa res secundum se: & ideo tempus non facit per se prædicamentum, quia non dicit habitudinem dependentem essentialiter ad aliquid exterius, unde possit sumi ratio prædicamenti, tamen quia habitudo, quam importat tempus, est fundata super aliquo accidente, non est inconueniens, quod tempus pertineat ad aliud prædicatum quā motus, qui est suum fundamentum: nam motus, qui est fundamentum temporis, pertinet ad prædicamentum ubi tempus verò ad prædicamentum quando. Habitudo ergo fundata in aliquo accidente potest rem trahere ad aliud prædicamentum accidentale: una enim & eadem res accidentalis secundum se potest esse in aliquo prædicamento, & ratione habitudinis superaddita poterit esse in prædicamento alio. Sed hoc in substantia non contingit, nec in his, quæ sunt in prædicamento substantiæ: quia omnes habitudines sic fundatæ reducuntur ad idem prædicamentum cum suis fundamentis. Nam si accidens non faceret nisi unum prædicamentum, semper habitudines fundatæ super aliquo accidente essent in eodem prædicamento cum suo fundamento. Nam habitudo rem, quæ est accidens, vel rem quæ est in prædicamento accidentis, non potest ponere in prædicamento substantiæ. Si ergo non esset nisi unum prædicamentum accidentis, omne accidens, & omnis habitudo fundata super accidens pertineret ad illud prædicamentum. Et quia sic est in proposito: quia substantia non facit nisi unum prædicamentum, omnis habitudo fundata super eo, quod est in prædicamento substantiæ, in eodẽ prædicamento substantiæ est, in quo ponitur esse suum fundamentum: eo ipso igitur, quod de ratione ævi est, quod sit quædam habitudo fundata super eo, quod est in prædicamento substantiæ, consequens

est, quod & ipsum ævum in prædicamento substantiæ reponatur.

Postquam autem diximus rationes ostendentes, quod ævum non potest pertinere ad aliud prædicamentum, quā ad prædicamentum substantiæ, volumus declarare, per quem modum pertineat ad tale prædicamentum, propter quod sciendum, quod aliqua possunt esse in prædicamento substantiæ, vel possunt pertinere ad prædicamentum quinque modis: nam quædam sunt in prædicamento substantiæ, vel possunt pertinere ad tale prædicamentum per se, & directè; & sic sunt in tali prædicamento omnia per se existentia, & omnia illa, de quibus essentialiter prædicatur substantia, quæ est genus.

Secundo autem sunt in prædicamento per reductionem, non quia de ipsis prædicatur substantia, quæ est genus, sed substantia quæ est analogum, & sic sunt in prædicamento substantiæ materia, & forma, quæ sunt partes substantiæ. De materia enim, & forma non prædicatur substantia, quæ est genus, loquendo enim de substantia quæ est genus, materia, non est substantia, nec forma, sed sunt partes substantiæ. Nam substantia, quæ nõ prædicatur de materia & forma, sed de cõposito, est substantia, quæ est genus: ideo Boëtius in comm. super prædicamentis, loquens de materia & forma, sive de actu & potētia ait: *Phus relictis extremis, agit de medio*: relictis enim extremis, id est, relictæ materia, & forma, vel ut loquamur generaliter, relictæ potentia, & actu, agit Phus de medio, id est, agit de substantia media, quia agit de substantia composita ex materia & forma, sive ex potentia, & actu. Innuens per hæc Boëtius, quod solum talis substantia est illa, de qua prædicatur substantia, quæ est genus, & quod solum talis substantia prædicatur ut genus: innuens etiam ex hoc, quod de materia, & forma non prædicatur substantia quæ est genus.

Tertio sunt aliqua in genere substantiæ, de quibus non prædicatur substantia, quæ est genus, nec substantia quæ est analogum, sed dicuntur talia pertinere ad prædicatum substantiæ, quia sunt actus substantiæ, & sic est in prædicamento substantiæ ipsum esse, dicemus enim, quod esse pertineat ad prædicamentum

Aliqua per-
tinere ad
prædicamē-
tum substā-
tiæ potest ef-
se quinque
modis.

Primo per se
& directè

Secundo me-
do per redu-
ctionem.

Boetius

Tertio secū-
dum quādā
similitudinē

substantiæ secundum quamdam similitudinem, sicut punctus pertinet ad prædicamentum quantitatis, punctus enim est in prædicamento quantitatis, non quia sit quantitas, sed quia est quantitatis terminus: dato enim, quod quantitas de aliquibus prædicaretur ut genus, de aliquibus autem ut analogum, sicut prædicatur substantia, quo posito nec sic, nec sic esset propriè dictum, quod punctus esset quantitas: quia semper quantitas dicit aliquid divisibile, & nihil est quantum, nisi quod est divisibile, punctus ergo non est quantitas, quia non est divisibilis: pertinet tamen punctus ad prædicamentum quantitatis, quia est quantitatis terminus: cum ergo punctus sit terminus alicujus rei extensæ, & quantitas continua essentialiter sit quædam extensio, punctus determinabit sibi idem genus quantitate continua, cujus est terminus, & erit punctus in genere quantitatis, non quia sit quantitas, sed quia est terminus quantitatis: quantitas ergo est terminata, quia ei competit habere terminum. Albedo ergo, & alia, quæ sunt in quantitate sunt terminata, & sunt tanta, vel tanta, quia sunt in quantitate, cui competit habere terminum. Terminus ergo, qui est ipsius quantitatis secundum se, non est terminus aliorum, nisi prout sunt in quantitate, vel prout sunt sub quantitate: ideo punctus non pertinet ad aliud prædicamentum, quam ad quantitatem ipsam: terminari enim vel non terminari per se est ipsius quantitatis. Nam & si infinitum esset, ratio infiniti quantitati congrueret: aliorum autem à quantitate, est terminari, vel non terminari, prout in quantitate existit. Sic & in proposito ipsis substantiis competit per se esse: nam substantiæ ideo existunt, quia habent suum accidentale esse; accidentia autem non existunt secundum se, nec competit eis habere suum accidentale esse, ideo talia existunt, quia sunt in existente: unde accidentia non sunt entia, nisi quia entis, nec existentia, nisi quia existentis: esse ergo per se & primò est ipsius substantiæ: substantia ergo est existens per suum esse; accidentia autem existunt ex eo, quod sunt in substantia, & quia sic est, esse, quod per se & primò est ipsius substantiæ, pertinet ad prædicamentum substantiæ, tanquam actus substantiæ, & tanquam id, per quod actualiter existit substantia.

Quarto modo est aliquid in prædicamento substantiæ, non tanquam substantia, nec tanquam actus substantiæ, sed tanquam habitudo aliqua fundata super ipsam, & hoc modo pertinet ad prædicamentum substantiæ nunc ævi. Nam ipsa substantia æviterni, prout habet habitudinem ad ævum dicitur *nunc ævi*: ita quod sicut ævum nullam rem addit supra esse æviterni, sed solum addit quamdam habitudinem, & quemdam modum se habendi. Sic *nunc ævi* nullam rem addit super substantiam æviterni, sed solum addit quamdam habitudinem ad ævum. Imaginabimur quidem quod ista temporalia, propter eorū variabilitatem, non habent in se ipsis unde mensurètur, ideo ipsum *quando*, quod est in temporalibus, non habet rationem mensuræ, sed solum est id, per quod temporalia mensurantur tempore, quod est temporalium extrinseca mensura; sed æviterna propter sui stabilitatem habent in se ipsis, unde mensurentur: esse enim æviterni, quia est stabile, & totum simul, ideo ut sic consideratum non dicitur ævum, quod ævum mensurat quantitatem ipsius æviterni esse, sive mensurat durationem ejus: quod mensurare nihil est aliud, quam certificare nos de ipso: ex hoc enim certificamur, quantum durat esse æviterni, & scimus ipsum perpetuò duraturum, quia scimus ipsum esse totum simul: & si aperta visione, & intellectu essentiali intelligeremus substantias separatas, & si clarè videremus quale est eorum esse, & quomodo est totum simul, statim cognosceremus, quod secundum naturæ cursum, de ratione illius esse est duratio tanta, videlicet perpetua. Sed quia illud esse sit simul, oportet nos reducere tanquam in causam in substantiam æviterni. Nam quia illa substantia est stans, & secundum suum existere, nec est subiecta variationi temporis: ideo habet suum esse totum simul; benè ergo dictum est, quod dicit Boëtius in libro de Trinitate: *Quia nunc fluens facit tempus, nunc verò stans facit eternitatem.* Sicut enim simpliciter, si est stans; participatione facit eternitatem participatam, Sicut igitur simultas in æviternis essendi nullam rem addit supra esse, sic stabilitas substantiæ in eis nullam rem addit supra substantiam: esse ergo æviterni, ut sumitur cum hac habitudine, quia est

totum simul, habet rationem eius sicut motus, ut sumitur cum hac habitudine, quia numeratur in prius & posterius, habet rationem temporis. Sic etiam substantia æterni, ut est stans, dicitur nunc ævi. Sic ipsum primum mobile, sive substantia eius, ut est fluens, dicitur nunc temporis: nunc ergo ævi supra substantiam æterni addit hanc habitudinem, scilicet, stabilitatem. Huiusmodi ergo habitudo, vel hic modus se habendi, ut quia ipsa substantia est stabilis, sive stabilitas ipsius ad prædicamentum substantiæ pertinet, tanquam habitudo aliqua fundata in ipsa substantia.

Quinto modo pertinet ad prædicamentum substantiæ aliquid, quod non est substantia, nec est actus substantiæ, nec est habitudo fundata in id, sive supra id, quod directè est in prædicamento substantiæ; sed super id, quod est ibi per reductionem, & sic pertinet ad prædicamentum substantiæ ævum. Nam ævum dicit aliquam habitudinem supra esse, quod esse non est in prædicamento substantiæ directè, sed indirectè, vel per reductionem. Primo ergo est in prædicamento substantiæ ipsa substantia per se existens, vel id, de quo directè prædicatur substantia, quod est genus. Secundo sunt in prædicamento substantiæ partes substantiæ materia, & forma. Tertio pertinet ad prædicamentum substantiæ id, per quod existit substantia, ut esse, quod est actus substantiæ. Quarto pertinet ad prædicamentum substantiæ habitudo fundata super ipsam substantiam, ut nunc ævi. Quinto, & ultimo pertinet ad prædicamentum substantiæ habitudo fundata super actum substantiæ, & pertinet ad tale prædicamentum ævum, quod dicit habitudinem fundatam super esse, quod est actus substantiæ.

Viso quomodo ævum est in prædicamento substantiæ, & ostento qualiter pertinet ad tale prædicamentum, volumus declarare tertium, videlicet, utrum habeat modum aliorum prædicamentorum? Propter quod sciendum, quod non est inconveniens rem unius prædicamenti habere modum alterius prædicamenti, & quia res multorum prædicamentorum dicunt quemdam respectum ad aliud, scientia, quæ est in prædicamento qualitatis, quæ est habitus, respectum habet ad scibile, & inde evenit illa distinctio,

quod sunt quedam relativa secundum esse, quedam verò secundum dici. Nam relativa secundum esse sunt illa, quæ secundum id, quod sunt, habent esse id prædicamento relationis, relativa autem secundum dici sunt illa, quæ secundum id, quod sunt, habent esse in aliis prædicamentis, & habent quemdam modum relativum, sicut ponimus exemplum de scientia, quæ habet quemdam modum relativum, quia dicitur relativè ad scibile, ipsa tamen secundum se est in prædicamento qualitatis; sed ista distinctio de relativis posset fieri de aliis prædicamentis: possemus enim dicere, quod est qualitas secundum esse, & qualitas secundum dici. Qualitas enim secundum esse, est id, quod secundum id, quod est, habet esse in prædicamento qualitatis, & sic sunt qualitates secundum esse, colores, sapes, & aliæ qualitates: qualitas autem secundum dici est res, quæ secundum id, quod est, non pertinet ad prædicamentum qualitatis, habet tamen quemdam modum qualem: & sic forma substantialis est qualitas secundum dici, quia habet quemdam modum qualem, prout non habet per se esse, sed est quedam perfectio materiæ: sic etiam omnes substantiæ secundæ sunt qualitates secundum dici, quia habent quemdam modum qualem, eò quod non habent per se esse, sed sunt in substantiis primis: & inde est, quod omnes secundæ substantiæ dicuntur significare quale quid, ut potest patere ex prædicamentis, quæ significant quid per modum qualem. Et sicut diximus de relatione, & qualitate, sic possemus distinguere de quantitate: quia est quantitas secundum esse, & secundum dici: quantitas enim secundum esse est id, quod pertinet ad prædicamentum quantitatis, ut linea, superficies, & cetera talia: quantitas verò secundum dici est id, quod habet quedam modum quantitativum; secundum se tamen est in prædicamento quantitatis, ut virtus secundum se quedam qualitas est; habet tamen quedam modum quantitativum, ut comparatur ad suum objectum; ideo dicimus, quod tanta virtus potest in tantum objectum: & inde est, quod virtutes dicuntur augmentari, & dicitur una virtus esse maior alia: quæ omnia ideo vera sunt, quia virtus, quæ de se est qualitas, quedam habet modum quantitativum. Secundum hoc ergo dicere possumus, quod ævum, quod secundum

Quænam sunt relativa secundum esse, & quænam sunt relativa secundum dici: quæ distinctio alia prædicamentis adaptari potest.

secundum se per reductionem pertinet ad prædicamentum substantiæ, habet tamen in modum aliorum prædicamentorum, quia habet quædam modum relativum, & quantitativum, & qualitativum: unde dici posset de ævo, quod importat relationem secundum dici.

Triplex ævi consideratio, prima ratione ipsius habitudinis & sic habet quædam modum relativum, secundum rationem ejus, quod mensurat talis habitudinis, & sic quemdam modum quantitativum habet.

Potest enim ævum tripliciter considerari, vel ratione ipsius habitudinis, vel ratione ejus, quod mensurat hujusmodi habitudinis, vel ratione ejus, in quo fundatur talis habitudinis. Si consideretur ævum ratione habitudinis, quam importat, sic habet quædam modum relativum: sic enim est quædam mensura, & dicitur relative ad mensuratum, non tamen propter hoc pertinet ad prædicamentum relationis, quia non sufficit dicere habitudinem, & importare respectum ad hoc, quod aliquid sit in prædicamento relationis; sed oportet, quod illa habitudinis, & ille respectus sit fundatus super aliquod accidens: diximus enim quod prædicamentum relationis est unum de novem prædicamentis accidentalibus, & diximus, quod relatio non habet, quod sit accidens ratione suæ quidditatis, sed ratione sui fundamenti. Ad prædicamentum ergo relationis, loquendo de tali prædicamento, prout Philo distinxerunt prædicamentum, non pertinet aliqua habitudinis, nec aliquis respectus, nisi sit fundatus super aliquo accidente. Si autem inveniatur habitudinis, vel respectus fundatus super ipsa substantia vel super aliquo, quod pertineat ad prædicamentum substantiæ, ex hoc sumitur quidam modus relativus, & illud dicetur relativum secundum dici; non autem secundum esse. Ævum ergo, si consideretur quantum ad habitudinem, quam importat, sic habet quemdam modum relativum; sed si consideretur quantum ad id quod mensurat, sic habet quædam modum quantitativum, mensurat enim quantitatem ipsius esse æviterni. Scimus enim per ævum quantum sit esse æviterni, vel quanta duratio illius esse, quia scimus eam perpetuam esse, sed quod mensurat quantitatem ipsius esse æviterni, oportet, quod illud habeat quædam modum quantitativum: ævum ergo quædam modum quantitativum habebit.

Tertia ævi consideratio prout comparatur ad ipsum esse, in quo fun-

Tertio potest comparari ævum ad ipsum esse in quo fundatur, & sic habet quædam modum qualitativum, quia ipsum esse quædam modum qualitativum habet. Si enim forma materialis, quia non

potest per se existere, sed habet esse in materia, ex hoc habet quædam modum qualitativum; & si universalis, quæ non possunt per se existere, sed sunt in particularibus, ideo habent quædam modum qualitativum: ipsum esse, quia dicit aliquid aliud, quod non potest per se existere, sed existit essentia, cujus est perfectio, oportet, quod quædam modum qualitativum habeat: & si esse habet quædam modum qualitativum, ævum quod est realiter ipsum esse, quædam modum qualitativum habebit. Patet ergo, quod ævum est in prædicamento substantiæ; habet tamen modum aliorum prædicamentorum: habet ævum modum relativum, quia importat relationem secundum dici: habet etiam modum quantitativum, quia mensurat quantitatem durationis æviterni: habet modum qualitativum, quia est realiter ipsum esse æviterni, quod est quædam qualificatio essentiae, non quod ipsum esse sit qualitas, sed quia habet quædam modum qualitativum, secundum quem modum ipsa forma substantialis est quædam qualificatio materiæ. Vnde in 5. 4. Metaph. Philo ait: *Qualitas dicitur uno modo illud per quod differt substantia ipsa.* Ergo differentia substantialis, quæ potissimè sumitur ex forma, quædam qualificatio dici potest, non quod sit in prædicamento qualitatis, sed quod habet quemdam modum qualitativum.

Ostenso, quod ævum pertinet ad prædicamentum substantiæ, non obstante, quod habeat quosdam modos aliorum prædicamentorum, restat ostendere, qualiter se habeat ævum ad suum nunc, quod erat etiam quæsitum in quæstione proposita. Possumus autem dicere, quod ævum realiter differt à suo nunc. Quod tripliciter potest declarari: primò ex his quæ mensurat: secundò ex suis subiectis: tertio ex prædicamento, ad quod reducuntur. Si enim consideremus quod mensurat nunc ævi, & quod ævum, apparebit, quod nunc ævi differt ab ævo. Nam, ut patet per Diony, ævum se habet ad esse sicut tempus ad motum: sed tempus ita se habet ad motum, quod tempus per se mensurat motum: nunc autem temporis mensurat illud, cujus motus est actus, id est mensurat mobile: nam motus est actus mobilis in eo quod mobile. Nec oportet de hoc dubitare, quod tempus mensuret motum, & nunc temporis mensurat illud, cu-

cujus actus est motus. Nā & Phis in 4. *Phys.* planè hanc sententiam innuit, videlicet, quòd tempus mensurat motum, & nunc temporis mobile: ergo in proposito, ex quo ævū mēsurat esse, quia se habet ad esse sicut tempus ad motū, oportet, quòd nūc ævi mēsuret illud, cuius esse est actus: esse autē est actus existentis in eo, quòd exiitēs. Habet enim se suo modo esse ad existens, sicut motus ad mobile: ipsum ergo nunc ævi mēsurabit ipsam existens, vel ipsam substantiā æviterni; & quia substantia æviterni est realiter differens à suo esse, ideo nunc ævi, & ævum realiter differunt. Sed qui poneret esse, & essentiam differre non re, sed intentione, oporteret, quòd ævum, & ejus nunc intentione differrent, sed quòd esse & essentia realiter differant, & quòd nō sit dare mediū inter differre re & ratione, in quæstionibus nostris de esse, & essentia diffusius diximus: & autoritate etiam haberemus dicere, quòd ævum, & suum nunc realiter differant. Secundo hoc idem sumitur, & patet, quòd ævum, & nunc ejus realiter differant ex suis subjectis, in quibus fundantur, & est hæc ratio completiva primæ.

Cavillaret enim fortè aliquis dicens, quòd diversa realiter non habeant mēsuras realiter differentes, nam omnes colores mēsurantur albo: colores enim, cum sint essentialiter, & secundum speciē differentes, mēsurantur uno colore, videlicet, albo, quòd est ejusdem speciē: mēsurantur ergo, quæ non sunt eadem speciē, eodem ejusdem speciē. Sic & in proposito diceret aliquis, quòd substantia æviterni, & suum esse, cum sint realiter diversa, possunt tamen eadem re mēsurari: nunc ergo ævi, quòd mēsurat substantiam, & ævum, quòd mēsurat esse, poterunt unam & eādem rem importare, non obstante, quòd substantia, & esse exprimunt res diversas. Sed talis cavillatio nulla esset, quia quæ mēsurantur diversa realiter, ut habent quandam analogiam, vel quandā cōvenientiā, possunt nō esse diversa; vel diversa sic accepta mēsurari possunt mēsurā nō diversa; sed quæ mēsurantur diversa, ut diversa sunt, oportet, & ipsas mēsuras diversas esse: & quia ipsi substantiæ æviterni, tanquam prima mēsurā respondet nunc ævi, & ipsi esse respondet ævum, oportet, nunc ævi & ævum, quæ sunt propriè mēsuræ realiter differentium, ad invicem realiter

differre. Sed ne hæc ratio aliquam cavillationem patiatur: dicemus, quòd ævum sic mēsurat esse, quòd fundatur in ipso tanquam in subjecto; & nunc ævi sic mēsurat substantiam æviterni, quòd fundatur in ipsa substantia tanquam in subjecto: sed quæ habent subjecta realiter differentia, oportet, & ipsa realiter differre. Si quis ergo vellet cavillare rationem primam sumptam ex parte subjecti, quia unum & idem secundum rem, secundum se in subjectis realiter differentibus esse nō poterit. Imò quia ævum sic fundatur in esse æviterni, quòd non dicit rem aliam ab hujus substantia, ex quo substantia & esse in æviternis & in omnibus creaturis realiter differunt, oportet nūc ævi & ævum, quæ non dicunt res alias in ipsis æviternis, quā eorum substantiam & esse eorum, realem differentiam ad invicem habere.

Tertio differt ævum, & nunc ejus: si consideretur prædicamentum, ad quòd reducuntur, vel si consideretur modus, secundum quem reducuntur ad prædicamentum. Nam licet ævum, & nunc ævi pertineant ad prædicamentum substantiæ; tamen, ut patuit, hoc non est eodem modo, quia nunc ævi pertinet ad prædicamentum substantiæ, tanquam habitudo fundata in eo, quòd est directè in tali prædicamento; Sed ævum pertinet ad hujusmodi prædicamentum tanquam habitudo fundata in ipso esse, quòd non est in tali prædicamento directè, sed per reductionem. Dicere enim possumus, quòd nunc ævi magis pertinet ad prædicamentum substantiæ, quā ævum. Sicut substantia æviterni magis pertinet ad prædicamentum substantiæ, quā suum esse. Nā quid quid est in aliquo prædicamento directè, magis est in prædicamento illo, quā quòd est ibi per reductionem solum. Posset enim hoc modo tertio investigari differentia inter ævum & nunc ejus, quia diversimodè pertinent vel reducuntur ad prædicamentum, in quo reponuntur.

Respond. ad arg. Ad 1. dicendum, quòd esse non advenit per se existenti: cū ipsum existens existat per esse. Hoc enim dicit existens essentiam habentē esse: non enim prius intelligimus, quòd aliquid sit existens, & postea adveniat sibi esse: quia tunc existeret priusquā existeret; cū ipsum esse actuale, de quo loquimur, sit ipsum existere; sed cetera, quæ sequuntur esse

Cavillatio.

Contra cavillationē.

Contra primam partē conclusionis.

esse adveniunt rei jam existenti: & ideo cetera talia sunt accidentia; ipsum autem esse accidens esse non potest: attamen aliquem modum accidentis habet, & essentia, cujus esse est actus, nō dicit puram potentiam: ipsa enim essentia habet tantum de actualitate, quod potest intelligi sine esse; non tamen potest actu esse, ergo non advenit existenti: nec secundum id quod est, potest inter accidentia computari: habere tamen ipsū esse aliquē modū accidentalem non est inconveniens: quia & ipsa forma materialis habet quemdam modum accidentalem, cum non possit per se existere. Ad 2. dicendum, quod ex ordine sumitur ratio relationis: verum est ex ordine secundum se; non autem est verum ex ordine includente rem. Sicut enim distinguebamus relationem à prædicamentis aliis: quia tria prædicamenta, substantia, quantitas & qualitas, dicunt ipsam rem; relatio verò dicit ipsum ordinem; reliqua verò sex prædicamenta dicunt rem sub ordine: & quia ævum non dicit ipsam habitudinem, vel ipsum ordinem solum, sed dicit rem ipsam, quia dicit ipsum esse cum quadam habitudine: ideo ad prædicamentum relationis pertinere non potest; licet enim ei competat modus aliquis relationis. Vel possumus dicere & melius, quod ex ordine sumitur prædicamentum relationis, verum est ex ordine fundato super aliquo accidente: cum ipsum prædicamentum relationis sit unum de novem prædicamentis accidentalibus; sed ævum non dicit habitudinem fundatam super aliquo accidente; sed super esse, quod est in prædicamento substantiæ. Propter quod apparet, quod ævum non solum non pertinet ad prædicamentum aliquod sex prædicamentorum dicentium rem sub ordine: quia res illa sub ordine, quā dicunt illa sex prædicamenta, cum sint accidentalia, semper est aliquod accidens; ævum autem non dicit rem accidentalem sub ordine, sed dicit esse cum quadam habitudine: & quia esse est in prædicamento substantiæ, oportet ævum in tali prædicamento reponi. Ad 3. dicendum, quod ævum se habet ad æterna, sicut tempus ad temporalia. Vel possumus loqui de ævo, sicut loquimur de tempore, est sicut & non sicut. Sic est enim ævum mensura æternorum sicut tempus temporalium; non tamen

est istud, sicut, per omnem modum: quia tempus fundatur in aliquo accidente, sed ævum fundatur super esse, quod est in prædicamento substantiæ: propter quod non valet, quod si tempus reponitur in aliquo prædicamento accidentali, cum fundamentum ejus sit accidens, quod ævum possit in aliquo prædicamento accidentali reponi. Ad 4. dicendum, quod licet tempus possit dici passio motus; tamen ævum non posset dici passio ipsius esse. Nam ad hoc, quod aliquid sit passio alicujus, oportet, quod illud sit accidens, & quod sequatur illud: & ideo quod non est accidens, quantumcumque sequatur aliud, vel fundetur in alio, non dicitur passio ejus: tempus ergo cum fundetur in accidente, oportet, quod sit accidens, & quia intellectus temporis sequitur intellectum motus, habebit se tempus ad motum, quasi passio ad subiectum. Sed oportet ibi largè loqui de passione, cum nullam rem addat tempus supra motum: ævum ergo, quia non est accidens, imò est in prædicamento substantiæ, cum nullam rem addat supra esse æterni, quod est in tali prædicamento, ideo nullatenus passio esse poterit. Ad 5. dicendum, quod illud, per quod certificamur de quantitate rei, oportet, quod habeat quemdam modū quantitativum; sed non oportet, quod sit in prædicamento quantitatis, & potissimè si quantitas illa, quæ mensuratur per talem mensuram, non sit quantitas secundum esse, sed secundum dici. Sic autem est in proposito: ævum autem, quod mensurat quantitatem durationis angelicæ, oportet, quod habeat quemdam modum quantitativum; non tamen oportet, quod propter hoc sit in genere quantitatis, maxime cum talis quantitas durationis non sit quantitas secundum esse, sed secundum dici. Imaginabimur enim, quod esse habeat quādam quantitatem durationis majorem, vel minorem, secundum quod magis vel minus datur. Sed hujusmodi quantitas durationis non est nisi quidam modus essendi, ea, quæ habent esse æternum, durant perpetuò; quæ autem non habent esse æternum, durant in esse majus vel minus secundum exigentiam sue essentiae vel naturæ habentis esse, ita quod unumquodque talium mensuratur sua periodo: talis autem quantitas durationis major vel minor nullam rem addit

supra ipsum esse, sed solum exprimit quendam modum essendi: propter quod non potest esse quantitas secundum esse, nec secundum id, quod potest esse in predicamento quantitatis: quia tunc ipsum esse esset in predicamento quantitatis, sed solum erit quantitas secundum dici, vel solum erit ibi quidam modus quantitativus, qui ipsi esse, & aliis rebus à quantitate potest competere. Sic autem pertinere ævum ad quantitatem, quia sit quantitas secundum dici, vel quia importat quemdam modum quantitativum, in principali solutione concessimus. Ad 6. dicendum, quod ævum continet tempus non quantitativè, quia sit quantitas circundans, sed invariabiliter assistens: est enim ævum, & erit cum toto tempore, & etià erit, quando desinet esse tempus, non quod ipsum ævum protendatur successivè, sicut protenditur tempus, & nec quod habeat partem post partem, sicut habet tempus: sed quia invariabiliter stans durat, quamdiu durat tempus, & durabit, cum cessabit motus primi mobilis, & per consequens durabit, quando cessabit tempus. Et quia erit ævum postquam desinet esse tempus, ideo ipsum dicitur continere: sed propter hoc non arguitur, quod sit quantitas, sed quod habeat quemdam modum quantitativum. Ad 7. dicendum, quod aliquid transferri de uno ad aliud, potest esse secundum se, vel secundum impositionem nominis: secundum se enim, sive secundum id, quod res est lux, reperitur primò in spiritualibus, quàm in corporalibus. Nam cum nomen lucis ab elucidando, & declarando, sive à manifestando sit positum, hoc primò reperitur in substantiis separatis, quàm in istis corporalibus: quia illa sunt manifestissima in natura, ut potest patere ex 1. *Metaph.* sed fortè quantum ad impositionem nominis, quia nobis primò nota sunt ista corporalia, nomen lucis à corporalibus translatum est ad spiritualia. Sic & in proposito dici potest, ut quantum ad id, quod importat mensuram, vel quantum ad id quod est certificari, magis reperitur in æviteris, quàm in istis corporalibus: illa enim æviteria, & si non sunt certiora nobis, tamen secundum naturam majorem certitudinem dant de se ipsis per ea, quæ habent in se ipsis, quàm ista corporalia: nomen ergo mensuræ reperitur primò in quantitate, quæ

in æviteris, quantum ad impositionem nominis: tamen in ipsis æviteris prius, & nobiliori modo reperitur ratio mensuræ: sed propter tale prius reperiri, non requiritur, quod mensura, quæ est in æviteris, sit in genere quantitatis. Dato tamen, quod secundum rei veritatem translatum esset nomen mensuræ à quantitate discreta ad ævum. Non tamen propter hoc oporteret, quod ævum esset in predicamento quantitatis: quia non omnia, quæ transferuntur ratione mensuræ, sunt in tali predicamento.

Ad id autem, quod ulterius quærebatur: utrum ævum sit idem quod suum nunc? Patet quod non. Propter quod solvenda sunt argumenta concludentia oppositum,

Respond. ad arg. Ad 1. ergo in contrarium dicendum, quod in simplicibus est idem essentia & esse. Verum est in omnino simplicibus, propter quod in Deo, in quo est summa unitas, qui est summe simplex, ubi nulla est compositio, realiter idem est esse & essentia: sed æviteria non sunt omnino simplicia: ideo in eis differt essentia & esse. Dictum autem Avicennæ potest salvari, ut sit dictum per quamdam comparisonem: nam in ipsis simplicibus non ita differt esse & essentia, sicut in rebus corporalibus: nam essentia rerum corporalium, quia habent in se materiam, quæ de se est potentia pura, valde differt ab esse, quod est ipse actus: sed in æviteris, ubi nihil potentiale ponimus, non ita differt essentia & esse: in simplicibus ergo idem est essentia & esse, id est, non habet tantam differentiam. Vel si accipiat omnino simplex, verum est quod dicitur: sed sic simplicia non sunt æviteria, propter quod differt in eis essentia & esse, & nunc ævi & ævum. Ad 2. dicendum: quod est idem in toto aliquo, mensuratur nunc illius mensuræ, verum est de his, quæ mensurantur mensura successiva. Nam ea, quæ fluunt, vel ipse fluxus, mensurantur tempore: idem autem, quod manet in toto fluxu, mensuratur nunc temporis: sed non est verum in mensura permanente. Non est ergo per se differentia inter mensuram, & nunc mensuræ: quod mensura mensuret id quod non manet; & nunc mensuret quod manet: quia in mensura permanente tam mensura, quàm nunc mensuratur id quod manet. Sed per se diff-

Contra secundam partem conclusionis.

ferentia inter mensuram & nunc est: quia mensura mensurat actum; sed nunc mensurat quod intelligitur subijci ipsi mensuræ: tempus mensurat motum, nunc temporis mensurat mobile, quod subternitur motui: & ævum mensurat esse æviterni, nunc ejus mensurat substantiam illi esse substratam. Ad 3. dicendum, quod esse temporalium mensuratur nunc temporis: quia illud esse non habet esse æternum, ideo habet propriam mensuram; non enim esse æviternorum potest mensurari tempore, nec nunc temporis, cum non sit quid fluxibile, sed habet suam propriam mensuram, sed quando actus habet suam mensuram ei, tunc illud, quod subternitur illi actui, mensuratur nunc illius mensuræ. Si ergo ævum mensurat esse æviterni, nunc illius mensurabit substantiam substratam illi esse: non ergo nunc ævi & ævum. Ad 4. dicendum, quod nunc mensuræ respodet ipsi indivisibili. Verum est in mensura successiva & habente partem & partem; sed in mensura, quæ est tota simul, non habente partem & partem, tam mensura, quam nunc ejus mensurat quid indivisibile: in tali mensura non est differentia inter mensuram & nunc ejus, quia unum mensurat divisibile, & aliud indivisibile: sed quia unum mensurat actum, ut ipsum ævum; aliud verò mensurat quod subternitur actui, ut nunc ævi. Ad 5. dicendum, quod in ævo non est plus, quam unum instans: nec tamen valet, quod ævum dicat plus, quam illud instans: nec valet, quod propriè dicat tantum, quia non sunt omnia comparabilia. Vnde nec propriè dicit ævum plus quam suum nunc: nec propriè dicit tantum, sed dicit aliud. Vel si dicit tantum, idest, durationem tantam, quod tantum durabit ævum æviterni, quantum & suum nunc: hoc tamen est alio modo, quia aliter competit duratio ipsi esse æviterni, & aliter substantiæ ejus. Esse ævum æviterni competit durationi tantquam ei, quod est actus substantiæ; sed substantiæ competit duratio tanquam ei, quod subijcitur ipsi esse. Si ergo est ibi tantum & tantum, & si est ibi aliqua æqualitas durationis, hoc non erit eodem modo: propter quod non erit idem ævum, & suum nunc. Ad 6. dicendum, quod si duo indivisibilia sunt simul, fiunt unum indivisibile: verum est in eodem continuo; sed non esset verum in diverso co-

tinuo, ut si duæ lineæ contiguerentur, erunt ibi duo puncta simul. Rursus cum dicitur, quod si duo indivisibilia sunt simul, faciunt unum indivisibile, oportet, quod illa duo indivisibilia sint ejusdem rationis: utrumque autem deficit in proposito. Nam in ipso æviterno non est continuitas. Rursus ævum, & nunc ævi non sunt ejusdem rationis: quia unum dicit actum, vel dicit aliquid fundatum super actum; aliud non dicit aliquid fundatum super id, quod est substratum actui. Ad 7. dicendum, quod existens dicit substantiam habentem esse: mensurare ergo existens potest esse dupliciter, vel ratione suæ substantiæ, vel ratione sui esse: ævum ergo, & nunc ejus sunt indivisibilia, sed non ejusdem rationis, ut dictum est. Rursus ævum & nunc ejus sunt mensura existentis, aliter tamen & aliter: nam ævum est mensura existentis, mensurando esse; nunc autem ævi est mensura existentis, per se & primò mensurando substantiam: non ergo est idem ævum, quod nunc ejus.

QUÆSTIO VI.

Virum nunc ævi & temporis differant realiter?



EXTO queritur: utrū nunc ævi & temporis differant realiter? Et videtur, quod sic: quia subjectū ævi est quid invariabile; subjectū temporis est variabile: sed si

corruptibile & incorruptibile non possunt esse idem realiter, quia differunt genere, variabile & invariabile idem realiter esse non poterunt. Præterea: sicut se habet ævum ad tempus, ita nunc unius ad nunc alterius: sed ævum & tempus differunt realiter, ergo &c. Præterea: nunc ævi fundatur in ipsa substantia, quæ est id, quod subijcitur ipsi esse; nunc temporis fundatur in ipso quanto, quia fundatur in mobili: non movetur autem nisi quod est quantum & divisibile; cum igitur quantitas non sit idem realiter cum ipsa substantia, nec nunc temporis erit idem realiter quod nunc ævi. Præterea: sublato tempore & nunc temporis, adhuc po-

B. in 1. d. 1. q. 1. m. 1.

potest remanere ævum & nunc ævi : A nam cælum, ut est mobile, mensurat tempus, vel nunc temporis, ut est existens mensuratur ævo, vel nunc ævi : sed cum cælum desinet moveri, non erit amplius in eo tempus, & per consequens non erit ibi amplius nunc temporis, quod satis potest haberi ex 4. Phys. si non erit

tempus, non erit nunc temporis, nec è com. converso: & etiam si non erit motus, non erit tempus. Cessante ergo motu primi mobilis, non erit tempus, nec nunc temporis; nihilominus tamen erit in ipso cælo ævum & nunc ejus: competet enim cælo, quod sit existens, postquam desinet moveri: nō ergo sunt idem realiter nunc temporis, & nunc ævi, cum unum possit esse, non existente altero. Præterea: diversorum terminatorum diversi sunt termini: sed ævum & tempus sunt diversa terminata realiter, ergo nunc ævi & nunc temporis, quæ sunt eorum termini, realiter differēt. Præterea: alia est ratio cæli, ut est substantia, quia hoc videtur pertinere ad considerationē metaphysicam; & alia, ut est mobile, quia hoc videtur pertinere ad considerationem naturalem: ergo habebit omnino aliam mensuram realiter sic & sic acceptum cælum, & per consequens habebit aliud & aliud nunc realiter differentia. Præterea: Metaphysica & naturalis Philosophia sunt diversæ scientiæ realiter: ergo hæc quæ pertinet ad considerationem earum, ut videtur, sunt realiter differentia: sed, ut dictum est, considerare de cælo, ut est mobile, & ut est in eo tempus, & nunc temporis magis videtur pertinere ad considerationem naturalem; considerare autem de eo, ut est existens, & ut est in eo ævum, & nunc ævi magis pertinet ad considerationem metaphysicam: ergo realiter differunt in cælo existere & moveri, & tempus & ævū, & nunc temporis & nunc ævi. Præterea: nunc ævi manet idem secundum rem & secundum rationem, nūc temporis non manet idem secundum rem & secundum rationem: ergo non est idem realiter hoc & illud.

In contrarium est: quod idem est Sortes, qui est existens, & currens: ergo idem est realiter cælum, quod est existens & quod movetur: sed ut est existens, fundatur in eo nunc ævi; prout movetur, fundatur in eo nunc temporis: ergo idem est realiter hoc & illud.

Præterea: plus differt nunc, quod est in una parte motus, à nunc quod est in alia parte motus, quàm nunc temporis à nunc ævi: quia nunc quod est in una parte motus, non est simul cum nunc ævi: cum ergo nunc quod est in una parte motus vel in una parte temporis, quia nunc est unum nunc realiter in toto motu, vel tempore, ut potest patere ex 4. Phys. multò magis non differt realiter nunc ævi à nunc temporis. Phus 4. Phys. com. 103.

RESOLVTIO

Nunc ævi realiter non differt à nunc temporis, sed ipsa substantia æviterni prout subicitur ipsi esse quod mensuratur ævo, est nunc ævi, & prout subicitur motui, quod mensuratur tempore, est nunc temporis.

Respond. dicēdū quod cū quæritur: utrū sit idem secundū rem nunc temporis & nunc ævi, non est intelligendum in diversis, ut si accipiatur nunc temporis in uno æviterno, & nunc ævi in alio, certum est, quod illa differunt realiter. Dicimus autem si accipiatur nunc temporis in uno æviterno, & nunc ævi in alio, quia tam nunc ævi, quàm nunc temporis non nisi in æviternis esse potest. Nam in re temporali non est nunc ævi, neque nunc temporis in tali re esse potest, ut infra in persequendo clariùs apparebit. Sed in eodem æviterno qualiter hæc se habent, investigare proposuimus: & quia ignota est nobis via ex sensibilibus & corporalibus procedere in intelligibilia, & spiritalia: idē cū cælū sit quid corporale, & sit existēs, & sit quid mobile: ut existens est in eo ævū & nunc ævi: ut quid mobile est in eo tempus, & nunc temporis. Et ex his, quæ videbimus in cælo, ascendemus ad ipsas substantias separatas, quomodo hæc duo nunc ibi se habent.

Propter quod sciendum, quod nunc ævi ad tria videtur comparari, videlicet, ad substantiam, ad esse, & ad permanentiam. Comparatur ergo primò nunc ævi ad ipsā substantiam: quia sicut ævum fundatur in ipso esse, ita nunc ævi fundatur in ipsa substantia. Comparatur secundò nunc ævi ad ipsum esse: Nam cū nunc ævi habeat per se comparisonē ad ævum, & ævū sit idem realiter, quod esse ævi.

Nunc ævi comparatur ad substantiam, ad esse, & ad permanentiam.

Triplex difficultas contra resolutionem.

aviteri, oportet, quod nunc avi habeat per se aliquam comparisonem ad esse aviteri. Tertiò comparatur nunc avi ad ipsam permanentiam: quia nunc avi non fundatur in qualibet substantia, sed in substantia stante & permanente. Ex his autem ex parte, scilicet, substantiæ, & etiã ex parte permanentiæ oriuntur dubitationes, & ex parte etiã ipsius esse. Quod non sit idem realiter nunc avi & nunc tēporis: nã si nunc avi fundatur in substantia, quia nunc temporis videtur fundari in quantitate: idẽ, ut videtur, ex parte ipsius substantiæ, in qua fundatur nunc avi, sufficienter concluditur, quod non sit idem nunc avi realiter quod nunc temporis, quod videtur fundari in quantitate. Quod autem nunc temporis fundetur in quantitate, ex hoc persuaderi potest, quod non movetur nisi partibile: cum ergo omne partibile, secundum quod huiusmodi, sit quantum, si fundatur in motu, & nunc temporis in eo quod movetur, & id quod movetur est quantum, videtur nunc temporis in quantitate fundari. Secunda difficultas oritur ex ipsa permanentia: quia si nunc avi fundatur in re permanente, nunc temporis in re fluente, non videtur idem realiter hoc, & illud.

Tertia quidẽ difficultas poterit oriri ex ipso esse: quia nunc avi habet per se comparisonẽ ad ævum, & per consequens ad esse; nunc autem temporis habet per se comparisonẽ ad tempus, & per consequens ad motum: quia non sunt idem realiter esse & motus, videtur omnino esse dicendum illa duo nunc realiter adinvicem habere differentiam. Volumus ergo his tribus vijs, ex quibus difficultas oritur, declarare, quod nõ differunt realiter nunc avi & tēporis. Ostendemus enim hoc ex parte substantiæ, ex parte permanentiæ & ex parte ipsius esse. Substantia quidem, quantum ad præsens spectat, tripliciter potest consideri. Primò, ut in ea fundatur nunc. Secundò, ut consideratur secundum se. Tertiò, ut comparatur ad accidentia. Tripliciter autem ostendemus illa nunc non differre realiter. Primò, per ea quæ dicuntur de ipso nunc temporis. Secundò, per ea quæ dicuntur de ipsa substantia. Tertiò, per ea quæ dicuntur de ipsis accidentibus.

Propter primum sciendum, quod de nunc temporis, quantum ad præsens

spectat, tria dicuntur: quorum unum est, quod nunc temporis manet idem secundum rem in toto tempore; differt autem secundum rationem. Ut potest patere ex 4. Phys. Secundò dicitur de nunc tēporis: quod fluens facit tēpus, ut patet per Boetium in libro de Trin. qui dat differentiam inter nunc temporis & nunc æternitatis, dicens: *Nunc currens facit tempus, nunc stans facit æternitatem.* Tertiò dicitur de nunc sive de ipso instanti quod non habet spatium. Ut potest patere per August. in lib. Confess. his ergo tribus vijs ex parte ipsius nunc ostendemus, quod nunc temporis fundatur in ipsa substantia.

Prima via sic patet. Nam aliter loquendum est de esse successivorum, & de esse permanentium: nam permanentia habent esse ex simultate partium; esse autem successivorum non in simultate partium, sed in ordine partium: nihil est enim de successivis nisi idem illud, in quo fundatur ordo partium successivorum, ut de motu nulla pars est, sed pro tanto dicitur motus esse, quia est illud, in quo fundatur actualiter ordo partium motus: & de tempore nulla pars est, quia quod est præteritum iam non est, quod est futurum nondum est: nulla est ergo pars temporis; sed solum est de tempore ipsum nunc in quo fundatur ordo partium temporis: illud autem, in quo fundatur ordo partium successivorum, oportet esse aliquo modo permanentem, & aliquo modo successivum: quia si esset per omnem modum permanens, nõ posset in eo fundari ordo partium successivi: quia in permanente, ut permanens est, non fundatur successio. Rursus, si illud, in quo fundatur ordo partium successivorum, esset per omnem modum successivum, haberet partem & partem: quia non est successio, nisi quia pars succedit parti: & etiam esse ejus non esset in simultate partium, sed in ordine partium: oporteret ergo respectu illius successivi dare aliquid aliud, in quo fundetur ordo partium ejus: tunc queratur de illo alio: utrum sit simpliciter & per omnem modum successivum, & utrum sit successivum non solum secundum rationem, sed etiam secundum rem: quia si sic, oporteret dare aliquid, in quo fundetur ordo partium ejus; non est autem abire in infinitum: illud ergo, in quo fundatur ordo partium successivi, non est per omnem modum successivum, nec per omnem modum

Triplex substantiæ consideratio ad præsens spectans.

4. Phys. comm.

D. Aug. in 1. Conf.

Boetius in lib. de Trin. dicitur de modo partium successivorum.

modum permanens, vel est aliquo modo manens, vel est aliquo modo non manens: quia est manens secundum rem, non autem secundum rationem: propter quod plane dicitur Phis de ipso nunc, in quo fundatur ordo partium temporis, quod est idem in toto tempore secundum rem; non idem autem secundum rationem. Nihil est enim aliud fluxus, sive illud tempus sit motus, sive sit fluxus, sive quodlibet aliud, nisi successio unius & ejusdem secundum rem; non ejusdem autem secundum rationem: in illo autem sic uno fundatur ordo partium successionis. Sic enim dicimus esse aliqua successiva, vel esse successivè aliqua, quando unum & idem, quod primum erat sub habitudine una, postea est sub habitudine alia: & quia unum aliquid est unum & idem, ideo dicitur manere secundum rem; quia verò habet aliam & aliam habitudinem, ideo dicitur non manere secundum rationem.

Hoc ergo dicemus esse ipsum nunc, aliquid quod fluit, & quod manet unum & idem secundum rem, non autem secundum rationem: hoc autem non est nisi ipsum mobile, vel id quod per se movetur. Vnde Phis in 4. *Physic.* comparat nunc temporis ad illud quod movetur, sicut tempus ad motum. Et quod tempus nullam rem addit supra motum, sed est realiter ipse motus, nunc temporis nullam rem addit supra id, quod per se movetur, sed est idem realiter, quod per se movetur. Id autem, quod per se movetur, non est ipsa quantitas, nec est aliquid quod accidens: quia quæ non habent per se esse, nec secundum naturam cursum possunt habere per se esse, non debent dici per se moveri: quod enim non habet per se esse, non movetur, nisi moto eo, in quo est; quidquid autem est tale non movetur per se, sed per accidens. Nam quod potest habere esse per se, si movetur in alio, dato quod illud sit causa, quare aliud moveatur, non dicitur moveri per se, sed per accidens: ut si homo existeret in navi, dato quod non moveretur navis, nisi haberet in se hominem existentem, nihilominus tamen, quia non movetur homo, nisi mota navi, non dicitur moveri per se, sed per accidens. Si ergo tempus est realiter ipse motus, nunc erit illud quod per se movetur, & quod per se subicitur motui: hoc autem non est aliquid quod accidens, quia, ut dictum

est, nullum accidens per se movetur, nec potest per naturam cursum accidens moveri, sed ipsa substantia primi mobilis: & quia illa est idem realiter quod nunc ævi, idem erit realiter & nunc temporis; tamen secundum rationem, & secundum alium & alium modum se habendi valde est magna differentia inter ea.

Secundò dicitur de nunc temporis, quod fluens facit tempus: hoc autem appellamus nunc temporis, quod per se est causa & principium temporis: & quia nunc fundatur in motu, & est idem realiter quod ipse motus, illud fluens facit tempus, & erit per se & primò principium temporis quod est per se & primò principium motus. Hoc autem est ipsa substantia sive ipsa natura, non autem quantitas, nec aliquid aliud accidens: ipsa enim natura sic diffinitur in 3. *Physic.* *Est principium motus & quietis per se & primò, & non secundum accidens.* Quod non competit alicui alij à substantia. Ipsum ergo nunc, quod est per se & primò principium temporis, & quod fluens facit tempus, erit idem realiter, quod ipsa substantia primi mobilis, à qua habet esse motus, qui est idem realiter quod tempus: & quia ipsum nunc ævi est idem realiter quod substantia, nunc ævi & nunc temporis unam & eandem rem important secundum habitudinem aliam & aliam.

Tertiò dicitur de nunc temporis, quod est quid indivisibile: nam licet respectu moveri, & respectu temporis oporteat dare divisibilitatem aliquam, & hoc competat toti respectu partium: quia omne quod movetur, partim est in termino à quo, & partim in termino ad quem; tamen respectu ipsius nunc, & respectu sui mutati esse, oportet dare quādam indivisibilitatem, quia ex hoc competit alicui esse in nunc & esse in mutato esse, prout secundum se totum & secundum quādam indivisibilitatem comparatur ad aliquid. Ideo ipsa nunc & ipsa mutata esse dicuntur indivisibilia: ipsum autem tempus & ipsum moveri dicitur divisibile. Indivisibilitas ergo magis se tenet ex parte nunc & ex parte mutati esse; divisibilitas autem magis ex parte temporis, & ex parte moveri. Si ergo ipsum moveri non competit per se quantitati, quod magis de se quādam divisionem importat, sed hoc dicimus per se competere ipsi substantiæ, nunc temporis quod de se quādam indivisibilitatem dicit, sicut ipsum mutatum esse,

Nunc temporis, & est principium temporis, & principium motus, consequenter que substantia primi mobilis, quæ est etiā nunc ævi: unde nunc temporis & nunc ævi unam rem dicunt, sed diversas habitudines.

Phis 2. *Phys. com.*

3.

Nunc tempus multò magis non erit idem realiter, quā
 ris indivisibi quod ipsa quantitas, sed erit idem reali-
 litatē dicit, ter, quod ipsa substantia. Si enim ipsum
 & mutatum moveri, in quo fundatur tempus quod est
 esse etiam, quid divisibile, dicimus per se competere
 sed primum ipsi substantiæ, nunc temporis, quod dicit
 est substantia quamdam indivisibilitatem, est ad sub-
 primi mobi- stantiam referendum. Diximus autem
 lis, secundū, quod nunc temporis & mutatum esse di-
 scilicet, mu- citur quid indivisibile: motus autem &
 ratū esse non dicitur quid divisibile. Quod non
 est simpliciter nūc, sic intelligendum est, quod nunc tempo-
 & de hoc nō ris & mutatum esse sint idem ita realiter,
 est quæstio, sed de nunc sicut tempus & motus: ipsum enim mu-
 primo modo acceptum. tatatum esse non debet dici simpliciter ip-
 sum nunc temporis, licet possit dici esse

Infra quæst.

9.

Phus 4.
Phyf. comm.
103.

Boetius ubi
suprà.

Phus 6.
Phyf. com.
55.

illud. Dicemus enim, quod substantia pri-
 mi mobilis dicitur esse aliud & aliud
 nunc, secundum quod est substantia alio &
 alio mutato esse; ipsum ergo mutatum
 esse simpliciter & principaliter non me-
 reretur dici nunc; sed huiusmodi nunc est
 substantia primi mobilis: aliquo tamen
 modo ipsa mutata esse merentur dici
 nunc, ut diffusius patebit in quæstione illa:
 utrum tempus, quod mensurat operatio-
 nes Angelicas; ex instantibus compona-
 tur? Cum ergo quæritur, utrum nunc tē-
 poris sit idem realiter, quod nunc ævi,
 non est quæstio de ipsis mutatis esse, quæ
 non habent rationem nunc nisi secundū
 quid, & quodam modo; sed quæstio est
 de eo, quod primò & principaliter mere-
 tur dici nunc. De quo dicit Phus in 4. *Phyf.*
 quod est unum secundum rem in toto
 tempore. Quod de ipsis mutatis esse non
 potest intelligi: quia ipsa mutata esse non
 solum secundum rationem, sed etiam se-
 cundum rē sunt alia & alia secundū alias
 & alias partes motus. De hoc etiam nunc
 loquitur Boëtius in auctoritate præallega-
 ta, quod *Currens & fluens facit tempus*. Quod
 non potest intelligi de ipsis mutatis esse:
 ipsa mutata esse non currunt, nec fluunt,
 sed sunt termini fluxus sive cursus; termi-
 ni autem motus nō moventur, ut proba-
 tur in 6. *Phyf.* loquendo ergo de nunc, ut
 de eo loquitur Phus, quod est unum, &
 idem realiter in toto motu; & ut de
 eo loquitur Boëtius, quod nostrum
 nunc, quasi currens, facit tempus: tale
 nunc non est nisi ipsa substantia primi
 mobilis, quod dicitur esse nostrum, quia
 secundum corpus ei subjecti sumus. Cum
 ergo illa substantia primi mobilis sit idem
 quod nunc ævi, patet realiter idem esse
 nunc temporis & nunc ævi.

Habito quomodo per ea, quæ di-
 cuntur de ipso nunc, probare possumus
 idem esse realiter nunc temporis quod
 nunc ævi: volumus hoc idem ostendere
 per ea, quæ dicuntur de ipsa substantia, in
 qua fundatur huiusmodi nunc. Dicitur
 enim in prædicamentis de ipsa substantia:
*Maximè verò proprium substantiæ esse vide-
 tur, cum unum & idem numero sit contrario-
 rum susceptivum esse.... & unumquodque muta-
 tionem suscipiens, susceptibile contrariorum est*
 Addit autem ibi Phus per sui mutationē
 propter opinionem, quod una & eadem
 opinio numero videtur contraria susci-
 pere: quia nunc potest esse vera, nunc
 falsa, ut si quis opinatur Sortem se-
 dere, eo sedente, vera erit; eo autem sur-
 gente, eadem opinio numero falsa
 erit. Sed hoc est sine aliqua mutatione
 opinionis, sed solum ex mutatione ex-
 terioris rei: per sui autem mutationem
 contraria suscipere est maximè proprium
 ipsi substantiæ. Addit autem ibi Simplicius
 In Commento super prædicamenta. Quod hoc est
 intelligendum per se. Quod ergo sit pro-
 prium substantiæ suscipere contraria, tria
 sunt ibi attendenda, quod sit una nume-
 ro, quod sit per sui mutationem, & quod
 sit per se: nulla enim res una & eadem
 numero per sui mutationem, & per se
 est susceptibilis contrariorum, nisi sub-
 stantia. Invenimus enim rem aliquam
 susceptivam contrariorum, sed non una
 & eadem numero, ut colores: color e-
 nim suscipit contrarias differentias, &
 quodlibet genus contrarias differentias
 suscipit. Genus enim dicit & differentia
 dicitur attamen in ipso genere, tanquam
 in potentia, fundantur, vel suscipiuntur
 contrarij actus, sive contrariæ differen-
 tiæ, ut in colore, si suscipiatur congre-
 gativum, erit color niger; si disgregativū
 erit color contrarius, ut albus: color er-
 go est capax, & susceptibilis contrariorū,
 ut disgregativi & congregativi, & albi
 & nigri: sed non est idem color nume-
 ro, qui est albus & niger, sed est idem
 genere. Invenimus etiam rem aliquam
 eandem numero suscipere contraria, sed
 hoc est sine sui mutatione, ut eadem o-
 pinio sine sui mutatione susceptiva est
 veritatis & falsitatis. Invenimus tertio rē
 unam & eadem etiam numero (ut Simplicius
 ponit exemplum) sine sui mutatione
 suscipere contraria, utputa, si eadem su-
 perficies nunc sit alba, nunc nigra, sed
 hoc

Phus in prædicamentis tradit cap. 1.

Maximè proprium substantiæ est per sui mutationem contraria suscipere cum uno numero sit susceptivum

hoc est per accidens: quia per se move-
ri, & per se alterari competit substantiæ
& non accidentibus. Formæ enim con-
tingentes, id est, advenientes cõpositioni,
id est, rei compositæ, cujusmodi sunt
formæ accidentales, simplici & invari-
bili essentia consistunt. Esse ergo rem ali-
quam susceptivam contrariorum, patet,
sed omnia hæc tria quod sit eadem res
numero, & quod hoc sit per sui mutatio-
nem, & quod hoc sit per se, soli substan-
tiæ competit: & quia hoc dicit nunc il-
lud, quod per se per sui mutationem ma-
nens idem numero suscipit contraria, cū
hoc competat soli substantiæ, ipsa substā-
tia dicitur hujusmodi nunc.

Advertendum autem secundum
Comment. in libro Meta. prima contra-
rietas est in situ, & ex contrarietate illa
sumptæ sunt contrarietates alię, loquen-
do ergo largè de contrarietate secundum
ea, quæ non possunt simul esse in eodem
subjecto, dicuntur aliquo modo contra-
rietatem habere. Dicemus, quod eo ip-
so, quod substantia cæli non potest esse si-
mul sub omnibus suis ubi, sed est succes-
sivè sub eis, est ibi aliquis modus contra-
rietatis, licet propriè in cælo non sit cõ-
trarietas: & quia esse sic sub alio & alio
ubi unum & idem numero per sui mu-
tationem, loquendo per se, competit ip-
si substantiæ cæli, idè ipsa substantia cæ-
li habet rationem nunc, quia hoc intelli-
gimus nomine ipsius nunc, rem videlicet
illam, quæ habet istas condiciones respec-
tu primi mobilis sive motus.

Ostenso, quomodo per ea quæ di-
cuntur de nunc, quod hoc fundatur in
ipsa substantia, & per ea quæ dicun-
tur de ipsa substantia, oportet nos pone-
re, quod substantia primi mobilis sit idem
realiter, quod ipsum nunc temporis: &
per consequens, quod idem sit nunc tem-
poris, quod nunc ævi. Restat hoc quidem
declarare per ea, quæ dicuntur de ipsis ac-
cidentibus. Dicitur enim de accidentibus,
quod sunt invariabilia, & quod magis
sunt termini transmutationis, quàm sit il-
lud quod transmutatur: cum ergo nunc
temporis sit illud, quod fuit & quod trans-
mutatur, nullum accidens (loquendo
simpliciter & propriè) poterit dici nunc
temporis: sed ipsa substantia primi mobi-
lis erit hujusmodi nunc: non negamus
tamè, ut dicemus inferius, quin ipsa muta-
ta esse aliquo modo possint dici nunc: sed
non possunt dici nunc primò & principa-

liter. Nec ut diximus, mutata esse possunt
dici nunc, ut de nunc loquitur Philus, quod
manet idem realiter in toto tempore.
Nec sunt nunc, ut loquitur Boetius de
nunc, quod currens facit tempus: & ipsa
substantia primi mobilis propriè & prin-
cipaliter est ipsum nunc temporis. Cum
sæpè & sæpius dictum sit, quod ipsa sub-
stantia sit idem quod nunc ævi realiter:
erit ergo id nunc hoc, quod illud realiter.

Patet ergo prima via, quæ implicat
multas vias, videlicet, quomodo ex ipsa
substantia concludi potest, quod idem sit
realiter nunc temporis & nunc ævi, pater
enim hoc tam ex ipsa substantia, pro-
ut in ea fundatur nunc, quàm ex ipsa
substantia secundum se, quàm etiam ex
ipsis accidentibus, quæ à substantia diffe-
runt. Verùm quod intellectus hominis nõ
quiescit, & quia contra prædicta magis
multipliciter arguitur, unde sic habet ob-
jecta cõtra jam dicta aliquammodo declarare.

Supposuimus enim, quod continuativum
temporis sit aliquid extra tempus: quia ita
non continuatur linea: non enim sic li-
nea habet aliqua intrinseca sibi, quia ha-
bet puncta, quod saltem per reductionem
sunt in eodem genere cum linea; tempus
tamen, ut dicebamus, non habet conti-
nuitatē, quæ sit in eodem genere cum tē-
pore. Dicebamus enim, quod tempus
habet continuitatem à motu: motus au-
tem à mobili; mobile autem non est in
eodem genere cum ipso motu: est ergo
continuativum motus, & per consequens
tēporis, quod nõ est in eodē genere cum
motu nec cum tempore. Non autem sic
dicimus in linea: nam id, quod est conti-
nuativum lineæ, saltem per reductionem
est in eodem genere cum lineā, sed hoc
quod diximus de cõtinnatione temporis,
vel de continuatione motus, multis non
placet. Dicunt enim, quod omninò sic
oportet esse in motu, sicut est in linea: ut
sicut linea continuatur per puncta, ita mo-
tus continuatur per ipsa mutata esse. sed
planè hoc repugnat dictis Phil. volentis,
quod tempus habeat continuationem à
motu, motus autē à magnitudine, in tē-
pore & in motu quærimus continuitatē
ex aliis; sed in linea quærimus continuita-
tem non ex alio genere, sed ex divisibi-
libus proprii generis. Et ut meliùs appa-
reat quod dicitur. Tangemus triplicem
differentiam inter lineam quæ est de ge-
nere permanentium, & motū vel quod-

Contra dicta
multiplici-
citer argui-
tur.

Triplex dif-
ferentia inter
lineam per-
manentiu, &
motum.

cumque aliud, quod sit de genere successivorum. Una est: quia linea cum sit de genere permanentium habet partes simul & est continuatio sua ex simultate partium, ita quod partes lineæ simul sunt & simul continuantur; sed partes motus vel cuiuscunque alterius successivi simul non sunt, sed est ibi pars post partem: & quia simul non sunt, sed successivè, idèd sicut sunt, sic continuabuntur, ergo successivè: ut pars posterior, quia incipit esse, continuatur parti priori, quæ desinit esse successivè, si talis continuatio sic sit successivè motus. Alia differentia est, quod nunquam unum & idem secundum rem potest esse continuativum omnium partium lineæ; sed hoc potest esse in omnibus partibus motus. Nam cum linea sit tota simul, & continuatio lineæ sit accipienda ex simultate partium, si unum & idem secundum rem posset esse continuativum omnium partium lineæ, consequens esset, quod unum & idem secundum rem simul & semel posset esse in diversis locis vel diversis subiectis, vel diversis partibus lineæ, quod est impossibile. Non enim possibile est, quod unum & idem secundum rem sit simul in principio, & in fine, & in omnibus medijs punctis ipsius lineæ. Sed hoc est in ipso motu: quia unum & idem mobile, quod prius fuit in principio motus, est postea in fine motus, & fuit in omnibus partibus motus. Tertia differentia est: quia linea dicit aliquid secundum se, vel dicit aliquid absolutum; sed motus dicit aliquid in ordine ad aliud: idèd motus non est aliquid per se in genere, sed est in eodem genere cum rebus, ad quas est motus: ex ordine enim, quem habet motus ad rem, quæ perquiritur per motum, reponitur in eodem genere cum re illa. Ex his autem tribus differentiis, & potissimè ex differentia secunda patet, quod non eodem modo est accipienda lineæ continuatio, vel cuiuscunque continui successivi. Nam si linea posset habere unum & idem secundum rem continuativum omnium partium ejus, ex illo acciperetur continuatio lineæ: nam cum continua sint, quorum ultima sint simul unum: quantò illud continuum accipitur magis unum, tantò ex illo erit magis continuatio: & quia magis accipitur talis unitas, si est unum & idem secundum rem in omnibus suis partibus, idèd ubi posset hoc accipi, ex tali uno accipienda est continuatio.

Prima differentia.

Secunda differentia.

Tertia differentia.
Quia linea dicit aliquid secundum se, motus vero aliquid in ordine ad aliud.

Dicemus ergo, quod in ipso motu sunt divisibilia, ut ipsa moveri; & sunt indivisibilia, ut ipsa mutata esse: sicut in linea divisibilia, ut partes lineæ; indivisibilia, ut puncta: & semper inter duo moveri cadit unum mutatum esse: sicut inter duas lineas, sive lineæ partes cadit punctus. Attamen principale continuativum ipsius motus non sunt ipsa mutata esse, sicut principale continuativum lineæ sunt ipsa puncta: quia ipsa mutata esse sunt diversa secundum rem, & unum & idem mobile habet esse in omnibus illis mutatis esse: idèd unitas motus & continuas magis est ex ipso mobili, quod est unum secundum rem in toto motu, quam sit ex ipsis mutatis esse, quæ realiter differunt: & si sic esset in linea, quod esset unum & idem secundum rem assisteret cuilibet puncto, & connectenti quamlibet partem lineæ, ex illo acciperetur continuatio lineæ, non cum punctis: formaliter ergo motus est unus propter unitatem mobilis. Imaginabimur enim, quod mobile dum movetur, unum & idem prius existens connectit moveri prius cum moveri posteriori: ut idèd moveri prius connectitur cum posteriori, quia sunt unius & ejusdem mobilis: continuatio enim continuorum est ex aliquo alio realiter, quam sint ipsa continua, ac continuatio lineæ est ex punctis, quæ non sunt idem essentialiter cum linea, ut quia punctus connectit unam partem lineæ cum alia, idèd est continuativus lineæ: sic & mobile, quia est unum & idem in toto motu, idèd connectit unam partem motus cum alia; formaliter continuantur continua per aliquid, quod aliud est à continuis, aliter tamen & aliter: quia punctus, qui continuat lineam est in eodem genere cum lineæ; sed mobile, quod continuat motum, non est in eodem genere cum motu.

Et si volumus magis declarare quod dictum est, dicemus, quod si in linea esset dare duo genera punctorum: ut si essent ibi dare, quæ in diversis partibus lineæ essent realiter differentia, & essent ibi dare puncta, quæ unum & idem secundum rem existens assisteret omnibus partibus vel punctis, dato quod tam huiusmodi punctus non diversificatus esset in alio genere secundum rem, quam puncta diversificata, reducerentur ad genus, con-

Indivisibile quod continetur lineæ est punctus & indivisibile quod continetur motui est mobile sed punctus est in eodem genere cum linea, mobile vero cum motu

Declaratio dicti

continuarēnt lineam principalem, tamen continuatio lineæ acciperetur ex puncto nō diversificato: quia cū ibi sit maior unitas, cōsequens esset, quod ex illo puncto non diversificato esset linea magis una, & per consequens magis continua, & dato, quod illa duo genera punctorum nō pertinerent ad idem genus, sed puncta diversificata reducerentur ad genus, in quo est linea, punctus non diversificatus esset in alio genere, sic se habentibus cōditionibus, principaliter continuatio lineæ esset ex illo, quod non esset in eodem genere cum linea. Et quia sic est in motu, quantum ad mobile, & quantum ad ipsa mutata esse, ideò principaliter continuatio motus ex unitate mobilis, quod est unum in toto motu secundum rem, est; non autem ex ipsis mutatis esse, quæ in diversis partibus motus sunt principaliter differentia realiter.

Adhuc autem, quia fortè intellectus hominis non quierat, volumus magis declarare propositum, & ostendere, quod principaliter continuatio motus est ex mobili, & non ex mutatis esse: nam hoc est per se in omnibus continuis, quod id idem, quod est continuativum, est & terminativum, aliter tamen & aliter: quia ut est in actu, est terminativum; ut in potentia continuativum: ut punctus in actu lineam terminat; in potentia verò lineam continuat: nam continua, secundum quod huiusmodi, sunt ejusdem rationis in toto & in partibus: quia quælibet pars continui est continua, ut quælibet pars lineæ est linea, & quælibet pars superficiæ est superficies, & quælibet pars motus est motus, & quælibet pars temporis est tempus. In omnibus verè continuis, sive successiva, sive permanentia sint, semper partes suscipiunt predicationem totius. Dicimus autem verè continuis: quia fortè ubi non esset vera continuitas, posset hæc regula deficere: sive enim sint continua per se, sive sint cōtinua ratione subiecti, dum tamen sit ibi continuitas vera, ut quod ibi posset fieri divisio in infinitū, non enim dividit infinitum nisi in eo, quod quantum; cujuslibet autem quantitati cōtinui in eo quod quantum, semper partes sunt ejusdem rationis cum toto: & quia sic est, oportet quod illa eadem, quæ terminant partes, quod terminent totum, ut si puncta terminant partes lineæ, oportet, quod terminent ipsam lineam, dum tamen sit linea terminata;

semper enim illud, quod est continuativum continui, dum tamen sit continuum finitum, illud est inchoativum & finitivum ejus: ut si punctus continuat lineam, punctus inchoat, & finit lineam: & si posset esse unus & idem punctus secundum rem in principio, medio & fine lineæ, unus & idem punctus realiter inchoaret lineam, continuaret, & finiret. Si ergo mutatum esse esset illud, quod formaliter & principaliter continuaret motum, consequens esset, quod & mutatum esse non solum finiret; sed etiam inchoaret motum: esset ergo in motu primum mutatum esse, quod inchoaret motum, sicut est dare in linea punctum inchoantem lineam, quod esse non potest, ut patet ex Physicis: in nullo enim motu verè continuo, cujusmodi est motus localis, est dare primum mutatum esse. Si ergo volumus accipere illud, quod inchoat, continuat, & finit motum, hoc est ipsum mobile: ipsum enim mobile, ut est fluens & inchoat, & continuat, & finit localem motum, non existens aliud & aliud secundum rem, sed solum secundum rationem. Ita quod sicut inter duo puncta stat tota linea, ita inter mobile, ut est in principio motus, & ut est in motu stat motus totus huiusmodi motus. Sicut ergo nunquam imaginamur lineam finitam, nisi imaginemur eam stare inter duo puncta, videlicet, inter punctum inchoantem, & finientem: ita nunquam est motus finitus, nisi quia est inter mobile inchoans & finiens motum, & sic punctum, ut est inchoativum lineæ & finitivum, est quid in actu; ut autem est continuativum est quid in potentia: ita quod punctus in potentia continuat, punctus autem in actu terminat: & finit, vel inchoat: sicut mobile in principio motus, quia non movetur, & in fine motus, quia jam factus est motus, est quasi quid in actu: in toto autem motu est quasi quid in potentia, ideò mobile tam in principio quam in fine motus se habet ut terminativum motus, in toto autem motu se habet ut continuativum ejus: rectè enim sicut pars lineæ præcedens cōtinuatur ad partem sequentem propter unum punctum copulantem utramque partem: sic moveri præcedens copulatur ad moveri sequens propter unum mobile continuè motum, ex quo uno mobili continuatur totus motus. Benè ergo dictum est, quod motus habet continuitatē

Mobile in principio & in fine motus est quasi quid in actu & terminativum motus, in toto autem motu quasi quid in potentia, & ut continuativum motus.

Simile ad
propositum
declarandū,

à magnitudine : quia magnitudo motu
continuat ipsum motum. Et ut melius ap-
pareat, quod dicitur: imaginemur pun-
ctum aliquem fluentem super aliquo pla-
no, & suo motu deferibentem lineam, in
illo plano ubi erit duplex linea, videlicet
linea permanens, quæ est descripta in pla-
no, & linea non permanens ut motus ille
linealis, & punctus factus, quo posito li-
nea permanens inchoabitur à puncto ali-
quo in ea significato; linea ergo non per-
manens sive motus ille linearis non
poterit inchoari ibi à puncto fluente: ima-
ginabimur ergo, quòd punctus ille fluens
hoc modo causet lineam permanentem:
quia in principio motus causabit punctū
lineam inchoantem: in fine verò causa-
bit punctum lineam terminantem: in to-
to autem motu medio causabit punctum
continuantem: punctus ergo fluens in ip-
so inchoat motum linearem sive lineam
permanentem. Sicut ergo eo modo, quo
inchoat lineam permanentem, continuat
& finit ipsam, quia causando punctum in
principio, eam inchoat, causando puncta
in medio eam cōtinuat, in fine verò eam
terminat: sic dicendum est in linea non
permanente, quòd eo modo, quo eam
inchoat, ipsam finit, & continuat; sed
non inchoat eam nisi per se ipsum, non
autem per mutatum esse: quia in princi-
pio motus nullum est permutatum esse.
Sicut ergo punctus fluens fluxum illum li-
nearē vel motū illū se ipso inchoat, sic se
ipso huiusmodi motū cōtinuat, & finit: &
inchoatur, cōtinuatur, & finitur per pū-
ctacausata à pūcto fluente; huiusmodi er-
go linea permanēs à puncto, ut inchoati-
vum ipsius fluxus, oportet ei dare ali-
quid, vel aliquem punctum, vel aliquod
indivisibile, quod sit inchoativum ipsius
fluxus: tale autem inchoativum non po-
terit esse aliquid manens, ut manens: quia
fluxus, & motus, & ea, quæ sunt de ge-
nere successorum, formaliter non pos-
sunt respicere nisi sint aliquo modo suc-
cessiva: nihil ergo invenimus, quod for-
maliter possit inchoare huiusmodi mo-
tum, nisi punctum fluentem. Sed qua
ratione punctus fluens se ipso motum in-
choat, pari ratione se ipso motum con-
tinuat. Et quod dictum est de puncto, ne
fortē instemur in exemplo, intelligendū
de quocumque mobili: non enim possu-
mus dicere, quòd mobile continuat mo-
tum effective, sed mutatum esse ipsum
continuat formaliter: quia eadem ratio

Dici nō de-
bet, quòd
mobile con-
tinuat motū
effective, mu-
tatum verò
continuat
formaliter.

est de continuatione, & inchoatione. Si
ergo requireretur mutatum esse ad con-
tinuandum motum formaliter, require-
retur & mutatum esse ad inchoandum
motum formaliter, quod falsum est.
Benè ergo dictum est, quòd sicut mo-
bile se ipso motum inchoat, ut est in
principio motus: sic se ipso motum finit
in fine motus: ergo mutatum esse est fi-
nis motus: quia est illud, quod finaliter
attenditur in motu, vel illud quod fina-
liter acquiritur per motum. Sed sic non
loquimur de fine, nec de termino: non
enim punctus est finis lineæ, sicut illud
quod finaliter intenditur per lineam; sed
est finis lineæ, quia terminat ipsam li-
neam: sic autem ut terminativum, con-
tinuativum se habet mobile in motu, si-
cut puncta in linea: in Metaphysicis enim
non est finis, neque bonum, cum ergo lo-
quitur Metaphysicus, dicit punctum esse
finem lineæ; nec intelligit de fine, qui
habet rationem continui; sed de fine qui
habet rationem termini: quia ultra pun-
ctum ultimum non ulterius protenditur
linea: mobile ergo desinens moveri, se
habet tanquam finiens motum: & ulti-
mum mutatum esse se habet tanquam
finis motus, aliter tamen & aliter: quia
mutatum esse est id, quod in motu intē-
ditur, vel quod in motu acquiritur. Ra-
tio autem: omne mutatum esse præce-
dit moveri, quia semper ea, quæ sunt
ad finem executione præcedunt finem.
Quod autem sic est finis non est conti-
nuativum continui: ipsum ergo mobi-
le est continuativum motus, & compa-
ratur ad motum, sicut punctus ad lineā,
quia inchoat, continuat, & finit motū, si-
cut punctus lineam, aliter tamen & aliter:
quia unus & idem punctus secundum rē
non potest inchoare, continuare, & fi-
nire: quia cum continuatio lineæ, ut
dictum est, sit tota simul; & unus & idem
punctus secundum rem non possit esse si-
mul in principio, medio, & fine lineæ,
& diversis partibus mediis, idē oportet,
inter huiusmodi puncta realem esse dif-
ferentiam. Sed unum & idem mobile
realiter poterit hoc facere: quia conti-
nuatio motus non est tota simul, sed suc-
cessiva: & sicut unum est mobile in
toto motu, hoc est continuativum mo-
tus; ita est unum nunc realiter in toto
motu tempus, & hoc est continuativum
temporis: & sicut tempus nihil realiter
ad-

idem mobile
le potest in-
choare, & fi-
nire motū
sed unum
aus fecerit
rem non po-
test inchoa-
re, & fi-
lineam

addit supra motum; ita nunc temporis nihil realiter addit supra substantiam rei mobilis; & inde veritatem habet dictum Boëtij, quod nunc currens causat tempus, quia mobile currens sive fluens causat motum.

Advertendum tamen, quod tres dedimus differentias inter lineam, quæ est de genere continuorum, & ea quæ sunt de genere successivorum. Prima fuit, quod linea habet partes suas simul, motus autem successivè. Secunda, quod unum & idem realiter potest esse in toto motu, & in qualibet parte motus; non autem in tota linea vel in qualibet parte lineæ. Tertia, quia linea dicit aliquid absolutum vel dicit aliquid secundum se; motus autem dicit aliquid in ordine ad aliud, ut in ordine ad id, quod per motum acquiritur: ideo dicimus motum esse in eodem genere cum rebus, ad quas est motus. Ex prima autem differentia sequitur, quod tempus nihil faciat ad continuationem motus lineæ. Nam cum continuatio lineæ sit tota simul, non potest ibi intercipi tempus: nec propriè loquendo, aliquid facit tempus ad talem continuationem; sed cum continuatio motus sit successiva, in tempore secundum continuationem temporis debet esse continuatio motus. Si ergo intercipiatur tempus inter moveri & moveri: ut si mobile moveatur, & pauset per tempus & postea incipiat moveri, huiusmodi motus non erit continuus. Ex Secunda autem differentia sequitur, quod continuatio lineæ non possit esse per unum & idem secundum rem, sicut continuatio motus. Ex tertia autem differentia sequitur, quod continuatio lineæ non sit ex ordine ad aliquid unum, quod interdatur per lineam, & quod acquiritur per ipsam, sicut continuatio motus. Nam ad continuationem motus facit unitas rei, ad quam est motus: ideo ad albedinem & nigredinem, vel ad duas res non ad invicem ordinatas unus motus continuus esse non potest. Et inde est, quod continuativum lineæ non ponitur nisi punctus; sed ad unitatem & continuationem motus faciunt mobile & res, quæ per motum accquiruntur, ut potest patere ex 5. *Phys.* Cum ergo dicitur in 6. *Phys.* quod motus habet continuitatem à magnitudine: per magnitudinem potest intelligi tam spatium, quam motus, quam etiam magnitudo mota, quæ per huiusmodi spatium move-

tur. Omnia ergo ista tria debent concurrere ad unitatem & continuitatem motus, videlicet, unitas rei acquisitæ per motum, & continuitas temporis in quo fit motus, principaliter tamen tanquam continuativum motus est ex unimento mobilis: mobile enim magis se habet respectu motus, ut continuitas motus; sicut punctus respectu lineæ magis quam aliqua aliorum. Lineam ergo permanentem inchoat, continuat, & finit punctus, & permanens non unus & idem: lineam verò fluentem vel motum linearem inchoat, continuat, & finit punctus fluens unus & idem secundum rem: quia cum talis continuatio non sit simul unum & idem secundum rem, potest successivè in multis diversis sitibus situari. Nec insitit aliquis, quia non est dare punctum fluentem, & quod nullum impartibile movetur; quia exempla ponimus, non ut ita sit, sed ut sentiat qui addiscit. Ponimus enim, quod si punctus moveretur, inchoaret, continuaret, & finiret motum linearem vel lineam fluentem, sicut punctus permanens lineam permanentem, ut per hoc intelligamus inchoare, continuare, & finire motum.

Postquam solvimus difficultates potentium, quod unum & idem secundum rem non est continuativum motus: & dicentium, quod continuatio motus non est ex ipso mobili; sed ex mutatis esse: volumus solvere quamdam aliam difficultatem circa præfacta. Dicitur enim à magnis, quod non est unum & idem nunc secundum rem in toto tempore. Et addunt, quod dato, quod esset dare tale unum nunc, quod illud magis esset quantitas, quam substantia. Sed quia satis ostensum est, quod mobile est illud, quod continuat motum: cum sic se habeat mobile ad motum sicut nunc ad tempus, erit unum nunc realiter in toto tempore, sicut unum mobile in toto motu. Nec oportet in hoc multum insistere: quia planè hoc dicit Phis in 4. *Phys.* circa principium capite 1. de tempore. Nec sufficit solvere ad dictum Phi, si dicatur, quod ipsum mutatum esse per se & principaliter habet rationem nunc. Nec solvitur dictum Phi, si dicatur, quod mutatum esse est in toto motu, & per hoc argui, quia ipsum mutatum esse sit illud, quod dicit Phis esse ipsum nunc: quia non est unum & idem mutatum esse realiter in toto motu. Phis tamen dicit, quod est unum & idem nunc realiter

A Magnis.
Doctores
alia difficul-
tas contra di-
cta.

Phis 4. *Phys.*
cap. 1. de tem-
pore.

Nunc quod
continuat
tempus est
unum reali-
ter sicut unū
mobile,
quod conti-
nuat tempus
estque sub-
stantia primi
mobilis

Qua-
druplici ra-
tione utun-
tur ut conti-
nuatio tem-
poris & mo-
tus sit per
quantitatem.

Prima ratio.

Phus 6.
Phys. cōm.
7.

Secunda ra-
tio.

Tertia ratio.

realiter in toto tempore: consentimus A corpore mediante superficie; dicemus; quod ipsam superficiem est primo loco colorari: superficies ergo est id, quod primo coloratur: ergo a simili, quia motus fundatur in substantia tanquam mediante quantitate, quantitas est illud, quod primo & per se movetur: & quia quod per se & primo movetur, est continuativum motus & temporis, quod fundatur in motu, est illud quod magis debet dici nunc temporis, quia hæc est quantitas, ideo &c.

Quarta via talis: quod semper acci- Quarta
dens posterius fundatur in substantia, me- tio.
diante priori. Hæc via quarta in idem re-
dit cum tertia, vel est probatio viæ ter-
tiæ: ostenditur enim per hanc quartam
viam, quod accidens est prius & quanti-
tas posterius: nam quantitas est prior
quàm motus: nam amoto motu, non
amovetur quantitas: potest enim rema-
nere res quanta, etiam si non sit mota;
sed amota quantitate amovetur motus:
quia non posset res moveri, nisi esset quā-
ta: quantitas ergo prius inest substantiæ,
quàm motus: quia illud est prius, quo a-
moto, movetur aliud, non è converso.

Si ergo accidens posterius inest mediante
priori accidente, & fundatur in priori,
motus inest substantiæ mediare, & per
motus fundatur in quantitate: quantitas
ergo est illud, quod est per se mo-
bile, vel est illud, quod per se movetur:
ipsa ergo erit idem, quod nunc temporis,
si aliquid permanens idem realiter in to-
to tempore debet esse nunc tempo-
ris.

Innuunt etiam hi iidem & quintam Alia ratio
viam, quia substantia non potest moveri & sic quanta
sine quantitate; sed quantitas potest mo-
veri sine substantia, ut patet in Sacramē-
to altaris: ibi enim est accidens sine sub-
jecto, & tamen competit illi per se mo-
veri: nunc ergo temporis non dicit il-
lud, cui per se competit motus, magis
dicit ipsam quantitatē, quàm ipsam sub-
stantiam.

Ut ergo hæc difficultates, & aliæ si-
miles pateant, dicemus, quod omnia hu-
jusmodi argumenta non concludunt, sed
querunt sibi quasdam difficultates solvi.
Hoc est enim, cui magis innititur ipse
Phus. Quod illud movetur per se, quod
habet per se esse, vel quod movetur non
in alio existens. Ideo in 5. Physic. ubi in-
quit quæ moventur per se. Satis innuit, quod
quod

Tertia talis: quia accidentia fundā-
tur super ordine quodam, ita quod
unum accidens fundatur mediante alio:
unum accidens ergo erit in alio acciden-
te, tanquam in subjecto, mediante quo
habet esse in substantia, sicut color est in

quòd accidentia non moventur per se, A
est quia motus per se non est in specie, id-
est, in aliquo accidente, sed est in ligno,
idest in substantia. In 5. ergo *Physic.* volens
ostendere Phis, in quo sit motus per se
& specialiter, exemplificavit de ligno, id-
est, de substantia non de aliquo acciden-
te, dans intelligere, quòd in sub-
stantia sit motus per se, non in aliquo ac-
cidente. Nec oportet de hac veritate ul-
terius dubitare. Nam ipsa substantia, cui
potest competere motus per se, si move-
retur in alio, non moveretur per se: ut si
homo moveretur in navi, moveretur
per accidens, non obstante quòd homo
possit moveri per se. Si ergo homo non
inest naturaliter navi, & si esse hominis
non dependet ab esse navis, & tamen si
moveretur homo in navi, non dicitur mo-
veri per se, sed per accidens; multò ma-
gis accidentia, quæ naturaliter sunt con-
iuncta substantiæ, & secundum naturæ
cursum non possunt esse nisi in substan-
tia: & quia esse accidentium dependet
ex esse substantiæ, & quia accidentia non
moventur, nisi mota substantia, conse-
quens est, quòd secundum naturæ cur-
sum accidentia per se moveri non pos-
sunt. Imaginabimur ergo, quòd tempus
fundatur in motu: & quia motus est idē
realiter quod tempus: & quòd illud,
quod per se movetur, & quod per se fluit,
est illud nūc, quod causat tempus, de quo
nunc loquitur Boëtius, quòd nunc cur-
rens tempus causat. Cum ergo per se flue-
re, & per se moveri competat ipsi substan-
tiæ; accidentibus autem competat per
accidens, prout habent esse in substantia,
nullum accidens, propriè & principaliter
loquendo, debet dici nunc temporis, sed
ipsa substantia.

Sed ut solvamus singulatim ad om-
nes vias, & ad omnes rationes factas. Di-
camus: ad rationem ergo primam cum
dicitur, quòd non solum sufficit, quòd
mobile sit quantum ad hoc quòd per se
moveatur, sed oportet, quòd sit quantum
in eo quòd quantum, quia partibile in
eo quòd partibile, movetur: cum hoc
sit de ratione mobilis, quòd partim sit in
termino à quo, & partim in termino ad
quem. Dicemus, quòd si oporteret, quòd
quantum in eo, quòd tale, per se mo-
veretur, consequens esset, quòd nihil per
se moveretur. Nam cum nihil per se mo-
veatur nisi quod habet per se esse: quia

quantitas, & id, quod est per se quantum,
secundum naturæ cursum, non potest
habere per se esse, si deberet esse per se
quantum, quod per se moveretur, nihil
per se moveretur. Est enim valde mi-
rabile, quòd homo in navi moveatur
per accidens, cum homini comperat per
se esse: & quòd accidens in substantia
moveatur per se, cui secundum naturæ
cursum non potest competere per se es-
se. Hæc ergo via ad hoc deducit, quòd
nihil moveatur per se: & si nihil move-
tur per se, nihil movebitur per accidens,
cum esse per accidens reducat ad per
se: redibimus ergo ad opinionem anti-
quorum Philosophorum errantium negā-
tium omnem motum. Ut ergo veritas
pateat, dicemus, quòd ad hoc, quòd ali-
quid moveatur per se, duo requiruntur,
quòd habeat per se esse, & quòd sit quid
extensum; sed non oportet, quòd sit ex-
tensum per se ad hoc, quòd moveatur
per se: sed sufficit esse extensum per ac-
cidens ad hoc, quòd per se moveatur.
Est enim de ratione mobilis, quòd par-
tim sit in termino à quo, & partim in
termino ad quem, vel est de ratione mo-
bilis, quòd habeat partem & partem: sed
non oportet, quòd illas partes habeat per
se. Quātitas ergo nō habet per se esse, imò
secundum naturæ cursum nullo modo
habet per se esse: quia nullo modo secun-
dum naturæ cursum verum est: *quantitas
per se est.* Habere ergo partes verificatur de
quantitate, sed non verificatur de ea ha-
bere per se esse: verè enim substantia ha-
bet partes & verè extenditur extensione
quantitatis, licet enim hoc non compe-
tat per se; sed per accidens. Cum ergo
dicitur, quòd partibile, in eo quòd parti-
bile, movetur, & quòd habens partes, in
eo quòd habens partes movetur. Dice-
mus, quòd non movetur nisi habens par-
tes in eo quòd habens partes. Sed utrum
illas partes habeat per se vel per accidens,
nihil ad propositum. Verè enim (ut dici-
mus) substantia habet partes, & verè
extenditur, licet hoc sit per accidens, &
nisi haberet tales partes, non moveretur:
igitur substantia in eo quòd habet par-
tes, movetur. Propter quod apparet, quòd
ad per se moveri non eodem modo com-
paratur habere esse, & habere partes: quia
ad per se moveri omnino requiritur per
se esse; sed nō requiritur per se habere par-
tes. Sed ad hoc poterit quis sophisticare
dicens.

Ad hęc
quòd ali-
quid movea-
tur per se
duo requirū-
tur, & quòd
habeat esse
per se, &
quòd sit
quid ex-
tensum.

Sophisma
contra dicta

Evanesceit,
quia per se
est quod mo-
bile habeat
partes, sed
non quod
habeat par-
tes per se.

dicens. Si non movetur nisi habens partes, ergo secundum quod habet partes, sic movebitur. Quod ergo non est partes habens nisi per accidens, non movebitur nisi per accidens. Dicemus ergo, quod cum dicitur, quod ad per se moveri, per se requiritur habere partes: & cum dicitur, quod hoc est per se, quod mobile habeat partes, hoc est dupliciter. Nam per se est quod mobile habeat partes; sed non est per se, quod mobile habeat per se: potest enim esse mobile per se, quod habet partes per accidens. Per se enim est, quod non moveatur nisi quantum & nisi extensum; sed non est per se, quod non moveatur, nisi quantum & extensum per se: potest enim moveri per se quod est quantum & extensum per accidens, sicut movetur substantia per se, quæ tamen est quanta & extensa per accidens. Nam, ut diximus, si non moveretur per se, nisi quod est quantum per se, nihil per se moveretur, & per consequens nihil moveretur. Hoc enim posito, secundum naturam cursum, nihil posset per se moveri, quia nihil habet ista duo simul, quod sit per se extensum, & quod habeat per se esse.

Ostendemus etiam & aliam viam,

Secundo sol-
vitur prima
difficultas,
quia non est
de ratione
extensi per
se, ut est
quantitas,
quod movea-
tur per se;
sed de ratio-
ne extensi
per accidens,
est quod mo-
veatur per
se, quod est
substantia.

quod non est de ratione, quod est quantum per se, quod moveatur per se: quia si hoc esset, & si motus per se esset de ratione quantitatis, tunc quicumque artifex per se consideraret de quantitate, per se consideraret & de motu, quod videmus esse falsum: quia mathematicus per se considerat de quantitate, & tamen abstrahit à motu. Ex quo apparet quod non eodem modo comparatur esse mobile ad per se extensum, sive ad quantitatem, & esse divisibile. Nam considerans per se de quantitate, nihil considerat de motu quantitatis, ut apparet in Geometria: considerat enim de divisione ejus, quomodo ejus quantitas possit dividi, & quomodo dividatur linea, superficies, & corpus, quod est quantitas, optimè determinat Geometria. Sed qualiter talia moveantur, nullam probationem facit, sed abstrahit à motu & materia: non ergo per se dividitur, nisi quod est per se extensum, & per se est, quod artifex de se extenso, quod considerat de divisione. Sed movetur per se, quod est extensum per accidens, dum tamen illud extensum per accidens habeat esse per se: nec est per se, quod considerans de per se extenso & de quantitate, quod conside-

ret de motu, ut patet ista vera esse in Geometria. Propter quod soluta est prima ratio: quia vel recipit falsum, vel non syllogizat. Nam cum dicitur quod quantum in eo, quod quantum movetur: si intelligatur de quanto per se, ut quod non moveatur per se nisi quod est quantum per se, falsum est, quod assumitur, & ratio in materia peccat. Si verò non determinetur propositio ad quantum per se, non erit ibi similis, & erit ibi peccatum in forma. Tunc enim erit distinguendum de quanto: cum ergo dicitur, quod non movetur, nisi quantum secundum quod quantum, verum est, quod non movetur nisi quantum secundum quod aliquo modo est quantum, sive sit quantum per se, sive sit quantum per accidens, dum tamen habeat per se esse poterit per se moveri. Sed postea assumatur, quod substantia non est quanta, æquivocatur ibi in quanto, quia primò accipiebatur quantum communiter ad quantum per se & ad quantum per accidens. Sed cum postea subditur, quod substantia non est quanta, ibi accipitur quantum specialiter ad quantum per se. Hoc enim modo substantia non est quanta, nec est extensa, quia non est extensa per se; est tamen extensa per accidens.

Secunda ratio de levi solvitur: cum dicitur, quod secundum id aliquid movetur localiter, & illud est subjectum motus, secundum quod acquiritur locus, vel secundum quod acquiritur ubi: & quia hoc est quantitas, idè &c. Dici potest, quod non solum quantitas facit ad motum localem, sed etiam qualitas. Nam grave per gravitatem movetur deorsum: imaginabimur ergo, quod natura mediantibus aliquibus accidentibus est principium motus & quietis ejus in quo est, ut natura gravis mediante gravitate, & mediantem quantitate ipsius gravis, est principium quo grave moveatur deorsum, & quod quietat ibidem in tali loco motu, magis est principium ipsa gravitas, quam sit ipsa quantitas: quia gravitas magis est principium proprium motus deorsum, quam sit quantitas. Siquis ergo argueret, quod id secundum quod aliquid movetur deorsum, quod illud est subjectum motus, & quod illud est, quod per se movetur: gravitas est hujusmodi, ergo &c. Statim responderetur, quod gravitas per se esse non movetur, quia non habet per se. Propter quod nec per se est subjectum motus: potest ergo gravitas esse ratio

tiò qualiter aliquid moveatur, sed nonA potest per se moveri, nec per se esse subiectum motus: quia non habet per se esse, sic & quantitas aliquahter est ratio, quòd aliquid moveatur, eò quòd mobili dat esse partibile; nò tamē illud, quod per se movetur, nec est per se subiectū motus.

side. Dicemus ergo, quòd duo confide-
in mo randa sunt in motu, videlicet, id quod
est ratio movendi, & id quod subijcitur
motui. Quantum ad rationem movendi
tam substantia, quàm accidentia sunt ra-
tio movendi, sed magis ratio substantia,
quàm accidentia: quia accidentia sunt
in hoc, quasi organa substantiæ: substan-
tia ergo & natura est illud, quod est Ra-
tio & principium motus & quietis eius, in quo
est per se & primò, & non secundum accidens.
Et dato ergo, quòd non consideraremus
in motu nisi id, quod est ratio movendi,
adhuc esset magis attribuendum substan-
tiæ & naturæ, quæ est principium princi-
pale respectu motus, quàm ipsius accidē-
tibus, quæ se habent, ut organa substan-
tiæ vel naturæ. Et quia hoc intelligimus
per nunc, quod respectu temporis princi-
paliter habet rationem principij & cau-
sæ, idè ipsa natura vel substantia mobi-
lis magis deberet dici tale nunc, quàm a-
liquod accidens. Secundò est enim confi-
derandum in motu illud, quod per se sub-
ijcitur motui, & quod per se movetur;
hoc autem non est accidens, sed substan-
tia: quia, ut sæpius replicavimus, non
potest per se moveri, quod non habet
per se esse: moveri enim in alio semper
est per accidens: & quia hoc est nunc a-
liquid per se fluens, vel aliquid per se sub-
iectum fluxui: quia hoc non potest esse
nisi ipsa substantia, idè nunc est idem
realiter quod ipsa substantia primi mobilis.

Tertia etiam ratio de facili solve-
tur. Nam cum dicitur, quòd si accidens
fundaretur in substantia mediante alio
accidente, tunc illud accidens est subje-
ctum alterius accidentis. Si color funda-
tur in substantia mediante superficie, su-
perficie erit subiectum coloris, & erit
illud quod coloratur: propter quod vi-
detur, quòd quantitas sit illud, quod pri-
mò movetur, quia mediante quantitate
fundatur motus in substantia. Dici potest,
quòd hæc ratio non concludit intentum,
sed perit sibi quamdam difficultatem sol-
vi. Nam si motus lapidis deorsum inest
lapidi mediante quantitate. Dicemus,

quòd huiusmodi motus inest quantitati
mediante gravitate: non enim quanti-
tas moveretur naturaliter deorsum, nisi
esset gravitati conjuncta: & inde est, quòd
considerare quantitatem sine qualitate est
eam considerare præter motum, se-
cundum quod eam considerat mathe-
maticus: motus ergo inest quantitati, ut
motus lapidis deorsum inest quantitati
lapidis mediante gravitate. Nullus tamē
diceret, quòd in tali motu gravitas sit il-
lud, quod movetur per se: quare sicut
hac via non potest concludi de gravitate,
pari ratione nec poterit concludi de
quantitate, ut dicatur, quòd quantitas
B sit illud, quod movetur per se. Nec valet
si quis cavillaret, quòd gravitas non faciat
hoc, quòd lapis, & ea quæ sunt in lapi-
de, moveantur, sed facit, quòd moveā-
tur naturaliter: quia non movetur vio-
lenter, ut satis potest patere per Phum in
libro de celo & mundo. quod ergo facit ad
hoc, quòd aliquid naturaliter moveatur,
facit quòd moveatur simpliciter, secun-
dum quantitatem enim naturæ nec mo-
vetur grave sursum nec deorsum. Quali-
tas ergo in gravibus & levibus, ut in cæ-
lo, ipsa natura celi, facit ad hoc, quòd
sit motus naturalis: vel facit, quòd talia
moveantur naturaliter, & per consequēs
quòd moveantur simpliciter. Secundum
quantitatem enim naturæ movetur gra-
ve deorsum, & leve sursum: quantitas
plus ergo facit quàm qualitas, ergo quali-
tas nihil magis per se facit ad motum,
quàm ipsa quantitas. Nec sufficit, quòd
sic dicatur, quòd quātitas facit ad quam-
dam communem rationem motus: quia
nihil est in genere lapidis, quod non est
in aliqua specie. Nullus est enim motus
communis, vel nullus est motus qui
non sit naturalis, vel violentus, vel al-
io modo mixtus, quorum motuum non
possumus sufficienter assignare rationem
ex parte quantitatis. Cælum enim ex par-
te quantitatis suæ non plus habet, ut mo-
veatur ad orientem, quàm ad occiden-
tem, vel quàm ad meridiem, vel sep-
tentrionem: oportet ergo hoc reducere
in aliquod aliud principium, quod prin-
cipium, si sit qualitas, non dicemus,
quòd moveatur per se: quia non habet
per se esse. Et quia qualitas magis facit ad
talem motum, ut gravitas ad motum la-
pidis deorsum, quàm quantitas: si quan-
titas nullo modo faciat, sed quia gravitas
ma

Cavillatio.

Phus de Cæl.
& Mun. lib.
3. comm. 19.

cessitate fundatur in substantia perpetua. Si autem scimus, quod tempus deficiat, hoc non est ex sensibilibus; sed ex revelatione Divina.

Tertiū inco-
veniens.

Tertio, si tempus vel nunc temporis non fundaretur in substantia perpetua, sed in substantia temporali, esset differentia temporis sine tempore: nam omnis substantia temporalis corrumpitur in tempore. Si ergo tempus haberet esse in tali substantia, tempus corrumperetur in tempore: corrumperetur ergo in aliqua differentia temporis, utputa, in tali tempore: esset ergo illud tempus, postquam non esset tempus. Hoc etiam argumentum referendum est ad illud, quod corrumpitur naturaliter, quia omne tale corrumpitur in tempore: secundum ergo naturæ cursum tempus, de quo locuti sunt Phi, hoc unum respectu omnium temporalium non est quid temporale, & est in omni differentia temporis: quod esse non posset, si nunc temporis fundaretur in substantia temporali, vel corruptibili: oportet ergo, quod fundetur in substantia perpetua, & quia talis substantia perpetua est idem, quod nunc ævi, idem idem est realiter nunc ævi & nunc temporis. Substantia ergo perpetua, ut substantia cæli, est idem realiter, quod nunc ævi, prout est subiecta suo esse, quod est perpetuum, & quod non habet successionem: & illa eadem substantia est idem quod nunc temporis, prout subicitur motui, ubi est prius & posterius, & ubi una pars succedit alteri.

Substantia
perpetua (ut
cæli) est idem
realiter
quod nunc
ævi, prout
est subiecta
suo esse per-
petuo, & pro
ut subicitur
motui, ubi
est prius &
posterius, &
nunc tempo-
ris.

Triplex pro-
ponitur dif-
ficultas con-
tradicta.

Omnibus his enarratis, volumus solvere difficultates sumptas ex parte ipsius esse. Nam nunc ævi respicit esse, vel respicit ævum, quod fundatur super esse; nunc verò temporis respicit tempus, quod fundatur in motu: sed constat, quod nunc mensuræ comparatur ad mensuram, sicut punctus ad lineam: unus autem & idem punctus non potest esse terminus diversarum linearum, licet posset esse terminus diversarum partium linearum continuarum in eadem linea; sed diversarum linearum idem punctus esse non potest: ergo nec diversarum mensurarum erit realiter idem nunc. Rursus punctus est aliquid intrinsecum lineæ: ergo & nunc erit aliquid intrinsecum suæ mensuræ: quod ergo duo realiter differentia, sicut esse & motus, vel ævum & tempus, habeant aliquid intrinsecum sibi idem realiter, non

videtur conveniens. Tertio punctus est in eodem genere cum ævo: quia esse motus non est in eodem genere cum esse, idem idem nunc realiter in utrisque esse non poterit: quia tunc illud nunc esset in genere substantiæ, in quo est ævum, & esset in genere quantitatis, in quo est tempus, quod stare non potest: quia nihil, quod est in prædicamento substantiæ, potest esse in aliquo prædicamento accidentali.

Propter primum ergo sciendum, quod dato, quod non possit esse idem punctus respectu diversarum linearum permanentium, nec respectu diversarum linearum fluxibilium, & dato quod diversæ lineæ permanentes non possint habere eundem punctum, nec diversæ lineæ fluxibiles simul eundem punctum habere possint. Dicimus, quod dato quod sic sit, quia fortè non est inconveniens, quod sit idem punctus diversarum linearum permanentium, ut patet in duabus lineis facientibus angulum, & conjunctis ad eundem punctum. Sed quidquid sit de lineis ejusdem rationis, ut sint ambæ permanentes, vel ambæ fluxibiles: tamen non est inconveniens, quod hæ non sunt ejusdem rationis, aliquo modo habeant unum & eundem punctum: ut si punctus motus dimitteret post se vestigiū lineæ permanentis, tunc unus & idem punctus sic motus causaret duas lineas, causaret enim motum linearem, sive lineam fluxibilem, & causaret lineam permanentem. Et si exemplum hoc est dubium; tamen ad id, pro quo dicitur, non est dubium, quia eadem substantia cæli subternitur suo motui, qui est quidam fluxus, & suo esse, quod est quid permanentis: & primo modo accepta est nunc temporis, secundo modo considerata est nunc ævi. Si ergo essent duo tempora, ut si essent duo primi cæli, oporteret dare tot nunc temporis realiter differentia, quot essent tempora, & quot tales cæli: sic etiam oporteret dare tot nunc ævi realiter differentia, quot sunt æva, quod plura æva vel plura tempora in eadem re esse non possunt, loquendo de tempore, ut nos loquimur; sed propter tempus, & ævum non oportet diversificare realiter ipsum nunc: in eadē enim substantia cæli est esse & motus, sive est ævū & tempus, & per consequens eadem substantia cæli est nunc temporis & nunc ævi.

Propter

Propter secundum sciendum, quod A nunc temporis non comparatur ad tempus sicut punctus ad lineam. Nam illud, & quod principaliter continuat tempus, non est quid intrinsecum ipsi tempori, nec est in eodem genere cum tempore, sicut punctus in eodem genere cum linea. Poterit ergo nunc temporis esse idem realiter, quod nunc ævi: quia nunc temporis non est aliquid intrinsecum tempori, nec est in eodem genere cum tempore: quia mobile non est in eodem genere cum motu: propter quod soluta est etiam difficultas tertia. Posset enim in omnibus his sic formari ratio: illud quod fundatur in eadem substantia cum ipso ævo, vel cum ipso B tempore, esse habet idem nunc cum eo: sed tempus fundatur in eadem substantia celi, in quo fundatur esse sive ævum: ergo habet idem nunc, quod ævum: ipsa enim substantia celi erit idem realiter, quod hoc nunc & illud.

Ad vertendū tamen, quod fundamentum ipsius temporis possumus accipere vel tanquam aliquid non realiter differens, & sic fundatur in substantia primi mobilis, quæ per se subicitur motui. Sic etiam & de ævo esset distinguendum: fundamentum ergo tam ævi, quam tempo- C ris non realiter differens ab ævo, & tempore, est idem, quod nunc ævi, & nunc temporis, & est ipsa substantia celi, quod ergo dictum est de substantia celi, quod aliter: est idem quod nunc ævi & nunc temporis, aliter tamen & aliter: quia est nunc ævi, ut subicitur ipsi esse, quod mensuratur ævo; est autem nunc temporis prout subicitur motui, qui mensuratur tempore, intelligendum est de substantia cuiuslibet æviteri, sive cuiuslibet Angeli: ipsa enim substantia æviteri, prout habet esse, qui est idem quod nunc ævi; sed prout sub- D jicitur varijs operationibus erit idē quod nunc temporis. Sicut enim per se moveri localiter non est nisi substantiæ, quia habet per se esse; alia autē, quæ sunt in substantia, possunt esse ratio, quare substantia per se moveatur, ipsa autem per se non moventur. Sic ea, quæ sunt in substantia æviteri possunt esse ratio, quare substantia æviteri dicatur moveri secundum operationes varias, tamen est magis propria locutio, quod ipsa substantia per se sic movetur, quàm ea, quæ sunt in substantia. Ut enim in talibus reservatur ratio motus per se, non sunt referenda,

nisi ad ipsam substantiam, quia non competit alicui per se moveri, quod non habet per se esse: quantumcunque enim operatio insit Angelo mediante virtute, tamen si volumus scire, quid est illud, quod per se variatur. Dicemus, quod est ipsa substantia, quæ habet per se esse: ipsa autem virtus est organum, quare competit substantiæ talis variatio. Ire enim ab hoc in hoc: & transire ab una operatione in aliā non poterit per se competere nisi ei, quod habet per se esse: id autem, quod non habet per se esse, non transit ab hoc in hoc, nisi quia transit ad illud, in quo quiescit. Propter quod ergo benè dictum est, quod id quod est in substantia, non per se movetur, tamen poterit esse ratio quare hoc competit. Nam id quod est in substantia, & si variatur, variatur in alio: variari autē in alio, est variari per accidens: ipsa ergo substantia æviteri erit & nunc temporis & nunc ævi. Et ut melius pateat quod dicitur, dicemus, quod agere & pati est proprium substantiæ, sed in substantia, ut potentia activa per quā agat: sicut si in igne est calor, per quem calefacit, huiusmodi calor non agit, sed est ratio agendi: & sic propriè loquendo, virtus activi non agit, sed est ratio agendi, sic virtus passiva non patitur, sed est ratio patiendi: competit enim substantiæ agere & pati. Et si quodam ordine hoc fiat, ut quod unum accidens recipiatur in substantia mediāte alio, vel quod substantia transmutetur ab uno accidente in aliud, mediante aliquo priori accidente, illud accidens erit ratio, quare fiat: ipsa tamen substantia, per se loquendo, per se transmutatur: idē proprium est substantiæ, ut suprā diximus, per sui transmutationem per se, cum sit una & eadem numero, contraria suscipere. Sed si quis contendat, omninò affirmās, quod si accidēs recipiatur in substantia mediante alio accidente, illud aliud accidens & est subiectum posterioris, & competit ei alterari & transmutari secundum tale accidens. Dicemus magis concedendum esse, quod unum accidens alteri accidenti subiciatur, quàm quod accidens secundum aliud accidens transmutetur: tamen neutrum est omnino propriè dictum, quod si utrumque concedamus. Dicemus, quod scilicet, subijci & transmutari principaliter competit ipsi substantiæ, & si competit accidentibus, hoc est, in quantum sunt organa substantiarum: & quia,

quia nunc temporis non dicit quodlibet A non posset habere idem nunc realiter cū transmutatum, sed dicit transmutatum principaliter, ideò, ut diximus, ipsi substantiæ est hoc attribuendum; non autē alicui accidenti, vel alicui alij, quod in substantia habet esse. Id enim quod principaliter subijcitur motui est ipsa substantia. Secundo tamen (Domino concedente) aliqua hic dimissa poterimus disputare.

Respond. ad arg. Ad primum dicendum, quod variabile & invariabile, vel corporale & incorporale, si sumantur respectu ejusdem, oportet, quod realiter differant: non enim potest esse, quod eadem substantia secundum naturæ cursum respectu esse sit corporalis & incorporealis; sed respectu diversorum nō est inconueniens: eadem enim substantia Angeli est invariabilis, quantum ad esse, & variabilis quantum ad operationes. Ad 1. dicendum, quod non est verum, quod sic se habeat subiectum ad subiectum sicut se habet quod est in subiecto ad id quod est in subiecto: quia in eodem subiecto, ut in eadem substantia Angeli, potest fundari esse & motus: nō ergo se habet nunc ævi ad nunc temporis, sicut ævum ad tempus, vel sicut esse ad motum: & maxime quia nunc temporis dicit radicale subiectum motus, quod est principalis causa motus, hoc autem est ipsa natura & ipsa substantia: ab illa enim est inchoandum, & illa in æviteris, quantum ad operationes varias, dicitur esse nunc temporis tantum: quantum autem ad ipsum esse, cui substernitur, dicitur esse nunc ævi. Ad 3. dicendum, quod nunc temporis non fundatur in ipso quanto, nec est ipsa quantitas, ut est per habita manifestum. Ad 4. dicendum, quod, sublato tempore & nunc temporis, adhuc potest remanere ævum, D & nunc ævi: sed hoc non est, quia realiter differant nunc temporis & nunc ævi; sed hoc est propter aliam & aliam habitudinem: poterit enim contingere, quod in ipsa substantia cæli remaneat actualis habitudo ad esse, sublata actuali habitudine ad motum, quo posito, eadē substantia cæli, quæ mota dicebatur nūc temporis, non mota non meretur dici hujus nunc. Ad 5. dicendum, quod diversorum terminatorum sunt diversi termini, si termini sint quasi intrinseci, & sint in eodem genere cum ipsis terminatis, quod si verum esset, tempus

non posset habere idem nunc realiter cū ævo: sed, ut patet per habita, nunc temporis est ipsa substantia mobilis, quæ non est in eodem genere cum tempore. Ad 6. dicendum, quod de eadem re possunt considerari diversæ scientiæ: non ergo oportet, quod illud, quod pertinet ad considerationem alterius & alterius scientiæ, secundum quod huiusmodi mensuretur alia & alia mensura realiter, vel sit aliud & aliud realiter, sed sufficit, quod sit aliud & aliud secundum rationem: concessio ergo, quod sic esset, videlicet, quod cælum, secundum quod mensuratur nūc ævi, pertineret ad considerationem metaphysicam; prout autem mensuratur nunc temporis ad Physicam: quantumcumque illæ scientiæ sint realiter diversæ, non oportebit propter hoc, quod cælum, sic & sic acceptum, sit realiter diversum. Et per hoc patet solutio ad 7. Ad 8. dicendum, quod nunc temporis manere idem est secundum rem, non secundum rationem: nunc verò ævi manere idem utroque modo, non facit differentiam realem, sed solum secundum habitudinem: eadem enim substantia æviteris comparata ad esse, manet eadem secundum rem, & secundum rationem, & dicitur esse nunc ævi; comparata ad motum, manet secundum rem eadem, nō autem secundum rationem, & dicitur esse nunc temporis: idem est ergo realiter nunc ævi, & nunc temporis.

QUÆSTIO VIJ.

Verum in ævo sit successio?



SEPTIMO quæritur: utrum in ævo sit successio? Et videtur, quod sic: quia ubicumque est dare plura instantia, ibi est dare successionem: in ævo est dare plura instantia:

ergo &c. Probatio assumptæ. Nam si nō esset in ævo dare plura instantia, non posset Deus intelligentiam annihilare: quia in uno, & eodem instanti non posset intelligentia esse, & non esse: oportet ergo

go ibi dare aliud, & aliud instans, & per consequens successionem. Præterea: si in ævo non esset successio, idem esset ibi futurum esse, & præteritum fuisse; sed Deus non potest facere Angelum non fuisse: ergo non posset eum annihilare, & non posset facere ævum non futurum esse. Præterea: quia dicebatur, quod instans, in quo desiniret intelligentia esse, non pertinebit ad mensuram intelligentiæ. Contra: id, quod facit mutationem vel innovationem in esse intelligentiæ, pertinet ad mensuram ipsius intelligentiæ, sed cum incipit esse intelligentia, novitas facta fuit circa esse ejus: quia habuit esse post non esse. Rursus si annihilaretur, & desineret esse, novitas fieret ibi: utrumque ergo instans tam illud, in quo inciperet esse, quam illud, in quo desineret, pertineret ad mensuram intelligentiæ: sed hoc non potest esse unum & idem instans: quia tunc in eodem instanti haberet esse, & non esse: erit ergo aliud instans hoc & illud, & per consequens est ibi dare successionem. Præterea: dicebatur, quod si Deus annihilaret Angelum, hoc esset in alio instanti respectu temporis. Sed contra: quod si nullum tempus esset, adhuc posset Deus annihilare: oportet ergo, quod hoc Angelus non habet quod futurum est, si-
 cut nec habent quod præteritum est. Quod si verum est, oportet, quod mensuratur mensura successiva. Præterea: si Angelus haberet totum suum esse simul, omnia essent ei presentia, & per consequens omnia cognosceret: imò quia operari sequitur esse, sicut res se habet ad esse, ita se habet ad agere: si Angelus haberet totum suum esse simul, haberet omnes suas operationes simul, quod falsum est: est enim in operationibus Angeli successio, & per consequens est successio in esse ejus, & in ævo, quod mensurat suum esse. Præterea: Plato in hym. ait: *O dii deorum, quorum pater & opifex ego sum, natura vestra corruptibiles estis.* Sed corruptibilia mensurantur mensura successiva: esse ergo Angelorum, quod est quid corruptibile, mensurabitur mensura successiva. Præterea: secundum Authorem de causis intelligentiæ parificatur æviterni æternitati, & extenditur secundum eam: sed duratio, quæ habet extensionem, oportet, quod habeat successionem: si enim esse Angelicum esset simplex, esset totum simul; si autem habeat extensionem, ut inquit Author de causis, non est totum si-

B

C

D

D. Anselm.
 Profolog.
 cap. 20.

Plato:

Author de
 Causis propo-
 sitione 1.

simul, & per consequens est quid successivum, & mensuratur mensura successiva. Præterea: esse est ejusdem rationis in omnibus creaturis: quia omnis creatura habet esse participatū; quod si esse in aliquibus creatis est conjunctum transmutationi vel motui, hoc videtur esse per accidens quantum ad ipsum esse: igitur ipsum esse creatum mensurabitur eadem mensura quantum ad omnes creaturas: sed huiusmodi esse in rebus corruptibilibus mensuratur mensura successiva, & mensuratur mensura fluxibili. In istis itaque æviteris habebit esse eandem mensuram, scilicet, successivam & fluxibilem.

In contrarium est: quod *Mensura semper est unigena mensurato*. Ut dicitur in 10. Meta. sed in esse æviterorum non est successio, cum huiusmodi esse sit simplex, & nō habeat partem & partem: ergo non in ævo, quod mensurat esse tale, poterit esse successio. Præterea: secundum Diony. 10. de Div. nom. *Proprietas est seculi*, id est, ævi, antiquum & invariabile statum verum totum metiri, sed quod est tale non habet successione, ergo &c.

10. Meta.
cap. 2. com.
4.

Diony. 10.
de Div. nom.

RESOLVTIO.

Proprie loquendo in ævo non est successio: intelligimus tamen successione non partis post partem, sed quantum ad esse totum post non esse, & secundum relationem rationis: & tale ævū nec desinet esse secundum partem, nec secundum totum nisi solum in potentia: participatque conditionem illam æternitatis, scilicet, totum secundum totum metiri: & non est variabile in esse secundum naturæ cursum, sed solum ex subtractione Divinæ influentiæ.

Respondeo dicendum: quod in hac questione sic procedemus, quia primo, ne laboremus in æquivoco circa prius & posterius, declarabimus, quomodo in aliqua mensura possit esse prius & posterius: propter quod apparebit qualiter in ævo habeat esse prius & posterius: postea adducemus ea, quæ faciunt difficultatem in hac materia, & solvemus illa. Tertiò adducemus rationes ad propositū ostendentes, quod in ævo non sit successio.

Propter primum sciendum, quod prius & posterius in aliqua mensura potest

esse dupliciter, vel in se, vel in ordinē ad aliud. In ordine enim ad aliud nō est inconveniens etiam in ipsa æternitate assignare prioritatem & posterioritatem: habet enim æternitas prioritatem & posterioritatem respectu omnium mensurarum. Est enim Deus ante omnia & post omnia ista, itaque regnabit in æternum & ultra. In his enim quæ se habent sicut causa & causatum, dato quod sint coæva, & simul esse incipiant, semper causa est causato prior natura, ut si simul fuisset ignis & splendor, ignis tamen fuisset natura prior splendore, & si mūdus potuisset esse ab æterno, & Deus ab æterno ipsum fecisset, adhuc benè dictum esset, quod Deus fuisset ante mundum non duratione sed natura: sicut causa est ante causatum. Et sicut loquimur ex parte ante, sic loquendum est ex parte post. Nam sicut causa est semper ante effectum; & si inciperent simul causa & effectus, natura tamen prius intelligemus fuisse causam, quàm effectum: sic dicendum est ex parte post, quia si simul desineret causa & effectus, prius intelligeretur desinere effectus, quàm causa. Sicut ergo causa natura est ante suum effectum, sic est post suum effectum: sic si mūdus vel creatura fuisset ab æterno, adhuc Deus fuisset ante mundum. Sic non obstante, quod creatura universaliter nunquam desinat esse; benè tamen dicitur, quod Deus durabit ultra omnem creaturam: propter quod benè dictum est, quod Deus regnabit in æternum & ultra omnem creaturam: imò in æternitate respectu alterius mensuræ non solum est prius & posterius: ut dicamus ipsam æternitatem esse ante omnia & post omnia, sed etiam quia ipsa æternitas assinit mensuræ successiva, idē de ipso Deo æterno prædicamus verba successiva, dicentes, quod Deus fuit, Deus est, Deus erit, quod non aliud sonat, quàm si diceremus, quod Deus immotus in se manens assinit omnibus differentiis temporis, ut de eo possumus dicere, quod fuit, est & erit: talis enim successio nō est in ipso Deo, sed existens mensura successiva, cui assinit Deus, vel est in imagine nostra, prout hoc modo imaginamur Deū. Inde est ergo, quod ipse Dionys. videns nullā talē successione esse in Deo, omnia huiusmodi tempora denotantia successione negat à Deo, dicens de Div. nom. cap. 9. *Deus D. neque erat neque erit aut potius neque est. In cōpa- ratione igitur ad mēsuras alias nō est incō-*

Prius & posterius
mensuræ
relat. esse
in se, vel
ordinē ad
aliud hoc
cundo
do enim
ipsa æ
tate
assignat
prioritatem
tate.

Deus D.
9. de Div.
nom.

veniens

veniens in ævo esse prioritatem & poste- A
rioritatem, ut dicamus, ævum esse ante
tempus, & quod erit post tempus. Et sic
non est inconueniens, quod tempora de-
notantia successionem prædicentur de æ-
viterno: ut dicemus, quod Angelus fuit,
est, & erit secundum quem modum pos-
sumus talia verba negare ab æviterno, ut
dicamus, quod Angelus nec fuit, nec est,
nec erit: præterito enim ibi succedit præ-
sens, & præsens, quod succedit præsen-
tito, & futurum, quod succedit præsen-
ti, propriè per se loquendo, negantur ab esse
Angelico. Verum est enim, quod Deus est
& quod Angelus est: sed non est secun-
dum esse, quod succedit præterito, quia B

mensura
temporis
secundum se
ipsum potest
esse successio
vel secun-
dum relationem
realem,
vel secundum
relationem
rationis.

non est secundum mensuram successivā,
sed secundum permanentem. Non quod
eodem modo competat hoc Deo & An-
gelo: quia esse Dei mensuratur mensura
permanente simpliciter & secundum se;
esse Angelicum mensuratur mensura per-
manente participatione: non enim men-
suratur Angelus æternitate simpliciter,
sed participata.

Alio autem modo in mensura po-
test esse successio, & prius & posterius
secundum se ipsam, & hoc multipliciter:
quia vel erit secundum relationem reale C
vel secundum relationem secundum ra-
tionem. Quantum autem ad successionē
secundum totum, quod hoc modo ac-
cipitur relatio, secundum rationem in
ævo est successio quantum ad incipere
esse, & potest ibi esse successio quantum
ad desinere esse: sed quantum ad suc-
cessionem secundum partes, in qua suc-
cessionem est quodam modo relatio realissim
ævo non potest esse successio, sed talis
successio est in tempore: hoc enim est
proprium temporis habere in se suc-
cessionem secundum partes, ut quod una D
pars temporis succedat alteri, sicut una
pars motus succedit alteri. Sic enim esse
successionem in esse Angeli, ut quod An-
gelus per partes accipiat esse, ut quod
prius accipiat unam partem sui esse & po-
stea aliam: sicut mobile prius peragit u-
nam partem motus, & postea aliam, est
impossibile: sed Angelus totum suum es-
se accipit simul in principio suæ creatio-
nis: & si Deus vellet ipsum annihilare,
totum suum esse simul perderet. In ipso
ergo ævo imaginamur successionem non
quantum ad partes, sed quantum ad to-
tum; non secundum realem, sed secun-

dum relationem rationis; & secundum non quantum
modum intelligendi: fuit enim ibi suc- ad partes,
cessio quantum ad incipere esse: quia sed quantum
cum nihil esset de esse Angeli ante sui ad totum,
creationem, in initio suæ creationis ac- non secundum
cepit esse: sed in tali successionem non est relationem
relatio nisi secundum rationem: quia en- realem, sed
tis ad non ens non potest esse realiter re- secundum
latio. Cum enim dicamus, quod in crea- rationis.
tione Angeli ipsi non esse successit esse,
non comparamus ens ad ens, sed ens ad
non ens: quia comparamus esse ad non
esse; inter esse autem & non esse, sive in-
ter ens & non ens non potest esse reali-
ter respectus. In huiusmodi ergo suc-
cessionem est ordo prioris & posterioris non
secundum rem, sed secundum rationem:
non enim esse ad non esse potest referri
tandem posterius ad prius secundum re-
lationem realem. Nec tamen dicimus,
quod non ita verè sit: quia quod est tale
secundum relationem rationis, est nihi-
lominus verè tale, ut Deus dicitur Do-
minus creaturæ, & refertur ad creaturā
secundum relationem rationis, hoc ta-
men non obstante, verè dicimus, quod
est Dominus. Sic & in proposito, verè
Angelus habuit esse post non esse, non
obstante, quod esse ad non esse secundum
rem referri non potest: posterioritas er-
go, & prioritas, & universaliter suc-
cessio inter esse & non esse non potest
importare relationem nisi secundum
rationem. Et quod dictum est de incipe-
re esse, intelligendum est de desinere es-
se: Deus enim creans Angelum, & dans
ei esse post non esse, non dedit ei suc-
cessivè esse secundum partes; sed dedit ei
totum esse simul. Sic si annihilaret Ange-
lum, non acciperet ei suum esse suc-
cessivè secundum partes, sed simul & totali-
ter desineret Angelus esse, ita quod post
esse haberet Angelus non esse: sicut ergo
in creatione fuit esse post non esse, sic in
annihilatione esset non esse post esse, &
sicut in creatione accepit Angelus simul
totum suum esse, in annihilatione per-
deret Angelus totum suum esse. Et sicut
in creatione non fuit esse post non esse,
talis prioritas & posterioritas non impor-
tabat relationem nisi secundum rationem,
sic in annihilatione, ubi esset non esse
post esse, talis prioritas & posterioritas
non importaret relationem nisi secundum
rationem: in ævo ergo successio secun-
dum totalitatem, & secundum priorita-
tem

in ævo intel-
ligimus suc-
cessionem

tem & posterioritatem importarent relationem secundum rationem; sed in tempore est successio secundum participationem, & secundum prioritatem, & posterioritatem importantem relationem secundum rem. Nam tempus, & motus, & cetera successiva non habent totum suum esse simul, sed semper pars succedit parti: propter quod in talibus est successio secundum partialitatem. Rursus in talibus pars succedit parti, propter quod in talibus est successio secundum partialitatem. Rursus tamen in talibus pars succedit parti: ut quia pars posterior succedit parti priori, ut cum futurum succedit præterito, res succedit rei: quia pars prior res quædam

erat, & pars posterior, siue succedens res quædam est; eo modo quo motus quædam res est, & quælibet pars motus res quædam dici potest. Nam, loquendo de motu verè continuo, quælibet pars motus est motus, & quælibet pars motus quodam modo est quædam res; cum referimus partem posteriorem motus ad priorem, quodammodo referimus rem ad rem: propter quod quodammodo est ibi relatio realis; sed in æviterinis cum referimus prius ad posterius ad invicem, ut cum referimus esse ad non esse, ut cum dicimus, quod Angelus per creationem habuit esse post non esse; per antequontrariò, nihilationem verò habuit non esse post esse, nullo modo referimus rem ad rem sed rem ad non rem, vel ens ad nihil: nullo ergo modo in tali prioritate & posterioritate posset realis relatio importari; sed in tempore inter partes priores & posteriores est quodammodo relatio realis. Dicimus autem quodammodo, quia non ita habent esse partes successivorum sicut permanentium, nec ita posset esse realis relatio inter duas partes motus si-

Secundum hoc ergo dicemus, quod in tempore proprie dicto est duplex successio, & quælibet secundum actum: tempus enim habuit esse post non esse, ita quod cum nihil esset de tempore, incipit esse tempus: habuit autem tempus successionem quantum ad incipere esse; habebit autem successionem quantum ad desinere esse: quia cessabit motus primi mobilis, & non erit amplius tempus: habebit

etiam non esse post esse, & est tertia successio in quantum tempus secundum unam partem esse desinit, & secundum aliam esse incipit. In primis autem duabus successionebus est relatio solum secundum rationem, quæ est relatio entis ad non ens, vel non entis ad ens. In tertia autem successione est quodammodo relatio secundum rem, quæ est quodammodo entis. Si autem has tres successiones, quarum una est totaliter incipere esse, alia totaliter desinere, tertia secundum unam partem incipere & secundum aliam desinere, volumus comparare ad ævum: dicemus quod prima successio competit ævo, & secundum actum & potentiam: secunda verò competit ei non secundum actum sed secundum potentiam: tertia autem non competit ævo nec secundum actum, nec secundum potentiam: quia impossibile est in ævo talis successionem esse: in ævo enim fuit prima successio, non solum secundum potentiam, sed etiam secundum actum: quia sicut Angelus per creationem post omnino non esse incepit esse, sic ævum, quod est idem realiter quod esse æviterini, incepit esse post non esse. Secunda autem successio, quæ sumitur respectu desinere esse simpliciter, non est, nec erit in ævo actu, quia nunquam æviterina desinent esse: est tamen in ævo secundum potentiam: quia potest Deus æviterina annihilare, & hoc modo possunt desinere esse. Tertia autem successio est, quæ nec est secundum incipere esse simpliciter, nec secundum desinere, sed solum secundum partem, prout aliquid quantum ad unam partem esse desinit, quantum ad aliam esse incipit: in ævo nec est secundum potentiam nec secundum actum. Non enim hoc modo potest ævum incipere, & desinere esse.

Nec obviat, quod diximus in questionibus nostris de quolibet: utrum Deus posset plures Angelos facere in specie una: ubi innuebamur, quod dando Angelis esse imperfectum poterant fieri plures Angeli secundum plura talia imperfecta esse, sicut in rebus materialibus sunt plura secundum numerum in eadem specie: quia nulla res materialis habet omnem rationem essendi secundum suam speciem: quia nunquam esse unius rei communicatur alteri: esse enim unius caloris non communicatur alteri: & si fieret calor separatus habens omnem rationem caloris, esse

Triplex successio realis: una totaliter incipere esse, alia totaliter desinere esse, tertia secundum partem incipere, & secundum aliam partem desinere. In hac tertia successione est quodammodo relatio secundum rem, in duabus quodammodo secundum rationem.

Libro. 2. quodlibet. 4.

esse illius caloris non communicaretur alteri; si enim esset calor separatus & calor in materia, calor separatus haberet esse perfectum, & calor in materia esse imperfectum, nec unquam unus & idem calor haberet tale, & tale esse. Sic si fierent Angeli plures in eadem specie propter imperfecta esse, & fieret Angelus habens secundum suam speciem perfectum esse, & habens omnem rationem essendi secundum esse suae speciei, non propter hoc esset successio in esse Angeli: quia nunquam unus & idem Angelus acciperet esse per partes, nec unus & idem haberet uno tempore perfectius esse, quam alio. Quidquid sit ergo de calore, quia non est inconueniens formas accidentales secundum esse, quod habent in materia intendi, & remitti, & habere gradus in esse. Sed huiusmodi gradus non est inconueniens formam accidentalem secundum esse, quod habet in materia, accipere gradum post gradum, & partem post partem, & sic successivè perfici in suo esse; in æviternis tamen impossibile est sic successivè, & secundum partem accipere esse. Nam licet unum æviternum possit habere perfectius esse, quam aliud: nunquam tamen aliquod æviternum poterit successivè, & per partes perfici in suo esse: hoc enim suscipiat magis & minus, & quod successivè, & per partes & non perficiat in esse. Cum autem ita sit, & nulla substantia accipiat successivè esse: quare esse aliquarum substantiarum, ut esse temporalium, pertinet ad mensuram successivam; esse autem æviternorum ad mensuram permanentem, in profe uendo patebit. Ad præsens autem scire sufficiat quomodo, hi tres modi successione comparantur ad ævum.

Ex his autem patere possunt opiniones circa successionem ævi. Nam aliqui dixerunt in ævo esse successionem cum innovatione: aliqui verò dixerunt ibi esse successionem sine impositione; aliqui autem negant & successionem &novationem. Quælibet autem harum opinionum potest habere intellectum sanum, & pravam. Tertia tamen opinio, quam ad præsens tenemus, quod in ævo non sit successio, nec innovatio, magis propriè loquitur. Quælibet tamen, ut diximus, potest habere bonum intellectum, & potest ad unum & idem reduci. Nam positio ponens, quod in ævo sit successio cum

innovatione, si intelligatur hoc esse in ævo secundum se, quod pars succedat parti, ita quod pars posterior, & nova succedat parti priori, impossibile est talis positio: quia esse æviterni, quod idem est quod ævum realiter, sic partem & partem habere non potest. Sed si intelligatur quantum ad incipere esse, quod ævum simul cum ipso æviterno incepit esse post non esse, propter quod si ibi sit successio: quia fuit esse post non esse, & fuit ibi innovatio, quia ex hoc ipsum æviternum dictum est habere novum esse: nam hoc esse novum est, & prius non fuit sic prædictum, positio veritatem habet, est enim hoc modo in ævo successio cum innovatione. Secunda etiam positio potest habere & sanum, & pravam intellectum: nam cum dicitur, quod in ævo est successio sine innovatione, si intelligatur hoc de parte post partem: ut quia ævum non sit totum simul, sed quod habeat successivè partem post partem, sic impossibile est ævum habere successionem; & si successionem haberet, impossibile esset eam habere sine innovatione: quia semper pars succedens esset nova respectu præcedentis. Rursus si intelligatur quantum ad incipere esse, etiam falsa positio est, quod sit ibi successio sive innovatio: nam cum æviternum accepit esse post non esse, poterat dici, quod novum erat esse. Sed si intelligatur quantum ad desinere esse, sic veritatem habet, quod est ibi successio sine innovatione: ut sit sensus, quod est ibi successio in potentia, & non in actu. Potest enim Angelus virtute Divina desinere esse, sed nunquam desinet, propter quod est successio in potentia: sed nunquam circa hoc erit ibi novitas, quia nunquam ista potentia reducetur ad actum. Hoc enim dicit innovatio successionem in actu, successioque in potentia non est cum innovatione. Tertia etiam positio negans ab ævo successionem & innovationem posset etiam habere pravam intellectum. Nam si intelligatur, quod in ævo non sit successio nec innovatio quantum ad incipere esse: ut quod non habuit esse post non esse, & quod hic non fuit aliqua novitas, falsa esset positio. Sed si intelligatur non quantum ad incipere esse simpliciter, nec quantum ad desinere esse totaliter, sed quantum ad incipere & desinere esse secundum partem, ut quia una pars ævi incipiat, & alia pars desinat: sic

in aliquo sensu veritatem, & in alio falsitatem continent, tertique magis propriè loquitur.

sic in ævo nec est successio, nec innovatio, nec est possibile ibi hoc modo talia esse. Quantum ergo ad incipere esse simpliciter aliquo modo veritatem habet positio prima ponens ibi successionem cum innovatione. Quantum autem ad desinere esse totaliter aliquo modo veritatem habet positio secunda ponens ibi successionem sine innovatione. Secundum hunc enim modum successionis, erit ibi successio in ipso & innovatio, sed ideo dicitur ibi esse successio cum innovatione, quia non est innovatio sine actuali successione. Quantum ad tertium modum successionis, videlicet, quantum ad incipere & desinere esse secundum partem, sic veritatem habet positio tertia negans ab ævo successionem & innovationem, quia nec successio, nec innovatio potest hoc modo esse in ævo, quod una pars succedat alteri: ut quod novum succedat veteri. Vtrum autem sit intentio hæc prædictarum positionum, ut utrum positio ponens in ævo successionem cum innovatione, intelligat quantum ad incipere esse simpliciter: quia verè ævum habuit esse post non esse, & verè fuit ibi quædam novitas? Et utrum positio ponens ibi successionem sine novitate intelligat hoc quantum ad desinere esse totaliter, quia potest ævum virtute Divina desinere esse: nunquam tamen fiet talis novitas, quia nunquam huiusmodi potentia reducetur ad actum: investigare verum non est præsentis speculationis; sufficiat autem ad prætens scire, quod prædictæ opiniones possunt aliquo modo ad veritatem reduci.

Tertia positio præfertur, ut magis conformis sensui quæstionis, videlicet, an ævum habeat partem post partem successivè; secundum quod negatur in eo successio & innovatio.

Advertendum tamen, ut diximus, quod tertia positio negans ab ævo successionem & innovationem magis propriè loquitur quàm aliqua aliarum. Nam cum quærimus utrum in ævo sit successio? Non est quæstio nostra: utrum ævum inceperit esse, & utrum habuit esse post non esse? Cui positio prima innititur, si debeat ad veritatem reduci. Nec est quæstio nostra: utrum virtute Divina possit ævum totaliter desinere esse? Cui innititur positio secunda, si ad veritatem reduci debeat. Sed quæstio nostra est, utrum ævum in seipso successionem habeat, quod idem est re, quod utrum habeat partem post partem successivè: Secundum quem modum neganda est ab ævo successio & innovatio.

Postquam; ne laboremus in equivo, distinximus de priori & posteriori & de successione, & ostendimus quomodo talia sunt in ævo, & quomodo non; volumus exequi de secundo proposito narrando difficultates insurgentes circa hæc materiam, & solvendo difficultates illas. Possumus autem dicere, quod negando ab ævo successionem & innovationem modo, quo diximus, quantum ad præsens spectat, tres difficultates insurgunt. Prima est ex possibilitate annihilationis, quod virtute Divina æviterna possint annihilari, & possunt totaliter desinere esse. Secunda autem difficultas consurgit ex pluralitate mensurarum, quia non videtur, quod alia & alia mensura mensurentur operationes Angelorum, & eorum esse: quia cum major sit unitas in Angelis, quàm in istis corporalibus, si in istis sensibilibus omnia mensurantur eadem mensura durationis, videtur, quod multò magis hoc esse debeat in ipsis æviternis. In istis enim inferioribus eadem mensura, videlicet tempus, per se & primò mensurat operationes, & motus istorum inferiorum, & mensurando motus & operationes, mensurat etiam esse eorum, ita quod esse istorum temporalium mensuratur tempore, accipiendo mensurari tempore largè, prout, quod mensuratur mensura successiva, dicitur mensurari tempore. Nam, propriè loquendo, esse temporalium non mensuratur tempore, sed nunc temporis: igitur si in istis sensibilibus una & eadem mensura, quæ mensurat motus & operationes, mensurat etiam esse; multò magis hoc erit in Angelis, ubi est major unitas: illa ergo eadem mensura, quæ mensurat motus, & operationes angelicas, mensurabit etiam eorum esse, secundum quod motus & operationes angelicæ mensurantur mensura successiva: cum igitur esse eorum mensuretur ævo, videtur, quod in ævo sit successio. Consurgit itaque quædam difficultas ex pluralitate mensurarum, quia non videtur, quod ibi sit dare plures mensuras, sed una & eadem mensura, quæ mensurat motus & operationes æviternorum, quæ est mensura successiva, mensurabit, ut videtur, & eorum esse. Tertia difficultas consurgit ex differentia inceptionis æviternorum: quia cum non omnia æviterna simul inceperint, quia non simul incepit Angelus & anima: & quia

cōtinuē Dēus crēat novas animas, videtur, quod hoc esse nō possit sine priori & posteriori, & per cōsequens sine successione: non enim videtur possibile, quod unum æviternum sit prius alio, nisi in ipso ævo, quod est mensura æviter norum, sit prius & posterius: in ipso autem ævo non potest esse prius & posterius, nisi ævum sit mensura successiva.

Propter primam autem difficultatē sciendum, quod quia virtute Divina potest Angelus annihilari, idē ex hoc multum moti sunt, ut dicant ævum esse mensuram successivam: quia si Angelus annihilaretur, constat, quod in eodem instanti non esset annihilatio, in quo fuit ejus creatio: quia tunc in eodem instanti esset & non esset. Oportet ergo dare aliud & aliud instans in ipso ævo, quorum unum mensuretur esse æviterni quantum ad ejus creationem; & aliud quod mensuretur esse ejus quantum ad annihilationem. Vtrum autem oporteat ibi dare plura instantia quā duo, non refert. Sufficit autem quantum ad præsens spectat, quod ibi sit dare plura instantia: si ergo in ævo est dare plura instantia, vel erunt plura secundum rem, vel erunt plura secundum rationem? Ponere autem in uno & eodem ævo plura instantia secundum rem, intellectus non capit: quia nec in ipso tempore, loquendo de eo, quod primo & principaliter dicitur nunc sive instans, ponimus nisi unū nūc sive instans secundum rem. Si ergo in ævo est dare plura instantia, hoc erit secundum rationem; sed ponere in mensura aliqua unum instans secundum rem non secundum rationem, non potest esse sine successione: erit ergo in ævo successio. Imaginabimur ergo ex hoc, quod sicut nunc fluens aliter & aliter se habens facit tempus, sic nunc quod facit ævum erit aliter & aliter se habens, & per consequens erit fluens. Quod si non esset fluens sed esset stans, non esset aliter & aliter se habens, & per consequens esset unum secundum rem & secundum rationem. Non igitur est possibile in ævo ponere plura instantia, nisi dicamus, quod instans, quod facit ævum, sit aliter & aliter se habens nunc & prius. Itaque si pluralitas instantium in aliqua mensura non potest esse sine successione, & in ævo oportet ponere plura instantia: quia non eodem instanti mensuratur æviternum,

A prout esse incipit, & prout desinit: quia tunc simul esset & non esset. Ex ipsa possibilitate durationis, & ex eo quod æviterna virtute Divina possunt desinere esse, confurgit hæc difficultas, quod oportet in ævo ponere successionem. Nec valeret si quis daret, quod aliud & aliud instans, in quo æviternum creatum annihilatur, est aliud & aliud instans in tempore: quia ut in argumentis multipliciter probatur, circumscripto enim tempore, adhuc æviternum posset creari & annihilari. Nec etiā valeret, si quis diceret, quod oportet dare aliud instans, in quo æviternum creatur, & aliud in quo annihilatur, sed huiusmodi instantia non pertinet ad ipsam mensuram æviterni. Nam sicut instans in quo generatur ipsum temporale, & instans in quo corrumpitur, pertinent ad tempus quod est mensura temporalium, impossibile est talia instantia non pertinere ad ipsum tempus: & quia est aliud & aliud instans in tempore in quo generatur temporale, & in quo corrumpitur, idē in tempore est successio: ita quod instans in quo creatur æviternum, & in quo annihilatur, de necessitate pertinent ad ipsum ævum, quod est mensura æviterni: & quia est aliud & aliud instans hoc & illud, idē, ut videtur, oportet in ævo successionem esse.

Sciendum ergo, quod de ipso instanti, prout ad propositū spectat, est tripliciter distinguendum. Nam aliter loquendum est de instanti mensuræ permanentis: & aliter de instanti mensuræ successivæ. Rursus aliter loquendum est de instanti mensuræ intrinsecæ. Et aliter de instanti mensuræ extrinsecæ. Tertio aliter comparatur instans mensuræ successivæ ad mensuram suam.

Est enim primò aliter loquendum de instanti mensuræ permanentis & successivæ. Nam diceret quis impossibile esse in eodem instanti mensuræ successivæ aliquid simul esse & non esse, ut quod in eodem instanti temporis aliquid simul sit & non sit. Vel est dubium, & est difficile declarare, quomodo hoc esse possit. Loquendo ergo de instanti mensuræ successivæ, dubium est: utrum in eodem instanti aliquid possit esse & non esse? Vel diceret aliquis hoc esse omnino impossibile: sed loquendo de instanti mensuræ permanentis nullum habet dubium, quin in eodem instanti possit aliquid esse & non esse:

Triplicis distinctio de instanti mensuræ.

Differentia de instanti mensuræ permanentis & successivæ.

esse: nam in uno & eodem instanti æternitatis est totus iste decursus temporis, in quo sunt tot variationes, scilicet, esse & non esse. Nam si instans mensuræ permanentis stat & perseverat in suo esse, quis dubitat, quod eo sic stante & perseverante possunt multæ variationes fieri in rebus: in ipso enim æternitatis nunc stante, & eodem modo se habente, & existente uno & eodem secundum rem & secundum rationem, fiunt tot variationes in rebus. Instans mensuræ successivæ nunquam habet moram, sed semper fluit, ideò semper accipitur aliud & aliud instans. Merito ergo loquendo de instanti mensuræ permanentis & successivæ non est dubiū, quod in uno & eodem instanti mensuræ permanentis possunt multæ variationes contingere. Rursus, ut dicebamus, aliter loquendū est de instanti mensuræ intrinsecæ & extrinsecæ. Nā cū dicimus, quod

In eodē instanti mensuræ permanentis, æternitatis scilicet, est totus decursus præsentis sæculi, respectu cuius est mensura extrinsecæ.

in eodem instanti mensuræ permanentis possunt multæ variationes contingere, quia, ut dicebatur, in eodem instanti æternitatis, & etiam in eodem instanti ævi est totus iste decursus præsentis sæculi, non est hoc intelligendum de instanti mensuræ intrinsecæ, sed extrinsecæ. Quod enim in eodem instanti ævi, & in eodem instanti æternitatis temporalia sibi invicem succedere possunt, & esse & non esse: hoc est instans æternitatis & ævi, quia comparantur ad ista temporalia, sicut aliquid extrinsecum, & etiam sicut aliquid extraneum. Si enim nunc ævi vel æternitatis esset in istis temporalibus tanquam in proprio subiecto, non possent temporalia variari, nec possent desinere esse, nisi desineret esse instans, quod poneretur in eis esse. Oportet ergo, quod illud instans manens, in quo potest res successiva esse & non esse, non dependeat à re successiva: propter quod huiusmodi instans pertineret ad mensuram extrinsecā. Sed si comparemus instans ad mensuram propriam & intrinsecam, impossibile est in eodem instanti aliquid esse & non esse. Dicemus enim, quod si Deus nunc esset albus, & hinc ad mille annos esset niger, esset simul albus & niger. Nam mensura propria ipsius Dei est ipsum nunc æternitatis, in quo nulla successio. Huiusmodi autem nunc unum & idem simplex existens comprehendit totum tempus & plusquam tempus. Si ergo ipsa mensura ipsius Dei est huiusmodi nunc, & in huiusmodi nunc non est successio, totum, quod est in illo nunc, est simul: quantum ergo ad ipsum Deum, cuius propria mensura est ipsum tale nunc, totum est simul. Dicemus ergo, quod ipsa temporalia comparantur ad tēpus, & ad nunc æternitatis, sed ad tempus comparantur tanquam ad mensuram propriam: ideò quod est in uno tempore, & quod est in alio, non est simul in ipsis temporalibus, non est in eodem instanti: & si dicatur, quod imò, quia totum est in eodem instanti æternitatis. Dicemus, quod instans æternitatis non est mensura propria ipsorum temporalium: in eodem ergo instanti æternitatis, quod est simplicissimum, temporalia incipiunt esse, & desinunt esse. Nec tamen simul sunt & non sunt: quia huiusmodi similitas essendi & non essendi debet accipi secundum mensuram propriam, non secundum nunc æternitatis. Sicut ergo nō totum, quod sit in nunc æternitatis, in istis temporalibus sit simul, non obstante, quod huiusmodi nunc est omnino simplex: quia tale nunc non est mensura temporalium. Sic quidquid est in Deo in toto decursu temporis, totum est simul, non obstante, quod huiusmodi decursus temporis non sit simul; quod huiusmodi decursus temporis, quod non est simul, & in quo est successio, non est mensura ipsius Dei; sed ejus mensura est ipsum nunc æternitatis, in quo, ut diximus, non est aliqua successio. Propter quod benè dictum est, quod si nunc esset Deus albus, & hinc ad mille annos esset niger, simul esset albus & niger: quia quod est in istis temporalibus nunc, & prius, & secundum decursum temporis, est in Deo totum simul, & è converso, quod est in Deo totum simul, est in istis temporalibus nunc & prius, & secundum decursum temporis: propter quod benè dictum est, quod refert referre aliquid ad instans mensuræ propriæ, & ad instans mensuræ non intrinsecæ & non propriæ: in eodem enim instanti mensuræ permanentis potest aliquid esse & non esse; sed in eodem instanti mensuræ propriæ & intrinsecæ non. Si enim temporalia & incipiunt, & desinunt esse in eodem instanti æternitatis, hoc est, quia huiusmodi instans, ut dicebamus, non est eorum propria mensura intrinsecæ.

justi modi nunc non est successio, totum, quod est in illo nunc, est simul: quantum ergo ad ipsum Deum, cuius propria mensura est ipsum tale nunc, totum est simul. Dicemus ergo, quod ipsa temporalia comparantur ad tēpus, & ad nunc æternitatis, sed ad tempus comparantur tanquam ad mensuram propriam: ideò quod est in uno tempore, & quod est in alio, non est simul in ipsis temporalibus, non est in eodem instanti: & si dicatur, quod imò, quia totum est in eodem instanti æternitatis. Dicemus, quod instans æternitatis non est mensura propria ipsorum temporalium: in eodem ergo instanti æternitatis, quod est simplicissimum, temporalia incipiunt esse, & desinunt esse. Nec tamen simul sunt & non sunt: quia huiusmodi similitas essendi & non essendi debet accipi secundum mensuram propriam, non secundum nunc æternitatis. Sicut ergo nō totum, quod sit in nunc æternitatis, in istis temporalibus sit simul, non obstante, quod huiusmodi nunc est omnino simplex: quia tale nunc non est mensura temporalium. Sic quidquid est in Deo in toto decursu temporis, totum est simul, non obstante, quod huiusmodi decursus temporis non sit simul; quod huiusmodi decursus temporis, quod non est simul, & in quo est successio, non est mensura ipsius Dei; sed ejus mensura est ipsum nunc æternitatis, in quo, ut diximus, non est aliqua successio. Propter quod benè dictum est, quod si nunc esset Deus albus, & hinc ad mille annos esset niger, simul esset albus & niger: quia quod est in istis temporalibus nunc, & prius, & secundum decursum temporis, est in Deo totum simul, & è converso, quod est in Deo totum simul, est in istis temporalibus nunc & prius, & secundum decursum temporis: propter quod benè dictum est, quod refert referre aliquid ad instans mensuræ propriæ, & ad instans mensuræ non intrinsecæ & non propriæ: in eodem enim instanti mensuræ permanentis potest aliquid esse & non esse; sed in eodem instanti mensuræ propriæ & intrinsecæ non. Si enim temporalia & incipiunt, & desinunt esse in eodem instanti æternitatis, hoc est, quia huiusmodi instans, ut dicebamus, non est eorum propria mensura intrinsecæ.

Tertio, aliter comparatur instans mensuræ permanentis ad suam mensuram.

mensuram & instans mensuræ successive: A enim tempus esset simul cum suo instanti quia instans mensuræ permanentis est simul cum sua mensura: simul enim est instans ævi & ævum. Benè enim dicitur, quod totum ævum est in instanti ævi, & quod æternitas in nunc æternitatis; sed mensura successiva non est simul cum suo instanti, tempus enim non est cum instanti: imò nihil temporis est cum instanti. Et si dicitur tempus esse simul cum instanti, sic non est ratione sui, nec ratione suarum partium, sed ratione ordinis partium: habent enim partes temporis ordinem ad ipsum nunc, & copulantur ad ipsam, ita quod huiusmodi nunc potest dici illud, in quo fundatur ordo partium temporis: ipsum tamen tempus secundum se non est in instanti, nec etiam partes temporis sunt in instanti, sed sunt in successione instantis: tempus enim non est ipsum instans, sed est successio instantis, & est fluxus ejus: ideo dictum est, quod nunc fluens facit tempus, sicut nunc instans æternitatem.

Ex his autem patere potest, utrum in alio & alio instanti sit creatio æviterni & annihilatio, ubi tota difficultas prima consistebat? Dicemus enim, quod loquendo de instanti ipsius ævi, quod est mensura propria & intrinseca æviterni, falsum est, quod in eodem instanti æviternum possit creari & annihilari, vel creari & annihilari. Et etiam falsum est, quod in alio & alio instanti ævi hoc fiat. Sed creatio æviterni est in instanti ævi; annihilatio autem ejus non est in instanti ævi; sed in corruptione instantis. Ex tertia ergo differentia inter nunc ævi & nunc temporis, vel inter nunc mensuræ permanentis, & successive solvitur difficultas proposita. Nam cum dicitur, quod detur instans ævi in quo producit æviternum, & instans in quo annihilatur: & quod ita sunt duo instantia sibi succedentia, propter quod in ævo est successio. Respondebimus, quod non dabimus duo instantia in ævo sibi succedentia, nec dabimus ibi successionem: dabimus enim in ævo instans in quo producit æviternum, sed non dabimus instans in quo annihilatur. Dicemus enim, quod æviternum per se loquendo, & referendo ipsum ad mensuram propriam intrinsecam, non potest annihilari in instanti, sed si annihilabitur hoc erit in destructione instantis, quod totum patet ex differentia tertia. Si

ti & esset totum in suo instanti: nam hac hypothese stante, si comparatur tempus ad instans: instans post corruptionem temporis (cum ergo positum sit, quod tempus sit simul cum instanti, & sit totum in suo instanti) si esset instans post corruptionem temporis, esset tempus post corruptionem temporis: esset ergo tempus postquam totaliter esset corruptum tempus, quod non est intelligibile: ergo si tempus se haberet ad instans, modo quod dictum est, tempus non corrumpetur in instanti; sed in corruptione instantis. Dicemus ergo, quod quia tempus est mensura successiva, sicut motus est quid successive, ideo sicut motus semper terminatur ad mutatum esse, ita tempus semper terminatur ad nunc, ita quod semper post tempus est nunc: quando ergo finietur motus primi mobilis, erit ibi dare ultimum mutatum esse, ita quod post totum motum erit ibi ultimum mutatum esse, ita erit ibi dare ultimum nunc temporis, ita quod post totum tempus erit illud ultimum nunc. Hoc ergo modo deficiet tempus, sicut deficit motus. Satis ergo potest concedi, quod tempus deficiet in ultimo nunc, sicut motus deficit in ultimo mutato esse. Et satis potest concedi, quod ultimum nunc erit post tempus totum, sicut conceditur, quod ultimum mutatum esse est post totum motum. Quod ideo est, quia talia non sunt simul, sed est ibi successio, & est ibi prius & posterius: propter huiusmodi ergo prioritatem & posterioritatem concedi potest, quod tempus esse definit in instanti: quia erit instans post totum tempus; sed si non esset ibi successio & prioritas, sed totum tempus esset in suo instanti & cum suo instanti, nullo modo concedi posset, quod tempus destrueretur instanti: nec concedi posset, quod post totum tempus esset instans: quia tunc post totum tempus esset tempus: si ergo esset instans post totum tempus, cum positum sit, in instanti & cum instanti esse tempus, esset consequens, quod esset tempus, postquam corruptum esset totaliter tempus, quod, ut dicebatur, non est intelligibile. Hac ergo hypothese stante, posset dari instans, in quo inciperet tempus; sed non posset dari instans temporis, in quo desineret tempus, vel in quo corrumpetur tempus: corrumpetur enim tempus, hoc posito, non in instan-

instanti sed in corruptione instantis: & A quia sic est in proposito de ævo respectu sui instantis, poterimus dare instans in quo incepit ævum, & in quo creatum est æviternum; sed non dabimus aliquod instans ævi, in quo desinat ævum, vel in quo annihiletur æviternum. Loquendo enim de instanti ævi, quod est mensura propria & intrinseca æviterni, æviternum non potest annihilari in instanti, sed in annihilatione instantis. Ex possibilitate ergo annihilationis æviterni non oportet dare plura instantia in ævo; nec oportet ibi ponere successionem nisi successionem secundum totum, prout totum incipit esse & totum simul potest desinere esse: B sed successionem secundum partes, ut quod una pars ævi esse desinat, & alia incipiat; vel successionem secundum instantia, ut quia sit in ævo dare plura instantia sibi adinvicem succedentia, est impossibile ponere.

In instanti æternitatis fiunt quæcumque fiunt, & desinunt quæcumque desinunt.

Id ergo, quod tertio diximus de instanti mensuræ permanentis & successivæ, quasi evacuat difficultatem propositam; attamen primum, & sanè dictum de ipso instanti, multum facit ad elucidationem veritatis. Nam cum queritur, utrum in eodem instanti possit esse creatio æviterni & annihilation? Aut intelligis de instanti temporis, aut de instanti ævi, aut de instanti æternitatis? Si de instanti æternitatis? In eodem instanti incipit æviternum & desinit: nam antequam inciperent esse æviterna, erat instans æternitatis; & quando esse inceperunt, erat illud idem instans æternitatis; & si esse desinerent, esset nihilominus illud idem instans æternitatis. In illo ergo instanti æternitatis fiunt quæcumque fiunt, & desinunt quæcumque desinunt: comprehendit enim illud instans omnia simul. Ideo dicitur 10. de Divin. nom. quod Deus est omnium æ-D vum & tempus. Æternitas ævi, qua mensuratur Deus, continet esse ævum & esse tempus. Si ergo causa queritur, utrum in eodem instanti creetur & annihiletur æviternum? Si referatur ad instans æternitatis, certum est, quod in eodem: nam si annihilaretur æviternum, esset annihilatione ejus in illo eodem instanti æternitatis, in quo fuit ejus creatio; sed si hoc dictum referatur ad instans ipsius ævi, nec dicemus, quod in eodem instanti possit esse creatio & annihilation æviterni, nec quod in alio & alio instanti: sed dicemus, quod in ævo non est nisi unum instans, creatio

ergo æviterni fuit in illo uno instanti, vel fuit in creatione illius unius instantis; destructio autem æviterni non esset in instanti ævi, sed in destructione instantis. Dabimus ergo instans ævi, in quo creatur æviternum; sed non dabimus instans, in quo annihiletur; sed dabimus destructionem instantis. Sed si hoc dictum referatur ad instans temporis, si tempus est co-æquævum Angelis, & si sunt quatuor co-æquæva secundum quod viderur dicere Beda, sic dabimus aliud & aliud instans, in quo est Angeli productio, & in quo esset ejus annihilation: si ævum erat tempus, quando fuit Angelus productus, & si esset tempus, quando annihilaretur, in alio & alio instanti temporis posset esse ejus productio & annihilation. Dicimus autem, quod esse posset in alio & alio instanti temporis; si posset hoc esse: si enim non esset tempus, cum produceretur, & cum annihilaretur Angelus, non esset in alio & alio instanti temporis productio & annihilation ejus, quia non esset instans temporis, in quo hoc fieret.

Rursus si Deus produceret Angelum in instanti, annihilation post instans esset ævi: tunc loquendo de productione & annihilatione Angeli quodammodo, sicut loquimur de generatione & corruptione. Sed si aqua corrumpatur & fiat ignis, non dabimus instans in quo ultimo fuit aqua (sed dicemus) quod in toto tempore præcedenti fuit aqua, in instanti, quod copulatur ad illud tempus, incipit esse ignis. Sic si Angelus non duraret nisi per instans temporis, dici posset, quod in instanti esset ejus creatio, vel in instanti posset dici, quod Angelus est; & in toto tempore, quod sequitur ad illud instans, posset dici, quod non posset esse. Sed secundum hoc ergo possemus dare instans temporis, in quo primo Angelus est; sed non possemus dare primum instans temporis, in quo primo non est, quia tunc instans illud annihilationis se haberet ad instans creationis consequenter, cum dictum sit, quod Angelus non daret nisi per instans temporis: instantia autem in tempore se haberent consequenter, quod est impossibile: quia sicut inter qualibet duo puncta in linea continua cadunt infinita puncta, ita quod punctus puncto non est continuus, nec contiguus, nec consequenter se habens: sic inter duo instantia in tempore cadunt infinita instantia,

Dionys. 10. de Div. nom.

In instanti ævi est solâ creatio Angeli, sed annihilation esset indestructio instantis.

In instanti temporis creatio Angeli & annihilation ejus ævi modo temporis

cia, ita quòd instans instanti nec est con-
tinuū, nec contiguum, nec consequen-
ter se habens. Diximus autem, quòd hac
hypothesi stante (quòd Angelus non du-
raret nisi per instans tēporis quodāmodo)
esset eodē modo loquendū de creatione
& annihilatione Angeli, sicut loquimur, cū
aliqua res corrumpitur, ut talis generetur:
quia sicut non damus ibi duo instantia, u-
nam in quo ultimò est res, quæ corrup-
pitur, & aliud in quo primū est
res, quæ generatur. Sic in creatione & an-
nihilatione Angeli non dabimus duo in-
stantia etiam temporis. Diximus enim es-
se quodāmodo simile hic & ibi, quia
non est per omnem modum: quia tem-
pus per se comparatur ad generabilia &
corruptibilia: est enim per se eorum men-
tura: sed ad æterna nō cōparatur tēpus
propriè sumptū per se, sed per accidens.

Redeamus ergo ad propositum, &
dicamus, quòd si attenditur distinctio su-
perius habita: æviternum potest compa-
rari ad triplex instans, videlicet, ad instās
mensuræ permanentis, & ad instans mē-
suræ successivæ: ad instans autem mēsu-
ræ permanentis potest æviternum compa-
rari dupliciter, videlicet, ad instans æter-
nitatis, quod est quasi mensura extrinse-
ca ipsorum, quia non dependet ab ipsis æ-
viternis; & ad nunc ævi quod respondet
æviternis: quasi mēsurā intrinseca. Respe-
ctu ejus instantis mensuræ permanentis
intrinsecæ, cujus est nunc æternitatis, de
necessitate in eodem nunc est totus de-
fluxus rerum, & esse, & non esse earum;
respectu autem instantis mensuræ perma-
nentis intrinsecæ, cujusmodi est nunc ævi,
impossibile est quòd esse & non esse ævi-
terni sit in eodem instanti: & impossibile
est quòd sit in alio & alio instanti: sed, ut
diximus, productio æviterni est in instā-
ti ævi, annihilatio ejus nō esset in instanti
ævi: sed in destructione instantis. Sed
si productio & annihilatio æviterni com-
paretur ad instans mēsuræ successivæ, cō-
tingeret, quòd detur aliud & aliud instās
temporis, in quo fuit Angelus productus,
& in quo fuit annihilatus: quod ut con-
tingat, duo requiruntur, videlicet, quòd
sit tempus quando fuit Angelus produ-
ctus, & quando fuit annihilatus: & etiam
quòd non duraverit Angelus, pluriq̃uam
instans temporis. Nam si non esset tem-
pus, quando crearetur Angelus, nec quā-
do annihilaretur, non esset dare instans

in quo fieret hoc & illud, nisi instans ima-
ginatum. Et etiam (ut dicebamus) si pro-
duceretur Angelus, & statim desineret es-
se, ita quòd non duraret ejus esse, nisi per
instans temporis, non esset dare aliud &
aliud instans temporis, in quo crearetur
& annihilaretur Angelus: quia instantia
in tempore, ut dicebamus, consequenter
se habere nō possunt. Sic ergo dicendum
est de creatione & annihilatione æviter-
norum, prout referuntur ad instans ævi,
dando suum ævum cuilibet æviterno. Sed
si poneretur ævum in primo æviterno so-
lūm, & quæreretur utrum in eodem in-
stanti ævi vel in alio & alio posset es-
se creatio & annihilatio æviterni? Dice-
remus aliter loquendum esse de primo
æviterno & de alijs æviternis: comparabi-
tur enim, hoc posito, ævū ad ipsum ævi-
ternū, sicut secūdū positionē nostrā cōpa-
ratur ad quodlibet æviternū. Creatio er-
go primi æviterni fuit in instanti ævi: anni-
hilatio verò ejus esset in destructione in-
stantis: sed hac hypothēsi stāte, alia æviter-
na posset creari, & annihilari in instanti
ævi. Si ergo nō est ævū nisi in primo An-
gelo, si æviterna crearentur, unum æviter-
num crearetur in instanti illius ævi, & si
annihilaretur, esset annihilatum in eodem
instanti ipsius ævi: quādiu ergo duraret il-
lud æviternum primum, non esset in eo
nisi unum instans ævi: quod instans com-
prehenderet durationes aliorum æviter-
norum, durante enim primo æviterno
secundū hanc hypothēsim, sive crea-
rentur, sive annihilarentur æviterna, hoc
semper fieret in instanti sui ævi.

Soluta difficultate de possibilitate
annihilationis æviternorum, de levi po-
test solvi difficultas de pluralitate men-
surarum. Nam cū dicitur, quòd in istis
temporalibus eadem mensura men-
surat eorum motus & eorum esse, acci-
piendo mensuram largē, prout quid dici-
tur mensurari tempore, vel instanti dici-
tur mensurari eadem mensura: quia tam
tempus, quā nunc ejus est mensura
successiva, licet non eodem modo, quia
tempus est mensura successiva: quia est in
ipso successio; instans autem temporis est
mensura successiva, quia est illud quod
successioni subternitur: est autem illud
quod succedit, & fluit: quia nunc fluens
causat tempus. Videmus enim, quòd mo-
tus est quid successivum: quia est id, quod
successioni subternitur: & quia eadem est

Secunda dif-
ficultas, quia
videtur ea-
dem mēsu-
rā sufficiens
mensurare
operationes
& esse Ange-
lorum, faci-
lè solvitur.

proportio nunc temporis ad tempus, quæ est mobilis ad motum: sicut tam mobile, quam motus potest dici quid successivum, sic tam tempus, quam nunc temporis quid successivum dici potest: licet ergo motus & operationes temporalium mensurentur tempore; esse vero ipsorum mensuretur nunc temporis; totum tamē quodammodo mensuratur eadem mensura: quia totum mensuratur mensura successiva. Sed quamvis sic sit in illis temporalibus, & quāvis sit major unitas in æviter-nis, esse tamen & operationes æviter-norum non mensurantur una mensura, sicut esse & operationes temporalium: quod contingit ex perfectione æviter-norum & imperfectione temporalium. Nam quia esse temporalium non est esse æternum, ideò non habet propriam mensuram; esse enim temporalium, quia est esse mobiler, reducit ad mensuram temporalem, & ad mensuram mobilem: quia mensuratur nunc temporis. Sed esse æviter-norum, quia est esse æternum, & est esse stabile, ita quod secundum naturam cursum impossibile est tale esse deficere, inde est, quod illud esse non potest habere eandem mensuram cum ipsis motibus: sed operationes Angelorum mensurantur tempore, quia in eis pluralitas & successio est: esse ergo eorum mensuratur ævo, quia in eo est unitas & stabilitas: non est itaque ex simplicitate vel ex unitate temporalium, quod tam esse quam operationes ipsorum reducuntur ad eandem mensuram cum motu. Sic etiam si comparentur æviter-na ad temporalia non est ex imperfectione ipsorum, quia alia mensura mensuratur eorum esse, & alia eorum motus & operationes; sed magis est ex eorum perfectione, ut quod habent esse æternum & esse stabile, ideò eorum esse habet aliam & aliam mensuram, quam operationes. Dicimus autem, quod si comparentur æviter-na ad temporalia, non est ex eorum imperfectione quod alia & alia mensura mensuretur esse eorum, quam operationes: quia si comparentur æviter-na ad Deum, posset huiusmodi assignari causa imperfectio æviter-norum. Nam esse Dei & operatio mensuratur mensura permanente; esse autem nunc & operationes temporalium mensurantur mensura successiva: æviter-na ergo tenent modum medium: quia eorum esse mensuratur mensura permanente; operationes

verò mensura successiva: perfectiora ergo sunt æviter-na temporalibus, quia non totum, quod est in eis, mensuratur eadē mensura, videlicet successiva: & imperfectiora sunt Deo, quia non totum, quod est in eis, mensuratur mensura permanente. Quod ergo æviter-na secundum aliquid eorum mensurantur mensura permanente, & secundum aliquid mensura successiva, hoc est, quia superant temporalia & deficiunt à Deo.

Tertia autem difficultas sumpta ex diversitate inceptionis æviter-norum, si considerentur ante dicta, de facili solvitur, nam cum distinximus de prioritate & posterioritate, diximus, quod in ævo secundum se quantum ad suas partes non erat prioritas & posterioritas; sed secundum se totum & respectu alterius mensuræ non est inconveniens in ævo esse prioritatem & posterioritatem: nam ævum cum nihil de eo prius esset, totum postea incepit esse: & si Deus veller æviter-num annihilare, ævum illius æviter-ni, quod nunc totum est, post illius annihilationem nihil de ipso esset: secundum ergo se totum est ibi aliquis modus prioritatis, & respectu alterius mensuræ ibi potest esse prioritas & posterioritas. Potest enim esse prioritas & posterioritas in ævo respectu temporis, & è converso, & in uno ævo respectu alterius ævi: potuisset enim Deus, si voluisset, fecisse esse tunc aliquo modo tempus, & tamen non fuisset ævum. Dicimus autem aliquo modo, quia tempus propriè non potest esse nisi in corpore perpetuo, corpus autem perpetuum sine ævo esse non potest: quia esse cujuslibet perpetui mensuratur ævo. Rursus si Deus Angelos fecit ante mundum, sicut aliqui Doctores Græcorum senserunt, fuit ævum ante tempus propriè dictum. Dicimus autem ante tempus propriè dictum, quia loquendo de tempore largè, non fuisset ævum sine tempore. Nam si Deus fecisset Angelos ante mundum, in ipsis Angelis fuisset ævum, quantum ad eorum esse; fuisset etiam in ipsis tempus quantum ad eorum operationes, verum quia tempus propriè non est nisi in motu primi mobilis, si Deus fecisset Angelos ante mundum, fuisset ævum; non tamen fuisset tempus propriè sumptum: quia non fuisset motus alicujus corporis. Et quod dictum est de inceptione, quia potuit aliquo modo ævum ante tempus,

Esse & operationes temporalium mensurantur tempore; esse vero æviter-norum mensuratur ævo, & operationes five eorum motus tempore mensurantur.

Tertia difficultas sumpta ex diversitate inceptionis æviter-norum, si considerentur ante dicta, de facili solvitur, nam cum distinximus de prioritate & posterioritate, diximus, quod in ævo secundum se quantum ad suas partes non erat prioritas & posterioritas; sed secundum se totum & respectu alterius mensuræ non est inconveniens in ævo esse prioritatem & posterioritatem: nam ævum cum nihil de eo prius esset, totum postea incepit esse: & si Deus veller æviter-num annihilare, ævum illius æviter-ni, quod nunc totum est, post illius annihilationem nihil de ipso esset: secundum ergo se totum est ibi aliquis modus prioritatis, & respectu alterius mensuræ ibi potest esse prioritas & posterioritas. Potest enim esse prioritas & posterioritas in ævo respectu temporis, & è converso, & in uno ævo respectu alterius ævi: potuisset enim Deus, si voluisset, fecisse esse tunc aliquo modo tempus, & tamen non fuisset ævum. Dicimus autem aliquo modo, quia tempus propriè non potest esse nisi in corpore perpetuo, corpus autem perpetuum sine ævo esse non potest: quia esse cujuslibet perpetui mensuratur ævo. Rursus si Deus Angelos fecit ante mundum, sicut aliqui Doctores Græcorum senserunt, fuit ævum ante tempus propriè dictum. Dicimus autem ante tempus propriè dictum, quia loquendo de tempore largè, non fuisset ævum sine tempore. Nam si Deus fecisset Angelos ante mundum, in ipsis Angelis fuisset ævum, quantum ad eorum esse; fuisset etiam in ipsis tempus quantum ad eorum operationes, verum quia tempus propriè non est nisi in motu primi mobilis, si Deus fecisset Angelos ante mundum, fuisset ævum; non tamen fuisset tempus propriè sumptum: quia non fuisset motus alicujus corporis. Et quod dictum est de inceptione, quia potuit aliquo modo ævum ante tempus,

pus, & è cōverso, intelligendum est de A destructione & desinere esse: quia posset aliquo modo desinere esse ævum ante tempus, & è cōverso. Imò secundum rei veritatem, ut nobis revelatum est per Scripturam sacram, tempus propriè sump- tum celsabit, & non celsabit ævū, quia cel- sabit motus cæli, & Sol & Luna stabunt in habitaculis suis. Et tunc non erit ampliùs tempus, loquendo de tempore de quo nunc loquimur: quia non erit motus cæ- li: potest ergo in ævo esse aliquo modo prioritas & posterioritas respectu tempo- ris.

Rursus in uno ævo potest esse prio- ritas & posterioritas respectu alterius ævi, B quia posset Deus post creationem unius æviterni creare aliud æviternum: ævum ergo ipsius æviterni posterius creati esset posterius ævo æviterni creati prius. Quòd si dicatur aliquorum positionem fuisse nō esse nisi unum ævum, quod ponitur esse in primo æviterno. Dicemus quia et- iam in sustinendo hanc positionem ad- huc est verum, quòd in uno ævo potest esse prioritas & posterioritas, respectu alterius ævi. Nam posset Deus annihilare primum æviternum, quo posito, incipe- ret esse ævum in alio æviterno, quia an- C nihilo primo æviterno, secundum æ- viternum inciperet esse primum æviter- num. Ævum ergo primi æviterni annihila- ti fuisset prius, & ævum quod poneretur in alio æviterno inciperet esse poste- rius. Quantumcunque ergo æviterna si- mul incipiant, nō arguitur in ævo secun- dum se, & secundum suas partes esse pri- us & posterius: sed arguitur quòd unum ævum potuit incipere prius, quàm aliud, quod concedimus. Sed propter talem prioritatem non est concedendum ævum esse mensuram successivam, quia men- D sura successiva non dicit quamlibet prio- ritatem, vel ad mensuram successivam non sufficit quælibet prioritas & postero- ritas, sed prioritas & posterioritas partis post partem facit successivam mensurā: ut ideò tempus est successiva mensura, quia parti priori succedit pars posterior. Quòd si tempus totum simul inciperet, & postea totum simul desineret, vel ha- beret aliam prioritatem & posterioritatē, dum non haberet partem post partem, nō mereretur dici successiva mensura. Et quia hoc in ævo est impossibile ponere, ideò in ævo totum mensurat totum. Nec

est ibi possibile pōnere, quòd pars succe- dat parti. Vnde August. 12. de civit. Dei cap. 16. Immortalitatem Angelorum, id est, eorum esse perpetuum negat habere præteritum & futurum. Dicit enim, quòd immortalitas Angelorum non transit in tēpore, nec præterita est quasi jam nō sit, nec futura quasi nō dum sit. In ipsa enim Angelorū immortalitate, id est, in illorum esse perpetuo non est ibi præteritum & futurum, quia pars ibi non succedit par- ti, & propriè loquendo, non est ibi suc- cessio.

Ostenso qualiter est distinguendum de priori & posteriori in ævo, ne per equivocationem decipiamur: volumus adducere rationes ad propositum osten- dentes, quòd non sit in ævo successione ponere, quòd est principale quæsitum, & quòd proponebatur tertio declarandum, habetur autem satis hæc veritas, si con- siderentur præhabita. Ad maiorem tamen declarationem intentionis communis vo- lumus ad propositum triplicem rationē adducere. Propter quod sciendum, quòd ævum, quantum ad præsens spectat, po- test ad tria comparari: est enim ævum mensura media inter æternitatem & tem- pus. Rursus ævum fundatur in esse sicut tempus in motu, ut patet si consideren- tur dicta Dionysij in 10. de Divin. nomin.

Ævum ergo vel comparabitur ad æter- nitatem, à qua deficit, qua est mensu- ra, inferior, vel comparabitur ad tempus, quòd excellit, & superat, quò est superior mensura, vel comparabitur ad esse in quo fundatur: ex his autem tribus compara- tionibus sumuntur tres rationes conclu- dentes intentum. Prima ratio talis. Nam secundum Dionysium 10. de Div. nomin.

Etenim non ea quæ planè & absolute ingenta sunt, & reverà sempiterna, ubique æterna dicunt scripta Divina. Quasi dicat, quòd quæ non sunt simpliciter & verè æterna, scrip- tura dicit æterna esse, quia participant a- liquas conditiones æternitatis: simplici- ter enim & verè æternus est solus Deus; Angelis si competit æternitas, hoc est per quamdam participationem. Ævum ergo, quòd dicitur esse Angelorum mensura, ni- hil est aliud, quàm quædam participatio æternitatis. Imò si volumus secundum proprietatem vocabuli loqui, ævum idem est quòd æternitas: æternitas enim secun- dum unam modum etymologizandi potest dici quasi æternitas, vel entis enti- tas

D. Aug. 12. de Civ. Dei cap 19.

Resolutio ad principa- le quæsitū, quæ triplici ratione res- boratur.

D. Dionys. 10. de Div. nom.

D. Dionys. ibidem.

tas & ævum ab esse dicitur: ævum enim A
& æternum ab esse sumpta sunt. Entia
ævi, quæ habent esse æternum, vel quæ
habent esse non mobiliter vel invariabili-
ter, dicuntur mensurari ævo vel æterni-
tate. Imò secundum quosdam æternum
dictum est per syncopam ab æviterno, &
æternitas dicta est per syncopam ab ævi-
ternitate: & si benè considerentur dicta
Damasc. & Dionysij non distinguunt in-
ter ævum & æternum. Quòd autem idem
significet ævum quod æternum, patet per
Hugutionem, qui in derivationibus, quas
facit de sum, es, est, ait: *Ab esse derivatur
ævum.* Et idem ibidem subdit: *Æternitas
est idem quod ævum.* Sed licet sic sit, & licet B
æternitas & ævum idem significant: at-
tamen penuria vocabulorum hoc fecit:
ut æternum acciperetur pro æternitate
simpliciter, & ævum pro æternitate par-
ticipata. Ideò Deus dicitur esse æternus,
quia mensuratur æternitate simpliciter,
Angeli enim dicuntur mensurari ævo,
quia mensurantur æternitate participata:
videndum est ergo quæ sunt conditiones
æternitatis, vel videndum est, quæ sunt
conditiones ævi, quod est idem quod æ-
ternitas, & videndum est quomodo ævū
quod est idem, quod Angelorum men- C
sura, vel quod est idem quod æternitas
participata, participat conditiones æterni-
tatis simpliciter. Sciendum est ergo, quòd
proprietas æternitatis simpliciter, vel
proprietas ævi, quod est idem quod æter-
nitas simpliciter (si cōsiderentur verba Dio-
nyssij 10. de Divin. nom.) *Antiquum &
invariabile est statum rerum totum metiri.* Eter-
nitas enim simpliciter dicit quid antiquū,
quia non potuit incipere esse: dicit invari-
abile, quia non potest desinere esse: di-
cit totum secundum totum metiri: quia
pars ibi non succedit parti. Secundum e- D
nim Philosophum tempus non potuit in-
cipere, nec potest desinere: attamen ibi
pars succedit parti, sic ergo loquendum
est de tempore secundum Phum. Attamen
secundum veritatem, & potuit inci-
pere, & incepit: desinere & desinet. Tē-
pus ergo secundum conditiones tactas in
nullo participat conditiones æternitatis:
nec quantum ad non posse incipere esse:
nec quantum ad non posse desinere: nec
quātum ad totum secundum totum me-
tiri. Ævum verò, quod communi nomi-
ne dicitur æternitas participata, non par-
ticipat conditiones æternitatis quantum

ad non posse incipere, quia potuit inci-
pere & incepit, nec quantum ad non pos-
se desinere, quia & si non desinit, potest
tamen desinere. Si ergo participat aliquas
conditiones æternitatis, ut possit esse æ-
ternitas participata. Dicendum est, quòd
ei competit totum secundum totum me-
tiri, licet ævum incipere, vel desinere
fortè per se non faciat differentiam in
mensura: quia secundum quosdam tem-
pus potuit non incipere, & ævum etiam
quodlibet horum posset desinere. Quo
posito, si tempus nunquam incepisset, &
nunquam desineret, non haberet essen-
tialem differentiam ad se ipsum. Atta-
men si tempus esset talis conditionis,
quòd non potuisset incipere & non pos-
set desinere, tempus, quod poneretur esse
tale, haberet essentialem differentiam ad
tempus, de quo nunc loquimur: ævum
ergo & tempus quantum ad incipere &
desinere non deficiunt nisi secundum vo-
luntatem Dei creantis. Hoc est enim so-
lū de ratione æternitatis simpliciter
quòd ipsa sit necesse esse simpliciter. Ut
quòd nec potuit incipere nec potest de-
sinere. Tempus autem & ævum poterunt
incipere & inceperunt, & utrumque po-
test desinere esse. Si autem desinit esse
tempus & non ævum, hoc est, quia sic
ordinavit sapientia Creatoris. Si ergo cō-
paretur ævum ad æternitatem, vel ævū
non est aliter æternitas participata quā
tempus; vel non plus participat de con-
ditionibus ejus, quā tempus. Vel si plus
participaret, quā oportet ponere, neces-
se est, quod ei competat totum secundū
totum metiri: & quia idem totum secun-
dum totum metiri, quod non est mensu-
ra successiva, propriè loquendo, non erit
ævum successiva mensura.

Secunda via ad hoc idem sumitur, Secunda
si comparetur ævum ad tempus. Nam se-
cundum Proclum propositione 93. om-
nis æternitas est mensura æternorum, &
omne tēpus tēporalium. Et hec due men-
suræ sunt solū in entibus vitæ & motus.
Probat enim ibi Proclus, quòd nō sunt ibi
due mēsuræ entium vel durationis, entium,
scilicet, & tēporis. Nā quidquid mensurat
durationem alicujus, ut idem Proclus ait:
vel hoc est secundum partem, quia pars
partem mensurat, ut quia motus non est
totus simul, sed pars habet esse post par-
tem: & ideò sicut habet esse, sic mensu-
ratur, & talis mensura est tempus. Vel hoc
est

D. Dyoys. 10.
de Div. nom.

Tempus nō
participat
conditiones
æternitatis,
nec quantū
ad nō posse
incipere ef-
se, nec quā-
tum ad non
posse desine-
re esse, nec
quantum ad
totum secun-
dum totum
metiri.

Ævum
hanc
condi-
tionem
participat
æternitatis
simpliciter
videlicet
totum
dum totum
metiri

Secunda
via pro
pria
ne-
cessaria
propos.

est secundum totum, ut quia illud, quod A
mensuratur, est totum simul: & ideo to-
tum mensurat totum & talis mensura est
æternitas. Et quia non est dare medium
inter mensurare totum simul, & non
mensurare totum simul, sed partem post par-
tem: ideo nulla est mensura, quæ non sit
tæpus, vel æternitas. Sed tamen distingue-
mus de æternitate, quia est æternitas sim-
pliciter, quæ mensuratur Deus; & est æterni-
tas quæ comuni nomine dicitur ævum. Es-
sentialis ergo differentia inter ævum &
tempus est, quia tempus est mensura se-
cundum partem, ævum autem secundum
totum. Imò quidquid non est mensura
secundum totum, sed mensurat partem post B
partem, illa mensura est tempus; quia hæc
est essentialis differentia completiva
temporis, quod mensuret partem post
partem, ut patet si considerentur verba
Procli. Hoc idem patet si considerentur
verba Aug. 2. de Civitate Dei cap. 7. quod
nullum possit esse tempus, si nulla esset
creatura, cujus mutabilibus motibus age-
retur. Hoc est ergo tempus, quod agitur
mutabilibus motibus creaturæ. Et quia hoc
est de ratione motus, quod non sit totum
simul, hæc est completiva differentia tæ-
poris, quod sit mensura secundum partem, C
& quod non mensuretur totum simul. Æ-
vum ergo, & si comparetur ad æternita-
tem, cujus est quædã participatio, cõpetit
ei non habere successionem, sed metiri
totum secundum totum, quia in hoc æ-
ternitatem participat. Et etiam si compa-
retur ad tempus competit ei hoc idem:
quia in hoc habet essentialem differen-
tiam ad ipsum, vel ergo ævum est idem
quod tempus, si est mensura successiva; &
si est mensura secundum partem, vel si
essentialiter differt à tempore oportet,
quod non competat ei metiri secundum D
partem, & habere successionem, quia hoc
est essentialiter tempori.

Tertia via ad hoc idem sumitur ex
ipso esse in quo fundatur: possumus autem
distinguere quadruplex esse, videli-
cet, esse Dei, esse æviteriorum, esse tem-
poralium, & esse accidentium: & possumus
distinguere triplicem variabilitatem,
videlicet secundum existentiam, disposi-
tionem, & possibilitatem. Omnes autem
hæ tres variabilitates possunt competere
ipsi esse accidentium, & potissimè com-
petunt ipsi esse accidentium suscipientum
magis & minus; duæ autem istarum varia-

tionum competunt ipsi esse substantiarum
temporalium; una autem competit ipsi
esse æviteriorum; nulla autem competit
vel competere potest esse Divino. Esse au-
tem accidentium, & potissimè acciden-
tium suscipientium magis & minus, potest
variari secundum existentiam, dispositio-
nem, & possibilitatem. Secundum existentiam
quidem, quia oportet in tali esse dare gra-
dum: una enim & eadem forma caloris,
secundum quod invenit subjectum magis
& minus dispositum, dat ei magis & mi-
nus esse calidum: ipsum ergo esse caloris
etiam secundum existentiam, quam habet
in subjecto, suscipit variationem, quia
potest esse perfectum & imperfectum: &
si tale esse suscipit variationem secundum
existentiam quam habet, & certum est,
quod suscipit variationem secundum dis-
positionem: quia potest esse in materia
magis & minus disposita. Et certum est
quod recipit variationem secundum pos-
sibilitatem, quia potest variari de esse ad
non esse, & è converso: esse autem sub-
stantiarum corruptibilium non habet par-
tem & partem secundum existentiam,
nec variatur secundum existentiam: quia
formæ substantiales dant esse specificum,
cùm quacumque autem variatione facta
in tali esse varietur species. Tale ergo esse
in sua existentia variationem non suscipit,
sed est punctale, & simplex; suscipit ta-
men variationem secundum dispositio-
nem: quia potest esse in materia magis &
minus disposita, ut forma aquæ cùm est
in materia frigida, est magis, materia sibi
disposita & proportionata, quàm cùm est
in materia calida. Imò posset aqua in tan-
tū caleferi, quod resolveretur in subtilius
corpus, & ulterius non esset aqua. Susci-
piunt enim formæ substantiales magis &
minus non secundum se, sed secundum
accidentia eis advenientia, sive adjuncta,
secundum quæ disponitur, ut fortius stent
in materia: ut cùm sunt conjuncta acci-
dentibus propositis, vel disponuntur, ut
citius deficient & corrumpantur, ut cùm
sunt conjuncta accidentibus oppositis.
Suscipit etiam esse substantiarum corrup-
tibilium variationem secundum possibili-
tatem, & potest variari de esse ad non es-
se, & è converso, esse autem æviteriorum
nec secundum existentiam, quia non ha-
bent partem & partem: nec secundum
dispositionem, quia non potest esse in sub-
stantia magis & minus, suscipit: non enim
sic

Esse æviter-
norum non
suscipit varia-
tionem nec
existenciam,
nec secundū
dispositio-
nem, sed secū-
dum possibi-
litatem, quia
potest defi-
cere per sub-
tractionē
Divinæ in-
fluentiæ, &
talis defe-
ctus erit se-
cundum to-
talitatem.

fic dicemus de æviter-
nis, sicut de substantiis corruptibilibus: in ipsis enim passio
magis facta abjicitur à substantia. Potest enim aliqua variatio fieri in istis corrup-
tibilibus, per quam disponitur ad non
esse, sed nihil tale potest fieri in æviter-
nis. Esse ergo illorum nec secundum exi-
stentiam, nec secundum dispositionem,
variationem suscipit: sed si est ibi aliquis
variationis modus, hoc est, quia tale esse
potest deficere non secundum naturæ cur-
sum; sed secundum subtractionem Di-
vinæ influentiæ. Esse autem Divinum est
omnino à variatione semotum. Patet
itaque quod esse accidentium suscipien-
tium magis & minus habet gradus, & ha-
bet partem & partem secundum existen-
tiam: & ideo secundum se in tali esse po-
test esse motus, & secundum se tale esse
potest mensurari tempore. Esse autem
substantiarum corruptibilium secundum
suam existentiam non habet gradus, sed
est quid punctale; habet tamen gradus
secundum dispositionem materiæ, in qua
existit: ideo ipsum secundum se non mē-
suratur mensura successiva, ideo & si mē-
suratur mensura successiva, quia mēsu-
ratur instanti temporis, hoc est per acci-
dens, quia habet esse mobilitate, ut est in
materia suscipiente contrarias dispositio-
nes. Sed esse æviter-norum unum & idem
non habet gradus, nec secundum existen-
tiam nec secundum dispositionem: ideo
non potest ibi esse successio secundum
partem, ut quod unus gradus succedat
alteri sicut in accidentibus, nec secundū
dispositionem, ut quod dispositio in natu-
ra æviter-ni gradatim suscipiat comple-
mentum, vel quod unus gradus succedat
alteri. Si autem est ibi aliquis variationis
modus, hoc non erit secundum partem
& partem, nec quantum ad existentiam,
nec quantum ad dispositionem; sed so-
lūm erit secundum totum, prout totum
potest incipere esse, & totum desinere.
Igitur cū nihil mēsuretur mēsurā succes-
siva nisi quod habet partē post partē, si cō-
sideretur esse æviter-ni, super quod funda-
tur ævum, & quod mensuratur ævo, nō
potest mensurari mensura successiva: quia
non habet partem post partem, nec quā-
tum ad existentiam, nec quantum ad dis-
positionem. Propter quod ævum, quod
est mensura talis, non est mensura succes-
siva; nec est mensura secundum partem;
sed solūm secundum totum; nec tamen

A est ita mensura secundum totum, sicut æ-
ternitas. Nam æternitas sic mensurat esse
Divinum, quod illud esse non potest de-
ficere gradatim, nec secundum existen-
tiam, nec secundum dispositionem, ut
quod deficiat pars post partem: nec etiā
potest deficere totū simul. Sed in esse ævi-
ternorum, licet non possit esse defectus
partis post partem, nec secundum exi-
stentiam, nec secundum dispositionem,
sicut in esse accidentium, & in esse sub-
stantiarum corruptibilium; potest tamen
ibi esse defectus secundum totalitatem:
quia sicut totum illud esse simul incepit,
sic totum simul posset deficere: mēsu-
ratur ergo esse æviter-norum mensura nō
successiva, quæ tamen est valde differens
ab æternitate simpliciter, qua mensuratur
esse Divinum.

Respond. ad arg. Ad primum di-
cendum, quod in ævo non est dare plura
instantia; nec dicemus tamen, quod in
eodem instanti ævi possit esse creatio æ-
viter-ni, & annihilatio ejus: sed creatio
æviter-ni fuit in instanti ævi; annihilatio
autem ejus non poterit esse in instanti, sed
in destructione instantis, ut est per habita dif-
fusius manifestum. Ad 2. dicendum, quod
in ævo considerato secundum se fuisse
præteritum, & futurum esse, non sunt
idem, nec aliud: quia nec est ibi fuisse,
nec futurum esse, sed esse tantum; attā-
mē hujusmodi esse est esse participatum:
& ideo licet quantum ad esse nihil ibi
transseat in præteritum, nec expectetur
in futurum: potest tamen totum deficere
simul, & totum esse, & incipere simul: si
autem est futurum, hoc est, per compara-
tionem ad tempus secundum rei verita-
tem, vel ad tempus imaginatum: & ideo
in tali ævo est præteritū & futurum: quia
ipsum in se non variatum assiluit tempori
præterito, & futuro. Et quia hoc est de
ratione temporis præteriti, quod impos-
sibile sit non fuisse: quod enim præteritū
est, impossibile est non fuisse præteritum:
igitur cū dicimus, quod Deus non po-
test facere Angelum non fuisse, hoc est
ratione temporis præteriti, quod necesse
est esse præteritum. Attamen, si vellemus
propriè loqui, diceremus, quod Deus fa-
cit Angelum esse: & si placeret sibi, fa-
ceret ævum non esse; attamen non posset
facere ipsum simul esse & non esse:
ideo si ponis Angelum esse, dum est non
potest non esse: circumscripto ergo tem-
pore,

porē, non dicemus Angelum fuisse, nec fu-
turū esse, sed esse. Et si verificatur, quod
Deus nō potest facere Angelū non fuisse.
Dicemus, quod nō posset fieri Angelū nō
fuisse, hoc est, quia nō potest fieri, quod An-
gelus non sit dū est. Et si verificatur, quod
potest Angelus non futurus esse, hoc est,
quia potest Angelus post esse habere
non esse, in suo tamen esse non est præ-
teritum esse, nec futurum esse, sed esse.
Ad 3. dicendum, quod per se loquendo,
& quantum ad mensuram propriam non
est dare instans, in quo intelligentia de-
struatur; quia si destrueretur intelligentia,
hoc non est in instanti ævi; sed in destru-
ctione instātis: si ergo per se loquendo, &
quantum ad mensuram propriam, esset
dare instans, in quo deficeret intelligen-
tia, bene cōcluderet argumentū, quod mē-
sura illa, cujus esset illud instās, per se mēsu-
ra esset æviterni, sed nō est dare tale instās:
quia ut diximus loquēdo de instāti ævi, nō
corrumpitur æviternum, nec potest cor-
rumpi in instanti, sed in destructione in-
stantis. Ad 4. dicendum, quod si nullum
esset tempus, adhuc posset Deus creare, &
annihilare æviternum: sed hoc non esset
in alio & alio instanti ævi; sed creatio ævi-
terni esset in instanti, & annihilatio ejus in
destructione instantis. Ad 5. dicendum,
quod, circumscrip̄to omni tempore, erit in
ævo prioritas & posterioritas, quia non
omnia æviterna simul inceperunt: sed hu-
jusmodi prioritas & posterioritas non erit
in ipso ævo secundum se; sed erit in uno
ævo per comparisonem ad aliud ævum,
prout superius diffusius est expressum. Ad
6. dicendum, quod esse temporalium
mensuratur mensura successiva: quia po-
test non esse secundum naturæ cursum;
sed esse æviternorū nō mensuratur mēsu-
ra fluxibili: quia non potest non esse secun-
dum naturæ cursum, sed solum secundū
subtractionem Divinæ influentiæ. Quod
si quærat̄ur, quid hoc faciat ad hoc, quod
esse alicujus non pertineat ad mensuram
fluxibilem? Dicemus, quod agēs naturale nō
potest immutare, vel tollere esse alicujus,
nisi ejus quod secundum existentiam vel se-
cundum dispositionem habet gradus &
partes. Quia agēs naturale nunquam im-
mutat aliquid immutatione reali nisi par-
tem post partem: & quia hoc est de ratio-
ne temporis, quod sit mensura secundum
partē, vel hoc est universaliter de ratione
mensuræ successivæ, ideo quod non ha-

bet partem post partē nec secundum
existentiam nec secundum dispositionem,
mensura successiva (proprie loquendo)
mensurari non potest: consequenterque
esse angelicum licet possit deficere per
subtractionem Divinæ influentiæ, attamē
quia non potest deficere secundum natu-
ræ cursum, non habet partē, nec secundū
existentiam nec secundū dispositionē, ideo nō
mensuratur mensura successiva. Ad 7. di-
cendum, quod tempus per se & primō
mensurat motus & operationes; ævum
tamen per se & primō mensurat esse:
ideo ergo supponit, quod debet probare:
supponit enim, quod ævum per se & pri-
mō mensurat operationes & motus, sicut
& tempus: & ideo supponit ipsum esse
mensuram successivā & tempus. Si dica-
tur, quod oportet sic esse: quia se habet æ-
vum ad æviterna, sicut tempus ad tempo-
ralia, ideo sicut tempus mensurat motus
& operationes temporalium, ita ævum
mensurabit motus & operationes æviter-
norum. Dicemus, quod istud sicut non
est per omnem modum sicut: habet enim
se ævum ad æviterna, sicut tempus ad tem-
poralia: quia ævum est mensura æviter-
norum, sicut tempus temporalium; tamē
(ut diximus) istud sicut non est per omne
modum: quia tempus in temporalibus per
se & primō mensurat motum; ævum au-
tem in æviternis per se & primō mensu-
rat esse. Ad 8. dicendum, quod si Deus
statim post instans creationis Angeli anni-
hilaret ipsum, ita quod Angelus non du-
raret nisi per instans temporis, adhuc fuisset
duratio Angeli. Nam hoc est in men-
sura successiva, quod mensura non est si-
mul cum suo instanti; sed in mensura per-
manente non sic: est enim talis mensura
tota simul in suo instanti: fuisset ergo æ-
vum etiam, si Angelus non durasset nisi in
instanti, vel per unum instans temporis.
Ad 9. dicendum, quod conservatio præ-
supponit creationem secundum modum
intelligendi: sed non est necesse, quod
præsupponat eā secundum prioritatem &
posterioritatem durationis: si enim Ange-
lus fuisset creatus in alio instāti, & statim
post illud instans fuisset annihilatus: ve-
rum fuisset dicere, quod Deus creavit An-
gelum in instanti, & conservavit ipsum
per instans. Vel possumus dicere, quod
ibi prius & posterius non est nisi secundū
imaginationem nostram, non quod in
ipso esse sic angelico aliquid decedat vel
accedat

Tempus in
temporali-
bus per se &
primō men-
surat motū,
ævum verō
in æviternis
per se & pri-
mō mensu-
rat esse.

accedat. Vel possumus dicere, quod creatio & conservatio nihil addunt supra æviternum nisi respectum quemdam ad efficientem. Nec est inconueniens, quod unus istorum respectuum secundum modum intelligendi præcedat alium. Nec etiam est inconueniens, quod unus istorum respectuum possit intelligi esse aliquo modo sine alio: quia semper Angelus conservatur in esse, non tamen semper creatur. Sed hoc non arguit successione in ipso esse Angelico, quia semper manet idem esse Angelicū: sed solū arguit, quod secundū aliū & alium modum de pendentia à causa sua (propositū supra) esse Angelicum aliter & aliter dependeat à causa sua, & dicatur creari & conservari. Quod autem alij modi dependentiæ, secundum quos esse æviterni dicitur creari & annihilari vel conservari, secundū naturalem intelligentiam habeant quamdam prioritatem & posterioritatem adinvicem, nullum est inconueniens: nec propter hoc in aliquo contradicatur positioni nostræ. Ad 10. dicendum, quod Angeli in suo esse nec habent præteritionem nec futuritionem. Ad dictum autem Anselmi respondimus dando intelligere suum dictum: vult enim ipse ibi probare, quod Deus ante omnia æviterna & ultra omnia æterna, & quod Deus solus est simpliciter æternus: quod tripliciter probat: primò, quia esse aliorum æviternorum est ab esse Divino causatum. Secundò, quia tale esse est ab eo conservatum. Tertiò, ex eo quod tale esse est varietati conjunctum. Nam sicut Deus est ante omnia, quia omnia sunt ab ipso, ita Deus est post omnia quia nihil potest esse sine ipso. Nam (ut supra dicebamus) si mundus fuisset ab æterno, cum causa sit prior natura effectui, adhuc Deus fuisset ante mundum, quia mundus fuisset creatus ab ipso: sic quantumcunque mundus daret in perpetuū, Deus est ultra omnem creaturam: quia sicut omnis creatura est ab ipso, ideò ipse est ante omnem creaturam, sic quia nulla creatura potest esse sine ipso, ideò ipse est post omnem creaturam. Idè ait Anselmus eodem libro & cap. *Ante omnia es, quia antequam fierent, tu es. Ultra ea que finē non habebunt, es, quia illa sine te nullatenus esse possunt.* Secundo modo Deus est ultra esse æviternorum, & ei magis competit æviterinitas, quàm æviterinis: quia esse æviternorum de se est defectibile, & potest

intelligi non esse: & ideò tale esse aliquò modo finitur, quia cum non sit nisi per aliud, & cum non sit nisi conservetur ab alio, potest cogitari non esse; sed constat quod illud, quod nullo modo habet finē, est ultra ea, quæ aliquo modo habent finem: Deus ergo, qui nullo modo habet finem, quia non potest cogitari non esse, est ultra esse æviternorum, quod aliquo modo habet finem, eò quod potest cogitari non esse. Tercio modo hoc idem probatur per Anselm. ex eo quod esse æviternorum est varietati conjunctum. Nam licet tale esse in se non habeat præteritionem & futuritionem, est tamen conjunctum motionibus & operationibus Angelorum, quæ futuritionem & præteritionem habent. Ideò Angeli non habent quod præteritum est, nec quod futurum est, non quod in suo esse successione, sed in suis operationibus habent. Ex hoc ergo non arguitur, quod in ævo, quod mensurat esse Angelorum, sit successio: sed quod sit successio in tempore, quod mensurat operationes ejus. Ex hac etiam tertia via arguitur, quod Deus sit magis æternus, & quod sit ultra omnia: quia nullo modo habet in se futuritionem nec præteritionem: nec quantum ad suum esse proprium, nec quantum ad suas intrinsecas operationes. Ad 11. dicendum, quod res sicut se habet ad agere, ita se habet ad esse, & etiam è converso: istud tamen esse non solū est esse substantiale, sed accidentale, ut sicut ignis se habet ad esse calidum, sic se habet ad calefacere: imò si ignis nullam variationem susciperet in esse substantiali, solū tamen variaretur in esse calido, cōsequens esset, quod variaretur in suo agere. Nā secundū quod haberet aliter & aliter esse calidum, aliter & aliter calefaceret: æviternum ergo totū suum esse substantiale habet simul; totū tamen esse accidentale non habet simul, quod secundum quod se convertit per voluntatem super aliam & aliam speciem, sic aliter & aliter informatur intellectus ejus, & fit in eo alia & alia intellectio. Ad 12. dicendum, quod dii deorum, id est, æviterna sunt corruptibilia secundum naturam; non quod aliquod agens naturale secundum naturam cursum posset ea annihilare vel corrumpere; sed quia sua natura derelicta sibi, & subtracta Divina influentia, deficerent, & non subsisterent: sed quod sic deficit, totum simul deficit: prop-

Anselm. ubi
suprà.

propter quod non oportet quod mensura-
retur mensura successiva. Ad 13. dicen-
dum, quod intelligentia parificatur æter-
nitati, & extenditur secundum eam: non
quia non sit simplex, nec hoc dictum est,
quod duratio intelligentiæ extendatur
secundum successionem, vel quod ha-
beat partem & partem: sed ideo dicitur
intelligentia extendi secundum æternita-
tem, quia quantum ad omnia sua mensu-
ratur æternitate participata sive ævo, ideo
extenditur secundum eam, quia parifica-
tur ei. Anima verò non extenditur secun-
dum æternitatem (loquendo etiam de
æternitate participata) quia deficit ab ea,
& non parificatur ei. Et hoc videtur cō-
tradicare dictis nostris: quia videtur cō-
cedere, quod operatio Angeli mēsure-
tur æternitate participata. Sed de hoc in
sequenti quæstione patebit: ad præsens au-
tem concedatur, quod hoc modo intel-
ligentia extenditur secundum æternita-
tem, quia parificatur ei: non quia in suo
esse habeat partem & partem nec sucec-
sionem. Ad 14. dicendum, quod si esse
haberet mēsuram propriam in omnibus,
eadem mensura mensuraretur in omni-
bus: verum quia in aliquibus est quasi se-
cundum conditionem extraneam, ideo
in eis non habet mensuram propriam,
sed quasi extraneam: propria enim con-
ditio sapientiæ est, quod illud, in quo est,
faciat, quod se habeat sapienter: & pro-
pria conditio fortitudinis est, quod faciat
illud, in quo est, quod se habeat fortiter:
ergo quasi propria conditio ipsius esse est,
quod illud, in quo est, faciat quod se ha-
beat æviternaliter. Veruntamen hæc tē-
poralia propter longē distare à primo
principio, in quo est esse per omnem mo-
dum secundum propriam rationem, ita
quod ipse Deus est propriè, qui est, reci-
piunt esse valdè distans ab hac condi-
tione, ut non recipiatur esse æviternum,
sed motus: ideo esse in eis magis trahi-
tur ad modum motus: quia in esse se-
cundum naturæ cursum deficiunt varia-
bilitate, propter quod tale esse non men-
suratur ævo, quod est mensura existentium
& habentium esse æviternum: sed magis re-
ducitur ad mensuram successivam. Esse
ergo in omnibus creaturis est aliquò mo-
do conjunctum variationi: sed tamen es-
se æviterni, sicut est æviterno cōjunctum,
secundum naturæ cursum deficit varia-
tio, & est esse æternum, & nunquam de-

ficiet: propter quod suā mēsurā est æ-
vum, quod de esse transmutabilium dice-
re non possumus. Esse ergo in omnibus
non mensuratur eadem mensura, ut sup-
ponebat ratio, quod quare contingat, &
hic & in solutione principali causam
assignavimus.

QUÆSTIO VIIJ.

*Utrum Angelus quantum ad suas operationes
tempore mensuretur?*



OCTAVO quæritur: utrum
Angelus quātum ad suas
operationes mensuretur
tempore? Et videtur quod
non: quia illud, quod
præcedit tempus & rema-
net post tempus, non mensuratur tempo-
re: sed operationes Angelorum præcesse-
runt tempus saltem secundum opinionem
ponentium Angelos fuisse ante mūdum
productos: vel si non præcesserunt, potue-
runt præcedere, quia potuerūt Angeli an-
te mundum cognoscere. Rursus, opera-
nes Angelorum remanebunt post tempus,
cessante motu cæli, nō ergo mēsurātur tē-
pore. Præterea: cū Angelus sit quādā lux
spiritualis, est multo virtuosior, quā lux
corporalis, sed lux corporalis se multipli-
cat in instanti, ut patet per Phū in secundo
de anima: ergo multo magis Angelus o-
perabitur in instanti: non ergo mensura-
bitur tempore operatio sua. Præterea: o-
peratio Angeli sequitur esse: quia sicut res
se habet ad esse, sic & ad agere: sed esse
Angeli mensuratur ævo, ut est per supe-
rius habitum manifestū: ergo & ejus o-
peratio mensurabitur ævo. Præterea: An-
gelus potest stare in sua operatione, quā-
tum placet sibi: quia sic per volunta-
tem potest stare in illo intelligere, sive in
illa intellectuione, vel in illa operatione,
quandiu vult: sed, ut probatur, ex quo
intelligit aliquid, semper vult intelligere
illud, & semper vult itare in illa intelle-
ctione: mensurabitur ergo sua intellectu-
mensura permanente sive ævo: non au-
tem mensurabitur mensura successiva:
quia Angelus nunquam vult mutari a
operatione sua, & per consequens, quod
nun-

Phus in
Rhetor.

inunquam mutetur, patet. Nam Phus in 2.2. Rhetoricorum vult, quod mutari sit delectabile: quia natura est mutabilis, sed Angeli habent mensuram invariabilem: non est ergo eis delectabile mutari, nec potest ab eis esse volitum. Præterea: operationes Angelorum non sunt motus, quia tunc intelligerent successivè: ut si intelligerent lapidem, intelligerent partem post partem, quod falsum est: quia talis successio non potest esse in eorum intelligere: imò cum non intelligat cum discursu, in eorum intelligere non cadit successio: tale ergo intelligere non est motus, nec etiam est mutatum esse: quia mutatum esse, cum sit terminus motus, præsupponit motum: sed quia non est motus nec mutatum esse, non pertinet ad mensuram successivam, nec mensuratur tempore. Huiusmodi autem sunt operationes Angelorum, ergo &c. Præterea: secundum Auctorem de causis intelligentia parificatur æternitati: anima autem nascitur in horizonte æternitatis. Sed si consideratur mens illius Auctoris: quia intelligentia parificatur æternitati, ideò secundum nihil sui mensuratur tempore: nihil enim est in intelligentia quod mēsuratur tempore. Operationes ergo non transeunt, sed existentes in ipsa intelligentia, tempore mensurari non poterunt. Præterea: quæretur de una & eadem intelligentia, operatione qua mēsuretur: constat autem quod nō mensuratur tempore: quia non est successiva, nec habet partem & partem: nec etiam una & eadem operatio poterit mensurari nunc temporis vel instanti, quia talia sunt mensura substantiæ: sed si operatio non mēsuretur, nec tempore, nec instanti, consequens est, quod mēsuretur ævo. Præterea: dicebatur, quod una & eadem operatio mēsuratur instanti. Contra: instanti mēsuratur mobile sive illud quod fluit, ut patet per Phum 4. *Physic.* sed operatio non est id quod fluit, sed magis est ipse fluxus, ergo non mēsuratur instanti, & ut probatum est, non mēsuratur tempore: non igitur mēsurabitur mensura successiva. Præterea: tempus fundatur in primo motu, & per primum motum mēsurat alios motus: si ergo operationes Angelorum mēsurarentur tempore, oporteret, quod huiusmodi tempus fundaretur in prima operatione Angeli, & per huiusmodi operationem primam mēsuraret opera-

Auctor de
causis prop.
2.

Phus 4.
Phys.

tiones alias: sed non est dare talem primam operationem in Angelo, quæ sit mensura omnium aliorum vel aliarum operationum: ergo non est ibi dare tempus. Nam & in istis corporalibus si non esset dare primum motum, quod esset causa omnium aliorum motuum, non esset dare tempus, quod mēsuraret huiusmodi motus. Præterea: esse Angeli quantumcunque posset non esse, quia omnis creatura potest deficere ab esse: attamen quia huiusmodi esse non habet partem & partem, ideò mēsuratur ævo: ergo à simili, quantumcunque Angelus possit à sua operatione delistere; attamen quia illa operatio est simplex, & non habet partem & partem, cum tempus sit mensura mēsurans partem post partem, ejus operatio non mēsurabitur tempore, sed ævo. Præterea: quod per solam voluntatem subtrahitur, non mēsuratur tempore: quia tunc visio Dei vel operatio illa, quæ Angeli vident Deum, tempore mēsuraretur: quia si vellent videre Deum, & vellent se avertere ab hoc ipso, essent averti, & non viderent Deum: sed, ut dictum est, Angelus stat in operatione sua, quandiu vult, & per solam voluntatem desistit ab operatione, ergo &c. Præterea: dicebatur, quod tempus, quod mēsurat operationes Angelicas, non est ejusdem rationis cum tempore, quod est in motu primi mobilis. Sed contra: non videtur differre hoc tempus & illud, nisi quia hoc est continuum; illud autem nō continuum: sed tempus de se est numerus, & accidit ei, quod sit quid continuum: esse ergo continuum vel non continuum non variabit rationem temporis, nec faciet tempus, quod mēsurat operationes angelicas, quod dicitur esse nō continuum. Dicebat quod tale tempus, quod mēsurabit operationes angelicas, potest poni in primo Angelo. Contra: si poneretur tale tempus in primo Angelo, cum in ipso primo Angelo multæ operationes sint, oporteret ibi dare aliquam operationem primam, quæ esset mensura omnium aliarum operationum, sed hoc ponimus in primo Angelo: ergo &c.

In contrarium est: quia nihil est aliud tempus, nisi mensura variabilis: quantumcunque ergo sunt variabilia, mēsurantur tempore: sed illæ operationes angelicæ sunt variabiles, ergo &c. Præterea in:

in quolibet Angelo sunt multæ species, quia omnis intelligentia est plena formis, ut dicitur in libro de causis. Sed intellectus angelicus non potest simul actu informari omnibus aliis speciebus: informabitur ergo successivè, sed non potest ergo esse successio in huiusmodi informationibus, nisi sit successio in ipsis intellectibus, vel in ipsis operationibus, ergo &c.

RESOLVTIO.

Operationes Angeli tempore mensurantur prout tempus largè accipitur pro omni mensura successiva: quia non est similis in omnibus successione operationis angelicæ cum successione motus celi, in quo est propriè tempus.

Respondeo dicendum, quòd in hac quæstione sic procedemus: quia primò narrabimus quid Sancti & Doctores circa hanc materiam sentiunt. Secundò quia nostra cognitio incipit à sensu, & per ea, quæ videmus in istis sensibilibus & mobilibus, oportet in illa intelligibilia ascendere: ideò veritatem illam, quam Sancti & Doctores de hac quæstione sentiant, per motum, & per ea, quæ sunt in motu, studebimus declarare. Tertiò adducemus difficultates contingentes circa hanc materiam & solvemus illas. Quartò & ultimò adducemus rationes ad propositum ostendentes, quòd operationes angelicæ tempore mensurantur, sicut & Sancti & Doctores sentiunt.

Propter primū sciendū, quòd Sancti & Philosophi, & Doctores super hoc fundamēto se generaliter fundāt: quòd quia nō est processus à valdè distāti, ad valdè distans, nisi per medium, ideò operationes Angelorum mensurantur mensura successiva: est enim universum connexum, & media secundū aliquid participant conditiones extremorū: Angeli ergo, qui sunt medij inter Deū & ista corporalia, siue sensibilia, quantū ad aliquid participant conditiones utriusque. Nam hæc sensibilia non mensurantur nisi mēsurā successiva: totum ergo, quod est in eis, mensuratur vel tempore vel instanti temporis: Deus autem non mensuratur nisi mensura permanente: Angeli autem tenebunt medium, quia quantum ad aliquid men-

surabuntur mensura permanente, ut quantum ad eorum substantiam & eorum esse: & quantum ad aliquid mensurabuntur tempore, ut quantum ad eorum operationes: & hoc modo universum est connexum & conglutinatum: quia semper media connectunt extrema participando eorum conditiones. Hoc modo totum est aliquo modo connexum, quia infimū connectitur cum medio: medium cum supremo. Nec est tamen modicum argumentum, cum arguimus ex connexione universi, quia universum cum sit valdè bonum, debet esse connexum, & in dispositione optima. Ex hoc enim est in universo armonia, pulchritudo, & indissolubilis concordia, quia fines primorum cōjunguntur principiis secundorum: non enim ista corporalia, quæ sunt infima, connecterentur ipsis spiritualibus, nisi aliquo modo attingerent ea, quæ sunt infima in eis. In ipsis substantijs spiritualibus est esse & operari, & esse est supra operari: hoc ergo modo spiritualia ad sensibilia habent quamdam connexionem, operari autem, quod est infimum in eis, mensuratur tempore, siue mensura successiva, quæ mensurantur etiam temporalia: licet non ejusdem rationis sicut mensura illa successiva, quæ mensurat operationes Angelicas, & quæ mensurat hæc sensibilia. Secundū hunc autem modum procedunt Sancti, si cōsiderētur dicta Dionysii, 10. de Div. nom. & si considerentur dicta Augustini, 8. super Gen. ad litteram. Secundū hunc etiam modum procedunt Philo, si considerentur dicta auctoris de causis. 31. propositione & si considerentur dicta propositione

106. Dionysii enim 10. de Div. nom. hoc modo procedit, inquit enim conditiones ævi, id est, æternitatis, & temporis, dicens: quod *Proprietas sæculi* (siue æternitatis, quam secundū ipsum sic etiam vocant scripta sacra) *Est antiquum & invariabile statum rerum omnium totum metiri.*

Conditiones verò tēporis sunt esse in generatione, & corruptione, & variatione, & aliter se habere, subdit enim *Tempus autem appellant illud, quod in ortu, in interitu, atque in mutatione versatur & aliàs aliter se habet*, & quia oppositæ sunt conditiones ævi & temporis, siue æternitatis & temporis: ideò, ut ait, existentia mensurantur ævo, generabilia verò & mobilia tempore. Alia ergo quæ sunt totaliter existentia

mensurantur simpliciter æternitate sive A
 mensura permanente, ut Deus ipse. Illa
 autem, quæ sunt simpliciter mobilia, mē-
 surantur mensura successiva, cujusmodi
 sunt ista inferiora corporalia. Est dare etiā
 media, quæ sunt secundum aliquid suc-
 cessiva & secundum aliquid permanen-
 tia. Hujusmodi autem spirituales substan-
 tiæ quibus potest intelligi, quod ait Dio-
 nysius, quod sunt mediæ existentium &
 factorum; sunt enim tales substantiæ me-
 diæ inter Deum, qui est simpliciter exis-
 tens, & ista inferiora, quæ sunt facta, id
 est, quæ sunt generabilia & corruptibili-
 lia. Nam si vellemus accipere factum lar-
 gè, esse creatum est factum, & è conver-
 so. Sed si volumus accipere factum pro
 generabili & corruptibili, si sic velle-
 mus accipere factum: non omnia creata
 sunt facta. Hujusmodi autem itaque spi-
 rituales substantiæ mediæ sunt existentia
 & facta, id est, inter Deum & ista gene-
 rabilia, nec totaliter mensurantur ævo
 nec totaliter tempore; sed mensurantur
 utroque: ideo ait Dionysius eodem libro
 & capit. *Media autem eorum quæ sunt, & quæ
 sunt ea, quæ partim æternitate partim tempore
 participant.* Angeli ergo, qui sunt spiritua-
 les substantiæ sive mediæ juxta Dionysij
 sententiam, secundum aliquid mensura-
 buntur ævo, & secundum aliquid tempore.
 Si enim mediæ mensurantur utroque,
 constat, substantias spirituales esse sic
 medias, oportet hujusmodi substantias
 mensurari utroque. Non autem dici po-
 test, quod quantum ad esse mensurantur
 tempore, & quantum ad operari ævo.
 Quia tunc esset stabilis eorum operari,
 quàm esse: erit ergo è converso, quia se-
 cundum esse mensurabuntur ævo, & se-
 cundum operari tempore.

Hac etiam via videtur procedere D

D. Aug. P.
 N. 8. super
 Gen. ad litt.
 cap. 20.

August. 8. sup. Gen. ad litteram, qui in-
 ter simpliciter immobile qui est Deus, &
 simpliciter mobile, cujusmodi sunt ista
 inferiora corporalia, ponit substantiam
 spirituales mediam. Ait enim, quod Deus
 spirituales creaturas temporali præposuit, quod
 spirituales tantummodo per tempora mutari possit,
 corporalis autem per tempora & loca. Et exē-
 plicando subdit: *Per tempus movetur ani-
 mus, vel reminiscendo quod oblitus erat vel dis-
 cendo quod nesciebat, vel volendo quod nolebat.*
Per loca autem (ut ait) movetur corpus. Dice-
 mus ergo, quod Deus est omnino immo-
 bilis & per tempora, & per loca: creatura

autem corporalis omnino mobilis & per
 tempora & per loca: si ergo universum
 est connexum, oportet, quod media me-
 dio modo se habeant: spirituales ergo
 substantiæ, quæ sunt mediæ inter Deum
 & ista corporalia, non erunt omnino im-
 mobiles, quod non moveantur tempore,
 nec loco; nec omnino mobiles, quod
 moveantur utroque; sed secundum Au-
 gust. sententiam tenebunt mediam: mo-
 veantur enim uno modo, & non alio.
 Non autem dici potest, quod movean-
 tur loco & non tempore, sed non con-
 vertitur: moveri enim tempore nihil est
 aliud, quàm successivè se applicare: quia
 ut ait August. in libro præsignato: *Omne
 autem quod movetur per locum, non potest nisi per
 tempus simul moveri.* Sed moveri loco est
 successivè se applicare, non ad quodcum-
 que & quocumque modo secundum situm
 & situaliter: moveri ergo tempore est
 generalius, quàm moveri loco, & quidquid
 movetur loco, movetur tempore: quia
 quidquid successivè se applicat situaliter
 vel secundum situm, applicat se succes-
 sivè secundum aliquid, quod appli-
 cet se situaliter, vel secundum situm:
 imò quia Angeli nusquam sunt situa-
 liter, impossibile est eos se movere
 secundum locum (loquendo de motu se-
 cundum locum, ut de eo loquitur Aug.
 qui talem motum solum attribuit cor-
 porali substantiæ) quia localis substantia
 loco situaliter se commensurat: movetur
 ergo spirituales substantiæ tempore, quia
 aliquibus se successivè applicant, quia
 nunc cogitant de uno, nunc de alio, nunc
 affectionem referunt ad unum, nunc ad
 aliud: non autem moventur loco, quia
 cum non sint alicubi situaliter, non pos-
 sunt se successivè situaliter applicare: unde
 & si moverentur Angeli ab oriente in
 occidentem, cum nec in oriente nec in oc-
 cidente sint situaliter, magis erit talis mo-
 tus secundum tempus: quia non sunt si-
 mul in oriente & in occidente, quàm sit
 secundum locum. Vt quod fuerunt situa-
 liter in oriente; vel sint modò situali-
 ter in occidente: moventur ergo spiri-
 tuales substantiæ per tempus, quia in suis
 operationibus successivè se habent, ut quia
 non operantur simul, ubique possunt o-
 perari; sed nec operantur in hoc loco,
 nec in alio: talis enim successio, cum nec
 operantur in hoc loco nec in alio, sed
 largè loquendo, possit dici successio lo-
 corum

Quomodo
 in operan-
 nibus Ang-
 lorum est
 successio

corum; propriè tamen est ibi successio operationum: quia ibi est spiritualis substantia ubi operatur. Est ergo ibi successio operationum, quia non operatur simul, ubicumque potest operari. Et etiam est ibi successio operationum, quia non operantur simul omnia, quæ possent operari, ut non afficitur simul ad omnia ad quæ potest affici. Et loquendo de eorum intelligere naturali, non intelligunt omnia simul, quæ possunt intelligere: in operationibus ergo Angelorum est successio, vel quia intelligunt quod prius non intelligebant: ut quia convertunt se super aliqua specie super quam prius non se convertebant, vel quia volunt quod prius non volebant. Nam si diversificatur eorum intelligere & successivè intelligunt, oportet, quod diversificetur eorum velle, & quod successivè velint. Nam quod nunc intelligant per hanc speciem intelligibilè, per quam prius non intelligebant, hoc est, quia volunt se convertere super huiusmodi speciem, super quam prius non volebant. Et quia hoc est moveri tempore secundum August. Angeli quantum ad suas operationes tempore mensurantur. Quod si dicatur: quod August. 8. super Genes. ad litteram non loquitur de spiritu angelico, sed humano: quia spiritus humanus est ille, qui reminiscitur quod erat oblitus, non autè angelicus: quia in spiritu angelico non sunt propriè oblitio & reminiscètia. Dicemus, quod sicut spiritus humanus habet quandam successione in operationibus suis, sic & spiritus angelicus. Angeli enim licèt in suo esse & in sua vita non habeant præteritum & futurum: quia non omnes suas operationes habent simul: motus enim Angelorum, idest, eorum operationes secundum quas successivè moventur ab una operatione in aliã transeundo, habent præteritum & futurum. Quod August. expressè ponit 13. lib. de civit. Dei cap. 16. dicens: si mortalitas Angelorum, idest, si eorum vita perpetua non transit in tempore nec præterita est quasi non sit. Nec futura quasi non dum sit. Tamen eorum motus quibus tempora peraguntur in præteritum transeunt. Possunt autem dici Angelorum motus, secundum quos tempora peraguntur, operationes ipsorum in quibus cadit successio, & per consequens tempus tantum. Causa ergo quare in operationibus Angelorum cadit tempus secundum Diony.

est quia Angeli sunt media existentium & factorum: idè nec mesurantur mensura existentium, idest, permanenti, nec omninò mensura fluxibili: sed quantum ad esse mesurantur existenti, ut ævo; quantum ad operari mesurantur mensura successiva, ut tempore. Hæc autem causa assignata à Dionysio generaliter: quia ipse non descendit specialiter ad ipsas substantias spirituales, sed stat in hac generalitate, quia media existentium & factorum mesurantur ævo & tempore: assignata est ab August. specialiter, quia ipse specialiter descendit ad spirituales substantias.

Auctor etiam de causis hunc modum tenet dicens in 13. propositione sua *Inter rem cuius substantia & actio sunt in momento æternitatis, & inter rem cuius substantia & actio sunt in momento temporis, est medium, & est illud, cuius substantia est ex momento æternitatis, & operatio ex momento temporis.* Quod declaratur in commento: quia ut ibi dicitur *Res cuius substantia & actio est in momento æternitatis*, id est in æternitate est sejuncta, id est separata à re, *Cuius substantia & actio est in momento temporis*, id est, in tempore, quasi dicēs, quod partes, quæ secundum omnia sua, videlicet, tam secundum substantiam, quàm secundum operationem & mesurantur æternitate, id est, mensura permanente, & separata, id est, valde distanti à re, quæ secundum omnia sua mesuratur tempore, id est, mensura successiva. Ut ergo universum sit connexum, oportet dare rationem mediam, quæ secundum aliquid mensuretur æternitate, secundum aliquid tempore. Hoc autem medium habebit quandam connexionem cum utroque extremo: videretur enim universum dissolutum, si inter rem, quæ totaliter est sub æternitate, & rem quæ totaliter est sub tempore, non esset res media, quæ secundum aliquid esset sub æternitate, secundum aliquid sub tempore. Huiusmodi autem res media, quæ secundum aliquid est sub tempore, & secundum aliquid sub æternitate, vel erit secundum substantiam sub tempore, vel secundum operationes sub æternitate, vel è converso. Non autem dici potest, quod substantia alicujus rei sit sub tempore, & actio sub æternitate: quia tunc esset actio melior & nobilior, quàm substantia: oportet igitur esse è converso, quod substantia sit sub æternitate, idest, sub ævo, & actio sub

Opinio Auctoris de causis in prop. 13.

Sententia Procul. prop. 106.

Sententia
Procul.
Corp. 106.

tempore. Hanc etiam sententiam ponit Proculus 106. propositione dicens: *Omne ens quod est omni quàm est æternale secundum substantiam & operationem, & omni quàm est temporale habet ens medium.* Quod hoc quidem habet æternale, hoc autem temporale, quod in Commento declaratur eodem modo sicut in libro de causis. Dicitur enim ibi, quod istud medium, quod aliquando est æternale, aliquando temporale, non potest esse æternale secundum operationem, & temporale secundum substantiam: quia esset & operatio dignior substantia. Res itaque media habebit æternalem substantiam & temporalem operationem: generaliter itaque loquendo, ut Sæcti Dionysius & Augustinus, & etiam Auctor de causis & Proculus, ponunt rem mediam habentem substantiam in æternitate, operationem in tempore. Hujusmodi autem res media secundum veritatem sunt ipsæ intelligentiæ: propter quod operationes intelligentiarum mensurantur tempore. Sed licet Auctor de causis, generaliter loquendo, non possit trahi ad hanc veritatem: tamen si ad suam positionem volumus specialiter descendere, videtur quãdam inconvenientiam implicare. Posuit enim ipse (si considerantur diligenter sermones ejusdem supra æternitatem) intelligentiam parificari æternitati. Corpus enim cæleste secundum substantiam & operationem collocavit sub tempore; animam verò secundum substantiam dicit esse in æternitate, secundum actionem verò in tempore. Ipse enim non intendit agere principaliter nisi de universalibus, & de primariis causis, quæ secundum eum sunt quatuor, Deus, intelligentia, anima cæli, & cælum, quæ secundum eum quomodo se habeant ad mensuram dictum est. Nam circa has quatuor causas universales & primarias, quod dixit de Deo, quod est supra æternitatem: leviter salvari potest, quod est supra æternitatem participatam, quàm communi nomine vocamus ævum. Quod enim dixit de anima cæli, quia substantiam habet in æternitate & actionem in tempore non habet dubium. Sed quod dixit de intelligentia & de cælo magnam dubitationem habet. Posuit enim intelligentiam simpliciter in æternitate & cælum simpliciter in tempore. Quod autem intelligentiam poneret simpliciter in æternitate, & diceret eam parificari æternitati, patet, quod illud

quod dicit in Commento propositionis secundæ, quod intelligentia parificatur æternitati, quod idem est dicere ac si dixisset, quod intelligentia secundum nihil sui est in tempore. Quod verò corpus cæleste poneret simpliciter sub tempore, patet per propositionem tricelamam. Vbi dicit: *Omnis substantia creata in tempore aut est semper in tempore, & tempus non superfluit ab ea, quàm est creata, & tempus equaliter. Aut superfluit super tempus, & tempus superfluit ab ea, quia est creata in quibusdam horis temporis.* Cujus propositionis intellectus est, quod corpora sempiterna cujusmodi sunt corpora cælestia, sunt temporalia secundum substantiam, quia tempus non superexcedit ipsam, sed æquarentur tempori. Hæc autem corruptibilia corpora sunt, & temporalia secundum substantiam, quia sunt producta in quibusdam horis temporis, ita quod tempus superexcedit ea; & hujusmodi etiam superexcedunt tempus quantum ad aliquam partem temporis, ut corpus corruptibile, quod durat per decem annos, superexcedit tempus unius anni & quod durat per diem super excedit tempus unius horæ.

Sed licet sic videatur Auctor de causis, utrumque tamen horum videtur falsum esse. Nam falsum est, quod intelligentia parificetur æternitati; & quod nihil secundum sui cadat sub tempore, cum dictum sit operationes intelligentiarum tempore mensurari. Rursus falsum est, cælum secundum substantiam esse in tempore, cum cælum sit perpetuum, & cum non habeat substantiam incorruptibilem: unde intelligendo verba Auctoris de causis, falsa sunt; possumus tamẽ eum iuvare, & dicta ejus ad veritatem reducere, nã cum dicit intelligentiam parificari æternitati, & quod secundum substantiam & operationem est supra tempus, non est intentio ejus, quod in operationibus intelligentiæ non sit aliqua successio. Cum ipse dicat in propositione 10. quod *Omnis intelligentia est plena formis*. Si enim in intelligentia sunt multe formæ, non potest omnibus illis actualiter informari, nec potest secundum omnes illas formas simul actu intelligere: oportet ergo, quod nunc intelligat per unam, nunc per aliam, intellectionem, & nunc per aliam, quod sine successione esse non potest. Est itaque in operationibus intelligentiæ successio, & cadit ibi tempus; sed non illud tempus, quod fundatur in motu primi

mi mobilis: quia intelligentia nec secundum substantiam nec secundum operationem suam intelligibilem dependet à motu celi. Accipiendo igitur tempus propriè secundum quod tempus dicitur numerum prioris & posterioris fundatum in motu celi; intelligentia tam secundum substantiam, quam secundum operationes est supra tempus, quod nec hoc modo nec illo dependet à motu celi. Est enim propria operatio intelligentiæ intelligere, quod non dependet à motu celi; sed operatio animæ est movere corpus; motus autem corporis de necessitate cadit sub tempore propriè dicto: cadit enim motus celi sub tempore propriè sumpto, & est temporalis, & si non secundum se totum saltem secundum suas partes: nam si nihil est esse temporale, nisi quod includitur in tempore, totus motus celi non est temporalis: quia secundum se totum non includitur in tempore: incipit enim talis motus cum tempore, & desinet cum tempore; partes tamen illius motus temporales sunt, & à tempore continetur. Accipiendo itaque tempus propriè, intelligentia est supra tempus secundum substantiam & operationem; anima verò secundum substantiam est supra tempus; operatio tamen ejus, quæ est movere, est in tempore. Sed si accipiat tempus largè pro quacunque successione, in operationibus intelligentiæ cadit successio, & per consequens tempus.

Possimus autem si volumus taliter adjuvare Auctorem de causis, dicendo, quod intelligentia secundum substantiam & operationem mensuratur æternitati, id est, ævo, non quod quælibet operatio intelligentiæ ævo mēsuretur: sed quia habet aliquam operationem, quæ ævo mēsuratur: nam si loquimur de operatione ejus supernaturali, cujusmodi est visio Divinæ essentia, certum est, quod in tali operatione non cadit successio. Sed præter talem operationem supernaturalem est dare in intelligentia operationem supernaturalem, quæ mensuratur ævo. Nam cum intelligentia semper intelligat se ipsam, & nunquam ab hoc intelligere decidat. Tale intelligere non cadit super tempore, & ibi non cadit successio. Semper enim intelligentia est sibi præsens secundum substantiam, & semper se ipsam intelligit; sed non semper se convertit super quamlibet speciem, quam habet, & non semper actu intelligit quicquid potest intelligere per hujusmodi species: propter quod in

intelligere ejus, prout intelligit alia per species, cadit successio, & est ibi tempus, non tempus propriè sumptum, quod datur in motu primi mobilis; secundum quod est alterius rationis. In illo tamē intelligere, quo intelligit se ipsam per substantiam suam, non cadit successio. Sed quomodo intelligentia se intelligit, in quaestionibus de cognitionibus Angelorum diffusius dicemus.

Iuvimus ergo Auctorem de causis, quomodo possit intelligi, quod intelligentia nec secundum substantiam, nec secundum operationem non cadat sub tempore: volumus autem iuvare ipsum, quomodo possit intelligi, quod corpus superæste substantiam habeat temporalem. Sciendum est ergo quod aliter loquendum est de anima movente cælum, & de cælo: nam anima movens cælum, ut motor appropriatus, ejus habet operationes in tempore: sed operatio illa est transiens in exteriorē materiam, quia est ipsa motio cæli: substantia itaque animæ cæli non est temporalis, quia nihil est in ejus substantia, quod mēsuretur tempore propriè dicto: tempus ergo propriè sumptum non est in substantia animæ, nec est in operatione ejus intrinseca; sed solum est in operatione transeunte in exteriorē materiam. Sed non sic est de cælo, quia ipse motus cæli, qui est in ipso cælo, subicitur tempori propriè dicto. Propter quod consequens est, quod tempus sit in ipsa substantia cæli, quia est in motu cæli, qui, ut in subjecto, habet esse in cælo. Substantia igitur cæli est temporalis, non quia substantia cæli non sit perpetua, sed quia in tali substantia habet esse tempus propriè sumptum, cum ibi habeat esse motus, in quo fundatur tale tempus: sed substantia animæ non est temporalis, loquendo de anima cæli, quia nihil est in substantia talis animæ, quæ mēsuretur tempore propriè sumpto.

Prætermisissis autem superstitionibus Philosophorum, quorum dicta, licet, in pluribus veritatem contineant & salvari possint, tamen in multis, quamdam superstitionem loquendi & ampliositatem verborum continent. Dicamus, quod ut potest patere perihabita, quinque sunt gradus rerum. In supremo enim gradu est ipse Deus, qui secundum omnia sua mēsuratur æternitate simpliciter. In infimo autem gradu sunt ista temporalia, quæ secundum omnia sua mēsurantur mēsurâ successiva (accipiendo mēsuram successivam

motu primi mobilis, sed alterius rationis.

Quomodo possit concordari veritati dicti Auctoris de causis, quod corpus superæste substantiam habet temporale.

Quinque gradus rerum.

suam largè: sive sit tempus sive nunc tem-
poris) intermedia autem sunt tria, videli-
cet, corpus superceleste, anima humana,
& intelligentia, non autem in hac parte
est simpliciter adhaerendum superstitioni
Philosophorum aliquorum distinguentiū
inter animas celestes, & intelligentias: a-
nimæ enim celestes sive substantiæ spiri-
tuales moventes cælos intelligentiæ sunt.
Loquendum est enim aliter, ut pluries &
nos ipsi multoties sequendo hunc modū
loquendi, dedimus differentiam inter ani-
mas celestes & intelligentias, quod secū-
dum quandam congruitatem accipiendū
est: congruum enim est, quod animæ cæ-
lorum sive motores orbium infimum
gradum teneant inter intelligentias: quia
infima in speciebus debent attingere su-
prema in corporibus: communiter tamē
loquendo, animæ cælorum intelligentiæ
sunt: inter Deum ergo & hæc corpora
corruptibilia, dicemus intelligentias,
corpora celestia, & animas humanas.
Quod si quis vellet superaddere quartum
gradum, videlicet, animas celestes, dici
posset, quod huiusmodi animæ possunt in-
ter intelligentias computari. Omnia au-
tem hæc tria quantum ad esse mensuran-
tur ævo, quantum ad operationes men-
surantur tempore, quia intelligentia, lo-
quendo de tempore propriè dicto, ma-
gis est à tempore semota: quia nec se-
cundum substantiam nec secundum ope-
rationes dependet à motu cæli, sive à tē-
pore propriè dicto. Corpus autem super-
celeste, licet secundum se sit incorrupti-
bile, in ipso tamen cælo fundatur motus
sive tempus propriè sumptum, quia fun-
datur in motu, qui est in cælo: Anima
verò humana secundum quod est conjū-
cta corpori habet indirectè operationem
subiectam tempori propriè sumpto: quia
eo ipso, quod corpus humanum est sub-
iectum tali tempori, anima humana, quæ,
ut ultimum sequitur complexiones cor-
poris, indirectè habet operationem sub-
iectam tali tempori: quodlibet ergo is-
torum trium habet substantiā incorrup-
tibilem, & habet operationem, ubi cadit
successio. Nam in motu cæli successio
cadit, intelligentia etiam nostræ animæ
est cum discursu, Angelus etiam non in-
telligit omnia simul, sed intellectio u-
nius rei succedit intellectio alterius. Ac-
cipiendo itaque tempus largè pro omni

A rū mensurantur tempore, quia in talibus

operationibus habet esse aliqua successio.

Postquam ostendimus, quod sancti
& Doctores circa hanc materiam sēse-
runt, & declaravimus, quomodo eorum
dicta ad hanc veritatem reduci possunt,
quod accipiendo tempus largè pro quali-
bet mensura successiva, operationes An-
gelorum tempore mensurantur, quod fuit
primum principale propositum, aggre-
di volumus secundum principale ex his,
quæ sunt in motu, & ex his quæ sunt in
istis sensibilibus, declarando huiusmodi
veritatem. Comparabimus enim Angelos
ad cælum & ad motum ejus, in quo est
tempus propriè sumptum, & ostende-
mus, quod ibi est simile & dissimile. Si-
mile quidem, quia & in motu cæli & in
operationibus Angelorum est successio
aliqua: dissimile verò, quia successio hæc
& illa non sunt ejusdem rationis: sed una
habet continuitatē; alia verò non: propter
quod successio hæc & illa, vel tēpus hoc
& illud dicuntur non esse ejusdē rationis.

Propter primum sciendum, quod
sicut cæli successio est in suis ubi, ita quod
nunc est in uno ubi, & nunc in alio: & si-
cut non est possibile, quod cælum sit si-
mul in omnibus suis ubi, sic Angelus suc-
cessivè est sub suis intentionibus, vel sub
suis affectionibus, non est possibile, quod
Angelus sit simul sub omnibus huiusmodi
operationibus: & sicut cælum movetur
de ubi ad ubi, & talis motus dicitur esse
tempus, & mensurari tempore, sic Ange-
lus mutatur de affectione in affectionem,
& de una intellectio in aliam, & talis
mutatio operationum tempore mensu-
ratur. Dicemus ergo, quod sicut una est
substantia cæli, quæ est nunc in uno ubi,
nunc in alio: idè dicitur inesse unum
nunc in toto tempore, quod mensurat
motum cæli secundum ubi, sic una est
substantia Angeli, quæ substernitur nunc
huic operationi: nunc illi: idè esse unū
nunc in toto tempore, quod mensurat
motum angelicæ operationis. Et si dica-
tur, quod substantia nō substernitur ope-
rationi nisi mediante potentia, quod
potentia est in ipsa substantia; & idè
quidquid est in potentia, est etiam in ip-
sa substantia. Sicut ergo anima est lo-
cus specierum, sed non tota, idèst, non
secundum suam quamlibet potentiam,
sed intelligentia tantum, idèst, secundum
intellectum tantum, ita quod esse animæ

Quæ à Phi-
losophis ani-
mæ cælorū
dicuntur,
substantiæ
sunt spiritu-
ales moven-
tes cælum.

Infima in spi-
ritualibus
debēt attingere supre-
ma in corpo-
ralibus.

Tempus pro-
priè dictum
fundatur in
motu cæli.
Anima hu-
mana habet
prout consu-
ta corpori
operationē
subiectam ta-
li tempori.

Operationes mensura successiva, operationes Angelo-

Angelorum
mensurantur
tempore
cepto pro
quacunque
mensura
cessiva.
Circum
principium
questum

Successio
operationum
Angelice
nō est eiu-
dem
rationis
successio
temporis
priè accepti
licet sit

Sic opera-
tiones Ange-
licæ dicuntur
tempore
mensurari.

non locus specierum sensibilium, nec anima est locus specierum secundum potentiam sensitivam: quia potentia sensitiva, ut in subiecto directe & immediate, & secundum se non fundatur in ipsa essentia animæ; sed in organo: organum ergo est locus, & subiectum specierum sensibilium, ut oculus est locus specierum visibilium, in quo fundatur virtus visiva: essentia tamen animæ est locus specierum intelligibilium, in qua fundatur potentia intellectiva. Sic & in proposito, ipsa substantia Angeli est locus, & est subiectum omnium operationum ejus: quia in huiusmodi substantia habet esse potentia Angeli, à qua fluit talis operatio: omnia enim accidentia immediate attingunt ipsam substantiam, & immediate fundantur in ipsa substantia; ita quod nullus inter ea sit ordo. Non enim sic se habet qualitas & quantitas ad substantiam corporealem, sicut se habent duæ tunicæ, quibus induitur corpus, quia tunica superior vel tunica, quæ posterius advenit corpori, non attingit immediate corpus, sed qualitas quantumcunque advenit posterius materiæ quàm quantitas, immediate tamen attingit ipsam materiam, ita quod nullus est ibi ordo situs inter huiusmodi accidentia. Sed si est ibi ordo, hoc est, secundum causalitatem tantum, ita quod causaliter accidentia priora sunt, quasi organa substantiæ ad consequendum accidentia posteriora: & hoc modo unum accidens inest substantiæ mediante alio accidente. Hic autem modus loquendi, quod accidentia priora sunt quasi organa substantiæ ad consequendum accidentia posteriora, est multum proprius in proposito; quia potentia angelica est quasi organum substantiæ ad sequendum operationem: utrumque immediate fundatur in substantia angelica, tam potentia, quàm operatio, ita quod nullus est ibi ordo situs, nec est ibi mutatio secundum situm, sed solum secundum causalitatem. Potentia enim (loquendo organicè) est causa media ad hoc, quod substantia Angeli sit principium operationis: in utroque ergo fundatur operatio & in potentia, & in substantia, quæ est subiectum principale & radicale: & quia hoc dicit nunc illud, quod principaliter subijcitur successioni, & motui, ideò ipsa substantia Angeli tenet quamdam principalitatem ad hoc, quod successivè subijciatur nunc huic o-

perationi, nunc illi, ideò talis substantia respectu temporis mensurantis successione talium operationum habet rationem ipsius nunc: propter quod apparet declaratum, quod nunc temporis & nunc ævi idem sunt realiter. Nam ipsa substantia æviter in quantum tenet quamdam principalitatem, ut subijciatur successioni operationum, dicitur esse nunc temporis: ita quod tempus in Angelis erit ipsa successio operationum; nunc verò temporis erit ipsa substantia ejus. Sic etiam ipsa eadem substantia, ut subijcitur ipsi esse, habet rationem nunc ævi. Vtrum autem possit aliter accipi nunc, quàm ipsa substantia mobilis in sequentibus apparebit.

Redeamus autem ad propositum, & dicamus, quod aliquo modo simili se habet Angelus ad suas operationes, & cælum ad sua ubi, quia sicut cælum non est sub omnibus suis ubi simul, sed successivè, & ideò intervenit ibi tempus: sic Angelus non est sub omnibus suis operationibus simul, sed successivè, & ideò intercedit ibi tempus: attamen cum hac similitudine, quæ est quædam successio hic & ibi, sunt ibi multæ dissimilitudines. Nam in successione ipsorum ubi est considerare quatuor, quæ differenter se habent, prout cælum movetur secundum sua ubi; Angelus secundum suas operationes. Primum est, quia si cælum nunc inciperet moveri, non esset ibi dare primum ubi acquisitum esse: nam cum motus localis sit continuus, & continuum sit divisibile in infinitum, non est ibi dare primum mutatum esse, nec est dare in aliquo spatio acquisito à mobili primum acquisitum esse: sic etiam prout cælum successivè acquirit aliquod ubi, non est ibi dare primum ibi acquisitum esse. Sed si Angelus nunc crearetur, & nunc inciperet operari, esset ibi dare primum operatum esse. Non conturbet aliquos quod diximus: cælum moveri secundum ubi, & semper esse in alio, & alio ubi, & successivè acquirere suum ubi, cum cælum sit semper in eodem ubi. Nam cælum secundum se totum semper est in eodem ubi secundum substantiam: tamen semper mutat ubi secundum dispositionem: quia cum continuo moveatur, semper est aliter & aliter dispositum in illo ubi: sed si consideretur cælum secundum suas partes secundum scientiarum Comment. in 8. Phys. mutat ubi, & substantiam, & secundum

Similitudo
Angeli ad
suas opera-
tiones, & cæ-
li ad sua u-
bi, est cum
multa dissi-
militudine
& differentia.

Comm. 8.
Phys.

cundum dispositionem: quia partes ipsius A sed non est ejusdem rationis, ut est per
cæli non semper sunt in eodem ubi secun- habita manifestum.
dum substantiam, & secundum totum: er-
go est ibi successiva acquisitio ipsorum ubi secundum dispositionem: & secundum
partes est ibi hujusmodi successiva acqui-
sitio secundum aliud & aliud ubi per par-
tes.

Secunda dif-
ferentia.

Secunda differentia inter successio-
nem ipsorum ubi in cælo & successionem
operationum in Angelo est, quia cælum
non sistit in aliquo ubi, sed semper succes-
sivè movetur secundum sua ubi; Ange-
lus verò sistit nunc in hac operatione, nunc
in illa. Tertia quidem differentia est, quia
partes cæli sic acquirunt successionem B
sui ubi, quod non acquirit aliquod
ubi totum simul, sed semper partem post
partem; Angelus verò tota suâ operatione
simul acquirit, quia, cum hujusmodi o-
perationes sunt simplices, non est ibi da-
re partem & partem: est ergo successio
in operationibus Angeli: quia una opera-
tio succedit alteri; non autem est ibi suc-
cessio, quod pars operationis succedat
parti.

Quarta dif-
ferentia.

Quarta differentia est, quia cælum
vel partes ejus, quæ mutant ubi secundum
substantiam, non solum non acquirunt C
totum suum ubi simul, sed etiam non per-
dunt hujusmodi ubi simul: sed sicut in ac-
quirendo ubi, acquirunt partem post partem,
sic in perdendo quod acquisitum est, per-
dunt partem post partem: Angelus autem
non sic, sed cum desinit esse sub una ope-
ratione, & incipit esse sub alia, totam ope-
rationem priorem simul dimittit, &
totam posteriorem simul acquirit. Ex qui-
bus apparet, quod successio in cælo se-
cundum sua ubi est continua: nam succes-
sio continua illa quatuor requirit, quod
non sit ibi dare primum mutatum esse, D
quod non interrumpatur hujusmodi mo-
tus, & quod mobile ad hoc, quod con-
tinuè moveatur, non sistat in aliquo ac-
quisito per motum. Tertio verò ut succes-
sio aliqua sit continua: & ad hoc quod
morus aliquis successivus sit continuus,
requiritur, quod illud, quod acquiritur
per totum, non totum simul acquiratur.
Et quarto requiritur, quod non totum si-
mul perdatur. Propter omnia igitur hæc
quatuor tempus, quod mensurat motum
cæli, est continuum: sed tempus, quod
mensurat operationes angelicas, est non
continuum: est ergo tempus hæc & ibi;

Declarato secundo principali in-
tento, quia ostensum est, quomodo per
ea, quæ videmus in istis sensibilibus, ali-
qualiter apparet nobis, quid dicendum
sit de tempore, quod mensurat operatio-
nes angelicas. Exequi volumus de tertio
principali. Volumus enim adducere dif-
ficultates circa hanc materiam & illas sol-
vere. Sciendum ergo, quod, quantum
ad præsens spectat, tres difficultates pos-
sumus circa hanc materiam tægere. Qua-
rum prima sumitur ex unitate intellectio-
nis. Secunda ex successione intellectio-
num. Tertia ex continuitate ipsarum. Ex
ipsa quidem unitate intellectio-
nis, videtur magna difficultas oriri: nam si tem-
pus non est nisi quædam successio, satis
fortè videretur alicui, quomodo plures
operationes mensurantur tempore: quia
una succedit alteri, & successio absque
tempore esse non potest (loquendo de
tempore largè prout dicit mensuram
quamlibet successivam) sed cum in una
& eadem operatione non sit successio,
quia cum sit simplex, non habet partem
& partem, non videtur via ad evadendū,
quomodo mensuretur tempore: quia si
una operatio secundum se non mensura-
tur tempore, arguimus, quod nec aliæ
omnes operationes mensurabuntur tem-
pore. Nam sicut se habet totum mensu-
ratum ad totum tempus, sic totus motus
ad totum tempus. Sic se habet quælibet
pars mensurati, sive quælibet pars mo-
tus ad partem temporis. Et si quælibet
pars motus non mensuretur tempore,
nec totus motus posset tempore mensu-
rari. Si ergo omnes operationes, vel si mo-
tus secundum operationes, quas opera-
tur, mensuratur tempore, oportet, quod
& quælibet operatio tempore mensure-
tur: quod si non sic est, nec omnes o-
perationes poterunt tempore mensu-
rari.

Secunda difficultas ad hoc idem su-
mitur ex successione operationum: nam
tēpus oportet dicere quid naturale; non
autem quid ad placitum. Cum ergo An-
gelus possit sistere in qualibet operatione
quantum sibi placet, successio operatio-
num in Angelo non erit naturalis, sed ad
placitum: talis ergo successio non mere-
bitur dici tempus, cum tempus quid na-
turale dicat. Tertia difficultas sumitur ex
in

Tres diffi-
cultates circa
tēpus quod
mensurat
operationes
angelicas
Prima diffi-
cultas circa
naturale
tēpus

Secunda
difficultas
circa
successione
operationum

Tertia diffi-
cultas

in cōtinuitatē operationū istarum. Di-
 ximus quidem, quod tempus hoc & illud
 est aliud & aliud, secundū aliam & a-
 liam rationem: quod istud est continuū
 & non illud: cū ergo tempus de se sit
 numerus, continuatio vel non continua-
 tio non videtur facere essentialē diffe-
 rentiam in tempore, ut ex hoc dicam,
 quod est alterius rationis hoc & illud, vel
 quod ex hoc dicatur tempus illud se ha-
 bere æquivocē ad hoc tempus: nam æ-
 quivoca sunt quorum nomen est unum,
 ratio verō substantiæ est diversa. Itaque,
 quod est præter rationem temporis, cu-
 jusmodi est continuatio, differentiam es-
 sentialē, & per consequens æqui-
 vocationem nequaquam inducere po-
 test.

Prima autem difficultas dupliciter
 solvi potest: dicemus enim, quod motus
 Angeli secundū operationes magis af-
 similatur motui ad formam, quā motui
 ad ubi; non solum, quia res magis af-
 similatur rei, sed etiam quia motus magis af-
 similatur motui: res enim in talibus ma-
 gis afsimilatur rei, quia ipsa operatio quæ-
 dam perfectio est: & etiam ex hoc habet
 quamdam rationem formæ, informatur
 enim & perficitur potentia per suam
 operationem, actus enim, & perfectio, &
 forma, & cetera huiusmodi quodammo-
 do idem dicunt: afsimilatur ergo res ma-
 gis rei: quia ipsæ operationes, secundū
 quas attenditur motus in Angelis, quædam
 formæ dici possunt, cū sint quædam
 perfectiones potentiarum: & quidquid
 perficit aliud, ejus forma dici potest. Af-
 similatur etiam motus magis motui, nam
 licet in motu locali non sit dare primum
 mutatum esse; in motu tamen ad formam
 est dare primum mutatum esse, quia est
 dare minimam partem & minimam a-
 quam, ut probatur in primo Phys. cum
 disputat Phis contra annexa. Sicut etiam
 & in formis accidentalibus, non enim
 quantumcunque modica materia est sus-
 ceptiva formæ accidentalis, ut non
 quantumcunque modica materia est
 susceptiva caloris, quod si esset mi-
 nor non posset ibi reservari calor: di-
 visio ergo continui vadit in infinitum,
 sed non divisio formæ per quod mo-
 tus localis, cujus successio innititur
 divisioni continui, habet infinita muta-
 ta esse in potentia, sicut & continuum
 in potentia est divisibile in infinitum. Nec

est ibi primum mutatum esse, sicut nec in
 continuo est dare minimam partem, sed
 in motu ad formam est dare primum mu-
 tatum esse: ut si ignis calefaciat aquam, est
 ibi dare primum calefactum esse, quia o-
 portet dare aliquam partem aquæ totā si-
 mul calefactā, quia non qualibet pars a-
 quæ quantumcunque minima est suscep-
 tiva caloris. Non autem sic est in motu
 locali, quia non est ibi dare aliquam par-
 tem spatij totam simul acquisitam. Benè
 igitur dictum est, quod motus secundū
 operationes Angelorum afsimilatur ma-
 gis motui ad formam, quod motui ad ubi,
 quia est ibi dare primum mutatum esse, &
 est ibi dare aliquid totum simul acquisitū:
 nā Angelus cū transit de una intellectuione
 ad aliā, unā totā simul desinit, & aliā simul
 acquirit. Sed sic dicēdo incidimus in quā-
 dam veritatem, sed augemus difficultatē
 quæstionis. Nam cū contra rationem
 temporis sit esse totum simul, impossibile
 videtur esse, quod aliquid, quod totum
 simul acquiritur, tempore mensuretur.
 Dicemus itaque, quod una & eadem ope-
 ratio Angeli, si consideratur secundū se,
 tempore non mensuratur; sed in ordine
 ad operationem aliam tempore mensu-
 retur: nam sic aliquid mensuratur tempo-
 re, per se loquendo, secundū quod in
 eo reperitur ratio motus: quia motus est
 illud, quod per se & primò tempore mē-
 suratur; ratio autem motus non reserva-
 tur in re acquisita, nisi in ordine ad rem
 acquirendam: quia esse, quod movetur,
 partem habet, & pars sibi deficit, quia
 si nihil haberet, nondum incepisset motus;
 si totum haberet, iam terminatus esset
 motus. Inde est, quod motus est actus en-
 tis in potentia; est enim actus entis ratione
 acquisiti; sed actus in potentia ratione ac-
 quirendi: sed est actus entis in potentia
 secundū quod in potentia, quia acquisi-
 tum; ut habet ordinem ad acquirendum
 secundū quod habet talem ordinem, &
 mobile secundū quod est in potentia ad
 acquirendum reservatur in eo ratio mo-
 tus. Hoc igitur modo Angelus movetur
 secundū operationes, prout de operatio-
 ne acquisita tendit in operationē acqui-
 rendam. Una ergo operatio potest dici
 mensurari tempore, non secundū se,
 quia nec in ea secundū se reservatur ra-
 tio motus, sed mensurabitur una operatio
 tempore, prout habet ordinem ad ope-
 rationem aliam. Sicut unitas secundū se

Motus secū-
 dū opera-
 tiones Ange-
 licas afsimi-
 latur magis
 motui ad
 formā, quā
 motui ad u-
 bi. Operatio
 Angeli secū-
 dū se non
 mensuratur
 tempore, sed
 prout habet
 ordinem ad
 aliam. Quia
 si habet pro-
 priā rationē
 motus, qui
 est actus en-
 tis secundū
 quod in po-
 tentia.

de partibus diffinitivis rerum dicitur, A quod cuprum est de ratione circuli cuprei, licet non sit ratione circuli simpliciter. Si enim diffiniretur circulus simpliciter, cuprum non ingrederetur diffinitionem ejus; sed si diffiniretur circulus cupreus, oporteret, quod ad diffinitionem ejus pertineret cuprum. Sic & in proposito, cum tempus non dicat numerum simpliciter, sed applicatum ad motum, oportet, quod in diffinitione ejus cadat motus. Et quia æquivocè dicitur motus prout est successio operationum angelicarum, & prout est successio ipsorum ut in cælo, oportet, quod diffinitio hujusmodi temporis & illius sit multum diversa, & per consequens oportet, quod tempus hic & ibi æquivocè nuncupetur. Hoc idem etiam declaratur, si consideretur ipse motus, cujus tempus dicitur esse passio: nam cum subiectum debeat ingredi diffinitionem propriæ passionis, si æquivocum est subiectum, oportet, quod æquivoca sit passio, & per consequens æquivoca est diffinitio passionis, cum dictum sit quod subiectum ingreditur diffinitionem ejus. Dicitur ergo æquivocè hoc tempus & illud: quia æquivocè dicitur motus de hoc motu, & de illo: imò eo ipso, quod hoc tempus non est compositum, nisi ex temporibus, æquivocè se habet ad illud tempus, quod est compositum ex instantibus. Sic etiam & iste motus cælestis, quia non est compositus nisi ex motibus, quia quælibet pars talis motus est motus, æquivocè se habet ad motum illum, quod attenditur secundum operationes angelicas, qui magis est compositus ex immutatis esse quam ex motibus. Dicimus autem illum motum magis compositum ex mutatis esse, quam ex motibus, quod secundum quod Angelus D noviter incipit esse sub aliqua operatione, ut patebit in questione sequenti, non est ibi propriè motus, nec mutatus esse: sed magis assimilatur mutato esse, quàm motui.

His autem omnibus prælibatis, volumus exequi de questione principali: quia volumus adducere rationes ad propositum ostendentes, quod licet esse Angeli mensuretur ayo, operationes tamen ipsorum mensurentur tempore, quod triplici via declarabimus. Prima enim via sumitur ex imperfectiōe substantiæ Angeli. Secunda ex instabilitate ejus operationum. Tertia ex proportionem operationum ad substantiam.

Prima via sic patet: videmus enim, quod tripliciter aliquid comparatur ad perfectionem: quia vel est ipsa perfectio: vel est susceptivum perfectionis: vel est perfectionis oppositum. Et secundum hoc videntur accepta principia naturæ, quæ sunt materia, forma, & privatio. Nam forma est ipsa perfectio, materia est susceptivum perfectionis, privatio est illud, quod formæ & perfectioni opponitur. Et si volumus susceptivum perfectionis largè accipere pro omni eo, quod est in potentia ad ulteriorem perfectionem, dicemus quod quidquid est in creaturis, sive in læ creature sint corporales sive spirituales, vel est ipsa perfectio, vel est susceptivum perfectionis, vel est perfectionis oppositum. Oportet igitur ipsum Angelum in aliquo horum trium modorum esse: non autem dare possumus, quod Angelus, ita sit ipsa perfectio, quod non sit susceptivus ulterioris perfectionis: quia hoc soli essentia Divinæ competit: nulla autem substantia creata potest esse talis perfectio, quia si esset dare aliquam substantiam creatam, quæ hoc modo esset perfectio, quod non reciperet perfectionem additam, talis substantia non esset in potentia ad esse, sed esset ipsum esse: propter quod non haberet ab alio esse, nec posset creata esse. Nec etiam est dicendum, quod Angelus sit oppositum perfectionis: quia non est propria privatio, cum privatio de se sit non ens: Angelus ergo dicit quamdam naturam perfectionis susceptivam, esse autem tale deficit à perfectione & non habet naturaliter totum simul, quod spectat ad suam perfectionem. Nam quidquid est tale non congregat in se omnes perfectiones, sed successivè est sub perfectionibus suis. Ex hoc ergo potest intelligi dictum Phi in 5. Merah. *Est dare aliquod perfectum simpliciter, in quo congregantur perfectiones omnium generum: & ista est perfectio primi principij, Deus enim, quia est ipsa perfectio separata, est omnino simpliciter unus. Ideo omnes suas perfectiones unitivè & simul habet: sed quod non est ipsa perfectio, sed est in potentia ad perfectionem recedit à simplicitate, & per consequens ab unitate: & ideo non habet omnes suas perfectiones unitivè & simul, sed successivè: quia quando est sub una, non est sub alia: & quia ipse operationes Angelicæ non transeunt in exteriorē materiam sunt quædam perfectiones ipsius Ange-*

Quidquid est in creatura, vel est ipsa perfectio, vel susceptivum perfectionis, vel perfectionis oppositum.

Philos 5. Metaph. cōm. 22.

Angeli: propter recessum ejus à simplici-
tate & unitate, non habet Angelus has
perfectiones modo unico & simul, sed suc-
cessivè, & nunc est sub una, & nunc sub
alia: propter quod oportet talia tempore
mensurari: hæc enim imperfectio compe-
rit cuilibet creaturæ: quod non habeat na-
turaliter omnes suas perfectiones simul;
sed magis & minus, secundū quod in na-
turalis creatis reperitur maior & minor
perfectio. Materia enim non habet omnes
suas perfectiones simul, quia non habet si-
mul omnes suas formas substantiales: na-
tura autem corporalis non habet
omnes suas perfectiones simul, quia
non habet simul omnes suas formas
accidentales, si sit illud corpus mo-
bile ad formam: vel non habet simul
omnia sua, ut sit corpus illud mobile
ad situm: natura verò spiritalis; utputa
natura angelica, non habet omnes suas
perfectiones simul, quia non habet simul
omnes suas operationes: quidquid ergo
hoc modo ad perfectionem comparatur,
quia est perfectionis susceptivum, de
se dicit quid in potentia; omne autem
ens in potentia de se est aliquo modo
mobile: oportet igitur, quod ipsa spiri-
tualis substantia moveatur aliquo modo: C
motus autem non poterit de se moveri
de forma in formam, cum Angelus sit
ipsa forma: nec moveri poterit de uno
esse substantiali in aliud, cum tale esse in-
separabiliter concomitetur formam: hoc
enim solo modo naturaliter moveri po-
terit secundum operari vel secundum a-
gere, quia de una operatione potest tran-
sire in aliam: ipse igitur modus perfectio-
nis angelicæ nos docet, quomodo in o-
perationibus ejus cadit successio, & quo-
modo intercedit ibi tempus.

Secunda via.

Secunda via ad hoc idem sumitur ex
instabilitate operationum Angeli: nam
operationes illæ, utputa, intellectuales nō
habent esse æternum: nam à specie quæ
est in memoriam (secundum doctrinam
Augustini) gignitur species, quæ est in in-
telligentia intentione voluntatis copulā-
te unam cum alia: tandiu ergo sunt spe-
cies & tandiu durat intelligentia in in-
tellectu, quandiu adest ibi intentio vo-
luntatis. Quod ergo est tale, non potest
habere esse æternum, nec esse stabile: in-
tentio ergo ipsius Angeli non habet esse
æternum, nec esse stabile: sed tandiu du-
rat hujusmodi intellectio, quandiu vo-

luntati placet: &, ut est per habita decla-
ratum, naturale est voluntati angelicæ,
quod non semper velit stare in una & ea-
dem intellectione, nisi esset intellectio fi-
nis, cujusmodi est intellectio supernatu-
ralis, quam habet de Deo: vel non sit in-
tellectio sui ipsius, secundum quam sem-
per se intelligit: nam tales intellectiones
(ut diximus) non mensurantur tempore;
reliquæ verò intellectiones tempore men-
surantur, & cadit ibi successio.

Tertia via ad hoc idem sumitur ex
proportionem operationum angelicarum
ad substantiam ejus. Sic enim videmus in
materia, quod imperfectè potest esse si-
mul sub oppositis formis: nam cum ma-
teria est sub colore medio, imperfectè
est sub albo & nigro: nam color medius,
qui aliquid participat de extremis, est im-
perfectè albedo, & est imperfectè nigre-
do: sic etiam quando materia transit de
forma opposita ad aliam, ut si debeat
transire ab albo in nigrum, in toto illo
motu aliquid habet de termino à quo, &
aliquid de termino ad quem: nam cum
in materia remittitur albedo, disponitur,
ut suscipiatur ibi nigredo: in transitu er-
go, & in fieri, & in quodam esse imper-
fecto, ut cōmuniter ponitur, potest ma-
teria informari diversis formis, ut aliquo
modo informatur materia albo & nigro,
cum est sub colore medio: vel aliquo
modo informatur albo & nigro, cum re-
mittitur in ea albedo, & disponitur ad
nigredinem: cum enim sic est, informa-
tur albo secundum se, nigro verò dispo-
sitione. Sic suo modo & in Angelo: quā-
diu Angelus non intelligit actu per suas
species, illæ species in mente Angeli sunt
sub quodam actu incompleto: propter
quod non est inconveniens, quod hoc
modo sub esse incompleto informatur
intellectus Angeli multis speciebus: sed
cum actu se convertit super aliquam spe-
ciem, generatur in intellectu ejus actus
intelligendi, qui est actualis intellectio:
quæ multo magis habet de actualitate,
quàm ipsa species intelligibilis: tales au-
tem intellectiones sic actuales non possunt
plures esse simul in intellectu, cum ha-
beant oppositionem ad invicem (loquē-
do de oppositione largè, ut supra locuti
sumus) cum autem talia sunt sub esse per-
fecto, in eodem simul esse non pos-
sunt: non igitur est Angelus simul sub
omnibus suis intellectiōibus, sed succes-
sivè

Tertia

Species
intellectus
Angeli
bus ab
liter no
telligit
sub quo
se in
intellectu
verò
actu
gic
esse per
ex h
multa
in co
non pos

sive nunc est sub una, nunc est sub alia: A quod sine tempore (ut diximus) esse non potest.

Respond. ad arg. Ad primum dicendum, quod operationes angelicæ poterunt esse ante tempus propriè sumptum, quod fundatur in motu primi mobilis, & etiam operationes illæ erunt post tale tempus, quod, cessante tali motu, non cessabunt huiusmodi operationes: attamen operationes angelicæ, quæ mensurantur tempore, non fuerunt ante tempus, quo mensurantur, nec esse possunt sine tali tempore, vel sine parte talis temporis. Ad 2. dicendum, quod qualibet operatio Angeli una & eadem dici potest, quod B mensuratur instanti, ut supra est diffusius declaratum; attamen illud instans, quo mensuratur intellectio angelica, non est ejusdem rationis cum ipso nunc temporis nostri: quia tale nunc semper est in fluxu, sed instans illud tandiu stat, quandiu stat intellectio una; adveniēte autem intellectu postiore succedit instans, quod mensurat intellectiōnem posteriorem, & ex talibus instantibus componitur tempus, quod mensurat operationes æternorum. Ad 3. dicendum, quod res se habēt ad agere, sicut se habēt ad esse: C sed huiusmodi esse non solum est substantiale, sed accidentale, ut ignis ideò calefacit, quia esse calidum habet: & si fiat variatio in esse solum accidentali, fit variatio in ipsa operatione, ut sicut corpus aliquod variatur in caliditate, & in frigiditate, sic variatur in ipsa operatione. Dicemus ergo, quod licet Angelus non varietur in suo esse substantiali, variatur tamen secundum aliquos accidentales modos, prout nunc afficitur uno modo, nunc alio, & prout nunc se convertit super unam speciem, nunc super aliam, & prout D suus intellectus nunc informatur una intellectuione, & nunc alia; aliter autem, & aliter informari est alio & alio modo habere aliud & aliud esse: tale ergo esse, secundum quod Angelus variationem suscipit, tempore mensuratur, sicut & ipsum operari ejus. Ad 4. dicendum, quod Angelus tandiu stat in una intellectuione, quādiu placet suæ voluntati: sed ex hoc nō arguitur, quod Angelus nunquam mutet se ab una operatione, imò naturale est ei (ut dicebatur) quod non semper velit sistere in una & eadem operatione. Quod autem addebatur in arguendo: quod nau-

tari non sit delectabile, nisi natura sit mutabilis. Dici debet, quod licet natura Angeli non sit mutabilis secundum esse substantiale, quia ab hoc esse nunquam desiciet; esset tamen mutabilis secundum esse accidentale, prout nunc se convertit super una specie intelligibili, & nunc super alia: & quia est hoc modo naturaliter mutabilis, delectabile est ei quod hoc modo mutetur. Ad 5. dicendum, quod operationes Angelorum, licet non sint motus & termini motus; mutationes tamen quædam dici possunt: quia secundum eas mutatur Angelus de una operatione in aliam; mutationes tamen illæ sunt alterius rationis, quàm mutationes istæ: quia non sunt termini motus, sicut sunt istæ: in istis enim corporalibus secundum naturæ cursum quidquid est in dispositione aliqua, in qua prius non fuit, hoc est, per aliquem motum præcedentem, ideò semper in talibus novæ dispositiones sunt, ut alicujus motus: sed si Sol haberet liberum arbitrium, & quando vellet illuminare aërem, illuminaret ipsum, & quando vellet obtenebrare, obtenebraret ipsum: si Sol stans hoc ageret, fieret novitas in aëre: ut fieret illuminatio aëris absque motu præcedente (loquendo de motu propriè) illuminatio itaque aëris, quæ esset quædam mutatio, non esset propriè terminus motus: tales sunt intellectuiones Angelorum: quia subsistunt voluntati ejus, quas possumus aliquo modo quasdam mutationes vocare: & qualibet talis mutatio mensuratur instanti, & ex talibus instantibus componitur tempus, ut in sequenti questione patebit. Ad 6. dicendum, quod intelligentia parificatur æternitati, ut patuit in principali solutione: quia propria operatio intelligentiæ, quæ est intelligere, non mensuratur tempore propriè sumpto; anima autem non parificatur æternitati: quia propria operatio animæ, secundum quod huiusmodi, est movere corpus; motus autem corporum mensurantur tempore propriè sumpto. Vel possumus dicere, quod intelligentia parificatur æternitati, id est, E ævo: quia & esse suum mensuratur ævo. Et quod aliqua operatio, quæ ævo mensuratur, ut intelligere, illud, quo semper intelligit se ipsam, nō cadit sub tempore: habet itaque intelligentia operationes, quæ mensurantur tempore quod est alterius rationis, quàm hoc tempus, & ha-

Operationes Angeli mutationes dici possunt, sunt que alterius rationis, quàm mutationes nostræ.

Intellectio qua anima intelligit Deum, & etiam illa, qua intelligit se ipsam, nō cadit sub tempore: mensuratur ævo; intellectu-

ationes verò,
quæ fiunt
per species,
tempore
mensuran-
tur, ut su-
prà dictum
est,
& in solutio-
ne ad 11. de-
claratur.

bet aliquam operationem, quæ mensura-
tur ævo: ideo aliquo modo æquatur æ-
vo, & quia & esse & operari aliquid ha-
beat in ævo. Ad 7. dicendum, quod una
& eadem operatio Angelī secundum se
mensuratur instanti: tamen prout illa o-
peratio succedit alteri operationi, & pro-
ut uni instanti, resultat ibi ratio tempo-
ris. Et quod dicitur in arguendo, quod
instans sive nunc est mensura substantiæ:
dici debet, quod, ut patebit in quæstione
sequenti, æquivocatur ibi de instanti: quia
instans est mensura substantiæ Angelī, &
est mensura operationis ejus, aliter tamē
& aliter: ut in sequenti quæstione dice-
tur. Et per hoc patet solutio ad 8. Nam
si Angelus moveretur de una operatione
in aliam, instanti mensuratur. Angelus
qui est quid mobile, & qui est sicut mo-
tus, instanti mensurabitur, & operatio e-
jus, aliter tamē & aliter, ut sequēs quæstio
declarabit. Ad 9. dicendum, quod si nō
esset nisi motus cæli, in quo fundatur tē-
pus: huiusmodi motus secundum varias
partes suas mensuraretur tempore; nec
tamen esset dare aliquis alius prior
motus, quod mensuraret tempus: sed
prout ipsum cælum acquirit successivē
diversum ubi, acquisitio successiva secū-
dum diversa talia ubi mensuratur tempo-
re. Sic & in proposito: Angelus quia suc-
cessivē exequitur suas operationes, ipsa
successiva executio talium operationum
tempore mensuratur, licet illud tempus
sit alterius rationis. Si ergo ista corpora-
lia, quæ videmus, haberent tales motus,
quod in quolibet motu fundaretur tem-
pus tanquam in subjecto: utputā, si unus
motus non reduceretur in alium motū,
tanquam in causam: non esset dare ali-
quod primum motum, quod mensura-
ret tempus, & per quod mensuraret alia:
sed quælibet successiva acquisitio spati-
i haberet suum tempus, per quod mensu-
raretur: & quia unus Angelus non redu-
citur in alium tanquam in per se causam:
nec quantum ad esse nec quantum ad o-
perari, cum sit liberi arbitrii, suum enim
naturale intelligere, de quo hic loquimur,
potest quilibet Angelus exequi absque alio
Angelo: nec aliquid imprimit unus
Angelus in alio. Qualiter autem se illu-
minant, in quæstionibus de cognitioni-
bus Angelorum diffusius dicemus. Hæc
enim corpora inferiora impressionem
suscipiunt à corporibus superioribus, &

secundum naturæ cursum nec possent
hec corpora exercere suos motus sine
caelesti motu: ideo tēpus, quod fundatur
in motu cæli, & quod mensurat illū mo-
tum, mensurat omnes istos & alios mo-
tus: sed non se habent ita Angeli ad in-
vicem, nec secundum esse, nec secundum
operari. Juvatur enim unus ad intelligē-
dum alium, prout unus determinat in-
tellectum alterius, sed nihil imprimit
unus in alio: ideo tempus, quod men-
surat operationes unius, non mensurat
operationes alterius: sed sicut quilibet
Angelus habet suum ævum, quo men-
surat suum esse: ita in quolibet Angelo est
tempus, quo mensurantur suæ opera-
tiones, & partes istius temporis sunt om-
nia instantia, quibus mēsuratur esse ejus:
ita quod sicut nihil est aliud tempus no-
strū, quā numerus prioris & postero-
ris in motu cæli sic moto, sic nihil aliud
est tēpus illud, quod numerus prioris &
posterioris secundum operationes Ange-
li. Et sicut tempus istud non fundatur so-
lū in motu cæli, prout cælum acquirit
quodlibet unum ubi: sed fundatur in mo-
tu celesti ad acquirenda ab ipso cælo, vel
à partibus ejus: sic tempus illud angelicū
non respicit aliquam unam operationē
tantū, sed respicit omnes operationes
ejus sibi invicem succedentes secundum
prius & posterius. Ad 10. dicendum,
quod deficere vel deficere aliter com-
petit Angelo, quantum ad esse, & ali-
ter quantum ad operari. Nam per nullū
agens naturale potest Angelus deficere
esse, etiam ipse se ipsum non posset an-
nihilare: sed non sic est de operatione,
quia à quacumque operatione, vel à
quacumque intellectione, quam exequi-
tur prout se convertit super species in-
telligibiles, quas apud se habet, potest
deficere pro suæ libertatis arbitrio: imò,
ut dicebatur, supernaturale est ei, quod
non semper sistat in una & eadem huius-
modi intellectione: non igitur ratione
simplicitatis esse Angelī mensurabitur æ-
vo, & operari tempore; sed ratione ra-
lis successionis, quam reperimur in ope-
rari ejus, & non in esse. Ad 11. dicendū,
quod ad aliquid comparatur voluntas,
quod quasi naturale est sibi velle ibi
esse. Ad aliquid verò, quod non est sibi
non velle, sed semper ibi sistere. Visio
enim Divina licet sit supernaturalis, attra-
men postquam Angelus adeptus est vi-
sio-

sionem illam: quia naturale est rationali creaturæ, quod velit esse beata, & quod velit in beatitudine sistere, non potest non velle videre Deum: imò in hoc completur suum desiderium naturale, & videndo, & diligendo ipsum: contra naturam enim suam ageret, si vellet suum desiderium non compleri; sed non est sic de intellectibus aliis, in quibus non completur suum desiderium totale: propter quod naturale est ei, quod non semper velit sistere in una tali intellectione, & potissimè si sit talis intellectio, quod impediatur intellectio aliam. Sicut quando actualiter intelligit per unam speciem, impeditur actualiter, bene intelligat per aliam. Ad formam ergo arguendi, cum dicitur, quod illud, quod per solam voluntatem potest subtrahi, non mensuratur: dici debet, quod imò volita ab Angelo mensurantur tempore, nisi esset tale quid volitum, quod non posset se avertere, & quod non posset non velle, huiusmodi est visio Dei aperta, & dilectio, qua beati Deum diligunt: visio ergo Dei licet sit ab Angelo volita; attamen quia immutabiliter se habet in illam, non mensuratur tempore. Intellectio etiam sui ipsius, quia non simpliciter subest voluntati ejus, sed est sibi naturalis, & semper est in tali intellectione: ideò intellectio illa, secundum quod huiusmodi, non cadit sub tempore: semper enim Angelus naturaliter se intelligit per essentiam suam; sed competit ei intelligere per species, prout per voluntatem se convertit super species illas, & talis intellectio tempore mensuratur: quia ad huiusmodi intellectiones non se habet Angelus substantialiter, sed mutabiliter. Ad 12. dicendum, quod solum est per dicta in solutione generali: nam continuum & non continuum faciunt esse tempus illud & istud, alterius & alterius rationis, ut in principali solutione, cum declarabatur difficultates circa hanc questionem, diffusius dicebatur. Ad 13. dicendum, quod si vera esset positio de unitate ævi, quod esset unum ævum in primo æviterno, quod esset mensura per se & primò illius æviterni, & per illud mensuraret alia æviterna, possemus dicere, quod tempus esset in primo æviterno, & mensuraret operationes primi æviterni, & per illas mensuraret alias: sed sicut posuimus in quolibet æviterno suum ævum

mensurans esse ejus, sic ponendum est in quolibet suum tempus mensurans operationes ipsius: attamen si ponatur huiusmodi tempus in quolibet æviterno siue in primo æviterno, non dabimus primam operationem, cujus sit mensura tale tempus per se & primò; sed dicemus, quod tale tempus respicit omnes operationes illius æviterni, in quo ponitur esse: sicut tempus, quod ponitur in motu cæli, respicit successionem omnium ubi, secundum quæ movetur cælum,

QVÆSTIO IX.

Utrum tempus, quod mensurat operationes Angelicas, sit compositum ex instantibus,



NONO quæritur, utrum tempus, quod mensurat operationes Angeli, sit compositum ex instantibus? Et videtur quod non: quia sicut punctus se habet ad lineam, sic instans ad tempus; sed impossibile est lineam componi ex punctis: ergo impossibile est tempus componi ex instantibus. Præterea: Angelus, cum exequitur operationem aliquam, sistit in illa; aliter natura ejus otiosè ageret: natura enim otiosa esset, si acquireret aliquam perfectionem, & nullo modo sisteret in illa: non statim ergo cum Angelus convertit se ad intelligendum aliud, desinit intelligere illud: sed stat in huiusmodi intellectione per aliquod spatium: quælibet ergo talis intellectio mensuratur tempore, & si quælibet operatio Angeli operatur tempore, cum huiusmodi motus Angeli nihil sit aliud, quam successio per operationem, tempus quod mensurat talem motum, nihil erit aliud, quam successio temporum non mensurantium operationes illas: igitur tale tempus non componitur ex instantibus: sed ex temporibus. Præterea: secundum August. 11. Conf. *Instans non habet spatium*; sed in puncto præterit. Cum ergo operatio Angeli habeat spatium, & cum in puncto non prætereat: quia frustra moveretur Angelus ad talem opera-

D. P. Aug.
lib. 11. Conf.
cap. 15.

tionem, in qua nullo modo susteret operatio ejus, non mensurabitur instanti, sed tempore, & per consequens tempus, quod respicit successione talium operationum, ex temporibus componetur. Præterea: non eadem mensura mensurabitur mobile & actus ejus: sed Angelus ut est quid mobile mensuratur instanti. Actiones autem ipsius & opera ejus, secundum quæ movetur, non mensurabuntur instanti sed tempore: tempus ergo, quod mensurat successione talium operationum, ex temporibus componetur. Præterea: si Angelus exequitur aliquam operationem, vel in illa una operatione est successio, & Angelus movetur secundum operationem illam, vel quiescit in illa operatione, vel instanti recedit ab ea? Non autem dicere possumus, quod statim recedat, & nullo modo ibi sistat: quia tunc frustra ageret talem operationem: vel ergo movebitur secundum operationem, vel quiescit in illa: sed tam motus, quam omnes mensurantur tempore, ut patet per Phum in 4. Physf. una ergo & eadem operatio tempore mensuratur: sed ex talibus componitur tempus, quod mensurat successione operationum, quale est illud quod mensurat operationem, sed ipsa operatio mensuratur tempore: erit ergo illud tempus compositum ex temporibus. Præterea: secundum Phum in 2. Metaph. non possumus intelligere lineam nisi intelligamus ipsam stantem inter duo puncta: pari ergo ratione non intelligamus operationem aliquam, nisi intelligamus eam stantem inter duo instantia: sed quidquid est tale mensuratur tempore, quia semper inter duo instantia cadit tempus: mensurabitur ergo operatio Angelii tempore, & tunc idem quod prius. Præterea: sicut se habet tempus ad motum ita instans ad mobile: ut innuit Phum in 4. Physf. ergo permutatim sic se habebit tempus ad instans sicut motus ad mobile: sed impossibile est motum componi ex motibus, ergo & tempus ex instantibus. Præterea: *Ex duobus actu existentibus non fit per se unum.*

Si ergo ex instantibus componitur tempus aliquod, oportet illa instantia esse in potentia, sed instantia in potentia non sunt nisi in tempore continuo: tempus ergo, quod mensurat operationes Angelii, erit quid continuum; sed continuum non componitur ex indivisibilibus: tale ergo tempus non erit compositum ex instantibus, sed ex temporibus. Præterea: dato,

quod Angelus hodie intelligat unum & cras aliud, erit ibi dare aliud & aliud instans, in quo intellexit unum & aliud, sed inter quælibet duo instantia cadit tempus medium: tempus ergo, quod ibi ponemus, non componetur ex instantibus: sed habebit instantia suos terminos. Præterea: principia sunt unigenita à suis principiis: quia non est corpus nisi à corporibus: nec est continuum nisi ex continuis, ergo non erit tempus nisi à temporibus: partes enim quantitative componentes totum aliquod divisibile debent esse divisibiles.

In contrarium est, quod operatio Angelii est tota simul, cum Angelus non intelligat cum discursu; sed impossibile est tempus esse totum simul: igitur talis operatio non mensurabitur tempore: mensurabitur ergo instanti: si ergo motus non est aliud in Angelis, quam successio operationum, tempus ibi non erit aliud, nisi successio instantium: cum instantia mensurentur operationes illas. Præterea: operatio Angelii est quid simplex, sed *mensura debet esse unigenita suo mensurato*: talis ergo operatio mensurabitur mensura simplici: ergo mensurabitur motus.

RESOLUTIO.

Tempus, quod Angelii operationes mensurat, componitur ex instantibus: loquendo de operationibus, quibus movet se ad intelligendum vel volendum alia: nam de applicatis, aut transeuntibus in exteriorem materiam aliter fit iudicium.

Respondeo dicendum, quod tempus per se & primo est mensura motus, & fundatur in motu tanquam in subiecto: si ergo videre volumus de aliquo tempore, ex quibus componatur, videndum est, quæ sunt partes motus, in quo ponitur esse tale tempus: Et si motus ille sit verè continuus, & non componitur nisi ex motibus, oportet tempus, quod ponitur esse in tali motu, esse quid continuū, & non compositum nisi ex temporibus. Partes autem motus Angelii (de quo hic loquimur) sunt operationes ejus: movetur enim Angelus de una operatione in aliam: si ergo ipsæ operationes in se ipsis haberent successionem, & essent motus; tempus (de quo loquimur)

Phum 4.
Physf. com.
118.

Phum 2.
Meta. com.
11.

Idem 4.
Physf. com.
104.

Phum 7. Meta.
comm.
49. & 8.
comm. 15.

Ex Phum 11.
Meta. com.
cap. 1. Cor. 1.

mur) esset compositum ex temporalibus: A accidens. Sed quædam sunt operationes quia motus, in quo fundaretur, esset compositum ex motibus. Sicut enim motus cæli attenditur secundum diversa ubi, ut quia partes cælestes non habent omnia sua ubi simul, ideo moventur acquirendo successivè ad aliud & aliud ubi: sic quia Angelus non habet omnes suas operationes; differenter (ut supra tetigimus) est motus in cælo, vel in partibus ejus in acquirendo sua ubi, & in Angelo, in exequendo suas operationes: quia partes cælestes non solum moventur, quia successivè acquiruntur ad aliud & ad aliud ubi; sed etiam quia successivè acquirunt quodcumque ubi. Sed Angelus licet successivè exequitur unam & eandem operationem, motus Angeli, qui est successio operationum, non propriè est compositus ex motibus: quia una & eadem operatio non habet rationem motus, cum non sit ibi successio: sed sicut se habet motus ille ad suas partes, ex quibus componitur, sic se habebit & tempus secundum partes illius motus, igitur operationes, & motus ille non erit compositus ex motibus: pari ratione ergo tempus, quod mensurat talem motum, erit compositum ex instantibus, quæ sunt mensura illarum operationum; non autem erit compositum ex temporibus. Sed, ut melius pateat quod dicitur, primò videbimus in istis sensibilibus, quæ mensurantur tempore, & quæ non mensurantur tempore: sed istam emendemus, quòd motus & quies mensurentur tempore; mobile autem & mutatum esse mensurantur instanti. Secundò, quod videmus in istis sensibilibus, secundum quod possibile est, adaptabimus Angelis & operationibus eorum, & ostendemus, quòd operationes Angelorū quælibet in se mensuratur instanti. Propter quod declaratum erit, quòd tempus, quod mensurat successione talium operationum, ex instantibus est compositum. Tertiò, ne laboremus in æquivo-co, distinguemus de ipsis operationibus angelicis, quia quædam sunt in exteriori materia transeuntes, & ad exteriori materia applicatæ, & tales operationes per se possunt mensurari tempore: quædam verò non sunt in exteriori materia transcurrentes, sed sunt ad exteriori materia applicatæ; & talis operatio non mensurabitur tempore per se, poterit autem mensurari tempore per

Angelorum, quæ nec transeuntes, nec applicatæ sunt ad exteriori materia, & quælibet talis operatio nec per se nec per accidens tempore mensuratur: sed potest mensurari instanti. Quartò & ultimò adducemus rationes ad propositum ostendentes, quòd tempus, quod mensurat operationes Angelorum, sit ex instantibus compositum.

Propter primum sciendum, quòd in istis inferioribus hæc quatuor quasi se habent per ordinem, videlicet, mobile, motus, mutatum esse, & quies. Nam mobile præcedit motum, sicut subjectum est prius accidente, motus verò præcedit mutatum esse, sicut via præcedit terminum: nam mutatum esse est terminus ipsius motus, & motus est via in mutatum esse: propter quod semper ante mutatum esse propriè sumptum præcedit moveri: si autem est dare mutatum esse ante moveri, oportet accipere aliud mutatum esse, quàm quod est terminus illius moveri: nunquam enim mutatum esse potest præcedere illud moveri, cujus est terminus: est enim per se comparatio, quòd mutatum esse sequatur ad moveri, sed conversa comparatio non est per se: & inde est, quòd in omni motu post esse moveri, est dare mutatum esse: non tamè econversò: sed post ultimum mutatum esse nō oportet, quòd immediatè sequatur aliquod moveri. Sic etiam quies, cū sit privatio motus, secundum naturalem intelligentiam est posterior ipso motu, sicut privatio est posterior habitu. Et sic ista quatuor videantur aliquo modo pertinere in istis inferioribus ad mensuram temporalem; non tamen pertinent eodem modo: quia motus & quies sic pertinent ad mensuram temporalem, quòd mensurantur tempore: mobile autem & mutatum esse mensurantur nunc temporis, nam de ratione motus est, quòd aliter se habeat nunc, & prius, & per consequens de ratione ejus est successio, quæ non potest esse sine priori & posteriori: cum ergo tempus per se sit numerus prioris & posterioris, oportet, quòd per se sit numerus & mensura motus, qui sine successione prioris & posterioris esse non potest. Vnde & in 4. *Physic.* scribitur, quòd tempus per se sit mensura motus: sicut & quies tempore mensuratur: sed hoc non est per se, sed per accidens.

Quatuor nota, quæ se habent per ordinem.

Et in istis inferioribus nō pertinet eodem modo ad mensuram temporalem.

4. *Physic.* commun. 110.

Ideo dicitur in 4. *Physic.* quod quia *Tem-*
pus est mensuratio motus: supple per se; erit
 & tempus mensuratum quietis, sed per
 accidens: & subditur, quod omnis pro-
 ut in tempore est, hoc est enim quiesce-
 re, eodem modo se habere nunc & prius:
 nam est quies, ubi est assignare duo nunc,
 quorum unum se habet ut prius, & aliud
 ut posterius: in quibus duobus nunc eo-
 dem modo se habet quiescens: & quia
 successio duorum non est sine tempore,
 oportet omnem quietem in tempore esse:
 in instanti enim non contingit quietem
 esse, sed in tempore, ut probatur dis-
 fusè in 6. *Phys.* Benè ergo dictum est,
 quod quies & motus mensurantur tem-
 pore. Quare autem quies dicatur men-
 surari tempore per accidens, sic decla-
 rari potest: nam ex hoc dicitur corpus
 esse quiescens: quia est aptum natum
 moveri, & non moveretur: si enim quies
 est privatio motus & in privatione inclu-
 ditur (accipiendo quod illud dicitur esse
 privatum aliquo, quod est aptum natum ha-
 bere illud quod non habet) oportet, quod
 illud dicatur esse quiescens, quod est ap-
 tum natum moveri, & non moveretur.
 Sed sequendos sapientium dicta, & sequendo
 istum ordinem, quem videmus, nihil
 cessat à motu, & nihil est aptum natum
 moveri, quod non moveatur, nisi sit sub-
 jectum alicui corpori continuè moto:
 posset enim Deus (si vellet) hunc ordinem
 immutare: quia posset aliquod corpus
 interpolatim movere, cujus motus non
 reduceretur in corpus continuè motum:
 tamen secundum istum ordinem, quem
 videmus, semper motus discontinuus
 reducitur in motum continuum tanquam
 in per se causam: ut motus istorum in-
 feriorum corporum, quia aliquando mo-
 ventur, tanquam in per se causam, redu-

Aliquid me-
 surari tem-
 pore contin-
 git duplici-
 ter vel ra-
 tione sui,
 quia per se
 variatur, vel
 ratione alte-
 rius, cui sub-
 jectum est.

citur in motu cali, quod continuè &
 semper movetur. Mensurari ergo tem-
 pore contingit dupliciter: vel ratione sui,
 ut quia ipsum per se variatur: vel ratio-
 ne alterius, ut quia est subjectum ei, quod
 per se & actu movetur, & variatur. Primo
 modo mensuratur tempore motus: mo-
 bile enim, dum est in motu, per se cō-
 petit ei variari, & esse in alia dispositio-
 ne nunc & prius: & ideo per se est, quod
 motus mensuratur tempore. Sed quiescens
 quantum est de se, secundum quod hu-
 jusmodi, habet se eodem modo nunc &
 prius: quiescens ergo, ut quiescens est,

non variatur nec movetur actu, sed est
 subjectum ei, quod per se actu variatur.
 Cum igitur esse in tempore sit alio mo-
 do se habere nunc & prius, quia hoc est
 tempus successio prioris & posterioris,
 Mobile ut est in motu dicitur esse per se
 sub tempore, & motus per se mensura-
 bitur tempore; quiescens verò non va-
 riatur secundum se: propter quod men-
 suratur tempore per aliud, quia subji-
 citur corpori, quod actu variatur: in quiete
 ergo est assignare nunc prius, & nunc po-
 sterius; & successionem non in se, nec
 per se, sed in alio, & per aliud, ut per
 illud cui subjicitur. Si igitur operatio An-
 geli una & eadem haberet rationem mo-
 tus, vel haberet rationem quietis: dice-
 remus tempus, quod mensurat opera-
 tiones angelicas, non compositum ex
 instantibus, sed ex temporibus: cum ni-
 hil sit aliud motus Angeli, quam succes-
 sio operationum: & quia tempus est idē
 realiter cum motu, in quo fundatur, o-
 portet, quod & tempus sit idem realiter,
 quod talis successio. Quare si una & ea-
 dem operatio Angeli habet rationem
 motus, & motus angelicus sit successio
 operationum, oportet, quod motus ille
 sit successio motuum: & per consequens
 tempus, quod mensurat talem motum,
 est successio temporum: quia sicut lo-
 quitur de motu, sic est loquendum de
 tempore: esset ergo tempus illud (hac
 hypotesi stante) compositum ex tem-
 poribus.

Hoc etiam idem sequitur, si una &
 eadem operatio Angeli haberet rationem
 quietis: quia tunc motus ejus esset suc-
 cessio quietum. Et quia quies (ut dictum
 est) mensuratur tempore, tempus, quod
 mensuraret talem motum, esset successio
 temporum, & per consequens esset com-
 positum ex temporibus, non tamen eo-
 dem modo: tempus, quod mensurat mo-
 tum Angeli, non esset compositum ex
 temporibus, si operationes Angeli habe-
 rent rationem motus, & si haberent ra-
 tionem quietis: eò quod motus & quies
 non eodem modo respiciunt tempus:
 quia motus magis respicit tempus per se
 quies verò per accidens. Verum quia o-
 peratio Angeli una & eadem (ut patebit)
 nec habet rationem motus, nec quietis,
 sed magis habet rationem mutati esse:
 ideo videndum est de ipso mutato esse, &
 de ipso mobili qua mensura mensuren-
 tur:

tur: quia ex hoc declarabitur nobis, ex quibus componatur tempus, quod mensurat operationes Angelicas. Dicemus ergo, quod tam mobile quam mutatum esse mensurantur instanti. De mobili quidem, quod mensuretur instanti patet per *Phum in 4. Phys.* dicentem, quod illud fertur, id est, mobile sequitur ipsum, nunc sicut motum tempus: erit ergo simul comparatio mobilis ad nunc sicut motus ad tempus: & quia per se est quod motus mensuretur tempore, erit per se quod mobile mensuretur ipso nunc. Quod etiam mutatum esse mensuretur nunc, patet, quia ipsum mutatum esse est quid indivisibile in motu: & quia *Mensura semper est unigena mensurato*, ut habetur in 10. *Metaph.* oportet, quod indivisibile in motu mensuretur indivisibili in tempore: & quia hoc est mutatum esse, oportet, quod mutatum esse mensuretur nunc temporis: igitur si mobile & mutatum esse mensurantur instanti per se, oportet, quod non eodem modo accipiatur instans, quod mensurat mutatum esse, & quod mensurat mobile. Non autem sic dicemus de quiete & motu: nam motus mensuratur tempore per se; si autem quies mensuratur tempore, hoc est, per relationem ad motum: & quia ibi unum propter aliud utrobique unum tantum, non oportet dare aliud & aliud tempus, quod mensurer quietem & motum: sed unum & idem tempus poterit utrumque mensurare, ut si sint duo corpora hic inferius, quorum unum moveatur per diem, & aliud tantumdem quiescat, tempus, quod erit in motu primi mobilis unum & idem secundum rem, mensurabit motum istius corporis, & quietem alterius. Sed non sic dicemus de mobili & de mutato esse: non enim poterunt ambo mensurari in media-
re & proximè eadem mensura reali. Nam si mensura debet esse unigena mensurato, si mensuratum manet secundum rem, oportet, quod & mensura secundum rem maneat; si autem non manet secundum rem, nec mensura manebit secundum rem: sic autem se habent mobile & mutatum esse, quod mobile unum idem manet secundum rem in toto motu, differens solum secundum rationem; sed mutatum esse non manet idem secundum rationem in toto motu: imò in eodem motu sunt multa mutata esse realiter differentia, mensuratur ergo utrumque, vide-

licet, tam mobile, quam mutatum esse, mensura indivisibili, quæ est secundum rationem in toto motu, sed non eadem secundum rem: quia mobile mensuratur mensura indivisibili, quæ est eadem secundum rem, non autem secundum rationem: & ipsum mobile est idem secundum rem, non autem secundum rationem; sed mutatum esse mensuratur mensura indivisibili, quæ non manet eadem secundum rem, sicut nec ipsum mutatum esse manet idem secundum rem.

Dicemus ergo, quod mensura materialiter sumpta est idem cum eo, in quo fundatur, ut tempus materialiter & realiter est idem, quod motus, licet secundum formalem acceptionem differat: eadem enim res, ut est actus mobilis, est motus, & ut est numerus prioris & posterioris est tempus: & sicut in ipso motu fundatur aliquid, quod est mensura motus, & quod est idem realiter quod motus: sic in ipso mutato esse fundabitur aliquid, quod erit mensura ejus, & quod erit idem realiter quod ipsum: & etiam in ipso mobili fundabitur aliquid quod erit mensura ejus, & quod erit realiter quod ipsum: sed id quod fundatur in motu, & quod est mensura ejus, dicitur tempus: id autem quod fundatur in mutato esse, & quod est mensura ipsius, dici potest instans sive nunc; non tamen est idem nunc, quod fundatur in substantia rei mobilis, & quod fundatur in mutato esse: sed (ut dicebatur) nunc, quod fundatur in mobili, manet secundum rem, non autem secundum rationem; quod verò fundatur in mutato esse nec secundum rem nec secundum rationem manet. Differt ergo unum ab alio, sicut differt mobile à mutato esse. Vtrumque igitur (ut dictum est) tam mobile, quam mutatum esse mensurantur nunc, sed nunc, quo mensuratur mobile, magis habet rationem nunc, quam illud quo mensuratur mutatum esse, & verba *Phi in 4. Phys.* referenda sunt ad nunc, quo mensuratur mobile: illud est enim, quod manet idem in toto motu, quod non potest corrumpi: quia si corrumperetur, vel corrumperetur in ipso nunc in quo est, & tunc nunc esset corruptum: nam cum est nunc, non potest corrumpi: quia omne, quod est, dum est necesse est esse. Nec etiam potest corrumpi in alio nunc: quia unum nunc non se habet ad aliud, nec

suratur mensura indivisibili, quæ est eadem secundum rationem in toto motu, sed non eadem secundum rem, sic est in mobili; sed in mutatis esse mensura indivisibilis quæ non manet eadem secundum rem, sed secundum rationem.

eadem res ut est actus mobilis est motus; ut est numerus prioris & posterioris est tempus.

Phus. 4. Phys. com. 104.

nec sicut contiguum, nec sicut con-
 sequenter se habere: si ergo nunc corrum-
 peretur, non corrumpetur in se ipso, nec
 in alio nunc proximo, quia tale nunc nō
 est dare: corrumpetur ergo in alio
 nunc: sed inter quolibet duo nunc cadūt
 infinita nunc, erit ergo huiusmodi nunc
 simul cum omnibus vel nunc interme-
 diis usquequo veniat ad nunc, in quo de-
 bet corrumpi. Sed unum nunc esse simul
 cum alio nunc est impossibile: idē im-
 possibile est quod nunc corrumpatur. Ta-
 lis autem ratio, quam facit Phus in 4.
 Phys. valet de nunc quod est idem cum
 mutato esse: nam sicut motus nō est mo-
 tus, sic mutationis non est mutatio: mo-
 tus enim in se ipso incipit, & se ipso de-
 finit; forma enim, vel illud quod acqui-
 ritur per motum, inducitur in esse per
 motum, & tollitur per motum, sed mo-
 tus non acquiritur per motum: non enim
 est per se, quod motus terminetur ad
 motum, nec quod subijciatur motui,
 idē motus nō est motus nec sicut subje-
 cti nec sicut termini. Mutationes ergo se
 ipsis deficiunt, sic & ipsa nunc, quæ
 sunt idem quod mutationes, ipsæ se
 ipsis deficiunt: quare autem nunc, quod
 mensurat mobile, magis habeat ratio-
 nem nunc, quam illud quod mensur-
 rat mutatum esse, in proseguendo pate-
 bit.

Advertendum tamen, quod cum
 dicimus, quod nunc fundatur in mutato
 esse, & est idem quod ipsum & quod est
 illud nunc, quod fundatur in mobili, &
 est idem quod ipsum nunc: non est intel-
 ligendum de quibuscunque mutatis esse,
 nec de quocunque mobili. Nam sicut
 tempus nō fundatur in quocunque mo-
 tu, sed solum in motu primo; sic nunc
 nō fundatur in quibuscunque mutatis esse,
 sed solum in mutatis esse, quæ reperiun-
 tur in motu primo: & nunc, quod men-
 surat mobile, solum fundatur in mobili
 primo. Dicemus enim, quod tempus so-
 lum fundatur in motu primo & per illū
 motum mensurat omnes alios motus; sic
 nunc quæ mensurant ipsa mutata esse, so-
 lum fundantur in mutatis esse, quæ repe-
 riuntur in primo motu, & per illa mutata
 esse mensurāt alia mutata esse: & nunc
 quod mensurat mobile, solum fundatur
 in mobili primo, & per illud mobile mē-
 surat alia mobilia subiecta illi mobili. Si
 enim essent aliqua mobilia non subiecta

caelo, non reduceretur in mensuram cæ-
 lestem: & si sunt aliqua mutata esse non
 subiecta cælestibus mutatis esse, non
 mensurabuntur mensura, qua men-
 surantur illa mutata esse. Sic etiam
 de motu dicendum: nam si est aliquis
 motus non habens ordinem ad cælum,
 vel ad motum cæli, non mensurabitur
 tempore, quod fundatur in motu cæli:
 tempus itaque solum est in primo motu,
 & nunc, quæ mensurant mutata esse, so-
 lum sunt in primis mutatis esse: & nunc
 quod mensurat mobile, solum in primo
 mobili; in alijs autem motibus secundis
 nō fundatur tēpus sed quando; & in alijs
 mutatis esse potest dici fundari nūc ipsius
 quando. Et etiā in alijs mobilibus potest
 dici fundari ipsius quando: habebit enim
 ipsum quando duo genera nunc, sicut
 & ipse tempus: nam sicut in tempore
 sunt quædam nunc, quæ non manent
 secundum rem, ut illa quæ fun-
 dantur in mutatis esse: & quædam quæ
 manent idem secundum rem, ut illud
 quod fundatur in substantia mobili, sic
 & in ipso quando possumus talia nunc
 distinguere.

Ex his autem dictis aliququaliter ha-
 betur via ad investigandum propositam
 quæstionem. Nam si ipsæ operationes An-
 gelorum se habent sicut motus: ita quod
 quolibet operatio sit quidam motus: tūc
 successio operationum (ut dicebatur) erit
 successio motuum. Hoc enim posito ni-
 hil esset aliud operationem succedere o-
 perationi, quam motum succedere mo-
 tu: & quia tempus est idem cum mo-
 tu, in quo fundatur: sic (hac hypothesi
 stante) motus ibi semper componeretur
 ex motibus, sicut tempus, quod mensur-
 raret talem motum, semper compone-
 retur ex temporibus. Sed si illæ operatio-
 nes habent rationem mutatorum esse, ita
 quod quolibet operatio sit quasi quoddā
 mutatum esse, vel assimiletur ipsi muta-
 to esse, sic successio operationum, vel
 non erit aliud, quam successio mutato-
 rum esse: motus ergo ille componere-
 tur ex mutatis esse. Si enim hoc est An-
 gelum moveri, quod in eo operationē
 succedat operationi, ex quo quolibet
 operatio est quoddam mutatum esse,
 nihil erit aliud Angelum moveri, nisi
 quod uni mutato esse succedat aliud mu-
 tatum esse: & quia ipsa mutata esse in
 motu, in quo fundatur tempus, sunt idē

Phus 4.
 Phys.

Nunc funda-
 tum in mu-
 tato esse &
 indistinctū
 ab ipso &
 nunc funda-
 tum in mo-
 bili est idem
 cum ipso. In-
 telligitur de
 primo mobi-
 li, & de mu-
 tato in pri-
 mo mobili.

In motu
 secundis
 est non
 fundatur
 tempus
 sed quando
 & in alijs
 mutatis esse
 nunc
 do.

realiter, quòd ipsa instantia: sicut motus est idem realiter quod tempus: si motus ille est compositus ex mutatis esse, oportet, quòd tempus mensurans talem motum sit compositum ex instantibus. Sed æquivocatur in ipsis instantibus: quia instans, quod est de cõpositione talis temporis, non est idem quod instans, quod fundatur in substantia mobili, & quod est idem quod mobile; sed est instans, quod fundatur in mutato esse & quod est idem, quàm mutatum esse.

Viso, quæ sunt in istis inferioribus pertinentia ad mensuram temporalem, & quæ mensurantur tempore, & quæ instanti temporis, quia motus & quies mēsurantur tempore, mobile & mutatum esse instanti, licet non eodem instanti: volumus ista adaptare ad Angelos, vel ad Angelorum operationes: quia (ut potest patere per habita) hæc est via investigandi propositum. Dicemus enim, quòd operatio Angeli, ut est intellectio, non est ipsum mobile: quia mobile dicit aliquid per se existens (loquendo de mobili per se) operatio autem dicit aliquid in alio ut operante: & potissimè operatio, de qua loquimur, quæ est accidens, cui ex natura propria non competit per se esse. Rursus huiusmodi operatio Angeli non potest dici motus: qui non est motus sine successione, hoc enim est moveri de uno in aliud tendere. In una autem & eadem operatione Angeli non cadit successio, cum enim intelligere Angeli sit quid simplex, una & eadē intellectio nō potest habere partē post partē: sed est tota simul. Sic etiam operatio Angeli non potest dici quies: repugnat enim hoc ipsi dicto, quòd operatio dicatur quiescere (loquendo de quiete quæ habet rationē privationis.) Possimus etiam & aliam rationem assignare: quare operatio Angeli non meretur dici quies, quia hoc est quiescere, eodē modo se habere nunc, ut prius: nō est ergo dare quietē (ut hīc de quiete loquimur) ubi non est dare duo nunc, unū se habens ut prius, aliud ut posterius: idē in una & eadem operatione Angeli non est assignare nunc prius & nunc posterius, nec propriè quies: immò quia quies est privatio motus, & privatio, & habitus sunt apta nata fieri circa idem, in una & eadem operatione Angeli, ubi non propriè potest esse motus, non poterit propriè esse quies. Hinc est quod Philoso-

phus in 8. *Phys.* probat quod in nunc temporis non potest esse quies: quia in huiusmodi nunc non potest esse motus.

Dicemus ergo, quod motus habet successionem in se ipso: idē per se mēsuratur mensura successiva; quies autem, secundum quod huiusmodi, non habet successionem in se ipsa: quia succedere est aliter se habere nunc & prius; quiescere autē est se habere eodem modo: igitur quies in se ipsa non habet successionem. Mensuratur cum tempore per accidens: quia esse quiescens, secundum istum naturæ cursum quem videmus, est subjectū corpori cōtinuè moto in se actu successionem habentis; Angelus autem non est subjectus alicui rei continuè motæ: idē non est in eo propriè quies, quæ opponitur motui, etiam quæ tempore mensuratur. Operatio itaque Angeli nec est ipsum mobile, nec debet dici motus, nec quies. Potest tamen appellari quoddam mutatum esse: nam cum Angelus incipit intelligere quod prius non intelligebat, facta est novitas in eo, & mutatio: propter quod ipsa operatio Angeli, in qua nō habet esse stabile, & quam Angelus de novo acquirit, quædam mutatio dici potest: attamen illa mutatio non est ejusdem rationis (ut in præcedenti quæstione dicebatur) cum istis mutationibus: quia istæ mutationes semper sunt terminus motus. Nam in istis inferioribus (loquendo secundum naturæ cursum) nihil est in aliqua dispositione nūc, in qua prius non erat, nisi per motum præcedentem. Ut declarari habent in 8. *Phys.* rationes enim impositæ probantes æternitatem mundi, licet sint simpliciter falsæ, vel licet sint falsæ relatæ ad primam causam: quia potest Deus facere aliquod novum absque motu præcedente; veræ tamen sunt secundum naturæ cursum: nam in istis corporalibus, ubi propriè est motus & mutatio ex principiis naturæ, secundum naturæ cursum nihil est in aliqua dispositione, in qua prius non fuit nisi per motum præcedentem. Exemplificamus enim de illuminatione aeris: ut si hæc pars aeris illuminatur à Sole, quæ prius erat obtebrata, hoc est, quia Sol accessit ad hanc partem hemisphærij: propter quod potest illuminare hanc partem aeris, quam prius illuminare non poterat. Vel hoc est, quia nubes tegebant Solē, quæ

Phus 8.
Phys. cõm.
26.

Motus habet successionem in se ipso, quies verò formaliter non habet talem successionem & mensuratur cum tempore per accidens.

Operatio Angeli nec est ipsum mobile, nec motus propriè nec quies, sed dici potest quoddam mutatum esse.

quæ à Sole non fugaces permiserunt Solem perdere lumen suum. Quocunque enim modo hoc naturaliter contingat, dicemus hoc fieri per præcedentem motum. Sed si in potestate Solis esset suum lumen effundere vel retrahere, illuminaretur aer, & postea obtenebraretur, & posset etiam iterum illuminari (ut supra innuebatur) absque præcedente motu, loquendo de motu propriè dicto. Illuminatio ergo aeris secundum hanc hypothesein esset quædam mutatio dependens ex voluntate Solis, quam mutationem non præcedebat aliquis motus propriè dictus. Et si in Sole habet calumniâ; in Angelis autem de quibus est quæstio, quod dictum est calumniari non potest. Imaginabimur enim, quòd in potestate Angeli est secundum suam voluntatem convertere se super hanc speciem, vel super illam, & causare in suo intellectu hanc intellectionem vel illam: prout igitur Angelus acquirit aliquam novam intellectionem, facta est in ipso mutatio, quam non præcessit motus propriè dictus: nam voluntas Angeli non dependet ex motu celi, nec intelligere ejus dependet ex tali motu: ideò in Angelo non habet calumniam, quòd novitates, quæ sunt in ipso, non fiunt ex motu præcedente propriè sumpto. In sole autè, quia est quid corporeum, dato quòd haberet liberum arbitrium, non esset inconveniens, quòd indirectè haberet aliquam dependentiam ad motum celi, sicut & in nobis ipsis: quia corpus nostrum est subditum illi motui, anima, quæ ut plurimum sequitur complexionem corporis, indirectè secundum operationem suam habet aliquam dependentiam ad illum motum, quin motus ille directè influat in animam, nec in liberum arbitrium, nec quòd possit ipsum cogere vel necessitare: sed quia influit in corpus, & disponit ipsum, quas dispositiones plurimi hominum sequuntur; faciunt enim talia non necessitate, sed quadam inclinatione, & pronitate: immò qui ex complexione est venereus, si per rationem & liberum arbitrium alluescat in còtrarium, facilius continebitur: quàm qui est complexionis castus, si sit ad venerea affuetus.

Redeamus ergo ad propositum & dicamus, quòd Angelum acquirere novas intellectiones est habere in se mutationes, quæ non sunt propriè terminus

motuum; nec fiunt ex motu præcedente propriè sumpto: & quia de ratione mutationis est, quòd mensuretur instanti, quælibet talis operatio & quælibet talis mutatio instanti mensurantur. Dicemus enim quòd una & eadem intellectio Angelici potest dici actio, passio, qualitas, mutatio, & instans. Imaginamur enim, quòd esse quòd movetur, ab alio movetur, ut declarari in 7. Phys. Et si aliquid movetur ex se, & si aliquid se ipsum movet, hoc est, quia est divisibile in aliqua duo, quorum unum est per se movens, & aliud per se motum: ut si animal movetur ex se, hoc est, quia est divisibile in animam, & corpus: & anima est per se movens, & corpus per se motum. Similiter autem si Angelus movetur ex se, ut si Angelus movet se ipsum ad intelligendum, vel ad volendum, hoc est, quia est divisibilis in aliqua duo, quorū unū se habet ut movens, aliud ut motū. Habet enim Angelus duas potentias, intellectum & voluntarè. Potentia enim ipsius substantiæ spiritualis potest dici pars potentialis ejus, secundum què modum loquitur Philosophus in 3. de Anima, dicens: *De parte autem anime qua omnia cognoscit & sapit.* Intellectum enim, per quem anima cognoscit, vocat partem ejus non essentialem, sed potentialem. Hujusmodi autem partes habet Angelus, quia habet plures potentias, & per unā partē causat motionē in alia, ut per intellectum movet se ad volendum; per voluntatem movet se ad intelligendum. Voluntas enim convertens se super speciem intelligibilem causat intellectionem in intellectu, & intellectus apprehendens aliquid sub ratione boni causat affectionem in voluntate: nam bonum apprehensum, vel quòd idem est, quòd apprehensum sub ratione boni est motivum voluntatis. Ut declarari habet in 3. de Anima. Voluntas enim movet se ipsam & non movet se ipsam. Ut declaravimus in nostro tertio Quodlibeto: movet enim se ipsam determinando non activando; activatur enim voluntas vel causatur in voluntate sua affectio, & suus actus, sive sua activatio à bono apprehenso, attractio, ut hoc fiat.

Voluntas se ipsam determinat, & nisi se ipsam determinaret, bonum apprehensum non posset ipsam activare, & potissimè veritatem habet, cum bonum apprehensum non apprehendat sub ratione

Intellectio
nes Angeli
mutationes
sunt, non ta
men termini
motus, nec
ex motu
præcedenti
fiunt.

7. Phys.
comm. 1.
3. comm. 8.
& 8. comm.
41. & 44.

Quomodo
intellectio
Angeli pos
test dici ac
tio, passio,
qualitas, mu
tatio, & ins
tans.

Phis. 3. de
Anima, cap.
1.

3. de Anima

tionē ultimi finis : quia respectu ultimi finis, secundum quod huiusmodi, voluntas se non determinat, sed necessitatur à tali bono: bonum enim sub hac ratione apprehensum necessitat voluntatem : ut non possit voluntas nō velle esse beata. Ut vult Aug. in pluribus locis in 13. de Trin. Igitur cū apprehendere pertineat ad vim cognitivam, eo modo quo bonum apprehensum est motivum voluntatis, vis cognitiva Angeli sive intellectus ejus est voluntatis motivus, & causat affectionem in ipsa. Benè itaque dictum est, quod Angelus secundum unam potentiam movet se ipsum ad actum alterius potentiae, ut per voluntatē movet se ad intelligendum, & per intellectum ad volendum: voluntas enim convertens se super speciem intelligibilem causat intellectiōem in intellectu, & intellectus apprehendens aliquid sub ratione boni potest causare volitiones in voluntate : ipsa ergo intellectiō, ut est à voluntate convertente se super speciem intelligibilem, est quaedam actiō, & eadem intellectiō, ut recipitur in intellectu (loquendo largè de passione) est quaedam passio. Ut autem est quaedam perfectiō intellectiva, vel ut est quaedam perfectiō qualificans potentiam intellectivam, & disponens, & perficiens ipsam, est quaedam qualitas, sed prout est de novo acquisita est quaedam mutatio. Prout verò habet ordinem ad intellectiōem priorem vel posteriorem habet rationem instantis, & est quoddam instans. Nam sicut tempus, ut diximus, materialiter & realiter est idem quod motus: quia eadem res ut est actus primi mobilis dicitur motus, & ut est numerus prioris & posterioris dicitur tempus: sic eadem operatio in Angelo, ut est de novo acquisita, dicitur quaedam mutatio: prout verò habet ordinem ad operationem priorem vel posteriorem, vel prout ponit in numerum cum operatione priori vel posteriori, dicitur instans. Ipse ergo motus numeratus est tempus, & ipsa mutata numerata sunt instantia: sed motus numeratus non est tempus, nisi sit motus non dependens ex alio motu: sic mutata esse numerata non sunt instantia, nisi sint talia mutata esse, quae non dependent ex mutatis esse existentibus in alio. Ideò motus primi mobilis, ut est numeratus, est tempus, quia ille motus non dependet ex alio motu; & mutata esse

illius motus ut sunt numerata possunt dici instantia, quia non dependent ex mutatis esse existentibus in alio. Operationes ergo Angelicae, ut sunt numeratae, habebunt rationem instantium, quia huiusmodi operationes directè & simpliciter nō dependent ex operationibus in alio, vel in aliqua creatura existentibus: potest enim unus Angelus cooperari aliquid ad intellectiōem alterius, unde dicitur ipsum illuminare: sed hoc est solum determinando intellectum ejus; nō autem directè causando aliud in ipso, ut in quaestionibus de cognitione Angelorum diffusius diximus. Quod ergo motus Angeli vel tempus, quod resultat ex tali motu, nihil est aliud quàm successiō operationum, cū illae operationes sint quaedam mutationes & quaedam instantia, tempus illud nihil erit aliud quàm successiō instantium: benè ergo dictum est tempus illud ex instantibus esse compositum.

Advertendum tamen, quod instans, quod est idem quod mutatum esse, differt realiter ab instanti quod idem est quod substantia primi mobilis. Possimus autem huiusmodi differentiā assignare in tribus. Quarum una est, quia instans, quod est idem quod substantia primi mobilis, manet idem secundum rem in toto motu sive in toto tempore; sed instans, quod est idem, quod mutatum esse, etiā secundum rem non manet idem. Nam cū in quolibet motu sint realiter multa mutata esse; secundum aliud & aliud mutatum esse, oportet, quod sit aliud & aliud instans. Sed non sic est de mobili: nam in uno & eodem motu quantumcunque daret ille motus, non potest unquam esse nisi unum mobile: cū enim motus sit actus mobilis, & unus & idem actus numero, sive sit substantialis sive accidentalis, non possit esse in diversis substantiis, oportet, quod adinvicem motus requiratur unitas mobilis: instans itaque, quod est idem quod substantia mobilis, erit unum & idem secundum rem in toto motu, sicut in toto motu est unum & idem mobile; differt tamen huiusmodi instans secundum rationem, quia mobile secundum aliam rationem consideratur prout est in hoc loco, & prout est in alio; ideò dicitur in 4. Phys. quod Coriscus est 4. Phys. alter prout est in theatro & in foro. 104. ro.

Instās, quod est mutātū esse realiter differt ab instāti, quod est substantia primi mobilis.

Secunda dif-
ferentia in-
ter dicta in-
stantia.

Secunda differentia est inter hoc in-
stans & illud: quia unum se habet ut cau-
sa, & aliud ut causatum: nam instans,
quod est idem, quod mutatum esse, fluit
& causatur ab instanti quod est idem,
quod substantia primi mobilis: quia ipsa
mutata esse, & etiam ipse motus causa-
tur ab huiusmodi substantia: materia en-
nim subiecta cum forma est causa om-
nium accidentium, quæ sunt in ea. Li-
cèt enim cælum moveatur ab intelligen-
tia, attamen quia movetur, ut est aptū
natum moveri, motus ille relatus ad cæ-
lum potest dici quid naturale: igitur na-
tura cæli, & substantia ejus habent ratio-
nem causæ respectu illius motus, & res-
pectu mutatorum esse, quæ sunt in illo
motu: & sicut substantia cæli est causa
mutatorū esse, quæ sunt in cælo, sic sub-
stantia Angeli, imò multo magis est cau-
sa mutatorum esse, quæ sunt in Ange-
lo. Nam varietas intellectuum & affectio-
num, secundum quas accipimus in An-
gelo mutata esse, causatur in Angelo ab
ipso Angelo: movet enim Angelus se
ipsum ad intelligendum hoc post hoc, &
ad volendum unum post aliud: quod
quomodo contingat, est per habita ma-
nifestum. Non enim hoc est, quod unū
& idem secundum idem se ipsum mo-
veat, sed unus & idem Angelus secundū
unam potentiam movet se ipsum, ad ac-
tum alterius potentia, ut voluntate mo-
vet se ipsum ad intelligendum; & per
intellectum movet se ad volendum.
Quod si concedimus, quod per volunta-
tem se moveat ad volendum, ut quod
voluntas se ipsam moveat, hoc non
erit de motu, de quo hic loquimur,
qui est actus mobilis, eò quod vo-
luntas non moveat se ipsam per se & im-
mediate activando, sed determinando. Re-
deamus igitur, & dicamus, quod sub-
stantia Angeli magis est causa mutatorū
esse, quæ sunt in Angelo quàm substan-
tia cæli mutatorum esse, quæ sunt in
cælo: quia magis est verum, quod An-
gelus se ipsum moveat, quàm quod cæ-
lum: motus enim, qui competit Angelo,
magis reducitur in Angelum, & in sub-
stantiam ejus tanquam in propriam cau-
sam: nam principalis causa mutatorum
esse, quæ sunt in Angelo, est ipse Ange-
lus: mutatorum autem esse, quæ sunt in
cælo, principalis causa est intelligentia
tatorū esse, movens cælum: instans ergo quod est

idem, quod mutatum esse, causatur ab
instanti, esse causatur ab huiusmodi sub-
stantia. Rationem autem huiusmodi cau-
salitatis, ut dicebamus, principaliter obti-
net substantia Angeli respectu mutato-
rum esse, quæ sunt in ea, quàm substan-
tia cæli respectu mutatorum esse, quæ
sunt in ipsa.

Tertia differentia inter hoc instans
& illud est, quod instans, quod est quid
mutatum, est in eodem genere cum tē-
pore, cujus est instans, sed instans, quod
est idem quod substantia mobilis, non
est in eodē genere cum tempore, cujus
dicitur esse instans: cum enim mutatu
esse sit terminus ipsius motus, oportet
ipsum mutatum esse in eodem genere
cum ipso motu. Dicimus autem, Solis
proprius motus; nam motus localis So-
lis tanquam ad proprium terminum ter-
minatur ad mutatum esse in loco, quod
est in eodem loco, quod est in eodem
genere cum ipso motu locali; ex con-
sequenti tamen potest terminari huius-
modi motus ad illuminationem aëris,
quia Sol acquirens aliquod novum mu-
tatum esse, quod prius non habebat, illu-
minabit aliquam partem aëris, quā prius
non illuminabat. Huiusmodi autem illu-
minatio non erit in eodem genere cum
motu locali, quia non est proprius ejus
terminus: mutatum itaque esse respectu
proprij motus est in eodem genere cum
ipso motu, in quo fundatur, & instans
quod est idem quod mutatum esse, erit
in eodem genere cum ipso tempore: ha-
bebit enim se huiusmodi instans ad suum
tempus, sicut mutatum esse ad suum mo-
tum: propter quod erit in eodem gene-
re suo tempore, sicut mutatum esse cum
suo motu. Nec valeret, qui cavillaret,
quod tempus non est in eodem genere
cum motu: quia tempus est in genere
quantitatis, ut patet per Phum in prædi-
camentis: motus autem localis est in
prædicamento ubi, ut patet per eundem
circa principium 3. Physic. quia licet
propter aliam & aliam habitudinem, vel
propter aliam, & aliam rationem for-
malem tempus nostrum possit collocari
in alio prædicamento, quàm motus lo-
calis in quo fundatur: instans tamē, quod
est idem quod mutatum esse, non collo-
cabitur in alio prædicamento, quàm suū
tempus, sicut nec mutatum esse colloca-
tur in alio prædicamento, quàm suus mo-
tus:

Substantia
Angeli ma-
gis est causa
principalis
suorū mu-
tatorū esse,

Phy. 3. princ.

tus : quia instans , quod est idem quod mutatum esse, habet habitudinem quamdam ad illam formalem rationem, unde sumitur ratio formalis temporis, propter quod collocatur in eodem prædicamento cum suo tempore: sicut & mutatum esse, propter habitudinem, quam habet ad illud, unde formaliter sumitur ratio motus, collocatur in eodem prædicamento cum suo motu. Vel possemus dicere, quod quantum ad propositum spectat, nulla est hæc cavillatio, quia licet motus celi, in quo fundatur tempus nostrum, possit dici non esse in eodem prædicamento cum huiusmodi tempore; motus tamen secundum successionem operationum Angelorum (ut in sequenti questione patebit) est in eodem genere cum tempore, quod fundatur in tali motu. Et quia præsentem questionem suscipimus propter tempus, quod mensurat operationes angelicas, bene dictum est, quod instans, quod est idem quod mutata esse, in ipsis Angelis est in eodem genere cum suo tempore, & etiam cum ipso mutato esse, in quo fundatur: sicut & illud tempus est in eodem genere cum suo motu, in quo existit. Posset & tertio modo responderi, quia & tempus nostrum (ut in sequenti questione patebit) est secundum aliquem modum accipendi in eodem prædicamento cum motu, in quo fundatur. Nam idem Phis, qui in prædicamento collocat tempus in genere quantitatis, & in 3. Phisic. collocat motum in genere ubi, in 5. Metaph. capit. *De quantitate*. Tam tempus, quam motum, in quo fundatur, collocat in genere quantitatis. Congruè itaque dici potest, quod instans, quod est idem quod mutatum esse, est in eodem genere cum suo tempore. Sed instans, quod est idem quod substantia rei mobilis, non est in eodem prædicamento cum tempore, quia nunquam potest pertinere ad prædicamentum substantiæ, cum sit accidens, & cum sit idem realiter quod motus: res enim, quæ est accidens, nunquam in prædicamento substantiæ collocatur. Sic res, quæ est substantia, nunquam collocari potest in prædicamento aliquo accidentis, quia ut *Quod verè est nulli accidit*, ut dicitur in 1. Phisic. Instans ergo quod est idem quod substantia rei mobilis est in prædicamento substantiæ, nec pertinere poterit ad prædicamentum, in quo est

tempus: cum tempus pertineat ad prædicamentum accidentis. Quod si dicatur, quod etiam instans, quod est idem quod substantia mobilis, habet aliquam habitudinem ad formalem rationem temporis. Dicemus, quod tale instans propter talem habitudinem non collocabitur in prædicamento aliquo accidentali, vel in prædicamento in quo est tempus: quia (ut supra diximus in questione prædicamentorum) nulla habitudo adveniens substantiæ facit illud quod est substantiale, sive illud quod est in prædicamento substantiæ, in alio prædicamento: ut si respectus aliquis fundatur immediatè in ipsa substantia, erit ille respectus relatio secundum dici, nec trahet rem, quæ est substantia, ad aliud prædicamentum: nam si convenienter assignentur relativa, nulla substantia dicetur ad aliquid, nec erit aliqua substantia relativa secundum esse, sed solum secundum dici, ut satis patere potest ex prædicamentis.

Assignavimus ergo tres differentias inter instans, quod est idem quod substantia mobilis, & instans quod est idem quod mutatum esse. Volumus autem nunc exequi quod supra tetigimus, videlicet, quid magis propriè debeat dici nunc vel instans, an illud quod est idem quod mutatum esse vel potius id, quod est idem quod substantia rei mobilis? Declarabimus enim tripliciter, quod magis propriè meretur dici nunc, & instans, illud quod est idem quod substantia rei mobilis. Prima via sumetur ex fluxibilitate temporis. Secunda autem ex continuitate ejus. Tertia ex entitate ipsius.

Prima via sic pater, intelligimus enim, quod tempus materialiter sit idem quod motus: & quia motus est quidam fluxus, consequens est, quod & ipsum tempus sit quidam fluxus. Qualiter autem sit fluxus, declarat Boëtius in lib. de Trin. dicens: *Nostrum nunc quasi currens & fluens de Trin.* *causat tempus, sicut nunc stans causat eternitatem.* Hoc ergo modo tempus habet fluxibilitatem, quia est fluxus ipsius nunc, vel quia causatur ex nunc fluente, & corrente. Illud ergo propriè & principaliter dicitur nunc, quod fluens vel currens causat tempus: sed constat, quod ipsum mutatum esse non currit: quia motus non movetur, & mutatio non mutatur: *Quoniam motus non habet motum, neque transmutatio*

tatio habet transmutationem: ut dicitur in 5.

Phus 4.

Phyf. côm.
10.

Phus 4.

Phyf. côm.

Phyf. Sed id quod currit, & fluit est ipsum mobile: quare si aliud est propriè nunc, quod currens & fluens causat tempus, tale quid nõ propriè erit ipsum mutatum esse, sed ipsum mobile; & inde est, quòd Phil. in 4. *Phyf.* loquens de nunc propriè, & principaliter sumpto, dixit ipsum esse idem secundum rem in toto motu temporis: non autem idem secundum rationem. Nam si hoc est nunc, quod fluens causat tempus: quia illud quod fluit, sive ipsum fluxibile, vel ipsum mobile est idem secundum rem in toto motu; non idem autem secundum rationem, manifestè colligitur, quòd ipsum mobile sit idem realiter, quod nunc propriè & principaliter sumptum: quòd ipsum mobile est idem, quod currit & fluit: ex consequenti tamen ipsum mutatum esse potest dici nunc; non quia sit id quod fluit; sed quia est terminus ipsius fluxus: cum enim mutatum sit quid indivisibile, oportet, quòd mensuretur ipso nunc, & per consequens oportet, quòd sit idè realiter cū ipso nunc: nā sicut tēpus, quod mēsurat motū, est idè realiter & materialiter cum motu, in quo fundatur, sic erit dare aliquod nunc quod mensurabit ipsum mutatum esse, & quod erit idem realiter & materialiter cū ipso mutato esse, in quo existit; attamē huiusmodi nunc vel huiusmodi instās, quod est idè quod mutatum esse, nõ ita propriè & principaliter meretur dici nunc vel instans, sicut nunc & instans quod est idem quod substantia mobilis.

Secunda via ad hoc idem sumitur ex continuitate temporis. Dicemus enim illud propriè & principaliter dici nunc vel instans, quod est continuativum temporis: nam tempus licet de se sit numerus, est tamen numerus in continuo, ideo ipsum tēpus est de genere continuorum: decem enim palmi & decem brachia panni numerum dicunt, & quantitatem discretam nominant: sed decem brachia in re continua: ut decem brachia panni quid continuum nominant, eò quòd quantitas panni sit continua quantitas: est ergo tempus quid continuum quod hoc modo continuitatem habet, quia partes ejus, cujusmodi sunt præteritum & futurum, copulantur ad nunc quod est finis præteriti & principium futuri: sicut partes lineæ copulantur ad punctum, qui est finis unius partis lineæ & prin-

cipium alterius: illud ergo erit propriè & principaliter, nunc quod est copulativum partium temporis & continuatio ipsius. Huiusmodi autem (ut apparebit) propriè est ipsum mobile, non autem ipsum mutatum esse. Sic enim videmus in linea, ut suprà diffusius diximus, quòd illud lineam continuat, quod lineam inchoat, licet sub alia ratione: nam punctus ut est quid in actu, est inchoativum lineæ, ut est quid in potentia, est continuativum ejus: nec est dare lineam rectam finitam, ubi non sit dare punctum quod est inchoativum ejus. Et secundum quod accipimus in linea recta finita inchoativum, sic accipimus ibi continuativum: motus ergo & tempus non continuantur per mutata esse: oportet enim si mutatum esse esset per se continuativum motus, quòd esset inchoativum ejus, igitur in motu esset dare primum mutatum esse, & semper motus aliquis finitus inciperet à mutato esse: quia lineam continuat punctus, quia non est aliud continuativum continui, quàm inchoativum ejus: sicut enim oportet omnem lineam rectam & finitam incipere à puncto, sic oportet semper motum incipere à mutato esse: nec oportet instare in linea circulari nec in linea finita: quia nulla istarum habet principium: vel habet aliquem punctum in actu; sed si linea inciperet & haberet principium, oporteret, quòd inciperet à puncto: quare si sic se haberet mutatum esse ad motum, sicut punctus ad lineam, & si mutatum esse esset per se continuativum motus, sicut punctus lineæ, oporteret, quod omnis motus de novo incipiens & habens principium, inciperet à mutato esse, sicut omnis linea habens principium, incipit à puncto: videmus autem hoc falsum, quia non est dare in motu primum mutatum esse. Imaginabimur ergo, quòd ipsum mobile se habet in motu, sicut punctus in linea: nam sicut linea incipit à puncto, & terminatur in punctum, & continuatur per punctum: ita mobile, ut est in fine spatij, & continuatur per mobile ut fluit per mediū spatium. Dicere autē, quòd est per se continuativum continui quod non est inchoativum ejus, & quòd aliquid continuativum continuat, quod ipsum non inchoat, est ignorare naturam continui, propter quod si mutatum esse esset per se continuativum, motus omnis infinitus in-

Intelligitur esse inter duo puncta: igitur, ut dicebamus, si esset dare in motu primum mutatum esse, quod repugnat demonstrationibus factis in 6. *Phys.* Non igitur à mutato esse, sed à mobili habet motus magis continuitatem. Quod concordat cum verbis Philosophi dicentis, quòd tempus habet continuitatem à motu, motus verò à magnitudine. Non ergo ait, quòd motus continetur per mutata esse: sed quòd continuitatem habet à magnitudine: quòd intelligendum est de magnitudine mota per relationē ad magnitudinem spatij. Eadē magnitudo mota, prout aliter & aliter refertur ad magnitudinē spatij, circa quòd refertur, vel ad magnitudinem spatij in quo movetur, incohativa, cōtinuativa, & terminativa est motus. Sicut enim linea finita recta semper est inter duo puncta, sic sēper motus est inter mobile, & mobile: ut inter mobile, ut est in principio spatij, & mobile ut est in fine: & sicut quilibet punctus, ut est in medio lineæ, semper unam partem lineæ finit, & aliam incohat, sic mobile quandiu est in medio spatij unam partem motus finit & aliam incipit aggredi: & quòd oportet dare plura puncta in linea: quia unus & idem punctus realiter non potest lineam incohare, cōtinuare, & finire, hoc est, quia linea est quid permanēs, & partes ejus sunt simul, & unus idem punctus simul in diversis locis esse non potest; sed si linea esset de genere successivorum, utputā, si fieret aliquis fluxus linearis per motum puncti, unus & idem punctus realiter incoharet, continuaret, & terminaret lineam. Quia ergo de his omnibus diffusius est dictum suprā, redeamus ad propositum, & dicamus, quòd illud est propriē, & principaliter nunc, quòd est per se & principaliter continuativum motus & temporis, hujusmodi autem est ipsum mobile, non mutatum esse, propter quòd ipsa substantia rei mobilis est illud, in quo fundatur nunc propriē & principaliter sumptum. Si autem ipsa mutata esse possunt dici esse instantia vel nunc hoc erit ex consequenti.

Tertia via ad hoc idem sumitur ex entitate temporis: nam entitas temporis & omnium successivorum non est in simultate temporis partium, sed in ordine partium. Hujusmodi autem ordinem oportet fundari in aliquo, quòd non sit omninò permanens: quia si esset omninò

permanens, in permanente, ut est permanens, non posset fundari ordo partium motus, nec ordo partium alicujus rei. Rursus si nullo modo esset permanens, non posset dare entitatem non permanenti: sicut enim motus semper innititur alicui rei stabili, ut probat August. circa finem 8. super Gen, ad litt. Sic ordo partium successivi semper fundatur in aliqua re aliquo modo permanente, & ali quo modo non permanente: hujusmodi autem non est nisi ipsum mobile, quòd in toto motu manet idem secundum rē, non autem idem secundum rationem: & quia hoc est propriē & principaliter nunc, in quo fundatur ordo partium temporis, ipsa substantia rei mobilis poterit dici nunc propriē & principaliter. Si autem ipsa mutata esse merentur dici nunc, hoc erit ex consequenti. Ex hoc autem apparere potest, quomodò tempus, quòd mensurat operationes angelicas, sit cōpositum ex instantibus: nam motus ille, quòd moventur Angeli per varias affectiones vel intellectiones, est compositus ex mutatis esse, prout quælibet nova affectio vel intellectio potest dici quoddā mutatum esse: & quia alia mutata esse sunt aliquo modo idem, quòd quædam instantia, quia quodlibet illorum mensuratur instanti, quòd fundatur in ipso, & quòd est idem quòd ipsum, sicut ille motus est compositus ex mutatis esse, sic tēpus, quòd mensurat illum motum, & quòd fundatur in illo motu, & quòd est idem quòd ille motus, erit compositum ex instantibus, quæ fundantur in mutatis esse, & mensurat mutata esse, & sunt idem quòd illa mutata esse. Propter quòd apparet, quòd tempus illud est compositum ex instantibus, non accipiendo instans omninò principaliter & propriē, prout est idem quòd substantia mobilis, sed accipiendo instans prout est idem quòd mutatum esse.

Dicemus ergo, quòd instans fluens causat illud tempus, & quòd ex instantibus est compositum illud tempus, aliter tamen & aliter accipiendo instans. Nam substantia Angeli prout mediante potentia subieitur variis affectionibus vel variis intellectionibus, quæ sunt quædam mutationes, dicitur esse quoddam instans fluens causans illud tempus. Non autem dicimus, quòd ipsa potentia sit hujusmodi instans: quia sicut tempus non est

D. Aug. P.
N. circa finē
8. super Gē.
ed litt. cap.
21.

Substantia Angelus, prout est radicale, & primariū subiectum operationum Angelus, dicitur instans fluens causans tales operationes sive mutationes sunt instantia ex quibus componitur tempus: unde si nunc temporis accipiat pro composito ex talibus operationibus, vel mutatis esse vel pro aliqua parte, non est idē quod nunc ævi; si verò accipiat pro ipsa substantia causante fluenter illud tempus, erit idē quod nunc ævi.

quilibet motus, sed est motus primus, ita instans fluens quod causat tempus, non est quodlibet subiectum motui, sed est subiectum radicale & primum, huiusmodi autem est substantia Angelus, non potentia. Ipsa ergo substantia Angelus prout est radicale & primarium subiectum ipsarum operationum & mutationum Angelicarum dicitur esse instans fluens & causans illud tempus, illæ autem mutationes prout sunt quedam instantia, sunt ea ex quibus componitur tale tempus: propter quod apparet verum esse, quod supra dicebatur, videlicet, quod idem est realiter in Angelo nunc ævi & nunc temporis: quia ipsa substantia Angelus prout subicitur ipsi esse est nunc ævi: quia ævum realiter est idem quod est ipsa, etiam eadem substantia prout est primariū & radicale subiectum mutationum factarum in ipsa dicitur esse nunc temporis. Nunc ergo temporis in Angelo est idem realiter quod nunc ævi, & non idem: quia si accipiat nunc temporis, quod est compositū illius temporis, & quod est idem quod mutatum esse, non est idem realiter nunc temporis, & nunc ævi. Sed si accipiat nunc temporis, quod non est pars nec compositum illius temporis, sed quod fluens causat illud tempus, cuiusmodi est substantia Angelus, idem erit realiter (ut superius dicebatur, & ut hic patuit) nunc temporis & nunc ævi.

Postquam declaravimus quæ in istis sensibilibus mensurantur tempore & quæ instanti, & adaptavimus hoc ad Angelos, ex quibus aliquantulum innotuit, quod tempus, quod mensurat operationes angelicas, ex instantibus componatur: volumus secundum prætaxatum ordinem, ne laboremus in æquivoco, de ipsis operationibus angelicis distinguere: ut appareat quas operationes mensurans tempus componitur ex instantibus; & quas operationes mensurans non componitur ex instantibus. Dicemus enim triplicem esse operationem angelicam: unam qua movet corpora: aliam qua movet se super corpora, ut per aërem, vel per aquam: tertia autem qua movet se ad intelligendum ea, quæ sunt in corporibus, vel etiam alia quæ non sunt corpora, nec in corporibus.

Accipiendo ergo tempus, prout est quid continuum, & prout non est con-

positum ex instantibus; sed solum ex temporibus, dicemus, quod operatio Angelus transiens in exteriorem materiam, secundum quod Angelus movet corpus, ut supra tetigimus, mensuratur talis motus tempore per se, operatio verò per quam Angelus movet se ad intelligendum vel ad volendum, nec per se nec per accidens potest tali tempore mensurari. Prima autem harum operationum applicatur ad exteriorem materiam & est in exteriori materia. Secunda verò non propriè transit sed applicatur. Tertia verò nec transit nec applicatur ad exteriorem materiam, sed potest consistere sibi, quia potest esse, quando est exterior materia. Vel possumus dicere, quod prima est in corpore, & non fit sine existentia corporis. Secunda non est in corpore, sed non fit sine existentia corporis. Tertia non est in corpore nec de necessitate requirit existentiam corporis. Prima ergo operatio, qua Angelus movet corpora, transit in exteriorem materiam, & est in exteriori materia: quia est in ipso corpore moto, & est applicata ad exteriorem materiam, quia est applicata ad corpus motum. Constat enim, quod motus per se non est in movente mobili, sed immobili: actio ergo, qua Angelus movet corpora, est in ipso corpore moto, cum ergo quilibet motus corporis per se mensuretur tempore continuo, talis operatio per se mensurabitur tali tempore: itaque cum dicimus, quod tempus quod mensurat operationes Angelicas, non est continuum, sed est compositum ex instantibus, non intelligimus de operationibus transeuntibus secundum quas Angelus movent corpora, quia tales operationes, cum sint quidam motus corporum, per se mensurantur continuo tempore. Secunda autem operatio, qua Angelus movet se per corpora, non oportet, quod sit transiens, & potest fieri sine motu corporis; est tamen applicata & non fit sine existentia corporis: potest enim Angelus se movere per aërem, vel per aquam, nullam mensuram nec aliquem motum faciendo in aëre vel in aqua; sed solum applicando virtutem suam ad aërem, vel ad aquam: prout enim Angelus applicat virtutem suam ad hanc partem aëris, & postea ad aliam partem, potest se movere per aërem, nullum motum causando in aëre: talis ergo operatio non est tran-

Quas operationes mensurans tempus componitur ex instantibus: nam tripliciter sunt operationes Angelicæ.

Operatio Angelus, qua movet corpora, & transit in exteriorem materiam, est in corpore moto, & est applicata ad corpus motum. Operatio Angelus, qua movet se per corpora, potest fieri sine motu corporis, & non fit sine existentia corporis. Operatio Angelus, qua movet se ad intelligendum ea, quæ sunt in corporibus, vel etiam alia quæ non sunt corpora, nec in corporibus, potest fieri sine motu corporis, & non fit sine existentia corporis.

Operatio
Angeli, q
mouet se
intelligen
vel volo
dū copo
vel alia n
per se ne
per acci-
mensurū
tempo, se
qualit in
tamen
atū & d
is dera-
tibus e
iustio.

 \bar{Z}_3

Actetur, sed quia est subiectum ei, quod actu movetur & variatur: secundum quē modum corpus quiescens tempore mensuratur; non quod quiescens, secundum quod quiescens, & secundum quod huiusmodi, se habeat aliter nunc & prius: sed quia est subiectum cælo, quod continuē movetur, & quod semper se habet

Angelus in una operatione stans nec movetur per se, nec tempore mensuratur per se secundum talem operationem, nec quiescit nec tempore mensuratur per accidens.

aliter nunc & prius. Angelus autem in una & eadem operatione stans non dicitur moveri, nec mensuratur tempore per se secundum operationem illam, quia non aliter se habet nunc & prius: nec etiam dicitur quiescere, nec mensuratur tempore per accidens: quia non est subiectus motui cæli vel alicui alteri rei continuē motæ, quæ semper se habeat aliter nunc & prius. Vna itaque & eadem operatio Angeli, quæ propriè non est motus, nec est quies, oportet, quod mensuretur instanti. Vna ergo & eadem operatio Angeli potest consistere ipsi tempori, quia potest esse tempus, quando est operatio Angeli. Vna tamen & eadem operatio Angeli non mensuratur tempore. Bene itaque dictum est, quod sicut motus Angeli est successio operationum: ita tempus, quod mensurat talem motum, est successio instantium, & est compositum ex instantibus.

Triplici via suadetur intentum.

His itaque omnibus prælibatis, volumus adducere tres breves rationes, quod tempus illud sit compositum ex instantibus: nam tempus est mensura successiva. Ad tria ergo possumus tempus referri, vel ad ipsam successionem, vel ad ipsa instantia secundum quod dicitur succedere, vel ad ipsas operationes: quas successivè mensurat; non quod in eadem operatione sit successio: sed quia una operatio alteri succedit: omnibus autem tribus viis concluditur intentum.

Prima via.

D. August. lib. II. Conf. cap. II.

Prima autem via sic patet: nam de ratione temporis est quod non sit totum simul: unde August. II. Conf. dans differentiationem inter æternitatem & tempus ait: *Non præterire quidquam in æterno, sed totum esse præsens*, id est, totum simul; *nullum vero tempus totum esse præsens*, id est, totum simul. Si ergo tempus esset totum simul, iam non esset tempus: una ergo & eadem operatio non poterit mensurari tempore, cum sit tota simul, mensurabitur ergo instanti: & quia, ut dictum est, nihil est aliud ille motus nisi successio o-

perationum; quia hoc modo Angelus per tempus movetur, ut patet per Aug. ^{idem 8. super Genes. ad litteram: Vel reminiscendo quod oblitus erat, vel discendo quod nesciebat; vel volendo quod volebat.} In Angelis autem & si non est propriè oblivisci, reminisci, & discere; attamen Angelus incipit intelligere quod prius non intelligebat, cum de una intellectione in aliam tendit, & incipit velle quod prius volebat, cum de una volitione in aliam vadit. Successio ergo operationum est motus Angeli, & est illud, secundum quod dicitur Angelus moveri per tempora: cum ergo una & eadem operatio mensuretur instanti, sicut motus Angeli non est aliud, quam successio operationum, sic tempus quod mensurat talem motum, non est aliud quam successio instantium. Quicquid enim sit de intellectu nostro; de intellectu tamen angelico, cum suum intelligere sit simplex & sine discursu, non lebet esse dubium, quod una & eadem operatio ejus non mensuratur tempore.

Secunda via ad hoc idem sumitur ^{Secunda via} ex ipsis instantibus: nam non est dare tempus, ubi non est dare duo instantia: si ergo in una & eadem operatione esset successio, & una & eadem operatio mensuraretur tempore, in una & eadem operatione esset assignare duo instantia unum prius, & aliud posterius: vel hoc est, quod illud aliter habet nunc & prius, vel quia est subiectum ei, quod aliter se habet nunc & prius; Angelus autem secundum unam & eandem operationem non aliter se habet nunc & prius: nec est subiectum ei quod aliter se habet nunc & prius: quod motum Angeli & privationem motus non reducimus in aliquid continuē motui: sicut in corporibus reducimus omnia talia in cælum, quod continuē movetur. Dicemus ergo, quod aliter comparatur ad successionem motus, aliter quies, aliter operatio Angeli: motus enim comparatur ad successionem; & quia in se & secundum se successionem habet: idè per se, est quod motus talis tempore mensuratur; quies autem comparatur ad successionem, non quod quiescens, secundum quod huiusmodi, variatur: sed quia est subiectum ei, quod continuē variatur. Vna autem & eadem operatio Angeli nec in se variationem habet, nec est subiecta ei, quod continuē variatur: sed potest

test coassistere ipsi variationi: ideo nec A
 est motus, quod mensuret tempus per se,
 nec habet rationem quietis, quod possit
 mensurari tempore per accidens, sed po-
 test coassistere tempori: ex huiusmodi
 autem coassistentia non sumitur ratio
 mensuræ. In una ergo & eadem opera-
 tione Angeli non est dare duo instantia,
 nec est ibi dare successionem, propter
 quod non mensuratur tempore sed in-
 stanti: tempus ergo quod mensurat tales
 operationes non est nisi successio instan-
 tium.

Tertia via ad hoc idem sumitur ex
 ipsa comparatione Angeli. Probat enim B
 Zeno, ut patet ex physicis, quod sagitta
 velociter mota non movetur, quia semper
 est in loco sibi æquali. Ad quod respondet
 Philosophus, quod sagitta mota est in lo-
 co sibi æquali in instanti, ideo in instanti
 non movetur, nec etiam quiescit: quia
 non potest esse quies, ubi non potest esse
 motus, cum quies sit privatio motus, & pri-
 vatio & habitus sint apta nata fieri circa
 idem. Dicemus ergo, quod in instanti non
 est motus, nec etiam quies: sic dicere po-
 terimus, quod in una & eadem operatio-
 ne Angeli si non est proprie motus, nec
 quies. Non est ibi motus: quia non est ibi C
 successio: non ibi quies, quia non est
 quies, ubi non potest esse motus: opera-
 tio igitur Angeli una & eadem non mensu-
 ratur tempore nec per se nec per acci-
 dens: quia non est motus, nec quies: con-
 sequens ergo est, quod mensuretur instā-
 ti temporis. Nam quidquid est in Ange-
 lo vel mensuratur ævo, vel instanti ævi,
 vel tēpore vel instanti tēpore. Ab eis autē
 quæ mēsurantur ævo, vel instāti ævi Ange-
 lus nunquam recedit: quia nunquam re-
 cedit Angelus à suo esse, quod mensura-
 tur ævo, nec à sua substantia quæ mensu- D
 ratur nunc ævi: cum ergo Angelus pos-
 sit recedere, & recedat in sua operatione:
 consequens est, quod sua operatio non
 mensuretur ævo nec nunc ævi. Rursus
 talis operatio una & eadem non mensu-
 ratur tempore, quia non est ibi successio:
 consequens ergo est quod mensuretur in-
 stanti temporis: non instanti, quod fluēs
 causat tempus, quod est idem quod sub-
 stantia Angeli, quia tale instans semper
 manet idem secundum rem: mensurabi-
 tur ergo instanti, quod est idem quod
 mutatum esse: componetur ergo illud
 ex instantibus, quæ sunt eadem quod mu-
 tata esse. Nam & ille motus compositus
 est ex mutatis esse.

Respond. ad arg. Ad 1. dicendum,
 quod non per omnem modum se habet
 instans ad illud tempus: sicut punctus ad
 lineam: quia linea est quid continuum;
 illud autem tempus non: de ratione autē
 continui est, quod dividatur in semper
 divisibilia: non est hoc de ratione non
 continui, tempus ergo nostrum, quod
 est quid continuum, nunquam compo-
 nitur ex instantibus, nec ex indivisibili-
 bus: sicut nec linea ex punctis, sed illud
 tempus, quia non est quid continuum,
 potest cōponi ex instātibz & ex indivisi-
 bilibus sicut numerus ex unitatibus. Ad 2.
 dicendū, quod Angelus potest sistere, vel
 sistit in operatione sua, ita quod non sta-
 tim, cum incipit intelligere aliquid, desi-
 nit intelligere illud: vel non oportet,
 quod illud desinat intelligere: non tamē
 propter hoc una & eadem operatio mē-
 suratur tempore: quia una & eadem ope-
 ratio non habet successionē in se, nec est
 per se subjecta rei habenti successionem:
 ideo nec mensuratur tempore per se nec
 per accidens, ut est per habita declaratū.
 Per quodcunque ergo tempus Angelus
 sistat in una & eadem operatione, per se
 loquendo, totum illud non computabi-
 tur nisi unum instās: propter enim Ange-
 lum sistere in sua operatione non argui-
 tur, quod sit tempus in re extrā, quando
 est illa operatio: sed in ipsa operatione
 non est tempus quia non est ibi successio,
 nec est subjecta successioni. Ad 3. dicen-
 dum, quod instans temporis nostri non
 habet spatium, quia est in continuo flu-
 xus: sed non sic est de instantibus illius tē-
 poris: operatio enim Angeli non sic cō-
 tinuē fluit, sicut motus: vel Angelus se-
 cundum suas operationes, quas succes-
 sive acquirit, non sic continuē fluit sicut
 mobile per sua spatia, quæ acquirit: quia
 ex hoc dicitur mobile moveri localiter,
 quia nunquam sistit in aliquo uno & eo-
 dem spatio, nec unquam simul perdit
 aliquod totum spatium, nec simul ac-
 quirat: Angelus autem sistit in una &
 eadem operatione, & simul totam suam
 operationem: utputā, totam unam suam
 intellectionem desinit, & aliam de no-
 vo acquirit. Vel possumus dicere, quod
 etiam instans illius temporis non habet
 spatium: attrahen a sistit spatio, quia in
 una & eadem operatione non est succes-
 sio,

sio, sed assitit successioni: quia quando est illa operatio, quæ est simplex, & non habet spatium nec successionem, potest esse spatium & successio in re extrâ. Ad 4. dicendum, quod non eadem mensura mensuratur mobile, & actus ejus: nec eadem mensura mensuratur substantia Angeli & operatio ipsius, quia licet utrumque mensuretur instanti, attamen hoc non est eodem instanti: substantia enim Angeli, ut mediante potentia sub-
 jicitur varijs operationibus, mensuratur instanti, quod fluens cauat tempus: sed quod non est de compositione ipsius tēporis ut in solutione principali diffusius diximus. Ad 5. dicendum, quod Angelus exercens aliquam operationem non statim recedit ab operatione illa: nec tamen propter hoc secundum unam & eandem dicitur moveri: quia in una & eadem operatione non est subjectio per se alteri rei habenti successionem: ideo nec est ibi motus ut mensuretur tempore per se: nec quies ut mensuretur tempore per accidens: non enim omne sistere, propriè loquendo, est quiescere: sed tale sistere est quiescere, secundum quod sit aptum natus moveri: secundum autem unam & eandem operationem Angelus non est aptus natus moveri, nec habere successionē: una itaque & eadē operatio mēsurabitur instanti. Sed dices, quod Angelus dicitur se movere ad volendum vel ad intelligendum, quod non videtur verum, nisi in ipsa intellectuione vel volitione esset motus, quo posito, una & eadem operatio mensurabitur tempore. Dicemus ergo, quod motus est ad rem non habitam: Angelus ergo movet se ad intelligendum aliquid quod prius non intelligebat illud, & postea intelligit: est ergo ibi successio, quia intellectio succedit non intellectio, vel una intellectio succedit alteri: non ergo cadit tempus vel successio in ipsa intellectuione secundum se, sed prout succedit non intellectuioni, vel prout una intellectio succedit alteri: quælibet ergo intellectio mēsurabitur instanti: sed quia ut una intellectio ibi succedit alteri: instans succedit instanti, & secundum hoc habet ibi esse tēpus, quod est successio instantiū. Ad 6. dicendum, quod hoc est in continuo, quod non possumus intelligere lineam rectā, nisi sit finita: & nisi sit inter duo puncta indivisibilia, sive inter duo puncta: sed hoc non est in re non conti-

nua: non enim oportet rem non continuam quantumcunque finitam esse inter ipsa indivisibilia: imò res non continua potest componi ex ipsis indivisibilibus: ut numerus ex unitatibus quæ de se sunt indivisibiles, sicut illud tempus, quia est quid non continuum, non est nisi quidam numerus instantium: non ergo intelligemus illud tempus esse inter ipsa instantia, sed esse ipsa instantia. Ad 7. dicendum, quod motus non est compositus ex motibus, nec tempus potest esse compositum ex instantibus, quæ sunt idē quod ipsum mobile: sed componitur illud tempus ex instantibus, quæ sunt idē quod mutata esse, ut est per habita manifestum. Ad 8. dicendum, quod ex his, quæ sunt in actu, non fit unum continuum: quia partes continui sunt quid in potentia: non tamen sic est de discreta: in re enim discreta sunt partes magis in actu quàm in re continua: attamen etiā in ipsa re discreta sunt partes quodammodo in potentia, prout possunt componi ad invicem, ut constituent numerum. Sic & in proposito instantia nostri tēporis sunt magis in potentia, quia tempus nostrum est quid continuum: instanti verò illius temporis sunt magis in actu: quia illud tempus est quid discretum: est enim quoddam nunc instantium ex instantibus compositum. Ad 9. dicendum, quod inter quælibet duo instantia cadit tēpus mediū, si sit tēpus cōtinuum, sicut inter quælibet duo puncta cadit linea media, si sit linea cōtinua: attamen si sit linea non cōtinua poterūt ibi dari duo puncta, inter quæ non cadit linea media: ut si partes lineæ intercise conjugantur ad invicem, ibi erit dare duo puncta, inter quæ non cadit linea media: & quia illud tempus non est quid cōtinuum, non oportet semper inter duo instantia ibi cadere medium tempus. Ad 10. dicendum, quod principia semper sunt unigenita principiatis: quia semper oportet esse quamdam analogiam & quamdam proportionem siue quemdam ordinē inter principia & principiatis: non tamen semper oportet, quod principia semper recipiant prædicationem principiatorum: secundum hoc veritatem habet in partibus quantitativis & continuis, ut quantum ad partes quantitativas & continuas non est corpus ut ex corporibus, nec linea ut ex lineis. Tamen si accipiamus partes essentielles, corpus quod est

est substantia, erit ex non corporibus, quia A
erit ex materia & forma, quorum neutrum est corpus. Sic etiam si accipiamus partes in re non continua, reperiemus hoc idem: non enim semper numerus est ex numeris, sed potest esse ex unitatibus. Sic & in proposito, tempus quia est quid non continuum, non oportet esse ex temporibus: quia potest esse ex instantibus.

QUÆSTIO X.

*In quo predicamento sit tempus, quod mensurat B
operationes Angelorum?*



DECIMO quaeritur, in quo predicamento sit tempus, quod mensurat operationes Angelorum? Et videtur, quod non sit in predicamento qualitatibus: quia quod non est


in aliqua specie qualitatibus, non est in praedicamento qualitatibus: tempus quod mensurat operationes Angelorum est huiusmodi, ergo & cetera. Probatio assumpta. Non enim tempus illud potest esse in prima specie qualitatibus, quia tale secundum Simplicium est quid artificiale, tempus autem illud est quid naturale: nec etiam potest esse in secunda specie qualitatibus, quæ est potentia ad actum sive in potentia, quia operationes Angelorum, quæ sunt idem realiter quod ipsum tempus, non dicunt ipsam naturalem potentiam vel impotentiam ad actum, sed dicunt ipsos actus & ipsas operationes. Nec etiam dicere possumus, ut videtur, quod sit in specie qualitatibus, quæ est passio vel passibilis qualitas: quia passio est, quod ex passione infertur; passibilis autem qualitas quod passionem infert. Illæ autem operationes, ut videtur, non sunt passio illata, nec passionem inferunt: tempus ergo illud, quod est idem realiter, quod illæ operationes, ut videtur, non est in tertia specie qualitatibus. Nec etiam potest esse in quarta, quæ est forma, & circa eam constans figura, quia talia habent esse solum in corporibus. Præterea: cui

non competunt proprietates qualitatibus, non est qualitas: sed nec illi tempori nec illis operationibus, ut videtur, competunt proprietates qualitatibus, quæ sunt habere contrarium, suscipere magis & minus, ergo talia non sunt qualitas. Præterea: cui non competit descriptio qualitatibus, nec qualitas, sed descriptio qualitatibus est secundum quam quales dicuntur, secundum autem illud tempus, ut videtur, non dicuntur Angeli quales, ergo &c. Præterea: videtur, quod illud tempus sit in predicamento relationis, quia non est in una operatione secundum se: sed est in ordine & in respectu unius operationis ad aliam, ergo &c. Præterea: si aliqua causa est, quare illud tempus ponatur in predicamento qualitatibus, hoc est, quia mensurat operationes angelicas, quæ reduci potest ad predicamentum qualitatibus: sed tempus nostrum mensurat alterationes nostras, quæ sunt in predicamento qualitatibus, hoc tamen non obstante, tempus nostrum est in predicamento quantitatis, ergo à simili non obstante, quod illud tempus mensurat qualitates, non tamen propter hoc erit in predicamento qualitatibus, sed quantitatis. Præterea: quod est secundum se quantum, ubicumque reperiatur, erit in predicamento quantitatis: quia quod est secundum se tale, est ubique tales: hoc autem est in his, quæ sunt ad aliquid: quia quod est magnum in uno loco, vel secundum unum aliquid, & est parvum in alio, vel secundum aliud aliquid: sed in his, quæ dicuntur secundum se, non sic est. Cum ergo Simplicius in predicamentis dicat tempus esse secundum se quantum, oportet, ubicumque reperiatur, quod sit in predicamento quantitatis. Præterea: in operationibus Angeli est considerare tria, videlicet, species intelligibiles, actionem procedentem à tali specie, & verbum factum per talem actionem: non autem dicere possumus, quod sit ibi tempus propter ipsas species: quia in ipsis speciebus non est successio, nisi prout referuntur ad actiones, videlicet, prout successivè Angelus intelligit nunc per unam speciem, nunc per aliam. Rursus non ponemus ibi rationem temporis propter ipsa verba formata: quia talia sequuntur ipsas operationes: per se ergo & principaliter erit ibi tempus propter actiones ipsas: quia ergo sic est, cum actio

tio sit in prædicamento actionis nõ qualitatis, erit illud tempus per se in prædicamento actionis. Præterea: quia tempus nostrum fundatur in motu quanto, idè est in prædicamento quantitatis: tempus ergo illud, quod fundatur in actione, erit in prædicamento actionis. Præterea: sicut se habet operatio nostra ad operationem angelicam, sic etiam tempus ad tempus: sed operatio intellectus nostri est in eodem genere cum operatione intellectus angelici, ergo & tempus nostrum erit in eodem genere cum illo tempore; sed tempus nostrum est in prædicamento quantitatis, ergo &c. Præterea: dicebat respondens, quod illud tempus erat in eodem genere cum ipsa actione. Contra: tempus nostrum licet fundetur in motu locali, non est in eodem genere cum ipso motu: sed est in alio prædicamento: ut in prædicamento quantitatis, ergo illud tempus, licet fundetur in actionibus, non tamen erit in eodem genere cum ipsa actione: sed erit in alio prædicamento.

Simplicius
in prædica-
mentis.

In contrarium est: quia secundum Simplicium in prædicamentis, interpretata qualitate, interimitur omnis proprietates, & perimit omnis character intellectualis & sensibilis: quantitate autem interempta, ut subdit, sensibile solum, & compositum interimitur: quantitas ergo non habet esse nisi in rebus sensibilibus: tempus ergo illud cum sit in Angelis in prædicamento quantitatis esse nõ potest. Præterea: omnis quantitas vel est continua vel discreta; tempus autem illud non potest pertinere ad quantitatem continuam, quia talis quantitas non habet esse nisi in rebus extensis & corporeis, quod Angelis convenire non potest: nec etiam huiusmodi tempus pertinere potest ad quantitatem discretam: quia talis quantitas non causatur nisi ex divisione continui: nihil autem est in Angelis, quod causetur ex divisione continui: nullo ergo modo illud tempus pertinebit ad prædicamentum quantitatis.



Tempus, quod mensurat operationes Angelicas, & operationes ipse non ad quantitatis sed ad qualitatis pertinent prædicamentum: suntque in tertia qualitatis specie.

Respond. dicendum, quod difficultatem in hac questione facit tempus nostrum, quod est in prædicamento quantitatis: & quia ex sensibilibus volumus iudicare de intelligibilibus, idè est fortè multi moverentur ad ponendum tempus illud in prædicamento quantitatis: sed sensibilia nos manuducunt in intelligibilia: & ex sensibilibus debemus iudicare de intelligibilibus, ubi ratio non obstitit: sed ubi ratio contradicit est aliter iudicandum: nec propter hoc dicimus, quod sit in nobis aliqua cognitio, quæ nõ oriatur aliquo ex sensu: quia etià ex ipsis sensibilibus hoc nobis innotebit, quod tempus illud non pertineat ad prædicamentum quantitatis. Si enim tempus nostrum fundaretur in qualitate, ad prædicamentum qualitatis pertineret, verum quia fundatur in re quanta idè est pertinet ad prædicamentum quantitatis: nec propter hoc dicimus, quod motus, in quo fundatur tempus nostrum sit in prædicamento quantitatis: sed dicimus, quod motus, non ut motus est, & ut est actus mobilis, sed ut in eo numeratur prius & posterius, in quo stat formalis ratio temporis nostri, pertinet ad prædicamentum quantitatis: idè est tempus nostrum tanquam in prædicamento collocatur in quantitate; sed tempus illud quod mensurat operationes Angelicas, ut patebit, non pertinet ad prædicamentum quantitatis, sed qualitatis. Hoc ergo ordine procedemus in hac questione: quia primò ostendemus, quod tempus istud, de quo loquimur, non est in prædicamento quantitatis. Secundò declaravimus, quod est in prædicamento qualitatis. Tertiò descendemus ad ipsas species qualitatis, ut appareat, in qua specie qualitatis sit huiusmodi tempus, & declarabitur, quod est in specie tertia.

Propter primum sciendum, quod tempus illud non esse in prædicamento quantitatis dupliciter venari possumus.

Primò

Primò ex differentia quantitatis ad qualitatem. Secundò ex differentia illius temporis ad tempus nostrum. Sciendum ergo, quòd, ut Simplicius narrat, Architas & Aristoteles non eodem modo ordinauerunt prædicamenta. Architas enim, ut Simplicius ait, qualitatem quantitati præposuit. Aristoteles autem è conuerso quantitatem qualitati præordinauit. Movebatur autem Architas quadrupliciter ad præponendum qualitatem quantitati, quod valet multum ad scitum nostrum, videlicet, quòd tempus illud, de quo loquimur, non sit in prædicamento quantitatis: est enim secundum Architã qualitas quantitate dignior, cõmunior, formalior, & simplicior. Est quidem dignior: quia si per accidentia reperta in istis sensibilibus volumus aliquid investigare de substantijs separatis, non fiet hoc per quantitatem, sed per qualitatem: dignior est ergo qualitas quàm quantitas, cū per eam magis possint investigari ea, quæ sunt in substantijs separatis; non autem per quantitatem: & quia dignius est præponendum, movebatur Architas ad præponendum qualitatem quantitati: hoc est ergo quod Simplicius innixus sermonibus Architæ dicit, quòd intellectuales substantias nō aliter cognoscimus, quàm secundum species sensibiles, id est, quàm secundum ea, quæ sunt in sensibilibus. Et subdit, quòd si debeamus cognoscere substantias separatas referentes ad illas, quæ, scilicet, sunt in sensibilibus, à proprietatibus & characteribus, quæ sunt circa substantiam, cognoscemus ipsas substantias separatas: & quia talia secundum qualitatem cōsiderantur, meritò ait, quòd post substantiam qualitas habebit ordinem ante alia, id est, ante quantitatem, & ante cetera prædicamenta.

Secundò hoc idem patet: quia qualitas est quantitate communior: nam ubicunque reperitur qualitas, & quantitas: sed nō convertitur: in omnibus enim istis sensibilibus ubi reperitur quantitas, reperitur etiam qualitas, sed extra sensibilia reperitur qualitas, non tamen quantitas: si ergo communiora meritò sunt priora, videtur qualitas præordinata esse ante quantitatem. Hoc est ergo quod Simplicius dicit, quòd, qualitate quidem interempta, perimitur omnis proprietas & omnis character intellectualis, & sensibilis: quantitate autem interempta,

ut dicit, sensibile solum & compositum interimitur. Quantum ergo differt qualitas à quantitate estimatur palam esse (ut ait) à cognitione intellectuali substantiæ. Si enim nostram intentionem & nostrum intellectum referamus ad intellectuales substantias, videbimus qualitatem differre à quantitate, quia communior est quàm quantitas, eò quòd quantitas solum in sensibilibus tantum; qualitas verò in sensibilibus, & intellectualibus, ut patet per Simplicium referentem Architæ verba.

Tertiò hoc patet, ex eo quòd qualitas est quantitate formalior. Nam licet materia cum forma sit causa omnium accidentium, quæ sunt in ea, ut dicitur in *Physic.* tamen, ut communiter dicitur, aliqua accidentia magis sequuntur formam; aliqua verò magis materiam: quantitas enim dicitur magis sequi materiam, & qualitas formam: & quia quod est formalius est actualius, & est simpliciter prius: quod autem est materialius est potentialius & simpliciter posterius, qualitas meritò videtur præcedere quantitatem: uno enim & eodem potentia præcedit actum, & simpliciter actus est prior, prout dicitur in *9. Metaph.* simpliciter ergo qualitas videtur quantitate prior: quia est

actualior & magis sequens formam: hoc est ergo quod Simplicius ait: quòd si aliquis intellectualem substantiam non fingens velit ab habitudine ad substantiam sensibilem alijs prædicamentis ordinem assignare, & ita quoniã præcipua substantia est secundum speciem, & cognata ad speciem est qualitas: hæc utique qualitas prædicamentum erit magis substantiæ cognatū, quasi dicēs quòd si nō fingamus substantiam intelligibilem, id est, si nihil consideremus de tali substantia, sed solum secundum substantiam sensibilem velimus assignare ordinem aliorum prædicamentorum & ita, id est, etiam secundum hunc modum considerationis, meritò qualitas debet esse cognata substantiæ, id est, debet esse adnata & immediate ordinata post substantiam: quia substantia quæ secundum speciem, id est, secundum formam est præcipua, id est, principalior, quàm substantia quæ secundum materiam. Cū ergo qualitas sit quid cognatum, id est, quid sequens substantiam secundum speciem, id est, secundum formam, erit qualitas præcipua, id est, principalior quàm quantitas, & videtur per consequens prius esse ponenda.

Phus 9. Metaph. comm. 13.

Qualitas est quantitate dignior, communior, formalior, simplicior secundum Architã; sed illud præposuit quantitati.

Quar-

Anteriorius in motu cæli de se sunt in potentia. Si ergo debeant fieri in actu, & si debeant numerari, hoc erit per significationem animæ: ideo dicit Comment. in 4. *Phys.* tollere animam numerantem non remanet nisi motus. & res mota. Tempus ergo est numerus numeratus: quia nisi anima numeraret, & nisi significaret prius & posterius in motu, illa prius & posterius, cum fundentur in motu continuo, non haberent rationem numeri, sed continui. Tempus ergo habet, quod sit quid continuum per motum, in quo fundatur, sed habet quod sit numerus per animam numerantem: propter quod bene dictum est, quod tempus est numerus numeratus: quia nisi numeretur per animam, non esset numerus.

Tertio tempus est numerus numeratus, ut comparatur ad suas partes quantitativas. Nam prius & posterius in motu (ut supra diximus) dupliciter potest accipi, vel prout duo moveri includunt unum mutatum esse, vel prout duo mutata esse includunt unum moveri: primo modo tempus est numerus numeratus. Nam ipse motus, ut est numeratus per duo moveri, videlicet, per moveri prius, & per moveri posterius, habet rationem temporis: ipsa ergo duo moveri, quorum unum est prius, & aliud posterius, prout numerant motum, sicut partes quantitativæ numerant suum totum; vel prout motus est sic numeratus per suas partes quantitativas, habet rationem temporis, tempus ergo est numerus: vel motus habet rationem temporis, prout est numerus, non quicumque, sed prout est numerus numeratus per moveri prius & posterius: propter quod bene dictum est, quod tempus, dicitur numerus numeratus, prout comparatur ad suas partes quantitativas, videlicet, prout comparatur ad moveri prius & posterius.

Quarto modo tempus est numerus numeratus, prout comparatur ad suos terminos: & hoc modo tempus est numerus motus secundum prius & posterius, prout prius & posterius in motu dicunt ipsa mutata esse, vel ipsa nunc includentia motum, prout unum est prius aliud posterius: motus enim, prout est actus mobilis, dicitur esse motus: sed prout est numeratus per nunc prius & posterius, dicitur esse tempus: nunc enim prius & posterius dicuntur numerare

motum secundum eorum distantiam: ut si imaginamur motum inclusum inter duo nunc, quorum unum est prius, aliud posterius: quanto magis imaginamur unum nunc distare ab alio, tanto imaginamur motum maiorem; quanto minus, tanto minorem. Ideo qui fabulosè dicuntur dormisse in Sardo, quia nunc posterius non copulaverunt cum nunc priori, & non imaginati sunt distantiam inter illa nunc, si imaginati sunt motum, nec imaginati sunt tempus: propter quod imaginati sunt nihil se dormivisse. Ideo dicit Philo, quod non percipimus tempus, nisi imaginemur ipsum inter duo nunc, & hæc est magis propria acceptio temporis, ut patere potest per superius dicta, quod tempus est numerus motus secundum prius & posterius. Ergo per comparisonem etiam ad ipsos terminos, sive ad ipsa nunc, tempus est quid numeratum, quia est motus numeratus secundum prius & posterius: imò quāto magis dividimus motum per prius & posterius, ut prout imaginamur unā partē motus inclusam inter duo nunc, quorum unū est prius aliud posterius: & postea imaginamur aliam partem motus, sic etiam inclusam & postea aliam sic clusam: quāto magis sic dividimus motum, magis percipimus tempus: igitur numerus motus; id est, prout motus est sic divisus, & secundum tales partes acceptus, & pro numero, prout quælibet pluralitas, quælibet multitudo potest dici numerus, oportet numerum esse in illo prædicamento, in quo sunt res, quarum est numerus: idem est iudicium de numero, & numero secundum quod ad propositum spectat. Namque loquendo largè de uno, non est in alio genere res & una res: in eodem enim genere, in quo est albedo, est & una albedo: & quod dictum est de unitate, veritatem habet de numero & pluralitate: in eodem enim genere, in quo sunt albedines, sunt due albedines, vel plures albedines. Si ergo unum debet pertinere ad prædicamentum quantitatis, oportet, quod sit quid quantum illud, de quo dicitur huiusmodi unum: sicut enim unum non pertinet ad prædicamentum qualitatis, nisi sit qualitas illa res, quæ dicitur una: sic unum non pertinebit ad prædicamentum quantitatis, nisi sit quantitas illa res, quæ dicitur una. Inde est, quod loquendo de numero, qui est species quantitatis, unum quod

quod est principium talis numeri non reperitur extra quantitatis genus: quia huiusmodi numerus non est nisi rerum quantarum, & rerum continuarum: ex divisione enim continui causatur talis numerus, ut supra diximus sensisse Phum: propter quod unum, quod est principium talis numeri, oportet, quod sit idem quod quantum, & idem quod continuum. Verum, quia ex alia & alia ratione dicitur hoc & illud, non eodem modo pertinebit ad pradicamentum quantitatis hoc & illud: quod res illa, ut quantitas, erit in pradicamento quantitatis directe, ut est unitas, quæ est principium numeri, erit in pradicamento quantitatis per reductionem. Sicut ergo loquendum est de rebus, ad quas applicatur numerus, accipiendo numerum largè pro omni pluralitate, siue illa pluralitas sit species quantitatis, & sit constituta ex uno, quod est principium numeri, siue sit in alijs generibus & constituta ex uno, quod secundum generalem acceptionem cum ente convertitur, sic loquendum est de ipso numero vel de ipsa pluralitate, & tempus nostrum est numerus numeratus, qui est numerus applicatus ad ipsas quantitates, idem est in pradicamento quantitatis; sed tempus (de quo loquimur) non est numeratus, quod sit applicatus ad quantitates: imò potius est applicatus ad qualitates, ideò non erit in pradicamento quantitatis, sed potius qualitatis: tempus enim nostrum est numerus, quia est numerus motus: est enim numerus motus, quia est motus, ut est numerus, & ut secundum significationem animæ est per partes divisus: sed constat, quod motus ille localis, in quo fundatur numerus, quamdam distantiam dicit, & quid quantum, & in qualibet parte talis motus distantiam quamdam importat & quantitatem nominat. Numerus ergo applicatus ad motum vel ad partes ejus est numerus applicatus ad res quantas, & est in pradicamento quantitatis, & quia tempus nostrum est huiusmodi numerus, ideò tempus nostrum reponitur in pradicamento quantitatis: nam & ipse motus, in quo fundatur tale tempus, ut in prosequendo patebit, materialiter est in pradicamento quantitatis: tempus itaque nostrum, quod est idem materialiter cum motu, non est inconueniens ad pradicamentum quantitatis pertinere; sed

tempus de quo loquimur, est numerus numeratus, quia est numerus applicatus ad operationes Angelicas: huiusmodi autem operationes non sunt quid quantum, nec sunt in pradicamento quantitatis, sed magis pertinet ad pradicamentum qualitatis: propter quod tempus, quod est numerus, est successio talium operationum: ad quantitatem ideò pertinere non poterit, sed potius pertinebit ad qualitatem.

Secunda via ad hoc idem sumitur, si consideremus, quod tempus est numerus numeratus, ut cõparatur ad animam. Dicebatur enim, quod tempus nostrum est numerus numeratus, ut cõparatur ad animam: quia si non numeraretur per animam, non esset numerus, sed esset quid continuum: tempus ergo nostrum, quia non potest esse numerus, nisi numeretur per animam, & quia si tollatur anima numerans, tempus nostrum erit quid continuum, consequens est quod huiusmodi tempus sit quid applicatum ad quantitatem continuam: ideò ipsum est in pradicamento quantitatis: sed tempus, de quo loquimur, est numerus, et si nunquam anima numeraret: operationes Angelicæ, quarum successio dicitur quidam motus, non habet continuationem adinvicem. Nec oportet, quod fiat in actu signative animæ: erit enim talis motus in talibus numerus, loquendo largè de de numero, quia numerus propriè sumptus est in pradicamento quantitatis; largè autem acceptus, omnis pluralitas numerus dici potest. Si ergo ex ipsa anima numerante, qua indiget tempus nostrum, ut sit numerus, colligitur, quod tempus nostrum sit numerus applicatus ad res continuas; tempus autem, de quo loquimur, quia non indiget anima numerante, ut sit numerus, quia non est applicatus ad res continuas nec ad res, quæ continuationem habere possint, consequens est, quod tempus nostrum possit pertinere ad pradicamentum quantitatis: non autem tempus, de quo loquimur, quia nihil simpliciter separatum à continuo ad pradicamentum quantitatis pertinere potest.

Tertia via ad hoc idem sumitur, si consideremus tempus nostrum, quod dicitur numerus numeratus per comparisonem ad suas partes quantitativas: est enim tempus nostrum motus numerus

Secunda ratio pro sententia ex secunda differentia.

Tertia ratio ex tertia differentia desumpta.

secundum prius & posterius, quantum ad unum modum exponendi: quia est motus numeratus secundum moveri prius & moveri posterius: prout enim anima considerat motum, non prout est actus mobilis, nec prout est quid continuum; sed prout est numerus, & prout est per partes divisus per diversa moveri, quorum unum se habet ut prius, aliud ut posterius, sic anima considerans motum, & sic numerans ipsum per suas partes quantitativas, ut per moveri prius & posterius, dat motui, quod sit numerus, & dat ei, ut inde possit sumi ratio temporis, non quod tempus, nisi esset anima, esset, vel esse posset tempus formaliter, si nunquam esset anima numerans formaliter: cum suam rationem accipit tempus ex consideratione animæ: sicut materialiter essent universalia si nunquam esset anima: intellectus tamen facit universalitatem in rebus, & quamdam rationem formalem accipiunt universalia ex consideratione animæ: tempus itaque nostrum est numerus numeratus, quia est ipsa moveri numerantia motum, quorum unum est ut prius, aliud ut posterius: sed tempus (de quo loquimur) est numerus numeratus quantum ad partes, ex quibus componitur: quia est ipsæ operationes angelicæ, quarum una se habet ut prius, alia ut posterius. Sicut enim motus noster componitur ex pluribus moveri quorum unum se habet ut prius aliud ut posterius, sic motus ille angelicus (de quo loquimur) compositus est ex pluribus operationibus, quarum una se habet ut prior, alia ut posterior: & sicut motus noster numerari habet per sua moveri tanquam per suas partes, ex quibus componitur, sic motus ille angelicus, prout una operatio succedit alteri operationi, numerari potest per illas operationes, ex quibus componitur. Quodlibet enim totum numerari habet per suas partes componentes ipsum: ut libra, quæ componitur ex uncis, numerari & mensurari potest per huiusmodi uncias. Et numerus, qui est species quantitatis, componitur ex unitatibus, quæ sunt principia talis numeri, numerari habet per huiusmodi unitates: ideo dicitur in 10. Meta.

Numerus est multitudo mensurata per unum: & si quantitas panni contineat in se multas ulnas, mensurari poterit huiusmodi quantitas per quantitatem ulnæ. Sic & in proposito, si motus noster in aliquo toto spatio componitur ex moveri secundum

A partes spatij, numerari & mensurari poterit motus in toto spatio per moveri in partibus spatij: pari ergo ratione si motus Angelorum (de quo loquimur) est successio operationum & est compositus ex multis operationibus, poterit huiusmodi motus numerari & mensurari secundum operationes illas: huiusmodi ergo tempus erit numerus succedentium operationum numeratus secundum prius & posterius, id est, secundum operationem priorē & posteriorē. Ista ergo tertia consideratio, prout tempus nostrum est numerus numeratus per moveri prius & posterius tanquam per partes, ex quibus componitur; tempus verò illud est numerus numeratus per operationem priorem & posteriorem tanquam per partes ex quibus resultat, sufficienter nos manducit, quod tempus nostrum pertinere potest ad prædicamentum quantitatis: quia ipsa moveri, ex quibus componitur tale tempus, quid quantum nominant: sed tempus illud angelicum ad prædicamentum quantitatis pertinere non potest: quia operationes illæ sibi invicem succedentes, ex quibus tale tempus resultat, nequaquam quid quantum dicunt.

Est autem hæc consideratio tertia multum propinqua considerationi primæ. Hæc enim & illa probant, quod tempus nostrum pertinere potest ad prædicamentum quantitatis: quia ipsa moveri sunt quid quantum; tempus verò, de quo loquimur, ad tale prædicamentum non pertinet: quia operationes angelicæ nequaquam quid quantum dicunt. Differt tamen hæc consideratio ab illa: quia consideratio illa prima magis procedit, prout tempus est numerus numeratus, quia est ad talia numerata applicatus. Hæc autem procedit magis, prout tempus est numerus numeratus, quia ex talibus numerantibus componitur: ipsa enim moveri in tempore se habent, ut numerata per animam, vel se habent ut numerata tempore: sicut partes componentes totum numerant totum. Prout ergo tempus nostrum est numerus numeratus, quia est numerus ad talia numerabilia applicatus, quæ sunt quid quantum, tempus verò angelicum est numerus numeratus, quia est ad talia numerabilia applicatus, ut ad operationes angelicas, quæ non sunt quid quantum, ostendebat ratio prima, quod tempus nostrum pertineret ad prædicamentum quantitatis: non autem tempus angelicum; sed prout tempus nostrum est

Tertia hęc ratio videtur coincidere cum prima: scilicet, quod tempus nostrum est tantummodo compositum ex illis.

Quamdam rationem formalem accipiunt universalia ex consideratione intellectus.

Philos. 10.
Meta. cōm.
11.

ex talibus nūmeratibus cōpositū, cuiusmodi sūt ipsa moveri, quę sunt quid quātū: tempus autem angelicum cōpositū ex talibus numerantibus, cuiusmodi sunt Angelorū operationes, quę nō sunt quid quantum, declarat hęc consideratio tertia, quōd tempus nostrum pertinere possit ad prędicamentum quantitatis, non autem tempus angelicum: idem ergo declarat una consideratio, quod altera, sed non eodem modo una ut altera.

Quarta via ad hoc idem sumitur, si consideretur tempus ad suos terminos. Dicebatur enim, quōd tempus est numerus motus secundū prius & posterius, quia est motus numeratus per nunc prius & posterius: cū enim imaginamur duo nunc includentia motum, quorum unum se habet ut prius, aliud ut posterius, secundū distantiam illorum nunc numerari & mensurari potest quātitas motus: motus ergo sic numeratus rationem temporis habet, & potissimē habebit motus rationem temporis, si intelligatur divisus per multa moveri, quorum unum se habeat ut prius, aliud ut posterius: & si intelligatur quodlibet talium includi, & includendo numerari per nunc prius & posterius, nunc hoc ad operationes angelicas referre non possumus: operationes enim illę, ex quibus componitur illud tempus, non includuntur inter nunc prius, & nunc posterius, sicut includuntur ipsa moveri, ex quibus componitur nostrum tempus: imō ipsę operationes Angelicę, ut suprà patuit, quędam nunc & quędam instantia dici possunt: unde & tempus illud ex instantibus dicebatur esse cōpositum. Hęc ergo consideratio quarta nos docet, quōd tempus nostrum est applicatū ad rem continuam, quia in tempore nostro indivisibilia sunt continuativa divisibilia, quod est de ratione continui, quōd partes ejus ad cōmunes terminos copulentur: tempus verō angelicum, ubi non est reperire talia indivisibilia continentia divisibilia, nō applicatum ad aliquid continuum, imō est à continuo separatum: propter quod quamvis tempus nostrum sit in prędicamento quantitatis, tempus tamen illud ad tale prędicamētū pertinere nō potest: quia nihil est in prędicamēto quantitatis, quod nō sit quid continuum, nec in continuo positum, sed sit à continuo separatum.

Postquam declaravimus, quod tempus illud angelicum non est in prędicamento quantitatis, quod 3. rationibus est ostēsum, per quatuor rationes quantū ad quatuor differentias, quas habet qualitas ad quātiratem, & per quatuor rationes prout tempus nostrū est aliter quadrupliciter numerus numeratus, quā tempus angelicum: quia non sufficit scire, quid res non sit, nisi sciremus quid res sit, ideō non sufficit scire, quōd tempus illud angelicum, de quo loquimur, non sit in prędicamento quantitatis, nisi sciverimus in quo prędicamento habeat esse. Quia ergo rationes adductę fortē non sufficienter declarant tempus illud, in quo prędicamento sit: quia fortē nō sufficienter ostendunt, quōd sit in prędicamento qualitatis, ideō volumus hoc evidentiū declarare: quod dupliciter declarabimus. Primō considerando ea, quę sunt in nostro tempore. Secundō considerando ea, quę sunt in mente nostra sive in nobis.

Propter primum sciendum, quōd tempus fundatur in motu: sic ergo loquendum est de tempore, sicut loquimur de motu, in quo fundatur. Videndū est ergo in quo prędicamento sit motus in quo fundatur tēpus nostrū, & in quo prędicamēto est ipsū tēpus nostrū: & ex hoc poterimus ascendere ad cōsiderādū, in quo prędicamēto sit motus, in quo fundatur tēpus angelicū, quo vīso, apparere poterit in quo prędicamēto sit etiā ipsū tēpus angelicū. De motu autē locali, in quo fundatur tempus nostrum, videtur Phis in varijs suis libris vario modo loqui. Nā in 3. *Phys.* collocat motū localem in prędicamento ubi, volens, quōd motus sit in illo genere, in quo est res ad quam est motus: & quia per motum localem acquiritur ubi, ideō secundū hoc est motus in prędicamento ubi. In 5. *Meta.* cap. 12. dicit motū esse in prędicamēto quantitatis. Vnde ait: *Motus est quantitas, & tempus etiā propter motum.* ubi communiter dicit Phis motum esse de speciebus quantitatis. Videtur etiā motus pertinere ad prędicamentum actionis & passionis. Quia omne quod movetur alio movetur. ut dicitur in 7. *Phys.* hic ergo videtur motus aliquid illatum actionis vel passionis ab alio: & quia quod ab alio est illatum, videtur esse actio vel passio, in prędicamento actionis vel

3. *Phys.*
cōm. 4. & 5.

5. *Meta.* cap.
12. cōm 18.
& 6. *Phys.*
comm. 98.
& 103.

7. *Phys.*
comm. 1.

vel passionis videtur esse motus. Verum quia diversorum generum & non subalternatim positorum diversæ sunt species & differentiæ, idè impossibile est, quòd unum & idem secundum suam rationem formalem reponatur nisi in uno prædicamento. Dicemus ergo, quòd motus potest considerari vel formaliter, vel materialiter, vel prout refertur ad suam causam: motus enim localis consideratus formaliter non est nisi quidam actus mobilis, idè sic diffinitur: *Est actus mobilis in eo quòd mobile*. Est enim actus imperfectus, quia est actus entis in potentia: quare si benè consideramus quid sit formalis motus, non nisi quidam imperfectus actus vel quædam imperfecta participatio illius rei, ad quã est motus. Et quia perfectum & imperfectum ad idem prædicamentum pertinet formaliter, motus est in eodem prædicamento cum re, ad quam est motus. Cum ergo per motum localem non acquiratur quantitas, sed acquiratur ubi, quod est quædam habitudo ad locum, motus localis formaliter est in prædicamento ubi; materialiter tamen est in prædicamento quantitatitatis: quia habitudo ad locum, qui est, vera quantitate fundatur; non quòd ipsa quantitas per se moveatur, sed est illud, mediante quo, competit substantiæ habenti locum moveri: agere enim, & pati, & moveri competunt substantiæ; sed nò est inconueniens, quòd competant ei mediante quantitate vel qualitate: calor enim non calefacit, sed calidum; est tamen calor id, mediante quo, calidum calefacit. Nec etiam quantitas per se movetur, sed res quantitati subiecta; est tamè quantitas id, mediante quo, res sive substantia quantitati subiecta est in loco, & mutat locum. Ex quo apparet melius, quod suprà diximus, quòd nunc, quod sic comparatur ad rem mobilem sicut tempus ad motum, non est ipsa quantitas, sed est ipsa substantia quantitati subiecta.

Motus est formaliter in prædicamento ubi; materialiter tamen in prædicamento quantitatitatis, sed prout est quid illatù à movente, sic est Redeamus ergo ad propositum, & dicamus, quòd motus formaliter est in prædicamento ubi; materialiter tamen est in prædicamento quantitatitatis: quia ubi & habitudo ad locum in quantitate fundatur: sed prout comparatur ad suam causam, & prout motus est aliquid illatù à movente, sic est aliquid à movente in moto, prout est a-

liiquid à movente sic est actio: sed prout est aliquid receptum in moto tanquam in patio sic est passio, sic ergo loquendum est de motu. De tempore autem nostro quod fundatur in motu locali, dicemus; quòd formaliter sit in prædicamento quantitatitatis. Licet enim eadem res sit motus & tempus, non tamen est hoc eodem modo, nec secundum eandem formalem rationem: una enim & eadem res est motus calis, & tempus, aliter tamen & aliter. Nam prout illa res est quidam actus imperfectus ipsius mobilis, & quædam imperfecta participatio ejus, quod acquiritur in huiusmodi mobili, sic est motus: sed prout talem rem contingit dividere per prius & posterius, & contingit ibi numerare prius & posterius, sic est motus tempus. Et quia res acquiritur per motum localem est formaliter ubi, idè motus localis formaliter est in prædicamento ubi: sed quia dividere continuum per prius & posterius, & numerare ibi prius & posterius pertinet ad prædicamentum quantitatitatis, tempus nostrum formaliter, quia est quidam numerus ipsius, non erit in prædicamento ubi, sed magis erit in prædicamento quantitatitatis: non est enim tempus idem formaliter, quod motus, sed est idem materialiter: idè formaliter non est in eodem prædicamento cum motu: non enim est tempus in prædicamento ubi, in quo prædicamento est motus formaliter; sed est in prædicamento quantitatitatis, in quo prædicamento est motus materialiter. Tempus ergo est in prædicamento quantitatitatis per motum, ut patuit per Phum in 5. Metaph. quia nisi motus esset materialiter quantitas, & esset materialiter quid continuum, tempus quod ponitur esse idem materialiter quod motus, ad prædicamentum quantitatitatis pertinere non posset. Diversimodè ergo loquimur de tempore nostro, & de motu locali, in quo fundatur tale tempus. Nec ponimus, quòd utrumque formaliter sit in eodem prædicamento: quod idè còrigit, quia per talem motum non acquiritur quantitas, sed ubi. Sed si motus localis esset in prædicamento quantitatitatis materialiter & formaliter, ita quòd per motum localem quantitas acquireretur formaliter, esset in eodem prædicamento motus & tempus. Cum ergo motus angelicus sive successio affectionum, vel

consequenter
etiam
super.
cogitationum in Angelo materialiter & formaliter pertineat ad prædicamentum qualitatis, tempus, de quo loquimur, erit in prædicamento qualitatis.

Imaginabimur enim, quod ipsa affectiones & intellectiones Angelorum quædam qualitates sunt: dicunt enim quædam res: prædicamenta autem realia sive prædicamenta dicentia ipsas res, ut in questione de distinctione prædicamentorum diffusius diximus, non sunt nisi tria, substantia, quantitas, & qualitas: intellectiones ergo & affectiones Angelorum, quia non sunt substantia, nec quantitas, relinquuntur, quod sint qualitates quædam. Cum ergo Angelus movetur de una intellectione in aliam, id, quod acquiritur per talem motum, est ipsa intellectio vel est qualitas quædam: formaliter ergo huiusmodi motus in prædicamento qualitatis collocatur, quia per talem motum acquiritur qualitas: sicut motus localis noster est in prædicamento ubi, quia ubi per ipsum acquiritur: igitur motus ille angelicus, in quo fundatur tempus, de quo loquimur, in qualitate fundatur, & per ipsum qualitas acquiritur. Quare talis motus & ratione fundamenti, & ratione ejus, quod per ipsum acquiritur, ad qualitatem pertinebit: propter quod tempus, quod fundatur in tali motu, non nisi ad qualitatem pertinere poterit: non ergo sequitur, si tempus nostrum & motus localis in ævo fundatus non sunt in eodem prædicamento formaliter, quod tempus illud angelicum & motus, in quo fundatur, non pertineant ad idem prædicamentum: quia (ut supra diximus) per motum localem non acquiritur quantitas, sed habitudo fundata in quantitate: sed si per motum localem acquireretur quantitas, tempus quod fundatur in tali motu, esset numerus ejus, sive esset numerus talis quantitatis: ut essent numerata per prius & posterius pertinerent ad rationem talē, quo posito, motus localis esset formaliter in prædicamento quantitatis: & tempus, quod esset numerus motus sive quod esset numerus talis quantitatis, pertineret formaliter ad prædicamentum quantitatis. Si enim aliquod continuum est in prædicamento quantitatis, numerus partium illius continui secundum prius & posterius de necessitate ad prædicamentum quantitatis pertinebit. Sic & in pro-

A posito: quia per motum angelicum acquiritur qualitas, ut cum Angelus de una intellectione in aliam vel de una affectione vadit in aliam: quia huiusmodi intellectiones & affectiones qualitates sunt, per talem motum qualitas acquiritur, & talis motus est in prædicamento qualitatis: nihil ergo erit aliud talis motus nisi quædam successio intellectionum, & tempus fundatum in tali motu nihil erit aliud, quam numerus talis successionis secundum intellectionem priorē & posteriorem: quare etiam tale tempus erit formaliter in prædicamento qualitatis. De motu enim non habet dubium, cum per talem motum acquiratur qualitas, & motus sit formaliter in illo genere, in quo est res, quæ per motum acquiritur. Sic etiam de illo tempore non debet esse dubium, quin formaliter sit in prædicamento qualitatis: nam accipiendo numerum largè pro omni numero, in eodem prædicamento est numerus cum rebus, quarum est numerus: ut quia albedo est in prædicamento qualitatis, & una albedo est in prædicamento qualitatis, duæ albedines erunt in prædicamento qualitatis, & numerus albedinum erit in prædicamento qualitatis: & quia illæ intellectiones sunt in prædicamento qualitatis, numerus illarum intellectionum secundum prius & posterius, quod complet rationem temporis Angeli, de quo loquimur, ad prædicamentum qualitatis pertinebit: ergo si consideramus tempus nostrum, & motum, in quo fundatur, & videmus benè differentiam inter huiusmodi tempus & huiusmodi motum, & inter tempus angelicum & illum motum, patere potest, quod licet tempus nostrum & motus, in quo fundatur, non pertineat ad idem prædicamentum: tempus tamen illud sive motus ad idem prædicamentum pertinebit, quia utrumque est in prædicamento qualitatis, quod declarare volebamus.

Secundò hoc idem possumus declarare, quod illud tempus sit in prædicamento qualitatis, si consideramus ea quæ sunt in nobis, & specialiter quæ sunt in mente nostra: in mente enim nostra est oratio, quæ supponit numerum intellectionum, & in intellectu composito nostro, secundum quod fit oratio in mente, est quædam successio intellectionum: quia primò intelligimus subjectum, & postea

Secunda ratio pro sententia propria.

postea prædicatum, & postea componimus unum cum alio, & facimus ibi orationem: propter quod ipsa oratio in mente nostra non est sine numero intellectuum se habentium secundum successionem, & secundum prius & posterius: propter quod oratio, vel quod est numerus intellectuum, vel est aliquid causatum ex tali numero, magnam affinitatem habet cum illo tempore angelico, de quo loquimur. Cum enim in mente formamus per intellectum orationem, in illo nostro intelligere cadit tempus: quia cadit ibi numerus prioris & posterioris, sic eadem esset ratio de tali tempore, & de tempore angelico, de quo loquimur. Propter quod per ea, quæ videmus in mente nostra, & per ea quæ videmus in oratione formata in mente, vel per ea quæ videmus in intellectu nostro, in numero intellectuum nostrarum se habentium secundum prius & posterius habemus magnam viam ad investigandum de tempore illo angelico, quid sit, & in quo prædicamento esse habeat: videndum est ergo in quo prædicamento sit oratio. Quod si loquamur de oratione in voce, certum est eam esse in prædicamento quantitatis. Dicemus enim, quod sicut duplex est quantitas continua, una manens, ut puta linea, vel superficies sive corpus; alia non manens, ut puta motus, qui materialiter est quantitas continua, quæ quantitas continua non est quid permanens, sed est de genere successorum. Cum ergo duplex sit quantitas continua; & quantitas discreta nihil sit aliud, quam aliquid causatum ex divisione continui, oportet duplicem esse quantitatem discretam: oratio ergo in voce est quantitas discreta, & est aliquid causatum ex divisione continui permanentis: cum enim formamus orationem in voce, varijs modis dividimus continuitatem aeris, huiusmodi autem divisio continui quædam quantitas est discreta: & quia habet proprium nomen nominata est proprio nomine, & dicta est oratio. Sed si fiat divisio continui per partes permanentes, talis divisio continui quædam quantitas discreta erit: & quia non habet proprium nomen retinuit sibi nomen commune, & dicta est numerus: ipsa etiam oratio ut est quantitas discreta, numerus quidam est, videlicet, numerus ubicationum aeris facientium divisionem in continuo.

Oratio in voce est quantitas discreta ut posite quid causatum ex divisione continui permanentis, pertinetque ad genus quantitatis.

A Propter quod apparet, quod oratio in voce pertinet ad genus quantitatis, non ratione percussiois, ut percussio est: quia sic pertineret ad prædicamentum actionis: nec ratione formationis in aere, vel similitudinis alicujus aggregati in aere, quia sic pertineret magis ad prædicamentum qualitatis, sed ratione divisionis continui. Ipsæ enim partes continui divisæ quantitatem discretam constituunt, ut patet ex Pho in 3. *Phys.* sed circa orationem in voce diutius morari non expedit: quia per talem orationem non habemus viam facilem ad investigandum quod quærimus.

B Videndum est ergo de oratione in mente nostra, quæ non sit sine numero intellectuum se habentium secundum prius, & posterius, in quo prædicamento assit, quam quætionem Simplicius in prædicamentis determinans secundum dicta antiquorum Philosophorum, dicit quod oratio in mente sive sermo in mente non est quantitas. Sed, ut Jamblicus ait, vel est actio, vel passio, vel utriusque. Porphyrius dicit huiusmodi orationem esse in prædicamento qualitatis, ut idem Simplicius narrat, quod credimus verius esse dictum. Volumus ergo declarare, quod successio intellectuum sive moveri secundum intellectiones, ex qua successione, & ex quo motu sit oratio in mente, vel ex qua successione & ex quo motu sumitur tempus angelicum, de quo loquimur, pertinet ad genus qualitatis, non ad prædicamentum actionis vel passionis: licet enim idem sit actio & passio & motus; ratio tamen actionis & passionis præcedit rationem motus: ipsa enim calefactio, ut est actio vel passio est prius se ipsa, ut est motus. Vnde Comment. super principium tertij *Phys.* volens declarare, quid sit motus, ait: *Motus est actio motoris in moto*, & quia motus non habet esse nisi in moto, ideo accipit rem motam, quasi differentiam motus. Vt ergo intelligamus verba commenti, tale dicere quod motus est actio motoris ante motum, quale diceremus, quod homo est animal ante hominem: licet enim eandem rem dicat homo & animal, intellectus tamen animalis præcedit intellectum hominis. Cum ergo dicitur homo est animal; hoc prius prædicatur de posteriori: animal ergo, quod prædicatur de homine, est prius homi-

Phys.

Oratio in mente nostra, quæ non sit sine numero intellectuum se habentium secundum prius, & posterius, in quo prædicamento assit, quam quætionem Simplicius in prædicamentis determinans secundum dicta antiquorum Philosophorum, dicit quod oratio in mente sive sermo in mente non est quantitas. Sed, ut Jamblicus ait, vel est actio, vel passio, vel utriusque. Porphyrius dicit huiusmodi orationem esse in prædicamento qualitatis, ut idem Simplicius narrat, quod credimus verius esse dictum. Volumus ergo declarare, quod successio intellectuum sive moveri secundum intellectiones, ex qua successione, & ex quo motu sit oratio in mente, vel ex qua successione & ex quo motu sumitur tempus angelicum, de quo loquimur, pertinet ad genus qualitatis, non ad prædicamentum actionis vel passionis: licet enim idem sit actio & passio & motus; ratio tamen actionis & passionis præcedit rationem motus: ipsa enim calefactio, ut est actio vel passio est prius se ipsa, ut est motus. Vnde Comment. super principium tertij *Phys.* volens declarare, quid sit motus, ait: *Motus est actio motoris in moto*, & quia motus non habet esse nisi in moto, ideo accipit rem motam, quasi differentiam motus. Vt ergo intelligamus verba commenti, tale dicere quod motus est actio motoris ante motum, quale diceremus, quod homo est animal ante hominem: licet enim eandem rem dicat homo & animal, intellectus tamen animalis præcedit intellectum hominis. Cum ergo dicitur homo est animal; hoc prius prædicatur de posteriori: animal ergo, quod prædicatur de homine, est prius homi-

Comm. 3. *Phys.* cont.

ne, vel est ante hominem: erit ergo homo animal ante hominem. Sic si actio motoris per identitatem prædicatur de motu, sicut ratio actionis præcedit rationem motus, erit motus actio motoris ante motum. Nam (sicut supra dicebatur) omne quod movetur ab alio movetur: omnis ergo motus est aliquid illatum ab alio, ut aliquid illatum à motore: & est aliquid tendens in aliud, ut in rem, quæ acquiritur per motum: res ergo illa quæ est motus, tripliciter considerari poterit, ut est à motore, ut recipitur in passo, & ut per eam tendit passum in perfectionem aliquam: ut autem est à motore, sic est actio: ut recipitur in passo, sic est passio: ut per eam tendit passum in aliquam perfectionem, sic est motus. Intellectus ergo actionis præcedit intellectum passionis: quia prius intelligimus, quod res illa, quæ est actio & passio, sit ab agente, & postea intelligimus quod ab agente recipiatur in passo: ideo passio dicitur esse effectus actionis, quia licet eadem res sit actio & passio; tamen res illa, quæ est passio, quod recipiatur in passo, habet ab agente, quia ex hoc derivata est. Res ergo illa, ut est actio, erit prius se ipsa, & quodammodo causa sui ipsius, prout dicitur esse passio: eadem ergo res est actio & passio, sed non est eadem habitudo. Cum ergo dicimus passionem esse effectum actionis, vel actionem causare passionem, non propriè dicimus, quia res sit causa rei; sed quod habitudo sit causa habitudinis: quod enim illi rei comperat habitudo passionis, causatur ex eo quod competit ei habitudo actionis. Intellectus ergo actionis præcedit intellectum passionis, sed intellectus utriusque præcedit intellectum motus: nam res illa, quæ est motus, prius intelligitur, quod sit aliquid ab agente, secundum quem modum habet rationem actionis: postea intelligitur, quod sit aliquid receptum in passo, secundum quem modum habet rationem passionis: & deinde intelligitur, quod per illam rem passum acquirit perfectionem aliquam, & secundum hoc habet rationem motus: motus ergo non est nisi in moto, id est, non sumitur ratio motus, nisi ex eo, quod movetur & tendit ad perfectionem aliquam. Et quia sic est, quod motus non est nisi in moto, id est, non sumitur ratio motus, nisi ex eo quod natura movetur & tendit

ad perfectionem aliquam. Et quia sic est, quod motus non est nisi in moto, id est, non sumitur ratio motus nisi ex eo quod mobile movetur & tendit in rem aliquam: ideo motus accipit rem motam quasi differentiam ejus.

Advertendum tamen, quod in substantijs eadem est differentia, per quam res diffinitur, & per quam collocatur in genere; in actionibus autem vel in passionibus non sic. Nam passio diffinitur per subjectum; collocatur tamen in genere per aliquid, quod pertinet ad genus, in quo existit: res ergo mota potest dici vel ipsa res, quæ movetur; vel ipsa res ad quam movetur, & utraque res est quodammodo differentia motus, aliter tamen & aliter: nam ipsa res, quæ movetur, vel ipsum mobile est differentia motus diffinitiva: diffinitur enim motus per rem motam per mobile, quia est actus mobilis. Sed res ad quam est motus, est quasi differentia motus collocans motum in genere: quia motus est in eodem genere cum re ad quam est motus: motus ergo non reponitur in genere per comparisonem ad agens, nec ut est actio: imò ratio actionis præcedit rationem motus, & si motus dicitur actio motoris, hoc non erit, ut motus est motus, sed ut est aliquid ante motum: motus ergo, ut motus est, non est nisi in moveri; intendere in rem aliquam, ideo res illa est quasi differentia motus collocans motum in suo genere: oratio ergo, ut dicit quendam motum & quendam comparisonem intellectionum; vel ut dicit quendam processum de una intellectione ad aliam, ut de intellectione subjecti ad intellectionem prædicati, non erit in prædicamento actionis vel passionis, quia ista præcedunt intellectum motus; sed erit in eodem prædicamento cum ipsis intellectionibus, quæ acquiruntur per tale motum. Et quia hujusmodi intellectiones quædam qualitates sunt, erit talis motus in prædicamento. Quidquid ergo sit de ipsa oratione, quia nondum plenè declaratum est, quid dicat ipsa oratio in mente: non enim declaratum est utrum sit formaliter ipsum moveri de una intellectione in aliam; dictum est tamen, quod non est sine tali motu. In componendo enim prædicatum cum subjecto quidam motus est ibi ex eo, quod prius intelligimus subjectum, & postea prædicatum: quid-

In substantijs eadem est diffinitio, per quam res diffinitur, & collocatur in genere; in actionibus vero vel passionibus non sic.

quidquid ergo sit de ipsa oratione : ipse tamen motus intellectuum, prout homo de una intellectione tendit in aliam, vel etiam prout Angelus de intellectione in intellectiorem, est in predicamento qualitatis, in quo predicamento est ipsa intellectio, ad quam proceditur per talē motum. Movetur enim Angelus de una intellectione in aliam: quia licet non intelligat componendo, & dividendo, nec etiam discurrendo; tamen non intelligit omnia simul: sed prout apud se habet varias species, movetur per intellectiōnes, quia nunc intelligit per unam speciem, nunc per aliam.

In intellectu lapidis est considerare actionem, passionem, motum, & tempus.

Dicemus ergo, quod cum Angelus vult intelligere lapidem, per voluntatem convertit se super speciem lapidis, & sic causatur in intellectu intellectio lapidis: si ergo prius nō intelligebat lapidem, & postea intelligit lapidem, in ipsa intellectu lapidis erit considerare actionem, passionem, motum, & tempus: actionem quidem, prout per voluntatem convertit se super speciem lapidis, & causavit in intellectu suo per speciem lapidis intellectiorem: passionem verò prout talis intellectio est recepta in ipso intellectu: motum verò, prout de nō intelligere lapidem processit ad intelligere lapidē: tempus, quidē prout in tali motu est numerus prioris & posterioris: intellectus ergo temporis erit posterior, quā intellectus motus: cum tempus sit quasi passio motus, & quasi numerus motus: prius ergo intelligit, quod res aliqua moveatur, & postea intelligit, quod in illo motu sit numerus prioris & posterioris, quod cōplet rationem temporis. Si ergo motus non est in predicamento actionis vel passionis, quia intellectus motus est posterior intellectu actionis & passionis, & est sic posterior, quod non reducitur formaliter in actionem vel passionem, sed reducitur in rem ad quam est motus: multo magis tempus non erit in predicamento actionis vel passionis: quia intellectus temporis est posterior, quā intellectus motus, & per consequens posterior quā intellectus actionis & passionis: nec reducitur formaliter intellectus temporis in intellectum actionis & passionis; sed tempus formaliter est numerus prioris & posterioris in motu. Sicut ergo numerus albedinum est in eodem genere cum ipsis albedinibus, ita numerus prioris &

posterioris in motu est in eodem genere cum ipsis prioribus & posterioribus numeratis: in motu enim nostro locali est prius & posterius, prout est quid continuum. Numerus ergo partium continui se habentium successive secundum prius & posterius est tempus nostrum, quod fundatur in motu locali: & quia numerus partium continui est in predicamento quantitatis, consequens est, quod tempus nostrum ad predicamentum quantitatis pertineat. In motu autem Angelico numerus prioris, & posterioris sumitur, prout una intellectio succedit alij: talis ergo numerus non est in predicamento quantitatis: nam nihil est quantitas nisi continuum & partes continui: continuum enim est quantitas continua, partes autē continui divisæ sunt quantitas discreta. Ne fiat vis in verbo, utrum continuum pertineat ad quantitatem, vel ad qualitatem, quia certum est, quod res illa, quæ immediatē subijcitur continuationi, ut linea vel superficies, quantitatem continuam dicit: partes verò lineæ vel cujuscunque alterius continui divisæ quantitatem discretam faciunt: nihil ergo pertinet ad genus quantitatis, quod non sit quid quantum & continuum, vel partes continui, vel terminus continui. Continuum enim & partes continui sunt in genere quantitatis discretæ, ut magnitudo, & numerus: terminus verò continui est in genere quantitatis per reductionem, ut punctus: si ergo esset numerus aliarum rerum, sicut numerus partium continui, non esset in predicamento quantitatis: numerus ergo aliquarum rerum est in eodem genere cum rebus, quarū est numerus. Nam, ut dicebamus, sicut una albedo est in eodem genere cum albedine, sic duæ albedines, vel numerus ipsarum albedinum est in eodem genere cum ipsis albedinibus: sic numerus ipsarum intellectiōnum secundum prius & posterius, secundum quem numerum accipitur ratio temporis in motu angelico, erit in eodē genere cum ipsis intellectiōnibus: & quia intellectiōnes illæ pertinent ad genus qualitatis, tempus quod mēsurat operationes angelicas, erit in genere qualitatis. Ex his ergo, quæ sunt in mente nostra, habemus aliqualem viam ad investigandum, in quo predicamento sit tempus quod mēsurat operationes angelicas.

Viso, quod tempus quod menturatur operationes Angelorum, non sit in prædicamento quantitatis, & ostenso quod tale tempus pertinet ad prædicamentum qualitatis: volumus declarare tertium, quod proponebatur declarandum, videlicet, in qua specie qualitatis collocetur tale tempus. Assignantur à Philosopho quatuor species qualitatis, videlicet, habitus, & dispositio, naturalis potentia vel impotentia: passio, & passibilis qualitas, vel *Forma*, & *circa aliquid constans figura*. Quorum numerus sic potest accipi. Nam qualitates vel sunt solum in corporalibus; vel non solum reperiuntur in corpore, sed etiam in anima. Si autem solum reperiuntur in corporalibus, sic est quartum genus qualitatis, videlicet, *Forma* & *circa aliquid constans figura*: tales enim qualitates non nisi in rebus corporalibus reperiuntur. Aliæ autem primæ tres species in corpore & in anima habent causam: distinguitur autem forma à figura, quia forma magis accipitur, ut est in naturalibus; figura verò, ut est in mathematicis: & quia mathematica fundantur in naturalibus & habent esse circa naturalia: ideo forma non est figura. Dicitur esse circa aliquid: ipsa enim figura triangularis secundum quod est in naturalibus, si tale quid natura facit, dicitur esse forma; sed ut consideratur à mathematico dicitur esse figura. Vel aliter forma dicitur secundum quod dat esse; figura verò prout termino vel terminis continetur: ipsa ergo figura etiam angularis, secundum quod dat esse triangularem, dicitur esse forma, prout ergo termino vel terminis continetur, dicitur esse figura. Et quia contentum termino vel terminis semper est circa aliquid, ideo & si idem sit figura & forma; attamen ut est figura magis dicitur esse circa aliquid, quam ut est forma: nam, ut est forma, est in aliquo dans ei esse, in quo est; sed ut est figura & ut respicit ipsos terminos, qui sunt intrinseci rei, dicitur esse circa aliquid: sicut quod extrinsecum est circa aliquid est. Vel aliter possunt distinguere hæc duo. Nam eadem figura potest comparari ad duo, videlicet ad naturam sive ad speciem à qua procedit, & ad terminos quibus continetur, ut quia talis sit figura cervi, ut quod cervus sic sit lineatus, & sic formatus ad duo potest referri, videlicet, ad

naturam cervi & ad animam cervi, & ad ipsos terminos designantes lineamenta & figuram cervi. Nam *Membra leonis non differunt à membris cervi, nisi propter diversitatem animæ cervi ab anima leonis*, ut dicit Commentator in 1 de Anima. Quod ergo sit talis figura & talia lineamenta istius rei naturalis, hoc est ipsa natura rei: ideo ergo erit forma & figura, ut ipsa lineatio cervi est figura cervi, & forma ejus: sed dicitur esse forma cervi, ut est secundum defectum suæ speciei. Dicitur autem esse figura ejus, prout talibus terminis continetur: ergo forma magis respicit lineamenta rei, ut comparatur ad naturam extrinsecam; figura verò respicit eadem lineamenta, ut comparatur ad terminos extrinsecos rei. Et quia extrinseca, ut dicebatur, sunt circa aliquid, ideo eadem lineamenta, ut sunt figura, dicuntur esse circa aliquid. Ex hoc autem apparebit verum esse quod dicebatur, videlicet, quod forma non reperitur nisi in naturalibus: quia accipere lineamenta secundum descentiam speciei, non nisi in naturalibus convenit; sed figura reperitur non solum in naturalibus: sed etiam in mathematicis, quia accipere lineamenta secundum extrinsecos terminos, & in naturalibus & in mathematicis fieri potest: sic ergo dicendum est de quarta specie qualitatis,

Sed tres primæ species qualitatis sic accipi possunt, quia qualitas vel est ab extrinseco & ex arte, vel est ab extrinseco & ex natura. Si est ab extrinseco & ex arte? Est prima species habitus, scilicet, dispositio. Si verò sit qualitas ab extrinseco & ex natura: tunc vel dicet actum vel idoneitatem ad actum? Si dicat idoneitatem ad actum? Sic est secunda species, naturalis potentia, vel impotentia. Si verò dicat ipsum actum & ipsam perfectionem? Sic est tertia species qualitatis, scilicet, passio vel passibilis qualitas. Omnes species tres differunt à quarta, quia quarta non nisi in rebus corporibus invenitur: licet habitus & dispositio, naturalis potentia vel impotentia, passio & passibilis qualitas etiam & in ipsis corporibus omnia reperiuntur. Sed à secunda & tertia differt species prima, quia prima species accipitur, ut exterius advenit; secunda verò & tertia prout res est ex natura talis. Unde & Simplicius loquens de his speciebus ait: quantum enim hæc quidem sunt naturales

Phus 1. de Anim. com. 55. & 1. de Anim. com. 60.

Quarta species qualitatis solum in rebus corporalibus invenitur: & in hoc differt ab alijs tribus speciebus, quæ inter se in aliquibus coincidunt.

tales: hæ autem adventitiæ: naturales quidem, ut ait, secundum naturam insunt; adventitiæ autem quæ extrinsecus efficiuntur facta. Secunda autem & tertia sunt secundum naturam, quæ sic differunt, quia secunda dicit quamdam potentiam & idoneitatem ad perfectionem; tertia verò dicit perfectionem ipsam, unde & Simplicius dans differentiam inter secundam & tertiam dicit, naturalium autem qualitatum hæ quidem sunt secundum id quod potentia: in quo innuit secundam speciem. Hæ autem secundum id quod actum, in quo innuit tertiam. Ex quo apparere potest, quod prima species incidit cum secunda & tertia: incidit enim prima species cum tertia, quia caliditas, frigiditas, & cetera talia possunt esse à natura & ex arte: sed ut sunt ex arte pertinebunt ad primam speciem; ut sunt ex natura pertinebunt ad tertiam. Vnde Philolophus caliditatem & frigiditatem ordinat in prima specie, videlicet, in habitu & dispositione. Et idem postea caliditatem & frigiditatem ordinat sub tertia specie, ut sub passibili qualitate. Nam si non est inconveniens, quod eadem res sit in diversis prædicamentis, aliter considerata est in prædicamento actionis, & passionis, & qualitatis, non erit inconveniens, quod caliditas, aliter & aliter accepta, possit pertinere ad primam & ad tertiam speciem qualitatis, ut si est à natura pertinebit ad speciem tertiam: si verò sit adventitia pertinebit ad primam: multæ enim sunt tales qualitates, quæ ex arte & ex natura fieri possunt. Nā ut dicitur in 7. Meta. *Quedam sunt ab artificio & à natura ut sanitas, quæ fit ab arte & à natura.* Et quia sanitas est æquatio humorum, oportet, quod caliditas & frigiditas, siccitas & humiditas, & cetera talia, ex quorum æquatione consurgit sanitas, & arte & natura fieri possint: incidit ergo prima species cum tertia, incidit etiam cum secunda. Nam esse pugillatorem potest alicui competere ex arte & ex natura: & ut cōpetit ei ex arte pertinebit ad primam speciem; ut ex natura ad secundam. Dicere etiam possumus, quod secunda species incidit cum tertia: nam sic differt species secunda à tertia, quia una dicit rationem & idoneitatem naturalem; alia verò perfectionem & actum: cum optimè possit contingere, quod illud, quod est actus &

A perfectio in se, sit idoneitas & potentia respectu alterius. Incidet secunda species cum tertia, quia eadem qualitas, ut erit quædam perfectio in se, poterit esse passibilis qualitas, & pertinere ad speciem tertiam, & ut erit quædam potentia & idoneitas respectu alterius poterit pertinere ad speciem secundam.

Advertendum tamen, quod licet aliquo modo sint coincidentes species, nunquam tamen erit assignare aliquam qualitatem, quæ non magis directè pertineat ad unam speciem, quàm ad aliam: quia nulla est qualitas, quæ non sit vel adventitia vel ex natura, & quæ non magis reduci habeat ad unum quàm ad aliud. Si ergo magis reducitur in esse adventitium, pertinebit directius ad speciem primam; si autem magis in esse naturale, considerabimus quid magis propriè dicitur de ea, vel potentia & idoneitas, vel perfectio & actus: quod si magis propriè dicitur de qualitate illa potètia & idoneitas, pertinebit directius ad speciem secundam: si perfectio & actus, ad tertiam. Sic ergo distinguuntur hæ tres species, sed quia quælibet species est combinata; videamus de ipsis combinationibus, quomodo partes cujuslibet combinationis differunt. In prima autem specie combinantur dispositio & habitus, quæ differunt per facile & difficile mobile: quando autem ex paucis actibus aggeneratum est in nobis aliquid, quod de facili removetur, dicitur dispositio: si autem frequenter idem actus, illa dispositio fiet habitus: ut si quis parum citharizaverit, aliquantulum disponetur manus sua ad citharizandum: attamen si non frequenter citharizet, id quod acquisivit, de facili perdet. Sed si frequentet actum citharizandi, fortificabitur dispositio illa, & fiet habitus de difficili mobilis. Vnde Simplicius in prædicamentis dicit, quod habitus & dispositio non differunt nec specie, nec numero, sed tempore: differunt enim, sicut albi pauci temporis ab albo diuturno & magis mansuro. In secunda autem specie combinatur naturalis impotentia: hæ enim species qualitatis sunt species subalternæ, ita quod sunt simul genera & species. Vnde & Philosophus aliquando nominat eas species, aliquando genera; & species de hac enim secunda specie qualitatis. Cum ergo contraria sint sub eodem genere propinquo, oportet, quod potentia

7. Metaph.
comm. 29.

Quedam sunt ab artificio & à natura ut sanitas, quæ fit ab arte & à natura.

Notatur
differentia
inter qualitates
tates omnes

potentia & impotentia pertineant ad idē genus propinquum vel ad eandem speciem subalternam: cum huiusmodi potentia & impotentia (de qua loquimur) conveniat rebus per contrarias qualitates, ut si durum est in secunda specie qualitatis, quia est quædam naturalis potentia, ut non de facili dividatur; molle quod cōtrariatur duro, pertinebit ad idē genus, vel ad eandem speciem subalternam, quæ est quædam naturalis impotentia, ut non possit resistere divisioni. Secundum hoc etiam loquendum est de quarta specie: nam si formaliter dicit figuram decentem secundum exigentiam speciei, difformitas vel figura indecens pertinebit ad idem genus qualitatis, vel ad eandem speciem subalternam. In tertia verò specie qualitatis combinatur passio & passibilis qualitas, quæ multis modis distinguitur secundum Simplicium: omnes autem illi modi quasi unum & eundem modum nominant. Prima enim differentia inter passionem & passibilem qualitatem est, quod utraque à passione sumitur, aliter tamen & aliter: quia passibilis qualitas est, quæ alijs passionem infert: passio quidem est, quæ fit à passione facta: ut dulcedo mellis est passibilis qualitas, quia mel per suam dulcedinem sensui passionem infert. Si autem quis ex verecundia fiat rubicundus, huiusmodi rubor ex passione factus passio nominatur: ipsa enim verecundia est quædam naturalis animæ passio. Differunt ergo passibilis qualitas & passio per facere, ut dicatur passibilis qualitas, quæ passionem facit; passio verò, quæ per passionem fit. Secundo modo differunt hæ duæ qualitates per permanens & non permanens, vel per superficiale & intraneum: ut si aliquis habet qualitatem manentem & quasi intraneam, sicut mel dulcedinem, dicatur passibilis qualitas; si quis verò non manentem, & quasi superficiale tenus, sicut timens pallorem, & verecundus ruborem, tales qualitates passionem, dicunt. Est & tertia differentia inter ista, ut passibilis qualitas dicatur qualitas perfecta, passio verò qualitas imperfecta, ut si quis naturaliter est rubeus, & perfecte participat ruborem, dicitur in eo rubor passibilis qualitas. Sed si quis ex verecundia factus sit rubeus, quia imperfecte ad modicum tempus cū transitu participat ruborem, dicitur in

eo rubor passio. Omnes tamen hæ tres differentie inter passionem & passibilem qualitatem quasi unam differentiam nominant. Nam quod est perfecte tale, est magis mansivum & magis activum: quia unumquodque perfectum est, cum potest sibi simile generare; quod autem est imperfectum, est minus mansivum, & ratio ipsius non est in facere, sed in fieri: assignare ergo differentias inter passibilem qualitatem & passionem, passibilis qualitas est magis perfecta & mansiva, & est in facere & in passionem inferre: passio verò est minus perfecta & minus mansiva, & in eo quod à passione fit, est quasi una & eadem differentiam multipliciter explicare.

Distinctis speciebus qualitatis, si ne quarum distinctione non plenè declarare poteramus, in qua specie essent intellectiones Angelicæ, & per consequens in qua specie esset tempus, quod mensurat tales intellectiones, & quod est numerus talium intellectionum sibi succedentium secundum prius & posterius, de levi patere potest, in qua specie sunt tales intellectiones, & per consequens, in qua specie qualitatis sit tale tempus. Non enim tales intellectiones pertinere possunt ad quartam speciem qualitatis, quæ est forma & circa aliquid constans figura: quia huiusmodi species non in rebus corporalibus reperiuntur: nec proprie potest pertinere ad primam speciem, quæ est habitus & dispositio: quia in ipsis Angelis ex frequenti intelligere non aggeneratur in eis habitus vel dispositio, sicut nec in oculo ex frequenti videre aggeneratur habitus: oculus enim, nisi per accidens & ex infirmitate oculi, ex se vel ex virtute visiva in eo existente determinatur sufficienter ad eliciendum actum videndi: in eliciendo enim talem actum, non habet illam difficultatem, quam habet manus in citharizando, quæ non habilitatur per verbum, ut faciat talē actum. Sic & intellectus Angeli per species, quas habet apud se, determinatur, ut secundum imperium voluntatis eliciat intelligendi actum. Vnde sicut naturaliter habet illas species congregatas, ita ex natura sua determinatur ad eliciendum talem actum, nec indiget alio habitu vel dispositione.

Restat ergo, quod huiusmodi intellectiones vel pertineant ad secundam

Operationes Angeli & tempus eas mensurans non pertinent ad quartam, neque ad primam speciem qualitatis

Speciem, vel ad tertiam: non autem pertinent ad secundam, quia secunda dicit magis potentiam & idoneitatem; tertia verò magis actum & perfectionem: & quia huiusmodi intellectiones sunt ipsi actus, perfectiones ad tertiam speciem pertinebunt, & possunt dici passionis quædam; non autem dicuntur passionis, sive passio secundum quod passio est prædicamentum, sed secundum quod passio dicitur quamdam qualitatem ex passione illata. Imaginabimur, quod Angelus per voluntatē suā, mediante specie intelligibili, causat in suo intellectu intellectionem, ita quod intellectio Angeli est quædam qualificatio suæ potentie intellectivæ, prout huiusmodi potentia est aliquid passa à voluntate mediante specie intelligibili. Et quia sicut Angelus per voluntatem causat in sua voluntate volitionem, propter quod volitio Angeli nihil est aliud, quam quædam qualificatio voluntatis Angelicæ, prout huiusmodi voluntas est aliquid passa ab intellectu: nam & voluntas intellectum mover, & intellectus voluntatem, aliquam enim qualificationem suscipit intellectus, cum movetur à voluntate: quia voluntas movet omnes potentias ad exercitium sui actus. Et aliquam qualificationem suscipit voluntas, ut movetur ab intellectu: intellectus enim movet voluntatem non movendo ad executionem actus, quia hoc est proprium voluntatis; sed ostendendo voluntati objectum. Quia bonum apprehensum est motivum voluntatis. Tales autem qualificationes, cuiusmodi sunt intellectiones, & volitiones Angelicæ, & porissimè illæ, quæ cadunt sub tempore, passionis quædam dici possunt: quia non sunt manivæ. Si autem sit aliqua intellectio semper maniva, sicut intellectio vel visio Divinæ essentia, quia ab illa nunquam Angeli decidunt, vel sicut est intellectio sui ipsius, quia semper Angelus se intelligit, tales intellectiones, ut semper manivæ sunt, non mensurantur tempore, nec de his currit quæstio nostra. Intellectiones ergo Angelicæ quæ mensurantur tempore, pertinent ad tertiam speciem qualitatis; & tempus qui est numerus talium intellectionum sibi succedentium secundum prius & posterius ad eandem speciem pertinebit. Declaratum est ergo in quo prædicamento sit tempus, quod mensurat operationes

Voluntas movet alias potentias ad exercitium sui actus: intellectus vero voluntatem ostendendo objectum.

Angelicas, quia est in prædicamento qualitatis, & ostensum est in qua specie reponatur.

Respond. ad arg. Ad 1. dicendum, quod, ut patuit, huiusmodi tempus, quod mensurat intellectiones Angelicas, est in tertia specie qualitatis, in qua specie sunt etiam ipsæ intellectiones. Et cum arguitur: quia in tertia specie est passibilis qualitas, quæ passionem infert, & passio quæ ex passione infertur. Dicitur debet, quod intellectiones sunt quædam passionis ex alijs illatæ, nō ex alio extrinseco, sed ex alio intrinseco: sunt enim tales intellectiones in intellectu Angeli, ut ex ipsa substantia Angeli, quæ est præsens suo intellectui, vel ex voluntate mediante specie intelligibili, quæ sibi causando talent actum supplet vicem objecti. Substantia autem Angeli, species intelligibilis, & voluntas ejus sunt aliquid intrinsecum ipsi Angelo: immò non solum intellectione naturali, sed etiam intellectione supernaturali est essentia Divina intima ipsi Angelo, etiam magis, quam Angelus sibi, causans intellectionem sui ipsius in intellectu angelico. Propter quod apparet quomodo intellectiones Angeli sunt quædam qualificationes, & possunt dici passionis quædam. Ad 2. dicendum, quod non omnis qualitas habet aliquid contrarium: propter quod non oportet, si intellectiones illæ non habent contrarium, quod non sint in prædicamento qualitatis. Vel possumus dicere, quod illæ intellectiones, quæ tempore mensurantur, propter quas est quæstio hæc introducta, quemdā modum contrarietatis habent adinvicem, eò quod non possint simul esse in eodem. Cum enim Angelus per voluntatem se convertit super unam speciem, & causat in intellectu suo aliquam unam intellectionem, non potest simul se convertere super aliam speciem, & causare aliam intellectionem: propter quod tales intellectiones modū oppositionis habent adinvicem, quia nō potest intellectus angelicus simul pluribus intellectionibus informari, non potest simul se convertere super pluribus speciebus, ut actu informetur intellectus ejus pluribus speciebus. Ad 3. dicendum, quod Angeli possunt dici quales secundū intellectiones suas, quia ipsa intellectio in eis est quædam qualificatio intellectus eorum; & quia illud tempus est in eodē præ-

Neque ad secundam qualitatem pertinet, sed solum ad tertiam prout actus & perfectiones sunt.

prædicamento cum ipsis intellectio-
 bus, consequens est, quod etiam secundū
 tale tempus dicantur quales. Ad 4. di-
 cendum, quod non quilibet respectus
 ponit rem in prædicamento relationis:
 nam & scientia habet quemdam respec-
 tum ad scibile, non tamen est in prædi-
 camento relationis, sed qualitatis. Sic li-
 cèt in tempore sit quidam motus respec-
 tivus, ille tamen respectus est relatio se-
 cundū dici, non ponit tempus in præ-
 dicamento relationis, sed oportet tem-
 pus poni in prædicamento secundū
 suum fundamentum: ideò tempus no-
 strum, quod fundatur in continuo, est in
 prædicamento quantitatis: tempus au-
 tem angelicum, quod fundatur in intel-
 lectionibus & in qualitatibus, est in præ-
 dicamento qualitatis. Ad formam argu-
 endi dici debet, quod tempus aliquod est
 in prædicamento relationis, quando es-
 sentialiter dicit ipsum respectum; tēpus
 autem illud non dicit essentialiter ipsum
 respectum, sed habitudinem quamdam,
 cui competit quidam respectus, qui est
 relatio secundū dici. Est enim hæc ge-
 neralis regula, quod relativa secundū
 esse dicunt ipsum respectum; relativa se-
 cundū dici dicunt rem, cui competit
 talis respectus aliquis. Ad 5. dicendum,
 quod tempus nostrum mensurat altera-
 tiones, quæ sunt in prædicamento quali-
 tatis, sed hoc non est per se & primò:
 nec tempus nostrum fundatur in motu
 alterationis tanquam in subiecto, nec est
 idem materialiter, quod motus altera-
 tionis; sed est idem materialiter, quod
 motus cæli; & est idem realiter, quod
 motus cæli, qui est quid continuum: ideò
 ratione illius motus tempus nostrum est
 in prædicamento quantitatis, & est quid
 continuū: ideò dicitur in 5. *Meta.* quod mo-
 tus est quantitas, & tempus propter mo-
 tum. Quod qualiter intelligendum sit,
 declaratū est in solutione generali: nō est
 ergo simile de tēpore nostro, & de tēpore
 Angelorū, quia tēpus nostrū nō fundatur
 in re, quæ sit qualitas, sed in motu localis;
 sed tēpus Angelicū fundatur in ipsis o-
 perationibus Angelorum, quæ sunt qua-
 litates quædam: ideò illud tempus est in
 prædicamento qualitatis. Ad formam
 autem arguendi dicendum, quod tēpus
 nostrum sic mensurat motus, qui sunt in
 genere qualitatis, quod non est idem rea-
 liter cum aliquo tali motu: ideò non est

A in prædicamento qualitatis; sed tempus
 Angelicum mensurat motum, qui est in
 genere qualitatis, ut successionem intel-
 lectionum, & est idem realiter cum tali
 motu. A 6. dicendum, quod cum Simp-
 plicius dicit, quod tempus secundū se
 est quid quantum, intelligendum est de
 tempore nostro: tempus enim nostrum
 est quid quantum secundū se, id est, se-
 cundū suum fundamentum: quia fun-
 datur in re quanta, & in re continua; tē-
 pus autē angelicū nō est quantū secūdu
 se, id est, secundū suū fundamentū, quia
 nō fundatur in re quanta, nec in re cōti-
 nua, sed in re quali, ut in intellectio-
 nibus angelorū, quæ sunt qualitates quædā. Ad
 B 7. dicendum, quod tempus Angelicum
 reponitur in prædicamēto per operatio-
 nes Angelorum, non prout operationes
 illæ sunt in prædicamento actionis, sed
 prout in eis reperitur quidam motus, &
 prout reducuntur ad genus qualitatis:
 ideò tempus illud in genere qualitatis
 reponitur: ostendimus enim suprà, quod
 motus & successio, quæ reperitur in ta-
 libus operationibus, ad genus qualitatis
 reducuntur. Ad octavum dicendum,
 quod tempus nostrum fundatur in mo-
 tu, qui est quid quantum, & ut numera-
 tur secundū prius & posterius: ideò est in
 prædicamēto quātitatis; sed tēpus illud
 angelicū nō fundatur in operatione An-
 geli, ut est in prædicamēto actionis, sed
 ut pertinet ad prædicamētu qualitatis:
 ideò tale tēpus non est in prædicamēto
 actionis, sed qualitatis. Ad 9. dicendū,
 quod tēpus illud nō se habet ad tempus
 nostrum, sicut operatio nostra ad opera-
 tionem Angeli, quia tempus illud funda-
 tur in ipsis operationibus Angelorum;
 sed tempus nostrum non fundatur in o-
 peratione nostra, sed in motu cæli. Ad
 D 10. dicendum, quod non est simile de
 motu locali respectu temporis nostri, &
 de motu Angelorū respectu illius tēpo-
 ris: nā motus localis sive motus cæli, in
 quo fundatur tēpus nostrū, est in prædica-
 mēto ubi; tēpus tamē nostrum non fun-
 datur in motu cæli, secundū quod ta-
 lis motus est formaliter in prædicamen-
 to ubi; sed fundatur in eo, prout talis
 motus est materialiter quid quātum nu-
 meratus per prius & posterius: ideò tem-
 pus nostrum non est in eodem prædica-
 mēto cum motu cæli formaliter, sed
 est in eodem prædicamento cum illo

materialiter: sed in prædicamento quãtita-
tis, in quo tempus nostrum est forma-
liter, est motus cæli materialiter: sed tempus
angelicum fundatur in motu accepto se-
cundum operationes Angelorum, pro-
ut talis motus est in prædicamento qua-

litatis formaliter: est enim numerus illa-
rum operationum prout sunt quædam
qualitates sibi invicem succedentes: ideo
tempus illud etiam formaliter est in præ-
dicamento qualitatibus. Et hæc de mensu-
ra Angelorum dicta sufficiant.



QUÆSTIONES

DISPUTATÆ DE COGNITIONE

ANGELORVM.

QVÆSTIO I.

VTRVM ANGELVS INTELLIGAT SE IPSVM PER
essentiam suam.



QVÆSTIO est: utrum
Angelus intelligat
se ipsum per essen-
tiã suã? Et videtur
quod non: quia si
aliqua causa est,
propter quam An-
gelus intelligat se

ipsum per essentiam suam, erit illa, quam
assignat Auctor de causis, ut quia *In in-
telligentia sunt simul intellectus & intelle-
ctum*: sed hoc est etiam in anima nostra,
quia ibi sunt simul intellectus & intelle-
ctum, sed hoc non obstante anima no-
stra non intelligit se per essentiam suã, imò
secundum Phum in 3. *de Anima*. Intellectus
noster sic se ipsum cognoscit, sic, sci-
licet, cognoscendo alia, & per species ali-
orum. Præterea: intelligentia intelligit
se ipsam per intelligentiam suam, sed in-
telligentia sua non est essentia sua, sed
est sua potentia, vel sua operatio, ergo
&c. Præterea: si aliqua causa esset, quare

B intelligentia intelligeret se per essentiam
suã, esset hæc causa, quia essentia sua est
quid intelligibile in actu: sed Angelus su-
perior est magis quid intelligibile in ac-
tu, quam Angelus inferior: cum
ergo Angelus superior non intelligatur
ab inferiori per essentiam suam,
ergo &c. Præterea: actus conformatur
ei, quod est ratio agendi, ut calefactio
conformatur calori, & est eiusdem
rationis cum ipso: nihil est enim aliud
calefactio, quam calor impressus cale-
factibili. Si ergo substantia Angeli esset
ratio intelligendi ipsi Angelo, tunc intel-
ligere Angeli esset eiusdem rationis cum
substantia ejus, & intelligere esset ei sub-
stantiale: imò nihil esset aliud tale in-
telligere Angeli, quã ipsa substantia Ange-
lica impressa intellectui ejus, sed hoc nul-
lus diceret, ergo &c. Præterea: in omni,
quod est citra Primum, differt quod agit,
& quo agit, ergo differt quod intelli-
git, & quo intelligit: sed ipsa substantia
est

Lib. de Cau-
sis propos.
13.

Phus 3. de
Anima.

est quod intelligit, ergo non est quod intelligit. Præterea: sicut habere calorem, hoc est, calere, sic habere essentiam, hoc est, esse: si ergo essentia esset ratio intelligendi, idem esset habere essentiam & intelligere: sed habere essentiam est idem, quod esse: ergo idem esset ibi intelligere & esse, quod est inconueniens. Præterea: intellectus angelicus intelligit alia a se per speciem: species ergo informans intellectum angelicum est quasi quoddam organum ipsius intellectus iuvans ipsum ad intelligendum: si ergo essentia in Angelo esset ratio intelligendi se ipsum, ipsa essentia esset organum potentiae, quod nullus diceret, cum sit econtrario, quia potentia est organum essentiae. Præterea: quod est in potentia ad aliquid, non determinatur ad actum, nisi informetur aliqua specie: si ergo intellectus angelicus determinatur ad actum, & reducitur in actum per essentiam Angeli, oportet, quod ipsa essentia Angeli sit perfectio potentiae intellectivæ, & informet intellectum ejus: sed hoc nullus diceret, quod essentia non est perfectio potentiae, imò magis econtrario, potentia perficit essentiam, ergo &c. Præterea: visio est ipsa species visibilis, ut vult Augustinus in 1. 1. de Trin. Si ergo essentia Angeli esset ratio intelligendi, sicut species visibilis est ratio videndi, sicut visio est ipsa species, ita intelligere Angeli esset ipsa substantia angelica. Præterea: si Angelus intelligeret se per essentiam suam, semper se intelligeret, ergo nihil aliud intelligeret, quod est inconueniens.

In contrarium est: quia Deus intelligit se & omnia alia per essentiam suam; intellectus noster intelligit alia & se per species aliorum; Angelus ergo, qui est in medio, se habebit medio modo, intelliget ergo se per essentiam suam; alia vero per species aliorum. Præterea: intellectus noster est potentia pura in genere intelligibili, ideo nullus actus potest ab eo progredi, nisi informetur specie: sicut nec materia prima potest aliquem actum efficere, cum sit potentia pura in genere essentiali. Ergo cum intellectus angelicus non sit potentia pura in genere intelligibili, aliquis actus progredietur ab eo absque eo quod informetur aliqua specie: sed sufficit ibi sola presentia substantiae ejus: ille ergo actus elicited a potentia per solam presentiam substantiae

ducet in cognitionem ipsius substantiae. Angelus ergo intelligit se per essentiam suam, quia potest elicere actum intelligendi se ipsum per solam presentiam substantiae ejus absque informatione alterius speciei. Præterea: in libro de Causis propositione 15. dicitur: *Omnis sciens, qui scit essentiam suam, est rediens ad essentiam suam reductione completa.* Sed reditio completa est ab eodem in idem per idem: sed Angelus intelligit essentiam suam, ergo illud intelligere essentiam est ab eodem in idem per idem, erit ergo ab essentia in essentiam per essentiam. Præterea: secundum Augustinum 14. de Trin. cap. 4. anima intelligit se ipsam, quia præter se habet: ergo multo magis Angelus: sufficit ergo sola presentia sui ipsius ad intelligendum se ipsum, non ergo requiritur ibi alia species.

In lib. de Causis prop. 15.

D. Aug. 2. N. 14 de Trin. cap. 4.

RESOLVTIO.

Angelus intelligit se ipsum per suam substantiam.

Respondeo dicendum, quod in hac questione aliquid supponitur, & aliquid queritur: supponitur enim, quod Angelus intelligat essentiam suam, & queritur de modo istius actus intelligendi ejus. Id autem, quod supponitur, rationabiliter supponitur. Nam cum Angelus sit forma separata a materia, oportet, quod sit naturæ intellectualis: sua ergo operatio est intelligere. Rursus ex eo quod Angelus est quid immateriale, non solum habemus, quod sit naturæ intellectualis, & quod ejus propria operatio sit intelligere, sed etiam habemus, quod per suam operationem est ad se conversivus: quia ut probat Proclus: omne incorporeum & omne immateriale est ad se conversivum; & e converso, omne ad se conversivum est incorporeum & immateriale. Si ergo propria operatio Angeli est intelligere, & ipse per suam operationem est ad se conversivus, oportet, quod intelligat se ipsum. Dubium ergo est de modo intelligendi: qualiter actus intelligendi, qui terminatur ad substantiam Angeli, egrediatur ab ipso Angelo? Ergo cum questio sit de actu intelligendi, & nostra cognitio incipiat a sensu, oportet, nos videre qualiter se habet actus

Proclus præpositione 28

sentiendi. Hoc ergo modo procedemus in hac quaestione: quia primo investigabimus quomodo se habeat in sensu exteriori? Secundò quomodo in sensu interiori? Tertiò ea, quæ videmus in sensu, adaptabimus ad intellectum: & per hoc patebit quomodo Angelus se intelligat per essentiam suam. Quartò ad maiorem declarationem propoliti adducemus rationes hoc probantes, quod Angelus non indigeat alia specie, ad intelligendum se ipsum, sed intelligat se per essentiam suam. Quintò & ultimò propter solutionem argumentorum, quæ facta sunt, vel quæ fieri possent, declarabimus ad quid deservit, & quare requiritur species intelligibilis ad eligendum actum intelligendi.

Primum declarandum quomodo species recepta in sensu exteriori sit ipsa sensatio.

D. Aug. P. N. 11. de Trin. cap. 2.

Propter primum sciendum, quod sensus exterior, ut visus, auditus, & quilibet alius sensus, recipit speciem ab ipso sensibili, & ipsa species recepta in sensu à sensibili est ipsa sensatio, sive est ipse actus sentiendi, ut ipsa species visibilis recepta in oculo est ipsa visio, & ipsa species, scilicet, recepta in auditu, est ipsa auditio. Quod autem sic sit, concordat dictum Augustini & Phi, & etiam ipsa ratio, quæ hoc ostendit. Augustinus

enim in 11. de Trin. cap. 2. ait: *Ipsaque visio quid aliud, quam sensus informatus ex ea re, quæ sentitur, apparet?* Sed sensus informatur specie rei sensibilis: ipsa ergo species rei visibilis impressa in oculo est visio. Illud etiam Augustinus eodem lib. & cap. ait: *Species corporis quæ videtur, & impressa ejus imago sensui quod est visio.* Hoc etiam concordat cum dictis Phi. Philo-

Phus 2. de Anima cõm. 138.

sophus enim in 2. de Anima in capitulo *De sensu communi*, vult, quod videns sit quasi coloratum. Innuit etiam ibi, quod visio sit quædam coloratio. Et in eodem cap. vult, quod idem sit auditio quod sonatio: ipsa ergo species soni impressa auditui est ipsa auditio. Nam nihil est aliud sonatio, quam species soni impressa alicui passibili: sed si idem est auditio quod sonatio, & quod species soni impressa auditui, idem erit visio quod coloratio & quod species coloris impressa visui. Hoc etiam concordat rationi: quia idem est actus sensibilis & sensus, idem erit actus coloris visibilis & ipsius visus, ut sonant verba Philosophi in illo capitulo præallegato. Cum ergo actus coloris visibilis nihil sit aliud, quam speciem coloris imprimere, & nihil sit aliud quam

colorare; actus ipsius visus nihil erit aliud, quam speciem coloris recipere, & colorari: & quia actus visus est ipsa visio, bene dictum est, quod visio est ipsa coloratio, vel est species coloris impressa visui. Actus ergo sensus exterioris nihil est aliud quam impressio facta sensui à præsentia exterioris sensibilis: sed si sic dicimus, quod credimus bene dictum. Videtur obviare communibus dictis, & etiam his, quæ nos ipsi aliquando diximus: communiter enim dicitur, quod ex specie impressa oculo causatur visio: idem autem non causat se ipsum, ipsa ergo visio non erit species informans oculum, sed erit effectus ejus. Rursus actus non videtur, quod sit idem quod forma, sed est aliquid à forma egrediens: visio ergo non est ipsa species visibilis, sed est aliquid egrediens ab hujusmodi specie. Amplius si visio esset idem, quod ipsa species impressa: ergo ubicumque esset species impressa esset ibi visio: hoc autem est falsum, quia in aëre est semper impressio speciei, non tamen est ibi visio.

Sciendum ergo, quod licet sit idem visio, quod species impressa secundum rem, ut ostendimus per Augustinum, & per Philosophum, & per rationem, non tamen est idem secundum rationem: sed impressio speciei est ex parte agentis: sed quod illa species impressa sit visio est ex parte passi. Sicut ergo idem secundum rem est actio & passio, ut probat Phus in 3. Physic. & tamen hoc non obstante, passio dicitur esse effectus actionis, ut ait Auctor sex principiorum: sic idem est realiter visio & species impressa, & tamen visio est effectus speciei: & ideo sic loquimur. Nam non quod patiens patitur, ideo agens agit: sed è converso; quia agens agit, ideo patiens patitur. Ratio ergo causa sumitur ex agente, ratio effectus ex passio: ideo passio, quæ sumitur per comparisonem ad passum, dicitur effectus actionis, quæ sumitur per comparisonem ad agens, dicitur causa actionis & effectus. In talibus ergo est quidam modus causalitatis: ut sicut idem aliter & aliter consideratum est prius se ipso, sic idem aliter & aliter consideratum habet quemdam modum causalitatis respectu sui ipsius: eadem enim res, ut est ab agente, habet quemdam modum causalitatis respectu sui ipsius, prout recipitur

Difficilis

Quomodo debet intelligi quod ex specie impressa oculo causatur visio.

In 2. sen. dist. 24. p. 1. q. 2. Ad quædam.

Nō quia patiens patitur, agens agit, sed quia agens agit, ideo patiens patitur.

tur in passio: aliud est autem loqui de aliqua materia communiter, & aliud est materiam illam specialiter pertractare. Communiter enim loquendo dicemus, quod a specie impressa oculo procedit visio, & quod illa species est causa visionis: quod ita verificatur, ac si diceretur, ab actione procedit passio, & actio est causa passionis: sed cum hanc materiam specialiter pertractamus, dicemus, quod idem est realiter species impressa & visio, sicut idem est realiter actio & passio. Quod verò postea addebatur, quod actus non est idem, quod forma; sed est aliquid à forma progrediens, ideò visio non est ipsa species, sed est aliquid à specie emanans. Dicit debet, quod omnis actio & omnis actus est aliqua forma, vel completa, vel incompleta; vel manens in agente, vel transiens in passum: nam omnis actio est aliqua perfectio, ut si est actio transiens est perfectio passi; si est actio manens est perfectio agentis, & quia perfectio non potest esse materia, nec compositum, oportet, quod omnis perfectio habeat rationem formæ: omnis ergo actio, quia est quædam perfectio, est quædam forma: visio ergo cum sit perfectio virtutis visivæ, realiter est forma existens in tali virtute.

Inquiras ergo & perquiras, non invenies in virtute visiva aliam formam, quam speciē impressam à visibili: secundum rationem ergo potest differre, & differt visio ab illa species: realiter tamen est idem quod ipsa species. Et non solum in hoc, sed universaliter & ubique semper loquendo de actione, quæ est idem, quod passio, actio & passio sunt idē quod forma impressa passio. Sic quod tertio addebatur, quod si idem esset visio, quod species illa impressa, tunc in aere esset visio, quia est ibi impressio speciei: de levi solvitur: nam quod talis impressio sit visio in oculo, non in aere, sumenda est ratio ex parte passi. Similiter enim imprimatur species soni in aere exteriori, & in aere, qui est ædificatus in auribus nostris, & qui est nobis connaturalis: & tamen impressio soni in aere exteriori sic est sonatio, quod non est auditio: quia non est ibi virtus auditiva percipiens impressionē illam: sed impressio soni facta in aure, vel in aere nobis connaturali est sonatio & auditio: quia est ibi virtus auditiva percipiens impressionem illam.

Sic etiam hoc videmus in tactu: quod homo stans longe ab igne calefit ab eo, & sentit calorem ejus: ille ergo calor non pervenit ad te, nisi mediante aere: oportet igitur, quod aer eodem modo immutetur sicut immutaris & tu; & tamen aer ille non sentit immutationem illam: immutatio ergo illa in aere sic erit impressio speciei, quod non erit sensatio aliqua: sed in actu ipsa impressio speciei informans sensum erit ipsa sensatio sensus. Dicamus ergo, quod calor immutat aërem & tactum: color immutat aërem & oculum, & quia tactus immutatus sentit, & oculus immutatus sentit: aer autem immutatus non sentit, ideò immutatio oculi sic est sensatio, & impressio speciei in oculo sic est idem, quod visio: quod immutatio aeris non est sensatio, & ex impressione speciei in aere non fit sensus: & quod dictum est de visu, intelligendum est de tactu & de quolibet sensu. Si igitur possemus ita declarare, & videre perfectiones & immutationes rerum, & etiam ipsas res immutatas, sicut viderent intelligentiæ, videremus quod in immutatione aeris est aer immutatus, & est species impressa: & quia aer immutat, & passum nihil habet plus quam haberet ante immutationem, nisi speciem impressam: & sensibile immutans nihil plus facit, nisi quia imprimit speciem: cum ergo sit ibi actio & passio, & tamen nihil cernitur ibi aliud, nisi quia imprimatur species, oportet, quod actio & passio idē sit realiter species impressa. In immutatione ergo aeris videremus duo aerē immutatū, & speciē impressā: sed in immutatione oculi videremus tria, videlicet, oculum immutatum, virtutē quamdam visivam perficientem oculum, & speciem impressam oculo habenti talem virtutem. Quid ergo habet amplius oculus immutatus quam ante immutationē? Non virtutem visivam, quia illam habebat prius; sed solam impressionem speciei. Sicut ergo quia in aere immutato erat actio & passio, & tamen nihil erat ibi plus realiter quam species impressa, ideò arguemus, quod nihil esset realiter aliud actio & passio, quam ipsa species. Sic quia in oculo immutato actio sensibilis, & passio sensus, & visio; tamen quia nulla res alia est in oculo post immutationem quam ante, nisi sola species sensibilis impressa, oportet, quod actio sensibilis,

Actio sensibili-
lis, passio sensu-
sus, & visio
sunt idē rea-
liter, quod
species im-
pressa sen-
sui.

D. Aug. P.
N. 11. de
Trin. cap. 2.

bilis, & passio sensus, & visio sit realiter
idem, quod illa species. Iudicat ergo
oculus de visibili per speciem impressam,
de quo non iudicat aër: non quia visibi-
le aliud imprimit in oculo, & aliud in
aëre; sed illa immutatio, quæ in aëre nō
est visio, quia non est ibi virtus visiva, in
oculo est visio propter virtutem visivam
ibi existentē. Ideo Augustinus ait: 11. de
Trin. cap. 2. *Visio gignitur ex visibili & viden-
te.* Quod sic verificatur: nam idē est visio,
quod species impressa, vel quod impres-
sio speciei. Sed quod talis impressio di-
catur visio, hoc nō solū est ex visibili, sed
etiā ex vidēte, ut quia impressio illa reci-
pitur in passio tali, ut in vidēte; si enim re-
ciperetur in passio alio non vidente, ut in
aëre, jam non esset visio. Magnam digres-
sionem fecimus à proposito plus, quā
questio tacta requirat: tamen quia bonū
est scire quid est actus, ipsius sensus, dilata-
vimus nos in assumpta materia. Ad ques-
tionē autem præsentem tantū scire suf-
ficiat, quod actus sensus exterioris est spe-
cies impressa, vel impressio speciei facta
in sensu ad præsentiam ipsius sensibi-
lis.

Secundū de-
clarandum
quid sit actus
sensus inte-
rioris.

Viso quid sit actus sensus exterioris,
quod dicebatur primò declarandum, re-
stat videre quid sit actus sensus interioris,
quod proponebatur secundò declaran-
dum. Sciendum ergo, quod imaginatio,
vel phantasia, vel extimativa (quam quidā
appellant cogitativam sensibilem) sensus
interior dici potest. Vtrū autē omnia ista
sint una virtus, vel plures virtutes, non est
præsentis speculationis: experimur enim
in nobis, quod sensus particularis exterior
iudicat de objecto suo: tamē nō directē
iudicat de actu: nec iudicat de differentiā
objecti sui ad alia objecta, ut oculus non
iudicat differentiā coloris à sapore. Sed
sensus communis plus habet, quia non
solū iudicat de objectis exterioribus,
sed etiam iudicat differentias omnium
illorum objectorum, & etiam iudicat de
actibus ipsorum sensuum: tamen nihil
deficit, quia non potest sentire nec esse
in actu suo, nisi præsentibus sensibilibus:
imaginatio autem, quæ est sensus interior
plus habet, quia est in actu suo abeunti-
bus sensibilibus. Experimur etiam in no-
bis ulteriorem interiorem sensum, qui
non solū est in actu suo abeuntibus sen-
sibilibus, sed componit unam speciem
sensibilem cum alia: ut quia vidimus

montem, & vidimus aurum, non præ-
sente monte, nec præsentē auro, fingi-
mus in nobis montem aureum, licet nū-
quam vidimus aureum montem. Virtus
autem, quæ hoc facit, vocata est phanta-
sia. Dicunt enim quidam non eandē ef-
se cum imaginatione. Quidā verò aiunt,
quod est una & eadem virtus habens di-
versa officia. Ultra etiam hoc est in nobis
cogitativa, sensitiva, vel extimativa, quæ
non solū apprehendit species sensibi-
les, sed etiam intentiones sensibilibus: ap-
prehendit enim quid amicabile, & quid
inimicabile. Vtrum enim omnia ista sint
una virtus, non refert ad præsens; suffi-
ciat enim nunc scire, quod est aliquis
sensus interior, qui est in actu absentibus
sensibilibus; unde & Phus in 2. de Ani. in Phus 1. de
cap. de sensu cōmuni ait: *Abeuntibus sensibili-
bus insunt sensus & phantasia.* Quod expo-
nendū est de sensu interiori. Igitur quia
sensus interior potest esse in actu absente
sensibili, oportet, quod sit ibi aliud loco
sensibilis: quia nunquam sensus sit aliquid
in actu, nisi per aliquid impressum à sen-
sibili: & quia sensibile non est ibi præsens
per se ipsum, oportet, quod sit ibi per
suam speciem: & ideò ponimus memo-
riam in parte sensitiva, quæ est thesau-
rus specierum sensibilibus, à quibus sit
impressio in ipso sensu interiori. Dice-
mus ergo, quod sicut se habent res sensi-
biles extrā ad sensum exteriorem, sic se
habēt ad sensum interiorē: sicut ergo ni-
hil est aliud actus sensus exterioris nisi spe-
cies impressa vel impressio speciei facta
ad præsentiam sensibilibus in sensu exteriori,
sic nihil est aliud actus sensus interioris,
nisi impressio quædā facta ad præsentiam
sensibilis in memoria existentis. Et ista est
sententia Augusti. 11. de Trin. cap. 9. qui
vult, quod ita se habeat memoria ad acie
cogitantis, sicut se habet corpus existēs
in loco ad ipsum sensum exteriorem.
Ad actum ergo sentiendi, si est sensibile
præsens, non requiritur alia species nisi
illa, quæ est ipsa sensatio, vel quæ est ipse
actus ipsius sensus; sed si non est sensibi-
le præsens, requiritur species aliqua, quæ
suppleat vicem præsentiae sensibilis: sic er-
go est in sensu, quod quando est præsens
sensibile ad hoc, quod fiat sensus in actu,
nō requiritur alia species præter illam,
quæ est ipse actus, ut apparet in sensu ex-
teriori: quando autem non est præsens
sensibile; præter ipsum actum sentiendi
requi-

D. Aug.
P. N. de
Trin. cap. 9.

requiritur aliqua species, quæ suppleat vicem præsentia sensibilibus, à qua causetur talis actus, ut apparet in sensu interiori, qui, absente sensibili, non fit in actu nisi per speciem existentem in memoria.

Ostēso quomodo se habeat ad actū sensus exterior, & quomodo sensus interior, possumus omnia ista adaptare ad intellectum: & si dubium habebit in intellectu nostro, non habebit dubium in intellectu Angelico, de quo est quæstio nostra. Sed ante quā hāc adaptationē faciamus; ponamus aliquod sensibile præsens: hīc etiā ponimus, quod intellectus est ad se conversivus, quātū enim spectat ad propositum, possumus hoc ponere. Hoc ergo posito, si quereretur, quomodo sensus cognoscat sensibile? Pater, quod sufficit sola præsentia sensibilibus ad hoc, quod fiat sensus in actu, nec requiritur ibi alia species nisi illa, quæ est ipse actus sentiendi, vel quæ est ipsa visio. His itaque prælibatis dicemus, quod intellectus quātū ad aliquem actum assimilatur sensui exteriori, qui fit in actu ad solam præsentiam sensibilibus. Quantum verò ad aliquē actum assimilatur sensui interiori, qui cū fiat in actu absente sensibili, oportet, quod sit ibi aliqua species supplens vicem præsentia sensibilibus: quæ species ita se habet ad actum sensus interioris, sicut ipsum sensibile præsens se habet ad actū sensus exterioris. Nam intellectus aliqua objecta habet quasi præsentia, ut se ipsū, & ea, quæ sunt, in ipso; aliqua verò quasi absentia, ut ea quæ sunt extra ipsum: in cognitione ergo objectorū præsentium se habet quasi sensus exterior, qui cognoscit præsentem sensibilem. In tali ergo actu intellectus non indiget alia specie, sed sufficit ipsa præsentia ipsius intelligibilis ad hoc, quod causetur actus intelligendi in ipso intellectu. Hoc autem planè vult August. de anima nostra & de his quæ sunt in ea. Nam 14. de Trin. cap. 4. vult, quod anima se cognoscit, quia sibi est præsens: & eodem lib. cap. 3. vult, quod ita se habeant ea, quæ sunt in memoria constituta, ad ipsam intelligentiam, sicut se habet corpus in loco ad ipsum sensum. Sicut ergo ad solam præsentiam corporis causatur in nobis actus sentiendi, nec indigemus alia specie, ex quo est ipsum corpus præsens, sicut videtur sonare verba August. ita ad solam præsentiam substantia à se, & eorum, quæ sunt in ip-

sa, causatur in nobis actus intelligendi, quo anima intelligit se, & ea quæ sunt in ipsa.

Advertendum tamen, quod cū dicimus, quod in sensu exteriori, ut in visu, sufficit præsentia corporis, nec requiritur alia species, non intelligimus, quod corpus ipsum non imprimat suam speciem in oculo; sed illa species impressa est idem, quod actus videndi, & idem quod visio. Sic etiam secundum August. ab ipsa substantia animæ, & ab his, quæ sunt in anima, causatur aliquid in ipso intellectu, quod est idem quod actus intelligendi: ergo quando dicimus, quod quando est præsentia rei intelligibilis, nō requiritur ibi alia species, intelligimus de specie, quæ sit differens ab actu. Et si dubiū habent, quæ dicta sunt, in ipsa anima nostra: propter hoc quod intellectus noster est potentia pura in genere intelligibiliū, non habent dubium in ipso Angelo, qui est quid actu in tali genere: ipsa ergo natura Angelica, quæ est actu intelligibilis, ex quo est præsens suo intellectui, non requirit ibi aliam speciem, sed ad solam præsentiam talis intelligibilis causatur in ipso intellectu angelico actus intelligendi, quo intelligit se ipsum & substantiam suam: actus ergo intelligendi, quo Angelus intelligit se, & ea quæ sunt in eo, assimilatur actui sensus exterioris, qui fit ad solā præsentiam objecti: sed actus intelligendi ejus, quo intelligit quæ sunt extra ipsam, assimilatur actui sensus interioris. Sicut enim sensus interior quando sentit absentibus sensibilibus, oportet, quod habeat species illorū sensibiliū in memoria, quæ suppleat vices præsentia sensibilibus: sic & ipse intellectus angelicus, quādo intelligit alia à se, quæ nec sunt id quod ipse, nec sunt in ipso, oportet, quod habeat illorū species supplentes vicem præsentia ipsorum. Cū ergo Angelus intelligit alia objecta extrinseca sunt ibi tria, videlicet, potentia intellectiva, species intelligibilis, & actus intelligendi causatus à specie supplente vicem objecti, ut quia objectum illud non potest ibi esse præsens per se ipsum, nec per se ipsum potest causare actū intelligēdi, est ibi præsens per suam speciem, & per huiusmodi speciem causat huiusmodi actum. Si ergo angelus desineret actu intelligere tale objectum, non essent ibi nisi duo, videlicet, species intelligibilis, & potentia intel-

intellectiva. Et sicut cum Angelus intelligit alia objecta extrinseca, sunt ibi tria, præsentia speciei intelligibilis supplens vicem præsentia objecti; potentia intellectiva, & actus intelligendi. Sic cum intelligit substantiam suam, sunt ibi tria, non quod ibi sit præsentia speciei intelligibilis supplens vicem præsentia objecti: nam cum ibi sit ipsum objectum præsens, non requiritur ibi aliquid, quod suppleat vicem præsentia ejus: erit ergo ibi ipsa præsentia objecti, sive ipsa substantia Angeli, quæ est præsens, potentia intellectiva, & actus intelligendi causatus in ipso intellectu à præsentia objecti, vel à substantia Angeli ibi præsentia. Si ergo esset possibile, quod Angelus aliquando desineret intelligere se ipsum, sicut desinit intelligere alia: sicut desinente actu intelligendi alia, non sunt ibi nisi duo, videlicet, species intelligibilis, & potentia intellectiva, sic desinente actu intelligendi se ipsum, non essent ibi nisi duo, videlicet, substantia sua, & potentia intellectiva: non ergo per aliam speciem intelligibilem differentem ab actu intelligendi, sed per substantiam suam se ipsum intelligit.

Rationes,
quibus robo-
ratur conclu-
sio.

Auctor de
causis prop.
13.

Prima via.

Declarato quomodo se habet actus in sensu exteriori, & quomodo in interiori, & adaptatis omnibus his ad intellectum vel ad actum intelligendi, & declarato per hoc, quomodo Angelus non per aliam speciem intelligibilem, sed per suam substantiam se ipsum intelligat. Ad maiorem declarationem propositi volumus ad hanc partem, & ad hanc veritatem declarandam adducere aliquas rationes. Ostendemus enim triplici via sic esse, quam triplicem aliquo modo innuit Auctor de causis in propositione 13. videlicet, in propositione illa: *Omnis intelligentia intelligit essentiam suam*. Prima via sumitur ex parte eorum, quæ recipiuntur in ipso Angelo. Secunda ex parte naturæ ejus. Tertia ex parte actus intelligendi se ipsum. Prima via sic patet. Nam omne, quod recipitur in aliquo, recipitur per modum rei recipientis: cum ergo ipse Angelus sit naturæ intellectualis, quidquid recipitur in eo, recipitur ibi modo intelligibili: ipsa ergo natura angelica recepta in Angelo est ibi modo intelligibili: ergo intelligitur per se ipsam: quia si non intelligeretur per se ipsam, non esset ibi modo intelligibili; sed indigeret aliquo alio, quo fieret intelligibilis. Hæc autem ratio potest aliquo modo haberi ex

eo, quod dicitur in commentò de causis super propositione præfata: ubi sic dicitur: *Intelligentia intelligit essentiam suam, & reliquas res, quæ sunt in ea, quia sunt ibi modo intelligibili*: species ergo intelligibiles, quia sunt in Angelo modo intelligibili, non intelligit Angelus alias species, sicut etiam suam substantiam quia est in Angelo modo intelligibili, non intelligit Angelus per aliam speciem.

Secunda via ad hoc idem sumitur ex ipsa natura Angeli. Vnde Auctor de causis volens assignare modum, quo Angelus intelligat essentiam suam, ait, quod ibi sunt simul intellectus, & intellectum. Phus autem in 3. de Anima magis expresse loquitur in hac materia dicens: *his quidem enim, quæ sunt sine materia, idem est quod intelligit, & quod intelligitur*; in rebus enim materialibus aliud est quod intelligitur, & aliud intellectus earum, ut aliud est leo, aliud intellectus leonis. Leo enim est ipsa res extra, sed intellectus leonis est idem, quod est in intellectu nostro, quo leonem intelligimus. Leo ergo, quia non potest per se ipsum esse in intellectu nostro, non est suus intellectus, nec est intelligibilis per se ipsum; sed habet aliquid aliud in intellectu nostro, quo mediante, intelligitur, quod dicitur intellectus ejus: sed si leo posset per se ipsum esse in anima nostra, per se ipsum intelligeretur, & ipse esset suus intellectus, id est, sui ratio intelligendi. Hoc est ergo quod Phus ait in 3. de Anima. *Necesse est autem vel ipsa (id est, ipsas res) esse in anima nostra vel species earum, at ipsa quidem, nequaquam: non enim lapis in anima est, sed species lapidis*. Tota ergo causa, quare res istæ sensibiles intelliguntur à nobis per suas species, est, quia ipsæ per se ipsas non possunt esse in anima nostra, nec possunt esse præsentia intellectui nostro: ex hoc ergo statim habetur intentum, quia cum ipsa substantia angelica per se ipsam sit præsens ipsi intellectui angelico, non oportet, quod sit ibi alia species: sic ergo patet verum esse quod diximus, veritatem, ut prosequamur verba Auctoris de causis, qui non ait, quod ibi sit intellectus, & intellectum, sed *quia intellectus, & intellectum sunt simul*. Dicere possumus; quod aliquid boni latere potest in his verbis, ut dicamus, quod in solo Deo natura sua est idem cum suo intellectu, in Angelis vero simul: nam illa sunt eadem, quæ

Auctor
causis

quæ universaliter sunt talia, & ubique sunt talia: in Deo enim est intellectus, & intellectum: quia nihil intelligit Deus tanquam objectum principale, quod non sit suus intellectus, & ideo per se & primo solum intelligit se ipsum per se ipsum. Rursus a quocunque intelligitur Deus, intelligitur per se ipsum; Angelus autem utroque deficit: nam non quidquid intelligit Angelus, tanquam objectum principale, intelligit, nec per se ipsum: nam Angelus alia à se ipso, quæ non sunt in ipso, non intelligit per se ipsum, sed per species eorum. Rursus cum Angelus intelligitur ab alio, quam à se ipso, non intelligitur per se ipsum, sed per aliquid aliud: natura ergo Angeli, si esset idem quod intellectus suus, vel si esset idem quod sua ratio intelligendi, à quocumque intelligeretur, intelligeretur per se ipsum: cum ergo non sit verum, sed solum in ipso Deo congregentur ista duo, quod natura sua est suus intellectus, aliquid boni latet in his verbis, ut dicamus, quod cum Angelus intelligit se ipsum, tunc in eo hæc duo sunt simul, intellectus & intellectum: quia tunc ipsum intellectum sive ipsa substantia Angeli, quæ intelligitur, est ipsum intellectum. Cum ergo dicitur, quod Angelus intelligit se ipsum, quia in eo sunt simul intellectus & intellectum, & non dicitur quod sint idem, datur intelligi, quod Angelus intelligendo se ipsum, deficit ab illa identitate & simplicitate Dei: ergo ex ipsa natura Angelica, quæ non simpliciter, sed ut est in ipso Angelo, est suus intellectus & sua ratio intelligendi, patet, quod ipse Angelus suam intelligit substantiam per suam substantiam.

Tertia via ad hoc idem sumitur ex ipso actu intelligendi. Nam in commento illius propositionis, ut dicitur, quando Angelus intelligit per intelligentiam suam, sic intelligit essentiam suam (loquendo enim de intelligere naturali nihil potest intelligere Angelus, nisi intelligat se ipsum, & nisi intelligat essentiam suam) sed constat, quod illud quod est ratio, quare alia sint talia, illud est per se ipsum tale: postquam ergo actus intelligendi se ipsum est ratio in ipso, quare intelligat alia; actus intelligendi se ipsum, oportet, quod cooperat ei per se ipsam. Quomodo autem actus intelligendi se ipsum in Angelo sit ratio, quod intelligat alia, Deo dante, in sequentibus questionibus apparebit. Vtrum

autem Auctor de causis sic profundè intellexerit quæ dicta sunt de intellectu angelico, non refert. Sufficit autem vera esse quæ dicta sunt.

His autem omnibus expeditis restat exequi de quinto, videlicet, ad quid deserviat species intelligibilis existens in intellectu: & quare oporteat talem speciem ponere: sed hoc ex habitis est quodam modo declaratum: non enim oportet, in intellectu ponere præsentiam speciei intelligibilis, nisi ut suppleat vicem præsentiae objecti: quod ergo illa species informet ipsum intellectum, vel non informet, hoc accidit: per se enim est, quod ab ipso objecto intelligibili causetur actus intelligendi in ipso intellectu, sed cum objectum illud non potest esse præsens per se ipsum, oportet, quod sit ibi per suam speciem. Hoc est ergo quod Philosophus ait: quod oportet, vel ipsa, id est, ipsas res vel earum species esse in anima ut supra tetigimus. Quod ergo species illa informet intellectum, hoc est, quia non potest habere esse per se ipsam: ideo oportet inhaerere alteri; tamē quantum ad actum intelligendi non plus facit præsentia speciei, nisi quod supplet vicem objecti. Ex hoc autem patere potest, quomodo Deus intelligitur à beatis per essentiam suam: non enim hoc est, quod ipsa essentia sit forma inhaerens alicui intellectui creato: sed quia ipsa per essentiam suam sive per se ipsam est præsens intellectui beatorum, non requiritur ibi species alia, quæ suppleat vicem præsentiae ejus. Ex hoc etiam patet quomodo Angelus intelligit se ipsum per suam essentiam: non enim oportet (proprie loquendo) quod ipsa essentia Angeli informet intellectum angelicum, sed quia ipsa per se ipsam est præsens tali intellectui, ideo non requiritur ibi species alia, quæ suppleat vicem præsentiae ejus.

Respondeo ad arg. Ad 1. dicendum, quod in anima nostra non sunt simul intellectus & intellectum eo modo, quo sunt in Angelo. Nam substantia Angeli est actu in genere intelligibilem: & ideo essentia ejus non solum est idem, quod intellectum, sed etiam est suus intellectus, id est, sua ratio intelligendi: habet enim essentia Angeli, quod possit intelligi ab ipso Angelo per se ipsum. Sed intellectus noster est secundum Commētorē, potentia pura in genere intelligibilem, sicut

Quintō & ultimō de: la randum, ad quid deserviat species intelligibilis existens in intellectu.

Quātum ad actum intelligendi species solum supplet objecti præsentiam.

sicut materia prima in genere entium: ideo non habet, quod possit intelligi per se ipsum: habet enim anima nostra in se intellectum, id est, potentiam intellectivam per quam intelligit alia & se; sed ipsa non est suus intellectus, nec sunt in ea simul intellectum & intellectus, ut hic de intellectu loquimur: quia ipsa non est sua ratio intelligendi, nec secundum se est aliquid actu in genere intelligibilem. Ad 2. dicendum, quod cum dicimus, quod intelligentia intelligit se per essentiam suam, nec intendimus inde excludere nec potentiam nec operationem; sed solum speciem intelligibilem. Intelligentia ergo intelligit se per intellectum suum tanquam per potentiam intellectivam, & per intelligentiam suam tanquam per operationem intelligibilem, & per essentiam suam tanquam per id, à quo fluit ipsum intelligere: ipsa ergo essentia, cum Angelus intelligit se, habet se, sicut species cum intelligit alia. Ad 3. dicendum, quod licet Angelus superior sit magis in actu quam inferior; tamen quia non potest illabi Angelo inferiori, nec esse simul cum essentia ejus, ideo non potest intelligi ab eo per essentiam suam: oportet ergo, quod sit ibi species, quæ suppleat vicem ipsius essentiae: Angelus ergo intelligit se ipsum per essentiam, sed quæcunque alium Angelum sive superiorem sive inferiorem intelligit per speciem: nam cum nullus Angelus possit esse in alio per essentiam, oportet, quod sit ibi per speciem, per quam intelligatur. Ad 4. dicendum, quod actio conformatur ei, quod est ratio agendi: sed tamen ista conformitas non oportet, quod semper sit in identitate naturæ, quia aliquando ratione suscipiunt id, quod recipitur in aliquo, degenerat ab eo, à quo recipitur. Ut impressio recepta in aëre à colore non est color realiter, nec est color, qui sit per se in genere quantitatis, sed solum est intentio coloris. Sic & in proposito, cum Angelus intelligit essentiam suam, ab ipsa essentia sua fit motus quidam in ipso intellectu angelico, qui est ipse actus intelligendi, aliquam conformitatem habet ad ipsam substantiam: quia oportet, quod actus conformetur objecto; ista tamen conformitas non est in identitate naturæ. Nam cum huiusmodi actus recipiatur, & sit, ut in subiecto, in ipsa potentia intellectiva, quæ est accidens, impossibile est, quod actus talis sit substantia: quia accidens non po-

test esse subiectum substantiæ: ex ipso ergo suscipi patet, quod actus, qui derivatur à substantia, degenerat à ratione substantiæ, ut substantia esse non possit; sed si esset aliquod intelligens, quod intelligeret se per substantiam suam; ita tamen, quod illud intelligere non esset receptum in aliquo accidere, oporteret, quod tale intelligere esset ei essentiale, & esset ejus substantia. Sed hoc est in solo Deo, in quo secundum Augustinum 5. de Trin. nihil est per accides. Ad 5. dicendum, quod in omni, quod est citra Deum differt quod agit, & quo agit: quia in omni tali substantia differt substantia, virtus, & operatio: sed propter hoc non habetur, quod virtus & operatio non fluant à substantia. In omni ergo, quod est citra Primum, differt quod agit, id est, substantia, & quo agit, id est, virtus: & in ipso Angelo differt sua substantia, & sua potentia intellectiva: Angelus ergo agit actum intelligendi se ipsum per aliquid differens à sua substantia; sed non per aliquid differens tanquam per speciem, sed per aliquid differens tanquam per potentiam & virtutem. Ad 6. dicendum, quod non sic habere essentiam actu intelligibilem est intelligere, sicut habere calorem est calere. Nam calor & calere sunt idem per essentiam, quia unum est idem realiter quod aliud: sed essentia intelligibilis, & ipsum intelligere non sunt idem per essentiam, quod unum sit idem quod aliud; sed sunt idem per concomitantiam, quia unum vel potest concomitari aliud, quia unum est ratio alterius, vel unum causatur ex alio. Ad 7. dicendum, quod species intelligibilis non est proprie organum potentiae, sed, ut patet ex solutione principali, supplet vicem objecti in causando motionem: & actum intelligendi in ipsa potentia. Cum ergo ipsa essentia Angeli sit præsens suo intellectui, non oportet, quod sit ibi aliqua species, quæ suppleat vicem ejus. Ad 8. dicendum, quod aliqui concedunt, quod ipsa essentia Angeli, ut intelligitur ab Angelis, se habet ut informans intellectum ipsius; sed (ut patet) hoc non oportet. Nam species intelligibilis per se non requiritur ad actum intelligendi, nisi ut suppleat vicem objecti: verum quia huiusmodi species non potest ei esse per se existens, oportet, quod sit ibi, ut ei inherens intellectui, & ut perficiens ipsum, tamen si ipsum objectum intelligibile per se ipsum

ipsum esset præsens intellectui, causaret actum ipsum intelligendi absque eo, quod informaret ipsum. Sic quia essentia Angeli est præsens suo intellectui, causabit in eo actum intelligendi per se ipsam absque eo, quod sit forma inhærens. Ad 9. dicendum, quod sicut ipsa visio, sive ipse actus videndi est quædam perfectio, & per consequens est quædam species, & forma inhærens oculo, & perficiens ipsum: sic ipse actus intelligendi est quædam perfectio, & per consequens est quædam species, & quædam forma inhærens intellectui, & perficiens ipsum. Sed cum querimus: utrum Angelus intelligat se per speciem, qua sit alia a substantia sua? Non loquimur de specie, quæ est idem quod actus differens a substantia, sed specie à qua causatur actus. In Angelo enim intelligente se ipsum est actus differens a substantia, sed huiusmodi actus non causatur à specie, sed ab ipsa substantia. Cum ergo Angelus intelligit alia à se, ille actus causatur à substantia mediante potentia intellectiva, & mediante specie intelligibili; sed cum intelligit se ipsum, huiusmodi actus causatur à substantia, mediante potentia, in potentiam, non per aliam speciem. Ad 10. dicendum, quod Angelus semper intelligit se ipsum; nec tamē propter hoc sequitur, quod non possit intelligere alia à se: sed in questionibus sequentibus, cum quaeremus, utrum possit intelligere plura simul? Hoc ostendetur clarius.

QVÆSTIO II.

Utrum Angelus intelligat alia à se per essentiam suam?



SECUNDO queritur: utrum Angelus intelligat alia à se per essentiam suam? Et videtur, quod sic: quia Intelligentia scit quod est sub se, quoniam est causa ei, &

scit quod est supra se, quoniam acquirit bonitates ab eo. Ut dicitur in 8. propositione de causis: ergo intelligentia intelligit quod est sub se, & quod est supra se per modum causæ & causati: sed cum per

B. Aegid. Colum. Rom.

essentiam suam sit causata & producta, & cum ipsa essentia sua agat & causet, per essentiam suam intelliget alia à se tam superiora, quàm inferiora. Præterea: ut dicitur in comm. 1. 1. propositionis de In comm. causis. Intelligentia intelligit res per esse prop. 11. de causis. suum. Sed cum ipsum esse vel sit ipsa substantia (si loquitur de esse essentia) vel sit aliquid immediatè fluens à substantia, si loquitur de esse existentia, oportet, quod intelligentia intelligat res non per species, sed per substantiam. Præterea: secundum Dionys. 1. de Div. nom. Incomprehensibilia sunt intelligibilia à sensibilibus. Et in lib. de Causis dicitur, quod intelligentia est infinita ad inferius, sed tota causa quare intelligentia per essentiam non potest intelligere se & alia, ut communiter dicitur, quia est finita & limitata: & ideo non possunt in ea relucere omnia alia: cum ergo ipsa sit infinita ad inferius, & non possit comprehendere à sensibilibus, saltem omnia inferiora & omnia sensibilia poterunt relucere in ipsa: ergo poterit omnia talia intelligere per essentiam suam. Præterea: plus convenit substantia cum substantia alia à se, non per essentiam suam, sed per aliquid superadditum, vel per aliquid inhærens (quidquid sit illud sive habitus, sive species) intelliget ergo substantias alias à se per aliquod accidens: sed si potest per accides intelligere substantiam, multo magis hoc poterit per substantiam suam: frustra ergo ponitur tale. Præterea: secundum Augustinum, res sunt in Verbo, in se ipsis, & in mente angelica, sed medium debet sapere modum extremorum: cum ergo res sint in Verbo per substantiam Verbi, quia secundum Anselm. creatura in Creatore non est aliud, quàm creatrix essentia. In se ipsis autem sunt per substantiam suam, ergo & in angelo erunt per substantiam Angeli. Dicere enim, quod res sint in Verbo substantialiter, & in se ipsis substantialiter, in Angelo autem accidentaliter, est dicere, quod medium discrepat ab extremis: erunt ergo res in Angelo per substantiam Angeli, & per consequens cognoscantur ab eo per substantiam ejus. Præterea: Angelus cognoscens naturam suam cognoscit in eo quod ens: sed qui cognoscit calidum in eo, quod calidum, cognoscit calidum in qualibet materia: ergo Angelus cognoscendo se primum, cognoscit ens in eo quod ens:

D. Dionys. 1. de Div. nom. In lib. de causis.

D. August. super Gen. lib. 5. cap. 14. & 6. cap. 13.

D. Anselm. Monologion. 8.

D. scit quod est supra se, quoniam acquirit bonitates ab eo. Ut dicitur in 8. propositione de causis: ergo intelligentia intelligit quod est sub se, & quod est supra se per modum causæ & causati: sed cum per

& per consequens cognoscit naturam entitatis in qualibet re. Præterea intelligere est per assimilationem: Angelus ergo non potest intelligere alia nisi per assimilationem, & nisi habeat naturam similem alijs, non potest per suam substantiam cognoscere alia, ergo &c. Præterea: si species intelligibilis per se existens, illa species intelligeret, & per se ipsam cognosceret se & aliud: non est igitur contra naturam creaturæ, quod per se ipsam & per essentiam suam possit cognoscere se, & aliud: poterit ergo hoc Angelus, & non erit hoc contra naturam ejus. Præterea: si Angelus intelligeret alia à se per speciem, cum ipsa species sit aliud ab Angelo, intelligeret illam speciem per aliam speciem: vel si ponatur esse habitus connaturalis illud, per quod intelligit Angelus, intelligeret habitum illum per alium habitum: & quia esset abire in infinitam, standum est in primis. Dicendum est ergo, quod non per habitum, nec per speciem, nec per aliquid superadditum essentia, sed per se ipsum intelligit alia.

In contrarium est, quod Angelus per suam essentiam non est aliorum exemplar & similitudo, quia hoc competit soli Deo: erit ergo hoc per aliquid additum essentia, oportet igitur aliquid superaddi ipsi Angelo, vel habitum connaturalem, vel species ad hoc, quod possit alia à se cognoscere, ut possit alijs assimilari. Præterea: in commento nonæ propositionis de causis dicitur: *Intelligentia habet suum hyleachim*, id est, *suum materiale*. Sed quod habet materiam aut materiale, non potest esse forma expressiva aliorum: intelligentia ergo per suam essentiam non poterit alia repræsentare.

Prop. 9. de
causis.

RESOLVTIO.

Alia à se Angelus cognoscere non valet per essentiam suam: hoc enim proprium est solius Dei.

Respond. dicendum, quod ne laboremus in æquivoco, volumus exponere nos ipsos, quid intelligimus, cum dicimus, quod intelligentia cognoscit alia à se per speciem. Cum enim loquimur de

his, quæ sunt alia ab intelligentia, loquimur de illis alijs, quæ nec sunt essentia in intelligentia, nec in essentia ejus: nam essentia intelligentia, vel ea quæ sunt in essentia ejus, non cognoscuntur per aliam speciem: sed quia ipsa per se ipsa sunt præsentia intellectui Angelico, consequens est, quod per ipsa possint facere motum in ipso intellectu Angelico, & causare actum intelligendi in mente Angeli, ut intelligitur in hujusmodi intellectu: species ergo intelligibilis in mente Angeli non intelligitur per aliam speciem. Et qui poneret, quod Angelus non intelligeret per speciem vel per habitum, diceret, quod hujusmodi habitus non intelligitur per habitum. Quæstio ergo nostra est de his, quæ sunt alia ab intelligentia, quæ nec sunt ipsa, nec in ipsa, ut non intelligat ea per essentiam suam, vel per aliquid aliud inherens. Nam ipsam essentiam & ea, quæ sunt in essentia, non solum non intelligit per alias species, sed etiam per suam substantiam potest omnia talia intelligere: nam Angelus non intelligit componendo, & dividendo, sed intellectu subiecto, intelligit ea, quæ sunt in subiecto: ergo intellecta essentia potest intelligere ea, quæ sunt in essentia: cum ergo ipsam essentiam intelligat per se ipsam, & ea, quæ sunt in essentia, per suam essentiam intelligere poterit: non tamen habebit ita plenam cognitionem de his, quæ sunt in essentia, intelligendo ea per essentiam suam, sicut si intelligeret ea, convertendo se specialiter super illa, ita quod illa per se ipsa facerent motum in intellectu ejus. Sed quia de talibus non intendimus quæstionem movere, sed de his quæ sic sunt alia ab Angelo, quæ nec sunt ipse, nec in ipso: ideo ad hanc quæstionem propositam respondemus: quod talia non potest Angelus cognoscere per essentiam suam. Solus enim Deus hoc habet, quod cognoscendo essentiam suam, cognoscit omnia, quia sua essentia est similitudo omnium: nulla autem creatura hoc habere potest, quod ipsa per essentiam suam sit formalis expressio rerum. Quod autem sic sit, posuimus dupliciter ostendere, ostensivè, & ducendo ad impossibile: ostensivè autem sic ostendemus triplici via, quarum prima sumetur ex ipso modo factionis rerum. Secunda autem ex rebus factis. Tertia verò ex modo intelligendi Angelico.

Nō est quæ-
stio de
essentia An-
geli, nec de
eis, quæ sunt
in ejus essentia.

Dupliciter
re-
ostenditur
conclusio.

Propter primum notandum, quod de modo factionis rerum, & de modo generationis in istis inferioribus aliter visus est loqui Aristoteles, & aliter Plato. Aristoteles enim ubi tractat in 1. Phys. de principiis rerum generabilium, Posuit unitatem ex parte materiæ & pluralitatem ex parte formæ. Dixit enim eandem materiam successivè esse subjectam formis contrariis: ideò secundum eum erat generatio & corruptio in rebus. Et quia una forma contraria habet rationem privationis respectu alterius, ideò, principia generabilium dixit esse tria, materiā, formam, & privationē. Plato autem, ut idem Aristoteles in eodem primo Physic. imponit ei, posuit unitatem ex parte formæ, id est, ex parte ideæ; pluralitatem verò ex parte materiæ, sive ex parte recipiētium impressiones ab idea factas. Posuit enim Plato quatuor ordines rerum: in infimo enim gradu posuit corpora, supra corpora animas, supra animas intelligentias, supra intelligentias ideas: ipsæ ergo supremū gradū tenētes imprimebant similitudines suas in intelligentijs, animabus, & corporibus: ita tamen quod intelligentiæ recipiebant illas similitudines magis universaliter, animæ minus universaliter, corpora omnino particulariter, & sensibiliter: & quia eadem idea imprimebat similitudinem suā in intelligentijs, animabus, & corporibus: propter unitatem imprimentis, & pluralitatem recipientium posuit unitatem ex parte formæ & pluralitatem ex parte materiæ. Etiam fortè ad hoc possent adaptari verba Phi dicentis Platonē posuisse magnum & parvum ex parte materiæ: nam diversitas viæ, id est, diversitas recipientiū non nisi ex magno & parvo est, eò quod una res recipit influentiā idearum in magna copia, & universaliter; alia verò recipit modo parvo, & coartato, & particulariter: nō enim sunt nobis plenè notæ opiniones antiquorum Phorum, ut dicit Commentator supra 1. de Anima: quia eorum libri non plenè venerunt ad nos. Ea tamen, quæ diximus de Platone, consona sunt opinioni ejus: sed licet sic Plato & Aristoteles discorderint; tamen quantum ad aliquid universaliter dictum veritatem habet. Nam aliqua procedunt secundum aliā & aliam rationem formalem; aliqua verò secundum eandem formalem ratio-

nem. Res enim ipsæ à Deo procedentes diversificatæ sunt, quia sunt conditæ secundum aliam & aliam rationem. Vnde August. 83. qq. q. 46. de Ideis ait: Quod si dici, & rectè credi non potest, quod Deus irrationabiliter agat, restat ut omnia ratione sint condita: nec eadem ratione homo, quæ equus, hoc enim absurdum est existimari: singula igitur proprijs sunt creata rationibus. Bene ergo dictum est, quod res ipsæ aliæ & aliæ factæ sunt, quia alia & alia ratione conditæ. Sed res intentiones, vel res formales expressiones rerum adinvicem differunt; non quia alia & alia ratione sint conditæ; sed magis quia in alio & alio sunt receptæ. Ab illis enim eisdem ideis, à quibus causatæ sunt res in propria natura, & secundum esse reale, causatæ sunt in mente Angeli secundum expressionem formalem: unde eadem res prius in Verbo, postea in mente angelica, & in propria natura fuerūt. Modus ergo diversitatis rei à re magis cōcordat cū Aristotele, quod sit diversitas ex parte formæ, ut quod ideò differat res à re, quia ab alia & alia idea; & ab alia & alia ratione sint conditæ: sed modus diversitatis rei à sua expressione formaliter videtur accedere ad modum Platonis, ut ibi sit unitas ex parte rationis & ideæ; diversitas autem ex parte recipientis, & materiæ: ab illa enim & eadem idea & ratione, à qua producta est res in propria natura & secundum esse reale, ut dicebatur, producta est in mente angelica & secundum expressionem formalem. Ex quibus omnibus manifestè apparet, quod nulla res causata ab aliqua alia re potest sufficienter representari, ut possit per eam sufficienter cognosci. Nam quæ sunt alia & alia ratione condita, se ratione expressè representare non possunt: res igitur non per aliam rem, sed per suam expressionē formalem representari potest; essentia igitur Angeli sui ipsius potest esse representativa, sed nullam aliam rē sufficienter representare poterit: cū à re quacumque alia ratione sit condita, quare si in mente Angelica debent esse representationes aliarum rerum, non sufficiet ipsa essentia Angeli ad hoc faciendum, sed oportet, quod habeat apud se expressiones formales ab illis eisdem ideis procedentes, à quibus res ipsæ in natura propria processerunt: quia ergo duæ res diversæ sunt productæ secundum aliam & aliam

Prima ratio
 ostensiva
 cōclusionis,

aliā rationē ideālem vel formālem, res rem sufficienter repræsentare non patitur, sed intelligibilis species vel expressio formalis rei ab eadem ideā, vel ab eadem ratione formali processit cum ipsa re, cuius est expressio, idē poterit eam sufficienter repræsentare.

Secunda ratio pro eodem.

Secunda via ad hoc idem sumitur ex ipsis rebus productis: nam non solum modus productionis rerum, sed etiam ipsæ res productæ nos docent hanc veritatem, quod non secundum esse reale, sed secundum expressionem formalem sit cognitio rerum, sic enim fuit error antiquorum, ut patet per Phum in 1. de Anima, quod posuerunt animam compositam ex cōmunibus, ut posset omnia cognoscere: sicut enim posuit Emped. dicens, quod quia nō cognoscitur simile nisi ex simili, & quia omnia sunt ex quatuor elementis, esse posuit animam ex quatuor elementis compositam: ut terram terra, aērē aère, & quodlibet per suum simile cognoscent. Contra quem Aristoteles arguit, quod cum res non solum dicant ipsa elementa, sed etiam dicant elementa cum tali proportionē & compositione: quia non solum proportio elementorum requiritur in generatione carnis & ossis: idē ait, quod si anima deberet cognoscere ipsas res, non sufficienter in se haberet elementa rerum, nisi haberet proportionē illas elementorum, secundum quas res progrediuntur in esse. Ex quibus verbis manifestē Aristoteles innuit, quod si deberēt cognosci res per repræsentationem talem, oportet, quod cognoscerētur secundum omnes circūstantias & conditiones particulares: & quia secundum omnes conditiones particulares non potest repræsentari res nisi per se ipsam, idē secundum repræsentationem realē nō potest res cognosci nisi per se ipsam. Restat ergo, quod si res cognoscatur per aliud, quod sit secundum expressionē formalem. Deceptio antiquorum verō Phorum fuit, quod credebant, quod res haberent idem esse, & eodem modo existerent in se ipsis & in anima, quod falsum est: quia in se ipsis existunt secundum esse reale; in anima verō secundum expressionem formalem: essentia ergo Angeli solum poterit repræsentare se ipsam secundum expressionem realem; si autem debeat habere in se re repræsentationes aliorum, oportet,

quod supra essentiam suam habeat in se aliarum rerum expressiones formales: has autē expressiones formales quidam dicunt esse habitum quēdam connaturalem; communiter tamen ponitur, quod sint species intellectuāles. Quid autem sit de hoc in sequentibus quæstionibus apparebit, ad præsens autem scire sufficiat, quod ipsa essentia Angeli cum sit quēdā res per se in genere, si repræsentat aliquid, non potest per repræsentationē realem, & quia hoc modo nulla res causata potest repræsentare nisi se ipsam, de necessitate requiritur, quod in ipso Angelo præter essentiam ejus sit aliquid, quod repræsentet res secundum expressionem formalem, quidquid sit illud sive habitus sive species.

Tertia via ad hoc idem sumitur ex modo intelligendi ipsius Angeli. Nam ipsum intelligere Angeli est aliquid super additum substantiæ ejus, & est accidens quoddam competens ipsi substantiæ, & per consequens est aliquid, ad quod substantia Angeli est in potentia: propter quod manifestē concluditur, quod Angelus non sit pura forma, sed habet potentialitatem ad mixtam. Et sicut substantia Angeli non est ipse purus actus, sed habet possibilitatem ad actum, ita non repræsentat alia actu, sed solum habet quod possit ea repræsentare: sed quidquid non est actu tale, sed potest esse tale, oportet, quod ei superaddatur aliquid ad hoc, quod sit actu tale: natura ergo Angeli propter possibilitatem ad mixtam: quia actu non repræsentat alia, sed habent possibilitatem ad repræsentandū; ad hoc, quod actu repræsentet alia, oportet, quod superaddantur ei similitudines aliorum, ut possit actu repræsentare illa. Est enim diligenter notandum, quod quidquid non intelligit alia à se per intelligere quod sit idem, quod substantia sua, nō intelligit alia à se per similitudinē, quæ sit idē quod substantia ejus: eo ergo ipso, quod substantia Angeli est in potentia ad suum intelligere, per quod intelligit alia à se, & non est ipsum intelligere, oportet, quod sit in potentia ad similitudines, per quas intelligit alia, & non sit hujusmodi similitudines. Sed dicet aliquis, si Angelus non intelligit per essentiam suam alia, quia non est suum intelligere per quod intelligit se, sed potest intelligere se, quid est suum intelligere? Ad hoc

Tertia ratio ostensiva cōclutiva

Nota utilis

huc dicemus, quod non requiritur tanta actualitas ad intelligendum se per essentiam suam, quanta requiritur ad intelligendum alia per essentiam. Nam quantumcunque res habeat potēțialitatem admixtam potest se ipsam repræsentare: nam sicut potentialitas admixta non tollit à re, quin sit id, quod est ipsa, non tollit ab ea, quin repræsentet se ipsam: sed licet res repræsentet se ipsam, quia est per essentiam suam id, quod est ipsa, non potest autem hoc modo repræsentare alia: quia sit per essentiam id quod sunt alia: si ergo repræsentat alia, hoc est, quia in eo reservantur alia: si ergo Angelus per essentiam suam repræsentat alias res, oportet, quod in essentia sua reserventur res illæ. Hoc autem non erit secundum esse possibile, quia hoc non sufficeret ad cognitionem: erit igitur secundum esse actuale & formale: ergo secundum hanc hypothēsim ipsa essentia Angeli esset esse actuale, & esse formale rei: hæc autē de solo Deo verificantur. Hoc ergo posito esset Angelus actus purus, cui nihil esset admixtum de potentia. Revertamur ergo ad propositum, & dicamus, quod eo ipso quod Angelus est in potentia ad suum intelligere, & per consequens habet in sua essentia potēțialitatē admixtam, non sufficit sua essentia, ut per se ipsam possit actu repræsentare alia a se, sed est in potentia ad talem repræsentationem. Quidquid autem est in potentia ad aliud, oportet, quod ei superaddatur aliquid, ut fiat actu tale: igitur si substantia Angeli est in potentia ad repræsentandum alia, oportet, quod ei superaddatur actu similitudines aliorum, ut possit actu repræsentare illa. Sicut ergo manus est omnia organa, non quod actu sit quodlibet organum, sed quia potest quodlibet organum sibi formare, & actu esse cuilibet organo conjungere, & facere opus cuiuslibet organi: unde dicta est manus organum organorum. Sic quilibet intellectus creatus est omnes res, non quod sit tantæ actualitatis quod secundum se possit omnes res repræsentare, sed quia est susceptivus specierum & similitudinum omnium rerum, propter quod dictus est intellectus species specierum. Qualiter autem intellectus angelicus sit harum similitudinum susceptivus: utrum ex acquisitione, vel ex concreatione insequentibus quæstionibus ostendetur: ad

præsens autē scire sufficiat, quod ex ipso modo intelligēdi ipsius Angeli, ut quia est in potentia ad suum intelligere, vel (quod idem est) quod suum intelligere aliquid superadditum substantiæ ejus, concluditur, quod in ipsa substantia Angeli sit possibilitas, & quod non possit actu repræsentare alias res, nisi ei superaddatur aliquid, per quod res alias actualiter repræsentet: quidquid autem sit illud, si ve species, si ve quidam habitus ei naturaliter concreatus in sequentibus quæstionibus apparebit.

Viso quomodo ostensivè potest probari, quod Angelus non intelligat alia à se per essentiam suam: restat secundum ordinē prætaxatum hoc idem ostendere ducendo ad impossibile. Propter quod sciendum, quod possumus ad tria inconvenientia ducere, dicentes, Angelum cognoscere alia à se per essentiam suam, & per consequens esset actus purus in genere intelligibilem. Ex isto inconvenienti primo sequitur secundum, videlicet, quod ipse esset causativus omnium aliorum, sequitur etiam ex his inconvenientiis tertium, videlicet, quod non esset quid determinatum ad aliquod genus.

Primum inconvenienti sic patet. Nam sicut intellectus noster nihil intelligit nisi per species aliorum, idē prius intelligit alia, quā se ipsum: quia species aliorum prius ducunt in cognitionem aliorum, quā in cognitionem ipsius intellectus. Sic si intellectus angelicus cognosceret alia per essentiam suam, ipsa essentia sua prius duceret in cognitionem sui ipsius, quā in cognitionem aliorum: haberet ergo intellectus angelicus conditiones omnino oppositas intellectui nostro. Nam sicut intellectus noster cognoscendo alia cognoscit se ipsum, quia se & alia cognoscit per species aliorum: sic intellectus angelicus secundum dictam hypothēsim, nisi se ipsum cognosceret primò, & cognoscendo se cognosceret alia, cum positum sit, quod cognoscat se, & alia per se ipsum: cum ergo intellectus noster sit potentia pura in genere intelligibilem, si intellectus angelicus haberet conditiones omnino oppositas intellectui nostro, ut ponit hypothēsis posita, sequitur, quod ipse esset in genere intelligibilem actus purus.

Secundum inconvenienti patet sic: si Angelus intelligendo se, intelligeret

Triplici ratione ab inconvenienti corroboratur assertum

Primum inconvenienti

Secundum inconvenienti, alia

alia, sequeretur, quod omnia alia haberent essentialem dependentiam ad ipsum. Nam hoc est intelligere aliud per essentiam suam, quod est res dependens ab essentia sua: non ergo posset intelligere Angelus per essentiam suam res alias, nisi res alie per essentiam suam dependeant ab essentia Angeli. Nam quod aliquis intelligat aliquam rem, & intelligendo rem illam, intelligat essentiam alterius rei, oportet, quod inter utraque rem sit ordo causae & causati: nisi enim res essentialiter dependeret ab essentia Angeli, non posset essentia Angeli sufficienter cognoscere rem per rem: non enim sufficienter cognoscitur res per rem, nisi vel in se ipsa vel in sua causa: vel ergo oportet ponere, quod res possint esse principale objectum intellectus angelici, vel si sola essentia Angeli ponitur tale objectum, oportet, quod ab ipsa essentia cetera cognita essentialem dependentiam habeant. Vnde & pro eodem habet aliquis, quod sit intellectus primus, & quod sit intellectus omnium aliorum causa, & quod solum se ipsum intelligat. Vnde ceterisima propositione &

Propositio
100. & 66.

66. dicitur, quod omnis intellectus se ipsum intelligit, sed Primus quidem se ipsum solum; & unum secundum numerum sunt intellectus & intelligibile: solus ergo Primus intelligit principaliter se ipsum tantum, & in solo ipso sunt idem simpliciter intelligibile & intellectus: in eo enim suum intelligibile est simpliciter suus intellectus, id est, sua ratio intelligendi: ipsa enim essentia Divina est ipsum intelligibile Dei. Nam Deus tanquam objectum principale & tanquam intelligibile per se & primo non intelligit nisi essentiam suam, & ipsa essentia sua cum hoc, quod est suum intelligibile, est etiam suus intellectus; in Angelo vero essentia sua nec est suum intelligibile simpliciter, quod nihil intelligat tanquam objectum principale nisi essentiam suam, nec est etiam ipsa essentia sua suus intellectus simpliciter, id est, sua ratio intelligendi, quod alia intelligat per essentiam suam, & quod sufficiat essentia sua ad intelligendum alia.

Dicemus ergo, quod aliter intelligatur res per rem, & aliter res per expressionem formalem rei. Res enim per rem non potest intelligi, quia duae res diversae non sunt ab eadem idea vel ab eadem ratione formali productae. Nam singulae res sunt pro-

prijs rationibus coditae, ut patuit per Aug. 83. qq. quest. de ideis. Si ergo res intelligitur per rem, vel hoc est, quia est ipsa res, sicut essentia Angeli intelligitur ab Angelo per se ipsam; vel quia est expressa ab ipsa re: sicut Deus omnia intelligit per essentiam suam, quia omnia ab illa essentia sunt expressa & derivata. Nulla ergo res creata potest intelligi per expressionem formalem causatam a se ipsa. Dicerent forte, quod res & talis expressio ab idea eadem ex ratione formali processerunt: ab illis enim eisdem ideis Divinis, a quibus processerunt res in proprio genere, processerunt species intelligibiles in mentibus Angelorum. Sed res per rem (ut diximus) non potest intelligi, nisi sit ipsa res, vel nisi una ab alia sit expressa: constat autem quod essentia Angeli non est ipsa res alia, quae intelligitur ab Angelo, nec ipsa essentia Angeli expressa a rebus alijs, loquendo de rebus creatis: quare si ipse Angelus cognosceret alias res per essentiam suam, oporteret, quod ipsa res alia intellecta ab Angelo esset expressa ab essentia Angeli. Dicere ergo, quod Angelus intelligat alia per essentiam suam, est dicere, quod ipse se ipsum solum intelligat principaliter, & quod in eo sit idem simpliciter intelligibile & intellectus, & per consequens est dicere, quod ipse sit intellectus primus & causa omnium aliorum: ponere autem hoc est dicere, quod omnia alia ab ipso causentur & deriventur.

Tertium inconveniens sic patet: nam si Angelus intelligendo essentiam suam intelligeret alia, cum alia non sint determinati generis, nec contineantur sub uno genere, oportet, quod ipse non determinaretur ad aliquod genus, ut posset omnia, quae sunt in omnibus generibus, repraesentare: & haec ratio ad hanc materiam communiter assignatur. Sed dices, quod omnia haec tria inconvenientia non plus concludunt, nisi quod Angelus per essentiam non potest intelligere omnia alia; sed non arguunt, quod non possit intelligere aliqua alia: propter quod sciendum, quod cum Angelus per se determinetur ad genus & ad speciem, sicut quaelibet creatura per se exitis, vel sicut quodlibet creatum quod habet esse reale, & per se est in genere, impossibile est, quod per essentiam suam aliquam rem aliam complete repraesentet. Nam

D. Aug. P.
N. 83. qq. 46.

Qualiter
res per rem
& quod
per expressi
lem.

Tertium in
conveniens

Replicat

Solutio

Nam eo ipso quod determinatur ad genus aliquod, non potest repræsentare res alterius generis: & eo ipso quod determinatur ad speciem, cum genus dividatur per differentias contrarias, non poterit repræsentare aliam speciem: ergo essentia Angeli, cum habeat esse reale, & determinetur ad genus & ad speciem & ad individuum per modum essendi, nec res alterius generis, nec speciei alterius, nec aliquod aliud nisi se ipsam tantum repræsentare potest: ergo si potest aliud à se sufficienter repræsentare, ita tamen concluditur, quod nec ad genus nec speciem determinetur, & quod omnia repræsentet. Nam si non determinatur ad genus, nec ad speciem, quia nihil est in genere, quod non sit in aliqua ejus specie: non ergo potest repræsentare aliqua alia, nisi repræsentet omnia alia; quo posito, nihil aliud intelligeret nisi se ipsum, & esset actus purus in genere intelligibilium, & esset omnium aliorum causa, & non determinaretur ad genus aliquod entium.

Respond. ad arg. Ad 1. dicendum, quod non potest esse intellectus propositionis de causis, quod intelligentia cognoscat superiora: quia causata ab eis, cum non causentur per scientiam suam sed per scientiam cause: nec etiam si sit, quod est infra se, quia causa est eius, ut quia causat, ideo sciat: immò magis e converso, quia scit ideo causat, sed intentio Auctoris videtur esse, quia cum cognitio sit per assimilationem, & assimilatio possit esse dupliciter, vel quia ipsum assimilatur alteri, & tunc causatur ab illo, vel quia aliud assimilatur sibi, & tunc causat illud: voluit Auctor de causis, quod intelligentia cognoscat inferiora, quia causat ea, id est, quia assimilatur sibi ea. Sic videtur ipse intellexisse & posuisse duos modos assimilationis, vel quia assimilatur alteri, vel quia alteri sibi. Sed nos ponemus tertium modum: dicemus enim, quod cognitio Angelis respectu aliarum rerum est per assimilationem, non quia Angelus assimilatur rebus, & causetur à rebus, nec quod res assimilantur ei, quia causentur ab eo: erit ergo ista assimilatio, non quod unum causetur ab alio, sed quia ambo causantur à tertio: nam quia ab eisdem ideis Divinis sunt productæ res in propria natura, & in mente angelica: ideo Angelus habet cognitionem rerum. Ad 2. dicendum,

quod ibi Auctor de causis in commento illius nonæ propositionis loquitur de intelligere intelligentiarum practice, secundum quod intelligentia est causa rerum, & productiva rerum mediante supercoelesti corpore: & quia omne agens agit secundum esse suum, & secundum modum substantiæ suæ, ideo intelligere practicum ipsius intelligentiæ, & suum agere per intellectum est secundum esse suum, id est, secundum modum substantiæ suæ. Et ut magis accedamus ad intentionem ejus, dicamus, quod intentio sua est probare, quod intelligentia per suum intelligere non possit immediate producere res corruptibiles: nam ipsa intelligentia intelligit, id est, per intellectionem agit secundum esse suum, id est, secundum modum essendi: & quia ipsa habet esse incorruptibile, non potest per intellectum immediate corruptibilia producere. Vnde propositio illa ibi allegata in dicto commentum sic ait: *Omnis intelligentia intelligit, supple in intellectu practico, res sempiternas, quæ non destruantur, nec cadunt sub tempore.* Sed propter hoc non intendit Auctor excludere species ab intelligentia, cum in præcedenti propositione dixisset, quod *Omnis intelligentia est plena formis.* Vtrum autem, loquendo de intelligere practico intelligentiarum, dicat Auctor de causis verum, vel non verum, non est præsentis speculationis: sufficit autem ad præsens scire argumentum non esse ad propositum. Ad 3. dicendum, quod intelligibilia non capiuntur à sensibilibus, & intelligentia est infinita ad inferius, quia excellit inferiora, nec finitur, nec comprehenditur ab eis; non tamen sic excellit intelligentia inferiora, quod per substantiam suam possit actu repræsentare illa. Ista enim excellentia est in genere, quæ habet potentialitatem admixtam: excellentia autem supra genus est Dei ad creaturas, in quo per essentiam suam absque aliquo addito omnia plenè repræsentantur. Ad 4. dicendum, quod plus convenit substantia cum substantia, quam accidens in genere naturæ; sed non oportet, quod plus conveniat in genere representationis: ipsæ enim species in mente angelica magis sunt repræsentativæ substantiarum, quarum sunt species, quam ipsa substantia Angeli. Vel possumus dicere, quod hujusmodi species propriè nec sunt substantia nec accidens, quia non sunt in genere per se sed

Propositio
de causis.

Cognitio fit
per assimilatio-
nem, &
quare est as-
similatio in
se & in spe-
cie.

Sed per reductionē: possunt autē reduci ad illud idem genus, in quo sunt res, quarum sunt species. Ad 5. dicendum, quod res sunt in se ipsis per essentiam suam, quia sunt in se ipsis secundum reale esse, sunt in Verbo per substantiam Verbi propter simplicitatem ejus; sed in Angelo sunt quid additum substantiæ, quia deficit Angelus à simplicitate Verbi. Non enim valet, si res, ut sunt in propria natura, nō faciunt compositionem cum se ipsis, nec ut sunt in Deo faciunt compositionem cum Deo, ergo ut sunt in Angelo non faciunt compositionē cum Angelo: nam res sunt idē cum se ipsis: ut sunt in Deo, propter omnimodam simplicitatem Dei sunt idem cum Deo: nam quidquid est in Deo, oportet, quod sit Deus; in Angelo autem neutrum identitatem habere potest. In Angelo enim non sunt res secundum esse reale, ut secundum esse quod habent in propria natura, idē non sunt ibi secundum identitatem rerum: nec Angelus est omnino simplex, quod possint ibi esse per identitatem aliquam: non sunt ergo res in Angelo per identitatem, ut in se ipsis; nec modo simplici ut in Deo, sed similitudinariē & per additionem. Ad formam autē arguendi dici potest, quod res in Angelo sunt in modo medio, quantum ad esse, quod habent in se ipsis & in Deo: sed iste modus medius non est accipendus medius quantum ad identitatē, sed quantum ad nobilitatē. Ad 6. dicendū, secundum Commentatorem in eodem 11. qui scit calorem ignis tantum, non dicitur nescire nihil caloris existentis in reliquis calidis: sed ille qui scit nihil caloris simpliciter, ille nihil scit caloris in reliquis calidis: secundum hoc ergo dicemus, quod calor in qualibet re potest considerari dupliciter, vel secundum esse simpliciter, vel secundum esse contractum: secundum autem esse simpliciter sic sunt perfectiones creaturarum in Deo; sed secundum esse contractum sunt in creaturis. Qui ergo cognoscit calidum ignis non ignorat, id est, aliquāliter cognoscit, & habet cognitionem de natura caloris in reliquis calidis: sed qui cognoscit calorem simpliciter, id est, in eo ut habet esse simpliciter, ille scit naturam caloris in reliquis calidis. Qui ergo sic cognoscit calidum in eo quod calidum, id est, qui cognoscit calidū simpliciter, & quod nō

habet esse abstractū omnino & separatū, per quem modum non habet esse res nisi in solo Deo: Angelus ergo cognoscens naturam suam, nescit ens in eo, quod ens, id est, nescit ens simpliciter, & nescit Divinam essentiam: idē non oportet, quod sciat naturam entis in ceteris entibus. Vel possumus dicere, quod qui scit calidum in eo quod calidum, scit naturam caloris in ceteris calidis: & qui scit ens in eo, quod ens, scit naturam entis in ceteris entibus in generali & sub modo confuso; non tamen oportet, quod sciat in speciali & in propria forma. Sic Angelus per cognitionē naturæ suæ potest scire in generali naturas cujuslibet entis, prout natura sua cū omnibus alijs entibus convenit. Ad 7. dicendum, quod intelligere est per assimilationem, & natura Angeli est similis omnibus, quorum cognitionē habet: sed hæc similitudo nō est ipsius naturæ secundum se nudam: sed secundum species receptas. Sicut ergo homo est similis rei albæ propter albedinem, quam habet in se: sic natura Angelica est similis alijs rebus propter similitudines rerum, quas habet apud se. Species enim intelligibiles in Angelo reddunt intellectum Angeli, & naturam ejus similem ipsis rationibus intellectis ab Angelo. Ad 8. dicendum, quod si species intelligibilis per se existeret, haberet esse reale, & esset per se in genere: propter quod non posset esse repræsentativa nisi sui ipsius tantum. Hoc igitur posito non maneret sub esse similitudinariē, ut habet esse in Angelo, sed transmutaretur in esse reale, & esset constitutiva suppositi. Quod si ulterius fortē artares argumentum, quod sic esse substantiæ similitudinariē quod habet, sustentaretur in esse per miraculum. Sed eo quod haberet esse reale, & per se in genere, absque eo quod constitueret, non intelligeret, quia actiones sunt suppositorum. Ad 9. dicendum, quod patet solutio per jam dicta: nam cū dicimus, quod Angelus alia à se cognoscit per species, intelligimus de illis alijs, quæ nec sunt Angelus, nec in Angelo: nam

Angelus ea, quæ sunt in se ipso, intelligit per se ipsum non per alia.



Comm. 11.

QVÆSTIO IIJ.

*Verum Angelus possit intelligere se ipsum,
& alia à se per essentiam
aliorum?*



QVÆSTIO quæritur: utrum Angelus possit intelligere se ipsum & alia à se per essentiam aliorum? Et videtur, quòd sic. Nam Angelus, quia ipse est actu in

genere intelligibilem, intelligit se ipsum per essentiam suam: ergo cum Angelus superior sit magis sic in actu, quàm inferior, si essentia inferioris Angeli potest causare intellectionem, id est, modum intelligibilem vel actum intelligendi in suo intellectu, & intelligere essentiam suam, multò magis hoc poterit Angelus superior, qui est magis in actu: intelliget ergo essentiam Angeli inferioris per essentiam ipsius superioris. Præterea: si aliqua causa est, quare Angelus non potest intelligere alia à se per essentiam aliorum, hoc erit, quia alia res non possunt esse in Angelo nec per se ipsas capere essentias suas: sed videmus, quòd corpus nō existens in corpore, ut non existens in oculo, agit ipsam sensationem, sive ipsum actum sentiendi in ipso sensu, ergo absque eo quòd res existant in Angelo, poterunt agere ipsam intellectionem vel ipsum actum intelligendi in intellectu ejus, & per consequens intelligerent per se ipsos, & non per alias species. Præterea: res habent duplex esse, in anima & in re extrà; sed eadem quidditas est, quæ habet illud duplex esse, ergo quidditas erit in anima & in re extrà: cognoscet ergo intellectus quidditatem per quidditatem; sed quidditas rei est essentia ejus, cognoscet ergo essentiam per essentiam. Præterea: Angelus superior immediate agit actum illuminationis in Angelo inferiori: ergo poterit agere in eo actum intelligendi, & per consequens poterit intelligi ab eo per se ipsum. Præterea: videmus in intellectu nostro, quòd ipse, nō habens in se similitudinē substantiæ, cognoscit substantiam. Quòd autē intellectus noster nō habeat, nec habere possit in se similitudinē substantiæ, patet:

A quia nihil est in intellectu, quod prius non fuerit in sensu. In sensu autem non fuit similitudo substantiæ, quia sensus nō percipit quid, sed quale: si ergo similitudo substantiæ non potest esse in intellectu nostro, quæro quomodo intellectus noster cognoscit substantiam? Constat quòd hoc non erit per similitudinem accidētis, quia illa similitudo non est representativa substantiæ: ipsam ergo substantiam intellectus cognosceret per se ipsam, vel per essentiam suam; sed per essentiam suam nec intellectus noster nec intellectus angelicus cognoscit alia à se per substantiam suam: ergo cognoscet ipsam substantiam per se ipsam; alias ergo substantias non per similitudinem, sed per eorum substantiam cognoscit intellectus noster, & multò magis intellectus angelicus.

In contrarium est, quia Angelus non cognoscit se ipsum (ut probavimus) per speciem suam existentē in alio Angelo: ergo multò magis non cognoscit alia per essentiam aliorum. Probatio assumptæ: nam si Angelus intelligeret se ipsum per speciem existentem in alio Angelo, ut si unus Angelus vocetur A, & alius B, & A veller cognoscere speciem existentem in B, per quam cognoscitur ab ipso B, non cognosceret speciem illam per se ipsam nec per essentiam suam, sed per aliam speciem: ergo species existens in B, quæ est ratio cognoscendi A, non cognoscit ab A per se ipsam, sed si A non potest cognoscere illud quod est ratio cognoscendi ipsum per se ipsum, ergo multò magis non cognoscet se ipsum per se ipsum, nec per essentiam suam: ergo etiā multò magis alia à se non cognoscet per se ipsum nec per essentiam eorum.

RESOLVTIO.

*Angelus nec se, nec alia à se intelligere valet
per essentiam aliorum.*

R Espondeo dicendum, quòd possumus triplici via hoc venari, & ad triplex inconveniens ducere, dicentes, quòd Angelus cognoscat alia per essentiam aliorum. Primum inconveniens est, quòd hoc posito sequeretur, quòd aliqua pura

Si Angelus
per essentia
aliorum intel
ligeret, tri
plex incon
veniens se
queretur.
D. Diony
7. de Div.
nom.

pura creatura posset illabi ipsi Angelo. Secundum inconveniens est, quia hoc posito Angelus intelligeret cum discursu, quod videtur esse contra Dionys. 7. *De Divin. nom.* Tertium vero est, quia ex hoc videretur, quod ipsum intelligere non subesset voluntati ipsius Angeli.

Propter primum est sciendum, quod si unus Angelus deberet intelligere aliam per essentiam alterius, ita quod ille alius Angelus ageret intellectionem vel actum intelligendi in ipso Angelo, oporteret, quod ille Angelus illaberetur, & esset in essentia ipsius Angeli: quod sic declaratur. Nam agens & patiens debent esse simul, & debent se contingere, ut vult Philus in 11. *Metaph.* & in 1. de *Gener.* in cap. 11. *De actibus & passibus*: sed ipsi Angeli secundum se non sunt situales, nec poterit in eis esse contractus secundum situm: erit ergo ibi contractus essentialis. Ipsa enim corpora cum agunt, se contingunt secundum situm, & est unum corpus iuxta aliud corpus. Unde corpus agens non est in corpore patiente, sed iuxta ipsum: sed Angelus ubi

Philus 11.
Meta. & 1.
de Gener.

operatur ibi est, ut vult Damasc. in libro *De fide* lib. 2. 2. capit. 3. si ergo Angelus operatur in corpore, per essentiam suam continget illud corpus, & erit in illo corpore: sic si Angelus causaret intellectum, vel actum intelligendi in alio Angelo, per essentiam suam continget illum Angelum, & erit per essentiam suam in ipso: & solus Deus non illaberetur anime & creature rationali, ergo nullus Angelus, cum non possit per essentiam suam esse in alio Angelo, non poterit causare actum intelligendi vel intellectionem in alio Angelo, & per consequens non intelligetur ab eo per se ipsum.

Angelus nec
per se ipsum
nec per suam
essentiam
potest
esse in alio
Angelo, sed
solum per
speciem.

Dicamus ergo, quod quia unus Angelus nec per se ipsum nec per essentiam suam potest esse in alio Angelo: ideo oportet, quod sit ibi vel per speciem ejus: unus ergo Angelus non intelliget alium per essentiam suam, nec per essentiam alterius, sed per speciem representantem essentiam ejus. Quod si adhuc dubitatur, quare unus Angelus non potest esse per essentiam in alio? Dici debet, quod in re quanta potest aliquid esse, quia est intra dimensiones ejus: sed in re simplici & in re, cujus substantia non extenditur, nihil potest esse per essentiam, quod sit intra dimensiones ejus: sed solum hoc erit pro conservatione essentiae esse: & quia solus

Deus est qui conservat spirituales substantias in esse, solus ipse est, qui illabitor spiritualibus substantiis. Aliud est enim esse in essentia aliqua, ut est extensa: & aliud esse in essentia, ut essentia est. Nam cum essentia dicatur per respectum ad esse, ille enim est in essentia rerum, ut sunt essentiae, qui conservat eas in esse: poterit ergo Angelus esse in substantia alia corporali, & tunc erit in substantia aliqua dimensionata: sed in essentia spirituali esse non posset, cum talis essentia dimensionatione careat, nisi illam essentiam conservaret in esse: & quia hoc est proprium solius Dei, nec Angelus, nec aliqua creatura poterit per essentiam suam esse in creatura spirituali. Et quia non potest ibi esse praesens per essentiam, oportet, quod sit ibi aliquid, quod suppleat vicem essentiae, & hoc erit per speciem: vel ut quidam dicunt per habitum connaturalem. Et si unus Angelus non potest esse per essentiam in alio, nec illabi sibi, multo magis esse non poterit substantia aliqua corporalis: Angelus ergo alia a se, quae nec sunt ipse, nec in ipso, sive sint corporalia sive spiritualia non intelliget per eorum essentiam, sed per speciem.

Secundum inconveniens sic patet. Nam si unus Angelus posset causare intellectionem, vel actum intelligendi in alio Angelo, hoc modo intelligeretur unus Angelus ab alio non per speciem, sed per se ipsum: vel si quodcumque intelligibile creatum aliud ab Angelo intelligeretur isto modo ab ipso Angelo, oporteret, quod huiusmodi intelligibile ageret in ipsum Angelum: sed constat, quod nullum agens creatum immediate attingit passum per suam substantiam, sed per aliquod accidens superadditum substantiae, sive illud agens sit spirituale, sive corporale, sive moveatur motum ad formam sive ad ubi: ut si intelligentia movet caelum, substantia intelligentiae non immediate attingit caelum, sed attingit ipsum mediante aliqua virtute vel mediante aliquo accidente superaddito substantiae ejus. Sic si ignis agit in aqua, non attingit aquam immediate per suam substantiam, nec agit in ipsam immediate per suam substantiam, sed agit mediante calore, qui est accidens superadditum substantiae ejus, & quia quodlibet agens creatum agit per aliquod accidens superadditum substantiae, & haec est regula omnium actionum realium, oportet,

In essentia
ut essentia
est solus
Deus est,
quia continet
eam.

Secundum
inconveniens

Agens creatum
non attingit
passum per
suam substantiam
immediate, sed
mediate, per
accidens

ter, quod & ista sit regnula omnium actionum intentionalium. Nam sicut se habent agentia ad agentia, ita oportet, quod se habeant actiones ad actiones. Sicut igitur ipsae intentiones à rebus dependēt, & ad res ordinantur: ita & actiones intentionales, oportet, quod secundum actiones reales mensuram sumant. Sicut enim res in actione reali prius inducit similitudinem accidentis, quam substantiae: ut ignis prius inducit in aquam calorem, quam formam ignis: sic in actione intentionali prius immutatur res in accidentibus, quam in substantia: unde &

Accidentia (ut dicitur in 1. de anima) magis nam partem conferunt ad percipiendum ipsum

quid est. Imo si vellemus prosequi propositionem hanc, quasi esset omnino simile hic & ibi. Nam in immutatione reali, quae deservit ad esse rerum, prius res immutatur ad esse accidentale, quam ad esse substantiale: ita tamen quod accidens incompletum praecedit substantialem formam; completum sequitur: ut prius sit calefacere aquam, quam fiat ignis. Sed prius intelligitur, quod fiat ignis, quam sit perfecte calidus: tempore enim in eodem instanti introducit calor perfectus & forma ignis. In eodem enim instanti est aliquid perfecte calidum, & in ignem conversum: natura tamen prius intelligitur, quod sit ignis, quam quod sit perfecte calidum: quod enim ait Commentator in de substantia orbis de dimensionibus indeterminatis, videlicet, quod Dimensiones indeterminatae praecedunt formam substantialem in materia; terminatae vero sequuntur eam.

Veritatem habet de aliis accidentibus. Sicut enim primò rarefit aer, & accipit majores dimensiones, quam fiat ignis: sed prius intelligitur quod sit factus ignis, quam habeat illas dimensiones terminatas & perfectas. Sic prius calefit, quam fiat ignis: sed prius intelligitur factus ignis, quam sit terminatus & perfectus in calore. Calor ergo imperfectus praecedit formam ignis, sed perfectus sequitur: secundum hunc etiam modum, quem aspicimus in immutationibus realibus, quae deserviūt ad esse rerum, aspicimus in immutationibus intentionalibus, quae deserviunt ad cognitionem ipsarum: nam cognitio incompleta accidentis praecedit cognitionem substantiae; completa sequitur: cognoscimus enim incompletè aliquid in speciali de accidentibus, priusquam cognosca-

mus in speciali aliquid de substantia, a qua hujusmodi accidentia derivantur. In principio enim cognitionis nostrae, quando imperfectè cognoscimus, procedimus ab effectibus ad causas, à cognitione accidentium ad cognitionem quod quid est: nobis autem jam perfectis in scientia, est ordo contrarius ei, qui est à principio questionum, ut dicitur in 1. Metaph.

Revertamur ergo ad propositum, & dicamus, quod idem est ordo in immutationibus realibus & intentionalibus. Nam sicut agens prius attingit passum per aliquod accidens superadditum substantiae, quam per suam substantiam: sic prius conformatur sibi passum in accidentalibus, quam in substantialibus: quare si Angelus intelligeret alia à se non per speciem, sed per substantiam, ita quod alia ab Angelo immutarent intellectum Angeli ad sui cognitionem, cognitio Angeli iret de imperfecto ad perfectum & prius cognosceret Angelus accidentia rei, quam substantiam ipsius: quidquid enim per hujusmodi mutationem acquiritur, de imperfecto ad perfectum vadit: omnis autem cognitio, quae de imperfecto ad perfectum tendit, & quae ex cognitione accidentium vadit in cognitionem substantiae, vel ex cognitione effectuum in cognitionem causarum, vel universaliter ex cognitione posteriorum in cognitionem priorum; intelligitur, quod sit talis cognitio discurrendo, esset igitur cognitio Angeli discursiva. Quo posito oporteret, quod Angeli addiscerent Logicam, ut non errarent in cognitione rerum: quicumque enim intelligit cum discursu, ne in ipso discursu erret, oportet cum addiscere scientiam, & de ipso discursu, & de ipsa syllogizatione, & rationatione, quod docere ad logicam pertinet. Ex hac autem ratione videtur concludi, quod Angelus non possit intelligere essentiam, nisi ubi prius intelligat accidentia sua. Vel ex hoc videtur argui, quod essentia Angeli non possit causare in intellectu suo intellectionem sui ipsius, nisi causet intellectionem accidentium suorum: non tamen sic est: nam licet essentia unius Angeli non attingat intellectum nec essentiam alterius, nisi mediante aliquo accidente; essentia tamen cujuslibet Angeli attingit immediatè intellectum suum proprium: igitur quilibet talis essentia in intellectu proprio causare

1. Metaph.
cap. 2.

Sicut agens prius attingit passum per aliquod accidens, prius sibi illud assimilatur in accidentalibus, quam in substantialibus.

causare poterit immēdiatē intellectiōnē sui ipsius. Sed in intellectu alio, si causaret huiusmodi intellectiōnem, causaret eam mediante aliquo accidente: cū intellectum alium essentia Angeli immēdiatē non possit attingere.

Tertium in-
conueniens.

Tertium inconueniens sic ostenditur. Nam si Angelus intelligeret alia non per speciem, sed per essentiam aliorum præsentialiter assistentem ipsi Angelo & immutantem intellectum ejus: quia non est in potentia passi, ut patiatu ab agente, non esset in potestate Angeli intelligere alia, cū vellet: sed tunc intelligeret ea, quando præsentialiter ei assisteret & immutarent intellectum ejus. Et quia hæc omnia sunt inconuenientia, dicamus, quod Angelus nec per essentiam suam intelligit alia, quia essentia sua non potest alia sufficienter repræsentrare: nec intelligit alia per essentiam aliorum: quia essentia aliorum non possunt esse in ipso Angelo, & immutare intellectum ejus.

Respond. ad arg. Ad primum dicendum, quod licet Angelus superior sit magis actū in genere intelligibilium, quā Angelus inferior: non tamen propter hoc essentia Angeli superioris poterit immutare intellectum Angeli inferioris, & intelligi ab eo per se ipsum: quia non sufficit, quod agens sit in actū ad hoc, quod immutet passum, nisi sit ibi debitus ordo, & debitus contactus agentis ad patiens: nō autem habent debitum ordinem nec debitum contactum ad intellectum angelicum, nec possunt ipsum immutare, nisi quæ sunt in ipso Angelo: & quia Angelus superior non potest esse in Angelo inferiori, nec potest illabi ei, ideo non potest immutare intellectum Angeli inferioris, nec potest ab eo intelligi per se ipsum: & quia non potest Angelus superior esse in inferiori præsens per essentiam, oportet, quod ibi sit præsens per speciem, quæ suppleat vicem ejus. Ad 2. dicendum, quod non est simile de corporibus & de speciebus: nam corpora sunt situalia, & potest inter ea esse ordo situs, & contactus secundum situm: ideo non oportet ad hoc, quod corpus agat in corpus, quod sit corpus in corpore: sed sufficit, quod sit juxta ipsum, attingēs ipsum secundum situm: sed quia Angeli non sunt situales, sed sunt quædam essentia, & quædam substantia per se existentes separata à corpore & anima: ideo

non potest ibi esse contactus secundum situm, sed essentialis solum: contactus enim secundum situm est, quod unum sit juxta aliud: sed secundum essentiam contactus est, quod unum sit in alio: naturaliter enim non immutat intellectum Angeli quod non est in Angelo: & quia nō potest Angelus, nec aliqua creatura esse in Angelo per essentiam, oportet, quod sit ibi per speciem. Ad 3. dicendum, quod intellectus cognoscit quidditatem, quæ est in re, per quidditatē, ut est in anima: sed quidditas non est in anima nisi per speciem, ideo hoc non est cognoscere essentiam per essentiam, sed essentiam per speciem. Ad 4. dicendum, quod Angelus superior purgat, perficit, & illuminat Angelum inferiorem: sed hoc non est, quod in eo causet lumen intellectuale, vel speciem intelligibilem vel intellectiōnem, siue actum intelligendi, ut ratio supponebat: sed ideo hoc agit Angelus superior in inferiori, quia docet ipsum, & docendo purgat à nescientia, & illuminat ad cognitionem rerum, & perficit secundum scientiam. Qualiter autem possit unus Angelus alium docere absque eo, quod imprimat ei speciem, vel causet in eo lumen, vel agat in ipso intellectiōnē, vel actū intelligendi, in sequentibus questionibus ostenderetur. Ad 5. dicendum, quod ratio non arguit, quod intellectus intelligat alia à se per essentiam aliorum: sed quærit sibi istam difficultatem solvi, quomodo in intellectu nostro possit fieri similitudo substantia, cū talis similitudo nunquam fuerit in sensu? Hæc autem difficultatem possumus tripliciter solvere: Primò secundum quoddam commune dictum: quod tota res se multiplicat tam secundum substantiam, quā secundum accidentia. Et sic res se multiplicans secundum se totam, prius pervenit ad sensum, postea ad phantasiam, postea ad intellectum: similitudo ergo substantia est in sensu. Sed sensus, quia debilis cognitionis est, non potest pervenire ad intrinsecam cognitionem substantia, quantumcūque in se habeat similitudinem ejus: sed sinit in superficiali cognitione accidentium, videtur autem pro hac positione facere dictum Comm. in 2. de Anima, qui vult, quod sit aliquis sensus in nobis, qui cognoscit individua omnium prædicamentorum. Talis tamē sensus aliter est in nobis, & aliter in aliis

Quomodo
in intellectu
nostro possit
esse similitudo
substantia, cum
nunquam
fuerit in sensu.

Sensus debilis
potest pervenire
ad cognitionem
substantia.

Comm. in 2. de Anima
qui vult, quod sit
aliquis sensus in nobis,
qui cognoscit individua
omnium prædicamentorum.

animalibus : nām in nobis deservit ille A
sensus ad scientiam. Sicut enim sensus ex-
teriores deserviunt nobis non solum ad
necessitatem, sed ad scientiam: sic & sen-
sus interior, qui potentior est, & qui dici-
tur cognoscere individua prædicamēto-
rum, deservit nobis non solum ad neces-
sitate[m] vitæ, sed ad scientiam. Phantasia
enim deservit nobis non solum ad agen-
dum, sed ad intelligendum : aliis tamen
animalibus vel non sunt dati omnes sen-
sus, ut animalibus imperfectis: vel si per-
fectis animalibus sunt omnes sensus tri-
buti, hoc non erit ad sciētiam, sed ad solā
necessitate[m] vitæ. Ergo cū arguebatur,
quod similitudo substantiæ nunquam fuit B
in sensu, sequendo positionem dictam,
ratio procedebat ex falsis, & peccabat in
materia : dato tamen, quod similitudo
substantiæ nunquam fuisset in sensu, da-
bimus modum & viam, quomodo possit
esse in intellectu: nā (ut dicebatur) modus
actionū intentionaliū sortitur mensuram
ex modo actionū realiū, sicut ipsæ intētio-
nes ex ipsis rebus ortū & mensurā sumūt.
Nunc autē videmus, quod licet virtutes
activæ sint accidentia: tamen per huius-
modi accidentia, quia agunt in virtute
formæ substantialis agentis, inducunt C
substantialem formam: nam licet in ig-
ne non sit virtus activa nisi calor, ignis
tamen calefaciendo generat ignem : &
calor igneus in virtute formæ ignis indu-
cit formam substantialem ignis: sic & in
proposito, dato quod phantasia non esset
susceptiva nisi intentionum accidentia-
lium, tamen quia intentiones acciden-
tium agunt in virtute intentionis substā-
tiæ, ut cū intellectus noster sit suscep-
tivus similitudinis substantiæ, intentiones
accidentium existentes in phantasia agūt
in duplici virtute, videlicet, in virtute D
luminis intellectus agentis, & quātum ad
hoc possunt movere intellectū possibilē,
licet ipsæ non sint actu & formaliter in-
telligibiles: agunt etiam in virtute formæ
substantialis, & quantum ad hoc possunt
causare in intellectu similitudinē substan-
tialem, licet ipsæ non sint actu & forma-
liter similitudo substantiæ. Potest tamen
& ad hoc tertia inveniri via, ut totum at-
tribuamus intellectui agentis: ut sicut in
virtute agentis Primi, quod est quoddam
universale agens, inducuntur formæ sub-
stantiales: sic quia intellectus agens est
omnia ficiens, & est quoddam universa-

le agens in genere intelligibilem, inten-
tiones accidentium existētes in phantasia
poterunt in virtute ejus nō solum mo-
vere intellectum possibilem, sed etiam
causare in eo similitudinem formæ sub-
stantialis: quia non est inconveniens,
quod aliquid agat ultra suam speciem in
virtute alterius. Ad formā ergo argumē-
ti, quod similitudo substantiæ nō fuit in sen-
su. Dici debet, quod si nō fuit ibi formaliter,
fuit ibi virtualiter, quod qualiter sit, est
per habita manifestum. Ad rationem au-
tem in contrarium, quæ sophistica est,
videlicet, quod quia Angelus non intel-
ligit essentiam suam per se ipsam : quia
non intelligit speciem existentem in vir-
tute alterius Angeli, quæ est ratio intelli-
gendi substantiam suam per se ipsam. Di-
ci debet, quod non est simile: quia essen-
tia Angeli est præsens intellectui ejus: sed
species existens in mente alterius An-
geli, per quam intelligitur iste Angelus,
non est præsens intellectui ejus: ideo nō
potest intelligi ab illo Angelo per se ipsā,
sed oportet, quod sit aliquid aliud, quod
suppleat vicē ejus. Sed si sic dicimus, quod
credimus benē dictū, intellectus noster nō
quiescet: nam si unus Angelus intelligit
essentiam alterius per speciem, certum
est, quod per illam speciem alius Ange-
lus non intelligeret: quia species existens
in uno Angelo, non est præsens alteri
Angelo. Sed videtur, quod Angelus per
essentiam suam possit intelligere speciē
in alio Angelo, per quam intelligitur es-
sentia ejus. Si enim species in uno Ange-
lo repræsenterat essentiam alterius, vide-
tur, quod illa essentia repræsenteret spe-
ciem, ergo Angelus per essentiam potest
intelligere alia à se. Ad quod dici debet,
quod id, quod est materiale, non est re-
præsentativum ejus, quod est formale, sed
e converso: quælibet enim species repræ-
sentativa essentiae est multo formalior,
quàm ipsa essentia. Species enim existēs
in Angelo inferiori repræsenterat essen-
tiam Angeli superioris est multo forma-
lior, quàm ipsa essentia superioris Ange-
li. Quod patet: quia species sic repræsen-
tās est perfectio potentiae intellectivæ, &
etiam est perfectio ipsius essentiae, in qua
fundatur huiusmodi potentia : quia
quod perficit potentiam perficit essen-
tiam, in qua fundatur potentia: nulla au-
tem essentia Angeli, quantumcunque
superioris est tantæ formalitatis, quod
possit

Dubitationi
fit satis: quia
et si similitu-
do substan-
tiæ non fit
in sensu for-
maliter, est
ibi virtuali-
ter.

possit esse perfectio essentia Angeli inferioris. Vel ut arguamus clarius, dicamus specie illa intelligibilem esse tantæ simplicitatis & formalitatis, quod est simul cum essentia: nulla autem essentia Angeli quantumcunque superioris potest esse cum essentia Angeli quantumcunque inferioris. Si ergo species in uno Angelo est representativa essentia alterius Angeli, essentia tamen representativa speciei esse non potest: quia non quod sic est formale, representat materiale, quod e contrario materiale possit representare formale. Est enim essentia fundamentum aliorum, & materialior alijs; cetera autem sunt perfectiones essentia.

QUÆSTIO IV.

Quid sit illud, per quod intellectus Angelicus intelligit alia à se: sit ne species, vel habitus connaturalis?



QUARTO queritur quid sit illud, per quod intellectus angelicus intelligit alia à se: utrū sit species vel habitus connaturalis? Ostendimus enim in questionibus præcedentibus, quod Angelus non potest intelligere alia à se per essentiam suam, nec per essentiam aliorum, sed oportet (ut dicebatur) quod sit aliquid inhærens ipsi intellectui Angelico, per quod intelligit alia à se: queritur ergo de illo quid sit, utrū species vel habitus? Et videtur, quod sit habitus. Nam si requiritur ibi species intelligibilis, vel hoc erit ratione ipsius intellectus, id est, ratione potentia intellectiva, vel ratione objecti intelligibilis? Non ratione potentia intellectiva, quia huiusmodi potentia in Angelis est abstracta. Nec ratione objecti, quia intelligibile est universale quid abstractum: nullo ergo modo requiritur ibi species intelligibilis: sed si oportet aliquid esse in intellectu angelico, per quod intelligat alia à se, illud vel erit species intelligibilis, vel habitus connaturalis: non species, ergo habitus. Præterea: intellectus noster potest intelligere sine specie, ut probabitur, ergo multo magis intellectus angelicus. Probatio assumptæ. Nā si in intellectu nostro esset species, non

indigeret phantasmate, sed posset se per illam speciem movere ad intelligendum, sed, ut patet, indiget phantasmate: ergo non intelligit per speciem, multo magis nec intellectus angelicus intelligit per speciem, cum sit simplicior, quam intellectus noster. Præterea: non experimur in intellectu nostro esse species, sicut experimur in nobis esse phantasmata, sicut quilibet in se ipso potest intueri: sed non debemus in nobis ponere quod in nobis ipsis non experimur, ergo &c. Præterea: nobiliori intellectui debet attribui nobilior modus intelligendi, & nobiliori potentia nobilior modus agendi: sed nobilior modus agendi est per habitum, quā per speciem: quod patet, quia magis videtur dependere species ab habitu, quā habitus à specie, cum ubicumque sit species ibi possit esse habitus, non è converso. Nam in voluntate ponimus habitum, non tamen ponimus ibi speciem: sed in intellectu, cum hoc quod ponimus ibi speciem, etiam ponimus ibi habitum, igitur intellectui angelico debemus attribuire intelligere per habitum, non per speciem. Præterea: actus perfectus egreditur ab habitu; sed intelligere Angeli est magis perfectum, quā quodcumque intelligere nostrum, ergo intelligere illud est ab habitu: frustra igitur ponitur ibi species, cum sit ibi habitus, à quo potest elici actus. Præterea: *Tria sunt, quæ sunt in anima, passionibus, potentia, & habitus*, ut dicitur in 2. Ethic. sed in Angelo non sunt ibi nisi duo, potentia, scilicet, & habitus: intelligit ergo Angelus per potentiam & per habitum informantem potentiam; non ergo per speciem. Præterea: scientialis habitus dicitur duo: nam ratione qua habitus est habilitativus & inclinativus, ratione qua scientialis est representativus: sed hæc duo videntur sufficere ad actum intelligendi, videlicet, quod habilitet, & inclinet potentiam ad actum intelligendi, & aliquid quod representet objectum: sed hoc (ut videtur) potest facere solus habitus scientialis: frustra ergo ponitur ibi species. Præterea: materia cum forma naturali sufficit ad agendum operationem naturalem: ergo intellectus cum habitu, qui est forma ejus intellectualis, sufficit ad agendum operationem intelligibilem: non ergo requiritur ibi species. Præterea: sufficit una forma caloris in igne ad agendum omnem actionem.

actionē ignis: ergo multo magis sufficiet una forma in intellectu ad agendum omnem operationem intelligibilem: sed hoc non posset esse nisi habitus: nam unus habitus virtute potest continere omnia intelligibilia; non autem sic una species potest omnia repræsentare. Si ergo unitas & simplicitas reperitur in corporibus, ut quod possit aliquod corpus per unam formam omnem suam actionem agere, multo magis hoc reperietur in spiritibus. Præterea: si Angelus intelligeret alia à se per se, per se crearet ea: ergo si intelligit alia à se per speciem, creabit illa: sed hoc est inconueniens, ergo inconueniens est ponere ibi speciem: igitur non intelligit Angelus per speciem, sed per habitum.

In contrarium est, quod dicitur in decima propositione de causis, quod *Omnis intelligentia est plena formis*. Oportet igitur in intelligentia esse plures formas, id est, plures species. Præterea: habitus inclinat per modum naturæ, ut dicitur in 2. Ethic. Si ergo Angelus per unum habitum intelligeret omnia, inclinaretur in illa per modum naturæ: ergo simul intelligeret omnia ea, quod est inconueniens: non enim Angelus intelligit omnia sua intelligibilia simul.

RESOLVTIO.

Angelus intelligit alia à se non per habitum connaturalem, sed per speciem intelligibilem.

Respond. dicēdū: quod circa hanc materiam sunt variæ opiniones. Quidam enim & magni ponūt, quod in intelligentia non sunt species, sed est in ea quidam habitus connaturalis, per quem intelligit omnia sua intelligibilia. Communiter tamen ponitur, quod in intelligentia sint species & similitudines expressivæ rerum, sine quibus intelligentia alia à se intelligere non posset. Hanc positionem communem melius intelligimus, & hanc tenemus, & ipsam credimus esse veram. Sic ergo procedemus in hac quæstione, quia primò adducemus rationes, quas faciunt ponentes habitum ad probandum, quod non sit dare species. Secundò ostendemus, quod huiusmodi positio, per quam

negantur species in mentē Angeli, non concordat nec dictis Phorum nec Sanctorum. Tertiò declarabimus, quod licet in intellectu nostro habeat aliquā apparentiam, quod non oporteat ibi ponere species; in intellectu autem Angelico nec apparentiam, nec existentiam habet. Quarto adducemus rationes ad propositum ostendentes, quod per talem habitum sine speciebus non posset intelligentia sua intelligibilia intelligere. Quintò & ultimò solvemus rationes factas in contrarium, per quas ponentes habitum negant species.

Propter primum sciendum, quod negantes species hoc modo procedunt: nam primo ostendunt, quod ex parte intellectus non oportet ponere species. Secundò adducunt rationes, quæ videntur simpliciter concludere, quod non oportet ibi ponere species: præmittunt enim talem distinctionē, si in intellectu requiritur species, vel hoc est ex parte ipsius intellectus, vel hoc est ex parte ipsius intellectus. Quod autem propter ipsum intellectum non oporteat ibi ponere species, probant triplici ratione, quarum prima sumitur ex parte intellectus secundum se. Secunda ex parte intellectus Divini. Tertia ex parte intellectus Angelici.

Prima ratio sic patet. Nō enim possumus dicere, quod requiratur species in intellectu propter ipsum intellectū. Nam intellectus ipse est quid abstractum & quid separatum: ergo est de se quid intelligibile. Quod si habet calumniam in intellectu nostro, qui est potentia pura in genere intelligibilium, non habet calumniam in intellectu angelico, qui est quid actu in genere intelligibilium: ergo ipse Angelus, & suus intellectus, & quidquid est in eo, est quid actu intelligibile: sed si intellectus Angeli est actu quid intelligibile, nec requirit aliquid aliud, ut actu intelligatur, multo magis non requirit aliquid aliud, ut actu intelligat. Sicut enim, nullo alio informante, est quid intelligibile, ita quantum est de se, nullo alio informante, erit quid intelligens. Videtur autem hæc ratio habere calumniā, quia non quidquid est actu sensibile, nec quidquid actu sentitur actu sentire: ergo non quidquid de se est actu intelligibile absque informatione alia, oportet, quod actu intelligat absque omni informatione. Sed hæc improbatio non est

Triplex ratio Auctoris sententiæ oppositæ, nulla tamen est eam.

Prima ratio desumpta ex parte intellectus secundum se.

Non prop-
ter ipsum in-
tellectum
ponitur spe-
cies, sed
propter ob-
jectū, quod
debet esse
præsens po-
tentia.

bona, verum est enim, quod sicut intel-
lectus angelicus, quantum est de se, non
indiget aliquo alio, ut sit quid intelligibile:
ita quantum est de se non indiget aliqua
specie informante, ut intelligat. Sed rota-
causa accipienda est ex parte objecti in-
telligibilis: ut quia objectum intelligibile
non potest per se esse præsens intellectui
angelico: ideo oportet, quod sit ibi per
suam speciem. Et quod dicitur de sensu
non est simile: quia non est eadem ratio,
quare aliquid sentiatur, & quare aliquid
sentiatur. Sentiuntur enim res, quæ habent
esse reale, & quæ habent formam in ma-
terias: sed sentit sensus, qui suscipit spe-
cies intentionales, & qui suscipit formam
sine materia. Sed una ratio est quare ali-
quid intelligatur, & quare intelligat: nam
ideo aliquid est actu intelligibile, quia est
actu à materia separatum, & ideo actu
intelligit, quia est actu à materia separa-
tum. Quidquid enim est actu à materia
separatum, dum tamen habeat per se es-
se, oportet, quod illud sit quid intelligens:
imò plus est esse quid intelligibile, quam
quid intelligens, cum intelligibile dicatur
causare intellectionem suam in intelligē-
te, & ideo fuit quod Plato supra intelli-
gentias constituit intelligibilia, id est,
ideas: intelligere enim non competit in-
tellectui angelico tanquam rei per se exi-
stenti, sed tanquam rei quæ est organum
ad intelligendum: per se enim ipse An-
gelus non intelligit, sed intelligit per in-
tellectum, qui est quædam potentia, &
quædam virtus, & quoddam organum
ejus ad intelligendum. Loquendo tamē
de intelligere secundum illum modum
secundum quem potest cōpetere intel-
lectui, cum plus sit esse quid intelligibi-
le, quam quid intelligens. Dicemus, &
concedemus, quod cum intellectus an-
gelicus non indigeat aliqua alia specie
informante ad hoc, quod sit quid intel-
ligibile, multo magis non indigebit, quā-
tum est de se, aliqua alia specie informā-
te ad hoc quod sit quid intelligens. Si er-
go consideretur ipse intellectus secundū
se, quia est quid abstractum & separatum
à materia, patet, quod propter ipsum in-
tellectum non oportet ponere spe-
ciem.

Secunda ra-
tio ex parte
intellectus
Divini.

Secundam rationem ad hoc idem
adducunt ex parte intellectus Divini, quia
si hoc esset de ratione intellectus, quod
per suam informationem intelligeret: er-

go omnis intellectus intelligeret per in-
formationem: ipse igitur intellectus Di-
vinus per informationem intelligeret,
quod falsum est. Tertiam autem ratio-
nem adducunt ex parte intellectus ange-
lici: quia si hoc esset de ratione intelle-
ctus, quod intelligeret per informatio-
nem, nunc quidquid intelligeret intelle-
ctus angelicus, intelligeret per informa-
tionem: ergo cum Angelus intelligeret
se ipsum, intelligeret se per informatio-
nem communem speciei, quod falsum
est, & communiter negatur. Has autem
rationes gratia cōclusionis concedimus.
Concordamus enim cum istis, quod prop-
ter ipsum intellectum non est ponenda
species.

Tertia ex
parte intelle-
ctus angeli-
ci.

Adducunt tamen hi novem ratio-
nes alias, quæ videntur simpliciter con-
cludere, quod nullo modo oporteat po-
nere ibi species. Has autem 9. rationes
sic distinguemus: quia tres illarum vidē-
tur sumi ex parte objecti. Tres ex parte
specierum. Et tres ex parte actus. Obje-
ctum autem intellectus videtur habere
triplicem conditionem. Prima est, quia
ex objecto & intellectu debet fieri unum.
Secunda est, quia ipsum objectum intel-
lectus intelligitur esse quid universale.
Tertia est, quia ipsum cognoscibile, &
ipsum objectum intellectus est quodam-
modo præsens ipsi intellectui, & hæc ter-
tia conditio multum appropinquat pri-
mæ: tamen quia ex ista conditione assu-
munt ipsi nonam rationem, ideo annu-
merabimus hanc conditionem cum aliis.
Dicamus ergo, quod species intelligibilis
non est necessaria propter ipsum intel-
lectum: ut probaverunt tres rationes prius
factæ. Nec etiam, ut videtur, est necessa-
ria species propter ipsum intelligibile vel
propter ipsum objectum, quia vel hoc
esset ratione unitatis, ut quod ideo esset
necessaria species, quia objectum intelli-
gibile non potest per se uniri intellectui,
ideo est necessaria species, ut uniatur ei
per ipsam. Vel hoc esset ratione univer-
salitatis vel ratione præsentie, ut quod
ideo esset necessaria species, ut fa-
ceret objectum intelligibile esse præ-
sens intellectui. Nullo autem horum
modorum est necessarium ponere spe-
ciem: ex parte ergo objecti hæ-
tres rationes fiunt, quod non
oporteat ponere
speciem.

Novem
rationes
quarum
ex parte ob-
jecti, tres
ex parte
speciei, & tres
ex parte
actus.

Primā talis, si dicas, quod ideò requiritur species, ut per speciem objectū intelligibile uniatur intellectui, quod nō potest ei uniri per se ipsum, videtur hoc esse falsum: nam ex objecto intelligibili & intellectu fit unum, sicut ex cognoscēte & cognito; non sicut ex materia & forma, sed ex specie intelligibili & intellectu fit unum sicut ex materia & forma. Ista ergo unitas, quam facit species intelligibilis cum intellectu, multū est aliena & diversa ab unitate, quam debet facere objectum intelligibile cum intellectu: una ergo non supplebitur, & non restaurabitur per aliā: loco ergo unitatis, quam debet facere objectum intelligibile ad potentiam intellectivam, non poterit ibi esse unitas speciei ad huiusmodi potentiam, nec poterit huiusmodi unitas supplere & restaurare vicem illius unitatis, cum sit ab ea valde varia & diversa.

Secunda ratio sumpta ex parte universalitatis objecti talis est: quia (ut dicunt) objectum intelligibile non est cognitum ab intellectu, nisi sub ratione universalis: sed species impressa intellectui, ut aiunt, non potest esse repræsentativa alicujus nisi sub ratione singularis: nam huiusmodi species impressa intellectui angelico, vel imprimitur ei ab ipso objecto intelligibili, vel à Deo: Si dicatur quod à Deo, oportet, quod Deus eo modo imprimat ei speciem, quemadmodum imprimeret ei ipsum objectum intelligibile, vel aliter non repræsentaret huiusmodi objectum: sed constat, quod objectum intelligibile non potest agere in intellectu, nisi secundum quod habet esse particulare. Nam universale secundum se non existit in rerum natura, sed sua existentia est, ut habet esse in supposito, & sub esse signato: sed sicut aliquid existit in rerum natura, sic agit, & sic potest imprimere suam speciem & suam similitudinē: cum ergo ipsum objectū intelligibile non existat in rerum natura, nisi sub esse singulari, & signato, non poterit imprimere speciem, quæ sit repræsentativa rei sub esse universalis; sed solū sub esse signato & singulari: & quia hoc est contra rationem objecti intelligibilis, consequens est, ut videtur, quod eo ipso, quod objectum intelligibile est quid universale, in intellectu non oportet ponere huiusmodi speciem, quæ, ut

patuit, non potest esse repræsentativa rei nisi sub esse signato.

Tertia ratio sumitur ex parte præsentia ipsius objecti. Non enim possumus dicere, quod ideò requiratur species in intellectu, ut faciat rem esse præsentem ipsi intellectui: nam sicut se habet in visu, sic suo modo se habet in intellectu. Videmus autem in visu, quod præsentia rei causa est, quod species habet esse in oculo, non autem species in oculo causa est præsentia rei. Si ergo per agens supernaturale species illa imprimeretur & conservaretur in oculo, præsentia ejus in oculo non faceret rem esse præsentem, quod posset videri ab oculo: requireretur ergo ibi aliquid aliud, quod hoc faceret. Similiter ergo & species impressa intellectui angelico ab aliquo alio, quàm à re, utputà, à Deo, & conservata in esse ab eo, non poterit causare vel supplere præsentiam rei: & quia, ut dicunt, propter nihil aliud ponitur species, vanum, & superfluum est ponere ipsam.

Adductis rationibus ex parte objecti, volumus ad ducere rationes ex parte speciei: hæ etiam sunt tres. Nam species tripliciter considerari potest. Primò ut cōparatur ad objectū, quod repræsentat. Secundò ut cōparatur ad potentiā, quam perficit. Tertiò ut consideratur secundū se. Secundū hoc ergo adducunt ad tria inconvenientia, si ponantur species, sumuntur ergo ex ipsis speciebus tres rationes. Prima autem ratio sumpta ex specie, ut comparatur ab objecto, ducit ad infinitum. Dicant enim, quod natura nihil facit frustra, nec deficit in necessarijs, iuxta illud, quod dicit Phis in 2. coeli & mundi: *Quod extra rationem est, ut natura ponat stellas motas, & non dederit eis instrumenta motus.* Sic à simili extra rationem esset, quod intellectus angelicus intelligeret per species, & non haberet apud se omnes species, per quas est aptus natus intelligere sua intelligibilia: sed huiusmodi intelligibilia etiam differentia specie sunt (ut dicunt) infinita: haberet ergo Angelus apud se infinitas species, nam cum species illæ sint derivatæ ab ideis Divinis, cum idæ illæ sint infinitæ, erit Angelus aptus natus cognoscere infinita intelligibilia, & habebit infinitas species. Quod & si de hoc dubitatur, quod non oporteat in Angelo

Tertia ratio ex præsentia objecti formatur.

Tres rationes ex parte speciei.

Prima talis:

Phis in 2: de celo & mund. cōm. 50.

ponere infinitas species propter huiusmodi modi intelligibilia, de ipsis numeris, & de ipsis figuris dubitari nō potest. Nā numeri vadūt in infinitū secundū diversitatē etiā specierū: quia alia species numerorū est binarius, alia trinaris, & sic deinceps: sic etiam & species figurarum in infinitum vadunt, quia alia species est triangulus, alia quadrangulus, & sic deinceps: cōstat autem, quod Angelus est aptus natus cognoscere omnia talia: habebit ergo apud se infinitas species, quod nullus diceret.

Secunda ratio ex parte speciei, ut comparatur ad actū.

Secunda ratio sumitur ex parte speciei, ut comparatur ad actū: & hæc ratio ducit ad inconveniens, quod nunquā intellectus actu intelligeret, si intelligeret per huiusmodi species. Nam species istę, si ponerentur, semper informarent intellectum angelicum: cū ergo Angelus aliquando non intelligat lapidem, & postea intelligat ipsum, rationabiliter dubitatur, quid reducet ipsum de potentia in actum? Constat, quod non species, quia cū illa semper informet, semper in actum reduceret. Nec existentia rei, quia non oportet lapidem existere ad hoc, quod Angelus lapidem intelligat: non esset ergo dare causam, quomodo Angelus actu intelligeret, & quomodo reduceretur in actū intelligendi.

Tertia ratio ex parte speciei secundū se.

Tertia ratio sumitur ex parte speciei secundū se. Et hæc ratio ducit ad inconveniens, quod si Angelus haberet apud se speciem, per quam cognosceret, forte illa species esset ratio cognoscendi se ipsam, sed non posset esse ratio cognoscendi aliquid aliud. Secundū hoc ergo Angelus posset intelligere illam speciem per se ipsam, sed nihil aliud per illam speciem cognoscere posset: nam, ut dicunt, ratio intelligendi potest sumi activē & passivē, vel (quod idem est) ratio intelligendi potest sumi vel ex parte intellectus, & tunc est per quod Angelus intelligit, vel potest sumi ratio ex parte intelligibilis, & tunc ratio intelligendi est id per quod intelligibile intelligitur. Activē enim, ut dicunt, una creatura est ratio intelligendi aliam: ipsa enim potentia intellectiva in Angelo, vel ipse intellectus angelicus est ratio, quare Angelus intelligat se & alia: ex parte enim intellectus Angeli, quantum ad ipsum intelligere, non requiritur ibi aliquid aliud informans, sed tota causa sumenda

est ex parte intelligibilis: sed constat, quod intellectus intelligit, intelligibile intelligitur: ergo propter ipsum intelligere, quod significatur per modum actionis, nō requiritur ibi aliquid aliud informans, sed si requiritur, hoc est ex parte ipsius intelligibilis, ut intelligatur. Loquendo ergo de ipsa ratione intelligendi passivē, id est, de eo, quod est ratio quare aliquid intelligatur, sola essentia Divina est ratio intelligendi se & alia: quia sola ipsa est omnium aliorum creatrix. Fuerunt autē aliqui Philoſophi ponentes intelligentias creatrices aliquarum rerum. Illi salvare poterant, quod huiusmodi intelligentiæ intelligere possent per substantiam suam se, & illa quorum erant creatrices: sed cū nulla substantia creata possit esse creatrix alicujus alterius, nulla substantia potest esse ratio intelligendi se & aliud, & sicut veritatem habet de ipsa substantia, ut dicunt, veritatem habet de quocumque alio addito substantiæ. Sicut ergo substantia Angeli non potest esse ratio intelligendi aliquid aliud ab Angelo, ita nec species, quæ ponitur in substantia Angeli vel intellectu angelico, poterit esse ratio intelligendi aliquid aliud: frustra ergo ponitur talis species.

Positis rationibus ex parte objecti, & ex parte speciei, volumus adducere rationes, quas faciunt contra species sup̄tas ex parte actus intelligendi. Hæ etiam sunt tres secundū quod actus intelligendi tres conditiones habere videtur. Nam huiusmodi actus est quid voluntarium, est quid in genere intelligibile, & est quid relatum ad aliud. Sed secundū negantes species, si ponerentur species, a quibus progrediretur actus intelligendi, huiusmodi actus esset simpliciter quid naturale: non esset passio ab objecto secundū quod objectum est aliquid in genere intelligibile, sed solum secundū quod est aliquid in genere entium. Et tertio huiusmodi actus nō esset motus ad animam, nec motus ab anima: nec esset quid relatum, nec quid tendens in aliud, sed solum quid absolutum.

Primum inconveniens sic patet: nam si requireretur species impressa intellectui, ut similitudo essentiae cognoscendæ, a qua formaliter inherente intellectui, ex ipsa & intellectu eliceretur actus intelligendi, consequens esset, ut dicunt, quod intellectus de necessitate sem-

Alia tres rationes ex parte actus intelligendi ab inconvenientia.

Primum inconveniens.

semper intelligeret per illam speciem: nam intelligere non est actio transiens in exteriorem materiam, sed est actio manens in agente, & est perfectio agentis: non ergo comparabitur intelligere ad speciem intelligibilem, sicut illuminare aërem comparatur ad lucem Solis, vel alterius corporis luminosi: sed sicut lucere, quantum est in corpore luminoso, comparatur ad lucem, quæ ipsum formaliter perficit: sic intelligere, quod est in intellectu, comparabitur ad speciem intelligibilem, quæ intellectum actualiter informat. Quare sicut corpus luminosum habens in se formam lucis, naturaliter & de necessitate lucet, & non potest non lucere: ita intellectus habens apud se speciem intelligibilem, naturaliter intelligeret, & non posset non intelligere. Ex hoc autem sequeretur ulterius inconueniens, videlicet, quod intellectus angelicus intelligeret omnia simul, quod nullus ponit.

Secundum inconueniens sic patet. Nam cum species intelligibilis sit aliquid informans intellectum, intellectus non pateretur ab intelligibili, nisi in quantum reciperet impressionem informantem ipsum, sicut accidens informat subiectum: sed hunc modum passionis reperimus in rebus naturalibus & in alijs entibus, ergo talis passio non esset ab objecto intelligibili, ut est aliquid in genere intelligibilem; sed ut est aliquid in genere entium: ipse ergo actus intelligendi, ut est aliquid impressum ab objecto, esset solum aliquid in genere entium.

Tertium inconueniens sic patet. Nam si actus intelligendi esset tale aliquid, ut ponitur, non esset motus ab anima, nec motus ad animam; sed esset solum aliquid in anima: sicut lucere non dicit aliquid à corpore luminoso, nec aliquid ad corpus luminosum, sed solum dicit aliquid in corpore luminoso: secundum hoc ergo intelligere non esset aliquid tendens in objectum, nec aliquid tendens in aliud, sed esset solum quid absolute, & per consequens non esset aliquis representativum.

Postquam fideliter recitauimus positionem negantium species, & exquisitè adduximus omnes rationes ipsorum, volumus ostendere, quod hæc positio non concordat nec dictis Philosophorum, nec Sanctorum. Quod autem non con-

corder dictis Philosophorum patet. Nam in decima propositione de causis scribitur: *Omnis intelligentia est plena formis.* Et de causis.

Proclus in 176. propositione dicit: *Omnis intellectus plenitudo est specierum.* Hoc etiam non concordat cum dictis Philosophis. Nam in 3. de anima vult Phis, quod anima sit locus specierum, sed non tota, 6.

sed intelligentia tantum. Quod dupliciter potest exponi, quomodo anima secundum omnes suas potentias non sit locus specierum, sed secundum intellectum tantum. Nam ipse intellectus fundatur, ut in subiecto, in essentia anime; potentia autem sensitiva, ut in subiecto, fundatur in organo: ipsum ergo organum, in quo fundatur virtus sensitiva, potest esse susceptivum specierum sensibilium: ergo à simili ipsa essentia anime, in qua fundatur potentia intellectiva, erit locus specierum intelligibilium: ergo anima, secundum quamlibet potentiam non dicitur locus specierum, quia non subternitur tanquam immediatum subiectum potentia cuiuslibet; sed est locus specierum intelligibilium, quia ipsi intellectui anima subternitur, tanquam immediatum subiectum. Alio modo potest exponi auctoritas præfata, ut dicatur anima locus specierum non tota, sed secundum intellectum tantum: quia locus specierum nihil est locati; sensus autem vel organum sensibilium non sic denudatum est à natura eorum, quæ recipit, sicut denudatus est intellectus: anima enim nostra conuersam habet faciem ad ista sensibilia, ut non nisi ab illis speciebus perficiatur, quæ in sensibilibus, & ex sensibilibus habent ortum. Et quia, ut dicebatur, à natura horum sensibilium magis est denudatus & elongatus intellectus, quàm sensus, & quàm organum sensitivum: idè quantum ad hoc, quod locus nihil est locati, anima dicitur magis locus specierum secundum intellectum quàm secundum sensum. Addit tamen ibi Phis, quod anima est locus specierum & intellectus est non actu, sed potentia species, id est, habet species non actu sed potentia, secundum ergo intentionem Philosophi oportet substantiam intelligentem, modo receptivo & ab alio, esse locum specierum, in hoc tamen posset esse differentia, quod aliquis intellectus, qui non esset actu, purus, & intelligeret modo receptivo, haberet illas species actu & innatas, ut intellectus angeli.

Proclus
prop. 176.
Phis in 3. de
Anim. com.

10. prop. lib
de causis.

Secundum
inconueniens.

Tertium in-
conueniens.

Contrario-
positio
non con-
cordat dictis
Philosophorum,
nec
Sanctorum.

angelicus, aliquis verò haberet eas potē-
tia à rebus acceptas, ut intellectus noster. **A**
Negantes autem species negant eas ab
omni intellectu, quod plenè est contra
Phum ponentē animā locum specierū,
potissimè quantum ad intellectum: imò
extra rationem esset, quòd in intel-
lectu nostro essent species intelligibiles,
& non in intellectu angelico: quare (ut in
prosequendo patebit) aliquam apparen-
tiam fortè habet, quòd in intellectu an-
gelico nec apparentiam nec existentiam
habet. Nam si in intellectu nostro spe-
cies intelligibiles non sunt frustrā, sed
intellectus habens eas movetur per eas
ad intelligendum, multò magis non erūt
frustrā in intellectu angelico, ubi sunt **B**
majoris efficaciz: sed movebitur intelle-
ctus Angeli per eas ad intelligendu-
m.

Nec potest dici, quòd cū Phus ait,
animam secundum intellectum esse lo-
cum specierum, quòd ibi accipiat species
pro ipsis intellectiōibus, vel pro actibus
intelligendi. Nam propter hoc Phus po-
nit species rerum in anima, quia ipsæ res
in anima secundum se ipsas esse non pos-
sunt. Vnde ait ipse in eodem tertio, quòd
oportet aut ipsas res esse in anima aut **C**
earum species: non autem sunt ibi ipsæ
res, ergo sunt ibi species. Vnde conclu-
dit ipse, quòd *Lapis non est in anima sed spe-
cies lapidis.* Constat autem, quòd si ipsa
res esset in anima, non esset ipsa intelle-
ctio, nec suppleret vicem intellectiōis.
Hoc enim posito non intelligerentur res
per speciem aliam ab ipsa, sed ipsa res
per se ipsam causaret intellectiōem
vel actum intelligendi in ipso intellectu.
Species ergo existentes in intellectu, qua-
rum est locus anima, æquè supplerent
in anima vices rerum: non ergo species, **D**
quas ponit Phus in intellectu, sunt ipsæ
intellectiōes nec ipse actus intelligendi,
sed sunt causativæ ipsorum. Sicut enim
si res essent presentes per se ipsas in ani-
ma, causarent in intellectu actū intelligē-
di per se ipsas: sed hoc idem faciunt spe-
cies, quæ, ut patet ex intentione Phi,
supplerent in anima vices rerum: non er-
go species, quas ponit Phus in intellectu,
sunt ipsæ intellectiōes vel ipse actus in-
telligendi, nec etiam dici potest, quòd
cū ait Phus, quòd lapis non est in ani-
ma, sed species lapidis, quòd hoc non
intelligatur de intellectu, sed de sensu:

ut dicatur species lapidis magis esse in a-
nima, quia est in sensu, quam quia est
in intellectu, cū expressè suprà dixerit
animam esse locum specierum magis se-
cundum intellectum, quam secundum
sensum. Expressa est ergo intentio Phi,
quòd species intelligibiles sunt in intel-
lectu. Est etiam circa hoc expressa inten-
tio Commentatoris. Nam in 11. Mera. **Comm. 11.**
super illo capitulo *Mover sicut desideratum* Mera super
vult quòd *Balneum duplicem habeat for-* cap. 1. p. 36.
mam in anima, & extra animam, & prop-
ter illam formam, quæ est in anima, desideramus,
aliam formam quæ est extra animam. Forma
igitur balnei, in quantum est in anima, est a-
gens desiderium & motum: secundum autem
quod est extra animam est finis motus, non
agens. Sed secundum eundem Commen-
torem ibidem si forma balnei esset
abstractum, & balneum esset in anima,
per se ipsum balneum & per eādem for-
mam moveret, ut agens & ut finis: tota
causa quare balneum habet formam
in anima aliam à forma, quam habet in
se ipso, per quam formam movet desi-
derium animæ, & intelligitur ab anima,
est, quia balneum per se ipsum non po-
test esse in anima. Species ergo rerum se-
cundum Commentatorem sunt in ani-
ma, quia res per se ipsas non possunt ibi
esse: sic species rerum erunt in Angelo,
quia ipsæ per se ipsas in Angelo esse non
possunt. Nec dici potest, quòd Commē-
tator ibi loquitur de sensu non de intel-
lectu, non quòd dicat balneum habere
speciem in anima, quia habeat huiusmo-
di species in sensu, nō in intellectu. Nam
quod dixerat de anima nostra, in illo eo-
dem capitulo adaptat ad animas celo-
rum, in quibus de virtutibus animæ dicit
non esse nisi intellectivam & desiderati-
vam. Cū ergo loquitur ibi de specie
balnei existente in anima nostra, non lo-
quitur de sensu, vel de specie sensibili, se-
cundum quod anima nostra differt ab a-
nimabus coelorum: sed potissimè loqui-
tur de specie intelligibili & de intelle-
ctu, in quibus anima nostra convenit cū
animabus illis: hæc ergo positio non cō-
cordat dictis Philosophorum. Quòd autē
non concordet dictis Sanctorum planè
patet. Nam August. in suo libro de Tri-
nit. hoc modo venatur imaginem Tri-
nitatis in creatura rationali: quia in par-
te intellectiva ponit memoriam, & à spe-
ciebus quæ sunt in memoria, secundum
eum

Phus 3. de Anima cōm. 38.

D. Aug. in Tri-
bro de Trinitate

eum informatur intellectiva per voluntatem coniungentem, ita quod est ibi parens ratione speciei existentis in memoria, & proles ratione informationis factæ in intelligentia, & nexus ratione voluntatis coniungentis: & ite idē modus imaginis Trinitatis, qui ponitur in anima, secundum istos Sanctos ponitur expressius in Angelo, quod non esset, nisi tam anima, quam Angelus haberet in se mentem, quæ esset thesaurus specierum intelligibilium, à quibus, prout vult se convertere nunc super istam, nunc super illam, informatur acies cogitantis.

Viso quomodo negantes species intelligibiles roborant positionem suam, & ostenso quomodo hæc positio non concordat nec cum dictis Sanctorum, nec Phorum, volumus declarare quod ponebatur pro tertio declarandum, videlicet, quod talis positio habet aliquam apparentiam in intellectu nostro: sed in intellectu angelico nec existentiam nec apparentiam habet. Propter quod sciendum, quod intellectus noster movetur à phantasmatibus, ita quod intellectus agens comparatur ad phantasmata, sicut lux ad colores: intellectus verò possibilis comparatur ad ea, sicut oculus ad colores, ita quod sicut oculus immutatur à colore per lumen corporale, ita intellectus possibilis immutatur à phantasmate in virtute luminis intellectus agentis: frustra ergo, ut videtur, ponuntur species in intellectu possibili. Est enim in intellectu possibili ipsa intellectio, sive ipse actus intelligendi, sive ipse motus factus à phantasmate: sed quod sint ibi species intelligibiles, quæ habeant causare huiusmodi motum, vel huiusmodi intellectionem, vel actum intelligendi, videtur omnino vanum: nam, ut dicebatur, tota causa, quare requiritur species, à qua causetur actus intelligendi, est, quia res per se ipsam non potest esse præfens ad causandum talem actum. Sed licet res non possit esse præfens intellectui nostro per se ipsam; est tamen præfens per phantasma, per quod movet intellectum nostrum: frustra ergo ponitur species intelligibilis in intellectu nostro, cum sit phantasma in phantasia, quod in virtute luminis intellectus agentis potest movere intellectum nostrum: immò hoc videtur nobis fidem facere, quod in intellectu possibili nulla sit spe-

cies intelligibilis, sed solum sit in eo intellectio, vel actus intelligendi, vel motus intelligibilis factus à phantasmate: quia quantumcunque habeamus scientiam, semper oportet phantasmata speculari, quia si essent species in intellectu possibili, videretur, quod huiusmodi intellectus per species, quas haberet apud se absque aliis phantasmatibus posset se movere ad intelligendum. Propter quod sciendum, quod eadem causa assignari potest, quare phantasma non potest causare in intellectu ipsam intellectionem sive ipsius actum intelligendi, nisi prius actu causet in eo speciem intelligibilem: & quare sensibile positum supra sensum nullum facit sensum. Hoc est enim secundum Phum commune sensui, quod sensibile positum supra sensum non facit sensum: ipsum ergo sensibile immediate non potest causare ipsam sensationem sive ipsum actum sentiendi in sensu. Quod si quaeratur causa, cum hoc conveniat omnibus sensibus, oportet, quod hæc sumatur ex eo, quod est commune omni sensui: propter quod sciendum est, quod commune est omni sensui, quod sensus sit susceptivus specierum sine materia. In ipsis ergo sensibilibus sunt formæ secundum esse materiale & reale; in sensu verò secundum esse intentionale & similitudinarium: est ergo hic modus immutationis sensus, quod sensibile primo immutat medium, & per medium immutat sensum: propter quod species sensibilis habet triplex esse, in organo, in medio, & in re sensibili. Sed in re sensibili habet omnino esse materiale, in medio habet esse magis spiritualiter & immaterialiter, in organo verò adhuc magis spiritualiter & immaterialiter. Causa ergo, quare à re sensibili non potest immediate causari sensus vel actus sentiendi, est, quia à forma, ut habet esse in re sensibili & omnino materiali, non potest immediate causari forma tantæ immaterialitatis, quantum requirit sensus, qui magis immaterialiter, & magis est susceptivus specierum sine materia, quam medium. Dato ergo, quod sensibile immediate immutaret sensum, per illam immutationem sensus non sentiret, quia illa immutatio non haberet tantam immaterialitatem quantum requirit sensus. Oportet ergo, quod prius fiat species in medio, quæ habebit esse magis materiale, quam species

In sensu, & minùs quàm ipsum sensibile. Non enim naturaliter itur ab extremo in extremum sine medio: abesse ergo nimis materiali, quod habent qualitates sensibiles ut sunt in objectis, ad esse quodammodo multum immateriale, quod habent qualitates illas, ut sunt in sensibus, non itur sine esse medio, & modo quodam, id est, modo materiali, quod habent huiusmodi qualitates, ut sunt in medio. Ex his autem aperitur nobis via, quare phantasma non potest immediatè causare ipsam intellectiōem sive ipsum actū intelligendi in intellectu possibili, nisi in eodem intellectu prius causet speciem intelligibilem: nam phantasma cum sit hic & nunc, nimis habet esse materiale respectu eorum, quæ sunt in intellectu. Licet enim ea, quæ sunt in sensu, sint multum immaterialia respectu eorum, quæ sunt in sensibilibus: quia res sensibiles valde sunt magis materialiter in objectis, quàm in sensibus; attamen ea, quæ sunt in sensibus, sunt valde materialia respectu eorum, quæ sunt in intellectu. Nam licet sensus sit susceptivus specierum sine materia, propter quod superat objecta sensibilia, quæ habent esse cum materia, attamen sensus suscipit cum conditionibus materiæ, propter quod multum deficit ab intellectu, in quo suscipitur res abstracta, non solum à materia, sed à conditionibus.

Redeamus ergo, & dicamus, quòd phantasma respectu eorum, quæ sunt in intellectu, & maximè respectu actus intelligendi, habet esse valde materiale, & per consequens habet esse valde imperfectum in potentia. Ipsa autem intellectio, vel ipse actus intelligendi in genere intelligibilium habet esse multum perfectum, & multum in actu: ab illo ergo extremo, ut à phantasmate in hoc extremum, ut in actū intelligendi, non itur sine medio, id est, sine specie intelligibili: species enim intelligibilis est media inter intellectiōem & phantasma, sicut species in medio erat media inter objectum sensibile & sensationem, sive actum sentiendi, sive speciem impressam in sensu. Dicemus ergo, quòd species intelligibilis non habet esse ita potentiale, sicut phantasma, nec ita actuale sicut intellectio: sed habet esse medium inter illa. Sed fortè dicet, quòd si non itur ab extremo in extremum sine medio, oportebit dare

aliquam virtutem mediam inter phantasma & intellectum, in qua recipiatur illa species, à qua causatur actus intelligendi. Sed hæc objectio nulla est: inter affirmationem & negationem nihil cadit mediū. Inter organicum ergo & non organicum non erit virtus media, quæ nec sit organica, nec non organica: forma igitur, quandiu est in virtute organica, nimis habet esse potentiale & imperfectum respectu actus intelligendi. Si ergo debet fieri transitus ab extremo, ut à forma existente in virtute organica, in extremum, ut in actum intelligendi per receptionem mediam, oportet, quòd illa receptio fiat in virtute non organica: sed nulla virtus cognitiva receptiva non organica est in nobis, nisi intellectus possibilis. Est enim intellectus possibilis virtus cognitiva, & in hoc differt ab appetitu: est receptiva, unde differt ab intellectu agente, est non organica, propter quod differt à sensu. In tali ergo virtute fiet illa receptio media, per quam transitur ad actum intelligendi: species ergo intelligibilis est receptio media inter phantasma & actum intelligendi, non quòd huiusmodi species sit in alia virtute, quàm ipse actus; sed ideò habet rationem medij respectu actus, quia huiusmodi species intelligibilis in genere intelligibilium non habet esse rei actuale & perfectum, sicut actus intelligendi. Habet ergo aliquam apparentiam ratione phantasmatis agentis in intellectu nostro, quare in huiusmodi intellectu nostro non ponatur species intelligibilis: sed quòd in intellectu angelico non sint species intelligibiles ipsarum rerum nec apparentiam nec existentiam habet: nam cum res ipsæ nec per se ipsas nec per earum phantasmata possint esse præsentes apud intellectum angelicum, oportet, quòd sint ibi præsentes per earum species, ut per huiusmodi species rerum moveatur intellectus angelicus ad intelligendum res.

Tangebatur autè una difficultas ex parte intellectus nostri, videlicet, quare intellectus noster indiget phantasmate, ex quo habet apud se speciem intelligibilem. Videtur enim, quòd vel non indigeat phantasmate, si habet huiusmodi speciem, vel si indiget, quòd talem speciem non habeat. Propter quod sciendum, quòd anima conjuncta corpori non potest se liberè convertere supra se, sicut si habe-

Replica.

ret

ret esse à corpore separatum, & maximè A
quandiu corpus ejus est corruptibile, quia
ut dicitur in libro Sapient. *Corpus quod cor-*
rumpitur aggravat animam. Et quia anima
quandiu est conjuncta corruptibili cor-
pori, non potest se liberè convertere su-
pra species, quas habet apud se, ut per hu-
jusmodi conversionem detur aliqua ac-
tualitas ipsis speciebus intelligibilibus,
per quam actualitatem fiat processus in
actum intelligendi: oportet igitur, quòd
anima convertat se supra phantasmata,
ex qua conversione tribuatur aliqua ac-
tualitas speciebus intelligibilibus, per quā
actualitatem fiat processus in actum in-
telligendi. Inde est ergo, quòd quantum-
cunque anima habeat apud se species in-
telligibiles, adhuc indiget phantasmate:
non enim potest sine phantasmate spe-
culari.

Quòd si hanc difficultatem volumus
magis philosophicè solvere, vel si istam
& eandem sententiam volumus per ver-
ba magis philosophica declarare. Dice-
mus, quòd species intelligibilis non est in
tanta actualitate, quādo non est conjuncta
actu intelligendi, in quāta est, quādo est
cōjuncta. Si ergo habet apud se speciē la-
pidis, & vult per hujusmodi speciē intel-
ligere lapidem, non poterit, nisi species
illa fiat in aliqua majori actualitate, ut
possit progredi in actum intelligendi, in
qua actualitate non existit, cū est à tali
actu separata, hanc actualitatem non po-
test recipere, nisi in phantasmate, à quo
suscepit esse & generationem. Certum
est enim, quòd ab illo eodem, à quo ge-
neratur forma, in esse suscipit intentio-
nem & perfectionem: à quo enim gene-
ratur aliquid calidum, ab eodem contin-
git ipsum perfici in calore: idè cū
volumus actu intelligere, oportet iterū
phantasmata speculari, ut ab eodem phā-
tasmate, à quo suscepit species intelli-
bilis esse & generationem, suscipiat ac-
tualitatem & complementum, ut possit
progredi in actum intelligendi. Res enim
quandiu est conjuncta suo fontali prin-
cipio, perfectius & completius esse habet:
species ergo intelligibilis, quamdiu est
conjuncta phantasmati illustrato & irra-
diato per lumen intellectus agentis, tan-
diu est in esse perfectiori, ut possit ex se
causare actum intelligendi, sed statim cū
desinit phantasma esse in phantasia, non
propter hoc desinit esse species in intelle-

ctu possibili, cū hujusmodi intellectus
secundum Phum sit locus specierum, &
per consequens sit conservativus ipsarū.
Sed licet non totaliter desinat esse spe-
cies intelligibilis, desinente phantasma-
te, attamen non remanet in illa perfe-
ctione & in illo complemento, in quo e-
rat, phantasmate existente, inde est, quòd
non potest species illa ex se generare ac-
tum intelligendi, nisi iterum fiat phan-
tasma in phantasia, & ipsa species per hu-
jusmodi phantasma rursus fiat in esse per-
fecto. Generare enim non est nisi perfe-
ctorum, & maximè generare actum intel-
ligendi, qui est quid perfectum in genere
intelligibilium, non nisi à specie habente
esse perfectum fieri potest: sed si anima
haberet esse separatum, ut posset per lu-
men intellectus agentis liberè se conver-
tere supra speciem absque phantasmate,
posset species illa in virtute illius luminis
generare actum intelligendi, nec indige-
bit anima separata se convertere ad phā-
tasma. Modus tamen loquēdi Phorum
fuit, quòd anima nihil posset intelligere
sine phantasmate, quia non locuti sunt
de anima, nisi ut habet esse conjunctum
corruptibili corpori. Sed hanc materiam
ulterius prosequi præsens speculatio non
admittit: sufficiat autem ad præsens scire,
ut est per habita declaratum, quòd ne-
gare species intelligibiles, quantum ad
intellectum nostrum habet aliquam appa-
rentiam, sed, sed non existentiam; sed
quantum ad intellectum angelicum nec
apparentiam nec existentiam habet.

Ostenso quomodo negantes species
suam positionem roborant, & quomodo
positio illa nec cōcordat cum dictis San-
ctorum, nec Phorum, & declarato quo-
modo species negantes quantum ad in-
tellectum angelicum, nec apparentiam
nec existentiam habent, ut secundum or-
dinem superius tactum prosequamur, vo-
lumus adducere rationes, quòd per ha-
bitum connaturalem absque speciebus
non possit Angelus sua intelligibilia cog-
noscere, quod triplici via declarabimus. Triplici via
ostenditur, quòd per ha-
bitum con-
naturalem
absque spe-
ciebus Ange-
lus non po-
test sua intel-
ligibilia cog-
noscere.

Prima via sic patet. Nam nihil, quod
est per se & directè in genere, potest re-
presentare sufficienter & in propria for-
ma

Prima via.
Quia quod
est per se, &
directè in ge-
nere, nō po-
test sufficiē-
ter & in pro-
pria forma
repræsenta-
re aliquid a-
liud talis ge-
neris neque
alterius.

ma aliquid aliud nisi se ipsam : quod sic ostenditur. Nam si quod est per se in genere nō potest aliquid repræsentrare, quod sit in eodem genere cum ipso : nam semper genus dividitur per oppositas differē-
tias : unum autem oppositorum per se & in propria forma non potest esse sufficiēs ratio cognoscendi alterum oppositum, nisi fortè illud oppositum esset pura pri-
vatio : propter quod non haberet cog-
nosci nisi per habitum ; sed dum tamen utrumque oppositorum dicat naturam aliquam, unum per alterum sufficienter & per se & propriè non potest : quidquid est ergo per se in genere non potest suffi-
cienter & propriè repræsentrare quod est in eodem genere, & multò minùs repræ-
sentrare poterit quod est in alio genere : quia nō majorē convenientiam habet cū
his, quæ sunt in alio genere, quàm cum his quæ sunt in genere proprio. Oportet autem in hac materia reverti ad illud quod est superius declaratum, videlicet, quod idè una res (loquendo de rebus
existentibus) non potest aliam rem repræsentrare, quia duæ tales res sive sint in eodem genere, sive non, non ab eadem
idea, nec ab eadem ratione in mente Di-
vina, sed ab alia & alia sunt productæ : idè esse non potest, quod in talibus suf-
ficienter & propriè unum aliud repræsen-
tet. Sed (ut suprà est diffusius declaratū) non sic est de rebus, ut sunt in proprio
genere, & ut habent esse in mente ange-
lica: nam ab illis eisdem ideis, à quibus processerunt res in proprio genere, pro-
cesserunt etiam in mēte angelica: & quia quæcumque uni & eidem sunt similia, in-
ter se sunt similia, oportet ipsas species in mentibus Angelorum esse similitudi-
nes rerum in proprio genere, eò quod hæc & illæ easdem rationes imitantur, & ea-
rumdem idearum sunt similitudines. Di-
cemus ergo, quod sicut sensus est suscep-
tivus specierum sine materia, & sicut ce-
ra sumit similitudinem sigilli sine cupro, sic multò magis res in mente angelica sūt
secundum esse magis formale; in se ipsis verò secundum esse materiale. Quidquid est enim per se in genere, cum genus di-
cat medium inter potentiam & actum, habet esse aliquo modo potentiale & ma-
teriale, ita quod ipsa intelligentia habet suum hyleachin, id est, suum materiale: eadem ergo res, ut habet esse reale & est
per se in genere, habet esse magis mate-

riale; ut est per speciem in intellectu ha-
bet esse magis formale. Ex quo planè pa-
tet, quod una res per se in genere non
potest repræsentrare rem aliam per se in
genere existentem. Tum quia sunt di-
versis conditæ rationibus: tum etiam
quia quælibet, secundum quod hujusmo-
di, habet esse materiale: quod enim est
ratio cognoscendi aliud, oportet, quod
sit formalius illo. Id ergo, quod est ratio
cognoscendi rem, oportet, quod sit qua-
dam formalis expressio rei: quod esse
non posset, si utrumque illorum per se
esset in genere, & à diversis rationibus
processissent. Ponentes ergo per habitum
connaturalem cognoscere Angelum res
alias, quia omnis habitus dicit rem aliquā
per se in genere, nihil tale potest sufficiē-
ter esse repræsentrativum rerum.

Ex his autem apparere potest, qua-
re Divina essentia non potest ab aliquo
cognosci per speciem, nec per aliquid
aliud, quàm per se ipsam, quia nihil est
formalius ea. Ex hoc etiā patere potest,
quare cum Angelus per speciē, quā habet
apud se, cognoscit essentiā alterius Ange-
li, quare ille alter Angelus nō potest per
essentiā suā illā speciē cognoscere. Quod
& supra diffusius diximus: nam Ange-
lus in se ipso, quia habet esse reale & per
se in genere, idè habet esse magis mate-
riale & potentiale, sed ut est per speciem
in mente alterius Angeli, ibi est secundū
esse magis formale. Et quia semper id,
quod habet esse formale, est ratio cognos-
cendi id, quod habet esse magis materia-
le, idè species est ratio cognoscendi es-
sentiā, non è converso. Ex hoc etiam
colligitur fortius argumentum, quod
nullo modo habitus nec aliqua res per
se in genere potest esse alterius rei suffi-
cienter repræsentrativa. Nam si essentia
unius Angeli, quia est res per se in gene-
re, & hoc modo consideratur secundum
esse quodammodo materiale, & idè
non potest repræsentrare speciem existē-
tem in mente alterius, per quam ab illo
Angelo cognoscitur; tamen ipsa essen-
tia & illa species ab eadem idea & ratio-
ne processerunt, multò magis una res per
se in genere rem aliam, quæ à ra-
tione & idea alia est producta, sufficien-
ter & per se repræsentrare non poterit.

Secunda ratio ad hoc idem sumi-
tur ex eo, quod habitus ille est in genere
determinato: nam idè communiter di-
ci-
ci: minatur.

citur, quòd essentia Divina potest omnia A
representare, & potest esse ratio cognos-
cendi omnia, & potest Deus per suam
essentiam omnia cognoscere: quia essen-
tia illa non est determinata ad aliquod
genus, propter quod communiter dicitur,
quòd si esset ad aliquod genus deter-
minata, omnia alia representare non
posset, nec posset esse ratio cognos-
cendi omnia per se propriè & distinctè: ergo
cum ille habitus connaturalis Angelo sit
aliquid determinati generis (vel aliter nò
esset quid creatum) non poterit esse ra-
tio omnium eorum, quæ Angelus est ap-
tus natus cognoscere. Nec valeret si quis
diceret, quòd non æquè primò, sed quo-
dam ordine hujusmodi habitus est ratio
cognoscendi omnia. Repugnat enim rei
determinati generis, quòd sit ratio cog-
noscendi omnia, quæ sunt in generibus
omnibus, quocumque modo ponatur
talis cognitio: quod enim per se deter-
minatur ad unum genus, solum per ac-
cidents posset esse ratio cognoscendi quæ
sunt in diversis generibus. Sed hoc nullus
diceret, quòd Angelus cognosceret ali-
qua, quæ sunt in aliquo genere per se,
& omnia alia cognosceret per accidents.
Debemus enim salvare quomodo Ange-
lus per se, & directè, & distinctè cognos-
cit ea, quæ sunt in generibus omnibus: C
quod per aliquid, quod sit per se in gene-
re, fieri non posset.

Tertia via ad hoc idem sumitur ex
ipso habitu secundum se. Nam in intel-
lectu nostro ponimus habitum & spe-
ciem: sed habitum propter ipsam po-
tentiam, speciem propter ipsum objectum.
Habitus enim habilitat potentiam, spe-
cies verò representat objectum: non est
enim habitus ipsa species, sed habitus ag-
generatur ex actibus: ut sicut ex frequen-
ti citharizare habilitatur manus ad ci-
tharizandum, & simus cithariste, ita ex
frequenti agere habilitatur potentia, & ag-
generatur inde habitus inclinans po-
tiam in illum actum. Non est ergo habi-
tus representativus rei, nec similitudo
rerum, sed est habilitas potentiae ad si-
miles actus. Inde est ergo, quòd ponimus
habitum non solum in potentijs cogniti-
vis, sed etiã in appetitivis: cum tamen
non sint similitudines rerum in potentia
appetitiva, sed in cognitiva. Cum ergo
cognitio sit per assimilationem, oportet
in ipso Angelo esse ipsas res, vel similitu-

dines representativas rerum. Et quia ha-
bitus est ad habilitandum potentiam, nò
ad representandum objectum, habitus
connaturalis in Angelo posset habilitare
potentiam intellectivam Angeli, sed nò
posset representare objectum, sine qua
representatione cognitio rerum esse nò
posset: nullo ergo modo possumus sal-
vare, quomodo Angelus cognoscat res,
nisi in eo sint species representativæ re-
rum.

His declaratis, restat ultimò solvere il-
las novem rationes, per quas ponentes
habitum connaturalem negabant spe-
cies. Nam cum primò dicitur, quòd
objectum unitur intellectui sicut cogni-
tum cognoscentis non sicut forma ma-
teriae: sed species unitur ei sicut forma
materiae, ideò non potest supplere vicè
unitatis objecti. Hæc ratio (quantum no-
bis videtur) non concludit intentum, sed
perit sibi quamdam difficultatem solvi.
Nam cum habitus connaturalis uniatur
intellectui sicut forma materiae, illud
idem inconveniēs, quod arguunt de spe-
cie, arguemus & de habitu. Propter quod
sciendum, quòd, ut in quæstionibus præ-
cedentibus tangebatur, per se requiritur
species, ut suppleat vicem objecti.
Quod enim ipsum objectum faceret, si
esset præseas intellectui, hoc facit ipsa
species ut est representativa objecti. Va-
de & communiter dicitur, quòd actus
intelligendi non procedit ab intellectu
& specie tanquã à materia & forma, sed
tanquam à duobus agentibus: non enim
procedit à specie, nisi ut supplet vicem
objecti. Sed quòd species illa informet
intellectum, hoc quodammodo accidit. Si
enim illa species, quæ est similitudo ob-
jecti, posset existerè in intellectu absque
eo, quòd inhaereret sibi: multò magis &
fortius causaret actum intelligendi in in-
tellectu, per quem intelligeretur ob-
jectum: considerabat ergo ratio quòd est
per accidents.

Quod verò secundò dicebatur: quòd
quia species illa impressa est quid singu-
lare & signatum; objectum autem in-
tellectus est universale. Dicit debet, quòd
nec ista ratio concludit propositum, nam
& habitus ille quid particulare est:
oportet enim, si habitus deberet ducere
in cognitionem objecti, quantumcum-
que sit ab agente supernaturali concrea-
tus, quòd talis sit ille habitus, ac si esset
gene-

Solvitur pri-
ma ex novè
rationibus
ponentium
habitum, &
non speciem
ad intelli-
gendum.

Solvitur se-
cunda ratio.

generatus per actus ab objecto, ergo si-
cut arguebatur de specie, quod non pos-
set generari ab objecto, nisi haberet esse
signatum & singulare; sic arguimus
& de habitu. Non videmus autem ratio-
nem nec causam, quare propter hoc de-
beat negari species, & poni habitus. Que-
rit ergo hæc ratio difficultatem quam-
dam sibi solvi, sed propositum non con-
cludit, propter quod sciendum, quod ea,
quæ sunt in intellectu, possunt considera-
ri secundum se, vel ut sunt repræsentati-
va rerum: secundum se enim oportet,
quod sint quid signatū & singulare, si-
ve habeat esse reale siue intentionale. Et ut
hanc difficultatem ad propositum adap-
temus: dicemus, quod species intelligibi-
lis, cū sit causata à phantasmate particu-
lari, potest esse repræsentativa rei univer-
salis, non ratione phantasmatis causantis,
sed ratione intellectus recipientis: eo e-
nim ipso, quod intellectus recipit spe-
ciem absque hic & nunc, oportet, quod
species illa ducat in cognitionem rei, ut
non est hic & nunc: & quia res sic con-
siderata est universalis, non est inconve-
niens, quod species causata à re particu-
lari ducat in cognitionem rei universalis.
Deficit ergo ratio facta quantum ad in-
tellectum nostrum, sed magis deficit quā-

Quod verò tertio dicebatur, quod
species non facit rem esse præsentem, sed
magis è converso, res præsens causat spe-
ciem præsentiam. Hoc idem dicetur & de
habitu: non ergo plus arguit illa ra-
tio de specie, quàm de habitu: immò
sequendo eorum dicta, plus arguit de ha-
bitu, quàm de specie: cū videantur
ipsi dicere, quod habitus ille connatura-
lis plus dependeat à rebus, quàm species.
Hæc ergo tertia ratio non arguit propo-
situm, sicut nec aliæ, sed querit sibi quā-
dam difficultatem solvi. Propter quod
sciendum, quod facere rem esse præsen-
tem potest esse dupliciter, vel in genere
repræsentantis, vel in genere entium. In

genere autem entium res magis facit ad præsentiam speciei, quàm è converso: eo quod res causant præsentiam speciei, non è converso. Sed in genere repræsentationis species magis facit ad præsentiam rei, quàm è converso. Nam species magis præentialiter repræsentat rem, eo quod habet esse formalius, quàm res, si repræsentet speciem, eo quod habet esse materialius. Dicebatur enim supra, quod semper habens esse magis est ratio cognitionis: & per consequens est magis repræsentativum. Quod autem addebatur in eadem ratione de agente supernatura-
li est declarativum nostri propositi: nam sicut species causata à re in genere repræsentationis facit ad præsentiam rei magis, quàm è converso, sic si per agens supernaturale causaretur huiusmodi species, & conservaretur in esse, præentialiter repræsentaret ipsas res: res ergo, habentes species in intellectu angelico, cognoscuntur ab eo, & sunt præsentis ei non per essentiam, sed per repræsentationem.

Quod verò dicebatur quarto de infinito, videlicet, quod oporteret Angelū habere infinitas species, ut posset omnia sua cognoscibilia cognoscere. Non videmus nec rationem nec causam, quare si Angelus cognoscit per species, oporteat eum habere infinitas species, ut possit cognoscibilia diffinitè cognoscere: & cū cognoscit huiusmodi cognoscibilia diffinitè per habitum, non oporteat eum habere infinitos habitus: ponimus enim in Angelo non unam speciem, sed multas; ipsi autem non ponunt nisi unicum solum habitum. Ac quod unus solus habitus possit diffinitè repræsentare omnia cognoscibilia ipsius Angeli, & non possint hoc multæ species, intellectus noster non capit. Ergo & hæc quarta ratio, sicut & aliæ rationes non concludunt intentū, sed querit sibi quasdam difficultates solvi, sicut & aliæ rationes. Propter quod sciendum, quod Angelus non habet species factorum, fiendorum, & possibilem fieri: unde licet possibilia fieri sint infinita, etiam secundum speciem; facta autem & fienda non infinita secundum speciem, ideo non oportet in Angelo infinitas species esse.

Quod verò addebatur de numeris, Ad concludendum potest, quod Angelus potest semper plures intelligere species numerorum, & semper plures absque eo quod habeat a-

Tertia ratio
dissolvitur.

Duplex mo-
dus præsen-
tandi rem,
in genere re-

Quarta ra-
tio concludit.

Angelus non
habet species
factorum
fiendorum
& possibilem
fieri.

Ad concludendum
rationes
quarta
rationis.

pud

pud se infinitas numerorum species. Nam species numerorum, quæ vadunt in infinitum, causantur ex divisione continui. Nam dicere continuum est addere ad numerum, ut probatur in 3. Phys. sed constat, quod Angelus non intelligit componendo & dividendo, sed intellecto subjecto intelligit prædicatum & passionem subjecti: cum ergo prima passio continui sit, quod dividatur in infinitum, intelligendo continuum potest intelligere hanc passionem ejus, & sic intelligeret eam, sicut est passio ejus: non autem est passio ejus in facto esse, ut quod continuum aliquando sit actu divinum in infinitum; sed est passio ejus in fieri, quia potest semper dividi, & hoc in infinitum. Angelus ergo intelligendo continuum poterit intelligere ipsum semper dividi, & hoc in infinitum; nunquam tamen intelligeret ipsum actu divinum in infinitum: & quia quanto plus intelligit ipsum dividi, tanto intelligit plures partes ejus, & per consequens intelligit majorem numerum, & plures species numerorum, ideo semper Angelus potest intelligere plures species numerorum, & semper plures, & hoc in infinitum; nunquam tamen intelligeret actu infinitas species numerorum: ergo ex sola cognitione continui, & habendo apud se speciem solum repræsentantem continuum, potest quot vult intelligere species numerorum, intelligendo proprietates continui.

Quod verò addebatur de figuris solvemus, & quod potest intelligere quot vult species figurarum absque eo, quod habeat infinitas figurarum species. Nam omnis figura vel est regularis, vel irregularis: non oportet autem, quod habeat apud se species figurarum irregularium, quia tales possunt cognosci per regulares, sicut privatio per habitum. Rursus figura regularis dividitur in circulearem & angularem: propter intellectum figurarum circularium non oportet, quod habeat species infinitas apud se: quia circuli sive æquales, sive majores, sive minores, secundum quod circuli, non differunt specie: linea enim recta ab alia linea recta sive sit major, sive minor, sive æqualis, secundum quod linea, non differt specie: & quod dicimus de linea recta dicemus & de circulari. Nam sicut in qualitatibus magis & minus non diversificant speciem, ita & in quantitatibus

magnum & parvum non diversificant speciem. Quadratum circumpositum generum crescit quidem, sed non est alteratum secundum speciem. Si ergo dubium est, inquisito hoc, erit propter figuras regulares rectilineas, quæ vadunt in infinitum; sed propter hoc non oportet Angelum habere infinitas species. Nam triangulus est principium omnium figurarum rectilinearum, habendo autem apud se speciem trianguli, potest intelligere quot vult triangulos: & per consequens potest intelligere quot vult species figurarum. Nam intelligendo duos triangulos ad invicem conjunctos, intelliget quadratum, addatur ei tertium triangulum intelliget pentagonum, addatur sibi quartum triangulum intelliget sexangulum: & sic semper per additionem trianguli intelliget novam speciem figuræ.

Quod verò quinto dicebatur: quod cum species illa semper informet intellectum, dubium erit quid reducat intellectum de potentia in actum. Patet quod in hoc dubium est etiam de habitu. Nam & habitus ille connaturalis semper informat intellectum: ergo vel semper erit intellectus in actu per habitum, vel nunquam erit: cum habitus quantum est de se semper eodem modo se habeat: quia semper actu informat. Quæret ergo hæc ratio, sicut & præcedentes difficultatē quandam solvi. Dicit ergo potest, quod reducitur intellectus in actum à specie, quam habet in se per intentionem voluntatis convertentis se super ipsam. Unde & Augustinus in libro de Trinit. multoties hanc sententiam profert, quod cum à specie, quæ est in memoria, informatur intelligentia, quod est ibi voluntas necens. Sed species, quæ est in memoria est species intelligibilis: informatio intelligentiæ est actus intelligendi causatus ab illa specie: cum ergo hoc fiat per voluntatem necentem, patet, quomodo intellectus reducitur in actum per speciem intelligibilem: quia hoc fit per voluntatem convertentem se super illam speciem, per quam conversionem generatur actus intelligendi, & unitur, & necitur talis actus cum specie, à qua causatur.

Quod verò sexto dicebatur, quod sola essentia Divina potest esse ratio intelligendi se & alia: quia sola illa est aliorum creatrix. Patet, quod hæc ratio non

Quinta ratio solvitur.

D. Aug. P. N. de Trinit. 11. cap. 2.

Sexta ratio ni satis fit.

concludit intentum: quia non plus arguit contra speciem intelligibilem, quam contra habitum: imò si benè advertimus, non solum non concludit intentum & propositum; imò oppositum: quia magis arguit contra habitum, quam contra speciem. Vult ergo hæc ratio difficultatem hanc sibi solvi, videlicet, quomodo species in mente Angeli potest esse ratio intelligendi aliquid alterum: & quomodo potest aliquid alterum repræsentare, cum non sit alicujus rei creatrix. Sed cum nec habitus, quem ponunt in mente Angeli, sit alicujus creativus, quæremus, quomodo ille possit esse ratio intelligendi aliquid aliud? Dicemus ergo, quod aliqua duo possunt se sic habere, quod unum potest esse ratio intelligendi aliud, vel quia unum est productivum alterius, vel quia ambo sunt producta à tertio. Essentia enim Divina est ratio intelligendi res, quia est causativa rerum; species intelligibilis in mente nostra est repræsentativa rerum, non quia sit rerum causa; sed quia est à rebus causata: species in mente Angeli est repræsentativa rerum, non quia unum sit causatum ab altero, sed quia ambo sunt causata à tertio, ut quia ab eadem idea processit res secundum propriam formam in propria natura, & secundum speciem intelligibilem in mente Angeli: ideo potest unum repræsentare alterum. Sunt enim aliqua duo similia, non solum si unum sit factum ad similitudinem alterius, sed etiam si ambo sint facta ad similitudinem tertij. Et ideo benè dicebamus, quod hæc ratio magis est contra habitum, quam pro habitu. Nam si ponatur habitus connaturalis in mente Angeli, ille non erit creatus à rebus, nec creativus rerum, nec etiam erit creatus ab eadem idea cum ipsis rebus: nam cum sit quædam res per se in genere, oportet ipsum ab idea alia processisse. Non enim duæ res per se in genere ab idea eadem vel ab eadem ratione sunt conditæ, sed singula talia juxta August.

D. Aug. P. sententiam propriis rationibus sunt producta. Habitus ergo ille non poterit repræsentare aliquam aliam rem, quia non est productus ab eadem idea cum aliqua alia re. Sed species hoc poterit, ut esse potest per habitum manifestum.

Ad septimam
respondetur.

Quod verò 7. dicebatur, quod si à specie illa procederet intelligere, tunc se haberet intelligere ad illam speciem, si-

cut lucere ad lucem: & quia non potest lux non lucere, non posset illa species non causare actum intelligendi. Pater, quia licet potentie naturales sint ad unum tantum: *Potentie rationales (juxta sententiam Phi in 9. Metaph.) sunt ad contraria.* Voluntas ergo est domina sui actus, ipsa enim facta in actu, per finem, movet se pro libero arbitrio ad ea, quæ sunt ad finem: ea ergo, quæ sunt subdita voluntati, sunt ad hoc & ad oppositum, prout voluntas deliberat faciendum. Et quia species intelligibiles in mente Angeli sunt subditæ voluntati quantum ad causandum actum intelligendi: quia non possunt hujusmodi actum causare, nisi voluntas se convertat super ipsas, ideo intelligere ipsius Angeli est voluntarium, & species intelligibilis non semper causat actum intelligendi: imò hæc ratio non concludit intentum, quia non plus est contra speciem, quam contra habitum. Illud idem argueremus de habitu, & porteret eodem modo solvi, sicut solvimus de specie, recurrendo ad voluntatem. Benè ergo dictum est, quod ratio non concludebat intentum, sed petebat sibi dissolvi difficultatem illam, quam solvimus.

Quod verò dicebatur 8. quod species intelligibilis est aliquid informans intellectum, sicut accidens informat subiectum: ex quo concludebatur, quod actus intelligendi & ea, quæ circa ipsum ponimus, essent magis aliquid in genere entium, quam in genere intelligibilium: patet, quia hæc ratio non concludit intentum, quia habitus magis se habet ut accidens, eum sit aliquid per se in genere accidentis. Dicemus ergo, quod species illa dupliciter considerari potest, videlicet, ut est informativa subiecti, vel ut est repræsentativa objecti. Ut informat subiectum, & ut est aliquid inhærens intellectui, hoc accidit sibi: quia si non inhærens vel si objectum per se ipsum posset ibi esse: multò magis posset causare in intellectu actum intelligendi. Sed quod sit repræsentativa objecti, hoc est, per se. Primo modo species intelligibilis, & actus intelligendi, ut procedit ab ipsa, sunt aliquid in genere entium. Secundo modo sunt aliquid in genere intelligibilium. Hanc autem difficultatem petebat sibi solvi ratio, sed concludebat intentum.

Quod

Plus 9. Metaph. cap. 3. & 10.

Ostendit ratio dissolvitur

Ratio nona
inducitur.

Quod verò 9. dicebatur, quòd intelligere nec esset motus ab anima, nec ad animam; sed esset quid absolutum: hæc ratio nona eadem difficultatem habet cum octava: nam intelligere, ut est aliquid in genere entium, & ut progreditur à specie intelligibili, & solū ut est informativa subiecti, dicit quid absolutum; Sed ut est aliquid in genere intelligibiliū, ut progreditur à specie ut est representativa objecti, sic dicit quid tendens in objectum, & dicit quid ad objectum relatum. Et sic solutæ sunt difficultates tactę, & declarata est veritas circa quæsitum.

Respond. ad arg. Ad 1. dicendum, B quòd species intelligibilis requiritur in mente Angeli ratione objecti. Et quod arguitur, quia objectum est quid abstractum. Dicitur debet, quòd species intelligibilis requiritur ratione objecti propter duo. Primò si non sit quid abstractum & non sit quid per se intelligibile, & sic requiritur species intelligibilis ad intelligendum materialia. Secundò si ipsum intelligibile non possit per se esse in intellectu, & sic potest requiri species intelligibilis ad intelligendum immaterialia: nā quantumcunque Angelus sit quid immateriale & quid abstractum; tamē quia nō potest per se esse in mēte alterius Angeli, C oportet, quòd sit ibi per speciē, & quòd per speciē intelligatur ab ipso. Ad 2. dicēdū, quòd intellectus noster non potest intelligere sine specie intelligibili, ut patuit in solutione principali: quare autē indiget phātsmate, cū habeat apud se speciē intelligibilem, in eadem solutione declaratum est. Ad 3. dicendum quòd experientia est de ipso actu, sed habita experientia de actu accipimus experientiā de forma à qua progreditur actus: experimur autem in nobis, quòd intelligimus, & ex hoc investigamus speciem intelligi- D bilem, per quam intelligimus. Ad 4. dicendum, quòd actus perfectus & actus nobilis, qui egreditur ab habitu, non tollit speciem: quantumcunque enim intelligamus per habitum habilitantem potentiam, oportet nos tamen semper habere speciem intelligibilem representantem objectum. Non probat ergo hæc ratio, quòd in Angelo non sit species intelligibilis; sed videtur arguere, quòd simul cum specie intelligibili sit ibi & habitus: nec hoc sufficienter con-

cludit: quia non est simile de intellectu nostro, qui vadit de imperfecto ad perfectum, & quem oportet habilitari ad hoc, quòd facilius progrediatur in actum, quia nascitur sicut tabula rasa & in potentia, & de intellectu angelico qui creatus est plenus & in actu, & qui nō habet ineptitudinem & repugnantia ad intelligendum: nec vadit de imperfecto ad perfectum, sicut intellectus noster. Ad 5. patet solutio per jam dicta, quia eadem solutionē habet cum quarto. Ad 6. dicendum, quòd illa divisio Phi, quòd in anima sunt potentia, habitus, & passionēs, non cōprehendit omnia, quæ sunt in anima: quia in anima est actio intelligibilis, & est actio voluntatis, & ibi delectatio quæ cōsequitur actionem intelligibilem, & tamen talis actio, & talis delectatio non sunt passionēs, cū sint etiam in Angelis & in Deo: quia intelligere Divinum est valdē quid delectabile & voluptuosum, ut dicitur in 12. Meta. nec etiam sunt habitus nec sunt ipsæ potentia. Ea ergo, quæ enumerat Phis, comprehendunt solū ea, quæ sunt principia actuum non simpliciter, sed solū ex parte appetitus: ex parte enim appetitus nihil est principium actionis, nisi ipsa potentia appetitiva, vel passio vel habitus: non ergo per hoc excluditur species intelligibilis, quæ non se tenet ex parte appetitus, sed ex parte intellectus. Ad 7. dicendū, quòd habitus sciētiālis est inclinativus & representativus: sed inclinativus est ratione sui: quia omnis habitus, quantū est de se, est inclinativus in similes actus; sed representativus est ratione speciei: ideo si poneremus habitum sic representativū in Angelo, cogeremur ibi ponere & speciē. Et ut plenius solvamus argumētū dicemus, quòd hæc ratio non excludit speciē, nec cōcludit, quòd sit ibi habitus. Diceret enim aliquis, quòd indiget Angelus aliquo representante objectū. Sed cū non habeat difficultatem in suo actu, non arguit ratio, quòd indigeat habitu habilitante potentiam, & inclinet eam ad similes actus. Ad 8. dicendū, quòd non est simile de actione naturali, & de actione intelligibili: quia actio naturalis, secundū quod huiusmodi, dicit aliquid in aliquo, si non sit transiens: vel aliquid ab aliquo, si sit transiens: sed actio intelligibilis non solū dicit aliquid in aliquo, ut in intellectu, sed dicit

Phis 12.
Meta. cōm;
39.

aliquid repræsentativum alicujus, videlicet, objecti: & ideo non quælibet forma potest esse sufficiens ratio actionis intelligibilis, nisi sit vel ipsa forma objecti, si possit ipsum objectum esse præsens: vel sit forma repræsentativa ejus; hujusmodi autem non est habitus, sed species intelligibilis. Ad 9. dicendum, quod non est simile de forma ignis respectu actionis igneæ, & de forma intellectuali respectu actionis intelligibilis. Nam actio ignea est determinata ad unum aliquod genus, ideo potest ab una forma causari: sed actio intelligibilis extendit se ad objecta cujuslibet generis: ideo una & eadem forma creata non potest esse sufficiens ratio ad intelligendum omnia. Ad 10. dicendum, quod si Angelus per suam essentiã intelligeret omnia, esset actus purus, ideo esset Creator omnium: sed intelligendo per speciem, non est actus purus: immo est quid compositum, & est in potentia ad esse, ideo non potest esse alicujus Creator.

QVÆSTIO V.

Utrum species intelligibilis existens in mente Angeli possit movere intellectum ejus ad intelligendum?



QVINTO quæritur: utrum species intelligibilis existens in mente Angeli possit movere intellectum ejus ad intelligendum? Et videtur, quod non: quia si moveret vel moveret ut finis, vel ut efficiens? Non ut finis, quia tale movens est distinctum secundum esse à medio: nec ut efficiens, quia accidens non habet rationem efficientis respectu subjecti. Præterea: si Angelus moveret se ipsum ad intelligendum per hujusmodi speciem, esset simul movens & motus, & per consequens esset simul actu & potentia: sed hæc sunt opposita, nec simul eidem convenire possunt: ergo &c. Præterea: intentionale non potest producere id, quod est reale: quia tunc ageret ultra suam speciem: sed spe-

Acies intelligibiles habet esse intentionales: actus intelligendi videtur habere esse reale ergo &c. Præterea: posterius non habet causalitatem respectu prioris: ergo species intelligibilis, quæ est posterior ipso intellectu, non poterit aliquid causare in ipso intellectu: & per consequens non poterit movere intellectum ad intelligendum. Præterea: si species moveret intellectum ad intelligendum, hoc non esset nisi altero duorum modorum, videlicet, vel quia species per se & tanquã principale agens moveret intellectum, vel quia objectum per speciem causaret talem motum. Primo modo non: quia si species per se moveret, esse ibi principale agens, & per consequens assimilaret intellectum sibi, & non ipsi objecto. Et etiã si hic esset, intellectus prius tenderet in cognitionem speciei, quàm objecti, quod falsum est. Rursus dici non potest, quod talis motus fiat, quia objectum moveat intellectum per speciem: quia nihil agit per formam, quæ est in alio: sed unumquodque agit per formam, quæ est in se ipso: objectum ergo non poterit movere intellectum per speciem intelligibilem, quæ non est in ipso. Præterea: si species intelligibilis moveret intellectum, cum intellectus habeat apud se plures species, quæ ratione moveret una species, pari ratione moveret & alia: ergo vel omnes species suum movebunt intellectum, vel nulla movebit ipsum. Sed non est dare, quod omnes simul, ergo nulla. Præterea: species semper est apta nata movere: quia semper informat, & semper repræsentat objectum: ergo vel semper movet, vel nunquã movet; sed dicebatur, quod hoc est ex parte voluntatis, quod aliquando moveat; aliquando non moveat. Contra: quidquid determinat aliquid in agendo illud est principale agens, & per consequens est prius in agendo: si ergo actio voluntatis determinaret intellectum ad intelligendum; tunc naturaliter prius aliquid vellet, quàm intelligeret: hoc autem est falsum, quia bonum apprehensum est objectum voluntatis, & nihil possumus velle nisi cognitum. Invisa enim secundum August. diligere possumus: sed incognita nequaquam. Præterea: si intellectus intelligeret per speciem, prius, oporteret, quod intelligeret relationem speciei ad objectum, quàm intelligeret objectum: sed intelligere relationem

RESOLVTIO.

*Species intelligibilis existens in intellectu
Angeli ipsum movet ad intelli-
gendum.*

Respondeo dicendum: quòd tota difficultas hujus quæstionis in hoc videtur consistere, quòd quia *Habitibus presentibus in materia, cessat motus*, ut dicitur in 1. de Generatione cap. de *actione & passione*. Ideò presentibus speciebus in intellectu, cessabit motus: nò ergo per illas se movebit intellectus ad intelligendum. Vt ergo benè appareat veritas hujus quæstionis, in illa hoc ordine procedemus. Declarabimus enim quinque. Quia primò per ea, quæ videmus in iis sensibilibus, in gravibus & levibus, quomodo moventur per gravitatem, aut per levitatem, quam habent apud se, declarabimus, quomodo intellectus movet se ad intelligendum per species intelligibiles, quas apud se habet. Hic enim est ordo, quòd si de intelligibilibus volumus aliquid scire, oportet nos per hæc sensibilia manuduci. Secundò, quia ex hoc videtur sequi, quòd idem se ipsum moveat, ex quo intellectus per speciem intelligibilem se ipsum movet: declarabimus, quòd determinatio, quam facit Phus in 8. Phys. videlicet, quòd *Omne quod movetur ab alio movetur*, huic veritati non contradicit. Tertiò ostendemus, quòd motus, quo Angelus movet se ipsum, aliquo modo assimilatur motui, quo grave se ipsum movet, & quo animatum se ipsum movet. Quartò ad majorem declarationem propositi manifestabimus totum modum intellectus Angelicæ, quomodo potest se ipsum movere ad intelligendum. Ostendemus enim, quòd aliquo modo movere se ipsum naturaliter, & aliquo modo voluntariè. Quintò & ultimò adducemus rationes ad declarandum propositum.

Propter primum sciendum, quòd ipsius motus gravis vel levis oportet naturam ejus esse causam & principium. Nam ex quo motus gravis deorsum est quoddam accidens naturaliter conveniens gravi, oportet, quòd ipsa natura gravis sit hujus accidentis naturalis per se causa

Phus 1. de
Generat.
comm. 55.

Quinque no-
tanda ad in-
telligentiam
quæstioni.

Phus 8.
Phys. com.
1.

Primò decla-
ratur simili-
tudo in mo-
veri grave
deorsum, &
Angelus ad
intelligendū
per species,
&

lationem ad objectum, hoc est, etiam in-
telligere objectum, ergo ex hac proposi-
tione sequitur conditio, videlicet, quòd
prius intelligat objectum, quàm intelli-
gat, quod est impossibile. Præterea: si ali-
qua ratio est, quare species intelligibilis
potest movere intellectum, ista erit, quia
ipsa quantū est de se semper est in actu, &
semper est apta nata movere: & ideò hoc
modo movebit. Sed nos videmus, quòd
intellectus agens semper est aptus natus
movere intellectum possibilem: quia sem-
per irradiat super phantasmata, & tamen
non propter hoc movet, ut apparet in
somnia ubi est phantasma in actu, intel-
lectus tamen non est in actu: imò im-
peditur ejus actio intelligendi: non ergo
valet argumentum, hoc est aptum mo-
vere, ergo movet: species ergo intelli-
gibilis quantumcunque sit apta nata move-
re intellectum, non propter hoc move-
bit ipsum.

In contrarium est, quòd secundum
Commentatorem in 12. Meta. forma
rei, quæ est in intellectu, est movens desi-
derium. Sed illud, quod movet nos ad
desiderandum aliquid, movet nos ad in-
telligendum id: quia aliter non posse-
mus desiderare ipsum ut intellectum aut
cognitum: ergo &c. Præterea: cuilibet
effectui responderet propria causa: ergo
operationis intellectus, vel intellectus
erit aliqua per se & propria causa: sed
hæc ratio non erit intellectus agens, quia
propria operatio sua est irradiare super
phantasiam. Nec etiam intellectus po-
tentialis: quia illa est potentia ad in-
telligendum. Discurramus autem per
singula, non inveniemus nisi speciem in-
telligibilem, quæ possit esse hujusmodi
per se & propria causa, & si in intellectu
nostro species intelligibilis movet ipsum
ad intelligendum: multò magis hoc erit
in intellectu angelico, ubi species sunt
magis in actu, quàm in intellectu nostro.
Præterea: species intelligibilis ad intel-
lectum comparatur, sicut forma ad mate-
riam: sed materia potest agere, & agit
per formam: ergo intellectus potest in-
telligere, & intelligit per speciem intelli-
gibilem, quod non esset nisi spe-
cies intelligibilis moveret ip-
sum ad intelligendum:

ergo &c.



aurum diffen-
tia tanta
quod Ange-
lus se deter-
minat per
voluntatem.
Phus 1.
Phys.
Phus in 2.
Phys. com.
2.

Natura, que
dat formā,
dat omnia
accidentia,
que conse-
quuntur ad
formam.

& principium: nam ut dicitur in 1. Phys. materia subiecta cum forma est causa omnium accidentium, quæ fiunt in ea: quod potissimè intelligendum est quantum ad accidentia naturalia, de quibus certum est, quod fluunt, & derivantur ab ipsa natura, inde est quod Phus in 2. Phys. describens naturam dixit: *Est principium motus & quietis eius in quo est per se & primò, non secundum accidens.* Ipse ergo motus deorsum, quod, ut dicebatur, est quoddam accidens naturaliter consequens formam gravis, ab ipsa natura gravis habet esse, tanquam à per se principio & causa. Habet ergo in se grave, unde movetur deorsum: non tamen propter hoc dicitur per se ipsum deorsum moveri, sed dicitur hoc habere à generante. Nam illud idem agens, quod dat formam, dicitur dare omnia accidentia, quæ consequuntur ad formam. Vel (quod idem est) illud idem agens, quod dico naturā, dicitur dare omnia accidentia, quæ consequuntur naturam. Sicut ergo grave non habet naturam à se, sed à generante: ita motū deorsum, & quodlibet accidens naturale non dicitur habere à se sed à generante. Ex his autem aliquo modo potest nobis innotescere, quomodo Angelus movet se ad intelligendum: nam cum intelligere naturaliter competat Angelo, oportet, quod huiusmodi accidentis naturalis aliquid sit in Angelo per se causa & principium. Sicut etgo motus gravis per se causa & principium est forma gravis, sic motus intelligibilis & operationis intelligibilis per se causa & principium est forma intelligibilis: habitibus ergo presentibus in materia & forma existente in matateria, cessat motus ad formam; sed non cessat motus consequens formā: imò si concurrant ibi debitæ circumstantiæ, tunc incipit motus consequens formam, quando iam in materia est præsens forma: cum ergo actus intelligendi sit aliquid consequens speciem intelligibilem: poterit esse motus ad talem actum per præsentiam intelligibilis speciei. Simile est ergo quodam modo de motu gravis per formam gravis, & de motu ad actum intelligendi per speciem intelligibilem; differt tamen hoc ab illo, quia grave sufficienter determinatur ad motum deorsum per formam gravis, idè grave non movet se ipsum deorsum, nisi per acci-

dens removendo prohibens; sed Angelus non sic determinatur per speciem intelligibilem ad actum intelligendi, imò oportet, quod per voluntatem determinet se, & convertat se super aliquam speciem ad hoc, quod actu intelligat per illam speciem: propter quod concedere possumus, quod Angelus moveat se ipsum ad actum intelligendi. In talibus ergo possumus illam distinctionem facere de voluntario & naturali, quam facit Phus in 7. Meta. de his quæ fiunt à natura & ab arte, dicit enim, quod aliqua sunt simpliciter ab arte; aliqua partim à natura, & partim ab arte. Sic de actu vel de motu cōsequente formā existentem in re, dicere possumus, quod aliquis huiusmodi motus est simpliciter naturalis, aliquis simpliciter voluntarius, aliquis partim naturalis & partim voluntarius. Motus enim, quo movetur grave deorsum, est simpliciter naturalis: quia natura sufficienter determinat rem gravem ad talē motum, idè talis motus est à generante. Quodcūque enim agens, quod dat naturā vel dat formam, dat omne accidens ad quod sufficienter determinat illam formam. Motus autem, quo Angelus movet se ad intelligendum per speciem intelligibilem, quam habet apud se, potest concedi, quod sit simpliciter voluntarius: quia per voluntatem suam sufficienter determinat se ipsum ad talem motum. Si enim actus intelligendi sic esset à specie intelligibili, sicut motus gravis est à forma sua, diceremus, quod Angelus per se nō moveret se ipsum ad intelligendum; sed moveretur à suo Creatore, qui dedit sibi speciem intelligibilem. Sicut movetur grave à generante, qui dedit sibi formam gravis. Nunc autem quia species illa intelligibilis indeterminata est ad talē actū, ut determinetur per voluntatē, concedere possumus, quod Angelus movet se ipsum ad intelligendū, & per cōsequens concedendum est, quod motus, quo movetur Angelus ad intelligenda alia à se per speciem intelligibilem quam habet apud se, sit simpliciter voluntarius, sed intelligere, quo Angelus intelligit se: per essentiam suam, est partim naturalis, & partim voluntarius: motus enim ille subiacet voluntati non simpliciter, sed quodam modo. Quod quomodo sit in prosequendo patebit.

Viso quomodo causatur actus intelligēdi

Phus in 7.
Meta. cap.
7. comm. 1.

à specie intelligibili, & quomodo Angelus movet se ipsum ad actum intelligendi, volumus ostendere, quod determinatio, quam facit Phus in 7. Physic. probans, quod omne quod movetur, ab alio movetur, huic veritati non contradicit. Declaratio enim Phi ibidem, quod nihil movet se ipsum per se, est, quia si moveret se ipsum, competeret alicui toti per se, quiescente parte, adhuc moveretur totum: quia nihil, quod competit alicui per se & primò, removeretur ab ipso, per hoc quod removeretur ab alio. Si ergo movere se ipsum competeret toti per se & primò, non removeretur hoc à toto, quantumcunque removeretur à parte quiescente: ergo per se adhuc moveretur totum: & quia hoc est impossibile, sequitur quod sit impossibile & primum. Sic ergo concludit ratio Phi de toto habente partem: imò est quasi per se notum, quod nullum corpus, & nihil habens partes quantitativas potest esse ad se conversivum, quod habeat actionem ad se ipsum: ita quod in se ipsum agat per se, vel quod se ipsum moveat per se, videlicet, quod totum moveat totum: nam agens & patiens oportet esse simul, ut vult Phus in 1. de Gener. Si ergo aliquid tale totum moveret se ipsum totum, oporteret, quod totum attingeret totum, & quod qualibet pars attingeret quamlibet partem: ergo in tali toto partes ad invicem non distarent, postquam qualibet quamlibet attingeret: sed in omni corpore, & in omni re quanta partes ad invicem distant. Per se ergo est, quod nihil calefit ad se conversivum, ut planè probat Proclus in propositionibus suis. Demonstratio ergo Phi concludit de toto habente partes, in quo propter distantiam partium totum non potest attingere se ipsum, & per consequens totum non potest attingere se ipsum, nisi quia pars movet partem: ut quia una pars aëris attingit aliam partem aëris, potest pars aëris calefacta calefacere & transmutare partem aliam, quam attingit. Subtrahas ergo à toto distantiam partium, & loquaris de toto non habente partes, cuiusmodi est Angelus: quia est substantia, quæ non dividitur, poterit esse ad se conversivum, & poterit se ipsum movere ad agendum. Angelus ergo se ipsum intelligit, & movet se ipsum ad intelligendum. Ex his autem apparere potest distinctio,

quam innuit Proclus in 10. propositione sui libri, videlicet, *Aliquid est quod est simpliciter bonum, & non potest ulterius acquirere bonitatem. Aliquid autem est quod se ipsum movet ad bonum; aliquid vero est quod solum ab alio acquirit perfectiones.* In primo autem gradu est ipse Deus, qui est simpliciter quid bonum. In secundo verò gradu sunt spirituales substantiæ, quæ se ipsas movent ad intelligendum & volendum, & per consequens se ipsas movent ad acquirendum perfectiones: quia ipsam intelligere est quædam perfectio intelligentis. In tertio autem gradu sunt corpora, quæ non moventur nisi ab alio.

Habito quomodo intelligentiæ movent se ipsas ad intelligendum, & ostenso quomodo demonstratio Phi in 7. Physic. huic veritati non contradicit, volumus declarare tertium, videlicet, quod per ea, quæ videmus in istis inferioribus, quomodo movent se ipsa, possumus intelligere, quomodo substantiæ separate se ipsas ad intelligendum movent. Dupliciter enim videmus aliquid movere se ipsum in istis inferioribus, videlicet, per accidens, sicut grave movet se ipsum removendo prohibens: unus ergo modus movendi se ipsum est remove prohibens; alius modus est per partem: ut quia una pars movet aliam. Consuevit autem distinguere triplex totum, videlicet totum essentialiter, sicut animal essentialiter componitur ex diversis partibus, ex anima, scilicet, & corpore: & totum quantitativum, sicut corpus constat ex diversis quantitativis partibus: & totum potentiale, sicut eadem anima habet in se diversas potentias. Omnibus autem his modis videmus totum movere se ipsum: quia pars movet partem, nam animal movet se ipsum, quia anima movet corpus. Rursus aliquid corpus movet se ipsum, quia una pars mota movet aliam partem: sic aër movet se ipsum, quia pars aëris mota movet aliam partem: ipsa etiam anima movet se ipsam, quia una potentia movet aliam, ut intellectus movet voluntatem, & voluntas intellectum: anima ergo per intellectum & voluntatem movet se ipsam: sed istis totalitatibus possumus addere quartum modum totalitatis, quia sicut est totum quantitativum, quod constat ex diversis partibus quantitativis; & totum essentialiter, quod ex diversis essentialibus; & totum potentiale, quod ex pluribus potentiis,

Dupliciter aliquid movet se ipsum, unus modus per accidens, ut removendo prohibens, alius est per partem.

Quatuor totalitates: est enim totum quantitativum, totum essentialiter, totum essentialiter,

Et totum
perfectibile.

Secundum
tria, videli-
cet, intelle-
ctū, volun-
tatē, & spe-
ciē intelli-
gibilem sunt
tres modi se
movendi
Angeli.

tiis, sic est aliquod totum perfectibile, A quod constat ex pluribus perfectionibus. Angelus autem non est totum essentiale, quia non constat ex diversis essentiis, nec est totum quantitativum, quia non est quid extensum: est autem totum potentiale, quia habet in se plures potentias, & totum perfectibile, quia habet plures perfectiones: ad similitudinem ergo horum, quæ videmus hic inferiùs, tribus modis dicere possumus, quod Angelus movet se ipsum ad intelligendum. Primo prout voluntas Angeli comparatur ad speciem intelligibilem, & sic Angelus movet se ad intelligendum, quasi removendo prohibens. Secundo prout voluntas comparatur ad intellectum, & sic Angelus movet se ipsum ad intelligendum, sicut potentiale per unam potentiam movet se ipsum per aliam, ita quod per unam est movens, & per aliam motum. Tertio hoc cōtingit, prout species intelligibilis comparatur ad intellectum. Tria enim sunt ibi, voluntas, intellectus, & species intelligibilis, & secundum hæc tria sunt tres combinationes, & tres modi movendi. Secundum ergo hanc tertiam combinationem prout, scilicet, species intelligibilis refertur ad intellectum, Angelus movet se ipsum ad intelligendum, prout totum perfectibile per unam perfectionem movet se ipsum ad aliam perfectionem.

Primū sic patet. Nam membra nostra sunt indeterminata ad motum, quia sunt apta nata moveri ad omnem differentiam positionis, & per appetitum determinantur ad alteram partem, & sic determinata moventur ad partem illam, quamdiu ergo membra sunt indeterminata ad motum, non moventur: ipsa ergo indeterminatio est quoddam prohibens membrorum motum; appetitus ergo tollens indeterminationem istam, D quasi removet prohibens. Sic & in proposito intellectus angelicus est aptus natus in fieri actu qualibet specie existente in ipso, & quælibet species in ipso existens est apta nata informare ipsum; non autem possunt omnes simul ipsum actu informare, oportet ergo, quod fiat ibi aliqua determinatio alicujus speciei, per quam actualiter informetur: hoc autem fit per voluntatem convertentem specialiter super speciem illam: voluntas ergo determinans speciem removet indeter-

minationem ab ipsa specie, quæ erat prohibens, ne intellectum actualiter informaret: igitur prout voluntas comparatur ad speciem, Angelus movet se ipsum ad intelligendum, quasi removendo prohibens: eo enim ipso, quod per voluntatem determinat se ad unam speciem, removet indeterminationem, & per consequens removet prohibens, propter quod dicitur movere se ipsum removēs prohibens.

Rursus prout voluntas comparatur ad intellectum dicitur movere se ipsum ad intelligendum, prout totum potentiale per unam potentiam movet se ipsum per aliam. Debemus enim imaginari, quod omnes potentie, per quas possumus agere & non agere, sunt subdite appetitui: ipse ergo intellectus noster, per quem possumus intelligere hoc, vel non intelligere, & intelligere illud vel non intelligere, est subditus voluntati: ita quod in actum suum exit per imperium voluntatis. Vnde & Phis in 3. de Anima & in 9. Metaph. vult, quod appetitus sit verè dominus. Secundum hoc ergo Angelus movet se ipsum ad intelligendum, & est simul movens & motum; sed non eodē modo, nec secundum eandem potentiā sed secundum unam sive secundum unā partem potentialem, ut secundum voluntatem est quid movens; secundum aliam potentiam, sive secundum aliā partem potentialem etiam, ut secundum intellectum est quid motum. Tertio secundum combinationem tertiam, prout species intelligibilis refertur ad intellectum, Angelus movet se ipsum, prout totum perfectibile per unam perfectionem movet se ipsum in actu, quantum ad aliam perfectionem: ipsa enim substantia Angeli perficitur per intellectum sive per potentiam intellectivam, & perficitur per species intelligibiles, & est etiam in potentia ad ulteriorem perfectionem, ut ad actum intelligendi. Ille ergo qui agit actum, & ille qui agit motum, oportet, quod sit aliquo modo in actu: quia nihil agit nisi, ut est in actu. Illud verò in quo recipitur actus, vel in quo recipitur motus, secundum quod hujusmodi, est quid in potentia: quia semper recipiens, secundum quod hujusmodi, est denudatum à natura recepti, & est in potentia ad ipsum receptum: ergo si Angelus in se ipso causat motum intelligibilem, vel si in

se ipso causat actum intelligendi, oportet, A hoc in Angelo, quod potest sic movere quod sit simul actu & potentia: actu ut agit huiusmodi actionem: potentia verò ut recipit actionem illam. Hoc autem est impossibile, quod idem secundum idem, & respectu eiusdem, sit simul actu & potentia; sed quod idem secundum diversa respectu eiusdem sit actu & potentia, non est inconueniens. Eadem enim anima secundum intellectum agentem est omnia facere, & secundum intellectum possibilem est illa eadem omnia fieri: hoc est enim de perfectione rei, quod si est aliqua fieri, quod habeat in se ipsa illud quod est illa facere. Ex imperfectione enim ligni est, quod cum lignum sit navē fieri, quod non habeat in se navifactivā, quæ est navē facere: & universaliter ex imperfectione materiæ est, quæ cum sit omnia artificialia fieri, quod non habeat in se artē, quæ est omnia artificialia facere; & e contrario ex perfectione animæ intellectivæ est, quod cum habeat in se intellectū possibilem, per quem est omnia intelligibilia fieri, habet etiam in se intellectum agentem, per quem est omnia talia facere. Si ergo navifactiva esset in ligno, lignum moveret se ipsum ad faciendum navem, & lignum esset movens & motum: C sed lignum per artem esset movens; per materiā esset motū, & esset lignū in potentia & in actu: in potentia per materiā, in actu per artē. Iste est modus Phi in 2. Phyl. ubi vult, quod si domus generetur per naturam, tunc generatio ejus esset, sicut generatio ejus ab arte. Sic etiam si navis esset eorum, quæ sunt natura, eodem modo fieret sicut ab arte. Si ergo in materia domificali est ars domifactiva, domus fieret à natura, & esset idem in potentia & in actu: sed in potentia per materiā, in actu per artem; & idem moveret se ipsum, sed non eodem modo. Sic & in proposito, idem Angelus movet se ipsum, & est in potentia & in actu, sed non eodem modo: sed ipse Angelus per speciem intelligibilem est actu, & est actionem intelligibilem facere: per potentiam verò intellectivam est in potentia & est actionem intelligibilem fieri & suscipere, & hoc est perfectionis in Angelo, quod cum habeat in se potentiam intellectivam, per quam est in potentia ad actionem intelligibilem fieri & suscipere, quod habet etiam in se speciem intelligibilem, per quam est actionem intelligibilem facere, & plus est

se ipsum, quod si poneremus navifactivā in ligno, ut posset lignum movere se ipsum: nam lignum propter materialitatem suam non potest esse ad se ipsum conversivum, ita quod habeat actionem, quæ ad se ipsum terminetur: ideo si navifactiva esset in ligno naturaliter (ut dicebatur) fieret navis ex ligno, & lignū moveret se ipsum. Si tamē in ipso ligno oporteret dare aliquā partē magis actualē, in qua esset ars & virtus activa, quæ se haberet, ut semen maris, & aliam partem magis potentialem, quæ se haberet, ut mēstruum foeminae: & sic lignum per unam partem, in qua est ars, moveret se ipsum quantum ad aliam partem, quæ se haberet, ut materia artis: sed substantiæ spirituales, quia habent actionem ad se conversivam, in eadem natura, ut in substantia sua, habent id quod est facere, & illud quod est fieri: idem ergo, id est, eadē substantia Angeli respectu ejusdē, id est, respectu ejusdē actionis intelligibilis est facere & fieri, & est simul actu & potentia, sed non per idē; sed per speciem intelligibilem est facere & est actu; per intellectū autem est fieri & est in potentia. Nec hoc nos moveat, quod species intelligibilis & intellectus sunt in eadem substantia Angeli: nam intellectus agens & intellectus possibilis sunt in eadem substantia animæ; & tamen unum se habet ut movens, aliud ut motum: unum ut facere, aliud ut fieri: Angelus ergo, ut est quoddam totum perfectibile per unam perfectionem ut per speciem intelligibilem, per quam est magis in actu, movet se ipsum, quā per aliam perfectionem: ut quantum ad intellectum per quem est quodammodo in potentia.

Ostenso quomodo aliquo modo simile est de motu, quo Angelus movet se ipsum ad intelligendum, & de his quæ videmus in istis inferioribus quomodo movēt se ipsa: vel etiam in nobis ipsis, quomodo nos movemus, volumus declarare, quod quarto proponebatur declarandum, videlicet, modum intelligendi angelicum. Propter quod sciendum, quod Phus etiam 9. Meta. & Comm. videntur sibi contradicere. Ex solutione Phus 9. Meta. autem illius contradictionis apparebit declaratio veritatis intentæ. Vult enim Commentator ibi, quod ratio sit primus motor, & hoc dicit esse de intentione Phil

Phus 9. Meta. & comm. ibidem.

Comm. 10.

Concordan-
tur sic in
suis dictis;
quia ratio
est primum
movens
quantum ad
illa, quæ non
sunt involu-
tate nostra,
utputà, ad
actū, qui ut
plurimū est
naturalis:
& appetitus
est verè do-
minus, quia
mouet intel-
lectum &
potentias se-
cundū si-
nem deside-
ratum.

Phi, & tamē Philibidem dicit, quòd in A
huiusmodi motu appetitus est verè do-
minus. Ita autem duo non videntur pos-
se stare, quòd ratio sit primum movens,
& quòd appetitus sit verè dominus: quia
semper quod primò movet videtur ha-
bere rationem dominij. Ideò dicemus,
quòd cū intellectus noster movetur ad
intelligendum, est ibi aliquid naturale, &
aliquid voluntarium: nam prima motio
intellectus est quodam modo naturalis,
& non est in potestate nostra: talis enim
motio vel fit ex exercitatione sensuum,
vel per sensus, vel ex aliqua assuefactione
cogitandi, vel ex aliquo alio, ita quòd
non est in potestate nostra quid nobis
primò veniat in mentem, & antequam
aliquid intelligamus, non sumus in hoc
domini, nec est in potestate nostra quali-
ter excamus in actū intelligēdi: sed post-
quam jam aliquid incepimus intelligere,
ex ipso primo intellectu movetur appe-
ritus ad aliquid appetendum vel fugien-
dum, statim appetitus ex hoc est factus
in actū desiderando aliquem finem; fa-
ctus autem appetitus in actū per finē mo-
vet intellectum & alias potentias, secun-
dū quod exigit conditio illius finis: er-
go & ratio est primum movens, & appe-
ritus est verè dominus. Sed ratio est pri-
mum movens quantum ad ea, quæ non
sunt simpliciter in potestate nostra, &
quantum ad illum actū intelligēdi, qui,
ut plurimum, est quodam modo natura-
lis: sed appetitus est verè dominus quā-
tum ad ea, quæ sunt in potestate nostra.
Multū est ergo notandus ille modus
loquendi, qui rationem appellat primū
movens, & appellat appetitum dominū.
Nam primum & posterius reperitur in na-
turalibus: nam in naturalibus reperitur
aliquid, quod se habet, ut causa, & ali-
quid ut causatum: aliquid ut actus, ali-
quid ut potentia: aliquid ut primum, ali-
quid ut postremum. In talibus tamen nō
reperitur ratio dominij: quia naturalia
non habent dominium suæ operationis.
Ignis enim, qui naturaliter calefacit, non
dominatur suæ calefactioni; sed quadam
necessitate nature agit quod agit. In illis
ergo ubi sumus domini, appetitus se ha-
bet, ut principale movens: ideò benè di-
ctum est, quòd verè dominus est appe-
ritus. In his autem, quæ non sunt in po-
testate nostra, & ubi non habemus domi-
niam, possumus principaliter assignare

Naturalia
non habent
dominium
suarū ope-
rationum.

causam ex partē virtutis cognitivæ, ut ex
parte rationis vel intellectus. Et sicut in
nobis est dare aliquod intelligere, quod
est quasi naturale, & aliquod quod est sim-
pliciter volūtariū: sic & in ipso Angelo est
aliquod intelligere quasi naturale, & ali-
quod voluntariū. Nā prout intelligit se, &
ea quæ sunt in ipso, huiusmodi intelligen-
re est quasi naturale; prout modò intelli-
git alia à se, tale intelligere est volunta-
rium. Sic ergo dicemus, quòd Angelus
semper intelligit se ipsum per essentiam
suam. Ipla enim essentia Angeli, quia est
quædam forma actū intelligibilis, & est
semper præsens intellectui angelico: quia
activum conjunctum passivo, oportet il-
lud agere, istud pati, semper causabit in-
tellectionem vel actum intelligēdi in ip-
so intellectu angelico: propter quod sem-
per Angelus intelligit se ipsum, & ea quæ
sunt in ipso. Nam cū non intelligat cō-
ponendo, intelligendo subiectum, intelli-
git ea quæ sunt in subiecto: intelligen-
do ergo se, intelligit omnes species intel-
ligibiles, & omnia alia quæ sunt in se: &
intelligendo species intelligibiles, intelli-
git omnia objecta, quæ repræsentantur
per huiusmodi species, sed intelligit ea in
universali, & sub modo confuso: natura-
le ergo est intelligere ipsius Angeli respec-
tū cuius est semper in actū: nam semper
actū intelligit se & species intelligibiles,
quæ sunt in se, & in quadā cōfusione in-
telligit omnia objecta illarū specierum:
postea per appetitum convertit se super
quancunque speciem, ut vult: conver-
tendo se super huiusmodi speciem, cau-
satur in eo actus intelligendi secundū
huiusmodi speciem, & sic se convertens
intelligit distinctè & in propria forma
objectum, quod repræsentatur per illam
speciem, quod objectum prius intelligen-
bat in universali, & in quadam confusio-
ne. Intelligere ergo alia à se clarè & di-
stinctè est quid voluntarium: quia hoc
non competit Angelo, nisi per volunta-
tem se convertat super istam, vel super
illam speciem, quam habet apud se: sed
intelligere se, & ea quæ sunt in se, est ei
naturale; participat tamen & hoc aliquo
modo de voluntario. Nam & memini-
mus nos dixisse, quòd intelligere, quo
Angelus intelligit se, est partim naturale
& partim voluntarium. Debemus enim
imaginari, quòd cū Angelus per volū-
tatem specialiter se convertit super ali-
quam

In Angeli
intellectu
alia à se
est etiam
voluntaria
sed in
se se
sunt in
naturale
quo
Scaliger
de potestate
voluntaria

tarum, sed quam speciem, & actu informatur specie A
intelligere illa, & actu intelligit repræsentata per il-
lam speciem, non propter hoc desistit
intelligere se ipsum: intellectio ergo al-
iorum non tollit in Angelo intellectio-
nem sui ipsius; attamen omnino est
rationale: quod hæc intellectio, qua in-
telligit alia, debilitet & remittat intel-
lectioni sui ipsius: non enim ita clarè nec
ita limpide intelligit se, quando conver-
tit se super alia, sicut quando convertit se
solum super se ipsum. Intellectus enim
intentus ad plura remissè & debilitè in-
telligit singula: naturale est ergo, quod
Angelus semper se intelligat; sed quod
intelligat se pleniori & perfectiori modo B
quo potest, hoc non est naturale, sed sub-
iacet voluntati, videlicet, quod velit de-
sistere ab intelligendo alia, vel quod ve-
lit desistere, ut non informetur ab in-
tellectionibus aliorum; sed solum sit in-
tentus circa intellectioem sui. Propter
quod patet, quomodo intelligere alia in
Angelo est quid voluntarium; sed intel-
ligere se est ei aliquo modo naturale, &
aliquo modo voluntarium. Patet igitur
quid est modus intelligendi Angelicus,
& quomodo Angelus convertendo se
super speciem aliquam, per quam intelligit
alia à se, non casualiter se convertit super
speciem illam. Patet etiam, quod est ali- C
quid intelligere ipsius Angeli, respectu
cujus semper Angelus est in actu, & ex-
istens in actu, respectu illius intelligere
mover se nunc ad intelligendum ita,
nunc ad intelligendum illa: & conver-
tit se nunc super hanc speciem, nunc
super illam secundum suam voluntatem,
vel secundum sui arbitrii libertatem.

His omnibus prælibatis, volumus ul-
timò adducere rationes ad propositum,
& ostendere, quomodo species intelli-
gibilis potest movere intellectum angeli-
cum, & causare in eo intellectioem vel D
actum intelligendi. Potest autem hujus-
modi species tripliciter comparari, vide-
licet, ad intellectum ipsius Angeli in quo
existat, ad substantiam Angeli quam per-
ficit, & ad objectum quod repræsentat.
Secundum hoc adducemus ad proposi-
tum triplicem rationem.

Prima ergo via sumitur, prout spe-
cies comparatur ad intellectum angeli-
cum in quo existit, propter quod scien-
dum, quod agens & patiens debent esse
simul. Vnde Commentator super 9. Me-
taph. ait, quod necesse est, ut nihil agat a-
gens donec sit simul cum patiente. Et in
1. de generatione in capite de acti vis &
passi vis, hoc idem innuit. Sed oportet
loqui de simultate rerum, sicut lo-
quimur de ipsis rebus: aliter enim dicun-
tur corporalia esse simul, & aliter spiri-
tualia. Corporalia, enim quia sunt situalia,
& sunt per se in loco, se attingunt, &
sunt simul, quando se contingunt secun-
dum situm, & quando sibi invicem ap-
propinquant secundum locum. Sed ipsa
spiritualia, de quibus secundum Boetium
in hebd. est per se notum apud sapientes
ea per se in loco non esse, non possunt
per se habere ordinem & simultatem situalē:
oportet ergo, quod habeant ordinem & si-
multatem essentialē, ut tunc talia sunt si-
mul, quando essentialiter sunt in se ipsis,
ut quando essentia unius est in essen-
tia alterius: ideò licet corpus nō agat ubi
est, sed agat ubi non est: quia corpus a-
gens non est in corpore e passio: sed est
extra ipsum attingens ipsum situaliter,
substantia tamen spiritualis ubi operatur
ibi est: imò ubi non esset in re, ibi opera-
rati non posset. Vnde Angelus cum ope-
ratur in aëre, est in aëre: cum operatur
in cœlo est in cœlo, non ita sicut lapis est
in aëre, vel sicut lignum est in aqua, quia
aër cedit lapidi existenti in ipso, nec est
simul lapis cum ipso aëre: sic & aqua ce-
dit ligno existenti in ea: sed corpus, in
quo est Angelus, non cedit Angelo, &
in quocunque operatur Angelus, oportet,
quod sit simul cum ipso Angelo: ergo
spiritualia habent actionem in ea, in qui-
bus existunt: licet ergo species intelli-
gibilis sit in intellectu, hoc tamen non ob-
stante, aliquid causat & agit in intellectu:
imò nisi esset in intellectu, nihil in ipsum
causare posset. Nam, naturaliter loquen-
do, spiritualia non patiuntur nisi ab his,
quæ sunt in eis, nec agunt nisi in ea, in qui-
bus existunt. Quod totum ex hoc contin-
git, quia talium per se non est ordo si-
tualis, sed essentialis. Sed fortè dubita-
bitur, quod cū intellectus sit aliquid sub-
stractum, & subiectum speciei, quomo-
dò potest ipsa species in suum subiectum
aliquid facere? Videmus autem, quod
voluntas movet intellectum: & cū vo-
luntas aliquo modo fundatur in intelle-
ctu, tanquam in subiecto: nam quoties-
cunque duo accidentia, vel duæ perfe-
ctiones progrediuntur ab eadē substantia

& 1. de
Gener. cōm.
44.

Boetius de
Hebd.

Spiritualia
non patiuntur
nisi ab
his quæ
sunt in eis,
nec agunt
nisi in ea in
quibus exis-
tunt, loquē-
do naturali-
ter.

quodam ordinē prioritatis & posteriori-
tatis : ita quod una progrediatur mediā-
te alia; semper quod progreditur prius,
est quasi subiectum alterius accidentis, ut
qualitas, ut in subiecto fundatur in quan-
titate: quia qualitas fluit à substantia me-
diante quantitate. Sic etiam una qualitas,
ut in subiecto, potest fundari in alia qua-
litate, ut sapor fundatur in humido: quia
fluit à subiecto mediante humido: cum
ergo potentia Angeli sint quædam acci-
dentia, & quædam proprietates ejus na-
turales, oportet, quod una fluat median-
te alia : voluntas ergo, quæ præsupponit
cognitionem fundatam in ipsa substantia
Angeli mediante intellectu, hoc tamen
non obstante, ipsum intellectum movet:
sic species intelligibilis, licet in ipso in-
tellectu fundetur, ipsum tamen intel-
lectum movere poterit.

Secunda at-
tenditur
prout spe-
cies com-
paratur ad
substantiam
Angeli.

Secunda via sumitur, prout species
intelligibilis comparatur ad substantiam
Angeli, quam perficit & informat. Vi-
detur autem iste modus loquendi multū
alienus, quod species intelligibilis substā-
tiam Angeli perficiat vel informet. De-
bemus enim dicere, quod informat, &
perficit intellectum : utrumque tamē ve-
rum est: inter perfectiones enim existētes
in eodem subiecto non est ordo situs, sed
ordo causalitatis : non enim sic plures
formæ attingunt essentiam materiæ, sicut
plura indumenta attingunt carnem: nam
solum unum indumentum carnem attingit;
alia verò indumenta non immédia-
tè carnem, sed se ipsa contingunt : sed
qualibet forma sive substantialis sive ac-
cidentalis ipsam materiam attingit: & es-
sentialiter essentia cujuscunque formæ
habet esse in essentia materiæ. Certum
est enim, quod forma prima, ut forma
substantialis est in essentia materiæ: se-
quens verò forma, ut accidentalis, in es-
sentia materiæ erit. Et si diceres, quod se-
quens forma est in essentia prioris formæ;
non autem in essentia materiæ, ipsa ratio
devinceret : nam ubicunque est essen-
tia formæ naturalis, ibi est & essentia ma-
teriæ: essentia enim materiæ non cedit
essentiæ formæ, sed simul est cum tali es-
sentia : ergo si sequens forma fundatur
in essentia prioris formæ, cum essentia
materiæ sit simul cum essentia formæ prio-
ris, oportet, quod in essentia materiæ sit
essentia formæ posterioris: inter talia er-
go est solum ordo causalitatis, inquantū

Tam forma
substantialis
quàm acci-
dentalis est
in essentia
materiæ, nō
enim est in
eis ordo
situs, sed
causalitatis.

unum accidens est causa alterius: quod-
libet tamē accidēs & qualibet perfectio
essentialiter attingit & informat ipsā sub-
stantiā, in qua existat: quare licet species
intelligibilis recipiatur in substantia An-
geli mediante intellectu; ipsa tamē species
intelligibilis essentialiter attingit, perficit,
& informat ipsam substantiā Angeli.

Sed in hoc apparere potest, quomo-
dò species intelligibilis movet intellectu
angelicum: dicemus enim, quod substā-
tia Angeli, prout consideratur nuda, secū-
dū se repræsentativa solū est sui ipsius: &
ideò hoc modo accepta causat in ipso
intellectu angelico, cui est præsens, intel-
lectionem sui ipsius tantum. Sed hujus-
modi substantia angelica per voluntatem
convertens se super aliquam speciem, li-
cet in se nuda existens non sit repræsen-
tativa nisi sui ipsius tantum; conjuncta
tamen tali speciei erit repræsentativa ob-
jecti, cujus est illa species: ideò per spe-
ciem illam & per voluntatem determi-
nantem se ad hujusmodi speciem causa-
bit in intellectu suo intellectionem ob-
jecti, cujus est illa species.

Tertia autem via sumitur prout il-
la species comparatur ad objectum, quod
repræsentat. Nam illa species non agit,
quod ei attribuitur actio: sed agit, quia
est ratio agendi, sicut nec calor calefacit,
sed est ratio calefaciendi : nunc autem
inter causas agendi videmus hanc distin-
ctionem, quod aliquid principaliter agit,
& aliquid agit in virtute alterius. Et hanc
distinctionem videmus inter ipsas ratio-
nes actionum: nam aliquid est ratio agē-
di secundum se; aliquid verò est ratio a-
gendi in virtute alterius: dupliciter ergo
in talibus potest esse defectus. Primò si
non agat, sed sit solum ratio agendi. Se-
cundò si non sit ratio agendi secundum
se, sed sit ratio agendi in virtute alterius.
Vtrumque autem defectum habet spe-
cies intelligibilis. Primò quia non agit,
sed est solum ratio agendi: non potest e-
nim illi speciei competere per se agere,
quia non competit ei per se esse: attra-
men si esset per se existens, & esset in ip-
so intellectu angelico, efficacius & for-
tius causaret actum intelligendi in ipso
intellectu, quàm causer. Secundò deficit
hujusmodi species intelligibilis: quia non
solum non est agens, sed est ratio agen-
di, sed non est ratio agendi secundum se,
sed magis est ratio agendi ut est repræ-
sentativa.

Tertia via
accipitur
prout spe-
cies com-
paratur ad
objectum
repræsentatum.

Aliquid
agere
in virtute
alterius
est agere
in virtute
alterius.

Species
intelligibilis
est agens
in virtute
alterius
est agens
in virtute
alterius.

representativa objecti: propter quod si ipsa A
 objectum secundum se posset esse in ip-
 so intellectu, perfectius causeret actum
 intelligendi in ipso, nunc autem nunc ex-
 istens ibi per speciem, species ipsa in vir-
 tute objecti, & ut est representativa ejus
 est ratio, quare hoc fiat, & quare cause-
 tur actus intelligendi in huiusmodi intel-
 lectu. Ex hoc ergo apparet, quomodo
 species intelligibilis habet causare actum
 intelligendi, ut comparatur ad objectum:
 quia hoc facit in virtute ejus, & ut est
 representativa ipsius. Ex hoc etiam cla-
 rius solvitur difficultas, quomodo spe-
 cies agit in intellectu, cum sit quod-
 dam accidens ipsius: nam non movet B
 intellectum, ut est quoddam acci-
 dens ejus, sed ut est quædam per-
 fectio substantiæ, ita quod substan-
 tia conjuncta tali speciei, & per conse-
 quens representans objectum ejus, cau-
 sat in ipso intellectu intellectionem ipsius
 objecti. Et si profundius perscrutamur,
 hæc est quodammodo accidens: quia si nō
 esset quid inhærens, sed esset per se ex-
 istens, multo magis hoc ageret. Adver-
 tendum autem, quod cum dicimus spe-
 cies agit & causat, oportet ibi accipere
 agere & causare largè, prout id, quod est
 ratio agendi & causandi, & quod non
 habet per se existere, dicitur agere, & C
 causare.

Respond. ad arg. Ad primum di-
 cendum, quod arguitur, ex omni parte
 deficit: nam quando dicitur, quod finis
 secundum esse distinctum ab eo, cujus est
 finis: si intelligatur, quod finis non pos-
 sit actualiter esse in eo, cujus est finis, pa-
 tet falsum esse. Nam Commentat. à quo
 hic modus loquendi sumpsit originem, vult in 12.
 quod forma balnei in anima est efficiens motum & causans deside-
 rium. Forma autem balnei extra est finis
 motus & desiderij. Sed hoc est quod D
 dicit ipse: quia balneum per se ipsum nō
 potest esse in anima. Si enim forma bal-
 nei secundum eum esset abstracta, idem
 esset movens ut agens, & ut finis: potest
 ergo movere ut finis, quod habet actua-
 liter esse in aliquo. Si verò dicas, quod fi-
 nis est distinctus secundum esse: non quia
 non possit esse in eo, cujus est finis: sed
 quia est quid per se existens differens ab
 eo, cujus est finis, nec hoc oportet. Nā
 ultima habitudo & ultimus finis, quem
 poluerunt Phi, est operatio animæ exi-

stens in ipsa anima, & inhærens ipsi ani-
 mæ. Prima ergo pars argumenti, quod
 forma existens in mente, non potest
 esse movens ut finis, est falsa. Secun-
 da etiam pars, quod non potest esse
 movens ut efficiens, quia accidens non
 habet rationem efficientis respectu sub-
 jecti: patet quod species intelligibilis est
 efficiens, non quod ipsa per se existat &
 per se agat, sed quia est ratio agendi &
 efficiendi. Et quod additur de acciden-
 te, patet, quod illa species non ut acci-
 dit intellectui, sed ut est conjuncta sub-
 stantiæ angelicæ est ratio, quare causetur
 intellectio in intellectu, nec hoc etiam
 (ut patuit) facit secundum se, sed ut est
 representativa objecti, & in virtute
 ejus: nec oportet, quod objectum sit a-
 ctu, ad hoc quod hoc agit, sicut semen
 agit in virtute animæ patris, patre
 tamen mortuo vel vivo, non minus agit:
 & sicut forma gravis in virtute gravitatis
 est ratio, quare moveatur grave: ita quod
 grave movetur à generante, existente vel
 non existente non minus movetur: sic
 species est ratio movendi in virtute ob-
 jecti, objecto tamen existente vel non
 existente non minus movet. Ad 2. dicen-
 dum, quod idem secundum idem non
 potest esse movens & motum, nec potest
 simul agere & pati, cum secundum di-
 versa potest modo quo patuit. Ad 3. di-
 cendum, quod posito, quod species in-
 telligibilis habeat esse intentionale, & ipsa
 intellectio habeat esse reale, his concessis,
 quæ supponebat argumentum, ratio
 non concludit. Nam non est inconve-
 niens, quod aliquid agat ultra suam spe-
 ciem in virtute alterius: intentionale er-
 go in virtute objecti realis poterit esse
 causa, quare causetur realis actus. Ad 4.
 dicendum, quod species intelligibilis nō
 habet causalitatem super ipso intellectu,
 quod ipsum intellectum efficiat: sed ma-
 gis est eo posterior, & ipsum præsuppo-
 nit; sed causalitatem habet super ipsa in-
 tellectione sive super actu intelligendi,
 quo est prior, & quem causat. Ad 5. di-
 cendum, quod species movet intellectum
 in virtute objecti. Et quod dicitur, quia
 nihil agit per formam, quæ est in altero:
 ergo objectum non agit per speciem in-
 telligibilem, quæ non est in ipso. Dici
 debet, quod quidquid agit immediate
 agit per formam, quæ est in ipso; sed quod
 agit mediante alio, dicitur agere per for-
 mam

nam, quæ est in alio: objectum ergo movet intellectum non per se ipsum, sed per speciem intelligibilem: & quia objectum non movet intellectum per se ipsum, nec agit per formam, quæ sit in ipso: quia verò movet per aliud, agit per formam, quæ est in alio. Ad 6. dicendū, quòd licet intellectus habeat apud se plures species; non tamen movebit quilibet intellectum: sed altera determinatè, eò quòd voluntas non posset se convertere plenè super omnes, nec etiam super plures, sed super unam tantum. Ad 7. dicendum, quòd voluntas determinat intellectum ad hoc, quòd informetur ita una specie, quòd non alia. Et quod arguitur, quòd actio intellectus præcedit actionem voluntatis. Dici debet, quòd est aliquod intelligere, quòd præcedit velle, & quòd non determinatur per velle:

Intelligere quod est in Angelo quasi naturale, & præcedit velle, & semper competit Angelo, nõ determinatur per velle; ceterum ad intelligere alia à se, quod est simpliciter voluntariu, voluntas movet.

& est aliquod intelligere, quòd sequitur velle, & quòd determinatur per ipsum: intelligere enim, quòd est Angelo quasi naturale, & quòd semper competit Angelo, secundum quòd huiusmodi, non determinatur per velle: ad tale ergo intelligere voluntas non movet intellectu, sed ad intelligendum alia à se, quòd est simpliciter quid voluntarium, movet voluntas intellectum. Ad 8. dicendum, quòd Angelus prius intelligit se & species, quas habet in se, & relationes specierum ad objecta: & istud intelligere est ei quasi naturale; & postea convertit se super speciem, quam vult, & intelligit objectum, & hoc intelligere est sibi voluntarium: propter quòd verum est, quòd prius intelligit objectum imperfectè, quàm intelligat ipsum perfectè; sed non eodem modo. Sed prius intelligit objectum sub modo quodam confuso, & in generali, & imperfectè, prout species habet quamdam relationem ad ipsum objectum. Et postea convertit se super speciem illam, & intelligit objectum clarè in propria forma, & perfectè: prius ergo, quàm intelligat objectum perfectè, intelligit ipsum imperfectum. Ad 9. dicendum, quòd argumentum nihil concludit, sed petit sibi hanc difficultatem solvi, videlicet, quare in somnis phantasia est in actu suo, & tamen intellectus non est in actu suo: idò impeditur ab actu eius. Ad quòd brevis est solutio: nã intellectus nõ recipit à phantasmatis, nisi ut sunt similitudines rerum: phanta-

sia autem in somnis (secundum Phum in de somno) utitur phantasmatis tanquam rebus, non tanquam similitudinibus rerum: propter quòd sequitur, quòd phantasia in somnis non habeat phantasmata, ut sunt apta nata movere intellectum: propter quòd in dormiendo impeditur intelligendi actus, sed quando pertransierunt illi motus, & finis (jam prope vigiliam) est dormiendo, cognoscimus nos dormisse, & dicimus intra nos ipsos, non sunt vera, quæ videmus, sed somnia: tunc jam incipimus uti phantasmatis non tanquam rebus, sed tanquam similitudinibus rerum, & ex tunc actio intellectus incipit vigorari, & esse in suo robore. Soluta est ergo difficultas, quæ quærebatur.

QVÆSTIO VI.

Utrum intellectus angelicus intelligat per species innatas, vel per species à rebus acceptas?



SEXTO quæritur, utrum intellectus angelicus intelligat per species innatas, vel à rebus acceptas? Et videtur, quòd Angelus non habeat species rerum apud se. Nam intellectus

humanus per speciem, quam habet apud se, potest intelligere rem existentem & non existentem: cum ergo potentior sit intellectus angelicus quàm humanus, si Angelus haberet species rerum apud se, multò fortius intelligeret res existentes & non existentes: intelligeret ergo presentia & futura, quòd est contra Damascenū lib. 2. cap. 4. qui ait: *Futura quidè tamen si ea nec Dei Angeli, nec demones norim.* Præterea: in anima nostra est aliquid, quòd est omnia facere, ut intellectus agēs; & aliquid, quòd est omnia fieri, ut intellectus potentialis, & hoc est perfectionis in ea: cum ergo Angelus naturaliter sit perfectior, quàm anima, erit etiam in eo aliquid quòd erit omnia facere, & aliquid, quòd erit omnia fieri: hoc autem esse non posset, nisi haberet in se intellectum agentem, qui abstraheret à rebus, & intellectum potentialem, qui intelligeret recipiendo species

Intelligere se & species quas habet Angelus, & earum relationes est quasi na-

turale, & intelligit se à specie rum quod modo e. a. fuso & m. perfectu. & convertit do se tunc speciem voluntatis clarè in proprium ma cogit.

D. Damascenus lib. 2. cap. 4.

res rerū: ergo &c. Præterea: est res sum-
ma, quæ nihil acquirit ab alio, ut Deus;
& res infima, quæ omnia acquirit ab alio,
ut corpus & materia: ergo Angelus,
qui dicit rem mediam, aliquas species ha-
bebit in se, & aliquas acquirere ab alijs,
ut à rebus: ergo saltem aliqua intelli-
get per species acquisitas. Præterea: om-
ne cognoscens cognoscit per speciem ab-
stractam. Nam ipse sentus, de quo est
minus credibile, videtur aliquo modo
abstrahere, cum sit susceptivus specierum
sine materia, & in ipsa phantasia adhuc
magis cognoscit per speciem abstractam,
& ipse intellectus noster tanquam im-
materialis, adhuc plus intelligit per spe-
cies abstractas. Ergo multò fortius intel-
lectus angelicus, quia immaterialior in-
telligit per species abstractas: sed intelli-
gere per species abstractas est intelligere
per species à rebus acceptas, ergo &c.
Præterea: Augustinus circa finem 2. lib.
super Gen. ad litteram vult, quod
dæmones tripliciter cognoscunt res, vi-
delicet acumine sensus, experientia tem-
porum, & revelatione Sanctorum spi-
rituum. Sed si dæmones cognoscunt ex-
perientia temporum, & per progressum
rerum in esse, consequens est, ut accipiā-
tur à rebus. Præterea: intelligentia non
potest reduci ad actum intelligendi per
se, cum sit potentia intelligens: nec per
speciem intelligibilem, cum sit innata
& invariabilis: ergo oportet, quod redu-
catur in actum per res ipsas: intelligit er-
go per species à rebus acceptas. Præterea:
si Angelus hoc modo intelligit per spe-
cies innatas: quia, progredientibus re-
bus in esse, sunt similes intellectui Ange-
lico, quæ prius non erant: propter hoc
modò evadimus difficultatem, quare cog-
noscit præsentia & non futura. Sequitur
ex hoc, quod similitudo sit causa cogni-
tionis rei. Sed contra: prius cognoscitur
res, quàm similitudo ejus: non ergo simi-
litudinis potest esse causa cognitionis rei.
Quod autem prius cognoscatur res, quàm
similitudo, patet: quia hoc modo cog-
noscitur similitudo, quia cognoscitur
per speciem, quæ sit similis rei; sed prius
cognoscitur objectum quàm species: er-
go & prius res quàm similitudo. Præte-
rea: si Angelus habet species innatas aut
per illas species semper cognoscit res aut
non? Si cognoscit? Ergo frustra applicat:
si non cognoscit? Ergo casualiter appli-

cat. Præterea: quia intellectus noster est
coniunctus sensui, abstrahit à sensibilibus
mediante sensu: intellectus ergo Angeli-
cus, quia non est coniunctus sensui, in-
telligit abstrahendo à sensibilibus sine
sensu: & ita per species acceptas. Præte-
rea: assignatur causa, quare Angelus in-
telligit per species innatas: quia sicut
corpora cœlestia sunt plena formis, & nō
recipiunt inferiores perfectiones: ita &
Angeli tanquam superiores spiritus sunt
pleni formis, & non recipiunt inferio-
res perfectiones. Sed contra: corpora su-
per cœlestia sunt in potentia ad ulterio-
rem perfectionem: quia possunt eclipsari
& illuminari. Ergo & Angeli erunt
in potentia ad posteriores species.

In contrariū est quod dicitur in 10. ro. prop. de
prop. de causis, *Omnis intelligentia est plena caus. iusta.*
formis. Quod si sic est, non intelligit per
species acquisitas sed concreatas. Præte-
rea: quia intellectus noster est potentia
in genere intelligibilium, erit potentia
ipsa intelligibilia, & intelliget per spe-
cies acquisitas. Angelus autem quia est ac-
tu in genere intelligibilium, erit actu ipsa
intelligentia, & intelliget per species con-
creatas: non enim esset actu ipsa intelli-
gibilia, nisi apud se actu semper haberet
ipsa. Præterea: in intellectu Divino species
est ipsa essentia Divina, in intellectu no-
stro est à rebus accepta, ergo in intelle-
ctu Angelico erit medio modo, & erit
concreata.

RESOLVTIO.

*Angelus non intelligit per species à rebus
acceptas; sed à Deo inductas.*

Respondeo dicendum, quod circa
hanc questionem sunt variæ opi-
niones. Quidam enim & magni ponunt
Angelos universalia intelligere per
species innatas, singularia verò per
species à rebus acceptas. Et isti videntur
velle tenere viam mediam. Antiquorum
tamen opiniones tenuerunt vias extre-
mas: nam quidam sunt opinati, quod
Angeli omnia cognoscunt per species
concreatas; quidam verò, quod omnia
per acquisitas. Nos autem melius intelli-
gimus, & credimus veriore esse opinio-
nem illam, quod Angeli omnia cognos-
cant per species innatas, & quod nullam

Quinque
differentiæ
inter intelle-
ctum nostrum
& angelicum
hic notatur.

tias inter intellectum nostrum & angelicum, ut ex ipsis differentiis habeamus viam ad solvendum difficultates tactas. Propter quod, quantum ad præsens spectat, assignabimus quinque differentias inter intellectum nostrum & Angelicum. Prima est, quia objectum per se intellectus nostri est res secundum suam quidditatem, non secundum esse; sed intellectus angelici est res secundum suum esse & quidditatem. Secunda differentia est, quia objectum intellectus nostri per se est universale non particulare; sed intellectus angelici etiam ipsum particulare est objectum. Tertia est, quia per unum simplex intelligere non potest intellectus noster intelligere plura distincte; intellectus autem Angeli potest. Et dico per unum simplex intelligere, quia per intelligere compositum potest intellectus noster intelligere plura. Nam intellectus format enuntiationem per intellectum compositum; formando autem hanc enuntiationem, *Homo non est asinus*, oportet, quod intelligat hominem & asinum, intellectu ergo simplici non potest intellectus noster intelligere plura simul. Intellectus autem angelicus potest, vel quod idem est intellectus noster non potest intelligere plura simul, nisi componendo vel formando enuntiationem, intellectus autem angelicus formando simpliciter verbum potest plura intelligere simul modo, quo infra dicemus. Quarta differentia est, & multum connexa differentiæ tertiæ, videlicet, quod intellectus noster non potest intelligere plura simul, nisi conformet se pluribus; intellectus autem angelicus potest intelligere plura simul conformando se unitantum. Quinta & ultima differentia est, quia intellectus noster non potest de novo intelligere aliquid, nisi aliqua immutatio in ipso fiat; intellectus autem angelicus potest incipere aliquid de novo intelligere, nulla immutatione in ipso facta. Et hæc quinta differentia est valde notanda: quia hæc est potissima ad solvendas difficultates propositas.

Prima differentia declaratur.

Prima differentia sic patet. Nam si volumus videre qualiter virtus aliqua cognitiva cognoscat, videndum est qualiter causetur ejus cognitio. Dicimus enim, quod per exteriores sensus possumus indicare de ipso esse rerum: cujus

A ratio est, quia exteriores sensus non mutantur nisi præsentibus sensibilibus; sensibilia autem non possunt esse præsentia, nisi actu existant in rerum natura: de ipsa ergo actuali existentia rerum indicare possumus per exteriores sensus. Sed intellectus noster non accipit suam cognitionem immediate ab ipsis sensibilibus: sensibilia enim immediate non possunt agere in ipsum intellectum, sed suam cognitionem accipit intellectus noster à phantasmatibus, quæ manent abeuntibus sensibilibus. Iuxta illud Phi in 2. *Ab euntibus sensibilibus insunt animalibus sensus & phantasia*. Ideo per intellectum nostrum, per se loquendo, non possumus iudicare de ipsa existentia rerum. Est autem & alia ratio, quare res secundum esse quod habet, non est objectum intellectus: nam cum intellectus intelligat per abstractionem à sensibilibus, oportet, quod ipsa quidditas abstracta sit per se objectum intellectus; non autem est objectum ejus secundum esse, quod habet insensibilibus, ideo dicitur in 3. de Ani. quod ipsum quod quid est, est per se objectum intellectus, sed intellectus angelicus non sic cognoscit: non enim intellectus Angeli cognoscit quod sua cognitio causet res, sicut intellectus Divinus; nec quod causetur à rebus, sicut intellectus humanus: non enim est ibi cognitio rei, quia unum causetur ab alio, sed quia ambo causantur à tertio: cognitio ergo angelica respectu rerum est per assimilationem, non quod unum assimilet sibi aliud: nam nec intellectus Angeli assimilat sibi res: quia eas non causat; nec res assimilat sibi intellectum illud, quia nihil in ipso efficiunt: non ergo est ibi similitudo, quod unum assimilet sibi aliud, sed quia ambo assimulantur tertio: ut quia ab eisdem ideis, à quibus fluunt res in propria natura, fiunt in cognitione angelica. Vnde si bene consideratur intentio Augustini super Gen. ad litt. in primo & in secundo & in multis locis. Deus ipse, qui produxit res in propria natura, fecit eas in cognitione angelica. Vnde ipse secundo super Gen. exponens de productione creaturæ. *Fiat, factum est, & fecit*. Illud Gen. 1. *fiant luminaria in firmamento celi.* & postea sequitur, *& factum est ita*. Et ultimo subdit, *fecitque Deus duo luminaria magna*. Illa tria, dixit, *fiat, factum est, & fecit*, referenda.

Phil. 2. de Animalibus 136.

3. de Anima

D. Aug. super Gen. ad litt. cap. 8.

renda sunt ad triplex esse rerum prout sunt in Verbo, in cognitione angelica, & in natura propria. Prout ergo sunt in Verbo. *Dixit Deus fiat, id est, in Verbo Dei Patris aeterno erat ut fierent.* Prout autem dicitur factum est, referendum est ad cognitionem angelicam. Sed prout subdit, & fecit, referendum est ad esse quod habent res in propria natura. Idem ergo Deus, qui habet in se totum esse rerum, fecit huiusmodi res in natura propria, & impressit eas cognitioni angelicæ. Imò secundum August. in eodem lib. 2. habuerunt esse in Verbo, postea in cognitione angelica, & ultimò in genere proprio, quod non esset, si à rebus acciperent cognitionem: quia tunc prius essent res in genere proprio quàm in cognitione angelica. Revertamur ergo ad propositum, & dicamus, quòd idem Deus, qui fecit res in genere proprio, impressit eas cognitioni angelicæ. Quod non esset nisi ab eisdem ideis Divinis, à quibus productæ sunt in genere proprio, impressæ essent mentibus angelorum. Benè ergo dictum est, quòd cognitio angelica est per assimilationem, & quòd in intellectu angelico est similitudo rerum; non quòd unum causet aliud, nec quòd unum assimilet sibi aliud; sed quia ambo causantur à tertio, & assimilantur tertio: ergo per relationem ad tertium, ut per relationem ad ideas Divinas, à quibus causata est cognitio angelica, investigandus est modus cognitionis ejus: igitur, ut communiter ponitur, quia ideæ Divinæ sunt productivæ totius rei, & quantum ad quidditatem, & quantum ad esse, species in mente angelica ab illis ideis derivatæ totius rei sunt repræsentativæ: objectum ergo intellectus angelici est res tota secundum esse & quidditatem.

Secunda differentia sic patet. Nam res ut consideratur abstracta à suo esse, consideratur universaliter, ut autem consideratur conjuncta ipsi esse, consideratur particulariter: nullum enim universale habet per se esse. Ex hoc ergo erravit Plato, ut probatur in 7. Metaph. quia posuit quidditates rerum universales secundum se existere. Eo enim ipso, quòd illis quidditatibus dabat per se esse, cogebatur dicere quidditates illas non esse universalis, sed singulares: ipsis itaque suppositis & ipsis particularibus competit

esse: universalis autem sunt materialiter tantum, in quantum existunt in particularibus, formaliter autem sunt universalis, prout secundum intellectum considerantur abstracta ab esse, quod habent in particularibus. Ideò dicit Commentator in 1. de Anima: *Intellectus est qui facit universalitatem in rebus.* Quare si res considerata secundum esse actuale, quod habet in rerum natura, est quid particulare: considerata abstracta à tali esse est quid universale, patet, quòd per se objectum intellectus nostri non potest esse particulare, sed universale, cum huiusmodi intellectus per se non feratur in ipsam rem secundum esse, quod habet in rerum natura; sed secundum quod est abstracta à tali: sed objectum intellectus angelici est ipsum particulare, cum huiusmodi intellectus feratur in ipsam rem, ut est conjuncta suo esse.

Tertia differentia sic declaratur. Nā intellectus Angeli, quantumcunque plura intelligat, nunquam format enuntiationem; sed formando simplex verbum potest plura intelligere, licet non in eo quòd plura: intellectus autem noster nō potest intelligere plura, nisi componendo & enuntiationem formando, ut si vult intelligere, quòd homo sit albus, oportet, quòd habeat apud se speciem hominis & speciem albi, & formet in se enuntiationem, quæ significatur per hanc propositionem, *Homo est albus.* Sed si intellectus noster intelligendo subjectum posset intelligere prædicatum, & intelligendo formam aliquam, intelligeret statim illa, in quibus esset huiusmodi forma, in intelligendo plura, non formaret enuntiationem, sed simpliciter verbum. Es quia hoc habet intellectus angelicus, ideò benè dictum est, quòd Angelus per unum simplex intelligere, non formando enuntiationem, sed verbum, potest intelligere plura; tamen intelligit ea in eo quòd plura: quia si intelligit subjectum & prædicatum, non intelligit quodlibet secundum se, sed unum in ordine ad aliud.

Quarta differentia de levi patet: quia annexa est differentiæ tertiæ. Nam si intellectus noster, ita parum habet de lumine intellectuali, & ita modicum videret acumine intellectus, ut non possit statim, cognito principio, cognoscere conclusionem, nec cognito subjecto, cognoscere

Comm. 1. de Anim. cōm. 8.

Tertia differentia.

Secunda differentia.

In 7. Metaph.

Quarta differentia, & est annexa tertiæ

noscere prædicatum; non poterit intelligere plura, nisi informetur pluribus speciebus, ut non poterit intelligere subjectum & prædicatum, nisi informetur specie utriusque; intellectus autem Angeli non sic. Nam Angelus sic viget acumine intellectus, quia cognoscendo aliquid, statim cognoscit ea, quæ conjuncta sunt illi: cum enim intellectus Angeli fertur in cognitionem subjecti absque aliquo discursu, absque aliqua compositione fertur in cognitionem omnium eorum, quæ sunt in subjecto. Angelicus ergo intellectus convertendo se actualiter super unam speciem, ut super speciem subjecti cognoscit subjectum, & cognoscit ea quæ sunt in subjecto, ut habet ordinem ad subjectum: non enim potest perfecte cognosci res, nisi cognoscantur ea, quæ habent æqualem ordinem ad ipsam rem. Ex imperfectione igitur intellectus nostri est, quod, cognita re, non cognoscit ea, quæ sunt in re, nisi componendo illa cum re ipsa; & ex perfectione intellectus angelici accidit, quod non ex compositione, sed ex simplici latione fertur in rem & in ea quæ sunt in re, ut habent ordinem ad ipsam rem. Differt autem hæc quarta differentia à tertia: quia tertia arguebat de ipso actu, vel de eo quod formatur per actum, & dicebat, quod per unum simplex intelligere, vel per unum simplex verbum, quod formatur per intelligere, poterat Angelus intelligere plura simul, non ut plura, sed unum in ordine ad aliud. Intellectus autem noster hoc non potest formando verbum vel diffinitionem: sed si vult intelligere plura, oportet, quod formet enumerationem. Hæc autem differentia quarta non loquitur de ipso actu, vel de eo quod formatur per actum, sed de ipsis speciebus, à quibus progreditur actus. Dicit enim, quod Angelus convertendo se super unam speciem tantum, ut super speciem subjecti, potest intelligere plura, quia potest intelligere subjectum & prædicatum, vel subjectum & proprietatem, ut est in subjecto & ut habet ordinem ad subjectum: imò simul, intelligendo subjectum, intelligit omnes proprietates & omnia accidentia quæ sunt in ipso, ut habent ordinem ad ipsum.

Quinta differentia non habet difficultatem. Nam si intellectus noster per unam speciem, ut per speciem hominis

intelligeret hominem & omnes proprietates & accidentia hominis, si homo inciperet habere aliquas proprietates vel aliqua accidentia, quæ prius non habebat, inciperet tunc intellectus noster absque mutatione sui intelligere proprietates illas & accidentia illa, quæ prius non intelligebat. Nam secundum hanc hypothesis intellectus non intelligit accidentia, quia informetur speciebus accidentium; sed quia informatur specie subjecti, cui conjuncta sunt accidentia: non ergo oportet ad hoc, quod intelligat aliqua accidentia, quæ prius non intelligebat, quod informetur aliqua specie, quæ prius non informabatur; sed sufficit, quod aliqua accidentia sint conjuncta illi subjecto, cujus specie informetur, quæ prius ei conjuncta non erant ad hoc quod incipiat intelligere ea, quæ prius non intelligebat: intellectus ergo noster, si intelligeret illo modo, quo diximus, posset sine sui mutatione aliquid de novo intelligere; sed non potest intelligere de novo aliquid nisi mutetur, propter duo falsa, quæ supposebat hypothesis. Intellectus autem Angeli hoc potest, quia licet illa duo sint falsa in intellectu nostro; sunt tamen vera in intellectu Angelici. Supposebat enim suppositio prædicta, quod intellectus noster simul intelligendo subjectum per speciem subjecti intelligat prædicatum, vel intelligat proprietates & accidentia ejus non per aliam speciem, sed ut habent ordinem ad subjectum: quod patet per differentias præhabitas de intellectu nostro esse falsum, de intellectu autem angelico esse verum. Supposebat etiam hypothesis illa, quod objectum intellectus nostri posset mutari secundum accidentia, ita quod aliqua essent accidentia ejus uno tempore, quæ non essent alio, quod patet etiam esse falsum. Nam distinguimus, quod aliqua sunt accidentia individui, & ista possunt variari; & si non omnia variantur, quia aliqua sunt accidentia inseparabilia: aliqua tamen variantur, & quia aliqua sunt separabilia: & forte ipsa accidentia inseparabilia habent aliquam variationem, quia non omnis Æthiops est æque niger: & hæc quæ accidunt individuis, communiter nomine vocantur accidentia. Sed quedam sunt accidentia speciei, & hæc habent speciale nomen, & dicuntur proprietates: & quia objectum intellectus no-

In quo differt quarta à tertia differentia.

Quinta differentia.

Quod intellectus noster non potest intelligere plura simul, sed unum in ordine ad aliud, quia non potest formare verbum vel diffinitionem, sed enumerationem.

Quædam sunt accidentia speciei, & hæc habent speciale nomen, & dicuntur proprietates.

nostri per se non est particulare, sed universale, ponebat aliud falsum hypothesis data, quod id quod est per se obiectum intellectus nostri, ut ipsa quidditas, posset variari quantum ad accidentia, quæ vocantur proprietates. Sed obiectum ipsius intellectus angelici est etiã ipsum particulare, quod dupliciter variatur. Primò quantum ad accidentia, quia habet aliqua accidentia, quæ prius non habebat. Et variatur etiam secundum se, quia incipit esse in aliqua natura, in qua prius non existerat, ut aliquis per generationem incipit esse homo, qui prius non erat homo: vel etiam per corruptionem desinit esse homo, qui prius erat homo: Sorte enim non dum generato, falsum est, quod ipse sit homo, & ipso corrupto, est etiam falsum, quod sit homo: Sortes enim postquam est corruptus est homo præteritus, sed non est homo nisi æquivocè, quia homo mortuus: & ipso non dum generato, est homo futurus: sed non est homo simpliciter, sed est homo in potentia.

Ponamus ergo, quod Angelus convertat se super speciem hominis, manente tali conversione, poterit absque sui mutatione dupliciter intelligere aliquid de novo, quod prius non intelligebat. Primò per generationem particularium hominum. Secundò per variationem accidentium in ipsis particularibus: nam, si manente cõversione Angeli super specie hominis, incipiat Sortes tunc esse homo, incipiet Angelus intelligere Sortem, quæ prius non intelligebat. Dictum est enim, quod Angelus propter plenitudinem sui luminis & propter acumen sui intellectus intelligendo aliquid, intelligit ea, quæ conjuncta sunt illi: & quia Sortes nunc generatus incipit in se habere naturam humanam actu, & esse conjunctus illi naturæ actu, quam prius habebat in potentia, & cui prius conjungebatur in potentia: propter quod Angelus habet intelligere actu, quem prius intelligebat in potentia, non per mutationem sui, quod informetur alia specie, sed per mutationem Sortis, qui de novo cõjūgitur naturæ humanæ, & per cõsequens de novo repræsentatur per speciẽ repræsentantẽ humanã naturã. Secundo modo potest cõringere, quod Angelus intelligat aliquid de novo sine mutatione sui per variationem accidentiũ in primis particularibus: ut

si Angelus convertat se super speciem hominis, quam habet apud se, & ex hoc intelligat naturam humanam, & per consequens intelligat Sortem, qui existit in tali natura, & qui conjungitur tali naturæ, intelligendo Sortem, poterit intelligere accidentia, quæ sunt in Sorte. Si ergo aliis & aliis accidentibus jungatur particulare illud, quod intelligit Angelus, incipiet ipse Angelus intelligere de novo quod prius non intelligebat, non per mutationem factam in ipso, sed per mutationem factam in re extrã: quia ergo obiectum intellectus nostri, quod est ipsa quidditas, est invariabile, ideò non possumus aliquid de novo intelligere per variationem factam in objecto, sed solum per variationem factam in intellectu nostro: intellectus autem Angeli hoc potest, ut est per habita manifestum.

His habitis, de levi dissolvuntur omnes difficultates tactæ. Nam plures illarũ difficultatum supponebant, quod esse rei per accidens comparatur ad intellectum angelicum, sicut comparatur ad intellectum nostrum. Supponebãt etiam, quod non posset Angelus aliquid de novo intelligere sine mutatione sui, sicut nec intellectus noster: quorum utrumque falsum est. Novitas enim intelligentiæ semper arguit scientiæ imperfectionem: quidquid enim de novo intelligit quod prius non intelligebat, aliquid accrescit scientiæ suæ, & per consequens habet scientiam imperfectam: sed hujusmodi novitas non semper arguit mutationem in ipso intellectu, nisi sit talis intellectus quod acquirat à rebus. Benè enim sequitur, quod si Angelus incipit aliquid de novo intelligere, quod est quid mutabile: quia si non esset quid mutabile, esset actus purus, & haberet scientiam perfectissimam, & nihil accresceret scientiæ suæ, nec de novo inciperet aliquid intelligere. Arguit ergo hujusmodi novitas, quod Angelus sit quid mutabile, sed non oportet, quod ex hoc mutetur, quod incipit de novo aliquid intelligere: sine mutatione autem non fit novitas, sed non oportet, quod hujusmodi mutatio semper sit ex parte intellectus: potest enim esse solum ex parte rei.

Et ut dissolvamus omnes difficultates tactas per ordinem, dicemus ad primam, quod (ut patet per jam dicta) eodem modo se habente specie in intellectu

Novitas intelligentiæ semper arguit imperfectionem & mutabilitatem, sed non mutationem in intellectu, sed sufficit quod sit mutatio ex parte rei.

Solvitur prima difficultas & respondetur ad

le etu

quatuor si-
militudo de spe-
cie intelligi-
bili, de vo-
ce, de imagi-
ne, & de sig-
no.

lectu angelico, ex sola mutatione facta in re aliter & aliter representabit rem. Illud autem quadruplex simile, quod adducebatur ad propositum, videlicet, de specie intelligibili in intellectu nostro, de voce, de imagine, & de signo non est simile secundum aliquod istorum, licet adduceretur pro simili. Nam, ut patet per habita, species in intellectu nostro non est representativa rei secundum esse, sed solum secundum quidditatem, sed in intellectu angelico secundum utrumque: & quia species in intellectu nostro solum est representativa rei secundum quidditatem, non secundum esse, ea quæ deserviunt cognitioni intellectus nostri, sive sint voces, sive imagines, sive signa, non possunt deservire cognitioni intellectus nostri, nisi secundum modum, quo intellectus noster est aptus natus res cognoscere: propter quod sicut nulla mutatione facta in intellectu nostro, nihil potest de novo cognoscere, sic in talibus, ut deserviunt cognitioni nostræ, nulla mutatione facta, nihil novi significabit: sed species in intellectu angelico, quia sunt representative rerum non solum secundum quidditatem, sed etiam secundum esse, nulla mutatione facta in speciebus, sed solum mutatis rebus quantum ad esse, oportet, quod sint aliter & aliter representativæ rerum.

Illud de ex-
perientia.
Solvitur.

Quod autem addebatur de esse, de experientia, & de relatione, de levi solvi potest: quia, ut patuit, licet esse rerum per accidens comparetur ad cognitionem intellectus nostri, non tamen comparatur per accidens ad cognitionem intellectus angelici: propter quod non valet, si experimur in nobis, quod nulla mutatione facta in intellectu nostro, non aliter cognoscimus rem, quod nulla mutatione facta in intellectu angelico, non aliter rem cognoscat: quia in hoc est differentia inter intellectum humanum & angelicum intellectum. Ad illud autem de relatione dicemus, quod Angelus cognoscendo naturam aliquam cognoscit particularia conjuncta illi naturæ, & cognoscendo subjectum, cognoscit accidentia illi subjecto conjuncta: & quia aliqua particularia incipiunt de novo subsistere in aliqua natura, & esse conjuncta illi naturæ: & etiam quia aliqua accidentia incipiunt de novo existere in subjecto & esse illi conjuncta, ideo potest incipe-

Additum de
relatione.

re Angelus, ex sola mutatione rerum sine mutatione sui, talia de novo cognoscere.

Ad hanc autem novam cognitionem, & ad hanc rerum mutationem potest nova relatio esse in speciebus angelicis: sed ordine naturæ cognitio rerum præcedit cognitionem relationis; non tamen oportet, quod præcedat esse relationis. Argumentum ergo arguebat sophistice: quia cum deberet arguere de esse relationis, arguebat de cognitione ejus. Dicebamus ergo, quod rebus de novo variatis secundum esse, incipit Angelus de novo habere relationem ad illas, & incipit de novo cognoscere eas, & de novo cognoscere relationem, quam habet ad ipsas. Erunt ergo ibi quatuor, videlicet, res nova, relatio nova, cognitio novæ rei, & cognitio novæ relationis. Quare sicut res nova præcedit relationem novam, ita cognitio novæ rei præcedit cognitionem novæ relationis: erit ergo hic ordo, quod naturaliter novitas rei præcedit novam relationem ad rem. Nova autem relatio ad rem præcedit novam cognitionem rei: nova autem cognitio rei præcedit cognitionem novæ relationis ad ipsam. Cum ergo arguebatur, quod prius cognoscitur res, quam relatio. Dicemus, quod & si intellectus prius cognoscit rem, quam cognoscat relationem, per quam refertur ad ipsam; non tamen prius cognoscit rem, quam refertur ad ipsam: intellectus enim nisi esset similis rei, & nisi referretur ad rem, nunquam cognosceret rem. Attamen prius cognoscit rem, quam cognoscat se esse similem rei. Species enim in quocumque intellectu creato nunquam representaret rem, nisi esset similitudo rei, ordine tamen naturæ prius representat res non prius facit cognoscere relationem & similitudinem, quam habet ad ipsam, itaque non valet, quod nova assimilatio ad rem non possit esse causa novæ cognitionis rei: habuit enim intellectus prius novam relationem ad rem, quam rem cognosceret, licet non prius habuit cognitionem illius relationis, quam rei. Soluta est ergo difficultas prima secundum se, & secundum ea, quæ sibi annectebantur.

Secunda difficultas solvi potest per ea, quæ dicebatur in questione præcedenti: utrum Angelus intelligeret per speciem,

ciem, vel p̄r habitum sibi connaturalē? Ostendebatur enim ibi in quæstione illa, quòd ad hoc, quòd Angelus possit cognoscere quocumque species numerorum, non oportet, quòd habeat apud se infinitas species: sed quòd cognito continuo potest cognoscere hanc proprietatem ejus, quòd est divisibile in infinitum, ex hoc (ut dicebatur) poterat quocumque species numerorum cognoscere.

Quod verò inducebatur tertio, quòd Angelus per unam speciem posset cognoscere infinita: quia qua ratione duo corpora possunt esse in eodem loco, & infinita, ergo qua ratione una species posset repræsentare duo particularia, posset & infinita, patet, quòd species non repræsentat particularia, nisi ex eo quòd subsistunt in aliqua natura, & ex eo quòd sunt conjuncta illi naturæ: & quia impossibile est unam naturā simul esse in infinitis particularibus, impossibile est, quòd una species simul infinita repræsentet. Et quod arguebatur, quòd si duo corpora possunt esse in eodem loco, quòd & infinita; non valet consequentia, nisi ex suppositione (videlicet posito quòd essent infinita corpora actu) non enim simul possunt esse, quæ habent actuale esse, & quæ non actuale esse. Si ergo dimensiones dimensionibus non resisterent, & posset corpus simul esse cum corpore, non sequeretur, quòd possent infinita corpora in eodem loco simul esse, nisi infinita corpora haberēt simul actuale esse. Sic & in proposito, si una species repræsentaret duo particularia, posset repræsentare infinita, si possent infinita talia actu esse: & quia hoc est impossibile quòd aliqua particularia sint infinita actu sub una specie, idè impossibile est, quòd infinita talia repræsententur actu per unam speciem, loquendo de specie creata, cujusmodi est species in mente Angeli.

Quod autem inducebatur quarto, quòd si Angelus cognosceret per species innatas, quòd non haberet distinctam cognitionem particularium, quia hujusmodi species non potest esse distincta ratio repræsentativa particularium: patet, quòd licet particularia non distinguantur in specie, quantum ad rationē quidditatis: distinguuntur autem quantum ad esse: idè species intelligibilis in intellectu nostro, quia repræsentat particu-

laria quantum ad rationē quidditatis; non quantum ad esse, non potest distinctè repræsentare illas: in intellectu autem angelico potest, cum species illæ sint repræsentativæ rerum non solum quantum ad quidditatem, in qua particularia uniuntur, sed etiam quantum ad esse, in quo particularia distinguuntur.

Quod autem dicebatur quinto, quòd Angelus non cognoscit absentia, quod patet de dæmone, qui volens ire ad partem occidentalem, ut sciret quæ ibi agebatur, dicebat se ab orante monacho impeditū. Dici potest, quòd secūdū cursum naturæ loquendo, patet, quòd ille dæmon mentiebatur. Nam oratio monachi non impediēbat illum dæmonem, quòd non posset stare coram Iuliano, ergo non poterat ipsum impedire, quin posset ire in occidentem. Nam cum dæmon non indigeat ponte, nec via, salvari poterat per aërea in occidentem ire semper distando tantum vel plus à monacho orante, quantum distabat, quando erat coram Iuliano: ergo quòd oratio monachi impediret dæmonem transire; & tamen non impediret ipsum coram Iuliano esse, mendacium erat. Quòd si dicatur, quòd in factis miraculis non est attendendus iste ordo naturalis, idè poterat per miraculum oratio monachi impedire dæmonem, ne ad occidentem iret, licet non impediret ipsum, ne coram Iuliano assisteret. Dicemus quòd etiam miraculosè poterant ei celeri quæ erant in occidente, naturaliter tamen distantia localis non impedit intelligere Angeli speculativum, licet impediat intelligere ejus practicum: non habemus ergo pro inconvenienti, quod dicebatur esse inconveniens, videlicet, quòd Angelus speculativè intelligat longinqua, sicut propinqua.

Auctoritates etiā in cōtrariū nō concludunt. Nā cum ait August. quòd nō afficitur de novo intellectus Divinus, sicut afficiuntur sensus carnales animalium hominum, vel sensus cælestes Angelorum. Patet quòd ibi accipit sensum pro intellectu. Vterque enim intellectus tam hominum, quam Angelorum afficitur de novo, aliter tamen & aliter, quia intellectus hominum afficitur de novo, & quantum ad speciem intelligibilem, & quantum ad actum intelligendi. Incipiūt

Quinta difficultas respondetur.

Explicatur auctoritas S. P. N. Aug.

enim in intellectu nostro de novo esse species, quæ non erant, & incipit ibi esse novus actus intelligendi, & nova intellectio, quæ prius non erat. In intellectu autem Angeli est novitas, non quantum ad speciem intelligibilem, sed quantum ad actum intelligendi: incipit enim in intellectu angelico esse nova intellectio, sed non nova species intelligibilis: ipsa ergo res sive ipsa objecta intellectus angelici de novo afficiunt intellectum angelicum, non causando ibi speciem intelligibilem, sed mediante tali specie causando ibi actum intelligendi. Dicebatur enim supra, quod species intelligibilis in virtute objecti causat actum intelligendi in intellectu angelico: hoc ergo modo intellectus angeli afficitur à rebus, non quia res causent species intelligibiles in intellectu Angeli; sed quia species intelligibiles in virtute rerum causant actum intelligendi in huiusmodi intellectu. Intellectus ergo Divinus nullomodo afficitur à rebus, nec quantum ad rationem intelligendi, nec quantum ad actum: intellectus verò humanus, quasi per omnem modum afficitur, & quantum ad speciem, & quantum ad actum, recipit enim intellectus noster à rebus species intelligibiles, & mediantibus speciebus afficitur, & informatur per actum intelligendi. Intellectus autem angelicus aliquo modo afficitur, & aliquo modo non: quia non afficitur intellectus Angeli à rebus, quod res causent in eo speciem intelligibilem, sed actum intelligendi, non quod per se & immediatè res aliquid in intellectu angelico causent, sed mediante specie: eo enim ipso, quod species intelligibilis, in quantum est representativa rei, & prout in virtute rei causat actum intelligendi, potest dici ipsam rem, mediante huiusmodi specie, causare talem actum, & per consequens dici potest, quod hoc modo afficit intellectum.

Quod autem addebatur de August. super Genes. ad litteram, quod demonibus aliqua innotescunt per experientiam temporum. Patet, quod hoc non est, quod res causant species intelligibiles in intellectu angelico; sed quia species illæ sunt representativæ rerum, non solum quantum ad quidditatem, sed etiã quantum ad esse: idèò progredientibus rebus in esse, aliqua innotescunt, & representantur Angelis per species, quas habent

apud se innatas, quæ non representantur, nec innotescunt, cum erant future, & cum carebant esse. Per hoc etiam solvitur, quod dicitur ad Ephes. 3. videret, quod multiformis sapientia Dei innotescit per Ecclesiam principibus, & potestatibus in coelestibus. Quod intelligendum est quantum ad progressum rerum in esse. Nam progredientibus rebus in esse, ut completa passione Christi, per Ecclesiam, id est, per Apostolos innotuit redemptio generis humani ipsis Angelis. Hoc ergo modo per Ecclesiam, id est, per Apostolos innotuit Angelis multiformis sapientia Dei de redemptione generis humani, quia Apostoli prædicaverunt res gestas & factas, ex quibus rebus gestis & factis multa innotuerunt Angelis, quæ prius latebant eos. Hoc est ergo quod Hieronymus dicit, quod completa passione Christi angelicæ dignitates magis lepidè cognoverunt mysterium incarnationis.

Postquam assignavimus difficultates circa materiam propositam, & enumeravimus differentias inter intellectum angelicum & nostrum, & ex differentiis illis solvimus difficultates tactas, volumus adducere rationes confirmantes propositum. Possumus autem quinque viis venari, quod intellectus Angeli non intelligit per species à rebus acceptas. Prima sumitur prout Angelus comparatur ad res immateriales. Secunda prout comparatur ad res materiales. Tertia prout comparatur ad suum actum intelligendi. Quarta prout comparatur ad ordinem universi. Quinta prout comparatur ad suam modum intelligendi secundum quæ perficitur.

Prima via sic patet, dicebatur enim supra, quod unus Angelus non poterat causare actum intelligendi in alio Angelo. Nam licet ipse Angelus de se sit forma abstracta, & substantia sua sit forma actu intelligibilis, tamen substantia ipsius Angeli, ut dicebatur, poterit causare actum intelligendi in intellectu proprio; non autem in intellectu alterius Angeli: quia, ut dicebatur, agens & patiens debet esse simul. Cum igitur substantia Angeli sit simul cum intellectu ejus, non autem sit simul cum intellectu alterius Angeli, nisi illaberetur ipsi Angelo, quod soli Deo competit, quia solus ipse illabitur spirituali menti, nullo modo conce-

Intellectus
Divinus nul-
lo modo af-
ficitur rebus:
intellectus
verò huma-
nus afficitur,
& quantum
ad speciem,
& quantum
ad actum
intelligendi;
Angelicus
autem ali-
quo modo
afficitur, &
aliquo mo-
do non affi-
citur.

Quoniam
visus rebus
comparatur

Prima

Solus
illabitur
rituali

dimus, quòd substantia unius Angeli possit causare actum intelligendi in intellectu alterius: sed qua ratione non potest causare actum intelligendi, non poterit etiam causare speciem intelligibilem. Nam cum species intelligibilis sit in intellectu ipsius Angeli, oportet unum Angelum esse simul cum intellectu alterius, & per consequens illabi menti ejus, si causaret in eo speciem intelligibilem. Nam licet simulas corporum sit secundum ordinem situalem, ut corpora dicuntur esse simul, quando se contingunt secundum situm, ut superius diffusius declarabatur; simulas tamen spirituum, quibus per se non competit ordo situalis, erit secundum ordinem essentialem, ut tunc erit spiritus simul cum spiritu, quando essentia unius erit in essentia alterius: non autem erit spiritus simul cum spiritu, quando essentia unius erit iuxta essentiam alterius: nam qui sic imaginantur spiritum cum spiritu esse simul, imaginantur in eis similitudinem situalem non essentialem, non igitur, per se loquendo, erit spiritus simul cum spiritu, nisi essentia unius sit in essentia alterius, quo posito, unus illaberetur alteri, quod iuxta Sanctorum sententiam esse non potest: quia solius Dei hoc est proprium. Solus ergo Deus speciem intelligibilem & actum intelligendi potest causare in intellectu ipsius Angeli; unus autem Angelus in intellectu alterius nec speciem, nec actum potest efficere. Et si spiritualia ad se invicem non possunt causare species intelligibiles, multo magis ipsa corporalia, quae materialiora, grossiora, & minus activa sunt, in spiritualia intelligibiles species causare non poterunt. Nam si spiritus in spiritum illabi non potest, multo magis nec corpus spiritui illabi poterit.

Vnus Angelus in intellectu alterius neque actum intelligendi, neque speciem intelligibilem causare potest.

Secunda via.

Hic articulus numeratur 23. inter errores de Angelo, vel intelligencia, etiam condemnatus.

Secunda via ad hoc idem sumitur, prout Angelus comparatur ad istas res materiales, & ad ista corporalia: sed haec via aliquo modo tangit articulos. Innititur enim haec via modo quo Angelus est in loco, & modo quo attingit huiusmodi corpora. Sed de existentia Angeli in loco articuli videntur sibi contradicere. Nam unus articulus dicit: *Dicere quòd substantiae separatae nunquam sunt secundum substantiam, uno modo est error; alio modo est verum.* Error enim est, si intelligatur, ita quod ipsa substantia Angeli non sit in loco; sed si intelligatur, quòd substantia non sit ratio essendi in loco, verum

est, quòd substantiae separatae nusquam sunt secundum substantiam in loco. Vult ergo iste articulus, quòd substantia Angeli non sit ratio, quare Angelus sit in loco: & quia in Angelo non sunt nisi substantia, virtus, & operatio, si Angelus non est in loco secundum substantiam, erit in loco per virtutem, & operationem. Alius autem articulus dicit: *Error est substantiam Angeli non esse sine operatione in loco.* Ista autem videntur sibi contradicere: quia si operatio est ratio, quare substantia Angeli sit in loco, sine operatione ergo non erit ejusmodi substantia in loco. Propter quod sciendum, quòd propositio, *Per, largè sumpta potest facere locutionem simplicem*, ut aliquid est in loco per substantiam, quia ipsa substantia est in loco, licet non sit ratio, quare aliquid sit in loco: igitur secundum locutionem simplicem corpus est in loco per substantiam, quia ipsa substantia corporis est in loco; tamen propriè loquendo, *Per*, non facit locutionem simplicem; sed magis dicit causam & rationem, quare aliquid sit tale: & sic loquendo de, *Per*, corpus non est in loco per substantiam, sed per quantitatem, quia substantia non est ratio, quare corpus sit in loco, sed quantitas.

natos à Dño Stephano Paris. Episc. de consilio MM. Theologiae anno 1226.

Articulus 25. eundem prohibicionis, in qua etiam condemnati fuerunt alij quinquaginta art. qui sunt de Deo in ecclesia Parisiensi die dñi, in qua catur Letare Ierusalem.

Advertendum tamen, quòd aliquando, *Per*, dicit rationem essendi, aliquando dicit hoc exclusive, id est, excludendo illud, cujus est ratio: aliquando inclusive, id est, includendo illud. Dicimus enim, quòd lapis est in anima per suam speciem, quia species est ratio, quòd lapis ibi esse dicatur: & corpus est in loco per suam quantitatem, quia quantitas est ratio, quare substantia corporis sit in loco; non tamen est eodem modo hoc & illud, quia sic species est ratio, quòd lapis dicatur esse in anima, quia ex hoc excluditur lapis ab existentia in anima, quia ipsa substantia lapidis non est in anima. Sed sic substantia corporis est in loco per quantitatem, quòd ipsa substantia corporis non excluditur ab existentia in loco: verè enim substantia corporis est in loco, licet sit ibi mediante alio, ut mediante quantitate: lapis ergo est in anima per solam speciem, & sine specie non est ibi, id est, non est ibi nisi per speciem; sed non est sic substantia corporis in loco per quantitatem, ut quòd non sit ibi sine quantitate, id est,

Advertentia, quòd *Per* aliquando dicit rationem inclusive, aliquando exclusive.

quod sit ibi per quantitatem tantum, quod excluditur inde substantia. Et sicut fallum est hoc dicere de existentia corporis in loco per quantitatem, sic fallum est dicere de existentia Angeli in loco per operationem, ut quod sit Angelus in loco per operationem, quod sine operatione substantia ejus non sit in loco. Hoc ergo fortè intendit negare ille articulus dicens errorem esse dicere substantiam Angeli non esse in loco sine operatione, quia non est ibi per operationem tantum, quod excludatur inde substantia, sicut lapis est in anima per speciem tantum, quia ipsa substantia lapidis in anima non existit. Angelus ergo in istis rebus corporalibus est per operationem, ut ibi est ubi operatur.

Duplex est
contactus
sensualis, &
virtualis.

Ex his ergo, quæ diximus, procedamus ad probandum propositum distinguentes duplicem contactum situalem & virtualem. Sensualis autem contactus est, cum ultima corporum se contingunt, ut aqua utualiter attingit aërem, vel è converso, quando ultimæ eorum superficies ad invicem conjunguntur. Virtualiter vero aër & aqua se contingunt, quando ad invicem agunt & patiantur: & hic contactus est fortior, & profundior, quæ sensualis. Nam sensualis contactus est in extremitatibus tantum; virtualis vero est in corpore toto. De hoc autem contactu virtuali dicendum est, quod si subtracta tantum actione alterius, non remaneret contactus, nullo modo alterum imprimeret aliquid in reliquum: ut si ignis & aër se contingerent virtualiter, & subtracta actione ignis, non posset naturaliter remanere talis contactus, de necessitate concluderetur, quod aër in ignem nihil imprimeret: imo est hoc ita per se, quod si detur oppositum consequentis, statim arguetur oppositum antecedentis. Nam si detur, quod aër in igne aliquid imprimat, concludetur statim, quod subtracta actione ignis, adhuc remanet contactus unius ad alterum: quia si aër in ignem aliquid imprimit, subtracta actione ignis, adhuc remanet contactus, licet non remaneat contactus virtualis ex impressione facta ab igne; remanet tamen ex impressione facta ab aëre. Cum ergo tota ratio contactus spiritualium ad corporalia sumatur ex parte spiritualium,

quia ideo dicitur spiritualia in corporalibus existere, & ea contingere, quia circa ipsa operationem habent, consequens est, quod subtracta actione spirituali, secundum naturæ cursum remanere non possit talis contactus: sed, ut dicebamus, quotiescumque aliorum est talis contactus, quod subtracta operatione unius, talis contactus remanere non potest, ex hoc concluditur, quod aliud in ipsum nihil efficiat, & nihil imprimat: igitur quia subtracta actione spiritualium non remanet contactus inter spiritualia & corporalia, fatendum est, quod secundum naturæ cursum corporalia in purè spiritualia nihil possunt imprimere. Et quia tota dubitatio: utrū Angelus intelligat per species à rebus acceptas? Oritur ex istis corporalibus, quæ tantam variationem habent, quod difficile est sustinere, quomodo Angelus per species innatas possit tot varia cognoscere, & manere, quia in istis corporalibus est multiplicatio individuorum sub eadem specie: ideo multi opinati sunt, quod non possit Angelus particularia istorum sensibilium distinctè cognoscere, nisi ab hujusmodi particularibus in intellectu ejus aliquid imprimatur. Quare si propter ista sensibilia oritur difficultas, & ostensum est, quod illa sensibilia in spirituales substantias nihil possint imprimere, concedendum est, quod Angelus hæc sensibilia non cognoscat per species ab eis acceptas, sed divinitus cōcreatas. Et si hæc sensibilia non cognoscit per species ab eis abstractas, multò magis non cognoscat hoc modo ipsa abstracta, in quibus minor est variabilitas, & de quibus non possit ea cognoscere minor est difficultas.

Tertia via sumitur, prout Angelus comparatur ad suum actum intelligendi. Nā si hoc modo Angelus cognosceret ista sensibilia: quia per abstractionem reciperet ab eis species, nunquam per hujusmodi species cognosceret particularia istorum sensibilium. Nam cum ratio agendi sit forma, & non materia, species impressa in intellectu ab istis sensibilibus rebus non est representativa istorum sensibilium secundum esse materiale & particulare: sed secundum esse universale & formale: ideo objectum intellectus dicitur esse universale, quod, & si de hoc dubitatur

Tertia

tatur, quod non plenè concludat inten-
rum, non tamen dubitatur, quod omne
quod recipitur in aliquo, recipitur secun-
dum modum rei recipientis, & non re-
ceptæ. Cum ergo ipse intellectus non sit
hic & nunc, quia non est virtus organi-
ca, nec materialis, recipiet speciem sine
hic & nunc, & per cōsequēs per se ferretur
in cognitionem istorum sensibilium
sine hic & nunc: sed hæc sensibilia ac-
cepta sine hic & nunc habent esse uni-
versale, non particulare: nunquam ergo
intellectus intelligens per abstractionem,
per se intelligit nisi universale. Si autem
vult intelligere particulare, hoc erit per
reflexionem, reflectendo se super aliquā
virtutem organicam, ut ad phantasiā, cui
naturaliter est conjunctus. Vnde & Phis.
in 3. de Anima vult, quod virtus intelle-
ctiva cum sit extensa carnis esse cognos-
cit. Esse ergo carnis, id est, esse quidditati-
vum carnis sive carnē acceptam secundū
esse universale intellectus cognoscit ex-
tēsus, id est, recto aspectu & per se. Carnē
verò secundum esse particulare, nō cog-
noscit intellectus extensus, sed reflexus
supra phantasma. Quare si Angelus reci-
piendo species à rebus sensibilibus cog-
nosceret sensibilia, non posset ipsa cog-
noscere secundum esse particulare, nisi
haberet naturaliter conjunctam sibi vir-
tutem phantasticam, supra quam se refle-
cteret. Et quia hoc nullus ponit, conce-
dendum est, quod si Angelus cognosce-
ret per species à sensibilibus acceptas,
quod non posset per illas species cognos-
cere particularia. Et quia principalis ra-
tio movens ponentes Angelos cognos-
cere per species acceptas sumpta est prop-
ter cognitionem particularium, quia er-
go ex hoc non sequitur propositum,
sed oppositum, negandum est Angelos
per species à rebus acceptas cognoscere.

Quarta via sumitur, prout compara-
ratur Angelus ad ordinem universi. De-
bemus enim imaginari, quod universum
cum sit à summa sapientia dispositum, &
ordinatum, in ipso relucet decor, ordo,
& pulcherrima quidem armonia. Non
est ergo universum confusum, ut quod
quælibet pars universi attingat quælibet,
& quod quælibet jungatur cuilibet;
sed hujusmodi partes ordinatè sibi invi-
cè connectuntur: propter quod suprema
in infimis attingitur, & infima in supre-
mis: & sic secundum ordinem quemdā

universum est connexum, quod videmus
ad sensum. Nam sensitivum est supra ve-
getativum, & animalia sunt supra plan-
tas: sunt enim perfectiora & digniora
eis. Non ergo dicemus, quod superiora
animalia sint quasi plantæ: nec dicemus,
quod infima plantæ sint quasi animalia.
Sed dicemus, quod suprema plantæ sunt
quasi animalia, & infima animalia sunt
quasi plantæ. Suprema ergo in plantis
attingunt infima in animalibus, & in-
fima in animalibus connectuntur su-
premis plantis: videmus enim, quod
aliquæ plantæ quasi habent distinctio-
nem sexus, & reperitur in eis mascu-
linum & fœminæ, quod est propriū
animalium: propter quod illæ plantæ a-
liquo modo animalia attingunt, & cum
animalibus participant: propter quod
suprema plantæ sunt quasi imperfecta
animalia, & imperfecta animalia sunt
quasi plantæ. Reperiuntur enim anima-
lia, quæ sunt affixa alicui loco, & non
habent nisi sensum tactus, & in hoc sunt
quasi plantæ: quia hoc est quasi propriū
plantarum, quod sint certo loco affixæ.
Rursus tactus valdè materialiter recipit,
ideò animalia non habentia nisi sensum
tactus modicum differunt à plantis. In
hoc est ergo maxima armonia ipsius u-
niversi, quod partes ejus sic sunt ordi-
natè connexæ, quod suprema infimorum
connectuntur infimis supremorum. Et
ita est sententia Dionys. 7. cap. de Div.
nomin. qui loquens de Divina bonitate
ait: *Hæc enim, ut scripta Divina tradunt, om-
nium est artifex, & semper omnia concordans. Est
que causa indissolubilis coherentie & ordinis om-
nium: sineque priorum cum sequentium princi-
piis semper connectit, & unam universi conspi-
rationem, concentumque pulcherrimè efficit.* Pul-
chritudo ergo & ordo universi est, quod
fines priorum, id est, infima supremorum
conjungantur principiis secundorum, id
est, supremis infimorum. Et totum vide-
mus in nobis: videmus enim, quod à sen-
sibilibus accipiunt sensus exteriores, à sē-
su autem exteriori accipit sensus inter-
rior, id est, phantasia, à sensu autem in-
teriori sive à phantasia tanquam à supre-
mo sensu accipit intellectus noster: igitur
intellectus noster, qui est ultimus in
intelligibilibus, conjungitur phantasiæ,
quæ est suprema in sensibus. Intellectus
ergo noster est quasi sensus, quia ita mo-
dicum participat de intelligibilitate,

D. Dionys.
7. de Div.
nom.

Intellectus no-
ster est ulti-
mus in intel-
ligibilibus,
& cōjūgitur
phantasiæ,
quæ est su-
prema in sen-
sibus.

quod si participaret minus, statim esset in genere sensibilem: est enim intellectus noster in genere intelligibilem, ut pluries tactum est, quasi materia prima in genere entium: sicut ergo materia prima ita modicum habet de entitate, quod si haberet minus, statim esset nihil, ita intellectus noster ita modicum habet de intelligibilitate, quod non posset habere minus, nisi esset quid sensibile: & sicut intellectus noster est quasi sensus, ita phantasia, quæ est supremum in sensibus, est quasi intellectus. Vnde & Phus in 3. de Anim. phantasiam intellectum passivum vocat. Igitur cum intellectus noster sic sit infimus in genere intelligibilem, dignum est, quod ipse conjungatur sensibilibus, & tamen non quocumque modo conjungitur sensibilibus, sed modo ordinato, ita quod non nisi à supremo in sensibus, ut à phantasia sit impressio in intellectu nostro, qui est infimus in intelligibilibus. Si ergo Angelus reciperet species à sensibilibus, cum ipse non habeat organum phantasticum, nec habeat potentias sensitivas, non à supremo in sensibus, quia potentias sensitivas non habet; sed ab ipsis sensibilibus immediate reciperet. Hoc esset autem totum confundere ordinem universi, videlicet, quod intellectus noster, qui tenet infimum gradum in intelligibilibus, conduceretur supremis in sensibus, & reciperet à talibus supremis; Angelus verò, qui in intelligibilibus tenet superiorem & excellentiorem gradum, reciperet ab infimis in inferioribus, id est, immediate ab ipsis sensibilibus. Hæc autem ratio multum habet ponderis. Nam minimum inconveniens in ordine universi debet maximum reputari, cum in huiusmodi ordine maxime reluceat bonitas & sapientia Conditoris.

Quinta via

Quinta & ultima via sumitur, pro ut Angelus comparatur ad modum, secundum quæ perficitur. Videbitur enim fortè alicui, quod intellectus angelicus posset immediate recipere species ab illis sensibilibus, licet intellectus noster non possit immediate recipere species nisi à phantasmatis. Nam phantasmata non possunt imprimere speciem in intellectu nostro, nisi in virtute luminis intellectus agentis: cum ergo lumen intellectuale in Angelo sit longè fortius & efficacius ad agendum, quam lumen intel-

lectus nostri, licet intellectus non possit per lumen, quod habet apud se immediate recipere à sensibilibus: eo quod huiusmodi lumen est valde debile, poterit tamen hic intellectus Angeli propter efficacius lumen, quod apud se habet. Nulli quidem dubium esse debet, quod efficacius lumen requiritur ad hoc, quod fiat abstractio ab illis sensibilibus, quæ sunt materialia, quam quod fiat abstractio ab ipsis sensibus, qui secundum Phus in 5. de Anima, sunt susceptivi specierum sine materia, & adhuc etiam fortius lumen requiritur, quod fiat abstractio ab ipsis sensibus exterioribus, qui magis materialiter informantur, quam quod fiat abstractio à sensu interiori, id est, à phantasia, in qua spiritualiori modo habent esse phantasmata, quam sint species sensibiles in exterioribus sensibus. Arguitur itaque magna debilitas luminis intellectus agentis, in cuius virtute intellectus possibilis non potest recipere species, nec ab exterioribus sensibus, sed à phantasmatis tantum. Sed quia, ut dicatur lumen intellectuale in Angelo esse multò efficacius & fortius, non videtur inconveniens, quod in virtute tanti luminis possit fieri receptio in intellectu angelico immediate ab huiusmodi sensibilibus. Ista autem ratio, quam intra nos aliquando cogitavimus, videtur multum ampliosa, sed parum est ponderis. Nam tota causa, quare requiritur intellectus agens, est, quia phantasmata non sunt actu intelligibilia, propter quod Commentat. in 3. de Anim. vult, quod Plato non indignit ponere intellectum agentem, quia posuit intelligibilia esse ideas separatas, quæ erant intelligibilia actu: sicut nec nos indigemus ponere sensum agentem, quia sensibilia sunt actu sensibilia. Cum enim calidum sit actu sensibile poterit immutare sensum absque adminiculo sensus agentis: sed quia phantasmata sunt hic & nunc, & sunt potentia intelligibilia, ultra suam speciem agerent, si in virtute propria immutarent intellectum: non ergo plus potest facere lumen intellectuale, nisi quod id quod est potentia intelligibile, facit quod actu immutet intellectum. Si ergo esset talis intellectus, quod ab actu intelligibili non posset immutari, multò magis huiusmodi intellectus in virtute luminis intelligibilis ab intelligibilem potentia immutari non posset.

Phus in 3.
de Anima
comm. 20.

Phus in 5.
de Anima
39.

Commentat.
in 3. de Anima

set. Sed, ut est per habita declaratum, intellectus angelicus ab ipsis substantiis separatis, sive à quocumque alio Angelo non potest immutari: unus enim Angelus, quamvis sit substantia separata, & sit natura actu intelligibilis, in alio Angelo nec intellectionem nec speciem intelligibilem causare potest, quia tunc illaberetur ei, quia si natura actu intelligibilis, ut si unus Angelus in alio Angelo non potest imprimere speciem intelligibilem, nec istæ corporales in virtute luminis intellectualis, quod habet Angelus apud se, quantumcunque illud lumen sit irradiativum, penetrativum, & efficax, in intellectu angelico imprimere nullo modo poterunt similitudines suas.

Dicamus ergo, quod directe naturæ creatæ non possunt imprimere similitudines suas in intellectu: nam substantiæ immateriales, dum tamen sint creatæ, non possunt directe suas similitudines in intellectu, quia tunc illaberentur intellectui: materiales autem hoc non possunt nec in virtute propria, nec in virtute luminis intellectualis: quia lumen intellectuale non plus confert rebus immaterialibus, quæ sunt intelligibiles in potentia, nisi quod agant, ac si essent intelligibiles in actu. Et quia res immateriales, quæ sunt intelligibiles in actu, non possunt hujus similitudines imprimere: ergo nec res materiales in virtute luminis intellectualis poterunt hoc facere: directe itaque à nullis rebus creatis intellectus recipit species, indirecte tamen, ut si sit intellectus talis qui virtuti phantasticæ naturaliter sit conjunctus, per immutationem phantasie, poterit immutari. Nam sicut intellectus Angeli non potest immutari ab alio Angelo; potest tamen immutari à natura & à substantia propria, cui naturaliter est conjunctus: ita intellectus noster possibilis, si immutatur, immutabitur à speciebus existentibus in virtute phantastica, cui materialiter est unitus, aliter tamen & aliter: quia natura Angeli non indiget intellectu agente ad hoc, quod immutet intellectum proprium, cum sit intelligibilis in actu; phantasmata autem indigent, quia sunt intelligibilia in potentia: nihil ergo immutat intellectum imprimendo ei intelligibilem speciem vel intellectionem, nisi possit illabi intellectui, vel nisi ei naturaliter sit conjunctum. Propter quod

intellectus angelicus non nisi à Deo, qui est intimior ei, quam ipse sibi, potest recipere directe intelligibiles species; non autem etiam indirecte poterit recipere tales species à rebus creatis: quia non est naturaliter conjunctus virtuti phantasticæ, per cujus immutationem immutetur & ipse: & nullo igitur modo per species à rebus acceptas, sed à Deo inductas intelligit Angelus.

Respond. ad arg. Ad primum dicendum, quod intellectus noster per speciem, quam habet apud se, intelligit re existentem, & non existentem: quia indifferens est ei, an res sit, an non sit. Nam per accidens esse rei comparatur ad intellectum nostrum: si ergo Angelus haberet species apud se, & intelligeret eo modo, quo intelligit intellectus noster, intelligeret res solum secundum rationem quidditatis, secundum quem modum non habetur spiritalis cognitio de presentibus & futuris: hoc ergo modo Angelus directe nihil sciret de esse rerum. Propter quod nihil arguit argumentum: quærit tamen sibi hanc difficultatem solvi, quare Angelus cognoscit præsentia & non futura, cum præsentia & futura sint ejusdem speciei: sed de hoc infra specialis movebitur quæstio; quantum tamen ad præsens spectat, dicemus, quod species in mente Angeli per se ducit in cognitionem naturæ, & propter perfectionem illius cognitionis ducit in cognitionem eorum, quibus est conjuncta, illa est conjuncta particularibus presentibus, non futuris: ideo per speciem illam repræsentantur ei particularia præsentia, non futura. Ad 2. dicendum, quod perfectio nis est in anima, quod si habet intellectum possibilem, qui est omnia fieri, quod habeat in se ipsa intellectum agentem, qui sit omnia facere: sed hoc non est perfectionis simpliciter, sed est perfectionis in virtute cognitiva recipiente similitudines & species rerum: perfectior est enim intellectus noster, qui est materia intellectualium, quam sint res corporales, quæ sunt materia artificialium. Nam materia artificialium sic est omnes formas artificiales fieri, quod non habet artem sibi conjunctam, quæ est omnes formas tales facere: sed intellectus noster sic est omnes formas intelligibiles fieri, quod habet sibi naturaliter unitum intellectum agentem, qui est omnia talia facere

Quæstione
scilicet 10.

cere. Est ergo hoc perfectionis in intellectu nostro, eo quod recipit à rebus: **A** nam perfectius est recipere modo nobili, quam ignobili, sed multò majoris perfectionis esset, si non reciperet: multò enim esset perfectior intellectus, si nō indigeret eo, qui est omnia facere; sed apud se haberet species omnium rerum inditas, propter quod non indigeret, ut in virtute alterius à rebus reciperet. Et quia huiusmodi est intellectus angelicus non est imperfectior, quam intellectus noster, sed multo perfectior. Ad 3. dicendum, quod Deus est res summa & nihil acquirit: corpora sunt res infima, & omnia acquirunt ab alio: quia ad nihil se ipsa movent nisi per accidens: Angelus autem est res media, & ad aliquas perfectiones movet se ipsum, non quod moveat se ad species intelligibiles, sed quia per species intelligibiles movet se ad intellectiones sive ad actiones intelligibiles: & quia intellectio vel actio intelligibilis est quædam perfectio, patet, quomodo Angelus movet se ipsum ad aliquas perfectiones. Ad 4. dicendum, quod abstractum potest mihi dicere duo, vel secundum esse quod habet in Angelo, vel secundum operationem factam ab Angelo. Species enim in mente angelica sunt abstractæ secundum esse, quia non habent materiale, sed à materia subtractum: habent ergo abstractum esse in Angelo, sed non habent abstractum esse per operationem factam ab Angelo: ut quod Angelus habeat intellectum agentem, in cuius virtute abstrahat à rebus. Cum ergo arguitur, quod intellectus Angeli est magis immaterialis, quam intellectus noster, satis probatur, quod species in intellectu illo sint magis immateriales & abstractæ, id est, separata à materia, quā in intellectu nostro. Sed non propter hoc concluditur, quod intellectus ille abstrahat à rebus, sicut noster: imò magis concluditur oppositum, quia si est magis immaterialis, quam noster, non est congruum neque rationabile, quod sic immutetur à rebus materialibus, sicut noster. Ad 5. de Augustino, quod demones cognoscunt experientia temporum, patet solutio per jam dicta, quod hoc non est, quod res temporales imprimant aliquid in intellectu demonis, vel Angeli: sed quia Angelus cognoscit ea, quæ sunt conjuncta naturæ, cujus speciem habet apud se, & per consequens sunt ei nota præsentia; non autem sunt ei nota futura, quæ non sunt actu conjuncta, nec actu subsistunt in tali natura: idèò progredientibus rebus in esse: quia fiunt præsentia, quæ erant futura, fiunt ei nota quæ prius erant ignota, & hoc modo demones & Angeli experientia temporum multa cognoscunt. Ad 6. dicendum, quod intelligentia reducit se ipsam in actum intelligendi. Et si dicatur, quod ipsa est potentia intelligens, & nihil quod est potentia tale, facit se actu tale, ut patuit ex quæstione præcedenti, non est inconveniens, quod idem non secundum idem sit potentia & actu, & moveat se ipsum: Angelus ergo per intellectum est quid in potentia; per speciem intelligibilem est quid in actu: idèò se ipsum, ut est actu per speciem intelligibilem, movet, ut est potentia per potentiam intellectivam. Sed adhuc videtur stare argumentum, videlicet, cum sit potentia intelligens, quomodo se faciat actu tale. Dicemus ergo, quod Angelus habens apud se speciem intelligibilem habet in se actum intelligendi virtute, quia potest se convertere super speciem illam & intelligere; sed non habet ex hoc in se actum intelligendi formaliter. Erit ergo hic ordo, quod Angelus, ut habet apud se speciem intelligibilem, & ut habet in se actum in virtute, quando vult per voluntatem convertere se super speciem illam, movet se ipsum, ut habeat in se ipso huiusmodi actum formaliter. Ad 7. dicendum, quod aliud est dicere, quod cognitio similitudinis est causa cognitionis rei, & aliud est dicere, quod ipsa similitudo sit causa cognitionis rei. Angelus enim prius assimilatur alicui, vel aliter prius refertur ad aliquid, quàm cognoscat illud: sed licet prius assimiletur, vel prius referatur, quàm cognoscat, non tamen oportet, quod prius cognoscat huiusmodi relationem & similitudinem, quam habet ad rem, quā cognoscat ipsam rem. Vel possumus dicere, quod prius cognoscit relationem ad rem in generali, & quod cognoscit ipsam rem in speciali, quando convertit se super huiusmodi speciem, ut actu informetur per illam: similitudo ergo & relatio cognitionis est causa, licet non per omnem modum cognitio relationis vel assimilationis sit causa cognitionis rei: non enim

enim oportet, quod per omnem modum prius se cognoscat esse similem rei, & referri ad rem, quàm cognoscat ipsam rem; nisi dicatur (ut dictum est) quod prius se cognoscit referri, & assimilari rei in generali, quàm cognoscat rem in speciali: omnis enim cognitio est aliquo modo per assimilationem; sed non semper cognoscitur prius assimilatione ad rem, quàm ipsa res: immò potest contingere, quod aliqua virtus sic cognoscat per assimilationem, quod tamen nec prius nec posterius cognoscit ipsam assimilationem, sicut sensus exterior cognoscit sensibile per assimilationem, quam habet ad illud: ipsam tamen assimilationem non cognoscit, quia non est supra se conversivus. Ad 8. dicendum, quod Angelus habet cognitionem de rebus, quarum habet species: & ideò non casualiter applicat: non tamen habet cognitionem de eis in speciali, sed in generali, ideò non frustrà applicat. Quod enim cognoscit in generali, antequam applicet, applicando & convertendo se super speciem cognoscit in speciali. Ad 9. dicendum, quod ista sensibilia non possunt causare aliquid in intellectu, nisi mediante sensu. Intellectus ergo noster, quia conjunctus sensui, poterit intelligere per species receptas mediante sensu; intellectus verò angelicus, quia non est sensui conjunctus, nihil ab istis sensibilibus recipere poterit. Ad 10. dicendum, quod simile non oportet, quod sit simile per omnem modum: in hoc enim est simile, quod sicut corpora supercœlestia non acquirunt ulteriorem formam realem, licet fortè acquirat intentionalem, sed quantum ad hoc sunt plena formis: sic Angeli non acquirunt superiores species intelligibiles, sed quantum ad hoc sunt pleni speciebus, & etiam est simile, quia sicut corpora supercœlestia sunt in potentia quantum ad motum ad situm, sic & Angeli sunt in potentia quantum ad intellectionem, sive quantum ad actum intelligendi.

QUÆSTIO VII.

*Virum Angelus possit intelligere
plura simul?*



SEPTIMO quæritur: *virum Angelus possit intelligere plura simul? Et videtur quod sic: quia in intellectu angelico maior est virtus & efficacia, quàm in*

B. Ægid. in
2. sent. dist.
3. part. 2. q.
2. art. 3.

omnibus nostris potentijs sensitivis; sed per nostras potentias sensitivas possumus sentire plura simul; ergo multò magis poterit Angelus per unicum suum intellectum. Præterea: Angelus cognoscit simul se & alia: quia (ut patet ex quætionibus præcedentibus) cum angelus intelligit alia, non propter hoc desinit intelligere se, ergo intelligit plura simul. Præterea: Angelus intelligit per speciẽ universalem, sed huiusmodi species, qua ratione repræsentat unum particulare, repræsentat & aliud: ergo si per illam speciem intelliget aliquod particulare, intelliget omnia particularia, & ita plura simul. Præterea: intellectus noster potest intelligere plura simul, ergo multò magis hoc potest intellectus angelicus. Quod autem hoc possit intellectus noster, patet: quia cum intelligit hominem non esse asinum, & cum format hanc enuntiationem, oportet, quod intelligat hominem & asinum. Præterea: quæ sunt sine aliqua transmutatione, non habent repugnãtiam adinvicem; sed informatio intellectus est sine transmutatione: ergo possunt esse in intellectu plures informationes simul: hoc autem non esset, nisi posset intelligere plura simul, ergo &c. Præterea: Deus intelligit omnia simul: intellectus noster unum tantum juxta illud Phil: possumus scire plura simul; intelligere unum solum: ergo intellectus Angeli, qui est medius, intelliget medio modo; sed medium inter omnia simul & unum tantum est plura simul: ergo &c. Præterea: sicut se habet unum intelligens ad unum intelligibile, sic plures intelligentes ad plura intelligibilia: ergo permutatim, sicut plures intelligentes



res se habent ad unum intelligibile, sic unum intelligens ad plura intelligibilia: sed plures intelligentes possunt simul intelligere eandem rem & idem intelligibile: ergo unum intelligens poterit simul intelligere plures res & plura intelligibilia. Præterea: Angelus intelligit simul Deum & creaturam, quia non desistit intelligere res in proprio genere: propter hoc quod intelligat eas in Verbo, nec è converso: cum enim ministrant nobis, & sunt intenti circa nos, non propter hoc desistunt videre faciem patris, qui in cælis est: ergo intelligunt plura simul. Præterea: si species in intellectu nostro semper essent conjunctæ phantasmatibus, à quibus sunt causatæ, semper essent in actu pleno, & semper intelligeremus secundum omnes hujusmodi species, ergo cum species in intellectu angelico semper sint conjunctæ ideis Divinis, à quibus sunt derivatæ, semper sunt in actu pleno, & semper Angelus intelligit secundum omnes illas: ergo &c. Præterea: operatur Angelus circa plura & diversa, utputa, circa hominem & lapidem, quorum non est una species: ergo intelligit simul per plures species, & ita plura in eo quod plura. Præterea: corpus per quantitatem dimensionem potest contingere plura simul: ergo multo magis Angelus per quantitatem virtutalem, ut per suam virtutem intellectivam poterit intelligere plura simul.

In contrarium est: quia qua ratione posset plura, posset & infinita: sed hoc est falsum, quod possit intelligere simul infinita: ergo quod possit intelligere simul plura, falsum erit. Præterea: virtus non excedit substantiam, sed substantia Angeli non potest esse in pluribus locis simul: ergo nec intellectus angelicus poterit intelligere plura simul.

RESOLVTIO.

Angelus potest intelligere simul plura, & non eodem modo, ut unum per naturam, & aliud per gratiam, unum per speciem, aliud per substantiam, unum principaliter, aliud ex consequenti: & potest intelligere plura non ut plura, vel propter diversam rationem cognoscendi, vel propter actum intelligendi, vel propter obiectum. & plura ut plura, & non eodem modo, vel plura eodem modo, & non ut plura, vel plura, non

A eodem modo, neque ut plura intelligere valet, sed impossibile est quod cognoscat simul plura, ut plura, & eodem modo.

Respondeo dicendum, quod hic distinguendum est & ex parte cognitionis angelicæ, & ex parte cognitorum. Ex parte cognitionis angelicæ distinguendum est, eo quod Angelus non eodem modo cognoscit quæcunque cognoscit. Nam aliqua ipse cognoscit per gratiam; aliqua per naturam. Rursus non omnia, quæ cognoscit per naturam, cognoscit eodem modo, sed aliqua cognoscit per essentiam, aliqua per informationem: & ea quæ cognoscit per informationem, non cognoscit eodem modo; sed aliqua cognoscit principaliter, aliqua ex consequenti. Sic etiam de ipsis cognitis est distinguendum: quia cognoscere plura cognita simul, hoc erit dupliciter, vel ut plura, vel non ut plura. Cum ergo queritur, utrum Angelus possit intelligere plura simul? Aut tu queris de eodem modo cognitionis, aut non? Si sit quæstio de non eodem modo cognitionis, fatendum est, quod Angelus intelligit plura simul, sed non eodem modo. Si autem quæras utrum eodem modo possit Angelus intelligere plura simul? Dicemus, quod potest, sed non plura ut plura: intelligere ergo plura simul variatur secundum duas conditiones, videlicet, per intelligere eodem modo; vel non eodem modo: vel per intelligere ut plura, vel non ut plura. Sed quodcumque aliquid variatur secundum duas conditiones, possunt ibi fieri quatuor combinationes: ut si variaretur corpus per calidum & frigidum, posset quadrupliciter combinari calidum & frigidum per respectum ad corpus: quia vel inveniretur corpus calidum & non frigidum, ita quod haberet unum & non alterum; vel inveniretur frigidum & non calidum, quod haberet alterum & non unum; vel inveniretur nec frigidum nec calidum, quod haberet neutrum; vel inveniretur calidum & frigidum, quod haberet utrumque. Primi tres modi sunt possibiliæ circa corpus. Invenitur enim corpus, quod est calidum & non frigidum, ut ignis: & quod est essentialiter frigidum & non calidum, ut aqua: & quod nec est frigidum nec calidum, ut cælum: quod autem in-

veniatur corpus per se simul calidum & frigidum est impossibile: eò quòd illa duo ad invicem repugnantiam habeant.

Sic etiam & in proposito, cum quæris utrum Angelus possit intelligere plura simul? Quia hoc, quod dicitur plura simul, potest variari secundum duas conditiones, videlicet, pro eodem modo, & prout plura: poterunt ibi esse quatuor combinationes, quia si Angelus intelligit plura simul, vel hoc erit ut plura, sed non eodem modo; vel eodem modo, sed non ut plura; vel nec ut plura nec eodem modo; vel 4. Angelus intelliget plura simul, & ut plura, & eodẽ modo. Primi tres modi sunt possibiles; quartus autem modus est impossibilis: eò quòd habeat repugnantiam vel simpliciter, vel saltem in Angelo: & quia habet repugnantiam in Angelo, ideo non possunt in eo illa duo combinari, quòd intelligat plura simul, & eodem modo, & ut plura. Sed antequam exequamur de combinationibus, oportet nos exequi de simplicibus: eò quòd combinationes ex simplicibus dependent. Hoc ergo ordine procedemus in hac quæstione: quia primò ostendemus quot modis Angelus intelligit plura, sed non eodem modo. Secundò declarabimus quot modis Angelus intelligit plura, sed non ut plura. Tertiò exequemur de omnibus combinationibus præhabitis.

Propter primum sciendum, quòd Angelus tripliciter intelligit plura simul non eodem modo. Nam intelligit plura simul non eodem modo: quia unum intelligit per gratiam, aliud per naturam. Secundò potest intelligere plura simul non eodem modo: quia unum intelligit per essentiam; aliud per informationem. Tertiò potest hoc contingere, quòd intelligat plura simul non eodem modo: quia unum intelligit principaliter, aliud ex consequenti. Primo modo intelligit Angelus plura simul, quia intelligit simul Deum & creaturam: sed hoc (ut patebit) non est eodem modo: quia Deum intelligit per gratiam; creaturam verò per naturam. Secundò modo intelligit Angelus plura simul, cum intelligit se & alia; sed hoc non erit eodem modo: quia se intelligit per essentiam, alia verò (ut patet) hominem vel leonem, intelligit per informationem: nisi enim informaretur specie aliorum, non intelligeret per

se alia. Tertiò modo intelligit plura simul, cum intelligit subiectum & prædicatum, vel cum intelligit causam & effectum, vel cum intelligit naturam aliquam & participantia naturam illam: omnibus enim his modis intelligit plura simul, sed non eodem modo. Nam cum intelligit subiectum & prædicatum, intelligit plura simul, sed non eodem modo: quia subiectum intelligit principaliter, prædicatum ex consequenti. Sic cum intelligit causam & effectum intelligit plura simul, sed causam intelligit principaliter, effectum autem ex consequenti. Et isto etiam modo cum intelligit naturam aliquam & participantia naturam illam, intelligit plura simul, sed naturam intelligit principaliter, participantia autem ex consequenti.

Dicimus autem, quòd Angelus potest intelligere & intelligit plura simul, quia intelligit simul Deum & se, vel simul intelligit Deum & creaturas alias.

Sed se & creaturas alias intelligit naturaliter: quia naturaliter Angelus est supra se conversivus, cum sit virtus immaterialis non alligata corpori: & si naturaliter Angelus est supra se conversivus, naturaliter intelligit substantiam suam, & naturaliter intelligit species aliarum rerum, quæ sunt in ipso. Et si naturaliter intelligit species aliarum rerum in ipso existentes, quia est plenus formis & speciebus, naturaliter intelligit ipsas res, quarum sunt species: ergo eo ipso quòd naturaliter Angelus est supra se conversivus, naturaliter intelligit se & creaturas alias: Deum autem non potest intelligere naturaliter, quia secundum sententiam Apostoli: *Lucem habitat inaccessibilem*. Nullus enim intellectus creatus potest naturaliter pergere, nec accedere ad visionem tantæ lucis, hujus autem causam assignat Dionys. i. cap. de Div. nom. qui loquens de Divina essentia ait: quòd *Est omnibus existentibus in via tanquam ab omnibus supersubstantialiter separata*. Eo enim ipso, quòd Deus secundum substantiam non est contra ctus ad aliquod genus entium; omnia autem entia sunt contracta ad aliquod genus entium, ipse est supersubstantialiter separatus ab omnibus existentibus, eò quòd non potest esse aliquid naturaliter visibile alteri, nisi illud sit proportionatum ei, Deus, quia est supersubstantialiter separatus ab omnibus existentibus, & ab omni intellectu crea-

Quia Angelus est naturaliter supra se conversivus, naturaliter intelligit se, & res, quarum habet species; sed Deum non per naturam, sed per gratiam cognoscit.

D. Dionys. i. de Div. nom.

D. August.
P.N. 4. super
Genes.

creato: idè non est naturaliter intelligibilis ab aliquo tali intellectu: si autem intelligitur ab intellectu creato, hoc erit per gratiam non per naturam. Intellectus igitur angelicus potest cognoscere, & cognoscit Deum & creaturam, non autem eodem modo: sed Deum cognoscit per gratiam, creaturam per naturam, quòd autè cognoscat ea simul, ut quòd simul cognoscat Deum & se, vel Deum & creaturas, per August. patet 4. super Gen. ad litt. qui vult, Angelos simul habere cognitionem Divinam sive meridianam, & vespertinam, & matutinam. Dicitur autem cognitio diurna sive meridiana, cognitio angelica qua cognoscit Deum, quæ dicta est diurna & meridiana ratione nimix claritatis vel nimij fervoris. Est enim in meridie dies clarius, & ferventior: sic Angeli, ut cognoscunt Deum, habent cognitionem clariorem, & ardentius, & ferventius, & cū maiori desiderio feruntur in cognitionem Dei, quàm in cognitionem alicujus creati: ipse enim Deus est ille, in quem desiderant Angeli conspiciere. Inde est ergo quòd cognitio, quam habent Angeli de Deo, diurna & meridiana dicta est; cognitio autem, quam habent de creaturis, vespertina dicta est, quia tenebrosa est respectu cognitionis, quam habent de Deo. Majorem enim claritatem & luminositatem habet Angelus cognoscendo Deum, quàm cognoscendo omnes creaturas: imò si essent multò plures creaturæ quàm sint, & cognosceret omnes causas simul, non haberet tantā claritatem & tantam luminositatem, quantam habet ex cognitione Dei: cognitio ergo de creaturis, quam habent Angeli in se, dicitur vespertina ratione tenebrositatis. Sed ulterius cū ex cognitione creature assurgunt in laudem Dei, dicuntur habere cognitionem matutinam: est enim mane principium diei: & vespera finis: referre ergo cognitionem creaturæ in laudem creatoris est ferre effectum in causam, ultimum in principium, vespere in mane: idè talis cognitio dicta est matutina. Hæc autem tria, videlicet, cognitionem diurnam, vespertinam, & matutinam Angeli habent simul: quia simul cognoscunt Deum & creaturam; & ex cognitione creaturæ surgunt in laudem creatoris. Hoc est ergo quod August. dicit: *Aut si quisquam dixerit au-*

*diendus est, illam celestem Angelorum millibus civitatem, aut non contemplari Creatoris æternitatem? Quantum ad cognitionem diurnam, aut mutabilitatem ignorare creature? Quantum ad cognitionem vespertinā. Aut ex ejus quoque inferiore quadam cognitione non laudare Creatorem? Quantum ad cognitionē matutinam; & subdit quòd Angeli simul totum hoc possunt, simul totum hoc faciunt. Vnde concludit ibidem: Simul ergo habent & diem, & vespeream, & mane, id est, cognitionem diurnam, vespertinam & matutinam. Declarat autem idem August. in eodem lib. per ea, quæ videmus in hoc universo corporali. Nam cū terra sit spherica & non simul tota potest illuminari à Sole. Sed cū Sol circulariter feratur circa terram, successivè illuminat eam, nunc unam partem, nunc aliam: cū ergo ibi sit dies in terra, ubi Sol aspicit: quia Sol simul non aspicit omnem partem terræ, non est simul dies in omni parte terræ: sed Sole existente in aliquo puncto hemispherij, in una parte terræ facit diem, in alia noctem; nec in omni parte terræ facit similiter noctem, nec in qualibet parte similiter diem; sed in aliqua parte terræ facit principium noctis, in aliqua mediam noctem, in aliqua finē noctis. Sic etiam in aliqua parte terræ facit principium diei, id est, mane; in aliqua autem medium diei, id est, meridiem; in aliqua verò finem diei, id est, vespeream. Existente ergo Sole in uno & eodē puncto, quantum ad noctem in diversis partibus terræ facit simul principium, & medium, & finem noctis: & quantum ad diem in aliis, & aliis partibus terræ, & facit simul mane, meridiem, & vespeream. Sicut ergo in hoc universo corporali simul est mane, meridiem, & vespeream: sic in ipso Angelo simul sunt spiritaliter ista tria, & simul est in eo cognitio diurna, vespertina, & matutina. Immo excellentius habet Angelus ista spiritaliter, quàm habeat universum corporaliter: quia universum habet mane, meridiem, & vespeream successivè, quantum ad suas partes: licet habeat illa simul secundum se totum; non ergo habet omnia illa simpliciter secundum quamlibet sui partem; sed Angelus semper habet illa simul. Vnde Aug. ut in eodē lib. *Univer-**

Cognitionē
meridianam,
vespertinam,
& matutinam,
quomodò ha-
bent Angeli
de Deo.

Ibidem:
cap. 29.

Ibidem
cap. 30

vesperam unde discedit, & mane quo accedit simul habere? Sed nos planè in terris hæc omnia simul habere non possumus. Et subdit. Nec idèd tamen istam terrenam conditionem lucisque corporeæ temporalem localemque circuitum illi propriè spirituali coequare debemus, ubi semper est dies in contemplatione incommutabilis veritatis, semper vespera in cognitione in se ipsa creaturæ, semper mane etiam ex hac cognitione in laude Creatoris. Declaratum est ergo primum, quomodo Angelus cognoscit plura simul: quia simul cognoscit Deum & creaturam, simul habet cognitionem diurnam & vespertinam: diurnam in cognitione creaturæ in se ipsa. Sed ista plura (ut patuit) non cognoscit eodem modo, sed Deum cognoscit per gratiã, creaturam in se ipsa, id est, in proprio genere per naturam.

Sed dices, quòd cùm istæ sint duæ diversæ cognitiones, cognitio, scilicet, Deitatis in se ipsa, & cognitio creaturæ in proprio genere, quomodo possunt ista duo simul esse. Hoc autem quidam declarant ex potentialitate recipientis: dicunt enim, quòd sicut in materia corporali, quando receptio non fundatur super eadem potentialitate, tunc potest materia recipere plura talia simul: ut simul recipit materia formam substantialem, & accidentalem, eò quòd receptio hujus & illius non fundatur super eadem potentialitate: nam receptio formæ substantialis per se fundatur in ipsa potentialitate materiæ; receptio formæ accidentalis in ipsa potentialitate compositi. Sic & in proposito secundum eos non super eadem potentialitate intellectus fundatur cognitio creaturæ, & cognitio Creatoris. Sed hanc rationem assignare non est ostendere, quomodo in eodem possunt esse plura simul, sed est ostendere, quomodo in pluribus subjectis possunt esse plures receptiones: ut quia aliud subjectum est materia, aliud totum compositum, idèd in his duobus subjectis possunt esse plures receptiones, ut receptio formæ substantialis in materia, & formæ accidentalis in còposito. Sed nos querimus causam, quomodo in eodè possunt plura recipi? Nò quomodo in pluribus subjectis possunt esse plures receptiones. Propter quod sciendũ, quòd quotiescumque aliqua habent repugnantiam ad invicem, vel secundum se, vel ut sunt in aliquo, tunc illa plura non possunt esse

se simul in illo; sed si non habent repugnantiam, possunt: illa autem dicuntur habere repugnantiam adinvicem, ex quibus non fit aliquo modo unum; illa non habent repugnantiam, ex quibus est aptum natum fieri unum. Nunc autè est ita, quòd nec ex duobus in potentia nec ex duobus in actu fit unum. Nam ex verè multis non fit unum, ut dicitur in 1. de Gener. Sed ex actu & potentia fit unum: quia actus & potentia, secundum quod huiusmodi, non dicunt multa: imò secundum se ex actu & potentia fit unum. Idèd dicitur in 2. de Anima, quòd non oportet querere quomodo ex figura ceræ & cera fiat unum: nec quomodo ex materia & forma sive ex potentia & actu. Eo enim ipso, quòd hoc est potentia, & hoc actus, ex illis unum: unde non oportet ibi dare nec clavum nec collam nec ligamentum ad conjungendam potentiam actui. Non habent enim hæc causam nisi motorem ut dicitur in fine 8. Metaph. quòd enim ex potentia & actu fiat unum, non est causa aliqua conglutinans actum potentia; sed si habent causam, habent motorem tantum, sive causam agentem, quæ reducit potentiam ad actum, & facit potentia tale actu tale. Igitur si ostendere poterimus, quòd cognitio, qua cognoscitur Deus, est multo formalior & actualior, cognitio autem, qua cognoscitur creatura in proprio genere, est multo materialior & potentialior, non oportebit dubitare, quomodo illæ duæ cognitiones possunt simul esse, cùm una sit quasi stramentum & materiale, alia verò sit quid perfectivum & quasi formale. Imaginabimur enim, quòd sicut gratia in nullo naturam impedit, nullo modo naturam destruit, nec tollit, sed perficit: sicut cognitio, qua cognoscitur Deus, quæ est gratuita & per gratiam, in nullo destruit, nec impedit, nec tollit cognitionem, qua cognoscitur creatura, quæ est naturalis, & secundum naturam, sed magis hæc cognitio illam cognitionem ordinat, & perficit. Dicemus enim, quòd naturaliter Angelus prius cognoscit res in proprio genere per naturam vel per species naturaliter inditas: & etiam hoc est in potentia ad genus, & ad cognoscendum Deum per essentiam: quæ sic se habet, quòd unum est in potentia ad aliud, vel quòd ex uno aliquid est in potentia ad aliud, unum perficit, & nò tollit aliud.

Phus 1. de generat
com. 31.

2 de Anima
comm. 7.

8. Metaph.
comm. 16.

Propria ref.
ponso.

Habito quomodo Angelus potest cognoscere plura simul non eodem modo; sed unum cognoscit per naturam; aliud per gratiam, & quod hoc modo cognoscit Angelus Deum & creaturam, restat ostendere, quomodo Angelus possit cognoscere plura simul, unum per essentiam, & aliud per informationem, secundum quem modum cognoscit se & alia: oportet enim ponere, quod sit aliquod intelligere ipsi Angelo ita naturale, quod semper conveniat ei, ita quod nullo modo Angelus desistat intelligere secundum illum modum intelligendi: & secundum hoc dicimus, quod Angelus semper intelligit se, & ea quæ sunt in se, & intelligit omnes alias species intelligibiles existentes in ipso, & per consequens intelligit in quadam universalitate, & sub quodam modo confuso omnia objecta illarum specierum. Ab isto autem intelligere Angelus nunquam recedit, nec unquam desistit: & secundum hoc suum intelligere non est casuale; sed habendo istam cognitionem confusam omnium, quæ potest intelligere, potest se per voluntatem convertere nunc super hanc speciem, nunc super illam, & intelligere specialiter nunc hanc rem, nunc illam. Non est ergo difficultas, quomodo Angelus intelligit se specialiter, & alia sub modo confuso: quia hoc est per unam & eandem intellectionem, sive per unum & eundem actum intelligendi, per illam enim eandem intellectionem, per quam intelligit se, intelligit omnia, quæ sunt in se: quia non posset se intelligere complete, nisi intelligeret omnia quæ sunt in ipso: sicut non potest complete intelligi subjectum, nisi intelligantur proprietates existentes in ipso. Intelligendo ergo se, intelligit species intelligibiles, quæ sunt in eo, & per consequens, oportet, quod aliquo modo vel saltem sub modo confuso, vel in quadam universalitate intelligat objecta illarum specierum: quare (ut dictum est) non est dubium quomodo Angelus intelligit se specialiter, & alia sub modo confuso. Sed dubium est, quomodo possit intelligere specialiter se & aliquid aliud: ut quomodo possit intelligere specialiter se & leonem, quia hoc erit per aliam & aliam intellectionem: semper enim Angelus intelligit se specialiter, quia semper essentia sua, quæ est quid intelligibile in actu, est conjuncta

proprio intellectui causans in eo intellectionem sui ipsius. Sicut si sensibile in actu semper esset conjunctum sensui, semper causaret in sensu sensationem sive actum sentiendi, per quem sentiretur huiusmodi sensibile. Imò cogimur ponere, quod Angelus nunquam desistat se intelligere: quia si non semper se intelligeret, casu intelligeret alia: non est enim via ad evadendum, quomodo Angelus non casu intelligat, nisi ponendo, quod ipse semper intelligat se: & semper intelligendo se intelligat omnes species intelligibiles, quæ sunt in ipso, & per consequens in quadam universalitate intelligit omnia objecta illarum specierum: sed si aliquando posset desistere se intelligere, posset desistere intelligere species illas: casuale ergo esset, quod converteret se super hanc speciem, potius quam super illam: ponere autem in substantiis separatis propriam operationem esse sic casuale, est totum confundere universum. Vnde & Phis in 12. Metaph. in istis inferioribus dicit esse multa casualia, sed in corporibus supercaelestibus & intelligentiis, quæ in universo sunt sicut liberi in domo, talia casualia secundum eum non contingunt, quod & si non sit verum simpliciter dictum, tamen quod propriam operationem Angeli ponamus sic casuale, & quod dicamus, quod Angelus casualiter se convertat super illud, quod vult agere, est omnino rationi dissonum. Revertamur ergo ad propositum, & dicamus, quod Angelus semper intelligit se, & ea quæ sunt in se: propter quod intellectio sui ipsius semper est in intellectu Angeli, igitur cum Angelus specialiter se convertit super hanc speciem intelligibilem, utputa, super speciem lapidis aut animalis, oportet, quod causetur in ipso intellectu Angeli intellectio lapidis vel animalis, ergo Angelus intelliget simul se & aliquid aliud; utputa, lapidem vel animal aliquod, utputa, leonem, vel asinum, sed hoc non erit eodem modo: quia se intelliget per essentiam; lapidem, leonem, & quodcumque aliud intelliget per speciem intelligibilem sive per informationem speciei. Dices tamē hoc esse impossibile, quia erunt in intellectu Angeli simul duæ intellectiones, una causata ab essentia Angeli, per quam intelligit se, & ea quæ sunt in se, & alia causata à specie intelligibili, super quam

Naturale est Angelo semper intelligere se, & ea quæ sunt in ipso, & species existentes in ipso, & harum objecta sub modo confuso per unam intellectionem.

Angelus intelligit se per essentiam suam, & ea quæ sunt in ipso, & species existentes in ipso, & harum objecta sub modo confuso per unam intellectionem.

Replicat

specialiter se convertit, per quam intelligit aliquid aliud, quod nec est ipse, nec in ipso: utputa, quia intelligit lapidem, vel leonem, quod videtur impossibile, videlicet, quod in eodem intellectu sint simul duæ intellectiões. Sciendum ergo, quod sicut se habet species intelligibilis ad essentiam Angeli: sic (ut ostendemus) se habet actus intelligendi sive intellectio causata à specie intelligibili, & intellectio causata ab essentia: ostendemus enim, quod species intelligibilis est quid formale, & quid perfectivum essentia: ita quod essentia est quasi stramentum, & fundamentum, & subiectum speciei intelligibilis: sic intellectio causata à specie intelligibili erit quid formale respectu intellectiões causatæ ab essentia: sed, ut dicebatur, quando duo ita se habent ad invicem, quod unum est formale respectu alterius, non est inconveniens illa duo simul esse in eodē. Quod autem species intelligibilis informet & perficiat essentiam Angeli patet: nam perfectiones non sunt in subiecto ordine situāli, sed ordine causali: quilibet enim forma existens in materia per essentiam attingit essentiam materiæ. Non est enim ordo situālis inter formas, ita quod forma substantialis attingat essentiam materiæ, & forma accidentalis attingat essentiam materiæ: sicut vestis prima attingit carnem; vestis autem secunda non attingit carnem, sed attingit vestem primam. Ubicumque enim est essentia formæ, ibi est essentia materiæ, & quæcumque essentia attingit essentiam formæ, attingit & essentiam materiæ. Benè igitur dictum est, quod inter formas & perfectiones materiæ non est ordo situālis; est tamen ibi ordo causalis: quia licet essentia cujuslibet formæ tam substantialis, quam accidentalis attingat essentiam materiæ; essentia tamen unius formæ attingit causaliter essentiam materiæ mediante essentia alterius formæ: ut essentia formæ accidentalis, mediante essentia formæ substantialis; & essentia accidentis posterioris essentiam attingit materiæ & essentiam substantiæ, mediante essentia accidentis prioris. Nam cum aliqua plura fluunt ab aliquo, vel cum aliqua plura recipiuntur in aliquo, semper posterius causaliter fluit, & recipitur mediante priori. Sic & in proposito, ip-

sa substantia Angeli perficitur à potentia intellectiva, & à specie intelligibili: ita quod utrumque est perfectio substantiæ, nec est ibi ordo situālis, sed causalis: recipitur enim species intelligibilis in substantia Angeli, mediante potentia intellectiva, causaliter non situāliter. Verum ste enim dicere, quod species intelligibilis attingit ipsam essentiam substantiæ Angeli, & perficit ipsam essentiam. Vnde & Phus in 3. de Anim. ponit ipsam animam esse locum specierum non secundum se totam; sed secundum intellectum. Secundum enim potentiam sensitivam anima non est locus specierum: species enim sensibiles non dicuntur esse in essentia animæ, sed in organo: quia potentia sensitiva est perfectio organi: sed species intelligibiles dicuntur esse in ipsa essentia animæ: quia potentia intellectiva, ut in subiecto, est in ipsa essentia. Sic & in proposito, species intelligibiles angelicæ sunt in ipsa essentia Angeli, & possunt dici perfectio ipsius essentia. Sed, ut dicebatur, sicut se habet species ad essentiam, sic se habet intellectio vel actus intelligendi causatus à specie ad actum intelligendi causatum ab essentia: quare sicut species non excludit essentiam, nec tollit ipsam, imò præsupponit eam: nam nisi esset essentia, non posset esse talis species: sic intellectio causata à specie non tollit intellectiōnem causatam ab essentia, imò præsupponit ipsam, & una est perfectio alterius. Possumus ergo dicere, quod in intellectu Angeli sunt, vel esse possunt tres intellectiões simul: quarum una est, per quam intelligit se: secunda per quam intelligit alia: tertia per quam intelligit Deū. Prima causatur ab essentia Angeli. Secunda à specie intelligibili. Tertia ab essentia Divina. Secunda est perfectio primæ: quia intellectio causata à specie intelligibili est perfectio intellectiões causatæ ab essentia, sicut ipsa species intelligibilis est perfectio essentia. Tertia autē intellectio est perfectio omnium, quia est formalior omnibus, sicut ipsa essentia Divina est formalior cunctis.

Sed si sic dicimus, occurrunt nobis quatuor breves dubitationes, quarum prima est, quomodo species intelligibilis possit esse perfectio essentia, & maxime quomodo species intelligibilis Angeli inferioris possit esse perfectio essentia.

Phus 3. de
Ani. cōm. 6.

In intellectu
Angeli sunt
tres intellecti-
ōnes si-
mul, & se-
cunda est
perfectio
primæ, &
tertia perfec-
tio utrius-
que.

Quadruplex dubita-
tio circa di-
sta.

Angeli superioris: Secunda est, cum in intellectu Angeli non sit intellectio causata à specie intelligibili, nisi illi intellectio subalternatur intellectio causata ab essentia: quare in intellectu nostro est intellectio causata à specie intelligibili absque intellectione causata ab essentia? Et cum species intelligibilis, mediante potentia intellectiva, est in ipsa essentia animæ, sic species intelligibilis in Angelo, mediante suo intellectu, est in ipsa essentia Angeli? Tertia est, utrum eodem modo comparatur intellectio causata à specie intelligibili, qua Angelus intelligit alia, ad intellectiorem causatam ab essentia, qua Angelus intelligit se, sicut comparatur ipsa species ad ipsam essentiam? Quarta est cum intellectio, qua intelligitur Deus, sit formalior omnibus, intellectio autem causata à specie intelligibili sit formalior intellectione causata ab essentia Angeli, utrum eodem modo comparatur intellectio, per quam intelligitur Deus, ad intellectiones alias, sicut intellectio causata à specie comparatur ad intellectiorem causatam ab essentia?

Notandum pro declaratione primæ dubitationis, scilicet, quomodo species intelligibilis sit perfectio essentia. D. Thomas p. 1. q. 12. art. 2.

Propter primum sciendum, quod species intelligibilis alicujus rei est quedam formalis expressio ejus: formalis enim esse habet res secundum speciem intelligibilem, quam habeat secundum se ipsam: & inde est, quod à magnis ponitur, & bene, quod essentia Divina à nullo intelligitur per speciem, sed per se ipsam: quia tunc essentia Divina haberet esse formalis alicubi, quam in se ipsa haberet enim secundum hoc esse formalis, ubi esset per speciem, quam in se ipsa, ubi est per essentiam: esset igitur aliquid formalis & perfectius ipsa essentia Divina, quod esse non potest. Quare cum species sit quedam formalis expressio rei, licet essentia Angeli inferioris sit minus formalis, quam essentia Angeli superioris: species tamen, per quam Angelus superior intelligit inferiorem, est multo formalior, quam essentia Angeli superioris: imò etiam ipse species rerum materialium existentes in mente Angeli sunt multo formaliores, quam ipsa essentia Angeli: & quia semper formalis potest esse perfectio ejus, quod est minus formale, species intelligibilis in Angelo habet rationem perfectionis respectu essentia ejus, & intellectio causata à specie habet rationem perfectionis respectu in-

tellectionis causata ab essentia ipsius: non tamen propter hoc debemus dicere, quod Angelus perfectiori modo intelligat alia, quam se ipsum: est enim accidens perfectio substantia, non tamen propter hoc accidens est aptum natum perfectius intelligi, quam substantia: imò substantia est prior accidente, cognitione, diffinitione, & tempore, ut dicitur in 7. Metaph. cum ergo ipsæ species intelligibiles sint inherentes ipsi substantia angelice, & ex hoc sint perfectiores ea: non tamen Angelus perfectius intelligit per intellectiorem causatam à specie intelligibili, per quam intelligit alia, quam intelligit per intellectiorem causatam à sua substantia, per quam intelligit se ipsum, & ea quæ sunt in ipso: imò quia Angelus essentialiter comparatur ad intellectiorem causatam à sua substantia, quam ad intellectiorem causatam à specie, perfectius intelligit per intellectiorem causatam à substantia, quam per intellectiorem causatam à specie. Vel possumus dicere, quod species non causat intellectiorem nisi in virtute objecti: essentia autem causat eam secundum se: Angelus ergo naturaliter cognitione magis intelligit se, quam aliud, quia magis est quod est secundum se, quam secundum aliud.

Secundum autem dubitabile de levi solvitur. Nam licet species intelligibiles sint in ipsa essentia animæ, sicut species intelligibiles sunt in ipsa essentia Angeli: attamen essentia animæ nostræ est potentia pura in genere intelligibilium: ideo nullam intellectiorem aliam causat ab intellectu speciei, sicut nec materia causat aliquam intellectiorem aliam à forma. Sed quia in genere intelligibilium essentia Angeli est aliquid in actu præter speciem intelligibilem, ideo causat intellectiorem aliam à specie intelligibili, & illa intellectio causata à substantia est substrata intellectiorem causata à specie, sicut ipsa substantia est substrata speciei: quod videmus per simile in sensibilibus, ut si in aliquo sensibili sint duo sensibilia in actu, ut puta, sapor & humor, licet sapor ut in subjecto fundetur in humido, attamen quia ipsum humidum dicitur quid sensibile in actu præter saporē, non solum sapor immutabit sensum, sed etiam humidum: imò quia sapor est aptus natus fundari in humido, non videtur sapor posse immutare sensum sine humido.

Tercium autem dubitabile sic de-
 claratur. Nam cum quaeritur utrum eo-
 dem modo comparatur intellectio cau-
 sata à specie ad intellectionem causatam
 ab essentia, sicut ipsa species compara-
 tur ad essentiam? Dici debet, quod non
 est per omnem modum similis hic & ibi.
 Nam actualitas speciei in nullo remittit,
 nec diminuit actualitatem essentiae; sed
 intellectio causata à specie aliquo mo-
 do remittit, vel diminuit intellectionem
 causatam ab essentia. Nam si in intelle-
 ctu Angeli esset sola intellectio causata ab
 essentia, ita quod Angelus non conver-
 teret se nisi super se ipsum, perfectius in-
 telligeret se ipsum, quam si in intellectu
 ejus esset intellectio causata ab essentia &
 causata à specie: perfectius enim intel-
 ligit Angelus se, si convertat se supra se
 ipsum tantum, quam si convertat se su-
 per se & super alia. Intellectio igitur, qua
 Angelus intelligit se, nunquam totaliter
 tollitur: semper enim Angelus se ipsum
 intelligit; attamen remittitur & dimi-
 nuitur hujusmodi intellectio, per quam
 Angelus intelligit se, cum Angelus cō-
 vertit se super aliquam speciem intelli-
 gibilem, & intelligit simul per essentiam suam
 se, & per speciem illam intelligibilem alia à
 se: causa autem hujusmodi sumenda est
 ex intentione voluntatis. Nam species est
 indeterminata, ut hæc vel illa moveat
 intellectum; hanc determinationem ac-
 cipit ex intentione vel ex conversione
 voluntatis super hujusmodi speciem. Cū
 enim Angelus multas species habeat ap-
 ud se, intelligentia ejus non informat-
 tur actu omnibus illis speciebus, sed nunc
 informatur ista specie intelligibili, nunc
 illa, prout voluntas diversimodè se cōver-
 tit super hujusmodi species. Ex ipsa ergo
 conversione voluntatis tribuitur aliqua
 actualitas ipsi speciei: sic etiam dicere
 possumus, quod sicut ex intentione vo-
 luntatis angelicæ convertentis se supra
 speciem tribuitur actualitas ipsi speciei,
 ut possit actum intelligendi causare, sic
 ex conversione voluntatis angelicæ su-
 pra se ipsum sive supra suam essentiam ef-
 ficatur ipsa essentia efficacior ad causan-
 dum actum intelligendi: semper ergo
 essentia Angeli causat actum intelligendi
 in ipso intellectu Angeli, & semper An-
 gelus intelligit se ipsum: sed hujusmodi
 intelligere non est semper omnino plenum
 & perfectum. Nam plenius & perfectius

intelligit se Angelus, cum convertit se
 supra se ipsum, quam cum convertit se
 specialiter super aliquam speciem intelli-
 gibilem.

Quartum autem dubitabile sic de-
 claratur, dicimus enim, quod in eodem
 intellectu angelico potest esse simul in-
 tellectio sui per essentiam suam, intelle-
 ctio aliorum per speciem intelligibilem,
 & intellectio Dei per essentiam Divi-
 nam: & istæ tres intellectiones adinvicem
 non habent repugnantiam: quia
 una est quid formale & quid perfectivum
 respectu alterius. Sicut enim in eodem
 individuo est substantia, quantitas, &
 qualitas: nec ista sibi repugnant: quia unum
 est perfectivum alterius, quia quantitas
 est perfectio substantiæ, qualitas autem
 est perfectio utriusque: sic illæ tres
 intellectiones sibi invicem non repug-
 nant: quia intellectio secunda est forma-
 lior, quam prima: tertia autem intelle-
 ctio, qua intelligitur Deus, est forma-
 lior & perfectior omnibus. Non est tamen
 omnino simile de intellectione Dei per
 essentiam Divinam ad intellectiones al-
 ias, & de intellectione per speciem intelli-
 gibilem ad intellectionem, qua Angelus
 intelligit se per essentiam. Nam intelle-
 ctio Dei in nullo impedit, nec diminuit
 intellectiones alias: Angeli enim cum
 hoc, quod ministrant nobis, & sunt in-
 tenti circa nos, semper perfectissimè vi-
 dent faciem Patris, qui in caelis est. Visio er-
 go Dei in nullo impedit intellectiones
 alias. Nam cum essentia Divina sit om-
 ninò formalis, & quantum est de se om-
 ninò se offerat, quod sic se offert per
 gratiam, non impedit intellectum, quin
 possit intelligere per naturam: sed
 intellectio per speciem licet sit forma-
 lior, quam intellectio per essentiam; at-
 tamen una aliam, & si non totaliter tol-
 lit, tamen remittit, & diminuit. Nam spe-
 cies intelligibilis in Angelo & essentia
 ejus non sunt ita formales, nec ita tota-
 liter se offerunt: immò ex intentione vo-
 luntatis species intelligibilis efficitur actua-
 lior, & essentia efficitur efficacior: ut si
 Angelus se convertat super se ipsum, &
 super illam speciem intelligibilem, & su-
 per suam essentiam efficacior efficitur es-
 sentia sua ad causandum actum intelli-
 gendi in intellectu ejus: & cum se con-
 vertit supra speciem efficitur essentia
 ejus minus efficax ad causandum hujus-
 modi

Declaratio
 quartæ du-
 bitationis.

Intellectio
 Dei in Ange-
 lis nec im-
 pedit, nec di-
 minuit alias
 intellectiones;
 non sic
 evenit in in-
 tellectione
 sui & aliorum.

modi actum. Intellectus ergo per speciem intelligibilem, & intellectio Angeli per suam essentiam licet non habeant repugnantiam simpliciter; habent tamen repugnantiam quodam modo, inquantum una aliam diminuit & remittit; sed intellectio, qua intelligitur Deus, propter omnimodam formalitatem ad intellectiones alias nullam omnino repugnantiam habet.

Declarato quomodo Angelus potest intelligere plura simul, sed non eodem modo: quia unum intelligit per gratiam, & aliud per naturam; secundum quem modum intelligit simul Deum & creaturam: & ostenso quomodo Angelus alio modo potest intelligere plura simul non eodem modo: quia unum intelligit per essentiam, & aliud per speciem, secundum quem modum intelligit simul se & alia: restat ostendere tertium modum intelligendi plura simul non eodem modo: quia unum intelligit principaliter, & aliud ex consequenti: & hoc modo intelligit Angelus plura simul tripliciter. Intelligit enim hoc modo simul naturam & suppositum, sive naturam & individuum, vel, quod idem est, intelligit hoc modo naturam & participantia naturam illam. Secundo intelligit hoc modo simul subjectum & predicatum, sive subjectum & proprietates. Tertio intelligit hoc modo simul causam & effectum. Differt enim intellectus Angeli ab intellectu nostro in tribus, secundum quas tres differentias sortitur hæc tria.

Angeli intellectus à nostro in tribus differt.

Differentia prima quia intellectus noster fertur in naturam rei incomplete; angelicus vero complete.

Differt enim primo intellectus noster ab intellectu angelico: quia objectum intellectus nostri est quidquid est nudum & abstractum; sed objectum intellectus angelici est quidditas & natura rei secundum existere quod habet in rebus. Vel possumus dicere, quod intellectus noster fertur in quidditatem & in naturam rei incomplete; intellectus autem angelicus fertur in quidditatem & in naturam rei complete. Inde est, quod cum intellectus noster intelligit rosam, nihil scit, utrum rosa sit, vel non sit: quia intelligendo rosam, non intelligit particularia, in quibus habet esse rosa, quod totum contingit ex imperfectione ejus: non enim posset perfecte cognoscere rosam, nisi cognosceret participatiam naturam rosæ, & nisi cognosceret ea, in

quibus esset talis natura. Intellectus ergo noster quia fertur in ipsam quidditatem nudam, ut in ipsam naturam abstractam à particularibus, cognoscendo naturam aliquam, non cognoscit ea, in quibus habet esse illa natura. Sed intellectus angelicus, quia fertur in ipsam secundum quod habet esse in rebus, tum quia perfecte intelligit hujusmodi naturam intelligendo aliqua, ut intelligendo naturam rosæ intelligit omnia illa, in quibus habet esse talis natura: Angelus ergo intelligit multa simul: quia simul intelligit naturam aliquam & ea, in quibus habet esse illa natura; sed hoc non eodem modo: quia naturam intelligit principaliter; ea in quibus habet esse natura ex consequenti.

Secundo differt intellectus noster ab intellectu angelico: quia intellectus noster intelligit componendo, & dividendo: non enim simplici intellectione intelligit subjectum & predicatum; sed intelligit componendo unum cum alio: Angelus autem simplici intellectione intelligit subjectum & omnes proprietates, quæ sint in subjecto, quod totum contingit ex perfectione intellectus ejus: non enim perfecte intelligeretur aliquid, nisi intelligeretur omnia illa, quæ sunt in illo: simul ergo intelligit Angelus subjectum, & proprietates; sed hoc non eodem modo: quia subjectum intelligit principaliter, proprietates ex consequenti. Est enim diligenter notandum, quod aliud est intelligere proprietates secundum se, & aliud intelligere eas, inquantum faciunt ad pleniorum cognitionem subjecti. Si enim Angelus vellet intelligere simum secundum se, oporteret, quod intelligeret ipsum per speciem simi. Sed cum intelligit simum, prout facit ad pleniorum cognitionem nasi, non per speciem simi, sed per solam speciem nasi intelligit nasum, & simum, quæ est proprietas nasi. Imaginabimur enim, quod Angelus per speciem nasi intelligit nasum perfecte, & intelligendo nasum perfecte, per illam eandem speciem, per quam intelligit nasum, intelligit omnia alia, quæ sunt in naso, non secundum se, sed inquantum faciunt ad perfectam cognitionem nasi: intelligendo ergo subjectum intelligit proprietates; non tamen intelligit ea secundum se: sed solum prout faciunt ad cognitionem subjecti. Si autem vult proprie-

Secundo differt intellectus noster ab intellectu angelico: quia intellectus noster intelligit componendo, & dividendo: non enim simplici intellectione intelligit subjectum & predicatum; sed intelligit componendo unum cum alio: Angelus autem simplici intellectione intelligit subjectum & omnes proprietates, quæ sint in subjecto, quod totum contingit ex perfectione intellectus ejus: non enim perfecte intelligeretur aliquid, nisi intelligeretur omnia illa, quæ sunt in illo: simul ergo intelligit Angelus subjectum, & proprietates; sed hoc non eodem modo: quia subjectum intelligit principaliter, proprietates ex consequenti. Est enim diligenter notandum, quod aliud est intelligere proprietates secundum se, & aliud intelligere eas, inquantum faciunt ad pleniorum cognitionem subjecti. Si enim Angelus vellet intelligere simum secundum se, oporteret, quod intelligeret ipsum per speciem simi. Sed cum intelligit simum, prout facit ad pleniorum cognitionem nasi, non per speciem simi, sed per solam speciem nasi intelligit nasum, & simum, quæ est proprietas nasi. Imaginabimur enim, quod Angelus per speciem nasi intelligit nasum perfecte, & intelligendo nasum perfecte, per illam eandem speciem, per quam intelligit nasum, intelligit omnia alia, quæ sunt in naso, non secundum se, sed inquantum faciunt ad perfectam cognitionem nasi: intelligendo ergo subjectum intelligit proprietates; non tamen intelligit ea secundum se: sed solum prout faciunt ad cognitionem subjecti. Si autem vult proprie-

Nota obli-

prietatē intelligere secundū se, oportet, quod cōvertat se super speciem proprietatis, quam habet apud se: & tunc multa intelliget de proprietate, quæ nō intelliget per intellectum subiecti. Sicut mathematicus, qui considerando de quantitate secundū se, potest multa investigare de quantitate, quæ non spectat ad metaphysicum, qui non considerat de quantitate secundū se; sed considerat de ea, ut est pars entis. Igitur Angelus intelligendo subiectum intelligit multa simul, quia intelligit subiectum & proprietates, sed hoc non eodem modo: quia subiectum intelligit principaliter, proprietates ex consequenti.

Insuper intellectus noster intelligit cum discursu, & hoc est tertia differentia respectu Angeli, qui sine discursu intelligit.

Tertiō differt intellectus noster ab intellectu angelico, quia intellectus noster non solum intelligit componendo & dividendo, sed etiam intelligit cum discursu; intellectus autem Angeli intelligit sine discursu: simul enim intelligendo causam, intelligit effectū: est igitur iste modus intelligendi noster, quod cum intelligimus naturam rosæ, nihil scimus de esse rosæ. Rursus cum intelligimus naturam rosæ, non propter hoc intelligimus proprietates rosæ. Tertiō cum intelligimus naturam rosæ, non propter hoc intelligimus effectus rosæ, sed discurremus ab effectibus ad causas, & de causis ad effectus: sed Angelus cum intelligit naturam rosæ, intelligit simul & esse ejus: propter quod intelligit particularia, in quibus habet esse rosa. Sed, ut dicebatur, secundū huiusmodi intellectū naturam intelligit principaliter, particularia ex consequenti: sic etiam cum intelligit naturam rosæ, quia non intelligit componendo, & dividendo, intelligit simul rosam & proprietates rosæ: sed in tali intelligere, rosam intelligit principaliter, proprietates ex consequenti. Tertiō quia non intelligit cum discursu, intelligendo rosam, intelligit effectus ejus, quos habet facere rosa: sed hoc non erit eodem modo, quia sic intelligendo causam & effectus, vel sic intelligendo rosam, & ea, quæ habet causare rosa, rosam intelligit principaliter, effectus autem ex consequenti, in quantum cognitio talium effectuum facit ad perfectam cognitionem rosæ.

Viso quomodo Angelus intelligit plura non eodem modo, restat ostendere, quomodo intelligat plura, ut non

plura. Propter quod sciendum, quod in cognitione est considerare tria, videlicet, rationem cognoscendi, actū cognitionis, & objectum cognitum: intelligere autem plura non ut plura potest esse tripliciter, vel ex ratione cognoscendi: ut puta, si per aliam & aliam rationem cognoscit, secundū quem modum Angelus cognoscit se & Deum: quia hoc est per aliam & aliam rationem: nam se cognoscit per essentiam suam, Deum autem per essentiam Dei. Secundū hunc etiā modum per aliam & aliam rationem cognoscit se & alia: quia se cognoscit per essentiam suam, alia per species aliorum. Secundo modo Angelus intelligit plura non ut plura, quantum ad actum cognitionis: hoc est enim cognoscere plura ut plura, quando quodlibet illorum cognoscitur secundū se, id est, quando quodlibet illorum cognoscitur perfectē. Si ergo Angelus cognoscendo subiectum cognoscit proprietatem: non propter hoc cognoscit plura ut plura. Quia non quodlibet illorū cognoscit secundū se, nec quodlibet illorū cognoscit perfectē: perfectiūs enim cognosceret Angelus proprietatem, si cognosceret eam secundū se, quā si cognoscit eam cognoscendo subiectum: hoc enim est cognoscere plura ut plura, quando non minū cognoscit quodlibet illorum simul, quā si converteret se super alterum tantū; hoc enim nominat cognoscere plura ut plura, cognoscere quod est secundū se, & cognoscere rem eam modo perfectō: cum Angelus cognoscit se simul & alia, cognoscendo simul se & alia, cognoscit simul plura, sed non ut plura, quia non perfectē cognoscit, quando convertit se super alia, sicut quando convertit se super se ipsum tantū.

Tertio modo potest intelligi cognoscere plura non ut plura, quantum ad objectum contingit, ut si quodlibet illorum cognoscat tāquam objectum principale. Diximus enim suprā, quod Angelus cognoscendo naturā, cognoscit supposita, in quibus reservatur illa natura: cognoscendo subiectum cognoscit proprietates existentes in illo subiecto: cognoscendo causam cognoscit effectus, qui habent causari ab huiusmodi causa. Cum ergo Angelus cognoscit simul naturam & supposita, quantum est ex parte objecti

Triplici modo potest Angelus cognoscere plura, non ut plura.

Primo propter aliam & aliam rationem cognoscendi.

Secundo propter actum cognoscendi aliquid imperfectē & non secundū se.

Tertio modo potest cognoscere plura non ut plura: quantum ab objecto.

At contigit cognosci plura, sed non ut plura: quia non quodlibet illorum cognoscit tanquam principale objectum, sed ipsam naturam cognoscit tanquam objectum principale; supposita verò cognoscit, inquantum reservatur in eis illa natura. Sicut etiam quando cognoscit causam & effectum, vel subjectum & proprietatem, cognoscit simul plura, sed non ut plura: quia non quodlibet illorum cognoscit tanquam principale objectum, sed ipsam causam cognoscit tanquam principale objectum, effectus autem cognoscit ex consequenti vel ex annexo, videlicet, inquantum perfectæ cognitioni causæ annexa est cognitio effectus: non enim perfectè cognosceretur natura alicujus herbæ, nisi scirentur effectus, quos habet causare hujusmodi herba: unde in tali cognitione per unicam speciem & per unicam intellectionem intelligit causam & effectum. Sic etiam se habet, cum simul cognoscit subjectum, & proprietatem, quia ipsum subjectum cognoscit tanquam objectum principale; proprietates verò ex consequenti, & ex annexo: nam sicut perfectæ cognitioni causæ annexa est cognitio effectuum, sic perfectæ cognitioni subjecti annexa est cognitio proprietatum, non enim perfectè sciretur natura leonis, si ignorarentur proprietates ejus: unde & diffinitiones, quæ sunt declarativæ naturæ rei, aliquo modo insinuant proprietates ipsius rei. Vnde in 1. de Anima dicitur, quòd secundum quascumque diffinitiones non contingit accidentia cognoscere: *Sed neque de ipsis imaginari facile, manifestum est, quòd dialecticè dicta sunt, & vanè omnes.* Diffinitiones ergo, quæ sunt declarativæ naturæ, aliquam conjecturam faciunt de proprietatibus. Dicimus autem, quòd diffinitiones declarativæ naturæ faciunt conjecturam de proprietatibus propter imperfectum modum cognoscendi nostrum. Nam si formando in mente nostra diffinitionem vel conceptum aliquem de natura, si per hujusmodi diffinitionem vel per hujusmodi conceptum perfectè cognosceremus naturam, haberemus de proprietatibus illius naturæ non solum conjecturam, sed cognitionem, & scientiam: nec oporteret ulterius discurrere nec componere, sed simul simplici intuitu intelligeremus subjectum, & proprietatem. Et quia hujusmodi perfectionem cognitionis ponimus in Angelo,

ideo Angelus non componendo nec discurrendo, sed simul cognoscit subjectum & proprietates: non tamen propter hoc (ut dicebatur) cognoscit plura ut plura, quia secundum talem cognitionem: sed subjectum cognoscit tanquam objectum principale; proprietates verò cognoscit ex consequenti & ex annexo. Hi autem tres modi cognoscendi plura ut plura ad invicem differunt: quia primus sumptus ex ratione cognoscendi differt à secundo sumpto ex actu cognitionis. Nam cum intellectus noster intelligit subjectum & prædicatum, intelligit componendo speciem subjecti cum specie prædicati, ut in propositione affirmativa; vel dividendo, ut in propositione negativa: cum enim intelligit hominem non esse asinum, informatur simul specie hominis & specie asini. Et intelligendo simul hominem & asinum, & intelligendo utrumque, dicit unum non esse aliud: propter quod format hanc propositionem negativam, *Homo non est asinus.* Igitur cum intellectus hoc modo intelligit plura ut plura quantum est ex ratione cognoscendi, quia per aliam & aliam rationem cognoscit hominem & asinum; non tamen intelligit plura ut plura, quantum est ex perfectione cognitionis: quia non ita perfectè intelligit hominem, quando intelligit hominem non esse asinum, sicut si intelligeret hominem secundum se: nec ita perfectè intellectus noster informatur specie hominis, quando informatur simul specie hominis & asini: sicut si informaretur specie hominis secundum se: & sicut primus modus differt à secundo: sic primus & secundus differunt à tertio. Nam aliud est cognoscere plura ut plura ex ratione cognoscendi, qui fuit modus primus: & ex perfectione cognitionis, qui fuit modus secundus: & aliud ex objecto cognito, qui fuit modus tertius. Nam loquendo eo modo, quo loquitur August. 83. qq. quæst. *De ideis.* ubi vult, quòd singula propriis rationibus sunt producta, possumus dicere secundum hunc modum loquendi, quòd omnia à Deo propriis rationibus sunt cognita. Vel quòd ab aliquo agente per intellectum propria ratione cognoscitur: quia ex quo intelligendo producit, non posset propria ratione producere, nisi propria ratione cognosceret: ergo Deus intelligit plura ut plura quantum ad rationem cognoscendi,

Philos. 1. de
Anim. textu
antiquo
Comm. 10.

D. Aug. 83.
N. 83.
q. 46.

cendi, in quantum omnia cognoscit per proprias rationes. Sic etiam intelligit plura ut plura, quantum est ex perfectione cognitionis: quia omnia intelligit perfecte, nec minus leonem intelligendo leonem & omnia alia, quam si intelligeret leonem tantum. Sed licet sic sit ex ratione cognoscendi, & ex perfectione cognitionis; non tamen sic est ex objecto cognito, quia non intelligit plura ut plura tanquam objectum principale: nam tanquam principale objectum non intelligit nisi unum tantum, videlicet se.

Postquam narravimus tres modos intelligendi plura non eodem modo, & narravimus tres alios modos intelligendi plura non ut plura: volumus

exequi de illis combinationibus. Ostendimus enim, quod Angelus intelligit plura ut plura, sed non eodem modo, quæ fuit combinatio prima: & intelligit plura eodem modo, sed non ut plura, quæ fuit combinatio secunda: & intelligit plura non eodem modo nec ut plura, quæ fuit combinatio tertia: quarta autem combinatio est impossibilis, videlicet, quod intelligat simul plura ut plura & eodem modo. Dicemus enim, quod Angelus quatuor modis intelligit plura: quia intelligit Deum & creaturam: intelligit etiam se & alia: intelligit tertio naturam & supposita, subjectum & proprietates, causam & effectus: quarto intelligit plura simul, quia potest intelligere simul plures proprietates, plura supposita, & plures effectus. In primo modo, videlicet, cum intelligit plura simul, intelligit plura ut plura, sed non eodem modo, ut dicebat combinatio prima. In quarto autem modo, videlicet, cum intelligit plures proprietates, vel plura supposita, vel plures effectus, intelligit plura eodem modo, sed non ut plura, quæ dicebatur combinatio secunda. In secundo autem & tertio modo cognoscendi, videlicet, cum intelligit plura simul: quia intelligit simul se & alia: & etiam cum intelligit simul subjectum & proprietates, causam & effectus, naturam & supposita, intelligit plura simul, sed non ut plura, nec eodem modo. Quarta autem combinatio, videlicet, quod intelligat plura ut plura & eodem modo, dicebatur esse impossibilis, propter quod reperiri non potest. Dicamus ergo, quod Angelus intelligit plura simul, & quantum ad rationem

cognoscendi, & quantum ad perfectionem cognitionis, & quantum ad objectum. Quantum ad rationem cognoscendi: quia Angelus per aliam & aliam rationem cognoscit essentiam Dei, & creaturam in proprio genere: quia essentiam Dei cognoscit per ipsam Divinam essentiam; creaturam in proprio genere cognoscit, vel per essentiam propriam, ut se ipsum: vel per speciem intelligibilem, ut creaturas alias: ergo cum angelus intelligit simul Deum & creaturam, intelligit simul plura ut plura quantum ad rationem cognoscendi. Rursus intelligit plura ut plura quantum ad perfectionem cognitionis: quia cognitio Divinæ essentiae in nullo impedit, nec diminuit cognitionem creaturæ in proprio genere. Non minus enim perfecte cognoscit Angelus creaturam in proprio genere, cognoscendo simul creaturam in proprio genere & Deum per essentiam, quam si intelligeret creaturam solum. Tertio Angelus cognoscendo simul Deum & creaturam, cognoscit simul plura ut plura, quantum est ex parte objecti cogniti: quia quodlibet eorum respondet cognitioni angelicæ tanquam principale objectum. Bene ergo dictum est, quod cum Angelus intelligit simul Deum & creaturam, quod reperitur ibi combinatio prima, videlicet, quod intelligit plura ut plura, sed non eodem modo. Nam si est ibi alia & alia ratio cognoscendi, hoc non erit eodem modo, sed unam habebit Angelus per naturam, aliam per gratiam. Rursus si utrobique est perfecta cognitio, hoc etiam non erit eodem modo, sed perfectionis creaturæ in proprio genere innitetur naturæ, cognitio Dei per essentiam innitetur gratiæ. Sic etiam si utrumque cognoscit tanquam principale objectum, hoc non erit eodem modo, sed creatura erit principale objectum cognitionis angelicæ per naturam; Deus autem, ut est præsens per essentiam, erit principale cognitum per gratiam: est enim gratiæ non naturæ, quod Angelus per essentiam possit videre Deum. Pater ergo quomodo Angelus cognoscendo Deum & creaturam est ibi combinatio prima: quia cognoscit plura ut plura, sed non eodem modo. Volumus ostendere, quod quando Angelus cognoscit plures proprietates simul, vel plura particularia vel plures effectus quod est ibi combinatio secunda, videlicet

Angelus cognoscit plura simul quantum ad rationem cognoscendi & quantum ad perfectionem cognitionis, & quantum est ex parte objecti cogniti, sed non eodem modo.

Angelus intelligit simul plura, sed non eodem modo, & intelligit plura eodem modo, sed non ut plura: & intelligit plura non eodem modo neque ut plura, sed impossibile est quod cognoscat plura ut plura & eodem modo.

Primum ostenditur, quod

licet, quod cognoscit plurā eodem modo, sed non ut plura.

Ad cuius evidentiam sciendum, quod in his tribus, videlicet, in subiecto per comparisonem ad proprietates, in natura per comparisonē ad particularia, in causa per comparisonem ad effectus, quasi reperitur idem modus cognoscendi: ideo de his tribus sumus locuti quasi uno modo. Angelus enim cognoscendo rosam, cognoscit particularia rosæ, de quibus prædicatur, cognoscit proprietates ejus quibus subicitur, & cognoscit effectus ejus quos causat. Cum ergo dicimus Angelum cognoscere plura, ista pluralitas vel referenda est ad subiectum & ad proprietates, ut subiectum dicat unum cognitum, & proprietates aliud cognitum, & sic non loquimur de pluralitate; vel referenda est hujusmodi pluralitas ad ipsas proprietates: quia Angelus cognoscendo subiectum cognoscit plures proprietates (& quod dictum est de proprietatibus respectu subiecti, intelligēdū est de particularibus respectu naturæ, & de effectibus respectu causæ) ut ergo habeamus combinationē secundam, videlicet, quomodo Angelus cognoscit plura eodem modo, sed non ut plura, non connumerabimus subiectum cum proprietatibus, nec naturam cum particularibus, nec causam cum effectibus; sed investigabimus de ipsa pluralitate proprietatum particularium, & effectuum, videlicet, quomodo Angelus intelligit plures proprietates simul; quomodo plura particularia: & quomodo plures effectus? Dicemus enim, quod Angelus cognoscit plures proprietates, plures effectus, plura particularia eodem modo, sed non ut plura. Cognoscit enim plures proprietates eodem modo: nam non cognoscit plures proprietates lapidis, quod unam cognoscat per gratiam, aliam per naturam: immo omnes proprietates ejus potest cognoscere per naturam: nec hoc est quod unam proprietatem lapidis cognoscat per essentiam, & aliam per speciem: nam speciem lapidis, intelligendo lapidem, intelligit & proprietates ejus: nec etiam hoc est, quod unam proprietatem cognoscat principaliter, aliam ex consequenti: sed omnes tales proprietates cognoscit ex consequenti, cum positum sit eas cognoscere cognitione subiecti. Et quod dictum est

de proprietatibus respectu subiecti, veritatem habet de particularibus respectu naturæ, & de effectibus respectu causæ: potest ergo Angelus eodem modo cognitionis cognoscere plures proprietates simul, vel etiam plura particularia, & plures effectus; non tamen cognoscet ut plures, nec quantum ad rationem cognoscendi, nec quantum ad perfectionem cognitionis, nec quantum ad principalitatem objecti. Non quantum ad rationē cognoscendi: quia cum cognoscit plures proprietates, hoc non erit propriē secundum aliam & aliam rationem, sed solum ratione cognitionis subiecti: ut quia perfectē cognoscit subiectum, ideo ex annexo cognoscit proprietates: sic etiam potest simul intelligere plura particularia ratione cognitionis naturæ, ut quia perfectē cognoscit naturam aliquā, cognoscit particularia, in quibus reservatur illa natura. Isto etiam modo potest cognoscere plures effectus ex cognitione causæ, ut si perfectē cognoscit rosam, cognoscit effectus quos habet causare rosam: ergo plures proprietates, plures effectus, & plura particularia potest intelligere Angelus simul eodem modo: sed non ut plura quantum ad rationem cognoscendi, nec etiam cognoscit talia ut plura quantum ad perfectionem cognitionis: quia si Angelus cognoscendo subiectum, cognoscit multas proprietates, secundum hunc modum cognitionis nō ita perfectē cognoscit quamlibet illarum proprietatum, sicut si specialiter se converteret super proprietatem aliquam: quia perfectiūs tunc cognosceret proprietatem illam: sic etiam non ita perfectē cognoscit plura particularia simul, sicut si specialiter se converteret super modo cognoscendi, sic plura non cognoscit ut plura quantum ad principalitatem objecti: quod si intelligendo naturam, intelligit plura particularia, nullum illorum particularium respondet ei tanquam objectum principale: sic etiam si intelligendo subiectum intelligit plures proprietates, & intelligendo causam intelligit plures effectus, illæ proprietates & illi effectus non respondent ei tanquam objectum principale aliquod illorum particularium: nec etiam ita perfectē cognoscit multos effectus simul, sicut si specialiter se converteret super aliquod illorum effectuum.

Secundū ostēditur, quod Angelus potest cognoscere plura eodem modo, sed non ut plura, nec quantum ad rationem cognoscendi, nec quantum ad perfectionem cognitionis, nec quantum ad objecti principalitatem.

Tertio ostē-
ditur, quōd
Angelus in-
telligit plu-
ra, sed non
eodem mo-
do, neque ut
plura quan-
tum ad per-
fectionem
cognitionis,
& quantum
ad principa-
liorem ob-
iectum.

His autē declaratis volumus de-
clarare combinationem tertiam, videli-
cet, quōd cū Angelus cognoscit plura,
quia cognoscit se & alia, vel cognos-
cit plura, quia cognoscit subiectum &
proprietas, ita quōd ipsum subiectum
connumeratur tanquā unū illorum plu-
rium: vel cognoscit plura, quia cog-
noscit naturam aliquam & particularia
illius naturae: vel cū cognoscit causam ali-
quā & effectus illius causae, quōd tūc An-
gelus non cognoscit plura ut plura, nec
eodē modo. Nam cū Angelus cognoscit
se & alia cognoscit plura: sed nec ut plu-
ra, nec eodem modo. Nam cū Ange-
lus cognoscit se & alia, non cognos-
cit plura ut plura, saltem quantum ad
perfectionem cognitionis, quia non ita
perfectē cognoscit se, quando cognoscit
se & alia, sicut quando cognoscit se tan-
tū. Rursus non intelligit se & alia eo-
dem modo: quia se intelligit per essen-
tiam, alia per speciem; sic etiam dicere
possumus, quōd cū Angelus intelligit
subiectū & proprietates, vel naturā & sup-
posita, vel causā & effectus, intelligit plu-
ra, sed nō intelligit plura eodē modo, nec
plura ut plura: non enim intelligit plura
eodē modo, cū intelligit subiectū & pro-
prietates: quia subiectum intelligit prin-
cipaliter, proprietates ex consequenti. Sic
etiam non intelligit plura eodem mo-
do, cū intelligit naturam & supposita:
quia naturam intelligit principaliter, sup-
posita ex consequenti. Nec cū intelli-
git causam & effectus: quia causam in-
telligit principaliter, effectus ex conse-
quenti. Quare manifestum est, quōd cū
intelligit subiectum & proprietates, na-
turā & supposita, causam & effectus, quōd
intelligit plura non eodem modo. Volu-
mus etiam ostendere, quōd in omnibus
his intelligit plura non ut plura. Quod
dupliciter contingit quantum ad perfe-
ctionem cognitionis, & quantum ad
principalitatem obiecti. Quantum ad
perfectionem cognitionis: quia non ita
perfectē cognoscit proprietates, cognos-
cendo subiectum & proprietates, sicut
si cognosceret proprietates secundū
se: nec ita cognoscit supposita cognos-
cendo naturam & supposita, sicut si cō-
verteret se super aliquod suppositorum
secundū se: nec ita perfectē cognoscit
effectus cognoscendo effectus ex sola cog-
nitione causae, sicut si converteret se su-

A per aliquem effectum secundū se. Patet
igitur quot modis Angelus cognoscit
plura non eodem modo: & quot modis
cognoscit plura non ut plura. Patet etiā
quot modis fiunt combinationes circa
taliam, quia tres modi combinationis sunt
possibiles, quartus autem est impossibi-
lis. Nam impossibile est, quōd cognos-
cat plura ut plura & eodem modo: quia
si ut plura, & potissimē si cognoscit ea,
ut plura quantum ad rationem cognos-
cendi, consequens est, quōd non cognos-
cat ea eodē modo. Vel si Angelus cog-
noscit plura ut plura: quia quodlibet eo-
rū cognoscit perfectē: quia propter cog-
nitionē unius non retrahitur à cogniti-
one alterius, hoc non erit eodem modo:
quia non potest sic plura cognoscere per
naturam: cognitio enim naturalis unius
retrahitur à cognitione naturali alterius;
sed poterit hoc modo cognoscere plura
ut plura, non eodem modo: sed unum
per naturam, aliud per gratiam.

Respond. ad arg. Ad primum di-
cendū, quōd per plures sensus nō senti-
mus plura ut plura simpliciter & per om-
nem modum: quia cū unus sensus est
multum intensus; alius retrahitur à per-
ceptione sensibilibus: ut cū nimis in-
tensē audimus, remittitur ne perfe-
ctē videamus: sic etiam in intellectu An-
geli se habet: quia cū Angelus intelli-
git intensē unum, retrahitur ne per-
fectē intelligat aliud: propter quod nec
sentimus omninō plura ut plura: nec hoc
modo Angelus simpliciter intelligit plu-
ra ut plura. Vel possumus dicere, quōd
non est simile de sensu & de intellectu:
quia Angelus non habet nisi unā potē-
tiam intellectivam; homo autem habet
plures potentias sensitivas: & si per unā
potentiam intellectivam non potest in-
telligere plura ut plura, sicut nos per plu-
res potentias sensitivas sentimus plura ut
plura, nihil inconueniens est. Ad 2. di-
cendum, quōd Angelus cognoscit simul
se & alia, propter quod cognoscit simul
plura; sed tamen non cognoscit plura
eodem modo: nec plura ut plura cog-
noscit non eodem modo: quia, ut dic-
tum est, se cognoscit per essentiam non
per speciem: nec cognoscit plura ut plu-
ra secundū hunc modum cognoscen-
di quantum ad perfectionem cognitio-
nis: quia non ita perfectē cognoscit se
considerando de aliis, sicut si conside-

Quartū im-
possibile
est, quōd
cognoscat
plura ut plu-
ra & eodem
modo.

Cū unus
sensus est
multum in-
tensus, alius
à sensibiliū
percep-
tione retra-
hitur.

raret de se ipso tantum. Sic autem Angelum cognoscere plura, vel non ut plura, vel non eodem modo, vel nec plura nec eodem modo, non est inconueniens. Ad 3. dicendum, quod Angelus per speciem representantem naturam cognoscit naturam & particularia illius naturæ, & ita cognoscit plura: sed huiusmodi pluralitas vel refertur ad naturam & ad supposita, ut dicamus Angelum cognoscere plura, quia cognoscit naturam & supposita: vel huiusmodi pluralitas refertur ad ipsa supposita, ut dicamus ideo Angelum cognoscere plura simul, quia cognoscit simul plura supposita: quocumque autem modo dicamus, nihil inconueniens erit contra nos. Quia si dicatur Angelum cognoscere plura, quia cognoscit simul naturam & suppositum, hoc non erit eodem modo, nec ut plura: non eodem modo, quia naturam cognoscet principaliter, supposita ex consequenti: nec etiam sic cognoscet plura ut plura, quia secundum hoc natura & suppositum non respondebunt cognitioni angelicæ, tanquam duo objecta principalia; sed sola natura erit ibi objectum principale. Rursus secundum hunc modum cognitionis non cognoscet plura ut plura, quantum ad rationem cognoscendi: quia per eandem rationem, siue per eandem speciem cognoscet naturam & suppositum. Sed si huiusmodi pluralitas referatur ad ipsa supposita, ut dicatur Angelus cognoscere multa simul, quia simul cognoscit multa particularia: tunc patet, quod Angelus cognoscit hoc modo multa, sed non ut multa: plura enim particularia ejusdem speciei non cognoscit per plures species, nec tanquam plura objecta principalia, nec etiam Angelus cognoscit ita perfecte plura particularia, simul, sicut si specialiter converteret se super unum illorum tantum. Ad 4. dicendum, quod intellectus noster intelligit plura simul, sed hoc non est ut plura, sed intelligere plura prout unum habet ordinem ad aliud, ut intelligit subiectum & prædicatum prout constituunt unam propositionem, & prout habent aliquem ordinem ad se invicem: sic Angelus nunquam naturaliter intelligit plura, nisi vel unum intelligat in ordine ad aliud, vel ambo in ordine ad tertium: ut si intelligit se & alia, intellectus aliorum dependet ex intellectu sui: intelli-

gere enim se ipsum facit ad intelligere omnia alia, non quod essentia Angeli sit sufficiens ratio intelligendi omnia: quia hoc est in solo Deo: sed pro tanto hoc verum est, quia nisi Angelus semper intelligeret se & ea, quæ sunt in se, casualiter intelligeret alia: ne ergo casualiter intelligat alia, ipsum intelligere se ipsum facit ad intelligere omnium aliorum: ergo cum intelligit se & alia, aliquo modo intelligit unum in ordine ad aliud. Rursus cum Angelus intelligit alia, invenimus ibi sex modos pluralitatis: quia simul potest intelligere naturam & suppositum, subiectum & proprietatem, causam & effectum. Rursus potest intelligere simul plura supposita, plures proprietates, & plures effectus. In tribus autem primis Angelus intelligit plura simul, non ut plura, sed unum in ordine ad aliud, intelligit suppositum in ordine ad naturam, proprietatem in ordine ad subiectum, effectum in ordine ad causam. In sequentibus autem tribus intelligit plura non ut plura, sed prout illa plura habent aliquem ordinem ad unum tertium: ut potest intelligere plura supposita, ut ordinantur ad unam naturam: plures proprietates, ut sunt in uno subiecto: plures effectus, ut respiciunt unam causam. Ad 5. dicendum, quod aliqua habent repugnantiam secundum se; aliqua verò habent repugnantiam, ut sunt in aliquo: perfecte enim informari pluribus speciebus intentionalibus non videtur habere repugnantiam secundum se: eadem enim pars aeris potest perfecte informari specie albi & nigri: ut si unus paries sit albus & alter niger, dabitur aliqua pars aeris inter duos parietes recipientes diametraliter speciem albi & nigri: propter quod bene dicitur in argumento, quod quæ sine transmutatione fiunt, non habent repugnantiam: quod satis concedi potest secundum se: tamen non est inconueniens, quæ secundum se repugnantiam non habent, ut sunt in aliquo subiecto habere aliquem modum repugnantiae: & sic est in proposito. Repugnantiam enim habet in intellectu Angeli, quod perfecte informetur simul pluribus speciebus: hæc autem repugnantia non est accipienda ex ipsis speciebus secundum se, sed ex intentione voluntatis. Nam intellectus Angeli non informatur perfecte aliqua specie intelligibili, nisi

Intelligere
do simul plu-
ra
supposita,
ta, plures
proprietates,
tes, & plures
effectus, prout
est illa intel-
ligere, non
ut plura, sed
in ordine ad
unum, vel
ad naturam,
vel in subiecto
vel
causam.

hiſi prout per intentionem voluntatis ſe convertit ſpecialiter ſuper huiusmodi ſpeciem. Et quia non poteſt ſe per intentionem perfectè convertere ſe ſuper plures ſpecies: quia cùm quis eſt intentus ad unum, retrahitur ab intentione alterius: ideo non poteſt intellectus Angeli informari perfectè pluribus ſpeciebus. Et ſi aer eſſet naturæ intellectualis, & non informaretur ſpeciebus colorum, niſi per intentionem ſe converteret ſuper huiusmodi ſpeciebus, non poſſet perfectè informari pluribus ſpeciebus. Ad 6. dicendum, quòd intellectus noſter & intellectus Angeli poteſt aliquo modo intelligere plura ſimul: perfectiùs tamen poteſt intelligere plura ſimul intellectus Angeli, quàm intellectus noſter: non tamen propter hoc intelligit naturaliter plura eodem modo, & ut plura; ſed ſi intelligit plura, vel hoc non eſt eodem modo, vel non ut plura: imò poſſumus credere, quòd nunquam Angelus intelligit naturaliter plura ut plura: ſed modo quo diximus, vel intelliget unum in ordine ad aliud, vel ambo in ordine ad tertium. Dicimus autem, quòd Angelus naturaliter non intelligit plura ut plura: quia non eſt inconveniens Angelum intelligere plura ut plura, non per naturam; ſed unum per naturam, & aliud per gratiam. Ad 7. dicendum, quòd non eſt ſimile de duobus intelligentibus reſpectu unius intelligibilis, & de duobus intelligibilibus reſpectu unius intellectus: quia unum intelligibile intelligitur à pluribus intelligentibus: ergo ſic plures intelligentes informabuntur pluribus ſpeciebus. Sed ſi unum intelligens intelligit plura intelligibilia, & intelligit ea ut plura: ita quòd intelligat ea per diverſas ſpecies, unus intellectus informabitur pluribus ſpeciebus, quòd eſt inconveniens. Ad formam autem arguendi dicendum, quòd non eſt ibi proportio permutata. Nam permutata proportio hoc modo fit: ut ſi primum ſe habet ad ſecundum, ſicut tertium ad quartum, poſſumus tunc permutare, & quòd ſicut primum ad tertium, ita ſecundum ad quartum. Non tamen poſſumus permutare, quòd ſicut primum ſe habet ad quartum, ita ſecundum ad tertium, ut ſi duo ſit primum, quatuor ſecundum, oſto tertium, ſexdecim quartum, poſſumus arguere, quòd ſicut primum ad ſecundum, id eſt, ſicut duo ad quatuor, ita ter-

tium ad quartum, id eſt, ita oſto ad ſexdecim. Et poſſumus permutare quòd ſicut primum ad tertium, id eſt, ſicut duo ad oſto, ita ſecundum ad quartum, id eſt, ita quatuor ad ſexdecim. Tamen non poſſumus permutare, quòd ſicut primum ad quartum, id eſt, ſicut duo ad ſexdecim, ita ſecundum ad tertium, id eſt, ita quatuor ad oſto, quilibet enim videt non eſſe eandem proportionem duorum ad ſexdecim: & quatuor ad oſto. Sic & in propoſito, cùm arguitur: ſicut unum intelligens ad unum intelligibile, ſic plures intelligentes ad plura intelligibilia. In hac autem proportionem unum intelligens ſe habet, ut primum, unum intelligibile ut ſecundum, plures intelligentes ut tertium, plura intelligibilia ut quartum: poſſumus autem permutare, ſi volumus, ſicut primum ad tertium, id eſt, ſicut unus intellectus ad plures intelligentes, ſic ſecundum ad quartum, id eſt, ſic unum intelligibile ad plura intelligibilia. Sed non poſſumus nec debemus permutare, quòd ſicut primum ad quartum, id eſt, ſicut unum intelligens ad plura intelligibilia, ſic ſecundum ad tertium, vel ſic tertium ad ſecundum, ut ſic plures intelligentes ad unum intelligibile. Ad 8. dicendum, quòd Angelus intelligit ſimul Deum per eſſentiam, & creaturam in proprio genere; ſed hoc non eſt eodem modo: quia Deum per eſſentiam intelligit per gratiam; creaturam in proprio genere per naturam. Ad 9. dicendum, quòd ſpecies in mente angelica creata ſunt ab ideis Divinis: ſunt tamen in pleno actu, & cauſant actum intelligendi, cùm Angelus per intentionem ſe convertit ſuper huiusmodi ſpeciem. Et quia non poteſt ſe actu convertere per intentionem ſuper plures ſpecies: ideo non informatur ſecundum actum plenum ſimul pluribus ſpeciebus: non eſt ergo omninò ſimile de ideis reſpectu ſpecierum in Angelo, & de phantaſmatibus reſpectu ſpecierum intelligibilium: nam ideæ cauſant ſpecies intelligibiles in Angelo; ſpecies autem intelligibiles in intellectu noſtro non ſolum cauſantur à phantaſmatibus; ſed etiam ſunt in actu pleno per conversionem ad phantaſmata: igitur ſpecies in mente Angeli non ſunt in actu pleno, ex eo quòd Angelus ſe convertat ad ideas Divinas: ideo non eſt ſimile hic & ibi. Ad 10. dicendum, quòd Angelus,

gelus operatur circa plura; & potest intelligere plura simul, sed hoc erit, prout unum habet ordinē ad aliud: ut si custodit Sortem, specialiter se convertit ad intelligendum Sortem: si ergo operatur circa lapidem vel circa lignum, hoc erit propter Sortem: & si intelligit plura simul, hoc erit prout habent ordinem ad Sortem. Diximus enim, quod Angelus intelligendo subjectum intelligit accidētia: intelligendo ergo Sortē, potest intelligere actiones Sortis & ea, quæ agit Sortes: idēd potest intelligere lapides, vel ligna, vel alia, circa quæ negotiatur Sortes. Ad 11. dicendum, quod unum corpus per unam quantitātē dimensionam attingit plura simul, prout illa plura sunt unus locus totius corporis: ergo attingeret plura, prout habent ordinem ad unum: sic & Angelus potest intelligere plura, ut habent ordinem ad unum. Vel possumus dicere, quod non est simile de corpore, quod habet partem & partem: propter quod secundum diversas partes potest se diversis commensurare, & de Angelo, qui est simplex, de quo communiter dicitur, quod ad quod se convertit, totaliter se convertit. Sit ergo conclusio totius quæstionis nostræ, quod Deus naturaliter cognoscit plura ut plura: quia cognoscēdo plura, ita quodlibet eorum cognoscit perfectē, sicut si cognosceret unum ipsorum tantum: Angelus autem per naturā nunquam sic cognoscit plura ut plura: quia cognitio naturalis unius retrahit à cognitione naturali alterius; potest tamen hoc modo cognoscere plura ut plura, unum per gratiam, aliud per naturā: sic cognoscit Deum per essentiam, & creaturam in proprio genere. Hoc enim modo una cognitio in nullo impedit, nec distrahit aliam.

Epilogus.

QVÆSTIO VII.

Verum Angeli superiores intelligant per universaliores species, quàm inferiores?



CTAVO quæritur: utrum Angeli superiores intelligant per universaliores species, quàm inferiores? Et videtur quod non: quia si Angeli superiores

intelligerēt per universaliores species, cr-

go essent pauciores species in Angelis superioribus, quàm in inferioribus: cum igitur Deus semper possit facere Angelum superiorem, semper superiorē, erit devenire ad aliquem Angelum, qui intelliget omnia per unam speciem. Et quia adhuc Deus potest facere Angelum superiorem, si fieret Angelus superior super illo: tunc ille intelligeret omnia sine specie: intelligeret igitur omnia per essentiam suam: quod est inconveniens, quia hoc est proprium solius Dei. Præterea: si unus Angelus intelligeret per universaliores species, quàm alius, tunc non omnes Angeli intelligerent per species specierum; sed aliqui vel fortē omnes intelligerent per species generum; non enim esse potest, quod unus intelligat per universaliores species, quàm alius, nisi unus intelligat per species specierum, & alius per species generum, vel quod unus intelligat per speciem generis inferioris; alius per speciem generis superioris. Oportet igitur hac hypothēsi stante, quod vel omnes Angeli vel saltem aliqui intelligant per species generum. Sed hoc est impossibile, ut videtur, quia cum genus non dicat formam unam, non videtur possibile, quod species repræsentans naturam generis sit species una. Præterea: si aliqui Angeli intelligerent per universaliores species, quàm alij, tunc, ut dictū est, intelligerent per speciem generis: sed qui per speciem generis intelligit naturā speciei, utputā, qui per speciem animalis intelligit naturam hominis, non intelligeret hominem in eo, quod homo: hoc ergo ponere, est ponere, quod Angeli de rebus non habent cognitionem distinctam: ut quod non habeant cognitionem de homine in eo, quod homo, nec de leone in eo, quod leo, quod est inconveniens. Præterea: secundum hanc hypothēsim, quod quæ plures Angeli cognoscunt per plura, potest unus Angelus cognoscere per unum: ut si intelligeret unus per universaliores species, quàm alius, tunc illa, quæ Angeli inferiores cognoscerent per plures species, Angelus superior cognosceret per unam: sed Angeli inferiores, cognoscendo per plures species plura, cognoscunt plura in eo quod plura: ergo pari ratione Angelus superior cognoscendo illa plura per unam speciem, cognosceret plura in eo, quod plura, quod est inconveniens. Præterea:

B. Agid. in
2. ff. dist. 3.
p. 2. q. 2. in
solutione
tertij dubij.

RESOLVTIO.

terea: quia dicebat, quod inferiora continentur in superioribus formaliter, propter quod volebat habere, quod Angeli superiores habebant species contentivas specierum inferiorum, ita quod una species superioris Angeli continebat plures species inferiorum etiam formaliter, ita quod poterat representare species in Angelo superiori multa plura, quam plures species in inferiori. Sed contra: iste modus continendi, quod superiora continent inferiora formaliter, reperitur in rebus extra genus; Angelus autem dicit quid in genere. Deus ergo continet omnia in se formaliter, quia est expressiva ratio formalis omnium rerum; creatura autem non continent se formaliter, ut corpora superiora non continent formaliter inferiora, sed virtualiter: non ergo Angeli superiores poterunt intelligere per universaliores species, quam inferiores: quia species in mentibus superiorum non possunt formaliter continere species in mentibus inferiorum. Præterea: secundum Damascenum ordo est uniformis spirituum multitudo. Ipse ergo ordo, qui est in spiritibus, non patitur deformitatem in eis: omnes ergo Angeli intelligunt uniformiter; non ergo est ibi diffinitas, quod aliqui intelligant per magis universales species, aliqui per minus universales. Præterea: omnia se habent per informationem ad ens, sic etiam omnia inferiora se habent per informationem ad superiora: ergo inferiora sunt perfectiora superioribus, ut homo perfectior, quam animal: igitur si Angeli superiores cognoscerent per species magis universales, tunc cognoscerent modo magis imperfecto, quod est inconveniens. Præterea: corpus coeleste, quod est corpus superius, est simplicius, & per consequens singularius: ergo Angeli superiores intelligunt per species simpliciores, & per consequens singulariores; non ergo per universaliores.

In contrarium est quod dicitur in decima propositione de causis. Vbi Author vult, quod Angeli superiores intelligant per universaliores species. Et etiam Proclus

hoc idem

asserit.

(*)

Angelus superior intelligit per universaliores species, quam inferior: consequenterque per pauciores.

Respond. dicendum, quod ista quaestio duas difficultates continet. Quarum unam manifestè quaerit, aliam occultè implicat. Manifestè enim quaerit, quomodo Angeli superiores possunt cognoscere per universaliores species? Occultè autè implicat, quomodo per pauciores? Nam unum istorum ad aliud sequitur, quia si cognoscunt per universaliores, consequens est, quod per pauciores. Nam universaliores species plura continent, propter quod consequens est, quod pauciores sufficere possint. Sic etiam si poneremus, quod Angeli superiores cognoscerent per species pauciores, ex hoc etiam sequeretur, quod cognoscerent per universaliores: quia pauca non possunt representare tot, quot representant multa, nisi in representando essent universaliora illis. Non est autem dicendum, quod Angeli superiores cognoscant pauciora, quam inferiores: sed rationale est quod cognoscant tot vel plura: quare si superiores cognoscerent per species pauciores, oporteret illas species universaliores esse: igitur qui quaerit: utrum Angeli superiores cognoscant per species universaliores, occultè implicat, utrum cognoscant per pauciores? Et qui quaereret, utrum cognoscerent per pauciores, implicaret, utrum per universaliores? Et ex utraque parte tam ex universalitate, quam ex paucitate difficultates insurgunt. Hoc ergo ordine procedemus in quaestione proposita: quia primò narrabimus difficultates contingentes ex parte universalitatis specierum, & solvemus difficultates illas. Secundò, narrabimus difficultates ex parte paucitatis specierum, & solvemus ad difficultates illas. Et huiusmodi solutione (ut patebit) dabitur via ad investigandum distinctionem Hierarchiarum in Angelis & etiam ordinum. Tertiò adducemus rationes ad propositum ostendentes, quod superiores Angeli intelligunt per universaliores species, & etiam per pauciores.

Ordo procedendi in quaestione.

Si Angeli superiores intelligunt per universales species, quàm inferiores, oportet, quòd intelligant per species generis: nam infra speciem specialissimam non est descensus in speciebus intelligibilibus. Nam ipse intellectus noster, qui tenet infimum gradum respectu substantiarum separatarum, recipit species universaliter non particulariter: in intellectu etiam nostro licet differat species hominis à specie leonis, non tamen differt, nec differre potest species Platonis à specie Sortis. In intellectu ergo nostro veritatē habet quòd nō recipit species intelligibiles infra speciem specialissimam: multò ergo magis hoc verum erit in intellectu angelico, qui est magis abstractus: immò cum particularia differant secundum hic & nunc, intellectus noster, qui in intelligendo semper abstrahit ab hic & nunc, nunquam recipiet species particulariter, & multò magis in intellectu angelico non erit descensus infra speciem specialissimā: igitur si intellectus Angelicus non potest habere speciē infra speciē specialissimam, & Angeli superiores intelligunt per universales species, quàm inferiores, oportet, quòd intelligant per species generum. Possumus autem, quantum ad præsens spectat, tangere triplicem difficultatem, quòd species in mentibus Angelorum non possunt esse species generum. Prima difficultas sumitur ex eo quòd illæ species sunt quid formale. Secunda ex eo quòd sunt quid abstractum. Tertia ex eo quòd sunt representativæ objecti. Possunt enim illæ species tripliciter considerari, videlicet, secundum se, ratione subjecti in quo sunt; & ratione objecti quod representant. Secundum se quidem sunt quædam species, id est, quædam formæ, idè secundum se sunt quid formales; ratione autem subjecti in quo sunt, ut quia sunt in intellectu angelico à materia separato, oportet huiusmodi species esse quid abstractum, sed si comparètur ad objectum, oportet, quòd sint quid representativum objecti. Ex omnibus his oriuntur difficultates, quòd species in intellectu angelico non possunt esse species generum. Nam si huiusmodi species sunt quid formale, id, quod non dicit unam formam, non habebit unam speciem, sed genus non dicit formam unam: non poterit ergo esse

Triplex difficultas, quare non possunt esse tales species generum.

species representativa omnium, quæ sunt in genere: immò quia genus est tot formæ, quot habet sub se species: tot erunt species in mēte angelica respectu alicujus generis, quot formæ est illud genus, vel quot species sunt in illo genere. Non ergo in intellectu angelico erit cognitio per speciem generis, sed solum per speciem speciei. Nec esset sufficiens responsio ad hanc difficultatem, si quis diceret, quòd intellectus noster potest intelligere per speciem generis, hoc est, sub modo confuso, & in universali, & in potentia; non autem sub modo distincto, nec sub forma propria nec actu. Quandiu enim intellectus noster sistit in specie generis, utputa, quandiu intelligit per speciem animalis, non intelligit distinctè hominem, & leonem, & suas species animalis: nec intelligit talia in propria forma nec in actu, imò sicut genus est omnes in potentia & nulla actu, quia habet omnes differentias potestate, quibus conjunctum constituitur species; actu verò nullam differentiam habet: propter quod genus, secundum quod huiusmodi, nulla species actu est, sic & intellectus per speciem generis, secundum quod huiusmodi, nullam intelligit speciem actu. Si ergo intelligere genus per speciem generis non est intelligere ipsum, ut est multæ formæ; cū sic intelligendo genus, non intelligantur distinctè ejus species. Hæc itaque responsio non evacuat difficultatem, sed fortificat. Nam si Angelus intelligit speciem generis, hoc non erit in potentia & sub modo confuso: quia tunc superiores Angeli haberent imperfectam cognitionē de rebus, quàm inferiores: Angelus ergo superior intelligens aliquod genus, intelligit ipsum, ut est multiforme cū distinctè intelligat ejus species. Si ergo intelligit genus, ut est multiforme, non erit hoc per unam formam, vel per unam speciem: sed tot habebit apud se, ut dicebatur, formas intelligibiles, & tot species, quot formæ est illud genus, & quot habet species.

Secunda difficultas sumitur ex eo, quòd illæ species sunt quid abstractum. Nam licet si colores essent separati, non differret albedo ab albedine, quia non possent esse duæ albedines separatae; differret tamen albedo à nigredine, quia si essent colores separati, adhuc essent multi colores. Dicimus autem, quòd non pos-

Contra resp.
positionē.

Secunda
difficultas.

possent esse plures albedines separata, nō quod Deus hoc non posset facere, sed quod cursu naturæ, quem videmus, repugnat substantiis separatis pluralitas in eadem specie. Si ergo etiam abstracta plurificantur sub eodem genere, licet non plurificentur sub eadem specie, species in mentibus Angelorum, quantumcunque sint abstractæ à materia, plurificabuntur in genere, ita quod per unam & eandem speciem non poterit intelligere Angelus omnia, quæ pertinent ad unum genus, sed solum omnia quæ pertinent ad unā speciem.

Tertia diffi-
cultas.
Themistius
de Anim.

Tertia autem difficultas sumitur ex parte ipsius objecti: nam generi non respondet hypostasis, ut vult Themistius super 1. de Anima ubi ait: quod generis quidem conceptus sine hypostasi sumptus est ex tenui singularium similitudine: cum ergo una species debeat repræsentare unum aliquid, ipsa genus, quod nō est unum aliquid, per unam speciem repræsentari non poterit.

Responde-
tur ad 1. dif-
ficultatem.

Propter primum autem sciendum, quod cum dicitur, quod genus non est forma una. Respondebimus, quod est, aut ut sic est, aut ut non. Potest enim forma generis dupliciter considerari, vel secundum esse abstractum, vel secundum esse materiale. Secundum enim esse materiale non solum genus est tot formæ, quot habet species, sed etiam est tot formæ, quot habet sub se individua: nam non solum leo & homo habent diversas formas, vel diversas animas, sed etiam duo homines vel duo leones habent diversas formas, & diversas animas, licet hoc non sit eodem modo. Nam diversæ species, ut leo & homo, habent diversas formas ratione ipsius formæ, eò quod talia differant specie: cum ergo species sit idem quod forma, differre specie est differre forma. Propter quod diversæ species habent diversas formas ratione ipsius formæ; sed diversa individua sub eadem specie habent diversas formas ratione materiæ, ita quod in talibus dividitur forma propter materiam: ut quia unus & idem leo non constat ex tota materia sua, in diversis partibus materiæ poterunt recipi diversæ formæ leonis, vel diversæ animæ leoninæ; sed si constaret leo ex tota materia sua, non esset nisi unus leo in specie leonis, & non esset nisi una anima leonina. Sic ergo lo-

quendum est de genere secundum esse materiale, videlicet, quod genus non est una forma. Sed si loquamur de genere quantum ad esse abstractum, non est inconueniens, quod genus dicat formam unam.

Propter quod dicemus quod id, quod dixerunt platonici de unitate generis in rebus abstractis quantum ad esse reale, dicemus & nos de speciebus in mentibus Angelorum quantum ad esse repræsentativum. Posuerunt enim platonici, quod ubicunque erat dare plura in materia, erat dare unum aliquod separatum: & huiusmodi separata vocabant ideas sive deos propter universalem influentiam, quam habebant: ut quia est dare multos leones materiales, secundum eos erat dare unum leonem separatum, quem vocabant ideam omnium leonum. Vel dicebant illum leonem separatum esse quemdam deum, eò quod haberet universalem influentiam super omnes leones. In huiusmodi autem separatis dixerunt esse ordinem, quem videmus esse in abstractis per intellectum: ut sicut intellectus abstrahit speciem ab omnibus individuis, quia intelligit leonem præter omnes particulares leones, & sicut abstrahit genus ab omnibus speciebus, quia potest intelligere animal præter hominem, leonem, & præter omnem speciem animalis, sic etiam abstrahit non solum genus à speciebus, sed genus superius à generibus inferioribus: nam non solum abstrahit animal ab homine & leone, quæ sunt ejus species: sed etiam abstrahit animatum ab animali, & planta, quæ sunt quædam genera. Intelligit enim intellectus animatum tanquam unum aliquid præter animal, & plantam, quæ sunt quædam inferiora genera ad ipsum animatum, & intelligit animal tanquam unum aliquid præter hominem & leonem & præter alia animalia, quæ sunt ejus species: & intelligit leonem tanquam unum aliquid præter hunc leonem, & præter illum, & præter omnes particulares leones, qui sunt ejus individua. Secundum ergo hunc ordinem, quem videmus in intellectu, posuerunt platonici ordinem realem in rebus separatis, dicentes esse unum leonem separatum præter omnes particulares leones, & unum hominem separatum præter omnes homines particulares. Sic etiam in qualibet specie posuerunt esse unum ali-

Quod dixe-
runt plato-
nici de uni-
tate generis
facit ad pro-
positum.

quid separatū præter omnia particula-
ria illius speciei, & in generibus posuerūt
hoc idem: quia posuerunt unum animal
separatū præter omnes species anima-
lis. Et non solum in generibus inferiori-
bus, sed etiam in superioribus posuerunt
hoc idem: quia posuerunt unum aliquid,
quod esset idea omnium animatorum, &
unam substantiam separatam, quæ habe-
ret influentiam super omnia, quæ sunt
in prædicamēto substantiæ: immo nō so-
lū respectu prædicamentorū, sed etiā su-
pra prædicamēta posuerunt huiusmodi
abstracta, ut non solū posuerunt unā sub-
stantiam separatam habentem influentiā
super omnes substantias, sed etiam posue-
runt unum ens separatū, quod haberet
influētiā super omnia entia. Posuerunt
etiam ordinem idearum sive deorum se-
cūdū ordinem abstractorum, ita quod
res separatæ, secūdū quod erant ma-
gis abstractæ, maiorem influentiam ha-
bebant, & à pluribus participabantur, &
pauciora participabant, ita quod summè
abstractum nullo modo erat quid causa-
tum, nec quid creatum, nec aliquo par-
ticipabat: sed omnia participabant illud.
Posuerunt autem summè abstractum nō
ipsum ens, sed quid supra ens, ut unum,
& bonum esse. Crediderunt enim unum
& bonum esse latius ente: nam non di-
citur ens, nisi quod est tale in actu; sed
dicitur bonum non solum quod est, sed
quod potest esse: Deum igitur summum
posuerunt platonici esse essentiam unita-
tis & bonitatis. Posuerunt autem ipsum
Deum summum nullo alio participare,
sed quod omnia alia participabant ipso.
Et quia nihil est, quod non participet u-
no & bono, dixerunt nihil esse exclusum,
quod non participet influentiam summi
Dei, post unum autem & bonum, sive
post essentiam unitatis & bonitatis, quam
dixerunt habere universalem influentiā
super omnia entia: huiusmodi autē ens,
sive huiusmodi esse separatū non dixe-
runt esse primum simpliciter; sed dixe-
runt ipsum esse primum inter res creatas
& causatas. Et hunc modum loquendi
imitatus est Author de causis. Cū di-
xit: *Prima rerum creatarum est esse*. Hunc er-
go intellectum sive hunc sensum præten-
dit propositio: licet Auctor in comm.
ab hoc sensu discedat. Nec est mirum,
quod multa prætendunt propositiones
de causis, quibus expositiones nō conso-

Auctor de
causis.
prop. 4.

nant: nam liber ille tractus fuit de libris
platonici: attamen Auctor libri, qui di-
citur fuisse Alpharabius, non secutus est
doctrinam Platonis: propter quod ex ip-
so non semper consonat propositio.

Dicemus ergo, quod cū securi-
dū documentum Platonis inferiora
abstracta semper participant superiora:
ut homo separatus, licet sit essentialiter
homo, est & participativè animal, eò
quod animal est abstractius homine &
supra hominem: & animal separatū, li-
cèt sit essentialiter animal, est tamen par-
ticipatione unum, eò quod unum est ab-
stractius animali, & est super animal. Sic
etiam & unum licet sit essentialiter u-
num, est tamen participative ens, eò
quod esse est supra unum: & ens separa-
ratum, licet sit essentialiter ens est tamen
participativè bonum: sed bonum separa-
tum est quid supremum, quod nullo alio
participabat, ita quod bonum separatū
erat primum simpliciter: esse autem sepa-
ratum nō erat prima res simpliciter; sed
erat prima rerū creatarum & causatarū.
Secundū hanc autē doctrinā, si benè ad-
vertimus, docemur, quod aliter distin-
guuntur materialia, & aliter abstracta.
Imò si volumus magis propriè loqui,
materialia distinguuntur vel ratione for-
mæ & per se, vel ratione materiæ & quo-
dammodo per accidens: abstracta au-
tem, secūdū quod huiusmodi, non
propriè distinguuntur, sed ununtur,
ut quod materialia propter sui imperfe-
ctionem sunt sub esse plurificato; abstra-
cta propter sui perfectionem sunt sub
esse unito. Abstracta igitur, secūdū
quod habent esse magis & magis perfe-
ctum, sic secūdū platonicos habebant
esse magis & magis unitum, ut quia ani-
mal separatū habet esse perfectius, quā
homo separatus, vel quā aliqua alia
species animalis, ideò secūdū plato-
nicos non erat nisi unum animal separa-
tum, licet essent multæ species animalis:
genus ergo non est forma una secūdū
quod habet esse materiale. Rursus, sequē-
do doctrinam platoniorum, genus non
est forma una secūdū quod habet esse
abstractum & imperfectum, sed genus
est forma una secūdū quod habet esse
abstractum perfectum, ut animal mate-
riale, quia est animal imperfectum non
est unum animal, sed sunt multa anima-
lia materialia. Rursus species animalis
se-

separata; utputà, homo separatus & leo separatus non sunt una forma nec unum animal, quia quodlibet horum est animal participativè, & per consequens est animal imperfectum. Leo enim separatus est leo essentialiter, sed est animal participativè: & quia leo separatus est leo perfectus, sed animal imperfectum, non possunt esse multi leones separati. Potest tamen leo separatus dicere aliam speciẽ animalis, quàm homo separatus; animal tamen separatum, quia est animal perfectum & essentialiter, non est nisi unum: in abstractis ergo, quantum ad esse perfectum, forma generis non dicit nisi unam formam.

Quod ergo dixerunt platonici de abstractis secundum esse reale, dicemus nos de speciebus intelligibilibus in Angelis secundum esse repræsentativum: ut sicut ipsi posuerunt in genere esse plures formas abstractas, si habebant esse imperfectum; & unam formam, si habebat esse perfectum, itaque quantum perfectior erat forma, tantò magis unitivè comprehendebat plura, & tantò erat idea communioris generis: sic dicemus nos de speciebus in mentibus Angelorum, quòd quantum superior est Angelus, tantò habet perfectiores species, & tantò species illę sunt pluriù repræsentativę, & perfectiori modo repræsentant illa plura. Sicut enim si essent ideę separata, perfectior esset forma generis, quàm forma speciei, & perfectior esset forma generis superioris, quàm inferioris: sic quia species illę angelicę quędam ideę sunt, quia quędam formę sunt. Ideas enim gręc formas latinè interpretamur, ut dicit Augustinus 83. qq. q. de ideis. Rursus species illę immateriales sunt, ideò multum iuvamur ad intelligendum veritatem circa illas species per ea, quę dixerunt platonici de ideis separatis & immaterialibus. Ex dictis ergo est manifestum, quòd Angelus superior sic cognoscit per universaliorem speciem, quàm inferior, quòd & perfectius & clariù cognoscit omnia repræsentata per illam speciem, quàm inferior per minù universalem: nam modum omninò contrarium habent formę materiales & immateriales, nam formę materiales quantò communiores sunt, tantò imperfectiores; immateriales verò econtrariò, quantò communiores tantò perfectiores. Animal enim, ut habet esse

in materia, est imperfectius, quàm homo, vel quàm aliqua sua species: sed si esset animal separatum esset perfectius qualibet sua specie, cujus ratio est, quia formę materiales, quantò communiores tantò sunt propinquiores materię. Nam materia priùs intelligitur recipere magis universales, & postea minù universales, ut dicit Commentator super 2. Metaph. sed informis abstractis quantò forma est abstractior, tantò simplicior, & tantò Deo propinquior. In rebus ergo materialibus ex communitate fit accessus ad materiã, & ad potentialitatem, sive ad imperfectionem; sed in immaterialibus ex communitate fit accessus ad simplicitatem & actualitatem, & per consequens ad perfectionem. Inde est ergo, quòd quia species intelligibiles in nobis sunt causatę à rebus materialibus, ideò quantò communiores, tantò magis habent quemdam imperfectionis modum: super formam enim communem non possumus intelligere contenta sub illa forma distinctè & in actu, sed confusè & in potentia: ideò Commentator super 12. Metaph. loquens de scientia nostra dicit: *Scire in universali est scire in potentia*. Sed species in mentibus Angelorum non sunt causatę à rebus materialibus, sed ab ideis Divinis: ideò quantò communiores tantò perfectiores, & tantò actualiores, & tantò magis distinctè, & in actu repræsentant omnia objecta. Cùm ergo dicitur, quòd forma generis non est forma una. Verum est sub esse materiali; ac sub esse abstracto, & quantum ad repræsentationem non solum potest esse una forma repræsentativa omnium eorum, quę sunt in aliquo genere, sed etiam potest esse repræsentativa omnium entium: una enim & eadem res, utputa, Divina essentia, quę est una & eadem omninò simplicissima, repræsentativa est omnium entium: attamen tantę repræsentationis non potest esse aliqua res creata, quia quęlibet res creata determinata est ad certum genus & ad certam speciem: ideò nihil tale sufficit ad repræsentandum omnia, quę sunt in omnibus generibus.

Dicemus ergo, quòd tota creatura, sive totum ens creatum non se adæquat Divinę essentię: imò multum deficit ab ea secundum quod res diversimodè deficient à Divina essentia, sic diversimodè relucet, & repræsentantur in ea: ipsa

Formę materiales quantò communiores sunt, tantò imperfectiores, immateriales verò econtrariò quantò communiores, tantò perfectiores. Comm. 12. Meta.

Comm. 12. Meta. cõm. 51.

Sicut platonici de abstractis secundum esse reale, sic nos loqui possumus de speciebus in esse repræsentativo.

D. P. N. Aug. 83. qq. q. 46. de ideis.

Ideæ Divinae sunt ipsa essentia Divina prout diversimodè imitabilis à creatura, & species Angelorū sunt quædam si militudines derivatæ ab ipsis Divinis ideis.

ipsa enim Divina essentia, prout est imitabilis hoc modo ab hac creatura, est repræsentativa hujus creaturæ, prout est autem imitabilis alio modo ab alia creatura, est repræsentativa alterius creaturæ: omnes ergo ideæ in mente Divina sunt una & eadem res omninò simplicissima, quia sunt ipsa Divina essentia, prout à rebus est diversimodè imitabilis: species itaque in mentibus Angelorum sunt quædam similitudines derivatæ ab ipsis ideis Divinis, sive ab ipsa Divina essentia; sed multum deficiunt ab unitate & simplicitate ejus, ideò licet Divina essentia, una & eadem existens, possit omnia repræsentare; una tamen & eadem species angelica intelligibilis non poterit omnia repræsentare: ita quòd omnis intelligentia habet in se plures species: sed quantò intelligentia est superior, tantò magis appropinquit ad ipsum Deum, & tantò magis unitivè recipit in se species, ideò pauciores species habet intelligentia superior, quàm inferior: & si pauciores, ergo universaliiores, quia si superior Angelus haberet pauciores species, & non universaliiores, pauciora cognosceret Angelus superior, quàm inferior, quod esset inconveniens ponere: ergo forma generis est forma una non secundum realem existentiam, sed secundum repræsentationem, inquantum una & eadem species in mente angelica potest omnia, quæ sunt ejusdem generis, repræsentare.

Secunda difficultas facile solvitur.

Secunda autem difficultas de levi tollitur. Nam in abstractione sunt gradus. Si ergo essent colores separati, albedo & nigredo facerent duas formas colorum, & facerent unam formam. Nam si essent colores separati, sicut posuerunt platonici ideas, tunc esset dare albedinè separatam, & nigredinem separatam, & etiam colorem separatum: albedo enim separata esset alia forma coloris à nigredine separata, quia tam albedo, quàm nigredo esset participativè color, & ex hoc esset imperfectus color: sed color ipse separatus non esset nisi una forma coloris, quæ esset essentialiter & perfectè color. Ex imperfectione ergo contingit, quòd abstracta sint plurificata, & ex perfectione quòd sint unita. Forma ergo generis in abstractis esset una, & non una: una quidem si haberet esse perfectum; nō una verò, si haberet esse imperfectum, sic

& in proposito. Nam omnia, quæ sunt unius generis, possunt repræsentari per unam speciem in mente Angeli, & non per unam. Per unam quidem, si species illa habeat esse perfectius, cujus habent esse species in mentibus Angelorum superiorum. Non per unam, si habeant species illæ esse non ita perfectum, cujusmodi esse habent in Angelis inferioribus: quantò ergo illæ species sunt perfectiores, tantò sunt magis unitæ, & sunt plurium repræsentativæ, & per consequens sunt magis universales.

Ad tertiam autem difficultatem aliter responderent platonici, & aliter fortè Phis, & aliter nos; tamen quantum ad radicem eadem quodam modo esset solutio. Nam cum dicitur, quòd ipsum objectum non est unum, eò quòd genus non est forma una. Dicemus, quòd hujusmodi species possunt quadrupliciter considerari, vel secundum se ut sunt quædam formæ, vel ratione subjecti in quo recipiuntur, vel ratione objecti quod repræsentant, vel secundum quod comparatur ad causam suæ originis. Dicemus ergo, quòd hujusmodi species non habent unitatem & diversitatem ex parte objecti: quia non sunt causatæ à rebus, sed habent unitatem & diversitatem ex parte suæ causæ, vel ex parte sui subjecti: imò si volumus propriè loqui, ex parte causæ habent unitatem; ex parte subjecti diversitatem. Nam hujusmodi species derivatæ sunt ab ipsis ideis in mente Divina, quæ sunt una & eadem res simplicissima: unde & hujusmodi species ex sua causa unitatem habent; attamen quia recipiuntur in intellectu angelico, qui valdè deficit à simplicitate Dei, non potest mens angelica in tanta simplicitate, & unitate recipere hujusmodi similitudines, in quanta sunt in mente Divina: ideò ex parte subjecti recipientis deficientis à simplicitate Dei, quod habent hujusmodi species, quædam diversitatem & pluralitatem dicunt: magis ergo & minus deficiunt Angeli à simplicitate Dei. Et quia Angeli superiores plus participant de simplicitate Dei, quàm inferiores, ideò (ut sæpè dictum est) magis unitivè recipiunt tales species: propter quod, ut dicebatur, habent pauciores species, & per consequens universaliiores. Ratio ergo procedebat ac si ex objecto & ex ipsis rebus repræsentatis haberent

Ad tertiam difficultatem solvitur.

Species intelligibiles Angelorum ex parte causæ habent unitatem, & ex parte subjecti diversitatem.

tales species unitatem & diversitatem : quod si sic poneremus , oporteret nos ponere tales species ex ipsis rebus creatas esse: nam per idem esse est aliquid ens & unum, ut probatur in 4. *Metaph.* Cum ergo tales species non habeant à rebus entitatem, quia non sunt à rebus causatæ, non habebunt ab eis unitatem: secundum ergo unitatem & diversitatem rerum representatarum non debemus arguere unitatem & diversitatem talium specierum: sic ergo solveremus nos ad difficultatem tactam. Plato tamen fortè aliter solveret, quia aliter loqueretur de origine, & causa talium specierum. Posuit enim Plato ideas per se existentes, ut ab illis ideis diceret derivatas esse species in mentibus Angelorum. Phus verò fortè poneret, quod in prima intelligentia derivatæ essent species à formis in mente Dei. Nam omnia, quæ videmus in rebus naturalibus, diceret Phus provenire ex arte principali, quæ est ipsius Dei: ut planè dicit Comment. supra 12. *Meta.* In illa ergo arte principali sunt omnia ista representata, quod non esset, nisi ibi essent similitudines omnium istorum: ab istis ergo ideis diceret fortè Phus derivatas esse species in prima intelligentia, postea autem à speciebus existentibus in prima intelligentia posuisset fortè derivatas fuisse species in secunda. Nos autem omnes huiusmodi species derivatas ponimus ab ipsis ideis Divinis: ab una ergo & eadem re simplicissima, ut ab ipsa Divina essentia, derivatæ sunt omnes tales species, sed quòd sic sint plurificatæ, hoc est ex parte recipientiam deficientium à simplicitate Dei. Nos ergo, Plato, & Phus diversimodè loqueremur de causalitate & origine harum specierum: attamen qualitercumque causentur semper erit eadem solutio huius difficultatis, videlicet, quòd unitas talium specierum non sit accipienda ex parte rerum representatarum, sed ex parte suæ causæ à qua tales species fluunt, vel à parte subjecti in quo recipiuntur.

Solutis difficultatibus, quæ possent oriri ex parte universalitatis specierum, volumus narrare difficultates, quæ possent contingere ex parte paucitatis earum, & solve ad difficultates illas. Sunt autem huiusmodi difficultates duæ, videlicet, quòd sit devenire ad Angelum, qui intelligat omnia per unam speciem, & etiam

quòd sit devenire ad Angelum, qui omnia intelligat per suam essentiam. Nam si Angeli superiores habent pauciores species, quàm inferiores, oportet tales species finitas esse: nam quæ sunt pauciora aliquibus, oportet illa pauciora finita esse, nam infinito nihil est majus: si ergo essent infinita, non essent pauciora, nec possent ab aliquo numero excedi: sed in quocumque numero finito est dare statum ex parte descensus, quia est devenire usque ad unitatem: cum ergo Deus semper possit facere Angelum superiorem, semper superiorem; si superior habet pauciores species, quàm inferior, erit devenire ad aliquem Angelum, qui non intelligeret nisi per unam speciem, quod est inconveniens: quia tunc ille Angelus non esset quid determinatum ad aliquod genus, postquam posset recipere in se talem speciem, & talè perfectionem, quæ esset sufficiens representare omnia genera.

Secunda autem difficultas circa hoc est, quia cum deveniret ad Angelum, qui intelligeret omnia per unam speciem: cum Deus adhuc posset facere alium Angelum superiorem, ille Angelus superior intelligeret simpliciori modo: non ergo intelligeret per speciem additam, sed omnia intelligeret per suam essentiam, quod est proprium ipsius Dei. Posset autem & circa hanc materiam tangi tertia difficultas, videlicet, quòd cum deveniret ad Angelum intelligentem omnia per suam essentiam: quia adhuc Deus posset facere Angelum superiorem & simpliciorum, consequens esset, quòd ille Angelus intelligeret simpliciori modo, quàm sit intelligere omnia per suam essentiam: propter quod conscriptus esset, quòd ille Angelus intelligeret simpliciori modo, quàm Deus, sed omnes hæ difficultates unam radicem habent.

Propter quod sciendum, quòd si vellemus tenere positionem illam, quòd sit dare Angelum ita supremum, quòd non possit creari alius Angelus eo superior (sicut quidam ponunt) leve essetolvere omnes difficultates tactas. Diceremus enim, quòd omnes huiusmodi difficultates accipiunt falsa, & peccant in materia. Supponunt enim quòd semper possit creari Angelus superior semper superior: quod hæ positio negat, sed huic positioni

Prima quia deveniretur ad Angelum, qui intelligeret omnia per unam speciem.

Secunda, quòd etiam esset devenire ad Angelum, qui intelligeret per essentiam suam.

Suppositio- ne admissa, quòd possit creari Angelus ita supremus, quòd dabilis non esset superior illo, facile solvuntur difficultates prædictæ, sed eam non admittimus.

4. *Metaph.*
comm. 3.

Comm. 12.
Metaph.
comm. 18.

Duæ difficultates ex parte paucitatis specierum.

sitioni nō assentimus: credimus enim verum esse, quod semper Deus possit facere Angelū superiorē, semper superiorē, propter infinitā distantia inter quālibet creaturam & Deum. Habet enim creatura statum in infimo, sed non in supremo: est enim dare creaturam aliquam ita infimā, quod nō est dare inferiorem ea, siue loquamur de creatura omnium generaliter, siue de creatura specialiter in aliquo genere. Nam omni creatura inferior est materia prima, ita quod infra materiam primam nihil esse potest: est enim materia prima medium inter ens & nihil, ita quod immediate se habet ad utrumque. Si enim ascendamus supra, statim erimus mente in actu, si descendamus infra, statim erimus in nihilo. Quid enim est supra materiam, id est, supra potentiam puram, oportet, quod sit ens in actu: quia quod non dicit potentiam purā, aliquam actualitatem importat. Sic etiam quod est infra materiā, est infra potentiam purā: quod ergo est tale neque est quid actu, nec quid in potentia, ergo est nihil. Est itaque in rebus creatis generaliter dare statū in infimo. Sic etiā & in aliquo genere specialiter possemus dare statū in infimo, utputā, in genere intelligibilem. Dicemus, quod intellectus humanus est quasi materia prima in genere entium, nā sic videtur habere se intellectus noster ad sensibilia sicut materia prima ad nihil. Sicut enim infra materiam statim sumus in nihilo, sic infra intellectum humanum statim sumus in rebus sensibilibus; sed in supremo nec in genere intelligibilem, nec universaliter in ente, in rebus creatis est dare statum nisi secundum actualem existentiam; nō autem secundum possibilitatem creandi: est enim dare actu aliquem Angelum ita supremum, quod nullus superior, licet non posset creari aliquis Angelus ita supremus, & ita simplex, quin posset creari alius superior & simplicior: nam ex hoc est simplicior & superior unus Angelus alio, quia est Deo propinquior & similior: cum ergo nunquam possit esse tanta similitudo inter Deum & Angelum, quin sit ibi maior dissimilitudo, nunquam poterit aliquis Angelus creari ita Deo similis, quin possit creari alius similior. Quod ergo dicit Aug. 11. de Confes. quod duo fecit Deus, unū prope se, aliud prope nihil. Prope se fecit an-

gelicam mentem, prope nihil fecit materiam informem. Referendum est hoc non ad hunc Angelum vel ad illum, sed ad totam angelicam naturam. Inter enim angelicam naturam secundum naturę ordinem & Deum non est aliquod medium, nec esse potest, sicut nec inter materiam informem & nihil. Sed si referamus hoc ad hunc angelū vel ad illum, nullus Angelus est nec esse potest, inter quem & Deum non sit aliquis Angelus medius, vel esse possit: quia nullus Angelus creatus est ita sublimis secundum naturam, nec ita Deo propinquus, nec creari posset, quin posset alius creari secundum naturam sublimior, & Deo propinquior. In toto ergo ente creato non est dare aliquam creaturam secundum naturam ita sublimem, quin posset creari sublimior: nec etiam in genere intellectualium est dare aliquem intellectum siue aliquem Angelum secundum naturam ita sublimem, quin posset creari sublimior. Vtrum autem in aliquo genere sit dare statum in supremo, ut utrum in aliquo genere sit dare aliquam speciem ita sublimem, quod non possit in illo genere reperiri species sublimior, non est presentis speculationis: nam forte in genere animalium corruptibilium non posset produci species sublimior homine, quia forte non esset dare, nec posset produci aliquis intellectus secundum naturam conjugibilis corpori corruptibili, nisi talis intellectus teneret infimum gradum in genere intelligibilem, & esset quasi materia prima in genere entium: talis ergo intellectus haberet eundem gradum in genere intelligibilem cum intellectu humano. Cum ergo formę sint sicut numeri, & duę formę differentes specie non habeant eundem gradum in entibus, sicut nec duo numeri specie differentes habent eundem gradum in genere numerorum, talis intellectus nō differret specie ab intellectu humano. Sed circa hoc diutius insistere non spectat ad questionem presentem: sufficiat autem ad presens scire, quod in genere Angelorum non est dare aliquem Angelum ita sublimem, quin posset alius creari sublimior, alia ergo via solvendę sunt difficultates tacite.

Advertendum est igitur, quod de perfectione entium est vario modo loquendum. Nam aliqua sunt perfectionis

In rebus creatis est dare statum in infimo, sed non in supremo

Non est re in ente creatum secundum naturam sublimem quod est possit creari sublimior

simpliciter, aliqua autem perfectionis in hoc, ut in corporalibus, secundum Co-
 mentatorem in libro Physicorum, cres-
 cente corpore crescit & virtus : perfe-
 ctior ergo est virtus in magno igne, quā
 in parvo : magnitudo tamen quantitati-
 va non est perfectionis simpliciter: perfe-
 ctionis enim simpliciter in virtute est,
 quod virtus sit simplex, & quantō sim-
 plicior, tantō perfectior. Sic etiam in re-
 bus animatis perfectionis est habere mul-
 tas potentias, ut homo, qui est perfectis-
 simus omnium animatorum corporū,
 habet plures potentias, quā omnia alia
 animalia, & etiam quā plantæ: & ani-
 mal secundum locum motivum habet
 plures potentias, quā sensitivum; &
 sensitivum plures potentias, quā vege-
 tativum : attamen consequi finem per
 plura non est perfectionis simpliciter, li-
 cēt possit esse perfectionis in hoc. In An-
 gelis autē ubi magis inveniuntur ea, quæ
 sunt perfectionis simpliciter, in superio-
 ribus Angelis reperitur paucitas, & in in-
 ferioribus pluralitas : licēt ergo hic &
 ibi sit dissimilitudo, tamen per ea, quæ vi-
 demus in potentiis animatorum, possumus
 aliquomodo investigare, quid dicē-
 dum sit de speciebus angelicis. Nam quia
 nota est nobis natura sensibilis sive natu-
 ra corruptibilium animatorum, si quæ-
 reretur a nobis, utrum in uno animato
 sint plures potentiæ, quā in alio? Sta-
 tim responderemus, quod sic. Dicere-
 mus enim, quod animata excedunt se
 invicem secundum potentias; ita quod
 in uno animato sunt plures potentiæ,
 quā in alio : ita si esset nobis nota na-
 тура angelica, statim appareret nobis,
 quod in uno Angelo essent plures species,
 quā in alio; econtrariō cum se habet
 pluralitas hic & ibi: nam quantō ani-
 matum est perfectius, tantō habet plures
 potentias, & quantō imperfectius pau-
 ciores: in Angelis autem quantō Ange-
 lus est superior, tantō habet pauciores
 species, & quantō inferior plures.

Si ergo argueretur cōtra nos: quan-
 tō animatum est perfectius, tantō habet
 plures potentias, & quantō imperfe-
 ctius pauciores: & quia potest Deus sem-
 per facere animatum imperfectius sem-
 per imperfectius: erit ergo devenire ad
 aliquod animatum ita imperfectū, quod
 non habebit aliquam potentiam animæ,
 ita quod huiusmodi animatū erit otio-

sum, vel si habebit op̄ationem aliquam,
 non operabitur operationem illam per
 animæ potentiam, sed per suam essen-
 tiam. Sic etiam ex parte alia: si argueretur,
 quod semper potest Deus facere ani-
 matum perfectius, semper perfectius, er-
 go nunquam poterit animal habere tot
 potentias, quin possit habere plures, sta-
 tim pateret solutio ad tales objectio-
 nes. Diceremus enim, quod perfectius
 animatum sive animal perfectius habet
 plures potentias, sed nō secundū quam-
 libet maiorē perfectionē habet esse plu-
 ralitas potentialiū, sed quando est tanta
 perfectio, quod collocat animatum in alio
 genere, sive in alio gradu: nā ipsa ve-
 getativa se cedūt adinvicē secundū per-
 fectionem, attamen unum vegetativum
 non habet plures potentias quā aliud;
 attamē si sit animatū ita perfectius vege-
 tativo, quod iam non sit in genere vege-
 tativorum, sed sit sensitivum, tunc ha-
 bebunt plures potentias, quā vegetativū
 & secundū locum motivum plures,
 quā sensitivum. Attamen ipsa anima-
 lia motiva secundū locum, licēt unum
 sit nobilius alio, unum non habet plures
 potentias, quā aliud: non ergo quælibet
 nobilitas in rebus animatis plurificat
 potentias, sed quando est tanta nobilitas,
 quod collocat animatum in genere alio
 vel in alio gradu. Dato ergo quod
 semper posset Deus facere animatum im-
 perfectius, & semper perfectius; non
 tamen oporteret, quod illud animatum
 haberet pauciores potentias, quā ali-
 quod animatum nunc existens: nam ge-
 nera animatorum sunt determinata:
 quantumcunque ergo fieret animatum
 perfectius vel imperfectius, quā aliud
 animatum, vel esset vegetativum, vel
 sensitivum, vel secundū locum moti-
 vum vel intellectivum; si esset vegetati-
 vum haberet tot potentias, quot habent
 vegetativa, sed haberet eas nobiliores, si
 esset nobilius, quā aliquod vegetativū
 nunc existens, vel haberet illas potentias
 ignobiliores, si esset ignobilius. Et quod
 dictum est de vegetativo, intelligendum
 est de alijs gradibus animatorum. Nam
 si illud animatum de novo creatum esset
 sensitivum, vel secundū locum moti-
 vum, vel intellectivum haberet po-
 tentias plures vel pauciores secundū
 gradum animatorum, in quo constitue-
 retur.

Solvitur.

Nō quælibet
 nobilitas
 in animati
 multiplicat
 potentias,
 sed quæ col-
 locat ani-
 matum in alio
 genere,
 vel gradu.

Quantō An-
 gelus est
 perfectior,
 tantō habet
 pauciores
 species: &
 quantō ani-
 matum est
 perfectius,
 tantō magis
 habet plures
 potentias.

Difficultas.

Dicimus autem, quod dato, quod posset fieri semper animatum perfectius præter intellectivum: nam alij gradus animatorum, ut vegetativum, sensitivum, & secundum locum motivum non sunt punctales: imò habent magnam latitudinem: propter quod fortè videretur alicui non esse inconveniens, quod in quocumque tali gradu posset fieri animatū semper nobilius: & semper ignobilius, ac sēper ignobilius: sed intellectivū videtur cōsistere in esse pūctali, quia animatū intellectivū tenet infimū gradum in genere intelligibilium, & est sicut materia prima in genere entium: propter quod in tali gradu non est nisi una species, videlicet homo, & sicut animata distinguuntur per hujusmodi genera si-
ve per hujusmodi gradus, sic & Angeli distinguuntur per Hierarchias & per ordines, ita quod illi, qui sunt de superiori Hierarchia, vel de superiori ordine, habēt simpliciorē naturā & magis deiformē quā qui sunt de inferiori: posset ergo Deus facere Angelum semper superiorē, vel semper inferiorē: sed Angelus productus pertineret ad aliquam Hierarchiā, vel ad aliquem ordinem, sicut animatum esset in aliquo gradu animatorum. Pro-
ut ergo Angelus de novo productus per-
tineret ad aliquam Hierarchiam vel ad aliquem ordinē, si haberet plures vel pauciores species secundum Hierarchiam vel ordinem ad quem pertineret. Cum ergo dicimus, quod Angeli superiores habent universales & pauciores species, quā inferiores, non est referendum hoc ad quamlibet superioritatem; sed quando est tanta superioritas, quod variat ordinem, vel quod mutat Hierarchiam: quælibet enim superioritas facit, quod habeat nobiliores species, sed non quod habeat pauciores, sicut in rebus animatis quælibet major nobilitas facit, quod habeat perfectiores potentias: quia quantò animatum est nobilius, tantò sunt perfectiores ejus potentie; non tamen quælibet nobilitas facit, quod habeat potentias plures, nisi esset tanta nobilitas, ut dicebatur, quod constitueret animatum in alio gradu. Secundum hoc ergo aliquid possumus conjecturari de
distinctione Hierarchiarum & etiam ordinum: nam fortè Hierarchiæ distinguuntur per paucitatem & pluralitatem specierum. Dicimus autem fortè, quia

nihil pertinaciter est hic asserendum: possumus autem in quadam generalitate dicere de Angelis, quod sunt producti secundum determinata genera, ita quod nullus de novo crearetur Angelus, quin esset in aliquo genere cum ipsi productis: sicut producta sunt animata secundum determinatos gradus, ita quod nullum de novo crearetur animatum, quin esset in aliquo gradu cū animatis productis, vel quin esset vel vegetativū, vel sensitivum, vel secundum aliquem alium talem gradum: non est enim credibile, quod in universo deficiat aliquod genus Angelorum. Secundum ergo diversitatem talium generum accipitur pluralitas & paucitas specierum, talia genera non sunt infinita, imò sunt determinata numero: est enim devenire ad aliquod genus Angelorum, in quo genere Angeli existentes ita intelligerent per paucas species, quod non posset fieri aliquod genus superius eo, in quo Angeli existentes intelligerent per pauciores, posset Deus semper facere nobiliorem Angelū, & Angelus productus semper posset habere nobiliores species, & semper clariùs intelligere: non tamen pertineret ad aliud genus, nec haberet species pauciores. Et sic fortè intelligendam est dictum quorundam magnorum, quod potest fieri Angelus, ita supremus, quod non posset fieri superior ut referatur hoc non ad ipsum Angelum secundum se, sed ad ipsum genus: quia est aliquod genus Angelorum ita supremum, vel posset fieri ita supremum, in quo Angeli existentes, ita intelligerent per paucas species, quod non posset fieri aliud genus Angelorum superius, nisi Angeli existentes intelligerent per species pauciores. Possumus ergo in quadam generalitate dicere, quod sicut animata hæc sensibilia distinguuntur per certos gradus, & in alio & alio gradu est dare plures & pauciores potentias: sic & Angeli distinguuntur secundum quædam determinata genera, & secundum aliud & aliud genus est dare plures & pauciores species: utrum autem secundum talia genera accipiatur distinctio Hierarchiarum & ordinum? Ignoratum est nobis aliqua conjecturari de distinctione Hierarchiarum, ordinum, & etiam Angelorum: nam excepto intellectivo, siue excepto homine, possumus dicere, quod animata tripliciter distingui-

Conjectura
de distin-
ctione Hierarchiarum,
& ordine
Angelorū.

guuntur. Primò per habere plures po-
tencias & pauciores. Secundò per parti-
cipare superiora, & deficere, & medio
modo se habere. Tertiò per habere mo-
do nobiliori & ignobiliori suas perfe-
ctiones.

Secundùm primam distinctionem,
videlicet, per habere plures potentias &
pauciores est triplex genus animatorum,
videlicet, vegetativum, sensitivum, & se-
cundùm locum motivum: quartum au-
tem gradum, videlicet, intellectivum,
jam exclusimus: hæc autem tria genera
animatorum distinguuntur per habere
plures potentias & pauciores: quia se-
cundùm locum motivum habet plures
potentias, quàm sensitivum; sensitivum
autem plures, quàm vegetativum. Se-
cundùm autem secundam distinctionem,
ut per participare superiora, & deficere,
& medio modo se habere, possumus di-
cere, quòd in quolibet tali genere sunt
tres gradus. Nam in genere vegetativo-
rum sunt tres gradus: quia quædam ve-
getativa, ut perfecta, participant condi-
tiones superiorum, videlicet, animalium:
nam quædam plantæ habent distinctum
masculinum & foemeninum, in quo par-
ticipant conditiones animalium: unde
& expertum est, quòd cùm tales plantæ,
in quibus distinguitur masculinum & foe-
meninum, si simul plantentur melius
fructificant: quædam ergo plantæ parti-
cipant conditiones animalium, quædam
autem ab huiusmodi participatione om-
ninò deficiunt: quædam autem medio
modo se habent: sic & in ipso sensitivo
quædam sensitiva, quæ non propriè sunt
secundùm locum motiva, participant ta-
men quid de secundū locū motivo: quia
movetur motu dilatationis & cōstrictionis,
sicut apparet in ostreis marinis; quædam
autem ab hoc omninò deficiunt, ut est
quoddam genus fungorum: quidam e-
nim fungi sunt, qui creduntur omninò
plantæ, attamen expertum est, quòd sen-
tiunt: quia si velociter accipiuntur, ita
quòd non sentiant suam captionem, fa-
cilius evelluntur; si autem pederentim
capiuntur, ita quòd præsentiant suam
captionem, difficilius evelluntur. Ta-
lia ergo sensitiva quasi omninò deficiunt
à secundùm locum motiva; quædam au-
tem medio modo se habent, sic, & se-
cundùm locū motiva; quædam videntur
esse prudentia, propter quod videtur ali-

B. Egid. Colum. Rom.

quid participare de conditione intel-
lectivorum; quædam autem sunt stollida
omninò, ab hac participatione deficiē-
tia; quædam autem medio modo se ha-
bent.

Secundùm autem tertiam distinc-
tionem, ut secundùm habere nobiliori mo-
do vel ignobiliori suas perfectiones, sic
in quolibet tali gradu possunt esse multe,
& quasi innumerabiles species: quia mul-
tæ sunt species plantarum participant
conditiones animalium, & multæ ab
hac participatione deficientes, & multæ
medio modo se habentes. Sic etiam & in
aliis generibus, ut in sensitivo, & in secū-
dùm locum motivo, possumus distin-
guere tres gradus, videlicet, supremum,
medium, & infimum, & in quolibet
gradu erunt multæ species. Sicut ergo
ita animata (excepto intellectivo) distin-
guuntur secundùm tria genera, ut secun-
dùm vegetativum, sensitivum, & secun-
dùm locum motivum: & in quolibet ge-
nere est assignare tres gradus; & in quo-
libet gradu sunt multæ species: sic & in
Angelis est distinguere tres Hierarchias,
& in qualibet Hierarchia tres ordines: &
in quolibet ordine sunt multæ species
Angelorum. Et sicut in istis rebus anima-
tis est assignare triplicem distinctionem,
quarum prima est per habere plures &
pauciores potentias, & hoc facit magnā
diversitatem: secunda distinctio est par-
ticipare superiora, & deficere, & medio
modo se habere: vel secunda distinctio
est secundùm æquales potentias tenere
supremum gradum, medium, & infimū:
& tertia est per habere modo nobiliori
& ignobiliori suas perfectiones, ita quòd
prima distinctio dividit animata per ge-
nera remota, secunda per genera propin-
qua, tertia per species specialissimas: sic
& in ipsis Angelis una distinctio est per
habere plures & pauciores species: alia
secundùm æquales species tenere supe-
riorem, vel inferiorem, vel mediū gra-
dum; & tertia secundùm quemcumque
gradum participare nobiliori modo, vel
minùs nobili suas perfectiones. Vtrum
autem prima distinctio faciat Hierar-
chiam, secunda ordines, & tertia species
Angelorum in eodem ordine, non pos-
sumus certitudinè habere. Attamen cer-
tū est, quòd prima distinctio dividit Ange-
los per genera magis remota, secunda per
genera magis propinqua, tertia per spe-
cies

Tertia di-
stinctio pro-
pter habere
nobiliori,
& ignobili-
ori modo
suas perfe-
ctiones.

Tres distin-
ctiones ada-
ptantur ad
Hierar-
chias.

D. Dionys.

cies specialissimas : unde & in eodem ordine unus Angelus perfectiori modo participat perfectiones suas, quàm alius, & intelligere perfectiori modo quàm alius. Vnde Dionysius in eodem ordine ponit aliquos esse superiores, aliquos inferiores. In eodem enim ordine unus illuminat alium, unus eòim Seraphim clamat ad alium petens doceri ab alio. Cum ergo dicitur, quòd si Angeli superiores intelligunt per pauciores species: ergo si semper fieret Angelus superior, semper intelligeret per pauciores species, patet, quòd non quælibet superioritas minuit species, sed quando est tanta superioritas quòd collocat ipsum in alio genere. Semper enim posset fieri nobilius vegetativum, semper nobilius, nec propter hoc haberet plures potentias, quàm aliud vegetativum; sed haberet eas nobiliori modo: sic & in proposito se habet, ut est diffusius declaratum.

Postquam solvimus ad difficultates tam ex parte universalitatis specierum, quàm ex parte paucitatis, volumus adducere rationes ad propositum, quòd Angeli superiores intelligant per universaliores species quàm inferiores. Sciendum ergo, quòd Auctor de causis quasi adducit ad hoc quatuor rationes. Nam Angelus est quid medium inter Deum & ista corporalia: poterit ergo considerari Angelus, vel ut cõparatur ad Deum, vel ut comparatur ad ista sensibilia, vel ut consideratur secundum se, & hoc dupliciter, quia in se est quædam substantia pollens intellectuâli lumine: secundum se ergo poterit considerari, & quantum ad substantiam, quam habet simplicem, & quantum ad lumen, quod habet clarum: secundum hoc ergo sumuntur quatuor rationes, quòd Angeli superiores intelligant per universaliores species.

Quatuor rationes, ut Angeli intelligant per universaliores species.

Prima ratio.

Quarum prima sumetur ex eo, quòd superiores Angeli sunt à potentialitate, & ab istis sensibilibus remotiores. Secunda ex eo, quòd sunt Deo propinquiore. Tertia ex eo, quòd sunt in essentia simpliciore. Quarta ex eo, quòd secundum lumen sunt magis puri & magis clari. Prima sic patet: nam ex potentialitate recipientis, procedit recipere res contrariè & particulariter: & ideo materia propter nimiam potentialitatem, quam habet, solum hic & nunc & omninò particulariter recipit formas, sic etiam &

sensus, quia est virtus organica, & omninò particulata, hic & nunc particulariter recipit species: intellectus autem noster possibilis, quia non est virtus organica, & est à materia separatus, recipit species universaliter: ergo & ipsi Angeli, quia sunt magis à materia & ab ipsis sensibilibus separati, adhuc magis recipient species universaliter. Et quia inter ipsos Angelos est magna distantia, quia quidam sunt valde superiores aliis, oportet, quòd illi habeant species magis universales, quàm alij: sensus ergo cognoscit per species rerum particularium; intellectus autem, quia superior, perfectè cognoscit per species specierum specialissimarum: quando enim intellectus noster stat in specie generis, non habet perfectam cognitionem de rebus, sed cognoscit res sub modo confuso: sua autem perfecta cognitio est per speciem speciei specialissimæ, & hac est infima cognitio in genere intellectuâlium, videlicet, non perfectè cognoscere res nisi per species specierum. Angeli autem, quia magis sunt immateriales, & plus habent de intellectuâlitate, ideo credibile est, quòd omnes cognoscant per speciem generis: nam cum nullus Angelus sit infimus in genere intelligibilium, nulli competet, quòd non intelligat perfectè nisi per speciem speciei, quod est infimum intelligere: omnes ergo intelligunt per speciem generis; sed superiores, tanquam magis à potentialitate separati, intelligunt per speciem generis altioris; inferiores autem per speciem generis inferioris.

Secunda via ad hoc idem sumitur ex eo, quòd superiores sunt Deo propinquiore. Deus enim per unam & eandem simplicissimam, ut per essentiam suam, cognoscit omnia: omnes enim ideo in Deo sunt una & eadem res simplicissima, ipsa, scilicet, Divina essentia; ab huiusmodi autem ideis, quæ sunt una res simplicissima, ut superius diximus, causantur species derivatæ in mentibus Angelorum; attamen quia (ut dicebatur) Angeli multum deficiunt à simplicitate Dei, non possunt huiusmodi species in tanta unitate & simplicitate recipere, quòd per unum & idem realiter omnia cognoscant: sed cum superiores sint deiformes, licet non habeant species ita unitivè, sicut unitivè sunt ideo in Deo, attamen quia sunt deiformiores

Secunda ratio.

res, & plus participant de modo perfectionis Divinæ, idè recipiunt species magis unitivè, & per consequens habent pauciores species, quàm inferiores: & si pauciores, ergo universales.

Tertia via sumitur ex simplicitate essentia ipsorum superiorum: nam omne, quod recipitur in aliquo, recipitur secundum modum rei recipientis: igitur cum ipsa essentia Angelorum superiorum sit valdè simplicior, quàm inferiorum, consequens est, quod modo magis simplici & magis unitivè recipiat, quod fieri non posset, nisi per pauciores species intelligeret superior, quàm inferior: & si per pauciores, ut supra diximus, ergo per universales.

Quarta & ultima via sumitur ex parte ipsius luminis: nā Angeli superiores habent lumen clarius, & efficacius, quàm inferiores: Angeli enim superiores cōparantur ad inferiores, quasi sicut homines subtiles ad homines grossos: unus enim homo subtilis intelliget in uno verbo, quod nō poterit unus grossus intelligere in decem: hominibus enim grossis oportet multū multiplicare verba, & multas circūlocationes facere, ut possint aliquid intelligere. Sic & Angelus superior plus abundans in lumine, & in perspicuitate intellectus, intelliget in uno conceptu, & in una specie, quod non poterit intelligere Angelus inferior in multis conceptibus & per multas species. Vnde & Dionysius de angelica Hierarchia capitulo ultimo (ut supra diximus) dicit Angelos habere dentes, quia dividunt conceptus, & species. Sicut enim nutrix masticat cibum & dividit, quia non posset integrum masticare puer: sic Angeli superiores dividunt suos conceptus, & ostendunt inferioribus per multos conceptus, quod ipsi intelligant in uno conceptu. Inferiores enim quia nō possunt totum conceptum superiorum simul capere, oportet, quod huiusmodi conceptus eis dividatur per plures partes: habent ergo superiores Angeli universales conceptus, & intelligunt per species universales.

Advertendum tamen, quod hæc quatuor rationes, secundum quas arguimus superiores Angelos habere universales species, quàm inferiores, videlicet, quia hoc arguimus per magis distantes, re à sensibilibus, & per magis appropin-

quare Deo, & per habere essentiam magis simplicem, & lumen magis clarum, nō sunt accipiendæ tales rationes secundum quodcumque magis: non enim quælibet major claritas luminis, nec quælibet major simplicitas essentia, nec quælibet major propinquitas Deo, vel lōginitas à sensu facit Angelum habere universales species; sed quādo notabiliter est tanta majoritas, quod collocat Angelum notabiliter in excellentiori gradu.

Respond. ad arg. Ad 1. dicendum, quod solutio patet per jam dicta, quod non quælibet superioritas facit Angelum intelligere per pauciores species. Nam (ut dicebatur) sicut in genere animatorum unum animatum habet plures potentias, quàm aliud, & dato, quod Deus semper faceret novum animatum, semper novum animatum, nunquam tamen esset devenire ad aliquod animatū, quod non haberet plures potentias animales: sic in genere Angelorum, unus Angelus intelligit per plures species quàm alius, dato tamen, quod Deus semper faceret novum Angelum, nunquam tamen esset devenire ad aliquem Angelum, qui non intelligeret per plures species. Ad 2. dicendum, quod genus non est forma una secundum esse; tamen, ut patuit in solvendo, genus potest esse forma una secundum representationem: quia una species in Angelo potest representare omnia, quæ sunt ejusdem generis. Ad 3. dicendum, quod, ut diximus in solvendo, non est idem modus formarum universalium materialium & abstractarum: quia formæ materiales quantò universales tantò imperfectiores; abstractæ autem è converso; & quia species in mentibus Angelorum sequuntur modum formarum abstractarum, idè quantò universales tantò perfectiores, & magis perfectam cognitionem faciunt: Angelus ergo quantò superior, & quantò per universales species cognoscit, tantò perfectius, & magis distinctè, & magis clarè cognoscit. Ad formam autem arguendi, quomodo possit per speciem animalis cognosci distinctè homo, in sequenti quæstione patebit: ubi ostenderetur, quomodo Angelus per species universales possit habere distinctam cognitionem de particularibus. Ad 4. dicendum, quod id, quod intelligit Angelus superior per

Et si genus non est forma una secundum esse; potest esse una forma secundum representationem.

unam speciem, intelligunt Angeli inferiores per plures species, utputà, quod Angelus superior intelligat per speciem animalis simpliciter, Angelus inferior per speciem animalis volatilis, alius Angelus inferior per speciem animalis aquatici: hæc enim & plura intelligit Angelus superior per unam speciem, ut per speciem animalis, quã intelligant duo Angeli inferiores per plures species, ut per speciem animalis volatilis, & per speciem animalis aquatici: quia plura continentur sub animali solum, quã sub volatili, & aquatico simul. Et quia arguitur, quia tunc Angelus superior cognosceret plura ut plura, dici debet, quod duo Angeli inferiores per duas species cognoscunt plura ut plura: sed hoc est per plures conversiones, quia nõ est eadẽ conversio, per quam convertit se hic Angelus super hanc speciem, & ille alius super aliam speciem. Sic & Angelus superior potest cognoscere per unam speciem plura ut plura per plures conversiones, ut convertendo se super speciẽ animalis, ut representat volatile, cognosceret volatilia, & quæ competunt volatilibus, ut sunt volatilia: & convertendo se super eadẽ speciem, ut representat aquatica, cognosceret aquatica, & quæ cõpetunt aquaticis, ut aquatica: & sic per unam speciem per plures tamen conversiones non est inconueniens, quod cognoscat plura ut plura. Ad 5. dicendum, quod continere aliqua formaliter potest contingere dupliciter, vel realiter & secundum esse: & sic in solo Deo reservantur perfectiones omnium generum: solus enim Deus potest sine adminiculo alterius agere actiones omnium rerum: ut potest calefacere sine igne, & infrigidare sine adminiculo aliqujus corporis frigidis: sed intentionaliter & secundum representationem non est inconueniens, quod in aliis à Deo, utputà, in Angelis habeant res esse formaliter, prout species, quas habent Angeli apud se, res formaliter & actualiter representant. Ad 6. dicendum, quod ordo est uniformis multitudo spirituum: quia quicumque Angeli sunt in aliquo uno ordine, oportet, quod habeant aliquam uniformitatẽ. Vel possumus dicere, quod licet in omnibus Angelis sit ordo, non tamen in omnibus est idem ordo, nec omnes sunt unius & ejusdem ordinis: ideo qui sunt in superiori ordine, habent

A magnam difformitatẽ ab his, qui sunt in inferiori, & possunt intelligere per pauciores, & per universales species, quã illi. Ad 7. dicendum, quod inferiora se habent per informationem ad superiora, & specialiora sunt perfectiora, quã communiora secundum esse, quod habent in materia: unde vivere se habet per informationem ad esse, & est perfectius, quã esse: intelligimus enim, quod esse prius recipiatur in materia, & sit perfectio materiæ: & postea in materia habente esse intelligimus, quod recipiatur vivere, ita quod vivere se habebit, ut perfectio respectu ipsius esse: quia semper receptivum se habet, sicut materia, & sicut perfectibile: ipsum autem receptum se habet sicut forma & sicut perfectio: vivere ergo, quod recipitur in materia jam habente esse, se habebit sicut forma, & sicut perfectio respectu materiæ, & etiam respectu ipsius esse: attamen oportet talia solum secundum modum intelligendi veritatem habere, quod vivere & esse in eodem non differunt realiter, sed solum secundum modum intelligendi: vivere enim in viventibus est ipsum esse, ut vult Phis in libro *de Anima*. Sic ergo est in formis materialibus, sed in abstractis, ut pluries diximus, est e converso: nam si esse & vivere haberent esse separatum (ut posuerunt platonici) esse esset multo perfectius, quã vivere: & quia, ut diximus, species in mentibus Angelorum tenent modum formarum abstractarum, & non materialium: ideo Angeli cognoscentes per formas universales habent cognitionem perfectiorem, non imperfectiorem. Ad 8. dicendum, quod species in mentibus Angelorum superiorum sunt simpliciores in se, sed sunt multiplices secundum representationem: quia quanto aliquid est in se simplicius, tanto est plurium representationum: ideo dicitur Sap. 7. *Spiritus intelligentiæ Sanctus, unicus, multiplex*. Unicus in essentia, multiplex in effectibus: quanto enim species est in se simplicior, tanto est actualior & formalior, & plurium representativa: imò ipsa Divina essentia, quæ est omnino simplicissima est infinito-

rum repræ-
sentati-
va.

Q U Æ S T I O I X.

Utrum intellectus angelicus intelligat singularia?

NONO queritur: utrum intellectus angelicus intelligat singularia? Et videtur quod non: nam quod est propinquius sensibilibus & rebus materialibus, videtur, quod magis possit secundum se cognoscere hæc particularia sensibilia; sed intellectus noster est propinquior istis particularibus sensibilibus, quam intellectus angelicus, & tamen secundum se intellectus noster non potest hæc particularia sensibilia cognoscere, nisi convertat se ad phantasmata: ergo multo minus intellectus angelicus secundum se non poterit particularia cognoscere: cum ergo in Angelo non sint phantasmata, omnino privabitur Angelus cognitione singularium. Præterea: particularia variantur, & incipiunt esse, quæ prius non fuerunt: si ergo Angelus cognoscit particularia multorum particularium, incipiet habere de novo cognitionem, quam prius non habebat: ergo mutatur; sed non est dicendum, quod sit mutatus in esse: est ergo mutatus secundum cognitionem: ergo mutatio rerum facit mutationem in cognitione Angeli. Quo posito, sequeretur, quod Angelus accipiat cognitionem à rebus, quod supra negavimus. Præterea: commendatur Anax. in 3. de Anima, qui posuit intellectum simplicem & immaterialem, ut cognosceret despectum, id est, ut cognosceret materialia: ergo sicut intellectus est immaterialis, & sicut est in actu, sic & quæ sunt in potentia: ergo nullus intellectus cognosceret potentiam puram, nisi sit actus purus. Solus ergo Deus, qui nec habet materiam nec aliquid materiale, cognosceret ipsam potentiam puram: Angelus ergo non cognosceret materiam, & per consequens non cognosceret particularia, quæ habent materiam partem sui. Præterea: non potest communicari creaturæ, quod producat potentiam puram: quia nulla creatura

potest producere materiam, nec potest ei communicari, quod hoc faciat, quia tunc posset communicari creaturæ, quod crearet: si ergo non potest communicari creaturæ, quod producat potentiam puram, ergo nec quod repræsentet: nihil ergo est in Angelo quod possit repræsentare ipsam materiam: Angelus ergo non poterit habere cognitionem de materia, & per consequens, ut dicebatur, non cognosceret particularia, quæ sunt materialia, & quæ habent materiam partem sui. Præterea: si intelligentiæ intelligunt particularia, vel hoc erit per species particulares, vel per universales? Non per particulares, quia tunc sequeretur triplex inconveniens; quorum primum est, quod Angeli haberent quodammodo species infinitas, cum particularia sint potentia infinita. Secundum inconveniens esset, quod per tales species particulares non cognoscerent particularia, nam particularia variantur; species autem illæ semper manerent eodem modo, particularia ergo variabilia non possent sufficienter cognosci per tales species. Tertium inconveniens esset, quod si unus Angelus non cognosceret particularia per species universales, cum sint species universales abstractæ à loco & tempore, tales ergo non magis repræsentant præsentia, quam futura. Si ergo per species universales cognosceret Angelus, consequens esset, quod haberet cognitionem futurorum, quod est inconveniens. Præterea: si per species universales cognosceret Angelus particularia, sequeretur oppositum in abjecto, videlicet, quod differēs ut differēs assimilaret: nam universale ut universale dicit quid indeterminatum; particulare ut particulare dicit quid determinatum: si ergo per universale cognosceretur particulare, cum omnis cognitio fiat per assimilationem, indeterminatum esset similitudo determinati, oppositum oppositi, quod est inconveniens. Præterea: sicut res se habet ad esse, & ad cognosci: quod ergo non est distincta ratio essendi, non erit distincta ratio cognoscendi: sed una forma non potest esse distincta ratio essendi plura, ergo nec una species poterit esse ratio cognoscendi plura: per speciem ergo universalem non cognosceret particularia, quia tunc una species esset distincta ratio cognoscendi plura. Præterea: dato, quod per speciem unam ipsius generis posset Angelus cognoscere,

B. Agid.
quodl. 1. q.
8. & in 2.
dist. 3. p.
2. q. 2. art.
6.

3. de Anim.
com. 12.

re plures species, nunquam tamen, ut videtur, per unam speciem, siue illa species sit generis siue speciei, poterit cognoscere plura individua: nam species inæqualiter continentur in genere, & propter hanc inæqualitatem possunt diversimodè representari per speciem generis. Sed individua ubique continentur æqualiter: nam cum sit vera univocatio in specie specialissima, oportet, individua æqualiter contineri in specie: sic etiam oportet, quod individua ejusdem speciei æqualiter contineantur in genere, quia mediante specie, in qua individua continentur æqualiter, sunt individua contenta in genere: nullo ergo modo per unam speciem poterunt plura individua ejusdem speciei representari distinctè. Non ergo Angelus poterit cognoscere distinctionem Sortes à Platone, & per consequens non habebit notitiam particularium hominū. Præterea: Chrysostomus Homil. 6. super Matth. vult quod unus Angelus non cognoscit alium Angelum, nisi ille alius velit, ergo per species, quas habent Angeli apud se, non cognoscunt sufficienter particularia. Præterea: si Angelus per speciem, quam habet apud se, posset cognoscere particularia, cum particularia possint esse infinita, posset una species representare infinita: sed cuilibet representationi creatæ potest fieri una virtus cognitiva creata æqualis: si ergo una species creata posset representare infinita, posset esse aliqua virtus cognitiva creata, quæ actu cognosceret infinita, quod est inconueniens. Præterea: si idem representaret album & nigrum, quantum representaret album, tantò retraheretur à representando nigrum: idem ergo non potest sufficienter & distinctè representare contraria, & per consequens nec diversa particularia.

In contrarium est quod habetur Thobiaz 12. Thobiaz 12. quod Angelus dixit Thobie: *Quando orabas cum lacrymis, & sepeliebas mortuos, & postea sequitur in litt. Ego obtuli orationem tuam Domino. Quod non potuisset Angelus facere, nisi habuisset cognitionem rerum particularium. Per multa etiam loca scripturæ sacræ possemus probare Angelos habere cognitionem rerum particularium. Præterea: sicut se habet voluntas ad volibilia, intellectus ad intelligibilia: sed voluntas an-*

gelica est de singularibus: quia gaudium est Angelis super uno peccatore penitentiam agente. Ergo & intellectus angelicus erit circa singularia, & cognoscet singularia.

RESOLVTIO.

Cum species universales in mentibus Angelorum representent primo & principaliter naturam, & insuper res ut sunt in se ipsis, Angelus cognoscet tanquam objectum principale ipsam naturam, & ex consequenti ea, in quibus existit talis natura, secundum quod se convertit super speciem aliquam.

Respon. dicendum, quod in hac questione sic procedemus. Quia primo dabimus modum, quomodo Angelus cognoscit singularia. Secundò adducemus rationes ad propositum ostendentes modum assignatum verum esse; & quod Angelus illo modo cognoscit singularia. Tertiò ad maiorem declarationem propositi dicemus quædam, per quæ declarabitur nobis totus modus intelligendi angelicus.

Propter primum sciendum, quod modus intelligendi angelicus est cognoscere res, secundum quod sunt in se ipsis: & inde est forè quod cognitionem, quam habent Angeli per species sibi inditas, dixerunt sancti esse cognitionem rerum in proprio genere, quia species in mentibus Angelorum representant res secundum quod sunt in se ipsis: & quia natura generis non habet esse actuale sine suis speciebus, nec natura speciei habet esse actuale sine suis individuis, nec individuum habet esse actuale sine proprijs accidentibus, quæ sunt in eo; ideo dato quod Angelus cognosceret per speciem aliquam alicujus generis, per illam eandem speciem, per quam cognoscit naturam alicujus generis, quia non cognoscit hujusmodi naturam per speciem generis, quam habet apud se, nisi prout talis natura existit in ipsis rebus, cum dictum sit naturam generis non posse existere actualiter sine ipsis speciebus, per illam speciem representativam generis cognoscet omnes species, in quibus existit actualiter tale genus: sic etiam cognoscendo species, cognoscet etiam in-

D. Chrysol.
Homil. 6.
super Matth.

Modus cognoscendi angelicus est intelligere res secundum quod sunt in ipsis

individua, cum dictum sit naturā speciei actualiter non existerē sine particularibus: cognoscendo autem individua cognoscet eorum proprias actiones, & accidentia ipsorum, quibus talia individua sunt conjuncta. Vtrum autem uno intuitu & una conversione possit Angelus omnia ista cognoscere? In fine questionis patebit, cum declarabimus totum modum intelligendi angelicum. Dicemus ergo, quod Angelus aliquid intelligit primò & principaliter, ut naturam representatam per speciem; aliquid intelligit ex consequenti, ut ea in quibus habet esse illa natura: per eandem enim speciem subjecti, intelligendo subjectum intelligit prædicatum, vel intelligit accidentia, quæ sunt in subjecto: quia non intelligit componendo & dividendo, sed simplici intuitu. Sed tamen hoc non erit eodem modo: nam per speciem subjecti non potest directè & principaliter representari accidens, quod est in subjecto: ergo per speciem subjecti directè & principaliter intelliget ipsum prædicatum: tum quia modus intelligendi ejus est, quod intelligat subjectum secundum quod habet esse in rerum natura, ideo intelligendo subjectum intelligit omnia, quæ habent esse in subjecto, quia subjectum habet tale existerē in rerum natura, quod est conjunctum omnibus his, quæ sunt in ipso. Sic & in proposito, intelligendo naturam generis, intelliget species, in quibus habet esse illud genus: & intelligendo species, intelliget individua, in quibus habent esse ille species. Dicemus enim, quod secundum Dionysium 1. cap. de Divi. nom. intelligibilia non comprehenduntur à sensibilibus: & ista sensibilia non se adæquant intelligibilibus: licet enim forma generis non sit forma una, secundum quod habet esse sensibile; attamen quia Angelus propter sui simplicitatem habet in se unitivè, quæ ista sensibilia habent sparsim & divisim: ideo licet genus secundum esse, quod habet sensibile, non sit forma una, in Angelo tamen potest totum genus representari per unam formam, utputà, si quis Angelus per unam speciem animalis cognoscat omnia, quæ pertinent ad hoc genus, quod est animal: si hujusmodi genus, quod est animal, esset tantæ immaterialitatis, & tantæ simplicitatis, quanta est ille Angelus sic cognoscens: tunc hoc

genus animal non diceret nisi unam formam, & illa una forma esset perfectior, simpliciter loquendo, quam sint omnes species animalis simul sumptæ. Si ergo animal habens tale esse simpliciter diceret unam formam, non est inconveniens, si possit representari per unā simplicem intelligibilem formam. Quia ergo Angelus habet lumen intellectuale magnæ efficaciam & magnæ perspicuitatis, & quia modus cognoscendi Angelicus est cognoscere res, secundum quod habent esse in se ipsis, quantumcunque cognoscat per species universales, utputà, quod cognoscat per species generum, poterit per illas species cognoscere individua; non tanquam objectum primum & principale; sed tanquam ea, in quibus existit natura objecti: ut quia natura generis non existit sine speciebus propter modum cognoscendi ejus, & propter efficaciam sui luminis cognoscendo genus cognoscit species, & cognoscendo species cognoscit individua, in quibus habent esse illæ species.

Viso quomodo Angelus cognoscit singularia, volumus adducere rationes ad propositum ostendentes hunc modum esse rationabilem, & quod possit Angelus hoc modo singularia cognoscere. Propter quod sciendum, quod Angelus (quantum ad præsens spectat) potest comparari ad quinque, videlicet, ad gradum quem tenet in genere intelligibilium, ad suum modum intelligendi, ad modum representandi quæ habent species in ipso, ad ipsas species representantes, & ad ipsa objecta representata: sed hic adducemus quinque rationes ad propositum. Quarum prima sumitur ex gradu & ex ordine, quem habet angelus in genere intelligibilium. Secunda ex modo suo intelligendi. Tertia ex modo representandi quem habent species existentes in ipso. Quarta ex ipsis speciebus representantibus. Quinta propter ipsa objecta representata.

Propter primum sciendum, quod gradus & ordo alicujus rei in aliquo genere sumitur ex actualitate & potentialitate. Prima enim distinctio cujuslibet entis est secundum actum & potentiam. Secunda distinctio est ipsius potentiam: quia est quedam potentia abiciens actum, & est quedam potentia conjuncta actui. Secundum hoc ergo accipiendo genus lar-

Angelus ad quinque comparandus.

Prima ratio ex gradu intelligendi Angeli.

Deus in genere intelligibilium est sicut actus tantum, intellectus noster sicut abiciens actum: angelicus tanquam potentia conjuncta actui.

Apost. ad Rom. 4. n. 17.
D. August. P. N. 15. de Trin. cap. 13.

secundum quod dicimus, quod Deus est primum ens in genere entium, & quod est quid primum in genere intelligibilium, dicemus, quod in ipso genere intelligibilium Deus est sicut actus tantum; intellectus autem noster in sui primordio est sicut tabula rasa, & sicut abiciens actum: intellectus autem angelicus, quia intelligit per species concreatas, & quia creatus est purus & plenus speciebus, id est, quam potentia conjuncta actui, secundum hoc Deus intelligendo aliquam naturam, intelligit ea in quibus exilit, & in quibus potest existeret illa natura: quia propter sui actualitatem omnia offerunt suo intellectui tanquam existentia, & tanquam presentia. Ideo dicitur ad Roman. 4. *Vocat ea que non sunt, tanquam ea que sunt.* Et August. 15. de Trin. cap. 13. dicit: *Nec aliter ea scivit* (scilicet Deus) *creata, quam creanda.* Angelus autem intelligens aliquam naturam intelligit supposita, in quibus habet esse illa natura; sed non intelligit omnia ea, in quibus potest esse talis natura. Intellectus autem noster intelligendo aliquam naturam, nullum ex hoc cognoscit suppositum, in quo habet esse talis natura; sed si vult cognoscere suppositum & particulare, oportet, quod convertat se ad phantasmata illius particularis. Natura ergo se habet sicut actus & sicut forma; particularia autem supposita se habent, sicut ea quorum est perfectio talis forma. Diceremus ergo, quod sicut intellectus noster de sui natura est potentia abiciens actum, ita suus modus intelligendi naturalis est cognoscere naturam & actum non ut conjunctum eis, in quibus habet esse talis natura & talis actus. Ideo intellectus noster (ut diximus) intelligendo naturam speciei, non intelligit supposita: imò nihil propter hoc scit de suppositis, in quibus habet esse illa natura: quantumcumque enim sciamus naturam rosæ, non propter hoc scimus de suppositis rosæ, utrum sint, vel non sint, nisi sensui nostro offerantur illa supposita. Intellectus vero angelicus, quia est potentia perfecta per actum, & quia nascitur conjunctus suis speciebus & suis perfectionibus, dignum

est, quod ex hoc aliquid sortiatur: & dignum est quod species illæ majorem habeant efficaciam in representando, quam species in intellectu nostro: species enim secundum se, in intellectu nostro representant naturam

secundum se, non secundum esse, quod habet in suppositis: sed species in intellectu angelico representat naturam secundum esse, quod habet in suis suppositis: ideo per illam eandem speciem, per quam Angelus intelligit naturam, intelligit supposita, in quibus habet esse illa natura. Imaginabimur enim, quod potentia & actus secundum esse & representationem habent modum oppositum: nam quantum ad esse in uno & eodem potentia præexistit actui, suppositum præexistit naturæ, materia præexistit formæ (quia secundum Augustinum) origine informe præcedit formatum: prius enim intelligitur, quod sit materia, & quod sit quid informe, & postea, quod in ea recipiatur forma, & quod formetur. Vnde August. 17. Confes. cap. 19. ait: *Verum est, omne quod ex informi formatur, prius esse informe, deinde formatum.* Quod non est intelligendum de tempore, sed origine, ut innuit August. eodem lib. capit. 28. Sic etiam potentia præexistit, ut in ea possit recipi actus, & suppositum præexistit naturæ: nam agens producit suppositum, & dat esse supposito, & producendo suppositum, producit naturam in supposito; sed in representando est e converso, quia prius representatur actus, & ex actu datur intelligi potentia: nam potentia non est cognoscibilis nisi per comparisonem ad actum, & materia nisi per comparisonem ad formam. Sic etiam & natura prius representatur, quam suppositum. Vnde & Phis in 8. Mera. movet questionem quid significet nomen, utrum naturam vel suppositum? Et solvit quod significat utrumque, sed non eodem modo. Vbi Commentator ait, quod nomen prius significat formam vel naturam, & postea suppositum. Et quia nomen eodem modo significat, quo sit representatio, & cognitio rerum, ideo species in intellectu prius representant naturam rerum: si autem representant suppositum, hoc est ex consequenti. Si ergo intellectus noster naturaliter nascitur tanquam potentia abiciens actum, consequens est, quod suus modus intelligendi naturalis sit, ut sic perficiatur per actum, & sic ducatur in cognitionem alicujus actus: quod non propter hoc cognoscat ea, in quibus habet esse ille actus: sic ergo per speciem, quam habet apud se, cognoscat naturam aliquam, quod non propter hoc cognoscat

intelle-
ctu angeli-
co secundum
esse quod
habet in
suppositis.

D. August.
P. N. 17.
Conf. cap.
19.
Ibidem cap.
28.

Phis 8. Mera.
quest. 1.

Commentator
com. 7.

scet supposita, in quibus habet esse illa natura. Sicut enim in essendo intellectus noster fuit potentia nuda non conjuncta actui, iam perfectus per speciem habebit secundum representationem modum contrarium: quia representabitur & offeretur ei actus non conjunctus eis, in quibus habet esse ille actus: nostræ enim cognitioni intellectuali offert se natura non conjuncta suppositis; in quibus habet esse illa natura: ideo universale, quod intelligimus, est unum præter multa; quia intelligimus naturam præter supposita: intellectus enim noster, quia nascitur tanquam potentia abiciens actum, & quia nascitur non informatus specie, cum postea acquirit speciem, species illa est debilis adhesionis cum intellectu: & ideo solum ducit in cognitionem ejus, quod directe principaliter representatur per speciem, & hæc est ipsa quidditas, siue ipsa natura, vel ipsa forma; non autem ducit in cognitionem eorum, quæ representantur ex consequenti: hujusmodi sunt ea, in quibus habet esse illa natura: & ideo sic per speciem intelligibilem cognoscit naturam, quod nihil scit de suppositis: immò omnino ignorat, utrum illa supposita sint, vel non sint, in quibus habet esse talis natura, sicut posuimus exemplum de rosa: per speciem enim rosæ sic intelligimus naturam ejus, quod ex hoc nihil scimus, utrum habeant esse supposita, in quibus habet esse natura rosæ? Sed intellectus angelicus nascitur sicut potentia conjuncta actui, quia nascitur informatus speciebus: ideo species illæ sunt fortis adhesionis & magnæ representationis, ut non solum representant naturam, sed etiam representant supposita in quibus habet esse illa natura. Hoc ergo modo Angelus cognoscit particularia: quia per speciem, quam habet apud se, sic perfecte cognoscit naturam, quod cognoscit supposita & particularia, in quibus habet esse illa natura.

Resumamus ergo illam rationem totam, & dicamus, quod loquendo de

genere largè, in genere intelligibilium intellectus noster tenet infimum gradum; quia nascitur sicut potentia abiciens actum: propter quod est debilis conditionis cum suo actu, & debiliter conjungitur intellectus noster cum sua specie: intellectus autem angelicus, quia nascitur sicut potentia conjuncta actui,

& quia nascitur plenus formis, & informatur speciebus, ideo fortiter conjungitur suo actui & suæ perfectioni: & species intelligibiles in mente Angeli sunt magnæ adhesionis cum suo intellectu, ideo intellectus angelicus tenet medium gradum in genere intelligibiliū. Sed Deus, qui est ipse actus, & cui sua essentia omnia representat, quæ essentia est omnino idē quod ipse: ideo ipse tenet summum gradum in genere intelligibilium: & ideo omnia nuda & aperta sunt oculis suis, & ei omnia clarè & plenè representantur. Species ergo intelligibilis in intellectu nostro propter debilem adhesionem cum ipso intellectu, sic debiliter representat naturam alicujus rei, ut non certificet nos de suppositis illius naturæ, utrum sint ipsa, vel non sint? In intellectu angelico propter formationem & adhesionem fortius representat naturam: ut non solum ducat in cognitionem naturæ, sed ducat in cognitionem eorum, in quibus habet esse illa natura: ideo ex cognitione naturæ certificatur Angelus, utrum sint, & qualiter sint, & qualiter se habeant supposita, in quibus habet esse talis natura: non tamen species in mente Angeli est tantæ efficacæ, quod ducat in cognitionem suppositorum, in quibus potest esse illa natura: sic ergo cognoscit supposita actu existentia in aliqua natura, quod nō cognoscit omnia possibilia esse in illa natura. Deus autē ipse, qui est ipsa sua essentia per quā sibi omnia representantur, propter summam identitatem, quam habet ad suam essentiam, representantur ei naturæ rerum, & cognoscit eas omni modo, quo cognoscibiles sunt, propter quod non solum cognoscet naturas rerum secundum se, & non solum cognoscit supposita, in quibus actu existit talis natura, sed etiā cognoscit supposita, quæ erūt sub tali natura, & quæ possunt esse sub hujusmodi natura: propter quod ita vocat ea, quæ non sunt &c. Ita novit fienda, sicut & facta, quod solius ejus est proprium.

Secunda via ad hoc idem sumitur ex modo intelligendi: nam modus intelligendi noster est per abstractionem. Si ergo unumquodque agit, secundum quod est actu, & unaquæque forma est ratio agendi, secundum quod habet rationē actus, species in intellectu nostro, quia est abstracta à phantasmatibus, & ab his, quæ

bus natura est, non ea in quibus esse potest: Deus autem cognoscit naturam & supposita in quibus est, & erit. & est possibile esse, & omni modo, quo cognoscibilis est.

Secunda ratio ex modo intelligendi Angeli, cuius species derivatæ sunt ab ideis Divinis, quæ naturā repræ-

Cognitio nostra non certificat nos de suppositis naturæ, cognitio angelica representat supposita, in quibus

producant
ut conjun-
cta suo esse
in supposi-
tis, & ita
cognoscit
Angelus.

repræsentant res particulariter, ideò du-
cet in cognitionem naturæ abstractæ à
particularibus, & erit ratio intelligendi
naturam, ut est præter multa, & ut est
separata ab esse, quod habet in sua mul-
titudine & in suis particularibus: ideò (ut
diximus) per talem speciem nihil certi-
ficamur de esse particularium: sed spe-
cies in mente angelica, ut communiter
ponitur, derivatæ sunt ab ideis Divinis,
quæ totam rem producant in esse: & ideò
tales species habent repræsentare natu-
ram secundum quod habet esse in suppo-
sitis, & secundum quod est conjuncta
suo esse: propter quod Angelus per spe-
ciem intelligibilem cognoscens aliquam
naturam, certificatur & de suppositis in
quibus habet esse illa natura. Si ergo An-
gelus intelligeret per abstractionem, &
quod species in mente Angeli repræsen-
tarent naturam abstractam, & separatam
à suppositis, fortè impossibile esset sal-
vare, quod cognosceret particula-
ria, nisi fortè poneremus in eo phanta-
sinata, ad quæ se convertendo, sciret ip-
sa particularia. Sed cum ab ideis Divinis
productæ sunt res in esse, species in men-
te angelica ab illis ideis derivatæ habent
repræsentare naturas rerum, ut sunt in
proprio genere, & ut sunt productæ in
esse, non sunt autem productæ in esse,
nisi ut sunt in suppositis. Nam si aliter di-
ceremus, incideremus in errorem Plato-
nis dicentis quidditates & essentias re-
rum habere per se esse absque particu-
laribus suppositis. Nos autem omnia poni-
mus esse in ipsis primis substantijs sive
in ipsis individuis: & quantum ad actua-
lem existentiam dicimus, quod, destructis
primis, impossibile est aliquod eorum re-
manere: quare ergo si species in mente
Angeli repræsentat naturam, ut est pro-
ducta in esse, & ut in suis suppositis & in
suis particularibus, consequens est, quod
huiusmodi species sic sit ratio cognos-
cendi naturam, quod etiam sit ratio cog-
noscendi particularia, in quibus habet
esse talis natura. Dicemus ergo, quod
unumquodque agens agit secundum
exigentiam suæ formæ: & unumquod-
que cognoscens cognoscit alia à se, se-
cundum quod habet in se aliquid quod
est repræsentativum aliorum; prout er-
go cognoscens magis unitur ipsi repræ-
sentativo, & ipsi actui, & perfectioni, sic
plus habet de cognitione: intellectus ergo

noster debiliter conjungitur suæ perfec-
tioni, quia est potentia abiciens actum;
Angelus autem conjungitur fortius, quia
est potentia conjuncta actui: fuit enim
creatus intellectus angelicus speciebus
plenus: Deus autem conjungitur perfe-
ctissimè, quia est ipsa perfectio, & est ip-
sa sua essentia omnium repræsentativa. Sed
cõstat quod debiliter cognoscere est co-
gnoscere ipsam naturam & ipsam quiddi-
tatem, quæ primò se offert intellectui, & pri-
mò repræsentatur per speciem: fortius autè
cognoscere est cognoscere ipsa supposi-
ta (in quibus actu habet esse ipsa natu-
ra, quæ non primò & principaliter, sed
ex consequenti se offert intellectui) pro-
ut sunt conjuncta ipsi naturæ: perfectis-
simè autem cognoscere est cognoscere
supposita non solùm in quibus est actu, sed
in quibus potest esse ipsa natura: quia ta-
lia valdè à remotis habent ordinem ad
naturam. Primo modo cognoscit intel-
lectus noster. Secundo modo cognoscit
Angelus. Et tertio modo Deus: quod
quomodo sit, potest esse per habita ma-
nifestum.

Tertia via ad hoc idem sumitur ex
modo repræsentandi. Dicemus enim,
quod triplex est modus repræsentandi
naturam, quorum unus est valdè imper-
fectus: alius summè perfectus: & tertius
medius. Et hæc ratio multum est proxi-
ma rationi primæ. Modus autem valdè
imperfectus repræsentandi naturam est,
si repræsentetur solùm potètia: vel si re-
præsentetur solùm, ut nō habeat actuale ef-
fe, & ut non habeat actuale existere, &
sic repræsentat naturam species in intel-
lectu nostro. Ideò dictum est in 3. *De*
Anim. quod quicquid est, est objectum
intellectus. Nam species intelligibilis in
intellectu nostro solùm ducit in cogni-
tionem quidditatis secundum se; non au-
tem secundum quod actualiter existit in
suis suppositis; talis ergo cognitio est
valdè imperfecta: quia perfectius cogno-
scitur, ut est aliquid secundum se, & ut
actualiter existit in suppositis; quàm ut
est aliquid in se tantum. Modus autem
omniò perfectissimus est cognoscere
naturam omni modo quo cognoscibilis
est: ut si cognoscatur non solùm, ut cõ-
sideratur secundum se; sed ut actualiter
existit in suppositis, & ut potest existere
in eis: & hic est modus cognitionis Di-
vine, qui cognoscit naturam, & cogno-
scit

Quomodo
homo debi-
ter, Angelus
fortius, &
Deus perfe-
ctissimè co-
gnoscit

Tertia ra-
tio ex modo
repræsentan-
di naturam,
Triplex mo-
dus assigna-
tur.

Philos. 3. de
Anima.

Error Pla-
tonis.

Omne agens
secundum
exigentiam
formæ agit,
& omne co-
gnoscens se-
cundum quod
in se habet
cognitum co-
gnoscit.

scit supposita actualiter existentia in illa natura, & cognoscit omnia supposita possibilia esse sub tali natura. Angelus ergo, quia tenet medium gradum inter intellectum Divinum & nostrum: quia intelligendo naturam, intelligit supposita, quæ actu sunt sub illa natura, non autem possibilia esse: idè intellectui suo potest aliquid accrescere ex progressu omnium rerum in esse: multa enim innotescunt Angelis, quæ antea erant eis ignota. Ex hoc autem apparet, quòd aliter cognoscit Angelus naturam, aliter supposita in quibus habet esse illa natura: nam naturam cognoscit in quantum est per se objectum cognitionis ejus, supposita autem cognoscit ex perfecta cognitione naturæ. Nam qui perfecte cognoscit naturam, cognoscit & supposita, in quibus habet esse illa natura; non enim perfecte cognoscitur aliquid, nisi cognoscantur omnia, quæ actu conjuncta sunt illi: naturam ergo cognoscit Angelus tanquam objectum; supposita verò tanquam conjuncta objecto. Sic etiam & accidentia & proprietates cognoscit: nā natura non solum est conjuncta suppositis, sed etiam est conjuncta suis proprietatibus & accidentibus, cum quibus habet esse in suppositis.

Quarta via ad hoc idem sumitur ex specie representante: nam in intellectu nostro species se habent quasi quædā divisa, non quasi conjuncta. Sic enim de imaginatur Phus in 3. de Anima, quòd sic se habent species in intellectu nostro, sicut se habebant partes rerum apud Empedoc. tempore litis. Posuit enim Empedoc. quòd à princ. tempore litis erant partes rerū divisa, ut erat caput sine cervice, cervix sine humeris, & sic membra divisa erant cujuslibet animalis: & non solum erant membra animalis divisa, sed etiam erant rami arborum divisi. Supervenit amicitia, & conjunxit ea ad invicē, & aliqua conjunxit rectè, aliqua non rectè: conjunxit enim aliquando caput hominis cum cervice leonis, & membra unius animalis cum membris alterius. Sic etiam in arboribus fecit olivigenas conjungendo ramum olivæ cum ramo vitis, vel ramos unius arboris cū ramis alterius: & aliquando magis pravè conjunxit, quia conjunxit ramos arborum cum membris animalium: aliquando autem conjunxit rectè: quia conjunxit proprios ra-

mos olivæ, vel cujuscūque alterius arboris proprio trunco: & in animalibus etiā aliquando conjunxit rectè, quia conjunxit propria membra leonis vel alterius animalis proprio corpori. Capita ergo germanorum, quæ erant sine cervice, & erant separata à cervice, aliquando conjunxit rectè coniungendo ea propriis cervicibus: aliquando non rectè coniungendo ea cervicibus alienis. Dicebat ergo Emped. quòd quando natura vel amicitia rectè conjunxit, tunc illa sic conjuncta sunt salvata; quando non rectè conjunxit, non poterunt salvari. Hoc enim exemplum, quòd est phantasticum quantum ad esse rerum, est valde propinquum quantum ad intelligere nostrum: nam quæ sunt conjuncta secundū esse rerum & secundū naturam, in intellectu nostro se habent sicut separata. Licet ergo natura secundū esse sit conjuncta suis suppositis, species tamen representans naturam representat eam, ut nō conjunctam: & licet subiectum sit conjunctum suæ proprietati, & è converso: species tamen representans subiectum representat ut non conjunctum proprietati, & species representans proprietatē representat eam ut non conjunctā proprio subiecto. Et quòd dictum est de proprietate respectu subiecti, intelligendum est de aliis prædicatis: omnia enim representantur ut divisa; sed species representantes sic res divisas intellectus componit, & dividit, ut componit hoc subiectum cum hac proprietate, & hoc prædicatum cum hoc subiecto: & si componit rectè sicut est in rerum natura, tunc est propositio vera; si componit non rectè, ut quia componit proprietatem nō cum subiecto proprio, sed cum alio, tunc est propositio falsa. Prius enim intelligit intellectus aliquid, utpurā, album, & intelligit quòd album est accidens, statim intelligit ipsū esse in aliquo subiecto: postea quærit subiectum ejus, & si invenit subiectum, in quo habet esse albedo, utpurā, cignum: & dicat cignum esse album, quia sic est in rerum natura, faciet propositionem veram; quòd si credat corvum esse talem, & componat album corvo, faciet propositionē falsam. Quòd si queratur, unde accidit hoc intellectui nostro, quòd sic representantur ei res modo diviso? Dicemus hoc esse propter paucitatem luminis intellectualis: nam quia

Quarta ratio ex specie representante.
Phus 3. de Anima. com. 21

Positio Empedocles de rerum divisione.

Res nobis re-
præsentatur
modo divi-
so propter
paucitatem
luminis in-
tellectualis,
cui conjun-
guntur spe-
cies ad intel-
ligendū; ali-
ter accidit
in Angelo
propter effi-
catiam &
claritatem
luminis.

quia intellectus noster valde habet debile intellectuale lumen, idē ita per speciem alicujus rei intelligit illam rem, quod non intelligit conjuncta illi rei: species ergo intelligibiles in intellectu nostro sunt conjunctæ debili lumini, idē debiles sunt ad repræsentandum: sed si essent conjunctæ lumini forti & claro, essent ad repræsentandum fortiores: tunc in repræsentando res aliquas repræsentarēt quæ essent conjuncta rebus illis: & quia tale est lumen angelicum, quod est forte & efficax, idē repræsentando rem repræsentat conjuncta rei: Angelus ergo intelligendo prædicatum intelligit ea, in quibus est prædicatum illud: species ergo in intellectu suo se habent ut conjunctum, non quod omnes species sint una species, sed quia non oportet eum conjungere, nec componere speciem cum specie: species enim illæ sunt talis naturæ, quod simul repræsentant res & conjuncta rebus. Intellectus ergo noster nisi componat speciem unius rei cum specie rei sibi conjunctæ, ita intelliget rem illā, quod non intelligit rem aliam sibi conjunctam: sed species in mente Angeli in virtute claritatis luminis, quomodo profunditur, sic repræsentat rem, quod etiā facit cognoscere quæ sunt conjuncta rei, Angelus ergo cognoscendo naturam, cognoscet particularia, quibus est conjuncta illa natura.

Quinta ratio ex parte rei repræsentatæ: quia angelus intelligendo naturam, intelligit particularia.

Quinta ratio sumitur ex parte rei repræsentatæ: nam non possumus intelligere aliquam rem perfectam, nisi intelligamus ea quæ sunt de ratione rei: idē dicimus, quod superiora sunt de intellectu inferiorum, quia pertinent ad rationem eorum. Si ergo possemus ostendere, quod particularia individua, secundum modum intelligendi angelicū, sunt de ratione naturæ, ut sicut superiora, secundum modum intelligendi nostrum, sunt de ratione inferiorum: sicut nullus dubitat, quod intelligendo inferiora, & maximē si intelligamus ea perfectē, quod oportet nos intelligere superiora: sic nullus dubitabit, quod Angelus intelligendo naturam, intelliget & particularia, in quibus habet esse illa natura. Propter quod sciendum, quod omnino est modus contrarius in quidditatibus rerū, ut accipiuntur secundum esse abstractum, & ut considerantur secundum esse quod habent in rebus: nam secundum esse ab-

abstractum superiora sunt de ratione inferiorum, non ē converso: unde genus actu intelligitur in specie, sed species sunt potentia in genere: sed secundum esse, quod habent quidditates in rebus, est ē converso. Secundum hoc enim species sunt de ratione generis, individua pertinent ad rationē speciei: nam licet intellectus per abstractionem formet de genere unum conceptum; genus tamen secundum esse, quod habet in rebus, non est forma una per intellectum, ergo possumus intelligere genus, non intelligendo aliquam speciem: sed secundum esse quod habet genus in rebus, nihil est in genere quod non sit in aliqua ejus specie. Species ergo sunt hoc modo de ratione generis: quia non est genus, nec potest esse genus in rebus, nisi quia sunt ejus species: sic etiam & individua quantum ad actuale esse sunt de ratione speciei: quia, ut dicit Commentator in 7. Metaph. *Quidditates rerum non sunt entes nisi per esse rerum habent quidditates.* Ergo per esse suppositorum, & per esse particularium naturarum actu existunt, & actu habent esse species. Cum igitur Angelus intelligat naturas rerum secundum esse quod habent in suo genere, & secundum quod existunt: nam species in mentibus Angelorum (ut dicebamus) non sunt abstractæ a rebus, idē non repræsentant res secundum abstractionem: sed sunt derivatæ ab ideis Divinis, a quibus res fluxerunt in esse, idē repræsentant res secundum quod habent actuale esse: & quia hoc modo individua pertinent ad rationem naturæ, quia naturæ non habent esse nisi per esse suppositorum, in quibus existunt: idē intelligendo naturam, intelligit individua, in quibus habet esse illa natura: quia, ut dictum est, secundum modum intelligendi angelicum individua pertinent ad rationem naturæ.

Advertendum autem est, quod omnes hæc quinque rationes sunt quodammodo una ratio; & sunt quinque rationes: nam omnes in hac radice quodammodo fundantur, quia perfectius repræsentant res species in mentibus Angelorum, quàm species in intellectu nostro: & propter perfectionem repræsentationis Angelus non solum per speciem rei intelligit rem, sed etiam intelligit ea quæ sunt conjuncta rei, aliter tamen, & aliter

Comm. 7.
Meta. 10.

Quinque rationes sunt quodammodo una ratio; & sunt quinque rationes: nam omnes in hac radice quodammodo fundantur, quia perfectius repræsentant res species in mentibus Angelorum, quàm species in intellectu nostro: & propter perfectionem repræsentationis Angelus non solum per speciem rei intelligit rem, sed etiam intelligit ea quæ sunt conjuncta rei, aliter tamen, & aliter

in objecti
notitia, sed
etiam anne-
xorum ob-
jecto, & hæc
perfectio ex
quinque pro-
venire po-
test.

tër; ut dicebatur; quam rem intelligit
tanquam objectum, conjuncta autem
rei tanquam conjuncta objecto: quælibet
enim cognitio ducit inæqualiter in co-
gnitionem objecti, quia nulla esset co-
gnitio, & nullus esset actus cognitivus, si
non terminaretur ad aliquod objectum:
tamen si sit cognitio perfecta non solū
ducit in cognitionem objecti, sed etiam
annexorum & conjunctorum obje-
cto, & maximè talium annexorum
& conjunctorum, quæ sunt de ratio-
ne objecti, sive illa annexa sint idem
in essentia cum ipso objecto, sive sint
diversum: ut qui perfectè cognoscit
inferiora, oportet, quod cognoscat su-
periora, quæ sunt conjuncta inferiori-
bus, quia sunt de ratione inferiorum: at-
tamen sunt idem in essentia cum infe-
rioribus. Hoc etiam idem continget, si
essent secundum essentiam diversa: ut nō
possumus intelligere perfectè proprietatem,
nisi intelligamus & subjectum, quod
pertinet ad rationem proprietatis: & ta-
men subjectum est aliud in essentia à pro-
prietate. Propter quod non debet esse
dubium, si Angelus intelligendo natu-
ram, intelligat supposita, quibus est con-
juncta illa natura, & maximè cum secun-
dum modum intelligendi angelicum, vi-
delicet, prout natura existit & habet ac-
tualitè esse, supposita sint de ratione na-
turæ. Omnes ergo quinque rationes sunt
quodammodo una ratio, quia omnes
se fundant super perfectionem cognitio-
nis naturæ: & sunt diversæ rationes, quia
hujusmodi perfectio cognitionis ex quin-
que causari potest. Primò ex subjecto si-
ve ex intellectu cognoscente: nam quā-
tò intellectus cognoscens est minùs in
potentia, vel est in potentia magis con-
juncta actui, perfectiùs cognoscit: & huic
innitebatur ratio prima. Secundò potest
causari ex modo cognoscendi: intelle-
ctus cognoscens abstrahendo à rebus, cujus-
modi est intellectus noster, imperfectiùs
cognoscit, quā intellectus cognoscens per
similitudines derivatas ab ideis Divinis,
cujusmodi est intellectus angelicus: &
huic innitebatur ratio secunda. Tertiò
potest hoc causari à modo repræsentan-
di. Nam species innatæ, per quas intelli-
gunt Angeli, sunt perfectioris repræsen-
tationis, quàm species acquisitæ, per
quas intelligimus nos: & huic inniteba-
tur ratio tertia. Quartò potest hoc con-

tingere ex lumine, in quò sit talis repræ-
sentatio: & quia lumen in intellectuale, in
quo intelligunt Angeli, est purius & actuali-
us, quàm sit lumen nostrum, ideo per-
fectiùs cognoscunt: & huic innitebatur
ratio quarta. Vim tamen hujusmodi
quartæ rationis supra attribuebamus ipsi
speciei repræsentanti, quod pro tanto
verum est, quia species irradiata puriori
& actualiori lumine perfectiùs repræsen-
tat. Quintò potest hoc contingere, quod
aliquis perfectiùs cognoscat ex ipso ob-
jecto cognito, ut intellectus cognoscens
naturam solam non secundum se, sed
secundum esse, quod habet in supposi-
tis, perfectiùs cognoscit, quàm intelle-
ctus cognoscens naturam secundum se
tantum: vel intellectus cognoscens na-
turam & ea, quæ sunt conjuncta naturæ,
perfectiùs cognoscit, quàm intellectus
cognoscens ipsam naturam præter ea,
quibus conjuncta est natura: & huic in-
nitebatur ratio ultima.

Postquam autem dedimus modum,
quomodo Angelus cognoscit singula-
ria, & adduximus rationes hoc ostendē-
tes, ad majorem declarationem proposi-
ti volumus declarare totum modum
angelicæ cognitionis. Dicemus enim,
quod Angelus in intelligendo quadru-
pliciter se convertit, & hujusmodi qua-
tuor conversiones se habent per ordi-
nem: nam posito, quod Angelus intel-
ligat per species generum, quod oportet
ponere vel in omnibus, vel saltem in
superioribus, qui intelligunt per species
universaliiores, quod non contingeret,
nisi intelligeret per species generum. Pri-
ma enim conversio erit ipsius Angeli su-
pra se ipsum, & hæc est quasi naturalis.
Secunda conversio erit pro suæ libertatis
arbitrio super aliqua specie, prout sibi
placuerit, prout illa species est repræsen-
tativa totius generis. Tertia conversio
erit super illa eadem specie prout est re-
præsentativa hujusmodi speciei vel illius.
Quarta conversio erit super hujusmodi
specie prout est repræsentativa hujusmo-
di individui vel illius. Prout autem An-
gelus solū se convertit supra se ipsum,
sic cognoscit se & omnes species, quas
habet apud se: nam, ut dictum est, An-
gelus cognoscens subjectum, cognoscit
omnia quæ sunt in subjecto: cum igitur
hujusmodi species sint in intellectu An-
geli tanquam in subjecto, & ipsa poten-

Totus co-
gnitionis
angelicæ
modus in-
quaduplici
innititur
conversioni
per ordinē
se habenti.

tia intellectiva, five ipse intellectus Angeli sit in ipsa substantia Angeli, Angelus convertens se super se ipsum, cognoscit suum intellectum, & omnes species, quæ sunt in suo intellectu, & omnia quæ sunt in ipso: & si cognoscit omnes species, cognoscit in quadam generalitate quid repræsentat quælibet species, utputà, quia hæc species repræsentat animal aquaticum, hæc animal volatile, illa gressibile, & alia hoc genus lapidis, & sic de singulis: & hæc est prima conversio Angeli. Et si huiusmodi species, per quas cognoscit, sunt species generum (ut suppositum est) per talem conversionem nihil cognoscit Angelus distinctè de aliqua natura speciei: nam per talem conversionem per se & primò non cognoscit nisi se ipsum. Verùm, quia dictum est, quod Angelus habet ita perfectum intellectuale lumen, quod non componit, nec dividit: sed cognoscendo subjectū simplici intuitu, cognoscit ea quæ sunt in subjecto, ideò cognoscendo se ipsum, cognoscit species intelligibiles, quæ sunt in eo: & si cognoscit species intelligibiles, cum species intelligibilis sit aliquid in comparatione ad objectum, oportet, quod in quadam generalitate cognoscat objecta illarum specierum. Ita ergo, ut dictum est, est prima conversio Angeli.

Post hanc autem conversionem, ut postquam Angelus videt se ipsum, & videt omnes species, quæ sunt in ipso, & cognoscit, quod hæc species est repræsentativa huius generis, & illa illius alterius generis, & sic de singulis speciebus, tunc non casualiter, sed pro suæ libertatis arbitrio potest se convertere super hanc speciem, quæ est repræsentativa alterius generis. Habet enim liberum arbitrium, & in potestate sua est, de quo genere vult cogitare: & secundum quod vult cogitare de aliquo genere, sic se convertit super speciem illius generis. Et in hac secunda conversione intelligit distinctè species illius generis; sed non intelligit ea quæ competunt illis speciebus, ut sunt tales species, sed ut sunt sub genere: quod ideò contingit, nam qui cognoscit genus perfectè, cognoscit ea quæ differunt differentia generis; sed non propter hoc cognoscet ea, quæ differunt non differentia generis: & quia species dividentes genus differunt per differen-

tiam generis, ideò Angelus convertendo se super speciem huius generis cognoscet differentias illius generis, & cognoscet species dividentes illud genus; sed non propter hoc cognoscet ea, quæ competunt cuilibet tali speciei, quia per talem conversionem non convertit se specialiter super aliqua huiusmodi speciem; sed solum convertit se super talibus speciebus, ut sunt divisivæ generis.

Post hanc autem secundam conversionem, ut postquam Angelus convertit se super hac specie repræsentante hoc genus, & ex hoc cognoscit species dividentes illud genus, ut sunt generis divisivæ, in potestate sua est facere conversionem tertiam, ut specialiter se convertat super huiusmodi specie generis, ut specialiter repræsentativa huius speciei vel alterius. Est enim (ut diximus) Angelus liberi arbitrij: postquam ergo convertit se super speciem alicujus generis, utputà, super speciem animalis volatilis, & ex hoc cognoscit species dividentes illud genus, in potestate sua est, de qua specie vult cogitare: utrum de vulture, vel de Aquila? Et secundum quod vult cogitare specialiter de aliqua specie, sic convertit se specialiter super huiusmodi speciem intelligibili, ut est repræsentativa illius speciei: & ex hoc cognoscet particularia illius speciei; sed non cognoscet particularia illa nisi prout in eis habet esse natura speciei, & prout huiusmodi particularia habent dividere speciem: ex hac autem conversione tertia non cognoscet quid competat, vel quid accadat huic particulari, ut hoc particulare est. Sed postquam videt per hanc conversionem tertiam, postquam cognoscit particularia alicujus speciei, tunc liberi arbitrij est, de quo particulari vult cogitare, & secundum quod vult cogitare de aliquo particulari specialiter, sic convertit se super speciem suam intelligibili, ut specialiter est repræsentativa illius particularis: & ex hac conversione quarta cognoscet illud particulare, & omnia accidentia sua & actiones suas & ea quæ sibi competunt. Hoc modo cognoscendo Sortem, cognoscet asinum, si circa asinum operetur Sortes; & cognoscet lapides, si circa lapides operetur Sortes. Vnde per unam & eandem speciem potest cognoscere ea, quæ sunt diversorum generum, non secundum quod sunt diversorum generum; sed secundum

In prima conversione cognoscit Angelus se ipsum & omnia quæ sunt in eo, & consequenter species intelligibiles & harum objecta in quadam generalitate.

Secunda conversio fit per arbitrium libertatis super speciem generis, quæ magis placeat, & sic cognoscit distinctè species illius generis, ut sunt divisivæ ejus.

Tertia conversio est specialiter super speciem generis, ut specialiter repræsentativa huius speciei vel alterius.

Quarta conversio est specialiter super speciem generis, ut specialiter repræsentativa illius particularis.

cundum quod sunt annexa suo subiecto, de quo specialiter cogitat. Dicemus ergo, quod semper quod est per se est posterius eo, quod est per aliud. In prima ergo conversione, per quam non cognoscit species secundum se, sed solum prout sunt aliquid in ipso, per talem conversionem non habet tantam cognitionem de objecto alicujus speciei, quantum habet, quando specialiter se convertit super illam speciem. Rursus quando convertit se super aliquam speciem, ut est representativa totius generis, non habet tantam cognitionem de aliqua specie illius generis, quantum habet, quando se convertit super huiusmodi speciem intelligibilem, prout specialiter est representativa illius speciei. Tertio quando se convertit super huiusmodi speciem intelligibilem, prout est representativa illius totius alicujus speciei, non habet tantam cognitionem de aliquo individuo illius speciei, quantum habet, quando postea se convertit super huiusmodi speciem intelligibilem, prout specialiter est representativa alicujus individui. Et ex hoc potest patere totus modus & totus ordo cognitionis Angelicæ, & patere potest, quomodo Angelus cognoscit singularia, & ea quæ sunt in singularibus.

Declarabimus autem, quæ diximus, per quoddam grossum exemplum, ut puta, si quis ferat visum suum super totam paginam alicujus quaterni, bene videbit, quod quælibet linea differt à quælibet linea, sed non videbit, quomodo litteræ cujuslibet lineæ distinguuntur. Si autem postea ferat visum suum specialiter super aliquam lineam, ex hoc habebit plenior cognitionem de litteris existentibus in illa linea: quia fortè ex hoc videbit, quomodo quælibet littera est distincta ab alia: sed adhuc non habebit plenam cognitionem de illis litteris: nec propter hoc sciet legere lineam illam, quia quandiu ferimus visum nostrum super totam lineam, non possumus legere lineam, sed si postea adhuc specialius feramus visum nostrum super aliquam partem lineæ, tunc possumus legere lineam, ex quo apparet, quod conversio specialior semper est efficacior.

Respond. ad arg. Ad 1. dicendum, quod argumentum est in contrarium: arguit enim oppositum non propositum. Nam quia intellectus noster est magis in potentia, ideo minus potest cognoscere particularia

sensibilia & materialia. Unde & in 3. de Phus. 3. de Anim. commendatur Anaxa. quod possit intellectum simplicem & immaterialem, ut posset materialia cognoscere. Dicimus enim, quod pupilla debet esse abscolor, id est, debet carere colore, ut possit omnes colores cognoscere: sic & intellectus quantum immaterialior est, tanto perfectior cognitionem habet, & tanto magis potest materialia cognoscere. Ad 2. dicendum, quod mutatis rebus, & progredientibus rebus in esse, variatur scientia Angeli; vel ex hoc aliquid accrescit scientiæ Angeli: quia aliqua incipit cognoscere quæ prius non cognoscebat. Unde secundum Augustinum 4. super Gen. ad litteram: dæmones quantum ad scientiam vigent experientia temporum: quia multa fiunt in tempore, de quibus propter progressum rerum in esse cognitionem accipiunt: aliquid igitur accrescit Angelis ex eo quod mutantur res, & progrediuntur in esse; sed hoc non est, quod res agant in intellectu angelicum: propter quod directè & immediatè ex mutatione rerum non est mutatio in scientia Angeli, sed mediatè & indirectè. Diximus enim, quod Angelus per speciem intelligibilem, quam habet apud se, cognoscit naturam secundum esse, quod habet in rebus, & quod variatis rebus, variatur natura secundum esse, ex hoc sequitur, quod variatur ex consequenti cognitio Angeli: variatio ergo rerum variat ipsam naturam rerum secundum esse, quod habet in rebus, & per consequens variat ipsum objectum cognitionis angelicæ: variato autem tali objecto, ex consequenti & indirectè oportet, quod sit aliquis modus variationis in scientia ipsius Angeli: non quod Angelus inciperet habere aliquam speciem, quam prius non habebat: sed quia illæ eadem species, cum representent res secundum esse quod habent, variatis rebus secundum tale esse, oportet, quod huiusmodi species representent res aliter, quam prius representarent. Ad 3. dicendum, quod Angelus non cognoscit materiam per potentiam puram, quod habeat in se speciem materiæ vel potentiæ puræ, sed habet in se species rerum materialium: propter quod cognoscit res materiales, & cognoscendo res materiales, cognoscit materiam & formam, ex quorum cognitione con-

D. August.
P. N. 4. sup.
Gen. ad litt.

stituantur materialia. Argumentum ergo procedebat, ac si cognosceretur materia per speciem propriam, quod non solum in Angelo, sed etiam in ipso Deo, multi negarent: dicerent enim, quod materia secundum se non habet ideam in Deo propriam; sed cognoscitur, vel representatur per ideam compositi, sicut fit factione compositi. Sed hic itur ad aliam materiam, & fortè distinguendum esset de ideis, prout deserviunt factioni vel considerationi: quidquid tamen sit in Deo, in ipsis tamen Angelis materia non habet propriam speciem, immò nec individua habet propriam speciem: immò per speciem universalem cognoscit particularia, & ea quæ sunt in particularibus. Ad 4. dicendum, quod non est simile de factione & representatione: quia potentia creandi materiam non posset alicui agenti communicari, nisi directè communicaretur ei, quod haberet posse super ipsam materiam; sed in representatione non sic, nam aliquid sufficienter facit, quod aliquid cognoscatur, vel facit quod representetur, ut de eo habeatur sufficiens cognitio absque eo, quod directè representet illud, ut per speciem recti sufficit cognoscere obliquum; attamen species recti directè representat rectum, non obliquum. Sic etiam materia cognoscitur per analogiam ad formam, ut vult Augustinus 12. Confess. & ut vult Phis 1. Phys. non habet ergo in Angelo aliam speciem materia, aliam formam, aliam compositum: sed tota natura composita ex materia & forma representatur per speciem, quam habet Angelus apud se: Angelus itaque cognoscens huiusmodi naturam per suam speciem intelligibilem, cognoscit materiam & formam tanquam partes illius naturæ; per se ergo & directè species representat totum, & facit cognoscere totum; ex consequenti autem facit cognoscere tanquam existentia in toto. Ad 5. dicendum, quod Angelus cognoscit particularia per species universales; non tamen propter hoc habet cognitionem futurorum, sicut presentium: nam (ut dicebatur) Angelus per species universales cognoscit naturam tanquam objectum; sed cognoscit particularia, in quibus habet esse natura, tanquam conjuncta objecto: & quia non eodem modo sunt conjuncta naturæ particularia presentia, quæ sunt ei conjuncta actu, sicut

particularia futura, quæ sunt conjuncta naturæ non actu, sed potentia: ideò non oportet, quod pari modo cognoscat futura, sicut presentia. Vel possumus dicere (quod in idem redit) quod Angelus per species universales cognoscit res, prout habent esse. Et quia non eodem modo habent esse presentia, & futura, ideò non oportet, quod eodem modo cognoscat hæc & illa. Ad 6. dicendum, quod cognitio fit per assimilationem, & maximè cognitio angelica quantum ad id quod cognoscit directè, & quantum ad principale objectum; non tamen oportet, quod cognitio fiat per assimilationem quantum ad ea, quæ cognoscit ex consequenti, vel quantum ad ea quæ cognoscit non tanquam objectum, sed tanquam annexa objecto, ut si Angelus per speciem subjecti cognoscit subjectum, & cognoscendo subjectum cognoscit proprietates ejus: quia non intelligit componendo: species ergo subjecti non erit similitudo proprietatum: attamen in huiusmodi cognitione Angelus cognoscit subjectum tanquam proprium objectum; proprietates verò cognoscit ex consequenti, & tanquam annexa ei. Sic est in proposito, per speciem universalem aliquam cognoscit naturam tanquam objectum; particularia verò in quibus habet esse illa natura, cognoscit tanquam annexa objecto. Ad 7. dicendum, quod una species directè non est ratio representandi nisi unum objectum per se & primò, ex consequenti autem unum & idem potest esse distincta ratio representandi multa, vel etiam omnia, quod veritatem habet in Deo, quam in Angelis. Deus autem, quia cognoscit per unum aliquid simpliciter, ut per suam essentiam, illa una essentia per se & primò non representat nisi se ipsam, sed representando se ipsam per se & primò, representat ex consequenti omnia, & distinctè omnia secundum quod omnia aliter, & aliter se habent ad Deum. Sic & in Angelo una species representat unum aliquid directè, vel naturam unius generis, vel naturam unius speciei, si cognoscat per speciem speciei. Nec obstat, quod natura generis secundum veritatem non est natura una: quia quod non est in rebus sensibilibus unitivè; in Angelo, qui est naturæ intellectualis & simplicis, poterit esse unitivè. Potebit enim in Angelo

D. August.
12. Confess.
& Phis 1.
Phys.

Quintum,
ad quod res-
ponderetur, sic
corriges ab
illis verbis:
Tertium in-
conveniens es-
set, quia u-
nus Angelus
non cogno-
sceret plus
per tales spe-

cies; quæ
alius cog-
noscat: res-
pondeatur
ergo quod
particularia
per speciem
universalem
cognoscantur
quod si
Angelus
cognoscit
particularia
per speciem
universalem
cum &c.

gelo p̄r sp̄ciem unam intelligibilem repr̄sentari totum unum genus: totum ergo genus respondebit tanquam unum objectum unius speciei. Et si Angelus cognosceret quidditates rerum secundum se, sicut intellectus noster cognoscit, tunc per talem unam speciem generis non intelligeret nisi unum aliquid; sed quia, ut dictum est, Angelus cognoscit quidditates rerum secundum esse quod habent in rebus, tanquam forma una per speciem generis cognoscet distincte plures formas, secundum quod forma generis habet aliud & aliud esse secundum aliam & aliam speciem, sive secundum aliam & aliam formam: semper ergo una species repr̄sentat in Angelo unum secundum se; & repr̄sentat distincte plura secundum quod illud unū habet plura & distincta esse. Ad formam autem arguendi dicendum, quod id, quod est unum secundum se, sicut est forma speciei, in alio & alio individuo erit alia & alia ratio essendi: quia habebit aliud & aliud esse, vel idem quod est unū, & si nō secundū se, saltem secundū acceptionē intellectus, cujusmodi est forma generis, erit alia & alia ratio essendi, secundum quod reservatur in alia & alia specie. Et quia unum & idem in alio & alio potest esse alia & alia ratio essendi, poterit esse alia & alia ratio cognoscendi, quod potissimè erit in eo, quod cognoscit res, quæ habent esse. Ad 8. dicendum, quod licet non sit analogia in specie specialissima, sed omnia individua ejusdem speciei æqualiter participant naturam specificam; attamen non participant naturam illam secundum unum & idem esse in genere: ergo quantum ad species est diversitas, & inæqualitas: nam reservatur natura generis in diversis speciebus, & quia natura generis non est una forma, non æqualiter participatur à suis speciebus. In specie autem quantum ad individua est diversitas, sed non propriè inæqualitas: habet enim una species diversa esse in diversis individuis, sed æqualiter participatur ab omnibus illis: & quia (ut dictum est) species in mente Angeli repr̄sentat naturam secundū esse, quod habet in rebus, sufficit, quod una species possit distincte repr̄sentare diversa individua, cum natura habeat distincta & diversa esse in diversis speciebus individuis. Ad 9. dicendum, quod cum

dicat Chrysost. quod unus Angelus non cognoscit alium, nisi alius velit: non est intelligendum quantum ad ipsam naturam Angeli: vel quantum ad ipsum suppositum angelicum: cognoscit enim unus Angelus naturam & suppositum alterius Angeli; sed hoc potest referri ad cogitationes & ad affectiones ipsius Angeli. Dicitur enim de aliquo homine, quod nullus potest eum cognoscere, si ille homo teneat se clausum, quod non revelet aliis cogitationes & affectiones suas: sic etiam in proposito unus Angelus non cognoscit alium, nisi alius velit, quia cogitationes & affectiones alterius Angeli non potest Angelus cognoscere, nisi ille alius Angelus velit ei se ipsum, id est, suas cogitationes & affectiones revelare. Ad 10. dicendum, quod Angelus cognoscendo naturam, cognoscit particularia, quibus est natura conjuncta: non autem oportet, quod cognoscat, nec quod possit cognoscere omnia particularia, quibus posset talis natura conjungi: & quia particularia existentia nō sunt infinita, nec esse possunt, non oportet, quod Angelus possit cognoscere infinita, nec quod possit fieri aliqua una virtus creata, quæ possit actu repr̄sentare infinita: quia tunc repr̄sentaret non solum facta, sed etiam possibilis fieri, quod in solo Deo veritatem habet.

Quid autem dicendum esset, si mundus potuisset esse ab æterno, & si Deus ipsum ab æterno fecisset, posset ne Angelus, hoc posito, infinita simul cogitare, quia infinita essent facta? Dicemus, quod de æternitate mundi non est præsentis speculationis investigare, utrum mundus potuerit esse ab æterno vel non? Tamen posito, quod potuisset Deus ipsum facere, & quod fecisset: & posito quod fuissent infiniti leones: quia de hominibus est alia ratio, non posset Angelus simul cogitare infinitos leones: Angelus enim intelligendo naturam leonis posset intelligere individua, in quibus habet esse illa natura, quæ infinita esse nō possunt: quia actu vel simul esse infinita est impossibile. Sed si vellet intelligere leones præteritos, oporteret, quod referret naturam leonis ad præteritum tempus. Ad intelligendum enim leones præsentis oportet, quod intelligat præsens tempus: nam de intellectu rei particularis est, quod sit

Supposito quod mundum Deus fecisset ab æterno, & quod fuisset infiniti leones, non posset Angelus simul infinitos leones cognoscere.

Nec infinita
nunc tempo-
ris, nec pri-
mum nunc
temporis,
sed bene ul-
timum præ-
sens nunc à
quo incipi-
ens.
Posset co-
gnosce-
magnum, &
semper ma-
jus, non ta-
mè actu in-
finitum.

hic & nunc : leō enim particularis non
dicit leonem simpliciter, sed dicit leo-
nem determinati temporis: nec propter
hoc concedimus, quod accidens faciat
ad intellectum substantiæ: nam Angelus
ipsam naturam intelligit per se & primò,
& intelligendo naturam, intelligit sup-
posita, in quibus habet esse, & quando
habet se illa natura: non ergo potest in-
telligere supposita particularia præsentia,
nisi intelligat hic & nunc, id est, locum
& tempus præsens, prout habet esse in ta-
libus particularibus talis natura: intelle-
ctus ergo naturæ, quæ per se repræsenta-
tur per speciem intelligibilem, facit ad
intellectum aliorum, non autem è con-
verso. Quid autem intelligat prius saltē
causaliter, utrum individuum vel tem-
pus, ut utrum intellectus individui sit cau-
sa intellectus temporis, vel è converso?
Non refert quantum ad solutionem ejus,
quod quæritur: sufficit enim, quod illi
intellectus se concomitentur, ut suf-
ficit, quod intellectus temporis con-
comitetur intellectui individui. Si ergo
individua non dicunt res simplici-
ter, sed res determinati temporis, si An-
gelus intelligit individua præsentia, oportet,
quod intelligat determinatum tem-
pus præsens. Si ergo deberet intelligere
individua præterita, deberet, quod nō
intelligeret determinatè cognita: ipse e-
nim determinatè non cognoscit omnes
species numerorū. Nam secundum Aug.
12. de Civ. Dei: *In finitas numeri, quāvis infini-
torum numerorū nullus sit numerus: non est tamen
incomprehensibilis ei, cujus intelligentiæ non est
numerus.* Si ergo mūdus fuisset ab æterno,
tempus præteritum fuisset infinitum: sed
constat, quod infinitum non repræsen-
tatur, ut aliquid in actu: sed hoc modo
apprehenditur, sicut partem accipienti-
bus semper sit aliquid extra sumere: non
ergo posset Angelus totum tempus præ-
teritum simul apprehendere: imò sic
apprehenderet tempus præteritum, sicut
apprehendit species numerorum: An-
gelus enim intelligendo species nume-
rorum, cum habeat intellectum finitum,
non inciperet à supremo, secundum quē
modum numerus vadit in infinitum; sed
inciperet ab infimo sive ab unitate, & pos-
set supra unitatem intelligere centū spe-
cies numerorum, vel mille: semper ta-
men species, quas intelligeret, essent fi-
nitæ: ita quod nunquam posset intellige-

re tot, quin posset intelligere plures: sem-
per enim esset ibi aliquid extra sumere.
Sic & in tempore, si mundus fuisset ab
æterno, esset dare in tempore ultimum
nunc, videlicet, nunc in quo sumus; nō
autem esset dare primum nunc, in quo
cœpit tempus, Angelus in intelligendo
tempus, inciperet à nunc ultimo, ubi tē-
pus habet finitatem: & posset ab isto nūc
intelligere aliquod magnum tempus: &
posset, si vellet, intelligere majus tempus,
nunquam tamen per intellectum posset
evacuare totum tempus: nec nunquam
per intellectum posset intelligere ita ma-
gnum tempus, quin posset intelligere
majus. Sed sicut sæpè diximus, semper
esset ibi aliquid extra sumere: Angelus
itaque nunquam posset simul intelligere
totum infinitum tempus, ergo nec infi-
nita particularia posset intelligere simul,
quia infinita particularia nō possunt esse
in tempore finito.

Ad 11. dicendum, quod id quod re-
præsentat album in eo, quod album, nō
repræsentat nigrum secundum quod ni-
grum; sed secundum quod repræsentat
album, secundum quod est species divi-
siva coloris, potest repræsentare & ni-
grum: quia & niger est species divisiva
coloris. Si ergo Angelus cognoscit per
speciem generis, ut per speciem coloris,
poterit per hujusmodi speciem cogno-
scere omnes species coloris, prout in eis
reservatur natura coloris, vel prout sunt
divisivæ coloris: sed si specialiter se con-
vertat super speciem coloris, prout est
repræsentativa albi, tunc sic se conver-
tendo, per speciem illam non intelligen-
ret directè nisi album. Et quod dictum
est de genere respectu specierum, veri-
tatem habet de specie respectu particu-
larium: nam Angelus per speciem, quam
habet apud se, intelligit hoc particu-
lare, prout in eo reservatur talis na-
tura: ergo poterit intelligere
simul & alia particu-
laria, prout in eis re-
servatur illa
eadem na-
tura.

¶

QUÆSTIO X.

Vtrum Angeli cognoscant futura?

DECIMO quæritur utrum Angeli cognoscant futura? Et videtur quod non: quia ut dicitur in libro de causis in propositione 2. *Intelligentia parificatur*

eternitati & est supra tempus. Sed res sicut se habet ad esse, ita & ad agere, si ergo intelligentia parificatur eternitati, & est supra tempus, ergo suum intelligere non circūcernit tempus: æqualiter ergo poterit intelligere futura, sicut presentia. Præterea: distinguitur ab Augustino in pluribus locis super Gen. ad litt. triplex cognitio angelica, videlicet, vespertina, matutina, & meridiana: & vult quod cognitio meridiana sit secundum quam cognoscit res in Verbo, sed in Verbo nihil est futurum: ergo saltem secundum cognitionem cognoscet omnia futura: nam si Angelus cognoscit omnia presentia, & in Verbo representantur ut presentia: ergo &c. Præterea: Angelus, intellecto subiecto, intelligit prædicatum, & intelligit accidentia: tempus ergo cum sit quoddam accidens, erit aliquod ens consequens cognitionem non impediens: igitur propter tempus non impiedetur Angelus, quin possit cognoscere futura. Præterea: ponamus, quod Sortes sit nasciturus, vel ergo cognoscit tempus Angelus vel non? Si sic? Habetur intentum. Si non? Ergo tempus quod est accidens, erit causa cognitionis substantiæ, quod est inconueniens. Præterea: sicut bonum est obiectum appetitus, ita verum est obiectum intellectus: quæ ergo habent eandem veritatem, eodem modo sunt obiecta intellectus: & per consequens eodem modo comparantur ad intellectum. Sed eadem est veritas presentium, præteritorum, & futurorum: quia illa eadem veritas, quæ prius est futura, postea sit præsens, & ultimò præterita: presentia itaque, præterita, & futura eodem modo se habent ad intellectum angelicum, ergo &c. Præterea: si Angelus cognosceret futura contingentia per coniecturam, cognosceret ea pro-

abiliter, quod est inconueniens: quia tunc posset decipi: sed futura contingentia vel cognoscit per coniecturam, ut probatum est, ergo &c. Præterea: voluntas sapientiam præire non potest. Et secundum Augustinum 10. de Trinitate, in-
 A visa possumus diligere: sed incognita nequaquam, quidquid ergo volumus, vel quidquid diligimus, cognoscimus: si Angeli possunt velle quæcumque contingentia futura, quæ habent rationem boni, ergo omnia talia contingentia futura cognoscit. Præterea: homo per phantasmata potest intelligere præterita, quia habet phantasmata præteritorum, si ergo haberet phantasmata futurorum, posset intelligere futura. Cum ergo Angeli habeant species futurorum, quia nullam speciem de novo acquirunt: ergo &c. Præterea: esse est de ratione individui: sed per speciem, quam habet vniversalem, potest intelligere aliquod individuum futurum: & per consequens intelliget eius esse: habebit ergo determinatam cognitionem de eo. Præterea: secundum Phm in 3. *Phyf. Posse enim ab ipso esse nihil differt in perpetuis.* Cum ergo Angelus sit de genere perpetuorum, quidquid potest intelligere, intelligit actu: si ergo est in potentia ad intelligendum futura: ergo actu intelligit futura. Præterea: nihil accrescit Angelo per progressum rerum in esse: quia res nihil agunt in intellectum Angelicum, ergo ita cognoscit futura sicut presentia. Præterea: contingens, & necessarium opponuntur, sed oppositorum eadem est disciplina: si ergo Angelus cognoscit futura necessaria, consequens est, quod cognoscat futura contingentia. Præterea: ista futura contingentia reducuntur in motum cœli, motus cœli in Angelum moventem, Angelus ergo movens cognoscit omnia ista futura contingentia. Præterea: vult Gregorius 4. *Dialog.* quod anima absoluta à nexibus corporeis cognoscit futura: ergo multò magis Angelus, qui nec habet naturaliter sibi vnitum corpus, nec dependet à corpore.

In contrarium est quod dicitur Isaia 41. *Annuntiate quæ ventura sunt in futurum, & sciemus quia dii estis,* ergo solus Deus potest cognoscere futura.



D. Ang. P.
N. 10. de
Trin. cap. 1.

Phus 3.
Phyf. eôm.
32. textu
antiquo.

D. Greg.
4. Dialog.

Isaia cap.
41. n. 23.

*Angelus naturali cognitione futura contingen-
tia scire non potest, sed solum per conjecturam;
supernaturali verò cognoscere potest quæ Deus
revelare voluerit: & similiter demon quæ
futura ex scripturis patent, vel quæ
ex revelatione Angelorum,
valet cognoscere
solum.*

Respond. dicendum, quòd Damasc.

2. lib. cap. 4. hanc quæstionem determinat dicens: *Ac futura quidem, tam-
etsi ea, nec Dei Angeli, nec demones norint, utriusque
tamè prædicunt sed dispari modo. Angeli enim futu-
ros eventus non aliter prædicunt, quàm Deo ipsis,
quæ futura sunt, detegente, ac prædicere imperâre.
Quo fit, ut ea omnia eveniant quæ ab ipsis prædi-
cuntur.* Angeli ergo secundum sententiam

Damasc. futura cognoscunt non per natu-
ram, sed Deo revelante, & futura præ-
dicunt Deo iubente: unde quæcumque
prædicunt, fiunt: quia Deus non revela-
ret eis nisi vera: nec juberet eos prædica-
re nisi vera. Et subdit Damasc. eodem
lib. & cap. quomodo demones cognos-
cant futura, etiâ dicens: *Dæmones autem
ipsi quoque prædicunt, interdum videlicet, quia
ea, quæ procul geruntur, cernunt: interdum sola
conjectura ducti. Et quo etiam efficitur (ait)
ut plerumque mentiantur. Nec verò fides illis
ulla exhibenda est, etiam si persæpè accidat. Et
subdit: ut, quo diximus modo, vera dicant.
Quin Scripturas quoque illi callent.* Est ergo in-
tentio Damasc. quòd dæmones hoc mo-
do prædicunt futura. Primò, videntes
futura à remotis, utputà, necessaria quæ
vident in suis causis: ut quæ vident per
scripturas, quia oportet scripturas im-
pleri, & potissimè Scripturas sacras: de
quibus Scripturis sacris multa noverunt
dæmones. Aliqua verò prædicunt dæ-
mones, non tanquam videntes, sed tan-
quam conjicientes, id est, tanquam de
eis conjecturam habentes: utputà, futu-
ra contingentia, de quibus nunc currit
quæstio. Futura enim contingentia dæ-
mones non possunt scire naturaliter, ni-
si per conjecturam. Si autem sciunt ea
certitudinaliter, hoc non erit naturaliter,
sed vel hoc erit revelatione Angelorum,
vel hoc erit, quia de illis futuris contin-
gentibus fit mentio in Scriptura sacra: &

A idè multoties mentiuntur prædicendo
futura contingentia, quia nesciunt ea
certitudinaliter. Eis autem non oportet
credere, cum nobis prædicunt futu-
ra: primò, quia ea nesciunt. Secundò,
quia dato, quòd ea scirent, ut nos deci-
pian, mentiuntur: unde & si multoties
vera dicunt, hoc est, ut nos alliciant: sem-
per tamen intendunt nos fallere & deci-
pere. Veritas ergo quæsit in hoc confi-
sit, quòd nec Angeli nec dæmones na-
turali cognitione cognoscunt futura. In
hac ergo quæstione sic procedemus,
quòd Angeli naturali cognitione futura
scire non possunt. Secundò declarabi-
mus, quomodo Angeli possunt scire fu-
tura cognitione supernaturali.

B Propter primum sciendum, quòd
futura non sunt in se ipsis; sunt autem in
suis causis: ex hoc enim dicitur ali-
quid futurum, quia non est secundum
se, sed in sua causa habet aliquem ordi-
nem, vel aliquam aptitudinem, ut fiat.
Dupliciter ergo declarabimus, quòd An-
geli naturali cognitione non possunt sci-
re futura. Primò quidem ex parte ipsarum
causarum, ubi habent esse futura secun-
dum cognitionem angelicam. Secundò
ex parte ipsius cognitionis angelicæ. In
tribus ergo consistet tota solutio quæsi-
ti. Primò, quòd in causis, quas cognos-
cunt Angeli naturaliter, non possunt An-
geli futura scire. Secundò ex parte ipsius
naturalis cognitionis angelicæ ostende-
mus, quòd non possunt Angeli futura
scire. Tertiò declarabimus, quomodo co-
gnitione supernaturali possunt Angeli
scire futura.

Propter primum sciendum, quòd
causæ, quas cognoscunt Angeli natura-
liter, de necessitate sunt causæ creatæ:
nam ipsum Deum nec Angeli, nec ali-
quæ creaturæ naturaliter cognoscere pos-
sunt: habitat enim Deus lucem inaccessi-
bilem: ad visionem enim istius lucis
nulla creatura accedere potest. Vnde
Dionys. 1. cap. de Divin. nomin. ait, quòd
Deus est sublimior omni sermone, omni
cognitione, & super mentem naturali-
ter, & substantiam collocatur: nulla er-
go mens potest attingere Divinam essen-
tiam, loquendo de cognitione naturali:
ex ipsis ergo causis creatis accipiendæ sunt
rationes, quomodo Angeli naturali co-
gnitione non possunt futura scire: quia
causa increata cujusmodi est Deus men-
ti

Damasc. lib.
2. de fide or-
thoxa cap.
4.

D. Dionys.
cap. 1. de
Div. nomin.

ti angelicę per essentiam naturaliter nota esse non potest. Circa causam autē creatam est quatuor considerare, videlicet, ipsam causam creatam agentem. Secundō causam regulantem: nam omnis causa creata agit ut instrumentum, & habet aliquam aliam superiorem causam regulantem ipsam. Tertiō est ibi considerare causam adminiculantem: nam causę creatę non solum non sunt primę, quia habent causam regulantem; sed etiam non sunt totales, quia indigent causis adminiculantibus. Sol enim multa potest mediantibus istis causis inferioribus, quę non posset sine eis, ut mediante virtute feminis equi facit ad generationem equi, quod nō posset facere sine tali virtute. Sol igitur & equus generant equum. Deus enim habet adminiculantes causas, quia nos coadiutores Dei sumus, sed hoc non est ex indigentia: quia ipse est causa perfecta, & totalis potens sine causa secunda quidquid potest mediante tali causa. Quartō circa huiusmodi causas attendenda est dispositio materię: nam actio causarum creatarum multum dependet ex dispositione materię: quia ut dicitur in 2. de Anima. Actus activorum sunt in patiente & disposito. Causę ergo creatę secundum se sunt variabiles, ut referuntur ad causas superiores, sunt causę regulatę, & sunt organa: ut referuntur ad causas inferiores sunt causę non totales, sed defectivę indigentes adminiculo inferiorum causarum: ut referuntur ad suas actiones, requirunt materiam dispositam & aptam ad suscipiendas actiones talium causarum. Secundum hoc ergo adducemus quatuor rationes ad propositum, quod non possint Angeli futura cognoscere.

Prima talis est, nam omnis creatura mutationi subiecta est: quia res quę à versione incipit, ipsa quoque versioni subiecta est: si ergo omnis creatura oportet quod sit ibi modo mutabilis; nulla ergo creatura, quantum est de sui natura, potest producere effectum de necessitate, quia propter sui mutabilitatem potest impediri: cum ergo scientia sit eorum, quę immutabilem substantiam sortiuntur, ut vult Boëtius circa princip. Arithmeticę. Et cum scire sit causam cognoscere, & quod illius est causa: & quod non contingit aliter se habere, ut dicitur circa principium posteriorum. Nullum futu-

rum contingit cognosci certitudinaliter in aliqua causa creata. In solo autem Deo, cui nulla potest accidere variatio, possunt futura sciri: Angeli ergo cognitione naturali non possunt scire futura: quia non possunt cognoscere nisi causas creatas: ubi propter mutationem talium causarum futura immutabilem substantiam sortiri non possunt. Nec debet distingui de futuris, ut dicamus, quod quędam sunt futura necessaria, quędam contingencia. Nam proprię futurum est, quod subiectum est variationi temporum. Omne tale prout est in causa creata potest impediri. Vnde & motus Solis, qui videtur ita necessarius, impeditus fuit tempore Josue: & eclipsis Solis in passione Domini fuit in plenilunio. In universali autem potest in talibus esse necessitas, ut quod triangulus habeat tres, sed in particulari, quod triangulus aliquis sit futurus: & quod futurum sit ex hoc habere tres, non est necessarium, quia poterit impediri, quod futurus triangulus non fiat, sicut futurus quis incedere, nō incederet. Vt dicitur 2. de Generat. sic si debeat fieri futurus triangulus, poterit esse, quod non fiet ille triangulus: futura ergo ut sunt in causa creata, non sunt necessaria, quia non sunt ibi immutabiliter: attamen si essent ibi necessaria, vel ut sunt ibi necessaria, quia aliqua sunt quę valde rarō impediuntur, sicut sunt motus astrorum, qui uniformiter se habent: & si impediuntur, hoc ex miraculo & valde rarō: talia futura, ut secundum se sunt necessaria, possunt sciri ab Angelis. Optimē enim sciunt Angeli, quando eclipsabitur Sol per interpositionem terre: futura autem contingencia, vel futura ut sunt mutabiliter in causa creata scire non possunt.

Secunda via ad hoc idem sumitur ex causa regulante. Dictū est enim, quod nulla causa creata est causa prima: sed omnis talis causa habet superiorem causam videlicet causam increatam, per quam regulatur, & dirigitur: nihil ergo est necessariō in causa creata, quia potest impediri per superiorem causam regulantem. Solus ergo ille, qui non habet superiorem causam regulantem, quod in se preordinavit, immutabiliter ager, & oportet omne tale futurum esse: Angeli ergo naturali cognitione non possunt scire, quia non vident ea in causa suprema

Phus 2. de Gen.

Futura quę secundum se sunt necessaria & quę non impediuntur nisi per miraculum, sic sciri ab Angelo possunt, non verō futura contingencia ut mutabiliter sunt in causa creata.

Secunda ratio desumpta ex causa regulante.

ma non habentē superiorem regulam ; sed secundū naturalem cognitionem solum vident futura in causa creata, quā à superiori causa regulante impediri potest, nec producat effectum.

Tertia ratio
ex causa ad
miniculante.

Tertia via ad hoc idem sumitur ex causa adminiculante: unde & Prolemaus in centilogio dixit, quod iudicia astrorum sunt media inter possibile & necessarium. Non enim secundū ipsum talia iudicia sunt possibilia ad utrumlibet; nec sunt necessaria, quod non possint aliter se habere: sed sunt modo medio: quia sunt, ut in pluribus, quod contingit ex adminiculantibus causis: astra enim directē non habent dominium super liberum arbitrium; habent tamen dominium super hæc inferiora corpora: attamen potest hoc impediri ex adminiculantibus causis, ut non semper Sol mediante virtute pullulativa plantę agit hūc effectum, qui est pullulare: quia potest esse corruptio in ipsa virtute pullulativa, quā corrupta, non sequitur ibi effectus. Virtus enim pullulativa plantę est causa adminiculans, per quam Sol facit prædictum effectum: propter defectum ergo causę adminiculantis impeditur hic effectus Solis, qui est pullulare. Et quod dictum est in pullulatione, intelligendum est de effectibus, quibus possunt astronomi iudicare, utputā, de abundantia, & de sterilitate: quantumcumque enim astra sunt disposita, quod ex hoc debeat contingere abundantia aliquarum rerū, utputā, vini, vel olei: vel quantumcumque sint disposita, quod debeat esse ventos, vel pluvia, poterit hoc impediri ex causis adminiculantibus, utputā, quia virtutes inferiores deficiunt, ut non possint esse sufficientes coadjutrices superiorum virtutum.

Quarta ratio
ex dispositione
materie.

Quarta via ad hoc idem sumitur ex dispositione materie. Nam quantumcumque secundū cursus astrorum debeat esse hoc vel illud, propter indispositionem materie poterit impediri huiusmodi effectus. Solus ergo Deus in suo effectui impediri non potest. Nam quia non præsupponit materiam, quia potest ipsam materiam producere, non oportet, quod præsupponat dispositionem materie: nā ad suum nutum materia producet, & disponetur, & perficietur pro suę voluntatis arbitrio. Quod ergo est futurum secundum Divinam providentiam, illud

oportet evenire; quia non poterit impediri ex parte causę agentis & ordinantis, cum Deus sit immutabilis & invariabilis: non ex parte causę regulantis, quia nulla n habet Deus superiorem causam nec superiorem regulam: nec ex parte causę adminiculantis, quia non indiget Deus adminiculo alicujus alterius (potest enim Deus sine secundis causis producere quicquid potest producere cum illis) non ex parte dispositionis materie, quia sicut potest ipsam materiam producere, ita potest omnem dispositionem in materia inducere. Si ergo Angeli naturali cognitione possent hanc causam per essentiam intelligere, ubi futura immutabiliter sunt futura, multum videretur probabile, immo esset necessarium, quod ipsi omnia futura cognoscerent. Sed cum naturali cognitione non possint, per essentiam cognoscere nisi causas creatas, ut propter rationes tactas nihil immutabiliter est futurum, cognitionem futurorum Angeli per naturam habere non possunt.

Adductis rationibus ex parte ipsarum causarum, quod Angeli non possunt certitudinaliter futura cognoscere, volumus adducere rationes ex parte ipsius cognitionis Angelicę: cognitio autem Angelica potest quadrupliciter considerari. Primò ut comparatur ad suum obiectum. Secundò ut comparatur ad suum subiectum, ut ad ipsum intellectum angelicum. Tertiò, ut consideratur secundum se. Quartò & ultimò ut comparatur ad suam mensuram. Si enim cognitio Angelorum se extenderet ad ipsa futura, ita quod Angelus cognosceret certitudinaliter futura, sicut cognoscit presentia: tunc cognitio Angeli esset invariabilis, cum eodem modo se haberet ad presentia & ad futura. Ex hoc ulterius sequeretur, quod principale obiectum cognitionis angelicę nullam variationē susciperet: quia si principale obiectum esset alicui variationi subiectum, cum cognitio dependeat ex obiecto,porteret ipsam cognitionem variationē suscipere: non igitur eodem modo se haberet ad omnia, ut ad presentia & futura. Una ergo via ad investigandum propositum invenitur ex variatione obiecti. Rursus si Angelus certitudinaliter cognosceret futura sicut presentia, omnia responderent cognitioni suę tanquā præ-

Alia quæ
tuor ratio-
nes ex pri-
te cogniti-
nis angelicę.

Prima ex
variatione
objecti.

præsentia, & omnia tanquam actu existētia: esset ergo intellectus angelicus ipse actus nullam habens potentialitatem admixtā, quia nulli intellectui respondēt omnia tanquam præsentia, & tanquam actu existētia, nisi huiusmodi intellectus sit ipse actus, nullam habens potentialitatem admixtam.

Secunda ex parte intellectus Angelici. Secunda ergo via ad investigandum propositum sumetur ex parte ipsius intellectus angelici, qui est subiectum angelicæ cognitionis: ut ex eo quod talis intellectus habet potētiā admixtam, non possunt ei omnia respondere tanquam præsentia. Advertendum tamē quod cū dicimus, quod intellectui Divino omnia respondent tanquam præsentia & tanquam actu existētia, non est hoc intelligendum ex parte rerum cognitarum, ut quod Deus decipiatur in cognoscendo: ut quod credat esse præsentia, quæ sunt futura: vel credat actu existere, quæ non existunt; sed hoc referendum est ad Deum cognoscentem: quia ipse omnia cognoscit præsentialiter: nam non præsentia in genere proprio, sunt præsentia Deo: cognoscit enim Deus non præsentia præsentialiter; sic quæ nō actu sunt in genere proprio, actu relucēt in intellectu Divino, ita quod Deus actu cognoscit quæ non sunt actu, quod totū cōtingit ex summa actualitate ejus: ut quia est ipse actus, idē omnia relucēt ibi actu, nihil potest ibi relucere in potētia. Tertia sumetur ex parte ipsius cognitionis secundū se: nam si Angelo essent nota præsentia & futura, tunc non posset proficere cognitio angelica.

Quarta ratio ex parte mensuræ cognitionis angelicæ, quæ differt à cognitione Divina. Quarta sumetur ex parte mensuræ cognitionis angelicæ: quia (ut apparebit) cognitio Angeli aliquo modo mensuratur tempore, licet tempus illud non sit ejusdem rationis cum tempore, quod est passio primi motus. Differt ergo cognitio angelica à cognitione Divina ex parte objecti: quia principale objectum cognitionis Divinæ nullo modo est variabile; sed principale objectum cognitionis angelicæ est aliquo modo variationi subiectum. Secundō differt ex parte subiecti sive ex parte ipsius intellectus, in quo habet esse talis cognitio, quia intellectus Divinus est ipse actus nullam habens omninō potentialitatem admixtam. Tertiō differt ex parte ipsius cognitionis secundū se: quia cognitio Divi-

na nō potest ulterius proficere, nec potest suscipere ulteriorem perfectionem, sed est ipsa perfectio; sed cognitio angelica potest proficere, & esse perfectior. Quartō differt ex parte ipsius mensuræ: quia cognitio Divina mensuratur mensura invariabili, cū mensuretur æternitate; sed cognitio angelica mensuratur quodammodo mensura variabili, quia quodammodo mensuratur tempore. Ex his autem quatuor differentiis, ut aliquo modo patefactum est, possunt sumi quatuor rationes vel quatuor viæ: quod Deo naturaliter sunt cognita futura, & non Angelo.

Prima via sic patet. Nam principale objectum cognitionis Divinæ est ipsa Divina essentia, sive ipse Deus: nihil enim cognoscit Deus nisi se ipsum: verum est primo & principaliter, vilesceret enim intellectus Divinus, si objectum ejus principale esset aliquid aliud, quā Deus: quia ex objecto principali sumitur perfectio intellectus, propter quod perfectio intellectus Divini dependeret ab aliquo alio, quā ab ipso Deo: propter quod Augst. 83. qq. q. de ideis. Vult quod sacrilegium sit dicere, quod Deus cognoscat aliquid aliud extra se. Deus enim nihil extra se aspicit, sed omnia in se ipso cognoscit. Solū ergo se ipsum cognoscit tanquam principale objectum, alia autem cognoscit cognoscendo se: & quia principale objectum cognitionis Divinæ nullo modo est variabile, consequens est quod & ipsa cognitio Divina nullo modo varietur. Sicut enim objectum suum principale semper est uniformis, ita & ipsa cognitio semper est uniformis: sic enim cognoscit futura sicut & præsentia. Sed objectum cognitionis angelicæ etiam principale non solum est ipsa essentia Angeli, sed sunt ipsæ naturæ rerū: Angelus enim cognoscendo se, non cognoscit omnia: immō tanquam in principale objectum fertur cognitio Angeli non solum in se ipsum, sed in alia à se, quia fertur in ipsas naturas rerum. Cū ergo ipsæ naturæ sint variabiles, prout referuntur ad supposita præsentia & futura: nam natura creata in suppositis præsentibus perficitur secundū actuale esse, quod habet in eis; in suppositis autem futuris non perficitur secundū actuale esse, sed est perfectionis secundū esse possibile. Si ergo na-

Prima ratio ex prima differentia.

D. Aug. P. N. 83 qq. q. 46.

naturæ rerum sic variantur, cognitio angelica, quæ tanquam in objectum principale fertur in ipsas naturas rerum, oportet, quod hoc modo varietur, ut supposita actu habentia naturas rerum actu cognoscat: supposita verò futura quæ sunt possibilia in tali natura, potentia cognoscat. Non valeret si quis diceret, quia objectum principale cognitionis angelicæ non sunt ipsa supposita, sed ipsæ naturæ: nec etiam valeret si diceret, quod supposita sunt illa, quæ variantur per se; aliæ verò variantur per accidens: non enim ex hoc posset concludere cognitionem angelicam nullo modo variabilem esse. Nam quæ sunt per accidens vera sunt. Nam licet per accidens sit, quod homo sit albus, vel niger, vel medio colore coloratus: quia homo, secundum quod homo, non est aliquid tale; attamen verum est, quod homo vel est albus, vel niger, vel medio colore coloratus. Sic etiam & in proposito, licet per accidens sit, quod varietur natura: quia non variatur nisi variatione suppositi; attamen verum est, quod variato supposito variatur natura: variata autem natura, quæ est principale objectum cognitionis angelicæ, ut quia incipit huiusmodi natura esse in aliquibus suppositis, in quibus prius non erat: & quia incipiunt aliqua supposita in tali natura esse præsentia, quæ prius erant futura, & incipiunt esse actu, quæ prius erant in potentia, oportet, quod etiam aliquo modo varietur cognitio angelica, ut quod incipiat Angelus actu cognoscere illa supposita, quæ prius cognoscebat in potentia; & incipiet ea cognoscere præsentialiter, quæ prius non cognoscebat præsentialiter.

Secunda ratio ex alia differentia.

Secunda via sic patet: nam si intellectui angelico omnia repræsentarentur actu, & nihil repræsentaretur ibi potentialiter, sequeretur, quod huiusmodi intellectus esset actus purus nullam habens potentialitatem admixtam. Nam actualitas & potentialitas, ut aliquo modo in præcedentibus innuebatur, potest accipi vel ex parte rerum cognitarum, & tunc si cognitio sit perfecta, oportet, quod quæ sunt actu, repræsententur ut actu, & quæ potentia, ut potentia; sed ex parte intellectus cognoscentis, quantum actualior est intellectus, tanto actualius videt quæ videt; quantum potentialior

tantò potentialius: intellectus ergo Divinus, quia est ipse actus purus, unico actu, unico simplici intuitu omnia intuetur tam præsentia, quam futura: causa ergo quare intellectui Divino, quantum est ex parte ipsius intellectus, omnia repræsentantur actualiter, est propter perfectissimam actualitatem existentem in ipso intellectu, ut nihil possit ibi repræsentari possibiliter: nam & ipsa possibilia ibi repræsentantur actualiter: ponere ergo, quod talis esset intellectus angelicus, videlicet, quod quantum est ex parte ipsius intellectus, ipsa futura & ipsa possibilia ibi repræsentarentur actualiter, esset ponere, quod huiusmodi intellectus nullam habere potentialitatem admixtam. Dicemus enim, quod intellectus Divinus propter summam suam actualitatem, ut quia de sui natura est actus purus in genere intelligibilium, ideo & quæ sunt potentia repræsentantur ibi actu: ideo vocat ea quæ non sunt, tanquam ea quæ sunt. Intellectus autem noster propter nimiam suam potentialitatem, ut quia de sui natura est potentia pura in genere intelligibilium, ideo omnia repræsentantur ibi in potentia, etiam quæ sunt actu, repræsentantur ibi ut in potentia: modus ergo intellectus noster est habere modum oppositum ad intellectum Divinum: non enim intellectus noster novit ea, quæ non sunt, tanquam ea quæ sunt; sed è converso, novit ea quæ sunt, tanquam ea quæ non sunt: objectum enim intellectus nostri est ipsa quidditas rei secundum se, quæ sic accepta non dicit aliquid quod sit, sed aliquid quod possit esse: quidditas enim secundum se est aliquid in potentia ad esse, & non habet esse nisi per esse rerum habentium quidditatem: cum ergo intellectus noster intelligit quidditatem rose, nihil scit de suppositis ejus, non magis scit supposita quæ sunt, quam supposita quæ non sunt. Intellectus autem angelicus, quia se habet medio modo, quia de sui natura nec est actus purus, nec potentia pura; sed tenet modum medium, ideo intelligendo aliquam naturam, nec intelligit omnia supposita tam actualia, quam possibilia in actu, sicut intellectus Divinus: nec omnia intelligit in potentia, sicut intellectus humanus; sed supposita quæ sunt actu, & quæ sunt præsentia intelligit actu; quæ autem sunt possibilia &

& quæ possunt esse, non intelligit actu, sed in potentia.

Tertia ratio ex differentia tertia.

Tertia via sic declaratur. Nam cognitio Divina est omnino simplicissima, simpliciter autem est sua perfectio, ideo non potest ulterius perfici. Si ergo cognitio Divina inciperet cognoscere aliqua de novo, quæ prius non cognoscebat, perficeret suam cognitionem, & progredientibus rebus in esse, esset sua cognitio perfectior, quàm prius, quod est inconveniens: ideo sic cognoscit futura sicut præsentia: totum decursum rerum uno simplici intuetur intuitu. Ut si quis videret totum fluxum alicujus aquæ uno intuitu, quia possibile est simul totum aliquod spatium aspicere, videret, quomodo partes illius aquæ se haberent ad invicem, ut quæ essent priores, & quæ posteriores: sic Deus uno simplici intuitu aspiciens totum decursum temporis, videt, quomodo omnia se habent ad tempus, & quæ sunt priora, & quæ posteriora in tempore: ita quod progredientibus rebus in esse, in nullo perficitur sua cognitio. Sed cognitio angelica, quia non est omnino simplex, nec potest totum decursum temporis simul apprehendere, sed secundum processum temporis, & progredientibus rebus in esse perficitur sua cognitio: ita quod incipit aliqua de novo intelligere, quæ prius non intelligebat, quod non est, nisi quia incipiunt aliqua præsentia esse, quæ prius non erant præsentia, sed futura: non ergo habet Angelus cognitionem futurorum.

Quarta ratio ex parte mensuræ.

Quarta via ad hoc idem sumitur ex parte mensuræ. Nam si esset aliquod futurum, quod Deus nunc non cognosceret, & postea usque ad mille annos cognosceret, illud simul ipsum cognosceret & non cognosceret. Et si Deus nunc esset albus, & postea per mille annos esset niger, simul esset albus & non albus, & simul niger & non niger, & simul albus & niger: ideo omnino nulla mutatio potest in Deo poni, quia statim, hoc posito, sequeretur contradictoria simul vera esse: nam Deus mensuratur nunc æternitatis, quod est omnino quid simplicissimum: ideo quæcumque ibi sunt, simul sunt. Debeamus enim res referre ad mensuras proprias: nam licet toti decursui temporis assistat unum simplex nunc æternitatis, non tamen omnia, quæ sunt in tempore, sunt simul: licet omnia sint in nunc

æternitatis: nam partes temporis non sunt simul temporalia: ergo non debent dici esse simul; quia eis assistit unum simplex nunc æternitatis, quia non est eorum propria mensura illud nunc: & Deus, licet sit in toto decursu temporis, non tamen in suo esse nec in sua perfectione habet successionem; quia non est ejus propria mensura tempus; sed æternitas, vel nunc æternitatis, quod est totum simul: ideo omnis cursus temporis per accidens comparatur ad Divinum esse; sed per se comparatur ad Deum ipsa simultas: unde in Deo est totum simul. Et quia ibi omnia sunt simul ratione mensuræ, & ratione æternitatis, quæ mensuratur sua cognitio, omnia cognoscit simul, ita quod quæ non sunt simul in proprio genere, sunt simul in Divina cognitione: sed cognitio angelica aliquem modum successionis habet, in quantum modò cognoscit per unam speciem, modò per aliam: non enim intellectus angelicus informatur actu omnibus speciebus simul, sed nunc convertit se super hanc speciem, nunc super illam pro suæ libertatis arbitrio. Rursus quantum ad ea, quæ intelligit per unam & eandem speciem, non intelligit omnia simul: quia species illa repræsentat naturam secundum esse quod habet in rebus, non secundum esse possibile, sed secundum esse actuale. Si enim cognosceret supposita alicujus naturæ secundum esse possibile, quodammodo cognosceret modo infinito, quia individua potentia sunt infinita: cognitio ergo angelica, quia non est tota simul, aliquo modo mensuratur, secundum quod omnis mensura successiva vocatur tempus; non enim hujusmodi tempus est ejusdem rationis cum tempore primi motus, quia non dependet intelligere angelicum à motu coeli; mensuratur tamen tempore, id est, mensura successiva. Vnde & Augustinus *super Gen.* ad litt. dicit, quod creatura spiritalis movetur per tempora, quia movetur secundum varias affectiones & secundum varias cognitiones. Non enim Angelus afficitur ad omnia simul, & secundum naturalem cognitionem non cognoscit omnia simul: sed cognitio illa, quæ respicit futura tanquam præsentia, nullam patitur successionem; cognitio autem Angeli patitur successionem, ergo non cognoscit futura tanquam præsentia, nec

D. August. P. N. super Gen. ad litt. lib. 8. cap. 20.

habet naturaliter cognitionem futurorum.

Postquam adduximus rationes ex parte caularum creaturarum, & ex parte ipsius cognitionis angelicæ, quod Angelus naturaliter non cognoscit futura, volumus breviter aliqua tangere: utrum cognitione supernaturali cognoscat futura? Propter quod sciendum, quod cognitio Angeli supernaturalis est illa, quæ habet in Verbo: si ergo Angelus videndo Verbum comprehenderet Verbum cognosceret omnia futura, quia omnia relucet in Verbo; sed quia videndo Verbum non comprehendit Verbum, non oportet, quod cognoscat futura in Verbo, nisi quatenus in suo verbo vult ei revelare futura. Unde sciunt Angeli futura, Deo revelante, ut diximus circa principium solutionis.

Resp. ad arg. Ad 1. dicendū: quod intelligentia secundū Auctore de causis parificatur æternitati. In quibus verbis Auctor ille vult dare differentiam inter intelligentiam & animam, & potissimè loquendo de anima nobili, cuiusmodi est anima celi; nam propria operatio animæ est movere, igitur movere secundū illū Auctore competit animæ propriè, intelligere autem secundū eundem competit animæ ex eo, quod participat in intelligentia: anima igitur secundū illū Auctorem non parificatur æternitati, id est, ævo. (nam de æternitate creata loquitur, cum dicit Deum esse supra æternitatem) Parificari itaque æternitati secundū ipsum est, quando tam secundū substantiam, quam secundū operationem mensuratur æternitate, sive ævo: & quia substantia animæ mensuratur æternitate, id est, ævo: operatio autem ejus, quæ est movere, non mensuratur ævo, sed tempore: idè dicitur anima non parificari æternitati. Sed voluit ille Auctor, quod tam substantia intelligentiæ, quam ejus operatio, quæ est intelligere, mensuratur ævo sive æternitate: idè dixit intelligentiā parificari æternitati. Quod si volumus hoc reducere ad bonum intellectum, dicemus, quod anima non parificatur æternitati, quod per se est, quod operatio animæ, quæ est movere, sit successiva, idè per se est, quod operatio animæ mensuretur tempore; sed quod in ipso intelligere sit successio, hoc est per accidens, ut si intel-

A lectus angelicus habet successionem in suo intelligere, hoc est per accidens, utputa, ratione diversitatis specierum, ut quia non intelligit omnia per unam speciem, & quia non potest se convertere perfectè super omnes species, omnino oportet, quod intelligat successivè. Rursus quod in intelligendo per unā & eandē speciem sit successio, hoc est per accidens, ut ratione mutationis rerum: ipse ergo motus per se est, quod sit successivus, quia si non esset successivus, non esset motus: sed quod ipsum intelligere sit successivum, hoc est per accidens, quia ergo ipsa operatio animæ per se mensuratur tempore, dicitur anima non parificari æternitati; sed quia non est per se, quod intelligere mensuretur tempore, vel quod in intelligere sit successio, idè dici potest, quod intelligentia parificetur æternitati: tamen ea, quæ sunt per accidens, ut diximus, vera sunt: licet hoc per accidens sit, quod in intelligere sit successio, verum est tamen, quod in intelligere ipsius Angeli est aliquis modus successionis, quia non intelligit omnia simul, nec comprehendit totum cursum temporis simul, nec intelligit futura, ut præsentia, ut est per habita declaratum. Ad 2. dicendum, quod licet in Verbo nihil sit futurum, sed omnia reluceant ibi præsentialiter; attamen quia Angelus videndo Verbum non comprehendit ipsum, videndo Verbum non videt ibi omnia futura; sed solum videt ea, quæ Deus vult sibi revelare. Ad 3. dicendum, quod si Angelus perfectè cognosceret subiectum, cognosceret & prædicatum: & si perfectè cognosceret rem futuram, cognosceret & tempus, in quo habet esse illa res futura: sed quia non cognoscit rem illam futuram, idè non cognoscit determinatū tempus, in quo habebit esse huiusmodi res, nec etiā scit certitudinaliter, si aliquando habebit esse, quia fortè nunquam erit: non ergo ex tempore cognoscit rem futuram, nec tempus impedit cognitionem rei futuræ: imò hoc impedit, quia huiusmodi res futura non actu existit sub sua natura: ordo enim cognitionis angelicæ est, quod cognoscat ipsam naturam; & cognoscendo naturam, cognoscat & supposita in quibus existit illa natura; & cognoscendo supposita existentia sub tali natura, cognoscit & tempus, in quo huiusmodi su-

supposita habēre esse sub tali natura. Et in-
de est, quod licet supposita pręterita nō
actu existāt sub sua natura, attamen quia
habet Angelus determinatā cognitionē
pręteritorum, cognoscēdo ea, cognoscit
& tempus in quo fuerunt illa supposita
in sua natura. Si ergo sic certitudinali-
ter cognosceret futura, cognoscendo
supposita futura, cognosceret & tempus,
in quo habebunt esse huiusmodi suppo-
sita: ignorantia ergo tēporis nō impedit
cognitionem futurorum, sed ē conuer-
so, ignorantia futurorum impedit co-
gnitionem temporis: ut quia non co-
gnoscent res futuras, ideō non cognos-
cent tempus, in quo habebunt esse
huiusmodi res futurę. Ad 4. dicendum,
quod non sequitur, si Angelus non co-
gnoscit Sortē nasciturū, quod tēpus sive
aliquod aliud accidēs sit causa cognitio-
nis: nam (ut diximus in solutione tertij
argumenti) ignorantia temporis non
impedit cognitionem futurorum, sed
magis e contrariō, ignorantia futurorum
impedit cognitionem temporis, & si nō
temporis secundū se, impedit tamen
cognitionem temporis, prout in tempo-
re habent esse futura: ut si Angelus igno-
rat aliquam rem futuram, utputā, quia
Sortem nasciturum, ignorabit & tempus
in quo nascetur Sortes: tempus ergo
futurum prout comparatur ad nativita-
tem Sortis nascituri erit ignoratum ab
Angelo, si ignoret Angelus Sortem na-
sciturum. Angelus enim primo cognos-
cit naturam, & cognoscendo naturam
cognoscit supposita conjuncta illi natu-
rę, & cognoscendo huiusmodi suppo-
sita cognoscit & tempus, in quo habent
esse illa supposita: quod si supposita non
sunt conjuncta naturę, nec unquam fue-
runt conjuncta, sicut sunt supposita futu-
ra, illa non cognosceret, & non cognos-
cendo huiusmodi supposita, non co-
gnosceret tempus, in quo habent esse talia
supposita. Argumentum ergo procedebat,
ac si ex ignorantia temporis contin-
geret ignorantia suppositorum; est autē
magis e contrariō, ut patet per jam dicta.
Ad 5. dicendum, quod licet sit eadem
veritas pręsentium, pręteritorum, & fu-
tutorum: attamen illa eadem veritas sic,
& sic accepta non est eodem modo de-
terminata: nam ut probatur in Perihē-
menias, in singularibus, & futuris, sive
in contingentibus futuris non est veritas
determinata. Verum est enim etiam in-

futuris, quod erit altērā pars cōtradictio-
nis, ut quod cras erit navale bellum, vel
quod nō erit: sed neutra pars est vera de-
terminatē: nō enim possumus determi-
natē dicere, quod erit nec quod non e-
rit tunica, licet incidatur, seu vetu-
state coateratur: potest tamen incidi, &
nō incidi. Nō ergo potest determinatē di-
ci de tunica, hęc tunica incidetur & dila-
niabitur: nec potest determinatē dici,
quod nec incidetur, nec dilaniabitur,
sed vetustate cōteretur. Exempla autem
hęc sunt illius Phi in prędicto libro. Li-
cet ergo eadē sit veritas pręsentij, pręte-
ritorū, & futurorū, attamen quia in prę-
sentibus & pręteritis est veritas determi-
nata, ut quia ita est altera pars contradi-
ctionis, quod non est alia; infuturis au-
tem non est determinata, ideō Angeli
possunt scire pręsentia & pręterita, non
autem futura. Ad 6. dicendum, quod
Angelus futura cōtingētia potest cognos-
cere per conjecturā; non tamē propter
hoc decipitur, nec propter hoc mētitur;
quia quę nescit certitudinaliter, non cer-
titudinaliter asserit, ideō nō mētitur: nec
certitudinaliter credit, ideō nō decipitur,
sed sicut scit, ita asserit, & ita credit. Dæ-
mon autem, quia ex perversitate appe-
titus vult plura dicere, quā sciat: ideō
multoties certitudinaliter asserit, quę nō
certitudinaliter novit: ideō multoties
mentitur, & multoties decipit, & deci-
pitur, quia transgreditur limites proprię
scientię; Angelus autē quia habet in om-
nibus ordinatā voluntatē, nec fallit, nec
fallitur, nec mentitur, sed omnia asserit,
& credit secundū limites suę cognitio-
nis. Ad 7. dicendum, quod si Angelus
vult aliqua futura, quod illa futura co-
gnoscit non tanquam existentia, nec
tanquam ea quę de necessitate e-
runt, sed tanquam ea quę possunt
esse. Sed utrum illa possibilia esse, erunt,
vel non erunt? Angelus ignorat secundū
cognitionem naturalem: potest tamen
illud scire revelatione Divina. Vt Ange-
lus habens custodiam alicujus peccato-
ris vult salutem ejus, & scit quid sit hoc,
quod vult futurum, videlicet, quod iste
peccator salvetur, sed nescit hoc tanquā
existens nec tanquam necessarium, sed
scit tanquam possibile, ut quod possibile
est illum peccatorem salvari: utrum au-
tem salvabitur, vel non salvabitur, nescit
certitudinaliter, nisi sibi reveletur a Deo.
Ad formam autem arguendi dici potest,

quod possumus velle quæ scimus aliquo modo esse possibilia, licet nesciamus ea certitudinaliter esse futura: ut potest quis velle esse Episcopū, licet nesciat certitudinaliter se esse futurū Episcopū, sic potest Angelus velle salutem alicujus peccatoris, licet nesciat certitudinaliter illū peccatorem fore salvandum. Ad 8. dicendum, quod Angelus habet species futurorum, & non habet species futurorum: nam species, quas habet Angelus apud se, sunt species futurorum, id est, repræsentant futura in potentia; non autem sunt species futurorum, id est, non repræsentant futura in actu: nam (ut diximus) species illæ repræsentant naturas rerum, & repræsentant supposita, quæ determinatè habent, vel habuerunt conjunctionem ad illas naturas: futura ergo, quæ non habent, nec habuerunt determinatam conjunctionem ad suam naturam, ideo non repræsentantur per tales species; sed possunt repræsentari: quando enim hujusmodi futura, quæ sunt indeterminata ad esse, fient præsentia & determinabuntur, poterunt determinatè repræsentari per hujusmodi species. Non est ergo simile de phantasmatibus præteritorum, & de speciebus in mentibus Angelorum: nam phantasmata in nobis possunt determinatè repræsentare præterita, quia fuerunt; sed species in Angelis non possunt determinatè repræsentare futura, quæ erunt. Et ad formam argumenti, cum dicitur, si haberemus phantasmata futurorum, sicut habemus phantasmata præteritorum, quod cognosceremus futura. Dici debet, quod si haberemus phantasmata futurorum, sicut & præteritorum, id est, si haberemus phantasmata, quæ ita determinatè repræsentarent futura, sicut habemus phantasmata, quæ determinatè repræsentant præterita, cognosceremus futura sicut & præterita: ita & species in mentibus Angelorum si essent ita species futurorum, sicut sunt præsentium vel præteritorum, id est, si ita determinatè repræsentarent futura, sicut repræsentant præsentia & præterita, cognoscerent Angeli determinatè futura, sicut præsentia & præterita. Sed, ut patet, non sic se habet, quod species in mentibus Angelorum non determinatè repræsentant futura, licet determinatè repræsentent præterita & præsentia. Ad 9. dicendum, quod esse est de ratione individui: & Angelus intelligendo aliquod individuum futurum, intelligit & suum esse: sed sicut intelligit individuum futurum, ita intelligit & esse ejus; non autem intelligit individuum futurum, quod intelligat ipsum certitudinaliter debere esse: sic non intelligit certitudinaliter ipsum, ideo quod non intelligit hujusmodi esse certitudinaliter, quod aliquando debeat esse in rerum natura, unde possumus dicere, quod Angelus de individuo futuro potest scire quid nominis, non quid rei, ut ponamus, quod Sortes sit nasciturus ex conjunctione hujus maris, & hujus foeminæ, potest intelligere Angelus quantum ad Sortem nasciturum, quid importatur nomine Sortis nascituri; attamen quia potest impediri natiuitas Sortis, quia non quidquid est generabile de necessitate generabitur, non potest scire de Sorte nascituro quid rei, quia quid rei non est nisi eventitium: de Sorte autem nascituro nescit certitudinaliter Angelus, si aliquando erit in numero entium, quia potest contingere, quod Sortes nasciturus nunquam nascatur. Et quod dictum est de substantia individui futuri, intelligendum est de ejus esse: poterit ergo intelligere Angelus, quid importatur per nomen ipsius esse, quod debet habere tale individuum; sed nesciet certitudinaliter: utrum illud esse aliquando erit in rerum natura, vel non erit. Ad 10. dicendum, quod cum dicitur Plus, quod in perpetuis non differt esse & posse, propositio est vera per se: nam perpetua secundum quod hujusmodi, statim, cum possunt esse, sunt: talia enim non prius sunt in potentia materiæ, & postea incipiunt esse, quia si sic esset, non essent perpetua. In perpetuis enim non differt esse & posse esse; sed bene potest ibi differre agere & posse agere: non enim quidquid potest Angelus intelligere, statim actu intelligit. Advertendum tamen, quod si ipsa actio Angeli, sive ipsum intelligere Angeli esset perpetuum, ita quod intelligere Angeli non prius esset in potentia, & postea in actu, ita quod Angelo quantum ad intelligere non competeret exire de potentia in actum: si sic esset etiam quantum ad agere, vel quantum ad intelligere, non differret ibi esse & posse: quia quidquid posset intelligere, actu intelligeret; non tamen sic est. Nam ipsum intelligere Angeli non est isto modo perpetuum, quod non sit prius in po-

pōtētia quā in actu. Nec est verum, quod Angelus respectu cuiuscumque intelligibilis potentia non præcedat actum, ita quod nihil sit potētia intelligēs, quod non actu intelligat. Ad 11. dicendum, quod per progressum rerum in esse nihil accrescit Angelo quantum ad species intelligibiles; tamen benè accrescit aliquid Angelo quantum ad actum intelligendi, ita quod Angelus progredientibus rebus in esse, per illas easdem species, quas habet apud se, incipit aliqua intelligere, quæ prius non intelligebat: non quod res aliquid agant in intellectum angelicum, sed quia per progressum rerum in esse mutantur naturæ rerum, quia progredientibus rebus in esse, incipiunt naturæ illarum rerum esse in aliquibus suppositis, in quibus prius non fuerant. Et quia (ut pluries dictum est) Angelus cognoscens naturam cognoscit supposita, quibus est actu conjuncta illa natura, consequēs est, quod progredientibus rebus in esse, perfectior sit cognitio angelica, quia incipit multa cognoscere, quæ prius ignorabat. Ad 12. dicendum, quod oppositorum eadem est disciplina in universali, ut qui cognoscit unum oppositorum, cognoscit aliud in universali, & secundum quidditatem, sed non in particulari & secundum esse: ut qui cognoscit quid est album, quia est color disgregativus, oportet, quod cognoscat ejus oppositum, quid sit color congregativus: sed propter hoc si quis novit hoc particulare album esse in hoc subiecto, non oportet, quod sciat de aliquo particulari nigro, in quo habeat esse subiecto. Sic & in proposito, si scit Angelus necessaria, oportet, quod sciat contingentia, sed hoc erit in universali, & secundum quidditatem. Nam non potest aliquis scire quid sit necessarium, ut quia est quod non potest aliter se habere, nisi sciat quid sit ejus oppositum, videlicet, quid sit contingēs, quia est quod potest aliter se habere. Sed in particulari non oportet qui scit hæc particularia necessaria, quod sciat particularia contingentia, ut qui scit hunc Solem oriri cras (quod ponatur esse necessarium) quod sciat hunc hominem currere cras, quod est quid contingens. Ad 13. dicendum, quod licet aliqua contingentia reducantur in motum coeli, & motus coeli reducatur in Angelum moventem; non tamen oportet,

quod si Angelus cognoscit totum motum coeli, quod cognoscat contingentia futura, quæ reducuntur in motum coeli: quia non oportet dare tantam unitatem in effectu, quantam in causa: est enim circulatio in generatione elementorum, & in illis rebus corporalibus, sicut & in motu coeli & hujusmodi circulatio istorum inferiorum causatur ex motu coeli; attamen circulatio istorum inferiorum non est ita uniformis, sicut circulatio coeli. Semper enim certis temporibus redit eadem conjunctio siderum, redeunte tamen conjunctione eadem siderum non semper redit idem effectus in illis inferioribus: quia ista inferiora non possunt omnino assequi suam causam. Propter quod non semper redit materia eodem modo disposita; non redeunte autem materia eodem modo disposita, ex illa eadem conjunctione siderum non sequitur idem effectus. Scit igitur Angelus, quod tali tempore erit talis conjunctio siderum, & tali talis: sed non propter hoc certitudinaliter scit, quod illo tempore debeat esse ille effectus, & alio tempore ille alius effectus, quia poterit impediri ex indispositione materiæ. Dispositio enim materiæ non sic uniformiter redit eadem, sicut conjunctio siderum, quod contingit ex defectu ipsius materiæ. Quod si quis veller omnino pertinaciter asserere, quod redeunte eadem conjunctione siderum, rediret semper eadem dispositio materiæ, & idem effectus: tunc essent ita necessarij effectus istorum inferiorum, sicut & conjunctiones siderum; non ergo ex hoc argueret, quod Angelus per motum coeli certitudinaliter sciret contingentia futura; sed quod sciret necessaria futura. Hoc enim posito, sicut scit Angelus, quod tali tempore redibit talis conjunctio siderum, nisi Deus, qui est causa superior, velit aliter ordinare; ita sciret, quod illo tempore rediret talis effectus sub hac tamen conditione, nisi Deus, qui est causa superior, vellet aliter ordinare. Ad ultimum dicendum, quod anima absoluta à nexibus corporis cognoscit futura revelatione Angelorum, vel potest cognoscere aliqua futura, quia magis cognoscit naturas rerum absoluta quàm conjuncta: sed ex tali cognitione futurorum non cognoscit certitudinaliter futura contingentia: nam quantumcumque absoluta à corpo

re habeat maiorem notitiam de naturis rerum: unde potest videre multa ventura, tamen si illa ventura non sint necessaria, sed contingentia, non scit ea certitudinaliter, sed per conjecturam.

QVÆSTIO XI.

Verum Angeli occulta cordium cognoscant?



VNDECIMO queritur:

utrum Angeli cognoscant occulta cordium? Et videtur quod sic: quia quidquid potest virtus inferior, potest & superior: sed spiritus hominis, qui

est in homine, scit occulta hominis: ergo Angelus, qui est supra spiritum humanum sive supra animam, scit occulta cordis nostri. Præterea: libertas inest voluntati ex ratione: sed, ut communiter ponitur, motus rationis subjacent cognitioni angelicæ: ergo multò magis & motus voluntatis: quantumcunque ergo cogitationes nostræ ex voluntate dependeant, non poterunt latere Angelum. Si enim aliqua causa est, quare motus voluntatis lateant Angelum, hoc est, quia voluntas est libera: si enim non esset libera, sed ageret ex necessitate naturæ, sicut agunt res naturales, non lateret Angelum motus voluntatis, sicut nec latent eum motus naturales: quare si libertas esset causa huiusmodi latentiae, & huiusmodi libertas causatur ex ratione, si non latent Angelum motus rationis, ut dictum est, non latebunt eum motus voluntatis. Præterea: in volendo est motus animæ ad res exteriores: in intelligendo est motus rerum ad animam: motus ergo rationis tendunt ad animam; & ad extrinsecam magis motus voluntatis, quàm motus rationis. Si ergo Angeli cognoscunt motus rationis, cognoscunt & motus voluntatis. Præterea: actus voluntatis est actualior, quàm ipsa potentia, sive quàm ipsa voluntas: ergo de se est cognoscibilior: sed Angelus cognoscit ipsam potentiam volitivam sive ipsam voluntatem, ergo multò magis cognos-

cet actus & motus voluntatis: sed cogitationes nostræ totaliter dependent ex moribus voluntatis: ergo &c. Præterea: anima est simplex cogitatio vel simplex intentio: simplex ergo nihil de talibus potest latere Angelum, quia quod simplex est, totum se offert, ut cognoscatur. Præterea: substantia animæ cognoscitur per potentias, potentia per actus, & actus per objecta secundum doctrinam Philo traditam in 2. de Anima; ergo substantia animæ est ignotior, quàm potentia, cum cognoscatur per potentiam, & potentia ignotior actu, cum cognoscatur per actum: ergo cum Angelus cognoscat ipsam substantiam animæ, quæ est ignotior, multò magis cognoscat potentias ejus, & operationes, & cogitationes, quæ sunt notiores. Præterea: cogitatio est quid spirituale, & est magis proportionata intellectui angelico, quàm accidens corporale: sed Angelus cognoscit accidentia corporalia, ergo multò magis cognoscit cogitationes nostras. Præterea: cognito subiecto, vel fundamēto, cognoscuntur ab Angelo ea, quæ sunt in eo: quia Angelus non intelligit componendo, nec dividendo: cognoscendo ergo subiectum, cognoscit ea quæ sunt in subiecto, sed Angelus cognoscit actus & motus, qui sunt in voluntate, & per consequens cognoscit intentionales, quæ fundantur in huiusmodi moribus & actibus, & per consequens cognoscit cogitationes nostras. Præterea: secundum Dionysium 4. de Div. nom. Angelus est quoddam speculum, sicut etiam & anima quoddam speculum est: sed quando speculum opponitur speculo, non solum speculum resultat in alio speculo, sed etiam omnia, quæ sunt in speculo, resultant ibi: non tantum ergo substantia animæ relucet in Angelo tanquam in quodam speculo, sed quæ sunt in anima, & per consequens ipsæ cogitationes relucet in ipso Angelo, ergo &c. Præterea: quodcumque futurum quando jam est determinatum cognoscitur ab Angelo: ergo ipsi actus voluntatis & ipsæ cogitationes quantumcunque sint contingentes, quia jam sunt determinatæ, quando eas actu cogitamus: ergo sunt notæ ipsi Angelo. Præterea: Angeli dati sunt ad custodiam animarum: ergo debent cognoscere intentiones cordium, quia ibi est magis periculum eò, quod in intentione cordis magis formali-

B. Ægid. in
in 2. dist. 7.
q. 2. art. 2.

Philos. 1. de
Anima, c. 33.
& 34.

de P. Dionysio
de Div. nom.

liter

litér consistit ratio meriti, & peccati. Præterea: Angelus superior est majoris libertatis, quā inferior. Si ergo Angelus inferior potest se occultare superiori, sicut e contrario, essent equalis libertatis, quod est inconueniens: Angelus ergo inferior non potest se occultare superiori, & per consequens anima humana non poterit se occultare alicui Angelo, quia est inferior omni Angelo.

In contrarium est Ambrosius in glos. super prima ad Corinth. cap. 2. qui ait: A nullo scitur quod est in homine nisi à spiritu hominis. Præterea: Angelus non est intra animam: ergo non cognoscit ea quæ sunt in anima.

RESOLVTIO.

Angelus affectiones, & cogitationes nostras in speciali, & secundum se, & in propria forma naturali cognitione scire non potest.

Respond. dicendum, quod veritas hujus quæstionis satis determinata est per scripturam sacram: nam ex pluribus locis scripturæ sacræ haberi potest, quod nullus alius ab homine potest scire cogitationes hominis, nisi solus Deus. Sic enim dicitur 2. Paralipo. *Tu enim solus nosti corda filiorum hominum.* Et hæc eadem verba dicuntur, 2. Regum 8. cap. & Jeremiæ 17. scribitur: *Præuatum est cor omnium (scilicet hominum) & inscrutabile: quis cognoscat illud? Ego Dominus scrutans corda, & probans renes.* Certum est ergo, ex quo sic scriptum est in Sacro Canone, quod cogitationes nostræ latent Angelos & dæmones: difficultatem tamen faciunt in proposito quæ experimentaliter sunt visa, & quæ à sanctis sunt dicta: nam aliquando visum est dæmones multa dixisse de occultis hominum, quod non esset, nisi ipsa occulta scirent. Rursus difficultatem faciunt in facto dicta sanctorum: & specialiter dicta August. qui videtur multum difformiter loqui in hac materia. Nam 12. sup. Gen. videtur velle, quod etiam nobis inuitis scire possunt cogitationes nostras. In de Ecclesiasticis autem dogmatibus vult, quod Angelus cognoscit cogita-

tionem cordis motibus sensibilibus, sed internas cogitationes non cognoscit. Ex quibus omnibus conflagimus unam talem veritatem, quod de cognitione cogitationum est loqui dupliciter, vel secundum se & directè, vel ex quibusdam signis & indirectè. Secundum se & directè naturali cognitione nullus alius ab homine videt occulta hominis, nisi solus Deus: ut si Sortes cogitat aliqua, ipse Sortes scit cogitationes suas, sed nullus alius à Sorte scit cogitationes illas secundum se & directè, nisi solus Deus. Sed tamen per quædam signa, & indirectè etiam nobis inuitis possunt Angeli, & dæmones multa nostra occulta scire: nam unus homo, qui esset diu expertus de conditionibus alterius hominis, statim cum videret ipsum in facie motum, multa posset perpendere de cogitationibus suis: sed constat, quod nullus homo potest habere tantam experientiam de alio homine, sicut habent Angeli & dæmones de hominibus. Rursus nihil sunt signa, quæ apparerent in exteriori facie respectu signorum apparerent in interiori corpore: vix enim potest homo aliquid efficaciter cogitare, nisi corpore, interius in aliquo immutetur: Angeli ergo & dæmones videntes immutationes factas in interiori corpore, & nobis inuitis, possunt multa perpendere de occultis cogitationibus nostris.

Visa veritate quæstionis, volumus sic in quæstione procedere: quia primò assignabimus dicta Doctorum, quid circa hanc veritatem senserunt, & quare Angeli & dæmones ipsas cogitationes secundum se videre non possunt, & ostendemus causas illas à Doctoribus assignatas non sufficere. Secundò declarabimus modum intelligendi tam hominum, quàm Angelorum, ex qua declaratione aliquantulum patebit, quare Angeli & dæmones nec cogitationes aliorum Angelorum vel dæmonum, nec etiam cogitationes hominum possunt naturaliter scire. Tertiò adducemus rationes ad propositum ostendentes, quod solus Deus potest directè & secundum se cogitationes scire: non autem Angelus neque dæmon.

Propter primum sciendum difficultatem facere in proposito, quod Angeli debeant scire cogitationes nostras: quia res intelligibiles non latent eos. Cum ergo ipsi videant intellectum nostrum, &

Ad declarationem quæstionis quatuor videntur.

D. Ambrosius in glos.

2. Paralipo. cap. 6. Jerem. 17. v. 9. & 20.

D. Aug. P. N. 12. sup. Gen. ad litt. & lib. de Ecclesiasticis dogmatibus.

Diſtū quo-
rumdam

videant ſpecies intelligibiles; quæ ſunt in intellectu noſtro, non videtur ratio, quare non videant motus intelligibiles noſtros & cogitationes noſtras: propter hoc dixerunt Doctores quidam, quòd Angeli vident ipſas ſpecies intelligibiles exiſtentes in intellectu noſtro: negare enim non poſſumus, quin Angeli comprehendant tales ſpecies, cum ſint multò particulariores, quàm ſpecies eorum. Si enim anima eſſet ſeparata, non poſſet comprehendere ſpecies Angelorum: nec Angeli inferiores comprehendunt ſpecies ſuperiorum, quia Angeli ſuperiores habent pauciores, & univerſaliores conceptus, ſed econtrariò ſuperiores comprehendunt ſpecies inferiorum. Quod enim unus ſubtilis homo cōprehenderet uno verbo, non poſſet groſſus ruſticus comprehendere, ſed econtrariò quod comprehendere groſſus, comprehendere ſubtilis. Species ergo intelligibiles noſtras comprehendunt ipſi Angeli, ſed (ut dicunt) non comprehendūt, nec ſciunt uſus ſpecierū: & quia ut ajunt, cogitationes dependent non ſolum à ſpeciebus intelligibilibus, ſed etiā ab uſu ſpecierum, idè latent eos cogitationes noſtræ; ſed ſi Angeli cognoscūt ſpecies intelligibiles noſtras, quòd non lateat eos uſus ſpecierum, dupliciter declarabimus. Primò ex actualitate ſpecierum. Secundò ex conceptu generato ex ſpecie. Nam quandiu non intelligimus actu, & non utimur aliqua ſpecie intelligibili, tandiu illa ſpecies eſt in intellectu noſtro in quodam eſſe habituali, & in quodam actu ſemipleno: ſed quando actu nos convertimus ſuper aliqua ſpecie intelligibili, tunc illa ſpecies fit in pleniori actu: non enim ſpecies intelligibiles ſunt in tanta actualitate, quando definimus cogitare, in quanta ſunt, quando actu cogitamus per illas. Si ergo Angeli comprehendunt ipſas ſpecies intelligibiles noſtras, non poteſt latere eos, quæ ſpecies eſt in actu pleno, & quæ in actu ſemipleno, & per conſequens non latebit eos qua ſpecie utimur, & qua nō utimur: nam ſpecie, quæ eſt in actu pleno, utimur; quæ in actu ſemipleno, non utimur.

Rurſus non poteſt hoc latere eos propter conceptum generatum ex tali ſpecie. Nam quando definimus cogitare, ſunt ſpecies in memoria; quando ve-

rò actu cogitamus, & actu convertimus nos ſuper aliqua ſpecie, tunc à ſpecie, quæ eſt in memoria (ſecundum doctrinā Auguſtini in multis locis de Trin) generatur ſpecies in intelligentia, & ſecundum ipſum ſpecies genita in intelligentia, quæ dicitur proles eſt ſimillima parenti, id eſt, ſpeciei exiſtenti in memoria. Si ergo Angelus videt ſpecies intelligibiles exiſtentes in memoria, videbit ſpeciem intelligibilem genitā in intelligentia: & quia hujusmodi ſpecies eſt ſimillima parenti, cognoscet ſtatim à qua ſpecie in memoria ſit genita hujusmodi ſpecies: & quia nos utimur illa ſpecie in memoria, à qua gignitur ſpecies in intelligentia, quia ſuper illa actualiter nos convertimus: idè poteſt ſcire Angelus, qua ſpecie utimur, & qua non utimur: niſi ergo plus dicatur, ſic univerſaliter loqui non ſufficit, nec eſt verum ſimpliciter, & quòd lateat Angelos uſus ſpecierum: quia hoc eſt uti ſpecie, convertere ſe ſuper ſpeciem, & actualiter conſiderare per ipſam: cum ergo ex hoc illa ſpecies fiat in actu, & cum ex hoc ex hujusmodi ſpecie facta in actu, generetur ſpecies in intelligentia, quia non poſſunt latere Angelum, nec latebit eum ſpecies, nec uſus ſpeciei.

Propter quod dicitur à Doctorebūs aliter, quòd Angelus nihil poteſt imprimere in voluntate, poteſt autem imprimere in intellectu: idè motus voluntatis ſunt Angelo ignoti: quia ergo (ut ajunt) cogitationes dependent ex voluntate conjungente parentem proli, ſive ex voluntate conjungente ſpeciem in memoria ſpeciei genitæ in intelligentia, idè dicunt cogitationes noſtras latere Angelos. Sed nec hoc ſecundum dictum ſufficit: quia ſic dicentes, vel faciunt vim in hoc, quod eſt imprimere, vel in hoc quod eſt conjungere: cauſa ergo aſſignata vel conſiliet in hoc quòd Angelus nescit cogitationes, licet ſciat ipſas ſpecies intelligibiles, quia ſpecies intelligibiles novit Angelus, quia poteſt imprimere in ipſo intellectu; cogitationes non novit, quia non poteſt aliquid imprimere, vel aliquam imprefſionem facere in ipſa voluntate: & quia cogitationes dependent ex ipſa voluntate, idè nescit eas. Si autem in hoc conſiſtat ratio dicti, aſſignatur pro ratione quod non eſt ratio: nam Angelus directè in

D. Aug. P.
N. multo
loſis de
Trin.

Aliter
vult alij.

Contra

in ipso intellectu nihil imprimit, nec potest impressionem facere, quod dupliciter patet. Primò, quia Angelus non movet motu ad formam, sed solum motu ad ubi: potest enim conjungere activa passivis, & sic inducere formas; ipsas tamen formas non potest inducere. Si ergo posset in intellectu impressionem facere directè & per se, aliquam perfectionem causaret in eo: moveret ergo motu ad formam.

Rursus si posset Angelus sic impressionem facere in intellectu, posset Angelus superior intelligi per essentiam ab Angelo inferiori: nam tota ratio (ut superius dicebatur) quare unus Angelus intelligit alium Angelum per speciem, & non per essentiam illius alterius Angeli, est, quia essentia unius Angeli non potest imprimere aliquid in intellectu alterius Angeli, idè oportet, quòd sit ibi species intelligibilis supplens vicem objecti, à qua specie intelligibili causetur impressio, & actus intelligendi in ipso intellectu. Angelus ergo directè non imprimit aliquid, nec facit aliquam impressionem in ipso intellectu: & tamen, hoc non obstante, cognoscit, & videt omnes species intelligibiles ibi existentes: à simili ergo licet directè non faciat impressionem in ipsa voluntate, poterit tamen cognoscere, ut videtur, omnes motus voluntatis existentes in ipsa. Si verò in ratione assignati non constituatur vis rationis in hoc, quod est imprimere, sed in hoc quod est conjungere, ut idè dicatur, quòd cogitatio nostra latet Angelum, quia huiusmodi cogitatio fit ex voluntate conjungente parentem proli, quæ conjunctio latet Angelum. Sed nec hoc sufficit: quia ex quo Angelus videt speciem existentem in memoria, quæ dicitur parens, & speciem genitricem in intelligentia, quæ dicitur proles, & videt unam esse simillimam alteri, videt conjunctionem utriusque. Quantumcumque ergo hoc dependeat ex voluntate, tamen notum est, quòd voluntas hoc vult, quandiu stat cognitio, & quandiu durat species in intelligentia: quia si voluntas se averteret à tali cogitatione, statim desineret esse huiusmodi species in intelligentia, & statim tolleretur unio illa parentis, & prolis.

Habito quid Doctores in hac materia dixerunt, volumus declarare aliqua circa modum intelligendi angelicum &

A circa modum intelligendi humanum: ex quibus aliquantulum apparebit veritas quaesita. Diximus enim supra, quòd modus intelligendi angelicus est, quòd per unam speciem & per unum conceptum potest multa intelligere: Angelus ergo superior videns species Angeli inferioris, & videns conceptum formatum in intelligentia ejus benè scit, cujus speciei sit ille conceptus, & benè scit qua specie utitur ad intelligendum, utputà, si Angelus inferior habeat in se speciem, per quam intelligit volatilia, & per quam intelligit aquatica, & per quam intelligit gradientia, & sic de aliis speciebus, videbit Angelus superior omnes istas species, & videbit qualis sit conceptus formatus in intelligentia inferioris Angeli, utrum sit similis speciei volatilium representanti volatilia, vel alteri speciei: & ex hoc sciet in quadam generalitate, de quibus considerat ille inferior Angelus, ut sciet quòd consideret de volatilibus, si ille conceptus sit similis speciei volatiliam; vel sciet de qua alia re consideret, si huiusmodi conceptus sit similis alteri speciei: sed quia per unam speciem & per unum conceptum potest de multis & multipliciter considerare, idè nescit Angelus quantumcumque superior, de quo specialiter considerat, nec qualiter considerat de illo: ut dato, quòd sciat, quòd consideret de volatilibus, nesciet utrum consideret de vulture vel de aquila. Et si dubium esset de speciebus, non est dubium de particularibus. Et quia dato quòd sciet Angelus superior, quòd Angelus inferior consideret de homine, nesciet tamen utrum consideret de Sorte vel de Platone: nec sciet qualiter consideret de eis, quia nescit, quòd moveatur, vel quòd non moveatur: quia per unum & eundem conceptum intelliget omnia particularia, & intelliget specialiter quodcumque particulare, sicut sibi placet: & per unum & eundem conceptum intelligitur affirmatio & negatio. Et quia scire in generali est valde modicum, & quasi nihil scire, idè Angelus superior dicitur nescire cogitationes Angeli inferioris. Et quod dictum est de Angelo respectu alterius Angeli, veritatem habet de Angelo respectu hominis: nam homo per unam & eandem speciem, & per unum & eundem conceptum potest plura intelligere: nam Rectum est iudex sui & obliqui: per

Notatur modus cognoscendi angelicus & modus cognoscendi humanus.

Et si Angelus superior planè sciat de quo consideret inferior in generali, nescit tamen quid in particulari considerat, & si militer Angelus cognoscit de homine. Phas 1. de Ani. com. 85

spe-

speciem ergo recti intelligitur rectum, & per eandem speciem intelligitur obliquum. Et quod dictum est in simplicibus, veritatem habet in intellectu compositorum: nam sicut obliquum non intelligitur per propriam speciem, sed per speciem recti, ita negatio non intelligitur per proprium aliquid, sed per affirmationem: intellectus ergo habens in se speciem hominis, & speciem albi, per has species intelliget affirmationem & negationem: potest enim per illas species intelligere, quod homo sit albus, & quod homo non sit albus. Intellectu ergo simplicium si videat Angelus, quod facta sit in actu species recti, bene videt quod cogitamus de aliquo eorum, quæ possumus intelligere per speciem recti; sed nescit de quo per se & directe, nisi hoc sciat aliquo alio modo, ut per aliquod sensibile signum, quod apparet in corpore. Sic etiam & in intellectu componente, si videat has species fieri in actu, videlicet speciem hominis, & speciem albi, bene videt, quod refert hominem ad album, sed nescit utrum referat secundum affirmationem, vel secundum negationem, ut utrum cogitet hominem esse album, vel utrum cogitet oppositum? Sic etiam si videat Angelus, quod in intellectu fiat in actu species, per quam intelligitur inimicus, & species per quam apprehenditur fuga, bene sciet, quod cogitat de inimico & de fuga, sed nesciet utrum cogitet secundum affirmationem vel secundum negationem: quia nesciet utrum cogitet inimicum fugere, vel non fugere. Nesciet, scilicet directe, & secundum se; poterit tamen hoc scire indirecte & per aliquod signum sensibile, quod apparet in corpore, ut puta, si videt Angelus vel dæmon, quod homo cogitat de inimico & de fuga, & videt, quod corpus interius infrigidetur, statim cognoscer, quod timet, & quod cogitat de fuga affirmative, id est, quod cogitat inimicum fugere. Si autem videbit, quod corpus interius calefiat, statim cognoscer, quod audet, & quod cogitat de fuga negative, id est, quod cogitat non fugere: eorum ergo, quæ habent distinctos conceptus, & distinctas species, Angelus comprehendendo species comprehendit cogitationes; sed hoc erit valde in generali: quod affirmatio & negatio non habent distinctas species; valde modicum autem

sciret de cogitatione, si nesciret, utrum velit propositum vel oppositum.

Advertendum autem ad maiorem intelligentiam dictorum, quod tripliciter possumus investigare, quomodo per unum & idem possumus intelligere plura: nam ea, quæ sunt in intellectu, signa sunt rerum, & ut patebit, sunt aliquo modo signa voluntaria, sunt signa intelligibilia, & sunt etiam universalia. Sunt aliquo modo signa voluntaria, quia pro voluntatis arbitrio est, quod per speciem aliquam intelligamus propositum vel oppositum, ut quod per speciem recti intelligamus rectum vel obliquum: signa autem voluntaria eodem modo se habentia representant sua signata, ut si ad placitum est, quod aliqua vox significet hoc vel illud, illa vox eodem modo se habens representabit secundum placitum loquentis hoc vel illud. Species ergo recti eodem modo se habens, secundum beneplacitum cogitantis representabit rectum vel obliquum: & quia Angelus nullam videt diversitatem in intellectu, quando cogitat de recto, vel de obliquo, & quando cogitat de hoc vel de illo, nescit in speciali de quo cogitet.

Secunda via ad hoc idem sumitur ex eo, quod talia signa sunt intellectiva, vel rationalia: potentia ergo naturales sunt ad unum; sed potentia rationales sunt ad opposita, ut declarari habet in 9. *Metaph.* sed quales sunt potentia, tales debent esse perfectiones potentialium. Sicut ergo una & eadem potentia rationalis est ad opposita, sic una & eadem species intelligibilis, sive unus & idem conceptus erit ad opposita: & quia non mutatur conceptus, nec oportet mutari speciem, per quam intelligit hoc & oppositum, non potest scire Angelus, utrum cogites de proposito vel de opposito: quia non videt diversitatem in intellectu, quando cogitas propositum vel oppositum.

Tertia via sumitur ex eo, quod huiusmodi signa sunt universalia, non autem sunt sensibilia & particularia. Sic enim videmus in sensu respectu intellectus, quod quæ in sensibilibus sunt plurificata, in intellectu sunt unita, ut sunt plures potentia sensitiva cognitiva, sive sunt plures sensus, ut per unum sensum iudicamus particulariter de colore, per alium de sapore, & sic de aliis sensibus, attramen
non

Signa in intellectu sunt aliquo modo voluntaria, sunt etiam intelligibilia, & sunt etiam universalia.

Potentia naturales sunt ad unum, rationales vero ad opposita. Plus 9. *Metaph.* ta. com. 10.

non est nisi unus intellectus, siue una potentia intellectiva, per quam iudicamus universaliter de omnibus istis: & sicut se habet in potentia intellectiva respectu potentiarum sensitivarum, sic se habet in vocibus particularibus & sensibilibus respectu eorum, quæ sunt in intellectu: nam licet non sit idem nomen nec eadem vox, quæ significat rectum, & quæ significat obliquum, est tamen eadem species intelligibilis & idem conceptus, per quem intelligit hoc vel illud. Licet sic etiam in voce non sit eadem propositio affirmativa, & negativa, quia non est eadem propositio *Homo est albus*, & *homo non est albus*; in intellectu tamen non est diversitas, prout intelligimus affirmationem & negationem: nisi ergo per signa sensibilia fiat expressio eorum, quæ sunt in intellectu, cogitationes ipsas in speciali & in propria forma Angelus scire non potest. Dicimus autem nisi fiat expressio per signa sensibilia: quia sicut per voces sensibiles aliter exprimitur affirmatio, & aliter negatio, & aliter rectum, & aliter obliquum: sic & interiori in corpore non solum ad placitum, sicut faciunt voces exteriores sensibiles, sed etiam naturaliter per aliquas passiones generatas in corpore exprimitur affirmatio & negatio, sicut posuimus exemplum de fuga, ut quando cogitamus de fuga affirmativè, ut si volumus fugere, timemus, & generatur in nobis frigiditas: si autem cogitamus de fuga negativè, & nolumus fugere, audemus, & efficitur nostrum corpus interiori calidum. Cogitationes ergo nostras in speciali non directè, sed indirectè possunt scire demones vel Angeli, nobis nolentibus, ut si nollemus eis revelare per locutiones & per signa ad placitum. Et possunt scire huiusmodi cogitationes, & multoties sciunt nobis invitis, ut per signa naturalia, videlicet per frigiditatem, & caliditatem, & per alias passiones, siue per alia signa naturaliter orta in corpore, quia secundum quod de alio & alio, & secundum quod aliter & aliter cogitamus, aliter & aliter afficiuntur in corpore, & apparent interiori in corpore nostro alia & alia signa, per quæ demones & Angeli (ut diximus) nobis invitis possunt multa de nostris occultis cogitationibus scire.

Verum quia intellectus hominis non quiescit, dicet aliquis, quod si per

A speciem recti possumus intelligere rectum & obliquum, vel si per idem possumus intelligere affirmationem & negationem; attamen oportet, quod per voluntatem determinemus nos ad hoc vel ad illud: aliqua ergo affectio erit in voluntate, per quam determinamus nos, ut intelligamus vel hoc, vel illud: illam autem affectionem Angelus videbit, videndo autem huiusmodi affectionem, cognoscet ad quid determinamus nos ipsos, utrum ad intelligendum affirmationem, vel negationem: vel utrum ad intelligendum rectum, vel obliquum. Sciendum ergo quod Angelus ex quo videt, & cognoscit ipsam substantiam animæ, oportet, quod cognoscat ea quæ sunt in anima, videlicet, tam potentias, quam species intelligibiles, quam etiam affectiones, ut sunt quædam res visæ, non tamen scit distinctè ad quod afficiuntur: nec etiam propter hoc scit cogitationes nostras, nisi in generali, quod scire est nescire: in speciali autem, & in propria forma, quod est rectè scire, nescit cogitationes nostras, quod sic declaratur. Nam sicut per eandem speciem possumus intelligere rectum & obliquum, sic per eandem affectionem (realiter loquendo) possumus affici ad rectum & ad obliquum: voluntas enim est appetitus sequens intellectum & rationem, ideò secundum ea, quæ videmus in intellectu, debemus multa conjecturari de his, quæ sunt in voluntate: nam sicut in intellectu cum intelligimus, formatur aliquis conceptus, sic etiam in voluntate cum volumus, quid ibi aggeneratur præter voluntatem ipsam, quod potest vocari affectio: tamen huiusmodi affectio (ut tetigimus) sequitur modum speciei & conceptus existentium in intellectu, ita quod sicut per eandem speciem pro nostræ voluntatis arbitrio possumus intelligere hoc & oppositum, ita per eandem affectionem, realiter loquendo, poterimus affici ad hoc & ad oppositum. Dicimus enim, quod Deus absque ulla sui mutatione vult quæcumque vult; creatura autem rationalis aliquo modo mutatur, & aliqua novitas est in ea ex eo, quod afficitur nunc ad hoc, nunc ad illud: unde huiusmodi affectiones sunt quædam motiones & quidam motus animi siue voluntatis; sed huiusmodi motus sunt in creatura rationali magis unitivè, quam in creatura cor

Notandum quod Angelus sicut per eandem speciem potest in opposita ferri: ita per eandem affectionem (realiter loquendo) possumus ad opposita affici, quod distinguitur solum secundum relationem & ordinem voluntatis.

Cogitationes nostras in speciali & in propria forma Angelus scire non potest, nisi fiat expressio per signa sensibilia representantia eorum.

Replica.

porali: creatura enim corporalis per unū & eundem motum realiter non potest moveri in diversas partes, & multo minus in partes contrarias: sed creatura rationalis sicut unitivè cognoscit, ita unitivè afficitur, & ideò, ut diximus, sicut per unam & eandem speciem intelligit hoc & oppositum, ita realiter non est alia & alia affectio per quā affectionē afficitur ad hoc & ad oppositum, sed est solum alia & alia secundum relationem & ordinem voluntatis. Sicut ergo oportet, quod in intellectu formetur conceptus, si vult intelligere, ita oportet, quod in voluntate aggeneretur aliqua affectio, si debeat aliquid velle: tamen voluntas illam affectionem in se aggeneratam potest referre in hoc vel in oppositum. Si ergo sagitta mota esset liberi arbitrij, & eundem motum realiter posset referre in orientem & occidentem, benè videremus sensibilibiter, quod sagitta moveretur; sed utrum ille motus esset ad orientem, vel ad occidentem nesciremus, nisi sagitta hoc nobis vellet revelare. Videremus enim sagittam, & videremus motum sagitte, secundum quod est res quædam in speciali: sed secundum quod est ad hanc vel ad illam partem, non videremus in speciali, sed in generali: sciremus enim quod motus ille esset ad hanc partem vel ad illam; sed ad quam partē esset determinatē nesciremus. Sic est in proposito, videt Angelus ipsum intellectū nostrum, & videt species intelligibiles, & videt quod hæc species intelligibilis efficitur in actu; nescit tamen in speciali cogitationes nostras: quia pro nostræ libertatis arbitrio per unam & eandem speciem possumus diversa scire. Sic ex parte voluntatis videt Angelus ipsam voluntatem, & videt ipsam affectionem ibi aggeneratam, nescit tamen in speciali ad quid afficimur: illud ergo quod sic determinatur per voluntatem, quod ex tali determinatione nulla diversitas apparet in re, oportet Angelo esse ignotū. Vnde & communiter dicitur, quod ordo voluntatis est Angelo ignotus, quod intelligendum est, quando sic est alius & alius ordo voluntatis, sive alia & alia relatio secundum voluntatem, quod non est ibi alia & alia res. Sicut posuimus exemplum de specie recti, vel quia unam & eandem speciem potest ordinare voluntas, ut per eam cognoscatur rectum vel

obliquum, illud aliud & aliud referre, ut referre speciem recti in hoc, vel in illud: vel iste alius & alius ordo, ut per voluntatem ordinare huiusmodi speciem ad cognoscendū rectum, vel ejus oppositū, est Angelo ignotus, quia ex tali alio & alio ordine nulla diversitas apparet in re. Et quod dictum est de specie ex parte intellectus, veritatem habet de affectione ex parte appetitus. Causa ergo & ratio ipsius latentie est, quia secundum voluntatis imperium unum realiter possumus in plura referre. Angelus ergo videt ipsas naturas rerum, & videt diversitates reales existentes in huiusmodi naturis: ubi autem est multiplicitas absque diversitate reali, talem multipliciter cognoscere excedit naturalem cognitionē ipsius Angeli. Ex hoc ergo apparet, quare dicuntur esse nota Angelo ea quæ sunt ex parte intellectus, & non ea quæ sunt ex parte voluntatis. Nō enim hoc est (ut superius dicebatur) sicut quidā dicunt, quia potest aliquid imprimere in intellectu, & non in voluntate: nec hoc est, quod res existentes in intellectu sint Angelo notæ, & non res existentes in voluntate, quia similiter est hic & ibi: nam cogitationes sunt in intellectu; affectiones autem sunt in voluntate, & tam cogitationes quàm affectiones nostræ sunt notæ Angelo in generali, non autem specialis: sed hoc ideò est, quia una res non potest determinari ad plura, ut sit Angelo ignota, nisi secundum rationē & ordinem voluntatis. Vnde quod una & eadem species referatur in hoc & illud, hoc facit voluntas: similiter & voluntas unam & eandem affectionem realiter in diversa refert, prout est per antecedentia declaratum. Voluntas ergo tam ea, quæ se tenent ex parte intellectus, ut cogitationes & species intelligibiles, quæ etiam ea quæ se tenent ex parte ipsius voluntatis, ut ipsas affectiones, in diversa refert, & ordinat absque eo, quod fiat in se diversitas alia: & quia in hoc consistit latentia, & hoc facit voluntas, ideò ordo voluntatis dicitur Angelo esse ignotus, ideò etiam dicuntur ignota esse Angelo potius ea, quæ se tenent ex parte voluntatis quàm quæ se tenent ex parte intellectus: quia sic diversimodè referre unam & eandem rem, & ex hoc facere, quod lateant Angelum tam cogitationes, quàm affectiones, pertinet ad

Quare dicitur
Angelo
nota quæ
sunt ex parte
intellectus,
non ex parte
voluntatis:
quia
cogitationes
sunt in intellectu,
affectiones
autem sunt in
voluntate, &
tam cogitationes
quàm affectiones
nostræ sunt
notæ Angelo
in generali,
non autem
specialis: sed
hoc ideò est,
quia una res
non potest
determinari
ad plura, ut
sit ignota
Angelo, nisi
secundum
rationem &
ordinem
voluntatis.
Vnde quod
una & eadem
species referatur
in hoc & illud,
hoc facit
voluntas:
similiter &
voluntas
unam & eandem
affectionem
realiter in
diversa refert,
prout est
per antecedentia
declaratum.
Voluntas ergo
tam ea, quæ
se tenent
ex parte
intellectus,
ut cogitationes
& species
intelligibiles,
quæ etiam
ea quæ se
tenent ex
parte ipsius
voluntatis,
ut ipsas
affectiones,
in diversa
refert, &
ordinat
absque eo,
quod fiat
in se
diversitas
alia: &
quia in
hoc
consistit
latentia,
& hoc
facit
voluntas,
ideò ordo
voluntatis
dicitur
Angelo
esse
ignotus,
ideò etiam
dicuntur
ignota
esse
Angelo
potius
ea, quæ
se tenent
ex parte
voluntatis
quàm
quæ se
tenent
ex parte
intellectus:
quia sic
diversimodè
referre
unam &
eandem
rem, &
ex hoc
facere,
quod
lateant
Angelum
tam
cogitationes,
quàm
affectiones,
pertinet
ad

ad voluntatem non ad intellectum : voluntas enim est illa, quæ hoc facit, non intellectus.

Postquam circa veritatem quæsitam recitavimus dicta Doctorum, & declaravimus ea, per quæ potest patere veritas quæstionis : ad maiorem declarationem propositi volumus adducere rationes ostendentes, quod Deo sunt notæ nostræ cogitationes & affectiones: ipse enim *Est scrutans corda*, id est, cogitationes, & *probens venes*, id est, affectiones. Angelo autem nec cogitationes nec affectiones nostræ sunt notæ, nisi (ut diximus) in generali, secundum quem modum scire est magis nescire, quam scire. Possumus autem, quantum ad præsens spectat, dare quatuor differentias inter Deum & Angelum, ex quibus sumentur quatuor rationes ad propositum. Prima differentia est, quia Deus cognoscit indeterminata, sicut determinata: ea enim quæ non sunt determinata in re sunt determinata in cognitione Divina, ut si non est determinatum in re, quod cras erit navale bellum, vel quod non erit; determinatum est tamen in cognitione Divina, qui scit determinatè si cras navale bellum erit, vel non erit; in Angelo autem non sic: nam indeterminata in re indeterminata sunt etiam in cognitione angelica, loquendo de sua cognitione naturali.

Secunda differentia est, quia Deus movet voluntatem nostram: nam cum ipse sit motor omnino primus, oportet omnes motus tam corporum, quam animorum reducere in ipsum. Sed Angelus non est quod directè movet voluntatem nostram, nisi fortè alliciendo & persuadendo, sicut unus homo movere posset; magis tamè Angelus, quam homo, quia magis in eo viget solertia & perspicacia intellectus.

Tertia differentia est, quia Deus illabitur animæ, & est intimus ipsi animæ, imò magis est intimus animæ, quam anima sibi; Angelus autem non potest illabi animæ, quia anima non est quanta, quod possit esse intra partes quantitativas: si aliquid ergo esset in ipsa anima, esset in ipsa essentia ejus: quod autem est in essentia alicujus, vel est perfectio essentiae sicut sunt proprietates, quæ perficiunt essentiam, vel est conservativum essentiae: cum ergo Angelus non possit esse perfectio essentiae animæ, si esset Angelus in essentia ejus, esset conservativum

essentiae: essentia ergo animæ dependeret ab Angelo: imò ex hoc sequeretur, quod ipse Angelus creasset animam, quia ad eum spectat conservare essentiam animæ, qui per creationem eam produxit in esse. Deus ergo magis est intimus ipsi essentiae animæ, quàm anima sibi: quia magis facit ad conservationem ipsius essentiae, quàm ipsa essentia faciat ad conservationem ipsius: esse enim ipsius animæ magis depēdet à Deo, quàm ab essentia propria: esse enim spirituum in aliquo est esse per operationem; nam hoc modo spiritualia sunt alicubi, quia ibi operantur. Deus enim est in essentia animæ, & in essentia cujuslibet rei conservando omnem hujusmodi essentiam in esse; Angelus autem potest esse infra quantitatem rei, sed non propriè dicitur esse in essentia: idè in rebus quantitate carentibus Angelus esse non potest. Quarta differentia ex perfectione cognitionis est, quia Deus perfectam cognitionem habet de rebus; Angelus non ita perfectam. Ex his autem quatuor differentiis sumentur ad propositum quatuor viæ sive quatuor rationes.

Prima via talis. Nam si Deus cognoscit determinatè, quæ non sunt determinata in re, quamvis non distinguitur secundum rem, prout cogitamus de recto vel de obliquo, hoc, quod non est determinatum in re, est determinatum in cognitione Divina, quia determinatè cognoscit Deus, de quo cogitamus, & qualiter cogitamus: Angelus verò quia indeterminata non cognoscit determinatè, idè cogitationes nostras determinatè scire non potest. Sed dices, quod hæc non sunt indeterminata: nam & si per eandem speciem possumus cogitare de recto & obliquo, tamen nisi nos determinemus per voluntatem quid cogitare velimus, nihil cogitabimus. Ergo si cogitamus aliquid, jam per voluntatē determinavimus nos ipsos ad determinandum illud. Ad quod respondebimus, quod quantum ad cognitionem non refert rem esse indeterminatam, vel determinatam esse ignotam. Qui ergo non cognoscit indeterminata, non cognoscit determinata, si sit ei determinatio ignota: nam determinata, quorum determinatio est ignota intellectui, sic se habent ad intellectum, ac si essent indeterminata: quantumcunque ergo cogitationes nostræ sint determinatæ secundum voluntatem referentem, & ordi-

Quarta differentia.
Ex his differentiis quatuor rationes sumentur.

Prima ex rerum determinatione in cognitione Divina.

Replica:

Solutio:

nantem; tamen quia ille ordo & ista relatio voluntatis est Angelo ignota, eo quod ex tali ordine & relatione non sequitur aliqua diversitas in re: ideo cogitationes nostræ, quia non sunt determinatæ per determinationem notam intellectui angelico, ideo cōparantur ad huiusmodi intellectum, ac si essent indeterminatæ. Et quia Angelus indeterminata nō cognoscit determinatē, oportet cogitationes & affectiones nostras latere Angelum. Sed dato, quod per omnem modum cogitationes & affectiones nostræ in se essent indeterminatæ, hoc non obstante, determinatæ essent in cognitione Divina, quod omnia quæ sunt secundū se indeterminata, determinatē cognoscit.

Alia solutio.

Possumus tamen si volumus aliter solvere hanc difficultatem: nam cum dicitur, quod Angelus cognoscit determinata: & cogitationes nostræ, cum actu jam cogitamus, sunt determinatæ, ergo notæ sunt Angelo. Dici debet, quod non omnia quocumque modo determinata sunt nota Angelo: nam & futura contingentia sunt determinata in cognitione Divina, non tamen sunt Angelo nota. Ea ergo, quæ sic sunt determinata, quod per eorum determinationem appareret diversitas in ipsa re, sunt nota Angelis; quæ autem sunt aliter determinata, nō sunt ei nota, sed ignota. Et quia quod per speciem recti determinemus nos per voluntatem ad cogitandum de recto vel de obliquo, talis determinatio nullam diversitatem facit in re, quia eodem modo se habente specie in intellectu, potest voluntas determinare se ad volendū per intellectum, & per huiusmodi speciem intelligibilem cogitare de hoc vel de illo, sic & per unam & eandem affectionem realiter potest affici ad hoc & ad illud: quia sic est, talia non sunt nota Angelo, sed (ut dictum est) Deus ipsa indeterminata determinatē cognoscit, ideo talia non possunt latere Deum.

Secunda ratio ex motione Divina de sumpta.

Secunda via sic pater. Nam (ut dictum est) Deus movet ipsam voluntatē, ita quod quidquid motionis est ibi & quidquid actionis totum est à Deo, & quidquid defectus & obliquitatis totum à nobis: cum ergo Deus agat per intellectum, qui est naturæ intellectualis, non potest ignorare quæ facit: ideo omnium, quorum est Auctor, oportet, quod sit & cognitor: si ergo ipsam voluntatem

mover ad omnes suos motus, oportet, quod omnes huiusmodi motus cognoscat: & sicut cognoscit omnes motus, ita oportet, quod cognoscat omnes defectus circa huiusmodi motus, ut si Deus movet ad aliquid, & facit impetum in anima nostra, videt utrum sequamur huiusmodi impetum, & qualiter sequimur, & videt utrum deficiamus, & qualiter deficiamus, ita quod omnia nuda & aperta sunt oculis suis: ita etiam & anima nostra non potest ignorare cogitationes suas, quia ipsamet per intellectum dirigentem & per voluntatem exequentem determinat se ad cogitandum hoc vel illud: ideo ipsamet anima non potest ignorare, quod cogitat. Huiusmodi ergo determinationis aliquid est causa intellectus, quia ostendit quæ per suam speciem cognoscere possumus; ipsa tamen voluntas est causa principalior, quia ipsa exequitur, & ad eam spectat, ut secundum suum imperium determinatē fiat hoc vel illud: igitur quia Angelus ipsam voluntatem nostram non movet, non poterit cognoscere motus ejus, nisi ex huiusmodi motibus appareat in re ipsa diversitas: nos autem, quia non diversificata re, secundum nostræ imperiū voluntatis possumus ferri in hoc vel in illud, nesciet determinatē Angelus, in quod feramur.

Tertia via ad hoc idem sumitur ex eo, quod Deus est intimus animæ, & non Angelus. Si ergo Deus est in ipsa anima, & est intimus animæ, nihil mirum si videt cogitationes & ea quæ sunt in anima; Angelus verò, quia non est intimus animæ, nec est in anima, ideo non videt cogitationes & affectiones, quæ sunt in ipsa. Huic autem veritati videntur inniti verba Apost. 1. ad Corinth. 2. ubi vult, quod nullus scit quæ sunt in homine nisi spiritus hominis, qui est in ipso. Ergo ex hoc, quod spiritus hominis est in homine, scit ea quæ sunt in homine: non ergo ex hoc excluditur Deus; imò concluditur, quod ipse sciat ea quæ sunt in homine, & quæ sunt in spiritu hominis, quia ipse etiam est in homine, & est in spiritu hominis, magis etiam quam ipse spiritus hominis. Sed sic dicimus, valde superficialiter pertransimus, ut dicamus, quod Deus videt omnia nostra, quia est intimus nobis. Secundum hoc ergo non videbit Angelus, nisi cui est intimus, quod

Deus movet ad aliquid & facit impetum in anima nostra videt utrum sequamur huiusmodi impetum, & qualiter sequimur, & videt utrum deficiamus, & qualiter deficiamus.

Tertia ratio ex intimatione Dei in animam & non Angelum.

Apost. 1. ad Corin. 2. ubi vult, quod nullus scit quæ sunt in homine nisi spiritus hominis, qui est in ipso.

quod videmus esse falsum. Cognoscit enim Angelus ipsam essentiam animæ, & tamen non est essentiae intimus: videtur ergo, quod pari ratione possit cognoscere ipsas cogitationes nostras, licet non sit nostris cogitationibus intimus. Propter quod sciendum, quod nullus cognoscit nisi determinata vel in re, vel in se. Quicumque ergo cognoscit aliqua determinatè, vel hoc est, quia in ipsa re apparet eorum determinatio, vel quia ipse cognoscens per intellectum & voluntatē est causa illius determinationis: quia ergo totus ordo temporis determinatus est in prævisione Divina, & Deus per suū intellectum & voluntatem, volendo vel permittendo, in se ipso præordinavit totum ordinem, & decursum temporis, contingentia futura, quæ fient in huiusmodi decursu temporis, licet non sint determinata in se, sunt determinata in Deo tanquam in causa, statuente & determinatè huiusmodi tēporis decursum. Si ergo aliqua determinatè cognoscuntur, vel hoc est, quia in re ipsa apparet talis determinationis causa: cogitationes ergo nostræ non sunt determinatæ in re, quod in re ipsa appareat huiusmodi determinatio. Si ergo aliquis cognoscat cogitationes determinatè, oportet, quod ipse sit causa determinationis earum, & ad hoc vadit hæc ratio tertia: nam Deus existens intimus animæ nostræ est causa determinationis omnium cogitationum nostrarum.

Advertendum tamen, quod duplex est causa, efficiens, & conservans. Prout

Quia Deus ergo Deus movet voluntatem nostram movet volūtatē est causa efficiens omnium motuum voluntatis, & etiam omnium cogitationū: sed prout est intimus animæ est causa conservans omnes tales motus: ergo quia Deus movet voluntatem nostram, & efficit in nobis omnes motus voluntatis nostræ, oportet, quod sciat omnes huiusmodi motus, & quod cognoscat omnes affectiones & cogitationes nostras: & huic veritati innitebatur ratio secunda. Quia verò est intimus animæ nostræ, oportet, quod sicut conservat ipsam essentiam animæ, quia est essentiae intimus, sic conserveat omnes affectiones, & cogitationes, & omnes motus animi, quia est omnibus talibus motibus intimus. Si ergo (ut dictum est) Deus agit per intellectum, quia est intellectualis nature, im-

possibile est nec quod aliquid faciat, nec quod aliquid factum conserveat in esse, nisi cognoscat tam ea quæ facit, quàm facta, quæ conservat in esse: ergo omnes motus nostri animi cognoscit, quia omnes tales motus facit, cum moveat ipsam voluntatem nostram ad omnes suos motus: & etiam omnes tales motus cognoscit, quia est intimus nobis, ut dicit hæc ratio tertia, propter quod omnes motus tales conserveat in esse, idè eos ignorare non potest. Advertendum tamen, quod Deus est causa efficiens & conservans omnes motus animi nostri, sive omnes motus voluntatis nostræ, & omnes cogitationes nostras, prout talia habent rationem entis; sed prout ab entitate deficiūt & prout habent rationem peccati, Deus propriè talia non facit, nec conserveat, at tamen cognoscit ea: quia qui perfectè cognoscit in aliquo genere quidquid est ibi entitatis, oportet, quod cognoscat quidquid est ibi defectus.

Quarta via ad hoc idem sumitur ex perfectione cognitionis Divinæ. Si enim Angelus perfectè cognosceret voluntatem nostram, cognosceret etiam omnes motus nostros sive voluntatis nostræ; sed non solum voluntatem nostram, sed etiam nec proprias virtutes Angeli perfectè cognoscunt, ut dicit Dionys. 6. cap. coelestis Hierarchiæ. Angeli enim non perfectè comprehendunt suum intellectum sive suam virtutem intellectivam, nec etiam perfectè comprehendunt suas species intelligibiles: quia si perfectè comprehenderent suas species intelligibiles, cognoscerent futura contingentia. Nam species intelligibiles in Angelis, & ea quæ sunt præsentia, & quæ sunt iam determinata in re, repræsentant actu, dum tamen velit se Angelus convertere actu super huiusmodi species: sed futura contingentia, & ea quæ sunt indeterminata, non repræsentant actu, sed in potentia: quantumcunque enim Angelus se actu convertat super aliquam speciem intelligibilem, illa quæ sunt indeterminata, & quæ sunt contingentia futura, non repræsentabit ei actu, sed potentia: igitur Angelus non perfectè comprehendit suam virtutem intellectivam, nec suas species intelligibiles: quia si perfectè comprehenderet huiusmodi species, cognosceret omnia, quæ repræsentare possent illæ species, & ita (ut dictum

Secunda nota, quod Deus efficit & conservat animi motus, in quantum habent rationem entis, & sic deficientiam peccati non facit, sed cognoscit.

Quarta ratio ex perfectione cognitionis

D. Dionys. de celest. Hierar. cap. 6.

Atum est) cognosceret futura contingentia, quia in mentibus Angelorum, & si non actu repræsentant futura contingentia; possunt tamen ea repræsentare, Sicut enim futura contingentia sunt in potentia in suis causis, & sunt in potentia, ut fiant præsentia: ita sunt in potentia, ut repræsententur per species in mentibus Angelorum: qui enim omnino perfectè cognosceret omnes effectus, quos actu efficeret aliqua herba, aliquid benè cognosceret effectus, quos actu efficeret, etiam & quos posset facere, & quos esset factura illa herba. Sic & si Angeli perfectè cognoscerent suas species intelligibiles, cognoscerent quidquid repræsentare possent huiusmodi species. Sic & in proposito, si Angelus perfectè cognosceret voluntatem nostram, etiam antequam fierent, & antequam progresserentur in esse, cognosceret omnes motus voluntatis nostræ: sed sic nec perfectam cognitionem de aliqua re, nec etiam de se ipsis Angeli habere possunt, idè (ut diximus) secundum Dionysium etiam proprias virtutes ignorare dicuntur. Solus enim Deus hanc perfectissimam cognitionem habet de omnibus rebus, ut sic cognoscat, quòd etiam cognoscat omnia quæ possunt causari ex eis, antequam fiant. Deus ergo, qui cognoscit ea quæ secundum rem sunt indeterminata, ut dicebat ratio prima: & quia causat omnes motus voluntatis nostræ, quia voluntatem nostram movet ad omnes suos motus, ut dicebat ratio secunda: & etiam quia est intimus omnibus motibus nostris, & quia omnes tales motus conservat in esse, ut dicebat ratio tertia: & quia perfectè cognoscit voluntatem nostram, quia videt quidquid ex ea potest progredi, etiam antequam progrediatur in esse, ut dicebat ratio quarta: idè Deus cognoscit omnes affectiones nostras & omnes cogitationes, si ve omnes motus animæ nostræ. Angelus verò, quia in omnibus quatuor his deficit, affectiones & cogitationes nostras in speciali & secundum se & in propria forma naturali cognitione scire non potest.

Resp. ad arg. Ad 1. dicendum, quòd quidquid potest virtus inferior, potest & superior, dum tamen illud sit proportionatum superiori: ut parvus ignis existens in Francia calefaceret hominem in Francia existentem; quem non caleface-

ret maximus ignis existens in Italia: & habens lippos oculos, si existat in aliqua domo, & existat propinquus, videbit ea quæ sunt in illa domo, quæ non videbit ille, qui est extra domum, & qui est longinquus, etiam si habeat oculos valde claros: quod idè contingit, quia propinquus ignis habet proportionem & ordinem ad calefaciendum sibi propinquas: quæ ad calefaciendum non habet proportionem & ordinem ignis remotus, quantumcunque magnus, sicut etiam oculus propinquus habet proportionem & ordinem ad videndum, quæ sibi præsentatur, quæ intueri non potest oculus remotus quantumcunque clarus. Eodem etiam modo est in proposito, spiritus hominis habet proportionem & ordinem ad cognoscendum ea quæ sunt in homine, ad cognoscendum cogitationes proprias, eò quòd est causa talium cogitationum, & eò quòd se ipsum movet ad talia cogitandum: quas cogitationes Angelus videre non potest, quia non sunt sibi proportionata: quia tales cogitationes nec sunt distinctè determinatè in re; nec sunt causatæ à spiritu angelico, sicut sunt causatæ à spiritu humano. Ad 2. dicendum, quòd nec ea quæ se tenent ex parte intellectus si ve ex parte rationis, sunt nota Angelo in speciali: nec etiam quæ se tenent ex parte voluntatis: quia nec cognoscit Angelus in speciali cogitationes nostras, quæ se tenent ex parte intellectus: nec cognoscit in speciali ipsas affectiones, quæ se tenent ex parte voluntatis. Dicitur tamen ipsa voluntas esse magis causa latentia, quàm intellectus: quia idè latent Angelum cogitationes nostræ & affectiones nostræ, quia quòd secundum rem est multiplex & indeterminatum, determinatur per liberum arbitrium voluntatis: & quia illa determinatio est Angelo ignota, idè latent cum cogitationes & affectiones nostræ. Vnde autem insit voluntati libertas non est præsentis speculationis: dato tamen quòd ex ratione sibi insit libertas, erit in ratione tanquam in radice, & tanquam in causa; erit autem in voluntate tanquam in proprio subjecto: voluntas est ergo quæ est libera, & quæ movet omnes potentias ad suos actus, & quæ determinat tam proprias actiones, quàm aliarum potentiarum: idè ipsa voluntas erit causa latentia. Ad formam autem arguendi, cum

cum dicitur, quod motus rationis sunt cogniti ab Angelo. Dici debet, quod motus rationis, ut rationis, sunt cogniti ab Angelo, sed non motus rationis, ut subjacent voluntati. Videt enim Angelus omnes species, quæ sunt in ratione sive intellectus; & videt, quæ species sint in actu, & per quam speciem actu cogitamus: verum quia per unam, & eandem speciem possumus nos determinare ad cogitandum hoc vel illud, ideo ignotum est Angelo quid cogitemus: talia ergo, quæ sunt in ratione, prout subjacent mero imperio voluntatis absque eo, quod faciant diversitatem in re, Angelo non sunt nota. Falsum est ergo, simpliciter loquendo, quod Angelus cognoscat motus rationis nostræ, ut argumentum supposebat. Ad 3. dicendum, quod aliqui motus animæ incipiant ab anima, & procedant ad exteriora, sicut sunt motus voluntatis, vel quod aliqui incipiant ab exterioribus rebus, & tendant in animam, sive ad interiora, non facit, quod Angelum lateant vel non lateant cogitationes & affectiones nostræ, ideo argumentum procedit ex eis, quæ sunt per accidens. Sed quia etiam per unum & idem in re non diversificatum, pro mero imperio voluntatis, possumus diversa cogitare, vel ad diversa affici, hoc est, quod facit Angelum latere cogitationes nostras. Vel possumus dicere, ut dictum est, quod argumentum supponit falsum, videlicet, quod Angelo sint simpliciter noti motus rationis: ostensum est enim per habita, quod motus rationis & voluntatis quando faciunt diversitatem in re, sunt noti Angelo; quando autem absque diversitate reali secundum merum imperium voluntatis possunt determinari in hoc, & in illud, non sunt noti Angelo secundum naturalem cognitionem ejus. Ad 4. dicendum, quod Angelus cognoscit ipsam voluntatem, ut est quædam res in se, & ipsam etiam affectionem, ut est quædam res, & quædam perfectio sive quidam actus voluntatis, cognoscit Angelus; sed non cognoscit voluntatem ipsam, quantum ad omnia, in quæ potest ferri: nec etiam cognoscit ipsam affectionem determinatè quantum ad ea ad quæ refertur: & hoc modo de affectione & de cogitatione loquimur. Non enim loquimur de cogitatione, secundum quod ipsa species intelligibilis, per quam actu cogita-

mus, posset dici cogitatio; sed loquimur de cogitatione prout est quidam motus animæ ad cognoscendum aliquid per huiusmodi speciem: & quia per unam & eandem speciem possumus diversa cognoscere, per unam & eandem speciem poterimus diversa cogitare, & poterunt in nobis esse diversi tales motus. Species ergo ipsa est actualior, quàm intellectus, & talis speciem bene cognoscit Angelus; sed huiusmodi motus non est propriè actualior, nec habet esse magis actuale: quia non habet esse magis distinctum. Nam tales motus non distinguuntur, nisi secundum relationem animæ; non autem secundum rem: quia (ut ostensum est) possunt esse plures tales motus, & possumus in plura ferri per unum & idem, sive per unam & eandem speciem. Et quod dictum est de his, quæ se tenent ex parte intellectus, veritatem habet in his, quæ se tenent ex parte voluntatis. Nam sicut in intellectu, cum actu intelligimus, fit in nobis aliqua species intelligibilis in actu, per quam possumus plura cogitare, & in plura ferri: sic cum actu volumus, in ipsa voluntate aliquid fit, quod nescimus nominare, sed vocamus illud affectionem: & per illud, quod sic in voluntate fit, unum & idem existens, possumus in diversa affici, vel possumus in diversa per affectionem moveri. Et sic hic loquimur de affectione, prout est quidam motus animæ: huiusmodi autem motus non habet magis esse actuale, nec magis esse distinctum, quàm ipsa potentia, sive quàm ipsa voluntas habet esse distinctum realiter ab aliis potentiis: sed inter huiusmodi motus non est distinctio secundum rem, sed secundum ordinem voluntatis: videt ergo in nobis Angelus ipsam rem aggeneratam in voluntate, sed ad quid moveamur, & ad quid afficimur per illam rem, nescit, quia indeterminatum est sibi. Ad 5. dicendum, quod in his, quæ sunt in anima, est dare simplex secundum rem, & multiplex secundum relationem, ut per unum & idem, utputà, per unam & eandem speciem (ut dictum est) possumus in diversa ferri, & diversa cogitare, propter quod est ibi simplex & multiplex. Vel possumus dicere, quod quilibet talis motus secundum se est simplex, cum plures huiusmodi motus, & plures huiusmodi intentiones uniuntur in una & eadem re: quia per unam & eandem rem possumus plu-

plura intendere, & in plura moveri. Ad
formam ergo arguēdi, cum dicitur, quod
simplex se totum offert. Dici debet, quod
huiusmodi motus vel huiusmodi inten-
tiones, si vult Angelus scire cogitationes
nostras, non se offerunt intellectui
angelico, ut secundum se sunt simplices;
sed ut habent esse multipliciter in una &
eadem re: quia ipse Angelus non videt
illos motus secundum se; sed videt ipsam
rem, ut patet, ipsam speciem intelligibi-
lem, ex qua possunt oriri multi tales mo-
tus. Vel possumus dicere, quod simplex,
& si offert se totum, non offert se tota-
liter: illa ergo species intelligibilis tota
se offert intellectui angelico; sed non of-
fert se omnino totaliter, quod possit An-
gelus cognoscere distincte & determina-
te motus, & intentiones, quæ oriun-
tur in nobis per huiusmodi species. Ad
6. dicendum, quod substantia animæ est
nobis ignotior, quam potentia: eo quod
nos sumus male nati ad sciendum,
tamen secundum rei veritatem, cum po-
tentia sit accidens, substantia est notior,
quam etiam actus: quia, ut dicitur in 7.
Metaph. Substantia est prior accidente
definitione, & cognitione. In Angelo,
ergo, cuius cognitio non est à postero-
ri, argumentum non est ad propositum,
sed ad oppositum. Vel possumus dicere,
quod in proposito omnia alia sunt per
accidens; esse distinctum & determi-
natum secundum rem, & esse indistin-
ctum, & indeterminatum sunt per se. Per
se enim est, quod distincta & determina-
ta secundum rem Angelus cognoscit: et-
iam per se est, quod indistincta & determi-
nata secundum rem; distincta autem &
determinata solum secundum ordinem
voluntatis Angelus ignorat. Et quia sub-
stantia animæ secundum rem est distin-
cta & determinata ab aliis substantiis; co-
gitationes autem (ut hic de cogitationi-
bus loquimur) sunt distinctæ, & deter-
minatæ solum secundum ordinem volun-
tatis: ideo Angelus substantiam animæ &
etiam potentias, quæ sunt distinctæ se-
cundum se, novit; cogitationes autem,
quæ sunt distinctæ solum secundum ordi-
nem voluntatis, nescit. Ad 7. dicen-
dum, quod esse spirituale & corpo-
rale per accidens sunt ad propositum;
esse autem distinctum secundum rem vel
indistinctum sunt per se; accidentia er-
go corporalia novit Angelus, quia sunt

distincta secundum rem; cogitationes
autem nostras non novit, quia (ut decla-
ravimus) non sunt distinctæ secundum
rem, sed secundum ordinem voluntatis.

Ad 8. dicendum, quod cognito sub-
jecto, vel cognito fundamento, cognos-
cit ea, quæ sunt in illo subjecto vel in
illo fundamento, dum tamen sint ibi di-
stincta realiter; sed si sunt ibi secundum
rem indistincta, cuiusmodi sunt cogita-
tiones & affectiones nostræ, talia non o-
portet Angelum cognoscere. Ad 9. di-
cendum, quod Angelus est quoddam spe-
culum, & relucet in eo omnia, quæ
sunt in anima nostra, loquendo de his,
quæ sunt ibi distincta realiter; quæ autem
sunt realiter indistincta, cuiusmodi sunt
cogitationes nostræ, indistincte se offe-
runt intellectui angelico, nec potest An-
gelus illa distincte cognoscere. Ad 10.
dicendum, quod idem est esse indetermi-
natum (ut supra diximus) & esse ignota
determinationem: cogitationes ergo no-
stræ determinatæ sunt secundum relatio-
nem animæ, & secundum ordinem vo-
luntatis; tamen huiusmodi determinatio
latet Angelum: unde non est simile de
futuris contingentibus, quando determi-
nantur, & sunt præsentia: quia huius-
modi determinatio est nota Angelo; sed
determinatio cogitationum nostrarum
est sibi ignota. Ad 11. dicendum, quod
Angeli dati sunt ad custodiam animarum;
nec oportet, quod ipsi sciant intentiones
cordis, sed sufficit, quod videant nostra
opera, & quod ipsi defendant nos, ne
dæmones nos decipiant, vel nos oppri-
mant, & quod nobis bonum persuadeant.
Ad ultimum dicendum, quod non ita
se potest occultare Angelus inferior su-
periori, sicut è converso: quia Angelus
superior ita se potest occultare inferiori,
quod nec in generali nec in speciali
sciet aliquid de cogitationibus suis: sed
quia superiores Angeli intelligunt per u-
niversaliores conceptus, quos inferiores
non capiunt, inferiores ergo Angeli nec
ipsas res, nec ipsum ordinem volunta-
tis comprehendunt in superioribus: sed
Angeli superiores comprehendunt ipsas
res, & ipsas species intelligibiles, & ipsos
conceptus in inferioribus Angelis; ordi-
nem voluntatis non comprehendunt in
eis: & quia per unam & eandem speciem
potest Angelus quantumcumque infe-
rior, multa intelligere, sic Angelus supe-
rior

fior cogitationes inferioris in generalis
sed non in speciali.

QUÆSTIO XII.

Utrum Angeli loquantur & qualiter?



DODECIMO qua-
ritur, utrum Ange-
li loquatur & qua-
liter? Et videtur,
quod non loquan-
tur: quia data est
nobis locutio ad
manifestanda vo-

luntatis indicia: sed cum omnia talia
sint spiritualia, Angelus cognoscit ea:
non ergo oportet, quod unus loquatur
alteri, quia quilibet cognoscit in alio
omnia, quæ hujusmodi sunt. Præterea:
si unus Angelus loqueretur alteri, redu-
ceret ipsum de potentia in actum: quia ma-
nifestaret ei, quod prius ignorabat: ergo
ageret in ipsum, sed spiritualia ubi agunt
ibi sunt: si ergo unus Angelus ageret in
alium, esset unus Angelus in alio, & illa-
beretur ei, quod est inconueniens. Præ-
terea: locutio fit secundum ordinem vo-
luntatis, ut prout iuxta imperium volun-
tatis, unus alteri revelat cogitationes
suas: sed ordo voluntatis est Angelis
ignotus, ergo per hujusmodi ordinem
non poterit eis aliquid fieri notum: non
ergo unus loquitur alij, nec per locutio-
nem aliquid unus patefaciet alij. Præte-
rea: ubi nihil est occultum, ibi nulla lo-
cutio: sed in Angelis nihil est occultum:
ergo &c. Probatio assum-
ptæ: quando intima sunt nota, omnia
sunt nota: sed inter cetera ipsa substan-
tia est magis intima rei: cum ergo ip-
sa substantia Angelorum sit nota,
quia unus Angelus videt essentiam alte-
rius, omnia ergo erunt ibi nota. Præte-
rea: si unus Angelus loqueretur, ergo ef-
fet ibi aliquid notum, & aliquid igno-
tum: ita quod per magis notum cognos-
ceretur minus notum, sed hujusmodi ma-
gis notum non potest esse secundum quid
sensibile, quia sensibilia sunt minus nota:
nec quid intelligibile, quia vel esset sub-
stantiale vel accidentale? Non substan-
tiale: quia ex quo substantia est ignota, &

substantialia & etiam ea quæ sunt in sub-
stantia: non ergo oportet, quod hoc
modo unus loquatur alij, sed naturali
cognitione quilibet omnia cognoscet in
alio. Nec etiam hujusmodi magis notum,
per quod fit locutio, potest esse acciden-
tale. Quia accidens non est magis no-
tum, immo minus: cum minus habeat
de quidditate. Præterea: si unus Angelus
loqueretur alij, vel hoc esset per me-
dium, vel sine medio? Non per medium:
quia hujusmodi medium vel esset cor-
porale, vel spirituale? Non corporale:
quia tunc Angelus non posset loqui si-
ne corpore. Nec spirituale: quia illud
spirituale vel esset quid intrinsecum, vel
quid extrinsecum? Si quid extrinsecum,
ergo jam non esset spirituale, sed corpo-
rale. Si autem esset quid intrinsecum, ut
quod unus Angelus loqueretur alij per
aliquid spirituale intrinsecum: quia spiri-
tualia, quæ sunt in uno Angelo, eodem
modo comparantur, ut dicebatur, ad
omnes alios Angelos? Ergo secundum
hunc modum non posset unus Angelus
loqui alicui alij, nisi loqueretur omni-
bus: quod videtur inconueniens. Quod
si dicatur, quod unus Angelus loquitur
alteri sine medio, ergo illabitur ei: quod
est etiam inconueniens. Præterea: loqui
est manifestare conceptus suos: si ergo u-
nus Angelus loquitur alteri, ergo mani-
festat ei conceptum suum: ille ergo con-
ceptus, quem unus Angelus loquendo
manifestat alteri, vel est per se notus al-
teri Angelo, vel non? Si est ei notus se-
cundum se? Ergo non oportet, quod per
locutionem manifestetur ei. Si autem
non est ei notus secundum se? Manifesta-
bitur ergo ei per alium conceptum. Sed
non est dare causam, quare alius conceptus
sit magis notus alteri Angelo, quam pri-
mus: nullo ergo modo in Angelis poterit
esse locutio. Præterea: si unus Angelus
loqueretur alij, hoc esset per aliquod si-
gnum: sed Magister 4. Sententiarum
dist. 1. diffiniens signum, ait: quod signum
est quod præter sensibilem speciem ali-
quid aliud ingerit. Non est ergo sine sen-
sibili specie: sed sensibiles species non sunt
in Angelo, ergo &c. Præterea: quæ sunt in
Angelis sunt magis nota, quàm quæ sunt in
materialibus, quia sunt magis actualia: sed
Angeli cognoscunt omnia, quæ sunt in
materialibus: ergo unus Angelus cognos-
cet omnia quæ sunt in alio Angelo: non
ergo

B. Egid. in
2. ss. q. 10.

Magist. in 4.
ss. d. 1.

ergo oportet, quod unus loquatur alteri. Præterea: quæ habent contrarium ordinem, unum non dependet ab alio: sed intellectus & voluntas habent contrarium ordinem, quia in intelligendo est motus rerum ad animam, in volendo animæ ad res: unum ergo non dependet ex alio: ergo ex ordine ipsius voluntatis non poterit Angelus manifestare ea, quæ sunt in intellectu. Præterea: si Angelus superior loqueretur inferiori, formaret particulariores species vel conceptus: sed Angelus per conceptus, quos format, intelligit: ergo Angelus superior intelligeret sicut inferior, quod est inconueniens: ergo superior non loquitur inferiori, & per consequens nec inferior loquitur superiori: quia quod non potest superior in inferiorem, multò magis nō poterit inferior in superiorem. Præterea: loqui est formare verbum: verbum ergo, quod format Angelus in loquendo, non erit sensibile, sed intelligibile: sed formare verbum intelligibile est intelligere: ergo loqui in Angelis est idem quod eorum intelligere: quod falsum est: quamvis aliqui hoc concedant.

Isaia 6. n. 3. Isaia 6. Seraphim....clamabant alter ad alterum: sed clamare est quoddam loqui, ergo &c. Præterea: quod potest virtus inferior, multò magis & superior: sed homo, qui est inferior secundum virtutem, quàm Angelus, potest alteri homini loqui: ergo multò magis & Angelus Angelo.

RESOLVTIO.

Angelus homini loquitur, vel faciendo aliquid in exteriori corpore, vel in ipsa imaginatione hominis: & Angelo etiam dupliciter loquitur, vel applicando virtutem suam ad aliqua corpora sine transmutatione materie, vel formando in se intelligibilia signa, suarum intellectuum expressiones: & sibi ipsi loquitur per suas intellectiones: Deo autem, quia magis est patens cor, quàm sibi ipsi.

Resp. dicendū, quod Angelus potest loqui, & aliquādo loquitur homini,

& loquitur alteri Angelo, & loquitur sibi, & loquitur Deo: & ista se habent quodammodo ordinatè. Nam omnibus modis, quibus Angelus loquitur homini, potest loqui alteri Angelo: sed aliquo modo vel etiam aliquibus modis loquitur unus Angelus alteri, quibus modis non potest loqui homini. Rursus aliquo modo Angelus loquitur sibi, quo modo non potest loqui alteri Angelo. Vtèrius ipsi Deo loquitur omnibus modis, quibus loquitur vel sibi, vel alteri Angelo, vel homini: tamen aliquo modo loquitur Deo quo nec sibi, nec alteri Angelo, nec homini loquitur.

Propter primum sciendum, quod loqui, hoc est manifestare conceptus suos intelligibiles: idè dicitur in Perihermenias: constituit enim intellectum, qui dicit, & qui audit, quiescit. Hoc est ergo dicere, & hoc est loqui constituere intellectum, & manifestare suos conceptus intelligibiles, & ex hoc facere quiescere audientem, siue eum cui loquitur. Secundum hoc ergo possumus dicere, quod Angelus loquitur homini dupliciter. Primò faciendo aliquid in exteriori substantia siue in exteriori corpore. Secundò faciendo aliquid in ipsa imaginatione nostra. Novit enim Angelus qualiter debeat scindi aër, & qualiter debeat reflecti ad hoc, quod generetur talis vox, & talis: ex fractione enim aëris & ex reflexione fiunt voces humanæ, per quas loquimur, & per quas unus manifestat suos conceptus alteri. Idè vocalis arteria, quæ est instrumentum ad formando voces, quæ alio nomine vocatur canna pulmonis, non est plana, sed habet quasdam circumvolutiones, ut possit ibi reflecti aër ad hoc, quod melius ibi vox formetur. Angelus tamen ad formando quascumque voces, & quoscumque sonos nō indiget vocali arteria siue canna pulmonis: quia omnes tales soni & omnes huiusmodi voces generantur ex fractione & reflexione aëris: sed cum fractio & reflexio aëris sint quidam motus ejus locales aëris, quia natura corporalis obedit substantiæ spiritali secundum motum localem quantum ad nutum, secundum nutum & beneplacitum ipsius Angeli scindetur aër, & reflectetur aër, & formabit in eo quoscumque sonos & quascumque voces. Nos enim indigemus organo corporali, ut debito

Periheti

Dupliciter Angelus homini loquitur, vel faciendo aliquid in exteriori corpore, vel in ipsa imaginatione nostra. Novit enim Angelus qualiter debeat scindi aër, & qualiter debeat reflecti ad hoc, quod generetur talis vox, & talis: ex fractione enim aëris & ex reflexione fiunt voces humanæ, per quas loquimur, & per quas unus manifestat suos conceptus alteri. Idè vocalis arteria, quæ est instrumentum ad formando voces, quæ alio nomine vocatur canna pulmonis, non est plana, sed habet quasdam circumvolutiones, ut possit ibi reflecti aër ad hoc, quod melius ibi vox formetur. Angelus tamen ad formando quascumque voces, & quoscumque sonos nō indiget vocali arteria siue canna pulmonis: quia omnes tales soni & omnes huiusmodi voces generantur ex fractione & reflexione aëris: sed cum fractio & reflexio aëris sint quidam motus ejus locales aëris, quia natura corporalis obedit substantiæ spiritali secundum motum localem quantum ad nutum, secundum nutum & beneplacitum ipsius Angeli scindetur aër, & reflectetur aër, & formabit in eo quoscumque sonos & quascumque voces. Nos enim indigemus organo corporali, ut debito

mo-

modo scindamus aërem: quia aër & alie-
res corporales quantum ad localem mo-
tum obediunt nobis ad nutum: sed An-
gelus non indiget tali organo; posset au-
tem, si vellet, Angelus formare sibi ali-
quid simile huiusmodi organo, & per
tale organum sic formatum, quod esset
simile cannae pulmonis, posset formare
voces quascunque vellet; non tamen in-
digeret tali organo: quia potest sine eo in
isto exteriori aëre voces quascunque
formare. Vnus itaque modus, per quem
Angelus potest loqui nobis, & manifesta-
re nobis voluntatem suam, & conceptus
suos, est iste qui nunc dictus est, videli-
cet, formando voces & sonos in exteriori
aëre. Alio modo potest Angelus lo-
qui nobis faciendo aliquid in ista imagi-
natione nostra: non quod possit ibi im-
primere speciem vel formam: quia natu-
ra corporalis non obedit Angelo secun-
dum motum ad formam; sed poterit An-
gelus hoc facere reducendo species ad
imaginationem, vel ad principium sensi-
tivum: nam in humoribus & in spiriti-
bus reservantur species & similitudines
sensibilium formarum, & etiam sensibi-
lium sonorum sive vocum: nam homo
potest imaginari voces & sonos, & se-
cundum quod imaginatur ipsos, potest
proferre eos: quia ergo natura corpora-
lis secundum motum localem obedit sub-
stantiae spirituali ad nutum, poterit An-
gelus humores illos & spiritus reducere
ad organum phantasiae, & ibi apparebunt
species illae sensibiles. Hoc ergo modo
potest Angelus in imaginatione nostra
facere apparere species, quas vult, & se-
cundum hoc potest nobis manifestare co-
ceptum suum & voluntatem suam. Hoc
modo dicitur daemon fuisse locutus ux-
ori Pilati in somnis, quando uxor Pilati
misit ad Pilatum, cum sederet pro tribu-
nali, ut non damnaret Christum ad mor-
tem. Misit enim dicendo: *Nil tibi i-
usto illi. Multa enim passa sum hodie per
visum propter eum.* Creditur enim, quod
postquam daemon procuravit per pro-
ditionem Judae, quod occideretur Chri-
stus, credens ipsum esse purum hominem:
quod postea poenituit eum, & voluit im-
pedire mortem ejus: vidit enim fortè ali-
qua signa in Limbo: ut fortè quia vidit
exultare sanctos Patres ibi existentes, per
quae conjecturatus est, quod Christus
moriendo deberet eos liberare: ideo mor-

tem Christi, quam procuraverat per Ju-
dam, voluit impedire per uxorem Pilati.
Vnde in visione nocturna per formas
imaginativas & sensibiles locutus est ux-
ori Pilati. Dupliciter ergo potest nobis lo-
qui Angelus vel daemon. Primo scinden-
do & reflectendo aërem, & faciendo vo-
ces & sonos in exteriori corpore. Secun-
dò reducendo spiritus & humores, ubi
reservantur species sensibiles ad imagi-
nationem, & faciendo ibi pro suae volun-
tatis arbitrio phantasmata apparere. His
etiam duobus modis posset unus Ange-
lus loqui alij Angelo, formando voces
& sonos in exteriori aëre, vel faciendo
apparere phantasmata in imaginatione,
non in imaginatione ipsius Angeli: quia
Angelus imaginationem & organum
phantasticum non habet, sed in imagi-
natione hominis vel etiam animalis bru-
ti, si vellet. Nam phantasmata, quae unus
Angelus facit apparere in imaginatio-
ne alicujus animalis, alius Angelus potest
illa phantasmata intueri & videre. Sicut
ergo unus homo audit voces, quae for-
mantur in aëre ab alio homine, & au-
diendo huiusmodi voces potest percipe-
re voluntatem & conceptum illius alter-
ius hominis: sic ex quo unus Angelus
potest videre phantasmata, quae alius An-
gelus facit apparere in imaginatione
cujuscunque animalis, per apparitio-
nem talium phantasmatum poterit unus
Angelus manifestare voluntatem suam
& conceptum suum alteri Angelo: & quia
hoc est loqui, manifestare sic conceptum
& voluntatem suam, patet, quod omni-
bus modis, quibus Angelus potest loqui
homini, poterit loqui alteri Angelo,
quod declarare volebamus.

Viso, quod illis modis, quibus An-
gelus potest loqui homini, potest etiam
loqui alij Angelo: restat videre, utrum
aliquibus modis possit loqui alteri An-
gelo, quibus non possit loqui homini.
Propter quod sciendum, quod per ea,
quae videmus in sensibilibus, oportet co-
jecturari aliqua de ipsis intelligentijs. Vide-
mus autem in huiusmodi corporibus sen-
sibilibus duplicem tactum, unum quanti-
tativum & quasi superficiale, alium se-
cundum virtutem & in profundo: ta-
ctus autem quantitativus & superficialis
esset, si duo corpora sic se contingerent,
quod adinvicem se minime transmuta-
rent: talis enim tactus superficialis esset,
quia

Duplici di-
cto modo et-
iam posset
alteri Ange-
lo loqui.

Duplex ta-
ctus in sensi-
bilibus, unus
quantitati-
vus, & super-
ficialis; alius
secundum
virtutem, &
in profun-

Ad : ipsisque
aliquid cor-
respondet in
intelligentijs.

quia solum superficie se attingerent. Sed alius tactus est naturalis, & secundum virtutem, & in profundo, cum corpora se attingunt, transmutando se ad invicem: hoc enim modo ignis attingit aquam transmutando eam usque ad profundum ejus. Isti autem duplici tactui, quem videmus in corporibus, respondet aliquid simile in ipsis intelligentijs: nam intelligentiæ sive Angeli sunt in loco applicando virtutem suam ad locum. Applicant autem virtutem suam dupliciter: nam aliquando sic applicant, quod non transmutant, secundum quem modum sunt Angeli in coelo Empireo applicando virtutem suam ad hujusmodi coelum: attramen sic applicant virtutem suam ad illud coelum, quod non transmutant ipsum, quia coelum illud non est mobile ad situm, nec ad formam: est enim locus sanctorum spirituum & beatorum, & ideo dignum est, quod quiescat immobile. Aliquando autem Angeli sic applicant virtutem suam ad corpus, quod transmutant ipsum, ut puta, si Angelus applicaret virtutem suam ad aërem scindendo & movendo aërem. Prima autem applicatio virtutis, ut quando Angelus sic applicat virtutem suam, quod non transmutat, in istis sensibilibus assimilatur quasi tactui superficiali, ut si duo corpora sic ad invicem conjungerentur, quod non se invicem transmutarent. Secunda autem applicatio virtutis, ut quando sic applicat, quod transmutat, assimilatur tactui naturali, ut quando duo corpora se contingunt, quod ad invicem se transmutant. Secundum autem utramque applicationem virtutis potest Angelus suam voluntatem & suum conceptum manifestare: nam quod possit manifestare conceptum suum per applicationem virtutis ad corpus transmutando ipsum, patet in his, quæ diximus de aëre: nam cum Angelus scindit aërem, & format ibi voces sive sonos, per hujusmodi sonos formatos (ut diximus) potest suam voluntatem & suum conceptum patefacere: quia ergo non scindit aërem, nisi applicando virtutem suam ad ipsum, & transmutando ipsum, patet, quod per applicationem virtutis cum transmutatione materiæ potest Angelus loqui, & conceptus suos manifestare tam homini, quam alij Angelo: nam hoc modo loquendi potest Angelus loqui tam hominibus, quam a-

liis Angelis. Quod autem Angelus possit loqui, & manifestare suam voluntatem applicando virtutem suam ad corpus absque eo, quod transmutet ipsum, sic patere potest: nam Angelus potest applicare virtutem suam ad magnum spaciū & ad parvum. Sic enim dicimus de virtute Angeli respectu operationis (accipiēdo operationem largē pro omni applicatione virtutis) sicut dicimus de essentia animæ respectu esse: nam sicut anima rationalis, quia conjungitur corpori quanto per essentiam dando ei esse: ideo quia anima est impartibilis, erit tota essentia animæ in toto corpore, & tota in qualibet parte: & eadem essentia animæ aliquando est in valde parvo corpore, ut in puero, & maximè est anima in valde parvo corpore, cum primò infunditur: corpus enim pueri, quando primò est organizatum, & quando primò recipit infusionem animæ, dicitur esse valde parvum: postea eadem essentia animæ non augmentata, quia non suscipit augmentum, cum sit impartibilis, est in majori corpore tota in toto & tota in qualibet parte. Et secundum quod magis & magis crescit corpus hominis, sic in majori & majori corpore est essentia animæ. Et quod dictum est de essentia animæ respectu esse, suo modo veritatem habet de virtute Angeli respectu operationis: nam sicut eadem anima aliquando est in parvo corpore, aliquando in magno: sic & Angelus potest applicare virtutem suam ad parvum corpus & ad magnum, sive ad parvam partem corporis & ad magnam: in ipso ergo coelo Empireo absque transmutatione coeli poterit Angelus applicare virtutem suam ad parvam & ad magnam partem; ad quamcumque tamen partem applicabit virtutem suam, erit virtus ejus tota in tota illa parte, & tota in qualibet parte ejus: sicut essentia animæ erat tota in toto corpore, & tota in qualibet parte; differenter tamen, quia quod essentia animæ conjungatur corpori, hoc est naturale: ideo non potest anima esse in magno & parvo corpore secundum suæ voluntatis arbitrium; sed erit in magno vel in parvo corpore, secundum quod exigit natura corporis. Sed quod Angelus applicet virtutem suam ad corpus, est quid voluntarium: ideo pro suæ voluntatis arbitrio potest applicare virtutem suam ad magnum corpus & ad par-

Differentia
qua est in
ma in mag-
no, vel par-
vo corpore
& qua in
g: loquendi
suam ad
tem ad
gnum vel
parvum
pus.

parvum ; & ad magnam partem Cœli empyrei & ad parvam : ita tamen quod nunquam potest applicare virtutē suam ad tam parvam partem , quin possit ad minorem , quia continuum est divisibile in infinitum : ad punctum enim (ut alibi de hac materia diffusius diximus) nō potest applicare virtutem suam , quia punctus non est operationis susceptivus : nunquam ergo potest applicare virtutem suā ad tam parvam partem , quin possit ad minorem : potest autem ad tam magnā , quod non potest ad maiorem , quia est virtutis limitatē & finitā.

Rursum est alia differentia inter animā , prout conjungitur corpori per essentiam , & Angelum prout conjungitur corpori secundum virtutem : nam conjunctio animæ ad corpus per essentiam est naturalis , idē talis conjunctio est determinata ad unum , idē non conjungitur anima rationalis ad corpus quocumque modo formatum vel organizatum ; sed ad corpus formatum & organizatum , secundum quod requirit natura animæ , & secundum quod requirit potentia ejus : nam sicut diversæ artes habent diversas operationes , idē requirunt diversa organa : quia non sunt eadem organa tibicinis & textoris : ars enim textoris utitur pectine , non fistulis quibus utuntur tibicines . Sic diversæ animæ , quia habent alias operationes & potentias , vel quia alio modo operantur per suas potērias , idē requirunt diversa membra & diversa organa : idē dicit Commentar. super 1. de Anima : Membra leonis & membra cervi non differunt , nisi quia animæ differunt .

Sed conjunctio Angeli ad corpus secundum virtutem est voluntaria , idē sicut pro suæ voluntatis arbitrio in Cœlo empyreo potest applicare virtutem ad magnam partem & ad parvam : ita pro suæ voluntatis arbitrio potest applicare virtutem suam ad partem sic & sic formatam , vel sic & sic figuratam : poterit enim applicare virtutem suam ad partem habentem figuram triangularem , vel quadrangularem , vel pentagonam , vel alterius figuræ , prout sibi placuerit . Si ergo homines ad invicem exprimunt conceptus suos , & loquuntur per litteras , prout litteræ inter se variantur , quia sunt alterius & alterius figuræ sive formæ , poterunt & Angeli loqui ad invicem , & ex-

primere voluntatem suā & conceptum , prout secundum diversas figuras applicat virtutem suam ad partem Cœli empyrei : igitur non solum per applicationē virtutis cū trāsmutatione materiæ possunt Angeli loqui , & manifestare suos conceptus , ut apparuit in scissura & in reflexione aeris , sed etiā possunt hoc facere per applicationē virtutis sine trāsmutatione materiæ , prout ad partes Cœli empyrei diversimodē figuratas pro suæ voluntatis arbitrio possunt suas applicare virtutes . Isto autem modo loquendi , prout sic per applicationem virtutis absque trāsmutatione materiæ suos manifestat cōceptus , potest loqui Angelus Angelo , sed non Angelus homini : nam nullus posset alii cui loqui per litteras , nisi ipsas litteras videret : sic ergo per applicationem virtutis ad partes Cœli empyrei diversarum figurarum non poterit Angelus manifestare conceptum suum , nisi apud eos qui vident hujusmodi diversitatem figurarū habere esse in ipsa applicatione virtutis : diversitatem talium figurarum videre non potest , nisi videat ipsam virtutem angelicā . Sic enim dicemus de Cœlo empyreo respectu virtutis angelicæ describentis ibi diversas figuras , sicut dicimus de pergamento respectu attramenti , per quod formantur in eo diversæ litteræ : qui enim non posset videre attramentū , nō posset videre diversitatem litterarum formatarum in pergamento per attramentum , sic qui non videret virtutem angelicam , non posset videre diversitatem figurarum in Cœlo empyreo descriptarum ex applicatione virtutis angelicæ . Et quia homines non possunt videre ipsam virtutem angelicam , quia tunc viderent Angelos per essentiam , quod est impossibile homini in hac vita , cū totum intelligere nostrū vel sit phantasia , vel nō sit sine phantasia : cū ergo nec essentia angeli nec virtus angelica habeat phantasmata , nec sit proportionata habentibus phantasmas , impossibile est nos cognoscere ipsos Angelos per essentiam , vel nos posse videre ipsas virtutes angelicas : per applicationem ergo virtutis quando trāsmutatur materia , & quando fit aliquod signum sensibile , potest Angelus loqui homini : sed per applicationem virtutis , quando non trāsmutatur materia , & quando non resultat in corpore aliquod signum sensibile , potest loqui Angelus Angelo , sed non homini .

Non solum per applicationem virtutis cum trāsmutatione materiæ possunt Angeli inter se loqui , & hominibus , sed sine trāsmutatione materiæ per virtutis applicationem ad partes Cœli empyrei diversimodē figuratas solum Angelis loqui possunt .

Ha

Secunda differentia.

2. de Anima cōm. 53.

Habito quomodo potest loqui Angelus Angelo secundum aliquem modum, secundum quem modum non potest loqui homini, restat exequi de reliquis membris: verum quia omnes modi locutionis, de quibus executi sumus, non habent fieri nisi in exteriori corpore, quia cum inconueniens sit, quod Angelus non possit loqui Angelo sine exteriori corpore, volumus investigare, quomodo Angeli possunt sibi loqui adinvicem absque omni exteriori corpore. Tetigimus enim tres modos loquendi: quia diximus, quod potest loqui Angelus sciendo, & reflectendo aerem, formando ibi voces sive sonos. Secundo potest loqui faciendo apparere species sive formas imaginabiles in aliquo organo phantastico. Tercio modo loqui potest secundum varias figuras applicando virtutem suam ad Coelum empyreum, vel ad aliquid aliud corpus absque transmutatione materiae, & absque resultatione sensibilis signi: & quia omnes hi modi loquendi fiunt mediante aliquo corpore: quia & aer, & organum phantasticum, & Coelum empyreum, & cetera talia corpus nominant, si non posset aliter loqui Angelus Angelo, videretur, quod perfectio Angelus dependere ex corpore: nam hoc est magnae perfectionis in creatura rationali sive in creatura intellectuali, quod possit suum conceptum, & suam voluntatem manifestare alteri: nam ut dicit Ricard, *Nullus sine socio iucunda est possessio*. Si igitur non possent Angeli sibi invicem manifestare voluntatis indicia, quilibet Angelus sic se haberet ad alium, ac si non haberet societatem ejus. Hoc ergo est magnae iucunditatis & magnae perfectionis in rebus intellectualibus, quod possunt sibi invicem manifestare conceptus, & declarare affectiones: quare si hoc, quod inter naturales perfectiones Angelorum est magna perfectio, non possent Angeli absque exteriori corpore, perfectio angelica ex corpore dependeret: propter quod quidam volentes ostendere quomodo Angeli possint absque omni exteriori corpore, distinxerunt de esse specierum in mentibus Angelorum, secundum modum quem habent formae in materia existentes. Formae autem in materia existentes habent quasi triplex esse, videlicet, in fieri & quasi in potentia, & in esse perfecto, & in ordi-

ne ad aliud: ut aliquod corpus prius calefit, & dum calefit, habet formam caloris quasi in fieri & in actu diminuto & quodammodo in potentia: postea est perfecte calefactum, & habet formam caloris in esse perfecto: ultimo per formam caloris, quam habet perfectam, potest generare aliud calidum. Quia cum aliquid perfectum in istis generabilibus, & corruptibilibus potest sibi simile generare, & cum hoc facit, ut cum corpus calidum generat simile sibi, & facit aliud corpus calidum, habet formam caloris in ordine ad aliud. Hunc etiam triplicem modum essendi secundum eos videntur habere species in mentibus Angelorum. Nam huiusmodi species, cum sint in intellectu angelico, & Angelus non considerat per eas, sunt quasi in quodam esse habituali & in actu incompleto: sed cum Angelus secundum suam voluntatis arbitrium se convertit super aliqua illarum specierum, ut actu intelligat per eam, tunc illa eadem species, quae prius habebat quasi esse habituale, & habebat esse in actu semipleno & incompleto, postea fit in esse actuali & in actu pleno & completo: ulterius autem, quando postea per illam eandem speciem sic factam in actu Angelus secundum ordinem suae voluntatis patefacit conceptum suum alteri Angelo, dicitur illa species esse in ordine ad aliud: ita quod secundum istos idem est in Angelis scire, intelligere, & loqui: ut quandiu Angelus habet apud se species rerum in esse quasi habituali & in actu incompleto, dicitur res scire: quando vero per voluntatem se convertit super aliquam illarum specierum, ex qua conversione fit illa species in actu completo, dicitur intelligere: quando autem ulterius per suam voluntatem ordinat illam speciem ad alium Angelum, & ex hoc patefacit ei suam voluntatem & suum conceptum, dicitur loqui.

Sed hoc dictum duobus modis videtur deficere: primo, ut comparat formas intelligibiles ad formas materiales. Secundo, ut comparat eas ad ordinem voluntatis. Videntur enim species intelligibiles, prout deserviunt locutioni, secundum hanc hypothesin se habere, sicut se habent formae materiales, prout deserviunt generationi: ut sicut materiales formae deserviunt generationi, prout se habent in ordine ad aliud: sic spe-

Ricard.

Aliqui
ta tripli
modum
endi form
in mater
assignat
triplicem
dum essend
speciem in
actu Ange

Dupliciter
deficit
parado

Species intelligibiles, secundum istos, de-
serviunt locutioni, prout se habent in or-
dine ad aliud. Sed constat, quod formæ
materiales non deserviunt generationi in
ordine ad aliud, nisi quia aliquid faciunt
in illud aliud. Secundum ergo hanc simi-
litudinē species intelligibiles in uno An-
gelo deservient locutioni in ordine ad
aliud Angelum, prout aliquid efficiunt
in illo alio Angelo: sed hoc non poni-
mus, quod Angelus per species suas in-
telligibiles possit aliquid efficere in alio
Angelo: imò non solum unus Angelus
non potest per suas species intelligibiles
aliquid efficere in alio Angelo: imò etiā
in ipsa materia corporali, quæ est magis
passioni subiecta, nihil potest efficere An-
gelus secundum motum ad formam, sed
solum secundum motum ad ubi. Rursus
(ut sæpè sapiùs diximus) substantia spi-
ritualis est ubi operatur: si ergo unus An-
gelus directè quid efficeret in alio Ange-
lo, unus Angelus illaberetur alteri Ange-
lo, & esset in altero Angelo. Similitudo
ergo rerum corporalium est omnino dif-
finita in hac materia. Secundò videtur,
hoc dictum deficere de eo, quod ait de
ordine voluntatis: vult enim quod An-
gelus per suam voluntatem ordinando
speciem suam ad alium Angelum, ex hoc
loquatur ei, & ex hoc patefaciat suum
conceptum & suam affectionem: sed cō-
stat, quod ordo voluntatis in uno An-
gelo est ignotus alteri Angelo: unde &
hoc modo dicimus cogitationes u-
nius Angeli esse ignotas alteri Angelo:
quia subiacent solum ordini voluntatis.
Angelus itaque si ex solo ordine volun-
tatis ordinaret speciem suam intelligibi-
lem ad alium Angelum, cum ordo volū-
tatis sit alijs Angelo ignotus, ex hoc non
esset illi Angelo aliquid patefactum, nec
ex hoc loqueretur ei.

Propter quod sciendum, quod (ut
est ex superioribus patefactum) Angelus
per voluntatem convertendo se super ali-
quam speciem facit se in actum intelli-
gendi, & format in se ipso intellec-
tionem sive actum intelligendi. Sic
etiam dicemus, quod Angelus per vo-
luntatem, convertendo se super hu-
iusmodi intellectionem formatam, for-
mat in se intellectionis expressionem, ita
quod ipsa expressio intellectionis, vel ip-
sa expressio verbi intelligibilis erit par-
ticularior, quam ipsum verbum intelli-

gibile, vel quam ipsa intellectio. Propter
quod licet unus Angelus non possit in
alio intelligere suam intellectionem sive
suum verbum intelligibile propter taliū
universalitatem; intelliget tamē expres-
sionem horum propter huiusmodi par-
ticularitatem. Declarabimus autem hoc
in nobis ipsis per simile: nam licet nos
per eandem speciem & per eandem in-
tellectionem, sive per idem verbum in-
telligibile intelligamus rectum & obli-
quum; non enim utrumque horum pro-
ferimus per idem verbum vocale, nec est
idem nomen utriusque, sed alio nomine
nominatur rectum & alio obliquum:

mediante enim specie intelligibili for-
matur in nobis actus intelligendi, qui po-
test dici intellectio: & quia huiusmodi
actus est perfectior, quam actus sensus,
ideò ex perfectione actus intelligibilis ha-
bet in nobis esse verbum intelligibile,
quia verbum intelligibile intrā formatū
est illud, quod exprimitur per verbum
vocale extrā formatum: unde & August.

15. de Trinit. cap. 11. ait: *Verbum, quod for-
is sonat, signum est verbi, quod intus lucet.* Istud
autem verbum exterius particularius est
(ut diximus) quam verbum interius: nā

sicut obliquum non habet propriam spe-
ciem intelligibilem, ita non habet pro-
priam intellectionem, nec proprium ver-
bum intelligibile: propter quod sicut
per eandem speciem intelligibilem secū-
dum ordinem voluntatis nostræ in aliud
& aliud relatum possumus intelligere re-
ctum & obliquum, ita quod si secundum
ordinem voluntatis nostræ volumus illā
speciem referre in rectum, intelligeremus
per eam rectum; sive obliquum, si in
obliquum. Sic etiam per eandem intel-
lectionem aliter & aliter relatum, & per
idem verbum intellectuale aliter & aliter
relatum intelligeremus rectum & obli-
quum; sed non sic est in verbo exte-
riori: quia non eodem verbo exteriori no-
minamus rectum & obliquum. Si ergo
intellectus noster esset tantæ libertatis,
quod posset se sic liberè convertere supra
se, quod sicut per speciem intelligibilem
format intellectionem & verbum, ita
formaret in se ipso aliquod intellectuale
signum, quod esset expressivum intellec-
tionis & verbi, tunc per illud intellec-
tuale signum posset suam cogitationem
Angelis patefacere: ita tamen quod illud
intellectuale signum esset particularius;

Angelus se
convertens
supra suam
intellectionē
format in se
intellectio-
nis expressi-
onē particu-
lariore, quā
ipsa sua in-
tellectio: &
illam voca-
mus signum
intelligibi-
le, per quod
unus Ange-
lus loquitur
alijs.

D. P. N. Aug.
gust. 15. de
Trin. cap.
11.

quàm verbum intelligibile: ut si eodem verbo intelligibili possumus intelligere rectum & obliquum, non tamen eodem signo intelligibili exprimemus rectum & obliquum: sed quia intellectus noster nō potest se liberè supra se convertere, non potest per huiusmodi signa intelligibilia manifestare suum conceptum, sed manifestant ipsum per verba sensibilia. Dicemus ergo, quod Angelus potest formare in se ipso signa intelligibilia, & ex illis signis manifestare suum conceptum: sicut nos formamus verba sensibilia, & per huiusmodi verba manifestamus conceptum nostrum: in potestate enim nostra est, quod quot possumus intelligere per verbum intellectuale interius, quod tot possumus formare verba sensibilia exterius, dato ergo quod homines viderēt verba interiora, sicut audiunt verba exteriora, scirent quæ homines cogitarent, videndo verba interiora, sicut possunt homines sibi invicem revelare cogitationes suas formando verba exteriora. Nam, ut diximus, non alio verbo intelligibili intelligimus rectum & obliquum, immò secundum ordinem nostræ voluntatis per idem verbum intelligibile cogitare possumus hoc vel illud: si ergo unus homo videret in alio ipsum verbum intelligibile interius, sciret in generali, quod cogitaret de hoc vel de opposito: sed nesciret in speciali cogitationē ejus: sed quia verba exteriora sunt signa particulariora, & quia non eodem verbo exteriori, ut diximus, nominamus rectum & obliquum, ideò possumus per verba exteriora etiam in speciali patefacere cogitationes nostras. Sic & in proposito, licet verba & intellectiones angelicæ habeant quemdam modum universalitatis: quia potest Angelus per unicam speciem intelligibilem & per unicam intellectionem, sive per unicum verbum intelligibile intelligere multa, ut intelligere hoc vel illud: signa tamen intelligibilia, quæ possunt formare Angeli in se ipsis, sunt particulariora, & determinatè repræsentant hoc, aut determinatè illud: unus ergo Angelus in alio, & specialiter Angelus superior in inferiori, videt speciem intelligibilem, qua actu utitur Angelus inferior, & videt intellectionem formatam per talem speciem, & videt verbum intelligibile formatum per huiusmodi intellectionem, non tamen

propter hoc videt in speciali cogitationē inferioris Angeli: quia quodlibet istorū potest in multa referri. Sed si Angelus vult revelare suam voluntatem alteri Angelo convertit se super verbum intelligibile, prout per ipsum intelligit, & juxta suum intelligere format in se ipso signū expressivum suæ intellectionis, ut si per suum verbum intelligibile sive per suam intellectionem intelligit determinatè hoc, formabit in se signum intelligibile repræsentans determinatè hoc; si verò intelligat oppositum vel aliquid aliud, formabit in se signum intelligibile repræsentans oppositum vel illud aliud: qui ergo videt, quomodo Angelus potest convertere se super aliquam speciem, ex conversione mediante suo lumine intellectuali dat ei quamdam actualitatem, ut possit ex ea in se ipso formare verbum & intellectionem: non est enim difficile videre, quomodo Angelus possit se convertere super huiusmodi verbum sive super huiusmodi intellectionem formatā, & formare in se ipso illius intellectionis expressionem, quam dicimus esse signū intelligibile, per quæ signa intelligibilia unus Angelus loquitur alteri, & exprimit ei suum conceptum & suam affectionē. Duobus ergo modis loquuntur Angeli sibi invicem, secundum quos modos nō possunt loqui hominibus, videlicet, applicando suas virtutes ad aliqua corpora sine transmutatione materiæ, & sine signo sensibili, & absq; omni corpore formando in se ipsis signa intelligibilia, quæ sunt suarum intellectionū expressiones.

Ostenso quomodo Angeli loquuntur hominibus, & quomodo Angelus loquitur Angelo eo modo, quo loquitur homini. Restat videre, quomodo Angelus loquatur sibi eodem modo, quo non loquitur alteri Angelo: & quomodo loquatur Deo eo etiam modo, quo non loquitur sibi. Primum enim, quomodo Angelus loquitur sibi eo modo, quo non loquitur alteri Angelo, & per habita potest esse manifestum. Nam quando Angelus convertit se super aliquam speciem, & format inde intellectionem, vel verbū intelligibile, loquitur sibi ipsi: quia ipsemet videt quod cogitat; tamen ex hoc non loquitur alteri Angelo, quia nisi ille Angelus ulterius procedat, & sicut cōvertendo se supra speciem formavit intellectionem, sic convertendo

Quod si unus Angelus loquitur alteri, & exprimit ei suum conceptum & suam affectionē. Duobus ergo modis loquuntur Angeli sibi invicem, secundum quos modos nō possunt loqui hominibus, videlicet, applicando suas virtutes ad aliqua corpora sine transmutatione materiæ, & sine signo sensibili, & absq; omni corpore formando in se ipsis signa intelligibilia, quæ sunt suarum intellectionū expressiones.

Quomodo Angelus loquitur sibi eodem modo, quo non loquitur alteri Angelo: & quomodo loquatur Deo eo etiam modo, quo non loquitur sibi. Primum enim, quomodo Angelus loquitur sibi eo modo, quo non loquitur alteri Angelo, & per habita potest esse manifestum. Nam quando Angelus convertit se super aliquam speciem, & format inde intellectionem, vel verbū intelligibile, loquitur sibi ipsi: quia ipsemet videt quod cogitat; tamen ex hoc non loquitur alteri Angelo, quia nisi ille Angelus ulterius procedat, & sicut cōvertendo se supra speciem formavit intellectionem, sic convertendo

do se super intellectionem & super verbum intelligibile, formet eorum expressionem, non poterit alius Angelus suam cogitationem agnoscere. Et Angelus aliquo modo loquitur Deo, quo non loquitur sibi. Nam Deo ipsum cor patet, ipsa voluntas loquitur: ita quod Deus in corde Angeli sive in intellectu ejus videt omnes cogitationes futuras. Vel, ut magis proprie loquamur, Deus in se ipso videt cor Angeli sive intellectum angelicum, & videt omnes species ejus intelligibiles, & videt omnia quaecumque debet cogitare per hujusmodi species, & antequam illa cogitet, ita quod cor Angeli loquitur Deo, & est patens Deo plusquam sit patens Angelo: scit enim Angelus quæ actu cogitat: sed naturali cognitione nescit omnia futura, quæ debet cogitare: cor ergo ipsius Angeli non loquitur ipsi Angelo, nec est patens sibi eomodo, quo loquitur Deo, & quo est patens Deo.

Ex hoc ergo patet, quod loquendo, de locutione, prout unus Angelus loquitur alteri, non est idem scire ipsius Angeli, & ejus intelligere, & loqui ejus, Nā scire competit ei per species intelligibiles, intelligere autem per intellectiones: sed loqui competit ei per intellectionum expressiones. Ex eo enim, quod Angelus habet species rerū apud se, dicitur habere scientiam de rebus: sed ex hoc non intelligit res, nisi actu se convertat super hujusmodi species, nunc super istam, nunc super illam, & formet ex eis verba intelligibilia & intellectiones: formatis autem verbis intelligibilibus vel intellectionibus, adhuc non loquitur alteri Angelo, nisi formet intellectionum expressiones, & quia intellectio non est ipsa species intelligibilis, & expressio intellectionis non est ipsa intellectio, scire Angeli non est suum intelligere, & suum intelligere non est suum loqui, loquendo de locutione prout loquitur alteri Angelo sua intellectio non est locutio, sed loquendo de locutione prout loquitur sibi, sic sua intellectio est sua locutio. Vtrum autem sit aliqua differentia inter locutionem, qua loquitur sibi, & suam intellectionem, & qualiter est differentia inter ea? In sequenti questione patebit.

Ex hoc etiam patere potest, quod quasi est omnino modus oppositus inter formas materiales istas sensibiles & species illas angelicas intelligibiles. Nam

formas istas materiales sensibiles non habent ordinem ad alia materialia, quod aliquid per eas efficiatur in proprijs subjectis, sed solū ex eo quod per eas aliquid fit in alijs materialibus rebus: calor enim in igne non habet ordinem ad alia, quod per ipsum aliquid efficiatur in proprio subjecto, sed solū ex eo quod per ipsum efficitur aliquid in ipso calefactibili: quia ista corporalia & materialia, ut probat Proclus, non sunt ad se convertiva, nec habent aliquam actionem, quæ terminetur ad ipsa: omnis enim actio istorum corporalium est transiens in exteriorem materiam: è converso autē est de speciebus in mentibus Angelorum: nam ex hujusmodi speciebus primò & principaliter fit actio in ipso intellectu Angeli, ut ex eo quod Angelus per suum intellectum convertit se super aliquam speciem intelligibilem, in ipso suo intellectu format intellectionem & verbum intelligibile: hujusmodi etiam intellectio, & verbum intelligibile non habet ordinem ad alium Angelum, non quod possit patefieri alteri Angelo per hoc, quod aliquid imprimatur alteri Angelo: sed ex eo quod aliquid fit in ipso eodem intellectu angelico: ut sicut cum Angelus vult intelligere, in intellectu format intellectionem, sic cum vult alteri Angelo loqui, in suomet intellectu formabit intellectionis expressionem: loquitur ergo unus Angelus alteri, non imprimendo aliquid in alterum Angelum, sed exprimendo aliquid in se ipso.

Respond. ad arg. Ad 1. dicendum, quod non omnia voluntatis indicia, nec omnia spiritualia, quæ sunt in uno Angelo, manifesta sunt, nisi illa essent realiter distincta, & nisi essent talia, quod possent ab alio Angelo comprehendi. Dicimus autem nisi essent realiter distincta: quia (ut diximus) per unam speciem, & per unam intellectionem, & per unum verbum intelligibile, prout refert ipsum in aliud & aliud, potest Angelus aliud & aliud intelligere: talia ergo spiritualia & tales motus animi, qui non differunt secundum distinctionem realem, sed solū secundum ordinem voluntatis, non potest unus Angelus in alio comprehendere: ut ergo unus Angelus alij loquatur, & ut manifestet hæc alij Angelo: oportet, quod formet in se ipso intellectionum expressiones realiter differentes, quæ sint particulariores, quàm hujusmodi intel-

formas sensibiles, & species angelicas intelligibiles.

Differentia
inter scire
Angeli, in-
telligere, &
loqui.

Ordo oppo-
situs inter
materiales

lectiones, per quas expressiones unus alteri notificet suos conceptus. Diximus etiam si spiritualia sint talia, quod possint comprehendi ab alio Angelo, propter inferiores respectu superiorum: Nā licet superiores videant in inferioribus quæ sunt ibi realiter distincta, inferiores tamen in superioribus non omnia realiter distincta cognoscunt: quia possunt esse illa ita alta, quod non possent ab inferiori comprehendere: videt enim Angelus superior in inferiori, quia comprehendit species ejus, & comprehendit per quas species, quas res est Angelus inferior aptus natus cognoscere: sed hoc non oportet, quod cognoscat inferior in superiori: quia non potest ejus conceptus capere, nec ejus species intelligibiles comprehendere. Ad 2. dicendum, quod unus Angelus reducit alium Angelum de potentia in actum, & facit ipsum actu cognoscere quæ prius non cognoscebat: nam & res ipsæ materiales possunt hoc facere, quia progredientibus rebus in esse, incipit Angelus cognoscere quæ prius non cognoscebat: non quod res agant in Angelum; sed quia per progressum rerum in esse incipiunt esse determinata, quæ prius erant indeterminata: & quia cognitio angelica fertur in res determinatas, non autem in res indeterminatas, ideo incipiunt esse ab Angelo cognita, quæ prius erant incognita. Hæc ergo reductio de potentia in actum magis est ex mutatione rerum cognitarum, quam cognoscentis. Sic & in proposito: nam quandiu Angelus non format suæ intellectionis expressionem, indeterminatæ sunt cogitationes ejus cuilibet alij Angelo: sed postquam formavit expressionem suæ intellectionis, & determinatè dedit intelligere suum conceptum: tunc alius Angelus incipit determinatè scire cogitationem ipsius. Unus ergo Angelus reducit alium Angelum de potentia in actum, non transmutando ipsum nec aliquid imprimendo in eum, ut ratio arguebat, sed determinando vel determinatè exprimendo suam intellectionem, quam intellectionem determinatè expressam poterit Angelus cognoscere, sicut & res præsentæ & jam determinatas cognoscit, quas indeterminatas non potest scire. Ad 3. dicendum, quod ordo voluntatis, donec exprimat per signa distincta, est ignotus: expressus autem per distincta signa, efficitur notus: & quia hoc

modo fit locutio secundum ordinem voluntatis, prout per imperium voluntatis formantur in Angelo intellectionum sive cogitationum expressiones, ideo per tales expressiones & per talia signa exprimentia indicia voluntatis poterit ordo voluntatis esse notus, & poterit unus Angelus alteri loqui. Ad 4. dicendum, quod in Angelis ea, quæ non sunt distincta realiter, sed solum secundum ordinem voluntatis, ignota sunt: ita quod unus Angelus in alio non potest talia naturali cognitione cognoscere. Ad formam autem arguendi, cum dicitur quod unus Angelus cognoscit substantiam alterius, quæ est magis intima, ergo cognoscit & omnia alia quæ sunt in subiecto. Dicit debet, quod (ut potest patere ex dictis) intimum, & non intimum, & cetera hujusmodi per accidens sunt ad præsentem speculationem; distinctum & indistinctum sunt in hujusmodi speculatione per se: & quia, ut supra diximus, substantia Angeli est distincta à substantiis alijs, intellectio sive cogitatio Angeli potest representare multa distinctè, quæ sunt realiter indistincta: ideo licet unus Angelus cognoscat substantiam alterius, non oportet, quod cognoscat cogitationes ejus. Ad 5. dicendum, quod sicut esse intimum & non intimum sunt per accidens in præsentī consideratione, sic etiā accidentale & substantiale sunt per accidens; distinctum & indistinctum (ut sæpe diximus) sunt per se: Angelus ergo, ut sæpe diximus, per expressiones cogitationum, quæ sunt distinctæ, patefacit cogitationes suas, quæ sunt alijs indistinctæ & incognitæ. Ad 6. dicendum, quod per se loquendo, unus Angelus non potest loqui alij Angelo, quin alius Angelus sciat locutionem illam. Et quod aliqui dicunt de hominibus, quod potest unus homo loqui uni homini absque eo, quod loquatur alij homini: quod ex hoc possit unus Angelus loqui alicui Angelo absque eo, quod loquatur alij Angelo, est argumentum ad oppositum, non ad propositum: nam ex perfectione hominum est, quod non possit scire quilibet homo locutiones cujuslibet hominis: ex perfectione Angelorum est, quod quilibet Angelus, per se loquendo, cognoscit locutiones cujuslibet alterius Angeli: per quædam ergo signa spiritualia possunt Angeli loqui, & patefacere affectiones suas

suas, & illa signa, per se loquendo, sunt omnibus nota: & per se loquendo, qui loquitur uni Angelo, loquitur omnibus Angelis. Dicimus autem, per se loquendo, quia potest contingere, quod locutionem unius Angeli non percipiat quilibet Angelus: Nam sicut Angelus superior intelligit per universaliores conceptus, ita fortè potest per universaliora signa patefacere conceptus suos. Sicut ergo Angeli inferiores non comprehendunt species Angelorum superiorum, ita quod nec in generali, nec in speciali sciunt cogitationes eorum, ita etiam fortè potest Angelus superior patefacere conceptus suos per talia signa, quæ non poterit percipere inferior Angelus: Angelus ergo medius secundum hoc poterit loqui Angelo superiori absque scitu Angeli inferioris; sed hoc erit quodammodo per accidens: nam Angelus sic loquens, quantum est de se, patefacit conceptum suum: quod autem Angelus inferior hoc non percipit, hoc est quodammodo per accidens, ut quia est hebes secundum intellectum, & non potest signa, per quæ loquitur ille Angelus, comprehendere. Vel possumus dicere, quod dato, quod Angelus semper eadem signa intelligibilia formet; poterit tamen per illa signa intelligibilia Angelus medius manifestare conceptum suum superiori Angelo absque eo, quod manifestet ipsum inferiori: nam licet sint eadem verba sensibilia, per quæ loquimur: tamen uni homini subtili manifestabimus conceptum nostrum per pauca verba, quem non possumus manifestare uni homini grosso per multa verba. In paucis ergo verbis fit locutio, id est, manifestatio conceptus, homini subtili, in quibus non fit talis manifestatio homini rudi, sed oportet multiplicare verba. Sic & in proposito poterit unus Angelus loqui Angelo superiori, & percipiet conceptum suum Angelus superior, etiam per eadē signa absque eo, quod hoc percipiat Angelus inferior. Sed oportebit talia signa multiplicare, ut patefiat inferiori quod est patefactum superiori. Ad 7. dicendum, quod Angelus manifestat conceptum, non (proprie loquendo) per alium conceptum, sed per expressionem conceptus. Vel si utrumque volumus appellare conceptum tam verbum, quam expressionem verbi: vel tam intellectionem, quam expressionem

intellectionis: dicemus, quod manifestat conceptum per conceptum: sed illi conceptus non sunt ejusdem rationis, quia unus est universalis, alius particularis: manifestat ergo Angelus conceptum universalem, ut intellectionem sive verbum, per conceptum particularem, ut per expressionem intellectionis & verbi. Quod ergo arguitur, quod pari ratione erit unus conceptus notus, sicut alius, patet falsum esse, cum unus sit particularior alio. Ad 8. dicendum, quod signum, quod diffinit Magister in 4. *Sententiarum*, non est signum universaliter sumptum, sed est solum signum sensibile: Angeli autem, ut patet per habita, possunt loqui utroque modo, ut per signa sensibilia & per intelligibilia. Ad formam autem arguendi, cum dicitur, quod non habent species sensibiles: dicendum, quod licet non habent species sensibiles; dici tamen debet, quod secundum motum ad ubi possunt Angeli transmutare materiam sensibilem, & manifestare conceptus suos per signa sensibilia. Ad 9. dicendum, quod quæ sunt in Angelis, quantum est de se, sunt magis nota, quam quæ sunt in rebus naturalibus, dum tamen sint hæc & illa pariter distincta: sed quæ sunt in Angelis sunt realiter indistincta, quæ sunt in naturalibus sunt realiter distincta, non erunt eodem modo nota hæc & illa. Et sic est in proposito, quia accidentia naturalia sunt realiter distincta; cogitationes autem Angelorum non sunt realiter distincta: quia per unam & eandem speciem potest Angelus diversa cogitare: ideo unus Angelus non distinctè cognoscit cogitationes alterius, licet distinctè sciat proprietates naturalium rerum. Ad 10. dicendum, quod quæ habent contrarium ordinem, possunt dependere à se invicem, vel potest unum dependere ex alio: videmus enim, quod agens instrumentale & principale non habent eundem ordinem: & tamen unum dependet ex alio: imò si volumus proprie loqui, quæ habent eundem ordinem, non dependent à se invicem, quia sunt in eodem gradu perfectionis: intellectus igitur & voluntas ex se invicem dependent, quia non habent eundem ordinem in Angelo: argumentum ergo non arguebat propositum sed oppositum. Ad 11. dicendum, quod Angelus superior loquens Angelo inferiori format in se

particulariores conceptus, id est, format in se conceptuum particulariores expressiones; sed propter hoc non oportet, quod Angelus superior intelligat, sicut inferior: quia Angelus non intelligit per expressiones intellectuum, sed per ipsas intellectiones, vel per ipsos conceptus: illæ ergo expressiones, per quas loquitur Angelus, non sunt intellectiones, sed intellectuum signa. Ad ultimum dicendum, quod Angelus potest loqui, formando verbum sensibile, & potest loqui, formando expressionem verbi intelligibilis, ut est per habita manifestum: non tamen propter hoc in eo est idem loqui, & intelligere: quia non est ibi idem verbum & expressio verbi, nec intellectio & expressio intellectus.

QVÆSTIO XII.

Verum signa, per quæ loquuntur Angeli, sint naturalia, vel voluntaria?



TERTIO DECIMO

quæritur: utrum signa, per quæ loquuntur Angeli, sint naturalia vel voluntaria? Et videtur, quod non sint naturalia: quia quæ sunt naturalia, sunt eadem apud omnes. Si ergo Angeli loquerentur per signa naturalia, illa essent eadem apud omnes: non posset ergo loqui unus Angelus alicui Angelo, quod illud non scirent omnes alij Angeli: quod videtur inconueniens. Præterea: quæ sunt naturalia, non sunt in potestate nostra, sed in potestate Angeli est loqui, vel non loqui: & in potestate sua est exprimere suam intellectiōem, & non exprimere: ergo locutio non est Angelis naturalis, non est per signa naturalia, sed per voluntaria. Præterea: res dicitur denominari ab eo, quod est ei essentiale, sed exprimere intellectiōem procedit ex ipso intellectu: ergo huiusmodi exprimere est quid intellectuale, & per consequens est quid artificiale. Erit ergo quid voluntarium: quia in diffinitione artificialium ponitur voluntas, ut

dicatur in 6. *Metaph.* Artificialia enim voluntaria sunt. Præterea: motus recipit speciem à termino, ut probatur in 5. *Physic.* sed illa signa, per quæ loquitur Angelus, ordinantur ad hunc terminum & ad hunc finem, ut ad expressionem, scilicet, voluntatis: sunt enim illa signa quædam voluntatis indicia, ergo sunt voluntaria. Præterea: natura est determinata ad unum: quæ ergo sunt infinita non sunt naturalia: sed signa, per quæ loquitur Angelus, oportet, quod sint infinita: quia infinitis modis potest manifestare voluntatem suam: ergo &c. Præterea: causa istorum signorum est ipsa voluntas: sed quorum causa est voluntas, illa sunt voluntaria, ergo &c. Præterea: si illa signa essent naturalia, Angelus vel demon nō posset per huiusmodi signa mentiri, quod falsum est: nam demones multoties mentiuntur. Præterea: loquela data est in his, quæ non possumus naturaliter exprimere: si ergo illa signa essent naturalia, secundum illa signa non esset locutio. Præterea: si mundus fuisset ab æterno, fuissent infinita particularia: sed quodlibet particulare potest exprimi per aliquod signum: fuissent ergo infinita huiusmodi signa, vel saltem si non præcesserunt huiusmodi signa infinita, possunt tamen talia signa infinita esse: quia universum secundum substantiam nunquā deficiet: semper enim erit cælum, & semper erit terra, semper erunt Angeli, & semper erunt sancti: innovabuntur enim cælum & elementa, sed non annihilabuntur. Si ergo semper erunt Angeli, & semper erunt partes universi, semper poterunt habere Angeli alias & alias affectiones; & huiusmodi affectiones poterunt semper significari per aliqua signa: ergo talia signa infinita sunt, & per consequens non sunt naturalia. Præterea: demones non perdidit naturam: si ergo talia signa essent naturalia, essent nota demonibus: scirent ergo demones ea quæ sunt in Angelis, vel non posset Angeli se occultare demonibus.

In contrarium est: quia si minor est de contingente, & conclusio est contingens: secundum hoc ergo videtur, quod conclusio assimiletur minori: sed in locutione voluntas se habet quasi maior, intellectus quasi minor, locutio ergo magis se tenebit ex parte intellectus, quā ex parte voluntatis. Sed intellectus fertur in

Plus 6. *Metaph.*
ca. comm.
& 5. *Physic.*
comm. 3.

in suum objectum naturaliter: non est enim nostrum intelligere ad placitum: nō enim est res intellecta secundum nostrū velle; sed secundum suum esse: ergo ea, quæ se tenent ex parte intellectus, sunt naturalia, non voluntaria: hujusmodi est locutio, ergo &c. Præterea: quæ sunt voluntaria, sunt ad opposita, & per consequens sunt indeterminata: non ergo possunt talia aliquid certè repræsentare: & per consequens per talia signa voluntaria non erit locutio. Præterea: homo est naturaliter animal communicativum, ergo locutio est homini quid naturale, multò ergo magis & Angelo. Præterea: signatum est quid naturale, ut ipsa res, & ipsa cogitatio: ergo signum, per quod fit locutio de tali re, erit quid naturale. Præterea: Angeli naturaliter intelligūt, ergo naturaliter significant, & per consequens naturaliter loquuntur.

Uterius videtur, quòd Angeli loquantur utroque modo, & naturaliter & voluntariè: quia homines utroque modo loquuntur, videlicet, per signa naturalia & per voluntaria. Præterea: sicut se habet in virtutibus, quæ perficiunt appetitum, ita (ut videtur) se habebit in locutionibus, quæ exprimunt nostrum intellectum, & nostrum conceptum: sed virtutes sunt à natura, & à voluntate: ergo & locutiones.

RESOLVTIO.

Verba intelligibilia, & expressiones verborum, quibus unus Angelus alteri loquitur, quantum ad eorum formationem sunt voluntaria, sed quantum ad representationem signa sunt naturalia: descriptiones autem factæ in exteriori corpore per applicationem virtutis, & voces formatae in exteriori aëre, & similitudines talium vocum apparentes in imaginatione signa sunt simpliciter ad placitum.

Respondeo dicendum, quòd ne laboremus in æquivoco, distinguemus de naturali, nam nisi de naturali distingueremus, non possemus rectè judicare de locutione, utrum sit naturalis, vel non? Et quomodò sit naturalis, &

quomodò non? Unde & Phus in hac materia videtur sibi quodammodo contradicere: nam in libro *Politicorum* vi. Phus in lib. Politic. dicitur velle, quòd loqui sit quid naturale: unde ipse sic ait: *Homini sermonem natura dedit*. Quòd etsi Phus hoc non diceret, ipsa tamē veritas ad hoc nos compellit: nam quod consequitur totam speciem, oportet, quòd sit quid naturale: locutio autem consequitur totā humanam speciem, ergo locutio in hominibus est quid naturale, & multò magis in Angelis: imò ex quo homo est naturaliter animal communicativum, ut in arguendo dicebatur, & ex quo est animal naturaliter politicum, ut probatur in *Politicis*: quia ex hoc homo maximè est animal communicativum, & politicum: quia potest per sermonem exprimere suos conceptus, oportet, quòd sermo sit homini naturalis: & multò magis locutio erit naturalis in Angelis. Distinguemus ergo de naturali, quia potest esse aliquid naturale in generali, & in speciali: in generali quidem naturale est homini, quòd loquatur, unde & omnes homines loquuntur: sed in speciali, quòd loquatur sic, vel sic, hoc est ab arte, & ad placitū: & ideò nō omnes homines eodē modo loquuntur. Inde est quòd cū in *Politicis* dicatur, quòd sermo est datus homini à natura: in *Periherm.* dicitur, quòd voces sunt ad placitum: erit ergo sermo à natura, & ad placitum: sed à natura est in generali; ad placitum in speciali. Sic & in Angelis, quòd exprimant per aliqua signa & per aliquos nutus suas cogitationes & suas affectiones, est in eis naturale, sed quòd exprimant per hæc signa vel per hos nutus, potest esse ad placitum. Vel possumus aliter distinguere de naturali: quia est naturale secundum aptitudinem, & est naturale secundum actum & perfectionem. Secundum quē modum distinguit Phus de virtutibus circa principium 2. *Ethicorum* dicens: Phus 2. Ethic. Sic sunt virtutes naturales, quia idonei quidem corū cap. 1. ad ipsas suscipiendas sumus natura, suscipimus autem ipsas, & perficimur per consuetudinem. Ita & in proposito aptitudinem habemus naturalem ad loquendum, secundum hanc aptitudinem perficimus per artem & per intellectum, instituendo voces ad significandum, & inveniendo signa, quæ sunt representativa conceptionum nostrarum. Sic & in Angelis ap.

aptitudinē habent naturalem, ut exprimant suas conceptiones per aliqua signa: sed hanc aptitudinem naturalem possunt perficere per artem & voluntatem, id est, per signa artificialia & voluntaria. Verū quia hoc specialiter querit quæstio nostra, utrum signa, per quæ fit talis expressio, sint naturalia vel voluntaria? Ideò hoc modo procedemus in quæstione nostra: quia primò resumemus omnes modos, quibus potest loqui Angelus. Secundò enumerabimus modos, quibus potest loqui homo: & ostendemus quomodo illi modi sunt naturales, & quomodo non voluntarij. Tertio aliquid aptabimus ad ipsos Angelos, quomodo in eorum locutionibus invenitur quid naturale & quid voluntarium. Quarto & ultimò propter argumenta ostēdemus, quomodo signa per quæ loquuntur intelligentiæ, possunt esse infinita, & quot & quomodo circa ea potest accidere mendacium.

Quinque
modi locu-
tionis ange-
licæ.

Propter primum sciendum, prout potest patere ex dictis, quod Angeli loquuntur, vel possunt loqui, quinque modis: loquuntur enim primo per cordis patefactionē. Secūdo loquuntur formādo intellectionē, & verbum. Tertio loquuntur formādo intellectionis & verbi expressionem. Quarto loquuntur applicando virtutē suam ad aliquod corpus sine transmutatione materiæ. Quinto loquuntur transmutando materiā, & hoc quinto modo loquuntur dupliciter: quia dupliciter possunt per trāsmutationem materiæ suos conceptus manifestare, videlicet, scindendo aërem, & formando ibi voces sive sonos. Secundo modo hoc possunt reducendo humores & spiritus, (ubi reservantur phantasmata, & imaginationes) ad principium sensitivum & ad organum phantasticum: possunt enim loqui transmutando materiā, quia possunt in aëre exteriori voces formare. Rursus possunt loqui transmutando materiā: quia possunt in organo phantastico, sive in virtute imaginativa facere imagines apparere. Primo modo loquuntur Angeli soli Deo, cui omne cor patet: cognoscit enim Deus (ut diximus) determinatè & diffinitè quæ sunt in se indeterminata & indistincta: licet ergo in corde Angeli sive in intellectu ejus, antequam ipse Angelus formet in se ipso verba intelligibilia & intellectiones, sint

indistincte cogitationes; Deus tamen distinctè cognoscit quidquid ex corde Angeli in futurum exprimi debet: Angelus ergo suum cor & suum intellectum perfectè non cognoscit, nec est ei cor ejus perfectè patens, ut actu & distinctè cognoscat non solum quæ ibi actu & prætentialem formantur, sed etiam quæ possunt ibi formari, & quæ in futuro ibi formabuntur. Secundo modo, formando verba intelligibilia & intellectiones, loquitur Angelus sibi & Deo. Nam si Deus ipsum cor videt, antequam ibi intellectiones formetur, cōsequens est, quod videat ipsum, postquam sunt ibi intellectiones formata: formando ergo intellectiones loquitur Angelus Deo, & loquitur sibi in se ipso: quia non possunt eum latere intellectiones, quas format: sed hoc modo nō loquitur unus Angelus alteri: quia unus Angelus non cognoscit intellectiones alterius Angeli. Tertio autē modo, videlicet, formando intellectionum expressiones, loquuntur Angeli sibi invicem. Sicut enim in potestate Angeli est convertere se super quacumque vult specie, & formare in se ipso intellectionem: ita in potestate ejus est convertere se super quacumque intellectione, & super quocumque verbo intelligibili, & formare ejus expressionem: potest enim Angelus secundum quodcumque suum verbum intelligibile formare in se ipso aliquod signum, quod erit expressivum & manifestativum illius verbi, quod signum alij Angeli videntes percipiunt cogitationes & conceptus illius Angeli.

Advertendum autem, quod sicut Angeli formantur super uno & eodem verbo, & super una & eadem specie, & super eadem intellectione potest se Angelus convertere diversimodè: sic secundum diversas conversiones poterit formare in se ipso diversas expressiones, utputà, si aliquis Angelus intelligat per speciem volatilis, poterit se super illa specie convertere, ut repræsentat volatilia generaliter, & ut repræsentat hanc speciem volatilis, utputà, vulturem vel aquilam specialiter, & ut repræsentat hunc singularem vulturem, vel hanc singularem aquilam particulariter: per unam enim & eandem speciem in se non diversificatam, sed solum secundum ordinem voluntatis in aliud & aliud relatum, potest Angelus, diversimodè

Secundo
formando
verba intelligibilia loquitur Angelus sibi & Deo.

Angeli formantur super uno & eodem verbo, & super una & eadem intellectione potest se Angelus convertere diversimodè: sic secundum diversas conversiones poterit formare in se ipso diversas expressiones, utputà, si aliquis Angelus intelligat per speciem volatilis, poterit se super illa specie convertere, ut repræsentat volatilia generaliter, & ut repræsentat hanc speciem volatilis, utputà, vulturem vel aquilam specialiter, & ut repræsentat hunc singularem vulturem, vel hanc singularem aquilam particulariter: per unam enim & eandem speciem in se non diversificatam, sed solum secundum ordinem voluntatis in aliud & aliud relatum, potest Angelus, diversimodè

Primo modo per cordis, scilicet, patefactionē soli Deo loquuntur Angeli.

modè se convertendo, diversa intelligere. Et quod dictum est de specie intelligibili, veritatem habet de intellectu & de verbo intelligibili. In unico enim verbo intelligibili in se non diversificato, sed secundum ordinem voluntatis in aliud & aliud relato, potest Angelus diversa cognoscere: utrum autem possit illa cognoscere simul, vel qualiter, & quomodo possit simul cognoscere plura, & quomodo non? Est in anterioribus questionibus patefactum. Et quod dictum est de verbo intelligibili & de specie, veritatem habet de ipsa intellectu; sed de expressionibus intellectuum sive de signis intelligibilibus, per quæ loquitur Angelus, non sic est. Nam quot modis se convertit Angelus super sua specie intelligibili, & quot modis refert suam intellectum, tot format illius intellectus expressiones: non enim eandem expressionem nec idem signum intelligibile formabit Angelus, prout convertit se super speciem volatilis, ut repræsentat omnia volatilia generaliter, & ut repræsentat hanc speciem volatilis specialiter, & ut repræsentat hoc particulare volatile singulariter: imò quot erunt ibi huiusmodi conversiones, tot erunt ibi signa intelligibilia, & intellectuum expressiones. Et inde est, quod huiusmodi expressiones intellectuum sive huiusmodi signa intelligibilia sunt Angelis parentia; sed ipsæ intellectus & ipsa verba intelligibilia sunt eos latentia: quia quod verbum sive intellectus continet univèrse, expressiones verborum & intellectuum continent sparsim, & distinctè, & particulariter: ut si videat Angelus superior in Angelo inferiori speciem volatilis esse factam in actu, & videat intellectum inde generatam, & verbum inde formatum, bene scit quod cogitat de volatilibus: sed nescit, utrum cogitet de eis generaliter, vel si de aliqua specie cogitat specialiter, vel de aliquo particulari singulariter. Sed postquam Angelus format in se ipso suæ intellectus expressionem, & exprimit, utrum cogitet de volatili generaliter, vel specialiter, vel singulariter, ita quod secundum quod vario modo cogitat, sic vario modo exprimit, tunc incipit alteri Angelo per huiusmodi expressionem esse patens, quod prius erat latens: igitur hoc tertio modo loquendi formando intellectuum

A expressiones loquuntur Angeli sibi invicem.

Quarto autem loquendi modo, videlicet, per applicationem virtutum ad aliquod corpus sine transmutatione corporis, loquuntur & Angeli sibi invicem. His enim duobus modis, videlicet, tam per intellectus expressionem, quam per virtutis applicationem, dum tamen sit illa applicatio sine transmutatione materie, ita non possunt Angeli loqui nobis: nam illas expressiones intellectuum, quas formant, videre non possumus: quia nec habent phantasmata, nec sunt proportionata habentibus phantasmata. Sicut enim ipsa essentia Angeli est supra intellectum nostrum: quia non possumus eam essentialiter intelligere, quia nec est sensibili nec proportionata sensibus: sic & quæcumque sunt in eius essentia, sive sint potentie sive perfectiones potentiarum, ut sive sint intellectus, sive expressiones intellectuum, sunt improportionata nobis, & latent nos. Et sicut locutio Angelorum facta per expressiones intellectuum latet nos, sic & locutio eorum, facta per solam applicationem virtutis absque transmutatione materie & absque signo sensibili, latet nos: nam hoc modo (ut diximus) loquitur Angelus, quia potest per suam applicationem virtutis varias figuras in Coelo empyreo, vel in aliquo alio corpore describere: nam, ut patuit, sicut quis potest in pergamento varias describere figuras, quia potest ibi vario modo applicare atramentum, sic pari ratione poterit Angelus in quocumque corpore varias describere figuras: quia potest ibi vario modo applicare virtutem. Potest enim pro suæ voluntatis arbitrio applicare suam virtutem ad partem alicujus corporis triangularem, vel quadrangularem, vel etiam alterius cujuscunque figuræ: & ideo sicut nos loquimur per litteras applicando ad pergamentum diversimodè atramentum, sic ipsi possunt loqui applicando diversimodè ad corpus virtutem suam: quare (ut dicebamus) sicut impossibile esset alicui loqui per litteras, nisi videret atramentum, quo descriptæ sunt litteræ, sic impossibile est, quod Angeli hoc modo locutionis loquantur hominibus, quia non possunt homines illas virtutes intueri, per quas

Etiam Angelus alteri loqui potest per applicationem virtutis ad aliquod corpus sine transmutatione eius, nec hoc modo nec precedenti loqui nobis possunt.

secundum varias applicationes fit varia descriptio figurarum.

Per applica-
tionem vir-
tutis trans-
mutando ma-
teriam, siue
talis trans-
mutatio fiat
quantum ad
organum
phantas-
ticum, siue
quantum ad
formationem
vocum in
aere, sic An-
geli & Ange-
lis & homi-
nibus loqui
valent.

Sed quinto modo locutionis prout applicant virtutem suam transmutando materiam, siue prout loquuntur per sensibile signum & per materiam transmutationem, siue illa transmutatio materiam sit quantum ad organum phantasticum: quia reducendo spiritus & humores, ubi reseruantur similitudines sensibilibus, ad huiusmodi organum, faciendo ibi ex hoc diversas imagines apparere; siue sit talis materiam transmutatio, quia possunt in ipso aere exteriori diversos sonos formare, possunt loqui Angeli & hominibus & sibi invicem, ut est per habitam manifestum. Omnibus ergo his modis quinque loquuntur Angeli, excepto ergo primo modo loquendi, prout loquitur Angelus per solam cordis patefactionem, secundum quem modum loquitur soli Deo: in quo modo loquendi non proprie formantur signa: nam ipsa verba intelligibilia sunt signa rerum, ipsa autem expressiones intellectuum, & variae descriptiones figurarum secundum variam applicationem virtutis, & etiam varia signa sensibilia, quae sunt secundum transmutationem materiam, sunt signa verborum intelligibilium, & ipsorum conceptuum: sed aliter, & aliter sunt omnia ista signa.

Signa locu-
tionis Ange-
lorum sunt
quadruplici-
ter: aliqua-
do intelle-
ctualia in-
trinseca &
latentia: ali-
quando in-
tellectualia
intrinseca
& non laten-
tia: aliquan-
do intelle-
ctualia nec
intrinseca
nec latentia:
aliquando
nec intelle-
ctualia nec
intrinseca
nec latentia,
sed sensibilia
extrinseca,
& patentia.

Dicemus enim, quod Angelus potest loqui per signa quadrupliciter, quia aliquando loquitur per signa intellectualia intrinseca, & latentia: aliquando per signa intellectualia intrinseca, & non latentia: aliquando quidem per signa intellectualia, quae nec sunt intrinseca, nec latentia. Sed potest & quarto modo loqui per signa, quae nec sunt intellectualia, nec intrinseca, nec latentia, sed sunt sensibilia extrinseca & patentia: nam cum Angelus loquitur, formando verba intelligibilia, siue intellectiones, secundum quem modum loquitur sibi & Deo, loquitur per signa intellectualia intrinseca & latentia. Huiusmodi enim verba signa sunt, quia sunt repraesentativa naturarum rerum: intellectualia sunt, quia sunt in ipso intellectu: intrinseca sunt, quia sunt in ipso Angelo: latentia sunt: quia huiusmodi verba intelligibilia, quae sunt in uno Angelo, latent alium Angelum, quia non potest unus Angelus per huiusmodi verba videre cogitationes alterius Ange-

li. Sed cum Angeli loquuntur secundo modo, videlicet, per expressiones intellectuum, huiusmodi expressiones signa sunt, quia sunt signa expressiva & manifestativa verborum intelligibilium: sunt etiam talia signa intellectualia, & intrinseca, quia sunt in ipso Angelo & in intellectu ejus; tamen non sunt latentia, sed patentia, quia non latent alium Angelum, sed patent ei. Sed cum loquuntur Angeli tertio modo per solam applicationem virtutis absque transmutatione materiam, loquuntur per signa intellectualia, sed non intrinseca nec latentia. Figura enim descripta per huiusmodi applicationem virtutis signa sunt, quia sunt signa verborum intelligibilium: & intellectualia sunt, ut appellemus intellectuale quidquid non potest comprehendi sensu, sed intellectu: sed huiusmodi signa non sunt intrinseca: quia non sunt in ipso Angelo, sed magis sunt per applicationem virtutis ad corpus exterius: sunt etiam talia patentia, cum per talia signa loquatur, vel loqui possit, vel patefacere possit conceptus suos alteri Angelo. Sed quarto modo locutionis, ut loquitur Angelus transmutando materiam corporalem, faciendo ibi apparere aliqua signa sensibilia, in tali locutione loquitur Angelus per signa: sed illa signa nec sunt intrinseca, quia sunt in materia exteriori: nec sunt intellectualia, quia sunt sensibilia: nec sunt latentia, sed sunt patentia, cum per ea possit patere conceptus suos.

Viso quot modis loquuntur Angeli, & quomodo diversimode loquuntur per signa, volumus enumerare quot modis nos loquimur: & quomodo in locutionibus nostris est aliquid naturale, vel voluntarium, ut ex eis, quae sunt in nobis, possimus ascendere ad ipsas locutiones angelicas, quomodo ibi reperitur naturale & voluntarium. Videntur enim sancti (ut patet per Augustinum 15. de Trin. cap. 10. & 11.) distinguere in nobis triplex verbum, videlicet, intellectualis, imaginarius, & sensibile. Sed cum loqui idem sit, quod formare verbum: quot modis verba formamus, tot modis & loquimur. Vnde & Augustinus 15. de Trin. cap. 10. vult, quod non solum loquamur exterius ore per verba sensibilia sed loquamur interius in corde siue in intellectu per verba intelligibilia. Et sicut formatio verbi intelligibilis dicitur locutio, &

&formatio verbi sensibilis locutio vocatur: sic & formatio verbi imaginabilis locutio dici potest: loquitur ergo intellectualiter, imaginabiliter, & sensibiliter. Sed accipiendo locutionem largè pro quacumque manifestatione conceptuum nostrorum, possumus addere & quartū locutionis modum, ut dicamus, quòd loquimur passionali-
 A ter, ut per passionem aggeneratas in nobis: nam per passionem in nobis factas Angeli & dæmones multa possunt videre de conceptibus nostris: ut si videat Angelus vel dæmon, quòd cogitamus de inimico, & supponēdo, quòd videat quòd cogitemus de fuga inimici, nescit tamen (ut suprà diximus) si cogitemus de huiusmodi fuga affirmativè vel negativè: quia in intellectu affirmatio & negatio nō habent distinctū conceptū secundū se, sed solum secundū rationē & ordinem voluntatis: sed hoc, quod Angelus non cognoscit secundū se, potest ei patefieri per passionem aggeneratas in nobis: ut si videat nos cogitare de fuga inimici, & videat nos passionari passione calidi, statim cognoscet quòd cogitamus de fuga negativè: cognoscet enim ex hoc nos esse audaces: ideò cognoscet, quòd non proponimus fugere. Sed si videat nos passionari passione frigidi, cognoscet nos esse timidos, & cognoscet, quòd nos cogitamus de fuga affirmativè. Cum ergo quatuor modis loquamur, aliqua locutionum nostrarum est penitus naturalis, aliqua penitus voluntaria, aliqua partim voluntaria. Nam si loquimur, id est, si patefacimus conceptus nostros per passionem, talis patefactio siue talis locutio est naturalis, & quantum ad passionum formationem, & quantum ad passionum representationem. Cum enim cogitamus de fuga inimici, non est in potestate nostra, nec subiacet omninò voluntati quæ passio formetur, vel aggeneretur in nobis, quia aliqui naturaliter sunt timidi, & aliqui naturaliter audaces: & timidi naturaliter passionantur passione frigidi, eò quòd in timore refugit sanguis ad cor, propter quod remanent membra frigida: unde & consueverunt membra timentis tremere: quia propter recessum sanguinis remanent nervi laxati, & debilitati, & infrigidati, ut non possint benè conjungere ad invicem membra. Rursus non solum aggeneratio talium passionum est quodam-

modo naturalis, quia non est in potestate nostra, sed etiam ipsa representatio facta per tales passionem naturalis est: nam naturale est, quòd infrigidatio dat intelligere timidum & cogitantem de fuga affirmativè; calefactio dat intelligere audacem & cogitantem de fuga negativè: talis ergo locutio est quodammodo omninò naturalis.

Sed cum per verbum sensibile exprimimus verbum intelligibile, talis locutio est omninò ad placitum & voluntaria, & quantum ad verborum formationem, & quantum ad verborum formationum significationem: quantum ad verborum formationem, quia in potestate nostra est, postquā aliquid cogitamus, exterius verbum sensibile formare, vel non formare exterius verbum sensibile; ita quòd ipsa verborum sensibilibus formatio est voluntaria: sic etiam verborum formationum significatio voluntaria est. Nam ad placitum est, quòd tale verbum formatum exterius significet hoc vel illud: sic etiam representatio verbi intelligibilis per verbum imaginabile voluntaria est, & quantum ad verborum formationem, & quantum ad verborum formationum significationem. Verbum enim imaginabile ipsius leonis non appellamus ipsum phantasma leonis, vel ipsum idolum formatum in phantasia: quia hoc non est ad placitum; sed verbum imaginarium ipsius leonis possumus appellare hanc vocem imaginatam, quæ est *leo*. Huiusmodi autem verbum imaginarium, per quod representatur verbum intelligibile, est ad placitum, & quantum ad verbi formationem, & quantum ad verbi formati representationem. Nam licet non possimus intelligere leonem, nisi formemus nobis phantasma leonis; possumus tamen intelligere leonem absque eo, quòd imaginemus hanc vocem *leo*, vel absque eo quòd imaginemur quancumque aliam vocem sensibilem: imaginatio ergo talis vocis est ad placitum. Rursus significatio per talem vocem imaginatam ad placitum est: nam quòd hæc vox imaginata, quæ est *leo*, significet naturam leonis, vel aliquā aliam naturam, ad placitum est. Possemus enim cuilibet rei nomen quodlibet imponere: locutio ergo passionalis est quasi omninò naturalis: sed locutio imaginaria, prout per vocem imaginatam,

Secunda nostra locutio per verbum sensibile exprimens verbum intelligibile, nobis est voluntaria nō solum quantum ad sui formationem, sed quantum ad significationem.

Similiter locutio per verbum imaginarium, est similiter voluntaria.

Verbū imaginarium, nō vacamus imaginem in phantasia formatam, sed vocem imaginatā.

Loquimur intellectualiter, imaginabiliter, sensibiliter, & etiam passionali-
 A ter.

Aliqua locutio nostra est penitus naturalis, aliqua penitus voluntaria, & aliqua partim voluntaria, & partim naturalis.

Locutio nostra per patefactionem passionis est naturalis, & quantum ad passionis formationem, & quantum ad eius representationem.

vel prout per verbum imaginabile exprimimus verbum intelligibile, est omnino ad placitum: sic etiam locutio sensibilis, prout per eam repræsentatur verbum intelligibile, ad placitum est. Vno ergo modo loquimur omnino naturaliter, duobus autem modis omnino ad placitum, duobus etiam modis loquimur partim ad placitum, & partim naturaliter. Nam per verba intelligibilia, prout per huiusmodi verba repræsentantur ipsæ naturæ rerum, loquimur partim ad placitum & partim à natura: nam verborum formatio est ad placitum, sed verborum formarum repræsentatio est à natura: nam in potestate nostra est intelligere per hanc speciem intelligibilem vel per illam, & formare hoc verbum intelligibile vel illud: ita quod quantum ad hoc ipsa verborum formatio subiacet beneplacito; sed verborum formarum repræsentatio non est ad placitum, sed à natura: naturale est enim, quod per tale verbum intelligibile, & per talem conceptum repræsentetur hæc natura rei, & non alia: & ideo talia sunt eadem apud omnes. Id enim idem, quod concipit aliquis homo Latinus de leone, concipit homo Græcus vel Arabs: idem enim verbum intelligibile de natura leonis formant Arabes, Græci, & Latini. Sic etiā locutio per verba sensibilia, prout per huiusmodi verba exprimitur non verba intelligibilia, sed verba imaginaria & voces imaginatæ, est partim ad placitum & partim à natura: locutio ergo sensibilis per verba exterius prolata, uno modo est penitus ad placitum, videlicet, prout per talia verba sensibilia exprimiuntur verba intelligibilia: & talia verba sensibilia non sunt eadem apud omnes, quia idem verbum intelligibile apud diversas figuras, sive apud diversas gentes exprimitur per aliud & aliud verbum sensibile. Alio modo huiusmodi locutio sensibilis, videlicet, prout per eam exprimitur vox imaginata, sive verbum imaginabile, est partim ad placitum & partim à natura: naturalium verborum formatio est ad placitum: postquam enim imaginati sumus aliquam vocem, in potestate nostra est exprimere illam vocem imaginatam per vocem extrā sensibilibiter prolatam, vel non exprimere, attamen talium vocum formarum, vel talium verborum formarum repræsentatio & significatio non est ad placi-

tum. Nam *leo*, ut est vox prolata, nullam aliam vocem imaginatam repræsentat, sed solum repræsentat se ipsam in imaginatione conceptam, & hoc est idem apud omnes. Hanc enim vocem imaginatam, quæ est *leo*, nullus potest sensibilibiter extrā proferre, nisi formando hanc, quæ est *leo*. Et inde est, quod Phus de significatione vocum videtur sibi contradicere. Nam in *Periherm.* distinguit quasdam voces esse significativas, & quasdam non significativas. In secundo autem *de Anim.* diffinit vocem per esse quid significativum. Cum ergo quodlibet diffinitivum debeat universaliter prædicari de diffinito, si esse significativum est diffinitivum vocis, oportet, quod conveniat omni voci: propter quod ad salvandū dictum *Phi* oportet distinguere de significativo: nam vox potest esse dupliciter significativa, uno quidem modo, prout significat verbum mentale, vel conceptionem intellectus, & sic non omnis vox est significativa: quia non omnis vox est instituta ad significandum. Alio modo dicitur vox significativa: quia vox prolata significat se ipsam in imaginatione conceptam, & sic omnis vox est significativa, quia nulla est vox extrā prolata, nisi sit prius in imaginatione concepta. Quod si contingeret ex ore emittere aliquem strepitum sine conceptione imaginativæ, ille strepitus non esset vox, sed sonus tantum. Vnde & in 2. *de Anima* in capit. de voce dicitur: quod tussis non est vox: nā strepitū illū, quem cum tussimus, facimus, sine imaginatione prævia proferimus: ideo talis strepitus non habet rationem vocis. Locutio ergo extrā prolata licet per comparisonem ad verbum intelligibile sit simpliciter ad placitum; per comparisonem tamen ad vocem imaginatam est ad placitum, & non ad placitum: quia in potestate nostra est, ut diximus, formare vel non formare vocem exteriorē: tamen quantum ad significationē & expressionem per comparisonem ad vocem in imaginatione conceptam non est ad placitum: imò quælibet vox exterius prolata determinatè significat se ipsam, & non aliam vocem in imaginatione conceptam. Cum ergo quadrupliciter loquamur, videlicet, per passionem in nobis ag-generatedas, per verba intelligibilia in mente concepta, per voces in imaginatione formatas, & per verba sensibilia exterius

Phus Periherm. & 2. de Anim. ma

Vox potest esse dupliciter significativa, prout significat verbum mentale, vel conceptionem intellectus, & sic non est omnis vox significativa. Secundum hoc quodammodo prolata significat se ipsam in imaginatione conceptam, & sic omnis vox est significativa. 2. de Anima cap. de voce comm. 90.

Quarta locutio extrā prolata potest comparari ad verbum intelligibile simpliciter ad placitum, & non ad placitum: quia in potestate nostra est formare vel non formare vocem exteriorē: tamen quantum ad significationē & expressionem per comparisonem ad vocem in imaginatione conceptam non est ad placitum: imò quælibet vox exterius prolata determinatè significat se ipsam, & non aliam vocem in imaginatione conceptam. Cum ergo quadrupliciter loquamur, videlicet, per passionem in nobis ag-generatedas, per verba intelligibilia in mente concepta, per voces in imaginatione formatas, & per verba sensibilia exterius

prolatā. Prima locutio per passiones in nobis aggeneratas est quodammodo omnino naturalis. Secunda autem locutio per verba intelligibilia in mente concepta est partim naturalis & partim ad placitum: nam talium verborum formatio est ad placitum; eorum autem significatio, vel representatio non est ad placitum, sed est, ut exigunt naturæ rerum: quia sicut res se habet ad esse, ita ad cognosci, & ad representari: non enim quælibet representatio (loquendo de representatione facta per verbum intelligibile) est vel esse potest cuiuslibet naturæ: sed determinata natura requirit determinatum intelligibile verbum. Tertia autem locutio, quæ fit per voces imaginatas sive per verba imaginaria est simpliciter ad placitum. Sed quarta locutio fit per voces sensibiles extra prolatas, cū possit referri ad duo, ad imaginationem & ad intellectum: prout refertur ad intellectum est simpliciter ad placitum; sed prout refertur ad imaginationem est ad placitum & non ad placitum, ut est per habita jam declaratum.

Habito quot modis loquuntur Angeli, & quot modis nos loquimur, & quomodo locutiones nostræ sunt ad placitum, & non ad placitum: volumus ex hoc procedere ad declarationem principalis intentionis, videlicet, quomodo locutiones Angelorum sint ad placitum, & quomodo non. Diximus enim, quod Angeli loquuntur quinque modis, videlicet, per cordis patefactionem, prout loquuntur soli Deo: per intellectiōis formationē, prout quilibet Angelus loquitur sibi ipsi: per intellectiōis formatæ expressionē, prout unus Angelus loquitur alteri: per virtutis applicationem, prout etiam Angeli possunt loqui ad se invicem: & per transmutationem exterioris materiæ, prout Angelus potest loqui tam homini, quàm Angelo.

Prima autem locutio est omnino naturalis: nam non est in potestate Angeli claudere, vel non claudere cor suum Deo: immò dato, quod noller, semper cor ejus esset patefactum Deo. Secunda autem locutio, prout loquitur formando intellectiōem & verbum intelligibile, est partim ad placitum, & partim ad non placitum. Nam quantum ad verborum formationem est ad placitum, nam in potestate Angeli est convertere se su-

per aliqua specie, & formare inde verbum intelligibile, vel non convertere se, & non formare hujusmodi verbum: sed quantum ad verborum formatorum representationem non est simpliciter ad placitum: nam quodlibet verbum formatum non potest esse representativum cuiuslibet naturæ rei: sed est ibi determinatus modus representandi, ita quod hoc verbum representat hanc naturam, utputa, naturam animalis volatalis, aliud verbum aliam naturam, utputa, naturam animalis aquatici, & sic de representationibus alijs: attamen quia Angeli possunt intelligere per species generum, in uno & eodem verbo possunt diversa intelligere, secundum quod diversimodè se convetunt super sua specie sive super suo verbo intelligibili.

Tertia etiam locutio, quæ est per intellectiōis sive per verbi intelligibilis expressionem, est etiam ad placitum, & non ad placitum: nam quantum ad talium expressionum formationem est talis locutio ad placitum, nam postquam Angeli in se ipsis formaverunt intellectiōes & verba intelligibilia, in potestate eorum est formare talium intellectiōum & talium verborum intelligibilium expressiones: sed quantum ad talium expressionum representationem hujusmodi locutio non est ad placitum: quia non quælibet expressio est representativa cuiuslibet verbi intelligibilis, vel cuiuslibet intellectiōis: sed oportet, quod aliarum & aliarum intellectiōum, sive aliorum & aliorum verborum intelligibilium sint aliæ & aliæ expressiones.

Quarta autem locutio, quæ fit per virtutis applicationem, est simpliciter ad placitum: nam quod Angelus, applicando virtutem suam, faciat diversas descriptiones in aliquo corpore, est secundum suum bonè placitum. Rursus, quod illæ descriptiones representent hoc, vel illud, est etiam secundum angelorum beneplacitum. Sicut ergo nos possumus manus nostras diversimodè applicare ad aërem, & secundum alium, & alium motum manuum possumus aliud & aliud significare: ita quod omnis hujusmodi significatio est secundum placitum: ita quod nullus motus manuum secundum se magis representat hoc, quàm illud: imò si vellentus, quemlibet motum manus possemus instituere ad quodlibet re-

verborum
formatorum
representa-
tionem non
est simplici-
ter ad placi-
tum.

Tertia locu-
tio Angeli
quantum ad
formationē
expressionis
verbi intelli-
bilis est ad
placitū, sed
quantum ad
representa-
tionem talis
expressionis
non est ad
placitum.

Quarta lo-
cutio, quæ fit
per virtutis
applicatio-
nem, est sim-
pliciter ad
placitum.

Prima locu-
tio Angeli
est omnino
naturalis.
Secunda An-
geli locutio,
quantum ad
formationē
verborum in-
telligibilium
est ad placi-
tum, sed
quantum ad

presentandum. Sic etiam Angeli secundum quod diversimodè applicant virtutes suas ad aliquod corpus, possunt per huiusmodi applicationes suos conceptus representare; qualibet tamen talis representatio erit ad placitum.

Quinta locutio, quæ fit per transmutationem materiæ, est etiam ad placitum.

Sed si in organo phantastico appare faciant imagines rerum, non erit ad placitum talis locutio, secus verò si faciunt similitudines vocum.

Epilogus locutionum Angelorum.

Quinta etiam locutio, quæ fit per transmutationem materiæ, est etiam ad placitum: nam quod voces formatæ in aëre representent hoc vel illud, ad placitum est. Rursus & in organo phantastico possunt facere apparere non solum imagines, sed etiam similitudines vocum. Si ergo loquantur per apparitionem imaginum, non erit talis locutio simpliciter ad placitum: imago enim hominis non representat leonem: nec qualibet imago quodlibet representat. Sed si loquatur faciendo in organo phantastico apparere similitudines vocum, talis locutio erit simpliciter ad placitum. In spiritibus enim & in humoribus reservantur non solum imagines rerum, sed etiam similitudines sonorum & vocum: sicut ergo possunt Angeli aërem scindere, & formare ibi voces sive sonos, sic possunt movere spiritus & humores, ubi reservantur similitudines sonorum sive vocum, & facere tales similitudines apparere in organo phantastico: propter quod talis locutio est simpliciter ad placitum: quia sicut ad placitum est, quod voces extrinsecus formatæ significant hoc vel illud; ita ad placitum est, quod voces imaginativæ vel quod similitudines vocum in imaginatione existentes hoc vel illud significant. Apparet ergo quomodo locutio Angelorum est naturalis, & quomodo non, & quomodo signa, & per quæ loquuntur Angeli sunt naturalia, & quæ non: quia verba intelligibilia & expressiones verborum quantum ad eorum formationem sunt signa ad placitum, sed quantum ad eorum representationem non sunt ad placitum: immò est existentia talium signorum, quod talia representant: descriptiones autem factæ in exteriori corpore per applicationem virtutis & voces formatæ in exteriori aëre & similitudines talium vocum apparentes in imaginatione sunt simpliciter ad placitum, & quantum ad formationem, & quantum ad representationem.

Postquam declaravimus questionis veritatem, quomodo locutio Angelorum naturalis est, & quomodo non: pro-

pter argumenta (ut dicebamus) volumus declarare, si sit possibilis in huiusmodi signis processus in infinitum: & si possit circa talia signa accidere mendacium. Propter quod sciendum, quod in verbis intelligibilibus, vel in ipsis intellectio-
bus non est possibilis processus in infinitum: nam sicut species intelligibiles in Angelo non sunt infinitæ, ita nec intellectiones, nec verba intelligibilia possunt esse infinita, nisi fortè per replicationem: nam cum Angelus convertit se super aliquam speciem, & format inde intellectio-
nem vel verbum intelligibile; si postea desinat cogitare secundum illam speciem, desinet ibi esse illa intellectio, & illud verbum intelligibile: & si rursus velit supra eandem speciem se convertere, iterum formabitur ibi huiusmodi verbum & huiusmodi intellectio, non eadem numero, sed eadem specie: nam quorum substantia deperit, non redeunt eadem in numero, naturaliter loquendo. Et quia verbum illud & illa intellectio desinit esse, quando desinit Angelus cogitare, si rursus velit cogitare de eodem, rursus, ut dicebamus, formabitur ibi eadem intellectio, & idem verbum: & quia semper potest desinere cogitare, & semper potest iterum cogitare de eodem, semper replicabitur ibi idem verbum & eadem intellectio non numero (ut diximus) sed specie. Per huiusmodi ergo replicationem verba & intellectiones possunt ibi ire in infinitum; non quod verba, quæ sunt ibi actu formata, sint infinita: nam cum Angelus non fuerit ab æterno, sed incepit esse, verba formata ab eo non poterunt esse infinita. Sed dicimus, quod secundum replicationem est ibi processus in infinitum: quia semper potest desinere cogitare de aliquo, & semper potest redire, ut cogitet de eodem: & iterum potest postea desinere cogitare, & iterum postea desinere cogitare: & iterum postea redire, ut cogitet, & hoc in infinitum. Propter quod semper poterit replicare idem verbum, & hoc in infinitum. Sic ergo dicendum est, quod de ipsis intellectio-
nibus & de verbis intelligibilibus, quod non semper possunt formari alia & alia verba in infinitum, sed semper possunt ibi replicari eadem verba modo, quo diximus in infinitum. Sed de ipsis expressionibus verborum sive de ipsis signis intelligibilibus, per quæ Angelus
ma-

In intellectu
aionibus
potest esse
processus in
infinitum
si fortè per
replicationem
intellectio-
narum in
specie, non
numero sed
signa intelli-
gibilia, hoc
expressiones
verborum in
infinitum
poterunt
syncretice
rematicæ.

manifestat suas cogitationes & suos conceptus, non videmus nec rationem nec causam, quin talia possint ire in infinitum. Nam, ut diximus, huiusmodi signa diversificantur secundum diversas conversiones Angelorum: nam, ut posuimus exemplum, si Angelus intelligat per speciem volatilis, & convertat se super huiusmodi speciem ad cogitandum de volatilibus generaliter, si velit huiusmodi conceptum manifestare alteri Angelo, formabit in se expressionem illius conceptus representantem quod cogitat de talibus generaliter. Si verò super eandem speciem se convertat, ut cogitet de aliqua specie avium specialiter, secundum huiusmodi conversionem formabit expressionem aliam, hoc etiam representantem: secundum igitur unam & eandem speciem sunt multæ, imò possunt esse infinitæ conversiones: & quia cuilibet conversioni respondet proprium signum & propria expressio, nullum videtur inconueniens, si tales expressiones vadant in infinitum: & potissimè, quia per species, quas habent Angeli apud se, possunt de particularibus cogitare. Quia ergo huiusmodi particularia possunt ire in infinitum, & expressiones in infinitum ibunt, ut si Angelus convertat se super speciem, quam habet ad cogitandum de hoc particulari homine, & velit huiusmodi conceptum alteri Angelo manifestare, formabitur in eo quædam expressio, quæ propriè representabit hoc particulare. Et si iterum per eandem speciem velit cogitare de alio particulari homine, formabitur etiam in eo alia expressio representans propriè illud aliud particulare. Et quia (ut diximus) particularia possunt ire in infinitum, nullum videtur inconueniens talia signa in infinitum ire: habent se enim huiusmodi expressiones, & huiusmodi signa apud Angelos, sicut nomina se habent apud nos. Sicut enim cuilibet particulari possumus imponere aliud, & aliud nomen, & hoc in infinitum, sic quemlibet conceptum de re particulari potest Angelus exprimere per aliam, & aliam expressionem, & hoc in infinitum: quod non intelligendum est, quòd expressiones actu formatæ possint aliquando esse infinitæ: quia nec omnia nomina imposita sunt vel esse possunt infinita: nam infinitum non dicit aliquid in facto esse, sed in fieri. Sicut

ergo continuum potest dividi in infinitum, quòd non possit esse actu divisum in infinitum: sed quia semper potest dividi, semper dividi, & hoc in infinitum. Sic nomina apud nos possunt ire in infinitum, quia semper possumus imponere alia, & alia nomina, & hoc in infinitum. Sic & expressiones conceptuum, & signa intelligibilia apud Angelos (sicut nomina apud nos) vadunt in infinitum, quia semper possunt formare alia huiusmodi signa semper alia, & hoc in infinitum.

Differunt tamen representationes per nomina apud nos, & representationes per expressiones conceptuum apud Angelos: quia nomina apud nos sunt simpliciter ad placitum, & quantum ad eorum formationem, quia pro libito possumus ea formare, vel non formare: & quantum ad eorum significationem & representationem, quia huiusmodi nomina secundum libitum nostrum sunt significativa & representativa rerum: sed expressiones in mentibus Angelorum licet quantum ad earum formationem sint ad placitum, quia possunt Angeli huiusmodi representationes formare, quando volunt suos revelare conceptus, vel non formare, quando volunt huiusmodi conceptus occultare: representationes talium expressionum non sunt ad placitum, imò determinatè talis expressio representat talem rem: imò ipsa particularia, quantumcunque sint ejusdem speciei, non habent easdem expressiones. Et inde est, quòd in nostris nominibus coincidunt multæ equivocationes; sed in illis expressionibus nullæ equivocationes sunt, sed semper alij & alij conversioni respondet alia & alia expressio. Nā licet Angelus per eandem speciem possit cogitare de hoc homine particulari singulariter, & de alio etiā particulari singulariter; non tamen hoc erit per eandem conversionem, sed prout se convertit super illa specie hoc modo, vel secundum hanc conversionem intelliget hoc particulare, sed prout super eadē speciem se convertit alia conversione, intelliget aliud particulare. Et quia numerus expressionum non correspondet numero specierum, sed numero conversionum, quot sunt ibi conversiones, tot sunt ibi expressiones: attamen inter ipsas expressiones potest etiam esse differentia

Differentia representationis nominis apud nos, & expressionis conceptus apud Angelum.

Signa nunquam erunt actu infinita, quia infinitum non dicit aliquid in facto esse, sed in fieri.

major, & minor. Nam plus differunt particularia diversarum specierum, ut hic homo, & hic equus, quam particularia ejusdem speciei, ut quam duo particulares homines: sic etiam & in ipsis expressionibus plus different expressiones representantes particularia specierum diversarum, quam representantes particularia ejusdem speciei: attamen expressiones illæ quantumcunque representent particularia ejusdem speciei, non erunt expressiones eadem per se & secundum se, representantes aliud & aliud particulare. Videmus etiam simile, quia licet multum convenient facies hominum adinvicem, numquam tamen reperiuntur duæ facies omnino similes: quod ergo in particularibus ejusdem speciei invenimus differentiam secundum quantitatem & materialiter, in illis expressionibus erit differentia absque quantitate: in expressionibus igitur si quodlibet particulare habet suam propriam expressionem, oportet, quod tales expressiones possint ire in infinitum. Quod si alicui esset hoc valde horribile, quod hujusmodi processus possint ire in infinitum, de levi posset vitare infinitatem illam.

Quid sit dicendum, cui non placeat admittere ex expressionibus Angelorum conceptum ire in infinitum.

Dicemus enim, quod si Angelus intelligat per speciem generis volatilis, erit alia expressio, quam representans conceptionem Angeli, prout cogitat de omnibus volatilibus generaliter: & ex hoc quod expressio non multiplicabitur, erit alia expressio representans conceptionem Angeli, prout per eandem speciem convertit se ad cogitandum de hac specie volatilis specialiter, & hæc expressio multiplicabitur secundum multiplicationem specierum sub tali genere, videlicet, sub genere volatili, propter quod tales expressiones non ibunt in infinitum: quia nec ipsæ species volatilium in infinitum vadunt: sic & alia expressio representans hoc volatile particulare singulariter. Et tales expressiones (qui vellet sustinere) non ibunt in infinitum: quia diceremus, quod hujusmodi expressiones non multiplicantur secundum numerum particularium, sed secundum numerum specierum. Si enim volumus fugere processum in infinitum, dicemus, quod differt expressio, per quam representatur hæc particularis aquila, ab expressione, per quam representatur hæc particularis vultur: cum ergo Angelus

vult representare diversa particularia diversarum specierum, format aliam & aliam expressionem; sed particularia ejusdem speciei representant per eandem expressionem conjunctam expressioni aliorum & aliorum accidentium, ut per unam & eandem expressionem conjunctam expressioni accidentium Sortis, representabit hunc particularem hominem qui est Sortes, secundum illam & eandem expressionem conjunctam expressioni accidentium Platonis representabit hunc particularem hominem, qui est Plato. Et si secundum hunc modum volumus salvare loquentes Angelos, dicemus, quod Angeli non sunt tantæ virtutis in representando, quantæ sunt in intelligendo: quia in intelligendo intelligunt absque compositione & divisione; sed in representando suos conceptus alijs secundum hunc modum est ibi aliquis compositionis modus. Patet ergo quid dicendum sit de processu in infinitum, prout Angelus loquitur secundum expressiones intellectuum. Sed prout Angelus loquitur applicando virtutem suam absque transmutatione materiæ, certum est, quod illa signa vadunt in infinitum, nam cum figuræ vadant in infinitum, quia ipse potest secundum quamlibet figuram applicare virtutem suam ad partem Cæli empyrei vel alterius corporis, ut quia potest applicare virtutem suam ad partem hujus corporis triangularem, vel quadrangularem, vel secundum figuras alias quæ vadunt in infinitum, oportet talia signa in infinitum ire. Sic etiam cum loquitur transmutando exteriorem materiam, formando in aëre exteriori, vel faciendo apparere in organo phantastico sive in imaginatione similitudines vocum, oportet, quod & talia signa in infinitum vadant, quia infinitis modis potest variari vox in aëre formata, & infinitis modis per consequens possunt variari similitudines vocum.

Ostenso autem quid dicendum sit de infinitate signorum: restat ultimum declarare, quomodo circa hujusmodi locutiones possit mendacium accidere. Dicemus ergo quod prout Angelus loquitur purè naturaliter, secundum quod cor ejus est patens ipsi Deo, non potest ibi accidere mendacium, quia Deus non decipitur, nec potest decipi in videndo cor ipsius Angeli: sed in omnibus aliis locutionibus,

Prout Angelus loquitur patet

turaliter
Deo, menti-
ri nō potest;
sed ratione
naturæ, non
ut in gratia
cōfirmatus,
decipere po-
test, quia po-
test concipe-
re, & expri-
mere quæ
non sunt re-
bus cōsona.

Psalm. 13.

bus, quantum est de se, potest ibi con-
tingere mendacium: si autem ibi men-
daciū accidere non potest, hoc non est
secundum se, nec ratione suæ naturæ,
sed ratione gratiæ, in qua est Angelus
confirmatus: nam sufficit, quod forma-
tio signorum sit ad placitum, ad hoc,
quod ibi mendacium accidat: nam li-
cēt conceptiones intellectus naturaliter
representent sua signata, & sint eadem
apud omnes: attamen ex quo possumus
in mente nostra formare conceptiones,
quas volumus, possumus secundum ta-
les conceptiones mentiri: ut si forma-
mus conceptiones non consonantes re-
bus, ut insipiens in corde suo mentitus
fuit, nam: *Dixit in corde suo: Non est Deus.* Sic
& in proposito, licet coceptiones in mē-
tibus Angelorum determinatē repræsen-
tent sua signata, & expressions talium
conceptionum determinatē repræsentent
ipsas conceptiones: cum unus Angelus
loquitur alteri, non mentitur, quin talia
concipiat, qualia exprimit, nec in hoc
attenditur mendacium; sed ibi potest ef-
se mendacium, quia illæ expressions &
conceptiones non sunt rebus consonæ,
ut potest concipere se velle, & expri-
mere se velle, quod non vult, quod patet per
simile in nobis: nunquam enim possu-
mus mentiri, quin talia proferamus, qua-
lia imaginamur, possumus enim non re-
ferre quod imaginamur; sed si proferi-
mus voces exterius, oportet, quod prola-
tio sit similis imaginationi, quia non po-
test esse exterius vox prolata, nisi prius
similitudo ejus sit in imaginatione con-
cepta, hoc tamen non obstante, imagi-
nando & loquendo mentiri posset: quia
possumus imaginari & loqui quæ non
sunt rebus consona. Diximus ergo cer-
tum esse, quod Angeli relictī naturæ suæ,
non prout sunt confirmati per gratiam,
possunt alios decipere: possunt enim se di-
cere velle, quæ nō volūt, & possunt pro-
nuntiare esse quæ non sunt, quod faciē-
do mentiuntur. Vnde & dæmones (ut
Damascenus dicit) in multis mentiun-
tur. Vtrum autem possint decipi, & utrū
possint mentiri non solum, ut dæmon
loquitur alteri, sed etiam ut loquitur
sibi, dici potest non esse inconueniens,
quod dæmon decipiatur, & quod men-
tiatur, ut loquitur sibi: nam quia non
habet voluntatem ordinatam, transgre-
ditur limites naturæ suæ, & vult de ali-

quibus judicare, & putat; quod sic eve-
niet, quod putando potest decipi & men-
tiri.

Respond. ad arg. Ad primum di-
cendum, quod, ut patuit in quæstione
præcedenti, non est inconueniens, quod
Angelus non possit loqui uno Angelo,
quin loquatur aliis Angelis. Imò (ut di-
cebatur) hoc est ex perfectione Angelo-
rum, quod locutiones, quas unus percipit,
alius participat. Vel si unus percipit locu-
tionem, quam alius non percipit, hoc
est ex perfectione ejus: ut si loquēs sit ita
de superiori ordine, & loquatur per ta-
lia signa, vel per tam pauca, quod infer-
rior non possit per illa signa comprehē-
dere veritatem. Ad 2. dicendum, quod
locutio, quæ est purè naturalis, non est in
potestate Angeli: nam non posset Ange-
lus, si vellet, cor suum celare Deo; aliæ
autem locutiones prout sunt ad placitū,
sunt in potestate Angeli; sed prout non
sunt ad placitum non sunt in potestate:
ut in potestate Angeli est formare verba
intelligibilia, vel non formare verba in-
telligibilia, vel formare expressions il-
lorum verborum, vel non formare; sed
postquam formata sunt verba, vel expres-
siones, oportet, quod determinata ver-
ba repræsentent determinata signata, &
determinatæ expressions determinatas
conceptiones. Ad 3. dicendum, quod
exprimere intentionem est ex ipso in-
tellectu, & est ex ipsa voluntate, quia
ipsa voluntas movet alias potentias
ad actiones suas: ut ergo est ex ipso in-
tellectu, sic est quid naturale: quia ea
quæ sunt ex intellectu, naturaliter repræ-
sentant sua signata; sed ut est ex ipsa vo-
luntate, sic est voluntaria: idēd (ut dixi-
mus) formatio talium expressions est
voluntaria, sed repræsentatio est natura-
lis. Ad 4. dicendum, quod benè arguit
argumentum, prout locutio, per quam
loquitur Angelus formando verba, &
prout loquitur ad hunc finem, ad mani-
festandum, scilicet, indicia suæ volunta-
tis, quod talis locutio est magis volunta-
ria, quàm naturalis: quia in potestate An-
geli est loqui sic, vel non loqui. Non ta-
men arguit argumentum, quod nullo
modo sit talis locutio naturalis: nam (ut
diximus) formatio talium verborum est
voluntaria, sed repræsentatio est naturalis.
Ad 5. dicendum, quod natura est deter-
minata ad unum, sicut & una expressio

unum aliquid principaliter repræsentat: sed quod vadant tales repræsentationes in infinitum, hoc est, quia & ipsæ expressiones in infinitum vadunt: nam videmus nos in istis sensibilibus, quod unum particulare reponitur per unam formam in specie: attamen si in infinitum multiplicaretur particularia, oporteret in infinitum multiplicari formas. Ad 6. dicendum, quod voluntas est causa talium verborum quantum ad formationem, quia in voluntate nostra est formare hoc verbum, vel illud: voluntas tamen non est causa quantum ad eorum repræsentationem: non enim quodlibet verbum (loquendo de verbo mentali & de conceptione intellectus) potest quodlibet repræsentare. Ad 7. dicendum, quod patuit in solutione principali, quomodo talia signa sunt naturalia, quomodo non, & quomodo circa ea possunt accidere mēdia, & quomodo non. Ad 8. dicendum, quod si signa illa esset ita naturalia, quod nullo modo essent voluntaria, non esset secundum ea locutio, quæ esset in potestate Angeli: posset tamen esse secundum ea locutio, quæ non esset in potestate ejus, secundum quem modum loquitur cor Angeli Deo, quem latere non potest: attamen, ut diximus, signa, per quæ loquitur Angelus, non sunt omnino naturalia, quia quantum ad eorum formationem semper sunt voluntaria. Ad 9. dicendum, quod si mundus fuisset ab æterno, fuissent particula infinita, & Angelus potuisset de eis formare infinitas expressiones: sed propter hoc non arguitur, quod tales expressiones & talia signa non sint aliquo modo naturalia, ut patuit in solutione quinti argumenti. Ad 10. dicendum, quod non obstante, quod talia signa sunt aliquo modo naturalia, Angelus potest se occultare & Angelo & dæmoni. Nam, ut patuit, Angelus potest loqui formando intellectiones & verba intelligibilia absque eo, quod formet eorum expressiones, & cum sic se habet, sunt cogitationes ejus occultæ tam Angelis aliis, quam dæmonibus.

Ad argumentum etiam contrarium est respondendum, & primo ad primum: nam cum dicitur, quod cum conclusio assimilatur minori, dici debet, quod multo magis assimilari debet majori, ut si major est de contingenti, & conclusio erit de contingenti: ut si om-

ne animal est contingenter album, & omnis homo de necessitate est animal, non sequitur, quod omnis homo sit de necessitate albus, sed contingenter: ab utroque enim trahit aliquid conclusio à majori & à minori. Sic & si volumus hoc adaptare ad propositum & dicere, quod in locutione voluntas se habet, quasi major, quæ est principalior causa, & intellectus quasi minor, dicemus, quod ab utroque habebit aliquid ipsa locutio: nam à voluntate habebit, quod sit voluntaria, quantum ad verborum formationem, ab intellectu habebit, quod sit naturalis quantum ad verborum repræsentationem. Ad 2. dicendum, quod per indeterminata, secundum quod hujusmodi, non est locutio: signa ergo per quæ loquitur Angelus, si sunt voluntaria quantum ad formationem, quando formata sunt actu, jam sunt determinata: quod si illa signa sunt naturalia quantum ad repræsentationem, non est dubium, quod dicitur, * quia secundum quod talia sunt indeterminata. Sed si hujusmodi signa sunt voluntaria non solum quantum ad formationem, sed quantum ad repræsentationem, sicut patet, cum loquitur per virtutis applicationem, vel per materiæ transmutationem: tunc illa sunt determinata, & repræsentant aliquid determinatè non ordine naturæ, sed institutione voluntatis. Ad 3. dicendum, quod loqui naturale est in generali, vel secundum aptitudinem: naturale est enim homini, quod loquatur, & quod sit aptus natus ad loquendum: sed non est ei naturale in speciali, ut non est ei naturale, quod sic loquatur: nec est ei naturale secundum actum & perfectionem, ut circa principium solutionis diximus. Hoc etiam modo loqui est Angelo naturale, & etiam est hoc Angelo magis naturale, si benè considerantur jam dicta. Ad 5. dicendum, quod naturale est Angelo, quod intelligat: tamen quod intelligat hoc vel illud, hoc competit ei secundum placitum, & secundum ordinem voluntatis: sic etiam naturale est ei: quod loquatur, attamen quod loquendo formet hæc verba vel illa, competit ei secundum libitum, & secundum ordinem voluntatis. Vel loqui & intelligere competit ei secundum aptitudinem, tamen quod secundum actum & perfectionem intelligat hoc vel illud, quod lo-

Quod sit
ad oppositum

qua-

quatur de hoc vel de illo, competit ei secundum ordinem voluntatis: solum enim se ipsum Angelus naturaliter intelligit: quod autem intelligat alia, & quod loquatur, competit ei secundum ordinem voluntatis. Alia autem duo argumenta, quod Angeli utroque modo loquantur naturaliter & ad placitum, & quod sicut virtutes sunt à natura & à voluntate, sic locutiones Angelorum possunt esse quodammodo à natura, & quodammodo à voluntate, gratia conclusionis concedimus.

QVÆSTIO XIV.

Vtrum Angeli superiores illuminent inferiores?



QUARTODECIMO

quæritur: utrum Angeli superiores illuminent inferiores? Et videtur quod non: quia vel illuminaret eos de rebus inferioribus, ut

de sensibilibus, vel de superioribus, ut de intelligibilibus? De sensibilibus non: quia cum illa sint inferiora, & sint omnino subiecta cognitioni angelicæ, quantum ad illa non indigent illuminari. Nec de intelligibilibus: quia cum illa de se sint quædam lux, quantum ad illa illuminari non indigent. Præterea: scribitur in libro de causis, quod intelligentiæ intelligunt secundum modum substantiæ suæ: ergo sicut loquimur de eorum esse & substantia, sic loquimur de eorum intelligere & operatione: si unus Angelus non indiget alio ratione sui esse, nec ratione suæ substantiæ: ergo non indigebit unus alio propter suam intelligere, nec propter suam operationem, & per consequens unus non illuminat alium. Præterea: si unus Angelus alium illuminaret, vel hoc esset, quia unus causaret lumen in alio, vel quia confortaret lumen alterius? Non autem hoc esse potest, quod unus causaret lumen in alio, quia tunc Angeli essent creatores: nam lumen illud, quod unus causaret in alio, non posset educi de potentia materiæ: esset ergo productum

ex nihilo, & per consequens esset productum via creationis, & Angelus posset creare. Nec etiam hoc fieri potest, quod unus confortet lumen alterius: quia tunc lumen alterius debilitaretur, & per consequens caderet sub tempore, quod est inconueniens. Præterea: Angelus secundum se est quoddam lumen, quia ipse intellectus agens de se est quoddam lumen: ergo multo magis Angelus: sed si est quoddam lumen, non indiget illuminari, ergo &c. Præterea: si unus Angelus illuminaret alium, vel hoc esset, quia inferior illuminaret superiorem, vel è converso? Non quia inferior superior: quia hoc nullus ponit. Nec quia inferior superior: quia maius lumen non illuminat minus, sed obfuscat. Præterea: essentia Divina semper est præsens Angelis: non ergo indigent Angeli alia confortatione luminis, nec alia illuminatione. Præterea: illuminari est quoddam pati, & quædam receptio luminis: sed unus Angelus non recipit lumen ab alio, quia vel reciperet lumen quod habet, vel quod non habet? Non quod habet: quia (ut probatur in lib. de Anima) semper recipiens debet esse denudatum à natura recepti. Nec quod non habet: quia tunc unus Angelus causaret lumen in alio, & per consequens crearet. Præterea: si unus Angelus illuminaret alium, vel hoc esset lumine proprio vel alieno? Non alieno: quia non habet auctoritatem super alieno lumine. Nec proprio: quia tunc perderet lumen suum. Præterea: illud lumen, per quod Angelus unus illuminat aliū, vel est substantia, vel accidens? Non substantia: quia si unus Angelus communicaret alteri substantiam suam, deficeret ejus substantia, & desineret ille Angelus esse. Nec est huiusmodi lumen accidens: quia si posset unus Angelus communicare suum accidens alij, sequeretur, quod accidens se extenderet extra substantiam: est enim idem illuminare aliū, quod communicare ei lumen suum: sed unus Angelus nec suam substantiam, nec suum accidens potest alteri communicare, ergo &c. Præterea: si Angelus posset lumen alterius confortare, posset in eo causare lumen, & per consequens posset creare: nam qui potest facere de calido magis calidum, potest creare calorem: ergo qui potest confortare lumen, & potest facere de minus illuminato magis illuminatum, potest

B. Ægid. in
2. II. d. 9. q.
7. art. 4.
dub. 1. &
art. 5. &
quodl. 6. q.
26.

Lib. de cau-
sis prop. 8.

potest causare lumen. Præterea: si unus Angelus illuminat alium, vel hoc est, quia A causat in eo speciem, vel quia causat lumen, vel quia confortat lumen: non quia per speciem creat aliud lumen, quia tunc Angelus esset Creator: ergo solum hoc est, quia confortat lumen alterius: sed confortatio luminis non est facere novum lumen, sed est facere perfectius lumen: secundum hoc ergo unus Angelus non faceret aliquid de novo intelligere alium Angelum, sed solum faceret ipsum perfectius intelligere. Præterea: illuminatio est quidam motus, quia est quardā reductio: sed motus, nisi sit violentus, non est sine aliqua impressione: ergo si unus Angelus illuminat alium, aliquid B imprimit unus Angelus in alio: sed illud, quod imprimit, non potest per eum de potentia materiæ educi: ergo est per creationem productum, & ita Angeli essent creatores, quod est inconveniens.

In contrarium est: quia sic se habet in hierarchia inferiori, ut in ecclesiastica, quod unus homo illuminat alium, & hoc est perfectionis in tali hierarchia, ergo multo magis erit in superiori Hierarchia, ut in angelica, quod unus illuminabit alium. Præterea: Dionysius in pluribus locis de angelica Hierarchia, vult quod Angeli superiores purgant, illuminant, & perficiunt angelos inferiores: ergo &c.

D. Dionys.
pluribus in
locis de An-
gelica Hier.

RESOLVTIO.

Angeli superiores illuminant inferiores roborando & fortificando eorum lumen, ut in Deo videant effectus, quos antea non inspiciebant.

Respondeo dicendum, quod in hac quæstione sic procedemus, quod primò recitabimus circa hanc difficultatem dicta Doctorum. Postea ostendemus quot modis unus homo potest aliū docere & illuminare. Tertiò de his, quæ sunt in nobis, ascendemus ad considerandum aliqua de Angelis & de illuminatione Angelorum. Propter primum sciendum, quod in scientia Angelorum est tria considerare, videlicet, speciem intelligibilem, lumen intellectuale, & cognitionem aggeneratam ex tali specie

per tale lumen. Sic enim videmus in nobis ipsis, quod in nobis est species intelligibilis, & lumen intellectus agentis, & cognitio aggenerata ex tali specie per tale lumen.

Dicunt ergo quidam, quod cum dicimus, quod unus Angelus illuminat alium, non est hoc intelligendum, quod causet in eo speciem, vel quod causet in eo lumen: quia tunc Angeli essent creatores; sed hoc intelligendum est: quia unus confortat lumen alterius, & confortando lumen ejus, facit eum cognoscere quod prius cognoscere non poterat, & per consequens causat in eo cognitionem quamdam. Sed eadem difficultas est, quomodo unus possit lumen alterius confortare, & quomodo possit cognitionem in eo causare: unde non declaratur hic minus notum per magis notum. Propter quod dicitur communiter, & assignatur communiter modus, quomodo unus Angelus possit lumen alterius confortare: dicitur enim, quod sicut corpora continuantur ad invicem secundum situm sive secundum ordinem situalem, sic substantiæ spirituales continuantur ad invicem per intuitum sive per intuitionem. Propter quod communiter ponitur, quod sicut corpora se ad invicem confortant, quia sunt ad invicem debito modo situata, vel quia sunt ad invicem connexa & continuata, quia unus carbo ignitus confortat alium: nam citius extinguuntur carbones igniti, si sint ab invicem separati, quam si sint ad invicem conjuncti: sic & substantiæ spirituales conjunctæ & continuatæ ad invicem secundum contuitum se invicem confortant: & potissimè superiores confortant in lumine inferiores, quia habent lumen fortius & efficacius. Sed hoc videtur solum secundum adaptationem dictum, nec adaptatio videtur conveniens: nam quod corpora continuata secundum situm se ad invicem confortent, vel unum confortet aliud, hoc est, quia unum agit in aliud, ut superiora corpora faciunt ad robur inferiorum, quia agunt & influunt in inferiora. Vel si corpora aliqua ad invicem se confortant, hoc est, quia disponunt exterius corpus, ne contrarietur eis: ut si carbones igniti ad invicem confortant se, hoc est, quia calefaciunt aerem circumdantem ipsos carbones ignitos, qui calefactus non contrariatur calori

Doctorum de
ca de illumi-
natione An-
gelorum

D. Thom.
p. 9. 100
art. 1.

Contra primum ad-
aptationem

calori carbonum ignitorum, sed magis eos in calore conservat. Si ergo unus Angelus confortaret lumen alterius secundum hunc modum, ut isti ponunt, tunc unus Angelus aliquid influeret, & aliquid ageret in alium, sicut superiora aliquid influunt & aliquid agunt in inferiora. Vel si non hoc modo unus Angelus confortaret lumen alterius, sicut superiorum corpora confortant & roborant inferiora, sed magis sicut carbonem igniti se adinvicem confortant, & roborant, & tunc oporteret, quod unus Angelus aliquid ageret in aliqua re exteriori, à qua dependeret confortatio luminis alterius Angeli, sicut unus carbonem ignitus calefacit aerem existentem iuxta aliam carbonem ignitum, quo calefacto, magis confortatur calor illius carbonis igniti. Neutrum autem istorum ponimus in Angelis: non enim ponimus, quod unus Angelus aliquid agat, vel influat in alium Angelum, sicut corpora superiora influunt in inferiora: quia, ut sæpe diximus, substantiæ spirituales ubi agunt, & ubi influunt, sive ubi operantur, ibi sunt. Si ergo unus Angelus sic ageret, & influeret in alium Angelum, esset unus Angelus in alio, & illaberetur ei, quod nullus dicit. Rursus non potest esse huiusmodi confortatio, sicut se confortant carbonem igniti, videlicet, sicut unus Angelus aliquid operaretur in aliqua re exteriori, à qua dependeret conservatio luminis alterius Angeli: nam hoc improbatur in arguendo per plura argumenta: nam si hoc esset, lumen Angeli caderet sub tempore: ideo enim carbonem ignitus calefacit aerem, conservat calorem, & confortat alterius carbonis igniti: quia calor carbonis igniti cadit sub tempore, & debilitatur ex actione contrarij: inde est, quod talis calor in aere calido conservatur; in frigido vero debilitatur, & deficit: sed hoc esset ridiculum ponere, quod lumen Angeli caderet sub tempore, & quod debilitaretur ex actione contrarij.

Viso quid Doctores dicunt in hac materia, volumus enumerare modos, quibus unus homo potest alium docere, ut ex his, quæ sunt in nobis, possimus ascendere ad investigandum aliqua de Angelis: possumus autem dicere, quod unus homo potest alium docere quadupliciter. Primo indirectè imprimendo

intelligibilem speciem. Secundo imprimendo lumen. Tertio formando propositionem. Quarto & ultimo confortando lumen ejus.

Primo ergo unus homo potest alium docere, imprimendo indirectè in intellectu ejus speciem intelligibilem. Dicitur autem indirectè: quia directè & immediate unus homo non potest movere intellectum alterius, potest autem ipsum movere mediatè & indirectè, quia potest facere motum in sensu exteriori: sensu autem exteriori moto, movetur phantasia, qua mota, mediante lumine intellectus agentis fit motus, & fit receptio in intellectu possibili: ut si quis nunquam vidisset corpus duodecim pentagonorum, nec sciret, quomodo tale corpus potest locari in sphaera via geometrica, cum hoc novit, posset formare tale corpus sensibile, & posset formare sphaeram & posset ostendere sensui exteriori alterius hominis, quomodo tale corpus collocatur in sphaera: sensu autem exteriori hoc apprehendente, fieret motus in phantasia, ita quod in ipsa phantasia formaretur phantasma & idolum talis corporis sic in sphaera collocabilis, facto autem tali phantasmate in phantasia, mediante lumine intellectus agentis fieret similitudo & species talis corporis in intellectu possibili, & inciperet intellectus intelligere, quomodo potest fieri tale corpus, & quomodo potest collocari in sphaera, quod prius non intelligebat: ergo modo potest unus homo docere, & illuminare alium offerendo exteriori sensui aliquam novam speciem, & ex hoc movendo phantasia, & ulterius ex motu phantasiae faciendo, quod recipiatur similitudo talis speciei in intellectu.

Secundo modo unus potest docere alium, imprimendo in intellectu possibili lumen intellectus agentis non directè & immediate, sed indirectè & mediatè: nam si ostensum est, quod potest imprimere speciem offerendo exteriori sensui novam speciem, ostensum est, quod indirectè imprimat & lumen, quia intellectus noster possibilis semper recipiendo speciem, recipit lumen intellectus agentis; sicut & iste aer sensibilis non recipit species colorum, nisi recipiat lumen corporale, sicut dicit Commentator super 3. de Anima: imò major est connexio inter speciem intelligibilem

Primus modus, quo homo alium docere valet, est imprimendo indirectè in ejus intellectu specie intelligibile.

Secundo modo imprimendo indirectè & mediatè in intellectu possibili lumen intellectus agentis.

ligibilem & lumen intellectus agentis, quàm inter species coloris & lumen corporale: quia licet aer non possit recipere species colorum sine lumine, quia color non potest movere visum, nisi secundum actum lucidi, sive secundum aërem actu illuminatū; tamē lux potest movere aërem absque specie coloris. Indiget enim color luce, ut aërem moveat, sed non lux colore; sed in intellectu possibili non sic est: nam & species indiget lumine, & lumen specie, licet non propter eandem causam: species enim intelligibilis non potest recipi in intellectu possibili sine lumine intellectus agentis: immò ut recipiatur species in intellectu possibili, magis indiget lumine intellectus agentis, quàm indigeat species coloris lumine corporali, ut recipiatur in aëre: quia color est per se visibilis. Quod autem non possit movere aërem vel elementum sine luce, hoc est, quia imperfectè participat naturam visibilitatis: idèò speciem suam visibilem non potest color imprimere, vel generare in aëre, nisi aer sit actu lucidus, & nisi sit actu dispositus per lucem: idèò color magis requirit lucem, ut moveat aërem & visum ratione dispositionis materiæ, quàm ratione sui: sed phantasmata indigent lumine intellectus agentis ratione sui, quia, cum sint hìc & nunc, & sint in virtute organica materiali, non participant aliud de actu intelligibilitatis, sed solum sunt intelligibilia in potentia: sed colores participant aliquid de actu visibilitatis, sed participant illud imperfectè: idèò non possunt agere nisi in materiam valde dispositam: propter quod non movent aërem nisi dispositum, & actu lucidum. Si ergo colores, qui de se participant aliquid de actu visibilitatis, non possunt movere aërem absque luce, & species, quæ sunt similitudines colorum, non possunt recipi in aëre sine lumine corporali: multò magis phantasmata, quæ nihil participant de actu intelligibilitatis, non poterunt movere intellectum possibilem absque lumine intellectus agentis: species igitur intelligibiles, quæ sunt similitudines, & à phantasmatibus derivatæ non poterunt recipi in intellectu possibili absque lumine intellectus agentis. Sic etiam lumen intellectus agentis non potest recipi in intellectu possibili absque specie intelligibili: nam in anima, quæ sunt magis conjuncta &

proxima secundum naturam, sunt magis distantia secundum cognitionem: ut anima, quæ secundum naturam est sibi proxima, ultimò se cognoscit: quia primò cognoscit objecta, deinde actus, postea potentias, & ultimò se: ita & lumen intellectus agentis, licet secundum naturam sit conjunctum intellectui possibili, quia illæ duæ potentia, videlicet, intellectus agentis, & possibilis in eadem substantia animæ radicanter, tamen secundum receptionem, per quam receptionē intellectus possibilis cognoscit, quodammodo remotius est, ut tale lumen recipiatur in intellectu possibili, quàm species intelligibilis. Nam cum iste sit modus cognitionis animæ nostræ, quia non cognoscit nisi recipiendo: sicut anima nostra non cognoscit ea, quæ sunt in se, nisi cognoscendo alia: ita intellectus possibilis non recipit ea, quæ sunt in anima, nisi recipiendo species aliorum. Lumen ergo intellectus agentis, quod est in ipsa anima, non recipitur in intellectu possibili nisi mediantibus speciebus aliarum rerum. Species ergo intelligibiles, ut recipiantur in intellectu possibili, indigent lumine intellectus agentis ratione phantasmatum, à quibus derivantur, quæ sunt intelligibilia, & in potentia, & quæ sine tali lumine non possunt movere intellectum possibilem: & lumen intellectus agentis, ut recipiatur in intellectu possibili, indiget speciebus intelligibilibus: sed hoc propter aliam causam, propter, scilicet, modum cognoscendi nostrum, ut quia anima prius est apta nata cognoscere alia, quàm se. Et etiam oportet, quod intellectus possibilis, qui est potentia cognitiva animæ, prius sit aptus natus recipere species aliorum ab anima, quàm ea quæ sunt in anima: species itaque intelligibiles & lumen intellectus agentis, prout comparatur ad receptionem intellectus possibilis, sic se habent, quod unum sine alio recipi non possit. Quare sic mutuo recipiuntur species intelligibilis & lumen intellectus agentis in intellectu possibili, qui potest agere aliquid: quo acto, recipitur species in intellectu possibili, & dicitur agere aliquid: quo acto, recipitur lumen intellectus agentis. Utroque modo dicitur unus homo alium illuminare & docere, vel quia aliquid agit & causat quod intellectus ejus possibilis recipiat species

Quæ sunt
magis cōjuncta
anima

Species intelligibiles. Et etiam quia agit & causat, quod recipiatur ibi lumen intellectus agentis.

Tertio modo potest quis alium docere formando propositiones debito ordine debito.

Tertio modo dicitur unus homo alium docere formando ipsas propositiones: nam dato, quod quis haberet omnes species intelligibiles apud se, non propter hoc sciret omnes propositiones, quæ possent formari ex compositione talium specierum, nec etiam ex hoc sciret omnes debitas combinationes, secundum quas possent combinari huiusmodi species: sicut qui sciret omnes litteras alphabeti, nec sciret propter hoc eas debito modo combinare: nec propter hoc sciret omnia vocabula debita, quæ possent formari ex combinatione talium litterarum. Imaginabimur enim, quod species in intellectu possibili se habent sicut membra animalis divisa, ut imaginabatur Emped: hoc modo ergo unus docet alium, sicut natura formabat animalia apud Emped. Natura enim sive amicitia apud ipsum formabat animalia coniungendo adinvicem membra animalis: quando ergo benè conjungebat membra leonis cum proprio corpore, salvabatur animal; quando verò malè conjungebat; ut quia conjungebat caput leonis cum corpore bovis; tale animal sic formatum salvari non poterat. Sic apud intellectum nostrum, ut suprà tetigimus, species diversæ sunt: quando ergo benè coniungimus eas, formamus propositiones veras, & ex illis propositionibus veris possumus investigare veritates rerum: & sicut quilibet apud se ipsum potest species, quas habet apud intellectum suum, ordinatè componere & hoc modo se ipsum ducere in cognitionem veritatis: sic potest unus homo alium docere, formando propositiones, & ordinatè proponendo propositiones formatas: nam ea, quæ sunt in voce, sunt signa eorum, quæ sunt in anima. Sicut ergo magister ordinatè proponit discipulo verba exteriora componendo ea, & formando inde debitas propositiones: sic discipulus eo modo, quo proponuntur verba à magistro, & formantur ei propositiones, sic in intellectu suo componit species intelligibiles, & format inde debitas propositiones, quas formando illuminatur, & ducitur in cognitionem veritatis: sicut amicitia apud Emped. Aliquando malè

formabat animal, quia malè conjungebat membra animalis: quia fortè conjungebat caput cervi cum collo simiæ, vel animal formabat fortè malè, quia nō solum nō debite conjungebat membra, sed etiam quia ea non debito modo ordinabat, ut fortè quia ponebat caput, ubi debebat stare cauda, & è converso. Sic & in proposito, magister malè docet, quia non debite format propositiones: ut si non debite conjungat verba, vel si non ordinatè proponat eas sed si debito modo forniet propositiones, & conjungat debito modo verba, & ordinatè proponat ea, tunc benè docet. Est ergo hic tertius modus docendi alium debito modo formare propositiones, & debito ordine proponere propositiones formatas.

Quarto modo unus homo docet alium confortando, & fortificando suum lumen intellectuale. Nam magistro credere non est scire, immò est venenū scientiæ. Propter quod in secundo Metaphysicæ, ubi enunierantur impedimenta scientiæ, inter alia impedimenta potissimè ponitur hoc esse impedimentum credere testimonio famosorum. Si enim quis credat se scire aliquid, quia aliquis famosus dicit illud, nescit & ignorat illud: scire enim est causam cognoscere. Hoc ergo modo discipulus à magistro docetur de aliqua re, ut purà, de eclipsi vel de aliquo alio, si illam eandem causam, quam magister novit, quare sit eclipsis, noscat & discipulus. Cum ergo sit duplex modus sciendi, unus inveniendi causam, & alius inventam causam addiscere: iste duplex modus est in acquirenda scientia, quia omnis scientia acquiritur, vel inveniendi, vel addiscendo: ergo si loquimur de scientia, prout est in acquiri, est duplex modus acquirendi ipsam; sed si loquimur de scientia in acquisito esse, non est nisi unus modus habendi eam, scilicet, *scire causam*, & quoniam illius est causa, & quod non contingit aliter se habere: ex quo oritur dubitatio, ex cujus solutione dependet tota veritas questionis. Nam si invenire, & addiscere, est eodem modo habere scientiam, quia est cognoscere causam: nam nescit inveniens, nisi cognoscat causam: nec scit addiscens nisi causam cognoverit: si ergo sic est, dubi-

Quartus modus docendi est confortando & fortificando lumen intellectuale alicujus proponendo ei determinatū effectū, & determinatā causam, ne debilitetur sparsus inve stigando diversas causas: hic est potissimus modus docendi. Phus. 2. Metaph. 25.

Phus. Post. comm. 5.

Empedocles apud Phys. 3. de Anim. comm. 2.

Quare facilius est scire addiscendo quam inveniendo.

dubitabit aliquis ; quare difficilius sit scientiam invenire , quàm scientiam inventam addiscere. Est ergo diligenter advertendum , quòd licet per unam eandem causam , per quam novit inveniens , noverit & addiscens : multò tamen difficilius est habere scientiam , inveniendo , quàm addiscendo : quia inveniens habet intellectum sparsum , & divisum ; addiscens intellectum habet determinatum & unitum : & quia virtus unita fortior est se ipsa dispersa : ideò ceteris paribus facilius est habere scientiam addiscendo , quàm inveniendo , verbi gratia : nam in naturalibus ex effectibus devenimus in cognitionem causæ , & ex admirari incipimus philosophari , utputà , si videmus effectum aliquem , & ignoramus causam , admiramur , & cogitamus , quomodo possimus causam invenire , ut quando videmus eclipsim Lunæ , & ignoramus causam , admiramur , & cogitamus , quæ possit esse causa , quòd Luna eclipsetur. In hac autē cogitatione habemus intellectum sparsum & divisum ; & cogitamus hinc inde quomodo possumus causam invenire. Quòd autem in inventione talis causa sit intellectus noster sparsus & divisus , patet in his , qui assignaverunt causam eclipsis Lunæ : nam aliqui assignaverunt causam eclipsis Lunæ ejus conversionem : aliqui ejus extinctionem : aliqui autem assignaverunt causam veram , videlicet , terræ interpositionem. Dixerunt enim quidam Lunam eclipsari propter conversionem ponentes medietatem Lunæ esse naturaliter tenebrosam , & aliam medietatem naturaliter lucidam , ideò (ut dicebant) quando Luna se convertit & ostendit nobis partem suam tenebrosam , videtur nobis quòd Luna eclipsetur : propter quæ secundum istos nihil est aliud eclipsatio Lunæ , quàm ejus conversio . Alij autem assignaverunt causam eclipsis Lunæ ejus extinctionem : imaginabantur enim , quòd Luna esset quædam lampas ardens , vel quidam globus accensus , ideò crediderunt , quòd ibi in cœlestibus flaret aliquando fortis ventus , qui extingueret Lunam. Vel fortè imaginabantur , quòd aliqua pars cœli esset nimis humida : & ideò Luna , quando transibat per partes illas humiditas , extinguebatur , & eclipsaba-

tur, Vel tertio poterant hoc imaginari, quòd Luna extingueretur non ex vento flante , nec ex humido unctioso deficiente : videtur enim humidum aqueum extinguere , humidum unctuosum lumen fovere. Si ergo sic loquentes de Luna imaginabantur ipsam esse aliquod lumen igneum , his tribus modis poterant cogitare tale lumen extinguì , vel à vento flante , vel ex humido aqueo corruptente , vel ex humido unctioso deficiente. Aliqui autem causam eclipsis Lunæ assignaverunt , causam , videlicet , interpositionem terræ. Ex his ergo apparet , quomodo videntes hunc effectum , qui est eclipsis Lunæ , & volentes invenire causam , habuerunt intellectum valde sparsum & divisum : quia retulerunt hunc effectum in vanas causas : quia aliqui retulerunt præfatum effectum in Lunæ conversionem , aliqui in extinctionem à vento flante , aliqui in ejus extinctionem ab humido aqueo corruptente , & sic de reliquis causis. Rursus licet omnes hæ causæ sint phantasticæ præter interpositionem terræ : attamen has causas phantasticas assignantes non statim invenerunt eas : immò eorum intellectus in diversa & varia ferebatur , antequam possent tales causas invenire. Habens ergo scientiam inveniendo , nimis habet intellectum sparsum & divisum : sed habens scientiam addiscendo , quia proponitur ei determinatus effectus , & illius effectus assignatur determinata causa , non spargitur intellectus ejus : sed modo unico fertur in talem effectum , utrum possit procedere ex tali causa : & quia (ut diximus) virtus unita fortior est se ipsa dispersa (ut potest haberi ex decima-septima propositione de causis) etiam intellectus grossus , quia unitus , facilius posset habere scientiam addiscendo , quàm intellectus perspicax & subtilis , quia sparsus , posset habere scientiam inveniendo. Hoc ergo quarto modo unus homo docet & illuminat alium determinando & uniendo intellectum ejus , proponendo ei determinatum effectum & determinatam causam , ne intellectus ejus dividatur , & spargatur ad considerandum varias causas : & quia determinare & unire aliquid , hoc est ipsum conforrare & fortificare , sic docens alium & illuminans ipsum , dicitur illuminare

Auctor de causis 174 prop.

minare intellectum ejus, & lumen ejus intellectuale confortando, & fortificando. Immo si bene consideramus, iste est potissimus modus docendi confortare intellectum & intellectuale lumen, uniendo, & determinando ipsum, proponendo ei determinatum effectum & determinatam causam, ne debilitetur, & ne sparsim feratur in considerationem variarum causarum vel variorum effectuum. Nam sicut unum effectum aliquando referimus in varias causas, sic & unam causam referre possumus in varios effectus: unus ergo potissimus modus docendi, & illuminandi alium est sic unire, & determinare intellectum & intellectuale lumen alicujus, & uniendo & determinando confortare & fortificare ipsum: nam & tertius modus docendi & illuminandi, qui erat debitas propositiones formare, & formatas ordinare, & proponere, ad hunc quartum modum reducitur. Nam intellectus hominis si habeat species intelligibiles apud se, & nolit eas debito modo componere, & inde propositiones formare, & propositiones formatas ordinate statuere, sparsim feretur, & sollicitabitur aliquid, cum quo componat, & qualiter propositiones formet, & qualiter propositiones formatas ordinet. Sed si alia debite propositiones formentur, & formatæ debite ordinentur, non spargitur intellectus ejus, sed unitivè feretur in propositiones propositas, utrum sint bene formatæ & ordinatæ? Propter quod facilius judicabit de eis. Sic etiam qui bene vellet subtiliter investigare primum etiam & secundum modum docendi, ad hunc quartum modum reduceret. Hic ergo est potissimus docendi modus unire & determinare lumen intellectuale, ne sparsim feratur, & ex hoc confortare & fortificare ipsum.

Habito quor modis unus homo potest alium docere, & illuminare, ex his poterimus ascendere ad investigandum aliquid de illuminatione Angelorum. Nam ex his, quæ sunt in intellectu nostro, apti nati sumus ad investiganda ea, quæ sunt in substantijs separatis. Vnde & Augustinus. 9. de Trin. cap. 3. ait: *Mens ergo ipsa sicut corporearum rerum notitias per sensus corporis colligit, sic incorporearum rerum per semetipsam.* Et Commentor in 3. de anima dicit, quod si ignorata esset natura intel-

lectus possibilis, ignoratus esset numerus substantiarum separatarum, quod non est intelligendum de numero, qui est species quantitatis, qui causatur ex divisione continui: quia talis numerus non est in substantijs separatis, sed intelligendum est de numero essentiali, qui est multitudo ex unitatibus, quæ convertuntur cum ente: si ergo ipse numerus essentialis in Angelis potest investigari à nobis ex natura intellectus possibilis, consequens est, quod & ipsæ operationes Angelorum, secundum modum nobis possibilem, apti nati sumus investigare per ea quæ videmus in intellectu nostro. Cum ergo unus homo (ut ostensum est) possit alium quadrupliciter docere & illuminare, videndum est, quis illorum duorum modorum possit ad Angelos adaptari: constat autem, quod primus modus, qui est per impressiones speciei, non potest Angelis competere, cum intelligant per species innatas, & nullam possint de novo speciem recipere. Secundus etiam modus, qui est per impressionem luminis, ex eo quod simul cum specie oportet imprimi lumen, nec potest Angelis competere: quia sicut non recipiunt species ab extrâ, ita nec lumen eis imprimitur per impressionem speciei. Tertius etiam modus, qui est formando propositiones, & propositiones formatas ordinando, non potest etiam Angelis competere: quia non intelligunt componendo, & dividendo: statim enim cum Angelus convertit se super specie intelligibili, intelligit naturam representatam per hujusmodi speciem, & intelligit ea, quibus est conjuncta illa natura.

Restat ergo videre de quarto modo, utrum possit unus Angelus alium docere & illuminare, determinando & uniendo intellectum ejus; & ex tali unionem & determinationem confortando & fortificando intellectum ejus, sive lumen intellectuale ipsius? Propter quod sciendum, quod solus Deus habet per omnem modum perfectam cognitionem de rebus; nos autem, quia perfectam cognitionem non habemus de rebus, non statim in causa cognoscimus effectum, nec è converso: ideo ne sparsim feramur, fortificatur intellectus noster, si determinatè proponatur ei effectus & causa: ita & Angelus deficit ab omni-

Quarto modo potest Angelus alium docere.

D. Aug. P. N. 9. de Trin. cap. 3. Comm. 3. de Anima, dicit, quod si ignorata esset natura intel-

B. Egid. Colum. Rom.

Qq

moda

Nullus Angelus comprehendit Deum, quia & si totum videat, non tamen totaliter.

Quomodo contingit illuminationem Angeli.

moda perfectā cognitionē; ita quod non statim in causa, & potissime in causa prima, cognoscit omnem effectum: & quando determinatē proponitur ei aliquis effectus, tunc illum eundem effectum, quem non poterat videre in huiusmodi causa, incipit ipsum videre in ea, quia determinatus est intellectus ejus, quia est unitus, & ex hoc est confortatus & fortificatus. Et ut magis descendamus ad propositum, dicamus, quod illuminatio Angelorum est de eis, quæ relucet in Deo, & potest ibi comprehendere superior Angelus, quia perspicacior; non autem inferior: quia minus perspicax est. Dicemus ergo, quod licet quilibet Angelus videat totum Deum; nullus tamen videt ipsum totaliter, ita quod nullus comprehendit ipsum: sed secundum quod videntes cum magis vel minus de lumine gloriæ, plura vel pauciora possunt ibi cognoscere: omnia enim ibi relucet, sed non omnia ibi relucetia quilibet comprehendit: Angeli ergo superiores, quia plus habent de lumine gloriæ, aliqua vident ibi relucere, & aliqua futura ibi cognoscunt, quæ non possunt ibi cognoscere inferiores. Propter quod Angeli superiores in ipso Deo videntes illa futura, dicuntur à Deo immediatē illuminari: & quia de illis futuris Angeli superiores docēt inferiores, ideò dicuntur eos illuminare. Hęc ergo illuminatio hoc modo cōtingit: nam Angelus superior videns aliqua futura in Deo, quæ non potest ibi videre Angelus inferior, illa futura determinatē proponit ipsi Angelo inferiori: Angelus autem inferior ferens intellectum suum determinatē in illa futura, ex hoc confortatur & unitur suis intellectus & suum intellectuale lumen, quod confortatum incipit in ipso Deo videre illa futura, quæ prius ibi videre non poterat: huiusmodi ergo illuminatio, ut quod unus Angelus illuminet alium, nihil est, nisi quia determinat intellectum illius Angeli proponendo sibi determinatos effectus, qui relucet in ipso Deo: tunc ille Angelus quia determinatē fertur in certum aliquid, ex hoc congregatur magis, & unitur lumen suum, ut possit illos effectus in Deo videre: verè ergo unus Angelus illuminat alium, quia facit ipsum aliquos effectus videre, & cognoscere, quos prius videre non poterat. Possumus autem ponere sensibile exemplum: nam in hoc principio universalī, quia est de quolibet affirmatio, relucet omnes conclusiones: quia nulla est conclusio, quæ non innitatur huic principio: & hoc principium quilibet homo, & quælibet vetula potest scire totum, & scit totum: nullus tamen homo potest ipsum scire totaliter, quia nullus potest scire omnes conclusiones, quæ relucet in hoc principio, vel quæ possunt concludi per hoc principium: attamen secundum quod unus homo est magis vel minus perspicax secundum intellectum, plura vel pauciora videt in illo principio: quia ergo homo subtilis videt aliquam conclusionem in prædicto principio, quam non potest ibi videre unus hebes, si ergo perspicax vellet docere hebetem, non plus faceret, nisi quod simul cum illo principio proponeret ei determinatē conclusionem illam, tunc ille hebes, qui prius considerans de tali principio, & habens intellectum suum sparsum ad ea, quæ possent ex illo principio elici: ideò non poterat illam conclusionem videre in illo principio, quamvis verissimè ibi reluceret, & verissimè posset concludi talis conclusio ex tali principio; sed quando jam determinatē proponitur homini hebeti & grosso huiusmodi conclusio, tunc intellectus ejus, quia unitè & determinatē fertur in conclusionem illam, & tunc lumen suum intellectuale jam determinatum & unitū ad cognoscendum unum aliquid, fortificatur ex hoc, & incipit illam conclusionem videre in illo principio, quam prius non videbat: quod quilibet experitur in se ipso, quod si cognoscit effectum, & vult cognoscere causam, quod spargitur intellectus ejus cogitando nunc de hoc, nunc de illo, ut possit causam invenire: sed si proponatur ei determinata causa respectu istius effectus, tunc quia intellectus ejus fertur in aliquid unum determinatē, ut in illam causam unam propositam, facile est sibi videre, si ille effectus continetur in illa causa, vel non. Eodem etiam modo si quis sciret causam, & vellet investigare effectus, vel si sciret principium aliquod, & vellet investigare conclusiones, quæ sequuntur ex illo principio, spar-

Exemplum.

spargatur intellectus ejus cogitando nunc de hoc, nunc de illo, ut videret quid posset ex illo principio elicere, qui intellectus sparsus & debilitatus fortè nihil sciret ex tali principio elicere & concludere: sed si proponeretur ei determinata conclusio, leve esset cognoscere, utrum illa conclusio contineretur in illo principio? Hoc ergo modo unus homo docet alium proponendo sibi determinatam conclusionem, & determinatum principium, in quo principio incipit ille, qui docetur, videre conclusionem illam, quam videbat suus Doctor. Addiscere ergo (ut diximus) non est credere Doctori; sed est videre conclusionem in illo eodem principio, & effectum in illa eadem causa, in qua videt suus Doctor. Sic & in proposito, Angeli superiores illuminant inferiores, quia proponendo eis determinatos effectus in illo eodem principio, ut in ipso Deo, ubi verissimè relucet effectus illi, faciunt illos ibi videre hujusmodi effectus, quos prius videre non poterant.

Crediderunt enim quidam, quòd hoc modo superiores illuminarent inferiores, quòd denuntiarent eis aliqua, quæ ipsi ignorarent, non quòd illa denuntiata ipsi inferiores viderent in Deo, sed superiores secundum ipsos illa vident in Deo, inferiores verò illa accipiunt à superioribus: & ideò secundum istos superiores Angeli illuminantur à Deo; inferiores verò à superioribus. Sed hoc stare non potest: nam oportet, quòd & ipsi inferiores, cum illuminantur à superioribus, videant in ipso Deo illa eadem, quæ vident superiores: nam (ut diximus) addiscere non est credere Doctori, sed est videre in causa, & in illa eadem causa in qua videt Doctor. Si ergo Angeli superiores inferiores illuminarent de aliquibus effectibus, & illos effectus non viderent inferiores in Deo, tunc superiores non docerent inferiores, nisi quia inferiores eis crederent; non quòd viderent in ipso Deo, & in ipsa causa illos eosdem effectus, quos superiores vident. Rursus hoc etiam stare non potest: quia illuminatio in Angelis est de aliquibus futuris contingentibus pertinentibus ad ordinem gratiæ. Talia autem futura, cum sint contingentia, in nulla causa sunt determinata, nisi in solo

Deo: secundum quos cum non videant talia futura Angeli inferiores in ipso Deo, nesciunt ea: sed poterunt credere vel opinari ea futura esse. Illuminatio ergo Patriæ secundum hoc non esset aperta & clara, nec secundum scientiam, sed solum secundum credulitatem: quod cum sit inconueniens ponere, oportet nos dicere, quòd in ipso Deo inferiores Angeli videant illa eadem, de quibus illuminantur à superioribus.

Quod omninò consonat verbis Dionysij 7. cap. cel. Hier. ubi vult, quòd purgatio, & perfectio, & illuminatio in Angelis est Divinæ scientiæ assumptio. Illa ergo eadem, quæ sunt determinata in Divina scientia & in ipso Deo, incipiunt videre inferiores illuminati à superioribus: illuminatio ergo est acceptio Divinæ scientiæ: quia est acceptio scientiæ in ipso Deo. Hoc etiam concordat communi modo loquendi: quia illuminatio (ut communiter ponitur) est quidam motus & quædam reductio in Deum: superiores ergo illuminant inferiores, quia reducunt ipsos in Deum, faciendo ibi eos aliquos effectus cognoscere, quos prius non cognoscebant. Sicut ergo verè unus homo docet alium proponendo ei aliquos effectus, & faciendo ipsum cognoscere illos effectus in illa eadem causa, in qua ipse cognoscit: sic verè Angelus superior docet & illuminat inferiorem, faciendo ipsum cognoscere aliquos effectus in ipso Deo, in quo ipse cognoscit: ex quo patet, quòd illuminare est idem, quòd confortare lumen, & confortare lumen est idem, quòd hujusmodi lumen unire & determinare, quòd quomodo unus Angelus uniat, & determinat lumen alterius, est per habita manifestum. Multò enim requiritur efficacius lumen, quòd possit videre aliquos effectus in causa absque eo, quòd determinatè proponantur ei illi effectus; & sufficit multò debilius lumen ad videndum aliquos effectus in causa, si determinatè proponantur effectus illi: unde possemus dicere, quòd homines subtiles immediatè illuminantur ab ipsis causis: quia in ipsis causis per se ipsos vident effectus; grossi autem illuminantur per subtiles, quia grossi per se ipsos non possunt effectus videre in suis causis, sed reducuntur homines grossi

D. Dionys.
7. cap.

Addiscere
non est cre-
dere docen-
ti, sed vide-
re effectum
in causa, si-
cut videt
Doctor.

Aliorum ex-
plicatio de
illuminati-
one Ange-
lorum.

Contra pri-
mò.

Contra se-
cundò.

Deus potest
Angelos in-
feriores im-
mediatè illu-
minare, sed
hoc superio-
ribus non
ex indigen-
tia sed ex
benignitate
indulset.

in causas per subtiles proponendo deter-
minatos effectus & determinatas causas,
incipiunt illos effectus per huiusmodi
propositionem factam à subtilibus vide-
re in illis causis, quos non videbant. Sic
etiam in proposito, Angeli superiores
propter nimis perspicax lumen gloriæ
dicuntur illuminari immediatè ab ipso
Deo: quia ipsi per lumen, quod ha-
bent, vident multos effectus futuros in
ipso Deo, quos Angeli inferiores per
lumen, quod habent debilius, videre
non possunt: Angeli ergo inferiores il-
luminantur per superiores, & reducun-
tur in Deum per eos: quia superiores
Angeli proponendo eis effectus illos,
quos ipsi vident in Deo, talibus effecti-
bus sic propositis, fortificatur eorum lu-
men, eò quod non fertur in varia, sed
fertur solum in illos effectus, ut ex hoc
incipiant videre in Deo tales effectus per
auxilium superiorum Angelorum, quos
ibi prius videre non poterant. Si ergo au-
xilio superiorum Angelorum adipiscun-
tur Divinam scientiam, & incipiunt al-
liqua scire, & videre in Deo, quæ prius
non videbant, merito debent dici illu-
minati à superioribus Angelis, posset
autem Deus, si vellet, quemlibet Angelum
immediatè illuminare, & posset, si vel-
let, non uti auxilio superiorum Ange-
lorum ad illuminandum inferiores An-
gelos: sed ipse vult ordinatissime agere,
& ideò vult inferiora sive inferiores An-
gelos reducere in se ipsum per superio-
res: nam superiores Angeli sunt medij
inter inferiores & Deum: & lex Divini-
tatis est secundum Dionysium inferiora
in suprema per media reducere. Quod
ergo Deus sic agit, & hanc legem ser-
vat, non est ex sui indigentia: quia
posset præter hanc legem facere, sed hoc
est ex benignitate sua, qui vult dignita-
tem suam communicare creaturis, ut
non sint otiosæ, sed ut habeant actio-
nem aliquam in sua inferiora: Ange-
li ergo superiores aliquam actionem
habent erga inferiores, quia eos illumi-
nant, & reducunt eos in Deum: quod
faciendo sunt coadjutores Dei, quod
non provenit ex indigentia Dei, sed ex
benignitate ejus.

Respond. ad arg. Ad 1. dicendum,
quod Angeli superiores possunt illumi-
nare inferiores de istis inferioribus, ut de

pertinentibus ad Ecclesiam militantem:
circa enim ipsos homines existentes in
Ecclesia militante multa sunt contingen-
tia, quæ sunt ignota ipsis Angelis, quæ
ipsi Angeli superiores secundum Divi-
num beneplacitum vident in Deo, & de
hoc illuminant ipsos inferiores docendo
eos: Angeli ergo superiores possunt il-
luminare inferiores de istis inferioribus,
sive de pertinentibus ad hanc Ecclesiam
militantem, & illuminando eos de istis
inferioribus, illuminat eos etiam de
superioribus: quia ex hoc patet eis Di-
vina præordinatio, & patet eis multi-
formis sapientia Dei, quæ sic ordinatis-
simè omnia operatur. Ad formam au-
tem arguendi, cum dicitur, quod An-
geli vident plenè omnia ista inferiora.
Dici debet, quod verum est, quæ sunt
præsentia, sed non plenè vident omnia,
quæ sunt futura: immò de eis illuminan-
tur superiores immediatè ab ipso Deo,
inferiores autem à superioribus. Quod
autem arguitur, quod non possunt in-
feriores Angeli illuminari à superioribus
de rebus supremis: quia illæ sunt lux. Di-
ci debet, quod Divina sapientia quædā
lux est: attamen huiusmodi lucem nul-
lus Angelorum comprehendit; sed in
huiusmodi luce superiores plura vident,
quàm inferiores, de quibus possunt in-
feriores illuminare. Ad secundum dicē-
dum, quod licet operatio sit per mo-
dum substantiæ: quia quilibet res agit, ut
est in actu, & ut habet esse; tamen à
pluribus dependet ipsa operatio, quàm
ipsa substantia. Vnde non valet si potest
faber esse sine martello, quod possit o-
perari sine ipso: nec valet si discipulus
potest esse sine magistro, quod possit syl-
logizare, & agere opera artis sine eo:
licet ergo quilibet homo intelligat se-
cundum modum intelligentiæ suæ, vel
secundum modum sui intellectus, ope-
ratio tamen ejus intelligibilis potest de-
pendere, & dependet à pluribus, quàm
intellectus ejus. Sic & in proposito, in-
digent inferiores superioribus ad hoc,
quod possint aliqua intelligere: non ta-
men indigent eis ad hoc, quod pos-
sint esse. Vel possumus dicere, quod
cum dicitur in libro de causis, quod in-
telligentia intelligit secundum modum
substantiæ suæ: intelligendum est de sua
cognitione naturali: sed illuminatio, de
qua

qua hinc loquimur, attendenda est secundum cognitionem supernaturalem, quam habent Angeli in Deo, in quem reducuntur inferiores per superiores. Ad tertium dicendum, quod superiores non illuminant inferiores, quod causent lumen in ipsis: sed quia confortant, & fortificant eorum lumen; non quod lumen eorum debilitetur, & cadat sub tempore, sed fit talis fortificatio ex eo, quod superiores quodammodo uniunt, & determinant lumen inferiorum, proponendo eis determinatos effectus, ut est per habita manifestum. Ad quartum dicendum, quod quilibet Angelus de se est quoddam lumen: tamen inter lumen & lumen est differentia, quia stella à stella differt claritate. Prout ergo unus Angelus habet perspicacius lumen, quam alius, potest alium illuminare modo quo diximus. Ad quintum dicendum, quod maius lumen obfuscatur minus in corporalibus: nam ita disgregatur visum majus lumen, quod non sinit videre minus: unde ex hoc minus lumen videtur non apparere; sed in intelligibilibus non est sic, immò majus lumen facit ad intellectum minoris luminis. Licet enim cum vidimus valde sensibile, C non possumus videre minus sensibile, tamen cum intelleximus maxime intelligibilia, non minus, immò magis intelligimus infima, ut in 3. de anima assignatur differentia inter intellectum & sensum. Talia ergo intelligibilia, prout habent rationem majoris & minoris luminis, non se impediunt, nec se offuscant, sed magis se iuvant, & fortificant. Ad sextum dicendum, quod Divina essentia semper est præsens omnibus Angelis: tamen, ut sæpius dictum est, nullus eam comprehendit: ideo unus indiget con-

A debet, quod unus Angelus non illuminatur ab alio, quod recipiat lumen, quod non habet: quia non recipit novum lumen, nec quod recipiat lumen quod habet, quia non fit talis illuminatio per luminis retentionem, sed per luminis confortationem. Ad octavum dicendum, quod unus Angelus illuminat alium Angelum per lumen proprium; non quod ei det partem sui luminis, ita quod debilitetur lumen suum: sed per lumen proprium, quod habet Angelus superior, quod est lumen perspicacius, videt aliqua in Deo, quæ non potest videre inferior, quæ visa proponuntur inferiori, quibus propositis determinat & fortificat lumen inferioris, ut possit illa videre, & ex hoc dicitur ipsum illuminare. Ad nonum dicendum, quod lumen intellectuale ipsius Angeli est aliqua perfectio substantiæ ejus: perfectio autem substantiæ, sive ipsum accidens non se extendit extra subjectum quantum ad esse, sed bene se extendit extra subjectum quantum ad agere: ut calor in igne non se extendit extra ignem quantum ad esse; sed bene se extendit quantum ad agere, quia agit in stuppam, vel agit in alia ab igne. Sic & in proposito, lumen, quod est in uno Angelo, non se extendit quantum ad esse extra subjectum illius Angeli; sed bene se extendit quantum ad agere non directè sed indirectè. Non debemus enim imaginari, quod sic unus Angelus illuminat alium, sicut Sol illuminat aërem, quia causat in eo lumen; sed hoc est indirectè, ut quia Angelus superior per suum lumen videt aliqua, & proponit aliqua Angelo inferiori, per quæ excitatur Angelus inferior, ut unitivè & determinatè feratur in illa: & ex hoc (ut diximus) confortatur suum lumen, & cognoscit ea, quæ non posset cognoscere non confortatus: & ideo dicitur unus alium illuminare. Ad 10. dicendum, quod istud illuminare non est propriè & directè augmentare lumen, sed magis est augmentare operationem luminis: nam unire lumen est fortificare ipsum, quod possit fortius agere: de quo videmus exemplum in corporalibus. Fabri enim cum volunt fortiter calefacere ferrum, spargunt aquam super carbones: propter aquam

Plus 3. de
Anima côm.
5. & 2. de
Anima côm.
6.

quam autem superius superfusam calor ignis non exalat exterius, sed totus reflectitur ad inferiora: faber ergo projiciens aquam non propriè augmentat calorem ignis, sed unit; quia facit ipsum calorem non exalare ad exteriora, sed unitivè se habere ad calefactionem ferri: ita quòd ille calor unitus augmentatus est circa operationem, quam habet erga ferrum: quia fortius calefacit ferrum. Sic in proposito, quando Angelus superior proponit aliqua determinata ipsi inferiori, unit lumen ejus ut determinatè feratur in illa, & ex hoc lumen illud habet fortiorè actionē ad cognoscendum quæ sunt sibi proposita: sicut ergo faber per aquam non generat calorem, sed calorem unit, & augmentat actionem ejus: sic unus Angelus illuminando alium non generat in eo lumen, sed unit lumen, & uniendo lumen augmentat actionem ejus. Ad formam autem arguendi patet solutio, quòd unus Angelus non propriè augmentat lumen alterius, quia non fortificat lumen alterius ipsum augmentando, sed uniendo. Ad undecimum dicendum, quòd, ut patet, unus illuminat alium confortando lumen: sed lumen confor-

tatum habet perfectiorè operationem, non solum ut clariùs intelligat; sed etiam ut plura intelligat: ut unus homo subtilis, qui habet perspicaciam intellectus, non solum clariùs intelligit conclusiones elicitas ex aliquo principio, quàm alius homo grossus; sed etiam scit plures conclusiones elicere ex illo principio, quàm grossus: & idem homo grossus, si uniatur lumen suum, quia lumen sic unitum habet perfectiorè operationem, poterit plura intelligere per tale lumen fortificatum, quàm per non fortificatum. Ad ultimum dicendum, quòd corpora non possunt se ipsa movere ad aliqua: unde, si moventur, vel hoc est violenter, & per impulsione, vel hoc est naturaliter per aliquam formæ impressionem: sed intelligentia, quæ est naturæ intellectualis, est supra se convertiva: propter quod movet seipsam ad aliquid agendum: unde non oportet, quòd ei aliquid imprimatur, sed sufficit, quòd ei aliqua proponantur. Et hæc de

cognitione Angelorum ad
præsens dicta sufficiant.



INDEX NOTABILIVM

QUÆ IN QUÆSTIONIBVS DE ENTE, ET
ESSENTIA CONTINENTVR.

PRIMVS NVMERVS PAGINAM, SECVNDVS COLVMNAM DENOTAT.

A



Abolutum semper præcedit respectivum. Fol. 65. col. 1. lit. d.

Accidētia habent individuari per subiecta. 90. 2. d.

Accidens est, in quantum est aptum natum in esse, sed individuum, & determinatum ad speciem, in quantum actualiter inest. 95. 2. d.

Accidens cui non competeret individuatō per se, sed per subiectum, non est intelligibile, quod possit esse sine subiecto actualiter. 92. 1. b.

Actio Divina manens in Deo ipso, est ipsum intelligere, & velle Divinum. 43. 1. a.

Actio, quæ est perfectio à Deo in creatura recepta, quadrupliciter considerari potest. 45. 1. b.

Actio, quæ est perfectio à Deo in creatura recepta, sex alijs modis considerari potest. Ibidem. lit. c.

Actus non dicitur diminutus, neque limitatus, nisi ratione potentia, in qua recipitur. 88. 2. a.

Inter actum productum per transmutationem potentia receptiva, & actum productum sine tali transmutatione talis est differentia, quod hic producitur cum ipsa potentia, ille verò tempore præsupponit eam. 93. 2. c. & b.

Actus, scilicet esse, non potest esse existens per se, nec per se fieri, sed oportet esse, & fieri in alio, ut possit esse actus. 113. 2. b.

Agere immediatè potest referri ad tria. 12. 2. a.

Ab agente simplici, quomodo possunt plura immediatè procedere? 12. 1. d. & seq.

Agentium aliorum, quæ non sunt Primum, immediatus effectus est transmutatio. 19. 1. c.

Agere non valent secunda agentia nisi innituntur Primo; & ita effectui illorum subalterni debet effectus huius, & ideo producere possunt aliquid, sed non ex nihilo. 25. 2. b.

Albedo causata ab albedine ad hanc se ipsa

formaliter refertur, sed ad ipsum respectum solum subiectivè. 126. 2. d.

Anima quantum ad substantiam non est causata mediante intelligentia, sed quantum ad perfectiones. 9. 2. b.

Angelus dupliciter est mutabilis, substantialiter, & accidentaliter. 72. 2. c.

In substantia Angeli est etiam duplex infirmitas 72. 2. d.

Avicenna defendit non posse plura ab uno principio provenire. 9. 2. c. & d.

C

Calor in igne virtute formæ substantialis substantialem formam producit. 27. 1. b.

Si daretur calor separatus, qui esset primum agens, & perfectum, calefaciendo produceret calefactibile, & induceret calorem totum simul, & calefactio esset calor perfectus. 46. 2. a.

Calor separatus haberet omnem rationem caloris; calor receptus esset diminutus iuxta capacitatem subiecti. 87. 2. d.

Causam primam agere non præsupposito subiecto triplici via panditur. 19. 2. d.

In Christo Domino unicum est esse, si accipiat esse pro existentia. 81. 1. c.

Corpus coeleste cur indigeat alijs agentibus ad producendum? 13. 2. b.

Creaturae productæ à Deo per voluntatem plures sunt, quia nulla consequitur esse Divinum. 14. 2. c.

Creatio dicit tria. 20. 2. d.

Creatio, ut est actus manens in Deo, est alia à creatione, ut est actus transiens in exteriorem materiam, & etiam ab ea, ut relatio est. 21. 1. a.

Creatura, ut ens est, plus de potentialitate habet, minus que de perfectione. 34. 2. b.

Creare est per se facere, & immediatè esse dare. 39. 2. b.

Creatura potest communicari duratio infinita, sed non potest communicari potentia infinita. 40. 2. c. & d.

Creatio actio uno modo est in Deo, & alio modo in creatura, & hoc modo idem quod creatio passio. 43. 1. c.

Creatio

I N D E X

Creatio semper requirit substantiam in qua recipiatur, quæ & est effectus Dei, & accipit esse cum actione Dei, sed actio naturæ non producit materiam in qua recipiatur. 43. 2. b. & c. & d.

Creatio, & conservatio solum differunt secundum diversum respectum. 45. 1. d. & seq.

Creatio dicit esse creaturæ cum respectu ad Deum, sed hoc non dicit aliam rem, quam ipsam esse cum dependentia ad Creatorem. 47. 2. c. & d.

Creatio dicit esse ut inchoatum. 48. 2. c.

Nisi creatura componeretur ex potentia, & actu, una non esset potentialior alia, sed quælibet esset actus, & non salvaretur gradus in entibus. 90. 1. a.

Quomodo, si producit creatura cum esse recepto in essentia, potest salvari creatio. 101. 1. d.

Creatum omne debet esse compositum ex potentia & actu, 113. 2. c.

Creatura potest dupliciter considerari, & ut est quid genere, & ut est aliquid apud intellectum; hoc modo est cum duplici respectu; primo modo est composita ex essentia & esse. 114. 1. d.

Si creaturæ non essent compositæ ex essentia & esse, procedere à Deo ex necessitate naturæ quatuor vijs declaratur. 121. 1. c.

Prima ratio desumitur ex quadruplici creaturæ consideratione, & quadruplici ad Deum habitudine. Ibidem.

Habitus creaturæ ad Deum, qua producta est, dicit naturam, & respectum. Ibidem. 2. a.

Tertia habitudo creaturæ ad Deum nititur in eo quod sit à Deo producta sine ejus mutatione. 122. 1. a.

Quarta habitudo creaturæ ad Deum ortum habet ex eo, quod à Deo conservatur in esse per sui existentiam in creatura. 124. 1. a.

Secunda ratio sumitur ex comparatione creaturæ ad naturam Divinam. Ibidem. d.

Tertia ratio ex respectu creaturæ ad Divinum intellectum. Ibidem. 115. 1. b.

Quarta ratio venatur ex consideratione naturæ, & suppositi. 126. 1. b.

D

Demonstratione à priori demonstrari non potest corpora superælestia esse composita ex materia, & forma. 74. 1. c.

Deus sine transmutatione materiæ potest aliquid facere ex nihilo. 18. 2. d.

In Deo non solum est ratio rei, sed etiam rationalis rei. 20. 1. b.

Deus simul creavit coelum, & terram non ex aliquo præsupposito, & tamen productum erat compositum ex materia, & forma, sic creare potest compositum ex esse, & essentia utrumque simul producendo. 101. 2. b.

Deus si producendo esse non transmutaret essentiam, etiam si hæc præexisteret, talis productio creatio esset. 101. 2. d.

Deus est esse omnium, non omnium formaliter, velut à forma in hærente, sed casualiter ut est principium omnis esse. 112. 2. a.

Deum produxisse ab æterno omne creabile ab ipso, & quod producibile in tempore non sit immediate à Deo, fuit opinio aliquorum philosophorum. 125. 2. c.

Differre tripliciter dicitur secundum aliquos, scilicet re, ratione, & intentione. 62. 2. c. & d. & 97. 1. d.

In ter differre re, & differre ratione nullum datur medium. 67. 1. c.

Differre intentione non est tertium differre à differre re, & ratione, sed commune secundum Commem. quia aliquando sumitur pro differre re, aliquando pro differre ratione. Ibidem 2. a. & b.

Differentia rei, & rationis, & intentionis impugatur. 109. 1. d.

Distantia infinita inter nihil, & aliquid est negativa, non res positiva. 23. 1. b.

Distinctio duplex de possibili subjective, & objective. 97. 1. b.

Duratio infinita potest communicari creaturæ, sed non infinita potentia. 40. 2. c. & d.

E

Ens in actu est unum simpliciter, ens in potentia non ita. 51. 2. c.

Ens uno modo dicit figuras prædicamentorum, & sic quælibet res est ens per essentiam suam. Alio modo dicit ipsum existens, & sic non solum essentiam, sed existentiam importat, & dicitur ens per participationem, & solus Deus est ens per essentiam. Ibidem. 68. 2. a.

Ens dupliciter accipitur, vel ut dicit quidditatem rei, sive rem prædicamenti, vel ut dicit existentiam rei. 68. 2. b.

Nihil est latius, nec simplicius ente. 103. 2. d.

Nisi elementum esset realiter compositum ex materia & forma, non esset unum elementum materialius alio. 89. 2. d.

Idem effectus immediate est à Deo, & à natura, sed non immediate totaliter. A Deo immediate totus in ratione entis; à natura im-

INDEX

immediate totus in ratione talis specificè, sub qua ratione etiam à Deo producitur mediante natura. 29. c.

Datio ipsius esse habet similitudinem creationis, & datio aliarum perfectionum habet similitudinem informationis. 33. 2. a.

Esse creatum est ens, & est tale ens, & est tale ens hoc signatum. 39. 1. a.

Esse creatum, ab alio habet, quod sit ens, & ab alio habet, quod sit tale ens, & ab alio habet quod sit tale ens hoc signatum. ibidem.

Esse formaliter tale, dupliciter, vel tanquam forma, vel tanquam participatio formæ. 60. 1. a.

Esse Divinum est esse purum per se existens: esse verò creaturæ est non purum, & in alio receptum. 65. 2. a.

Esse creaturæ, & ipsius essentia habent actua-lem respectum ad productorem, esse in-quantum est receptum, essentia verò in-quantum est recipiens. ibidem B.

Esse essentiæ, & essentia solùm differunt, ut abstractum & concretum, sed esse existent-ia & essentia differunt, sicut perfectibile à perfectione. 67. 1. b.

Si esse existentia materię esset essentia ma-terię, non posset intelligi materia, quæ non existeret, sicut non potest intelligi ens quod non sit unum. 70. 2. a.

Esse est in genere substantiæ, tanquam ac-tus substantiæ, sive essentiæ, & habet quemdam modum accidentalem actua-lem. 71. 2. c.

Ab essentia ex materia & forma fluit esse, quod est perfectio totius esse vel compo-siti. 80. 1. c.

Quamlibet essentiam completam non pluri-ficari, triplici via declaratur. 81. 2. B.

Plura esse nequeunt dari propter formam partis, & totius. 83. 1. a.

Etiā ex parte ipsius esse repugnat pluri-fi-cari in re una. ibidem.

Esse est in eodem genere cum essentia sub-stantiæ. 85. 1. a.

Esse per essentiam, in qua recipitur, indivi-duatur, & determinatur ad speciem, & ad genus. 91. 1. d.

Esse communiter acceptum ad esse essentiæ, & esse existentia. 93. 1. c.

Essentia, quæ proprietate suæ naturæ habet quod sit, est ipsum esse, quod nec ac-quirere, nec perdere potest; sed essen-tia, quæ non proprietate naturæ, sed ex-trinseca denominatione & per respectum ad agens est suum esse, potest acquirere,

& perdere ipsum esse. 98. 1. d.

Effugium per differentiam respectus ex na-tura propria, & ex mera libera actione Dei præcluditur. 108. 1. a.

Esse ut est, non habet unde corrumpatur, sed ut est ens creatum. 111. 1. d.

Esse est in genere substantiæ tanquam prin-cipium, quo substantia est in rerum natu-ra. 111. 2. c.

Essentia triplex: quædam est ipsum esse, ut essentia, quæ est actus tantum, quædam nec est ipsum esse, nec immediatum fun-damentum esse, ut materia prima, quæ est potentia tantum, quædam nec est ac-tus tantum, nec potentia tantum, sed immediatum (ut forma) fundamentum ipsius esse, respectu cuius est potentiale quid, & respectu materiæ quid actuale. 117. 2. a & b.

Essentiam realiter ab esse differre, non est impossibile probare, sed difficile, supposi-ta veritate opinionis Philosophorum. 121. 1. b.

Extensio materiæ an sit alia ab extensione quantitatis. 50. 1. d.

Extensio materiæ an sit res alia à materia. 50. 2. a.

Extensio materiæ quomodo possit esse mo-dus quidem se habendi? ibidem c.

Extensio quantitatis est per essentiam, ma-terię verò per participationem. 53. 1. a.

Extensio materiæ est participatio quantitatis, & semper est eadem, materia, diversifica-ta per esse, & non esse extensam. 54. 2. b.

Nulla alia extensio informat materiam, & si quantitas, à qua participat esse exten-sam; & talis participatio, quæ non est quantitas, sed modus taliter essendi, ex-tensio dicitur materiæ. ibidem d. & seq.

Vna est extensio quantitatis, quæ materiam informat, aliæ extensiones sunt per par-ticipationem. 55. 2. d.

Extensum, vel dicit formam, & sic non est aliud à quantitate, vel dicit participatio-nem formæ, & sic non est aliud à mate-ria taliter se habente. 80. 1. a.

Non reperitur in effectu tanta unitas, quan-ta reperitur in causa. 85. 1. d.

F

FORMAM esse in potentia materiæ quid sit? 18. 2. a.

Forma substantialis semper est principium mediante forma accidentali. 31. 1. a.

Forma substantialis non potest esse imme-diatum principium operationis. 38. 1. b.

Rr

For-

I N D E X

Forma quid perfectum nominat, & materia, ut est sub forma, ita ut illa sit essentialiter perfectio, hæc per participationem. 52. 1. d.

Forma totius dicitur, quia totum explicat, ut formam, vel per modum formæ, ut humanitas. 80. 1. c.

Implicat esse in eadem re plures formas totius, loquendo de naturali rerum cursu. 82. 1. c.

Propter plures formas partis possunt esse plura esse. ibidem d.

Propter plures formas partis possunt esse in re diversa esse indistincta à formis, vel modi essendi sub forma, sed diversa esse, quæ sint res realiter differentes à materia, & forma, poni nequeunt. 82. 2. c.

Etiā si Deus possit producere formam sine materia, non potest producere esse sine essentia. 93. 1. a.

G

Generari non potest, quod non potest corrumpi. 73. 2. a.

Generans quantum dat de forma, tantum dat rei de loco. 89. 1. b.

Genus potentia habet differentias omnes, actu verò nullam. 74. 2. c.

H

DE quadruplici habitudine creaturæ ad Deum plura habes. 121. usque ad 126.

I

Illuminari, & illuminatum esse est idem, quia fit in instanti, sicut creari, & creatum esse. 48. 2. d.

Immediatum dupliciter dicitur. 1. quia est principale & primum. 2. quia est conjunctum, & proximum. 26. 2. b.

In intelligentiis sumitur ratio actualitatis ex esse, & ex essentia ratio materialitatis. 103. 2. b.

In intelligentiis se habet natura, ut quid materiale, & esse, ut quid formale. 47. 1. a.

Intelligere in Deo dicitur creatio causaliter: in creatura esse receptum est creatio formalis. 43. 1. d.

In una, & eadem intelligentia non possunt esse plures formæ, nec partis, nec totius. 82. 1. a.

Id, quod potest esse cum opposito alicujus, ab hoc debet realiter distingui. 110. 2. b.

M

Tota potentia materiæ non finitur, nec terminatur per unam formam. 40. 1. a.

Materia ita est propè nihil, ut non possit dari creatura media inter materiam primam & nihil. 40. 1. d.

Motus duo dicitur, actum ratione acquisiti, & potentialitatem ratione acquirendi, sed formalius in motu est ordo ad acquirendum. 47. 1. b.

Potentia materiæ dicitur ipsius essentiam, & respectum in hac fundatum, qui non est res aliqua ab essentia materiæ. 47. 2. c.

Materia utrum sit compositior cum modo se habendi, quam sine illo. 50. 2. d.

Materia an cum tali modo possit pertinere ad prædicamentum substantiæ? ibidem d.

An in materia sint innumerabiles extensiones? 51. 1. a.

Circa naturam materiæ erravit Plato. ibidem. 2. a.

Materia sub privatione duo imperfecta continet, materiam scilicet, & privationem, illa participans imperfectionem, hæc ipsa imperfectio est. ibidem d.

Materia considerata sine extensione, & actu extensa, non est nisi materia in actu facta, qualis erat in potentia, diversificata tamen per aliud, & aliud, sed ipsa non est aliud, & aliud. 55. 1. c.

Materia extensa dicitur compositior, quam non extensa, & carens partibus. ibidem. 2. a.

Materia extensa ad prædicamentum substantiæ atinet. ibidem.

Eadem est essentia materiæ cum suo non esse, quod per privationem habet, & cum suo esse, quod per formam habet. 57. 2. a.

Prima ratio, quare materia per quantitatem extenditur. ibidem c. & d.

Materia habens modum extensionis est in eodem genere, in quo intelligitur ante extensionem: & cum tali modo, vel sine illo pertinet ad prædicamentum substantiæ. 59. 1. c. & d.

Materia nec actu intelligitur, nec actu existit sine forma, hæc autem potest actu intelligi, non verò existere actu sine esse. 76. 2. d.

Motus existit duplex in rebus, aliæ moventur ex se, & hæc vivunt, aliæ non moventur ex se, & non dicuntur vivere. 104. 2. c.

N

EX nihilo aliquid quomodo fiat? 13. 1. d.

Ex nihilo aliquid fieri est fieri aliquid post ni-

I N D E X

nihil. 22. 2. d.
 Ex nihilo aliquid fieri, potest esse tribus modis. 23. 1. a.
 Nihil est supra Deum, & supra creaturam est aliquid: & ideo non eodem modo Deus, & creatura distant à nihilo. 40. 2. b.

O

Quomodo differat operatio Dei ab operatione creature. 38. 1. d. & seq.
 Quod potest esse cum opposito alicujus, ab hoc debet realiter distingui. 110. 2. b.

P

Perfectio pura, vel separata, quanto universalior, tanto perfectior: participata verò, vel in materia recepta, quanto universalior, tanto imperfectior. 34. 1. a.
 Possibili subjective, ut materia, debet addi aliqua actualitas, ut sit, sed ut possibile objective sit, & existat, sufficit, quòd ad ipsum terminetur ratio agentis. 98. 1. a.
 Plura immediate à Deo processisse quomodo intelligatur? 11. 1. & 2. c. & seq.
 Quæ procedunt ab aliquo artificialiter, ab ejus esse deficient, quæ verò naturaliter, aliqua deficient, & aliqua non. 128. 1. d.
 Quia productio est totius compositi ex esse & essentia, ideo est proprie utriusque creatio. 102. 1. b.
 Ratio producti solum dicit respectum ad producentem, sed taliter producti cum dependentia in esse, dicit quid defectivum. 221. 2. b.

Q

Quantitas dicitur extensio materiæ, & ipsa participatio quantitatis etiam extensio dicitur, & ideo dupliciter dicitur extensio materiæ. 56. 2. b. c. d.
 Specialis ratio, quare quantitas potest esse sine subjecto, quia de se individuatur. 90. 2. c.

R

Ratio, qua res talis est, est à materia. 20. 1. c. & d. & 2. a.
 Relationes Divinæ non sunt ratio generandi, sed natura. 14. 2. a.
 Res habent quadruplex esse: sunt enim æternaliter in Verbo; causaliter in elementis; seminaliter in materia; essentialiter in se ipsis. 28. 1. d.
 Rem omnem esse compositam ex materia & forma aliqui dixere Doctores. 66. 1. a. b. & c.
 Quælibet res secundum suam essentiam est in prædicamento, sed prout participat

esse, est in rerum natura. 68. 2. c.

Res una est ens per essentiam suam, si accipitur ens prout dicit quidditatem; non verò si accipiat prout dicit existentiam. 69. 2. d.

Ratio prima asserentium, quòd non potest stare creatio cum compositione ex essentia, & esse. 96. 2. a.

Res tripliciter considerari possunt, prout sunt in se, prout tendunt ad aliquid, & prout habent formaliter alia in se ipsis. 104. 2. b.

Respectus solus per se nec acquiri, nec perdi potest, quia ad relationem non est motus. 107. 2. c. & d.

Res omnes habent esse compositum ex potentia & actu. 113. 2. d.

Universaliter est verum, quòd si res acquirat, vel deperdit respectum aliquem, sit per se, vel per aliud: si hoc secundo modo, in tali erit facta mutatio, si hoc sit primo modo, debet acquirere rem aliquam, vel perdere, ut acquirat, vel amittat respectum. 123. 1. a.

Respectus nec acquiritur, nec deperditur, nisi quia acquiritur, vel deperditur res, in qua fundatur. 123. 2. a.

Quid sit referri formaliter, & quid referri subjective. 126. 2. c.

Res temporales non posse immediate procedere ab agente æterno & immutabili fuit opinio Philosophorum. 127. 1. c.

S

Scientia Dei causa est immediate totaliter effectuum, quos Deus producit immediate totaliter, & eorum quos non producit immediate totaliter, scientia Dei non est causa immediate totaliter. 30. 2. b. & c.

Similitudo inter esse & essentiam, & intelligere & intelligentiam. 97. 2. c.

Substantia existit per esse, quo perficitur; accidentia existunt, quia recipiuntur in existente. 81. 2. a.

Suppositum creatum non potest assumere plures naturas in unitatem suppositi, sicut potest suppositum Divinum. 82. 1. c.

In eodem subjecto non possunt esse plures albedines, quia una esset perfectio alterius, quod non patitur ratio albi. 84. 1. c.

Vnum subsistens, & unum esse est realiter in omni re. ibidem 2. d.

V

Verbum omne interius habet rationem geniti, non verò exterius. 22. 2. a.

Vnum per se non sit neque ex duobus in actu, nec ex duobus in potentia. 123. 2. c.

INDEX

NOTABILIVM OCCVRRENTIUM

IN QVÆSTIONIBVS DE MENSURA,
ET COGNITIONE ANGELORVM.

- A**CTIO, & passio, & motus est eadem res sub diverso ordine considerata. Et quomodo actio fundatur in motu, & motus in actione. Pag. 160. per totam.
- Actio immanens est perfectio agentis, & actio transiens perfectio passi. 295. 1. b.
- Actio sensibilis, passio sensus, & visio sunt realiter idem, quod species impressa sensui. 296. 1. a.
- Accidentia aliqua sequuntur formam, alia materiam. 275. 2. d.
- Accidens incompletum præcedit substantialem formam; completum verò sequitur. 311. 1. b.
- In accidentalibus agens prius assimilatur sibi passum, quàm in substantialibus. 311. 2. b.
- Quæ accidunt individuis, communi nomine accidentia vocamus, sed quæ speciei, & ejus inseparabilia sunt, proprietates appellamus. 346. 2. d.
- Accidens non se extendit extra subjectum quantum ad esse, sed quantum ad agere. 461. 2. d.
- Actus est duplex, esse & operari, & suas habent mensuras secundum quod habent de successione, & permanentia. 132. 1. d.
- Quomodo Angelus per actum unius potentie movetur ad actum alterius potentie. 262. 2. c.
- Idem actus numero, sive substantialis sive accidentalis, non potest esse in diversis substantiis. 263. 2. d.
- Quid sit actus sensus interioris. 296. 1. a.
- Actus intelligendi non procedit ab intellectu, & specie, tanquam à materia & forma; sed tanquam à duobus agentibus. 325. 2. c.
- Actus consequens formam existentem in re, alius est simpliciter naturalis, alius simpliciter voluntarius, alius partim naturalis, & partim voluntarius, sicut dicit Philosophus de his quæ fiunt ab arte & natura. 332. 2. a.
- Activum conjunctum passivo oportet illud agere & istud pati. 336. 2. d.
- Addiscere quid sit. 459. 1. b.
- Omne agens secundum exigentiam formæ agit, & omne cognoscens, secundum quod in se habet cognitum, cognoscit. 399. 1. d.
- Angelus est variabilis quantum ad operationem, & invariabilis quantum ad esse, non tamen invariabilis à se, sed ab alio per participationem. 138. 2. b.
- Angelus, ut incorruptibilis, nunc ævi mensuratur, ut verò per affectiones variabilis, mensuratur nunc temporis. 140. 1. b.
- Angelus non potest fieri ita supremus, quin fieri possit alius superior. 131. 1. c.
- Angelus superior non est notior Angelo inferiori, magis quàm ille sibi ipsi. ibidem 2. b.
- In Angelis non est prædicamentum quando, nec habitus, nec situs. 178. 2. d.
- Quare Angelus semper vult stare in intellectione Dei, & in sui intellectione; non verò in intellectiōibus, quæ fiunt per species. 250. 1. b.
- In Angelo intelligere alia, est quid voluntarium, sed intelligere se, aliquomodo est naturale, & voluntarium aliquomodo. 337. 1. a.
- Quare Angeli superiores intelligunt per universaliōres species. 386. 1. b.
- Modus intelligendi Angelicus est intelligere res secundum quod sunt in se ipsis. 390. 2. c. & 408. 2. d.
- Angelus primò & principaliter intelligit naturam representatam per speciem, & ex consequenti ea quæ habent esse in talinatura. 391. 1. d.
- Angelus comparari potest, ut intelligat, ad quinque. 361. 2. c. & 398. 2. d.
- Quomodo Angelus fortius homine cognoscit. 394. 1. d.
- Quid & quomodo Angelus in prima sui conversione cognoscat, & in secunda, & tertia, & quarta. 398. 1. b.

I N D E X

- Angelus superior scire potest quid inferior considerat in generali, non in particulari: & similiter quilibet Angelus de homine. 317. 2. b.
- Quare dicuntur Angelo nota, quæ sunt ex parte intellectus, non ea quæ sunt ex parte voluntatis. 420. 2. b.
- Quomodo potest Angelus sine sui mutatione cognoscere aliquid, quod prius non agnoscebat. 347. 1. c.
- Unus Angelus in alterius intellectu, neque intellectionem, neque speciem intelligibilem causare potest. 351. 1. c.
- Angelus non potest cognoscere plura simul, ut plura, & eodem modo. 359. 1. b. & 369. & 350. 1. b.
- Quare Angelus se ipsum & alias creaturas intelligit naturaliter, Deum verò non naturaliter. 359. 2. d.
- Quomodo habeat Angelus cognitionem meridianam, vespertinam, & matutinam. 360. 1. c.
- Potest Angelus simul intelligere se per essentiam suam, & specialiter alium per speciem. 362. 2. c.
- Non semper Angelus se plenè & perfectè intelligit. 365. 1. d.
- Visio Dei non impedit in Angelo alias intellectiones; secus verò intellectio sui. 365. 2. c.
- Si Angelus Deum & creaturam cognoscit tanquam objectum principale, Deus erit objectum principale, ut præsens per essentiam, cognitum per gratiam; creatura erit objectum principale cognitionis Angelicæ per naturam. ibidem. 2. d.
- Angelus intelligendo simul plura supposita, plures proprietates, & plures effectus, intelliget illa in ordine ad naturam, has in ordine ad subjectum, & effectus in ordine ad suas causas. 372. 2. b.
- Quanto Angelus est perfectior, tanto habet pauciores species: & quanto animatum est perfectius, tanto magis requirit plures potentias. 383. 1. 6.
- Perfectio, quæ collocat animatum in alio genere vel gradu, multiplicat potentias ipsius. ibidem. 2. b. & 382. 2. b.
- Et quomodo hoc possit intelligi non de Angelo secundum se, sed secundum genus suum. 384. 2. c.
- Quatuor rationes, ob quas notæ sunt Deo cognitiones & affectiones nostræ, non verò Angelis. 421. 1. b.
- Ea quæ sic sunt determinata, quod ex earum determinatione apparet diversitas in rebus, nota sunt Angelo; ignota verò, si non apparet talis diversitas. 422. 1. c.
- Angelus perfectè non comprehendit neque suam virtutem intellectivam, neque suas species intelligibiles. 323. 2. c.
- Dupliciter potest Angelus loqui homini. 428. 2. a.
- Et dicto modo Angelo. 429. 2. b.
- Cui etiam potest loqui per applicationem virtutis ad corpus transmutando, vel non transmutando. 430. & 442.
- Quomodo Angelus loquitur Deo, homini, sibi ipsi, & alteri Angelo. 434. 2. c.
- Quid sit scire Angeli, intelligere, & loqui. 435. 1. b.
- Et quæ signa vel verba Angelorum possunt ire in infinitum. 446. 2. a. & 448. 2. b.
- Quid sit dicendum neganti talem infinitatem. 448. 1. c.
- Quomodo Angelus ratione naturæ, non ut in gratia confirmatus, decipere potest. 449. 1. d.
- Quæ sunt magis conjuncta animæ secundum naturam, sunt magis distantia secundum cognitionem. 454. 1. d.
- Astrorum effectus impediri possunt ex defectu causarum inferiorum coadjuvantium, vel ex indispositione materiæ. 406. 1. c. & d.
- Agens creatum non attingit passum per suam substantiam immediatè, sed per aliquod accidens. 310. 2. d.
- Æternitas nomen latinum, ævumque nomen est græcum. 135. 2. c.
- In æternitate prioritas & posterioritas assignari potest. 220. 1. a.
- Ævum quot modis accipitur. 133. 2. d.
- Ævum est mensura secundum totum, & tempus est mensura secundum partes, & quot sunt modi acceptionis totalitatis, tot modis accipitur ævum. 134. 1. b.
- Ævum simpliciter, & æternitas simpliciter est in Deo; ævum participatum & æternitas participata in æviteris. 146. 2. b.
- Non est unum ævum omnium æviterorum. 147. 1. b.
- Quare ævum non facit per se prædicamentum. 185. 2. d.
- Et quare est in prædicamento substantiæ. 191. 1. c.
- Triplex ævi consideratio, secundum unam habet modum relativum, secundum aliam quantitativum, & secundum aliam qualificativum. 228. 1. a.
- De ævi successionem triplex opinio. 225. 1. d.
- Ævum hanc solam habet conditionem æternitatis.

I N D E X

nitatis simpliciter ; totum secundum totum metiri. 234. 2. a.

Et hac est essentialis differentia respectu temporis, quod mensurat secundum partem. 135. 1. a.

In ævo quantum ad suas partes non est prioritas nec posterioritas, sed secundum se totum, & respectu alterius potest esse. 132. 2. b.

Quid Aristoteles senserit de rerum factione. 303. 1. a.

Arist. & Achitas rationabiliter judicarunt opposita in præferentia quætitatis vel qualitatis. 276. 2. a.

Quomodo in ævo intelligitur successio. 225. 1. d.

Triplex ævi comparatio. 223. 2. b.

Assimilationis triplex modus assignari potest. 307. 1. c.

Quatuor considerata circa causam creatam. 405. 1. a.

Vnum contrarium habet rationem privationis, & aliud rationem habitus. 152. 2. d.

Cælum, ut est incorruptibile ; mensuratur nunc ævi, ut mobile verò, nunc temporis. 140. 1. b.

Quæ sit cognitio meridiana, vespertina & matutina. 360. 1. c.

Cognitio perfecta non solum ducit in objecti noticiam, sed etiam in annexorum objecto, quæ perfectio ex quinque provenire potest. 397. 1. a.

Modus totus cognitionis Angelicæ quadruplici innititur conversioni per ordinem se habenti. 379. 2. c.

Combinationes quatuor fieri possunt, quando aliquid variatur secundum duas conditiones, 358. 2. c.

Continua, secundum quod huiusmodi, sunt rationes in toto & in partibus. 152. 2. d.

Continuatio temporis, & motus quare secundum aliquos sit per quantitatem. 212. 1. b.

Contactus est duplex, situalis, & virtualis 312. 1. b.

Certis temporibus redit eadem conjunctio siderum, non tamen redit idem effectus in istis inferioribus. 413. 2. b.

Color albus est mensura colorum, quia est magis simplex participans de luce. 132. 1. b. & 152. 2. d.

Alij colores secundum quod magis accedunt ad album, magis participant de

perfectiōe. 133. b.

Quomodo colores medij componantur ex albo & nigro. 152. 2. d.

Color medius est imperfectè albedo, & imperfectè nigredo. ibidem.

Creatio Angeli est in instanti ævi ; annihilatio verò in corruptione instantis. 229. 1. c.

Creatura ita sublimis, quod non possit dari sublimior, creati non potest. 184. 2. b.

Quidquid est in creatura, vel est perfectio, vel est susceptivum perfectionis, vel perfectionis oppositum. 211. 2. d.

Creatio Angeli fuit in instanti temporis, & etiā esset annihilatio, dummodo tempus esset. 230. 2. a.

D

Nullus Angelus comprehendit Deum, quia si totum videat, non tamen totaliter. 458. 1. b.

Addiscere non est credere docenti, sed videre effectum in causa, sicut videt Doctor. 459. 1. b.

Deus, sive primum ens, vel prima substantia est mensura omnium entium, & substantiarum, per cujus accessum, vel recessum cognoscitur quantitas perfectionis entium sive substantiarum. 148. 2. d.

Deus, quia est ipsa perfectio separata, est omnino simpliciter unus. 251. 2. d.

Deus solus allabitur spirituali menti. 310. 2. c.

Deus cognoscit naturam ; & supposita, in quibus est, erit, & est possibile esse, & omni modo quo cognoscibilis est. Deus in genere intelligibilem est sicut actus tantum intellectus noster nascitur sicut abiciens actum, Angelicus verò tanquam potentia conjuncta actui. 392. 1. a.

Quomodo Deus perfectissimè cognoscit, & homo debilitè, & Angelus fortius homine. 394. 2. a.

Deus est causa perfecta, & totalis potens si ne causa secunda quidquid potest ea mediante. 401. 1. b. & 406. 2. a.

Quomodo Deo sunt omnia presentia. 407. 1. b.

Quia Deus mensuratur nunc æternitatis, quæcumque ibi sunt. 499. 1. b.

Quæ non sunt simul in proprio genere, sunt simul in Divina cognitione. 409. 2. a.

Deus movens ad aliquid, & impetum faciens in anima nostra, videt utrum & qualiter sequamur huiusmodi impetum, & utrum, & qualiter desiciamus. 422. 2. a.

Quia Deus movet voluntatem nostram est causa

I N D E X

causa efficiens operationem ejus, & intellectus, & conservat, & cognoscit ejus affectiones, & motus. 403. 1. c. & 2. b.

Deus potest Angelos inferiores immediate illuminare, sed hoc superioribus non ex necessitate, sed ex benignitate indulgit. 360. 1. c.

Deum non se decipere potest. 449. 1. d.

E

ESSSE substantiæ pertinet ad prædicamentum substantiæ per quamdam similitudinem, etsi sit accidentale esse. 196. 1. a. & b.

Quas causas assignaverunt aliqui eclipsis lunæ. 459. 1. c.

Empedocles positio de rerum divisione à principio. 393. 1. c.

Esse est actus formæ substantialis, & operari actus est formæ accidentalis. 133. 2. b.

Triplex est esse, scilicet, generabilium, Angelorum, & Dei. 137. 2. b.

Esse æviternei consideratum ut est totum simul, habet rationem ævi. 159. 2. b. & 161. b.

Esse simpliciter dat substantia, esse per extensionem vel multiplicationem dat quantitas. 178. 2. b.

Quadruplex est esse rerum, Dei, æviterriorum, temporalium, & accidentium. 335. 1. b.

Essentia Divina non potest ab aliquo cognosci neque per speciem, neque per aliquid aliud, quàm per se ipsam. 324. 2. b.

Quod est necesse alicujus, vel est perfectio essentia, vel conservativum essentia. 42. 1. d.

Effectus Astrorum impediri possunt ex defectu causarum inferiorum coadjuvantium, vel ex indispositione materia. 406. 1. c. & d.

F

Forma qualiter dicitur facere ad esse privationis. 152. 2. c.

Forma non inducitur successive quantum ad essentiam; sed quantum ad esse potest successive accidentalis forma. 192. 1. a.

Tam forma substantialis, quàm accidentalis est in essentia materia, & non est in eis ordo situs, sed causalitatis. 338. 1. c. & 363. 1. c.

Formæ materiales quàm communiore, tantò sunt imperfectiores; immateriales quàm communiore, tantò perfectiores. 379. 1. d.

Ignorantia futurorum in Angelo impedit

cognitionem temporis, prout in eo habent esse futura. 411. 1. b.

Angelus de individuo futuro scire potest quid nominis, non quid rei. 412. 2. a.

In contingentibus futuris non est veritas determinata, etsi altera pars contradictionis erit, nulla est determinatè vera. 411. 2. a.

G

Genus etsi nō sit forma una in esse, potest esse unaforma in repræsentatione. 387. 2. c.

Quinque sunt gradus rerum. 245. 2. d.

Quod est propriè & per se directè in genere, non potest repræsentare sufficienter & in propria forma aliquid nisi seipsū. 324. 1. a.

H

EX diversitate ordinis & habitudinis variantur prædicamenta. 174. 2. b.

Ex habitudine & ordine sumitur relatio; ex re & ordine sumuntur sex prædicamenta; ex re absoluta sumuntur tria. 176. 1. a.

Necessitas ponendi prædicamentum habitus. 185. 1. a.

Homo potest alium docere quadrupliciter: indirectè, imprimendo speciem intelligibilem: imprimendo lumen: formando propositionem: & confortando lumen ejus. 453. 2. a.

I

IDeæ Divinae sunt ipsa Divina essentia, ut diversimodè imitabilis à creatura. 380. 1. a.

In eodem instanti æternitatis simplicissimo temporalia incipiunt esse, & desinunt esse; non tamen sunt, & non sunt. 228. 2. b.

In intellectione Dei, & in sui intellectione, non verò aliorum, semper stare vult Angelus. 250. 1. b.

Tales primæ intellectiones mensurantur ævo, ultima verò tempore. 253. 2. b.

Instans, non tempus, mensurat operationem Angeli. 269. 1. b.

Angelus stans in operatione, quomodo moveatur, & quomodo quietetur. 270. 1. a.

Propter triplex inconveniens non potest Angelus alia cognoscere per eorum essentiam. 310. 1. a.

Angelus per habitum naturalem absque speciebus non potest sua intelligibilia cognoscere. 323. 2. d.

Angelus non habet species factorum, fieridorum, & fieri possibilem. 326. 2. d.

Angelus causans in se intellectionem, est in actu ut causet, & est in potentia ut recipiat

I N D E X

- piat, sed non secundum idem. 335. 1. a.
 Et est ad actionem intelligibilem fieri per
 potentiam intellectivam, & ad actionem
 intelligibilem facere per speciem intelli-
 gibilem. ibidem d.
 Intelligere, quod in Angelo præcedit velle,
 est quasi naturale, & ad ipsum non mo-
 vet voluntas, sicut movet ad intelligere
 alia à se. 340. 1. a.
 Quinque differentie inter intellectum Ange-
 licum & nostrum. 344. 1. a.
 Quæ accidunt individuis, communi nomine
 accidentia vocamus, sed quæ speciei &
 ejus inseparabilia sunt, proprietates appe-
 llamus. 346. 2. d.
 Quæ signa Angeli possunt ire in infinitum.
 446. 2. a. & 448. 1. b.
 Quare intellectus dicitur species specierum,
 & manus organum organorum. 305. 1. c.
 Intellectus secundum aliquem actum assimila-
 tur sensui exteriori, qui sit in actu ad so-
 lam præsentiam sensibilis. 297. 1. b.
 In instanti æternitatis fiunt quæcumque fiunt,
 & desinunt esse quæcumque desinunt. 230.
 1. b.
 Ex instantibus componitur tempus mensu-
 rans operationes Angelicas, non acci-
 piendo instans principaliter, & propriè
 pro substantia mobilis. 267. 2. d.
 Intellectus Angeli in tribus differt ab intel-
 lectu nostro. 356. 1. c.
 Quare in intellectu Angeli non est intellectio
 causata ab specie, si non subternatur cog-
 nitioni ab essentiâ causatæ, & non sic in
 nobis. 364. 1. a.
 In intellectu Angeli sunt tres intellectiones
 si nullo, sed secunda est perfectio primæ,
 & tertia utriusque. 363. 2. c.
 Intellectus reducitur in actum à specie per
 intensionem voluntatis convertentis se
 super ipsam speciem. 327. 2. c.
 Intellectus Divinus nullo modo afficitur re-
 bus; intellectus humanus afficitur & quan-
 tum ad speciem, & quantum ad actum
 intelligendi: Angelicus verò aliquo-
 modo afficitur, & aliquomodo non.
 250. 1. b.
 Intelligens per abstractionem non intelligit
 per se nisi universale, sed particulare in-
 telliget per reflexionem super aliquam
 virtutem organicam. 353. 1. a.
 Intellectus noster, qui est infimus in intelli-
 gibilibus, conjungitur phantasie, quæ
 est suprema in sensibilibus. 353. 2. d.
 Intelligere semper se, & ea quæ sunt in ipso,
 & suarum specierum objecta sub modo
 confuso per unam intellectiõnem, est na-
 turale Angelo. 362. 1. b.
 Omnes idæ in Deo una & eadem res est
 simplissima, ipsa, scilicet, Divina essen-
 tia. 386. 2. c.
 Quomodo contingit illuminatio Angeli.
 356. 1. c.
 Aliorum placita de Angeli illuminatione.
 159. 1. b.
 Angeli superiores immediatè dicuntur illu-
 minari à Deo per nimis perspicax lumen;
 inferiores verò illuminantur à superiori-
 bus. 460. 1. a.
 Illuminare non est propriè, & directè aug-
 mentare lumen, sed potius luminis ope-
 rationem. 461. 2. d.
 Infinitum non dicit aliquid in facto esse, sed
 in fieri. 447. 1. d.
 Angeli superiores immediatè dicuntur illu-
 minari à Deo per nimis perspicax lumen;
 inferiores verò illuminantur à superiori-
 bus. 406. 1. a.
 Illuminare non est propriè, & directè aug-
 mentare lumen, sed potius augere lumi-
 nis operationem. 461. 2. d.
 In intellectu lapidis est considerare actio-
 nem passionem, motum, & tempus. 286.
 1. b.
 E duobus potest aliquid esse ratio intelligen-
 di aliud, quia unum est productivum al-
 terius, vel quia ambo sunt producta à ter-
 tio. 328. 1. b.
 Supposito quod Deus mundum fecisset ab
 æterno & quod fuissent infiniti leones, nõ
 posset Angelus infinitos leones simul cog-
 noscere. 461.
 Nec possunt cognoscere infinita nunc tem-
 poris. 402. 1. a.

L

Locus Angeli qualis naturalis, vel ad
 placitum, & quomodo. 445. 1. d.
 Propter luminis intellectualis paucitatem,
 cui conjunguntur species ad intelligen-
 dum, repræsentantur nobis res modo di-
 viso, aliter accidit in Angelo propter ef-
 ficaciam & luminis claritatem. 396. 1. a.
 Major lumen offuscat minus incorporalibus;
 non sic in spiritualibus. 461. 1. b.
 An ex parte loci ex habere & haberi resul-
 tent duo prædicamenta, sicut ex parte a-
 gentis. 183. 1. b.
 An ex parte loci inveniantur duo prædica-
 menta ubi & situs, & ex parte habitus so-
 lum unum. 184. 1. b.

INDEX

Logica magis est modus sciendi, quam sciencia. 276. 1. b.

Triplex differentia inter lineam permanentem, & motum. 208. 1. a.

Locutio, sive sermo noster potest esse intellectualiter, imaginabiliter, sensibiliter, & etiam passibiliter: & qualis, & quomodo est naturalis, & voluntaria. 443. 1. a.

M

Ratio mensuræ quid indivisibile nominat saltem secundum positionem. 166. 2. d.

Non est eadem mensura esse, & operationis Angelicæ. 231. 2. d.

Ad mensuram successivam non sufficit quælibet prioritas, & posterioritas, sed partis post partem. 233. 1. d.

Quare non mensuratur mensura successiva quod non potest non esse secundum naturæ cursum. 237. 1. d.

Quomodo Sancti Doctores, & Philosophi posuerunt operationes Angelorum mensura successiva mensurari. 241. 1. c.

Qua mensura mensurantur. 246. 1. d. & 249. 2. b. & 211. 1. d.

Aliquid mensurari tempore potest, vel ratione sui, vel alterius, cui subijcitur. 218. 1. d.

Differentia mensuræ mobilis, & mutati esse. 219. 1. d.

Aliquid movet dupliciter, per accidens removendo prohibens, & per partem secundum quatuor totalitates, videlicet, totius quantitativi, totius essentialis, totius potentialis, & totius perfectibilis: & potest aliquid se movere per partem, & quia una pars mota movet aliam. 333. 1. d.

Quomodo intelligendum sit quod omne quod movetur, ab alio movetur. ibid. 1. a.

Duo considerata in motu, ratio movendi, & quod subijcitur motui. 215. 1. a.

In motu verè continuo quælibet pars motus est motus, & quodammodo res. 124. 1. b.

Mobile, motus, mutatum esse, & quies se habent per ordinem. 257. 2. a.

Moveri est de uno in aliud tendere. 261. 1. c.

Motus quomodo est in prædicamento ubi, quomodo in quantitatis, quomodo in actionis, & quomodo in passionis dicatur esse prædicamento. 282. 1. d. & 285. 1. a.

Motus corruptibilis quot modis. 144. 1. a. & b.

Quomodo motus cœli dicitur sempiternus, vel perpetuus. ibidem d. & 179. 2. c.

Motus debet esse uniformis, ut propriè sit mensura aliorum motuum. 147. 1. d.

Tria veniunt considerata in motu. 159. 1. d.

Actio, passio, & motus est eadem res, diversis tamen ordinibus. 160. 1. a.

Indivisibile, quod continuat motum, est mobile; sed non sunt in eodem genere; sicut punctus continuans lineam, est in eodem genere cum ea. 208. 2. a.

Mobile in principio & in fine motus est quasi quid in actu, & terminativum motus; in toto autem motu quasi quid in potentia, & ut continuativum motus. 209. 2. d.

Idem mobile potest inchoare & finire motum; sed unus punctus secundum rem non potest inchoare, & finire lineam. 210. 2. d.

Modus cognoscendi triplex. 394. 2. b. Iuxta triplicem modum essendi in materia assignant aliqui triplicem modum essendi speciei in intellectu Angeli, sed non bene. 432. 2. a.

Mensura est id, per quod cognoscitur quantitas rei. 131. 2. c.

Mensura primò reperitur in quantitate, & prius in discreta, quam in continua: & ex quantitate discreta nomen mensuræ ad alia transfertur. ibidem.

Indivisibile in quantitate habet rationem mensuræ, & divisibile mensurati, ad cuius similitudinem in aliis rebus. 132. 2. b.

Simplex est mensura; & compositum mensuratum. ibid.

Nomen mensuræ transfertur ad omnia entia; quia aliquem modum quantitativum habent: sed aliter mensurat in his, quæ sunt in genere quantitatis, aliter in formis, & aliter in actibus formarum. ibid. & 149. 2. d.

Est mensura secundum quantitatem appositionis, & secundum quantitatem ascensus. ibidem. d.

Alia est mensura in quantitate continua, in discreta, in ponderibus, in sonis, & in formis. 133. 1. d.

Mensura æternorum, sive Angelorum est ævum, sive æternitas participata. 135. 1. c.

Mensuram mediam inter æternitatem & tempus dicimus ævum. 236. 1. b.

Triplex rerum mensura. ibidem. 2. a. & 137. 2. c. & 138. 1. d.

In qualitate inter mensuram & mensuratum est modicū de analogia, in quantitate magis, & multo magis in substantia. 148. 1. a.

Vt aliquid sit mensura alterius, debet facere ad ejus cognitionem simpliciter. 150. 2. d.

In rebus realiter distinctis mensura refertur ad mensuratum secundum rationem; men-

INDEX

furatum verò ad mensuram secundum rem. 163. 2. d.

N

Natura est magis propria causa motus, etsi substantia moveatur mediante quantitate, & quantitas mediante substantia. 217. 1. b.

Natura, quæ dat formam, dat accidentia consequentia formam. 332. 1. b.

Naturalia non habent dominium suarum operationum. 336. 1. c.

Idem potest esse notius se ipso, aliter & aliter acceptum. 163. 2. d.

Ex numeri unitate non desumitur unitas temporis. 140. 2. d. & 141. 1. a.

Numerus motus in tempore secundum prius & posterius magis est accipiendus secundum duo mutata esse includentia unum moveri, quam secundum unum moveri includentia duo mutata esse. 114. 1. a.

Nunc ævi comparatur ad substantiam, ad esse, & ad permanentiam. 201. 2. d.

Nunc quod fluit, & quod manet, est unum & idem secundum rem, non secundum rationem. 201. 1. b.

Nunc ævi est nunc temporis. 207. 1. d.

Nunc temporis indivisibilitatem dicit, tempus verò divisibilitatem. 206. 1. a.

Nunc ævi & nunc temporis non nisi in substantia perpetua fundatur propter tria inconvenientia. 217. 2. b.

Quomodo est realiter idem in Angelo nunc ævi & nunc temporis. 268. 1. a.

Naturæ creatæ non possunt imprimere directe similitudines suas in intellectu, siue materiales, siue immateriales sint; indirecte tamen in nostro & non in Angelico imprimere valent. 311. 1. b.

Novitas intelligentiæ semper arguit imperfectionem & mutabilitatem; sed mutatio non semper debet esse in intellectu, sed sufficit in re. 347.

Natura mediantibus aliquibus accidentibus est principium motus & quietis. 214. 1. c. & 217. 1. b.

Potest aliquid esse naturale in generali, & in speciali ad placitum. 439. 2. b.

O

ORDO situæ non est inter Angelos. 351. 1. b.

Ordo oppositus inter materiales formas sensibiles, & species Angelicas intelligibiles. 435. 1. a.

Ab opinione Philosophorum & Sanctorum deviant negantes species impressas. 319. 2. a.

Talis opinio apparentiam habere non potest in Angelis, etsi aliquam haberet in homine. 321. 1. b.

Opinio Platonis de quidditatibus rerum. 394. 1. c.

Opinio Empedoclis de rerum divisione, & de amicitia. 391. 1. c.

Ordo partium successivarum debet esse aliquo modo permanens, & aliquomodo successivus. 264. 2. c.

Propter ordinem universi & pulchritudinem supremam in infimis, & infima in supremis attinguntur. 353. 2. d.

Cum in universi ordine resplendeat bonitas, & sapientia conditoris, inconveniens minimum pro maximo reputari debet. 354. 1. c.

Objectum principale cognitionis Divinæ est ipsa Divina essentia. 407. 2. b.

Operationes Angeli tempore mensurantur. 250. 1. d.

Operationes Angeli mutationes dici possunt, sed non sicut nostræ. 253. 2. a.

Operatio Angeli nec quies nec motus dicitur proprie. 261. 1. c.

Operatio Angeli dici potest actio, passio, qualitas, mutatio, & instans. 262. 2. d.

Triplex operatio Angeli & quænam sit earum mensura. 263. 1. d.

Operatio Angeli intelligendi & volendi non mensuratur tempore, sed instanti. 269. 1. d.

Ad prædicamentum qualitatis pertinet. 282. 2. d. & 290. 2. a.

Oratio in voce quæ ratione pertinet ad genus quantitatis? 284. 2. a.

Oratio in mente ad prædicamentum qualitatis attinet. ibid. b.

Organum est locus specierum sensibilium, ocululus specierum visibilium, & essentia animæ specierum intelligibilium. 247. 1. a.

P

Prædicamentum nec quædo, nec habitus, neque situs est in Angelis. 178. 2. d.

Triplex ratio propter quam ævum non facit per se prædicamentum, nec reducat ad prædicamentum quando. 185. 2. d.

In Angelis quinque salvari possunt prædicamenta, & quinque demi. 186. 1. b.

Passio, actio, & motus est eadem res, diversis tamen ordinibus. 260. 1. a.

Indivisibile quod continuat lineam est punctus.

I N D E X

Aus, & indivisibile quod continuat mo-
 tum est mobile, sed punctus est in eodem
 genere cum linea; non verò motus cum
 mobili. 208. 2. a.
 Idem punctus secundum rem non potest in-
 choare, & finire lineam. 210. 2. d.
 Idem potest esse prius se ipso, & notius se ipso.
 aliter & aliter acceptum. 163. 1. b.
 Placita Doctorum de prædicamentis. 161.
 2. a.
 Divisio prædicamentorum secundum Philo-
 sophos. 170.
 Quid sit prædicamentum, & quomodo eo-
 rum differentia sit accipienda. 173. 2. d.
 Quodlibet prædicamentum est quidam
 modus essendi principia is, non reductus
 in alium modum formaliter. 174. 1. b.
 Ex diversitate ordinis, & habitudinis pen-
 sanda est diversitas prædicamenti. 174. 2. b.
 Ex re absoluta sumantur tria prædicamenta;
 ex ordine sumitur relatio ex re & ordine
 sumuntur aia sex prædicamenta. 176. 1. a.
 & 177. 2. c. & 180. 2. a.
 In prædicamento ubi continens magis habet
 contentum; in prædicamento habitus è
 converfo. 483. 1. c.
 Res prædicamento-ũ secundum quidditatẽ
 in Divinis in substantiam transeunt; rela-
 tione excepta. 193. 1. a. & b.
 Vnum prædicamentum potest habere mo-
 dum alterius. 197. 1. d.
 Differentia inter passionem, & passibilem
 qualitatem. 289. 1. b.
 Non quia patiens patitur, agens agit, sed è
 converfo. 294. 2. d.
 Quid Plato senserit de rerum factione. 303.
 1. a.
 Per aliquando dicit rationem inclusive,
 aliquando exclusive. 311. 2. c.
 Quia phantasmata non sunt actu intelligibi-
 lia, sed potentia tantum, requiritur intel-
 lectus agens. 354. 2. d. & seq. 1. d.
 Quomodo sit permutata proportio. 373. 1. d.
 Quid dixerunt Platonici de unitate generis in
 rebus abstractis quantum ad esse reale.
 377. 2. a.
 Sic & nos loqui possumus de speciebus in
 esse representativo. 379. 1. b.
 Pluralitas in eadem specie repugnat substan-
 tijs separatis secundum hunc ordinem re-
 rum. 371. 1. a.

Q
Aliud est quando tantum, aliud tempus
 tantum, & aliud tempus & quando.
 446. 1. b.

Quantitas & magnitudo reperitur extensio-
 nis, multiplicationis, perfectionis, & du-
 rationis. 132. 1. b.
 Quæ quantitas mensuratur in continua, in dis-
 creta, in ponderibus, & sonis, & qualis in
 formis. 133. 1. a.
 Quomodo fundatur in loco corruptibili, si-
 cut tempus in motu sempiterno. 145. 1. b.
 Triplex differentia inter tempus & quando.
 ibidem.
 Quomodo se habet quando ad tempus.
 157. 2. d.
 Non est de ratione quanti per se quod per
 se moveatur. 214. 1. c.
 Quare non dicitur quantitas per se moveri,
 cum motus insit substantiæ mediante qua-
 ntitate, sicut dicitur superficies per se colo-
 rari, quia color mediante superficie inest
 corpori. 216. 1. a.
 Qualitas est quantitate dignior, communior,
 formalior, & simplicior secundum Arist.
 276. 1. c.
 Quatuor species qualitatis secundum Phum.
 287. 1. a.
 Quarta qualitatis diffinitio, & in quo ab aliis
 differat. ibid. 12. c.
 Quomodo coincidunt, & quomodo diffe-
 rant species qualitatis. 288. 2. a.
 Quies & motus tempore mesurantur. 257.
 1. c.

DVplex modus faciendi rem præsentem,
 & in genere entis, & in genere re-
 præsentantis. 316. 1. d.
 Quomodo concordatur, quod ratio sit pri-
 mus motor, & quod appetitus sit verè
 dominus. 336. 1. a.
 Quomodo Deo res præsentem sunt. 407. 1. b.
 Quatuor quasi propria relationi, quod ha-
 beat esse debile, quod possit esse secundum
 rationem, quod possit esse in aliquo abs-
 que sui mutatione, & quod ad converten-
 tiam dicantur relativa. 117. 1. c. & 116.
 1. c.
 Relatio secundum re, & secundum dici sem-
 per est in subjecto quod refertur; relatio
 secundum rationem potest esse in alio.
 175. 2. a.
 In relativis est per se convertentia vel rel,
 vel rationis. 177. 1. d.
 Relatio significat ad aliquid, & implicat &
 dat intelligere aliquid, ut subjectum. 177. 2. b.
 Relatio in creatoris fundatur in accidenti,
 non verò in Divinis. 191. 1. c.

INDEX

- Relatio secundum suam quidditatem non dicitur accidens extrinsecum, nec in ordine ad extrinsecum, sicut sex alia predicamenta.** 191. 1. a.
- Quæ relativa sint secundum esse, & quænam secundum dici.** 197. 2. a.
- Regula generalis est, quod relativa secundum esse dicunt ipsum respectum, & relativa secundum dici important rem, cui convenit talis respectus.** 261. 1. c.
- S**
- Signum intelligibile est id, per quod unus Angelus loquitur alteri.** 433. 2. a.
- Omnis scientia acquiritur inveniendū vel addiscendo.** 455. 2. c.
- Et quare facilius secundo, quàm primo modo.** 456. 1. a.
- Angelus superior scire potest quid inferior consideret in generali, non in particulari, & similiter quilibet Angelus de homine.** 317. 2. d.
- Substantia in tribus differt ab aliis novem predicamentis.** 191. 1. d.
- Quinque modis potest aliquid pertinere ad predicamentum substantiæ; directè, per reductionem, per similitudinem vel tanquam habitudo fundata super substantiā vel ut habitudo fundata super id quod reducitur ad substantiam.** 195. 1. a.
- Triplex substantiæ consideratio.** 204. 1. d.
- Maximè proprium substantiæ est per sui mutationem contraria suscipere.** 206. 2. a.
- In quò sunt tria attendenda quòd sit una numero, quòd sit per sui mutationem, & quòd sit per se.** ibidem.
- Et si substantia moveatur mediante quantitate, & quantitas mediante substantia; natura tamen est magis propria causa motus.** 217. 1. b.
- Substantia cæli, ut substernitur suo esse permanenti, est nunc ævi; ut substernitur suo motui fluenti, est nunc temporis.** 218. 2. c.
- Substantia Angeli est radicale & primum subjectum suarum operationum.** 268. 1. a.
- In substantiis eadem est diffinitio, per quam res diffinitur, & collocatur in genere; in actionibus verò vel passionibus non sic.** 185. 2. a.
- Subjici & transmutari principaliter competit substantiæ; etsi accidentibus in quantum sunt organa substantiarum.** 219. 2. d.
- Quid sit locus specierum sensibilium, visibilibus, & intelligibilibus.** 247. 1. a.
- Pluribus speciebus intellectus Angeli informari potest, quæ sint sub esse incompletò.** 254. 1. d.
- Quomodo species sensibilis recepta in sensu est ipsa sensatio.** 494. 1. b. & 2. c.
- Ad quid deserviat species intelligibilis existens in intellectu.** 299. 2. a.
- Sensus detervunt nobis non solum ad necessitatem sed ad scientiam; animalibus verò solum ad necessitatem vitæ dati sunt sensus.** 313. 1. a.
- Species repræsentans essentiam Angeli est formalior, quàm ipsa essentia, ideòque cognoscens essentiam alterius non potest per eam cognoscere speciem.** 313. 2. c. 324. 2. b.
- Species non ponitur propter intellectum, sed propter objecti præsentiam.** 316. 1. a.
- Quòd species impressa informet intellectum quodam modo accidit.** 311. 2. d.
- Species intelligibilis nec est agens principale, nec ratio agendi secundum se, sed ut res præsentativa, & in virtute objecti.** 338. 2. d.
- Species intelligibilis est quid formale, & quid perfectivum essentia.** 363. 1. a.
- Pluribus speciebus intentionalibus informari perfecte non habet repugnantiam secundum se.** 371.
- Species Angelorum sunt quædam similitudines ab ideis Divinis derivatæ.** 380. 1. a.
- Quæ ex parte causæ habent unitatem, & ex parte subjecti diversitatem.** ibidem 2. c.
- Species irradiata puriori & actualiori lumine perfectius repræsentat.** 397. 2. a.
- In specie quantum ad individua est diversitas, sed non propriè inæqualitas.** 401. 1. d.
- Spiritualia non patiuntur nisi ab his, quæ sunt in eis; nec agunt nisi in ea, in quibus existunt, naturaliter loquendo.** 337. 2. d.
- Triplex modus successionis rerum.** 224. 2. b.
- Quomodo in operationibus Angelorum est successio.** 243. 2. d. & 245. 1. d. & 246. 2. b.
- Similitudo substantiæ, etsi non sit in sensu formaliter, est in eo virtualiter.** 313. 2. a.
- Similitudo Angeli ad suas operationes, & cæli ad sua ubi, est cum magna dissimilitudine.** 247. 2. a.
- Situationalis ordo non est inter Angelos sed essentialis.** 311. 1. b.
- Commune est omni sensui, quòd sit susceptivus specierum sine materia.** 321. 2. b.
- Cum unus sensus est multum intensus, retineatur alius à sensibilibus perceptione.** 371. 2. b.
- Sensibile immediatè non potest causare sensationem.** 321. 2. b.
- In rebus creatis est dare statum in ipso, sed**

Sed non in supremo. 382. 1. b.
 Species in Angelo representat naturam & supposita, in quibus est; in nobis verò certificat de natura. 393. 1. d.
 Per eandem speciem intelligit Angelus rectum & obliquum, affirmationem & negationem. 419. 1. a.
 Et sicut per eandem speciem potest in opposita ferri, ita per eandem affectionem possumus ad opposita affici. ibid. 2. b.
 Signum, quod definit Magister, non est signum universaliter sumptum, sed solum signum sensibile. 437. 2. a.
 Sermo est à natura, & ad placitum: à natura in generali, ad placitum in speciali. 439. 2. c.
 Signa locutionis Angelicæ sunt quadrupliciter. 442. 1. c.
 Quomodo in intellectu nostro possit esse similitudo substantiæ, cum nunquam fuerit in sensu. 317. 2. c.

T

Quomodo differant tempus & quando. 146. 1. b.
 Totum habens partes semper ab alio movetur, sed totum quod substantia est indivisibilis, ut Angelus, se movere potest. 333. 1. a.
 Continuatio temporis & motus quare secundum aliquos sit per quantitatem. 212. 1. b.
 An tempus faciat prædicamentum, sicut quædam? 180. 2. c. & 182. 2. d.
 An sumantur duo prædicamenta ex ordine temporis ad rem temporalem? 181. 1. d.
 Tempus est motus numeratus secundum prius & posterius. 154. 2. d. & 157. 1. b.
 Nunc temporis est ipsa substantia primi mobilis prout stat sub aliquo mutato esse. 156. 2. a.
 Quomodo tempus est idem quod motus. ibidem d.
 Tempus materialiter est præter animam, sed formaliter, & complementum habet ab anima, non ita ævum. 157. 2. b.
 Tempus non participat conditiones æternitatis. 234. 1. d.
 Essentialis differentia inter ævum & tempus

est quod hoc mensurat secundum partem ævum verò secundum totum. 235. 1. a.
 Tempus in temporalibus per se & primo mensurat motum; ævum verò in æviteris per se & primo mensurat esse. 237. 2. c.
 Tempus propriè dictum fundatur in motu Cæli. 246. 1. c.
 Equivocè dicitur, sicut & motus de motu Angeli, & Cæli. 251. 1. b.
 Tempus mensurans operationes Angelicas componitur ex instantibus. 270. 1. b.
 Non est in prædicamento quantitatis, sed potius ad qualitatis prædicamentum pertinet. 276. 2. c.
 Tempus nostrum ad prædicamentum quantitatis attinet, & in quatuor differt ab angelico. 277. 2. a.
 Duplex tactus in sensibilibus, quantitativus unus & superficialis, & alius secundum virtutem & in profundo. 429. 2. d.

V

Omnis varietas non solum actualis, sed etiam possibilis in istis inferioribus est à motu supercælesti. 199. 1. c.
 Triplex variabilitas, quæ competit esse accidentis, duplex variabilitas esse substantiæ temporalis, unica esse, æviterorum, & nulla Divino esse, quæ dicuntur secundum existentiam, dispositionem, & possibilitatem. 235. 1. d.
 Vivere & esse in eodem non differunt realiter, sed solum secundum modum intelligendi. 388. 2. b.
 Ex unitate numeri non est desumenda unitas temporis. 140. 2. d.
 Neque ex unitate materiæ. 141. 1. a.
 Unitas temporis ex unitate subjecti, scilicet primi motus accipitur. ibid. 1. b.
 Unitas tripliciter sumi potest. 158. 2. d.
 Universalia quamdam rationem accipiunt ex consideratione intellectus. 280. 1. b.
 Voluntas movet alias potentias ad exercitium suorum actum; intellectus verò voluntatem ostendendo objectum. 290. 1. c.
 Quomodo vox est significativa verbi mentalis, & vocis in imaginatione conceptæ. 444. 2. b.

LAUS DEO.

est p[ro]p[ri]e
Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

Temp[or]is in
Temp[or]is in
Temp[or]is in

xx3

page

Et cum Angelorum distinguitur Veritas a sua natura.

Nunc Veritas scilicet distinguitur a sua natura.

Et cum Angelorum distinguitur

Exx. ^{mo} ~~SV~~ ^{to} ~~to~~
Alpues de Vax, Lepostra
Ju, Manu, de frutos Cavo de la Comp^a
de D^o Felipe de figueiroa Vnadellas
del tercio de D^o Antonio del Castillo =
Y hallandose en forma de Vna piedra
da y aver sers dias que se la dieron y no
hallar Curacion sup^a a Vax, le favo
rerca En una Censencia para irse a curar
adonde hallare Curacion

10

Egidius
Columna
Defensor
D. Thoma



VI

74